



Liburg.
182

4 Tafel



Petrus Gilardus inven.

Caetanus Blancus Sculp. Mediol.

MISSALE

AMBROSIANUM

NOVISSIME

I O S E P H

CARDINALIS

ARCHINTI

ARCHIEPISCOPI

Auctoritate recognitum.




Gaietanus Blancus Sculp.

MEDIOLANI, MDCCXII.

Apud Beniamin, & Fratres de Sirturis, Impressores Archiepiscopales.

CUM PRIVILEGIO.



M I S I E

AMBROSIANUM

NOVISSIME

I O S E P H

CARDINALIS

ARCHIEPISCOPI

ARCHIEPISCOPI

Augustine recognita



MEDIOFANI MDCCXII

Apud Romanam, & Franciae, Imperatores Archiepiscopos
CUM PRIVILEGIO

I O S E P H

MISERATIONE DIVINA

TITULI SANCTÆ PRISCÆ

S. R. E. PRESBYTER CARDINALIS

A R C H I N T U S,

SANCTÆ MEDIOLANENSIS ECCLESIAE ARCHIEPISCOPUS.

Uniuerso Clero suo salutem in Domino.



*Difficillimum est digna mentis cogitatione aestimare pretium sanguinis, & gratiarum, quibus Dominus noster Iesus Christus damnatam Adæ posteritatem vindicauit ab interitu, pœnisque perpetuis; postquam ab illo primæui Parentis crimine ad humanum Genus cœlestium irarum hereditas cum ipsa nascendi conditione peruēnit. Inter cetera tamen Diuina Misericordia dona quibus reuocatam nostrum omnium salutem sanciri voluit, illud ef-
fari vix possumus augustissimum Dominici altaris Opus, in quo idem est Institutor, Minister, & victima. Cum enim incolatus sui clauderet moras, consumptis figuris, quas veteres ceremonia præferebant, præbuit se Deo Patri viuentem Hostiam, perenni, & incruento Mystério immolandam; antequam Sacrum illud semel operaretur in Cruce, quo scelera nostra cruentam oblatum in victimam expiauit. Quò maiori diligentia, ac tremore facientibus ad aras cauendum est, ut quacunque hoc omnium sanctissimum Sacrificium circūstant, summo animorum nitori elegantia, cultuque respondeant. Qua de causa Sanctus Carolus in Concilio Prouinciali primo, alijsque Actorum Mediolanensis Ecclesiæ locis, cum ceterum altaris apparatus, tum etiam Operis Missalis necessitatem, usum, ornatumque, diligentissimè singula prosequendo, indicauit. Cum verò ab ultima Librorum Missalium typographia non modicum tempus effluerit; pro pastoralis, qua tenemur, sollicitudine, Nobis iure timendum occurrit, ne quibus usu laceris, & vetustate semēsis, aut fatiscēte compage vix hærentibus tanta rei maiestas offendatur. Quid igitur huic nostræ Sanctæ Mediolanensi Ecclesiæ debeamus, seriò reputantes, Codicem hunc Missalem, per selectos, & idoneos viros emendatum ad purum nouissimi alterius exemplar; recentibus typis, & paulo insigniori caractere impressum Vobis exhibemus. Vtini, qua decet, pietate, & innocentia; Nosque ipsos apud Omnipotentem Deum, peragentibus vobis rem diuinam, habete commendatos; & Valete.*

INDEX ALPHABETICVS SANCTORUM.

In hoc Missali Ambrosiano celebratorum.



Bdon, & Sennen Martt. 30. Iulij.
Ægidij Abbat., & Conf. Sacerd. 1. Sept.
Agathæ Virg. & Mart. 5. Februarij.
Agnetis Virg. & Mart. 21. Ianuarij.
Alexandri Martyr. 26. Augusti.
Ampellij Episc. Mediol. 8. Iulij.
Ambrosij Episc. Mediol. & Doct. Baptismus 30. Nouemb.
Ordinatio, 6. & 7. Decembris.
Natalis.
Anatoloni Episc. Mediol. 25. Septembris.
Andræ Apostoli, 29. & 30. Nouembris.
Angelorum Custodum, 2. Octobris.
Aniceti Papæ, & Mart. 17. Aprilis.
Annæ Matris B. V. M. 26. Iulij.
Antonij Abbat., 17. Ianuarij.
Antonij de Padua Conf. & Sacerd. 13. Iunij.
Antonini Episc. Mediol. 29. Octobris.
Antonini Martyr. 13. Nouembris.
Apollinaris Episc. & Mart. 23. Iulij.
Apolloniæ Virg. & Mart. 9. Februarij.
Aquilini Presbyteri, & Martyr. 29. Ianuarij.
Athanasij Episc. Conf. & Doct. 2. Maij.
Augustini Episc. Conf. & Doct. 28. Augusti.
Aurelij Episc. & Conf. 9. Nouembris.
Auxani Episc. Mediol. 3. Septembris.

B Abylæ, & trium Puerorum Martt. 24. Ianuarij.
Barbaræ Virg. & Mart. 4. Decembris.
Barnabæ Apostoli, & Episc. Mediol. 11. Iunij.
Bartholomæi Apostoli, 23. & 24. Augusti.
Basilij Episc. Conf. & Doct. 14. Iunij.
Bassiani Episc. & Conf. 19. Ianuarij.
Benedicti Abbat., 11. Iulij.
Benedicti Episc. Mediol. 6. Septembris.
Benigni Episc. Mediol. 20. Nouembris.
Bernardi Abb. & Conf. Sacerd. 20. Augusti.
Bernardini Conf. Sacerd. 20. Maij.
Birgittæ Matronæ, 7. Octobris.
Blasij Episcopi, & Mart. 3. Februarij.
Bonauenturæ Pontif. Conf. & Doct. 14. Iulij.
Brunonis Conf. & Sacerd. 6. Octobris.

C Eciliæ Virg. & Mart. 22. Nouembris.
Caij Episcopi Mediol. 27. Septembris.
Caietani Conf. Sacerd. 8. Augusti.
Calimerij Episc. Mediol. & Mart. 31. Iulij.
Calixti Papæ, & Mart. 14. Octobris.
Cantij, Cantiani, & Cantianillæ Martt. 31. Maij.
Caroli Episc. Mediol. 4. Nouembris.
Casimiri Regis, & Confess. 10. Octobris.
Castritiani Episc. Mediol. 1. Decembris.
Catharinæ Virg. & Mart. 25. Nouembris.
Catharinæ Senensis Virginis, 30. Aprilis.
Christinæ Virg. & Mart. 24. Iulij.
Christophoria, siue Reditus Christi ex Ægypto, 7. Ianuarij.
Christophori Mart. 25. Iulij.
Chrysanti, & Dariz Mart. 25. Octobris.
Claræ Virg. 12. Augusti.
Clementis Papæ, & Mart. 23. Nouembris.
Clicerij Episc. Mediol. 20. Septembris.
Conuersio S. Pauli Apostoli, 25. Ianuarij.
Conuersio S. Augustini Episc. Conf. & Doct. 5. Maij.
Cornelij Papæ, & Cypriani Episc. Martt. 12. Septembris.
Cosmæ, & Damiani Martt. 22. Octobris.
Crucis Sanctæ Inuentio, 3. Maij.
Exaltatio 14. Septembris.
Cypriani, & Iustinae Martt. 26. Septembris.
Cyriaci, Largi, & Smaragdi Martt. 8. Augusti.

D Almatij Mart. & Pontif. 5. Decembris.
Datij Episc. Mediol. 14. Ianuarij.

pag. 360

386

301

288

382

344

269

273. & 275

173

404

268. & 269

407

305

355

284

328

418

260

351

304

295

313

384

424

386

291

273

327

380. & 380

329

286

344

387

262

378

320

410

300

347

410

264

404

369

361

412

325

421

410

272

267

311

353

44

353

416

373

265

401

293

315

394

414

313

395

404

369

273

284

Desiderij Episc. & Mart. 23. Maij.

Dionysij Episc. Mediol. 25. Maij.

Dionysij, Rustici, Eleutherij, & Domnini Martt. 9. Octobris.

Dominici Conf. Sacerd. 4. Augusti.

Donati Episc. & Carpophori Martt. 7. Augusti.

Dorotheæ Virg. & Mart. 6. Februarij.

E Merentianæ Virg. & Mart. 23. Ianuarij.

Euaresti Papæ, & Mart. 26. Octobris.

Eugenij Episc. & Conf. 30. Decembris.

Euphemie Virg. & Mart. 16. Septembris.

Eusebij Episc. Mediol. 12. Augusti.

Eusebij Episc. & Mart. 17. Augusti.

Eustorgij Primi, Episc. Mediol. 18. Septembris.

Eustorgij, Secundi, Episc. Mediol. 6. Iunij.

F Elieis, & Adanti Martt. 30. Augusti.

Feliceis, & Fortunati Martt. 14. Maij.

Faustini, & Iouitæ Martt. 4. Ianuarij.

Febronie Virg. & Mart. 25. Iunij.

Fidelis Mart. 28. Octobris.

Firmi, & Rustici Martt. 9. Augusti.

Francisci Conf. 4. Octobris.

Francisci de Paula Conf. 6. Maij.

Francisci Xauerij Conf. Sacerd. 2. Decembris.

Francisci Salesij Episc. & Conf. 16. Februarij.

Francisci Borgiæ Sacerd. Conf. 3. Octobris.

Franciscæ Romanæ Matronæ, 27. Aprilis.

G Aldini Episc. Mediol. 18. Aprilis.

Galli Abb. Conf. & Sacerd. 16. Octobris.

Gaudentij Episc. & Conf. 3. Augusti.

Genesij Martyris, 27. Augusti.

Georgij Martyris, 24. Aprilis.

Geruntij Episc. Mediol. 5. Maij.

Gothardi Episc. & Conf. 4. Maij.

Gratiani, & Felini Martyrum, 1. Iunij.

Gregorij Nazianzeni Episc. Conf. & Doct. 9. Maij.

Gregorij Papæ Conf. & Doct. 4. Septembris.

H Adriani Mart. 7. Septembris.

Henrici Conf. 15. Iulij.

Hermenegildi Regis, & Mart. 13. Aprilis.

Hieronymi Presb. Conf. & Doct. 30. Septembris.

Hilarij Episc. & Conf. 13. Februarij.

Hippolyti Mart. 13. Augusti.

Honorati Episc. Mediol. 8. Februarij.

Hyacinthi Conf. & Sacerd. 19. Augusti.

I Acobi Apostoli, 24. & 25. Iulij.

Ianuarij, & Sociorum Martt. 19. Septembris.

Iesu Christi, Domini Nostri Incarnatio, 25. Martij.

Natiuitas, 24. & 25. Decembris.

Circuncisio, 1. Ianuarij.

Epiphania, 5. & 6. Ianuarij.

Reditus ex Ægypto, 7. Ianuarij.

Transfiguratio, 6. Augusti.

Resurrectio.

Ascensio.

Ignatij Episc. & Mart. 1. Februarij.

Ignatij Sacerd. & Conf. 2. Augusti.

Innocentum Martt. 28. Decembris.

Inuentio S. Stephani Protomart. 3. Augusti.

Ioachim Conf. & Patris B. V. M. 9. Septembris.

Ioannis Apost. & Euang. 27. Decembris.

Ioannis Baptistæ Natiuitas, 23. & 24. Iunij.

Decollatio, 29. Augusti.

Ioannis Boni Episc. Mediol. 13. Februarij.

Ioannis Chrysostomi Episc. Conf. & Doct. 27. Ianuarij.

Ioannis, & Pauli Martyrum, 26. Iunij.

Ioannis Gualberti Conf. 12. Iulij.

310

310

410

364

368

302

291

416

33

397

373

377

400

326

386

319

283

337

417

369

409

315

272

304

408

309

303

412

363

383

306

315

315

326

318

386

387

347

305

406

304

373

304

378

353. & 353

400

13

17. & 19

37

40. & 42

44

366

161. & 162

189. & 191

298

363

29

363

390

26

334. & 335

385

304

295

337

345

345

345

345

345

345

345

345

345

345

345

Ioseph Conf. & Sponsi B. M. V. 12. Decembris.
Iuliani Martyris, 21. Iunij.
Iulij Presbyteri, & Conf. 31. Ianuarij.

L Aurentij Mart. 9. & 10. Augusti.
Lazari Episc. Mediol. 12. Februarij.
Leonis Papæ, & Conf. 11. Aprilis.
Leonardi Leuitæ, & Conf. 6. Nouembris.
Lini Papæ, & Mart. 23. Septembris.
Lucæ Euangelistæ, 18. Octobris.
Lucæ Virg. & Mart. 13. Decembris.
Ludouici Regis, & Conf. 25. Augusti.

M Achabzorum Martt. 1. Augusti.
Magni Episc. Mediol. 5. Nouembris.
Mammetis, & Agapiti Martt. 18. Augusti.
Manfueti Episc. Mediol. 2. Septembris.
Marcelli Papæ, & Mart. 16. Ianuarij.
Marcellinæ Virg. 17. Iulij.
Marci Euangelistæ, 25. Aprilis.
Marci, & Marcelliani Martt. 17. Iunij.
Margaritæ Virginis, & Martyris, 5. Iulij.
Mariæ Magdalene, 22. Iulij.
Mariæ de Monte Carmelo, 19. Iulij.
Mariæ Nomen, 11. Septembris.
Mariæ Virginis Conceptio, 8. Decembris.
Natiuitas, 7. & 8. Septembris.
Præsentatio, 21. Nouembris.
Annunciatio, 25. Martij.
Visitatio, 2. Iulij.
Purificatio, 2. Februarij.
Assumptio, 14. & 15. Augusti.
Dedicatio ad Nives, 5. Augusti.
Marini Martyris, 3. Ianuarij.
Maroli Episc. Mediol. 23. Aprilis.
Marthæ Virginis, 29. Iulij.
Martini Episc. & Conf. 10. & 11. Nouembris.
Martiniani Episc. Mediol. 2. Ianuarij.
Materni Episc. Mediol. 18. Iulij.
Matroniani Eremitæ, 14. Decembris.
Matthæi Apostoli, & Euangelistæ, 21. Septembris.
Matthæi Apostoli, 6. & 7. Februarij.
Maurilij Episc. & Conf. 13. Septembris.
Mauritij, & Sociorum Mart. 22. Septembris.
Melchiadis Papæ, & Mart. 10. Decembris.
Michaelis Archangeli, 29. Septembris.
Modesti, & Crescentiæ Mart. 15. Iunij.
Monæ Episc. Mediol. 12. Octobris.
Myroclis Episc. Mediol. 3. Decembris.

N Aboris, & Felicii Martyrum, 22. Iulij.
Natalis Episc. Mediol. 13. Maij.
Nazarij, & Celsi Martt. 27. & 28. Iulij.
Nazarij eiusdem Mart. translatio, 10. Maij.
Nicolai de Tolentino Sacerd. Conf. 10. Septembris.
Nicomedis Presbyt. & Mart. 15. Septembris.
Norberti Episc. & Conf. 7. Iunij.

P Ancretij Mart. 12. Maij.
Pauli Apost. Conuersio, 25. Ianuarij.
Pauli Conf. primi Eremitæ, 15. Ianuarij.
Paulini Episc. & Conf. 22. Iunij.
Pelagiæ Virg. & Mart. 8. Octobris.
Petri, & Pauli Apostolorum, 28. & 29. Iunij.
Petri de Alcantara Sacerd. & Conf. 19. Octobris.
Perpetuæ Matronæ, 4. Augusti.
Petri Apost. Cathedra Antiochiæ, 4. Februarij.
Cathedra Romæ, 18. Ianuarij.
Petri, & Marcellini Martyrum, 2. Iunij.

279
333
297

369 & 372

304
305
423
404
413
280
281

361

423

377

386

284

348

307

330

344

349

349

392

276

337 & 388

262

13

342

298

374 & 375

365

282

306

359

257 & 258

282

348

281

401 & 401

302 & 302

395

402

279

404

329

411

272

345

319

356 & 358

318

391

397

326

319

293

284

334

410

338 & 340

414

364

300

285

326

Petri Sacerd. & Mart. Ord. Prædic. 29. Aprilis.
Petronillæ Virg. 31. Maij.
Philippi, & Iacobi Apostolorum, 1. Maij.
Placidi, & Sociorum Mart. 5. Octobris.
Polycarpi Episc. & Mart. 26. Ianuarij.
Pontiani Papæ, & Mart. 19. Nouembris.
Prædixis Virginitis, 22. Iulij.
Primi, & Feliciani Mart. 9. Iunij.
Protasij, & Geruasij Mart. 18. & 19. Iunij.
Protasij Episc. Mediol. 24. Nouembris.
Prothi, & Hyacinthi Mart. 11. Septembris.
Philippi Nerij Conf. Sacerd. 26. Maij.

318
328
311
410
295
262
349
346
330 & 332
267
392
322

Q Uadraginta Martyrum, 15. Februarij.
Quatuor Coronatorum Martt. 8. Nouembris.
Quirici, & Iulittæ Martyrum, 16. Iulij.
Quirini Episc. & Mart. 4. Iunij.

304
424
347
326

R Adegundæ Reginæ, ac Matronæ, 11. Augusti.
Remigij Episc. & Conf. 1. Octobris.
Romani Martyris, 28. Nouembris.
Romualdi Abbatis, Conf. Sacerd. 11. Februarij.

372
406
260
304

S Anctorum Omnium, 31. Octob. & 1. Nouemb.
Saturnini Martyris, 30. Octobris.

419 & 420

Satyri Confessoris, 17. Septembris.

418

Sauinæ Matronæ, 30. Ianuarij.

399

Sebastiani Mart. 19. & 20. Ianuarij.

297

Senatoris Episc. Mediol. 28. Maij.

287

Septem Fratrum Martyrum, 10. Iulij.

343

Seueri Episc. & Conf. 1. Februarij.

344

Sigismundi Regis, & Mart. 1. Maij.

298

Simonis, & Iudæ Apostolorum, 27. & 28. Octobris.

416 & 417

Simpliciani Episc. Mediol. 16. Augusti.

377

Sisinij, Martyrij, & Alexandri Mart. 29. Maij.

323

Solutoris, & Sociorum Mart. 20. Ianuarij.

287

Soteris, & Caij Pontif. Mart. 22. Aprilis.

306

Soteris Virg. & Mart. 10. Februarij.

304

Stanislai Mart. & Pontif. 7. Maij.

316

Stephani Protomart. 26. Decembris.

24

Inuentio, 3. Augusti.

363

Stephani Papæ, & Mart. 2. Augusti.

363

Syluestri Papæ, & Conf. 31. Decembris.

35

Syri Episc. & Conf. 9. Decembris.

278

T heclæ Virg. & Mart. 24. Septembris.

404

Thomæ Apostoli, 21. Decembris.

281

Thomæ Aquinatis Conf. Sacerd. & Doct. 28. Ianuarij.

295

Thomæ Cantuar. Episc. & Mart. 29. Decembris.

31

Tibartij, Valeriani, & Maximi Mart. 14. Aprilis.

305

Timothei, & Sociorum Martt. 22. Augusti.

380

Tranquillini Martyris, 6. Iulij.

344

Transfiguratio D. N. I. C. 6. Augusti.

366

Teresiæ Virginis, 15. Octobris.

412

U enerij Episc. Mediol. 4. Maij.

315

Victoris Mart. 8. Maij.

316

Vincentij Leuitæ, & Mart. 22. Ianuarij.

290

Vitalis, & Agricolæ Mart. 7. Nouembris.

423

Vitalis, & Valeriz Martt. 28. Aprilis.

309

Viti Mart. 15. Iunij.

329

Ulderici Episc. & Conf. 4. Iulij.

344

Ursulæ, & Sociarum Virgg. & Martt. 21. Octobris.

414

X ysti Papæ, & Mart. 6. Augusti.

366

Z enonis Episc. & Mart. 2. Decembris.

276

IANVARIVS

Habet dies xxxi.

Cycl. Epac.	A	Kal.		
	A	Kal.	1	Circuncisio, & Oct. Natiu. Do- mini Solemn. Domini. 37
xxix	b	iv	2	S. Martiniani Episc. Mediolani, solemne. 282
xxviii	c	iii	3	S. Marini Martyris. 282
xxvii	d	Prid.	4	SS. Faustini, & Iouitæ Martt. 283
xxvi	e	Non.	5	Vigil Epiphaniæ de hortatu. 40
25. xxv	f	viii	6	Epiphania Domini. Solem. Domini. 41
xxiv	g	vii	7	Christophoria, siue Reditus Christi ex Ægypto. Solem. Domini. 44
xxiii	A	vi	8	
xxii	b	v	9	
xxi	c	iv	10	
xx	d	iii	11	
xxix	e	Prid.	12	
xxviii	f	Idib.	13	
xxvii	g	xix	14	S. Datij Episc. Mediol. solem. 284
xxvi	A	xviii	15	S. Pauli primi Eremitæ. 284
xxv	b	xvii	16	S. Marcelli Papæ, & Mart. 284
xxiv	c	xvi	17	S. Antonij Abbatis, solemne. 284
xxiii	d	xv	18	Cathedra S. Petri Romæ, fol. 285
xxii	e	xiv	19	S. Bassiani Episc. & Conf. 286
xxi	f	xiii	20	S. Sebastiani Mart. solem. cum Commem. SS. Solutoris, & Sociorum Martt. 287
xx	g	xii	21	S. Agnetis Virg. & Mart. fol. 288
xxix	A	xi	22	S. Vincentij Leuit. & Mart. fol. 290
xxviii	b	x	23	S. Emerentianæ Virg. & Mart. 291
xxvii	c	ix	24	SS. Babylæ, & trium Puero- rum Martt. solem. 291
xxvi	d	viii	25	Conuersio S. Pauli Apostoli, solemne. 293
xxv	e	vii	26	S. Polycarpi Episc. & Mart. 295
xxiv	f	vi	27	S. Ioannis Chrysostomi Episc. Conf. & Doct. solem. 295
xxiii	g	v	28	S. Thomæ Aquinatis Confess. Sac. & Doct. solem. 295
xxii	A	iv	29	S. Aquilini Presbyteri, & Mart. solem. cum Commem. S. Pe- tri Nolascei Conf. Sacerd. 295
xxi	b	iii	30	S. Sauinæ Matronæ. 297
xx	c	Prid.	31	S. Iulij Presbyteri, & Confess. 297

Ortus Solis.	Meridies.	Init. Crep. Mat.
Die 1. H. 15. M. 22.	H. 19. M. 41.	H. 13. M. 31.
11. H. 15. M. 9.	H. 19. M. 35.	H. 13. M. 19.
21. H. 14. M. 50.	H. 19. M. 25.	H. 13. M. 1.



FEBRVARIVS

Habet dies xxviii.

Cycl. Epac.	d	Kal.		
xxix	d	Kal.	1	S. Ignatij Episc. & Mart. cum Commem. S. Seueri Episc. & Conf. 298
xxviii	e	iv	2	Purificatio B. Mariæ Virg. So- lemnitas Domini. 298
xxvii	f	iii	3	S. Blasij Episc. & Mart. 300
xxvi	g	Prid.	4	Cathedra S. Petri Antiochiæ, solemne. 300
25. xxv	A	Non.	5	S. Agathæ Virg. & Mart. fol. 301
xxiv	b	viii	6	S. Dorotheæ Virg. & Mart. Vigilia. 302
xxiii	c	vii	7	S. Matthiæ Apost. solem. 302
xxii	d	vi	8	S. Honorati Episc. Mediol. fol. 304
xxi	e	v	9	S. Apolloniæ Virg. & Mart. fol. 304
xxix	f	iv	10	S. Soteris Virg. & Mart. solem. 304
xxviii	g	iii	11	S. Romualdi Conf. Sacerd. & Abb. solem. 304
xxvii	A	Prid.	12	S. Lazari Episc. Mediol. solem. 304
xxvi	b	Idib.	13	S. Ioannis Boni Episc. Mediol. solemne. 304
xxv	c	xvi	14	S. Hilarij Episc. & Conf. 304
xxiv	d	xv	15	SS. Quadraginta Martyrum. 304
xxiii	e	xiv	16	S. Francisci Salesij Episcop. & Conf. 304
xxii	f	xiii	17	
xxi	g	xii	18	
xx	A	xi	19	
xxix	b	x	20	
xxviii	c	ix	21	
xxvii	d	viii	22	
xxvi	e	vii	23	
xxv	f	vi	24	
xxiv	g	v	25	
xxiii	A	iv	26	
xxii	b	iii	27	
xxi	c	Prid.	28	

Anno Bissextili additur vnus dies,
& fit dierum 29. & tunc bis di-
citur Sexto Kalendas, hoc est 24.
& 25. die: & sic Litera Domi-
nicalis mutatur.

Ortus Solis.	Meridies.	Init. Crep. Mat.
Die 1. H. 14. M. 23.	H. 19. M. 12.	H. 12. M. 37.
11. H. 13. M. 58.	H. 18. M. 59.	H. 12. M. 13.
21. H. 13. M. 26.	H. 18. M. 43.	H. 11. M. 43.



MAR-

MARTIVS.

Habet dies xxxi.

Cycl.	Epac.	d	Kal.	1
xxix	e	vi		2
xxviii	f	v		3
xxvii	g	iv		4
xxvi	A	iii		5
xxv	b	Prid.		6
xxiv	c	Non.		7
xxiii	d	viii		8
xxii	e	vii		9
xxi	f	vi		10
xx	g	v		11
xix	A	iv		12
xviii	b	iii		13
xvii	c	Prid.		14
xvi	d	Idib.		15
xv	e	xvii		16
xiv	f	xvi		17
xiii	g	xv		18
xii	A	xiv		19
xi	b	xiii		20
x	c	xii		21
ix	d	xi		22
viii	e	x		23
vii	f	ix		24
vi	g	viii		25
v	A	vii		26
iv	b	vi		27
iii	c	v		28
ii	d	iv		29
i	e	iii		30
	f	Prid.		31

S. Ioseph Conf. & Sponsi B. M. U.

Annunciatio Beatæ Mariæ Virg.

Ortus Solis.	Meridies.	Init. Crep. Mat.
Die 1. H. 13. M. 2.	H. 18. M. 31.	H. 11. M. 19.
11. H. 12. M. 30.	H. 18. M. 15.	H. 10. M. 49.
21. H. 12. M. 0.	H. 18. M. 0.	H. 10. M. 16.



APRILIS

Habet dies xxx.

Cycl.	Epac.	g	Kal.	1
xxix	g	iv		2
xxviii	A	iii		3
xxvii	b	Prid.		4
xxvi	c	Non.		5
xxv	d	viii		6
xxiv	e	vii		7
xxiii	f	vi		8
xxii	g	v		9
xxi	A	iv		10
xx	b	iii		11
xix	c	Prid.		12
xviii	d	Idib.		13
xvii	e	xviii		14
xvi	f	xvii		15
xv	g	xvi		16
xiv	A	xv		17
xiii	b	xiv		18
xii	c	xiii		19
xi	d	xii		20
x	e	xi		21
ix	f	x		22
viii	g	ix		23
vii	A	viii		24
vi	b	vii		25
v	c	vi		26
iv	d	v		27
iii	e	iv		28
ii	f	iii		29
i	g	Prid.		30
	A	Idib.		31

11	S. Leonis Papæ, & Conf.	305
12	S. Hermenegildi Regis, & Mart.	
13	Idib. Solemne.	
14	SS. Tiburtij, Valeriani, & Maximiani Martt.	305
15		305
16		
17	S. Aniceti Papæ, Mart.	305
18	S. Galdini Episc. Mediol. Solemne.	305
19		
20		
21		
22	SS. Soteris, & Caij Pontif. & Martt.	306
23	S. Maroli Episc. Mediol. Solemne.	306
24	S. Georgij Martyris, Solemne.	306
25	S. Marci Euangelistæ, Solemne.	307
26		
27	S. Franciscæ Romanæ Matronæ, Solemne.	309
28	SS. Vitalis, & Valeriæ Martt.	309
29	S. Petri Sacerd. & Mart. Ord. Prædic. Solemne.	311
30	S. Catharinæ Schenlis Virg. Solemne.	311

Ortus Solis.	Meridies.	Init. Crep. Mat.
Die 1. H. 11. M. 24.	H. 17. M. 42.	H. 9. M. 37.
11. H. 10. M. 52.	H. 17. M. 27.	H. 9. M. 3.
21. H. 10. M. 23.	H. 17. M. 12.	H. 8. M. 27.



MAIVS

Habet dies xxxi.

Cycl.	Epac.	Kal.		
xxviii	b	Kal.	1	SS. Philippi, & Iacobi Apost. solemne; cum Commem. S. Sigismundi Regis, & Martyr. 311
xxvii	c	vi	2	S. Athanasij Episc. Conf. & Doct. solemne. 313
xxvi	d	v	3	Inuentio S. Crucis. Solemnitas Domini. 313
xxv	e	iv	4	S. Venerij Episc. Mediol. solemne. cum Comm. S. Gothardi Episc. & Conf. 315
xxiv	f	iii	5	S. Geruntij Episc. Mediol. solemne. cum Comm. Conuersionis S. Augustini Episc. Conf. & Doct. 315
xxiii	g	Prid.	6	S. Francisci de Paula Conf. solemne. 315
xxii	A	Non.	7	S. Stanislai Mart. & Pont. solemne. 316
xxi	b	viii	8	S. Victoris Mart. solemne. 316
xx	c	vii	9	S. Gregorij Nazianzeni Episc. Conf. & Doct. solemne. 318
xix	d	vi	10	Translatio S. Nazarij Mart. 318
xviii	e	v	11	
xvii	f	iv	12	S. Pancratij Martyris 319
xvi	g	iii	13	S. Natalis Episc. Mediol. solemne. 319
xv	A	Prid.	14	SS. Felicis, & Fortunati Martt. 319
xiv	b	Idib.	15	
xiii	c	xviii	16	
xii	d	xvi	17	
xi	e	xv	18	
x	f	xiv	19	
ix	g	xiii	20	S. Bernardini Conf. Sacerd. 320
viii	A	xii	21	
vii	b	xi	22	
vi	c	x	23	S. Desiderij Episc. & Mart. 320
v	d	ix	24	
iv	e	viii	25	S. Dionysij Episc. Mediol. solemne. 320
iii	f	vii	26	S. Philippi Nerij Conf. Sacerd. solemne. 322
ii	g	vi	27	
i	A	v	28	S. Senatoris Episc. Mediol. solemne. 323
	b	iv	29	SS. Sisini, Martyrij, & Alexandri Martt. 323
xxix	c	iii	30	
xxviii	d	Prid.	31	SS. Cantij &c. Martt. cum Commem. S. Petronillæ Virg. 325

Ortus Solis.	Meridies.	Init. Crep. Mat.
Die 1. H. 10. M. 56.	H. 16. M. 58.	H. 7. M. 53.
11. H. 9. M. 30.	H. 16. M. 45.	H. 7. M. 20.
21. H. 9. M. 7.	H. 16. M. 34.	H. 6. M. 48.

IVNIVS

Habet dies xxx.

Cycl.	Epac.	Kal.		
xxvi	e	Kal.	1	SS. Gratiani, & Felini, Martt. 326
xxv	f	iv	2	SS. Petri, & Marcellini, Martyrum. 326
xxiv	g	iii	3	
xxiii	A	Prid.	4	S. Quirini Episc. & Mart. 326
xxii	b	Non.	5	
xxi	c	viii	6	S. Eustorgij secundi Episc. Mediol. solemne. 326
xx	d	vii	7	S. Norberti Episc. & Confess. solemne. 326
xix	e	vi	8	
xviii	f	v	9	SS. Primi, & Feliciani Martt. 326
xvii	g	iv	10	
xvi	A	iii	11	S. Barnabæ Apostoli, & Episc. Primi Mediol. solemne. 327
xv	b	Prid.	12	
xiv	c	Idib.	13	S. Antonij de Padua Conf. Sacerd. solemne. 328
xiii	d	xviii	14	S. Basilij Episc. Conf. & Doct. solemne. 329
xii	e	xvii	15	S. Viti Mart. cum Commem. SS. Modesti, & Crescentiæ Martyrum. 329
xi	f	xvi	16	
x	g	xv	17	SS. Marci, & Marcelliani Martyrum. 330
ix	A	xiv	18	Vigilia de hortatu. 330
viii	b	xiii	19	SS. Protasij, & Gervasij Martyrum, solemne. 332
vii	c	xii	20	
vi	d	xi	21	S. Iuliani Martyris. 333
v	e	x	22	S. Paulini Episc. & Confess. 334
iv	f	ix	23	Vigilia. 334
iii	g	viii	24	Natiuitas S. Ioannis Baptistæ, solemne. 335
ii	A	vii	25	S. Febronix Virg. & Mart. 337
i	b	vi	26	SS. Ioannis, & Pauli Martyrum. 337
	c	v	27	
xxix	d	iv	28	Vigilia. 338
xxviii	e	iii	29	SS. Petri, & Pauli Apostolorum, solemne. 340
xxvii	f	Prid.	30	

Ortus Solis.	Meridies.	Init. Crep. Mat.
Die 1. H. 8. M. 49.	H. 16. M. 25.	H. 6. M. 20.
11. H. 8. M. 38.	H. 16. M. 19.	H. 6. M. 1.
21. H. 8. M. 34.	H. 16. M. 17.	H. 5. M. 54.

I V L I V S

Habet dies xxxi.

Cycl.	Epac.	Kal.		
xxvi	g	Kal.	1	
xxv	A	vi	2	Visitationis B. V. Mariæ. So- lemnitatis Domini. 342
xxiv	b	v	3	
xxiii	c	iv	4	S. Vlderici Episc. & Conf. 344
xxii	d	iii	5	S. Margaritæ Virginis, & Mar- tyris. 344
xxi	e	Prid.	6	S. Tranquillini Martyris. 344
xx	f	Non.	7	
xix	g	viii	8	S. Ampellij Episc. Mediol. so- lemne. 344
xviii	A	vii	9	
xvii	b	vi	10	SS. Septem Fratrum Martyr. 344
xvi	c	v	11	S. Benedicti Abbatis, solem. 344
xv	d	iv	12	SS. Naboris, & Felicis Martt. solemne. cum Commem. 345
xiv	e	iii	13	S. Ioannis Gualberti Conf. 345
xiii	f	Prid.	14	S. Bonaventuræ Pontif. Conf. & Doct. solemne. 347
xii	g	Idib.	15	S. Henrici Imperator. & Conf. solemne. 347
xi	A	xvii	16	SS. Quirici, & Iulittæ Martt. 347
x	b	xvi	17	S. Marcellinæ Virginis, solem. 348
ix	c	xv	18	S. Materni Episc. Mediol. sol. 348
viii	d	xiv	19	B. M. V. de Monte Carmelo, solemne. 349
vii	e	xiii	20	
vi	f	xii	21	S. Praxedis Virginis. 349
v	g	xi	22	S. Mariæ Magdalenæ, solem. 349
iv	A	x	23	S. Apollinaris Episc. & Mart. solemne. 351
iii	b	ix	24	S. Christinæ Virg. & Martyr. Vigilia. 353
ii	c	viii	25	S. Iacobi Apostoli solemne, cum Commem. S. Christo- phori Martt. 353
i	d	vii	26	S. Annæ Matris B. V. Mariæ, solemne. 355
	e	vi	27	Vigilia de hortatu. 356
	f	v	28	SS. Nazarij, & Celsi Martyr. solemne. 358
	g	iv	29	S. Marthæ Virginis. 359
	A	iii	30	SS. Abdon, & Sennen Marty- rum. 360
	b	Prid.	31	S. Calimerij Episc. Mediol. & Martt. solemne. 361

Ortus Solis.	Meridies.	Init. Crep. Mat.
Die 1. H. 8. M. 37.	H. 16. M. 18.	H. 5. M. 59.
11. H. 8. M. 46.	H. 16. M. 23.	H. 6. M. 15.
21. H. 9. M. 3.	H. 16. M. 32.	H. 6. M. 40.

† † †
† †

A V G V S T V S

Habet dies xxxi.

Cycl.	Epac.	Kal.		
xxiv	c	Kal.	1	SS. Machabæorum Martt. 361
xxiii	d	iv	2	S. Ignatij Conf. Sacerd. solem. cum Commem. S. Stephani Papæ, & Mart. 363
xxv. xxii	e	iii	3	Inuent. S. Stephani Protomart. cum Commem. S. Gauden- tij Episc. 363
xxi	f	Prid.	4	S. Dominici Conf. Sac. solem. cum Comm. S. Perpetuæ M. 364
xx	g	Non.	5	Dedicatio S. Mariæ ad Nives, solemne. 365
xix	A	viii	6	Transfiguratio Domini. So- lemnitatis Domini. cum Comm. 366
xviii	b	vii	7	S. Xysti Papæ, & Mart. 366
xvii	c	vi	8	SS. Donati Episcop. & Carpo- phori Martt. 368
xvi	d	v	9	S. Caletani Conf. Sac. sol. cum Comm. SS. Cyriaci, Largi, & Smaragdi Martt. 369
xv	e	iv	10	S. Firmi, & Rustici Martyr. Vigilia. 369
xiv	f	iii	11	S. Laurentij Martt. solemne. 371
xiii	g	Prid.	12	S. Radegundæ Reginæ, ac Ma- tronæ. 372
xii	A	Idib.	13	S. Eusebij Episc. Mediol. sol. cum Comm. S. Claræ Virg. 373
xi	b	xix	14	S. Hippolyti Martt. 373
x	c	xviii	15	Vigilia. 374
ix	d	xvii	16	Assumptio B. Mariæ Virg. sol. 375
viii	e	xvi	17	S. Simpliciani Episc. Med. sol. 377
vii	f	xv	18	S. Eusebij Episc. & Mart. 377
vi	g	xiv	19	SS. Mammetis, & Agapiti Mar- tyr. 377
v	A	xiii	20	S. Hyacinthi Conf. Sac. sol. 378
iv	b	xii	21	S. Bernardi Abb. & Conf. sol. 378
iii	c	xi	22	SS. Timothei, & Sociorum Martyrum. 380
ii	d	x	23	Vigilia. 380
i	e	ix	24	S. Bartholomæi Apostoli, so- lemne. 380
*	f	viii	25	S. Ludouici Regis, & Confess. solemne. 381
xxix	g	vii	26	S. Alexandri Martyris. 382
xxviii	A	vi	27	S. Genesij Martyris. 383
xxvii	b	v	28	S. Augustini Episc. Confess. & Doct. solemne. 384
xxvi	c	iv	29	Decollatio S. Ioannis Baptistæ, solemne. 385
xxv	d	iii	30	SS. Felicis, & Adaucti Martt. 386
xxiv	e	Prid.	31	

Ortus Solis.	Meridies.	Init. Crep. Mat.
Die 1. H. 9. M. 24.	H. 16. M. 42.	H. 7. M. 12.
11. H. 9. M. 51.	H. 16. M. 56.	H. 7. M. 48.
21. H. 10. M. 18.	H. 17. M. 9.	H. 8. M. 22.

† † †
† †

SEPTEM-

SEPTEMBER

Habet dies xxx.

Cycl.	Epac.				
xxij	f	Kal.	1	S. Ægidij Abbatis, & Confess. Sacerd.	386
xxij	g	iv	2	S. Mansueti Episc. Mediol. solemne.	386
xxj	A	iiij	3	S. Auxani Episc. Mediol. solemne.	386
xx	b	Prid.	4	S. Gregorij Papæ, Conf. & Doct. solemne.	386
xix	c	Non.	5		
xvij	d	viiij	6	S. Benedicti Episc. Mediol. solemne.	387
xvij	e	vij	7	S. Hadriani Mart. Vigilia de hortatu.	387
xvi	f	vi	8	Natiuitas B. Virg. Mariæ, solemne.	388
xv		v	9	S. Ioachimi Confess. & Patris B. V. M. solemne.	390
xiv	A	iv	10	S. Nicolai de Tolentino Sacerd. Conf. solemne.	391
xij	b	iiij	11	Sanctissimi Nominis B. Mariæ Virg. sol. cum Comm. SS. Prothi, & Hyacinthi Martt.	392
xij	c	Prid.	12	SS. Corneli Papæ, & Cypriani Episc. Martt.	394
xi	d	Idib.	13	S. Maurilij Episc. & Conf.	395
x	e	xviiij	14	Exaltatio S. Crucis. Solem Domini.	395
ix	f	xvi	15	S. Nicomedis Presb. & Mart.	397
viii	g	xvi	16	S. Euphemie Virg. & Mart.	397
vij	A	xv	17	S. Satyri Confessoris, solemne.	399
vi	b	xiv	18	S. Eustorgij Primi Episc. Mediol. solemne.	400
v	c	xiiij	19	SS. Ianuarij, & Sociorū Martt.	400
iv	d	xij	20	S. Clicerij Episc. Mediol. solemne, cum Commemoratione Vigiliæ.	401
iii	e	xi	21	S. Matthæi Apostoli, & Euangelistæ, solemne.	401
ii	f	x	22	SS. Maurilij, & Sociorū Martt.	402
i	g	ix	23	S. Lini Papæ, & Mart.	404
*	A	viiij	24	S. Theclæ Virg. & Mart. solemne.	404
xxix	b	vij	25	S. Anatalonis Episc. Mediol. solemne.	404
xxviii	c	vi	26	SS. Cypriani, & Iustine Mart.	404
xxvii	d	v	27	S. Caij Episcopi Mediol. solemne.	404
xxvi	e	iv	28		
xxv	f	iiij	29	S. Michaelis Archangeli, solemne.	404
xxiv	g	Prid.	30	S. Hieronymi Presbyt. Confess. & Doctoris, solemne.	406

Ortus Solis. Meridies. Init. Crep. Mat.
 Die 1. H. 10. M. 50. H. 17. M. 25. H. 9. M. 0.
 11. H. 11. M. 22. H. 17. M. 41. H. 9. M. 35.
 21. H. 11. M. 54. H. 17. M. 57. H. 10. M. 16.

OCTOBER

Habet dies xxxi.

Cycl.	Epac.				
xxij	A	Kal.	1	S. Remigij Episc. & Conf.	406
xxi	b	vi	2	Sanctorum Angelorum Custodum, solemne.	407
xx	c	v	3	S. Francisci Borgia Conf. Sacerd. solemne.	408
xix	d	iv	4	S. Francisci Conf. solemne.	409
xvij	e	iiij	5	SS. Placidi, & Sociorum Martt.	410
xvij	f	Prid.	6	S. Brunonis Conf. & Sacerd. solemne.	410
xvi	g	Non.	7	S. Birgittæ Matronæ, solemne.	410
xv	A	viiij	8	S. Pelagiæ Virginis, & Mart.	410
xiv	b	vij	9	SS. Dionisij, Rustici, Eleutherij, & Domnini Martyrum.	410
xij	c	vi	10	S. Calimiri Regis, & Confess. solemne.	410
xij	d	v	11		
xi	e	iv	12	S. Monæ Episc. Mediol. solemne.	411
x	f	iiij	13		
ix	g	Prid.	14	S. Calixti Papæ, & Mart.	412
viii	A	Idib.	15	S. Tereciæ Virg. solemne.	412
vij	b	xviiij	16	S. Galli Abbatis, Conf. & Sacerd.	412
vi	c	xvi	17		
v	d	xv	18	S. Lucæ Euangelistæ, solemne.	413
iv	e	xiv	19	S. Petri de Alcantara Conf. & Sacerd.	414
iii	f	xiiij	20		
ii	g	xij	21	SS. Ursulæ, & Sociarum Virgg. & Martt.	414
i	A	xi	22	SS. Cosmæ, & Damiani Martt.	414
*	b	x	23		
xxix	c	ix	24		
xxviii	d	viiij	25	SS. Chrysanti, & Dariae Martt.	416
xxvii	e	vij	26	S. Euaristi Papæ, & Mart.	416
xxvi	f	vi	27	Vigilia.	416
xxv	g	v	28	SS. Simonis, & Iudæ Apostolorum, solemne, cum Commem. S. Fidelis Mart.	417
25.	A	iv	29	S. Antonini Episc. Mediol. solemne.	418
xxiv	b	iiij	30	S. Saturnini Martyris:	418
xxij	c	Prid.	31	Vigilia.	419

Ortus Solis. Meridies. Init. Crep. Mat.
 Die 1. H. 12. M. 24. H. 18. M. 12. H. 10. M. 41.
 11. H. 12. M. 55. H. 18. M. 28. H. 11. M. 13.
 21. H. 13. M. 26. H. 18. M. 43. H. 11. M. 43.

NOVEM-

NOVEMBER

Habet dies xxx.

Cycl.	Epac.	Kal.			
xxi	d	Kal.	1 Festum Omnium Sanctorum, solemne.	420	
xx	e	iv	2 Commem. omnium Fidelium Defunct. solemne.	421	
xix	f	iii	3		
xviii	g	Prid.	4 S. Caroli Episc. Mediol. solemne.	421	
xvii	A	Non.	5 S. Magni Episc. Mediol. solemne.	423	
xvi	b	viii	6 S. Leonardi Leuitæ, & Conf.	423	
xv	c	vii	7 SS. Vitalis, & Agricolæ Martyrum.	423	
xiv	d	vi	8 SS. Quatuor Coronatorum Martyrum.	424	
xiii	e	v	9 S. Aurelij Episc. & Conf.	424	
xii	f	iv	10 Vigilia de hortatu.	257	
xi	g	iii	11 S. Martini Episc., & Confess. solemne.	258	
x	A	Prid.	12		
ix	b	Idib.	13 S. Antonini Martyris.	260	
viii	c	xviii	14		
vii	d	xvii	15		
vi	e	xvi	16		
v	f	xv	17		
iv	g	xiv	18 S. Romani Martyris.	260	
iii	A	xiii	19 S. Pontiani Papæ, & Mart.	262	
ii	b	xii	20 S. Benigni Episc. Mediolani, solemne.	262	
i	c	xi	21 Præsentatio Beatæ Mariæ Virginis, solemne.	262	
	d	x	22 S. Cecilie Virg. & Mart.	264	
xxix	e	ix	23 S. Clementis Papæ, & Mart.	265	
xxviii	f	viii	24 S. Protasij Episc. Mediol. sol.	267	
xxvii	g	vii	25 S. Catharinæ Virg. & Martyr. solemne.	267	
xxvi	A	vi	26		
xxv	b	v	27		
xxiv	c	iv	28		
xxiii	d	iii	29 Vigilia.	268	
xxii	e	Prid.	30 S. Andreæ Apostoli, solemne, cum Commemor. Baptismi S. Ambrosij.	269	

Ortus Solis.	Meridies.	Init. Crepusculi.
Die 1. H. 13. M. 59.	H. 18. M. 59.	H. 12. M. 14.
11. H. 14. M. 26.	H. 19. M. 13.	H. 12. M. 40.
21. H. 14. M. 52.	H. 19. M. 27.	H. 13. M. 44.



DECEMBER

Habet dies xxxi.

Cycl.	Epac.	Kal.			
xx	f	Kal.	1 S. Castriciani Episc. Mediolani, solemne.	722	
xix	g	iv	2 S. Francisci Xaverij Conf. Sac. solemne.	272	
xviii	A	iii	3 S. Myroclis Episc. Mediol. solemne.	272	
xvii	b	Prid.	4 S. Barbaræ Virg. & Mart.	273	
xvi	c	Non.	5 S. Dalmatij Mart. & Pontif.	273	
xv	d	viii	6 Vigil. cum Commem. S. Nicolai Episc. & Conf.	273	
xiv	e	vii	7 Ordin. S. Ambrosij Episc. Conf. & Doct. solem.	275	
xiii	f	vi	8 Conceptio B. V. M. solemne, cum Commem. S. Zenonis Episc. & Mart.	276	
xii	g	v	9 S. Syri Episc. & Confess.	278	
xi	A	iv	10 S. Melchiadis Papæ, & Mart.	279	
x	b	iii	11		
ix	c	Prid.	12 S. Ioseph Confess. & Sponsi B. V. M. solemne.	279	
viii	d	Idib.	13 S. Lucie Virg & Mart. solem.	280	
vii	e	xix	14 S. Matroniani Eremitæ.	281	
vi	f	xviii	15		
v	g	xvii	16		
iv	A	xvi	17		
iii	b	xv	18		
ii	c	xiv	19		
i	d	xiii	20 Vigilia.		
	e	xii	21 S. Thomæ Apostoli, solem.	281	
xxix	f	xi	22		
xxviii	g	x	23		
xxvii	A	ix	24 Vigilia Natiuitatis Domini.	17	
xxvi	b	viii	25 Natiuitas D. N. Iesu Christi. Solemn. Domini.	19	
xxv	c	vii	26 S. Stephani Protomart. solem. cum Commem. Oct.	24	
xxiv	d	vi	27 S. Ioannis Apostol. & Euangel. solemne, cum Commemor. Octauæ.	26	
xxiii	e	v	28 SS. Innocentium Mart. solem. cum Commem. Octauæ.	29	
xxii	f	iv	29 S. Thomæ Cant. Episc. & Mart. solem. cum Commem. Oct.	31	
xxi	g	iii	30 S. Eugenij Episc. & Conf. de Oct. cum Commem. Sancti.	33	
xx	A	Prid.	31 S. Syluestri Papæ, & Conf. de Oct. cum Commem. Sancti.	35	

Ortus Solis.	Meridies.	Init. Crepusculi.
Die 1. H. 15. M. 9.	H. 19. M. 35.	H. 13. M. 19.
11. H. 15. M. 21.	H. 19. M. 41.	H. 13. M. 30.
21. H. 15. M. 26.	H. 19. M. 43.	H. 13. M. 34.



TABULA PASCHALIS

PERPETVA.

Littera Do- mi- ni- ca- les.	Cyclus Epactarum.	Do- mi- nica inter Ep. & Se- ptua- g.	Septua- gesima.	Domini- ca I. Qua dragesi- ma.	Pascha.	Ascensio.	Litanie mino- res.	Penteco- stes.	Corpus Christi.	Do- mi- nica inter Ep. & Se- ptua- g.	Do- mi- nica prima Adven- tus.
D	23.	1	18. Ian.	8. Febr.	22. Mart.	30. April.	4. Maij.	10. Maij.	21. Maij.	28	15
	22. 21. 20. 19. 18. 17. 16.	2	25. Ian.	15. Febr.	29. Mart.	7. Maij.	11. Maij.	17. Maij.	28. Maij.	27	15
	15. 14. 13. 12. 11. 10. 9.	3	1. Febr.	22. Febr.	5. April.	14. Maij.	18. Maij.	24. Maij.	4. Iunij.	26	15 Nou.
	8. 7. 6. 5. 4. 3. 2.	4	8. Febr.	1. Mart.	12. April.	21. Maij.	25. Maij.	31. Maij.	11. Iunij.	25	15
	1. 29. 28. 27. 26. 25. 24.	5	15. Febr.	8. Mart.	19. April.	28. Maij.	1. Iunij.	7. Iunij.	18. Iunij.	24	15
E	23. 22.	1	19. Ian.	9. Febr.	23. Mart.	1. Maij.	5. Maij.	11. Maij.	22. Maij.	28	16
	21. 20. 19. 18. 17. 16. 15.	2	26. Ian.	16. Febr.	30. Mart.	8. Maij.	12. Maij.	18. Maij.	29. Maij.	27	16
	14. 13. 12. 11. 10. 9. 8.	3	2. Febr.	23. Febr.	6. April.	15. Maij.	19. Maij.	25. Maij.	5. Iunij.	26	16 Nou.
	7. 6. 5. 4. 3. 2. 1.	4	9. Febr.	2. Mart.	13. April.	22. Maij.	26. Maij.	1. Iunij.	12. Iunij.	25	16
	1. 29. 28. 27. 26. 25. 24.	5	16. Febr.	9. Mart.	20. April.	29. Maij.	2. Iunij.	8. Iunij.	19. Iunij.	24	16
F	23. 22. 21.	1	20. Ian.	10. Febr.	24. Mart.	2. Maij.	6. Maij.	12. Maij.	23. Maij.	28	17
	20. 19. 18. 17. 16. 15. 14.	2	27. Ian.	17. Febr.	31. Mart.	9. Maij.	13. Maij.	19. Maij.	30. Maij.	27	17
	13. 12. 11. 10. 9. 8. 7.	3	3. Febr.	24. Febr.	7. April.	16. Maij.	20. Maij.	26. Maij.	6. Iunij.	26	17 Nou.
	6. 5. 4. 3. 2. 1. *	4	10. Febr.	3. Mart.	14. April.	23. Maij.	27. Maij.	2. Iunij.	13. Iunij.	25	17
	1. 29. 28. 27. 26. 25. 24.	5	17. Febr.	10. Mart.	21. April.	30. Maij.	3. Iunij.	9. Iunij.	20. Iunij.	24	17
G	23. 22. 21. 20.	2	21. Ian.	11. Febr.	25. Mart.	3. Maij.	7. Maij.	13. Maij.	24. Maij.	28	18
	19. 18. 17. 16. 15. 14. 13.	3	28. Ian.	18. Febr.	1. April.	10. Maij.	14. Maij.	20. Maij.	31. Maij.	27	18
	12. 11. 10. 9. 8. 7. 6.	4	4. Febr.	25. Febr.	8. April.	17. Maij.	21. Maij.	27. Maij.	7. Iunij.	26	18 Nou.
	5. 4. 3. 2. 1. * 29.	5	11. Febr.	4. Mart.	15. April.	24. Maij.	28. Maij.	3. Iunij.	14. Iunij.	25	18
	1. 29. 28. 27. 26. 25. 24.	6	18. Febr.	11. Mart.	22. April.	31. Maij.	4. Iunij.	10. Iunij.	21. Iunij.	24	18
A	23. 22. 21. 20. 19.	2	12. Ian.	12. Febr.	26. Mart.	4. Maij.	8. Maij.	14. Maij.	25. Maij.	28	12
	18. 17. 16. 15. 14. 13. 12.	3	20. Ian.	19. Febr.	2. April.	11. Maij.	15. Maij.	21. Maij.	1. Iunij.	27	12
	11. 10. 9. 8. 7. 6. 5.	4	5. Febr.	26. Febr.	9. April.	18. Maij.	22. Maij.	28. Maij.	8. Iunij.	26	12 Nou.
	4. 3. 2. 1. * 29. 28.	5	12. Febr.	5. Mart.	16. April.	25. Maij.	29. Maij.	4. Iunij.	15. Iunij.	25	12
	1. 29. 28. 27. 26. 25. 24.	6	19. Febr.	12. Mart.	23. April.	1. Iunij.	5. Iunij.	11. Iunij.	22. Iunij.	24	12
B	23. 22. 21. 20. 19. 18.	2	23. Ian.	13. Febr.	27. Mart.	5. Maij.	9. Maij.	15. Maij.	26. Maij.	27	13
	17. 16. 15. 14. 13. 12. 11.	3	30. Ian.	20. Febr.	3. April.	12. Maij.	16. Maij.	22. Maij.	2. Iunij.	26	13
	10. 9. 8. 7. 6. 5. 4.	4	6. Febr.	27. Febr.	10. April.	19. Maij.	23. Maij.	29. Maij.	9. Iunij.	25	13 Nou.
	3. 2. 1. * 29. 28. 27.	5	13. Febr.	6. Mart.	17. April.	26. Maij.	30. Maij.	5. Iunij.	16. Iunij.	24	13
	1. 29. 28. 27. 26. 25. 24.	6	20. Febr.	13. Mart.	24. April.	2. Iunij.	6. Iunij.	12. Iunij.	23. Iunij.	23	13
C	23. 22. 21. 20. 19. 18. 17.	2	24. Ian.	14. Febr.	28. Mart.	6. Maij.	10. Maij.	16. Maij.	27. Maij.	27	14
	16. 15. 14. 13. 12. 11. 10.	3	31. Ian.	21. Febr.	4. April.	13. Maij.	17. Maij.	23. Maij.	3. Iunij.	26	14
	9. 8. 7. 6. 5. 4. 3.	4	7. Febr.	28. Febr.	11. April.	20. Maij.	24. Maij.	30. Maij.	10. Iunij.	25	14 Nou.
	2. 1. * 29. 28. 27. 26. 25.	5	14. Febr.	7. Mart.	18. April.	27. Maij.	31. Maij.	6. Iunij.	17. Iunij.	24	14
	1. 29. 28. 27. 26. 25. 24.	6	21. Febr.	14. Mart.	25. April.	3. Iunij.	7. Iunij.	13. Iunij.	24. Iunij.	23	14

TABELLA TEMPORARIA

FESTORUM MOBILIIUM.

Ann. Do- mi- ni- ci.	Litera Domi- nicales.	An- nus nu- me- rus.	Epist. & x.	Onia inter Epi- Sept	Septua- gesima.	Domi- ca I. Qua- dragesi- ma.	Pascha.	Ascensio	Litaniae Min.	Penteco- stes.	Corpus Christi.	Onia inter Petr. & Dn. I. Ad	Domi- nica prima Adu.	Indi- cio.
1712	c b	3	xxij	2	24. Ian.	14. Febr.	27. Mart.	5. Maij.	9. Maij.	15. Maij.	26. Maij.	27	13	5
1713	A	4	ij	5	12. Febr.	5. Mart.	16. April.	25. Maij.	29. Maij.	4. Iunij.	15. Iunij.	25	12	6
1714	g	5	xiv	3	28. Ian.	18. Febr.	1. April.	10. Maij.	14. Maij.	20. Maij.	31. Maij.	27	18 Nou.	7
1715	f	6	xxv	5	17. Febr.	10. Mart.	21. April.	30. Maij.	3. Iunij.	9. Iunij.	20. Iunij.	24	17	8
1716	e d	7	vi	4	9. Febr.	1. Mart.	12. April.	21. Maij.	25. Maij.	31. Maij.	11. Iunij.	25	15	9
1717	c	8	xvij	2	24. Ian.	14. Febr.	28. Mart.	6. Maij.	10. Maij.	16. Maij.	27. Maij.	27	14	10
1718	b	9	xxviii	5	13. Febr.	6. Mart.	17. April.	26. Maij.	30. Maij.	5. Iunij.	16. Iunij.	24	13	11
1719	A	10	ix	4	5. Febr.	26. Febr.	9. April.	18. Maij.	22. Maij.	28. Maij.	8. Iunij.	26	12 Nou.	12
1720	g f	11	xx	3	28. Ian.	18. Febr.	31. Mart.	9. Maij.	13. Maij.	19. Maij.	30. Maij.	27	17	13
1721	e	12	i	4	9. Febr.	2. Mart.	13. April.	22. Maij.	26. Maij.	1. Iunij.	12. Iunij.	25	16	14
1722	d	13	xij	3	1. Febr.	22. Febr.	5. April.	14. Maij.	18. Maij.	24. Maij.	4. Iunij.	26	15	15
1723	c	14	xxiii	2	24. Ian.	14. Febr.	28. Mart.	6. Maij.	10. Maij.	16. Maij.	27. Maij.	27	14	1
1724	b A	15	iv	5	13. Febr.	5. Mart.	16. April.	25. Maij.	29. Maij.	4. Iunij.	15. Iunij.	25	12 Nou.	2
1725	g	16	xv	3	28. Ian.	18. Febr.	1. April.	10. Maij.	14. Maij.	20. Maij.	31. Maij.	27	18	3
1726	f	17	xxvi	5	17. Febr.	10. Mart.	22. April.	30. Maij.	3. Iunij.	9. Iunij.	20. Iunij.	24	17	4
1727	e	18	vij	4	9. Febr.	2. Mart.	13. April.	22. Maij.	26. Maij.	1. Iunij.	12. Iunij.	25	16	5
1728	d c	19	xviii	2	25. Ian.	15. Febr.	28. Mart.	6. Maij.	10. Maij.	16. Maij.	27. Maij.	27	14	6
1729	b	1	x	5	13. Febr.	6. Mart.	17. April.	26. Maij.	30. Maij.	5. Iunij.	16. Iunij.	24	13 Nou.	7
1730	A	2	xi	4	5. Febr.	26. Febr.	9. April.	18. Maij.	22. Maij.	28. Maij.	8. Iunij.	26	12	8
1731	g	3	xxij	2	21. Ian.	11. Febr.	25. Mart.	3. Maij.	7. Maij.	13. Maij.	24. Maij.	28	18	9
1732	f e	4	ij	4	10. Febr.	2. Mart.	13. April.	22. Maij.	26. Maij.	1. Iunij.	12. Iunij.	25	16	10
1733	d	5	xiv	3	1. Febr.	22. Febr.	5. April.	14. Maij.	18. Maij.	24. Maij.	4. Iunij.	26	15	11
1734	c	6	xxv	5	21. Febr.	14. Mart.	25. April.	3. Iunij.	7. Iunij.	13. Iunij.	24. Iunij.	24	14 Nou.	12
1735	b	7	vi	4	6. Febr.	27. Febr.	10. April.	19. Maij.	23. Maij.	29. Maij.	9. Iunij.	25	13	13
1736	A g	8	xvij	3	29. Ian.	19. Febr.	1. April.	10. Maij.	14. Maij.	20. Maij.	31. Maij.	27	18	14
1737	f	9	xxviii	5	17. Febr.	10. Mart.	21. April.	30. Maij.	3. Iunij.	9. Iunij.	20. Iunij.	24	17	15
1738	e	10	ix	3	3. Febr.	23. Febr.	6. April.	15. Maij.	19. Maij.	25. Maij.	5. Iunij.	26	16	1
1739	d	11	xx	2	25. Ian.	15. Febr.	29. Mart.	7. Maij.	11. Maij.	17. Maij.	28. Maij.	27	15 Nou.	2
1740	c b	12	i	5	14. Febr.	6. Mart.	17. April.	26. Maij.	30. Maij.	5. Iunij.	16. Iunij.	24	13	3
1741	A	13	xij	3	29. Ian.	19. Febr.	2. April.	11. Maij.	15. Maij.	21. Maij.	1. Iunij.	27	12	4
1742	g	14	xxiii	2	21. Ian.	11. Febr.	25. Mart.	3. Maij.	7. Maij.	13. Maij.	24. Maij.	28	18	5
1743	f	15	iv	4	10. Febr.	3. Mart.	14. April.	23. Maij.	27. Maij.	2. Iunij.	13. Iunij.	25	17	6
1744	e d	16	xv	3	2. Febr.	23. Febr.	5. April.	14. Maij.	18. Maij.	24. Maij.	4. Iunij.	26	15 Nou.	7
1745	c	17	xxvi	5	14. Febr.	7. Mart.	18. April.	27. Maij.	31. Maij.	6. Iunij.	17. Iunij.	24	14	8
1746	b	18	vij	4	6. Febr.	27. Febr.	10. April.	19. Maij.	23. Maij.	29. Maij.	9. Iunij.	25	13	9
1747	A	19	xviii	3	29. Ian.	19. Febr.	2. April.	11. Maij.	15. Maij.	21. Maij.	1. Iunij.	27	12	10
1748	g f	1	x	5	11. Febr.	3. Mart.	14. April.	23. Maij.	27. Maij.	2. Iunij.	13. Iunij.	25	17	11
1749	e	2	xi	3	2. Febr.	23. Febr.	6. April.	15. Maij.	19. Maij.	25. Maij.	5. Iunij.	26	16 Nou.	12
1750	d	3	xxij	2	25. Ian.	15. Febr.	29. Mart.	7. Maij.	11. Maij.	17. Maij.	28. Maij.	27	15	13
1751	c	4	ij	4	7. Febr.	28. Febr.	11. April.	20. Maij.	24. Maij.	30. Maij.	10. Iunij.	25	14	14
1752	b A	5	xiv	3	30. Ian.	20. Febr.	2. April.	11. Maij.	15. Maij.	21. Maij.	1. Iunij.	27	12	15
1753	g	6	xxv	6	18. Febr.	11. Mart.	22. April.	31. Maij.	4. Iunij.	10. Iunij.	21. Iunij.	24	18	1
1754	f	7	vi	4	10. Febr.	3. Mart.	14. April.	23. Maij.	27. Maij.	2. Iunij.	13. Iunij.	25	17 Nou.	2
1755	e	8	xvij	2	26. Ian.	16. Febr.	30. Mart.	8. Maij.	12. Maij.	18. Maij.	29. Maij.	27	16	3
1756	d c	9	xxviii	5	15. Febr.	7. Mart.	18. April.	27. Maij.	31. Maij.	6. Iunij.	17. Iunij.	24	14	4
1757	b	10	ix	4	6. Febr.	27. Febr.	10. April.	19. Maij.	23. Maij.	29. Maij.	9. Iunij.	25	13	5
1758	A	11	xx	2	22. Ian.	12. Febr.	26. Mart.	4. Maij.	8. Maij.	14. Maij.	25. Maij.	28	12	6
1759	g	12	i	5	11. Febr.	4. Mart.	15. April.	24. Maij.	28. Maij.	3. Iunij.	14. Iunij.	25	18 Nou.	7
1760	f e	13	xij	3	3. Febr.	24. Febr.	6. April.	15. Maij.	19. Maij.	25. Maij.	5. Iunij.	26	16	8
1761	d	14	xxiii	1	18. Ian.	8. Febr.	22. Mart.	30. April.	4. Maij.	10. Maij.	21. Maij.	28	15	9
1762	c	15	iv	4	7. Febr.	28. Febr.	11. April.	20. Maij.	24. Maij.	30. Maij.	10. Iunij.	25	14	10
1763	b	16	xv	3	30. Ian.	20. Febr.	3. April.	12. Maij.	16. Maij.	22. Maij.	2. Iunij.	26	13	11
1764	A g	17	xxvi	6	19. Febr.	11. Mart.	22. April.	31. Maij.	4. Iun.	10. Iunij.	21. Iunij.	24	18 Nou.	12
1765	f	18	vij	3	3. Febr.	24. Febr.	7. April.	16. Maij.	20. Maij.	26. Maij.	6. Iunij.	26	17	13
1766	e	19	xviii	2	26. Ian.	16. Febr.	30. Mart.	8. Maij.	12. Maij.	18. Maij.	29. Maij.	27	16	14
1767	d	1	x	5	15. Febr.	8. Mart.	19. April.	28. Maij.	1. Iun.	7. Iunij.	18. Iunij.	24	15	15
1768	c b	2	xi	3	31. Ian.	21. Febr.	3. April.	12. Maij.	16. Maij.	22. Maij.	2. Iunij.	26	13	1
1769	A	3	xxij	2	22. Ian.	12. Febr.	26. Mart.	4. Maij.	8. Maij.	14. Maij.	25. Maij.	28	12 Nou.	2
1770	g	4	ij	5	12. Febr.	5. Mart.	16. April.	25. Maij.	29. Maij.	4. Iunij.	15. Iunij.	25	18	3
1771	f	5	xiv	2	27. Ian.	17. Febr.	31. Mart.	9. Maij.	13. Maij.	19. Maij.	30. Maij.	27	17	4

Quando inchoatur Aduentus Domini, & Quadragesima.

Aduentus Domini inchoatur Dominica prima post Festum Sancti Martini: Quadragesima inchoatur Dominica, quæ dicitur, in capite Quadragesimæ.

Quatuor Tempora.

Quatuor Tempora celebrantur quarta, & sexta FERIA, & Sabbato post Festum Sanctæ Lucæ, post primam Dominicam Quadragesimæ, post Pentecosten, post Festum Exaltationis Sanctæ Crucis.

Nuptiæ interdicuntur.

A Dominica prima Aduentus inclusiue vsque in diem Epiphaniæ inclusiue, & à Dominica in capite Quadragesimæ vsque ad Octauam Paschatis inclusiue.

Elucidatio Kalendarij.

In Kalendario locantur primo Epactæ: deinde Literæ Dominicales, & Feriarum: tertio numerus Kalendarum, Nonarum, & Iduum: quarto dies cuiusque mensis cum Festis Sanctorum suo loco.

Epactæ ab Anno 1700. inclusiue, vsque ad Annum 1900. inclusiue.

1700.	1.	2.	3.	4.	5.	6.	7.	8.	9.	10.	11.	12.	13.	14.	15.	16.	17.	18.
ix.	xx.	j.	xij.	xxiij.	iv.	xv.	xxvj.	vij.	xviiij.	*	xj.	xxij.	iiij.	xij.	xxv.	vi.	xvij.	xxviij.

In superiori numerorum serie sic deprehenditur Epacta. Primus numerus, qui est ix., tribuatur Anno 1700., sequens, qui est xx., tribuatur Anno 1701., & sic deinceps. Finitis 19. Annis, redeundum est ad principium: itaut Anno 1719. tribuatur iterum numerus ix. Anno 1720. numerus xx., & similiter in Annis sequentibus. Sic autem in singulis Mensibus est accomodatus, vt vbi cadit in Kalendario, ibi sit Nouilunium.

Literæ Dominicales ab Anno 1701. inclusiue, vsque ad Annum 1900. exclusiue.

1701.	2.	3.	4.	5.	6.	7.	8.	9.	10.	11.	12.	13.	14.	15.	16.	17.	18.	19.	20.	21.	22.	23.	24.	25.	26.	27.	28.
B.	A.	G.	F.	D.	C.	B.	A.	F.	E.	D.	C.	A.	G.	F.	E.	C.	B.	A.	G.	E.	D.	C.	B.	G.	F.	E.	D.
		E.				G.		B.		D.		F.		A.													

In superiori Tabula Litera Dominicalis singulis Annis sic inuenitur. Prima, quæ est B., tribuatur Anno 1701. sequens, quæ est A., tribuatur Anno 1702., & similiter in Annis sequentibus. Ubi duas literas inuenies, Annum Bissextilem intellige, & tunc superior vsque ad diem 24. Februarij, inferior ad reliquum Anni deseruiet. Finitis 28. Annis redeundum est ad principium, itaut Anno 1729. Litera Dominicalis sit iterum B. Anno 1730. sit A., & sic deinceps.

De numero Nonarum, & Iduum cuiusque Mensis: Versus.

*Sex Nonas, Maius, October, Iulius, & Mars;
Quatuor at reliqui: dabit Idus quilibet octo.*

Quæ die Mensis Kalendaræ, & Idus sumantur.

Prima quaque mensis die dicitur Kalendis: vbi autem Nonæ fuerint quatuor, quinta die dicitur, Nonis, decimatercia Idibus; vbi fuerint sex, septima die dicitur, Nonis, decimaquinta Idibus. Reliquis verò diebus dicitur Pridie, tertio, quarto Kalendas Idus, aut Nonas, retrorsum numerando vsque ad eum diem, quo aut Kalendis, aut Nonis, aut Idibus dicitur.

De Anno, & eius partibus.

Anus habet menses duodecim, Hebdomadas quinquagintaduas, & diem vnum, dies trecentos sexagintaquinque, & sex horas; Hoc enim temporis interuallo Sol Zodiacum circuit. Quater autem sex horæ singulis quaternis annis diem constituunt. Hinc Anus ille sit intercalaris, qui Bissextilis dicitur.

De numero dierum cuiusque Mensis: Versus.

*Triginta Aprilis, Iunius, Septemque, Nouemque,
Vno plus alij: viginti Februus octo.
At si bis sextus fuerit; superadditur vnus;
Et tunc bis Sexto Martij conscribe Kalendas.*

Retroscriptæ Paschalis Tabulæ Declaratio.

EX Tabula retroscripta Paschali noua ita Festa Mobilia deprehenduntur: In cellula Literæ Dominicalis currentis quæritur Epacta currens; Nam è directo omnia Festa Mobilia reperientur. Ut Anno 1700. in cellula Literæ Dominicalis C. tunc currentis quæritur Epacta ix., quæ eodem Anno currit, & è directo habebitur Septuagesima die 7. Februarij, Dominica prima Quadragesimæ die 28. Februarij, Pascha die 11. Aprilis, & cætera in decursu eiusdem lineæ. Sed in Annis Bissextilibus, quibus duæ Literæ Dominicales currunt, quærenda sunt omnia Festa Mobilia per Literam Dominicalem posteriorem, quæ nimirum currit post diem 24. Februarij; Ita tamen, vt Septuagesimæ, & Dominicæ primæ Quadragesimæ, si reperiantur in Ianuario, aut Februario, addatur vnus Dies. Exempli gratia; Anno 1712. Bissextili nunc currenti Epacta est xxij., & Literæ Dominicales C. B.: si igitur per posteriorem Literam, quæ est B. Festa Mobilia inuestigentur, reperietur Septuagesima die 23. Ianuarij, & Dominica prima Quadragesimæ die 13. Februarij, quarum vnique si addatur vnus dies, cadit Septuagesima in diem 24. Ianuarij, & Dominica prima Quadragesimæ die 14. Februarij, qui sunt dies Dominici. Reliqua Festa quibus nihil vnquam addendum est, in eos dies cadunt, qui in Tabula expressi sunt; vt Pascha 27. Martij, Ascensio in diem 5. Maij, & sic deinceps.

RUBRICÆ GENERALES.

§. 1. De multiplicitate Missæ.

MISSA, quantum fieri potest, debet cum Officio diei convenire: ideo dicitur de Solemnitate Domini, vel Dominica, vel Octava: de Festo Solemni, vel simplici: de Feria, vel Vigilia, prout Officij ratio postulat: & extra rationem Officij dicitur Votiva, vel pro Defunctis.

§. 2. De Solemnitate Domini, Dominica, & Solemni.

De Solemnitate Domini dicitur Missa illis diebus, quibus in Calendario ponitur hæc vox: **Solemnitas Domini**, ut in Festis mobilibus, & in Dominicis, & in Octavis. De Solemni autem dicitur Missa in Festis Sanctorum, quibus in Calendario apponitur hæc vox: **Solemne**. Quibus verò Dominicis, aut Solemnitatibus Domini, & Octavis ponuntur in Missali duæ Missæ; altera scilicet in Ecclesia Hyemali, altera verò in Ecclesia Æstiva: illæ ex antiquo ritu in Collegiatis Ecclesijs ambæ dicuntur conventualiter, aut certe saltem in ijs Ecclesijs, ubi solent dici duæ Missæ, ut in Metropolitana: ubi, quotidie duæ Missæ Conventuales canuntur; altera per Beneficiarios post Primam; altera per Clerum uniuersum hora Tertiæ, aut Sextæ, aut prout ratio Missæ tulerit. In cæteris verò Ecclesijs, ubi à pluribus Sacerdotibus celebratur prior Missa, in Ecclesia scilicet Hyemali, illis diebus adnotata, ab vno saltem Sacerdote dicatur; postea prior verò, quæ dicitur in Ecclesia Æstiva, à reliquis Sacerdotibus, & communiter in omnibus Ecclesijs.

In his Missis dicitur vna tantum Oratio, nisi aliqua Commemoratio sit faciendi pro Officij ratione. Cætera dicuntur; ut in proprijs Missis, vel communibus notatum est.

§. 3. De Simplici, Feria, & Vigilia.

De Simplici dicitur Missa, cum non est apposta hæc vox Solemne, in Calendario. Missa dicitur de Feria, quando non occurrit Festum.

In Ferijs de Exceptato, & Quadragesimæ, & Sextæ, & Sabbato quartæ, & quintæ Hebdomadæ Aduentus, itemque in Ferijs Rogationum, semper fit de illis, quodcumque Festum, etiam Solemne, occurrerit.

At in Vigilijs, quæ ieiunantur, si Festum Solemne, aut proprium occurrat; in Collegiatis Ecclesijs cantantur duæ Missæ; vna de Festo post Tertiam, altera de Vigilia post Nonam. Idemque seruandum erit etiam in Vigilijs, & Ascensionis Domini, & Sanctorum Patronorum (in suis scilicet ipsorum Ecclesijs) etiam si non ieiunetur.

Si Festum habens Vigiliam, celebretur Feria secunda; Missa de Vigilia dicitur in Sabbato, sicut & primæ Vesperæ, excepta Vigilia Natiuitatis Domini.

Toto tempore Paschali non dicitur Missa de Vigilia, nisi in Vigilia Ascensionis.

§. 4. De Missis votiujs.

In Sabbatis, in quibus fit Officium de Feria communi, semper dicitur Missa de Beata Virgine Maria, ut in fine Missalis. Feriæ autem communes incipiunt ab Octaua Epiphaniæ Domini exclusiue vsque ad Quadragesimam, & ab Octaua Pentecostes vsque ad Aduentum.

In cæteris verò Sabbatis, nisi fiat Solemne Officium, semper fit de eadem Commemoratio.

In diebus infra hebdomadam, quando Officium fit de Feria, dici potest aliqua Missa votiuæ, etiam in principali Missa, quæ dicitur Conventualis, secundum ordinem dierum in fine Missalis assignatum. Quæ tamen Missæ, & aliz quæcumque votiuæ in Missis priuatis dici possunt pro arbitrio Sacerdotum, quocumque die Officium non est Solemne. Id verò passim non fiat, nisi rationabili de causa: & quoad fieri potest, Missa cum Officio diei conveniat. Quamquam etiam inde excipiuntur Feriæ Aduentus, Quadragesimæ, Rogationum, & Vigiliarum: sic etiam occurrentes inter Circumcisionem, & Epiphaniam, inter Pascha Resurrectionis, & Octauam Pentecostes inclusiue.

§. 5. De Missis pro Defunctis.

Prima Feria cuiuscunque Mensis, & secunda cuiuscunque Hebdomadæ (non impedita tamen, aut priuilegiata) dicitur Missa principalis pro Defunctis generaliter; alioquin fiat Commemoratio pro Defunctis.

Missa pro Defunctis principalis non dicitur tempore priuilegiato, & quando per annum Officium fit Solemne; nisi in die depositionis defuncti, præsertim caduere, & in anniuersario pro Defunctis. Verum Missæ priuatae pro Defunctis, quocumque die dici possunt, præterquam Dominicis, & Festis Solemnibus.

In die Commemorationis omnium Defunctorum, & in die Depositionis, & in anniuersario Defunctorum, dicitur tantum vna Oratio; in alijs plures, ut infra.

§. 6. De Translatione Fectorum.

In Translationibus Missarum eodem die occurrentium seruetur ordo Translationis Fectorum in Breuiario præscriptus. Regulariter enim, quando transfertur Officium, transfertur etiam Missa. Neque verò Festa transferantur in Vigilijs maiorum Solemnitatum; puta Epiphaniæ, Pentecostes, & huiusmodi.

In Ecclesijs autem, ubi titulus est Ecclesiæ, vel concursus populi ad celebrandum Festum, quod transferri debet, possunt cantari duæ Missæ, vna de die, altera de Festo: aut saltem Commemoratio fiat de Festo, si eo die in illa Ecclesia Officium fieri non debeat.

§. 7. De Commemorationibus.

Commemorationes in Missis fiunt, sicut in Officio.

De Festo simplici fit Commemoratio in Missa, quando de eo in Officio facta est Commemoratio in Vesperis: quando autem fit Commemoratio tantum ad Laudes, in Missa Solemni nulla fit Commemoratio de eo; sed in Missis priuatis tantum: & regulariter, de quo fit Commemoratio in Officio, de eo etiam fit Commemoratio in Missa.

De Festo simplici, occurrente in Rogationibus, & Ferijs de Exceptato, vel etiam in Feria sexta, & Sabbato quartæ, & quintæ Hebdomadæ Ad-

uentus fit Commemoratio in Missa; licet de eo non fiat in Officio.

Si Missa Vigiliæ incidat in diem Officio de Sancto Solemni, aut proprio impeditum; Missa dicitur de Sancto cum Commemoratione Vigiliæ. Sed in Collegiatis Ecclesijs dicuntur duæ Missæ; vna de Festo post Tertiam, altera de Vigilia post Nonam, absque vlla vtriusque Commemoratione.

Quando infra hebdomadam dicuntur Missæ votiuæ; post primam Orationem semper dicatur Oratio eius, de quo fit Officium; nisi Officium sit de Feria.

In faciendis Commemorationibus seruetur ordo ut in Breuiario, de Festo simplici ante Orationes votiuas &c.

Si facienda sit Commemoratio pro Defunctis; semper ponitur penultimo loco.

In alijs Commemorationibus à prædictis, seruetur dignitas Orationum, ut de Spiritu Sancto, ante Beatam Mariam, de Angelis ante Apostolos; & similiter de alijs.

In Missis Defunctorum nulla fit Commemoratio, præterquam pro Defunctis; etiam si Oratio esset communis pro Viuis, & Defunctis.

Quando dicuntur plures Orationes, prima tantum, & vltima terminatur. Cum verò dicuntur plures Orationes, & vna Oratio eadem est cum alia ibidem dicenda; Oratio huiusmodi (illa scilicet, quæ eadem est) continetur cum alia de Communi, vel proprio, quæ sit diuersa. De quo fit Commemoratio in Orationibus super populum, de eodem fit in Orationibus super sindonem, super oblatam, & post communionem.

§. 8. De Ingressa, & Gloria in excelsis Deo.

Ingressa semper eodem modo dicitur, præterquam in Missis Defunctorum, quibus repetitur. Omittitur autem ingressa in Missis Vigiliarum Natiuitatis Domini, Epiphaniæ, Paschalis Resurrectionis, & Pentecostes, necnon in Ferijs Litaniarum de Exceptato, & in triduo Rogationum, quando & cæteri Cantus omittuntur, præter Cantum post Epistolam.

Hymnus, **Gloria in excelsis Deo**, dicitur, quodcumque in Matutino dictus est Hymnus: **Te Deum laudamus**, præterquam in Missis pro Baptizatis infra Octauas Paschæ Resurrectionis, & Pentecostes.

In Missis votiujs dicitur quando Missa votiuæ dicenda sit pro graui, & publica Ecclesiæ causa: in Missis Defunctorum non dicitur, ut infra loco suo.

§. 9. De Orationibus.

In Dominicis, & Festis Solemnibus Domini, & Sanctorum, dicitur vna tantum Oratio, nisi facienda sit aliqua Commemoratio, ut dictum est supra. Reliquis diebus dici possunt tres Orationes, aut quinque, vel septem, ad libitum; ita tamen, ut semper sint disparæ. In Missis votiujs, quando dicuntur pro graui, & publica Ecclesiæ causa, dicitur vna tantum Oratio: sin aliter, dicuntur plures, ut in Festis simplicibus. Quando plures dicuntur Orationes, si occurrat fieri Commemorationem alicuius Sancti; ea ponitur secundo loco; & tertia Oratio dicitur, quæ alias secundo loco dicenda erat. Alia quoque in dicendis Orationibus seruentur, quæ superius in Rubrica **De Commemorationibus** dicta sunt, §. 6.

§. 10. De formulis communibus concludendi Orationes.

Si Oratio dirigatur ad Patrem; ita concluditur: Per Dominum nostrum, Iesum Christum, Filium tuum: qui tecum viuit, & regnat in vnitrate Spiritus Sancti Deus per omnia sæcula sæculorum.

Quod si præterea in sui initio, vel saltem aliquantò ante sui finem, includit mentionem Filij; concluditur: Per eundem Dominum &c. ut supra. Sin autem Filij mentionem includit in sui fine; concluditur: Qui tecum viuit, & regnat &c.

Atqui si Oratio dirigatur ad Filium; concluditur: Qui viuis, & regnas cum Deo Patre in vnitrate Spiritus Sancti Deus per omnia sæcula sæculorum. Vel: Qui cum Patre, & Spiritu Sancto viuis, & regnas Deus, per omnia sæcula sæculorum.

Aliquando autem in Orationis contextu præmittitur mentio Spiritus Sancti; & tunc prædictis concludendi formulis interseritur, in vnitrate eiusdem Spiritus Sancti Deus.

RUBRICÆ GENERALES:

§. 17. De Lectione. Cantu, Psalmello, Versu, Epistola, Halleluiah, Euangelio &c. usque ad Symbolum.

Lectio de Sacra Scriptura post Orationem super populum, ante Epistolam legitur, quando Officium est Solemne, & Missa similiter fit de Solemni. Et tunc licet ab omnibus legi possit cum Epistola: tamen in Missis Conuentualibus, & in Missis Parochialibus, etiam sine cantu, pratermittenda non est; ut decretum est in Synodis Dioecesanis. Post Lectionem, responso per Ministrum: **Deo gratias**, dicitur Psalmellus, quando sequitur Epistola; alioquin post Lectionem dicitur: **Halleluiah**, cum suo Versu, vel Cantu.

Post Lectionem dicitur Epistola. Aliquando tamen legitur Lectio, & Epistola omittitur; aliquando legitur Epistola, omisa Lectione.

Post Epistolam, vel, si ea non legitur, post Lectionem, dicuntur duo: **Halleluiah** in Solemnitatibus Domini, alioquin vnum tantum: deinde Versus, & post Versum dicitur vnicum: **Hallel**.

In Quadragesima, Ferijs Litaniarum de Exceptato, Vigilijs, & Rogationibus, loco Halleluiah, & Versus dicitur Cantus sine Halleluiah, suis locis adnotatus.

In aliquibus Domini Solemnitatibus dicitur etiam Antiphona ante Euangelium eaq; post dictum à Sacerdote in medio Altaris: **Munda cor meum &c.** recitanda protinuset in ipsomet cornu Euangelij, antequam solitum dicat Versum: **Dominus vobiscum**.

Dicto Halleluiah, & Versu, vel Cantu, dicitur Euangelium, & in principio Euangelij dicitur: **¶ Dominus vobiscum. &c. Et cum spiritu tuo: deinde Lectio, vel Initium sancti Euangelij secundum N. &c. Gloria tibi Domine.** Tum ad Crucem iuxta medium Altaris sitam obuersus, petit, & accipit Benedictionem. In fine Euangelij à Ministris dicitur: **Laudes tibi Christo.**

Antiphona post Euangelium dicitur in Solemnitatibus Domini, & cum sit de Sanctis. Cum vero sit de Fera, non dicitur. In Missis votiuus non dicitur, praterquam in Missa de Beata Virgine Maria; nisi ea dicantur pro graui, & publica Ecclesie causa.

Sequitur Oratio super sindonem. Quod si plures sint; tot numero, & eo ordine dicuntur alta voce, ut supra; & terminantur prima, & vltima, ut supra dictum est in Rubr. De Orationibus, §. 9.

Finis Oratione super sindonem, fit Oblatio cum Orationibus, ut in Ordinario.

Symbolum: **Credo in vnum Deum**, dicitur in Solemnitatibus Domini, Dominicis, Festis Sanctorum, Sabbato in Traditione Symboli, in Missis votiuus pro graui, & publica Ecclesie causa; reliquis vero diebus non dicitur.

Ritus seruandus in celebratione Missæ.

§. 12. De preparatione Sacerdotis celebraturi.

Sacerdos celebraturus Missam prævia Confessione Sacramentali, quando opus est, & saltem Maritino cum Laudibus absoluto, Orationi aliquantulum vacet, & Orationes inferius positas pro temporis opportunitate dicat. Deinde accedit ad locum in Sacristia, vel alibi præparatum, ubi paramenta, aliaq; ad celebrationem necessaria habentur. Accipit Missale, perquirat Missam, perlegit, & signacula ordinat ad ea, quæ dicturus est. Postea lauat manus, dicens Orationem inferius positam. Deinde Calicem præparat, ponens super illius os Purificatorium mundum: & super illud Patenam cum Hostia integra: quam leniter extergit, si opus est, à fragmentis: & eam tegit parua Palla linea, tum Velo serico: super Velum ponit Bursam coloris paramentorum, intus habentem Corporale plicatum.

Quibus ita dispositis, accedit ad paramenta: ubi calceatus pedibus, & indatus vestibus sibi conuenientibus, quantum exterior saltem talum pedis attingat, induit se: si sit Prælati Sæcularis; supra Rochetum: si sit Prælati Regularis, vel aliud Sacerdos Sæcularis; supra Superpelliceum, si commodè haberi potest; alioquin sine eo supra vestes communes, dicens ad singulas, Orationes inferius positas.

Ac primum Alba induitur, caput submittens, deinde manicam dextram brachio dextro, & sinistram sinistro imponens. Albam ipsam corpori adaptat, eleuat ante, & à lateribus hinc inde, & Cingulo per Ministrum à tergo sibi porrecto se cingit: Minister eleuat Albam supra Cingulum circum circa, ut honeste dependeat, & tegat eius vestes: & simbrias diligenter aptat, ut ad latitudinem digiti, vel circiter, supra terram æqualiter fluat.

Tum accipiens Amictum circa extremitates, & chordulas, osculatur illud in medio, & ponit super caput, & mox declinat ad collum, & eo vestium collaria circumtegens ducit chordulas sub brachijs, & circumducens per dorsum, ante pectus reducit, & ligat.

Dehinc Sacerdos accipit Manipulum, osculatur Crucem in medio, & imponit brachio sinistro.

Deinde ambabus manibus accipiens Stolam, simili modo deosculatur, & imponit medium eius collo: & transuersando eam ante pectus in modum Crucis, partem à sinistro humero pendente ducit ad dexteram, & partem à dextro humero pendente ducit ad sinistram, ita ut pars dextera sit supra sinistram: sicque vtramque Stola extremitatibus Cinguli hinc inde ipsi Cingulo coniungit. Si tamen Celebrans sit Episcopus; non ducit stolam ante pectus in modum Crucis; sed finit, hinc inde vtrasque extremitates pendere; & antequam accipiat Stola, accipit parua Crucem pectoralem, quam osculatur, & collo impositam finit ante pectus chordulis pendere.

Postremo Sacerdos accipit Planetam, & chordulis defubtus firmat.

§. 13. De ingressu Sacerdotis ad Altare.

Sacerdos omnibus paramentis indutus, accipit manu sinistra Calicem, ut supra præparatum, & Bursam manu dextra tenens super Calice ad oculos eleuato, capite cooperto accedit ad Altare, Ministro cum Missali præcedente. Procedit autem oculis demissis, incessu graui, erecto corpore, neminem in via salutando; excepto Archiepiscopo, vel aliquo Cardinali: de cuius occurru monitus à Ministro, illum sola capitis operi inclinatione salutabit. Si vero contigerit, eum transire ante Altare Maius, vel alterum singularis ceteroqui deuotionis, & reuerentia, in quo non extet Sacramentum; capite cooperto inclinabit se ante illud: si ante locum Sacra-

menti; genuflectat: si ante Altare, ubi celebratur Missa, in qua eleuatur Sacramentum, vel ubi etiam hoc est expositum, vel tunc ministratur, similiter genuflectat, & detecto capite illud adoret.

Cum peruenit ad Altare, stans in medio ante infimum gradum, caput detegit, bierum Ministro porrigens: & Altari, seu imagini Crucifixi de super posita, profunde se inclinat: si autem in eo sit Sanctissimum Sacramentum, genuflectens debitam facit reuerentiam. Tunc ascendit ad medium Altaris: ibi ad cornu Euangelij sistit Calicem, & extractum manu dextra Corporale de Bursâ, extendit in medio Altaris, & super illud Calicem Velo coopertum collocat; Bursam vero seponit ad cornu Euangelij. Si in Altari paramenta accepit; hoc idem faciat, antequam descendat ab Altari, ut Missam inchoet.

Si est consecraturus plures Hostias pro Communione faciendâ, quæ ob quantitatem super Patenam manere non possint: locat eas super Corporale ante Calicem: vel in aliquo vase, seu Pixide munda consecrata, eas ponit retro post Calicem; & alia Patena, seu Palla cooperit; si operimentum eius proprium non suppetat.

Collocato Calice in Altari, accedit ad cornu Epistolæ, Missale super Cussino aperit, reperit Missam, & signacula suis locis accommodat. Deinde, facta Cruci reuerentia, descendit ante gradum infimum Altaris pro Missa inchoanda.

§. 14. De principio Missæ, & Confessione faciendâ.

Sacerdos quamprimum descenderit ad infimum gradum Altaris, conuertit se ad ipsum Altare: ubi stans ante illud, iunctis manibus ante pectus, detecto capite, facta prius Cruci, vel Altari, vel etiam Sacramento reuerentia, erectus incipit Missam. Et producit manu dextera à fronte ad pectus signum Crucis, dicit intelligibili voce: **In nomine Patris, & Filij, & Spiritus Sancti. &c. Amen.** Et postquam id dixerit, non debet auertere quemcunque in alio Altari celebrantem (etiamsi Sacramentum eleuet) sed continuatè proseguit Missam suam usque ad finem. Cum seipsum signat, sinistram ponit infra pectus: in alijs autem Benedictionibus, cum est ad Altare, & seipsum non benedicit, sed oblata, vel aliquid aliud, ponit eam super Altari. Seipsum benedicens, vertit ad se palmam, dextrâ manus, & omnibus illius digitis iunctis, & extensis; à fronte ad pectus, & ab humero sinistro ad dexterum, signum Crucis format. Si vero alios, vel rem aliquam benedicit; paruum digitum obuertit ei, cui benedicit; ac benedicendo totam manum dexteram extendit, omnibus pariter alijs digitis iunctis, & extensis: quod in omni Benedictione obseruatur. Postquam dixerit: **In nomine Patris &c.** ut supra, iungit manus ante pectus, pollice dextro super sinistram in modum Crucis posito (quod in omni iunctione manuum obseruatur) pronuncians clara voce Antiphonam: **Introibo ad Altare Dei.** Minister, retro post eum ad sinistram genuflexus, prosequitur: **Ad Deum, qui iustificat inuenientem meam.** Deinde Sacerdos, eodem modo stans, subiungit: **¶ Confiteamini Domine; quoniam bonus, &c. Quoniam in seculum misericordia eius.** Deinde caput, seque profunde à Altari inclinans, dicit: **Confiteor Deo, ut in Ordinario, & proseguitur eodem modo stans inclinatus, donec à Ministro dictum sit, Misereatur tui &c.** Cum dicit: **mea culpa** ter pectus dextra manu percutit. Cum incipitur à Ministro: **Confiteor** se erigit. Cum Minister, & qui intersunt (etiamsi ibi fuerit Archiepiscopus) respondent **Confiteor** dicunt: **Pater, &c. Pater.** Facta à circumstantibus Confessione, Celebrans stans respondet: **Misereatur vestri &c.** Deinde producit manu dextera à fronte ad pectus signum Crucis, dicit: **Induigentiam &c.** & stans inclinatus prosequitur: **Adiuutorium nostrum.** Eodem modo se signat, tum se inclinans dicit: **Sit nomen Domini benedictum:** Tum eodem modo inclinatus dicit: **Regete &c. secretò.**

§. 15. De Ingressu: Gloria in excelsis Deo, & Kyrie eleison.

Dicto: **Rogote &c.** Celebrans iunctis manibus ascendit ad medium Altaris, ubi (facta Cruci capitis inclinatione: vel Sacramento, si adsit, genuflectione) stans inclinatus, & iunctis manibus super Altare positis, itaut digiti parui duntaxat frontem, seu medium anterioris partis tabulæ, seu mensæ Altaris tangerent (quod totum semper obseruatur, cum manus iunctæ super Altare ponantur) secretò dicit: **Oramus te, Domine &c.** Quo dicto, cum dicit: **quorum Reliquiæ hic sunt,** facit manu dextera signum Crucis super Altare, tum osculatur in medio Altare: ubi illud signauit, manibus extensis, hinc inde super Altare positis (quod in omni deoscalatione Altaris seruatur) sed post Consecrationem pollices ab indicibus non disiunguntur. Osculato Altari, accedit ad cornu sinistram Altaris, id est, Epistolæ: ubi stans versus Altare, & producit à fronte ad pectus signum Crucis, incipit intelligibili voce Ingressam Missæ, & proseguit iunctis manibus: quod ipsum quoad, manus iunctas seruatur in omnibus Canticis, quemadmodum & hæc omnia tempore Paschali terminantur adiectione vocis **Halleluiah.** Cæterum dicta Sacerdos Ingressa, ibidem, ut prius, stans, & manus extendens, elenansque, & iungens, voce prædicta dicit: **Dominus vobiscum.** Tum iterum manus extendens, & iungens, incipit, si dicendum sit: **Gloria in excelsis Deo,** factis versus Crucem inclinationibus; ut in Ordinario Missæ.

§. 16. De Oratione super populum.

Dicto Hymno: **Gloria in excelsis;** vel, si non fit dicendus, eo omisso Celebrans, extendens, ac iungens manus ante pectus, ut prius, dieit voce prædicta: **Dominus vobiscum. &c. Et cum spiritu tuo.** Tum extendit manus ante pectus; ita ut palma vnus manus respiciat alteram, & digitis simul iunctis, quarum summities humerorum altitudinem, distantiamque non excedat, quod in omni extensione manuum ante pectus seruatur. Stans autem, ut supra, extensis manibus, dicit Orationem super populum. Cum dicit: **Per Dominum nostrum,** iungit manus: si aliter concluditur Oratio: **Qui tecum,** vel **Qui vivis;** cum dicit: **in unitate** iungit manus. Cum nominatur nomen Iesu, caput versus Crucem inclinât. Si etiam caput inclinât, sed versus librum cum in Oratione nominatur nomen Beatæ Mariæ, vel Sanctorum de quibus dicitur Missa, vel fit Commemoratio; item in Oratione pro Papa, quando ille nominatur. Si plures Orationes sint dicendæ; in eis idem in voce, & extensione manuum, & capitis inclinatione, quod supra dictum est, obseruetur; & sic etiam in cæteris Missæ Orationibus.

RUBRICÆ GENERALES.

§. 17. De Lectione, Epistola, & alijs, vsque ad Offertorium.

Dicitur Oratione, vel Orationibus super populum, Celebrans, extendens, & iungens manus, dicit: **Dominus vobiscum**: & positis super librum manibus, vel, si placuerit, librum tenens, legit Lectionem, si legenda sit, intelligibili voce: & respondetur in fine à Ministro: **Deo gratias**. Similiter stans, ut prius, prosequitur Psalmellum: quo dicto, legit Epistolam, eadem voce, & manibus eodem modo dispositis, & responso per Ministrum: **Deo gratias**. Sic etiam stans, ut prius, prosequitur Halleluiam, Versum cum suo Halleluiam in fine, vel Cantum sine Halleluiam, pro ratione temporis, ut supra.

Quibus dictis, Minister portat librum Missalis ad alteram partem Altaris in cornu Evangelij: & dum transit ante medium Altaris (& sic etiam, quotiescunque ante illius medium transierit) caput Crucis inclinat, vel etiam Sacramento genua flectit: & Missale sic locat, ut posterior pars libri respiciat ipsum cornu Altaris, & non ad parietem, siue ad partem eius contra se directam. Locato Missali in Altari, Celebrans, in medio Altaris stans, profunde inclinatus, iunctis manibus super Altare positis, leuatisque ad Deum oculis: secreto dicit **Munda cor meum**: ut in Ordinario. Quibus dictis vadit ad librum Missalem: ubi stans versus illum, manibus iunctis ante pectus, dicit intelligibili voce: **Dominus vobiscum**. & Et cum ipse rursus. Deinde pollicem dextræ manus signat signo Crucis primò librum, super principio Evangelij, quod est dicturus, postea seipsum in fronte, ore, & pectore dicens: **lectio** vel **inimam sancti Evangelij** &c. Dum respondetur: **Gloria tibi Domine**, versus Crucem inclinatus dicit: **Iube Domine** &c. & **Dominus sit in corde**: ut in Ordinario. Tunc iunctis iterum, ut prius, manibus, stans versus ad librum prosequitur Evangelium vsque ad finem. Quo finito, Minister responder: **Laus tibi Christe**, & Celebrans, eleuans parumper librum, osculatur Evangelium, dicens: **Per Euangelica dicta** &c. ut in Ordinario.

Si habendus sit Sermo; hoc loco habetur: & post Sermonem sunt Denunciationes matrimoniorum, & ordinandorum, promulgationes Decretorum, & Literarum Pastoralium, in Concilijs, & Synodis præscriptæ.

Dicto Evangelio, stans in medio Altaris versus Crucem, eleuans, & iungens manus, dicit, **Dominus vobiscum**. & Et cum spiritu tuo: Kyrie eleison, Kyrie eleison, Kyrie eleison. Tum iunctis manibus legit Antiphonam post Euangelium: & extendens, & iungens manus dicit: **Pacem habere**. & **Agnus Domine**. Tum rursus: **Dominus vobiscum**, & extensis manibus, dicit Orationem vnâ, vel plures, super sindonem.

§. 18. De Offertorio, & alijs vsque ad Canonem.

Dicitur Oratione super sindonem, Celebrans discooperit Calicem, tum manu dextera sinit illum ad Cornu Epistolæ, & amota prius Palla de super Hostiam, accipit Patenam cum Hostia: & ambabus manibus vsque ad humeros eum tenens eleuatam, oculis leuatis ad Deum dicit: **Suscipe elementissime Pater** &c. Si fuerint alia Hostiæ, siue Particulæ, non super Patena, sed super Corporali, vel in alio vase, pro Communionem populi consecrandæ; vas illud dextera discooperit, & intentionem suam etiam ad illas offerendas, & consecrandas dirigit, vnâ, eademque vice dicens, ut supra: **suscipe** &c. ut in Ordinario. Quo finito, faciens signum Sanctæ Crucis cum dicta Patena, ponit Hostiam supra Corporale circa medium interioris partis Corporalis, ante se: & Patenam in latere interius dextro supra Corporale collocat. Si autem Pixis adsit cum alijs Hostijs; illam cooperit proprio operculo.

Acceptum deinde Calicem Purificatorio intrinsecus totum abstergit; & accepta de manu Ministri ampulla vini hoc ponit in Calicem, dicens: **De latere Christi exiit Sanguis**. Deinde producit signum Crucis super ampullam aquæ, subdens: & **aqua pariter, in nomine Patris** &c. Mox imponit paululum aquæ in Calice: statimque Purificatorio abstergit eiusdem partes infuso liquore superiores, si fortè per eam infusionem fuerint aliquatenus adspersæ: Patenamque Purificatorio recenter absterfam, in eodem latere dextro sub Corpusale pro maiori parte collocans, ipsummet Purificatorium eidem supponit. Post hæc verò accipit Calicem ita dispositum, & discooperit: & stans ante medium Altaris ambabus manibus eleuatam tenens; videlicet, cum sinistra pedem, cum dextera autem nodum infra cuppam, intentis ad Deum oculis offert, dicens: **suscipe elementissime** &c. Qua Oratione dicta, facit signum Crucis cum Calice super Corporale, & ipsum in medio post Hostiam collocat, & Palla cooperit. Iunctis ergo deinde manibus super Altare positis, profunde inclinatus, secreto dicit Orationem: **Omnipotens sempiternus Deus** &c. Qua finita se erigens, manibus extensis dicit sequentem Orationem: **Et suscipe Sancta Trinitas** &c. pro regimine. In fine cum dicit: **Per Christum, Dominum nostrum**, iungit manus: quod idem seruatur semper in fine Orationum ad illa verba: **Per Christum**. Subiungit deinde aliam Orationem: **Suscipe** &c. in memoriam: si dicenda sit. Deinde expandens manus super Calicem, & sic expansas tenens iunctas simul ad indices, pollice dextro super sinistram desuper in modum Crucis posito (quod semper seruatur quoties manus expandit tenentur super Calicem) dicit Orationem: **Attuscipe** &c. pro Communionem mea. Cum verò dicit: **Benedictio Dei omnipotentis**: eleuans oculos, manus iungit: & cum dicit: **Pater** &c. signat ter manu dextera communiter super Hostiam, & Calicem. Tum manus expansas super oblata tenens, ut prius, prosequitur Orationem vsque ad finem.

Tunc iunctis manibus, dicit eleuata voce Offertorium suo in loco: deinde dicit: **Dominus vobiscum**. Tum extendens, eleuans, & iungens manus, incipit, si dicendum sit: **Credo in vnum Deum**, quemadmodum scilicet in Ordinario extat præscriptum. Dicto Symbolo, dicit **Dominus vobiscum**: tum manibus extensis, stans in medio Altaris versus librum, dicit clara voce Orationem, vel Orationes super oblata, ordine, numero, & modo, quo supra: & in conclusione vltimæ Orationis ad illa verba: **et omnia hæc secularium** ponit manus extensas hinc inde super Altare, & responso Amen, cum dicit: **aurum corda**, eleuat manus hinc inde extensas vsque ad pectus, ita ut vna palma alteram respiciat. Cum dicit: **gratias agamus Domino**, iungit manus. Cum dicit: **Deo nostro**, caput inclinat. Responso: **Dignum & iustum est**, eleuatis, & extensis,

ut prius, manibus, prosequitur Præfationem prout Missa requirit. Cum dicit: **Sanctus**, iunctis ante pectus manibus, & inclinatus eadem voce prosequitur. Ad hæc verò Minister, dato ter campanulæ, in id illic præparatæ signo, circumstantes excitat ad maiorem sacri Ministerij proximè peragendi attentionem: dehinc vnum intortitium, aut candelam, vel plura, aut plures in cancellis, vel in alio situ opportuno accendit in id vsque tempus, quo peracta sit Communio, vel solius Sacerdotis, vel etiam aliorum. Cum verò Sacerdos item dicit: **Benedictus, qui venit in nomine Domini** &c. erigens se, signum Crucis sibi producit à fronte ad pectus.

§. 19. De Canone Missæ vsque ad Consecrationem.

Finea Præfatione, ut supra, Celebrans stans ante medium Altaris, versus ad illud, aliquantulum eleuat manus, oculisque eleuatis ad Deum, & sine mora deuotè demissis, ac manibus iunctis super Altare positis, profunde inclinatus incipit Canonem: secreto, dicens: **Te igitur** &c. ut in Ordinario. Cum dicit: **vti accepta habeas, & benedicas**, prius signat in medio Altaris ante se, & osculatur ibidem; deinde erigit se, & stat iunctis manibus ante pectus. Cum dicit: **hæc dona & hæc munera & hæc sancta sacrificia**, dextera manu signat ter communiter super Hostiam, & Calicem. Deinde extensis manibus ante pectus prosequitur: **in primis quæ tibi offerimus**, & ubi dicit, **vnâ cum famulo tuo Papa nostro N.** exprimit nomen Papæ; Sede autem vacante, verba prædicta omittuntur. Sic etiam ubi dicitur: **et Pontifice nostro N.** specificatur nomen Archiepiscopi, qui si est vita functus; prædicta verba omittuntur. Si Celebrans est Archiepiscopus; omisissis prædictis verbis, eorum loco dicit: **et me indigno seruo tuo**: Post hæc continuatim omnes Celebrantes reliqua prosequuntur: **sed & omnibus Orthodoxis** &c.

Cum dicit: **Memento Domine**, eleuans, & iungens manus vsque ad faciem, vel ad pectus, sic iunctis manibus quiescit paulisper, demisso aliquantulum capite, faciens Commemorationem viuorum Christianidelum, ad suam voluntatem, quorum nomina, si vult, commemoret; non tamen necesse est ea exprimere; sed mente tantum eorum memoriam habeat. Potest etiam Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos, tam viuos, quàm defunctos, pro quibus in Missis orare intendit, & hoc loco generaliter vnico contextu ipsorum viuorum Commemorationem agere, pro quibus ante Missam orare in Missa proposuerat. Commemoratione viuorum facta, extensis, ut prius, manibus, continuat: **et omnium circumstantium** &c. Similiter stans prosequitur: **Communicantes**, siue Commune infra Canonem. Quod si qua incidat Solemnitas hoc habens proprium, ab hoc ipso exorsus, reliqua prosequitur à Comuni, scilicet iuxta indicium signi rubri, concorditer vtrobique collocati. Quod iterum seruandum erit in transitu à Proprio infra Actionem ad Commune. Cum verò dicit: **Iesu Christi**, caput inclinat Crucis: cumque in conclusione dicit: **Per eundem Christum**, iungit manus.

Subiungit deinde Commune infra Actionem, vel etiam Proprium, si adsit: cumque dicit: **Hanc igitur oblationem**, expandit manus sinistram super oblata, ita ut palma sit aperta versus, ac supra Calicem, & Hostiam: quas sic tenet vsque ad illa verba: **Per Caritatem, Dominum nostrum**. Tunc enim iungit manus, & sic prosequitur: **Quam oblationem tu Deus in omniis quæsumus**. Cum dicit: **Bene & dictam, ascriptam, & tam, & tam**, communiter signat ter super Hostiam, & super Calicem simul. Deinde cum dicit: **ut nobis Cor & pus**, separatim signat semel super Hostiam tantum: cum **& San & guis**, semel super Calicem tantum: deinde eleuans, & iungens manus ante pectus, prosequitur: **fiat dilectissimi filij tui, Domini nostri, Iesu Christi**, inclinans caput Crucis.

Tunc iunctis manibus ante pectus, accedit ad cornu Epistolæ: ubi stans, Ministro aquam fundente, lauat manus, id est, extremitates digitorum, pollicis, & indicis, nihil dicens. extergit, & illis iunctis ante pectus, reuertitur ad medium Altaris. Ubi si adsit vas cum alijs Hostijs consecrandis; discooperit illud, & prosequitur secreto, ut prius: **Qui præbe, quæsumus pro nobis, & omnibus sanctis pateretur**: & accipiens pollicem, & indicem dextræ manus Hostiam, & eam cum illis vnâ cum pollice, & indice sinistræ manus tenens, stans erectus ante medium Altaris, dicit: **accipiens pacem**: eleuansque ad coelum oculos, & statim demittens, dicit: **eleuauit oculos ad celos ad te Deum, Patrem suum omnipotentem**: caputque aliquantulum inclinans, dicit: **tibi gratias agens**: & Hostiam tenens inter pollicem, & indicem sinistræ manus, dextera producit signum Crucis super eam, dicens: **Bene & dixit, fregit, deditque Discipulis suis, dicens ad eos: accipite, & manducate ex hoc omnes**. Tum Hostiam pollicibus, & indicibus vtriusque manus tenens, brachijs Altari innixus, capite inclinato, distinctè, reuerenter, & secreto profert verba Consecrationis super Hostiam (& simul super omnes, si plures sint consecrandæ) attentè, & deuotè, & continuatè dicens: **Hoc est enim Corpus meum**. Quibus prolatis, Celebrans tenens Hostiam inter pollices, & indices prædictos super Altare, reliquis manuum digitis extensis, & simul iunctis, & Hostijs, si plures sunt consecratæ, in loco, in quo à principio Missæ sunt positæ, super Corporali, vel alio vase dimissis genuflexus eam adorat. Tunc se erigens, quantum commodè potest, eleuat in altum Hostiam, & intentis in eam oculis (quod & in eleuatione Calicis faciet) populo reuerenter ostendit adorandam: & mox ipsam reuerenter super Corporale reponit in eodem loco, vnde illam eleuauit: & rursus ad terram vsque genuflexus adorat. Quod si vas adsit aliarum Hostiarum, Palla, vel alio sui operculo, illud cooperit. Deinceps verò pollicem ab indice cuiusque manus non disiungit (nisi quando Hostiam consecratam tangere, vel tractare debet) vsque ad ablutionem digitorum post Communionem. Cæterum, dum Celebrans adorat, & eleuat Hostiam, Minister manu sinistra eleuat fimbrias posteriores Planetæ: ne illa ipsum Celebrantem impediatur in eleuatione brachiorum: dextera verò rursus Campanulam ter pullat: quod similiter vtrumque mox faciet etiam in adoratione, atque eleuatione Calicis.

Celebrans, Sacramento Corporis ita denique adorato, surgit, & discooperit Calicem. Pallam ponens super Hostiam consecratam, & stans erectus dicit: **Simili modo postquam coenatum est**: & ambabus manibus accipiens Calicem iuxta nodum infra cuppam, aliquantulum eleuans, & statim deponens, dicit: **accipiens Calicem**, eleuans oculos dicit: **hæc est enim**

RUBRICÆ GENERALES.

Incipit. caput inclinans dicit: *Item tibi gratias agens &c.* & cum dicit: *bene & dicit*, sinistra Calicem infra Suppam tenens, dextra signat super eum, & prosequitur: *tradidit; Discipulis suis &c.* & ambabus manibus tenens Calicem, videlicet sinistra pedem, & dextra nodum infra Suppam, brachijs super Altare positis, & capite inclinato profert secretò, & deuotè, vt supra, verba Consecrationis Sanguinis: *Hic est enim Calix &c.* Quibus dictis reponit super Corporale Calicem: statimque primores duos vtriusq; manus digitos supra eundem tergit (quod ipsum alias etiam faciet, si digitis aliquod postea fragmentum adhaeserit) & dicens: *Mandatum est*; & dicens ad eos &c. genuflexus Sanguinem reuerenter adorat. Tum se erigit, & accipiens Calicem discoopertum cum Sanguine, ambabus manibus, vt prius, eleuat eum; & erectum, quantum commodè potest, ostendit populo adorandum: mox reuerenter ipsum reponit super Corporale in locum pristinum, & manu dextra Palla cooperit, & genuflexus Sacramentum veneratur.

§. 10. De Canone post Consecrationem vsque ad Confractorium.

Reposito Calice, & adorato, Celebrans stans ante Altare extensis brachijs in modum Crucis, dicit secretò: *vere, et memores.* Cum dicit: *offerimus*, iungit manus ante pectus; & cum dicit: *Hostiam & puram, Hostiam & sanctam, Hostiam & immaculatam*, manu dextra signat ter communiter super Hostiam, & Calicem: & semel super Hostiam tantum, & semel super Calicem tantum, dicens: *hunc Panem & sanctum vitæ æternæ, & Calicem & salutis perpetuæ.* Deinde extensis ante pectus manibus, prosequitur: *Supra quæ propitio &c.* Cum dicit: *Supplices* & *rogamus &c.* inclinat se profundè ante medium Altaris, manibus iunctis super illo positis, Cum dicit *ex hac Altaris participatione*, signat Altare, & osculatur. Cum dicit: *secro sanctum*, iungit manus, & dextra signat semel super Hostiam tantum, & semel super Calicem, dicens: *Cor & pus, & San & guinem Domini nostri &c.* Et cum dicit: *omni benedictione cœlesti*, seipsum signat à fronte ad pectus signo Crucis, & prosequitur: *gratia repleamur.* Cum dicit *Per eundem Christum*, iungit manus.

Cum dicit: *Memento etiam Domine famulorum famularumque tuarum &c.* statim extensis, & iunctis manibus ante pectus, vel vsq; ad faciem eleuatis, & intentis oculis ad Sacramentum super Altare, facit Commemorationem Fidelium Defunctorum, de quibus sibi videtur, eodem modo, quo dictum est de Commemoratione Viuorum. Quia Commemoratione facta stans, vt prius, extensis manibus prosequitur: *ipsum Domine, & omnibus in Christo &c.* Et in fine ad *per eundem Christum* iungit manus, & caput inclinat.

Cum dicit: *Nobis quoque, minimis, & peccatoribus*, vocem aliquantulum eleuat: & dum sinistram manum super Corporale sinit, pectus sibi percutit dextra, siue tribus eiusdem digitis posterioribus ita protensis, vt pectus tangeret ipsos: & non primoribus, interea curuatis, & summitate inter se coniunctis: quod ipsum seruabit etiam postea, cum dicit: *domine, non sum dignus.* Deinceps autem secretò hic prosequitur: *ramulis tuis &c.* stans, vt prius.

Cum dicit: *Per Christum, Dominum nostrum: per quem &c.* omnia Domine, semper bona creas, iungit manus ante pectus: deinde manu dextra ter signans communiter super Hostiam, & Calicem dicit: *ante te &c.* *gras, viu & ficas, bene & dicit &c.* Postea discooperit manu dextra Calicem: & genuflexus facit reuerentiam Sacramento dicens: *Et est tibi Deo Patri omnipotenti.* Tum se erigit, & reuerenter accipit Hostiam inter pollicem, & indicem dextræ manus: & cum ea super Calicem, quem manu sinistra tenet ad nodum infra Suppam, signat ter à labio ad labium, dicens: *Ex & ipso, & per & ipsum, & in & ipso, omnis honor, virtus, & gloria.* Tum pollice, & indice sinistræ manus tenens Hostiam super Calicem, accipit dextra Patenam inter indicem, & medium, & cum ea ter signat communiter super Hostiam, & Calicem, dicens: *in pace, in pace, in pace, & po & tchas, in unitate spiritus sancti.* Deponit Patenam ante se super Corporale, cuius pars posterior sit super pedem Calicis: tum sinistram aliquantulum eleuans simul cum Hostia, dicit alta voce: *Per infinita seculorum, &c.* amen. Deinde indicibus, & pollicibus vtriusq; manus Hostiam super Calicem reuerenter frangit per medium, dicens: *Corpus tuum transgitar, Christe, Calix benedicitur, & mediam partem, quam inter indicem, & pollicem dextræ manus tenet, ponit super Patenam: de altera media, quam sinistra manu tenet, frangit cum pollice, & indice dextræ manus particulam, prosequens: sanguis tuus in nobis &c.* Quam inter ipsos dextræ manus pollicem, & indicem retinens, partem maiorem, quam sinistra tenet, adiungit medix super Patenam posita: & particulam Hostiæ, quam in dextra manu retinuit, demittit in Calicem, signans cum ipsa à labio ad labium semel, dicens: *Communicatio & sanctificatio &c.* Deinde pollices, & indices super Calicem aliquantulum tergit, & iungit, Calicem Palla cooperit, genuflectit, & surgit.

§. 11. De Confractorio, Oratione Dominica, & alijs vsque ad Transitorium.

Celebrans, discooperto Calice, adoratoq; Sacramento, erigit se, & manibus iunctis legit clara voce Confractorium suo loco.

Tum extendens, & iungens manus, dicit secretò: *offerimus*, caput inclinans: postea voce intelligibili, manibus vt prius iunctis, dicit: *Preceptis salutarijs &c.* Cum dicit: *pater noster*, extendit manus, & stans oculis ad librum, vel Sacramentum intentis, prosequitur vsq; ad finem. Cum dicit: *inextinguibilem ignem tuum*, caput inclinat. Responso à Ministro: *inextinguibilem ignem tuum*, dicit submissa voce: *amen*: & dextra manu se signans dicit voce clara: *inextinguibilem ignem tuum, &c.* In fine cum dicit: *inextinguibilem ignem tuum*, iungit manus. Cum dicit: *Pax, & communicatio &c.* dextra producit signum Crucis à fronte ad pectus, sinistra super Altari posita, & cum dicit: *Et semper vobiscum*, iungit manus, & cum ipso suo. Tum iunctis manibus dicit: *Offerte vobis pacem. &c.* Deo Gratias. Tunc manibus iunctis, super Altare positis, oculisque ad Sacramentum intentis, inclinatus dicit secretò: *Domine, Jesu Christe, qui dixisti &c.* Quia Oratione finita, si est daturus pacem, osculatur Altare in medio, & ci statim instrumentum patris porrigitur à Ministro, iuxta ipsum ad dex-

tram, id est ad cornu Epistolæ genuflexò, & dicit: *Pax vobis.* Si non ad sit, qui huiusmodi instrumento pacem recipiat à Celebrante; pax non datur; sed dicta præmissa Oratione, statim eodem modo stans inclinatus manibus, & oculis, vt supra, subiungit alias Orationes, vt in Ordinario. Quibus Orationibus dictis, sinistra manu super Altari posita, parum inclinatus, oculis ad Sacramentum intentis, dextra tribus vicibus percutit sibi pectus (ea scilicet cautione, qua descripsimus §. præcedenti) interim etiam dicens ter voce aliquantulum eleuata: *Domine non sum dignus, & secretò prosequitur: vt iocres sub tectum &c.* Quibus tertio dictis, genuflectens, Sacramentum adorat: & se erigens, dicit secretò: *Quid retribuam &c.* Tum dicens: *panem cœlestem accipiam &c.* dextra manu accipit reuerenter de Patena ambas partes Hostiæ, & sinistra Patenam inter indicem, & medium digitos sub dextra tenens: & cum dextra super Patenam signat seipsum signo Crucis, dicens: *Corpus Domini nostri Jesu Christi, &c.* Deinde sinistram manum in vitam æternam. Amen. Tum se inclinans, reuerenter easdem ambas partes sumit: hisq; sumptis, deponit Patenam super Corporale, & pedem Calicis, & erigens se iunctis indicibus, & pollicibus, ambas quoq; manus ante faciem iungit, & aliquantulum quiescit in meditatione Sanctissimi Sacramenti. Deinde, depositis manibus, dicit secretò: *quid retribuam Domino pro omnibus, quæ retribuit mihi, & discooperto Calice, genuflectit, surgit, accipit Patenam: qua super Corporale ducta, colligit fragmenta, & eam diligenter cum pollice, & indice dextræ manus super Calicem extergit, & ipsos etiam digitos, ne quid fragmentorum in eis remaneat. Si verò adsint Hostiæ consecratæ, super Corporale posita, pro alio tempore conseruandæ; facta prius genuflexione, reponit eas in vas ad hoc ordinatum; & diligenter aduertit, ne aliquod fragmentum, quantumcumque minimum, remaneat super Corporale, & proindeq; si quod in eo fuerit, id accuratè reponit in Calicem. Post extensionem Patenæ, iunctis pollicibus, & indicibus, Calicem dextra manu inter indicem, & medium infra nodum Suppæ accipit, dicens, *Calicem salutarem &c.* & signans se signo Crucis cum Calice dicit, *etiam quæso Domine, vt perceptio &c.* & manu sinistra supponens Patenam Calici, stans reuerenter sumit totum Sanguinem cum particula in Calice posita. Quibus sumptis dicit secretò: *quod ore sumpsimus &c.* & postea stans ibidem porrigit dextra Calicem Ministro in cornu Epistolæ extra Corporale: quod vinum fundente, se purificat, sinistra Patenam supponens Calici ante pectus: deinde vino, & aqua abluit pollices, & indices super Calicem extra Corporale versus cornu Epistolæ: quos abstergit Purificatorio, interim dicens: *Confirma hoc Deus &c.* Mox abluitionem sumit, Purificatorium ori supponens sinistra, tum extergit os, & Calicem Purificatorio: munda toq; Calice, ponit eum in medio super Corporale, Purificatorium extendit plicatum super Calicem, ac super illud Patenam, super Patenam verò parauam Pallam, quam cooperit Velo. Post hæc sinistra ponit Calicem versus cornu Euangelij, plicat Corporale, & reponit in Bursam: qua posita super Calicem, ipsum collocat in medio super Altare, vt prius. Si quæ sunt communicandi in Missa; eos communicet antequam sumat purificationem. Quibus communicatis, dicit: *Quod ore sumpsimus Domine, &c.* Deinde se purificans dicit: *Confirma hoc Deus, quod &c.* & alia facit, vt supra.*

§. 12. De Transitorio, & Orationibus post Communionem dicendis.

Celebrante purificato, dum Calicem instruit in Altari, liber Missalis deferitur per Ministrum ad cornu Epistolæ, ibique collocatur: vt in Ingressa. Deinde Celebrans, facta Cruci reuerentia, accedit ad librum: vbi stans legit Antiphonam, quæ dicitur Transitorium. Quo lecto, extendens, ac iungens manus dicit: *Dominus vobiscum.* Subiungit ergo Orationem, vel Orationes post Communionem, eisdem modo, numero, ordine, vt supra dicta sunt Collectæ super populum. Quibus dictis, dicit, vt supra: *Dominus vobiscum:* & dum Minister respondet: *et cum spiritu tuo: Kyrie eleison, Kyrie eleison, Kyrie eleison.* iunctis manibus accedit ad medium Altaris: vbi facta Cruci reuerentia, dicit: *Seneca, & exaudiat &c.* se signans: postea manibus iunctis subiungit: *Procedamus cum pace:* & responso, in nomine Christi, dicit *Benedicamus Domino.*

§. 13. De Benedictione in fine Missæ, & Euangelio S. Ioannis.

Dicto: *Benedicamus Domino*, vt supra, Celebrans, ante medium Altaris stans iunctis manibus super Altare profundè inclinatus, dicit secretò: *Placeat tui* vt in Ordinario: & interim Minister librum deferat ad cornu Euangelij. Mox signo Crucis super Altari facto, extensis manibus hinc inde super Altare positis, ipsum in medio osculatur: tum erigens se, atq; adhuc stans versus illud, extendit, eleuat, & iungit manus: caputq; Cruci inclinans, dicit voce intelligibili: *Benedicat vobis omnipotens Deus:* & iunctis manibus, ac demissis ad terram oculis, à dextra parte vertit se ad populum: vbi, sinistra ad pectus posita, extendit manum dextram, iunctisq; digitis semel benedicit populo dicens: *Pater, & Filius, & Spiritus Sanctus.* Tum vertit se ad cornu Euangelij: vbi iunctis manibus, dicto: *Dominus vobiscum*, responsoq; *et cum spiritu tuo*, pollice dextro signans primum signo Crucis librum, deinde suimetipsum frontem, os, & pectus, dicit: *Initium Sancti Euangelij secundum Ioannem*, vel: *Lex & Verbum Sancti Euangelij*, prout aliquando Missæ dispositio tulerit; vt suis locis est obseruatum. Responso igitur à Ministro: *Gloria tibi, Domine*, Celebrans iunctis manibus legit Euangelium. In principio, vel aliud, vt conuenit. Cum dicitur: *Et Verbum caro factum est*, genuflectit versus Librum, vel Tabellam, Euangelium illud de more continentem: & surgens prosequitur, vt prius, vsque ad finem; neque tamen Librum denique, vel Tabellam osculatur.

Quod si fortè celebrat in Altari, ad quod facie conuersus, ad populum item sit conuersus; tunc quidem non vertit se, sed stans, vt erat benedicens populo, vt supra, in medio Altaris; deinde accedit inde ad cornu Euangelij, & dicit Euangelium Sancti Ioannis, vel alterum, vt supra.

Quibus omnibus absolutis, Sacerdos accipit sinistra Calicem: dextram ponens super Bursam, ne cadat: descendit ante infimum gradum Altaris; & ibi in medio vertens se ad illud, caput inclinat, & facta Cruci, vel etiam

RUBRICÆ GENERALES.

etiam Sacramento, debita reuerentia accepto bireto cooperit caput: tum præcedente Ministro, eo modo, quo venerat, redit ad Sacristiam, interim dicens Antiphonam secretò: **Tres in camino & Canticum, Benedicite.** Si verò sit dimissurus huiusmodi vestes ante Altare, ubi celebravit; finito Evangelio prædicto, ibidem deponit vestes, & dicit Antiphonam prædictam: **Tres in camino**, cum Cantico, & alijs Orationibus, suo locodispositis.

In depositione vestium ordo retrogradus obseruatur. Nam primò exuitur Planeta, deinde Stola, postea Manipulo, Amictu, Cingulo, ac demum Alba: cuius primò exuit manicam sinistram, deinde caput, tum manicam dextram exuitur. Equibus Paramentis tria osculatur, Stolam, Manipulum, & Amictum: tum lotis manibus, orat genuflexus aliquantulum, & vadit in pace.

§. 14. De ijs, quæ seruanda sunt in Missa pro Defunctis.

In Missa pro Defunctis idem ritus obseruatur, qui supra, præterquam in sequentibus.

Cum incipit Ingressam, non signat se Celebrans; sed manu dextra extensa facit signum Crucis versùs Libram, ac si aliquid benediceret: tum repetit eandem Ingressam, sed cum ea repetitur, nihil signat.

Non dicit **Gloria in excelsis**, nec **Halleluia**, nec **Aube Domine**, nec Benedictionem ad Lectionem, Epistolam, & Evangelium: nec osculatur Librum post recitatum Evangelium. Orationes dicuntur, vnà, aut plures, vt supra in Rubrica de Orationibus, §. 9. Dicto Evangelio non salutat; sed statim dicit: **Requiem æternam**: quo finito dicit semel: **Dominus vobiscum** (cui respondetur omnis **Kyrie eleison**) neq; subdit: **Pacem habete**, sed protinus dicit Orationem, vel Orationes super sindonem.

Non benedicit aquæ in Calicem imponendæ; ideo cum dicit: **De latere Christi exiit sanguis, & aqua pariter**, non subiungit: **In nomine Patris &c.** Non dicitur: **Credo**, neq; **Offerte vobis pacem**, neque ante Communionem Oratio: **Domine Iesu Christe, qui dixisti**, neque Pax datur; sed eorum loco Sacerdos clara voce manibus iunctis aliquantulum inclinat ut dicitur: **Agnus Dei**, vt in Ordinario.

Dicta vltima Oratione post Communionem, & **Dominus vobiscum** (cui respondetur sine **Kyrie eleison**) subinde non dicit: **Benedicat &c.** sed statim subdit: **Requiem æternam &c.** tum: **Animæ omnium Fidelium Defunctorum &c.** Nulla igitur data populo Benedictione, neq; propterea se ad ipsum conuertens, subdit: **Placeat**, ac deniq; Sancti Ioannis Evangelium, vt supra.

Prout tamen Missam celebrabit pro vno, vel vna, vel pro pluribus Defunctis; sic etiam concludet congruenter ad eiusdem Missæ Ingressam, Quamobrem, hac seruata regula, concludet etiam aliquando: **Requiem æternam dona ei Domine**; cui respondebitur: **Et lux perpetua luceat ei:** tum verò **Anima istius, & Animæ omnium Fidelium Defunctorum, per Dei misericordiam requiescant in pace.** Sic etiam aliquando: **Requiem æternam dona eis Domine**, cui respondebitur: **Et lux perpetua luceat eis**, cum verò **Animæ istorum, & omnium Fidelium Defunctorum, per Dei misericordiam requiescant in pace.** Amen.

§. 15. Quæ seruanda sint à Sacerdote celebrante Missam priuatam coram Cardinale, Archiepiscopo, vel Episcopo, in eorum Prouincia, Ciuitate, vel Diocesi.

Sacerdos celebraturus coram Cardinale, necnon Archiepiscopo, & Episcopo, in loco eorum iurisdictionis, sistit se in infimo gradu Altaris à cornu Evangelij, vbi stans expectat. Dato signo facit reuerentiam profundè Prælati, & versùs ad Altare incipit Missam, & dicens: **Confiteor.** vbi dicit: **vobis, fratres, & vos fratres**: dicit: **tibi Pater, & te Pater**, quod dicens, profundè se inclinat. Dicta Confessione vsque ad **Rogate &c.** facta Prælati profundè reuerentia, accedit ad medium Altaris, vbi dicit Orationem: **Rogate &c.**

Dicto Evangelio, non osculatur Librum Sacerdos celebrans coram huiusmodi Prælati; sed cuiuslibet eorum ipse Liber osculandus offertur: quod etiam in Missa Solemni, seu Conuentali, præsentibus supra dictis Prælati, seruatur.

Dicto: **Offerte vobis pacem**, & Oratione: **Domine Iesu Christe**, si datus Pacis Missæ conueniat; osculatur Altare; tum conuersus ad Ministrum porrigentem Tabellam Pacis, osculatur eam, dicens: **Pax tecum:** tum Missam prosequitur.

In fine Missæ, dicto: **Placeat**, dicit: **Benedicat vos omnipotens Deus:** & conuertens se ad Cardinalem, vel Prælatum, vt supra, facit ei reuerentiam, quasi licentiam benedicendi petens: tum se erigens, prosequitur, **Pater, & Filius &c.** benedicens astantes ab ea parte, in qua non adest Cardinalis, Archiepiscopus, vel Prælati, vt supra.

Finito Evangelio: in principio, vel in eius locum altero, conuertit se ad illum, coram quo ex prædictis celebravit, & facit ei reuerentiam conuenientem. Tum vadit in pace.

Si autem celebravit coram Patriarcha, Archiepiscopo, vel Episcopo extra eorum Titulum, Ecclesiam, Prouinciam, Ciuitatem, vel Diocesim constitutis; eis absque alio respectu, vt cæteris, qui intersunt, more consueto benedicit.

§. 16. Quid seruandum, si in Altari, in quo Missa celebranda est, sit Sanctissimum Sacramentum.

Super Altare, in quo celebranda est Missa, sit Sanctissimum Sacramentum in Tabernaculo reconditum; omnia seruabuntur, vt supra. Itaque sicut quinquè genuflexiones, loco earum inclinationum, quæ Cruci, vel Altari fieri debent.

In primis genuflectit Celebrans cum primùm ad Altare è Sacristia peruenit: Secundo, cum ab Altari descenderit, Missam inchoaturus: Tertiò, quando post Confessionem ascendens ad Altare, ipsum exosculatur: Quarto, cum in fine Missæ se vertit benedicturus populum (quod idem seruatur quoties se vertit ad populum, vel ad habendum Sermonem, vel ad recipiendam Oblationem, vel aliud faciendum: Quintò, cum finito Evangelio: in principio, est recessurus ad Sacristiam.

Si verò Sanctissimum Sacramentum sit in Altari expositum (quamuis non passim in eo celebrari debeat, & nonnisi ex rationabili causa) præter genuflexiones quinquè supra positas, obseruabuntur, quæ mox sequuntur.

In primis quoties in ritu celebrandi Missam notatum est fieri debere Cruci reuerentiam, tunc fiat Sanctissimo Sacramento per genuflexionem.

Cum manus lauat, non vertit renes Sanctissimo Sacramento. Quapropter eas lauat paulùm extra cornu Epistolæ, versùs ad illud.

In fine Missæ benedicturus populum, vertit ad se ad cornu Evangelij, vbi benedicit (quod semper fit, quoties se vertit habiturus Sermonem, aut aliquid simile facturus versùs populum) nec perficit circulum, sed per eandem partem reuoluens se, accedit ad dicendum Evangelium: in principio.

Sive autem Sacramentum sit expositum, siue reconditum, numquam, dum Missa dicitur per alium Sacerdotem, fiet populi Communio ante illud Altare, nisi absoluta Missa.

Ritus celebrandi Missam in cantu, quam Conuentionalem vocant.

§. 17. De Apparatu.

In Altari, præter Pallia, Mappas, Crucem, & alia, quæ ad Missas priuatas requiruntur, sint lumina, quandoque sex, quandoque quatuor, & aliquando duo, pro diuersitate Officiorum. In Officijs enim Solemnibus primæ, vel secundæ classis ardeant in Altari sex lumina: in Dominicis diebus, Octauis, & alijs Festis Sanctorum solemnibus, quatuor: in feriabilibus ad minus duo, magnitudinis conuenientis. Missale super Puluidari, in cornu dextro, siue Epistolæ.

In Sacristia, vel alibi, in loco conuenienti, super mensam sint duo candelabra: Paramenta coloris conuenientis pro Sacerdote in medio, ordine, vt supra in Missa priuata: pro Diacono à dextris, Alba, Cingulum, Amictus, Manipulus, Dalmatica, & Stola: pro Subdiacono à sinistris, Alba, Cingulum, Amictus, Manipulus, & Tunica. Quæ Paramenta cum Paramentis Celebrantis debent esse conformia in colore, & genere, & materia, ex quibus constant. Verùm in Aduentu, & Quadragesima, loco Dalmaticarum, vtuntur Ministri Planetis plicatis ante pectus in Cathedrali, & Collegiatis Insignibus.

Calix cum Purificatorio, Patena, parua Palla, Velo coloris conuenientis coopertus, & desuper Bursa amplior cum Corporalibus: Hostiaria cum Hostijs: Vreoli duo ex vitro perlucido cum vino, & aqua in pellicula: Velum oblongum humeris Subdiaconi apponendum.

Liber Missalis, Liber Evangeliorum, & Epistolarum, & Lectionum. Præter Celebrantem ad sint etiam, si commodè fieri potest, hi Ministri: Diaconus, Subdiaconus, Acolytus vnus thuriferarius, & alter Nauculam ferens: duo item Ceroferarij, & alius Vreolos ministraturus, cum opus est.

§. 18. De ingressu Celebrantis, & Ministrorum ad Altare.

Sacerdote præparato, vt supra dictum est in Missa priuata, cum Ministris Diacono, & Subdiacono, hoc ordine proceditur ad Missam. Præter Acolytus thuriferarius cum Thuribulo fumigante in dextra, & alter cum Naucula, & Incenso in sinistra. Sequuntur duo Acolythi ceroferarij cum cereis ardentibus: tum Subdiaconus solus, Diaconus solus, vltimò Celebrans solus cooperto capite, reliquis Ministris aperto capite præcedentibus. Cum peruentum fuerit ad vltimum gradum ante Altare, medius inter Diaconum à dextris, & Subdiaconum à sinistris, facit Confessionem; vt supra.

Facta Confessione, Sacerdos ascendit cum Ministris ad Altare: quo per eum tantum signato Crucis signo, & osculato, ponit Incensum in Thuribulum, ministrante Diacono Nauculam, & Subdiacono Thuribulum. Diaconus ergo porrigens illi Nauculam dicit (& sic etiam dicit ad Offertorium) **Benedicite reuerendæ Pater Incensum istud.** Ille verò, posito ter Incenso in Thuribulo, ac demum in Naucula reposito cocleari, supra idem in Thuribulo Incensum faciens signum Crucis, dicit: **Ab illo benedicaris, in cuius honorem incensaris:** & reposito cocleari, facit signum Crucis super Thuribulum. Postea Diaconus dimissa Naucula, accipit Thuribulum, & dat Celebranti, osculata prius dextra eius manu. Qui, si adsit Sanctissimum Sacramentum, siue in Tabernaculo inclutum, siue expositum, genuflexus in supremo gradu Altaris, ter Sacramentum incensat: surgit, genuflectit, & facta Cruci reuerentia ante, & post, ter eam incensat, deinde Reliquias, si adsint: primùm, quæ à parte Evangelij sunt, deinde quæ in altero latere, duplici ad vnum quodque latius ductu Thuribuli, sine vlla capitis, aut humerorum inclinatione. Postea incensat Imagines, siue Candelabra in latere Epistolæ, Thuribulum semel singulis ducens: quæ siue plura, siue pauciora sint à quolibet latere, triplici passu facto, ter tantum ducit Thuribulum, ante quemlibet ductum passu facto: in cornu verò Epistolæ incensat illius postremam inferiorem partem, deinde superiorem, scilicet tabulam Altaris. Inde autem procedens versùs cornu Evangelij, facta Cruci reuerentia, incensat alias Imagines, seu Candelabra in eo latere posita; deinde autem postremam illius itidem cornu partem exteriorem, inferius primò, deinde superius, vt supra. Deinde totam incensat anteriorem partem Altaris vsque ad extremum illius in cornu Epistolæ, facta Cruci reuerentia, cum ante eam transsit: & reddito Thuribulo Diacono, in vno gradu inferiori eius lateris consistenti, ipse solus ab eo incensatur, stans versùs cornu Epistolæ iunctis manibus, Diacono inclinanti aliqualem reddens capitis inclinationem. Dum verò Celebrans incensat, Subdiaconus à tergo illi sinister assistens in vno semper gradu inferiori, quam ille sit, extremitatem Planetæ illi paulùm sustinet. Celebrans deinde cum illis Diacono à dextris, & Subdiacono à sinistris, hinc inde stantibus, submissa voce recitat Ingressam: dehinc alta voce canit Versum: **Dominus vobiscum**, mox & initium Hymni Angelorum, **Gloria in excelsis Deo**: cuius Hymni reliqua subinde prosequitur vnà si nullo

RUBRICÆ GENERALES.

eum Diacono, & Subdiacono submissa voce usque ad finem: cum quibus etiam seruabit inclinationes iam præscriptas, tum respectu priuatae summet ipsorum recitationis, tum etiam respectu cantus Chori, vel etiam Cantorum, à quibus item similia postmodum seruabuntur, quando dicetur: **Credo in vnum Deum, & Sanctus.** Cæterum eo Hymno ita priuatim conuinato, Diaconus hinc, inde verò Subdiaconus, facta Cruci reuerentia, vel etiam Sacramento genuflexione, necnon etiam modica capitis erga Celebrantem inclinatione, ad sua quisque loca se transferunt: ille ad cornu exterius Altaris in parte Epistolæ; hic verò ad cornu exterius in parte Evangelij: vbi versa ad inuicem facie stant, cum dicitur Oratio, & cæteræ partes Missæ, nisi aliud noceat.

§. 19. De Lectione, Epistola, & Evangelio.

Circa finem Orationis, vel Orationum (si plures dicantur) super populum, Lector, Superpelliceo indutus, accipit ambabus manibus Librum Lectionum: & deferens illum ante pectus vadit ad Ambonem, vel ad medium ante Altare, vbi facta Cruci, vel etiam Sacramento debita reuerentia, stans versùs ad Altare, sibi ipsi tenens Librum, cantat titulum Lectionis: tum inclinatus versùs Celebrantem petit Benedictionem, submissa voce dicens: **Iube Domine benedicere:** sequè signat, hanc accipiens ab illo benedicente simul, & priuatim respondente, si Lectio sit è Testamento Veteri. **Prophetica Lectio sit tibi salutis eruditio:** sin autem sit è Nouo; **Apostolica Lectio &c.** Tum verò prosequitur Lectionem.

Celebrans in Missis Solemnibus, data Lectori Benedictione, atque vnà simul cum Diacono, & Subdiacono facta Cruci, vel etiam Sacramento debita reuerentia, cum ipsdem accedere potest ad Presbiterium in cornu Epistolæ; vbi medius inter ipsos hinc inde sedentes, sed capite ramen solus operio, sedebit. Dum verò post finem Lectionis canitur Psalmellus, Subdiaconus, Ministro Librum Epistolæ præferente, discedit è Presbiterio; factaque tum versùs Altare, tum etiam versùs Celebrantem, ac Diaconum debita reuerentia, accedit ad Ambonem, vel ad cornu Epistolæ in plano Chori: ibique, manibus hinc inde positis ad Librum ibidem collocatum, conuersus ad Altare cantat titulum Epistolæ. Tum profunde inclinatus versùs Celebrantem, ab ipso petit Benedictionem, tacite dicens: **Iube Domine benedicere.** Cui similiter ille tacite, sed vnà cum Diacono, erectus in pedes, & capite discooperto signans manu dextra responder **Apostolica Doctrina repleat te gratia diuina.** Post quæ Celebrans iterum caput tegit, & vnà cum Diacono sedet, Subdiacono interea vicissim erigente se, tum Epistolam usque ad finem prosequente.

Cantata Epistola Subdiaconus procedit ad medium Chori, & iterata ibi, quam dicebamus, versùs tum Altare, tum etiam Celebrantem vnà cum Diacono reuerentia, ipsos expectat è Presbiterio protinus illuc venturos, cantato scilicet primo **Halleluia,** post Epistolam. Cum ergo venerint vnà simul cum ipsis debitam facit Altari, aut etiam Sacramento reuerentiam: ibidem moratur; Sacerdote interim, & Diacono ad sua cuiusque munia discedentibus, Sacerdos enim ascendit ad Altare: vbi vno è Clericis assistente, ac ministrante, submissa voce primò in cornu Epistolæ legit Lectionem, & Epistolam: tum Clerico eodem Librum ad cornu Evangelij transferente, dicit in medio Altaris: **Munda cor meum,** & deinde suo in loco Evangelium, dictumque statim osculatur. Diaconus autem interea procedit ad locum, in quo situs est Liber Evangeliorum. Quo ambabus manibus accepto, & ante oculos decenter in altum eleuato, sociatus ab Acolythis Nauiculam, & Thuribulum fumigans, itemque binos cereos accensos ex ordine præferentibus, accedit ad gradus Altaris, ibique in medio cum reliquis omnibus eiusmodi Ministris, necnon etiam cum Subdiacono illic morato, debitam facit reuerentiam: tum ascendens ad medium Altaris (postquam vtrique Celebrans iam transferit ad cornu Evangelij) collocat ibi Librum Evangeliorum, mox in supremo gradu genuflexus dicit: **Munda cor meum &c.** eoquedicto, resumit Librum, ipsumque vt supra, gestans, ac neminem prorsus (quantacumque dignitatis ille sit) interea salutans, procedit ad locum, vbi cantandum erit Evangelium, siue locus ille sit Ambo, siue planum Chori iuxta cornu Evangelij. Quod si fuerit hoc ipsum; tum verò Diaconus Altare habeat ad dexteram; populum autem ad sinistram; sic etiam Subdiaconus assistens post Lectorile, medius inter duos Acolythes Candelabra gestantes Librum teneat. Procedit autem hoc ordine, quasi nempe iam processerit ad Altare. Bini præcedunt Acolythes, vnus cum Thuribulo fumigante, alter cum Nauicula: bini sic etiam alij cum suo quisque Candelabro accenso subsequuntur: dehinc Subdiaconus solus, & quidem iunctis manibus: ac postremo Diaconus. Hic igitur suo iam in loco Evangelium cantaturus, iunctis manibus intonat: **Dominus vobiscum:** atque responso: **Et cum spiritu tuo:** subdit titulum Evangelij, **Lectio Sancti Evangelij secundum N.** simul interim, signans signo Crucis tum Librum, tum etiam suimetipsum frontem, os, & pectus. Celebrans, audito eiusdem tituli initio, statim à media Altaris facie se obuertit ad Diaconum: eique mox versùs semetipsum inclinatus, sibi que tacite dicenti: **Iube Domine benedicere,** erat manu dextra palam signans benedicit in hæc verba, tacite pariter à semetipso prolata: **Dominus sit in corde tuo, & in labijs tuis, vt dignè, & competenter annuncies Evangelium suum: in nomine Patris, & Filij, & Spiritus Sancti.** Post hæc Celebrans, facta Cruci, vel etiam Sacramento debita reuerentia, procedit inde ad cornu Epistolæ: ibique rectus facie ad Diaconum, conuersa, iunctisq; manibus attendens consistit, quando iuret Evangelij recitatio. Sic etiam interim Diaconus, ab ea corporis inclinatione se erigens, atque ad Librum se conuertens, accepto è manu Subdiaconi (quando scilicet ille non erit impeditus in Libro post Lectorile tenendo) vel Acolythis Thuribulo, eundem Librum ter incensat, semel in eius medio, semel à dextris, & semel à sinistris: redditoque deinde Thuribulo eimetipso, à quo acceperit, Evangelium iunctis manibus prosequitur.

Cantato Evangelio, Diaconus, & alij cum ipso exinde redeunt ad medium Altaris, eodem, quo iuerant, ordine, ac modo: ibiq; facta debita reuerentia, traditoque Acolythis Libro; hunc illi, sicut & alia, quæ manibus gestabant, suis collocant in locis.

Si Missa celebretur coram Archiepiscopo; ad ipsum, & quidem solum, deferretur osculandus Evangeliorum Liber, idemq; similiter solus incensatur.

Si Sermo, vel Concio sit habenda; hoc ipso post Evangelium tempore habeatur; intereaque Diaconus, & Subdiaconus in Presbiterio vnà cum Celebrante confideant.

Finito autem Evangelio (vel etiam Sermonem, aut Concione, si habeatur) Sacerdos, ad medium Altaris reuersus, Missam prosequitur, dicens: **Dominus vobiscum:** & interim Diaconus, & Subdiaconus, non sine præuorum Acolythorum comitatu, facta in medio ante Altare debita reuerentia, proficiscuntur ad Sacristiam, vel ad alium locum in id destinatum. Inde Diaconus in primis acceptam Bursam cum inserto Corporali eleuans usque ad oculos manibus defert ad Altare: factaque ante ipsum debita reuerentia, ascendit, & extractum de Bursa Corporale explicat in medio Altari, Bursam interim reponens supra idem Altare in loco competenti: deinde, facta rursum debita reuerentia, suum redit ad locum in cornu Altaris dexterum: vt ibi, cum tempuserit, dicat: **Pacem habere:** Subsequitur postea Subdiaconus, deferens Calicem cum Patena, Hostia, & Palla, coopertum extremitatibus Continentiæ, seu Veli, sibi à collo pendentis: & hæc collocat in Altari versùs extremitatem lateris Epistolæ. Vnà verò simul cum Subdiacono; post ipsum sequitur Acolythus cum pellicula, & ampullis, vnà vini, aquæ altera velo aliquo decenter coopertis: quæ item collocat in extremitate lateris eiusdem.

§. 20. De Offertorio, & alijs usque ad Canonem.

Dista Oratione super sindonem, Diaconus accipit Calicem de manu Subdiaconi, & ponit in Altari, in cornu Epistolæ, detegit, & dat Patenam cum Hostia Celebranti. Mox, ampulla vini de manu pariter Subdiaconi accepta, imponit vinum in Calicem, Purificatorio à se prius abstersum. Subdiaconus interim ampullam aquæ dextrâ tenens, ostendensque Celebranti, dicit: **Benedicite Pater reuerende** (quifacit versùs eam signo Crucis, dicit: **Agna pariter: in nomine Patris &c.**) deinde infundit paulum aquæ in Calicem. Tum verò Diaconus hunc tradit Celebranti: & vnà cum eo tenens ipsius pedem, simul dicit, **Suscipite mentissime Pater &c.** eundemque Calicem, in Altari mox positum, Palla cooperit, tum retrahit se ad dexterum cornu Altaris, Subdiacono similiter ad alterum cornu procedente.

Dista Oratione vltima secreta Offertorij, vt in Ordinario, Celebrans ponit incensum in Thuribulum, ministrante Diacono Nauiculam, & Subdiacono Thuribulum, dicens: **Per intercessionem Beati Michaelis Archangeli &c.** vt in Ordinario. Deinde, accepto Thuribulo per manum Diaconi, sexies incensat oblata in hunc modum. Triplici Thuribulo ductu, eoquæ potius discreto, & per quatuor puncta, quam continuo, supra Calicem simul, & Hostiam ter format Crucem, ab vnoquoque quatuor laterum desinentem infra Calicis altitudinem, in extremitate scilicet spatij, quo Calix, & Hostia includuntur. Deinde verò ter itidem Thuribulum Calici simul, & Hostiæ circumducit in gyrum: & bis quidem hunc incipiens à latere dextro ad sinistram, semel autem, & postremo, vice versa à sinistro, vbi præcedens circumductio desierat, ad dextrum. Interim, porro Benedictionis huius verba sic ille distribuit in vnaquaque istarum, sex incensationum. In prima dicit: **Incensum istud:** in secunda, **à te benedictum:** in tertia, **ascendat ad te, Domine:** in quarta, **& descendat super nos:** in quinta simul & sexta: **misericordia tua:** Post hæc incensat Altare, vt supra dicens: **Dirigatur, Domine, oratio mea &c.** Sed antequam Crux incensetur, Diaconus Patena regit Hostiam, Calicem verò suo è loco amouet ad partem Epistolæ. Mox, incensata Cruce, ipsum reponit in loco suo: sed Hostiæ Patenam non detrahît, nisi postquam ipsummet denique Celebrantem incensarit. Quod tunc faciet, quando Thuribulum ab ipso denique acceperit, dicente: **Ecce odor &c.**

Accepto Diaconus Thuribulo, statim ac Celebrantem incensat, præeuntibus Acolythis Thuriferario, & altero Nauiculam gestante, incensando circuit à tergo Altare in cuius deniq; cornu sinistro, siue Evangelij, supra ipsummet eius angulum anteriorem Thuribulo format signum Crucis, eundemque locum statim osculatur, ac tum tradit Thuribulum Subdiacono. Hic autem paulum è suo loco secessit, ne illum in transitu impediret: atque illic propinquus consistit, vt illud accipiat, & acceptum statim Acolythis tradat.

Redit ergo Diaconus ad suum locum. Celebrans verò interim recitauit Offertorium suo in loco extra Ordinarium. Tum intonato Symbolo. **Credo in vnum Deum,** illud vnà cum Diacono, & Subdiacono, hinc inde stantibus, submissa voce (sed ab vnoquoque ipsorum simul factis interim debitis capitis inclinationibus, tum etiam genuflexione ad: **& Incensatus &c.**) prosequitur usque ad finem, vt supra. Postea Diaconus descendit in planum Chori ante medium Altaris: ibique accepto è manibus Thuriferarij Thuribulo, ab ipso, & ab altero Acolythis Nauiculam gestante, præeuntibus sociatus, reuertitur in Chorum, & incensat inibi consistentes, incipiens à digniori; sicut & inde reuersus ante medium Altaris, inde incensat Subdiaconum. Ipsimet verò post traditum ibidem Thuriferario Thuribulum reuertitur ad locum suum: & ipse illic primum, deinde verò populus è Chori Cancellis ab eo incensatur.

Antequam in fine Præfationis Celebrans submissa voce dicat: **Sanctus &c.** Diaconus hinc, inde verò Subdiaconus, ad eum accedunt, illudque vnà cum ipso dicunt usque ad Canonem, tum ad sua quisque loca reuertuntur.

§. 21. De Canone usque ad Consecrationem;

Cum Celebrans dicit: **Quam oblationem &c.** Subdiaconus accedit ad cornu Epistolæ: ibique manutergium è manu Acolythis acceptum Diacono tradit: amboque illud hinc inde ad extremitates tenent, quo tempore Celebrans, altero Acolythis aquam infundente, manus abluit, cui etiam illud ipsum denique porrigunt. Postea, Celebrante ad medium Altaris regresso, Diaconus propè accedit ad eius dexteram: & ibi genuflexus in Superiori gradu Altaris fimbrias eleuat Planeræ, dum Sacramentum eleuatur: sic etiam tempore opportuno erectus in pedes Calicem discooperit, tum etiam cooperit, & vnà cum Celebrante genuflectit: ac demum, Calice reposito, suum redit ad locum in cornu Epistolæ; Subdiaconus verò, ad sinistram Celebrantis profectus, & illic in supr. mo gra-

RUBRICÆ GENERALES.

du Altaris genuflexus, accepto ex Acolythi manibus Thuribulo fumigante, dum Sacramentum eleuatur, illud incensat; mox & ipse suum ad locum in cornu Euangelij reuertitur.

§. 32. De Canone post Consecrationem.

Cum Celebrans dicit: *Per quem hæc omnia &c.* Diaconus facta Sacramento genuflexione, accedit ad dextram Celebrantis: & quando opus est, discooperit Calicem, & cum Celebrante genuflectit. Tum accipiens Patenam, abstergit Purificatorio, & dat Celebranti, illius manum osculando: & cum ille signat cum Patena super Calicem, & Hostiam, & eam frangit, hic ipse manu dextra tenet pedem Calicis: & in fine post Particulæ immersionem in Calicem, regit Calicem, & cum Celebrante adoratur: tum redit ad locum suum. Cum Celebrans dixerit: *Pax, & communicatio Domini &c.* Diaconus in cornu Altaris versus ad populum, dicit: *Offerte vobis Pacem.* Deinde vadit ad dextram Celebrantis: ubi genuflexus expectat Pacem: & cum Celebrans osculatur Altare, ipse se erigens simul illud osculatur, & a Celebrante complexus accipit Pacem, porrigens ei genam sinistram: eique dicens: *Pax tecum*, respondet: *Et cum spiritu tuo.* Postea, iterum Sacramento in Altari adorato, vertit se ad Subdiaconum retrò post Celebrantem: qui similiter accepta Pace à Diacono, facta prius Altari genuflexione, præcedente Acolytho, vadit ad Chorum, incessu modesto, manibus iunctis, & oculis demissis, neminem salutans, ne illos quidem, quibus dat Pacem, nisi postquam illis hanc dederit. Dat autem primò cuiusque ordinis dignioribus prius, deinde minus dignis: & reuersus ad Altare dat item Acolytho, qui ipsum comitatus fuerat: qui & alijs circa Altare Acolythis eandem impertit. Diaconus interim assistit Celebranti ad dextram: & quando opus est, discooperit Calicem, accipit ampullam vini de manu Subdiaconi, & infundit, quando Celebrans vult purificare.

Si faciendâ sit Communio, omnia seruentur: vt supra; sed prius communicet Diaconum, & Subdiaconum, & alios per ordinem: Dum verò prædictos communicat, à Choro cantatur Transitorium.

In Missa Pontificali Assistens accipit, & defert Pacem; vt in Libro Pontificali habetur.

Interim Acolythus Librum Missalem defert ad cornu Epistolæ. Diaconus autem vadit ad medium Altaris, ubi tergit Calicem, & super illius os ponit Purificatorium, Patenam, paruum Pallam, velo regens illum, plicat Corporale, reponit in Bursam: tum illa tradit adstanti Subdiacono, velo oblongo ad humeros amictu, referenda ad Credentiam, vel Sacriliam, vel ad alium locum, in id destinatum: vt supra; nisi fortè relinquenda sint in medio Altaris. Post hæc autem omnia idem Diaconus redit ad suum locum.

Cantata Oratione post Communionem, Diaconus, cum tempus est, dicit: *Procedamus cum pace.* Celebrans autem: dicto *Placeat vobis &c.* subdit in cantu: *Benedicat vos omnipotens deus &c.* vnicuique Crucis signat semel Benedictionem; vt supra in Missis priuatis.

Submissa deinde voce vnâ simul cum Diacono, ad cornu protinus Euangelij profecto, dicit: *dominus vobiscum*, & solitum Euangelium secundum Ioannem (nisi alterum suppetat) in ipsomet cornu Euangelij. Tum descendit inde in planum Chori ante medium Altaris: ibique facta simul, & semel cum reliquis omnibus Ministris debita reuerentia, cum ipsi dem discedit eo ipso, quo venerant, ordine, submissa voce cum illis dicens Psalmos, & Orationes infra dispositas.

§. 33. De Missa Solemni pro Defunctis.

In Missa Solemni pro Defunctis omnia seruantur; vt supra dictum est, tam de Missa priuata pro Defunctis, quam de Missa Conuentali mox supra. Non tamen incensatur Altare ad Ingressum; neque Lector, Subdiaconus, & Diaconus petunt Benedictionem; neque Celebrans illis benedicit; nec si adsit Archiepiscopus, accedunt in fine ad osculum manus.

Diaconus, finita Epistola, collocat Librum in Altari, & genuflexus dicit: *Munda cor meum &c.* Deinde, cum debitis reuerentijs accepto Libro, procedit ad locum Euangelij, præcedentibus duobus Acolythis, & Subdiacono sine Luminibus, & sine Incenso. Nec enim tenentur Luminaria ad Euangelium: sed duo tantum Acolythi sine candelabris tenent medium Subdiaconum tenentem Librum Euangeliorum. Hic idem Liber non incensatur post titulum Euangelij, nec in fine defertur osculandus, etiam si adsit Archiepiscopus, vel etiam si ipsemet celebret. Oblata, & Altare incensatur, vt supra: & tunc denique incensatur etiam solus Celebrans, & Archiepiscopus, si adsit; & non alij. Ad Eleuationem Subdiaconus incensat more solito.

Dicta Oratione post Communionem, reliqua non dicuntur in cantu, sed plana, & æquabili voce: dictoque à Sacerdote, *Requiem æternam dona aui Domine*; responsioque à Choro. *& lux perpetua luceat eis*: Diaconus tum subdit: *Anima omnium Fidelium defunctorum per Dei misericordiam requiescant in pace*; vel aliter, iuxta Missæ exigentiam, vt supra monimus.

Cæterum eiusmodi Missa genuflectitur à circumstantibus ad Orationes super populum, sindonem, oblatam, & post Communionem, itemque ab initio Canonis vsque ad *Agnus Dei &c.*

Finita Missa, si faciendâ est Absolutio, Celebrans retrahit se ad cornu Epistolæ, ubi exiit Planeta, & deposito Manipulo, accipit Pluuiale nigrum. Tum verò ad paratum locum procedit hoc ordine. Præcedunt duo Acolythi, vnus cum Thuribulo, & Nauicula, & alter cum Aspersorio, & Vase aquæ benedictæ: sequitur alius Acolythus, Crucem ferens, medius inter duos item alios Acolythos Ceroferarios cum luminibus accensis: deinde Celebrans, cum Diacono à dextris, & Subdiacono à sinistris. Acolythus ille cum Cruce sistit se in locoparato ad caput contra Altare, medius inter duos alios Acolythos, luminaria gestantes: Celebrans verò ex alia parte versus Altare, cum Diacono pariter à dextris, & Subdiacono à sinistris, ibidemque propè adstant duo alij Acolythi, tenentes, vnus Thuribulum, & Nauiculam; alter verò Aspersorium, & Vas aquæ benedictæ.

Cantantur verò interim Antiphonæ; vsque in *vita mea &c.* vt in Sacramentali: & incepto Psalmo *Audere mei Deus &c.* Celebrans, omnibus in pedes erectis, & discooperitis, ponit absq; Benedictione Incensum in Thuribulum, ministrante Diacono Nauiculam. Tum incepto Versu *Asperges me, Domine, &c.* accipit Aspersorium de manu Acolythi: & facta Cruci profunda inclinatione, vno saltem Acolytho præcedente, comitante autem à dextris altero (penes quem Vas est aquæ benedictæ) atque anteriorem Pluuialis sinistram eleuante, circumiens aspergit locum paratum: cumque transit ante Altare, in quo vel abditum extet Sacramentum, genuflectit. Celebrantem porrò subsequitur à tergo Diaconus cum Thuribulo: factaque tum Cruci, tum Altari debita & ipse reuerentia, eundem illum locum incensat. Post hæc vtriq; redeunt ad pristinum locum: finitoque Psalmo, & repetita Antiphona, Celebrans, tenente Librum Acolytho, dicit sine tono *Dominus vobiscum*; mox & Orationem, *Absolue, quæsumus Domine, &c.* vel alteram; prout opportunitas tulerit, & è proprio superet Missarum pro Defunctis. Denique verò, cæteris absolutis, dicens, *Requiem æternam &c.* dextra manu Crucem facit supra locum: ac deinde subdit idem ipse, non autem Diaconus, *Anima omnium Fidelium Defunctorum &c.* Et his quidem ita peractis, præcedente Cruce, quo venerant ordine, in Sacriliam reuertuntur.

§. 34. Quando standum, sedendum, aut genuflectendum.

In Missa Solemni Celebrans, medius inter Diaconum, & Subdiaconum, sedere potest iuxta Altare ad latus Epistolæ ab eo tempore, quo Lectori benedixerit, vsque ad cantatam Epistolam; vt supra dictum est. Alioquin enim semper constitit ad Altare.

Alij verò sedent, dum cantatur *Gloria in excelsis* (si tamen per Cantores canteretur; alioquin enim stabunt) & Lectio, & Epistola cum suis adiamentis, & Offertorium, & Symbolum (si tamen hoc item canteretur per Cantores) & præterea facta Communione, dum cantatur Transitorium. Alioquin enim stabunt.

Tam Celebrans, quam cæteri omnes genuflectunt ad illa verba, & *Verbum caro factum est &c.* in Euangelio Sancti Ioannis, Cap. primo: ad illa, & *prociuentes adorauerunt eum*, in Euangelio Sancti Matthæi, Cap. secundo: ad illa, & *prociuentes adorauerunt eum*, in Euangelio itidem Sancti Ioannis, Cap. nono. Cum tamen Diaconus ea verba cantat; ipse solus versus Librum, Celebrans verò, & alij omnes versus Altare genuflectunt. Cæterum Subdiaconus interim tenens Librum Euangeliorum, & Acolythi, hinc inde candelabra tenentes, non genuflectunt.

Sic etiam tum à Celebrante, tum à cæteris genuflectitur ad ea verba, Sancti Pauli ad Philipenses Cap. 2. *vt in nomine Iesu omnes genuflectatur*, quæ habentur in Missis de Inuentione, de Exaltatione, ac de FERIA Sanctæ Crucis: similiter ad Passionem, quando Christus expirauit, vt suis in locis adnotatum est: rursus etiam in Symbolo, ab ijs verbis *& incarnatus est*, vsq; ad *Crucifixus*.

In Dominicis Quadragesimæ omnes (Celebrante, Diacono, & Subdiacono exceptis) genuflectunt ad eas Preces, quæ post Ingressum canuntur à Diacono pro omni statu Ecclesiæ.

Celebrans è communi regula genuflectit, quodcumque illi faciendum est aliquid circa Sanctissimum Sacramentum; prout in Ordinario Missæ adnotatum extat: vnaque simul cum ipso Diaconus etiam & Subdiaconus genuflectunt, si propè ipsum consistent.

Circumstantes porrò omnes, cantato *Sanctus &c.* genuflectunt vsque ad *Per infinita secula seculorum*: similiter ad Confessionem in principio Missæ; sed hinc Ordinarij, & Prælati excipiuntur.

In Missis Conuentalibus de Poenitentia, in Votiujs, in Ferialibus, & communibus, & Aduentus, & Quadragesimæ, in Missis etiam Vigiliarum, Quatuor Temporum, & pro Defunctis, circumstantes genuflectunt ad Confessionem, ad Orationes super populum, super sindonem, super oblatam, & post communionem: pariterq; à fine dicti per Celebrantem *Sanctus &c.* vsq; ad *Pax, & communicatio &c.* Hinc tamen excipe Vigilijs Natiuitatis Domini, Epiphaniæ, Paschæ, Ascensionis, Pentecostes, Feriam quoque quintam in Coena Domini, & Missas votiuas Beatæ Mariæ Virginis in Sabbatis, itemque Missas Feriarum Paschaliarum.

§. 35. De hora celebrandi Missam.

Missa priuata, saltem post Matutinum, quacunque hora ab auctore, vsque ad meridiem dici potest. Missa autem Conuentalis, & Solemnis sequenti ordine dici debet. In Festis Solemnibus, in Dominicis, & infra Octauas, dicta in Choro Hora Tertia: in Festis simplicibus, & in Ferijs per annum, dicta Sexta: in Ferijs Aduentus, Quadragesimæ, Quatuor Temporum, & in Vigilijs, dicta Nona. Missa autem pro Defunctis dici debet post Matutinum, & Primam diei: & ubi eorundem Vigiliæ, siue Nocturna dicuntur mane post Matutinum diei; dictis huiusmodi Vigilijs cum Laudibus, immediate dici potest Missa pro Defunctis. Ab hoc tamen ordine dicendi Missam Conuentalem excipiuntur Missæ in nocte Natiuitatis Domini, quæ suo tempore dicuntur: prima scilicet Missa Conuentalis post mediam noctem, dictis Nocturnis: secunda post Laudes, & Primam: tertia post Tertiam. Excipiuntur itidem Missæ Conuentuales certarum Vigiliarum, scilicet Natiuitatis, Epiphaniæ, & Pentecostes, & Missa Feriæ quintæ in Coena Domini: quæ dicuntur inter Vesperas; vt suis locis notatum est.

§. 36. Ritus proprijs Ecclesiæ Metropolitanae in Missarum Solemni celebratione.

In Missarum Solemni, seu Conuentalium, celebratione in Ecclesiâ Metropolitana seruantur omnia, vt supra, præter hæc, quæ sequuntur.

In accessu ad Missam inchoandam Thuribulum, & Luminaria non feruntur ab Acolythis, sed à Subdiacono: qui præcedens Diaconum, dextram manu fert Candelabrum vnum, quod Cantarium vocant, cum candelâ accensa; sinistra verò Thuribulum fumigans: & cum peruenerit in Chorum, tradito Thuribulo Acolytho Thuriferario, Candelabrum ponit

RUBRICÆ GENERALES.

In angulo anteriori dextri cornu Altaris, Euangelij scilicet: tum de eo die ad Confessionem faciendam. Finita Oratione super populum, eodem modo cum Diacono redit ad Sacrarium.

Cum proceditur ad Euangelium cantandum, non Acolythi, sed Subdiaconus fert Candelabrum accensum, & Thuribulum; ut supra dictum est de accessu ad Altare. Cantata Oratione super sindonem, Celebrans, medius inter Diaconum, & Subdiaconum, precedentibus duobus Acolythis cum duobus Vasis argenteis, descendit ad ingressum Presbyterij, seu Chori superioris; ubi extensa sindone ante gremium, quæ per Diaconum, & Subdiaconum tenetur hinc inde, recipit oblationes, panis scilicet & vini, quas duo Senes de Schola, quæ vocatur S. Ambrosij, induti Linteo albo super Cottam, & vestitum antiquum, Caputio nigro à collo pendente, cæteris Senibus de eadem Schola comitantibus offerunt. Ut igitur pervenerit Celebrans ad aditum Tribunal, seu Chori prædicti, vnus ex duobus Senibus, facta reuerentia Altari, & Celebranti, accedit ante Celebrantem, dextra ferens tres Hostias, & sinistra Vasculum argenteum, vino albo plenum. Tum dicit, **Benedicite Pater reuerende: cui Celebrans dicit, Benedicat te Dominus, & hoc tuum munus: in nomine Patris & Filij, & Spiritus Sancti, & responderetur Amen.** Signo igitur Crucis super munus producto, Manipulum Seni offert osculandum, dextraque accipit Hostias de manu eius, quas tradit Subdiacono reponendas in Scyphum. Interim Diaconus, accepto è manu eiusdem Senis Vasculo vini, refundit in alterum Scyphum. Tum eodem ordine recipitur etiam oblatio alterius ex prædictis Senibus. Descendit deinde Celebrans ad ingressum Senatorij, seu Chori inferioris: ubi Mulierum recipit oblationes, offerentibus duabus item Senibus de eadem Schola, Linteo, & Caputio amictis supra habitum communem antiquum &c. Recepta verò istarum quoque oblatione, Celebrans redit ad Altare, & prosequitur Missam, ut supra.

De Coloribus Paramentorum.

§. 37. Qualibus coloribus Ecclesia uti consueverit.

Eccelesia Ambrosiana, sicut & Romana, quinque coloribus in Paramentis uti consuevit: albo scilicet, rubeo, viridi, violaceo, & nigro. Et hoc pro diuersitate Officiorum & Missæ diei: quibus conuenire debent in colore Paramenta Altaris, Celebrantis, & Ministrorum. Quamobrem, si qua Dominica, proprium sibi exigens colorem, aliquando inciderit infra Octauam, quæ colorem habeat diuersum; tunc Dominica, nihilominus suum illum sibi proprium retinebit. Similiter, si Festum Sancti, Ecclesiæ alicuius Titularis, & Patroni, inciderit in Dominicam; quemadmodum Missa tunc ibi celebrabitur de Sancto, sic etiam color eius Sancti proprius adhibebitur in eius diei Paramentis.

§. 38. De Colore Albo.

Albo Colore utitur à Vesperis Vigiliæ Natiuitatis Domini vsque ad Octauam Epiphaniæ inclusiuè, nisi fiat de Sanctis Martyribus.

A Sabbato Sancto in Benedictione Cerei, & Officio Missæ inclusiuè, vsque ad Dominicam, quæ dicitur **in Albo depositis**, exclusiuè.

A Vigilia Ascensionis Domini inclusiuè, vsque ad Sabbatum Pentecostes exclusiuè; nisi fiat de Sanctis.

In Festis Beatæ Mariæ (præterquam in Benedictione Candelarum, & in Processione, quæ fit in Festo Purificationis eiusdem) in eius item Missis votiuis, quemadmodum & in Missa de S. Trinitate, adhibeatur color conformis Officio diei.

Sic etiam in Festis Angelorum, in Festo Natiuitatis S. Ioannis Baptistæ, in Festo Omnium Sanctorum, in Dominica sexta Aduentus, in principali Festo S. Ioannis Euangelistæ, quod celebratur infra Octauam Natiuitatis: in vtraque Cathedra S. Petri, in Festo Transfigurationis Domini, in Festis Confessorum Pontificum, Doctorum, Sacerdotum, & Confessorum non Pontificum: in Festis SS. Virginum, dummodò non sint Martyres: in Festo Dedicationis Ecclesiæ, etiam Minoris, & in Anniversario eiusdem.

§. 39. De Colore Rubeo.

Colore Rubeo utitur temporibus, & diebus sequentibus: in Vigiliis Pentecostes ad Missam: in Festis Pentecostes: & per Octauam, nisi fiat de Sanctis Solemne Officium habentibus: in Dominicis, & Ferijs post Pentecosten, vsque ad Vesperas Sabbati ante Dominicam Dedicationis Ecclesiæ Maioris, exclusiuè: in Solemnitate Corporis Domini, & per Octauam, nisi occurrat in Octaua Natiuitas S. Ioannis Baptistæ: in Circumcisione Domini: à Sabbato in traditione Symboli vsque ad denudationem Altarium, quæ fit Feria sexta in Parasceue, etiam si consecrentur Sacra Olea; præter Sacerdotes, & Ministros, qui concurrunt ad Consecrationem Oleorum tantum, qui Paramentis Albis vtuntur: in Festis S. Crucis, & Missis votiuis Solemnibus de ea: in Festo Decollationis S. Ioannis Baptistæ: in Natali Sanctorum Apostolorum, exceptis Festo principali S. Ioannis Euangelistæ, & Festo Conuersionis S. Pauli, & vtriusque Cathedræ S. Petri: in Festo Sanctorum Innocentium: in Festis Sanctorum, & Sanctorum Martyrum: in Missis votiuis Solemnibus de Spiritu Sancto, & Sanctis prædictis: in Actionibus Conciliaribus, tam Prouincialibus, quam Diocesanis.

§. 40. De Colore Viridi.

Colore Viridi utitur diebus temporibusque infrascriptis: scilicet, in Dominicis, & Ferijs post Octauam Epiphaniæ vsque ad Septuagesimam exclusiuè: in Dominica in Albis depositis, & cæteris sequentibus Dominicis, & Ferijs vsque ad Vigiliam Pentecostes exclusiuè: in Dominicis, & Ferijs post Dominicam Dedicationis Ecclesiæ, vsque ad Aduentum exclusiuè: in Festo S. Antonij, & Sanctorum Abbatum, etiam Confessorum non Sacerdotum.

§. 41. De Colore Violaceo.

Colore Violaceo utitur temporibus, & diebus, qui sequuntur: in Dominicis, & Ferijs de Aduentu, vsque ad Vigiliam Natiuitatis exclusiuè: excepta Dominica sexta, in qua legitur Euangelium **Missus est &c.** in Dominica Septuagesimæ, & deinceps in Dominicis, & Ferijs vsque ad primam Dominicam Quadragesimæ: in hac ipsa Quadragesimæ Dominica, & reliquis vsque ad Sabbatum in Traditione Symboli, exclusiuè: in Festis Sanctorum Matronarum: in Benedictionibus, & Processionibus Candelarum in die Purificationis, & Palmarum in Dominica Oliuarum, & generaliter in omnibus Processionibus; exceptis Processionibus Sanctissimi Sacramenti, & quæ fiunt in Solemnibus diebus: in Vigilijs; exceptis tamen Vigilijs Natiuitatis, Epiphaniæ, Paschæ Resurrectionis, & Pentecostes.

§. 42. De Colore Nigro.

Quibus diebus Ecclesia utitur Violaceo, vti potest & Nigro, & è contra. Conuenientius tamen utitur Nigro sequentibus diebus: in Ferijs Quadragesimæ, vsque ad Sabbatum in Traditione Symboli, exclusiuè: in Missis, & Officijs pro Defunctis: in Missis Litaniarum, & Rogationum.

§. 43. De vario Paramentorum vsu.

Porro pro diuersitate Ministrorum Ecclesiæ, & Officiorum sacrorum, diuersa etiam Paramentorum genera adhibentur. Siquidem Sacerdos celebrans aliquando utitur Planeta, aliquando Pluiali. Planeta quidem utitur Celebrans super Albam in Officio Missæ, & certis quibusdam Processionibus ad Missam cantandam (si autem sit Episcopus, & Solemniter celebret; Planetam induit super Dalmaticam, & Tunicellam) Pluiali verò utitur in reliquis Processionibus, & Benedictionibus rerum, quæ fiunt in Altari: item in Officio Vesperarum, quando Solemniter dicuntur, & eodem Pluiali utitur Assistens Celebranti in Missa Pontificali: item, quando Celebrans post Missam pro Defunctis facit in fine Absolutionem. Cum verò Celebrans utitur Pluiali semper deponit Manipulum: & ubi Pluiale haberi non potest, in Benedictionibus quæ fiunt in Altari, Celebrans stat sine Planeta, cum Alba, & Stola.

Dalmatica, & Tunicella vtuntur Diaconus, & Subdiaconus in Missa Solemni, & Processionibus, & Benedictionibus, quodcumque Sacerdori ministrant. In diebus verò ieiuniorum (præterquam in Vigilijs Sanctorum) & in Dominicis Aduentus, & Quadragesimæ in Metropolitana, & præcipuis Ecclesijs vtuntur Diaconus, & Subdiaconus Planeris plicatis ante pectus. Quam Planetam dimittit Diaconus, cum iturus est ad legendum Euangelium: & tunc super sinistram humerum, super Stolam complicatur, aut ponitur aliud genus Stolæ latioris, in modum Planetæ, & facta Communione, resumit Planetam, ut prius. Similiter Subdiaconus dimittit eam, cum iturus est ad Epistolam cantandam, quam legit in Albis: & postea eam resumit, ut prius.

Hactenus Obseruationes, ad Missam ritè conuenienterque iuxta Ecclesiæ huius Ambrosianæ Ritus celebrandam pertinentes. Alia porro quedam minutiora videri possunt in Cæremoniali demum Italicè edito. Nunc ad defectus in Missa occurrentes, scilicet ut eis obuietur.

De defectibus, in Celebratione Missarum occurrentibus, ex Missali Romano Pij V. & Clementis VIII.

§. 44. De causis eiusmodi defectuum.

Sacerdos celebraturus, omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, & ex parte formæ adhibendæ, & ex parte Ministrum conficientis. Quidquid enim horum deficiat, scilicet materia debita, forma cum intentione, & Ordo Sacerdotalis in conficiente, non conficitur Sacramentum: & his existentibus, quibuscunque alijs deficientibus, veritas adest Sacramenti. Alij verò sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato aut cum scâdalo contingere.

§. 45. De defectibus materiæ.

Defectus ex parte materiæ possunt contingere; si aliquid desit ex ijs, quæ ad ipsam requiruntur. Requiritur enim, ut sit panis triticeus, & vinum de vite: & ut huiusmodi materia consecrandæ in actu consecrationis sit coram Sacerdote.

§. 46. De defectu panis.

Si panis non sit triticeus: vel, si triticeus, admixtus sit granis alterius generis in tanta quantitate, ut non maneat panis triticeus: vel sit aliqui corruptus; non conficitur Sacramentum.

Si sit confectus de aqua rosacea, vel alterius distillationis; dubium est, an conficiatur.

Si cœperit corrumpi, sed non sit corruptus: similiter, si non sit azymus secundum morem Ecclesiæ Latinæ; conficitur; sed conficiens grauiter peccat.

Si Celebrans ante Consecrationem aduertit, Hostiam esse corruptam, aut non esse triticeam; remota illa Hostia, aliam ponat; & facta oblatione, saltem mente concepta, prosequatur ab eo loco, ubi desinit.

Si id aduertit post Consecrationem, etiam post illius Hostiæ sumptionem; posita alia, faciat oblationem, ut supra; & à Consecratione incipiat, scilicet ab illis verbis, **Qui prius, quam pro nostra, omniumque salutis pateretur**, & illam priorem, si non sumpsit, sumat post sumptionem Corporis

RUBRICÆ GENERALES.

& Sanguinis; vel alij sumendam tradat; vel alicubi reuerenter conseruet. Si autem sumpserat; nihilominus sumat eam, quam consecrauit; quia præceptum de perfectione Sacramenti maioris est ponderis, quam quod à ieiunio sumatur.

6 Quod si hoc contingat post sumptionem Sanguinis; apponi debet rursus nouus panis, & vinum cum aqua; & facta prius oblatione, vt supra, Sacerdos consecret, incipiendo ab illis verbis, *Qui pridie*; ac statim sumat vtrumque, & prosequatur Missam; ne Sacramentum remaneat imperfectum, & vt debitus seruetur ordo.

7 Si Hostia consecrata dispereat, vel casu aliquo: vt vento, aut miraculo, vel ab aliquo animali accepta, & nequeat reperiri; tunc altera consecratur ab eo loco incipiendo, *Qui pridie, quam pro nostra omniumque salute pateretur*, facta eius prius oblatione, vt supra.

§. 47. De defectu vini.

Si vinum sit factum penitus acutum, vel penitus putridum: vel de visceribus, seu non maturis expressum: vel ei admixtum tantum aqua, vt vinum sit corruptum; non conficitur Sacramentum.

1 Si vinum coeperit acescere, vel corrumpi, vel fuerit aliquantum acre, vel multum tunc de visceribus expressum, vel non fuerit admixta aqua, vel fuerit admixta aqua rosacea, seu alterius distillationis, conficitur Sacramentum, sed conficiens grauitur peccat.

2 Si Celebrans ante Consecrationem Sanguinis, quamuis post Consecrationem Corporis, aduertat, aut vinum, aut aquam, aut vtrumque non esse in Calice; debet statim apponere vinum cum aqua, & facta oblatione, vt supra, consecrare, incipiendo ab illis verbis, *Simili modo &c.*

3 Si post verba Consecrationis aduertat, vinum non fuisse positum, sed aquam; deposita aqua in aliquod vas, iterum vinum cum aqua ponat in Calice, & consecret, resumendo à verbis prædictis, *Simili modo*.

4 Si hoc aduertat post sumptionem Corporis, vel huiusmodi aqua; apponet aliam Hostiam iterum consecrandam, & vinum cum aqua in Calice; offerat vtrumque, & consecret, & sumat, quamuis non sit ieiunus. Vel, si Missa celebraretur in loco publico, vbi plures adsint; ad euitandum scandalum poterit apponere vinum cum aqua, & facta oblatione, vt supra, consecrare, ac statim sumere, & prosequi cetera.

5 Si quis percipiat ante, vel post Consecrationem, totum vinum esse acutum, vel aliis corruptum; idem seruetur, quod supra; ac si deprehenderet, non esse positum vinum, vel solam aquam fuisse appositam in Calice.

6 Si autem Celebrans ante Consecrationem Calicis aduertat, non fuisse appositam aquam; statim ponat eam, & proferat verba Consecrationis, si aduertat post Consecrationem Calicis; nullo modo apponat; quia non est de necessitate Sacramenti.

7 Si materia, quæ esset apponenda, ratione defectus vel panis, vel vini non posset villo modo haberi; si id sit ante Consecrationem Corporis, vterius procedi non debet: si post Consecrationem Corporis, aut etiam vini, deprehenditur defectus alterius speciei, altera iam consecrata; tunc si nullo modo haberi possit, procedendum erit, & Missa absolueda; ita tamen, vt prætermittantur verba, & signa, quæ pertinent ad speciem deficientem. Quod si expectando aliquandiu haberi possit; expectandum erit; ne sacrificium remaneat imperfectum.

§. 48. De defectibus formæ.

Defectus ex parte formæ possunt contingere, si aliquid desit ex ijs, quæ ad integritatem verborum in ipsa Consecratione requiruntur. Verba autem Consecrationis, quæ sunt forma huius Sacramenti, sunt hæc, *Hoc est enim Corpus meum*; &, *Hic est enim Calix Sanguinis mei, novi, & æterni Testamenti, Mysterium fidei, qui pro vobis, & pro multis effundetur in remissionem peccatorum*. Si quis autem aliquid diminueret, vel immutaret de forma Consecrationis Corporis, & Sanguinis, & ipsa verborum immutatione verba idem non significarent; non conficeret Sacramentum. Si verò aliquid adderet, quod significationem non mutaret; conficeret quidem, sed grauisimè peccaret.

1 Si Celebrans non recorderetur, se dixisse ea, quæ in Consecratione communiter dicuntur; non debet propterea turbari. Si tamen certò ei constet, se omisisse aliquid eorum, quæ sunt de necessitate Sacramenti, id est, formam Consecrationis, seu partem, resumat ipsam formam, & cetera prosequatur per ordinem. Si verò valde probabiliter dubitat, se aliquid essentialè omisisse; iteret formam saltem sub tacita conditione. Si autem non sunt de necessitate Sacramenti; non resumat, sed procedat vterius.

§. 49. De defectibus Ministri.

Defectus ex parte Ministri possunt contingere quoad ea, quæ in ipso requiruntur. Hæc autem sunt: in primis intentio, deinde dispositio animæ, dispositio corporalis, dispositio vestimentorum, dispositio in ministerio ipso quoad ea, quæ in ipso possunt occurrere.

§. 50. De defectu intentionis.

Si quis non intendit conficere, sed delusoriè aliquid agere: item si aliquæ Hostiæ ex obliuione remaneant in Altare, vel aliqua pars vini, vel aliqua Hostia lateat, cum non intendat consecrare nisi quas videt: item si quis habeat coram se vndecim Hostias, & intendat consecrare solum decem, non determinans, quas decem ostendit; in his casibus non consecrat; quia requiritur intentio. Secus, si putans quidem esse decem tamen omnes voluit consecrare, quas coram se habebat; nam tunc omnes erunt consecratæ. Atque ideo quilibet Sacerdos talem semper intentionem habere debet; scilicet consecrandi eas omnes, quas ante se ad consecrandum positas habet.

1 Si Sacerdos, putans se tenere vnam Hostiam, post Consecrationem inuenerit fuisse duas simul iunctas; in sumptione sumat simul vtramque. Quod si deprehendat post sumptionem Corporis, & Sanguinis, aut etiam

post ablutionem, reliquias aliquas relictas consecratas; eas sumat, siue paræ sint, siue magnæ; quia ad idem sacrificium spectant.

2 Si verò relictæ sit Hostia integra consecrata; eam in Tabernaculo, cum alijs reponat. Si hoc fieri nequit; sequenti Sacerdoti ibi celebraturo, in Altari supra Corporale decenrer opertam, sumendam vna cum altera, quam est consecraturus, relinquat; vel, si neutrum horum fieri possit; in ipso Calice, seu Patena decenrer conseruet, quousque vel in Tabernaculo reponatur, vel ab altero sumatur. Quod si non habeat, quomodo honestè conseruetur, potest eam ipsemet sumere.

3 Si intentio non sit actualis in ipsa Consecratione propter euagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, & si curare debet Sacerdos, vt etiam actualem intentionem adhibeat.

§. 51. De defectibus dispositionis animæ.

Si quis suspensus, excommunicatus, degradatus, irregularis, vel alias canonicè impeditus, celebret; conficit quidem Sacramentum, sed grauisimè peccat, tam propter Communionem quam indignè sumit, quam propter executionem Ordinum, quæ sibi erat interdicta.

1 Si quis, habens Copiam Confessoris celebret in peccato mortali; grauitur peccat.

2 Si quis autem in casu necessitatis, non habens copiam Confessoris, in peccato mortali abque contritione celebret; grauitur peccat: secus, si conteratur; debet tamen, cum primum poterit, confiteri.

3 Si in ipsa celebratione Missæ Sacerdos recorderetur, se esse in peccato mortali: conteratur cum proposito confitendi, & satisfaciendi.

4 Si recorderetur se esse excommunicatum, vel suspensum, aut locum esse interdictum; similiter conteratur cum proposito petendi absolutionem. Ante Consecrationem autem in supradictis casibus, si non timeretur scandalum, debet Missam inceptam deferere.

§. 52. De defectibus dispositionis corporis.

Si quis non est ieiunus post mediam noctem, etiam post sumptionem solius aquæ, vel alterius potus, aut cibi, per modum etiam medicinæ, & in quantumcunque parua quantitate; non potest communicare, nec celebrare.

1 Si autem ante mediam noctem cibum ac potum sumpserit, etiam si postmodum non dormierit, nec sit digestus; non peccat; sed ob perturbationem mentis, ex qua deuotio tollitur, consilium aliquando abstinendum.

2 Si reliquæ cibi remanentes in ore transglutiantur; non impediunt Communionem; cum non transglutiantur per modum cibi, sed per modum saluæ. Idem dicendum: si lauando os, deglutitur stilla aquæ præter intentionem.

3 Si plures Missas in vna die celebret, vt in Natiuitate Domini; in vnaquaque Missa abluat digitos in aliquo vase mundo, & in vltima tantum percipiat purificationem.

4 Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel euenerit propter nimiam crapulam; abstinendum est à Communionem, & celebratione, nisi aliud Confessario videatur. Si dubium est, an in præcedenti cogitatione fuerit peccatum mortale; consilium abstinendum; extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed euensisse ex naturali causa, aut ex diabolica illusione; potest communicare, & celebrare, nisi ex illa corporis commotione tanta euenerit perturbatio mentis, vt abstinendum videatur.

§. 53. De defectibus in ministerio ipso occurrentibus.

Possunt etiam defectus occurrere in ministerio ipso, si aliquid ex requisitis ad illud desit; vt si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto; si non adsint luminaria cerea, si non sit tempus debitum celebrandi, quod est ab aurora vsque ad meridiem, communiter; si Celebrans saltem Matutinum cum Laudibus non dixerit; si omittat aliquid ex veltibus sacerdotilibus; si vestes sacerdotales, & mappæ non sint ab Episcopo, vel ab alio hanc habente potestatem benedictæ; si non adsit Clericus, vel alius deferuens in Missa; vel adsit, qui deferuire non debet, vt mulier; si non adsit Calix cum Patena conueniens, cuius cuppa debet esse aurea, vel argentea, vel stannea, non ærea, vel vitrea; si Corporalia non sint munda, quæ debent esse ex lino, nec serico in medio ornata, & ab Episcopo, vel ab alio hanc habente potestatem benedictæ; vt etiam superius dictum est; si celebrat capite cooperto siue dispensatione; si non adsit Missale, licet memoriter sciret Missam, quam intendit dicere.

1 Si, Sacerdote celebrante, violetur Ecclesia ante Canonem; dimittatur Missa: si post Canonem; non dimittatur. Si timeatur incurfus hostium, vel alluuiouis, vel ruina loci, vbi celebratur; ante Consecrationem dimittatur Missa; post Consecrationem verò Sacerdos accelerare poterit sumptionem Sacramenti, omisis omnibus alijs.

2 Si Sacerdos ante Consecrationem grauitur infirmetur, vel in syncope incidit, aut moriatur; prætermittitur Missa: si post Consecrationem Corporis tantum, ante Consecrationem Sanguinis, vel vtroque consecrato id accidit; Missa per alium Sacerdotem expleatur ab eo loco, vbi ille desijt, & in casu necessitatis etiam per non ieiunum. Si autem non obierit, sed fuerit infirmus; adeo tamen, vt possit communicare, & non adsit alia Hostia consecrata; Sacerdos qui Missam supplet, diuidat Hostiam, & vnam partem præbeat infirmo, aliam ipse sumat. Si autem, semiprolata forma Corporis, obiit Sacerdos; quia non est facta Consecratio; non est necesse, vt Missa per alium suppleatur. Si verò obiit, semiprolata forma Sanguinis; tunc alter prosequatur Missam, & super eundem Calicem repetat integram formam, ab eo loco, *Simili modo, postquam consecratus est*; vel posset super alium Calicem præparatum integram formam proferre, & Hostiam primi Sacerdotis, & Sanguinem à se consecratum sumere, ac deinde Calicem relictum semiconsecratum.

RUBRICA GENERALES.

Si quis extra huiusmodi casus necessitatis integra Sacramenta non sumpserit, grauissime peccat.

Si musca, vel aranea, vel aliquid aliud ceciderit in Calicem ante Consecrationem; proijciat vinum in locum decentem, & aliud ponat in Calice, misceat parum aquæ, offerat; vt supra, & prosequatur Missam. Si post Consecrationem ceciderit musca, aut aliquid eiusmodi, & fiat nausea Sacerdoti; extrahat eam, & lauet cum vino; finita Missa comburat, & combustio, ac lotio huiusmodi in Sacramum proijciatur. Si autem non fuerit ei nausea, nec vllum periculum timeat; sumat cum Sanguine.

Si aliquid venenosum ceciderit in Calicem, vel quod prouocaret vomitum; vinum consecratum reponendum est in alio Calice, & aliud vinum cum aqua apponendum denuo consecrandum; & finita Missa, Sanguis repositus in panno lineo, vel stappa tandiu feruetur, donec species vini fuerint desiccata; & tunc stappa comburatur, & combustio in Sacramum proijciatur.

Si aliquid venenatum contigerit Hostiam consecratam; tunc alteram consecret, & sumat modo, quo dictum est; & illa feruetur in Tabernaculo loco separato, donec species corrumpantur, & corruptæ deinde mittantur in Sacramum.

Si sumendo Sanguinem, Particula remanserit in Calice; digito ad labium Calicis eam adducat, & sumat ante purificationem; vel infundat vinum, & sumat.

Si Hostia ante Consecrationem inueniatur fracta; nisi populo euidenter appareat, talis Hostia consecretur: si autem scandalum populo esse possit; alia accipiat, & offeratur: quod si illius Hostiæ iam erat facta oblatio: eam post ablutionem sumat. Quod si ante oblationem Hostia appareat confecta; accipiat altera integra, si citra scandalum, aut longam moram fieri poterit.

Si propter frigus, vel negligentiam, Hostia consecrata dilabatur in Calicem; propterea nihil est reiterandum; sed Sacerdos Missam prosequatur; faciendo caeremonias, & signa consueta cum residua parte Hostiæ, quæ non est madefacta Sanguine, si commodè potest. Si verò tota fuerit madefacta; non extrahat eam, sed omnia dicat omittendo signa, & sumat pariter Corpus & Sanguinem, signans se cum Calice, & dicens: **Corpus & Sanguis Domini nostri &c.**

Si in hyeme Sanguis congeletur in Calice; inuoluatur Calix pannis calefactis: si id non proficeret, ponatur in feruenti aqua propè Altare, dummodo in Calicem non intret, donec liqueat.

Si per negligentiam aliquid de Sanguine Christi ceciderit; si quidem super terram, seu super tabulam; lingua lambatur, & locus ipse abradatur quantum satis est, & abrasio comburatur; cinis verò in Sacramum recondatur, Si verò super lapidem Altaris ceciderit; sorbeat Sacerdos stillam, & locus bene abluatur, & ablutio in Sacramum proijciatur. Si super lintheum Altaris, & ad aliud lintheum stilla peruenerit: si vsque ad tertium; lintheamina ter abluantur, vbi stilla ceciderit, Calice supposito; & aqua ablutio in Sacramum proijciatur. Quod si in ipso solum Corporali, aut si in vestibus ipsis sacerdotalibus ceciderit; debet similiter abui, & ablutio in Sacramum proijci. Si in subtrato pedibus panno, vel tapeto; bene abluatur; vt supra.

At si contingat, totum Sanguinem post Consecrationem effundi: si quidem aliquid, vel parum remansit, illud sumatur; & de effuso reliquo Sanguine fiat; vt dictum est. Si verò nihil omnino remansit; ponat iterum vinum, & aquam: & consecret ab eo loco, **sicuti modo perquam conuenienter** facta prius tamen Calicis oblatione; vt supra.

Si Sacerdos euomat Eucharistiam: si species integræ appareant; reuerenter sumantur, nisi nausea fiat; tunc enim species consecratae caute separentur, & in aliquo loco sacro reponantur, donec corrumpantur, & postea in Sacramum proijciantur. Quod si species non appareant; comburatur vomitus, & cineres in Sacramum mittantur.

Si Hostia consecrata, vel aliqua eius particula, dilabatur in terram, reuerenter accipiat; & locus, vbi cecidit, mundetur, & aliquantum abradatur, & puluis, seu abrasio huiusmodi in Sacramum immittatur. Si ceciderit extra Corporale in mappam, seu alio quouis modo in aliquod lintheum; mappa, vel lintheum huiusmodi diligenter lauetur, & lotio ipsa in Sacramum effundatur.

Postunt etiam defectus in ministerio ipso occurrere, si Sacerdos ignoret ritus & caeremonias ipsas in eo seruandas; de quibus omnibus in superioribus Rubricis copiose dictum est.

PRÆPARATIO AD MISSAM;

Iuxta opportunitatem Sacerdotis
facienda.

Antiphona: Ne reminiscaris.

Psalms 83.

Quam amabilia sunt tabernacula tua, Domine virtutum: concupiscit, & deficit anima mea in atria Domini.

Cor meum, & caro mea exultauerunt in Deum viuum.

Tenim passer inuenit sibi domum, & turtur nidum sibi: vbire ponat pullos suos.

Atria tua, Domine virtutum: Rex meus, & Deus meus.

Ecce, qui habitant in Domo tua: in sæcula sæculorum laudabunt te.

Carus vir, cuius est auxilium abs te, ascensus in corde eius disposuit: in conualle fletus, in loco quem posuit.

Tenim benedictiones dabit, qui Legem dedit; ambulabunt de virtute in virtutem: videbitur Deus Deorum in Sion.

Domine Deus virtutem exaudi orationem meam: auribus percipe Deus Iacob.

Prorector noster aspice Deus: & respice in faciem Christi tui.

Quia melior est dies vna in atrijs tuis super millia.

Regi abiectus esse in domo Dei magis, quam habitare in tabernaculis peccatorum.

Quia misericordiam & veritatem diligit Dominus: Deus, gratiam & gloriam dabit.

Dominus non priuabit bonis ambulantes in innocentia.

Domine Deus virtutum: beatus homo, qui sperat in te.

Gloria Patri, & Filio, & Spiritui Sancto.

Psalms 84.

Benedixisti Domine terram tuam: auertisti captiuitatem ab Iacob.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: auertisti ab ira indignationis tuæ.

Conuerte nos Deus Salutaris noster: & auerte iram tuam à nobis.

Ne in æternum irascaris nobis: aut extendas iram tuam à generatione & progenie.

Deus tu conuertens viuificabis nos: & plebs tua lætabitur in te.

Ostende nobis Domine misericordiam tuam: & Salutare tuum da nobis.

Audiam, quid loquatur in me Dominus Deus: quoniam loquetur pacem in plebem suam, & super Sanctos suos, & in eos qui conuertuntur coram ipso.

Veruntamen propè timentes eum Salutare ipsius: vt inhabitet gloria in terra nostra.

Misericordia & veritas obuiauerunt sibi: iustitia & pax complexæ sunt se.

Veritas de terra orta est: & iustitia de cœlo prospexit.

Tenim Dominus dabit benignitatem: & terra nostra dabit fructum suum.

Iustitia ante eum ambulabit: & ponet in via gressus suos.

Gloria Patri, & Filio, & Spiritui Sancto.

Sicut erat in principio, & nunc, & semper, & in sæcula sæculorum. Amen.

Psalms 85.

Inclina Domine aurem tuam, & exaudi me: quoniam egenus & pauper sum ego.

Custodi animam meam, quoniam sanctus sum: saluum fac seruum tuum Deus, sperantem in te.

Miserere mihi Domine: quoniam ad te clamaui tota die.

Lætifica animam serui tui: quoniam ad te Domine, ieuauit animam meam.

Quoniam tu, Domine, suavis ac mitis es: & copiosus in misericordia omnibus inuocantibus te.

Auribus percipe Domine orationem meam: & intende vocis deprecationis meæ.

In die tribulationis meæ clamaui ad te: quoniam exaudisti me.

Non est similis tibi in Dijs, Domine: & non est secundum opera tua.

Omnes gentes, quasunque fecisti, venient: & adorabunt coram te, Domine.

Et honorificabunt nomen tuum; quoniam magnus es tu: & faciens mirabilia: tu es Deus solus.

Deduc me Domine in via tua: & ingrediar in veritate tua.

Lætetur cor meum: vt timeat nomen tuum.

Confitebor tibi, Domine, Deus meus, in toto corde meo: & glorificabo nomen tuum in æternum.

Quia misericordia tua magna est super me: & eruisi animam meam ex inferno inferiori.

Deus iniusti insurrexerunt super me: & synagoga potentium quæserunt animam meam.

Non proposuerunt te in conspectu suo; & tu Domine, Deus misericors, & miserator: longanimis, & multum misericors, & verax.

Respice in me, & miserere mei; da potestatem puero tuo: & saluum fac filium ancillæ tuæ.

Fac mecum signum in bonum, vt videant, qui oderunt me, & confundantur: quoniam tu, Domine, adiuuisti me, & consolatus es me.

Gloria Patri, & Filio, & Spiritui Sancto.

Psalms 115.

Credidi, propter quod locutus sum: ego autem humiliatus sum nimis.

Egodixi in excessu mentis meæ: Omnis homo mendax.

Quid retribuam Domino pro omnibus, quæ retribuit mihi.

Calicem Salutaris accipiam: & nomen Domini inuocabo.

Pretiosa in conspectu Domini mors Sanctorum eius.

O Domine, ego seruus tuus, ego seruus tuus: & filius ancillæ tuæ.

Dirupisti vincula mea: tibi sacrificabo hostiam laudis.

Vota mea Domino reddam: in conspectu omnis populi eius.

In atrijs Domus Domini: in medio tui Ierusalem.

Gloria Patri, & Filio, & Spiritui Sancto &c.

Psalms 119.

De profundis clamaui ad te, Domine: Domine exaudi vocem meam.

Silant aures tuæ intendentes in vocem orationis meæ.

Si iniquitates obseruaueris, Domine: Domine, quis sustinebit?

Quia apud te propitiatio est: & propter nomen tuum sustinui te, Domine.

Sustinuit anima mea in verbo tuo: sperauit anima mea in Domino.

Avigilia matutina vsque ad noctem: speret Israel in Domino.

Quia apud Dominum misericordia est: & copiosa apud eum redemptio.

Et ipse redimet Israel: ab omnibus iniquitatibus eorum.

Gloria Patri, & Filio, & Spiritui Sancto &c.

Antiphona: Ne reminiscaris Domine delicta nostra, vel parentum nostrorum: neque vindictam sumas de peccatis nostris.

Kyrie eleison. Kyrie eleison. Kyrie eleison. **P**ater noster &c. **E**t ne nos inducas in tentationem. **S**ed libera nos à malo. **E**go dixi, Domine miserere mei. **S**ana animam meam: quia peccauitibi. **C**onuerte, Domine, aliquantulum. **E**t deprecabilis esto super seruos tuos. **F**iat misericordia tua, Domine, super nos. **Q**uemadmodum sperauimus in te. **S**acerdotes tui induantur iustitia. **E**t Sancti tui exultent. **A**b occultis meis munda me Domine. **E**t ab alienis parce seruo tuo. **D**omine exaudi orationem nostram. **E**t clamor noster ad te perueniat. **D**ominus vobiscum. **E**t cum spiritu tuo.

Oratio.

Avres tuæ pietatis, mitissime Deus, inclina precibus nostris, & gratia Sancti Spiritus illumina cor nostrum: vt tuis mysterijs digne ministrare, teque æterna charitate diligere mereamur.

Oratio.

Deus, cui omne cor patet, & omnis voluntas loquitur, & quem nulum latet secretum, purifica per infusionem Sancti Spiritus cogitationes cordis nostri: vt te perfecte diligere, & digne laudare mereamur.

Oratio.

RUBRICÆ GENERALES.

Oratio.

VRe igne Sancti Spiritus renes nostros, & cor nostrum Domine, ut tibi casto corpore seruiamus, & mundo corde placeamus.

Oratio.

Mentes nostras, quæsumus Domine, Paraclitus, qui à te procedit, illuminet, & perducatur in omnem, sicut tuus promissit Filius, veritatem.

Oratio.

Adit nobis, quæsumus Domine, virtus Spiritus Sancti: quæ & corda nostra clementer expurget, & ab omnibus nos tueatur aduersis.

Oratio.

Deus, qui corda fidelium Sancti Spiritus illustratione docuisti: da nobis in eodem Spiritu recta sapere, & de eius semper consolatione gaudere.

Oratio.

Conscientias nostras, quæsumus, Domine visitando purifica: ut veniens Dominus noster, Iesus Christus, Filius tuus, paratam sibi in nobis inueniat mansionem. Qui tecum vivit, & regnat &c.

Orationes dicendæ à Sacerdote, cum induitur sacerdotalibus Paramentis.

Cum lauat manus.

DA Domine virtutem manibus meis ad abstergendum omnem maculam: ut sine pollutione mentis, & corporis valeam tibi seruire. Amen.

Cum exiit Superpellicea.

Exue me Domine veterem hominem cum moribus, & actibus suis: & indue me nouum hominem, qui secundum Deum creatus est in iustitia, & sanctitate veritatis. Amen.

Cum induitur Alba.

Indue me Domine vestimento salutis: & iustitiæ tunica me ambire dignare. Amen.

Ad Cingulum, dum se cingit.

Pracege Domine Cingulo Fidei, & virtute castitatis lumbos mei cordis, & corporis: & extingue in eis humorem libidinis, ut iugiter in eis maneat vigor castitatis. Amen.

Ad Amictum, dum ponitur super caput.

Pone Domine in capite meo galeam salutis, ad expugnandas Diaboli fraudes. Amen.

Ad Manipulum, dum imponitur brachio sinistro.

Merear, precor, Domine, Manipulum portare mente flebili, ut cum exultatione portionem cum iustis accipiam. Amen.

Ad Stola, dum imponitur collo.

Stolâ Domine iustitiæ circunda cernicem meam: & à corruptione peccati meam purifica mentem. Amen.

Ad Planetam.

Igum tuum, Domine, suauis est, & onustum leue: præsta, ut illud sic portare valeam, quatenus tuam consequi possim gratiam. Amen.

Aliæ Orationes dicendæ ab Archiepiscopo, quando in Pontificalibus celebrat.

Ad Caligas.

Calceâ Domine pedes meos in præparationem Euangelij pacis, & protege me in velamento alarum tuarum. Amen.

Cum exiit Cappa.

Exue me Domine veterem hominem cum moribus, & actibus suis, & indue me nouum hominem, qui secundum Deum creatus est in iustitia, & sanctitate veritatis. Amen.

Cum lauat manus.

DA Domine virtutem manibus meis ad abstergendum omnem maculam: ut sine pollutione mentis, & corporis valeam tibi seruire. Amen.

Ad Albam.

Indue me Domine vestimento salutis: & iustitiæ tunica me ambire dignare. Amen.

Ad Cingulum.

Pracege, Domine, Cingulo Fidei, & virtute castitatis lumbos mei cordis, & corporis: & extingue in eis humorem libidinis; ut iugiter in eis maneat vigor castitatis. Amen.

Ad Amictum.

Pone, Domine, in capite meo galeam salutis ad expugnandas Diaboli fraudes. Amen.

Cum accipit Crucem pontificalem.

Munire digneris me Domine, Iesu Christe, ab omnibus insidijs Inimicorum omnium signo Sanctissimæ Crucis tuæ, ac concedere digneris mihi indigno seruo tuo. ut sicut hanc Crucem Sanctorum tuorum Reliquijs refertam ante pectus meum teneo; sic semper mente retineam, & memoriam Passionis, & Sanctorum victorias Martyrum. Amen.

Ad Stola.

Stolâ Domine iustitiæ circunda cernicem meam: & à corruptione peccati meam purifica mentem. Amen.

Ad Tunicellam.

Tunica iucunditatis, & indumento lætitiæ induat me Dominus. Amen.

Ad Dalmaticam.

Indue me Domine indumento salutis: & vestimento lætitiæ, & Dalmatica iustitiæ circunda me semper. Amen.

Ad Chirothecam.

Circunda Domine manus meas munditia noui hominis, qui de coelo descendit: ut, quemadmodum Iacob, dilectus tuus, pelliculis hædorum operitis manibus paternam benedictionem oblato patri cibo, porusque gratissimo impetrans sic & oblata per manus nostras salutari Hostia,

gratiz tuæ benedictionem merear. Per Dominum nostrum, Iesum Christum, Filium tuum: qui in similitudinem carnis peccati pro nobis obtulit semetipsum. Amen.

Ad Planetam.

Igum tuum, Domine, suauis est, & onustum leue: præsta, ut illud sic portare valeam, quatenus tuam consequi possim gratiam. Amen.

Ad Mitram.

Mitram Domine, & salutis galeam impone capiti meo: ut antiqui Hostis, omniumque inimicorum meorum insidias inoffensus euadam. Amen.

Ad Anulum cordis.

Cordis, & corporis mei Domine digitos virtute decora: & Septiformis Spiritus sanctificatione circunda. Amen.

Ad Manipulum.

Merear, precor, Domine, Manipulum portare mente flebili; ut cum exultatione portionem cum iustis accipiam. Amen.

Gratiarum actio post Missam.

Antiphona: Tres in camino ignis.

Cantic. Dan. 3.

Benedicite omnia opera Domini Domino.

Benedicite Coeli Domino.

Benedicite Angeli Domini Domino.

Benedicite aquæ omnes, quæ super coelos sunt, Domino.

Benedicite omnes Virtutes Domini Domino.

Benedicite Sol, & Luna Domino.

Benedicite Stellæ Coeli Domino.

Benedicite omnis imber, & ros Domino.

Benedicite omnis Spiritus Domino.

Benedicite ignis, & æstus Domino.

Benedicite noctes, & dies Domino.

Benedicite lumen, & tenebræ Domino.

Benedicite frigus, & æstus Domino.

Benedicite pruina, & nives Domino.

Benedicite fulgura, & nubes Domino.

Benedicat terra Domino.

Benedicite montes, & colles Domino.

Benedicite omnia nascentia in terra Domino.

Benedicite maria, flumina, & fontes Domino.

Benedicite cete, & omnia, quæ mouentur in aquis, Domino.

Benedicite volucres Coeli Domino.

Benedicite bestię, & omnia iumenta Domino.

Benedicite filij hominum Domino.

Benedicat Israel Domino.

Benedicite Sacerdotes Domini Domino.

Benedicite serui Domini Domino.

Benedicite spiritus, & animæ iustorum Domino.

Benedicite Sancti, & humiles corde Domino.

Benedicite Anania, Azaria, & Misael Domino.

Benedicamus Patrem, & Filium, & Spiritum Sanctum.

Hymnum dicamus, & superexaltemus eum in sæcula.

Psalms 150.

Laudate Deum in Sanctis eius; laudate eum in firmamento virtutis eius.

Laudate eum in potentatibus eius: laudate eum secundum multitudinem magnitudinis eius.

Laudate eum in sono tubæ: laudate eum in psalterio, & cithara.

Laudate eum in tympano, & choro; laudate eum in chordis, & organo.

Laudate eum in cymbalis benesonantibus: laudate eum in cymbalis iubilationis omnis spiritus laudet Dominum.

Gloria Patri, & Filio, & Spiritui Sancto.

Ant: Tres in camino ignis deambulabant, & collaudabant Dominum Regem, canentes ex uno ore, dicentes hymnum Deo.

Kyrie eleison, Kyrie eleison, Kyrie eleison.

Dominus vobiscum. Et cum spiritu tuo.

Oratio.

Deus, qui tribus pueris, in camino ignis positis, quartus adesse dignatus es: cui facillimum est ignium temperare naturas, & extinguere flammarum impetus; eandem Domine, ad protegendas, & liberandas animas nostras extende virtutem.

Oratio.

Actiones nostras, quæsumus, Domine aspirando præueni, & adiuuando prosequere: ut cuncta nostra operatio, & oratio à te semper incipiat, & per te coepta finiatur.

Oratio.

DA nobis, quæsumus, Domine victorum nostrorum flammis extingue: qui Beato Laurentio tribuisti tormentorum suorum incendia superare. Per Dominum nostrum.

Dominus vobiscum. Et cum spiritu tuo.

Kyrie eleison, Kyrie eleison, Kyrie eleison.

Benedicat, & exaudiat nos Deus. Amen.

Procedamus cum pace. In nomine Christi.

Benedicamus Domino. Deo gratias.

Aliæ Orationes à Sancto Ambrosio Archiep. infra hebdomadam dicendæ ante Celebrationem, & Communionem.

DIS DOMINICO.

Summe Sacerdos, & vere Pontifex, Iesu Christe, qui te obtulisti Deo Patri in Ara Crucis Hostiam puram, & immaculatam pro nobis miseris peccatoribus, & qui dedisti nobis Carnem tuam ad manducandum, &

San-

RUBRICA GENERALIS:

Sanguinem tuum ad bibendum: & posuisti Myſterium in virtute Spiritus Sancti dicens: *Hec quatiſcunq; feceritis, in mei memoriam facietis*: rogo te per tuum Sanguinem pretioſum; magnum ſalutis noſtræ pretium: rogo per hanc miram, & ineffabilem charitatem, qua nos miſeros, & indignos te amare dignatus es, vt lauareſ nos à peccatis noſtris in Sanguine tuo: doce me, ſeruum tuum indignum, quem inter cætera dona tua ad Officiū Sacerdotale vocare dignatus es, nullis meis meritis, ſed ſola dignatione miſericordiæ tuæ; doce me, quaſo, per Spiritum tuum, tantum Myſterium tractare ea reuerentia, & honore, eaq; deuotione, & timore, quibus oportet, & decet. Fac me Domine, Ieſu Chriſte per gratiam tuam ſemper illud de tanto Myſterio credere, & intelligere, ſentire, & firmiter retinere, dicere, & cogitare, quod tibi placet, & expedit animæ meæ. Intret Spiritus tuus bonus in cor meum, qui ſonet ibi ſine ſono, & ſine ſtrepitu verborum loquatur omnem veritatem tantorum Myſteriorum. Profunda ſunt nimis, & ſacro tecta velamine. Propter magnam clementiam tuam concede mihi, hodie, & ſemper Miſſarum ſolemnia puro corde, & pura mente celebrare. Libera cor meum ab immundis, & nefandis, vanis, & obnoxijſ cogitationibus. Muni Beatorum Angelorum pia, & fida tutela, atque fortiſſima cuſtodia; vt Hoſtes omnium bonorum conſuſi diſcedant per virtutem tanti Myſterij, & per manum Sancti Angeli tui. Repelle à me Domine, Ieſu Chriſte, & à cunctis ſeruis tuis duriffimum ſpiritum ſuperbiæ, cenodoxiæ, inuidiæ, iracundiæ, fornicationis, & immunditiæ, dubietatis, & blaſphemæ. Confundantur, qui nos perſequuntur: pereant illi, qui cuncta perdere feſtinant.

FERIA SECUNDA.

R Ex virtutum, caſtitalis, & integritatis amator Deus, cœleſti rore benedictionis tuæ extingue in corpore meo totum fomitem ardentem libidinis; vt maneat in me tenor totius caſtitalis animæ, & corporis. Morifica in me carnis ſtimulos, & omnes libidinis commotiones: & da mihi veram, & perpetuam caſtitalitatem cum cæteris donis tuis, quæ tibi placent in veritate; vt ſacrificium laudis caſto corpore, & mundo corde valeam tibi offerre. Quanta enim, Domine, Ieſu Chriſte, cordis contritione, & lachrymarum fonte, quanta reuerentia, & tremore, quanta corporis caſtitate, & animi puritate iſtud diuinum, & cœleſte Sacrificium eſt celebrandum? vbi Caro tua in veritate ſumitur, vbi Sanguis tuus in veritate bibitur, vbi ſumma imis iunguntur, vbi adest præſentia Sanctorum Angelorum, vbi tu es Sacerdos, & Sacrificium, mirabiliter, & ineffabiliter conſtitutus.

FERIA TERTIA:

Q Vis dignè hoc celebrare poteris, niſi tu Deus omnipotens Offerentem feceris dignum? Scio Domine, & verè ſcio, & idipſum pietati tuæ confiteor, quia non ſum dignus accedere ad tantum Myſterium propter nimia peccata mea, & infinitas negligentias meas. Sed ſcio, & veraciter ex toto corde meo credo, & ore confiteor, quia tu potes me facere dignum, qui ſolus potes facere mundum de immundo conceptum ſemine, & de peccatoribus iuſtos, & ſantos. Per hanc omnipotentiam tuam, te rogo, Deus meus, vt cõcedas mihi peccatori hoc ſacrificium celebrare cum timore, & tremore, cum cordis puritate, & lachrymarum fonte, cum lætitiæ ſpiritali, & cœleſti gaudio. Sentiat mens mea dulcedinem beatiſſimæ præſentis tuæ, & excubias Sanctorum Angelorum tuorum in circuitu meo.

FERIA QUARTA.

E Go enim, Domine, memor venerandæ Paſſionis tuæ, accedo ad Altare tuum, licet peccator: vt offeram tibi Sacrificium, quod tu inſtituiſti, & offerri præcepuiſti in commemorationem tui, pro ſalute noſtra. Suſcipe illud, quaſo, ſumme Deus, pro Eccleſia ſancta tua, & pro populo, quem acquiſiſti Sanguine tuo. Et quoniam me peccatorem inter te, & eundem populum tuum, medium eſſe voluiſti; licet in me aliquod boni operis teſtimonium non agnoſcas; Officiū ſaltem diſpenſationis credite non recuſes; nec per me indignum, eorum ſalutis petat pretium. pro quibus Viſticia ſalutaris dignatus es eſſe redemptio. Profero etiam, Domine (ſi digneris propitiuſ intueri) tribulationes plebium, pericula populorum, captiuorum gemitus, miſerias orphanorum, neceſſitates peregrinorum, inopiam debiliū, deſperationes languentium, defectus ſenium, ſuſpiria iuuenum, vota virginum, lamenta viduarum.

FERIA QUINTA.

T Venim miſereris omnium, Domine: & nihil odiſti eorum, quæ feciſti. Memorare, quæ ſit noſtra ſubſtantia: quia tu Pater noſter es, quia tu Deus noſter es: ne irſcaris ſatis, neq; multiſtudinem viſcerum tuorum ſuper nos contineas. Non enim in iuſtificationibus noſtris proſtrernimus præces ante faciem tuam, ſed in miſerationibus tuis multis. Aufer à nobis iniquitates noſtras: & ignem Sancti Spiritus in nobis clementer accende. Aufer cor lapideum de carne noſtra: & da nobis cor carneum, quod te amet, te diligat, in te delectetur, te ſequatur, te perſuatur. Oramus, Domine, clementiam tuam, vt ſereno vultu familiam tuam, ſacri tui nominis Officia præſtolaſtis, aſpicere digneris: & vt nullius ſit irritum votum, nullius vacua poſtulatō; tu nobis præces ſuggere, quas ipſe propitiuſ audire, & exaudire delecteris.

FERIA SEXTA:

R Ogamus etiam te, Sancte Pater, pro ſpiritibus Fidelium deſunctorum, vt ſit illis ſalus æterna, ac perpetua ſanitas, gaudium, & refrigerium ſempiternum, hoc magnum pietatis Sacramentum. Domine. Deus meus, ſit illis hodie magnum, & plenum gaudium de te, Pane viuo, & vero, qui de cœlo deſcendiſti, & das vitam mundo, de Carne ſancta, & benedicta Agni, videlicet immaculati, qui tollis peccatum mundi: & potari de fonte pietatis tuæ, qui per lanceam militis de latere emanauit, tui crucifixi Domini noſtri; vt conſolati exultent, in laude, & gloria tua ſancta.

Peto, Domine, clementiam tuam, vt deſcendat ſuper hunc Panem, & Calicem iſtum plenitudo diuinitatis tuæ. Deſcendat etiam, Domine, illa Sancti Spiritus tui inuiſibilis forma, & incomprehenſibilis Maietas, ſicut quondam in Patrum Hoſtias deſcendebat: qui & oblationes noſtras Corpus, & Sanguinem tuum efficiat, & me indignum Sacerdotem tuum doceat tantum tractare myſterium; ita vt placidè, ac benignè Sacrificium ſuſcipias de manibus meis ad ſalutem omnium, tam viuorum, quàm deſunctorum. Rogo te, Domine, per ipſum Sacroſanctum Myſterium Corporis, & Sanguinis tui, quo quotidie in Eccleſia tua paſcimur, & potamur, abluimur, & ſanctificamur, atque vnus tuæ, ſummæq; Diuinitatis participes efficiamur, quatenus des mihi virtutes tuas ſanctas: quibus repletus, bona conſcientia ad Altare tuum accedam; ita vt hæc cœleſtia Sacramenta efficiantur mihi ſalus, & vita. Tu enim dixiſti ore tuo ſancto, & benedixiſti: *Panis, quem ego dederò, Caro mea eſt pro mundi vita. Et, qui manducat me, vita viuere propter me: ipſe manet in me, & ego in eo. Ego ſum Panis viuus, qui de cœlo deſcendi. Si quis manducauerit ex hoc Pane, viuere in æternum.* Panis dulciſſime ſana palatum cordis mei, vt ſentiam ſuauiſſimam amoris tui. Sana ab omni languore, vt nullam præter te amen pulchritudinem. Panis candidiſſime, habens in te omne delectamentum, & omnis ſaporis ſuauiſſimam, qui nos ſemper reficis: comedat te cor meum, & dulcedine ſaporis tui repleantur viſcera animæ meæ. Manducat te Angelus pleno ore: manducet te peregrinus homo pro modulo ſuo; ne deficere poſſit in via, tali recreatus viatico.

SABBATO.

P anis ſancte, Panis viue, Panis pulcher, Panis munde, qui deſcendiſti de cœlo, & das vitam mundo, veni in cor meum, & munda me ab omni inquinamento carnis, & ſpiritus. Intra in animam meam: ſana, & ſanctifica me intus, & exterius. Eſto tutamen, & perpetua ſalus corporis, & animæ meæ. Repelle à me inſidiantes mihi. Hoſtes recedant procul à præſentia tua; vt foris, & intus per te munitus recto tramite perueniam ad tuum Regnum, vbi non myſterijs, ſicut in hoc tempore agitur, ſed facie ad faciem te videbimus, cum tradideris Regnum Deo Patri, & erit Deus omnia in omnibus. Tunc me de te ſatiabis ſatietate perpetua; vt nec eſuriam, nec ſitiam in æternum. Qui cum eodem Patre, & Spiritu Sancto viuis, & regnas per omnia ſæcula ſæculorum. Amen.

Alia Oratio ante Miſſam.

A D Menſam dulciſſimi Conuiuij tui, pie Domine, Ieſu Chriſte, ego peccator, de proprijs meritis nihil præſumens, ſed de tua confidens miſericordia, & bonitate, accedere vereor, & contremiſco. Nam cor, & corpus habeo multis criminibus maculatum, mentem, & linguam non cauè cuſtoditam, Ergo, ò pia Deitas, ò tremenda Maietas, ego miſer, inter anguſtias deprehentus; ad te fontem miſericordiæ recurro, ad te feſtino ſanandus, ſub tuam protectionem fugio: & quem iudicem ſuſtinere nequeo, Saluatorem habere tuſpiro. Tibi, Domine, plagas meas oſtendo: tibi verecundiam meam detego. Scio peccata mea multa, & magna, pro quibus timeo. Spero in miſericordiis tuas, quarum non eſt numerus. Reſpice ergo in me oculis miſericordiæ tuæ, Domine Ieſu Chriſte, Rex æterne Deus, & homo, crucifixus propter hominem. Exaudi me iſperantem in te: miſerere mei, pleni miſerijs, & peccatis, tu, qui ſons miſerationis nunquam manare ceſſabis. Salue ſalutaris Viſticia, pro me, & omni humano genere in patibulo Crucis oblata. Salue nobilis, & pretioſe Sanguis, de vulneribus crucifixi Domini mei, Ieſu Chriſti profluens & peccata totius mundi abluens. Recordare Domine creaturæ tuæ, quam tuo ſanguine redemiſti. Pœnitet me peccaſſe, cupio emendare, quod feci. Aufer ergo à me clementiſſime Pater omnes iniquitates, & peccata mea; vt purificatus mente, & corpore dignè degulare merear Sancta Sanctorum, & concede, vt ſancta prælibatio Corporis, & Sanguinis tui, quam ego indignus ſumere intendo, ſit peccatorum meorum remiſſio, ſit delictorum perfecta purgatio, ſit turpium cogitationum effugatio, ac bonorum ſenſuum regeneratio, operumque tibi placentium ſalubris efficacia, animæ quoque, & corporis contra Inimicorum meorum inſidias firmiſſima tutio. Amen.

Oratio S. Thomæ Aquini.

O Mnipotens, ſempiternus Deus, ecce accedo ad Sacramentum vnigeniti, Filij tui, Domini noſtri Ieſu Chriſti: accedo tanquam infirmus ad medicum vitam, immundus ad fontem miſericordiæ, cæcus ad lumen claritatis æternæ, pauper, & egenus ad Dominum cœli, & terræ. Rogo ergo immenſæ largitatis tuæ abundantiam, quatenus meam curare digneris infirmitatem, lauare ſordiditatem, illuminare cæcitatem, ditare paupertatem, veſtire nuditatem; vt Panem Angelorum, Regem Regum, Dominum Dominantium tanta ſuſcipiam reuerentia, & humilitate, tanta contritione, & deuotione, tanta puritate, & fide, tali propoſito, & intentione, ſicut expedit ſaluti animæ meæ. Da mihi quaſo, Dominici Corporis, & Sanguinis non ſolum ſuſcipere Sacramentum, ſed etiam rem, & virtutem Sacramenti. O miſeriſſime Deus, da mihi Corpus vnigeniti Filij tui Domini noſtri, Ieſu Chriſti, quod traxit de Virgine Maria, ſic ſuſcipere, vt Corpori ſuo myſtico merear incorporari, & inter eius membra connumerari. O amantiſſime Pater, concede mihi dilectum Filium tuum, quem nunc velatum in via ſuſcipere propono, reuelata tandem facie perpetuò contemplari. Qui tecum viuunt, & regnat in vnitæte Spiritus Sancti Deus, per omnia ſæcula ſæculorum.

RUBRICÆ GENERALES.

*Alia Orationes, post Celebrationem,
& Communionem dicendæ.*

Oratio Sancti Thomæ Aquinatis.

Gratias tibi ago, Domine Sancte, Pater omnipotens, æterne Deus: qui me peccatorem, indignum famulum tuum, nullis meis meritis, sed sola dignatione misericordie tue sariare dignatus es pretioso Corpore, & Sanguine Filij tui, Domini nostri, Jesu Christi. Et precor, vt hæc Sancta Communio non sit mihi reatus ad poenam, sed intercessio salutaris ad veniam: sit mihi armatura fidei, & scutum bonæ voluntatis: sit virtutum meorum euacuatio, concupiscentiæ, & libidinis exterminatio: charitatis, & patientiæ, humilitatis, & obedientiæ, omniumque virtutum augmentatio, contra insidias Inimicorum omnium, tam visibilium, quam invisibilium firma defensio: motuum meorum, tam carnalium, quam spiritualium perfecta quietatio: in te vno, ac vero Deo firma adhesio: atque finis mei felix consummatio. Et precor te, vt ad illud ineffabile Conuiuium, me peccatorem perducere digneris: vbi tu cum Filio tuo, & Spiritu Sancto, Sanctis tuis es lux vera, satietas plena, gaudium sempiternum, iucunditas consummata, & felicitas perfecta. Per eundem Christum, Dominum nostrum. Amen.

Alia Oratio Sancti Bonauenturæ.

Transfige, dulcissime Domine, Iesu, medullas, & viscera animæ meæ suauissimo, ac saluberrimo amoris tui vulnere, vera, serenaque, & apostolica sanctissima charitate, vt langueat, & liquefiat anima mea solo semper amore, & desiderio tui, te concupiscat, & deficiat in atria tua, cupiat dissolui, & esse tecum. Da, vt anima mea te esuriat. Panem Angelorum, Refectionem animarum sanctarum, Panem nostrum quotidianum, supersubstantialem, habentem omnem dulcedinem, & saporem, & omne delectamentum suauitatis. Te, in quem desiderant Angeli prospicere, semper esuriat, & comedat cor meum, & dulcedine saporis tui repleantur viscera animæ meæ. Te semper sitiât fontem vitæ, fontem sapientiæ, & scientiæ, fontem æterni luminis, torrentem voluptatis, vberitatem Domus Dei. Te semper ambiat, te querat, te inueniat, ad te tendat, ad te perueniat, te meditetur, te loquatur, & omnia operetur in laudem, & gloriam nominis tui, cum humilitate, & discretionem, cum dilectione, & delectatione, cum facilitate, & affectu, cum perseverantia usque in finem. Et tu sis solus semper spes mea, tota fiducia mea, diuitiæ meæ,

delectatio mea, iucunditas mea, gaudium meum, quies, & tranquillitas mea, pax mea, suauitas mea, odor meus, dulcedo mea, cibus meus, refectionis mea, refugium meum, auxilium meum, sapientia mea, portio mea, possessio mea, thesaurus meus, in quo fixa, & firma, & immobiliter semper sit radicata mens mea, & cor meum. Amen.

Rhythmus S. Thomæ Aquinatis ad sacram Eucharistiam.

Adoro te deuotè latens Deitas,
Quæ sub his figuris verè latitas:
Tibi se cor meum totum subijcit,
Quia te contemplans totum deficit,
Visus, tactus, gustus in te fallitur,
Sed auditu solo tuus creditur.
Credo quidquid dixit Dei Filius.
Nil hoc verbo Veritatis verius.
In Cruce latebat sola Deitas,
At hic latet simul, & humanitas:
Ambo tamen credens, atq; confitens,
Peto quod petiuit Lâtro penitens.
Plagas, sicut Thomas non intueor,
Deum tamen meum te confiteor.
Fac me tibi semper magis credere,
In te spem habere, te diligere,
O memoriale mortis Domini,
Panis viuus, vitam præstans homini:
Præsta meæ menti de te viuere,
Et te illi semper dulce sapere.
Pie Pellicane, Iesu Domine,
Me immundum munda tuo sanguine,
Cuius vna stilla saluum facere,
Totum mundum quis ab omni scelere.
Iesu, quem velatum nunc aspicio,
Oro fiat illud, quod tam sitio:
Vt te reuelata cernens facie,
Visu sim beatus tue gloriæ. Amen.

DE ACCENTIBUS

PRÆMONITIO AD LECTOREM.

IN hac Editione duplex tantum occurret tibi accentus: Alter grauis: Alter pyramidalis. Vtriusque porro figuram ritè expressam habes duobus in exemplis inferius propositis. Prior indicat, dictionem, extrema cuius Syllaba insidet, aduerbij loco stare; vt fortè, pro forsân: Posterior denotat, aut dictionis vocalem ei directè subiectam, producendam esse; vt tribûnal; Aut dictionem ipsam ablatiui esse casus; vt gratiâ plena.



PROPRIUM MISSARUM DE TEMPORE.

DOMINICA PRIMA DE ADVENTU.

Ingressa.

*Psal.
94.*



A te, Domine,
leuavi animam
meam: Deus meus,
in te confido, non
erubescam: neque
irrideant me ini-
mici mei; etenim
vniuersi, qui te ex-
pectant, non confundentur.

*Ab hac Dominica vsque ad Natiuita-
tem Domini non dicitur: Gloria in
excelsis &c. nisi in Festis Sanctorum.*

Oratio super populum.

Deus, qui in Unigenito tuo nouam
creaturam nos tibi esse fecisti,
respice propitius in opera misericor-
diæ tuæ, & in eius Aduentu ab omni-
bus nos maculis vetustatis emunda.
Per eundem Dominum nostrum Je-
sum Christum, Filium tuum: qui te-
cum uiuit, & regnat in vnitæte Spiritus
Sancti Deus: per omnia sæcula sæcu-
lorum. *R.* Amen.

Lectio Isaïæ Prophetæ.

*Isa.
91.* **H**æc dicit Dominus Deus. Audi-
te me, audite populus meus: &
Reges me attendite. Quia Lex à me
exiet: & iudicium meum in lucem po-
pulorum requiescet. Propè est Iustus
meus: egressus est Saluator meus: &
brachia mea populos iudicabunt. Me
insulæ expectabunt, & brachium

meum sustinebunt. Leuate in coelum
oculos vestros, & videte sub terra de-
orsum. quia cœli, sicut fumus, lique-
scent, & terra, sicut vestimentum, atte-
retur: & habitatores eius, sicut hæc, in-
teribunt; salus autem mea in sempiter-
num erit; & iustitia mea non deficiet.
Audite me, qui scitis iustum, populus
meus, lex mea in corde eorum. Noli-
te timere opprobrium hominum: &
blasphemias eorum ne metuatis. Si-
cut enim vestimentum, sic comedet
eos vermis: & sicut lanam, sic deuora-
bit eos tinea. Salus autem mea in sem-
piternum erit, & iustitia mea in gene-
rationes generationum. Dicit Domi-
nus omnipotens.

*Psal.
49.* **Psalmeus:** Deus manifestè veniet,
Deus noster, & non tardabit.

Ps. **Deus,** Deorum dominus locutus
est, & vocauit terram.

Epistola Beati Pauli Apostoli,
ad Thessalonicenses secunda.

Fratres. Rogamus vos per aduen-
tum Domini Nostri, Jesu Christi,
& nostræ congregationis in ipsum: vt
non citò moueamini à vestro sensu,
neque terreamini, neque per spiri-
tum, neque per sermonem, neque per
epistolam, tanquam per nos missam:
quasi instet dies Domini. Ne quis vos
seducat vllò modo. Quoniam, nisi ve-
nerit discessio primùm, & reuelatus
fuerit

A

fuerit Homo peccati, Filius perditionis, qui aduersatur, & extollitur supra omne, quod dicitur Deus, aut quod colitur; ita ut in Templo Dei sedeat, ostendens se, tanquam sit Deus. Non retinetis, quod, cum adhuc essem, apud vos, hæc dicebam vobis? Et nunc, quid detineat scitis, ut reuelatur in suo tempore. Nam mysterium iam operatur iniquitatis: tantum, ut qui tenet nunc, teneat, donec de medio fiat. Et tunc reuelabitur ille iniquus: quem Dominus Iesus interficiet spiritu oris sui: destruet illustratione aduentus sui eum, cuius est aduentus secundum operationem Sathanæ in omni virtute, & signis, & prodigijs mendacibus, & in omni seductione iniquitatis, ijs, qui pereunt; eo quod charitatem veritatis non receperunt, ut salui fierent. Ideo mittet illis Deus operationem erroris, ut credant mendacio: ut iudicentur omnes, qui non crediderunt veritati, sed consenserunt iniquitati. Nos autem debemus gratias agere Deo semper pro vobis, fratres dilecti à Deo, quod elegerit nos Deus primitias in salutem, in sanctificatione spiritus, & fide veritatis: in quam & vocauit vos per euangelium nostrum in acquisitionem gloriæ

Psal. Domini nostri, Iesu Christi.

97. **H**alleluia. **Ps.** Præueniamus faciem eius in confessione, & in psalmis iubilemus illi: Halleluia.

Psal. **In ferijs dicitur Versus sequens:**

49. **H**alleluia. **Ps.** Deus manifestè veniet, Deus noster, & non tardabit: Hallel.



Lectio sancti Euangelij secundum Matthæum.

Cap. **I**n illo tempore. Egressus Dominus Iesus de Templo, ibat. Et accesserunt discipuli eius, ut ostenderent ei ædificationes Templi. Ipse autem respondens dixit eis: Videtis hæc omnia? Amen dico vobis: Non relinquetur

hic lapis super lapidem, qui non destruat. Sedente autem eo super Montem Oliueti, accesserunt ad eum Discipuli secretò, dicentes: Dic nobis, quando hæc erunt: & quod signum aduentus tui, & consummationis sæculi? Et respondens Iesus, dixit eis: Videte, ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis prælia, & opiniones præliorum: videte, ne turbemini. Oportet enim hæc fieri: sed nondum est finis. Consurget enim gens in gentem, & regnum in regnum: & erunt pestilentia, & fames, & terræmotus per loca. Hæc autem omnia initia sunt dolorum. Tunc tradent vos in tribulationem, & occident vos: & eritis odio omnibus gentibus propter nomen meum. Et tunc scandalizabuntur multi, & inuicem tradent, & odio habebunt inuicem. Et multi Pseudo-prophetæ surgent, & seducunt multos. Et quoniam abundabit iniquitas, refrigescet charitas multorum. Qui autem perseverauerit usque in finem, hic saluus erit. Et prædicabitur hoc Euangelium Regni in vniuerso orbe, in testimonium omnibus gentibus: & tunc veniet consummatio. Cum ergo, videritis abominationem desolationis quæ dicta est à Daniele Propheta, stantem in loco sancto, (qui legit intelligat) tunc, qui in Judæa sunt, fugiant ad montes; & qui in tecto, non descendat tollere aliquid de domo sua; & qui in agro, non reuertatur tollere tunicam suam. Væ autem prægnantibus, & nutrientibus in illis diebus. Orate autem, ut non fiat fuga vestra in hyeme, vel sabbato. Erit enim tunc tribulatio magna, qualis non fuit ab initio mundi usque modò, neque fiet. Et nisi breuiati fuissent dies illi, non fieret salua omnis caro; sed propter

De Aduentu:

3

ter electos breuiabuntur dies illi. Tunc, si quis vobis dixerit: Ecce hic est Christus, aut illic; nolite credere. Surgent enim Pseudochristi, & Pseudoprophetae; & dabunt signa magna, & prodigia, ita vt in errorem inducantur, si fieri potest, etiam electi. Ecce praedixi vobis. Si ergo dixerint vobis: Ecce in deserto est; nolite exire: Ecce in penetralibus; nolite credere. Sicut enim fulgur exit ab oriente, & paret vsque in occidentem; ita erit & aduentus Filij hominis. Ubicunque fuerit corpus, illic congregabuntur & aquilae. Statim autem post tribulationem dierum illorum sol obscurabitur, & luna non dabit lumen suum, & stellae cadent de caelo, & virtutes caelorum, commouebuntur: & tunc parebit signum Filij hominis in caelo. Et tunc plangent omnes tribus terrae: & videbunt Filium hominis venientem in nubibus caeli cum virtute multa, & maiestate. Et mittet Angelos suos cum tuba, & voce magna: & congregabunt electos eius a quatuor ventis, & a summis caelorum, vsque ad terminos eorum. Ab arbore autem fic discite parabolam. Cum iam ramus eius tener fuerit, & folia nata; scitis, quia prope est aestas. Ita & vos, cum videritis haec omnia; scitote, quia prope est in ianuis. Amen dico vobis, quia non praeteribit haec generatio, donec omnia haec fiant. Caelum, & terra transibunt, verba autem mea non praeteribunt. De die autem illa, & hora nemo scit; neque Angeli caelorum, nisi Pater solus. Sicut autem in diebus Noe; ita erit & aduentus Filij hominis. Sicut enim erant in diebus ante diluuium, comedentes, & bibentes; nubentes & nuptui tradentes, vsque ad eum diem, quo intrauit Noe in arcam: & non cognouerunt, donec venit diluuium, & tulit omnes; ita erit & aduentus Filij

hominis. Tunc duo erunt in agro: vnus assumetur, & vnus relinquetur: Duae molentes in mola: vna assume-
tur, & vna relinquetur. Vigilate ergo quia nescitis, qua hora Dominus vester venturus sit.

Antiphona post Euangelium.

Parce Domine, parce populo tuo: & ne des haereditatem tuam in opprobrium: ne quando dicant gentes: Ubi est Deus eorum? Ioel. 2. & Psal. 78. & 113.

Oratio super sindonem.

EXcita potentiam tuam Deus, & veni: vt ij, qui in tua pietate confidunt, ab omni inimici aduersitate liberentur. Qui viuus & regnas cum Deo Patre in vnitae Spiritus Sancti Deus: per omnia saecula saeculorum.

R. Amen.

Offertorium: Pronunciabo veritatem tuam, Domine, in ore meo: quoniam dixisti: In aeternum misericordia aedificabitur. Psal. 88.

Dicitur: Credo &c.

Oratio super oblatam.

SAcrificijs praesentibus Domine, quaesumus, intende placatus: & deuotioni nostrae proficiant, & saluti. Per Dominum nostrum Iesum Christum.

Praefatio:

ATerne Deus: Cui proprium, ac singulare est, quod bonus es, & nulla vnquam a te es commutatione diuersus. Propitiare supplicibus: & Ecclesiae tuae misericordiam, quam confitetur, ostende: manifestans plebi tuae Unigeniti tui mirabile Sacramentum: vt in vniuersitate nationum perficiatur, quod per verbi tui euangelium promisti: & habeat plenitudo adoptionis, quod praetulit testificatio veritatis. Per eundem Christum, Dominum nostrum.

Confractorium: Dirige me in veritate tua, & doce me: quia tu es Deus Psal. 24.

salutaris meus, & te sustinui tota die. Etenim vniuersi qui te expectant, non confundentur.

Mat. Transitorium: Sicut fulgur venit ab Oriente, & paret in Occidentem; ita erit & aduentus Filij hominis. Vigilate omnes, & orate; nescitis diem, neque horam, quando Dominus noster sæculi finem ponat.

Oratio post Communionem.

Sumptis muneribus, Domine, quæsumus: vt cum frequentatione mysterij crescat nostrę salutis effectus. Per Dominum.

In Ferijs de Aduentu, nisi fiat de Sanctis, dicitur Missa de Dominica illas Ferias præcedenti, sed ritu feriali cum orationibus ad libitum, prout in Rubricis generalibus.

**DOMINICA II.
DE ADVENTU.**

Ingressa.

**Psalm.
105.**



Memento nostri Domine in beneplacito populi tui: visita nos in Salutarituo, ad videndum in bonitate electorum tuorum, ad lætandum in lætitia gentis tuę, vt laudēris cum hæreditate tua.

Non dicitur: Gloria in excelsis.

Oratio super populum.

Dona, quæsumus, omnipotens Deus, cunctę familię tuę hanc voluntatem: Christo, Filio tuo, Domino nostro, venienti, in operibus iustis aptè occurrere; vt eius dexterę sociati, regnum mereamur possidere cæleste. Per eundem Dominum.

Lectio Baruch Prophetę.

**Bar.
6. 5.**

Hęc dicit Dominus Deus, Circumspice ad Orientem Ierusalem, & vide iucunditatem à Deo tibi venientem. Ecce enim veniunt filij tui, quos emisisti: veniunt congregati

ab occasu vsque ad ortum, verbo sancti gaudentes in Dei gloria. Exue te, Ierusalem, stola luctus, & vexationis tuę; & indue te decorem eius, quæ à Deo tibi data est gloria in æternum. Circundato te diploide à Deo iustitię: & impone mitram capiti tuo glorię æternę. Deus enim ostendet omnem, qui sub cælo est, splendorem tuum. Vocabitur enim nomen tuum à Deo in æternum, pax iustitię, gloria pietatis. Surge, Ierusalem, & sta in alto, & circumspice ad Orientem: & vide congregatos filios tuos à solis ortu vsque ad occasum, verbo sancti gaudentes Dei memoria. Exierunt enim abs te pedites, abducti ab inimicis: inducet autem illos Deus ad te, portatos cum gloria, sicut filios regni. Constituit enim Deus humiliare omnem montem excelsum, & rupes perennes, & conualles implere ad æqualitatem terrę, vt ingrediatur Israel certus Dei gloria. Obumbrauerunt autem & syluę, & omne lignum boni odoris Israel præcepto Dei. Adducet enim Deus Israel cum lætitia in lumine Maiestatis suę, cum misericordia, & iustitia, quæ ab ipso est. Dicit Dominus Deus.

Psalm. A summo cælo egressio eius, & occurfus eius vsque ad summum eius. **Psalm. 18.**

V. Cæli enarrant gloriam Dei, & opera manuum eius annunciat Firmamentum.

Epistola Beati Pauli Apostoli ad Romanos.

Fratres. Debemus nos firmiores, imbecillitates infirmorum sustinere, & non nobis placere. Vnusquisque proximo suo placeat in bonum, ad ædificationem. Etenim Christus non sibi placuit: sed, sicut scriptum est: Improperia improperantium tibi ceciderunt super me. Quęcunque enim scripta sunt, ad nostram doctrinam

nam scripta sunt: vt per patientiam, & consolationem scripturarum spem habeamus. Deus autem patientiæ, & solatiij det vobis idipsum sapere in alterutrum, secundum Iesum Christum: vt vnanimis vno ore honorificetis Deum, & Patrem Domini nostri, Iesu Christi. Propter quod suscipite inuicem, sicut & Christus suscepit vos in honorem Dei. Dico enim, Christum Iesum ministrum fuisse circumcisionis propter veritatem Dei, ad confirmandas promissiones Patrum. Gentes autem super misericordia honorare Deum, sicut scriptum est: Propterea confitebor tibi in gentibus, & in nomine tuo cantabo. Et iterum dicit. Laetamini cum plebe eius. Et iterum: Laudate Dominum omnes gentes, & magnificate eum omnes populi. Et rursus Iſaias dicit: Erit radix Iesse: & qui exurget regere gentes, in eo gentes sperabunt. Deus autem spei repleat vos omni gaudio, & pace in credendo: vt abundetis in spe, & virtute Spiritus Sancti.

Psalm. **Halleluia.** *V.* Venite: exultemus Domino: iubilemus Deo salutari nostro: **Halleluia.**

In ferijs dicitur sequens:

Halleluia. *V.* Deus manifestè veniet, Deus noster, & non tardabit: **Halleluia.**

 **L**ectio sancti Euangelij secundum Lucam.

Luc. *3.* **A**nno quintodecimo imperij Tiberij Cæsaris, procurante Pontio Pilato Iudæam, Tetrarcha autem Galilææ Herode, Philippo autem fratre eius Tetrarcha Iturææ, & Trachonitidis regionis, & Lísania Abilínæ Tetrarcha, sub Principibus Sacerdotum Anna, & Caipha: factum est verbum Domini super Ioannem, Zachariæ filium in deserto. Et venit in omnem regionem Iordanis, prædicans baptis-

mum poenitentiae in remissionem peccatorum: sicut scriptum est in libro sermonum Iſaiæ Prophetæ: Vox clamantis in deserto: Parate viam Domini: rectas facite semitas eius: Omnis vallis implebitur, & omnis mons, & collis humiliabitur: Et erunt praua in directa, & aspera in vias planas: Et videbit omnis caro Salutare Dei. Dicebat ergo ad turbas, quæ exhibant, vt baptizarentur ab ipso: Genimina viperarum, quis ostendit vobis fugere à ventura ira? Facite ergo fructus dignos poenitentiae: & ne coeperitis dicere: Patrem habemus Abraham. Dico enim vobis, quia potens est Deus de lapidibus istis suscitare filios Abraham. Jam enim securis ad radicem arborum posita est. Omnis ergo arbor non faciens fructum bonum excidetur, & in ignem mittetur. Et interrogabant eum turbæ, dicentes: Quid ergo faciemus? Respondens autem dicebat illis: Qui habet duas tunicas, det non habenti: & qui habet escas, similiter faciat. Venérunt autem & Publicani, vt baptizarentur: & dixerunt ad illum: Magister, quid faciemus? At ille dixit ad eos: Nihil ampliùs, quàm, quod constitutum est vobis, faciatis. Interrogabant autem eum & milites, dicentes: Quid faciemus & nos? Et ait illis: Neminem concutiatis, neque calumniam faciatis: & contenti estote stipendijs vestris. Existimante autem populo, & cogitantibus omnibus in cordibus suis de Ioanne, ne fortè ipse esset Christus; respondit Ioannes, dicens omnibus: Ego quidem aqua baptizo vos: veniet autem fortior me, cuius non sum dignus soluere corrigiam calceamentorum eius: ipse vos baptizabit in Spiritu Sancto, & igni: cuius ventilabrum in manu eius: & purgabit aream suam: & congregabit triticum in horreum suum, paleas au-

tem combūret igni inextinguibili. Multa quidem & alia exhortans euangelizabat populo.

Antiphona post Euangelium.

Psal. 101. Annuncietur in Sion nomen Domini, & laus eius in Ierusalem: in conueniendo populos in vnum, & reges, vt seruiant Domino.

Oratio super sindonem.

TRibue, quæsumus, Domine sperantibus fidei, & charitatis augmentum: vt, quod veritatis tuæ dono promittitur, tuâ gratiâ compleatur. Per Dominum nostrum.

Psal. 9. **Offertorium:** Sperent in te omnes, qui nouerunt nomen tuum, quoniam non derelinques quærentes te Domine: psallite Domino, qui habitat in Sion; quoniam non est oblītus clamorem inopum.

Dicitur: Credo.

Oratio super oblatam.

COncede nobis, quæsumus, omnipotens Deus: vt, sacramenti dominici nobis operante virtute, ipsius æternitatis mereamur esse consortes, qui mortalitatis nostræ dignatus est fieri particeps. Qui tecum viuit, & regnat in vnitae Spiritus Sancti Deus: per omnia sæcula sæculorum.

Præfatio.

PEr Christum, Dominum nostrum: Cuius Incarnatione salus facta est mundi, & Passione redemptio procurata est hominis procreati. Ipse nos, quæsumus, ad æternum perducatur præmium, qui redemit de tenebris inferiorum: iustificetque in aduentu secundo, qui nos redemit in primo: quatenus illius nos à malis omnibus defendat sublimitas, cuius nos ad vitam erexit humilitas. Per quem.

Psal. 18. **Confract.** Exultauit, vt gigas, ad currendam viam: à summo cælo egressio eius, & occurfus eius vsque ad summum eius.

Transit. Veniet fortior me, cuius non sum dignus soluere corrigiam calceamentorum eius.

Oratio post Communionem.

Pro sint nobis, Domine, quæsumus, frequentata mysteria: quæ nos à cupiditatibus terrenis expediant, & instituant amare cælestia. Per Dominum nostrum.

DOMINICA III.

DE ADVENTU.

Ingressa.



Superextollētur super **Psal. 72.** Libanum fructus eius; & florebit de ciuitate, sicut fœnum terræ: & erit nomen eius benedictum in sæcula:

ante solem permanebit nomen eius, & ante lunam in sæcula sæculorum sedes eius: & benedicentur in ipso omnes fines terræ.

Non dicitur: Gloria in excelsis.

Oratio super populum.

OMnipotens Christe, Fili Dei, in die Natiuitatis tuæ propitius ad saluandum in te populum veni: vt benignitate solita ab omni dubietate, & metu temporis nos iubeas liberari. Qui cum Patre & Spiritu Sancto viuis, & regnas Deus: per omnia sæcula sæculorum.

Lectio Isaiaæ Prophetæ.

Hæc dicit Dominus Deus. **Læta-Cap. 33.** bitur deserta, & inuia: & exultabit solitudo, & florebit quasi lilium. Germinans germinabit: & exultabit lætabunda, & laudans. Gloria Libani data est ei: decor Carmeli, & Saron. Ipsi videbunt gloriam Domini, & decorem Dei nostri. Confortate manus dissolutas, & genua debilia roborate. Dicite pusillanimis: Confortamini, & nolite timere. Ecce Deus vester ultionem

nem adducet retributionis: Deus ipse veniet, & saluabit vos. Tunc aperientur oculi cæcorum, & aures surdorum patebunt. Tunc saliet, sicut ceruus, claudus, & aperta erit lingua mutorum; quia scissæ sunt in deserto aquæ, & torrentes in solitudine: & quæ erat arida, erit in stagnum: & sitiens, in fontes aquarum. In cubilibus, in quibus prius dracones habitabant, oriatur viror calami, & iunci. Et erit ibi semita, & via: & via sancta vocabitur. Non transibit per eam pollutus: & hæc erit vobis via directæ; ita vt stulti non errent per eam. Non erit ibi leo, & mala bestia non ascendet per eam, nec inuenietur ibi: & ambulabunt, qui liberati fuerint: & redempti à Domino conuertentur, & venient in Sion cum laude, & lætitia sempiterna super caput eorum: gaudium, & lætitiā obtinebunt; & fugiet dolor, & gemitus. Dicit Dominus omnipotens.

^{Psalm.} ^{29.} **Psalm.** Qui regis Israel, intende: qui deducis, velut ouem, Ioseph.

V. Qui sedes, Domine, super Cherubim, appāre; excita potentiam tuam, & veni.

Epistola Beati Pauli Apostoli ad Romanos.

^{Cap.} ^{11.} **F**ratres. Nolo vos ignorare mysterium hoc (vt non sitis vobis ipsis sapientes), quia cæcitas ex parte contigit in Israel, donec plenitudo gentium intraret: & sic omnis Israel saluus fieret, sicut scriptum est: Veniet ex Sion, qui eripiat, & auertat impietatem à Iacob. Et hoc illis à me testamentum: cum abstulero peccata eorum. Secundum Euangelium quidem inimici propter vos; secundum electionem autem charissimi propter Patres. Sine pœnitentia enim sunt dona, & vocatio Dei. Sicut enim aliquando & vos non credidistis Deo, nunc autem misericordiam consecuti estis

propter incredulitatem illorum; ita & isti nunc non crediderunt in vestram misericordiam; vt & ipsi misericordiam consequantur. Conclussit enim Deus omnia in incredulitate, vt omnium misereatur. O altitudo diuitiarum sapientiæ, & scientiæ Dei! Quam incomprehensibilia sunt iudicia eius, & inuestigabiles viæ eius! Quis enim cognouit sensum Domini? Aut quis consiliarius eius fuit? Aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia: ipsi gloria in sæcula. Amen.

Halleluia. **V.** Dominus regnavit, ^{Psalm.} ^{92.} decorem induit: induit Dominus fortitudinem, & præcinxit se virtutem. **Halleluia.**

In Ferijs dicitur sequens:

Halleluia. **V.** Deus manifestè veniet, Deus noster, & non tardabit: Hallel.

✠ Lectio sancti Euangelij secundum Matthæum.

In illo tempore. Ioannes, cum ^{Cap.} ^{11.} audisset in vinculis opera Christi, mittens duos de discipulis suis, ait illi: Tu es, qui venturus es, an alium expectamus? Et respondens Iesus, ait illis: Euntes renunciate Ioanni, quæ audistis, & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur: & beatus est, qui non fuerit scandalizatus in me. Illis autem abeuntibus, cœpit Iesus dicere ad turbas de Ioanne: Quid existis in desertum videre? Arundinem vento agitatam? Sed quid existis videre? Hominem mollibus vestitum? Ecce, qui mollibus vestiuntur, in domibus regum sunt. Sed quid existis videre? Prophetam? Etiam dico vobis, & plusquam Prophetam. Hic est enim, de quo scriptum est: Ecce ego mitto Angelum meum ante faciem tuam, ^{Mal.} ^{3.} qui præparabit viam tuam ante te. **Amen**

Amen dico vobis: Non surrexit inter natos mulierum maior Ioanne Baptista. Qui autem minor est in Regno cælorum, maior est illo. A diebus autem Ioannis Baptiste vsque nunc, Regnum cælorum vim patitur, & violenti rapiunt illud. Omnes enim Prophetæ, & Lex, vsque ad Ioannem, prophetauerunt: & si vultis recipere, ipse est Elías, qui venturus est. Qui habet aures audiendi, audiat.

Antiphona post Euangelium.

^{Ex}^{Am.} **P**aratus esto Israel in occursum Domini Dei tui; quia ipse firmans montes, & creans spiritus, & annuncians hominibus Christum.

Oratio super findonem.

Domine sancte, Pater omnipotens, æterne Deus, Creator humanæ substantiæ, qui Verbum tuum, in Virginis utero venire voluisti: supplicantium tibi preces benignus intende. Per eundem Dominum.

^{Ioel.}^{3.} **Offertorium:** Alieni non transibunt per Ierusalem amplius: * Et erit in die illa, stillabunt montes dulcedinem, & colles fluent lac: Halleluia, halleluia. **V.** Locutus est Dominus ad Iesum, filium Naue, dicens: Surge, & accipe plebem, & Legem, & transi Iordanem: & tu compartiæis terram plebi huic: * Et erit in die illa, &c.

Dicitur: Credo.

Oratio super oblatam.

Sacrificium tibi, Domine, celebrandum placatus intende: quod & nos à vitijs nostræ conditionis emundet, & tuo nomini reddat acceptos. Per Dominum nostrum.

Præfatio.

Per Christum Dominum nostrum: cuius præstolamur aduentum. Qui causâ salutis humanæ sic est dignatus uterum Virginis introire; ut & nobis viam salutis tribueret, & à Deitatis tuæ maiestate nunquam abesset,

idem Iesus Christus, Dominus noster. Quem vnâ tecum.

Confractorium: Ecce veniet Dominus, & omnes Sancti eius cum eo: & erit in die illa lux magna.

Transitor. Regnum cælorum vim patitur, & violenti rapiunt illud. ^{Mat. 11.}

Oratio post Communionem.

Misericordiam tuam supplices exoramus, omnipotens Deus: ut hoc tuum, Domine, Sacramentum non sit nobis reatus ad pœnam, sed fiat intercessio salutaris ad veniam. Per Dominum nostrum.

**DOMINICA IV.
DE ADVENTU.**

Ingressa:



Vox clamantis in deserto: ^{Isa.} Parate viam Domini: ^{40.} rectas facite in solitudine ^{Mat. 3.} semitas Dei nostri. ^{Mat. 1.} **Non dicitur:** Gloria in excelsis.

Oratio super populum.

Præsta, quæsumus, omnipotens Deus: ut Aduentus gloriosissimus Filij tui, & peccata nostra abluat, & populo tuo pacem conferat, & salutem. Qui tecum viuit, & regnat &c.

Lectio Isaïæ Prophetæ.

Confolamini, confolamini, popule meus, dicit Deus vester. ^{Cap. 40.} Loquimini ad cor Ierusalem, & aduocate eam: quoniam completa est malitia eius, dimissa est iniquitas illius: suscepit de manu Domini duplicia pro omnibus peccatis suis. Vox clamantis in deserto: Parate viam Domini; rectas facite in solitudine semitas Dei nostri. Omnis vallis exaltabitur, & omnis mons, & collis humiliabitur, & erunt praua in directa, & aspera in vias planas. Et reuelabitur gloria Domini, & videbit omnis caro pariter quod os Domi-

De Aduentū:

Domini locutum est. Vox dicentis: Clama. Et dixi: Quid clamabo? Omnis caro fœnum, & omnis gloria eius quasi flos agri: exsiccatum est fœnum, & cecidit flos, quia spiritus Domini sufflauit in eo. Verè fœnum est populus: Exsiccatum est fœnum, & cecidit flos: verbum autem Domini nostri manet in æternum. Super montem, excelsum ascende tu, qui euangelizas Sion: exalta in fortitudine vocem tuam, qui euangelizas Ierusalem: exalta, noli timere: dic ciuitatibus Iudæ: Ecce Deus vester: Ecce Dominus Deus in fortitudine veniet, & brachium eius dominabitur: Ecce merces eius cum eo, & opus illius coram eo. Sicut pastor gregem suum pascet, in brachio suo congregabit agnos, & in sinu suo leuabit; fœtas ipse portabit, & consolabitur. Dicit Dominus omnipotens.

Psalmellus: **U**niuersi, qui te expectant, non confundentur, Domine. **V.** Vias tuas, Domine, notas fac mihi, & semitas tuas edoce me.

Epistola Beati Pauli Apostoli ad Hebræos.

Heb. 10. **F**ratres. Nolite amittere confidentiam vestram, quæ magnam habet remunerationem. Patientia enim vobis necessaria est: vt, voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Iustus autem meus ex fide viuit. Quod si subtraxerit se, non placebit animæ meæ. Nos autem non sumus subtractionis filij in perditionem, sed fidei in acquisitionem animæ.

Halleluia. **V.** Venite exultemus Domino; iubilemus Deo salutari nostro: **Halleluia.**

In ferijs.

Halleluia. **V.** Deus manifestè veniet, Deus noster, & non tardabit: Hallel.



Lectio sancti Euangelij secundum Matthæum.

In illo tempore. Cum appropinquasset Dominus Iesus Ierosolymis, & venisset Betphage ad montem Oliueti: tunc misit duos discipulos, dicens eis: Ite in castellum, quod contra vos est; & statim inuenietis asinam alligatam, & pullum cum ea: soluite, & adducite mihi. Et, si quis vobis aliquid dixerit; dicite, quia Dominus his opus habet: & confestim dimittet eos. Hoc autem totum factum est, vt adimpleretur, quod dictum est per Prophetam, dicentem: Dicite filiæ Sion: Ecce Rex tuus veniet tibi mansuetus, sedens super asinam, & pullum, filium subiugalis. Euntes autem discipuli fecerunt, sicut præcepit illis Iesus. Et adduxerunt asinam, & pullum: & imposuerunt super eos vestimenta sua, & eum desuper sedere fecerunt. Plurima autem turba strauerunt vestimenta sua in via. Alij autem cædebant ramos de arboribus, & sternebant in via. Turbæ autem, quæ præcedebant, & quæ sequebantur, clamabant dicentes: Hosanna Filio David: Benedictus, qui venit in nomine Domini: Hosanna in altissimis.

Antiphona post Euangelium.

Consolamini, qui estis pusillanimes: consolamini, & nolite timere. Ecce Deus noster iudicium retribuet: ipse veniet, & saluos nos faciet.

Oratio super sindonem.

Omnipotens sempiterne Deus, qui per Aduentum vnigeniti Filij tui, Domini nostri, Jesu Christi noua luce radiare dignatus es, concede nobis: vt, sicut eum, per Virginis partum, in forma nostri corporis meruimus habere participem; ita & in regno gratiæ eius mereamur esse confortes. Qui tecum viuit, & regnat.

Offertorium: Benedixisti, Domine, terram

terram tuam; auertisti captiuitatem ab Iacob.

V. Ostende nobis, Domine, misericordiam tuam, & salutare tuum da nobis; vt inhabitet gloria in terra nostra.

Dicitur: Credo.

Oratio super oblatam.

De uotionis nostræ tibi, Domine, quæsumus, hostia iugiter immoletur: quæ & sacris pèragat instituta mysterijs, & salutare tuum nobis mirabiliter operetur. Per Dominum nostrum.

Præfatio:

Æterne Deus: Cui proprium est delictis veniam magis, quàm poenas impendere. Qui fabricam tui operis per eundem rursus lapidem dignatus es erigere: ne imago, quæ ad similitudinem tui facta fuerat viuens, dissimilis haberetur ex morte. Veniæ munus præstitisti; vt, vnde mortem peccatum contraxerat, inde vitam pietas repararet immensa. Per Christum Dominum nostrum.

ex **Confract.** **P**opulus Sion; ecce Dominus veniet ad saluandas gentes: & auditam faciet Dominus gloriam laudis suæ in lætitia cordis vestri.

ex **Transit.** **N**unciate Ioanni, quia cæci vident, & claudi ambulant; pauperes lætantur in aduentu Domini.

Oratio post Communionem.

Animæ nostræ, quæsumus, omnipotens Deus, hoc potiantur desiderio: vt à tuo spiritu inflammemur, & diuino munere satiati, ante conspectum venientis Christi, filij tui, velut clara luminaria, fulgeamus. Per eundem Dominum nostrum, Jesum Christum, Filium tuum: qui tecum viuit, & regnat in vnitæte.

DOMINICA V.

DE ADVENTU.

Ingressa.



Orate cæli desuper, & ^{16a} nubes pluant iustum: ^{43.} aperiatur terra, & germinet Saluatorem.

Non dicitur: Gloria in excelsis.

Oratio super populum:

Preces populi tui, quæsumus, Domine, clementer exaudi: vt, qui de Aduentu vnigeniti Filij tui secundum carnem lætantur, in secundo, cum venerit in maiestate sua, præmium vitæ æternæ percipiant. Per eundem.

Lectio Michææ Prophetæ.

Hæc dicit Dominus Deus. Et tu ^{Cap.} Bethlehem Ephratha paruulus es in millibus Juda. Ex te mihi egredietur, qui sit Dominator in Israel: & egressus eius ab initio à diebus æternitatis. Ecce ego mitto Angelum, ^{Ma-} ^{lach.} meum: & præparabit viam ante faciem meam. Et statim veniet ad templum suum Dominator, quem vos quæritis: & Angelus Testamenti, quem vos vultis. Ecce venit: dicit Dominus exercituum: & quis poterit cogitare diem aduentus eius? & quis stabit ad videndum eum? Ipse enim quasi ignis conflans, & quasi herba fullonum: & sedebit conflans, & emundans argentum: & purgabit filios Leui, & colabit eos quasi aurum, & quasi argentum: & erunt Domino offerentes sacrificia in iustitia. Et placebit Domino sacrificium Juda, & Ierusalem, sicut dies sæculi, & sicut anni antiqui. Et accedam ad vos in iudicio, & ero testis velox. Ego enim Dominus, & non mutor: & vos filij Iacob non estis consumpti. A diebus enim Patrum

De Aduentu.

11

Patrum vestrorum, recessistis à legitimis meis, & non custodistis. Reuertimini ad me, & reuertar ad vos. Dicit Dominus exercituum.

Psal. 49. Psalmellus: Ex Sion species decòris eius; Deus manifestè veniet.

V. Congregate illi Sanctos eius, qui ordinant Testamentum eius super sacrificia.

Epistola Beati Pauli Apostoli ad Galatas.

Cap. 4. Fratres. Scriptum est, quoniam Abraham duos filios habuit; vnum de ancilla, & vnum de libera. Sed, qui de ancilla, secundum carnem natus est: qui autem de libera, per re-promissionem: quæ sunt per allegoriam dicta. Hæc enim sunt duo Testamenta. Unum quidem à monte Sina, in seruitutem generans, quæ est Agar (Sina enim mons est in Arabia, qui coniunctus est ei, quæ nunc est Ierusalem), & seruit cum liberis suis. Illa autem, quæ sursum est, Ierusalem libera est, quæ est mater nostra. Scriptum est enim: Latere sterilis, quæ non parit: erumpe, & clama, quæ non parituris; quia multi filij desertæ magis, quàm eius, quæ habet virum. Nos autem, fratres, secundum Isaac promissionis filij sumus. Sed quomodo tunc is, qui secundum carnem natus fuerat, persequabatur eum, qui secundum spiritum; ita & nunc. Sed quid dicit Scriptura? Eijce ancillam, & filium eius. Non enim hæres erit filius ancillæ cum filio liberæ. Itaque, fratres, non sumus ancillæ filij, sed liberæ: qua libertate Christus nos liberauit.

Psal. 94. Hallelùiah. **V.** Præueniamus faciem eius in confessione, & in psalmis iubilemus illi: Hallelùiah.

In ferijs.

Psal. 49. Hallelùiah. **V.** Deus manifestè veniet, Deus noster, & non tardabit: Hallel.



Lectio sancti Euangelij secundum Ioannem.

In illo tempore. Ioannes testimonium perhibet de Domino Jesu, & clamat dicens: Hic erat, quem dixi vobis: qui post me venturus est, ante me factus est, quia prior me erat. Et de plenitudine eius nos omnes accepimus, & gratiam pro gratia. Quia lex per Moysen data est; gratia, & veritas per Jesum Christum facta est. Deum nemo vidit vnquam: Unigenitus Filius, qui est in sinu Patris, ipse enarrauit. Et hoc est testimonium Ioannis, quando miserunt Judæi ab Ierosolymis Sacerdotes, & Leuitas ad eum, vt interrogarent eum: Tu quis es? & confessus est, & non negauit. & confessus est, quia non sum ego Christus. Et interrogauerunt eum: Quid ergo? Elias es tu? Et dixit: Non sum. Propheta es tu? Et respondit: Non. Dixerunt ergo ei: Quis es, vt responsum demus his, qui miserunt nos? Quid dicis de te ipso? Ait; Ego vox clamantis in Deserto: Dirigite viam Domini, sicut dixit Isaías Propheta. Et, qui missi fuerant, erant ex Pharisæis. Et interrogauerunt eum, & dixerunt ei: Quid ergo baptizas, si tu non es Christus, neque Elias, neque Propheta? Respondit eis Ioannes, dicens; Ego baptizo in aqua: medius autem vestrum stetit, quem vos nescitis. Ipse est, qui post me venturus est, qui ante me factus est: cuius ego non sum dignus, vt soluam eius corrigiam calceamenti. Hæc in Bethánia facta sunt trans Iordanem, vbi erat Ioannes baptizans.

Antiphona post Euangelium.

Cæli enarrant gloriam Dei: & opera manuum eius annunciat Firmamentum: dies diei eructat verbum.

Oratio

Oratio super sindonem.

Deus, qui hominem delapsam in mortem conspiciens, vnigeniti Filij tui Aduentu redimere voluisti, præsta, quæsumus: vt, qui eius gloriosam Incarnationem fatentur, ipsius etiam Redemptoris consortia mereantur. Qui tecum viuit.

^{ex} **Offert.** Confortamini, & iam nolite timere. Ecce enim Dominus iudicium retribuet. * Ipse veniet, & saluos nos faciet.

^{11.7.} **Ps.** Audite ergo domus Dauid: Numquid parum vobis est molestos esse hominibus; quia molesti estis & Deo meo? Propter hoc dabit Dominus ipse vobis signum. Ecce virgo concipiet; & pariet filium: * Ipse veniet, &c. **Dicitur:** Credo.

Oratio super oblatam.

Propitius intueri Domine, quæsumus, munera, quæ tuis altaribus exhibemus: & quod à nostra fragilitate defertur, tua virtute sacrètur. Per Dominum nostrum.

Præfatio.

Per Christum Dominum nostrum: Cuius diuinæ natiuitatis potentiam ingenita virtutis tuæ genuit magnitudo. Quem semper filium, & ante tempora æterna generatum, quia tibi pleno, atque perfectò æterni Patris nomen non defuit, prædicamus: itemque honore, maiestate, atque virtute æqualem tibi cum Sancto Spiritu confitemur; dum in tribus personis vnicam credimus Maiestatem. Quam laudant Angeli, venerantur Archangeli; Throni, Dominationes, Virtutes, Principatus, & Potestates adorant. Quam Cherubim &c.

^{11.7.} **Confractorium:** Ecce virgo in vtero concipiet, & pariet filium; & vocabitur nomen eius Emmanuel.

^{11.9.} **Transitor.** Dominus propè est, occurrere illi, dicentes: Magnus principa-

tus, & regni eius non erit finis: Deus fortis, dominator, princeps pacis: Halleluia.

Oratio post Communionem.

Replèti cibo spiritualis alimonie, te, Domine, supplices deprecamur: vt huius participatione mysterij doceas nos terrena despiciere, & amare cœlestia; atque omni nexu mortiferæ cupiditatis exutos, regni perpetuæ libertatis consortes efficias. Per Dominum nostrum.

Si natalis Domini dies in tertiam, aut quartam Feriam inciderit; in 2. 3., & 4. Ferijs huius hebdomadæ dicitur Missa de Exceptato, vt in sequenti hebdomada; reliquis verò diebus dicitur Missa de Dominica quinta præcedenti.

DOMINICA VI.**DE ADVENTU.**

Celebrantur in Metropolitana, & in Collegiatis duæ Missæ: vna de Adventu, & altera de Incarnatione.

Missa in Ecclesia hyemali.

Ingressa.

Redite Saluatorem nostrum venturum esse cum gloria: & vos estote parati suscipere regnum Dei.

Non dicitur: Gloria in excelsis.

Oratio super populum.

Aspice de cælo Deus, & veni, & multiplica fidem populi tui: vt per te sequatur augmentum, per quem sumpsit initium. Qui cum Patre, & Spiritu Sancto.

Epistola Beati Pauli Apostoli, ad Corinthios prima.

Fratres. Gratias ago Deo meo semper pro vobis in gratia Dei, quæ ^{Cap.} data

data est vobis in Christo Jesu : quod in omnibus diuites facti estis in illo, in omni verbo, & in omni scientia, sicut testimonium Christi confirmatum est in vobis; ita vt nihil vobis desit in vlla gratia, expectantibus reuelationem Domini nostri, Jesu Christi.

Qui & confirmabit vos vsque in finem sine crimine, in die aduentus Domini nostri, Jesu Christi. Fidelis Deus, per quem vocati estis in societatem Filij eius, Jesu Christi, Domini nostri.

Cant. Suscipiant, Domine, montes, vt in sequenti Missa.

Lectio sancti Euangelij secundum Lucam.

In illo tempore. Exurgens Maria, abiit in montana cum festinatione, in ciuitatem Iuda: & intrauit in domum Zachariae, & salutauit Elisabeth. Et factum est: vt audiuit salutationem Mariae Elisabeth; exultauit Infans in vtero eius; & repleta est Spiritu Sancto Elisabeth; & exclamauit voce magna, & dixit: Benedicta tu inter mulieres, & benedictus fructus ventris tui. Et vnde hoc mihi, vt veniat mater Domini mei ad me? Ecce enim, vt facta est vox salutationis tuae in auribus meis, exultauit in gaudio Infans in vtero meo. Et beata, quae credidisti; quoniam perficientur ea, quae dicta sunt tibi à Domino.

Antiphona post Euangelium.

Ipse tanquam, vt in sequenti Missa,

Oratio super sindonem.

Conscientias nostras, quæsumus, omnipotens Deus, quotidie visitando purifica: vt veniens Filius tuus, Dominus noster, paratam sibi in nobis inueniat mansionem. Qui tecum viuit.

Offertorium: Ecce Dominus de Sion veniet, & de Ierusalem, vt in sequenti Missa.

Oratio super oblatam.

Hæc hostia, Domine, quæsumus, emundet nostra delicta: vt, sicut adoranda Filij tui natalitia præuenimus; sic eius munera capiamus sempiterna gaudentes. Qui tecum viuit, & regnat.

Præfatio.

Æquum, & salutare: Nos Beatæ semper Virginis Mariæ Solemnia celebrare. Quæ paruo vtero Dominum cæli portauit: & Angelo prænunciante, Verbum carne mortali, edidit Saluatorem. Hic est mundi Redemptor, castis conceptus visceribus; clausa ingrediens, & clausa relinquens. Quem vnà tecum.

Confractor. Confirmatum est cor, vt in sequenti Missa.

Transitorium: Aue Maria gratiâ plena, vt in sequenti Missa.

Oratio post Communionem.

Quæsumus Domine, Deus noster: vt sacrosancta mysteria, quæ pro reparationis nostræ munimine contulisti, & præsens nobis remedium esse facias, & futurum. Per Dominum nostrum, Jesum Christum.

Eadem

DOMINICA VI.

Missa

Ad Sanctam Mariam, quæ dicitur in omnibus Ecclesijs.

Ingressa.



Videsne Elisabeth cum Dei genitrice Maria, disputantem: Quid ad me venisti, mater Domini mei? Si enim scirem, in tuum venirem occursum. Tu enim Regnatorem, portas, & ego Prophetam: tu legem dantem, & ego legem accipientem:

B

tu

tu Verbum, & ego vocem proclamantis aduentum Saluatoris.

Non dicitur: Gloria in excelsis.

Oratio super populum.

PReces populi tui, quæsumus, Domine, clementer exaudi, & concede propitius: vt gloriosum Unigeniti tui Aduentum, per intercessionem Beatæ, & Gloriosæ, semperque Virginis Mariæ, cum omni pace, & gaudio celebremus. Per eundem Dominum nostrum, Jesum Christum.

Lectio Isaïæ Prophetæ.

Cap. 60. **S**I correxeris te, Ierusalem, & feceris exultationem super terram; iurauit Dominus in dextera sua, & in brachio fortitudinis suæ: Si dederò triticum tuum vltra, cibum inimicis tuis: & si biberint filij alieni vinum tuum, in quo laborasti. Quia, qui congregant illud, comedent, & laudabunt Dominum: & qui comportant illud, bibent in atrijs sanctis meis. Transite, transite per portas, præparate viam populo, planum facite iter, & erigite lapides, & eleuate signum, ad populos. Ecce Dominus auditum fecit in extremis terræ. Dicite filiæ Sion: Ecce Saluator tuus venit: ecce merces eius cum eo, & opus coram illo. Et vocabunt eos: Populus sanctus, Redempti à Domino. Tu autem vocaberis: Quæsitā ciuitas, & non derelicta. **Cap. 63.** Quis est iste, qui venit de Edom tinctis vestibus de Bosra? Iste formosus in stola sua, gradiens in multitudine fortitudinis suæ. Ego, qui loquor iustitiam, & propugnator sum ad saluandum. Quare ergo rubrum est indumentum tuum, & vestimenta tua sicut calcantium in torculari? Torcular calcaui solus, & de gentibus non est vir mecum: calcaui eos in furore meo: & conculcaui eos in ira mea: & aspersus est sanguis eorum super vestimenta mea, & omnia indu-

menta mea inquināui. Dies enim vltionis in corde meo, annus redemptionis meæ venit. Dicit Dominus omnipotens.

Psal. 79. **R**espice de cælo Deus, & vide, & ostende faciem tuam, & salui erimus.

Ps. 79. **V.** Qui regis Israel, intende: qui deducis, velut ouem, Ioseph: qui sedes super Cherubim, appare coram Ephraim, & Bénéiamin, & Manasse.

Epistola Beati Pauli Apostoli ad Philippenfes.

FRatres. Gaudete in Domino semper: iterum dico, gaudete. Modestia vestra nota sit omnibus hominibus: Dominus propè est. Nihil solliciti sitis: sed in omni oratione, & obsecratione cum gratiarum actione petitiones vestræ innotescant apud Deum. Et pax Dei, quæ exuperat omnem sensum, custodiat corda vestra, & intelligentias vestras in Christo Jesu. De cætero, fratres, quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ, si qua virtus, si qua laus disciplinæ; hæc cogitate. Quæ & didicistis, & accepistis, & audistis, & vidistis in me, hæc agite: & Deus pacis erit vobiscum.

Cantus: **S**uscipiant, Domine, montes pacem populo tuo: & colles iustitiam. Iudicabit pauperes populi, & saluos faciet filios pauperum. **Psal. 71.**

Ps. ij. Deus iudicium tuum regi da: & iustitiam tuam filio regis. Iudicare populum tuum in iustitia, & pauperes tuos in iudicio. Iudicabit pauperes populi, & saluos faciet filios pauperum.

Ps. iij. Humiliabit calumniatorem, & permanébit cum sole, & ante lunam, in sæcula sæculorum. Et descendet, sicut pluuia in vellus: & sicut stillicidia stillantia super terram.

Lectio

 **L**ectio sancti Euangelij
secundum Lucam.

In illo tempore. Missus est Angelus Gabriel à Deo in Ciuitatem Galilææ, cui nomen Nazareth, ad Virginem desponsatam viro, cui nomen erat Ioseph, de domo David; & nomen Virginis Mariæ. Et ingressus Angelus ad eam, dixit: Ave gratiâ plena: Dominus tecum: benedicta tu in mulieribus. Quæ, cum audisset, turbata est in sermone eius: & cogitabat, qualis esset ista salutatio. Et ait Angelus ei: Ne timeas, Mariæ; inuenisti enim gratiam apud Deum. Ecce concipies in vtero, & paries Filium, & vocabis nomen eius, Iesum. Hic erit magnus, & Filius Altissimi vocabitur. Et dabit illi Dominus Deus sedem David patris eius: & regnabit in domo Iacob in æternum; & regni eius non erit finis. Dixit autem Mariæ ad Angelum: Quomodo fiet istud; quoniam virum non cognosco? Et respondens Angelus dixit ei: Spiritus Sanctus superueniet in te: & virtus Altissimi obumbrabit tibi. Ideoque &, quod nascetur ex te Sanctum, vocabitur Filius Dei. Et ecce Elisabeth Cognata tua, & ipsa concepit filium in senectute sua. Et hic mensis sextus est illi, quæ vocatur sterilis; quia non erit impossibile apud Deum omne verbum. Dixit autem Mariæ: Ecce ancilla Domini: fiat mihi secundum verbum tuum.

Antiphona post Euangelium.

Ipse, tanquam sponsus, procedens de thalamo suo, exultauit, vt gigas, ad currendam viam; à summo cælo egressio eius.

Oratio super findonem.

Deus, qui de Beatæ Mariæ Virginis vtero Verbum tuum, Angelo nunciante, carnem suscipere voluisti, præsta supplicibus tuis: vt, qui

verè eam Dei genitricem credimus, eius apud te intercessionibus adiuuemur. Pereundem Dominum nostrum.

Offertorium: Ecce Dominus de Sion ^{ex} ^{loel.} ^{3.} ^{Am.} ^{1.} veniet, & de Ierusalem dabit vocem suam: & exultabunt ante illum cæli, & terra: Et in illa die stillabunt montes dulcedinem; & omnes colles fluent lac, & mel.

V. Et fons de domo Domini egredietur, & irrigabit torrentem spinarum: Et in illa die stillabunt montes dulcedinem; & omnes colles fluent lac, & mel.

Dicitur: Credo.

Oratio super oblatam.

Altari tuo, Domine, superposita munera Spiritus Sanctus assumat: qui Beatæ Mariæ viscera sui splendoris veritate repleuit. Per Dominum nostrum, Iesum Christum, Filium tuum: qui tecum viuit, & regnat in vnitatem eiusdem.

Præfatio.

Æquum, & salutare: Nos tibi, Domine, Deus omnipotens, gratias agere: & cum tuæ inuocatione virtutis, Beatæ Mariæ Virginis Festam celebrare: de cuius ventre fructus effloruit, qui panis angelici munere nos repleuit. Quod Eva vorauit in crimine, Mariæ restituit in salute. Distat opus Serpentis, & Virginis. Inde fusa sunt venena discriminis; hinc egressa mysteria Saluatoris. Inde se præbuit tentantis iniquitas; hinc Redemptoris est opitulata maiestas. Inde partus occubuit; hic conditor surrexit, à quo humana natura, non iam captiua, sed libera restituitur. Quod Adam perdidit in parente, Christo recepit auctore. Quem vnà tecum.

Confractorium: Confirmatum est cor ^{Inc.} Virginis Mariæ, Angelo Domini dicente ad eam: Ave gratiâ plena, Dominus

minus tecum: Benedicta tu in mulieribus.

^{Luc. 10.} **Tranitorium:** Ave Mariā gratiā plena, Dominus tecum: Benedicta tu inter mulieres, & benedictus fructus ventris tui.

Oratio post Communionem.

A Desto nobis omnipotens Deus: vt, quæ fideliter sumpsimus, mente, & corpore, Beatæ Mariæ, piæ Matris, & perpetuæ Virginis intercessionem custodiamus. Per Dominum, nostrum, Jesum Christum, Filium tuum: qui tecum viuit.

I N F E R I J S

de Exceptato.

Quo die in Officio Litanæ dicuntur post Tertiam, dicitur sequens Missa, cum solo Cantu post Epistolam.

Ante sequentes istius, & aliarum eiusmodi Missarum Orationes, nihil aliud præmittitur, quàm, Dominus vobiscum.

Oratio super populum.

Excita Domine, quæsumus, potentiam tuam, & veni: vt ab imminentibus peccatorum nostrorum periculis, te, mereamur, protegente, eripi, & te liberante, saluari. Qui viuis, & regnas.

Epistola Beati Pauli Apostoli, ad Corinthios prima.

^{cap. 1.} **F**ratres. Gratias ago Deo meo semper pro vobis in gratia Dei, quæ data est vobis in Christo Jesu; quod in omnibus diuites facti estis in illo, in omni verbo, & in omni scientia, sicut testimonium Christi confirmatum est in vobis; ita vt nihil vobis desit in vlla gratia, expectantibus reuelationem Domini nostri, Jesu Christi: qui & confirmabit vos vsque in finem sine crimine, in die aduentus Domini nostri, Jesu Christi. Fidelis

Deus, per quem vocati estis in societatem filij eius, Jesu Christi, Domini nostri.

Secunda FERIA.

Cantus: Conserua me Domine; quoniam speraui in te: Dixi Domino: Deus meus es tu. ^{Psalm. 15.}

Tertia FERIA.

Cantus: In conuertendo Dominus captiuitatem Sion: facti sumus sicut consolati. ^{Psalm. 125.}

Quarta FERIA.

Cantus: De profundis clamaui ad te, Domine: Domine, exaudi vocem meam. ^{Psalm. 129.}



Lectio sancti Euangelij secundum Marcum.

In illo tempore. Fuit Ioannes in deserto baptizans, & prædicans baptismum poenitentiae in remissionem peccatorum. Et egrediebatur ad eum omnis Iudææ regio, & Ierosolymitæ vniuersi, & baptizabantur ab illo in Jordanis flumine, confitentes peccata sua. Et erat Ioannes vestitus pilis cameli; & zona pellicea, circa lumbos eius; & locustas, & mel syluestre edebat; & prædicabat, dicens: Venit fortior me post me, cuius non sum dignus procumbens soluere corrigiam calceamentorum eius. Ego baptizaui vos aqua; ille verò baptizabit vos Spiritu Sancto. ^{Mar. 1.}

Oratio super sindonem.

Præsta, quæsumus, omnipotens Deus: vt Filij tui ventura solemnitas, & præsentis nobis vitæ remedia conferat, & præmia æterna concedat. Per eundem Dominum nostrum.

Oratio super oblatam.

Munera populi tui, quæsumus, Domine clementer assumes: vt, qui primum vnigeniti Filij tui aduentum celebrare desiderant, in secundo, cum venerit, æternæ vitæ remedia

In Ferijs de Exceptato.

17

dia percipere mereantur. Per eundem Dominum nostrum.

Præfatio.

Eterne Deus: Et Clementiam tuam humiliter exposcere: ut ita nos Unigeniti tui in præsentis sæculo illustret respectus, quod à culpis omnibus emundatos inueniat secundus eius aduentus. Per quem.

Oratio post Communionem.

Quæsumus, Domine, Deus noster: ut sacrosancta mysteria, quæ pro reparationis nostræ munimine contulisti, & præsens nobis remedium esse facias, & futurum. Per Dominum nostrum.

Reliquis verò Ferijs de Exceptato, dicitur Missa de Dominica præcedenti, quæ in sexta hebdomada erit Missa, cuius Euangelium incipit: Exurgens Maria, cum suis Canticis. Ingressa: Credite Saluatorem.

Quando in Vigilia Natiuitatis dicendæ erunt Lectiones cum Psalmellis, & Orationibus, vide in suo Repertorio.

Si verò hæc Natiuitatis Vigilia inciderit in Dominicam; dicitur post Tertiam Missa de Vigilia, cum Canticis de Dominica præcedenti, & Symbolo.

A D M I S S A M

De Vigilia Natiuitatis.

Oratio super populum.

Deus, qui hunc diem sacratissimum per Incarnationem Verbi tui, & partum Mariæ Virginis consecrasti, da populis tuis in hac celebritate consortium: ut, qui tuâ gratiâ sunt redempti, tua sint protectione securi. Per eundem.



Epistola Beati Pauli Apostoli ad Hebræos.

Fratres. Qui venturus est, veniet, & non tardabit. Iustus autem, meus ex fide viuit. Quod si subtraherit se, non placebit animæ meæ. Nos autem non sumus subtractionis filij in perditionem, sed fidei in acquisitionem animæ.

Cantus: Qui regis Israel, intende: qui deducis, velut ouem, Ioseph.

Si Vigilia in Dominicam inciderit, loco præcedentis Cantus, dicitur Versus sequens.

Halleluia. V. Venite, exultemus Domino: iubilemus Deo salutarino-

stro: Halleluia.

LECTIO sancti Euangelij secundum Matthæum.

Christi generatio sic erat. Cum esset desponsata mater eius Maria Ioseph, antequam conuenirent, inuenta est in utero habens de Spiritu Sancto. Ioseph autem vir eius, cum esset iustus, & nollet eam traducere, voluit occultè dimittere eam. Hæc autem eo cogitante, ecce Angelus Domini apparuit in somnis ei, dicens: Ioseph, fili David, noli timere accipere Mariam coniugem tuam: Quod enim in ea natum est, de Spiritu Sancto est. Pariet autem filium: & vocabis nomen eius Iesum. Ipse enim saluum faciet populum suum à peccatis eorum. Hoc autem totum factum est, ut adimpleretur id, quod dictum est à Domino per Prophetam, dicentem: Ecce virgo in utero habebit, & pariet filium: & vocabunt nomen eius, Emmanuel; quod interpretatum est, Nobiscum Deus. Exurgens autem Ioseph à somno fecit, sicut præcepit ei Angelus Domini: & accepit coniugem suam. Et non cognouit eam, donec peperit filium suum primogenitum: & vocauit nomen eius Iesum.

B 3 Ora-

Oratio super sindonem.

DEus, qui humanæ substantiæ dignitatem mirabiliter condidisti, & mirabilius reformasti: da nobis, quæsumus, Jesu Christi, Filij tui, diuinitatis esse consortes, qui humanitatis nostræ dignatus est fieri particeps. Qui tecum viuit, & regnat in vnitate Spiritus Sancti.

Oratio super oblatam.

PRæ cæteris solemnitatibus gloriantes, hodie tibi, Domine, vota persoluimus: quia ipse, cuius corpus immolamus, immaculatus Agnus est editus, Jesus Christus, Dominus noster. Qui tecum viuit, & regnat.

Præfatio.

PER Christum, Dominum nostrum. Cuius hodie faciem in confessione præuenimus, & voce supplici exoramus: vt superuenturæ noctis officijs nos ita peruigiles reddat, vt sinceris mentibus eius percipere mereamur Natale venturum. In quo, inuisibilis ex substantia tua, visibilis per carnem apparuit in nostra: tecumque vnus,

non tempore genitus, non naturâ inferior, ad nos venit ex tempore natus. Per quem Maiestatem tuam laudant Angeli, venerantur Archangeli: Throni, Dominationes, Virtutes, Principatus, & Potestates adorant. Quem Cherubim, & Seraphim socia exultatione concelebrant. Cum quibus, & nostras voces vt admitti iubeas, deprecamur, supplici confessione dicentes: Sanctus, Sanctus, Sanctus, Dominus, Deus Sabaoth. Pleni sunt cæli, & terra gloriâ tuâ: Hosanna in excelsis. Benedictus, qui venit in nomine Domini: Hosanna in excelsis.

Oratio post Communionem.

SACROSANCTI Corporis, & Sanguinis Domini nostri, Jesu Christi, refectione vegetati, supplices te rogamus, omnipotens Deus: vt hoc remedium singulare ab omnium Peccatorum nos contagione purificet. Per eundem Dominum nostrum, Jesum Christum, Filium tuum: qui tecum viuit, & regnat.



I N

NATIVITATE DOMINI.

Sacerdos, in die Natalis Domini celebraturus tres Missas, in prima, & secunda Missa purificet digitos in alio Calice, aut vase decenti: neque sumat purificationem, nisi in tertia Missa.

AD PRIMAM MISSAM, IN NOCTE SANCTA.

Ingressa.



Gloria in excelsis Deo.

Oratio super populum.

Deus, qui hanc sacratissimam noctem veri Luminis fecisti illustratione clarescere, da, quaesumus: ut, cuius Lucis mysteria in terra cognouimus, eius quoque gaudijs in caelo perfruamur. Qui tecum viuit.

Epistola Beati Pauli Apostoli ad Galatas.

Fratres. Quanto tempore haeres paruulus est, nihil differt a seruo, cum sit dominus omnium: sed sub tutoribus, & actoribus est, usque ad praefinitum tempus a patre: ita & nos, cum essemus paruuli, sub elementis mundi eramus seruientes. At, ubi venit plenitudo temporis, misit Deus Filium suum, factum ex muliere, factum sub Lege, ut eos, qui sub Lege

erant, redimeret, ut adoptionem filiorum reciperemus. Quoniam autem estis filij Dei, misit Deus Spiritum Filij sui in corda vestra, clamantem: Abba, Pater. Itaque iam non est seruus, sed filius. Quod si filius: & haeres per Deum.

Halleluia. *Psalm. 103.* Domine, Deus meus magnificatus es valde: Halleluia.

Lectio sancti Euangelij secundum Ioannem.

In illo tempore. Erat Lux vera, *Cap. 1.* quae illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognouit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt. **ET VERBUM CARO FACTUM EST,** *Hic decurgetur.* & habitauit in nobis (& vidimus gloriam eius, gloriam quasi Unigeniti a Patre) plenum gratiae, & veritatis.

Antiphona post Euangelium.

Gaudeamus omnes fideles; Saluator noster natus est in mundo. Hodie pro-

processit proles, & magnifici germi-
nis perseuerans pudor virginitatis.

Oratio super sindonem.

Concede, quæsumus, omnipotens
Deus: vt, quos sub peccati iugo
vetusta seruitus tenet, eos Unigeniti
tui noua per carnem Natiuitas liberet.
Per eundem Christum, Domi-
num nostrum.

Luc. 4. ex 1. 61. **Offertor.** *S*piritus Domini super me:
propter quod vnxit me euangelizare
pauperibus: misit me sanare contri-
tos corde.

Dicitur: *C*redo.

Oratio super oblatam.

Accepta tibi sit, Domine, quæsu-
mus, hodiernæ festiuitatis obla-
tio: vt, tua gratia largiente, per hæc
sacrofancta commercia, in illius in-
ueniamur forma, in quo tecum est no-
stra substantia. Qui tecum viuit.

Præfatio.

Æterne Deus. Quia nostri Sal-
uatoris hodie lux vera pro-
cessit: quæ clara nobis omnia, & in-
tellectu manifestauit, & visu. Et ideo
cum Angelis.

Infra Canonem: *C*ommunicantes, &
noctem sacratissimam celebrantes.

1. 61. **Confract.** *Q*uis est iste, qui venit ex
Edom; rubor vestimentorum eius ex
Boior; & sic speciosus in stola candi-
da? Quare rubicunda sunt vestimen-
ta tua?

1. 61. **Transit.** *H*ic est Saluator, quem Pro-
phetæ dixerunt: & hic est Agnus,
quem dixit Isaïas: hoc annunciauit
Gabriel Virgini: ipsum adoremus, &
ei seruiamus.

Oratio post Communionem.

DA nobis, quæsumus, Domine,
Deus noster: vt, qui Natiuita-
tem Domini nostri, Jesu Christi, fre-
quentare gaudemus, dignis conuersa-
tionibus ad eius mereamur pertinge-
re consortium. Per eundem.

Sacerdos ante quamlibet Missam,
debet Confessionem dicere; & in
fine cuiuslibet, populo benedicere,
& Euangelium S. Ioannis, *I*n princi-
pio erat Verbum, legere. Post pri-
mam verò Missam, loco prædicti
Euangelij, dicitur Euangelium: *C*um
natus esset Dñs: quod in die Epipha-
niæ legitur.

AD SECUNDAM MISSAM,

In Aurora diei Natiuitatis.

Ingressa.



Dixerunt nobis, &
Filius datus est nobis:
cuius imperium super
humerum eius: & vo-
cabitur nomen eius,
magni consilij Angelus.

Gloria in excelsis Deo.

Oratio super populum.

Adesto Domine supplicationibus
nostris: vt populus tuus, qui te
factore conditus, teque est reparatus
authore, te etiam iugiter operante
saluetur. Per Dominum nostrum.

Epistola Beati Pauli Apostoli
ad Corinthios prima.

FRatres. Omnium me seruum fe-
ci, vt plures lucrifacerem. Et fa-
ctus sum Iudæis, tanquam Iudæus, vt
Iudæos lucrifacerem. His, qui sub Le-
ge sunt, quasi sub Lege essem (cum,
ipse sub Lege non essem), vt eos, qui
sub Lege erant, lucrifacerem. His,
qui sine Lege erant, tanquam sine
Lege essem, cum sine Lege Dei non
essem, sed in Lege essem Christi: vt
lucrifacerem eos, qui sine Lege erant.
Factus sum infirmis infirmus, vt infir-
mos lucrifacerem. Omnibus omnia
factus sum, vt omnes facerem saluos.
Omnia autem facio propter Euange-
lium; vt particeps eius efficiar.

Halleluia. *V.* Puer natus est nobis,
&

In die Natiuitatis Domini.

21

& Filius datus est nobis: & vocabitur nomen eius, magni consilij Angelus: Halleluia.

Lectio sancti Euangelij
secundum Lucam.

IN illo tempore. Pastores loquebantur ad inuicem, dicentes: Transeamus vsque Bethlehem, & videamus hoc verbum, quod factum est; quod fecit Dominus, & ostendit nobis. Et venerunt festinantes, & inuenerunt Mariam, & Ioseph, & Infantem positum in præsepio. Videntes autem cognouerunt de verbo, quod dictum erat illis de puero hoc. Et omnes, qui audierunt, mirati sunt de his, quæ dicta erant à Pastoribus ad ipsos. Maria autem conseruabat omnia verba hæc, conferens in corde suo. Et reuersi sunt Pastores glorificantes, & laudantes Deum in omnibus, quæ audierant, & viderant: sicut dictum est ad illos.

Antiphona post Euangelium.

Dominus dixit ad me: Filius meus es tu: ego hodie genui te.

Oratio super sindonem.

Omnipotens sempiterne Deus, qui in Filij tui, Domini nostri, Jesu Christi, Natiuitate tribuisti totius religionis initium, perfectionemque constare, da nobis, quæsumus: in eius portione censer, in quo totius salutis humanæ summa consistit. Qui tecum viuit, & regnat.

Offertor. Ecce annuncio vobis gaudium magnum, quod erit omni populo: quia natus est hodie Saluator mundi: Halleluia.

V. Facta est multitudo Angelorum, laudantium Deum, & dicentium: Gloria in altissimis Deo, & in terra pax.

Dicitur: Credo.

Oratio super oblatam.

Deus, qui ad saluandos nos homines Natiuitatem tuam necessa-

riam duxisti; respice propitius ad munus totius Ecclesiæ tuæ: & quos similes ad imaginem tuam fecisti, similiores obseruatione perfice mandatorum. Qui viuis, & regnas.

Præfatio.

Æterne Deus: Et te in omnibus prædicare mysterijs: quia nostri Saluatoris hodie lux vera processit. Quæ clausam nobis omnibus vitam reddidit: vt non solum præsentem suo splendore dirigeret; sed ad ipsam nos Maiestatis immensæ gloriam perduceret intuendam. Per eundem Christum Dominum nostrum.

Infra Canonem: Communicantes, & diem sacratissimum.

Confractor. Operuit cælos Maiestas ^{Ha-}
eius: & laude eius plena est terra. ^{bac,}

Transit. Viderunt omnes fines terræ Salutare Dei nostri.

Oratio post Communionem.

Plebs tua, Domine, eius participatione semper gaudeat sacramenti, quod in Christi, Domini sui Incarnatione cognouit. Qui tecum viuit, & regnat.

AD TERTIAM MISSAM,

In die Natiuitatis Domini.

Ingressa.



Iuxta fulgebit hodie super nos; quia natus est nobis Dominus: & vocabitur Admirabilis Deus, Princeps pacis, Pater futuri sæculi:

cuius regni non erit finis.

Gloria in excelsis Deo.

Oratio super populum:

Deus, qui es mundi creator, & rector, da nobis in hac die, Incarnationis Verbi tui, & partus Sacræ Mariæ Virginis pium celebrare consortium: vt, qui per tuam gratiam sunt

sunt redempti, tua sint protectione, securi. Per eundem Dominum.

Lectio Isaïæ Prophetæ.

Primo tempore, alleuiata est terra Zabulon, & terra Nephtalim, & nouissimo, aggrauata est via maris trans Iordanem Galilææ gentium. Populus, qui ambulabat in tenebris, vidit lucem magnam: habitantibus in regione vmbre mortis, lux orta est eis. Multiplicasti gentem, & non magnificasti lætitiā. Lætābuntur coram te; sicut, qui lætantur in messe; sicut exultant victores captā prædā, quando diuidunt spolia. Iugum enim oneris eius, & virgam humeri eius, & sceptrum exactoris eius superasti, sicut in die Madian. Quia omnis violenta prædatio cum tumultu, & vestimentum mixtum sanguine erit in combustionem, & cibus ignis. Parvulus enim natus est nobis, & Filius datus est nobis: & factus est principatus super humerum eius: & vocabitur nomen eius Admirabilis, Consiliarius, Deus fortis, Pater futuri sæculi, Princeps pacis. Multiplicabitur eius imperium, & pacis non erit finis. Super solium David, & super regnum eius sedebit: vt confirmet illud, & corroboret in iudicio, & iustitiā, amodò, & vsque in sempiternum. Dicit Dominus omnipotens.

Psalmell. Tecum principium in die virtutis tuæ in splendoribus Sanctorum: ex vtero ante Luciferum genui te.

V. Dixit Dominus Domino meo: Sede à dextris meis: donec ponam inimicos tuos scabellum pedum tuorum.

Epistola Beati Pauli Apostoli ad Hebræos.

Cap. 3. **F**Ratres. Multifariè, multisque modis olim Deus loquens Patribus in Prophetis, nouissimè diebus istis locutus est nobis in Filio: quem con-

stituit hæredem vniuersorum; per quem fecit & sæcula. Qui, cum sit splendor gloriæ, & figura substantiæ eius, portansque omnia verbo virtutis suæ, purgationem peccatorum faciens; sedet ad dexteram Maiestatis in excelsis; tantò melior Angelis effectus, quantò differentius præ illis nomen hæreditauit. Cui enim dixit aliquando Angelorum: Filius meus estu: ego hodie genui te? Et rursum: Ego ero illi in patrem: & ipse erit mihi in filium? Et cum iterum introducit Primogenitum in orbem terræ, dicit: Et adorent eum omnes Angeli Dei. Et ad Angelos quidem dicit; Qui facit Angelos suos spiritus: & ministros suos ignem vrentem. Ad Filium autem: Thronus tuus, Deus, in sæculum sæculi.

Halleluia. **V.** Hodie in Bethlehem Puer natus est: & nomen eius sanctum, & terribile: Halleluia.

Antiphona ante Euangelium, recitanda in ipsomet cornu Euangelij.

Gloria in excelsis Deo, & in terra, **Luc. 1.**
pax: Halleluia, hallel. hallel.
Dominus vobiscum.



Lectio sancti Euangelij secundum Lucam.

In illo tempore. Exijt edictum à **Cap. 3.**
Cæsare Augusto, vt describeretur vniuersus orbis. Hæc descriptio prima facta est à Præside Syriæ, Cyrino. Et ibant omnes, vt profiterentur, singuli in suam ciuitatem. Ascendit autem & Ioseph à Galilæa, de ciuitate Nazareth, in Iudæam, in ciuitatem David, quæ vocatur Bethlehem, eò quòd esset de domo, & familiā Dauid; vt profiteretur cum Mariā desponsata sibi, vxore prægnante. Factum est autem: cum essent ibi, impleti sunt dies, vt pareret. Et peperit filium suum primogenitum, & panis eum inuoluit: & reclinauit eum.

in

In die Natiuitatis Domini :

23

in præsepio; quia non erat ei locus in diuersorio. Et pastores erant in regione eadem vigilantes, & custodientes vigilias noctis super gregem suum. Et ecce Angelus Domini stetit iuxta illos, & claritas Dei circumfulsit illos: & timuerunt timore magno. Et dixit illis Angelus: Nolite timere. Ecce enim euangelizo vobis gaudium magnum, quod erit omni populo; quia natus est vobis hodie Saluator, qui est Christus Dominus, in ciuitate David. Et hoc vobis signum: Inuenietis Infantem pannis inuolutum, & positum in præsepio. Et subito facta est cum Angelo multitudo Militiæ cælestis, laudantium Deum, & dicentium: Gloria in altissimis Deo: & in terra pax hominibus bonæ voluntatis.

Antiphona post Euangelium.

Luc. **Ecce** annuncio vobis gaudium magnum, quod erit in vniuersa terra: Hodie natus est vobis Saluator mundi in ciuitate David: regnabit, & regni eius non erit finis.

Oratio super sindonem.

Deus, qui humanæ substantiæ dignitatis tuæ gratiam contulisti: da nobis Iesu Christi, Filij tui, diuinitatis esse consortes, qui fragilitatis nostræ dignatus est fieri particeps. Qui tecum viuit, & regnat in vnitatem.

Ap. 4. & 5. **Offertor.** Ecce apertum est templum tabernaculi testimonij: & Ierusalem noua descendit de cælo, in qua est sedes Dei, & Agni: & serui eius offerunt ei munera, dicentes: * Sanctus, Sanctus, Sanctus, Dominus, Deus omnipotens: qui erat, & qui est, & qui venturus est.

¶ Et ecce sedet in medio eius super Thronum Maiestatis suæ Agnus: & vox sonat ante eum, dicens: Vicit Leo de tribu Iuda, Radix David. Et quatuor animalia requiem non habent, dicentia sedenti super Thronum: * Sanctus, &c.

Dicitur: Credo.

Oratio super oblatam.

GRata tibi sit, quæsumus, Domine, hodiernæ Natiuitatis Domini Nostri, Iesu Christi, hæc oblatio: vt, tua gratia largiente, per hæc sacrosancta commercia in ipsius inueniamur forma, in quo & nostram, credendo, speramus esse substantiam. Qui tecum viuit, & regnat.

Præfatio.

PER Christum Dominum nostrum. Quem Beata Mariæ, sine detrimento virginitatis, mater, & virgo genuit intacta: eius namque conceptio non est sine virginitatis inuenta pudore; vt, quod audiuit ab Angelo, crederet; &, quod crediderat, indubitanter acciperet. Nec in ea, honor exterminatus est integritatis; vt mater sempiternæ diceretur castitatis. O beatum, & sacrosanctum Mariæ Virginis vterum: quæ sola meruit inter mulieres suis visceribus mundi Dominum portare: eundemque ad nostram salutem æternam edere! Gaudeat itaque vniuersus orbis; quia ex membris virginalibus egressus est Deus. Congratuletur innumera bilis multitudo Angelorum exercitus: cum quibus gloriam tuam canimus; sine fine dicentes: Sanctus.

Infra Canonem: Communicantes, & diem sacratissimum.

Confract. Magnum, & salutare mysterium Dei nostri. Quæ peperit, & mater, & virgo est: quem peperit, Deus, & homo est. Ipse est creator omnium: filius virginis, Dominus genitricis.

Transitor. Gaude, & lætare exultatio Angelorum. Gaude Dñi Virgo, Prophetarum gaudiū. Gaudeas benedicta; Dñs tecū est. Gaude, quæ per Angelū, gaudium mundi suscepisti. Gaude, quæ genuisti Factorē, & Dñm. Gaudeas; quia digna es esse Mater Christi. **Oratio**

Oratio post Communionem.

Rephe, quæsumus, Domine, famulos tuos sacra benedictione: vt, qui te factorem, & conditorem, ad eos renouandos, Dominum nostrum, Jesum Christum, aduenisse confidunt; te authore, iugiter operante, saluentur. Qui cum Patre, & Spiritu Sancto viuis, & regnas Deus: per omnia sæcula sæculorum.

In festo

SANCTI STEPHANI

Protomartyris.

Ingressa.Act.
Ap.
c. 7

Ecce video cælos apertos, & Jesum stantem à dextris virtutis Dei. Domine Jesu accipe spiritum meum: & ne statuas illis hoc peccatum; quia nesciunt, quid faciunt.

Gloria in excelsis Deo.

Oratio super populum.

Omnipotens sempiterne Deus, qui primitias Martyrum in Sancti Leuitæ Stephani sanguine dedicasti, tribue, quæsumus: vt pro nobis intercessor existat, qui pro suis etiam persecutoribus exorauit Dominum nostrum, Jesum Christum, Filium tuum. Qui tecum viuit.

Super populum de Oct. Natiuit.

Adesto, Domine, supplicationibus nostris: vt populus tuus, qui te factore conditus, teque est reparatus authore, te etiam iugiter operante saluetur. Qui viuis, & regnas cum Deo.

Lectio Actuum Apostolorum.

In diebus illis. Stephanus plenus gratia, & fortitudine, faciebat prodigia, & signa magna in populo. Surrexerunt autem quidam de Synagoga,

quæ appellatur Libertinorum, & Cyrenensium, & Alexandrinorum, & eorum, qui erant à Cilicia, & Asia, disputantes cum Stephano: & non poterant resistere sapientiæ, & Spiritui, qui loquebatur. Audientes autem hæc, dissecabantur cordibus suis, & stridebant dentibus in eum. Cum autem esset Stephanus plenus Spiritu Sancto; intendens in cælum, vidit gloriam Dei, & Jesum stantem à dextris Dei. Et ait: Ecce video cælos apertos, & Filium hominis, stantem à dextris Dei. Exclamantes autem, voce magnâ continuerunt aures suas, & impetum fecerunt vnanimiter in eum. Et eicientes eum extra ciuitatem, lapidabant; & testes deposuerunt vestimenta sua secus pedes adolescentis, qui vocabatur Saulus. Et lapidabant Stephanum inuocantem, & dicentem: Domine Jesu suscipe spiritum meum. Positis autem genibus, clamauit voce magnâ, dicens: Domine, ne statuas illis hoc peccatum. Et cum hoc dixisset; obdormiuit in Domino.

Psalmell. Stephanus, plenus gratia, Spiritus Sancti, faciebat mirabilia magna in populo.

V. Positis autem genibus orabat dicens: Domine ne statuas illis hoc peccatum.

Epistola Beati Pauli Apostoli ad Timotheum secunda.

Charissime. Omnis scriptura diuinitus inspirata utilis est ad docendum, ad arguendum, ad corrigendum, ad erudiendum in iustitia; vt perfectus sit homo Dei, ad omne opus bonum instructus. Testificor coram Deo, & Jesu Christo, qui iudicaturus est viuos, & mortuos, per aduentum ipsius, & regnum eius: prædica verbum: insta opportunè, importunè: argue, obsecra, increpa, in omni

omni patientia, & doctrina. Erit enim tempus, cum sanam doctrinam non sustinebunt: sed ad sua desideria coaceruabunt sibi magistros prurientes auribus: & à veritate quidem auditum auertent; ad fabulas autem conuertentur. Tu verò vigila, in omnibus labora, opus fac Euangelistæ, ministerium tuum imple, sobrius esto. Ego enim iam delibor: & tempus resolutionis meæ instat. Bonum certamen certavi, cursum consummaui, fidem seruauit. In reliquo reposita, est mihi corona iustitiæ, quam reddet mihi Dominus in illa die, iustus iudex: non solum autem mihi, sed & ijs, qui diligunt aduentum eius.

^{11a.} ^{9.} Halleluia. **V.** Puer natus est nobis, & Filius datus est nobis: & vocabitur nomen eius, magni consilij Angelus: Halleluia.

Lectio sancti Euangelij
secundum Matthæum.

^{cap.} ^{17.} **I**n illo tempore. Cum venisset Dominus Iesus Capharnaum; accesserunt, qui didrachma accipiebant, ad Petrum: & dixerunt ei: Magister vester non soluit didrachma? Ait: Etiam. Et cum intrasset in domum; præuenit eum Iesus, dicens: Quid tibi videtur, Simon? Reges terræ à quibus accipiunt tributum, vel censum? à filiis suis, an ab alienis? Et ille dixit: Ab alienis. Dixit illi Iesus: Ergo liberi sunt filij. Ut autem non scandalizemus eos, vade ad mare, & mitte hamum: & eum piscem, qui primus ascenderit, tolle: & apertore eius, inuenies statèrem: illum sumens, da eis pro me, & te.

^{Psalm.} ^{108.} **Antiphona post Euangelium.**

Posuerunt, Domine, aduersum me mala pro bonis, & odium pro dilectione mea: ego autem semper orabam.

Oratio super sindonem.

DA, quæsumus, omnipotens Deus: vt Beati Protomartyris tui Stephani, post Natiuitatem Domini nostri, Iesu Christi, solemnia recensentes, & meritis ipsius protegatur, & precibus adiuuemur. Per eundem Dominum nostrum, Iesum Christum, Filium tuum: qui tecum.

Super sindonem de Oct. Natiuit.

Omnipotens sempiterne Deus, qui in Filij tui, Domini nostri, Iesu Christi Natiuitate tribuisti totius religionis initium, perfectionemque constare: da nobis, quæsumus, in eius portione censeri, in quo totius salutis humanæ summa consistit. Qui tecum viuit, & regnat in vnitatem Spiritus Sancti Deus.

Offertor. Ecce apertum est templum tabernaculi testimonij: & Ierusalem noua descendit de cælo, in qua est sedes Dei, & Agni, & serui eius offerunt ei munera, dicentes: * Sanctus, Sanctus, Sanctus, Dominus Deus omnipotens: qui erat, & qui est, & qui venturus est.

V. Et ecce sedet in medio eius super thronum Maiestatis suæ Agnus: & vox sonat ante eum, dicens: Vicit Leo de tribu Iuda, Radix David: & quatuor animalia requiem non habent, dicentia sedenti super thronum: * Sanctus, Sanctus, Sanctus, &c.

Dicitur: Credo.

Oratio super oblatam.

Hoc munus populi tui, Domine, Beati Leuitæ, & Protomartyris tui Stephani deprecatione sit gratum: vt Ecclesia tua eius semper intercessionibus adiuuetur, cuius sine cessatione instruitur disciplinis. Per Dominum nostrum Iesum Christum.

Super oblatam de Oct. Natiuit.

DEus, qui ad saluandos nos homines Natiuitatem tuam necessa-

riam duxisti, respice propitius ad munus totius Ecclesiæ tuæ: & quos similes ad imaginem tuam fecisti, similiores obleruatione perfice mandatorum. Qui viuis, & regnas cum Deo Patre in vnitae Spiritus Sancti Deus.

Præfatio.

Aterne Deus: Qui Leuitarum præconem vocasti Stephanum. Hic tibi primus dedicauit martyrij nomen: hic tibi inchoauit primus effundere sanguinem: hic meruit videre cœlos apertos, & Filium stantem ad dexteram Patris. In terris Hominem adorabat; & in cœlo Filium Patris esse clamabat. Hic Magistri verba referebat; quia, quod Christus dixit in cruce, hoc Stephanus docuit in sanguinis sui morte. Christus in cruce indulgentiam seminabat: & Stephanus pro suis lapidatoribus Dominum supplicabat. Propterea cum Angelis, & Archangelis.

Infra Canonem: Communicantes, & diem sacratissimum.

Confract. Magnum, & salutare mysterium Dei nostri. Quæ peperit & mater, & virgo est: quem peperit, Deus, & homo est. Ipse est creator omnium: filius virginis, Dominus genitricis.

Transitor. Magnum hæreditatis mysterium. Templum Dei factus est vterus nescientis virum: non est pollutus ex ea carnem assumens. Omnes gentes venient, dicentes: Gloria tibi, Domine.

Oratio post Communionem.

Gratias tibi agimus, Domine, multiplicatis circa nos miserationibus tuis: qui & Filij tui Natiuitate nos saluas, & Beati Protomartyris tui Stephani deprecatione sustentas. Per Dominum nostrum.

Post Commun. de Oct. Natiuit.

Plebs tua, Domine, eius participatione semper gaudeat sacramenti: quod in Christi, Domini sui, Incarnatione cognouit. Qui tecum viuit, & regnat in vnitae Spiritus Sancti Deus.

In festo

SANCTI IOANNIS,

Apostoli, & Euangelistæ.

Ingressa.



N excelsa Throno vidi sedere virum, quem adorant multitudo Angelorum, psallentium in vnum: & ecce, cuius imperium non æstimabitur.

Gloria in excelsis Deo.

Oratio super populum.

Deus, qui per os Beati Apostoli tui, Ioannis Euangelistæ, Verbi tui nobis arcana reueraſti, præſta, quæſumus: vt, quod ille noſtris auri- bus excellenter infudit, intelligentiæ competentis eruditione capiamus. Per eundem Dominum noſtrum.

Super populum de Oct. Natiuit.

Deus, qui reſtaurationem conditionis humanæ mirabiliter operaris, tribue, quæſumus: vt ſimul perficiatur in nobis, quod Verbi tui creauit dignatio; & quod eius, hominis facti, glorioſa Natiuitas reformauit. Qui tecum viuit, & regnat.

Lectio Epistolæ primæ

Beati Ioannis Apostoli.

Quod fuit ab initio, quod audiui-^{cap.} mus, quod vidimus oculis noſtris, quod perſpeximus, & manus noſtræ contrectauerunt de Verbo Vitæ: & Vita manifeſtata eſt: & vidimus, & teſtamur, & annunciamus vobis Vitam æternam, quæ erat apud

apud Patrem, & apparuit nobis: quod vidimus, & audiuius, annunciamus vobis, vt & vos societatem habeatis nobiscum, & societas nostra sit cum Patre, & Filio eius, Jesu Christo. Et hæc scribimus vobis, vt gaudeatis, & gaudium vestrum sit plenum. Et hæc est annunciatio, quam audiuius ab eo: & annunciamus vobis, quoniam Deus lux est, & tenebræ in eo non sunt vllæ. Si dixerimus, quoniam societatem habemus cum eo, & in tenebris ambulamus; mentimur; & veritatem non facimus. Si autem in luce ambulamus, sicut & ipse est in luce; societatem habemus ad inuicem; & sanguis Jesu Christi, filij eius, emundat nos ab omni peccato. Si dixerimus, quoniam peccatum non habemus; ipsi nos seducimus; & veritas in nobis non est. Si confiteamur peccata nostra; fidelis est, & iustus, vt remittat nobis peccata nostra, & emundet nos ab omni iniquitate. Si dixerimus, quoniam non peccauimus; mendacem facimus eum; & verbum eius non est in nobis.

Psalmell. Speciosus formâ præ filiis hominum: diffusa est gratia in labijs tuis.

V. Eructauit cor meum verbum bonum: dico ego opera mea regi.

Epistola Beati Pauli Apostoli ad Romanos.

Cap. 10. **F**ratres. Hoc est verbum fidei, quod prædicamus. Quia si confitearis in ore tuo Dominum Jesum: & in corde tuo credideris, quod Deus illum suscitauit à mortuis; saluus eris. Corde enim creditur ad iustitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non est enim distinctio Iudæi, & Græci. Nam idem Dominus omnium: diues in omnes, qui inuocant illum. Om-

nis enim, quicumque inuocauerit nomen Domini, saluus erit. Quomodo ergo inuocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo verò prædicabunt, nisi mittantur? Sicut scriptum est: Quàm speciosi pedes euangelizantium pacem, euangelizantium bona!

Halleluia. Quàm speciosi pedes euangelizantium pacem, euangelizantium bona! **Halleluia.**



Lectio sancti Euangelij secundum Ioannem.

Cap. 21. **I**n illo tempore. Dicebat Dominus Jesus Simoni Petro: Sequere me. Conuersus Petrus vidit illum, Discipulum, quem diligebat Jesus, sequentem; qui & recubuit in cœna super pectus eius, & dixit: Domine, quis est, qui tradet te? Hunc ergo cum vidisset Petrus; dixit Jesu: Domine, hic autem quid? Dixit ei Jesus: Sic eum volo manere, donec veniam. Quid ad te? Tu me sequere. Exiuit ergo sermo iste inter fratres, quia discipulus ille non moritur. Et non dixit ei Jesus: Non moritur, sed, Sic eum volo manere, donec veniam. Quid ad te? Hic est discipulus ille, qui testimonium perhibet de his, & scripsit hæc: & scimus, quia verum est testimonium eius.

Antiphona post Euangelium.

In Deo sperabo; non timebo, quid faciat mihi homo. In me sunt, Deus, vota, quæ reddam, laudes tibi; quia liberaisti animam meam de morte.

Oratio super sindonem.

Præsta, quæsumus, omnipotens Deus: vt Verbum, caro factum, quod Beatus Ioannes Euangelista prædicauit, per hoc sui mysterium, habitet semper in nobis. Qui tecum viuit, & regnat in vnitæte Spiritus.

Super sindonem de Oct. Natiuit.

DEus, qui humanum genus principaliter fauciatum, Christi tui Natiuitate saluare dignatus es, præsta, quæsumus: vt non inhæreamus perditionis Authôri; sed ad Redemptoris nostri confortia transferamur. Qui tecum viuit, & regnat in vnitæte.

Offertor. Stetit Angelus super aram Dei, habens thuribulum aureum: & datæ sunt ei supplicationes multæ: vt daret de orationibus Sanctorum ad altare Dei, quod est ante Thronum: & ascendit fumus supplicationum de manu Angeli in conspectu Dei. Hallelûiah, hallelûiah, hallelûiah.

V. Vidi librum in dextera Dei, sedentis super Thronum, scriptum intus, & foris, signatum signis septem. Et audiui Angelum fortem, prædicantem voce magna: Quis dignus est aperire librum, & soluere signa eius? Nec quisquam poterat, neque in cælo, neque in terra, neque sub terra, aperire librum, aut prospicere illum. Et ego flebam multum, quod nemo dignus inuentus esset aperire librum, aut prospicere illum. Et dixit ad me vnus de senioribus: Ne fleueris. Ecce vicit Leo de tribu Iuda, Radix Dauid, aperire librum, & soluere signa eius in conspectu Dei. Hallelûiah, hallelûiah, hallelûiah.

Dicitur: Credo.

Oratio super oblatam.

Supplicationibus Apostolicis Beati Ioannis Euangelistæ, quæsumus, Domine, Ecclesiæ tuæ commendetur oblatio: cuius magnificis prædicationibus eruditur. Per Dominum nostrum Jesum Christum.

Super oblatam de Oct. Natiuit.

Oblatio tibi sit, Domine, quæsumus, hodiernæ festiuitatis accepta: quia & nostræ reconciliationis processit perfecta placatio, & diuini

cultus nobis est indita plenitudo. Per Dominum nostrum Jesum.

Præfatio.

Æterne Deus: Beati Ioannis Euangelistæ merita recolentes. Quem Dominus Iesus Christus non solum peculiari semper decore ornauit: sed & in cruce positus, tamquam hæreditario munere profectus, vicarium pro se Matri filium clementer attribuit. Quem ad eum usque dignitatis gradum diuina benignitas euexit: vt & factus ex piscatore discipulus, & humanæ dispensationis modum excédens, ipsam Verbi tui sine initio deitatem præ cæteris & mente conspiceret, & voce proferret. Propterea cum Angelis, & Archangelis.

Infra Canonem: Communicantes, & diem sacratissimum.

Confractor. Exiuit sermo inter fratres, quod discipulus ille non moritur. Et non dixit Iesus: Non moritur, sed, Sic eum volo manere, donec veniam.

Transitor. Iste est Ioannes, qui supra pectus Domini in cœna recubuit: dilectus discipulus, cui reuelata sunt secreta cælestia.

Oratio post Communionem.

Apostolicâ Beati Ioannis Euangelistæ, quæsumus, Domine, intercessione nos adiuua: pro cuius solemnitate percepimus tua sancta lætantes. Per Dominum nostrum Jesum Christum Filium tuum: qui tecum.

Post Commun. de Oct. Natiuit.

His, Domine, sacramentis tuis nos semper Natalis instauret: cuius nouitas singularis humanam repulit vetustatem. Qui viuis, & regnas cum Deo Patre in vnitæte Spiritus Sancti Deus: per omnia sæcula sæculorum.

IN NATALI

SS. Innocentium Martyrum.

Ingressa.



Ub altari Dei audiui
voces occisorum, di-
centium: Quare non
defendis sanguinem,
nostrum? Et accepe-
runt diuinum respon-

sum: Adhuc requiescite modicum
tempus, donec impleatur numerus
fratrum vestrorum.

Gloria in excelsis Deo.

Oratio super populum.

Lætetur, quæsumus, Domine, Ec-
clesia tua de tuorum celebra-
te Infantum, & misericordiæ tuæ iu-
giter experiatur effectum: quò & fra-
gilitas humana subsistat, & diuina
supplicantibus redemptio non nege-
tur. Per Dominum nostrum.

Super populum de Oct. Natiuit.

Adesto Domine supplicationibus
nostris: vt populus tuus, qui te
factore conditus, teque est reparatus
authore, te etiam iugiter operante
saluetur. Qui viuis, & regnas cum
Deo Patre.

Lectio Ieremiæ Prophetæ.

Hæc dicit Dominus Deus. Vox
in excelsis audita est lamenta-
tionis, luctus, & fletus: Rachel plo-
rantis filios suos, & nolentis consolari
super eis, quia non sunt. Hæc dicit
Dominus: Quiescat vox tua à plora-
tu, & oculi tui à lachrymis, quia est
merces operi tuo, (ait Dominus) &
reuertentur de terra Inimici. Et est
spes nouissimis tuis, (ait Dominus) &
reuertentur filij ad terminos suos.
Audiens audiui Ephraim transmi-
grantem: Castigasti me, & eruditus
sum, quasi iuuenculus indomitus.
Conuerte me, & conuertar; quia tu
Dominus, Deus meus, Postquam,

enim conuertisti me, egi pœniten-
tiam; & postquam ostendisti mihi,
perculsi femur meum. Confusus sum,
& erubui; quoniam sustinui oppro-
brium adolescentiæ meæ. Si filius ho-
norabilis mihi Ephraim, si puer deli-
catus; quia ex quo locutus sum de
eo, adhuc recordabor eius. Idcirco
conturbata sunt viscera mea super
eum: miserans miserèbor eius. Ait
Dominus omnipotens.

Psamell. V indica Domine sanguinem
Sanctorum tuorum, qui effusus est.

V. Posuerunt mortalia seruorum tuo-
rum, escas volatilibus cæli, carnes
Sanctorum tuorum bestiis terræ.

Epistola Beati Pauli Apostoli
ad Romanos.

Fratres. Quicumque spiritu Dei
aguntur, ij sunt filij Dei. Non
enim accepistis spiritum seruitutis
iterum in timore: sed accepistis spi-
ritum adoptionis filiorum, in quo cla-
mamus: Abba, Pater. Ipse enim spi-
ritus testimonium reddit spiritui no-
stro, quòd sumus filij Dei. Si autem
filij, & hæredes; hæredes quidem
Dei, cohæredes autem Christi; si ta-
men compatimur, vt & conglorifice-
mur. Existimo enim, quòd non sunt
condignæ passionis huius temporis
ad futuram gloriam, quæ reuelabitur
in nobis. Nam expectatio creaturæ
reuelationem filiorum Dei expectat.
Vanitati enim creatura subiecta est,
non volens, sed propter eum, qui su-
biicit eam in spe. Quia & ipsa crea-
tura liberabitur à seruitute corruptio-
nis in libertatem gloriæ filiorum Dei.

Halleluia. V. Iustorum animæ in
manu Dei sunt; & non tanget illos
tormentum malitiæ: Halleluia.

Lectio sancti Euangelij
secundum Matthæum.

In illo tempore. Angelus Domini
apparuit in somnis Ioseph, di-
cens:

cens: Surge, & accipe Puerum, & Matrem eius, & fuge in Ægyptum: & esto ibi, vique dum dicam tibi. Futurum est enim, vt Herodes quærat Puerum ad perdendum eum. Qui confurgens accepit Puerum, & Matrem eius nocte, & secessit in Ægyptum: & erat ibi vsque ad obitum Herodis; vt adimpleretur, quod dictum est à Domino per Prophetam, dicentem: Ex Ægypto vocaui Filium meum. Tunc Herodes, videns, quòd illusus esset à Magis, iratus est valde; & mittens occidit omnes pueros, qui erant in Bethlehem, & in omnibus finibus eius, à bimatu, & infra, secundum tempus, quod exquisierat à Magis. Tunc adimpletum est, quod dictum est per Ieremiam Prophetam, dicentem: Vox in Ramâ audita est, ploratus, & vlulatus multus: Rachel plorans filios suos: & noluit consolari, quia non sunt.

Antiphona post Euangelium.

Accedet homo ad cor altum, & exaltabitur Deus: Sagittæ Paruulorum, factæ sunt plagæ eorum: & infirmatæ sunt in ipsis linguæ eorum.

Oratio super sindonem.

Tribue, quæsumus, omnipotens Deus: vt Innocentum sinceritatem possimus imitari, quorum tibi dicatam veneramur infantiam. Per Dominum nostrum.

Super sindonem de Oct. Natiuit.

Omnipotens, sempiternus Deus, qui in Filij tui, Domini nostri, Jesu Christi, Natiuitate tribuisti totius religionis initium, perfectionemque constare: da nobis, quæsumus, in eius portione censeri, in quo totius salutis humanæ summa consistit. Qui tecum viuit, & regnat.

Offertor. Splendet Ægypti campus de candidata turba Infantum. Pretiosa corpora pro Christo occisa iacebant ab Herode.

Dicitur: Credo.

Oratio super oblatam.

Præsta, quæsumus, omnipotens Deus: vt hi Martyres tui pro nobis interueniant, quorum clara prior est confessio, quàm loquela. Per Dominum nostrum.

Super oblatam de Oct. Natiuit.

Deus, qui ad saluandos nos homines Natiuitatem tuam necessariam duxisti, respice propitius ad munus totius Ecclesiæ tuæ: & quos similes ad imaginem tuam fecisti, similiores obseruatione perfice mandatorum. Qui viuis, & regnas.

Præfatio.

Æquum, & salutare: Nos in pretiosa morte Paruulorum te, Sancte Pater, omnipotens, gloriosius collaudare: quos propter Filij tui, Domini nostri Saluatoris infantiam, immani sæuitia Herodes funestus occidit. Immenso clementiæ tuæ dona cognoscimus. Fulget namque sola, magis gratia; quàm voluntas: & clara est prius confessio, quàm loquela. Ante passio, quàm membra passionis existerent: testes Christi, qui eius nondum fuerant agnitores. O infinita benignitas Omnipotentis: cum pro suo nomine trucidatis, etiam nescientibus æternæ meritum gloriæ percipere non patitur; sed proprio cruore perfusis & salus regenerationis explatur, & imputatur corona martyrij! Per eundem Christum, Dominum nostrum.

Confract. Vox in Ramâ audita est, ploratus, & vlulatus: Rachel, plorans filios suos, noluit consolari; quia non sunt.

Transitor. Sanguis Sanctorum Martyrum pro Christo effusus est in terra; ideo adepti sunt munera sempiterna.

Ora-

S. Thomæ Episcopi, & Martyris.

Oratio post Communionem.

Hodiernæ solemnitatis effectu
sumpsimus, Domine, gaudia,
magna de Paruis, suppliciter exoran-
tes: vt hanc abundantiam in nostra,
quoque saluatione diffundas. Per
Dominum nostrum, Jesum Christum,
Filium tuum: qui tecum viuit, & re-
gnat in vnitae Spiritus Sancti Deus.

Post Commun. de Oct. Natiuit.

Plebs tua, Domine, eius participa-
tione semper gaudeat sacramen-
ti: quod in Christi, Domini sui, In-
carnatione cognouit. Qui tecum vi-
uit, & regnat in vnitae Spiritus.

In festo

SANCTI THOMÆ

Episcopi, & Martyris.

Ingressa.

Duer natus est nobis, &
Filius datus est nobis:
cuius imperium super
humerum eius: & vo-
cabitur nomen eius,
magni consilij Ange-
lus.

Gloria in excelsis Deo.

Oratio super populum.

Deus, pro cuius Ecclesia glorio-
sus Pontifex Thomas gladijs
impiorum occubuit, præsta, quæsu-
mus: vt omnes, qui eius implorant
auxilium, petitionis suæ salutarem
consequantur effectum. Per Domi-
num nostrum, Jesum Christum.

Pro Commem. Octauæ.

Deus, qui restaurationem condi-
tionis humanæ mirabiliter ope-
raris tribue, quæsumus: vt simul per-
ficiatur in nobis, quod Verbi tui crea-
uit dignatio, & quod eius, hominis
facti, gloriosa Natiuitas reformauit.
Qui tecum viuit, & regnat.

Lectio Isaïæ Prophetæ.

Confurge, confurge, induere for-
titudine tuâ Sion. Induere ve-
stimentis gloriæ tuæ Ierusalem, ciui-
tas Sancta; quia non adijciet vltra,
vt pertranseat per te incircuncisus,
& immundus. Excute de puluere,
confurge, sede Ierusalem. Solue vin-
cula colli tui, captiua filia Sion; quia
hæc dicit Dominus: Gratis venunda-
ti estis, & sine argento redimemini.
Quia hæc dicit Dominus Deus: In
Ægyptum descendit populus meus
in principio, vt colonus esset ibi: &
Assur absque vlla causa calumniatus
est eum. Et nunc quid mihi est hic;
dicit Dominus? Quoniam ablatus
est populus meus gratis. Dominato-
res eius iniquè agunt, dicit Dominus,
& iugiter tota die nomen meum blas-
phematur. Propter hoc sciet popu-
lus meus nomen meum in die illa;
quia ego ipse, qui loquēbar, ecce ad-
sum. Quàm pulchri super montes pe-
des annunciantis, & prædicantis pa-
cem, annunciantis bonum, prædican-
tis salutem, dicentis Sion: Regnabit
Deus tuus! Dicit Dominus omnipo-
tens.

Psal. Viderunt omnes fines terræ
salutare Dei nostri. Iubilate Deo om-
nis terra.

V. Notum fecit Dominus Salutare
suum: ante conspectum gentium re-
uelauit iustitiam suam.

Epistola Beati Pauli Apostoli
ad Timotheum secunda.

Charissime. Affecutus es meam
doctrinam, institutionem, pro-
positum, fidem, longanimitatem, di-
lectionem, patientiam, persecutio-
nes, passionem: qualia mihi facta sunt
Antiochiæ, Iconij, Listris: quales per-
secutiones sustinui: & ex omnibus eri-
puit me Dominus. Et omnes, qui piè
volunt viuere in Christo Jesu, perse-
cutio-

cutionem patientur. Mali autem homines, & seductores proficient in peius: errantes, & in errorem mittentes. Tu verò permane in ijs, quæ didicisti, & credita sunt tibi: sciens, à quo didiceris, & quia ab infantia sacras literas nosti: quæ te possunt instruere ad salutem per fidem, quæ est in Christo Jesu.

^{Psalm.}
^{20.} **H**allelùiah. **V.** Posuisti, Domine, in capite eius coronam de lapide pretioso: Hallelùiah.

✠ **L**ectio sancti Euangelij secundum Ioannem.

^{Cap.}
^{10.} **I**n illo tempore. Dixit Dominus Iesus Phariseis: Ego sum Pastor bonus. Bonus Pastor animam suam, dat pro ouibus suis. Mercenarius autem, & qui non est Pastor, cuius non sunt oues propriæ, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit, quia mercenarius est, & non pertinet ad eum de ouibus. Ego sum Pastor bonus: & cognosco meas: & cognoscunt me, meæ. Sicut nouit me Pater, & ego agnosco Patrem; & animam meam, pono pro ouibus meis. Et alias oues habeo, quæ non sunt ex hoc ouili: & illas oportet me adducere: & vocem meam audient: & fiet vnum ouile, & vnus Pastor.

Antiphona post Euangelium.

^{Psalm.}
^{118.} **C**ustodiuit anima mea testimonia tua, & dilexit illa nimis.

Oratio super sindonem.

Præsta, quæsumus, omnipotens Deus: vt, qui gloriosum Martyrem tuum Thomam fortem in sua confessione cognouimus, pium apud te in nostra intercessione sentiamus. Per Dominum nostrum.

Pro Commem. Oct. Oratio.

Deus, qui humanum genus principaliter fauciatum Christi tui

Natiuitate saluare dignatus es, præsta, quæsumus: vt non inhæreamus perditionis Authori; sed ad Redemptoris nostri consortia transferamur. Qui tecum viuit, & regnat.

Offertor. **D**esiderium animæ eius tribuisti ei, Domine, & in voluntate labiorum eius non fraudasti eum: posuisti in capite eius coronam de lapide pretioso.

Dicitur: Credo.

Oratio super oblatam.

Munera tibi, Domine, dicata sanctifica: & intercedente Beato Thoma Martyre tuo, atque Pontifice, per eadem nos placatus intende. Per Dominum nostrum, Iesum Christum.

Pro Commem. Octauæ.

Oblatio tibi sit, Domine, quæsumus, hodiernæ festiuitatis accepta: quia & nostræ reconciliationis processit perfecta placatio, & diuini cultus nobis est indita plenitudo. Per Dominum nostrum, Iesum Christum.

Præfatio.

Æterne Deus: Et gloriosi Martyris, Pontificisque tui Thomæ pia certamina venerari. Cuius iterata quouis anno solemnitas & perpetua semper est, & noua: Quia & in conspectu tuæ Maiestatis permanet mors tuorum pretiosa iustorum: & restaurantur incrementa lætitiæ, cum sælicitatis æternæ recoluntur exordia. Per Christum Dominum nostrum.

Confract. **I**n salutari tuo anima mea, & in verbis tuis speraui. Quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. **M**agna est gloria eius in Salutari tuo, Domine: Hallelùiah.

Oratio post Communionem.

Hæc nos communio, Domine, purget à crimine: & intercedente

S. Eugenij.

te Beato Thoma Martyre tuo, atque Pontifice, celestis remedij faciat esse confortes. Per Dominum nostrum.

Pro Commem. Octauæ.

His, Domine, sacramentis tuus nos semper Natalis instauret: cuius nouitas singularis humanam repulit vetustatem. Qui viuis, & regnas.

Ad Missam

DE OCTAUA,

In Festo S. Eugenij Pontificis, & Confessoris.

Si in hunc, aut sequentem diem cadit Dominica; fit de ea, vt infra, cum commemoratione de Octaua, & de Sancto.

Ingressa.



Ux fulgebit hodie super nos; quia natus est nobis Dominus: & vocabitur admirabilis Deus, Princeps pacis, Pater futuri sæculi: cuius regni non erit finis.

Gloria in excelsis Deo.

Oratio super populum.

Adesto, Domine, supplicationibus nostris: vt populus tuus, qui te factore conditus, teque est reparatus authore, te etiam iugiter operante saluetur. Qui viuis, & regnas cum Deo Patre in vnitate.

Super populum de S. Eugenio.

Omniū bonorum author, & conditor Deus, familiam tuam propitius respice: & per Beatum Pontificem, atque Confessorem tuum Eugenium ab omni aduersitate tuere. Per Dominum nostrum.

Lectio Isaïæ Prophetæ.

In diebus illis. Dixit Isaïas, vt infra de Dominica post Natiuit.

33

Epistola Beati Pauli Apostoli ad Corinthios prima.

Fratres. Omnium me seruum feci, vt plures lucrificerem. Et factus sum Iudæis tanquam Iudæus, vt Iudæos lucrificerem. Ijs, qui sub Lege sunt, quasi sub Lege essem (cū ipse sub Lege non essem) vt eos, qui sub Lege erant, lucrificerem. Ijs, qui sine Lege erant, tanquam sine Lege essem (cū sine Lege Dei non essem, sed in Lege essem Christi) vt lucrificerem eos, qui sine Lege erant. Factus sum infirmis infirmus, vt infirmos lucrificerem. Omnibus omnia factus sum, vt omnes facerem saluos. Omnia autem facio propter Euangelium vt particeps eius efficiar.

Halleluia. *¶* Puer natus est nobis, & Filius datus est nobis: & vocabitur nomen eius, magni consilij Angelus: Halleluia.



Lectio sancti Euangelij secundum Lucam.

In illo tempore. Pastores loquebantur ad inuicem: Transeamus vsque Bethlehem: & videamus hoc verbum, quod factum est, quod fecit Dominus, & ostendit nobis. Et venērunt festinantes, & inuenerunt Mariam, & Ioseph, & Infantem positum in præsepio. Videntes autem cognouerunt de verbo, quod dictum erat illis de puero hoc. Et omnes, qui audierunt, mirati sunt de his, quæ dictæ erant à Pastoribus ad ipsos. Maria autem conseruabat omnia verba hæc, conferens in corde suo. Et reuersi sunt Pastores glorificantes, & laudantes Deum in omnibus, quæ audierant, & viderant: sicut dictum est ad illos.

Antiphona post Euangelium.

Dominus dixit ad me: Filius meus es tu: ego hodie genui te.

Oratio

Oratio super sindonem.

Omnipotens sempiterne Deus, qui in Filij tui, Domini nostri, Jesu Christi Natiuitate tribuisti totius religionis initium, perfectionemque constare, da nobis, quæsumus: in eius portione censerī, in quo totius salutis humanæ summa consistit. Qui tecum uiuit, & regnat.

Super sindonem de S. Eugenio.

Populum tuum intende misericors Deus: & Sancti Sacerdotis, & Confessoris tui Eugenij solemnitatem celebrantes perpetua pietate custodi. Per Dominum nostrum, Jesum Christum.

Luc.
6. 2.

Offertor. Ecce annuncio vobis gaudium magnum, quod erit omni populo: quia natus est hodie Saluator mundi: Halleluia.

V. Facta est multitudo Angelorum, laudantium Deum, & dicentium: Gloria in altissimis Deo, & in terra pax.

Dicitur: Credo.

Oratio super oblatam.

Deus, qui ad saluandos nos homines Natiuitatem tuam necessariam duxisti, respice propitius ad munus totius Ecclesiæ tuæ: & quos similes ad imaginem tuam fecisti, similiores obseruatione perfice mandatorum. Qui uiuis, & regnas cum Deo Patre in vnitate Spiritus Sancti Deus, per omnia sæcula sæculorum.

Super oblatam de S. Eugenio.

Precibus nostris, quæsumus, Domine, aurem tuæ pietatis accomoda, & oblationes supplicum benignus assume: quæ, intercedente Beato Confessore, atque Pontifice tuo Eugenio, ad vitam nobis proficiant sempiternam. Per Dominum nostrum, Jesum Christum Filium tuum: qui tecum uiuit, & regnat in vnitate

Spiritus Sancti Deus per omnia sæcula sæculorum,

Præfatio.

Æterne Deus: Et te in omnibus prædicare mysterijs: quia nostri Saluatoris hodie lux vera processit. Quæ clausam nobis omnibus vitam reddidit: ut non solum præsentem suo splendore dirigeret; sed ad ipsam nos Maiestatis immensæ gloriam perduceret intuendam. Per quem Maiestatem tuam.

Infra Canonem: Communicantes, & diem sacratissimum.

Confract. Quis est iste, qui venit ex Edom; rubor vestimentorum eius ex Bosor, & sic speciosus in stola candida? Quare rubicunda sunt vestimenta tua?

Transitor. Hic est Saluator, quem Prophetæ dixerunt: & hic est Agnus, quem dixit Isaïas: hoc annunciauit Gabriel Virgini: ipsum adorémus, & ei seruiamus.

Oratio post Communionem.

Plebs tua, Domine, eius participatione semper gaudeat Sacramenti: quod in Christi, Domini sui, Incarnatione cognouit. Qui tecum uiuit, & regnat.

Post Commun. de S. Eugenio.

Sancta nos, quam sumpsimus, Domine, Sacramenti cælestis participatio, & ab Hostis callidi tueatur incurfu: & Sancto intercedente Eugenio, animarum nobis remedia conferat sempiterna. Per Dominum nostrum, Jesum Christum, Filium tuum: qui tecum uiuit, & regnat in vnitate Spiritus Sancti Deus per omnia sæcula sæculorum.



In festo

SANCTI SYLVESTRI

Papæ, de Octaua Natiuit.

Ingressa.



Uer natus est nobis, & Filius datus est nobis: cuius imperium super humerum eius: & vocabitur nomen eius, magni consilij Angelus.

Gloria in excelsis Deo.

Oratio super populum.

Deus, qui restaurationem conditionis humanæ mirabiliter operaris, tribue quæsumus: vt simul perficiatur in nobis, quod Verbi tui creauit dignatio; & quod eius, hominis facti, gloriosa Natiuitas reformauit. Qui tecum viuit, & regnat.

Super populum de S. Syluestro.

DA, quæsumus, omnipotens Deus: vt Beati Syluestri Confessoris tui, atque Pontificis veneranda solemnitas, & deuotionem nobis augeat, & salutem. Per Dominum nostrum, Jesum Christum.

Lectio Isaïæ Prophetæ.

In diebus illis. Dixit Isaïas, vt infra de Dominica post Natiuit.

Epistola Beati Pauli Apostoli ad Titum.

Charissime. Apparuit benignitas, & humanitas Saluatoris nostri, Dei: non ex operibus iustitiæ, quæ fecimus nos; sed secundum suam misericordiam saluos nos fecit, per lacrum regenerationis, & renouationis Spiritus Sancti; quem effudit in nos abundè per Jesum, Saluatorem nostrum; vt iustificati gratia ipsius, hæredes simus secundum spem vitæ æternæ in Christo Jesu, Domino nostro.

Halleluia. V. Puer natus est nobis,

& Filius datus est nobis: & vocabitur nomen eius, magni consilij Angelus: Halleluia.



Lectio sancti Euangelij secundum Ioannem.

IN principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso Vita erat, & Vita erat Lux hominum: & Lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium: vt testimonium perhiberet de Lumine, vt omnes crederent per illum. Non erat ille Lux, sed vt testimonium perhiberet de Lumine. Erat Lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognouit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt. **ET VERBUM CARO FACTUM EST**, & habitauit in nobis (& vidimus gloriam eius, gloriam quasi Unigeniti à Patre) plenum gratiæ, & veritatis.

Hic
Aug.
11e
80.
111.

Antiphona post Euangelium.

Dies sanctificatus illuxit nobis. Venite gentes, & adorete Dominum; quia hodie descendit lux magna super terram: Halleluia.

Oratio super sindonem.

Deus, qui humanum genus, principaliter fauciatum, Christi tui Natiuitate saluare dignatus es, præsta, quæsumus: vt non inhæreamus perdi-

perditionis Authōri, sed ad Redemptoris nostri confortia transferamur. Qui tecum viuit, & regnat.

Super sindonem de S. Syluestro.

Misericordiam tuam, Domine, nobis, quæsumus, interueniente Beato Confessore tuo Syluestro, atque Pontifice, clementer impende: & nobis peccatoribus ipsius propitiare suffragijs. Per Dominum nostrum, Jesum Christum.

Offertor. Vidērunt omnes fines terræ Salutare Dei nostri: iubilare Deo omnis terra.

Psal. 97. Notum fecit Dominus Salutare suum: ante conspectum gentium reuelavit iustitiam suam.

Dicitur: Credo.

Oratio super oblatam.

Oblatio tibi sit, Domine, quæsumus, hodiernæ festiuitatis accepta: quia & nostræ reconciliationis processit perfecta placatio, & diuini cultus nobis est indita plenitudo. Per Dominum nostrum, Jesum Christum Filium tuum: qui tecum viuit, & regnat.

Super oblatam de S. Syluestro.

Sancti tui Syluestri Confessoris, atque Pontificis, nos, quæsumus, Domine, precibus vbique lætifica: vt, dum eius merita recolimus, patrocina sentiamus. Per Dominum nostrum, Jesum Christum, Filium tuum: qui tecum viuit, & regnat.

Præfatio.

Æterne Deus. Maieſtati tuæ hostiam iugiter immolantes: cuius figuram Abel iustus instituit, Agnus quoque legalis ostendit: celebravit Abraham; Melchisedech Sacerdos exhibuit: Agnus verò immaculatus, & æternus Pontifex, natus hodie Christus impleuit. Et ideo cum Angelis, & Archangelis.

Infra Canonem: Communicantes, & diem sacratissimum.

Confractor. Vidērunt omnes fines terræ Salutare Dei nostri. **Psal. 97.**

Transitor. Tui sunt cœli, & tua est terra: orbem terrarum, & plenitudinem eius tu fundasti: iustitia, & iudicium præparatio sedis tuæ. **Psal. 88.**

Oratio post Communionem.

His, Domine, sacramentis tuus nos semper Natalis instauret: cuius nouitas singularis humanam repulit vetustatem. Qui viuis, & regnas cum Deo.

Post Commun. de S. Syluestro.

Præsta, quæsumus, omnipotens Deus: vt de perceptis muneribus gratias exhibentes, intercedente Beato Pontifice, & Confessore tuo Syluestro, beneficia potiora sumamus. Per Dominum.

In fine, loco Euangelij: In principio erat Verbum, dicitur Euangelium: Cùm natus esset Dominus, de die Epiphaniæ.



CIRCUNCISIONE, ET OCTAVA NATIVITATIS DOMINI.

Ingressa.



Non conspectu gentium nolite metuere. Vos enim in corde vestro adorare, & timere Dominum. Angelus enim eius vobiscum

est.

Gloria in excelsis Deo.

Oratio super populum.

Omnipotens sempiterne Deus, qui mensæ tuæ participes à diabolico iubes abstinere conuiuio, da quæsumus, plebi tuæ: vt, gustu mortiferæ profanitatis abiecto, puris mentibus ad epulas æternæ salutis accedat. Per Dominum.

Lectio Baruch Prophetæ.

Hæc dicit Dominus Deus. Propter peccata, quæ peccastis ante Dominum, adducti estis in Babylōnem, captiui Nabuchodonosor Regi Babylōnis. Ingressi ergo in Babylōnem, eritis illic annis pluribus, & in tempore longo vsque ad septem generationes. Post hæc autem educam vos inde in pace. Quia ecce ego visitabo super sculptilia Babylōnis: & omnis terra eius confundetur: & vniuersi interfecti eius cadent in medio eius. Et laudabunt super Babylōnem cœli, & terra, & omnia, quæ in eis sunt. Quoniam murus Babylōnis ille latissimus suffossione suffodietur: & portæ eius excelsæ igni comburentur: & labores populorum ad nihi-

lum, & gentium in ignem erunt, & disperibunt. Nunc autem videbitis in Babylōne Deos argenteos, lapideos, & ligneos in humeris portari, ostentantes metum gentibus. Vos itaque timete Dominum Deum vestrum: & cauete, ne & vos, alienigenis similes facti, simulacra metuatis: & metus vos capiat inter eos, videntes turbas gentium ante, & retro adorantes idola. Sed semper dicite in corde vestro: Te oportet adorari, Domine. Angelus enim meus vobiscum, est. Dicit Dominus.

Psalmell. **S**ciant gentes, quoniam nomen tibi Deus: tu solus altissimus super omnem terram.

V. Quoniam ecce inimici tui sonuerunt: & qui te odierunt, extulerunt caput super omnem terram.

Epistola Beati Pauli Apostoli ad Philippenfes.

Fratres. Gaudete in Domino. Eadem vobis scribere mihi quidem non pigrum, vobis autem necessarium. Videte canes, videte malos operarios, videte concisionem. Nos enim sumus circuncisio, qui spiritu seruimus Deo: & gloriamur in Christo Jesu, & non in carne fiduciam habentes: quamquam ego habeam confidentiam & in carne. Si quis alius videtur confidere in carne, ego magis, circuncisus octaua die, ex genere Israel, de tribu Benjamin, Hebræus ex Hebræis; secundum Legem Phariseus; se-

cundum æmulationem persequens Ecclesiam Dei; secundum iustitiam, quæ in Lege est, conuersatus sine querela. Sed quæ mihi fuerunt lucra, hæc arbitratus sum propter Christum detrimenta. Veruntamen existimo omnia detrimentum esse, propter eminentem scientiam Jesu Christi, Domini mei.

^{Psalm.} **H**alleluia, halleluia. **V.** Iubilate Deo omnis terra: psalmum dicite nomini eius: Halleluia.

Lectio sancti Euangelij secundum Lucam.

^{Cap.} **I**n illo tempore. Postquam consummati sunt dies octo, ut circumcideretur Puer, vocatum est nomen eius, Jesus: quod vocatum est ab Angelo, priusquam in vtero conciperetur.

Antiphona post Euangelium.

Hic est Deus noster, viuens in sæcula: & regnum eius non æstimabitur: & potestas eius in æternum erit.

Oratio super sindonem.

Omnipotens sempiterne Deus, qui in Unigenito tuo nouam creaturam nos tibi esse fecisti, custodi opera misericordiæ tuæ, & ab omnibus nos maculis vetustatis emunda: ut per auxilium gratiæ tuæ in illius inueniamur forma, in quo tecum est nostra substantia. Qui tecum uiuit, & regnat in vnitate.

^{Deu.} **Offertor.** Ubi sunt nunc Dij eorum, in quibus confidebatis in eis? quorum adipem sacrificiorum edebatis, & bibebatis vinum libationum eorum? Surgant nunc, & adiuuent vos, & fiant vobis protectores.

Dicitur: Credo.

Oratio super oblatam.

Muneribus nostris, quæsumus, Domine, precibusque susceptis: & coelestibus nos munda mysterijs, & clementer exaudi. Per Dominum nostrum,

Præfatio.

Per Christum Dominum nostrum. Qui, ut nos à graui seruitute Legis redimeret, Circuncisionis legalis purificationem accēpit. In qua & obseruationis antiquæ probator existeret, & humanam in se naturam vetustate expolians innouaret: præteriti sacramentorum consummator mysterij: idem legislator, & custos, præcipiens, & obediens, diues in suo, pauper in nostro. Quem vnà tecum, omnipotens Pater.

Infra Canonem: Communicantes, & diem sacratissimum.

Confractor. T u a est potentia, tuum ^{ex r. Pa. tal.} regnum, Domine: tu es super omnes Deos: libera nos in manu tua.

Transitor. V irgo hodie fidelis, etsi Verbum genuit incarnatum, virgo mansit, & post partum. Quam laudantes omnes, dicimus: Benedicta tu in mulieribus.

Oratio post Communionem.

Fac nos, quæsumus, Domine, multiplicatis solemnitatibus iterare: quod nobis causam perpetuæ saluationis operatur. Per Dominum nostrum, Jesum Christum.

D O M I N I C A

Post Natiuit. Domini.

De hac Dominica fit infra Octauam, si inciderit in Festum S. Eugenij, & S. Syluestri; aliòquin de ea fit post Octauam, quo die cadit. Si verò dies Natalis cadit in Dominicam; huius Dominicæ officium vacat.

Ingressa.



N Patre manet æternitas; non perijt de Matre virginitas. Inuisibilis non dedignatus est carnem assumere: natus non reliquit imperium.

Gloria

Dominica post Natiuitatem Domini.

39

Gloria in excelsis Deo:

Oratio super populum.

Respice, quæsumus, Domine, populum supplican-tem, ac dispo-
ne præsidij: vt te in omnibus recto-
re gratuletur; quia non habet, nisi in
tua tantum pietate, fiduciam. Per
Dominum nostrum.

Lectio Isaïæ Prophetæ.

^{Cap. 8.} **I**N diebus illis. Dixit Isaïas: Nobis-
cum Deus: scitote gentes, & hu-
miliamini. Congregamini populi, &
vincimini, & audite vniuersæ procul
terræ: Confortamini, & vincimini:
accingite vos, & vincimini. Inite con-
silium, & dissipabitur: loquimini ver-
bum, & non fiet; quia nobiscum Deus.
Hæc enim ait Dominus ad me: Sicut
in manu forti erudiuit me, ne irem in
via populi huius, dicens: Non dica-
tis, Coniuratio. Omnia enim, quæ lo-
quitur populus iste, coniuratio est.
Et timorem eius ne timeatis, neque
pauceatis. Dominum exercituum ip-
sum sanctificate: ipse pavor vester,
& ipse terror vester: & erit vobis in
sanctificationem; in lapidem autem
offensionis, & in petram scandali dua-
bus domibus Israel; in laqueum, & in
ruinam habitantibus Ierusalem. Et
offendent ex eis plurimi, & cadent, &
conterentur, & irretientur, & capien-
tur. Liga testimonium, signa legem
in discipulis meis, & expectabo Do-
minum, qui abscondit faciem suam à
domo Iacob: & præstolabor eum. Ec-
ce ego, & pueri mei, quos dedit mihi
Dominus in signum, & in portentum
Israel à Domino exercituum, qui ha-
bitat in monte Sion.

^{Psal. 117.} **Psal. mell.** **B**enedictus, qui venit in
nomine Domini: Deus Dominus, &
illuxit nobis.

V. Confitemini Domino; quoniam
bonus; quoniam in sæculum miseri-
cordia eius.

Epistola Beati Pauli Apostoli
ad Romanos.

Fratres. Deus Filium suum mit-
tens in similitudinem carnis pec-
cati, & de peccato damnauit pecca-
tum in carne: vt iustificatio legis im-
pleretur in nobis, qui non secundum
carnem ambulamus, sed secundum
spiritum. Qui enim secundum car-
nem sunt, quæ carnis sunt, sapiunt:
qui verò secundum spiritum, quæ sunt
spiritus, sentiunt. Nam prudentia
carnis, mors est: prudentia autem
spiritus, vita, & pax. Quoniam sa-
pientia carnis inimica est Deo: legi
enim Dei non est subiecta; nec enim
potest. Qui autem in carne sunt,
Deo placere non possunt. Vos au-
tem non estis in carne, sed in spiritu;
si tamen Spiritus Dei habitat in vo-
bis. Si quis autem Spiritum Christi
non habet, hic non est eius. Si au-
tem Christus in vobis est; corpus qui-
dem mortuum est propter peccatum;
spiritus verò viuit propter iustifica-
tionem. Quòd si Spiritus eius, qui su-
scitauit Jesum à mortuis, habitat in
vobis; qui suscitauit Jesum Christum
à mortuis, viuificabit & mortalia cor-
pora vestra, propter inhabitantem
Spiritum eius in vobis.

Infra Octauam: Halleluia. **V.** Iubi-
late Deo omnis terra: psalmum dici-
te nomini eius: Halleluia. ^{Psal. 99.}

Post Octau. Halleluia. **V.** Venite:
exultemus Domino: iubilemus Deo
Salutari nostro. Halleluia. ^{Psal. 94.}

Lectio sancti Euangelij
secundum Lucam.

IN illo tempore. Regressus est Do-
minus Jesus in virtute Spiritus in
Galilæam: & fama exijt per vniuer-
sam regionem de illo. Et ipse doce-
bat in Synagógis eorum: & magnifi-
cabatur ab omnibus. Et venit Naza-
reth, vbi erat nutritus: & intrauit,

secundum consuetudinem suam, die sabbati in Synagoga, & surrexit legere. Et traditus est illi liber Isaia Prophetæ. Et, ut reuoluit librum, inuenit locum, ubi scriptum erat: Spiritus Domini super me: propter quod vnxit me euangelizare pauperibus: misit me sanare contritos corde, prædicare captiuis remissionem, & cæcis visum, dimittere confractos in remissionem, prædicare annum Domini acceptum, & diem retributionis. Et, cum plicuisset librum, reddidit ministro, & sedit. Et omnium in Synagoga oculi erant intendentes in eum. Coepit autem dicere ad illos: Quia hodie impleta est hæc scriptura in auribus vestris. Et omnes testimonium illi dabant: & mirabantur in verbis gratiæ, quæ procedebant de ore ipsius.

Antiphona post Euangelium.

Laudate Dominum omnes Angeli eius: laudate eum omnes Virtutes eius: laudate eum Sol, & Luna: laudate eum omnes Stellæ, & lumen.

Oratio super sindonem.

PAteant aures misericordiæ tuæ; Domine, precibus supplicantium: &, ut petentibus desiderata concedas, fac eos, quæ tibi sunt placita, postulare. Per Dominum.

Offert. **V**isi sunt gressus tui, Domine, gressus Dei mei regis, qui est in sancto. Præuenērunt Principes coniuncti psallentibus.

V. Montem Dei, montem vberem: mons caseatus, mons vber. Ut quid suspicamini montem? mons, in quo beneplacuit Deo habitare in eo. Præuenērunt Principes coniuncti psallentibus.

Dicitur: **C**redo.

Oratio super oblatam.

Respice, Domine, quæsumus, nostram propitius seruitutem: ut,

quod offerimus, sit tibi munus acceptum, sitque nostræ fragilitati subsidium. Per Dominum nostrum.

Præfatio.

Æterne Deus: Suppliciter implorantes, ut Filius tuus, Jesus Christus, qui se usque in finem sæculi suis promisit fidelibus affuturum, & præsentia corporalis mysterijs non deserat, quos redemit, & Maiestatis suæ beneficijs non derelinquat. Quem laudant Angeli.

Confract. **S**piritus Domini super me, eò quod vnxit me euangelizare pauperibus: misit me prædicare captiuis remissionem.

Transit. **M**aria virgo semper lætare: quæ tantam gratiam meruisti, cæli, & terræ Creatorem de tuo utero generare.

Oratio post Communionem.

Repleti sumus, Domine, muneribus tuis; tribue, quæsumus: ut eorum emundemur effectu, & muniamur auxilio. Per Dominum nostrum. **Si Vigilia Epiphaniæ in Dominicam inciderit, Missa sequens de Vigilia dicitur in Sabbato præcedenti, cum suis Lectionibus, & cæteris; non tamen inter Vesperas, sed post Nonam.**

A D M I S S A M
de Vigilia Epiphaniæ.

Dominus vobiscum: & sic ante reliquas etiam huius, & aliarum eiusmodi Missarum Orationes.

Oratio super populum.

OMnipotens sempiterne Deus, qui Verbi tui Incarnationem præclari testimonio syderis indicasti, concede: ut semper in mentibus nostris tuæ appareat stella iustitiæ, & noster in tua sit confessione thesaurus. Per eundem Dominum.

De Vigilia Epiphaniæ Domini.

41

Epistola Beati Pauli Apostoli
ad Titum.

Charissime. Erâmus aliquando & nos insipientes, increduli, errantes, seruientes desiderijs, & voluptatibus varijs, in malitia, & inuidia, agentes, odibiles, odientes inuicem. Cum autem benignitas, & humanitas apparuit Saluatoris nostri Dei; non ex operibus iustitiæ, quæ fecimus nos; sed secundum suam misericordiam, saluos nos fecit per Lauâcrum regenerationis, & renouationis Spiritus Sancti; quem effudit in nos abunde per Iesum Christum, Saluatorem nostrum; vt iustificati gratia ipsius, hæredes simus secundum spem vitæ æternæ.

Cantus: Super flumina Babylônis illic sedimus, & fleuimus, dum recorderemur tui Sion.

Lectio sancti Euangelij
secundum Matthæum.

In illo tempore. Venit Dominus Iesus à Galilæa in Iordânem ad Ioannem, vt baptizaretur ab eo. Ioannes autem prohibebat eum, dicens: Ego à te debeo baptizari; & tu venis ad me? Respondens autem Iesus, dixit ei: Sine modò. Sic enim decet nos implere omnem iustitiam. Tunc dimisit eum. Baptizatus autem Iesus confestim ascendit de aqua. Et ecce aperti sunt ei coeli: & vidit Spiritum Dei, descendentem sicut co-

lumbam, & venientem super se. Et ecce vox de coelis, dicens: Hic est Filius meus dilectus, in quo mihi complacui.

Oratio super sindonem.

Adesto Domine supplicationibus nostris: & populo tuo, quem tibi ex omnibus gentibus elegisti, veritatis tuæ lumen ostende. Per Dominum nostrum.

Oratio super oblatam.

Ecclésiæ tuæ, quæsumus, Domine, propitius dona intuere: quibus non iam aurum, thus, & myrrha profertur, sed, quod eisdem muneribus declaratur. Per Dominum nostrum.

Præfatio.

Per Christum Dominum nostrum. Quia puerperio cœlesti intulit mundo suæ miracula Maiestatis: vt adorandam Magis ostenderet Stellam: &, transacto temporis interuallo, aquam mutaret in vinum: & suo quoque baptismo sanctificaret fluentia Iordânis, idem Iesus Christus, Dominus noster. Quem vnâ tecum.

Oratio post Communionem.

Largire, quæsumus, omnipotens Deus, supplicibus tuis: vt, quem natum in terris fatemur, hominem, hunc, Deum, astris quoque fatentibus, adoremus. Qui tecum viuit, & regnat in vnitæte Spiritus Sancti Deus per omnia sæcula sæculorum.



IN F E S T O

E P I P H A N I Æ

D O M I N I .

Ingressa.

Ap.
21.

Cuius non eget sole,
neque lunâ, ut luceant
ei; quoniam claritas
Dei illuminat eam. Et
ambulabunt gentes in
lumine eius; & Reges
terræ offerent claritatem suam in ea.
Gloria in excelsis Deo.

Oratio super populum.

Deus, qui hunc diem electionis
gentium primitiis consecrasti,
& per luminis tui Stellam manife-
stum te nobis ostendisti, tribue, quæ-
sumus: ut noua cœlorum, & mirabi-
lis claritas in nostris semper cordi-
bus oriatur. Qui viuis, & regnas.

Lectio Isaïæ Prophetæ.

Cap.
60.

Surge, illuminare Ierusalem; quia
venit lumen tuum; & gloria Do-
mini super te orta est. Quia ecce te-
nebræ operient terram, & caligo po-
pulos; super te autem orietur Domi-
nus; & gloria eius in te videbitur. Et
ambulabunt gentes in lumine tuo, &
Reges in splendore ortus tui. Leua
in circuitu oculos tuos, & vide: om-
nes isti congregati sunt, venerunt ti-
bi; filij tui de longè venient; & filia
tuæ de latere surgent. Tunc videbis,
& afflues; & mirabitur, & dilatabitur
cor tuum, quando conuersa fuerit ad
te multitudo maris, fortitudo gentium
venerit tibi. Inundatio camelorum,
operiet te, dromedarij Madian, &
Epha. Omnes de Saba venient, au-
rum, & thus deferentes, & laudem
Domino annunciantes.

Psalmell. **B**enedictus Dominus, Deus Psal.
71.
Israel: qui facit mirabilia magna so-
lus in sæcula.

Ps. j. Suscipiant montes pacem popu-
lo tuo.

Ps. ij. Humiliabit calumniatorem: &
permanebit cum sole, & ante lunam
generationis generationum: & de-
scendet sicut pluuia in vellus, & sicut
stillicidia stillantia super terram.

Epistola Beati Pauli Apostoli
ad Titum.

Charissime. Apparuit gratia Dei Cap.
Saluatoris nostri omnibus ho-
minibus: erudiens nos, ut abnegan-
tes impietatem, & sæcularia deside-
ria, sobriè, & iustè, & piè viuamus in
hoc sæculo, expectantes beatam,
spem, & aduentum gloriæ magni Dei,
& Saluatoris nostri, Jesu Christi: qui
dedit semetipsum pro nobis; ut nos
redimeret ab omni iniquitate; & mun-
daret sibi populum acceptabilem, se-
ctatorem bonorum operum. Hæc lo-
quere, & exhortare, & argue cum
omni imperio: nemo te contemnat.
Admone illos principibus, & potesta- Cap.
tibus subditos esse, dicto obedire, ad
omne opus bonum paratos esse: ne-
minem blasphemare, non litigiosos
esse, sed modestos: omnem ostenden-
tes mansuetudinem ad omnes homi-
nes.

Halleluia, halleluia. **Ps.** Magi ve- Mat.
nerunt ab Oriente Ierosolymam, di-
centes: Ubi est, qui natus est, Rex
Iudæorum? Halleluia.

Anti-

In Epiphania Domini.

43

**Antiphona ante Euangelium,
recitanda in ipsomet
cornu Euangelij.**

^{ex} **In** Bethlehem Iudæ Saluator natus
^{Mar.} est. Herodes turbatus est: totus mun-
dus gaudet: Ioannes testificans super
flumen Iordânis; Qui post me venit,
ante me factus est.

Dominus vobiscum.

**Lectio sancti Euangelij
secundum Matthæum.**

^{Cap.} **C**um natus esset Dominus Iesus
in Bethlehem Iudæ in diebus
Herodis Regis; ecce Magi ab Orien-
te venerunt Ierosolymam, dicentes:
Ubi est, qui natus est, Rex Iudæorum?
Vidimus enim Stellam eius in Orien-
te, & venimus adorare eum. Audiens
autem Herodes Rex turbatus est, &
omnis Ierosolyma cum illo. Et con-
gregans omnes Principes Sacerdo-
tum, & Scribas populi, sciscitabatur
ab eis, ubi Christus nasceretur. At
illi dixerunt ei: In Bethlehem Iudæ.
Sic enim scriptum est per Prophetam:
Et tu Bethlehem, terra Iuda, nequā-
^{Mich.} quam minima es in principibus Iuda.
Ex te enim exiet Dux, qui regat po-
pulum meum Israel. Tunc Herodes,
clam vocatis Magis, diligenter didi-
cit ab eis tempus Stellæ, quæ appa-
ruit eis. Et mittens illos in Bethlehem,
dixit: Ite, & interrogate diligenter
de Puer: & cum inueneritis, renun-
ciate mihi; ut & ego veniens adorem
eum. Qui, cum audissent Regem,
abierunt. Et ecce Stella, quam vide-
rant in Oriente, antecedebat eos, us-
quedum veniens staret supra, ubi erat
Puer. Videntes autem Stellam gauisi
sunt gaudio magno valde. Et intran-
tes domum, inuenerunt Puerum cum
Mariâ, Matre eius: **ET PROCIDEN-
TES ADORAVERVNT EUM:** &
^{Ps.} ^{Dec.} ^{Ec.} ²⁰⁰ apertis thesauris suis, obtulerunt ei
munera, aurum, thus, & myrrham.

Et, responso accepto in somnis ne
redirent ad Herodem, per aliam
viam reuersi sunt in regionem suam.

**Mox Diaconus annunciat Pascha,
Resurrectionis: quo die, & mense sit
futurum: hoc modo.**



Nouerit charitas vestra, fratres



charissimi, quod, annuente Dei,



& Domini nostri, Iesu Christi



misericordia, die **N**, mensis **N**,



Pascha Domini cum gaudio cele-



brabimus. **R.** Deo gratias.

Antiphona post Euangelium:

Cum Iesus natus esset in Bethlehem ^{Mat.}
Iudæ; ecce Magi ab Oriente vene-
runt Ierosolymam, dicentes: Ubi est,
qui natus est, Rex Iudæorum? Vidi-
mus enim Stellam eius; & venimus
adorare eum.

Oratio super findonem.

Tribue, quæsumus, omnipotens
Deus; ut, sicut omnes nationes
veniunt gaudentes adorare Christum,
Regem, Dominum natum; ita & hæc
præcla-

præclara lux habitet semper in nobis. Per eundem Dominum.

Offertor. Orietur in diebus eius iustitia: Et abundantia pacis, donec extollatur luna.

V. Et dominabitur à mari vsque ad mare, & à flumine vsque ad terminos terræ: Et abundantia pacis, donec extollatur luna.

Dicitur: Credo.

Oratio super oblatam.

Pietatis tuæ, Domine, sacramentum hodierna solemnitate recolentes pro apparitione Domini nostri, Jesu Christi, & pro nostræ vocationis exordijs, sacrificium tibi laudis offerimus: quod propitiatus suscipias, deprecamur. Per eundem.

Præfatio.

Æterne Deus. Qui te nobis super Iordânis alueum de coelis in voce tonitruui præbuiisti: vt Saluatorem cœli demonstrares, & te Patrem æterni Luminis ostenderes. Cœlos aperuisti, aerem benedixisti, fontem purificasti: & tuum vnicum Filium per speciem columbæ Sancto Spiritu declarasti. Susceperunt hodie fontes benedictionem tuam, & abstulerunt maledictionem nostram; ita ut credentibus purificationem omnium delictorum exhibeant; & Dei filios adoptione faciant ad vitam æternam. Nam quos ad temporalem vitam carnalis natiuitas fuderat: quos mors per præuaricationem ceperat: hos vita æterna recipiens, ad Regni cœlorum gloriam reuocauit. Per eundem Christum Dominum.

Infra Canonem: Communicantes, & diem sacratissimum, &c. **vt in die Epiphaniæ; & sic etiam in die Christophoriæ, ac per totam deinde Octauam Epiphaniæ.**

Confractor. Hoc fecit initium signorum Iesus in Cana Galilææ: & mani-

festauit gloriam suam Discipulis suis.

Transit. Hodie cœlesti Sponso iuncta est Ecclesia; quoniam in Iordâne lauit eius crimina. Currunt cum munere Magi ad regales nuptias: & ex aqua facto vino, lætantur conuiuia. Baptizat miles Regem, seruus Dominum suum, Ioannes Saluatorem. Aqua Iordânis stupuit: columba protestatur: paterna vox audita est: Filius meus hic est, in quo bene complacui; ipsum audite.

Oratio post Communionem.

Cœlesti lumine, quæsumus, Domine, semper, & vbique nos præueni: vt mysterium, cuius nos participes esse voluisti, & puro ceruamus intuitu, & digno percipiamus affectu. Per Dominum nostrum.

Infra Octauam Epiphaniæ: in die primo, itemque festo

CHRISTOPHORIÆ.

Ingressa.



Nisi sunt gressus tui, Domine, gressus Dei mei Regis, qui est in sancto. Præuenerunt Principes coniuncti psallentibus.

Gloria in excelsis Deo.

Oratio super populum.

Præsta omnipotens Deus cordibus nostris: vt iugiter Ægyptiacæ seruitutis, & peccati iugum excutere, & Maiestati tuæ apparere in cœlesti patria valeamus. Per Dominum nostrum, Iesum Christum.

Pro commem. Octau.

Deus, qui hunc diem electionis gentium primitijs consecrasti, & per luminis tui Stellam manifestum te nobis ostendisti, tribue, quæsumus: vt noua cœlorum, & mirabilis claritas in nostris semper cordibus oriatur. Qui viuis, & regnas.

Lectio

Die
7.
Jan.

Psalm.
67.

In festo Christophoriæ.

45.

Lectio Osée Prophetæ.

^{Cap. 11.} **S**icut manè transijt, pertransijt Rex Israel. Quia puer Israel, & dilexi eum, & ex Ægypto vocavi Filium meum. Vocauerunt eos: sic abierunt à facie eorum. Bâalim immolabant, & simulâchris sacrificabant. Et ego, quasi nutritius Ephraim, portabam eos in brachijs meis: & nesciêrunt, quòd curarem eos. In funiculis Adam traham eos, in vinculis charitatis. Et ero eis quasi exaltans iugum super maxillas eorum: & declinaui ad eum, vt vesceretur. Non reuertetur in terram Ægypti: & Assur ipse Rex eius, quoniam noluerunt conuerti. Cœpit gladius in ciuitatibus eius, & consummet electos eius, & còmedet capita eorum: & populus meus pendêbit ad reditum meum. Iugum autem imponetur eis simul, quod non auferetur. Quomodo dabo te Ephraim, protegam te Israel? Quomodo dabo te, sicut Adama, ponam te vt Seboim? Conuersum est in me cor meum, pariter conturbata est pœnitudo mea. Non faciam furorem iræ meæ: non conuertar, vt disperdam Ephraim; quoniam Deus ego, & non homo; in medio tui sanctus, & non ingrediar ciuitatem. Post Dominum ambulabunt: quasi leo rugiet: quia ipse rugiet, & formidabunt filij maris: & auolabunt quasi auis ex Ægypto, & quasi columba de terra Assyriorum: & collocabo eos in domibus suis, dicit Dominus. Circûndedit me in negatione Ephraim, & in folio domus Israel: Iudas autem testis descendit, cum Deo, & cum Sanctis fidelis.

^{Psal. 117.} **P**salmell. **B**enedictus, qui venit in nomine Domini: Deus Dominus, & illuxit nobis.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Hebræos.

Fratres. Iuxta fidem defuncti sunt ^{Cap. 11.} Patres, non acceptis repromissionibus, sed à longè eas aspicientes, & salutantes: & confitentes, quia peregrini, & hospites sunt super terram. Qui enim hæc dicunt, significant, se Patriam inquirere. Et si quidem ipsius meminissent, de qua exierunt; habebant vtique tempus reuertendi. Nunc autem meliorem appetunt, idest, cœlestem: ideo non confunditur Deus vocari Deus eorum. Parauit enim illis Ciuitatem.

Halleluia. **V.** Iubilate Deo omnis ^{Psal. 65.} terra: psalmum dicite nomini eius: Halleluia.

 **L**ectio sancti Euangelij secundum Matthæum.

In illo tempore. Defuncto Hero- ^{Cap. 2.} de, ecce Angelus Domini apparuit in somnis Ioseph in Ægypto, dicens: Surge, & accipe Puerum, & Matrem eius, & vade in terram Israel: defuncti sunt enim, qui quærebant animam Pueri. Qui consurgens accepit Puerum, & Matrem eius, & venit in terram Israel. Audiens autem, quòd Archelâus regnaret in Iudæa, pro Herode patre suo, timuit illò ire; & admonitus in somnis, secessit in partes Galilææ. Et veniens habitauit in Ciuitate, quæ vocatur Nazareth: vt adimpleretur, quod dictum est per Prophetas: Quoniam Nazaræus vocabitur.

Antiphona post Euangelium.

Laudate Dominum omnes Angeli ^{Psal. 148.} eius: laudate eum omnes Virtutes eius: laudate eum Sol, & Luna: laudate eum omnes Stellæ, & lumen.

Oratio super sindonem.

Subueni nobis Domine, quæsumus, & concede: vt praua desideria deleantur ex animis nostris, & victoriam

riam ex Hoste reportemus. Per Dominum.

Pro comm. Octauæ Oratio.

TRibue, quæsumus, omnipotens Deus: vt, sicut omnes nationes veniunt gaudentes adorare Christum, Regem, Dominum natum; ita & hæc præclara lux habitet semper in nobis. Per eundem Dominum.

Offert. **V**idérunt omnes fines terræ Salutare Dei nostri; iubilare Deo omnis terra.

V. Notum fecit Dominus Salutare suum: ante conspectum gentium reuelauit iustitiam suam.

Dicitur: Credo.

Oratio super oblatam.

GRata tibi sit, quæsumus, Domine, hodiernæ festiuitatis Domini nostri, Jesu Christi, hæc oblatio: vt, tua gratia largiente, per hæc sacrosancta commercia, in ipsius inueniamur forma, in quo & nostram, credendo, speramus esse substantiam. Qui tecum viuit, & regnat.

Pro commem. Oct. Oratio.

Pietatis tuæ, Domine, sacramentum hodierna solemnitate recolentes, pro apparitione Domini nostri, Jesu Christi, & pro nostræ vocationis exordijs, sacrificium tibi laudis offerimus: quod propitiatus suscipias, deprecamur. Per Dominum.

Præfatio.

ÆTerne Deus. Maiestatī tuæ hostiam iugiter immolantes: cuius figuram Abel iustus instituit, Agnus quoque legalis ostendit: celebravit Abraham; Melchisedech Sacerdos exhibuit: Agnus verò immaculatus, & æternus Pontifex, Jesus Christus impleuit. Et ideo cum Angelis, & Archangelis, cum Thronis.

Mar. 2. **Confract.** **T**olle Puerum, & Matrem eius: & vade in terram Israel; defuncti sunt enim, qui quærebant animam Pueri.

Transit. Tui sunt cœli, & tua est terra: orbem terrarum, & plenitudinem eius tu fundasti: iustitia, & iudicium præparatio sedis tuæ.

Oratio post Communionem.

Fac nos, quæsumus, Domine, multiplicatis solemnitatibus iterare: quod nobis causam perpetuæ saluationis operatur. Per Dominum.

Pro commem. Oct. Oratio.

COelesti lumine, quæsumus, Domine, semper, & ubique nos præueni: vt mysterium, cuius nos participes esse voluisti, & puro cernamus intuitu, & digno percipiamus affectu. Per Dominum.

Si Dominica prima post Epiphaniam inciderit in hunc diem, festum Christophoriæ; fit commemoratio de eadem Dominica. Sin autem inciderit in aliquem e reliquis huius Octauæ diebus; eo die, dicitur Missa de ipsâmet Dominica (vt infra post Octauam) cum commemoratione Octauæ. Reliquis verò diebus dicitur Missa sequens de Octaua.

Infra Octauam

EPIPHANIÆ DOMINI,

In reliquis Octauæ diebus.

Ingressa.



Cuius non eget sole, neque lunâ, vt luceant ei; quoniam claritas Dei illuminat eam. Et ambulant gentes in lumine eius: & Reges terræ offerent claritatem suam in ea.

Gloria in excelsis Deo.

Oratio super populum.

Deus, qui hunc diem electionis gentium primitijs consecrasti, & per luminis tui Stellam manifestum te nobis ostendisti, tribue, quæsumus: vt noua cœlorum, & mirabilis claritas

tas in nostris semper cordibus oria-
tur. Qui viuis, & regnas.

Lectio Isaia Prophetæ.

Surge, illuminare Ierusalem; quia
venit lumen tuum; & gloria Do-
mini super te orta est. Quia ecce te-
nebræ operient terram, & caligo po-
pulos; super te autem orietur Domi-
nus; & gloria eius in te videbitur. Et
ambulabunt gentes in lumine tuo, &
Reges in splendore ortus tui. Leua-
in circuitu oculos tuos, & vide: om-
nes isti congregati sunt, venérunt ti-
bi: filij tui de longè venient, & filia
tuæ de latere surgent. Tunc videbis,
& afflues: & mirabitur, & dilatabitur
cor tuum, quando conuersa fuerit ad
te multitudo maris, fortitudo gen-
tium venerit tibi. Inundatio camelò-
rum operiet te, dromedarij Madian,
& Ephā. Omnes de Saba venient, au-
rum, & thus deferentes, & laudem
Domino annunciantes.

Psalmell. Benedictus Dominus Deus
Israel: qui facit mirabilia magna solus
in sæcula.

v. i. Suscipiant montes pacem popu-
lo tuo.

v. ij. Humiliabit calumniatorem, &
permanebit cum sole, & ante lunam
generationis generationum: & de-
scendet sicut pluuia in vellus, & sicut
stillicidia stillantia super terram.

**Epistola Beati Pauli Apostoli
ad Titum.**

Charissime. Apparuit gratia Dei
Saluatoris nostri omnibus ho-
minibus, erudiens nos: vt abnegan-
tes impietatem, & sæcularia deside-
ria, sobriè, & iustè, & piè viuamus in
hoc sæculo, expectantes beatam
spem, & aduentum gloriæ magni Dei,
& Saluatoris nostri, Jesu Christi: qui
dedit semetipsum pro nobis; vt nos
redimeret ab omni iniquitate; & mun-
daret sibi populum acceptabilem, se-

ctatorem bonorum operum. Hæc lo-
quere, & exhortare, & argue cum
omni imperio: nemo te contemnat.
Admone illos principibus, & potesta-
tibus subditos esse, dicto obedire, ad
omne opus bonum paratos esse: nemi-
nem blasphemare, non litigiosos esse,
sed modestos: omnem ostendentes
mansuetudinem ad omnes homines.

Halleluia. **v.** Magi venérunt ab
Oriente Ierosolymam, dicentes: Ubi
est, qui natus est, Rex Iudæorum?
Halleluia.

**Lectio sancti Euangelij
secundum Matthæum.**

Cum natus esset Dominus Jesus
in Bethlehem Iudæ in diebus
Herodis Regis; ecce Magi ab Orien-
te venérunt Ierosolymam, dicentes:
Ubi est, qui natus est, Rex Iudæorum?
Vidimus enim Stellam eius in Orien-
te, & venimus adorare eum. Audiens
autem Herodes Rex turbatus est, &
omnis Ierosolyma cum illo. Et con-
gregans omnes Principes Sacerdo-
tum, & Scribas populi, sciscitabatur
ab eis, vbi Christus nasceretur. At
illi dixerunt ei: In Bethlehem Iudæ.
Sic enim scriptum est per Prophetam:
Et tu Bethlehem, terra Iuda, nequā-
quam minima es in principibus Iuda.
Ex te enim exiet Dux, qui regat po-
pulum meum Israel. Tunc Herodes,
clam vocatis Magis, diligenter didi-
cit ab eis tempus Stellæ, quæ appa-
ruit eis. Et mittens illos in Bethlehem,
dixit: Ite, & interrogate diligenter
de Puer: & cum inueneritis, renun-
ciate mihi; vt & ego veniens adorem
eum. Qui, cum audissent Regem,
abierunt. Et ecce Stella, quam vide-
rant in Oriente, antecedebat eos, vs-
quedum veniens staret supra, vbi erat
Puer. Videntes autem Stellam gauisi
sunt gaudio magno valde. Et intran-
tes domum, inuenerunt Puerum cum

<sup>hic genu flexi-
tur.</sup> **María, Matre eius: ET PROCIDEN-
TES ADORAVERVNT EUM: &**
apertis thesauris suis, obtulerunt ei
munera, aurum, thus, & myrrham.
Et, responso accepto in somnis ne
redirent ad Herodem, per aliam
viam reuersi sunt in regionem suam.

Antiphona post Euangelium.

^{Mat.} **C**um Jesus natus esset in Bethlehem
Iudæ; ecce Magi ab Oriente vene-
runt Ierosolymam, dicentes: Ubi est,
qui natus est, Rex Iudæorum? Vidi-
mus enim Stellam eius; & venimus
adorare eum.

Oratio super findonem.

Tribue, quæsumus, omnipotens
Deus; vt, sicut omnes nationes
veniunt gaudentes adorare Christum,
Regem, Dominum natum; ita & hæc
præclara lux habitet semper in no-
bis. Per eundem Dominum.

^{Psal.} **Offertor.** Orietur in diebus eius iusti-
tia: Et abundantia pacis, donec ex-
tollatur luna.

V. Et dominabitur à mari vsque ad
mare, & à flumine vsque ad terminos
terræ: Et abundantia pacis, donec
extollatur luna.

Dicitur: Credo.

Oratio super oblatam.

Pietatis tuæ, Domine, sacramen-
tum hodierna solemnitate reco-
lentes pro apparitione Domini no-
stri, Jesu Christi, & pro nostræ voca-
tionis exordijs, sacrificium tibi laudis
offerimus: quod propitiatus suscipias,
deprecamur. Per eundem.

Præfatio.

Per Christum Dominum nostrum.
Quia puerperio coelesti intulit
mundo suæ miracula Maiestatis: vt
adorandam Magis ostenderet Stel-
lâm: & transacto temporis interual-
lo, aquam mutaret in vinum: &
suo quoque baptismo sanctificaret
fluenta Iordanis, idem Jesus Christus,

Dominus noster. Quem vnâ tecum
omnipotens.

Confractor. Notum fecit Dominus ^{Psal.}
Salutare suum: Hallelùiah. ^{97.}

Transit. **V**identes Stellam Magi, ga-
uisi sunt gaudio magno valde: & in-
trantes domum, obtulerunt Domino
aurum, thus, & myrrham.

Oratio post Communionem.

Celesti lumine, quæsumus, Do-
mine, semper, & vbique nos
præueni: vt mysterium, cuius nos par-
ticipes esse voluisti, & puro cernamus
intuitu, & digno percipiamus affectu.
Per Dominum.

**Si tempus breue fuerit ab Epipha-
niâ, vsque ad Septuages. ita quod Do-
minicalia officia non possint expleri;
semper in Dominica, quæ Septuage-
simam immediatè præcedit, sit offi-
cium de Dominica sexta; & officia
residuarum Dominicarum post Epi-
phaniam, eo anno, omittuntur.**

DOMINICA PRIMA

Post Epiphaniam.

Ingressa.



DUM medium silentium ^{Sap.}
tenèrent omnia: & nox ^{Cap.}
in suo cursu medium ^{18.}
iter haberet; omnipo-
tens sermo tuus, Do-
mine, de cœlis à rega-
libus sedibus venit.

Gloria in excelsis Deo.

Oratio super populum.

Benedictio, quæsumus, Domine,
in tuos fideles copiosa descen-
dat: & quam subiectis cordibus expe-
tunt, largiter consequantur; quo-
niam, sicut superbis resistis, sic humi-
libus tuis gratiam benignus impen-
dis. Per Dominum.

Lectio Isaïæ Prophetæ.

Hæc dicit Dominus Deus. ^{Spiri.}
Spiritus Domini super me, eò quod ^{51.}
vnxe-

Dominica prima post Epiphaniam

49

Lectio sancti Euangelij
secundum Lucam.



IN illo tempore. Cum factus esset ^{Luc. c. 2.} Dominus Jesus annorum duodecim: ascendentibus illis Ierosolymam, secundum consuetudinem diei festi; consummatisque diebus, cum redirent; remansit puer Jesus in Ierusalem; & non cognouerunt Parentes eius. Existimantes autem illum esse in comitatu venerunt iter diei, & requirebant eum inter cognatos, & notos. Et non inuenientes, regressi sunt in Ierusalem, requirentes eum. Et factum est, post triduum, inuenērunt illum in Templo, sedentem in medio Doctorum, audientem illos, & interrogantem eos. Stupebant autem omnes, qui eum audiebant, super prudentiā, & responsis eius. Et videntes admirati sunt. Et dixit Mater eius ad illum: Fili, quid fecisti nobis sic? Ecce Pater tuus, & ego dolentes quærebamus te. Et ait ad illos: Quid est, quod me quærebatis? Nesciebatis, quia in his, quæ Patris mei sunt, oportet me esse? Et ipsi non intellexerunt verbum, quod locutus est ad eos. Et descendit cum eis, & venit Nazareth: & erat subditus illis. Et Mater eius conseruabat omnia verba hæc in corde suo. Et Jesus proficiebat sapientiā, & ætate, & gratiā apud Deum, & homines.

Antiphona post Euangelium.

Domine Deus noster, pacem da nobis; omnia enim reddisti nobis. Domine Deus noster, posside nos. Domine, præter te, alium non nouimus: nomen tuum nominamus; ne derelinquas nos.

Oratio super sindonem.

VOta, quæsumus, Domine, supplicantis populi cœlesti pietate, prosequere: ut, quæ agenda sunt, videant, & ad implenda, quæ viderint, conua-

E

conua-

vnxerit me. Ad annunciandum mansuetis misit me; ut mederer contritis corde; & prædicarem captiuis indulgentiam, & clausis aperitionem; ut prædicarem annum placabilem Domino, & diem ultionis Deo nostro; ut consolarer omnes lugentes; ut ponerem lugentibus Sion; & darem eis coronam pro cinere, oleum gaudij pro luctu, pallium laudis pro spiritu mœroris. Et vocabuntur in ea fortes iustitiæ plantatio Domini ad glorificandum. Ecce Dominus auditum fecit in extremis terræ: Dicite filiæ Sion: Ecce Saluator tuus venit: ecce merces eius cum eo, & opus eius coram illo. Et vocabunt eos: Populus sanctus, redempti à Domino.

^{Psal. 124.} **Psalmell.** Benedicite gentes Deum nostrum, & obaudite voci laudis eius, qui posuit animam meam ad vitam. **V.** Iubilare Deo omnis terra, psallite nomini eius: qui posuit animam meam ad vitam.

Epistola Beati Pauli Apostoli
ad Ephesios.

^{Cap. 4.} **R**atres. Renouamini spiritu mentis vestræ, & induite nouum hominem, qui secundum Deum creatus est in iustitia, & sanctitate veritatis. Propter quod deponentes mendacium, loquimini veritatem unusquisque cum proximo suo; quoniam sumus inuicem membra. Irascimini, & nolite peccare. Sol non occidat super iracundiam vestram. Nolite locum dare Diabolo. Qui furabatur, iam non furetur: magis autem laboret operando manibus suis, quod bonum est; ut habeat, vnde tribuat necessitatem patienti.

^{Psal. 124.} **Halleluia.** **V.** Dominus regnavit, decorem induit: induit Dominus fortitudinem, & præcinxit se virtutem;

In feriis.

^{Psal. 124.} **Halleluia.** **V.** Domine Deus meus, magnificatus es valde: Hallel.

Dominica secunda post Epiphaniam.

conualescant. Per Dominum nostrum.

Offertor. Domine conuertere, & eripe animam meam: Saluum me fac propter misericordiam tuam.

V. Miserere mei Domine; quoniam, infirmus sum: sana me Domine; quoniam turbata sunt ossa mea: Saluum me fac propter misericordiam tuam.

Dicitur: Credo.

Oratio super oblatam.

Quæsumus, Domine Deus noster: vt noxijs desiderijs expeditos, deuotionem nos tibi liberam, atque oblationem offerre concedas. Per Dominum.

Præfatio.

Aterne Deus. Ut, qui, te auctore, subsistimus, te dispensante, dirigamur: nec nostris sensibus relinquamur; sed ad rectum veritatis tuæ tramitem reducti, omni tempore studeamus exercere, quæ præcipis; vt dona possimus percipere, quæ promittis. Per Christum Dominum nostrum.

Luc. 2. Confract. Dominus Jesus, dum esset annorum duodecim, proficiebat sapientiâ, ætate, & gratiâ apud Deum, & homines.

Transit. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, sanctificationes tuas trans mitte nobis.

Oratio post Communionem.

Quæsumus, Domine Deus noster: vt, quos diuinis reparare non desinis sacramentis, tuis non destituas benignus auxilijs. Per Dominum nostrum.

In ferijs sequentibus vsque ad Quadragesimam exclusiue (nisi fiat de Sanctis) dicitur Missa de Dominica, quæ ferias illas immediatè præcesserit; sed ritu feriali; hoc est, cum Versu post Epistolam assignato pro ferijs;

& sine Gloria in excelsis, Lectione, ac Psalmello, Antiphonâ post Euangelium, & Credo. Dicit etiam possunt Missæ de ferijs, vt infra, post Commune Sanctorum distributæ.

DOMINICA II.

Post Epiphaniam.

Ingressa.



Laudi Domine, vocem meam, qua clamaui. Tibi dixit cor meum: Dominum requiram: exquisiuit te vultus meus: vultum tuum,

Domine, requiram. Ne auertas faciem tuam à me.

Gloria in excelsis Deo.

Oratio super populum.

Omnipotens sempiterne Deus, qui cœlestia simul, & terrena moderâris, supplicationes populi tui clementer exaudi: & pacem tuam nostris concede temporibus. Per Dominum.

Lectio libri Numeri.

IN diebus illis. Conuenērunt filij ^{Cap. 10.} Israel aduersum Moysen, & Aaron, & versi in seditionem dixerunt: Da nobis aquam, vt bibamus. Ingressusque Moyses, & Aaron, dimissa multitudine, in Tabernaculum foederis, corruerunt proni in terram, clamaueruntque ad Dominum, atque dixerunt: Domine Deus audi clamorem huius populi: & aperi eis thesaurum tuum, fontem aquæ viuæ; vt satiati, cesset murmuratio eorum. Et apparuit gloria Domini super eos. Locutusque est Dominus ad Moysen, dicens: Tolle virgam, & congrega populum tuum, tu, & Aaron frater tuus: & loquimini ad petram coram eis; & illa dabit aquas. Cumque eduxeris aquam de petra, bibet omnis multitudo, & iumenta eius. Tulit igitur Moyses

Dominica secunda post Epiphaniam.

51

In ferijs.

Moyſes virgam, quæ erat in conſpectu Domini, ſicut præceperat ei, congregata multitudine ante petram, dixitque eis: Audite rebelles, & increduli: Num de petra hac vobis aquam poterimus eijcere? Cumque eleuaſſet Moyſes manum, percutiens virgâ bis ſilicem; egreſſæ ſunt aquæ largiſſimæ; ita vt populus biberet, & iumenta. Dixitque Dominus ad Moyſen, & Aaron: Quia non credidiſtis mihi, vt ſanctificaretis me coram filiis Iſrael; non introducetis hos populos in terram, quam dabo eis. Hæc eſt aqua contradictionis, vbi iurgati ſunt filij Iſrael contra Dominum, & ſanctificatus eſt in eis.

Psalmell. Si ambulem in medio umbræ mortis; non timebo mala; quoniam tu mecum es.

V. Virga tua, & baculus tuus, ipſa me, Domine, conſolata ſunt.

Epistola Beati Pauli Apostoli ad Romanos.

Cap. 8. **F**ratres. Scimus, quod omnis creatura ingemiscit, & parturit vsque adhuc. Non ſolum autem illa; ſed & nos ipſi, primitias ſpiritus habentes, & ipſi intra nos gemimus adoptionem filiorum Dei, expectantes redemptionem corporis noſtri. Spe enim ſalui facti ſumus. Spes autem, quæ videtur, non eſt ſpes. Nam, quod videt quis, quid ſperat? Si autem, quod non videmus, ſperamus; per patientiam expectamus. Similiter autem & ſpiritus adiuuat infirmitatem noſtram. Nam, quid oremus ſicut oportet, nescimus; ſed ipſe ſpiritus poſtulat pro nobis gemitibus inenarrabilibus. Qui autem ſcrutatur corda, ſcit, quid deſideret ſpiritus; quia ſecundum Deum poſtulat pro ſanctis.

Psalm. **Halleluia.** **V.** Præueniamus faciem eius in confeſſione, & in psalmis iubilemus illi: Halleluia.

Hallel. **V.** Iubilate Deo omnis terra. **Psalm.** dicite nomini eius: Hallel.

Lectio sancti Evangelij secundum Ioannem.

In illo tempore. Nuptiæ facta ſunt in Cana Galilææ: & erat Mater Jeſu ibi. Vocatus eſt autem & Jeſus, & Discipuli eius ad nuptias. Et, deficiente vino, dicit Mater Jeſu ad eum: Vinum non habent. Et dicit ei Jeſus: Quid mihi, & tibi eſt, mulier? Nondum venit hora mea. Dicit Mater eius miniſtris: Quodcunque dixerit vobis, facite. Erant autem ibi lapideæ hydriæ ſex, poſitæ ſecundum purificationem Iudæorum, capientes ſingulæ metretas binas, vel ternas. Dicit eis Jeſus: Implete hydrias aqua. Et impleuerunt eas vsque ad ſummum. Et dicit eis Jeſus: Haurite nunc, & ferte Architriclino. Et tulerunt. Ut autem guſtauit Architriclinus aquam vinum factam, & non ſciebat unde eſſet (miniſtri autem ſciebant, qui hauerant aquam) vocat ſponſum Architriclinus, & dicit ei: Omnis homo primum bonum vinum ponit; & cum inebriati fuerint, tunc id, quod deterius eſt; tu autem ſeruasti bonum vinum vsque adhuc. Hoc fecit initium ſignorum Jeſus in Cana Galilææ: & manifeſtauit gloriam ſuam, & crediderunt in eum Discipuli eius.

Antiphona post Evangelium.

Nos, populus tuus, & oves gregis tui, confitebimur tibi, Deus, in ſæcula: in generatione, & progenie enarrabimus laudem tuam. **Psalm.**

Oratio super findonem.

Adeſto, quaſumus, Domine ſupplicationibus noſtris; & in tua miſericordia confidentes, ab omni noſ aduerſitate cuſtodi. Per Dominum.

Offert. Ego autem dixi in mea abundantia: Non mouebor in æternum.

E 2 Domi-

Domine, in voluntate tua præstitisti decori meo virtutem. Domine, clamaui ad te, & sanasti me.

Dicitur: Credo.

Oratio super oblatam.

Oblata Domine munera sanctifica: nosque per hæc à peccatorum nostrorum maculis emunda. Per Dñm.

Præfatio.

Æterne Deus; Semperque virtutes, & laudes tuas labijs exultationis effari. Qui nobis, ad reuelandos istius vitæ labores, diuersa donorum, tuorum solatia, & munerum salutaria gaudia contulisti, mittendo nobis Jesum Christum, Dñm nostrum. Per quem.

Confractor. **V**oce mea ad Dominum clamaui; & exaudiuit me de monte sancto suo. Non timebo millia populi circumdantis me.

Transit. **M**ysterium magnum factum est in Babylonia: vt caminus extingueretur, tribus Pueris exultantibus, & dicentibus: Benedictus, qui venit in nomine Domini.

Oratio post Communionem.

Augeatur in nobis, Domine, quæsumus, tuæ virtutis operatio: vt diuinis vegetati sacramentis, ad eorum promissa capienda tuo munere præparemur. Per Dominum.

DOMINICA III.

Post Epiphaniam.

Ingressa.



Respice in me, & miserere mei, Domine; quoniam vnicus, & pauper sum ego. Vide humilitatem meam, & laborem meum; & dimitte omnia peccata mea, Deus meus.

Gloria in excelsis Deo.

Oratio super populum.

Omnipotens sempiternus Deus, infirmitates nostras propitius

respice: atque ad protegendum nos dexteram tuæ Maiestatis extende. Per Dominum.

Lectio Ezechiélis Prophetæ.

Hæc dicit Dominus Deus. Ecce ego assumam filios Israel de medio nationum, ad quas abiérunt: & congregabo eos vndique, & adducam eos ad humum suam. Et faciam eos in gentem vnā in terra in montibus Israel: & rex vnus erit omnibus imperans. Et non erunt vltra duæ gentes, nec diuidentur amplius in duo regna. Neque polluentur vltra in idolis suis, & abominationibus suis, & cunctis iniquitatibus suis: & saluos eos faciam de vniuersis sedibus, in quibus peccauerunt: & emundabo eos & erunt mihi populus, & ego ero eis Deus: & seruus meus Dauid, Rex super eos, & Pastor vnus erit omnium eorum. In iudicijs meis ambulabunt, & mandata mea custodient, & facient ea. Et habitabunt super terram, quam dedi seruo meo Iacob, in qua habitauerunt Patres vestri: & habitabunt super eam ipsi, & filij eorum, & filij filiorum eorum, vsque in sempiternum: & Dauid, seruus meus, Princeps eorum, in perpetuum. Et percutiam illis fœdus pacis: pactum, sempiternum erit eis. Et fundabo eos, & multiplicabo, & dabo sanctificationem meam in medio eorum in perpetuum. Dicit Dominus omnipotens.

Psal. Oculi mei semper ad Dominum; quia ipse euellet de laqueo pedes meos.

V. Respice in me, & miserere mei; quoniam vnicus, & pauper sum ego.

Epistola Beati Pauli Apostoli ad Galatas.

Fratres. Si viuimus spiritu; spiritus tu & ambulemus. Non efficiamur

Dominica tertia post Epiphaniam.

53

^{Cap.} mur inanis gloriæ cupidi, inuicem,
^{6.} prouocantes, inuicem inuidentes. Et,
si præoccupatus fuerit homo in aliquo
delicto; vos, qui spirituales estis, hu-
iusmodi instruite in spiritu lenitatis;
considerans te ipsum, ne & tu tenté-
ris. Alter alterius onera portate; &
sic adimplebitis legem Christi. Nam
si quis existimat se aliquid esse, cum
nihil sit; ipse se seducit. Opus autem
suum probet vnusquisque; & sic in
semetipso tantum gloriam habebit,
& non in altero. Unusquisque enim
onus suum portabit. Communicet au-
tem is, qui catechizatur verbo, ei, qui
se catechizat in omnibus bonis.

^{Psal.} ^{94.} Halleluia. **V.** Venite: exultemus
Domino, iubilemus Deo Salutari no-
stro: Halleluia.

In ferijs.

^{Psal.} ^{89.} Halleluia. **V.** Domine, refugium,
factus es nobis à generatione, & pro-
genie: Halleluia.



Lectio sancti Euangelij
secundum Ioannem.

^{Cap.} ^{4.} **I**N illo tempore. Venit Dominus
Jesús iterum in Cana Galilææ, vbi
fecit aquam vinum. Et erat quidam
Regulus, cuius filius infirmabatur Ca-
pharnaum. Hic cum audisset, quia
Jesús adueniret à Iudæa in Galilæam;
abiit ad eum; & rogabat eum, vt de-
scenderet, & sanaret filium eius: inci-
piebat enim mori. Dixit ergo Jesús
ad eum: Nisi signa, & prodigia vide-
ritis, non creditis. Dicit ad eum Re-
gulus: Domine descende prius, quàm
moriatur filius meus. Dicit ei Jesús:
Vade, filius tuus viuit. Credidit ho-
mo sermoni, quem dixit ei Jesús, &
ibat. Iam autem eo descendente,
serui occurrerunt ei, & nunciauerunt
dicentes, quia filius eius viueret. In-
terrogabat ergò horam ab eis, in qua
melius habuerit. Et dixerunt ei, quia
heri horâ septimâ, reliquit eum fe-

bris. Cognouit ergo pater, quia illa
hora erat, in qua dixit ei Jesús, Filius
tuus viuit; & credidit ipse, & domus
eius tota. Hoc iterum secundum si-
gnum fecit Jesús, cum venisset à Iu-
dæa in Galilæam.

Antiphona post Euangelium.

Obscramus, Domine, vt gradiaris ^{Exo.}
nobiscum, & auferas iniquitates no- ^{34.}
stras, atque peccata, & nos possideas.

Oratio super sindonem.

Vox clamantis Ecclesiæ, quæsu-
mus, Domine, ad aures tuæ Ma-
iestatis ascendat: vt, perceptâ veniâ
peccatorum, te fiat operante deuota,
& te protegente secura. Per Domi-
num nostrum.

Offertor. Exaudi Domine iustitiam, ^{Psal.}
meam: intende deprecationem meam. ^{16.}
Mirifica misericordias tuas, qui saluos
facis sperantes in te, Domine.

Dicitur: Credo.

Oratio super oblatam.

Hæc Hostia, Domine, quæsumus,
emundet nostra delicta: & ad
sacrificium celebrandum, subditorum
tibi corpora, mentesque sanctificet.
Per Dominum nostrum.

Præfatio.

Æterne Deus: Et te in omni tem-
pore collaudare, & benedice-
re. Quia in te viuimus, mouemur, &
sumus: & nullum tempus, nullumque
momentum est, quod à beneficijs pie-
tatis tuæ vacuum transigamus. Varijs
etenim solemnitatum causis, saluta-
rium nobis operum ac munerum tuo-
rum memoria, præsentis vitæ tempo-
ra exornat. Unde & nos, vel in-
nouantes præteriti gaudij significatio-
nem, vel permanentis boni tempus
agnoscentes, perennes Maieitati tuæ
grates exoluimus. Per Christum Do-
minum nostrum.

Confract. Illumina faciem tuam su- ^{Psal.}
per seruum tuum: & saluum me fac ^{30.}

in tua misericordia. Domine, non confundar; quoniam inuocaui te.

Transitor. Lætamini iusti: cœli exultate: iucundate montes, Christo genito. Virgo sedebat, Cherubim imitans, in gremio portans Dei Verbum incarnatum. Pastores Stellam mirantur: Magi Domino munera offerunt: Angeli Saluatorem adorantes, clamant: Incomprehensibilis Domine, gloria tibi.

Oratio post Communionem.

Quos tantis, Domine, largiris re-
fici salutaribus mysterijs, quæ-
sumus: vt effectibus nos eo-
rum veraciter aptare digneris. Per
Dominum nostrum.

DOMINICA IV.

Post Epiphaniam.

Ingressa.



Ereant omnes inimici
tui, Domine. Qui au-
tem diligunt te, sicut
sol in ortu suo fulget,
ita rutilent.

Gloria in excelsis Deo.

Oratio super populum.

Conserua, quæsumus, Domine,
familiam tuam; & benedictio-
num tuarum propitius vbertate pu-
rifica: vt eruditionibus tuis semper
multiplicetur, & donis. Per Domi-
num nostrum.

Lectio Ieremiæ Prophetæ.

Hæc dicit Dominus Deus. Ecce
dies venient: & suscitabo ver-
bum bonum, quod locutus sum ad
domum Israel, & ad domum Iuda.
In diebus illis, & in tempore illo ger-
minare faciam David germen iusti-
tiæ; & faciet iudicium, & iustitiam in
terra. In diebus illis saluabitur Iuda,
& Ierusalem habitabitur confidenter.
Et hoc est nomen, quod vocabunt
eum: Dominus iustus noster. Quia

hæc dicit Dominus: Non interibit de
David vir, qui sedeat super thronum
domus Israel: & de Sacerdotibus, &
de Leuitis non interibit vir à facie
mea, qui offerat holocausta, & in-
cendat sacrificium, & cædat victimas,
omnibus diebus. Et factum est ver-
bum Domini ad Ieremiam, dicens:
Hæc dicit Dominus: Si irritum potest
fieri pactum meum cum die, & pa-
ctum meum cum nocte, vt non fit
dies, & nox in tempore suo; & pactum
meum irritum esse poterit cum Da-
uid seruo meo, vt non sit ex eo filius,
qui regnet in throno eius, & Leuitæ,
& Sacerdotes, ministri mei. Sicut
enumerari non possunt stellæ cœli,
& metiri arenæ maris; sic multiplica-
bo semen David serui mei, & Leui-
tas, ministros meos.

Psalmsell. I acta cogitatum tuum in-
Dominum; & ipse te enutriet. Dum
clamarem ad Dominum, exaudiuit
vocem meam ab his, qui oderunt me.

**Epistola Beati Pauli Apostoli
ad Colossenses.**

Fratres. Gratias agimus Deo, &
Patri Domini nostri, Jesu Chri-
sti, semper pro vobis orantes: audien-
tes fidem vestram in Christo Jesu, &
dilectionem, quam habetis in sanctos
omnes propter spem, quæ reposita
est vobis in cœlis, quam audistis in
verbo veritatis Euangelij: quod per-
uenit ad vos, sicut & in vniuerso mun-
do est, & fructificat, & crescit, sicut
in vobis, ex ea die, qua audistis, &
cognouistis gratiam Dei in veritate:
sicut didicistis ab Epaphra, charissi-
mo conseruo nostro, qui est fidelis
pro vobis minister Christi Jesu, qui
etiam manifestauit nobis dilectionem
vestram in spiritu. Ideo & nos, ex
qua die audiuius, non cessamus pro
vobis orantes, & postulantes, vt im-
pleamini agnitione voluntatis eius,
in

Dominica quarta post Epiphaniam.

55

in omni sapientia, & intellectu spiritali: vt ambuletis dignè Deo, per omnia placentes, in omni opere bono fructificantes, & crescentes in scientia Dei: in omni virtute confortati secundum potentiam claritatis eius, in omni patientia, & longanimitate cum gaudio.

Hallelùiah. *Ps.* **V.** Dominus regnavit, decorem induit: induit Dominus fortitudinem, & præcinxit se virtutem: **Hallelùiah.**

In ferijs

Hallelùiah. *Ps.* **V.** Domine Deus meus, magnificatus es valde: **Hallel.**



Lectio sancti Evangelij
secundum Ioannem.

IN illo tempore. Dixit Dominus Iesus Nicodemo: Sic Deus dilexit mundum, vt Filium suum vnigenitum daret: vt omnis, qui credit in eum, non pereat, sed habeat vitam æternam. Non enim misit Deus Filium suum in mundum, vt iudicet mundum, sed vt saluetur mundus per ipsum. Qui credit in eum, non iudicatur. Qui autem non credit, iam iudicatus est; quia non credit in nomine vnigeniti Filij Dei. Hoc est autem iudicium; quia Lux venit in mundum; & dilexerunt homines magis tenebras, quàm Lucem. Erant enim eorum mala opera. Omnis enim, qui malè agit, odit lucem; & non venit ad lucem, vt non arguantur opera eius. Qui autem facit veritatem, venit ad lucem, vt manifestentur opera eius; quia in Deo sunt facta.

Antiphona post Euangelium.

Quiescat ira tua, Domine, & esto placibilis super nequitiam populi tui; sicut iurasti per te ipsum, Deus.

Oratio super sindonem.

Familiam tuam, quæsumus, Domine, dextera tua perpetuo circundet auxilio: & ab omni prauitate

defensam bonis cœlestibus prosequatur. Per Dominum.

Offert. Deus firmavit orbem terræ, qui non commouebitur: parata sedes tua, Deus. Ex tunc à sæculo tu es: **Hallelùiah.**

V. Dominus regnavit, decorem induit: induit Dominus fortitudinem, & præcinxit se virtutem. Ex tunc à sæculo tu es: **Hallel.**

Dicitur: Credo.

Oratio super oblatam.

Concede, quæsumus, omnipotens Deus: vt huius sacrificij munus oblatum fragilitatem nostram ab omni malo purget semper, & muniat. Per Dominum.

Præfatio.

Æterne Deus. Quia tu, in nostra semper faciens infirmitate virtutem, Ecclesiam tuam inter aduersa crescere tribuisti: vt, cum putaretur oppressa, tunc potius exaltata præualeret; dum simul & experientiam fidei declarat afflictio; & triumphatrix semper perseuerat, te adiuuante, deuotio. Per Christum.

Confractor. Introibo ad altare Dei: ad Deum, qui lætificat iuventutem meam. *Ps.*

Transit. Te laudamus, Domine omnipotens: qui sedes super Cherubim, & Seraphim. Quem benedicunt Angeli, & Archangeli: & laudant Prophetæ, & Apostoli. Te laudamus, Domine, orando: qui venisti peccata soluendo. Te deprecamur magnum Redemptorem, quem Pater misit ouium Pastorem. Tu es Christus Dominus, Saluator: qui de Mariâ Virgine es natus. Hunc sacrosanctum Calicem fumentes ab omni culpa libera nos semper.

Oratio post Communionem.

Quæsumus, Domine Deus noster: vt, quos diuinis reparare non desi-


definis sacramentis, tuis non destituas
benignus auxilijs. Per Dominum.

DOMINICA V.

Post Epiphaniam.

Ingressa.

Psal.
118.



Mandata tua, Domine, fecerunt me, & plasmauerunt me: da mihi intellectum, vt discam mandata tua; quia concupiui Salutare tuum; & lex tua meditatio mea est.

Gloria in excelsis Deo.

Oratio super populum.

Familiam tuam, quæsumus, Domine, continua pietate custodi: vt, quæ in sola spe gratiæ cœlestis innitur, tua semper protectione muniat. Per Dominum.

Lectio Malachiæ Prophetæ.

Cap. 1. **H**æc dicit Dominus Deus. Reuertimini ad me, & reuertar ad vos. Et dixistis: In quo reuertemur? Si affliget homo Deum; quia vos configitis me? Et dixistis: In quo configimus te? In decimis, & in primitijs. Et in penuria vos maledicti estis: & me vos configitis gens tota. Inferte omnem decimam in horreum: & sit cibus in domo mea: & probate me super hoc, dicit Dominus; si non aperuero vobis cataractas cœli; & effude ro vobis benedictionem, vsque ad abundantiam. Et increpabo pro vobis deuorantem; & non corrumpet fructum terræ vestræ; nec erit sterilis vinea in agro: dicit Dominus exercituum. Et beatos vos dicent omnes gentes. Eritis enim vos terra desiderabilis. Dicit Dominus exercituum.

Psal.
89.

Psal. 89. **Psal. 89.** Conuertere, Domine, aliquantulum: & deprecabilis esto super seruos tuos.

Ps. 89. Domine Deus, refugium factus es nobis à generatione, & progenie.

Epistola Beati Pauli Apostoli ad Romanos.

Fratres. Nemini quidquam debeat, nisi vt inuicem diligatis. Qui enim diligit proximum, Legem impleuit. Nam; Non adulterabis, Non occides, Non furaberis, Non falsum testimonium dices, Non concupisces; & si quod est aliud mandatum; in hoc verbo instauratur: Diliges proximum tuum, sicut te ipsum. Dilectio proximi malum non operatur. Plenitudo ergo Legis est dilectio. **Halleluia.** *Ps. 94.* Præueniamus faciem eius in confessione: & in psalmis iubilemus illi; Halleluia.

In ferijs.

Halleluia. *Ps. 65.* Iubilare Deo omnis terra: psalmum dicite nomini eius: Halleluia.



Lectio sancti Euangelij secundum Lucam.

In illo tempore. Assumptis Dominus Jesus Discipulis suis, secessit seorsum, in locum desertum, qui est Bethsaidæ. Quod cum cognouissent turbæ; secutæ sunt illum: & excēpit eos, & loquebatur illis de Regno Dei: & eos, qui cura indigebant, sanabat. Dies autem cœperat declinare. Et accedentes Duodecim, dixerunt illi: Dimitte turbas; vt euntes in castella, villasque, quæ circa sunt, diuertant, & inueniant escas, quia hic in loco deserto sumus. Ait autem ad illos: Vos date illis manducare. At illi dixerunt: Non sunt nobis plusquàm quinque panes, & duo pisces; nisi fortè noseamus, & emamus in omnem hanc turbam escas. Erant autem ferè viri quinque millia. Ait autem ad Discipulos suos: Facite illos discumbere per conuiuia quinquagenos. Et ita fecerunt: & discumbere fecerunt omnes. Acceptis autem quinque panibus, & duobus piscibus, respexit in cœlum,

&

Dominica sexta post Epiphaniam.

87.

& benedixit illis, & fregit, & distribuit Discipulis suis, vt ponerent ante turbas. Et manducauerunt omnes, & saturati sunt. Et sublatum est, quod superfuit illis, fragmentorum cophini duodecim.

Antiphona post Euangelium.

Exo. 34. Obsecramus, Domine, vt, gradiaris nobiscum, & auferas iniquitates nostras, atque peccata, & nos possideas.

Oratio super sindonem.

Conserua populum tuum Domine, & tuo nomini fac deuotum: vt diuinis subiectus officijs, & temporalia vtiliter, & æterna dona percipiat. Per Dominum nostrum.

Ps. 86. **Offertor.** Exaudi Domine iustitiam meam; intende deprecationem meam. Mirifica misericordias tuas, qui saluos facis sperantes in te, Domine.

Dicitur. Credo.

Oratio super oblatam.

Hostias tibi, Domine, placationis offerimus: vt & delicta nostra miseratus absoluas, & nutantia corda dirigas. Per Dominum nostrum.

Præfatio.

Æterne Deus: Maiestatem tuam suppliciter deprecantes: vt, qui rei sumus meritis, non efficiamur nostrâ duritiâ contumaces. Per Christum.

Exa. 30. **Confract.** Illumina faciem tuam super seruum tuum: & saluum me fac in tua misericordia. Domine, non confundar; quoniam inuocaui te.

Transit. Lætamini iusti, cœli exultate, iucundâte montes, Christo genito. Virgo sedebat, Cherubim imitans, in gremio portans Dei Verbum incarnatum. Pastores stellam mirantur: Magi Domino munera offerunt: Angeli, Saluatorem adorantes, clamant: Incomprehensibilis Domine, gloria tibi.

Oratio post Communionem.

Quæsumus, omnipotens Deus: vt illius Salutaris capiamus effectum, cuius per hæc mysteria pignus accepimus. Per Dominum.

DOMINICA VI.

Post Epiphaniam.

Hæc semper Missa celebratur Dominicâ Septuagesimam proximè præcedente.

Ingressa.



Manus tuæ, Domine, fecerunt me, & plasmauerunt me: da mihi intellectum; vt discam mandata tua; quia concupiui Salutare tuum, & lex tua meditatio mea est.

Gloria in excelsis Deo.

Oratio super populum.

Omnipotens sempiterne Deus, dirige actus nostros in beneplacito tuo: vt in nomine dilecti Filij tui mereamur bonis operibus abundare. Per eundem Dominum nostrum.

Lectio Malachiæ Prophetæ.

Hæc dicit Dominus Deus. Inuoluérunt super me verba vestra. Et dixistis: Quid locuti sumus contra te? Dixistis: Vanus est, qui seruit Deo: Et quod emolumentum; quia custodiuius præcepta eius; & quia ambulauimus tristes coram Domino exercituum? Ergo nunc beatos dicimus arrogantes. Siquidem ædificati sunt facientes impietatem; & tenterunt Deum; & salui facti sunt. Tunc locuti sunt timentes Dominum, vnusquisque cum proximo suo. Et attendit Dominus, & audiuit: & scriptus est liber monumenti coram eo timentibus Dominum, & cogitantibus nomen eius. Et erunt mihi, ait Dominus exercituum, in die, qua ego facio, in peculium: & parcam.

parcam eis, sicut parcat vir filio suo
seruienti sibi Et conuertemini: & vide-
bitis, quid sit inter iustum, & impium, &
inter seruientem Deo, & non seruien-
tem ei. Dicit Dominus omnipotens.

^{psal.} **Psalm.** Conuertere, Domine, aliquan-
^{89.} tulum, & deprecabilis esto super ser-
uos tuos. Domine Deus, refugium fac-
tus es nobis à generatione, & progenie.

Epistola Beati Pauli Apostoli
ad Colossenses.

^{car.} **F**ratres. Volo vos scire, qualem
^{2.} sollicitudinem habeam pro vo-
bis, & pro ijs, qui sunt Laodiciæ,
& quicumque non viderunt faciem
meam in carne; vt consolentur cor-
da ipsorum, instructi in charitate, &
in omnes diuitias plenitudinis intel-
lectus, in agnitionem mysterij Dei
Patris, & Christi Jesu: in quo sunt om-
nes thesauri sapientiæ, & scientiæ ab-
sconditi. Hoc autem dico, vt nemo
vos decipiat in sublimitate sermo-
num. Nam etsi corpore absens sum;
sed spiritu vobiscum sum gaudens,
& videns ordinem vestrum, & firma-
mentum eius, quæ in Christo est, fi-
dei vestræ. Sicut ergo accepistis Je-
sum Christum Dominum nostrum;
in ipso ambulate, radicati, & super-
ædificati in ipso, & confirmati in fide.

^{psal.} **Halleluia.** **V.** Venite: exultemus
^{94.} Domino: iubilemus Deo Salutari no-
stro: Halleluia.

In ferijs.

^{psal.} **Halleluia.** **V.** Domine, refugium
^{89.} factus es nobis à generatione, & pro-
genie: Halleluia.



Lectio sancti Euangelij
secundum Matthæum.

^{mat.} **I**n illo tempore. Accessit ad Do-
^{17.} minum Iesum homo, genibus pro-
uolutus ante eum, dicens: Domine,
miserere filio meo; quia lunaticus est,
& malè patitur; nam sæpe cadit in
ignem, & crebrò in aquam; & obtuli

eum Discipulis tuis; & non potuerunt
curare eum. Respondens autem Je-
sus ait: O generatio incredula, & per-
uersa, quousque ero vobiscum? Us-
quequo patiar vos? Afferte huc il-
lum ad me. Et increpauit illum Iesus;
& exijt ab eo Dæmonium; & cura-
tus est puer ex illa hora. Tunc acces-
serunt Discipuli ad Iesum secreto, &
dixerunt: Quare nos non potuimus
eicere illum? Dixit illis Iesus: Prop-
ter incredulitatem vestram. Amen,
quippe dico vobis: Si habueritis fi-
dem, sicut granum sinapis; dicetis
monti huic: Transi hinc illuc; & tran-
sibit; & nihil impossibile erit vobis.
Hoc autem genus non eicitur, nisi per
orationem, & ieiunium.

Antiphona post Euangelium.

Domine, Domine, omnium creator,
terribilis, & fortis, iustus, & miseri-
cors, solus, & bonus: qui solus præ-
stas, congrega dispersionem nostram.

Oratio super sindonem.

Propitiare, misericors Deus, sup-
plicationibus nostris, & populum
tuum pia protectione custodi: vt,
qui Unigenitum tuum in carne no-
stri corporis Deum natum esse faten-
tur, nulla possint Diaboli falsitate
corrumpi. Per eundem Dominum.

Offertor. Si oblitus fuero tui, Ierusa-
lem; obliuiscatur me dextera mea.
Adhæreat lingua mea faucibus meis;
si non meminero tui, Ierusalem.

Dicitur: Credo.

Oratio super oblatam.

Concede, quæsumus, Domine:
vt oculis tuæ Maiestatis munus
oblatum, & gratiam nobis deuotio-
nis obtineat, & effectum perennitatis
acquirit. Per Dominum.

Præfatio.

Æterne Deus: Et tibi sacrosan-
ctam hanc Hostiam immola-
re: quæ salutifero, & ineffabili diui-
næ

Dominica in Septuagesima.

59

Lectio Ioélis Prophetæ.

Hæc dicit Dominus Deus: ^{Cap}Conuertimini ad me in toto corde vestro, in ieiunio, & in fletu, & in planctu: & scindite corda vestra, & non vestimenta vestra. Et conuertimini ad Dominum Deum vestrum; quia benignus, & misericors est, patiens, & multæ misericordiæ, & præstabilis super malitiâ. Quis scit, si conuertatur, & ignoscat, & relinquat post se benedictionem, sacrificium, & libâmen Domino Deo nostro? Canite tubâ in Sion, sanctificate ieiunium, vocate cœtum, congregate populum, sanctificate Ecclesiam, coadunate senes, congregate paruulos, & fugentes vbera: egrediatur sponsus de cubili suo, & sponsa de thalamo suo. Inter vestibulum, & altare, plorabunt Sacerdotes ministri Domini, & dicent: Parce Domine, parce populo tuo: & ne des hæreditatem tuam in opprobrium, vt dominantur eis nationes. Quare dicunt in populis: Ubi est Deus eorum? Zelatus est Dominus terram suam, & pepercit populo suo: Et respondit Dominus, & dixit populo suo. Ecce ego mittam vobis frumentum, & vinum, & oleum: & replebimini eis: & non dabo vos vltra opprobrium in gentibus. Et eum, qui ab Aquilone est, procul faciam à vobis: & expellam eum in terram inuiam, & desertam, faciem eius contra mare orientale, & extremum eius ad mare nouissimum: & ascendet foetor eius, & ascendet putredo eius; quia superbe egit. Noli timere terra: exulta, & lætare; quoniam magnificauit Dominus, vt faceret.

Psalmell. Domine, refugium factus es nobis à generatione, & progenie. ^{Pla}
V. Priusquam montes fierent, aut firmaretur orbis terræ, à sæculo, & usque in sæculum tu es, Domine.

Episto

ne gratiæ sacramento offertur à plurimis; & vnum Christi Corpus Sancti Spiritus infusione efficitur. Singuli accipiunt Christum Dominum, & in singulis portionibus est totus; nec per singulos minuitur, sed integrum se præbet in singulis. Propterea ipsi, qui sumimus communionem huius sancti Panis, & Calicis, vnum corpus efficimur. Per ipsius itaque Maiestatem te supplices exoramus: vt nos ab omnibus emundes contagijs vetustatis: & in nouitate vitæ perseuerare concedas. Per eundem.

^{Psalm.} **Confract.** Vouête, & reddite Domino Deo nostro omnes, qui in circuitu eius offertis munera: terribili; & ei, qui aufert spiritum Principum: terribili apud Reges terræ.

Transit. Conuertimini filij hominum, dum habetis tempus, dicit Dominus: & ego scribam nomina vestra in libro Patris mei, qui est in cœlis.

Oratio post Communionem.

Per huius, Domine, operationem mysterij, & vitia nostra purgentur: & iusta desideria compleantur. Per Dominum.

DOMINICA

In Septuagesima.

Ingressa.

^{1er.} ^{29.} **D**icit Dominus: Ego cogito cogitationes pacis, & non afflictionis. Inuocabitis me; & ego exaudiam vos; & reducam captiuitatem vestram de cunctis locis.

Gloria in excelsis Deo.

Oratio super populum.

Preces populi tui, quæsumus, Domine, clementer exaudi: vt, qui iuste pro peccatis nostris affligimur, pro tui nominis gloria misericorditer liberemur. Per Dominum nostrum.

Epistola Beati Pauli Apostoli
ad Corinthios prima.

Fratres. Nescitis, quod ij, qui in
stadio currunt, omnes quidem,
currunt, sed vnus accipit brauium?
Sic currite, vt comprehendatis. Om-
nis autem, qui in agone contendit,
ab omnibus se abstinere: & illi quidem,
vt corruptibilem coronam accipiant;
nos autem incorruptam. Ego igitur
sic curro, non quasi in incertum: sic
pugno, non quasi aerem verberans;
sed castigo corpus meum, & in serui-
tutem redigo; ne forte, cum alijs præ-
dicauerim, ipse reprobus efficiar. No-
lo enim vos ignorare, fratres, quo-
niam Patres nostri omnes sub nube
fuerunt, & omnes mare transierunt,
& omnes in Moyse baptizati sunt in
nube, & in mari, & omnes eandem
escam spiritalem manducauerunt, &
omnes eundem potum spiritalem bi-
berunt. Bibebant autem de spiritali
consequente eos petra: petra autem
erat Christus.

Halleluia. **V.** Venite: exultemus
Domino: iubilemus Deo Salutari no-
stro: Halleluia.

Lectio sancti Euangelij
secundum Matthæum.

In illo tempore. Locutus est Do-
minus Jesus Discipulis suis para-
bolam hanc. Simile est Regnum Cœ-
lorum homini patrifamilias, qui exijt
primo mane conducere operarios in
vineam suam. Conuentione autem
facta cum operarijs ex denario diur-
no, misit eos in vineam suam. Et
egressus circa horam tertiam, vidit
alios stantes in foro otiosos, & dixit
illis: Ite & vos in vineam meam; &
quod iustum fuerit, dabo vobis. Illi
autem abierunt. Iterum autem exijt
circa sextam, & nonam horam, & fe-
cit similiter. Circa vndecimam verò
exijt, & inuenit alios stantes, & dicit

illis: Quid hic statis tota die otiosi?
Dicunt ei: Quia nemo nos conduxit.
Dicit illis: Ite & vos in vineam meam.
Cum serò autem factum esset, dicit
dominus vineæ procuratori suo: Vo-
ca operarios, & redde illis mercedem,
incipiens à nouissimis vique ad pri-
mos. Cum venissent ergo, qui circa
vndecimam horam venerant; acce-
perunt singulos denarios. Venientes
autem & primi, arbitrati sunt, quod
plus essent accepturi; acceperunt au-
tem & ipsi singulos denarios. Et ac-
cipientes murmurabant aduersus pa-
tremfamilias, dicentes: Hi nouissimi
vnâ horâ fecerunt; & pares illos no-
bis fecisti, qui portauimus pondus
diei, & æstus. At ille respondens vni
eorum dixit: Amice, non facio tibi
iniuriam. Nonne ex denario conue-
nisti mecum? Tolle, quod tuum est,
& vade: volo, autem & huic nouissi-
mo dare, sicut & tibi. Aut non licet
mihi, quod volo, facere? An oculus
tuus nequam est, quia ego bonus sum?
Sic erunt nouissimi primi, & primi
nouissimi. Multi enim sunt vocati;
pauci verò electi.

Antiphona post Euangelium.

Custodi, Deus, portionem tuam, &
sanctifica. Domine, congrega disper-
sionem nostram: libera eos, qui ser-
uiunt gentibus; vt sciant omnes, quia
tu es Deus noster.

Oratio super findonem.

Familiam tuam, quæsumus, Do-
mine, continua pietate custodi:
vt, quæ in sola spe gratiæ cœlestis in-
nititur, tua semper protectione mu-
niatur. Per Dominum nostrum.

Offert. Portio mea es tu, Domine:
dixi custodire legem tuam. Depre-
catus sum faciem tuam, Domine, de
toto corde meo, dum dilatâres cor
meum.

Dicitur: Credo.

Ora-

Dominica in Sexagesima.

61

Oratio super oblatam.

Hostias, quæsumus, Domine, nostræ deuotionis benignus assume: & sacrificijs gloriosis subditorum tibi corda purifica. Per Dominum.

Præfatio.

Æterne Deus. Ad cuius immensam pertinet gloriam: vt non solum mortalibus tua Deitate succurreres; sed & de ipsa etiam mortalitate nostra nobis remedium prouideres; & perditos quosque, vnde perierant, inde saluares. Per Christum, Dominum nostrum.

Psal. 7. **Confract.** Domine Deus meus, in te speraui; libera me ab omnibus persequentibus me, & eripe me.

Transit. **C**onuertimini omnes simul ad Deum mundo corde, & animo, in oratione, ieiunijs, & vigilijs multis. Fundite preces vestras cum lachrymis: vt deleatis chirographa peccatorum vestrorum, priusquam vobis repentinus superueniat interitus; ante quàm vos profundum mortis absorbeat: & cum Creator noster aduenerit, paratos nos inueniat.

Oratio post Communionem.

Fideles tui, Deus, per tua dona firmentur: vt eadem & percipiendo requirant, & quærendo sine fine percipiant. Per Dominum.

DOMINICA In Sexagesima.

Ingressa.

Quis loquetur potentias Domini: auditas faciet omnes laudes eius? Memor fuit in sæculum verbi, quod mandauit in mille generationes: statuit illud Iacob in præceptum, & Israel in testamentum æternum.

Gloria in excelsis Deo.

Oratio super populum.

Auxiliare, Domine, populo tuo: vt, sacræ deuotionis proficiens incrementis, & tuo semper munere gubernetur, & ad redemptionis æternæ perueniat, te deducente, consortium. Per Dominum nostrum.

Lectio Ezechiélis Prophetæ.

In diebus illis. Factum est verbum ^{Cap. 33.} Domini ad me dicens: Fili hominis, speculatorem dedi te domui Israel. Audiens ergò ex ore meo sermonem, annunciabis eis ex me. Si, me dicente ad impium: Impie, morte morieris, non fueris locutus, vt se custodiat impius à via sua: ipse impius in iniquitate sua morietur, sanguinem autem eius de manu tua requiram. Si autem, annunciante te, ad impium, vt à vijs suis conuertatur, non fuerit conuersus à via sua; ipse in iniquitate sua morietur; porro tu animam tuam liberaisti. Tu ergo fili hominis dic ad domum Israel: Sic locuti estis, dicentes: Iniquitates nostræ, & peccata nostra super nos sunt, & in ipsis nos tabescimus: quomodo ergo viuere poterimus? Dic ad eos: Viuo ego, dicit Dominus Deus: Nolo mortem impij; sed, vt conuertatur impius à via sua, & viuat. Conuertimini, conuertimini à vijs vestris pessimis. Dicit Dominus omnipotens.

Psalmell. **P**eccauimus cum patribus nostris, iniuste egimus, iniquitatem fecimus; miserere nobis, Domine. ^{Psal. 105.}

¶. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

Fratres. Quis militat suis stipendijs vnquam? Quis plantat vineam, & de fructu eius non edit? Quis pascit gregem, & de lacte gregis non manducat? Nunquid secundum

F

dum



dum hominem hæc dico? An & Lex hæc non dicit? Scriptum est enim in Lege Moyfi: Non alligabis os bovi trituranti. Nunquid de bobus cura est Deo? An propter nos utique hæc dicit? Nam propter nos scripta sunt. Quoniam debet in spe, qui arat arare, qui triturat, in spe fructus percipiendi. Si nos vobis spiritualia seminavimus: magnum est, si nos vestra carnalia metamus? Si alij potestatis vestrae participes sunt; quare non potius nos? Sed non vfi sumus hac potestate; sed omnia sustinemus, ne quod offendiculum demus Evangelio Christi.

^{Psalm.}
^{92.} **H**alleluia. **V.** Dominus regnavit, decorem induit: induit Dominus fortitudinem, & præcinxit se virtutem: Halleluia.



Lectio sancti Evangelij
secundum Matthæum.

^{Cap.}
^{13.} **I**N illo tempore. Locutus est Dominus Jesus parabolam hanc ad turbas, & ad Discipulos suos, dicens: Ecce exijt, qui seminat, seminare semen suum. Et dum seminat, quædam ceciderunt secus viam: & venerunt volucres cœli, & comederunt ea. Alia autem ceciderunt in petrôsa, ubi non habebant terram multam: & continuo exorta sunt; quia non habebant altitudinem terræ: sole autem orto, æstuauerunt: &, quia non habebant radicem, aruerunt. Alia autem ceciderunt in spinas: & creuerunt spinæ, & suffocauerunt ea. Alia autem ceciderunt in terram bonam: & dabant fructum, aliud centesimum, aliud sexagesimum, aliud trigesimum. Qui habet aures audiendi, audiat. Et accedentes Discipuli, dixerunt ei: Quare in parabolis loqueris eis? Qui respondens, ait illis: Quia vobis datum est nosse mysteria Regni cœlorum; illis autem non est datum. Qui

enim habet, dabitur ei, & abundabit: qui autem non habet, &, quod habet, auferetur ab eo. Ideo in parabolis loquor eis; quia videntes non vident, & audientes non audiunt, neque intelligunt; ut adimpleatur in eis prophetia Isaia dicentis: Auditum audietis, & non intelligetis: & videntes videbitis, & non videbitis. Incrassatum est enim cor populi huius; & auribus grauerunt audierunt; & oculos suos clauferunt, ne quando videant oculis, & auribus audiant, & corde intelligant, & convertantur, & sanem eos. Vestri autem beati oculi; quia vident: & aures vestrae; quia audiunt. Amen quippe dico vobis, quia multi Prophetæ, & iusti cupierunt videre, quæ videtis; & non viderunt: & audire, quæ auditis; & non audierunt. Vos ergo audite parabolam seminantis. Omnis, qui audit verbum Regni, & non intelligit: venit Malus, & rapit, quod seminatum est in corde eius: hic est, qui secus viam seminatus est. Qui autem super petrôsa seminatus est: hic est, qui verbum audit, & continuo cum gaudio accipit illud; non habet autem in se radicem, sed est temporalis; facta autem tribulatione, & persecutione propter verbum, continuo scandalizatur. Qui autem seminatus est in spinis: hic est, qui verbum audit; & sollicitudo sæculi istius, & fallacia diuitiarum suffocat verbum, & sine fructu efficitur. Qui verò in terram bonam seminatus est: hic est, qui audit verbum, & intelligit, & fructum affert, & facit, aliud quidem centesimum; aliud autem sexagesimum; aliud verò trigesimum.

Antiphona post Euangelium.

Orémus ad Deum mundo corde, & animo cupienti, dum ad vsque donet pacem, & exaudiat preces nostras, & reconciliet se nobis; & in tempore angustia non nos derelinquat.

Ora.

Dominica in Quinquagesima.

63

Oratio super sindonem.

Ecclēsiā tuā, quāsumus, Domine, perpetua miseratione prosequere: ut inter sæculi turbines constituta & præsentī iucunditate respiceret, & æternæ beatitudinis donum percipiat. Per Dominum nostrum.

^{Psalm.} **Offert.** **I**ubilare Domino Deo vniuersa terra: psalmum dicite nomini eius. Venite, & audite: & enarrabo vobis, omnes, qui timetis Deum, quanta fecerit Dominus animæ meæ.

Dicitur: Credo.

Oratio super oblatam.

Gratias tibi referat, Domine, corde subiecto tua semper Ecclesia: & consequenter obtineat, ut, observationes antiquas iugiter recensendo, proficiat in futurum. Per Dominum nostrum.

Præfatio.

Æterne Deus. Qui non solum peccata ieiunantium dimittis, sed ipsos etiam peccatores ieiunando iustificas: & reis non tantum poenam relaxas, sed donas abstinentibus etiam præmia sempiterna. Per Christum.

^{Psalm.} **Confract.** **Q**ui meditabitur in lege Domini die, ac nocte, dabit fructum suum in tempore suo.

^{Dan.} **Transit.** **D**omine, ne dissipēs Testamentum, quod fecit dextera tua; sed ostende nobis misericordiam tuam. Quia peccauimus; precamur te, Domine, miserere nobis.

Oratio post Communionem.

Refecti vitalibus alimentis, quāsumus, Domine, ad vitam nutriamur æternam. Per Dominum nostrum, Iesum Christum, Filium tuum: qui tecum viuit, & regnat.

D O M I N I C A

In Quinquagesima.

Ingressa.



Ucunda est præsens vita, & transit: terribile est, Christe, iudicium tuum, & permanet. Quapropter incertum amorem,

relinquamus; & de infinito timore cogitemus, clamantes, Christe, miserere nobis.

Gloria in excelsis Deo.

Oratio super populum.

Subdita tibi, Domine, plebis tuæ corda sanctifica: ut, benedictionem tuam, quam ieiunijs expetit, te donante, percipiens, & præsentibus gaudeat consolationibus, & futuris. Per Dominum nostrum.

Lectio Zachariæ Prophetæ.

Hæc dicit Dominus Deus. ^{Cap. 7.} Loquere ad omnem populum terræ, & ad Sacerdotes, dicens: Cum ieiunaretis, & plangeretis in quinto, & septimo per hos septuaginta annos; nunquid ieiunium ieiunastis mihi? Et cum comedistis, & bibistis; nunquid non vobis comedistis, & vobismetipsis bibistis? Nunquid non hæc sunt verba, quæ locutus est Dominus in manu Prophetarum priorum, cum adhuc Ierusalem habitaretur, & esset opulenta ipsa, & vrbes in circuitu eius, & ad Austrum, & in campestribus habitaretur? Et factum est verbum Domini ad Zachariam, dicens: Hæc ait Dominus exercituum, dicens: Iudicium verum iudicate: & misericordiam, & miserationes facite vnusquisque cum fratre suo. Et viduam, & pupillum, & aduenam, & pauperem nolite calumniari: & malum vir fratri suo non cogitet in corde suo. Et noluerunt at-

tendere : & auertérunt scapulam recedentes; & aures suas aggrauauerunt, ne audirent : & cor suum posuerunt vt adamantem, ne audirent Legem, & verba, quæ misit Deus exercituum in spiritu suo per manum Prophetarum priorum. Et facta est indignatio magna à Domino exercituum. Et factum est, sicut locutus est; & non audierunt : sic clamabunt; & non exaudiam; dicit Dominus exercituum. Et dispersi eos per omnia Regna, quæ nesciunt : & terra desolata est ab eis, eò quòd non esset transiens, & reuertens; & posuerunt terram desiderabilem in desertum.

Psalm. **Psalmell.** Domine, labia mea aperies; & os meum annuntiabit laudem tuam.

Psalm. Misere mei Deus secundum magnam misericordiam tuam; & secundum multitudinem miserationum tuarum dele iniquitatem meam.

Epistola Beati Pauli Apostoli ad Corinthios secunda.

Cap. 9. **F**ratres. Nolite iugum ducere cum infidelibus. Quæ enim participatio iustitiæ cum iniquitate? Aut quæ societas luci ad tenebras? Quæ autem conuentio Christi ad Belial? Aut quæ pars fidei cum infidei? Qui autem consensus templo Dei cum Idolis? Vos enim estis templum Dei viui; sicut dicit Deus: Quoniam inhabitabo in illis, & inambulabo, & ero illorum Deus, & ipsi erunt mihi populus. Propter quod exite de medio eorum, & separamini, dicit Dominus : & immundum ne tetigeritis; & ego recipiam vos; & ero vobis in patrem, & vos eritis mihi in filios, & filias; dicit Dominus omnipotens. **Cap. 9.** Has ergo habentes promissiones, charissimi, mundemus nos ab omni inquinamento carnis, & spiritus, perficientes sanctificationem in timore

Dei. Capite nos. Neminem læsimus, neminem corrupimus, neminem circunuenimus. Non ad condemnationem vestram dico. Prædixi enim, quòd in cordibus nostris estis ad comoriendum, & ad conuiuendum.

Hallelùiah. **Psalm.** Præueniamus faciem eius in confessione, & in psalmis iubilemus illi: Hallelùiah.



Lectio sancti Euangelij secundum Matthæum.

Cap. 13. **I**n illo tempore. Locutus est Dominus Iesus parabolam hanc ad Discipulos suos: Simile factum est Regnum cœlorum homini, qui seminavit bonum semen in agro suo. Cum autem dormirent homines; venit inimicus eius, & super seminavit zizania in medio tritici, & abiit. Cum autem creuisset herba, & fructum fecisset; tunc apparuerunt & zizania. Accedentes autem serui patrisfamilias dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Serui autem dixerunt ei: Vis, imus, & colligimus ea? Et ait: Non; ne forte colligentes zizania, eradicetis simul cum eis & triticum. Sinite vtrique crescere vsque ad messem: & in tempore messis dicam messoribus: Colligite primùm zizania & alligate ea in fasciculos ad comburendum; triticum autem congregate in horreum meum. Aliam parabolam proposuit eis, dicens: Simile est Regnum cœlorum grano sinapis: quod accipiens homo, seminavit in agro suo: quod minimum quidem est omnibus seminibus: cum autem creuerit, maius est omnibus oleribus; & fit arbor; ita vt volucres cœli veniant, & habitent in ramis eius. Aliam parabo-

Dominica in Quinquagesima.

65

parabolam locutus est eis: Simile est Regnum cœlorum fermento, quod acceptum mulier abscondit in farinae satis tribus, donec fermentatum est totum. Hæc omnia locutus est Jesus in parabolis ad turbas; & sine parabolis non loquebatur eis; ut imple- retur, quod dictum erat per Prophe- tam, dicentem; Aperiam in parabo- lis os meum: eructabo abscondita à constitutione mundi. Tunc, dimissis turbis, venit in domum: & acceffe- runt ad eum Discipuli eius, dicentes: Differe nobis parabolam zizaniorum agri. Qui respondens ait illis: Qui seminat bonum semen, est Filius ho- minis: ager autem est mundus: bo- num verò semen hi sunt Filij Regni: zizania autem filij sunt nequam: ini- micus autem, qui seminavit ea, est Diabolus: messis verò consummatio sæculi est: messores autem Angeli sunt. Sicut ergò colliguntur zizania, & igni comburuntur; sic erit in con- summatione sæculi. Mittet Filius ho- minis Angelos suos: & colligent de Regno eius omnia scandala, & eos, qui faciunt iniquitatem: & mittent eos in caminum ignis. Ibi erit fletus, & stridor dentium. Tunc iusti fulge- bunt sicut sol in Regno Patris eorum. Qui habet aures audiendi audiat.

Antiphona post Euangelium.

^{Psal.} ^{68.} Oratio nostra ad te, Domine, ad tem- pus beneplaciti Deo. In multitudi- ne misericordiæ tuæ exaudi nos in- veritate salutis tuæ.

Oratio super sindonem.

Deus, qui non despicias contritos corde, & afflictos miserijs: po- pulum tuum, ieiunij ad te deuotione clamantem, propitiatus exaudi; ut, quos humiliavit aduersitas, attollat tuæ reparationis prosperitas. Per Do- minum nostrum.

^{Psal.} ^{50.} **Offert.** Labia mea aperies, Domine;

& os meum annuntiabit laudem tuam.

Dicitur: Credo.

Oratio super oblatam.

Ecclesiæ tuæ, Domine, munera sanctifica, & concede: ut per hæc veneranda mysteria, & sanctæ institutionis ieiunia, pane cœlesti re- fici mereamur. Per Dominum.

Præfatio.

Aterne Deus. Per Christum, Dominum nostrum. Qui nos, abstinentiæ lege per Adam violata, Paradiso eiectionis fortioris ieiunij reme- dio ad antiquæ patriæ beatitudinem per gratiam reuocauit: nosque pia institutione docuit, quibus obserua- tionibus liberemur. Per quem Maie- statem tuam.

Confract. Domine, ne proijcias me ^{Psal.} ^{10.} à facie tua, & Spiritum Sanctum tuum ne auferas à me: Halleluia, halleluia.

Transit. Venite conuertimini ad me: dicit Dominus. Venite flentes, fun- damus lachrymas ad Deum; quia nos negleximus, & propter nos ter- ra patitur; nos iniquitatem fecimus, & propter nos fundamenta commo- ta sunt. Festinemus iram Dei ante- uertere, flentes, & dicentes: Qui tol- lis peccata mundi, miserere nobis.

Oratio post Communionem.

Tuorum nos, Domine, largitate bonorum: & temporalibus at- tolle prædijs, & renoua sempiternis. Per Dominum nostrum, Jesum Chri- stum, Filium tuum: qui tecum viuit, & regnat in vnitæte Spiritus Sancti Deus: per omnia sæcula sæculorum.

DOMINICA PRIMA

In Quadragesima.

Ingressa.



Nuocabit me, & ego
exaudiam eum: eri-
piam eum, & glorifi-
cabo eum: longitu-
dine dierum adim-
plebo eum.

Per totam Quadragesimam non.

dicatur Gloria in excelsis Deo. Ne-
que dicatur Credo, præterquam in
Dominicis, & Sabbato in traditione
Symboli.

¶ Dominus vobiscum.

Tum Diaconus (si tamen in officio
Diaconatus seruiat) aliòquin ipsemet
Sacerdos dicit sequentes preces, Cho-
ro, aut ministro ad singulos Versus
respondente, Domine miserere: &
in fine præterea ter, Kyrie eleison.



¶ Diuinæ pacis, & indulgentiæ munere supplicantes, ex toto cor-



de, & ex tota mente precamur te.




R. Do mine mi se rére.



¶ Pro Ecclesia tua sancta catho lica, quæ hîc, & per vni uer-



sum orbem diffu sa est, precamur te.



R. Do mine &c.



¶ Pro Pa pa nostro, N, & Pontifice nostro, N, &
omni

Dominica prima in Quadragesima.

67



omni Clero e o rum, omnibusque Sacer do tibus, ac ministris



precamur te. *R.* Do mine &c.



V. Pro famulis tuis, *N,* Imperatore, &, *N,* Rege, Duce



nostro, & omni exercitu eo rum precamur te.



R. Do mine &c.



V. Pro pace Ecclesi a rum, voca tione Gentium, & quie te popu-



lo rum precamur te. *R.* Do mine &c.



V. Pro Ci uita te hac, & conuersa tione eius, omnibusque habi-



tan tibus in e a precamur te. *R.* Do mine &c.

V. Pro



Pro aeris temperie, ac fructu, & fecunditate terrarum pre-



camur te. *R.* Domine &c.



Pro Virginibus, Viduis, Orphanis, Captiuis, ac Poenitentibus



precamur te. *R.* Domine &c.



Pro Nauigantibus, iter Agentibus, in carceribus, in vinculis, in



metallis, in exilijs Constitu tis precamur te.



R. Domine &c.



Pro his, qui diuersis infirmitatibus detinentur, quique Spiri-



tibus vexantur immundis, precamur te.

R. Domine


R. Do mine &c.


V. Pro his, qui in sancta tu a Eccle si a fructus mise ricordia largiun-

 tur, precamur te. **R.** Do mine &c.


V. Exaudi nos De us in omni oratio ne, atque deprecati o ne no-

 stra, precamur te. **R.** Do mine &c.


V. Dicamus omnes. **R.** Do mine &c.


K yrie eleison. Kyrie eleison. Kyri e e le ison.

V. Dominus vobiscum.

Oratio super populum:

C oncede nobis, omnipotens De-
 us, praesidia militiae Christianae
 sanctis inchoare ieiunijs: vt, contra
 spirituales nequitias pugnaturi, conti-
 nentiae salutaris muniamur auxilijs.
 Per Dominum nostrum, Jesum Chri-
 stum, Filium tuum: qui tecum viuit,
 & regnat.

Lectio Isaiae Prophetae.

Non est gaudere impijs: dicit Do-
 minus. Clama, ne cesses: quasi
 tuba exalta vocem tuam, & annun-
 cia populo meo scelera eorum, & do-
 mui Iacob peccata eorum. Me ete-
 nim de die in diem quaerunt, & scire
 vias meas volunt: quasi gens, quae iu-
 stitiam fecerit, & iudicium Dei sui
 non dereliquerit; rogant me iudicia
 iusti-

iustitiæ, appropinquare Deo volunt. Quare ieiunauimus, & non aspexisti: humiliuimus animas nostras, & nescisti? Ecce in die ieiunij vestri inuenitur voluntas vestra, & omnes debitores vestros repētitis. Ecce ad lites, & contentiones ieiunatis, & percutitis pugno impiæ. Nolite ieiunare sicut vique ad hanc diem, vt audiat in excelsis clamor vester. Nunquid tale est ieiunium, quod elēgi, per diem affligere hominem animam suam? Nunquid contorquere, quasi circulum, caput suum, & saccum, & cinerem sternere? Nunquid istud vocabis ieiunium, & diem acceptabilem Domino? Nonne hoc est magis ieiunium, quod elēgi? Dissolue colligationes impietatis; solue fasciculos deprimentes. Dimitte eos, qui contracti sunt, liberos: & omne onus dirumpe. Frange esurienti panem tuum: & egenos, vagosque induc in domum tuam. Cum videris nudum, operi eum, & carnem tuam ne despexeris. Tunc erumpet, quasi mane, lumen tuum, & sanitas tua citius orietur: & anteibit faciem tuam iustitia tua, & gloria Domini colliget te. Tunc inuocabis, & Dominus exaudiet: clamabis, & dicet; Ecce adsum. Si abstuleris de medio tui catenam, & desieris extendere digitum, & loqui, quod non prodest. Cum effuderis esurienti animam tuam, & animam afflictam repleueris; orietur in tenebris lux tua, & tenebræ tuæ erunt sicut meridies. Et requiem tibi dabit Dominus semper, & implebit splendoribus animam tuam; & ossa tua liberabit, & eris quasi hortus irriguus, & sicut fons aquarum, cuius non deficient aquæ. Et ædificabuntur in te deserta sæculorum: fundamenta generationis, & generationis suscitabis. Dicit Dominus omnipotens.

Psalmell. Sicut circumdabit te veritas eius; non timebis à timore nocturno.

V. Qui habitat in adiutorio Altissimi, in protectione Dei cœli commorabitur.

Epistola Beati Pauli Apostoli ad Corinthios secunda.

Fratres. Hortamur vos, ne in vacuum gratiam Dei recipiatis. Ait enim: Tempore accepto exaudiui te, & in die salutis adiui te. Ecce nunc tempus acceptabile, ecce nunc dies salutis. Nemini dantes ullam offensionem, vt non vituperetur ministerium nostrum. Sed in omnibus exhibeamus nosmetipsos, sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis, in castitate, in scientia, in longanimitate, in suauitate, in Spiritu Sancto, in charitate non ficta, in verbo veritatis, in virtute Dei: per arma iustitiæ à dextris, & à sinistris: per gloriam, & ignobilitatem: per infamiam, & bonam famam: vt seductores, & veraces: sicut qui ignoti, & cogniti: quasi morientes, & ecce viuimus: vt castigati, & non mortificati: quasi tristes, semper autem gaudentes: sicut egentes, multos autem locupletantes: tanquam nihil habentes, & omnia possidentes.

Cant. Non in solo pane viuit homo, sed in omni verbo, quod procedit de ore Dei.



Lectio sancti Euangelij secundum Matthæum.

In illo tempore. Ductus est Dominus Jesus in desertum à Spiritu, vt tentaretur à Diabolo. Et cum ieiunasset quadraginta diebus, & quadraginta noctibus; postea esuriit. Et accedens Tentator dixit ei: Si Filius Dei

Dominica prima in Quadragesima.

71

Dei es; dic ut lapides isti panes fiant. Qui respondens dixit, Scriptum est: Non in solo pane viuit homo, sed in omni verbo, quod procedit de ore Dei. Tunc assumpsit eum Diabolus in sanctam Ciuitatem; & statuit eum super pinnaculum Templi, & dixit ei: Si Filius Dei es; mitte te deorsum; Scriptum est enim: Quia Angelis suis mandauit de te: & in manibus tollent te, ne fortè offendas ad lapidem pedem tuum. Ait illi Jesus: Rursum scriptum est: Non tentabis Dominum Deum tuum. Iterum assumpsit eum Diabolus in montem excelsum valde: & ostendit ei omnia Regna mundi, & gloriam eorum, & dixit ei: Hæc omnia tibi dabo; si cadens adoraueris me. Tunc dicit ei Jesus: Vade Satana. Scriptum est enim: Dominum Deum tuum adorabis, & illi soli seruiēs. Tunc reliquit eum Diabolus: & ecce Angeli accesserunt, & ministrabant ei.

Antiphona post Euangelium.

^{2.} ^{Cor.} ^{6.} **E**cce nunc tempus acceptabile; ecce nunc dies salutis. Commendemus nosmetipsos in multa patientia, in ieiunijs multis, per arma iustitiæ virtutis Dei.

Oratio super findonem.

Familia tua, quæsumus, Domine, absolue peccata, mentesque purifica: ut venerabilis ieiunij dies congrua deuotione repetentes, quæ fideliter poscimus, impetrare mereamur. Per Dominum nostrum.

^{Psal.} ^{90.} **O**ffer. Scapulis suis obumbrabit tibi Dominus, & sub pennis eius sperabis. Scuto circundabit te veritas eius.

V. Super aspidem, & basiliscum ambulabis, & conculcabis leonem, & draconem. Quoniam in me sperauit; liberabo eum. Scuto circundabit te veritas eius.

Dicitur: Credo.

Oratio super oblatam.

DA nobis, quæsumus, omnipotens Deus: ieiuniorum magnifici sacramenti & dignè semper tractare, mysteria, & competenter honorare primordia. Per Dominum nostrum, Jesum Christum, Filium tuum: qui tecum.

Præfatio.

PER Christum Dominum nostrum. In quo ieiunantium fides alitur, spes prouehitur, charitas roboratur. Ipse enim est panis verus, & viuus, qui est substantia æternitatis, & esca virtutis. Verbum enim tuum, per quod facta sunt omnia, non solum humanarum mentium, sed ipsorum quoque panis est Angelorum. Huius panis alimento Moyses famulus tuus quadraginta diebus, & noctibus, Legem suscipiens, ieiunauit: & à carnalibus cibis, ut tuæ suauitatis capacior esset, abstinuit. Unde nec famem corporis sensit; & terrenarum est oblitus escarum: quia illum & gloriæ tuæ clarificabat aspectus; & influente Spiritu, Dei sermo pascebat. Hunc panem etiam nobis ministrare non desinas: quem ut indefinenter esuriamus hortaris. Per eundem Christum Dominum nostrum. Per quem.

Confract. **D**icet Domino: Susceptor ^{Psal.} ^{90.} meus es: Deus meus, sperabo in eum.

Transit. Qui cognoscis omnium occulta, à delicto meo munda me. Tempus mihi concede, ut poenitens clammem: Peccaui; miserere mei Deus.

Oratio post Communionem.

Sumpsimus, Domine, sacramenta cœlestia; propterea deprecamur: ut, quorum continua perceptione reficimur, salutari traditione lætemur. Per Dominum nostrum, Jesum Christum.

FERIA

FERIA II.

Hebdomadæ primæ
in Quadragesima.

Ingressa.

I Nuocabit me, & ego exaudiam
eum; eripiam eum, & glorifica-
bo eum: longitudine dierum
adimplebo eum.

Oratio super populum.

Conuerte nos Deus salutaris no-
ster: & vt nobis ieiunium qua-
dragesimale proficiat, mentes nostras
coelestibus instrue disciplinis. Per
Dominum nostrum.

Lectio Ezechiélis Prophetæ.

Hæc dicit Dominus Deus. Ecce
ego ipse requiram oues meas,
& visitabo eas. Sicut visitat pastor
gregem suum in die, quando fuerit
in medio ouium suarum dissipatarum;
sic visitabo oues meas, & liberabo eas
de omnibus locis, in quibus dispersæ
fuerant in die nubis, & caliginis. Et
educam eas de populis, & congrega-
bo eas de terris, & inducam eas in
terram suam: & pascam eas in mon-
tibus Israel, in riuis, & in cunctis se-
dibus terræ. In pascuis vberimis pas-
cam eas: & in montibus excelsis Is-
rael erunt pascua earum. Ibi requie-
scent in herbis virentibus; & in pas-
cuis pinguibus pascentur super mon-
tes Israel. Ego pascam oues meas,
& ego eas accubare faciam: dicit Do-
minus Deus. Quod perierat, requi-
ram: & quod abiectum erat, redū-
cam: & quod confractum fuerat, al-
ligabo: & quod infirmum fuerat,
consolidabo; & quod pingue, & for-
te, custodiam: & pascam illas in iu-
dicio. Dicit Dominus omnipotens.

Cant. Conserua me Domine; quo-
niam in te speraui. Dixi Domino:
Deus meus tu es.



Lectio sancti Euangelij
secundum Matthæum.

In illo tempore. Videns Dominus
Jesús turbas, ascendit in montem:
& cum sedisset, accesserunt ad eum
Discipuli eius: & aperiens os suum,
docebat eos, dicens: Beati paupe-
res spiritu; quoniam ipsorum est Re-
gnum coelorum. Beati mites; quo-
niam ipsi possidebunt terram. Beati,
qui lugent; quoniam ipsi consolabun-
tur. Beati, qui esuriunt, & sitiunt iu-
stitiam; quoniam ipsi saturabuntur.
Beati misericordes; quoniam ipsi
misericordiam consequentur. Beati
mundo corde; quoniam ipsi Deum
videbunt. Beati pacifici; quoniam
Filij Dei vocabuntur. Beati, qui per-
secutionem patiuntur propter iusti-
tiam; quoniam ipsorum est Regnum
coelorum. Beati estis, cum maledi-
xerint vobis homines, & persecuti
vos fuerint, & dixerint omne malum
aduersum vos, mentientes, propter
me; gaudete, & exultate; quoniam
merces vestra copiosa est in coelis.

Oratio super sindonem.

Sanctifica, Domine, quæsumus,
nostra ieiunia: & cunctarum no-
bis indulgentiam propitius largire
culparum. Per Dominum.

Offert. Scapulis suis obumbrabit tibi
Dominus, & sub pennis eius spera-
bis. Scuto circundabit te veritas eius.
V. Super aspidem, & basiliscum am-
bulabis, & conculcabis leonem, &
draconem. Quoniam in me spera-
uit; liberabo eum. Scuto circunda-
bit te veritas eius.

Oratio super oblatam.

Munera, Domine, oblata san-
ctifica nosque à peccatorum
nostrorum maculis emunda. Per
Dominum nostrum, Jesum Christum
Filium tuum.

Præfatio.

Eterne Deus. Qui nos non solum carnalibus, sed etiam spiritualibus escis reficis: ut non in solo pane viuamus; sed in omni verbo tuo vitalem habeamus alimoniam; nec tantum epulando, sed etiam ieiunando pascamur. Nam, ut dapibus, & poculis corpora; sic ieiunijs, & virtutibus animæ saginantur. Magnam in hoc munere salubritatem mentis, & corporis contulisti: quia ieiunium nobis venerabile dedicasti; ut ad Paradisum, de quo non abstinendo cecidimus, ieiunando solemnius redeamus. Per Christum Dominum nostrum. Per quem.

Confract. Dicit Domino: Susceptor meus es; Deus meus, sperabo in eum.

Transitor. Qui cognoscis omnium occulta, à delicto meo munda me. Tempus mihi concede, ut pœnitens clamem: Peccaui; miserere mei Deus.

Oratio post Communionem.

Salutaris tui, Domine, munere satiati, supplices exoramus: ut, cuius lætamur gustu, renouemur effectu. Per Dominum.

FERIA III.

Hebdom. primæ in Quadrag.

Ingressa.

Inuocabit me, & ego exaudiam eum: eripiam eum, & glorificabo eum: longitudine dierum, adimplebo eum.

Oratio super populum.

Respice, Domine, familiam tuam, & præsta: ut apud te mens nostra tuo desiderio fulgeat, quæ se carnis maceratione castigat. Per Dominum.

Lectio Isaïæ Prophetæ.

In diebus illis. Locutus est Isaïas, dicens: Querite Dominum, dum

inueniri potest: inuocate eum, dum prope est. Derelinquat impius viam suam, & vir iniquus cogitationes suas: & reuertatur ad Dominum; & miseretur eius: & ad Deum nostrum; quoniam multus est ad ignoscendum. Non enim cogitationes meæ, cogitationes vestræ; neque viæ vestræ, viæ meæ: dicit Dominus. Quia, sicut exaltantur cœli à terra; sic exaltatæ sunt viæ meæ à vijs vestris, & cogitationes meæ à cogitationibus vestris. Et quomodo descendit imber, & nix de cœlo, & illuc ultra non reuertitur; sed inebriat terram, & infundit eam, & germinare eam facit, & dat semen ferenti, & panem comedenti; sic erit verbum meum, quod egredietur de ore meo. Non reuertetur ad me vacuum; sed faciet, quæcunque volui; & prosperabitur in his, ad quæ misi illud. Ait Dominus omnipotens.

Cant. In conuertendo Dominus captiuitatem Sion, facti sumus sicut ^{psal. 125.} consolati.

 **L**ectio sancti Euangelij secundum Matthæum.

In illo tempore. Dicebat Dominus Iesus Discipulis suis: Vos estis sal terræ. Quod si sal euauerit; in quo salietur? Ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest ciuitas abscondi supra montem posita: neque accendunt lucernam, & ponunt eam sub modio, sed super candelâbrum, ut luceat omnibus, qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est.

Oratio super sindonem.

Ascendant ad te, Domine, preces nostræ: & ab Ecclesia tua cunctam

etiam repelle nequitiam. Per Dominum nostrum.

Psal. 90. **Offert.** Scapulis suis obumbrabit tibi Dominus, & sub pennis eius sperabis. Scuto circumdabit te veritas eius. **V.** Super aspidem, & basiliscum ambulabis, & conculcabis Leonem, & Draconem. Quoniam in me sperauit; liberabo eum. Scuto circumdabit te veritas eius.

Oratio super oblatam.

Oblatis, quæsumus, Domine placare muneribus: & à cunctis nos defende periculis. Per Dominum.

Præfatio.

Per Christum, Dominum nostrum. Qui continuatis quadraginta diebus, & noctibus hoc ieiunium non eluriens dedicauit. Postea enim esuriit non tam cibum hominum, quam salutem: nec escarum sæcularium epulas concupiuit; sed animarum desiderauit potius sanctitatem. Cibus namque eius est redemptio populorum; cibus eius est totius bonæ voluntatis affectus. Qui nos docuit operari non solum cibum, qui terrenis dapibus apparatur; sed eum, qui diuinarum scripturarum lectione percipitur. Per quem Maiestatem tuam laudant Angeli.

Psal. 90. **Confract.** Dicet Domino: Susceptor meus es: Deus meus; sperabo in eum.

Transit. Qui cognoscis omnium occulta, à delicto meo munda me. Tempus mihi concede, vt poenitens clamem: Peccaui; miserere mei Deus.

Oratio post Communionem.

Quæsumus, omnipotens Deus: vt illius Salutaris capiamus effectum; cuius per hæc mysteria pignus accepimus. Per Dominum nostrum, Jesum Christum, Filium tuum: qui tecum vivit, & regnat in vnitate.

F E R I A I V.

Hebdom. primæ in Quadrages.

Ingressa.

Inuocabit me, & ego exaudiam eum: eripiam eum, & glorificabo eum: longitudine dierum adimplebo eum; **Psal. 90.**

Oratio super populum.

Preces nostras, quæsumus, Domine clementer exaudi: & contra cuncta nobis aduersantia dexteram tuæ Maiestatis extende. Per Dominum nostrum.

Lectio Libri Exodi.

In diebus illis. Dixit Dominus ad **Cap. 24.** Moysen: Ascende ad me in montem, & esto ibi: daboque tibi duas tabulas lapideas, & legem, ac mandata, quæ scripsi; vt doceas filios Israel. Surrexerunt Moyses, & Iosue minister eius: ascendensque Moyses in montem Dei, senioribus ait: Expectate hic, donec reuertamur ad vos. Habetis Aaron, & Hur vobiscum: si quid natum fuerit quæstionis; referetis ad eos. Cumque ascendisset Moyses; operuit nubes montem, & habitauit gloria Domini super Sinai, tegens illum nube sex diebus; septimo autem die vocauit eum Dominus de medio caliginis. Erat autem species gloriæ Domini, quasi ignis ardens super verticem montis, in conspectu filiorum Israel. Ingressusque Moyses medium nebulæ, ascendit in montem, & fuit ibi quadraginta diebus, & quadraginta noctibus.

Cant. De profundis clamaui ad te, Domine: Domine exaudi vocem meam. **Psal. 139.**

✠ **Lectio sancti Euangelij secundum Matthæum.**

In illo tempore. Dicebat Dominus Jesus Discipulis suis: Nolite putare, quoniam veni soluere Legem, aut

aut Prophetas. Non veni soluere, sed adimplere. Amen quippe dico vobis: Donec transeat cœlum, & terra, iota vnum, aut vnus apex non præteribit à Lege, donec omnia, fiant. Qui ergo soluerit vnum de mandatis istis minimis, & docuerit sic homines, minimus vocabitur in Regno Cœlorum: qui autem fecerit, & docuerit, hic magnus vocabitur in Regno Cœlorum.

Oratio super sindonem.

Mentes nostras, quæsumus, Domine lumine tuæ claritatis illustra: vt videre possimus, quæ agenda sunt; &, quæ recta sunt, agere valeamus. Per Dominum nostrum.

Offert. Scapulis suis obumbrabit tibi Dominus, & sub pennis eius sperabis. Scuto circundabit te veritas eius.

V. Super aspidem, & basiliscum ambulabis, & conculcabis Leonem, & Draconem. Quoniam in me sperauit; liberabo eum. Scuto circundabit te veritas eius.

Oratio super oblatam.

Hostias tibi, Domine, placationis offerimus: vt & delicta nostra miseratus absolvas, & nutantia corda dirigas. Per Dominum.

Præfatio.

Æterne Deus: Qui in alimentum corporis humani frugum copiam produci iussisti: & in alimentum animarum ieiunij nobis medicinam indidisti. Te itaque supplices inuocamus: vt tibi sit acceptabile ieiunium nostrum; & nos, à cibis ieiunantes, à peccatis absolvas. Per Christum, Dominum nostrum. Per quem.

Contract. Dicet Domino: Susceptor meuses: Deus meus; sperabo in eum.

Transit. Qui cognoscis omnium occulta, à delicto meo munda me. Tempus mihi concede, vt poenitens clammem: Peccaui; miserere mei Deus.

Oratio post Communionem.

Tui, Domine, perceptione sacramenti: & à nostris mundemur delictis, & ab hostium liberemur insidijs. Per Dominum nostrum.

F E R I A V.

Hebdom. primæ in Quadrages.

Ingressa.

Inuocabit me, & ego exaudiam eum: eripiam eum, & glorificabo eum: longitudine dierum, adimplebo eum.

Oratio super populum.

Deuotionem populi tui, Domine, benignus intende: vt, qui per abstinentiam macerantur in corpore, per fructum boni operis reficiantur in mente. Per Dominum.

Lectio Ezechiélis Prophetæ.

In diebus illis. Factus est sermo Domini ad me, dicens: Quid est, quod inter vos parabolam vertitis in prouerbium istud in terra Israel, dicentes: Patres comedérunt vnam, acerbam, & dentes filiorum obtu-
pauerunt? Viuo ego, dicit Dominus Deus, si erit vltra vobis parabola hæc in prouerbium in Israel. Ecce omnes animæ meæ sunt: vt anima patris, ita & anima filij mea est. Anima, quæ peccauerit, ipsa morietur. Et vir, si fuerit iustus, & fecerit iudicium, & iustitiam, in montibus non comederit, & oculos suos non leuauerit ad Idôla domus Israel, & uxorem proximi sui non violauerit, & ad mulierem menstruam non accesserit, & hominem non contristauerit, pignus debitori reddiderit, per vim nihil rapuerit, panem suum esurienti dederit, & nudum operuerit vestimento, ad usuram non commodauerit, & amplius non acceperit, ab iniquitate auerterit manum suam, & iudicium verum fecerit inter virum, & virum, in præceptis

ceptis meis ambulauerit, & iudicia mea custodierit, vt faciat veritatem: hic iustus est, vitâ viuet. Ait Dominus omnipotens.

^{Psal.} ^{101.} **Cant.** Domine, exaudi orationem nostram.

 **Lectio sancti Euangelij**
secundum Matthæum.

^{Cap.} ^{9.} **I**N illo tempore. Dixit Dominus Iesus Discipulis suis: Nisi abundauerit iustitia vestra plusquàm Scribarum, & Phariseorum; non intrabitis in Regnum cœlorum. Audistis, quia dictum est antiquis: Non occides: qui autem occiderit, reus erit iudicio. Ego autem dico vobis: quia omnis, qui irascitur fratri suo, reus erit iudicio. Qui autem dixerit fratri suo, Raca: reus erit concilio. Qui autem dixerit, Fatue: reus erit Gehennæ ignis. Si ergo offers munus tuum ad altare: & ibi recordatus fueris, quia frater tuus habet aliquid aduersum te; relinque ibi munus tuum ante altare, & vade prius reconciliari fratri tuo; & tunc veniens offeres munus tuum.

Oratio super sindonem.

DA, quæsumus, Domine, populis Christianis, quod profitentur agnoscere: & cœlesti munus diligere, quod frequentant. Per Dominum.

^{Psal.} ^{90.} **Offert.** Scapulis suis obumbrabit tibi Dominus, & sub pennis eius sperabis. Scuto circundabit te veritas eius.

V. Super aspidem, & basiliscum ambulabis, & conculcabis leonem, & draconem. Quoniam in me sperauit; liberabo eum. Scuto circundabit te veritas eius.

Oratio super oblatam.

SAcrificia, Domine, quæsumus, præsentia nos saluent: quæ medicinalibus sunt instituta ieiunijs. Per Dominum nostrum, Iesum Christum, Filium tuum.

Præfatio.

ATerne Deus. Quia competenter, atque salubriter religiosa sunt nobis instituta ieiunia: vt corporeæ iucunditatis immoderatas coerceamus illecebras: & terrenæ delectationis insolentiâ refrenatâ, purior, atque tranquillior appetitus ad cœlestia contemplanda mysteria fidelium reddatur animarum. Per Christum Dominum.

Confract. D icet Domino: Susceptor meus es: Deus meus; sperabo in eum. ^{Psal.} ^{90.}

Transit. Qui cognoscis omnium occulta, à delicto meo munda me, Tempus mihi concede, vt pœnitens clamem: Peccaui; miserere mei, Deus.

Oratio post Communionem.

Percipientes, Domine, gloriosa mysteria, tibi referimus gratias: quòd nos in terris viuentes iam cœlestium præstas esse consortes. Per Dominum nostrum.

S A B B A T O

Hebdom. primæ in Quadrages.

Ingressa.

INuocabit me, & ego exaudiam eum: eripiam eum, & glorificabo eum: longitudine dierum adimplebo eum. ^{Psal.} ^{90.}

Oratio super populum.

Populum tuum, quæsumus, Domine, propitius respice: atque ab eo flagella tuæ iracundiæ clementer auerte. Per Dominum.

Epistola Beati Pauli Apostoli
ad Romanos.

FRatres. Dilectio proximi malum non operatur. Plenitudo ergo Legis est dilectio. Et hoc scientes tempus, quia hora est iam nos de somno surgere. Nunc enim propior est nostra salus, quàm cum credidimus. ^{Cap.} ^{13.}

mus. Nox præcessit, dies autem appropinquauit. Abijciamus ergo opera tenebrarum, & induamur arma lucis. Sicut in die honestè ambulemus: non in comeffationibus, & ebrietatibus; non in cubilibus, & impudicijs; non in contentione, & æmulatione; sed induite vos Dominum Jesum Christum; & carnis curam ne feceritis in desiderijs. Infirmum autem in fide assumite, non in disceptationibus cogitationum. Alius enim credit se manducare omnia: qui autem infirmus est, olus manducet. Is, qui manducat, non manducantem non spernat: &, qui non manducat, manducantem non iudicet; Deus enim illum assumpsit. Tu quises, qui iudicas alienum seruum? Domino suo stat, aut cadit: stabit autem; potens est enim Deus statuere illum. Nam alius iudicat diem inter diem, alius autem iudicat omnem diem. Unusquisque in suo sensu abundet. Qui sapit diem, Domino sapit: &, qui non sapit diem, Domino non sapit. Et qui manducat, Domino manducat; gratias enim agit Deo: & qui non manducat, Domino non manducat, & gratias agit Deo. Nemo enim nostrum sibi uiuit, & nemo sibi moritur. Siue enim uiuimus, Domino uiuimus: siue morimur, Domino morimur. Siue ergo uiuimus, siue morimur, Domini sumus. In hoc enim Christus & mortuus est, & resurrexit, ut & mortuorum, & uiuorum dominetur.

Cant. Benedicam Dominum, qui mihi tribuit intellectum.

Lectio sancti Euangelij secundum Matthæum.

In illo tempore. Abijt Dominus Jesus per sata Sabbato: Discipuli autem eius esurientes cceperunt vellere spicas, & manducare. Pharisei autem videntes dixerunt ei: Ecce

Discipuli tui faciunt, quod non licet eis facere Sabbatis. At ille dixit eis: Non legistis, quid fecerit Dauid quando esuriit, & qui cum eo erant: quomodo intrauit in domum Dei, & panes propositionis comedit, quos non licebat ei edere, neque his, qui cum eo erant, nisi solis Sacerdotibus? Aut non legistis in Lege, quia Sabbatis Sacerdotes in Templo Sabbatum violant, & sine crimine sunt? Dico autem vobis, quia Templo maior est hic. Si autem scirētis, quid est, Misericordiam volo, & non sacrificium; nunquam condemnassetis innocentes. Dominus enim est Filius hominis etiam Sabbati.

Antiphona post Euangelium.

Ecce nunc tempus acceptabile; ecce nunc dies salutis. Commendemus nosmetipsos in multa patientia, in ieiunijs multis, per arma iustitiæ virtutis Dei.

Oratio super sindonem.

Fideles tuos, Deus, benedictio desiderata confirmet: quæ eos & à tua voluntate nunquam faciat dissentire, & tuis semper indulgeat beneficijs gratulari. Per Dominum.

Offert. **S**capulis suis obumbrabit tibi Dominus, & sub pennis eius sperabis. Scuto circundabit te veritas eius. **V.** Super aspidem, & basiliscum ambulabis, & conculcabis leonem & draconem. Quoniam in me sperauit; liberabo eum. Scuto circundabit te veritas eius.

Oratio super oblatam.

Præsentibus sacrificijs, quæsumus, Domine, ieiunia nostra sanctifica: ut, quod obseruantia nostra profitetur extrinsecus, interiùs operetur. Per Dominum nostrum.

Præfatio.

Æterne Deus. Qui misisti nobis de cœlo Dominum nostrum, Jesum

Jesum Christum, Filium tuum: vt, qui per escam temerè sumptam de Paradiso eiectioni fuerant, ijs per abstinentiam in Paradisum reuertendi facultatem restitueret; & quadraginta dierum, totidemque noctium absoluto ieiunio, Tentatorem hominum excluderet, & se Redemptorem omnium credentium demonstraret, idem Iesus Christus, Dominus noster. Quem vnà tecum omnipotens.

Psal.
90. 6

Confract. Dicit Domino: Susceptor meus es: Deus meus; sperabo in eum.

Transit. Qui cognoscis omnium occulta, à delicto meo munda me. Tempus mihi concede, vt poenitens clammem; Peccaui; miserere mei, Deus.

Oratio post Communionem.

Sanctificationibus tuis, omnipotens Deus: & vitia nostra curentur, & remedia nobis æterna proueniant. Per Dominum nostrum.

DOMINICA II.

In Quadragesima.

De Samaritana.

Ingressa.



DEUS in adiutorium, ^{Psal. 69.} meum intende: Domine ad adiuuandum me festina. Confundantur & reuereantur inimici mei, qui quæ-

runt animam meam.

V. Dominus vobiscum.

R. Et cum spiritu tuo.

Tum Diaconus (si tamen in officio Diaconatus seruiat) aliòquin ipsemet Sacerdos dicit sequentes Preces, Choro, aut ministro, ad singulos Versus respondente: Kyrie eleison.



V. Dicamus omnes. **R.** Kyri e e le ifon.



V. Domine, Deus omnipotens patrum nostrorum. **R.** Kyri e.



V. Respi ce de cœlo Deus, & de sede sancta tua. **R.** Kyri e.



V. Pro Ecclesi a tua sancta catho li ca, quam conseruare digne-



ris. **R.** Kyri e,

V. Pro



Pro Papa nostro, **N**, & Pontifice nostro, **N**, & Sa-



cerdotio eorum. **R.** Kyrie e.



Pro vniuersis Episcopis, cuncto Clero, & Populo. **R.** Kyrie e.



Pro famulis tuis, **N**, Imperatore, & **N**, Rege, Duce



nostro, & omni exercitu eorum. **R.** Kyrie e.



Pro Ciuitate hac, omnibusque habitantibus in ea.



R. Kyrie e.



Pro aeris temperie, & fecunditate terrarum. **R.** Kyrie e.



Pro Libera nos, qui libera sti filios Ifra el. **R.** Kyrie e.

V. In



ψ. In ma nu for ti, & brachio excel so. R. Kyri e.



ψ. Exurge Domine, adiuua nos, & li be ra nos propter nomen,



tuum. R. Kyrie ele ifon. Kyrie ele ifon. Kyri e e le ifon.

ψ. Dominus vobiscum.

Oratio super populum.

INchoata ieiunia, quæsumus, Domine, Ecclesiæ tuæ benigno fauore prosequere: vt obseruantiam, quam corporaliter exercemus, mentibus valeamus implere sinceris. Per Dominum nostrum.

Lectio libri Exodi.

^{cap. 20.} **I**N diebus illis. Locutus est Dominus cunctos sermones hos: Ego sum Dominus Deus tuus, qui eduxi te de terra Ægypti, de domo seruitutis. Non habebis Deos alienos coram me. Non facies tibi sculptile, neque omnem similitudinem, quæ est in coelo desuper, & quæ in terra deorsum, nec eorum, quæ sunt in aquis sub terra. Non adorabis ea, neque coles. Ego sum Dominus Deus tuus, fortis, zelotes, visitans iniquitatem patrum in filios, in tertiam, & quartam generationem eorum, qui oderunt me: & faciens misericordiam in millia his, qui diligunt me, & custodiunt præcepta mea. Non assumes nomen Domini Dei tui in vanum. Nec enim habebit infontem Dominus eum, qui assumpserit nomen Domini Dei sui frustra. Memento, vt

diem Sabbati sanctifices. Sex diebus operaberis, & facies omnia opera tua: septimo autem die Sabbatum Domini Dei tui est. Non facies omne opus in eo tu, & filius tuus, & filia tua, seruus tuus, & ancilla tua, iumentum tuum, & aduena, qui est intra portas tuas. Sex enim diebus fecit Dominus coelum, & terram, & mare, & omnia, quæ in eis sunt; & requieuit in die septimo; idcirco benedixit Dominus diei Sabbati, & sanctificauit eum. Honora patrem tuum, & matrem tuam; vt sis longæuus super terram, quam Dominus Deus tuus dabit tibi. Non occides: Non mœchaberis: Non furtum facies: Non loqueris contra proximum tuum falsum testimonium. Non concupisces domum proximi tui: Nec desiderabis vxorem eius; non seruum, non ancillam, non bouem, non asinum, nec omnia, quæ illius sunt. Cunctus autem populus videbat voces, & lampades, & sonitum buccinæ, montemque fumantem: & perterriti, ac pauore concussi steterunt procul, dicentes Moyse: Loquere tu nobis, & audiemus: non loquatur nobis Dominus, ne fortè moriamur. Et ait Moyses ad populum: Nolite

lite timere. Ut enim probaret vos, venit Deus; & ut terror illius esset in vobis, & non peccaretis. Stetitque populus de longè: Moyses autem accessit ad caliginem, in qua erat Deus. Dixit præterea Dominus ad Moysen: Hæc dices filiis Israel: Vos vidistis, quod de cælo locutus sim vobis. Non facietis Deos argenteos, nec Deos aureos facietis vobis. Altare de terra facietis mihi, & offeretis super eo holocausta, & pacifica vestra, oves vestras, & boues. In omni loco, in quo memoria fuerit nominis mei, veniam ad te, & benedicam tibi. Dicit Dominus omnipotens.

Psalmell. R. edde mihi lætitiā Salutaris tui, & Spiritu principali confirma me.

V. Misere mei Deus, secundum magnam misericordiam tuam: & secundum multitudinem miserationum tuarum dele iniquitatem meam.

Epistola Beati Pauli Apostoli ad Ephesios.

Cap. I. **F**Ratres. Audiens fidem vestram, quæ est in Christo Jesu, & dilectionem in omnes sanctos, non cesso gratias agens pro vobis, memoriam vestri faciens in orationibus meis; ut Deus Domini nostri Jesu Christi, Pater gloriæ, det vobis spiritum sapientiæ, & reuelationis in agnitionem eius, illuminatos oculos cordis vestri; ut sciatis, quæ sit spes vocationis eius, & quæ diuitiæ gloriæ hæreditatis eius in sanctis, & quæ sit supereminens magnitudo virtutis eius in nos, qui credimus; secundum operationem potentie virtutis eius, quam operatus est in Christo, suscitans illum à mortuis, & constituens ad dexteram suam in cœlestibus, supra omnem Principatum, & Potestatem, & Virtutem, & Dominationem, & omne nomen, quod nominatur non solum in hoc

sæculo, sed etiam in futuro. Et omnia subiecit sub pedibus eius: & ipsum dedit caput supra omnem Ecclesiam, quæ est corpus ipsius, & plenitudo eius, qui omnia in omnibus adimpletur.

Cant. Nisi quod Dominus erat in nobis: dicat nunc Israel, Nisi quod Dominus erat in nobis.

V. j. Anima nostra erepta est de laqueo venantium: laqueus contritus est, & nos liberati sumus.

V. ij. Adiutorium nostrum à Domino, qui fecit cœlum, & terram.

Lectio sancti Euangelij secundum Ioannem.

In illo tempore. Venit Dominus Jesus in ciuitatem Samariæ, quæ dicitur Sichar: iuxta prædium, quod dedit Iacob Ioseph filio suo. Erat autem ibi fons Iacob. Jesus ergo fatigatus ex itinere sedebat sic supra fontem. Hora erat autem quasi sexta. Venit mulier de Samaria haurire aquam. Dixit ei Jesus: Da mihi bibere. Discipuli enim eius abierant in ciuitatem, ut cibos emerent. Dicit ergo ei mulier illa Samaritana: Quomodo tu, Iudæus, cum sis, bibere à me possis, quæ sum mulier Samaritana? Non enim contuntur Iudæi Samaritanis. Respondit Jesus, & dixit ei: Si scires donum Dei, & quis est, qui dicit tibi: Da mihi bibere; tu fortitan petisses ab eo, & dedisset tibi aquam viuam. Dicit ei mulier: Domine, nequè in quo haurias habes, & puteus altus est: vnde ergo habes aquam viuam? Nunquid tu maior es patre nostro Iacob, qui dedit nobis puteum, & ipse ex eo bibit, & filij eius, & pecora eius? Respondit Jesus, & dixit ei: Omnis, qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum; sed aqua, quam ego da-

bo ei, fiet in eo fons aquæ salientis in vitam æternam. Dicit ad eum mulier. Domine da mihi hanc aquam; vt non sitiam, neque veniam huc haurire. Dicit ei Iesus: Vade, voca virum tuum, & veni huc. Respondit mulier, & dixit: Non habeo virum. Dicit ei Iesus: Benè dixisti, quia non habeo virum; quinque enim viros habuisti; & nunc, quem habes, non est tuus vir: hoc verè dixisti. Dicit ei mulier: Domine, video, quia Propheta es tu. Patres nostri in monte hoc adorauerunt: & vos dicitis, quia Ierosolymis est locus, vbi adorare oportet. Dicit ei Iesus: Mulier crede mihi, quia venit hora, quando nequè in monte hoc, nequè in Ierosolymis adorabitis Patrem. Vos adoratis, quod nescitis; nos adoramus, quod scimus; quia salus ex Iudæis est. Sed venit hora, & nunc est, quando veri adoratores adorabunt Patrem, in spiritu, & veritate. Nam & Pater tales quærit, qui adorent eum. Spiritus est Deus: & eos, qui adorant eum, in spiritu, & veritate oportet adorare. Dicit ei mulier: Scio, quia Messias venit, qui dicitur Christus. Cum ergo venerit, ille nobis annuntiabit omnia. Dicit ei Iesus: Ego sum qui loquor tecum. Et continuo venerunt Discipuli eius: & mirabantur, quia cum muliere loquebatur. Nemo tamen dixit: Quid quæris, aut quid loqueris cum ea? Reliquit ergo hydriam suam mulier: & abiit in ciuitatem, & dicit illis hominibus: Venite, & videte hominem, qui dixit mihi omnia, quæcunque feci. Nunquid ipse est Christus? Exierunt ergo de ciuitate, & veniebant ad eum. Interea rogabant eum Discipuli, dicentes: Rabbi, manduca. Ille autem dixit eis. Ego cibum habeo manducare, quem vos nescitis. Dicebant

ergo Discipuli adinuicem: Nunquid aliquis attulit ei manducare? Dicit eis Iesus: Meus cibus est, vt faciam voluntatem eius, qui misit me, vt perficiam opus eius. Nonne vos dicitis, quòd adhuc quatuor menses sunt, & messis venit? Ecce dico vobis: Leuate oculos vestros, & videte regiones, quia albæ sunt iam ad messem. Et qui metit, mercedem accipit, & congregat fructum in vitam æternam; vt, & qui seminat, simul gaudeat, & qui metit. In hoc enim est verbum verum, quia alius est, qui seminat, & alius est, qui metit. Ego misi vos metere, quod vos non laborastis: alij laborauerunt, & vos in labores eorum introistis. Ex ciuitate autem illa multi crediderunt in eum Samaritanorum, propter verbum mulieris testimonium perhibentis, quia dixit mihi omnia, quæcunque feci. Cum venissent ergo ad illum Samaritani, rogauerunt eum, vt ibi maneret. Et mansit ibi duos dies. Et multò plures crediderunt in eum propter sermonem eius. Et mulieri dicebant: Quia iam non propter tuam loquelam credimus; ipsi enim audiuiimus; & scimus, quia hic est verè Saluator mundi.

Antiphona post Euangelium.

Tollam vos de gentibus, & effundam super vos aquam mundam: lauabimini ab omnibus iniquitatibus vestris: dabo vobis cor nouum, & spiritum, rectum innouabo in visceribus vestris.

Oratio super sindonem.

A Desto, Domine, supplicationibus nostris: vt hoc solemne ieiunium, quod animabus, corporibusque curandis salubriter institutum, est, deuoto seruitio celebremus. Per Dominum nostrum.

Offert. Precatus est Moyses in conspectu Domini Dei sui, & dixit: Quare Domine irasceris in populo tuo?

Parce

Parce iræ animi tui. Memento Abraham, Isaac, & Iacob: quibus iurasti dare terram fluentem lac, & mel,
v. Et placatus factus est Dominus de malignitate, quam dixit facere populo suo.

Dicitur: Credo.

Oratio super oblatam.

Domine Deus noster, in cuius spiritalibus castris militat laudanda sobrietas, abstinencia fructuosa, & casti pectoris opulenta frugalitas: ieiunantium vota clementer assume, & fidelibus consueta pietate succurre. Per Dominum nostrum, Jesum Christum.

Præfatio.

Per Christum Dominum nostrum.

Qui, ad insinuandum humanitatis suæ mysterium, fatigatus refedit ad puteum: & à muliere Samaritana petijt aquæ potum; quia in ea creauerat fidei donum: & ita eius sitire dignatus est fidem, vt, dum ab ea aquam peteret, in ea ignem diuini amoris accenderet. Imploramus ergo immensam tuam clementiam; vt contemnentes tenebrosam profunditatem vitiorum, & relinquentes noxiarum hydriam cupiditatum, te, qui fons vitæ, & origo bonitatis es, semper sitiamus; & ieiuniorum nostrorum obseruatione tibi placeamus. Per eundem Christum Dominum.

Confract. Si scires, quod esset donum Dei; tu à me petisses aquam viuam, dicit Dominus: & qui biberit ex ea, non sitiet in æternum; sed fiet in eo fons aquæ salientis in vitam æternam.

Transit. Dicit Dominus Samaritanæ: Qui biberit aquam, quam ego dabo, non sitiet in æternum, sed fiet in eo fons aquæ salientis in vitam æternam. Dicit ei mulier: Domine, da mihi hanc aquam; vt bibam, & non sitiam.

Oratio post Communionem.

Tribue nobis, omnipotens Deus: vt dona cœlestia, quæ debito recolimus obsequio, sincera professione sectemur. Per Dominum.

F E R I A I I.

Hebdom. II. in Quadragesima.

Ingressa.

Deus in adiutorium meum intende: Domine ad adiuuandum me festina. Confundantur, & reuereantur inimici mei, qui quærunt animam meam. Psal. 69.

Oratio super populum.

Præsta, quæsumus, omnipotens Deus: vt familia tua, quæ se, affligendo carnem, ab alimentis abstinet, sectando iustitiam, à culpa ieiunet. Per Dominum nostrum.

Lectio Daniélis Prophetæ.

In diebus illis. Orauit Daniel, dicens: Et nunc Domine Deus noster, qui eduxisti populum tuum de terra Ægypti in manu forti, & fecisti tibi nomen secundum diem hanc: peccauimus, iniquitatem fecimus, Domine, in omnem iustitiam tuam. Auertatur, obsecro, ira tua, & furor tuus à ciuitate tua Ierusalem, & à monte sancto tuo. Propter peccata enim nostra, & iniquitates patrum nostrorum, Ierusalem, & populus tuus in opprobrium sunt omnibus per circuitum nostrum. Nunc ergo exaudi, Domine Deus noster, orationem serui tui, & preces eius: & ostende faciem tuam super Sanctuarium tuum, quod desertum est, propter temetipsum. Inclina, Deus meus, aurem tuam, & audi: aperi oculos tuos, & vide desolationem nostram, & ciuitatem, super quam inuocatum est nomen tuum. Nequè enim in iustificationibus nostris prosternimus preces ante faciem tuam, sed in miserationi-

tionibus tuis multis. Exaudi, Domine; placare, Domine: attende, & fac, ne moreris, propter te ipsum, Deus meus; quia nomen tuum inuocatum est super ciuitatem, & super populum tuum, Domine Deus noster.

Cant. **C**onserua me, Domine, quoniam in te speraui: dixi Domino, Deus meus tu es.



Lectio sancti Euangelij secundum Matthæum.

In illo tempore. Dicebat Dominus Iesus Discipulis suis: Esto consentiens aduersario tuo citò, dum es in via cum eo; ne fortè tradat te aduersarius iudici; & iudex tradat te ministro, & in carcerem mittaris. Amen dico tibi: Non exies inde, donec reddas nouissimum quadrantem. Audistis, quia dictum est antiquis: Non moechaberis. Ego autem dico vobis, quia omnis, qui viderit mulierem ad concupiscendum eam, iam moechatus est eam in corde suo. Quòd si oculus tuus dexter scandalizat te; erue eum, & proijce abs te. Expedit enim tibi, vt pereat vnum membrum tuorum, quàm totum corpus tuum mittatur in Gehennam.

Oratio super sindonem.

Adesto, quæsumus, Domine, supplicationibus nostris: vt esse, te largiente, mereamur & inter prospera humiles, & inter aduersa securi. Per Dominum nostrum.

Offert. **P**recatus est Moyses in conspectu Domini Dei sui, & dixit: Quare, Domine, irasceris in populo tuo? Parce iræ animi tui. Memento Abraham, Isaac, & Iacob: quibus iurasti dare terram fluentem lac, & mel.

V. Et placatus factus est Dominus de malignitate, quam dixit facere populo suo.

Oratio super oblatam.

Hæc hostia, Domine, placationis, & laudis: tua nos propitiatione dignos efficiat. Per Dominum.

Præfatio.

Æterne Deus: & pietatem tuam supplici deuotione deposcere; vt ieiunij nostri oblatione placatus & peccatorum nobis concedas veniam, & à noxijs liberes nos insidijs. Per Christum Dominum nostrum.

Confract. **S**i scires, quod esset donum Dei; tu à me petisses aquam viuam: dicit Dominus: & qui biberit ex ea, non sitiet in æternum, sed fiet in eo fons aquæ salientis in vitam æternam.

Transit. **D**icit Dominus Samaritanæ: Qui biberit aquam, quam ego dabo, non sitiet in æternum, sed fiet in eo fons aquæ salientis in vitam æternam. Dicit ei mulier: Domine, da mihi hanc aquam; vt bibam, & non sitiam.

Oratio post Communionem.

Hæc nos communio, Domine, purget à crimine: & cœlestis remedij faciat esse consortes. Per Dominum nostrum.

F E R I A I I J.

Hebdom. II. in Quadragesima.

Ingressa.

Deus, in adiutorium meum, intende: Domine, ad adiuuandum me festina. Confundantur, & reuereantur inimici mei, qui quærunt animam meam.

Oratio super populum.

Perfice, quæsumus, Domine, benignus in nobis obseruantia sanctæ subsidium: vt, quæ te auctore facienda cognouimus, te operante impleamus. Per Dominum nostrum.

Lectio libri Regum.

In diebus illis. Factus est sermo Domini ad Eliam Tesbitem, dicens: Surge, & vade in Saréphta Sidonio.

doniorum, & manebis ibi. Præcepi enim ibi mulieri viduæ, vt pascat te. Surrexit, & abiit in Saréphta. Cumque venisset ad portam ciuitatis; apparuit ei mulier vidua, colligens ligna: & vocauit eam, dixitque ei: Da mihi paululum aquæ in vase, vt bibam; Cumque illa pergeret, vt afferret clamauit post tergum eius, dicens: Affer mihi, obsecro, & bucellam panis in manu tua. Quæ respondit: Viuit Dominus Deus tuus, quia non habeo panem, nisi quantum pugillus capere potest farinæ in hydria, & paululum olei in lècytho: en colligo duo ligna, vt ingrediar, & faciam illum mihi, & filio meo; vt comedamus, & moriamur. Ad quam Elías ait: Noli timere, sed vade, & fac sicut dixisti: veruntamen mihi primùm fac de ipsa farinula subcinericium panem paruulum, & affer ad me; tibi autem, & filio tuo facies postea. Hæc autem dicit Dominus Deus Israel: Hydria farinæ non deficiet: nec lècythus olei minuetur vsque ad diem, in qua Dominus daturus est pluuiam super faciem terræ. Quæ abiit, & fecit iuxta verbum Eliæ: & comedit ipse, & illa, & domus eius. Et ex illa die hydria farinæ non defecit, & lècythus olei non est imminutus iuxta verbum Domini, quod locutus fuerat in manu Eliæ.

Cant. In conuertendo Dominus captiuitatem Sion, facti sumus sicut consolati.

 **Lectio sancti Euangelij**
secundum Matthæum.

In illo tempore. Dicebat Dominus Iesus Discipulis suis: Dictum est: Quicumque dimiserit vxorem suam, det illi libellum repudij. Ego autem dico vobis, quia omnis, qui dimiserit vxorem suam, exceptâ fornicationis causâ, facit eam mœchari: & qui di-

missam duxerit, adulterat. Iterum audistis, quia dictum est antiquis: Non periurâbis: reddes autem Domino iuramenta tua. Ego autem dico vobis, non iurare omnino: neque per coelum; quia thronus Dei est: neque per terram; quia scabellum est pedum eius: neque per Ierosolymam; quia ciuitas est magni Regis: neque per caput tuum iuraueris; quia non potes vnum capillum album facere, aut nigrum. Sit autem sermo vester: Est, est: Non, non: quod autem his abundantius est, à malo est. Audistis, quia dictum est: Oculum pro oculo, & dentem pro dente. Ego autem dico vobis, non resistere malo: sed, si quis te percusserit in dexteram maxillam tuam; præbe illi & alteram: & ei, qui vult tecum in iudicio contendere, & tunicam tuam tollere; dimitte ei & pallium: & quicumque te angariauerit mille passus; vade cum illo & alia duo. Qui petit à te, da ei: & volenti mutuari à te, ne auertâris.

Oratio super sindonem.

Deus, qui ob animarum medelam ieiunij deuotione castigari corpora præcepisti, concede: vt corda nostra ita pietatis tuæ valeant exercere mandata, quatenus ab omnibus possimus semper abstinere peccatis. Per Dominum nostrum.

Offert. Precatus est Moyses in conspectu Domini Dei sui, & dixit: Quare, Domine, irasceris in populo tuo? Parce iræ animi tui. Memento Abraham, Isaac, & Iacob: quibus iurasti dare terram fluentem lac, & mel.

V. Et placatus factus est Dominus de malignitate, quam dixit facere populo suo.

Oratio super oblatam.

Suscipe, quæsumus, Domine, deuotorum munera famulorum: &

H

diut-

diuinis purifica seruientes tua pietate mysterijs, quibus impios etiam iustificare dignaris. Per Dominum.

Præfatio.

Aterne Deus: Qui ieiunia sacro instituto exequi præcepisti: vt per hanc abstinenciam, sicut confidimus de tua misericordia, mereamur veniam delictorum. Tu enim, solus Deus abluis ægritudines animarum, quæ peccati vitio irrogantur: & facis abstinenciam prodesse, quibus fuerat obligata præsumptio. Per Christum, Dominum nostrum.

Io. 4. Confra. Si scires quod esset donum Dei; tu à me petisses aquam viuam: dicit Dominus; &, qui biberit ex ea, non sitiet in æternum, sed fiet in eo fons aquæ salientis in vitam æternam.

Io. 4. Transi. Dicit Dominus Samaritanæ: Qui biberit aquam, quam ego dabo, non sitiet in æternum, sed fiet in eo fons aquæ salientis in vitam æternam. Dicit ei mulier: Domine, da mihi hanc aquam; vt bibam, & non sitiam.

Oratio post Communionem.

Ut facris, Domine, reddamur digni muneribus: fac nos tuis, quæsumus, semper obedire mandatis. Per Dominum nostrum.

F E R I A I V.

Hebdom. II. in Quadragesima.

Ingressa.

Psal. 69. Deus in adiutorium meum intende: Domine ad adiuuandum me festina. Confundantur, & reuereantur inimici mei, qui quærunt animam meam.

Oratio super populum.

Populum tuum Domine propitius respice: &, quos ab escis carnalibus præcipis abstinere, à noxijs quoque vitijs cessare concede. Per Dominum nostrum.

Lectio Libri Esther.

In diebus illis. Mardocheus deprecatus est Dominum, & dixit: Domine, Domine, Rex omnipotens; in ditione enim tuâ cuncta sunt posita; & non est, qui possit tuæ resistere voluntati, si decreueris saluare Israel. Tu fecisti Coelum, & Terram, & quidquid Coeli ambitu continetur: Dominus omnium es: nec est, qui resistat Maieitati tuæ. Et nunc, Domine Rex, Deus Abraham, miserere populi tui; quia volunt nos inimici nostri perdere, & hæreditatem tuam delere. Ne despicias partem tuam, quam redemisti tibi de Ægypto. Exaudi deprecationem meam: & propitius esto forti, & funiculo tuo: & conuerte luctum nostrum in gaudium; vt viuentes laudemus nomen tuum, Domine; & ne claudas ora te canentium, Domine, Deus noster.

Cant. De profundis clamaui ad te, Domine: Domine, exaudi vocem meam.

Lectio sancti Euangelij secundum Matthæum.

In illo tempore. Dicebat Dominus Iesus Discipulis suis: Audistis, quia dictum est: Diliges proximum tuum, & odio habebis inimicum tuum. Ego autem dico vobis: Diligite inimicos vestros: benefacite his, qui odérunt vos: & orate pro persecutibus, & calumniantibus vos; vt sitis filij Patris vestri, qui in cœlis est; qui solem suum oriri facit super bonos, & malos; & pluit super iustos, & iniustos. Si enim diligitis eos, qui vos diligunt; quam mercedem habebitis? Nonne & Publicani hoc faciunt? Et si salutaueritis fratres vestros tantum; quid amplius facitis? Nonne & Ethnici hoc faciunt? Estote ergo vos perfecti; sicut & Pater vester cœlestis perfectus est.

Ora.

Oratio super findonem.

DEus, qui non despicias contritos corde, & afflictos miserijs, populum tuum ieiunij ad te deuotione clamantem, propitiatus exaudi: vt, quos humiliavit aduersitas, attollat tuæ reparationis prosperitas. Per Dominum nostrum.

Exo. 32. Offert. Precatus est Moyſes in conſpectu Domini, Dei fui, & dixit: Quare Domine irasceris in populo tuo? Parce iræ animi tui. Memento Abraham, Isaac, & Iacob: quibus iuraſti dare terram fluentem lac, & mel.

V. Et placatus factus eſt Dominus de malignitate, quam dixit facere populo ſuo.

Oratio super oblatam.

Hoftias, Domine, quas tibi offerimus, propitiuſ respice: & per hæc ſancta commercia vincula peccatorum noſtrorum abſolue. Per Dominum noſtrum.

Præfatio.

Per Chriſtum Dominum noſtrum: Per quem humani generis reconciliationem mirabili diſpoſitione operatus eſ, præſta, quæſumus: vt ſancto purificati ieiunio & tibi toto corde ſimus ſubiectionis, & inter mundanæ prauitatis inſidias, te miſerante, perſeueremus illæſi. Per eundem Chriſtum, Dominum noſtrum.

Io. 4. Conſract. Si ſciſes quod eſſet donum Dei; tu à me petiſſes aquam viuam: dicit Dominus; &, qui biberit ex ea, non ſitiet in æternum, ſed fiet in eo ſons aquæ ſalientis in vitam æternam.

Transit. Dicit Dominus Samaritanæ: Qui biberit aquam, quam ego dabo, non ſitiet in æternum, ſed fiet in eo ſons aquæ ſalientis in vitam æternam. Dicit ei mulier: Domine, da mihi hanc aquam; vt bibam, & non ſitiam.

Oratio post Communionem.

Sumptis, Domine, ſacramentis: ad redemptionis æternæ, quæſumus, proficiamus augmentum. Per Dominum noſtrum.

F E R I A V.

Hebdom. II. in Quadragesima.

Ingreſſa.

DEus, in adiutorium meum, intende: Domine, ad adiuuandum me ſeſtina. Confundantur, & reuereantur inimici mei, qui quærunſ animam meam. Pſal. 69.

Oratio super populum.

Adeſto, Domine, ſamulis tuiſ, & perpetuam benignitatem largire poſcentibus: vt ijs, qui te auctorem, & gubernatorem gloriantur habere, & grata reſtaures, & reſtaurata conſerues. Per Dominum noſtrum.

Lectio Ieremiæ Prophetæ.

Hæc dicit Dominus Deus: Male dictus homo, qui confidit in homine, & ponit carnem brachium ſuum, & à Domino recedit cor eiſ. Erit enim quaſi myricæ in deſerto: & non videbit, cum venerit bonum: ſed habitabit in ſiccitate in deſerto, in terra falſuginis, & inhabitabili. Benedictus vir, qui confidit in Domino: & erit Dominus fiducia eiſ. Et erit quaſi lignum, quod tranſplantatur ſuper aquas: quod ad humorem mittit radices ſuas, & non timebit, cum venerit æſtus. Et erit folium eiſ viride, & in tempore ſiccitatis non erit ſollicitum, nec aliquando deſinet facere fructum. Prauum eſt cor hominiſ, & inſcrutabile: quiſ cognoscet illud? Ego Dominus ſcrutans cor, & probans renes: qui do vnicuique iuxta viam ſuam, & iuxta fructum adinventionum ſuarum. Dicit Dominus omnipotens. Cap. 17.

Cant. Domine, exaudi orationem noſtram. Pſal. 102.



Lectio sancti Evangelij
secundum Matthæum.

^{cap. 6.} **I**n illo tempore. Dicebat Dominus
Jesús Discipulis suis: Attendite,
ne iustitiam vestram faciatis coram
hominibus, ut videamini ab eis: aliò-
quin mercedem non habebitis apud
Patrem vestrum, qui in cœlis est.
Cum ergo facis eleemosynam, noli
tubâ canere ante te; sicut hypocritæ
faciunt in Synagôgis, & in vicis; ut ho-
norificentur ab hominibus. Amen di-
co vobis, receperunt mercedem suam.
Te autem faciente eleemosynam, ne-
sciat sinistra tua, quid faciat dextera
tua; ut sit elemosyna tua in abscondi-
to: & Pater tuus, qui videt te in ab-
scondito, reddet tibi. Et cum oratis,
non eritis sicut hypocritæ; qui amant
in Synagôgis, & in angulis platearum
stantes orare; ut videantur ab homi-
nibus. Amen dico vobis, receperunt
mercedem suam. Tu autem cum ora-
ueris, intra in cubiculum tuum: &
clauso ostio tuo, ora Patrem tuum in
abscondito: & Pater tuus, qui videt
in abscondito, reddet tibi.

Oratio super sindonem.

Presta nobis, quæsumus, Domine,
auxilium gratiæ tuæ: ut ieiunijs,
& orationibus conuenienter intenti,
liberemur ab hostibus mentis, & cor-
poris. Per Dominum nostrum.

^{Exo. 62.} **Offert.** Precatus est Moyses in con-
spectu Domini Dei sui, & dixit: Qua-
re, Domine, irasceris in populo tuo?
Parce iræ animi tui. Memento Abra-
ham, Isaac, & Iacob: quibus iurasti
dare terram fluentem lac, & mel.
V. Et placatus factus est Dominus de
malignitate, quam dixit facere po-
pulo suo.

Oratio super oblatam.

Presenti sacrificio nos, Domine,
ieiunia nomini tuo dicata sancti-
ficent: ut, quod obseruantia nostra

profitetur extrinsecus, interius ope-
retur effectum. Per Dominum.

Præfatio.

Æterne Deus. Et tuam cum ce-
lebratione ieiunij pietatem,
deuotis mentibus obsecrare: ut, qui,
peccatis ingruentibus, malorum pon-
dere premimur, & à peccatis omni-
bus liberemur, & libera tibi mente
famulemur. Per Christum.

Confract. Si scires quod esset donum ^{Io. 4.}
Dei; tu à me petisses aquam viuam:
dicit Dominus; & qui biberit ex ea,
non sitiet in æternum, sed fiet in eo
fons aquæ salientis in vitam æternam.

Transit. Dicit Dominus Samaritanæ: ^{Io. 4.}
Qui biberit aquam, quam ego dabo,
non sitiet in æternum, sed fiet in eo
fons aquæ salientis in vitam æternam.
Dicit ei mulier: Domine, da mihi
hanc aquam; ut bibam, & non sitiam.

Oratio post Communionem.

Gratia tua nos, quæsumus, Do-
mine, non derelinquat: quæ
& nobis opem tuæ largitatis semper
acquirit, & ab omnibus tueatur ad-
uersis. Per Dominum.

S A B B A T O

Hebdom. II. in Quadragesima.

Ingressa.

Deus, in adiutorium meum in-
tende: Domine, ad adiu- ^{Ps. 68.}
uandum me festina. Con-
fundantur, & reuereantur inimici mei,
qui quærunt animam meam.

Oratio super populum.

DA, quæsumus, Domine, nostris
effectum ieiunij salutarem: ut
castigatio carnis assumpta ad nostra-
rum vegetationem transeat anima-
rum. Per Dominum nostrum.

Epistola Beati Pauli Apostoli
ad Ephesios.

Fratres. Estote imitatores Dei, si- ^{cap.}
cut filij charissimi: & ambulate in
dile-

Antiphona post Euangelium.

Tollam vos de gentibus: & effundam super vos aquam mundam: lauabimini ab omnibus iniquitatibus vestris. Dabo vobis cor nouum, & spiritum rectum innouabo in visceribus vestris. Eze. 36.

Oratio super sindonem.

Familiam tuam, quæsumus, Domine, continua pietate custodi: vt, quæ in sola spe gratiæ coelestis innititur, coelesti etiam protectione muniatur. Per Dominum nostrum.

Offert. Precatus est Moyses in conspectu Domini Dei sui, & dixit: Quare, Domine, irasceris in populo tuo? Parce iræ animi tui. Memento Abraham, Isaac, & Iacob: quibus iurasti dare terram fluentem lac, & mel. Exo. 32.

¶ Et placatus factus est Dominus de malignitate, quam dixit facere populo suo.

Oratio super oblatam.

His sacrificijs, Domine, concede placatus: vt, qui proprijs oramus absolui delictis, non grauëmur externis. Per Dominum.

Præfatio.

Æterne Deus: Et tuam iugiter exorare clementiam, vt mentes nostras, quas conspicias terrenis affectibus prægrauari, medicinalibus tribuas ieiunijs exonerari: nobisque per afflictionem corporum proueniat robur animarum. Per Christum Dominum nostrum. Per quem.

Confract. Si scires, quod esset donum Dei; tu à me petisses aquam viuam: dicit Dominus; & qui biberit ex ea, non sitiet in æternum, sed fiet in eo fons aquæ salientis in vitam æternam. Io. 4.

Transit. Dicit Dominus Samaritanæ: Qui biberit aquam, quam ego dabo, non sitiet in æternum, sed fiet in eo fons aquæ salientis in vitam æternam. Dicit ei mulier: Domine, da.

dilectione; sicut & Christus dilexit nos, & tradidit semetipsum pro nobis oblationem, & hostiam Deo in odorem suauitatis. Fornicatio autem, & omnis immunditia, aut auaritia nec nominetur in vobis; sicut decet sanctos: aut turpitudine, aut stultiloquium, aut scurrilitas, quæ ad rem non pertinet; sed magis gratiarum actio. Hoc enim scitote, intelligentes, quod omnis fornicator, aut immundus, aut auarus (quod est Idolorum seruitus) non habet hæreditatem in Regno Christi, & Dei. Nemo vos seducat inanibus verbis. Propter hæc enim venit ira Dei in filios diffidentiae. Nolite ergo effici participes eorum. Eratis enim aliquando tenebræ; nunc autem lux in Domino; vt filij lucis ambulate. Fructus enim lucis est in omni bonitate, & iustitia, & veritate.

Cant. Benedicam Dominum, qui mihi tribuit intellectum.

✠ Lectio sancti Euangelij
secundum Marcum.

Cap. 6. In illo tempore. Abijt Dominus Iesus in patriam suam: & sequebantur eum Discipuli sui. Et factò Sabbato, coepit in Synagoga docere. Et multi audientes admirabantur in doctrina eius, dicentes: Vnde huic hæc omnia? Et quæ est sapientia, quæ data est illi: & virtutes tales, quæ per manus eius efficiuntur? Nonne hic est faber, filius Mariæ, frater Iacobi, & Ioseph, & Iudæ, & Simonis? Nonne & sorores eius hîc nobiscum sunt? Et scandalizabantur in illo. Et dicebat illis Iesus: Quia non est Propheta sine honore, nisi in patria sua, & in domo sua, & in cognatione sua. Et non poterat ibi virtutem vllam facere; nisi paucos infirmos impositis manibus curauit.

mihi hanc aquam; vt bibam, & non sitiam.

Oratio post Communionem.


Sacramenti tui, Domine, diuina libatio penetralia nostri cordis infundat: & sui participes nos potenter efficiat. Per Dominum nostrum.

DOMINICA III.

In Quadragesima: quæ dicitur De Abraham.

Ingressa.

Psal.
144.



Misericors, & miserator Dominus: qui non secundum peccata nostra fecit nobis: sed, sicut miseretur Pater filiis, ita misertus est nobis Dominus Deus noster.

V. Dominus vobiscum.

Sequuntur Preces de Dominica prima.

V. Diuinæ pacis, & indulgentiæ munere supplicantes, ex toto corde, & ex tota mente precamur te.

R. Domine miserere.

V. Pro Ecclesia tua sancta catholica, quæ hic, & per vniuersum orbem diffusa est, precamur te.

R. Domine miserere.

V. Pro Papa nostro, **N**, & Pontifice nostro, **N**, & omni Clero eorum, omnibusque Sacerdotibus, ac ministris precamur te.

R. Domine miserere.

V. Pro famulis tuis, **N**, Imperatore, & **N**, Rege, Duce nostro, & omni exercitu eorum precamur te.

R. Domine miserere.

V. Pro pace Ecclesiarum, vocatione Gentium, & quiete populorum precamur te.

R. Domine miserere.

V. Pro Ciuitate hac, & conuersatione eius, omnibusque habitantibus in ea, precamur te.

R. Domine miserere.

V. Pro aeris temperie, & fructu, & fecunditate terrarum, precamur te.

R. Domine miserere.

V. Pro Virginibus, Viduis, Orphanis, Captiuis, ac Poenitentibus, precamur te.

R. Domine miserere.

V. Pro Nauigantibus, iter Agentibus, in carceribus, in vinculis, in metallis, in exilijs Constitutis, precamur te.

R. Domine miserere.

V. Pro ijs, qui diuersis infirmitatibus detinentur, quique Spiritibus vexantur immundis, precamur te.

R. Domine miserere.

V. Pro ijs, qui in sancta tua Ecclesia fructus misericordiæ largiuntur, precamur te.

R. Domine miserere.

V. Exaudi nos Deus in omni oratione, atque deprecatione nostra, precamur te.

R. Domine miserere.

V. Dicamus omnes.

R. Domine miserere: Kyrie eleison, Kyrie eleison, Kyrie eleison.

V. Dominus vobiscum.

Oratio super populum.

Adiuuā, quæsumus, Domine, fragilitatem plebis tuæ ieiunij sacramento: vt ad votiuios paschalis celebritatis effectus & corporaliter gubernata concurrat, & per tuam gratiam deuota perueniat. Per Dominum nostrum.

Lectio libri Exodi.

In diebus illis. Locutus est Dominus ad Moysen, dicens: Præcede tibi duas tabulas lapideas instar priorum: & scribe super eas verba, quæ habuerunt tabulæ, quas fregisti. Esto paratus manere, vt ascendas statim in montem Sinai: stabisque mecum super verticem montis. Nullus ascen-
dat

Dominica IIJ. in Quadrag. De Abraham.

91

dat tecum, nec videatur quispiam, per totum montem: boues quoque, & oues non pascantur è contra. Excidit ergo duas tabulas lapideas, quales antea fuerant: & de nocte confurgens ascendit in montem Sinai, sicut præceperat ei Dominus, portans secum tabulas. Cumque descendisset Dominus per nubem; stetit Moyses cum eo, inuocans nomen Domini. Quo transeunte coram eo, ait: Dominator Domine Deus, misericors, & clemens, patiens, & multæ misericordiam in millia: qui aufers iniquitatem, & scelera, atque peccata: nullusque apud te per se innocens est: qui reddis iniquitatem patrum, filiis, ac nepotibus in tertiam, & quartam progeniem. Festinusque Moyses curuatus est pronus in terram: & adorans ait: Si inueni gratiam in conspectu tuo, Domine; obsecro, ut gradiaris nobiscum (populus enim duræ ceruicis est) & auferas iniquitates nostras, atque peccata, nosque possideas. Respondit Dominus: Ego inibo pactum, videntibus cunctis: signa faciam, quæ nunquam visa sunt super terram, nec in ullis gentibus; ut cernat populus iste, in cuius es medio, opus Domini terribile, quod facturus sum. Dicit Dominus omnipotens.

Psalmell. Deus, vitam meam annunciaui tibi: posuisti lachrymas meas in conspectu tuo.

Ps. Miserere mei Deus; quoniam conculcauit me homo, tota die bellans tribulauit me.

Epistola Beati Pauli Apostoli ad Thessalonicenses prima.

Cap. 2. & 3. Fratres. Vos estis gloria nostra, & gaudium. Propter quod non sustinentes amplius, placuit nobis remanere Athénis, solis: & misimus

Timotheum fratrem nostrum, & ministrum Dei in Euangelio Christi, ad confirmandos vos, & exhortandos pro fide vestra; ut nemo moueatur in tribulationibus istis. Ipsi enim scitis, quod in hoc positi sumus. Nam & cum apud vos essemus, prædicebamus vobis, passuros nos tribulationes; sicut & factum est, & scitis. Propterea & ego amplius non sustinens misi ad cognoscendam fidem vestram; ne forte tentauerit vos is, qui tentat; & inanis fiat labor noster. Nunc autem, veniente Timotheo ad nos à vobis, & annunciante nobis fidem, & charitatem vestram, & quia memoriam nostri habetis bonam, semper, desiderantes nos videre, sicut nos quoque vos, ideo consolati sumus, fratres, in vobis in omni necessitate, & tribulatione nostra per fidem vestram; quoniam nunc viuimus, si vos statis in Domino.

Cant. Ad Dominum, cum tribularer, **Psalm.** 119. clamaui; & exaudiuit me.

Ps. j. Domine, libera animam meam à labijs iniquis, & à lingua dolosa.

Ps. ij. Heu me; quia incolatus meus prolongatus est habitare cum habitantibus Cedar.

✠ Lectio sancti Euangelij secundum Ioannem.

In illo tempore. Dicebat Dominus **Cap. 8.** Jesus ad eos, qui crediderunt ei, Iudæos: Si vos manseritis in sermone meo; verè discipuli mei eritis; & cognoscetis veritatem; & veritas liberabit vos. Responderunt ei: Semen Abraham sumus, & nemini seruiuimus vnquam: quomodo tu dicis, liberi eritis? Respondit eis Jesus: Amen, amen dico vobis, quia omnis, qui facit peccatum, seruus est peccati. Seruus autem non manet in domo in æternum; filius manet in æternum. Si ergo vos filius liberauerit; verè

verè liberi eritis. Scio, quia filij Abrahamæ estis; sed quæritis me interficere, quia sermo meus non capit in vobis. Ego, quod vidi apud Patrem, loquor; & vos, quæ vidistis apud Patrem vestrum, facitis. Respondérunt, & dixerunt ei; Pater noster Abraham est. Dicit eis Jesus: Si filij Abrahamæ estis; opera Abrahamæ facite. Nunc autem, quæritis me interficere, hominem, qui veritatem vobis locutus sum, quam audiui à Deo: hoc Abraham non fecit. Vos facitis opera patris vestri. Dixerunt itaque ei: Nos ex fornicatione non sumus nati: vnum patrem habemus Deum. Dixit ergo eis Jesus: Si Deus pater vester esset; diligerétis utique me. Ego enim ex Deo processi, & veni; neque enim à me ipso veni; sed ille me misit. Quare loquelam meam non cognoscitis? Quia non potestis audire sermonem meum. Vos ex patre Diabolo estis: & desideria patris vestri vultis facere. Ille homicida erat ab initio, & in veritate non stetit; quia non est veritas in eo. Cum loquitur mendacium, ex proprijs loquitur; quia mendax est, & pater eius. Ego autem quia veritatem dico; non creditis mihi. Quis ex vobis arguet me de peccato? Si veritatem dico; quare vos non creditis mihi? Qui ex Deo est, verba Dei audit. Propterea vos non auditis; quia ex Deo non estis. Respondérunt ergò Iudæi, & dixerunt ei: Nonne benedicimus nos, quia Samaritanus es tu, & Dæmonium habes? Respondit Jesus: Ego Dæmonium non habeo; sed honorifico Patrem meum; & vos inhonorastis me. Ego autem non quæro gloriam meam: est qui quærat, & iudicet. Amen, amen dico vobis: Si quis sermonem meum seruauerit; mortem non videbit in æternum. Dixerunt ergo Iu-

dæi: Nunc cognouimus, quia Dæmonium habes. Abraham mortuus est, & Prophetæ: & tu dicis: Si quis sermonem meum seruauerit; non gustabit mortem in æternum. Nunquid tu maior es patre nostro Abraham, qui mortuus est? Et Prophetæ mortui sunt. Quem te ipsum facis? Respondit Jesus: Si ego glorifico meipsum; gloria mea nihil est. Est Pater meus, qui glorificat me: quem vos dicitis, quia Deus vester est; & non cognouistis eum. Ego autem noui eum: & si dixero, quia non scio eum; ero similis vobis mendax. Sed scio eum, & sermonem eius seruo. Abraham pater vester exultauit, ut videret diem meum; & vidit, & gaudius est. Dixerunt ergo Iudæi ad eum: Quinquaginta annos nondum habes; & Abraham vidisti? Dixit eis Jesus: Amen, amen dico vobis: Antequam Abraham fieret, ego sum. Tulerunt ergo lapides, ut iacerent in eum. Jesus autem abscondit se, & exiuit de Templo.

Antiphona post Euangelium.

Respice, Domine, ad fragilitatem generis humani: & require vulnera, quæ curasti. Quia quantam circa nos pietatem impenderis; amplius, quibus miserearis, inuenies. Extende, quæsumus, medicas manus: & quod infirmum est, cura: quod dubium est, repara: quod integrum, fide perseverante, conserua.

Oratio super sindonem.

Sanctifica, quæsumus, Domine, nostra propitius ieiunia: & cunctarum nobis indulgentiam largire, placatus culparum. Per Dominum nostrum.

Offertor. Dixit Moyses, & Aaron ad omnem Synagogam filiorum Israel: Accedite ante Deum. Maiestas Domini apparuit in nube: & exaudiuit
mur-

murmurationem vestram in tempore.

V. Et placatus factus est Dominus de malignitate, quam dixit facere populo suo.

Dicitur: Credo.

Oratio super oblatam.

Offerimus tibi, Domine, munera, supplicantes: ut, quæ subditi pijs celebramus officijs, plenius affectibus exequamur. Per Dominum.

Præfatio.

Aterne Deus. Tu es enim, Domine, mitissimus Pater: qui ante multa tempora, Abraham in semine, Christi tui, Deique, Natique, aduentum clamasti. Iam, iamque tenemus, quod olim Patribus promittebas. Nam, quod Abraham sancto Gentium populus pollicetur: verissime ex omni gente, tribu, & lingua christiana Religio congregatur. O quam perfida, & pertinax gens Iudæorum iniqua: qui cœlestem Patrem recognoscere nolunt; & in semine gloriantur! O ingrata gens, multis perculsa vicibus: qui respuunt præsentem, nec tenere valent absentem! Nos verò magnis vocibus exultemus: qui & locum pariter, & Regnum accepimus Iudæorum. Per eundem Christum Dominum.

Confractor. Abraham pater vester exultavit, ut videret diem meum: & vidit, & gaudens est: dicit Dominus.

Transitor. Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Suppliciter rogamus, omnipotens Deus: ut, quos tuis reficis sacramentis, tibi etiam placitis moribus deferuire concedas. Per Dominum nostrum.

F E R I A I J.

Hebdom. III. in Quadrag.

Ingressa.

Misericors, & miserator Dominus: qui non secundum peccata nostra fecit nobis: sed, sicut miseretur pater filijs; ita misertus est nobis Dominus Deus noster.

Oratio super populum.

Cordibus nostris, quæsumus, Domine, benignus infunde: ut, sicut ab escis corporalibus abstinemus, ita sensus quoque nostros à noxijs retrahamus excessibus. Per Dominum.

Lectio libri Regum.

In diebus illis. Naaman, princeps militiæ Regis Syriæ, erat vir magnus apud dominum suum, & honoratus. Per illum enim dedit Dominus salutem Syriæ. Erat autem vir fortis, & diues, sed leprosus. Porro de Syria egressi fuerant latrunculi: & captivam duxerant de terra Israel puellam paruulam, quæ erat in obsequio vxoris Naaman: quæ ait ad dominam suam: Utinam fuisset dominus meus ad Prophetam, qui est in Samaria: profectò curasset eum à lepra, quam habet. Ingressus est itaque Naaman ad dominum suum: & nunciauit ei, dicens: Sic, & sic locuta est puella de terra Israel. Dixitque ei Rex Syriæ: Vade, & mittam literas ad Regem Israel. Qui cum profectus esset, & tulisset secum decem talenta argenti, & sex millia aureos, & decem mutatoria vestimentorum; detulit literas ad Regem Israel in hæc verba: Cum acceperis epistolam hanc; scito, quod miserim ad te Naaman seruum meum; ut cures eum à lepra sua. Cumque legisset Rex Israel literas; scidit vestimenta sua, & ait: Nunquid Deus ego sum, ut occidere

cidere possim, & viuificare; quia iste misit ad me, vt cures hominem à lepra sua? Animaduertite, & videte, quòd occasiones quærat aduersum me. Quod cum audisset Elisæus vir Dei, scidisse videlicet Regem Israel vestimenta sua; misit ad eum dicens: Quare scidisti vestimenta tua? Veniat ad me: & sciat, esse Prophetam in Israel. Venit ergo Naaman cum equis, & curribus: & stetit ad ostium domus Elisæi. Misitque ad eum Elisæus nuncium, dicens: Vade, & laua re septies in Iordane; & recipiet san itatem caro tua, atque mundaberis. Iratus Naaman recedebat, dicens: Putabam, quòd egrederetur ad me, & stans inuocaret nomen Domini Dei sui, & tangeret manu sua locum lepræ, & curaret me. Nunquid non meliores sunt Abana, & Pharphar, fluuij Damasci omnibus aquis Israel, vt lauer in eis, & munder? Cum ergo vertisset se, & abiret indignans; accesserunt ad eum serui sui, & locuti sunt ei: Pater, etsi rem grandem dixisset tibi Propheta; certè facere debueras; quantò magis, quia nunc dixit tibi: Lauare, & mundaberis? Descendit, & lauit in Iordane septies, iuxta sermonem Viri Dei; & restituta est caro eius sicut caro pueri par uuli, & mundatus est. Reuersusque ad Virum Dei cum vniuerso comita tu suo venit, & stetit coram eo, & ait: Uerè scio, quòd non sit alius Deus in vniuersa terra, nisi tantum in Israel.

Cant. **C**onserua me Domine; quoniam in te speraui. Dixi Domino: Deus meus tu es.



Lectio sancti Euangelij secundum Matthæum.

In illo tempore. Dicebat Domi nus Jesus Discipulis suis: Orantes nolite multum loqui, sicut Ethnici. Putant enim, quòd in multiloquio

suo exaudiantur. Nolite ergo assimi lari eis. Scit enim Pater vester, quid opus sit vobis, antequam petatis eum. Sic ergo vos orabitis: Pater noster, qui es in cœlis, sanctificetur nomen tuum. Adueniat Regnum tuum. Fiat voluntas tua, sicut in cœlo, & in terra. Panem nostrum supersubstantialem da nobis hodie. Et dimitte nobis de bita nostra; sicut & nos dimittimus debitoribus nostris. Et ne nos indu cas in tentationem. Sed libera nos à malo. Amen. Si enim dimiseritis ho minibus peccata eorum; dimittet & vobis Pater vester cœlestis delicta ve stra. Si autem non dimiseritis homi nibus; nec Pater vester dimittet vo bis peccata vestra.

Oratio super sindonem.

Subdita tibi, Domine, plebis tuæ corda sanctifica: vt benedictio nem tuam, quam ieiunijs expetit, te donante, percipiens & præsentibus gaudeat consolationibus, & futuris. Per Dominum nostrum.

Offert. Dixit Moyse, & Aaron ad omnem Synagogam filiorum Israel: Accedite ante Deum. Maiestas Do mini apparuit in nube, & exaudiuit murmurationem vestram in tempo re.

¶ Et placatus factus est Dominus de malignitate, quam dixit facere po pulo suo.

Oratio super oblatam.

MUnus, quod tibi, Domine, no stræ seruitutis offerimus: tu sa lutare nobis perfice sacramentum. Per Dominum nostrum.

Præfatio.

ÆTerne Deus: Et clementiam tuam supplicibus votis pre cari: vt per hanc ieiuniorum obser uationem crescat nostræ deuotionis affectus; vnde & ab humanis, te au xiliante, semper retrahamur excessi bus,

bus, & monitis, te largiente, coelestibus inhaerere valeamus. Per Christum Dominum nostrum.

Confractor. Abraham pater vester exultauit, vt videret diem meum: & vidit, & gauisus est: dicit Dominus.

Transitor. Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Praesta, quæsumus, omnipotens, & misericors Deus: vt, quod ore percepimus, sincero corde teneamus. Per Dominum nostrum.

F E R I A I I J.

Hebdom. IIJ. in Quadrag.

Ingressa.

Misericors, & miserator Dominus: qui non secundum peccata nostra fecit nobis: sed, sicut miseretur pater filijs; ita misertus est nobis Dominus Deus noster.

Oratio super populum.

Exaudi nos, omnipotens, & misericors Deus: & continentiae salutaris propitius nobis dona concede. Per Dominum.

Lectio libri Regum.

In diebus illis. Mulier quædam clamabat ad Elisæum Prophetam, dicens: Seruus tuus, vir meus mortuus est: & tu nosti, quia seruus tuus fuit timens Dominum. Et ecce creditor venit, vt tollat duos filios meos ad seruiendum sibi. Cui dixit Elisæus: Quid vis vt faciam tibi? Dic mihi, quid habes in domo tua? At illa respondit: Non habeo ancilla tua quicquam in domo mea, nisi parum olei, quo vngar. Cui ait: Vade: pete mutuum ab omnibus vicinis tuis vasa vacua non pauca: & ingredere, & claude ostium tuum, cum intrinsecus fue-

ris tu, & filij tui: & mitte inde in omnia vasa hæc: & cum plena fuerint, tolles. Iuit itaque mulier, & clausit ostium super se, & super filios suos. Illi offerebant vasa: & illa infundebat. Cumque plena fuissent vasa: dixit ad filium suum: Affer mihi adhuc vas. Et ille respondit: Non habeo. Stetitque oleum. Venit autem illa, & indicauit Homini Dei. Et ille: Vade, inquit, vende oleum, & redde creditori tuo: tu autem, & filij tui viuite de reliquo.

Cant. In conuertendo Dominus captiuitatem Sion, facti sumus sicut consolati.



Lectio sancti Euangelij secundum Matthæum.

In illo tempore. Dicebat Dominus Jesus Discipulis suis: Cum ieiunatis, nolite fieri sicut hypocritæ, tristes; exterminant enim facies suas, vt pareant hominibus ieiunantes. Amen dico vobis, quia receperunt mercedem suam. Tu autem cum ieiunas, vnge caput tuum, & faciem tuam laua; ne videaris hominibus ieiunans, sed Patri tuo, qui est in abscondito: & Pater tuus, qui videt in abscondito, reddet tibi.

Oratio super sindonem.

Subueniat nobis, Domine, misericordia tua: vt ab imminentibus peccatorum nostrorum periculis te mereamur protegente eripi, & te liberante saluari. Per Dominum.

Offertor. Dixit Moyses, & Aaron ad omnem Synagogam filiorum Israel: Accedite ante Deum. Maestas Domini apparuit in nube, & exaudiuit murmurationem vestram in tempore.

V. Et placatus factus est Dominus de malignitate, quam dixit facere populo suo.

Oratio super oblatam.

Per hæc sacramenta, quæsumus, Domine, veniat nostræ redemptionis effectus: qui nos & ab humanis retrahat semper excessibus, & ad salutaria dona perducat. Per Dominum nostrum.

Præfatio.

Æterne Deus. Qui peccantium non vis animas perire, sed culpas: & peccantes non semper exemplo iudicas, sed ad poenitentiam prouocatos expectas. Auerte, quæsumus, à nobis, quam meremur, iram: & quam optamus, super nos effunde clementiam; vt sacro purificati ieiunio, Electorum tuorum ascisci mereamur collegio. Per Christum Dominum nostrum.

Confractor. Abraham pater vester exultauit, vt videret diem meum: & vidit, & gauisus est: dicit Dominus.

Transitor. Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Sacris, Domine, mysterijs expiati: & veniam, quæsumus, consequamur, & gratiam. Per Dominum.

F E R I A I V.

Hebdom. III. in Quadrag.

Ingressa.

Misericors, & miserator Dominus: qui non secundum peccata nostra fecit nobis: sed, sicut miseretur pater filijs, ita, misertus est nobis Dominus Deus noster.

Oratio super populum.

Præsta nobis, quæsumus, Domine: vt salutaribus ieiunijs eruditi, à noxijs quoque vitijs abstinentes, propitiationem tuam facilius impetremus. Per Dominum nostrum.

Lectio libri Exodi.

Hæc dicit Dominus Deus. ^{Cap. 10.} Honora patrem tuum, & matrem tuam; vt sis longæuus super terram, quam Dominus Deus tuus dabit tibi. Non occides: Non mœchaberis: Non furtum facies: Non loquêris contra proximum tuum falsum testimonium: Non concupisces domum proximi tui: Nec desiderabis vxorem eius; non seruum, non ancillam, non bouem, non asinum; nec omnia, quæ illius sunt. Cunctus autem populus videbat voces, & lampades, & sonitum buccinæ, montemque fumantem: & perterriti, ac pauore concussi steterunt procul, dicentes Moyse: Loquere tu nobis, & audiemus: non loquatur nobis Dominus, ne fortè moriamur. Et ait Moyses ad populum: Nolite timere. Ut enim probaret vos, venit Deus; & vt terror illius esset in vobis, & non peccaretis. Stetitque populus de longè: Moyses autem accessit ad caliginem, in qua erat Deus. Dixit præterea Dominus ad Moysen: Hæc dices filijs Israel: Vos vidistis, quòd de coelo locutus sim vobis. Non facietis Deos argenteos, nec Deos aureos facietis vobis. Altare de terra facietis mihi, & offeretis super eo holocausta, & pacifica vestra, oues vestras, & boues. In omni loco, in quo memoria fuerit nominis mei, veniam ad te, & benedicam tibi. Dicit Dominus omnipotens.

Cant. De profundis clamaui ad te, Domine: Domine, exaudi vocem meam. ^{Psalm. 119.}



Lectio sancti Euangelij secundum Matthæum.

In illo tempore. Dixit Dominus ^{Cap. 6.} Jesus Discipulis suis: Nolite thesaurizare vobis thesauros in terra, vbi ærugo, & tinea demolitur, & vbi fures

fures effodiunt, & furantur. Thesaurizate autem vobis thesauros in celo, vbi neque ærugo, neque tinea demolitur, & vbi fures non effodiunt, nec furantur. Vbi enim est thesaurus tuus, ibi est & cor tuum.

Oratio super sindonem.

Concede, quæsumus, omnipotens Deus: vt, qui protectionis tuæ gratiam quærimus, liberati à malis omnibus secura tibi mente seruiamus. Per Dominum nostrum.

Exo. c. 16. Offert. Dixit Moyfes, & Aaron ad omnem Synagogam filiorum Israel: Accedite ante Deum. Maiestas Domini apparuit in nube: & exaudiuit murmurationem vestram in tempore.

Exo. c. 32. V. Et placatus factus est Dominus de malignitate, quam dixit facere populo suo.

Oratio super oblatam.

Suscipe, quæsumus, Domine preces populi tui cum oblationibus hostiarum: & tua mysteria celebrantes, ab omnibus nos defende periculis. Per Dominum nostrum, Iesum Christum.

Præfatio.

Æterne Deus: Tuamque misericordiam suppliciter exorare: vt ieiuniorum nostrorum sacrosancta mysteria tuæ sint pietati semper accepta: concedasque, vt, quorum corpora abstinentiæ medicinâ curantur, mentes quoque virtutibus, & celestibus institutis exornentur. Per Christum, Dominum nostrum.

Io. 8. Confractor. Abraham pater vester exultauit, vt videret diem meum: & vidit, & gauisus est: dicit Dominus.

Io. 8. Transitor. Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Sanctificet nos, Domine, qua pastifumus, mensa coelestis: & à cunctis erroribus expiatis supernis promissionibus reddat acceptos. Per Dominum nostrum.

F E R I A V.

Hebdom. IIJ. in Quadrages.

Ingressa.

Misericors, & miserator Dominus: qui non secundum peccata nostra fecit nobis: sed, sicut miseretur pater filiis; ita misertus est nobis Dominus, Deus noster.

Oratio super populum.

DA, quæsumus, Domine, Rex æterne cunctorum: vt, sacro nos purificante ieiunio, sincêris mentibus ad tua sancta ventura facias peruenire lætantes. Per Dominum.

Lectio Ieremiæ Prophetæ.

In diebus illis. Factum est verbum Domini ad me, dicens: Sta in porta domus Domini, & prædica ibi verbum istud, & dic: Audite verbum Domini omnis Iuda, qui ingredimini per portas has, vt adoretis Dominum. Hæc dicit Dominus exercituum, Deus Israel: Bonas facite vias vestras, & studia vestra; & habitabo vobiscum in loco isto. Nolite confidere in verbis mendacij, dicentes: Templum Domini, Templum Domini, Templum Domini est. Quoniam, si bene direxeritis vias vestras, & studia vestra: si feceritis iudicium inter virum, & proximum eius: aduenæ, & pupillo, & viduæ non feceritis calumniam: nec sanguinem innocentem effuderitis in loco hoc: & post Deos alienos non ambulaueritis in malum vobismetipsis: habitabo vobiscum in loco isto, in terra, quam dedi patribus vestris, à sæculo, & vscue

que in sæculum. Ait Dominus omnipotens.

Cantus: Domine exaudi orationem nostram.



Lectio sancti Euangelij secundum Matthæum.

In illo tempore. Dicebat Dominus Iesus Discipulis suis: Lucerna corporis tui est oculus tuus. Si oculus tuus fuerit simplex; totum corpus tuum lucidum erit. Si autem oculus tuus fuerit nequam; totum corpus tuum tenebrosum erit. Si ergo lumen, quod in te est, tenebræ sunt; ipsæ tenebræ quantæ erunt? Nemo potest duobus dominis seruire. Aut enim vnum odio habebit, & alterum diliget: aut vnum sustinebit, & alterum contemnet. Non potestis Deo seruire, & mammonæ. Ideo dico vobis; ne solliciti sitis animæ vestræ, quid manducetis; neque corpori vestro, quid induamini. Nonne anima plus est, quàm esca: & corpus plus, quàm vestimentum? Respicite volatilia cœli, quoniam non serunt, neque metunt, neque congregant in horrea; & Pater vester cœlestis pascit illa.

Oratio super sindonem.

Deus, de cuius gratiæ rore descendit, vt ad mysteria tua, purgatis sensibus accedamus, præsta, quæsumus: vt in eorum traditione, solemniter honoranda, competens deferamus obsequium. Per Dominum nostrum.

Exo. 16. Offert. Dixit Moyses, & Aaron ad omnem Synagôgam filiorum Israel: Accedite ante Deum. Maiestas Domini apparuit in nube, & exaudiuit murmurationem vestram in tempore.

Exo. 17. V. Et placatus factus est Dominus de malignitate, quam dixit facere populo suo.

Oratio super oblatam.

Respice, Domine, propitius ad munera, quæ facramus: vt & tibi grata sint, & nobis salutaria semper existant. Per Dominum nostrum.

Præfatio.

Æterne Deus: Et tuam immensam clementiam supplici voto deposcere: vt nos famulos tuos, ieiunij maceratione castigatos, & cæteris bonorum operum exhibitionibus eruditos, in mandatis tuis facias perseuerare sinceros, & ad paschalia festa peruenire illæsos: sicque præsentibus subsidijs consolemur, quatenus ad æterna gaudia pertingere mereamur. Per Christum Dominum.

Confractor. Abraham pater vester exultauit, vt videret diem meum: & vidit, & gauisus est: dicit Dominus.

Transitor. Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Sacramenti tui, Domine, veneranda perceptio: & mystico nos mundet effectu, & perpetua virtute defendat. Per Dominum nostrum.

S A B B A T O

Hebdom III. in Quadragesima.

Ingressa.

Misericors, & miserator Dominus: qui non secundum peccata nostra fecit nobis: sed, sicut miseretur pater filiis; ita, misertus est nobis Dominus Deus noster.

Oratio super populum.

Præsta, quæsumus, omnipotens Deus: vt dignitas conditionis humanæ, quæ per immoderantiam fuerat fauciata, medicinalis parsimoniam studio reformetur. Per Dominum nostrum.

Episto-

Sabbato Hebd. III. in Quadragesima.

99

Epistola Beati Pauli Apostoli
ad Thessalonicenses prima.

Fratres. Gratias agimus Deo sine
intermissione; quoniam, cum
accepissetis à nobis verbum auditus
Dei, accepistis illud, non vt verbum
hominum, sed (sicut est verè) ver-
bum Dei: qui operatur in vobis, qui
credidistis. Vos enim imitatores fa-
cti estis, fratres, Ecclesiarum Dei,
quæ sunt in Iudæa, in Christo Jesu;
quia eadem passi estis & vos à contri-
bulibus vestris, sicut & ipsi à Iudæis;
qui & Dominum occiderunt Jesum,
& Prophetas, & nos persecuti sunt,
& Deo non placent, & omnibus ho-
minibus aduersantur; prohibentes
nos Gentibus loqui, vt saluæ fiant; vt
impleant peccata sua semper. Perue-
nit enim ira Dei super illos vsque
in finem. Nos autem, fratres, deso-
lāti à vobis ad tempus horæ, aspe-
ctu, non corde, abundantius festina-
uimus faciem vestram videre cum
multo desiderio; quoniam volumus
venire ad vos; ego quidem Paulus,
& semel, & iterum; sed impediuit
nos Satan. Quæ est enim nostra
spes, aut gaudium, aut corona glo-
riæ? Nonne vos ante Dominum no-
strum Jesum Christum estis in aduen-
tu eius? Vos enim estis gloria no-
stra, & gaudium.

Cant. Benedicam Dominum, qui mi-
hi tribuit intellectum.



Lectio sancti Euangelij
secundum Marcum.

In illo tempore. Vocauit Dominus
Jesum Duodecim: & coepit eos mit-
tere binos, & dabat illis potestatem
Spiritus immundorum. Et præce-
pit eis, ne quid tollerent in via, nisi
virgam tantum: non peram, non pa-
nem, neque in zona æs; sed calcea-
tos sandalijs, & ne induerentur dua-
bus tunicis. Et dicebat eis: Quocun-

que introieritis in domum, illic ma-
nete, donec exeatis inde: & quicun-
que non receperint vos, nec audie-
rint vos; exeuntes inde, excutite
puluerem de pedibus vestris in testi-
monium illis. Et exeuntes prædica-
bant, vt poenitentiam agerent: &
Dæmonia multa eiciebant: & vnge-
bant oleo multos ægros; & sanaban-
tur.

Antiphona post Euangelium.

Respice, Domine, ad fragilitatem
generis humani: & requirere vulnera,
quæ curasti. Quia, quantam circa
nos pietatem impenderis; amplius,
quibus miserearis, inuenies. Exten-
de, quæsumus, medicas manus: &
quod infirmum est, cura: quod du-
bium est, repara: quod integrum,
fide perseverante, conserua.

Oratio super sindonem.

Adesto, quæsumus, Domine, pro-
pitius fidelibus tuis: vt, quæ ti-
bi non placent, respicientes, tuorum
potius repleantur dilectionibus man-
datorum. Per Dominum nostrum.

Offertor Dixit Moyses, & Aaron ad
omnem Synagogam filiorum Israel:
Accedite ante Deum. Maiestas Do-
mini apparuit in nube, & exaudiuit
murmurationem vestram in tempo-
re.

V. Et placatus factus est Dominus de
malignitate, quam dixit facere po-
pulo suo.

Oratio super oblatam.

Concede, quæsumus, omnipotens
Deus: vt huius sacrificij munus
oblatum fragilitatem nostram ab om-
ni malo purget semper, & muniat.
Per Dominum nostrum.

Præfatio.

Æterne Deus. Qui ieiunij qua-
dragesimalis obseruationem
in Moyse, & Elia dedicasti: & in vni-
genito Filio tuo Legis, & Propheta-
rum,

rum, nostrumque omnium Domino, exornasti. Tuam igitur immensam bonitatem supplices exposcimus; ut, quod ille iugi ieiuniorum compleuit continuatione, nos adimplere valeamus illius adiuti largissima miseratione: & adimplentes ea, quæ præcepit, dona percipere mereamur, quæ promisit. Per quem Maiestatem.

10.8. **Confractor.** Abraham pater vester exultauit, ut videret diem meum: & vidit, & gauisus est: dicit Dominus.

10.8. **Transitor.** Si manseritis in sermone meo; verè discipuli mei eritis; & cognoscetis veritatem; & veritas liberabit vos.

Oratio post Communionem.

Quæsumus, omnipotens Deus: ut inter eius membra numeremur, cuius nos Corpori communicauimus, & Sanguini. Qui tecum.

DOMINICA IV.

In Quadragesima: quæ dicitur De Cæco.

Ingressa.



Circundederunt me gemitus mortis: dolores Inferni circundederunt me. Et in tribulatione mea inuocaui Dominum, & exau-

diuit de Templo sancto suo vocem meam.

¶ Dominus vobiscum.

Sequuntur Preces, ut in Dominica secunda.

¶ Dicamus omnes.

¶ Kyrie eleison.

¶ Domine, Deus omnipotens patrum nostrorum.

¶ Kyrie eleison.

¶ Respice de cælo Deus, & de sede sancta tua.

¶ Kyrie eleison.

¶ Pro Ecclesia tua sancta catholica,

quam conseruare digneris.

¶ Kyrie eleison.

¶ Pro Papa nostro, **N**, & Pontifice nostro, **N**, & Sacerdotio eorum.

¶ Kyrie eleison.

¶ Pro vniuersis Episcopis, cuncto Clero, & populo.

¶ Kyrie eleison.

¶ Pro famulis tuis, **N**, Imperatore, & **N**, Rege, Duce nostro, & omni exercitu eorum.

¶ Kyrie eleison.

¶ Pro Ciuitate hac, omnibusque habitantibus in ea.

¶ Kyrie eleison.

¶ Pro aeris temperie, & fecunditate terrarum.

¶ Kyrie eleison.

¶ Libera nos, qui liberaisti filios Israel.

¶ Kyrie eleison.

¶ In manu forti, & brachio excelso.

¶ Kyrie eleison.

¶ Exurge, Domine, adiuua nos & libera nos propter nomen tuum.

¶ Kyrie eleison. Kyrie. Kyrie.

¶ Dominus vobiscum.

Oratio super populum.

Deus, qui homini ad imaginem tuam condito, ideo das temporalia, ut largiaris æterna: Ecclesiam tuam spiritali fecunditate multiplica; ut, qui sunt generatione terreni, fiant regeneratione cœlestes. Per Dominum.

Lectio libri Exodi.

IN diebus illis. Locutus est Dominus ad Moysen, dicens: Tribus temporibus anni apparebit omne masculinum tuum in conspectu omnipotentis Domini Dei Israel. Cum enim tulero Gentes à facie tua, & dilatauero terminos tuos; nullus insidiabitur terræ tuæ, ascendente te, & apparente in conspectu Domini Dei tui ter in anno. Non immolabis super

per fermento sanguinem hostiæ meæ: neque residebit manè de victima solemnitatis Phase. Primitias frugum terræ tuę offeres in domo Domini Dei tui: non coques hædum in lacte matris suæ: Dixitque Dominus ad Moysem: Scribe tibi verba hæc, quibus & tecum, & cum Israel pepigi foedus. Fuit ergo ibi cum Domino Moyse quadraginta dies, & quadraginta noctes: panem non comedit, & aquam non bibit, & scripsit in tabulis verba foederis decem. Cumque descenderet Moyse de Monte Sinai, tenebat duas tabulas Testimonij: & ignorabat, quod cornuta esset facies sua ex consortio sermonis Domini. Videntes autem Aaron, & filij Israel cornutam Moyse faciem; timuerunt propè accedere. Vocatque ab eo, reuersi sunt, tam Aaron, quàm Principes Synagogæ. Et postquàm locutus est ad eos, venērunt ad eum etiam omnes filij Israel: quibus præcepit cuncta, quæ audierat à Domino in Monte Sinai. Impletisque sermonibus, posuit velamen super faciem suam: quod, ingressus ad Dominum, & loquens cum eo, aufererat, donec exiret; & tunc loquebatur ad filios Israel omnia, quæ sibi fuerant imperata. Qui videbant faciem egredientis Moyse esse cornutam; sed operiebat ille rursus faciem suam, si quando loquebatur ad eos. Igitur congregata omni turba filiorum Israel, dixit ad eos: Hæc sunt præcepta, quæ iussit Dominus fieri.

Psalmell. Ego dixi, Domine, miserere mei: sana animam meam; quoniam peccaui tibi.

✠ Beatus, qui intelligit super egenum, & pauperem: in die mala liberabit eum Dominus; quoniam peccaui tibi.

Epistola Beati Pauli Apostoli ad Thessalonicenses prima.

Fratres. Rogamus vos, & obsecramus in Domino Iesu: ut, quemadmodum accepistis à nobis, quomodo oporteat vos ambulare, & placere Deo; sic & ambuletis; ut abundetis magis. Scitis enim, quæ præcepta dederim vobis per Dominum Iesum. Hæc est enim voluntas Dei, sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione, & honore: non in passionem desiderij, sicut & Gentes, quæ ignorant Deum: & ne quis supergrediatur, neque circumueniat in negotio fratrem suum; quoniam vindex est Dominus de his omnibus, sicut prædiximus vobis, & testificati sumus. Non enim vocauit nos Deus in immunditiam, sed in sanctificationem. Itaque, qui hæc spernit, non hominem spernit, sed Deum, qui etiam dedit Spiritum suum Sanctum in nobis. De charitate autem fraternitatis non necesse habemus scribere vobis. Ipsi enim vos à Deo didicistis, ut diligatis inuicem. Etenim, illud facitis in omnes fratres, in vniuersa Macedonia. Rogamus autem vos, fratres, ut abundetis magis: & operam detis, ut quieti sitis: & ut vestrum negotium agatis, & operemini manibus vestris, sicut præcepimus vobis: & ut honestè ambuletis ad eos, qui foris sunt: & nullius aliquid desideretis.

Cantus. Leuavi oculos meos ad montes, vnde veniet auxilium mihi.

✠. j. Auxilium meum à Domino, qui fecit cælum, & terram.

✠. ij. Dominus custodiat animam meam ex hoc nunc, & usque in sæculum.



Lectio sancti Euangelij
secundum Ioannem.

Cap.
9.

IN illo tempore. Præteriens, Dominus Iesus vidit hominem cæcum à natiuitate: & interrogauerunt eum Discipuli eius: Rabbi: Quis peccauit; hic, aut parentes eius; vt cæcus nasceretur? Respondit Iesus: Neque hic peccauit; neque parentes eius; sed vt manifestentur opera Dei in illo. Me oportet operari opera, eius, qui misit me, donec dies est: venit nox, quando nemo potest operari. Quandiu sum in mundo, lux sum mundi. Hæc cum dixisset, expuit in terram, & fecit lutum ex spuito, & liniuit lutum super oculos eius, & dixit ei: Vade, laua in Natatoria Siloe, quod interpretatur Missus. Abijt ergo, & lauit; & venit videns. Itaque vicini, & qui viderant eum prius, quia mendicus erat, dicebant: Nonne hic est, qui sedebat, & mendicabat? Alij dicebant, Quia hic est: alij autem, Nequaquam; sed similis est ei: ille verò dicebat, Quia ego sum. Dicebant ergo ei: Quomodo aperti sunt tibi oculi? Respondit: Ille homo, qui dicitur Iesus, lutum fecit, & vnxit oculos meos, & dixit mihi: Vade ad Natatoriam Siloe, & laua. Et abij, & laui, & vidi. Et dixerunt ei: Ubi est ille? Ait: Nescio. Adducunt eum ad Phariseos, qui cæcus fuerat. Erat autem Sabbatum, quando lutum fecit Iesus, & aperuit oculos eius. Iterum ergo interrogabant eum Pharisei, quomodo vidisset. Ille autem dixit eis: Lutum mihi posuit super oculos, & laui; & video. Dicebant ergo ex Phariseis quidam: Non est hic homo à Deo, qui Sabbatum non custodit. Alij autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco ite-

rum: Tu quid dicis de illo, qui aperuit oculos tuos? Ille autem dixit, quia Propheta est. Non crediderunt ergo Iudæi de illo, quia cæcus fuisset, & vidisset, donec vocauerunt parētes eius, qui viderat: & interrogauerunt eos, dicentes: Hic est filius vester, quem vos dicitis, quia cæcus natus est? Quomodo ergo nunc videt? Responderunt eis parentes eius, & dixerunt: Scimus, quia hic est filius noster, & quia cæcus natus est: quomodo autem nunc videat, nescimus: aut quis eius aperuit oculos, nos nescimus: ipsum interrogate: ætatem habet, ipse de se loquatur. Hæc dixerunt parentes eius; quoniam timebant Iudæos. Iam enim conspirauerant Iudæi, vt, si quis eum confiteretur esse Christum, extra Synagogam fieret. Propterea parentes eius dixerunt: Quia ætatem habet; ipsum interrogate. Vocauerunt ergo rursum hominem, qui fuerat cæcus, & dixerunt ei: da gloriam Deo. Nos scimus, quia hic homo peccator est. Dixit ergo eis ille: Si peccator est, nescio: vnum scio, quia, cæcus cum essem, modò video. Dixerunt ergo illi: Quid fecit tibi? quomodo aperuit tibi oculos? Respondit eis: Dixi vobis iam, & audistis; quid iterum vultis audire? Nunquid & vos vultis discipuli eius fieri? Maledixerunt ergo ei, & dixerunt: Tu discipulus illius sis: nos autem Moyfi discipuli sumus. Nos scimus, quia Moyfi locutus est Deus: hunc autem nescimus, vnde sit. Respondit ille homo, & dixit eis: In hoc enim mirabile est; quia vos nescitis, vnde sit; & aperuit meos oculos: scimus autem, quia peccatores Deus non audit; sed, si quis Dei cultor est, & voluntatem eius facit, hunc exaudit. A sæculo non est auditum, quia quis aperuit oculos cæci nati.

Nisi

Nisi esset hic à Deo, non poterat facere quicquam. Responderunt, & dixerunt ei: In peccatis natus es totus, & tu doces nos? Et eiecérunt eum foràs. Audiuit Iesus, quia eiecérunt eum foràs: & cum inuenisset eum, dixit ei; Tu credis in Filium Dei? Respondit ille, & dixit: Quis est, Domine, vt credam in eum? Et dixit ei Iesus: Et vidisti eum: & qui loquitur tecum, ipse est. At ille ait: **Hic genui & hunc** Credo, Domine. Et procidens adorauit eum.

Antiphona post Euangelium.

Missus sum sanare tribulatos corde, prædicare captiuis remissionem, & cæcis reddere lumen.

Oratio super sindonem.

Deus, in cuius præcipuis mirabilibus est humana reparatio: solue opera Diaboli, & mortifera peccati vincula disrumpe; vt, destructa malignitate, quæ nocuit, vincat potius misericordia, quæ redemit. Per Dominum nostrum.

Exo. 34. Offertor. Dixit Dominus ad Moysen: Inuenisti gratiam in conspectu meo, & scio te præ omnibus. Et festinus Moyses inclinauit se in terram, & adorauit, dicens: Scio, quia misericors es in millibus, auferens iniquitates, & peccata. Et placatus factus est Dominus de malignitate, quam dixit facere populo suo.

Dicitur: Credo.

Oratio super oblatam.

Suscipe Domine sacrificium, cuius te voluisti dignanter immolatione placari, & præsta, quæsumus: vt huius operatione mundati, beneplacitum tibi nostræ mentis offeramus affectum. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus, per omnia sæcula sæculorum.

Præfatio.

Æquum, & salutare, nos tibi, Domine, qui in excelsa cælorum resides arce, gratias referre, & totis sensibus confiteri. Quoniam per te infirmis, mundi cæcitate deterfa, verum lumen emicuit: quod inter multarum tuarum virtutum miracula cæcum à natiuitate videre iussisti; in quo genus humanum, originali caligine maculatum, futuri formæ expressum est. Nam illa Siloe natoria, ad quam ille mittitur cæcus, nil aliud, nisi fons sacer signatus est, vbi non tantum corporea lumina, sed totus homo saluatus est. Per Christum, Dominum nostrum.

Confract. Ille homo, qui dicitur Ie-10.9. sus, lutum fecit, & liniuit oculos meos; & modo video.

Transit. Lutum fecit ex sputo Do-10.9. minus, & liniuit oculos meos: & abij, & laui; & vidi, & credidi Deo.

Oratio post Communionem.

Sacræ nobis, quæsumus, Domine, mensæ libatio: & piæ conuersationis augmentum, & tuæ protectionis continuum præstet auxilium. Per Dominum nostrum.

FERIA II.

Hebdom. IV. in Quadrag.

Ingressa.

Circundederunt me gemitus mortis, dolores Inferni circundederunt me. Et in tribulatione mea inuocaui Dominum; & exaudiuit de Templo sancto suo vocem meam.

Oratio super populum.

Præsta, quæsumus, omnipotens Deus: vt obseruationes sacras annua deuotione recolentes, & corpore tibi placeamus, & mente. Per Dominum nostrum.

Lectio Libri Regum.

^{8. Reg. 3.} **I**N diebus illis. Venērunt duæ mulieres meretrices ad Regem Salomonem: steteruntq; coram eo. Quarum vna ait: Obsecro, mi Domine: ego, & mulier hæc habitabamus in domo vna: & peperit apud eam in cubiculo. Tertia autem die, postquam ego peperit, peperit & hæc: & eramus simul, nullusque alius nobiscum in domo, exceptis nobis duabus. Mortuus est autem filius mulieris huius nocte; dormiens quippe oppressit eum. Et confurgens intempestæ noctis silentio, tulit filium meum de latere meo ancillæ tuæ dormientis, & collocavit in sinu suo: suum autem filium, qui erat mortuus, posuit in sinu meo. Cumque surrexissem manē, vt darem lac filio meo; apparuit mortuus: quem diligentius intuens clara luce, deprehendi non esse meum, quem genueram. Responditque altera mulier: Non est ita, vt dicis; sed filius tuus mortuus est, meus autem viuit. E contrario illa dicebat: Mentiris; filius quippe meus viuit, & filius tuus mortuus est. Atque in hunc modum contendebant coram Rege. Tunc Rex ait: Hæc dicit, Filius meus viuit, & filius tuus mortuus est: & ista respondit, Non, sed filius tuus mortuus est, meus autem viuit. Dixit ergo Rex: Afferte mihi gladium. Cumque attulissent gladium coram Rege; Diuidite, inquit, infantem viuum in duas partes; & date dimidiam partem vni, & dimidiam partem alteri. Dixit autem mulier, cuius filius erat viuus, ad Regem (commota sunt quippe viscera eius super filio suo) Obsecro, Domine: date illi infantem viuum, & nolite interficere eum. E contrario illa dicebat: Nec mihi, nec tibi fit; sed diuidatur. Respondit Rex,

& ait: Date huic infantem viuum, & non occidatur; hæc est enim mater eius. Audiuit itaque omnis Israel iudicium, quod iudicasset Rex: & timuerunt Regem, videntes sapientiam Dei esse in eo, ad faciendum iudicium.

Cant. Conserua me Domine; quoniam in te speravi. Dixi Domino: Deus meus tu es. ^{Psalm. 15.}



Lectio sancti Euangelij secundum Matthæum.

IN illo tempore. Dicebat Dominus ^{Cap. 6.} Jesus Discipulis suis: Quis vestrum cogitans potest adijcere ad staturam suam cubitum vnum? Et de vestimento quid solliciti estis? Considerate lilia agri, quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est, sicut vnum ex istis. Si autem fœnum agri, quod hodie est, & cras in clibanum mittitur, Deus sic vestit; quantò magis vos, minimæ fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? Hæc enim omnia Gentes inquirunt. Scit enim Pater vester, quia his omnibus indigetis. Quærite ergo primum Regnum Dei, & iustitiam eius; & hæc omnia adijcientur vobis.

Oratio super findonem.

DEprecationem nostram, quæsumus, Domine, benignus exaudi: & quibus supplicandi præstas affectum, tribue defensionis auxilium. Per Dominum nostrum.

Offert. Dixit Dominus ad Moysen: Inuenisti gratiam in conspectu meo, ^{Exo. 34.} & scio te præ omnibus. Et festinus Moyses inclinavit se in terram, & adoravit, dicens: Scio, quia misericors es in millibus, auferens iniquitates, & peccata. Et placatus factus ^{Exo. 32.} est

est Dominus de malignitate, quam dixit facere populo suo.

Oratio super oblatam.

Oblatum tibi, Domine, sacrificium viuificet nos semper, & muniat. Per Dominum.

Præfatio.

Æterne Deus: Et tuam suppliciter misericordiam implorare: vt exercitatio veneranda ieiunij salutaris nos à peccatorum nostrorum maculis purgatos reddat, & ad supernorum Ciuium societatem perducatur; vt & hic deuotorum actuum sumamus augmentum, & illic æternæ beatitudinis percipiamus emolumentum. Per Christum Dominum nostrum.

10.9. Confract. Ille homo, qui dicitur Iesus; lutum fecit, & liniuit oculos meos; & modò video.

10.9. Transi. Lutum fecit ex sputo Dominus, & liniuit oculos meos: & abij, & laui; & vidi, & credidi Deo.

Oratio post Communionem.

Diuini muneris largitate satiati, quæsumus, Domine, Deus noster: vt huius semper participatione viuamus. Per Dominum nostrum.

F E R I A I I I.

Hebdom. IV. in Quadragesima.

Ingressa.

17. Psal. Circundederunt me gemitus mortis, dolores Inferni circundederunt me. Et in tribulatione mea inuocaui Dominum; & exaudiuit de Templo sancto suo vocem meam.

Oratio super populum.

Miserere Domine populo tuo: & continuis tribulationibus laborantem propitius respirare concede. Per Dominum nostrum, Iesum Christum, Filium tuum, qui tecum viuit, & regnat.

Lectio Libri Exodi.

IN diebus illis. Locutus est Dominus ad Moysen, dicens: Vade, descende: peccauit populus tuus, quem eduxisti de terra Ægypti. Recessérunt citò de via, quam ostendisti eis: feceruntque sibi vitulum conflatilem, & adorauerunt: atque immolantes ei hostias, dixerunt: Isti sunt Dij tui Israel, qui te eduxerunt de terra Ægypti. Rursumque ait Dominus ad Moysen: Cerno, quòd populus iste duræ ceruicis sit. Dimitte me, vt irascatur furor meus contra eos, & deleam eos: faciamque te ingentem magnam. Moyses autem orabat Dominum Deum suum, dicens: Cur, Domine, irascitur furor tuus contra populum tuum, quem eduxisti de terra Ægypti in fortitudine magna, & in manu robusta? Ne, quæso, dicant Ægyptij: Callidè eduxit eos, vt interficeret in montibus, & deleret e terra. Quiescat ira tua: & esto placabilis super nequitia populi tui: Recordare Abraham, Isaac, & Israel seruorum tuorum: quibus iurasti per temetipsum, dicens: Multiplicabo semen vestrum, sicut stellas coeli: & vniuersam terram hanc, de qua locutus sum, dabo semini vestro, & possidebitis eam semper. Placatusque est Dominus; ne faceret malum, quod locutus fuerat aduersus populum suum.

Cant. In conuertendo Dominus captiuitatem Sion, facti sumus sicut consolati.

✠ Lectio sancti Euangelij secundum Matthæum.

IN illo tempore. Dicebat Dominus **Cap. 6. &c.** Iesui Discipulis suis: Nolite solliciti esse in crastinum. Crastinus enim dies sollicitus erit sibi ipsi: sufficit diei malitia sua. Nolite iudicare; vt non iudicemini. In quo enim iudicio iudica-

dicaueritis, iudicabimini: &, in qua mensura mensi fueritis, remetietur vobis. Quid autem vides festucam in oculo fratris tui, & trabem in oculo tuo non vides? Aut quomodo dicis fratri tuo: Sine eijciam festucam de oculo tuo; & ecce trabs est in oculo tuo? Hypocrita, eijce primum trabem de oculo tuo; & tunc videbis eijcere festucam de oculo fratris tui.

Oratio super sindonem.

Praesta nobis omnipotens Deus: vt, quia vitijs subiaceret nostra mortalitas, tua nos medicina purificet, & potentia tueatur. Per Dominum nostrum.

Exo. 34. Offert. Dixit Dominus ad Moysen: Inuenisti gratiam in conspectu meo, & scio te pra omnibus. Et festinus Moyses inclinavit se in terram, & adorauit, dicens: Scio, quia misericors es in millibus, auferens iniquitates & peccata. Et placatus factus est Dominus de malignitate, quam dixit facere populo suo.

Oratio super oblatam.

Haec hostia, quaesumus, Domine, emundet nos a delictis: & ad sacrificium celebrandum, subditorum tibi corpora, mentesque sanctificet. Per Dominum nostrum.

Præfatio.

Aterne Deus: Et te Creatorem omnium de præteritis fructibus glorificare, & de venturis suppliciter exorare; vt, cum de perceptis non inuenimur ingrati, de percipiendis non iudicemur indigni; sed, exhibita toties solemnis deuotione ieiunij, cum subsidijs corporalibus profectum quoque capiamus animarum. Per Christum, Dominum nostrum.

10.9. ConfraCTOR. Ille homo, qui dicitur Iesus, lutum fecit, & liniuit oculos

meos; & modò video.

Transit. Lutum fecit ex sputo Dominus, & liniuit oculos meos: & abij, & laui; & vidi, & credidi Deo.

Oratio post Communionem.

Huius nos, Domine, perceptio sacramenti mundet à crimine: & ad coelestia dona perducat. Per Dominum nostrum.

F E R I A I V.

Hebdom. IV. in Quadrag.

Ingressa.

Circundederunt me gemitus mortis, dolores Inferni circundederunt me. Et in tribulatione mea inuocaui Dominum; & exaudiuit de Templo sancto suo vocem meam.

Oratio super populum.

Deus, qui & iustis præmia meritorum, & peccatoribus per ieiunium veniam præbes, miserere supplicibus tuis: vt reatus nostri confessio indulgentiam valeat percipere delictorum. Per Dominum.

Lectio Ezechiélis Prophetæ.

Haec dicit Dominus Deus: Sanctificabo nomen meum magnum, quod pollutum est inter Gentes, quod polluistis in medio earum; vt sciant Gentes, quia ego Dominus; cum sanctificatus fuero in vobis coram eis. Tollam quippe vos de Gentibus, & congregabo de vniuersis terris, & adducam vos in terram vestram. Et effundam super vos aquam mundam, & mundabimini ab omnibus inquinamentis vestris, & ab vniuersis Idolis vestris mundabo vos. Et dabo vobis cor nouum, & spiritum nouum ponam in medio vestri: & auferam cor lapideum de carne vestra, & dabo vobis cor carneum. Et spiritum meum ponam in medio vestri: & faciam, vt in præceptis meis

ambuletis, & iudicia mea custodiat
tis, & operemini. Et habitabitis in
terra, quam dedi Patribus vestris: &
eritis mihi in populum, & ego ero
vobis in Deum. Dicit Dominus om-
nipotens.

Cant. De profundis clamaui ad te,
Domine; Domine exaudi vocem
meam.

Lectio sancti Euangelij
secundum Matthæum.

In illo tempore. Dicebat Domi-
nus Iesus Discipulis suis: Nolite
dare sanctum canibus: neque mitta-
tis margaritas vestras ante porcos;
ne forte conculcent eas pedibus suis,
& conuersi dirumpant vos. Petite,
& dabitur vobis: quærite, & inue-
nietis: pulsate, & aperietur vobis.
Omnis enim, qui petit, accipit: &
qui quærit, inuenit: & pulsanti ape-
rietur. Aut quis est ex vobis homo,
quem si petierit filius suus panem;
nunquid lapidem porriget ei? Aut
si piscem petierit; nunquid serpen-
tem porriget ei? Si ergo vos, cum
sitis mali, nostis bona dare filiis
vestris; quanto magis Pater vester,
qui in cœlis est, dabit bona petenti-
bus se? Omnia ergo, quæcunque
vultis, vt faciant vobis homines, &
vos facite illis. Hæc est enim Lex,
& Prophetæ.

Oratio super sindonem.

Præsta, quæsumus, omnipotens
Deus: vt, quos ieiunia votiua
castigant, ipsa quoque deuotio san-
cta lætificet; vt terrenis affectibus
mitigatis, facilius cœlestia capiamus.
Per Dominum.

Exo. Offert. Dixit Dominus ad Moysen:
Inuenisti gratiam in conspectu meo,
& scio te præ omnibus. Et festinus
Moyses inclinauit se in terram, &
adorauit, dicens: Scio, quia miseri-
cors es in millibus, auferens iniqui-

tates, & peccata. Et placatus factus
est Dominus de malignitate, quam
dixit facere populo suo.

Oratio super oblatam.

Supplices te rogamus, omni-
potens Deus: vt his sacrificijs pec-
cata nostra mudentur; quia tunc
veram nobis tribuis & mentis, & cor-
poris sanitatem. Per Dominum no-
strum Iesum Christum, Filium tuum,
qui tecum.

Præfatio.

Per Christum, Dominum nostrum.
Qui illuminatione suæ fidei te-
nebras expulit mundi: & genus hu-
manum, quod primæ matris vterus
profuderat cæcum, Incarnationis suæ
mysterio reddidit illuminatum: fe-
citque filios adoptionis, qui teneban-
tur vinculis iustæ damnationis. Per
ipsum te petimus; vt tales in eius in-
ueniamur iustissima examinatione,
quales facti sumus in Lauâcri saluta-
ris felicissima regeneratione: vt eius
Incarnationis medicamine imbûti,
sacrosancti Lauâcri ablutione loti,
parsimonix deuotione ornati, ad
æterna gaudia perueniamus illæsi.
Per quem Maiestatem.

Confract. Ille homo, qui dicitur Ie-
sus, lutum fecit, & linîuit oculos
meos; & modò video.

Transitor. Lutum fecit ex sputo Do-
minus, & linîuit oculos meos: & abij,
& laui; & vidi, & credidi Deo.

Oratio post Communionem.

Sacramenta, quæ sumpsimus, Do-
mine, Deus noster: & spiritali-
bus nos repleant alimentis, & corpo-
ralibus tueantur auxilijs. Per Domi-
num nostrum, Iesum Christum, Fi-
lium tuum, qui tecum viuit, & regnat
in vnitæte.

Psal.
117.

Circundederunt me gemitus mortis, dolores Inferni circundederunt me. Et in tribulatione mea inuocaui Dominum; & exaudiuit de Templo sancto suo vocem meam.

Oratio super populum.

Deus, qui mundum ineffabilibus renouas sacramentis, præsta, quæsumus: vt Ecclesia tua æternis proficiat institutis, & temporalibus non destituatur auxilijs. Per Dominum nostrum.

*Lectio libri Regum.*Iob.
4. 9.

IN diebus illis. Venit mulier Sunamitis ad Elisæum virum Dei, in montem Carmeli. Cumque vidisset eam Vir Dei e contra, ait ad Giezi puerum suum: Ecce Sunamitis illa. Vade ergo in occursum eius, & dic ei: Rectene agitur circa te, & circa virum tuum, & circa filium tuum? Quæ respondit: Rectè. Cumque venisset ad Virum Dei in montem, apprehendit pedes eius; & accessit Giezi, vt amoueret eam. Et ait homo Dei: Dimitte illam. Anima enim eius in amaritudine est: & Dominus celauit à me, & non indicauit mihi. Quæ dixit illi: Nunquid petiui filium à Domino meo? Nunquid non dixi tibi: Ne illudas me? Et ille ait ad Giezi: Accinge lumbos tuos, & tolle baculum meum in manu tua, & vade. Si occurrerit tibi homo, non salutes eum: & si saluta-uerit te quispiam, non respondeas illi, & pones baculum meum super faciem pueri. Porro mater pueri ait: Viuit Dominus, & viuit anima tua, non dimittam te. Surrexit ergo, & secutus est eam. Giezi autem præcesserat ante eos, & posuerat bacu-

lum super faciem pueri, & non erat vox, neque sensus. Reuersusque est in occursum eius, & nunciauit ei, dicens: Non surrexit puer. Ingressus est ergo Elisæus domum: & ecce puer mortuus iacebat in lectulo eius. Ingressusque clausit ostium super se, & super puerum, & orauit ad Dominum. Et ascendit, & incubuit super puerum: posuitque os suum super os eius, & oculos suos super oculos eius, & manus suas super manus eius: & incuruauit se super eum; & calefacta est caro pueri. At ille reuersus, deambulauit in domo semel huc, atque illuc: & ascendit, & incubuit super eum; & oscitauit puer septies, aperuitque oculos. At ille vocauit Giezi, & dixit ei: Voca Sunamitidem hanc. Quæ vocata, ingressa est ad eum. Qui ait: Tolle filium tuum. Venit illa, & corruit ad pedes eius, & adorauit super terram: tulitque filium suum, & egressa est: & Elisæus reuersus est in Galgala.

Cantus: Domine exaudi orationem nostram. Psal.
101.



Lectio sancti Euangelij
secundum Matthæum.

IN illo tempore. Dicebat Dominus Cap.
7. Jesus Discipulis suis: Intrate per angustam portam; quia lata porta, & spatiosa via est, quæ ducit ad perditionem, & multi sunt, qui intrant per eam. Quàm angusta porta, & arcta via est, quæ ducit ad vitam: & pauci sunt, qui inueniunt eam! Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces. A fructibus eorum cognoscetis eos. Nunquid colligunt de spinis vuas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus

fructus facere : neque arbor mala bonos fructus facere . Omnis arbor, quæ non facit fructum bonum , excidetur , & in ignem mittetur . Igitur ex fructibus eorum cognoscetis eos . Non omnis , qui dicit mihi , Domine , Domine , intrabit in Regnum cœlorum ; sed , qui facit voluntatem Patris mei , qui in cœlis est , ipse intrabit in Regnum cœlorum .

Oratio super findonem.

Populi tui Deus institutor , & rector , peccata , quibus impugnatur , expelle : vt semper tibi sit placitus , & tuo munimine sit securus . Per Dominum nostrum .

Exo. 34. Offert. Dixit Dominus ad Moysen : Inuenisti gratiam in conspectu meo , & scio te præ omnibus . Et festinus Moyses inclinauit se in terram , & adorauit , dicens : Scio , quia misericors es in millibus , auferens iniquitates , & peccata . Et placatus factus est Dominus de malignitate , quam dixit facere populo suo .

Oratio super oblatam.

Purifica nos misericors Deus : vt Ecclesiæ tuæ preces , quæ tibi gratæ sunt , pia munera deferentes , fiant expiatis mentibus gratiores . Per Dominum .

Præfatio.

Æterne Deus . Cuius bonitas hominem condidit , iustitia damnauit , misericordia redemit . Te humiliter exoramus : vt , sicut per illicitos appetitus à beata Regione decidimus ; sic ad æterna præmia per abstinentiam redeamus : tuâ verò miseratione , nostra sic regatur fragilitas , vt & transitorijs subsidijs nostra sustentetur mortalitas , & per bonorum operum incrementa beata acquiratur immortalitas . Per Christum Dominum .

Confract. Ille homo , qui dicitur Iesus , lutum fecit , & liniuit oculos meos ; & modò video .

Transitor. Lutum fecit ex sputo Dominus , & liniuit oculos meos : & abij , & laui ; & vidi , & credidi Deo .

Oratio post Communionem.

Cœlestia dona capientibus , quæsumus , Domine , ad iudicium , ne patiaris existere : quæ fidelibus tuis ad remedium vsui esse voluisti . Per Dominum nostrum .

S A B B A T O

Hebdom. IV. in Quadrages.

Ingressa.

Circumdederunt me gemitus mortis , dolores Inferni circumdederunt me . Et in tribulatione mea inuocaui Dominum , & exaudiuit de Templo sancto suo vocem meam .

Oratio super populum.

Deus , qui sperantibus in te misereri potius eligis , quàm irasci : da nobis dignè flere mala , quæ fecimus ; vt consolationis tuæ gratiam , inuenire mereamur . Per Dominum .

Epistola Beati Pauli Apostoli
Ad Tessalonicenses prima.

Fratres . Rogamus vos , vt noueritis eos , qui laborant inter vos , & præsumunt vobis in Domino , & movent vos : vt habeatis illos abundantius in charitate propter opus illorum . Pacem habete cum eis . Rogamus autem vos , fratres : corripite inquietos , consolamini pusillanimes , suscipite infirmos , patientes estote ad omnes . Videte , ne quis malum pro malo alicui reddat : sed semper , quod bonum est , sectamini inuicem , & in omnes . Semper gaudete , sine intermissione orate , in omnibus gratias agite . Hæc est enim voluntas Dei in Christo Iesu in omnibus vobis .

Spiritum nolite extinguere; Prophetias nolite spernere. Omnia autem probate: quod bonum est, tenete: ab omni specie mala abstinete vos. Ipse autem Deus pacis sanctificet vos per omnia; ut integer spiritus vester, & anima, & corpus sine querela in aduentu Domini nostri, Iesu Christi feruetur.

Cantus: Benedicam Dominum, qui mihi tribuit intellectum.



Lectio sancti Euangelij secundum Matthæum.

In illo tempore. Oblati sunt Domino Iesu paruuli, ut manus eis imponeret, & oraret. Discipuli autem increpabant eos. Iesus vero ait eis: Sinite paruulos, & nolite eos prohibere ad me venire; talium est enim Regnum cœlorum. Et cum imposuisset eis manus, abiit inde.

Antiphona post Euangelium.

Memento verbi tui seruo tuo, in quo mihi spem dedisti. Hæc me consolata est in humilitate mea; quia eloquium tuum, Domine, viuificabit me.

Oratio super sindonem.

Fiat, Domine, quæsumus, per gratiam tuam fructuosus nostræ deuotionis affectus; quia tunc nobis prouiderunt suscepta ieiunia, si tuæ sint placita pietati. Per Dominum.

Offert. Dixit Dominus ad Moysen: Inuenisti gratiam in conspectu meo, & scio te præ omnibus. Et festinus Moyses inclinauit se in terram, & adorauit, dicens: Scio, quia misericors es in millibus, auferens iniquitates, & peccata. Et placatus factus est Dominus de malignitate, quam dixit facere populo suo.

Oratio super oblatam.

Oblationibus nostris, quæsumus, Domine, placare susceptis: & nostras ad te vel rebelles trahe propitius voluntates. Per Dominum no-

strum, Iesum Christum, Filium tuum, qui tecum uiuit, & regnat.

Præfatio.

Æterne Deus: Misericordiæ largitor, bonorumque cunctorum author. Qui ieiunijs, orationibus, & eleemosynis peccatorum remedia, & virtutum omnium tribuis incrementa. Humili te deuotione, precamur, ut quibus ad hæc agenda saluberrimam contulisti doctrinam, ad eadem consummanda efficacem tribuas gratiam: cuius etiam auxilio nostra promptius exhibentes obsequia, tua felicius assequamur promissa. Per Christum Dominum.

Confract. Ille homo, qui dicitur Iesus, lutum fecit, & liniuit oculos meos; & modò video.

Transitor. Lutum fecit ex sputo Dominus, & liniuit oculos meos: & abij, & laui; & vidi, & credidi Deo.

Oratio post Communionem.

Sacrosancta nos, quæsumus, Domine, mysteria purificent: tuamque nobis gratiam sua pariter virtute concilient. Per Dominum.

DOMINICA V.

In Quadragesima: quæ dicitur De Lazaro.

Ingressa.



Videns Dominus fororem Lazari ad monumentum, lachrymatus coram Iudæis, exclamauit: Lazare veni foras. Et prodiens ligatis manibus, & pedibus, stetit ante eum, qui quatrduanus fuerat mortuus.

Ps. Dominus vobiscum.

R. Et cum spiritu tuo.

Sequuntur Preces, ut in Dominica prima Quadragesimæ.

Ps. Diuinæ pacis, & indulgentiæ munere

nere supplicantes, ex toto corde, & ex tota mente precamur te.

R. Domine miserere.

V. Pro Ecclesia tua sancta Catholica, quæ hic, & per vniuersum orbem diffusa est, precamur te.

R. Domine miserere.

V. Pro Papa nostro, **N.** & Pontifice nostro, **N.** & omni Clero eorum, omnibusque Sacerdotibus, ac ministris precamur te.

R. Domine miserere.

V. Pro famulis tuis, **N.** Imperatore, & **N.** Rege, Duce nostro, & omni exercitu eorum precamur te.

R. Domine miserere.

V. Pro pace Ecclesiarum, vocatione gentium, & quiete populorum precamur te.

R. Domine miserere.

V. Pro Ciuitate hac, & conuersatione eius, omnibusque habitantibus in ea precamur te.

R. Domine miserere.

V. Pro aeris temperie, ac fructu, & fecunditate terrarum precamur te.

R. Domine miserere.

V. Pro Virginibus, Viduis, Orphanis, Captiuis, ac Poenitentibus precamur te.

R. Domine miserere.

V. Pro Nauigantibus, iter Agentibus, in carceribus, in vinculis, in metallis, in exilijs Constitutis precamur te.

R. Domine miserere.

V. Pro ijs, qui diuersis infirmitatibus detinentur, quique Spiritibus vexantur immundis, precamur te.

R. Domine miserere.

V. Pro ijs, qui in sancta tua Ecclesia fructus misericordiae largiuntur, precamur te.

R. Domine miserere.

V. Exaudi nos Deus, in omni oratione, atque deprecatione nostra,

precamur te.

R. Domine miserere.

V. Dicamus omnes.

R. Domine miserere: Kyrie eleison: Kyrie eleison. Kyrie eleison.

V. Dominus vobiscum.

Oratio super populum.

DA cordibus Ecclesiae tuae, quaesumus, Domine, desideria terrenae conditionis abscindere, & celestis vitae spiritum sensibus eius largus infunde: nec praeualeat author ille, qui perdidit, sed vincat potius, qui redemit; ut à vetustatis lege mundata proficiat, & ad aeternam perueniat tuo munere nouitatem. Per Dominum nostrum.

Lectio libri Exodi.

IN diebus illis. Dixit Dominus ad ^{Cap. 14.} Moysen; Quid clamas ad me? Loquere filiis Israel, ut proficiantur. Tu autem eleua virgam tuam, & extende manum tuam super mare, & diuide illud; ut gradientur filii Israel in medio mari per siccum. Ego autem indurabo cor Aegyptiorum, ut persequantur vos: & glorificabor in Pharaone, & in omni exercitu eius, & in curribus, & in equitibus illius. Et scient Aegyptij, quia ego sum Dominus, cum glorificatus fuero in Pharaone, & in curribus, atque in equitibus eius. Tollensque se Angelus Domini, qui praecedebat castra Israel, abiit post eos: & cum eo pariter columna nubis, priora dimittens post tergum, stetit inter castra Aegyptiorum, & castra Israel. Et erat nubes tenebrosa, & illuminans noctem; ita ut ad se inuicem toto noctis tempore accedere non valerent. Cumque extendisset Moyses manum super mare; abstulit illud Dominus, flante vento vehemente, & vrente tota nocte; & vertit in siccum, diuisaque est aqua. Et ingressi sunt filii

Israel per medium ficci maris. Erat enim aqua quasi murus à dextra eorum, & læua. Persequentisque Ægyptij ingressi sunt post eos, & omnis equitatus Pharaonis, currus eius, & equites per medium maris. Iamque aduenerat vigilia matutina: & ecce respiciens Dominus supra castra Ægyptiorum per columnam ignis, & nubis, interfecit exercitum eorum, & subuertit rotas curruum, ferebanturque in profundum. Dixerunt ergo Ægyptij: Fugiamus Israellem; Dominus enim pugnat pro eis contra nos. Et ait Dominus ad Moysen: Extende manum tuam super mare; vt reuertantur aquæ ad Ægyptios, super currus, & equites eorum. Cumque extendisset Moyses manum contra mare, reuersum est primo diluculo ad priorem locum. Fugientibusque Ægyptijs occurrerunt aquæ, & inuoluit eos Dominus in medijs fluctibus. Reuersæque sunt aquæ, & operuerunt currus, & equites cuncti exercitus Pharaonis, qui sequentes ingressi fuerant mare; nec vnus quidem superfuit ex eis. Filij autem Israel perrexerunt per medium ficci maris: & aquæ eis erant quasi pro muro à dextris, & à sinistris. Liberauitque Dominus in die illa Israel de manu Ægyptiorum. Et viderunt Ægyptios mortuos super litus maris, & manum magnam, quam exercuerat Dominus contra eos. Timuitque populus Dominum; & crediderunt Domino, & Moyfi seruo eius.

Psalmell. Occurrerunt Maria, & Martha ad Iesum, dicentes: Domine, si fuisses hic; Lazarus non esset mortuus. Respondit Iesus: Martha, si credideris; videbis gloriam Dei.

V. Videns Iesus turbam flentem, infremuit spiritu, lachrymatus: & veniens ad locum, clamauit voce

magna: Lazare veni foras. Et reuixit, qui erat mortuus, & vidit gloriam Dei.

Epistola Beati Pauli Apostoli ad Ephesios.

Fratres. Videte, quomodo caute ambuletis: non quasi insipientes, sed vt sapientes: redimentes tempus; quoniam dies mali sunt. Propterea nolite fieri imprudentes; sed intelligentes, quæ sit voluntas Dei. Et nolite inebriari vino, in quo est luxuria; sed implemini Spiritu Sancto; loquentes vobismetipsis in psalmis, & hymnis, & canticis spiritualibus; cantantes, & psallentes in cordibus vestris Domino; gratias agentes semper pro omnibus, in nomine Domini nostri Iesu Christi, Deo, & Patri; subiecti inuicem in timore Christi.

Cantus: Ecce quàm bonum, & quàm iucundum habitare fratres in vnum. Psalm. 132.

V. j. Sicut vnguentum in capite, quod descendit in barbam, in barbam Aaron.

V. ij. Quia illic mandauit Dominus benedictionem, & vitam vsque in sæculum.



Lectio sancti Euangelij secundum Ioannem.

In illo tempore. Erat quidam languens Lazarus à Bethania, de Castello Mariæ, & Marthæ sororis eius. Mariæ autem erat, quæ vnxit Dominum vnguento, & exterfit pedes eius capillis suis, cuius frater Lazarus infirmabatur. Misérunt ergo sorores eius ad eum, dicentes: Domine, ecce quem amas, infirmatur. Audiens autem Iesus, dixit eis: Infirmitas hæc non est ad mortem; sed pro gloria Dei, vt glorificetur Filius Dei per eam. Diligebat autem Iesus Martham, & sororem eius Mariam, & Lazarum. Ut ergo audiuit, quia infir-

infirmabatur; tunc quidem mansit in eodem loco duobus diebus; deinde post hæc dixit Discipulis suis, Eamus in Iudæam iterum. Dicunt ei Discipuli: Rabbi, nunc quærebant te Iudæi lapidare; & iterum vadis illuc? Respondit Jesus: Nonne duodecim sunt horæ diei? Si quis ambulauerit in die; non offendit; quia lucem huius mundi videt: si autem ambulauerit in nocte; offendit; quia lux non est in eo. Hæc ait, & post hæc dicit eis: Lazarus amicus noster dormit; sed vado, vt à somno excitem eum. Dixerunt ergo Discipuli eius: Domine, si dormit; saluus erit. Dixerat autem Jesus de morte eius; illi autem putauerunt, quia de dormitione somni diceret. Tunc ergo Jesus dixit eis manifestè: Lazarus mortuus est: & gaudeo propter vos; vt credatis, quoniam non eram ibi: sed eamus ad eum. Dixit ergo Thomas, qui dicitur Didymus, ad Condiscipulos: Eamus & nos, & moriamur cum eo. Venit itaque Jesus: & inuenit eum, quatuor dies iam in monumento habentem. Erat autem Bethania iuxta Ierosolymam quasi stadijs quindecim. Multi autem ex Iudæis venerant ad Martham, & Mariam; vt consolarentur eas de fratre suo. Martha ergo vt audiuit, quia Jesus venit; occurrit illi. Maria autem domi sedebat. Dixit ergo Martha ad Jesum: Domine, si fuisses hic; frater meus non fuisset mortuus. Sed & nunc scio, quia, quæcunque poposceris à Deo, dabit tibi Deus. Dicit illi Jesus: Resurget frater tuus. Dicit ei Martha: Scio, quia resurget in resurrectione, in nouissimo die. Dixit ei Jesus: Ego sum resurrectio, & vita: qui credit in me, etiamsi mortuus fuerit; viuet: & omnis qui viuit, & credit in me, non morietur in æternum. Cre-

dis hoc? Ait illi: Utique, Domine, ego credidi, quia tu es Christus Filius Dei, qui in hunc mundum venisti. Et cum hæc dixisset, abiit, & vocauit Mariam sororem suam silentio, dicens: Magister adest, & vocat te. Illa vt audiuit, surrexit citò, & venit ad eum; nondum enim venerat Jesus in castellum; sed erat adhuc in illo loco, vbi occurrerat ei Martha. Iudæi ergo, qui erant cum ea in domo, & consolabantur eam: cum vidissent Mariam, quia citò surrexit, & exiit; secuti sunt eam, dicentes: Quia vadit ad monumentum, vt ploret ibi. Maria ergo cum venisset, vbi erat Jesus; videns eum, cecidit ad pedes eius; & dicit ei: Domine, si fuisses hic; non esset mortuus frater meus. Iesus ergo, vt vidit eam plorantem, & Iudæos, qui venerant cum ea, plorantes; infremuit spiritu, & turbauit seipsum, & dixit: Ubi posuistis eum? Dicunt ei: Domine veni, & vide. Et lachrymatus est Jesus. Dixerunt ergo Iudæi: Ecce quomodo amabat eum. Quidam autem ex ipsis dixerunt: Non poterat hic, qui aperuit oculos cæci nati, facere, vt hic non moreretur? Iesus ergo, rursus fremens in semetipso, venit ad monumentum. Erat autem spelunca: & lapis superpositus erat ei. Ait Jesus: Tollite lapidem. Dicit ei Martha soror eius, qui mortuus fuerat: Domine, iam foetet; quatruiduanus est enim. Dicit ei Jesus: Nonne dixi tibi, quoniam, si credideris, videbis gloriam Dei? Tulerunt ergo lapidem. Iesus autem, eleuatis sursum oculis, dixit; Pater, gratias ago tibi, quoniam audisti me. Ego autem sciebam, quia semper me audis, sed propter populum, qui circumstat, dixi; vt credant, quia tu me misisti. Hæc cum dixisset, voce magna clamauit: Laza-

re veni foras. Et statim prodijt, qui fuerat mortuus, ligatus pedes, & manus institis: & facies illius sudario erat ligata. Dixit eis Iesus: Soluite eum, & finite abire. Multi ergo ex Iudæis, qui venerant ad Mariam, & viderant, quæ fecit Iesus, crediderunt in eum.

Antiphona post Euangelium.

Infirmorum Propitiator, abiectorum Protector, desperandorum Saluator, Deus patris mei, & Deus hæreditatis Israel, Dominator cœlorum, & terræ, Creator aquarum, Rex totius creaturæ tuæ, exaudi preces nostras.

Oratio super sindonem.

Deus, qui, licet salutem hominum semper opereris, nunc tamen populum tuum gratia abundantiore latificas, respice propitius ad electionem tuam: ut paternæ protectionis auxilium & regenerandos muniat, & renatos. Per Dominum.

^{Ieu. 23.} **Offert.** Hæc dicit Dominus: Erit vobis Sabbatum venerabile, & vocabitur sanctum: & offeretis ad vesperum holocaustomata vestra; Quia in die illa propitiabitur vobis Saluator vester.

Ps. j. Locutus est Moyfes filiis Israel, dicens: Quartodecimo die ad vesperum Pascha Domini est: & in quintodecimo solemnitatem celebrabitis altissimo Deo; Quia in die illa propitiabitur vobis Saluator vester.

Ps. ij. In die octauo venturo sumite vobis ramos palmarum: & secundum legem, quam præcepi vobis, solemnitatem celebrabitis altissimo Deo; Quia in die illa propitiabitur vobis Saluator vester.

Dicitur: Credo.

Oratio super oblatam.

Dicata, Domine, quæsumus, capiamus oblationis effectum: ut à terrenæ vetustatis conuersatione

mundati, cœlestis vitæ profectibus innouemur. Per Dominum nostrum, Iesum Christum, Filium tuum.

Oratio.

Per Christum Dominum nostrum: Qui eminenti gloria Maiestatis plurima in terris mirabilia perégit: inter quæ, summæ pietatis virtute, quatrduanum Lazarum à nexu funeris liberauit. Iam enim teterrimo squalore subactus, in atra telluris humatus voragine, vinctus institis quiescebat. Cuius mortem prius per foris requiem, postmodum apertâ voce Dominus Discipulis referauit. Quem & amicum pia dignatione commemorans, ad claustrum ipsius spelæi properauit: ibique, Iudæorum turbis astantibus, lachrymosis oculis infremuit, ac plorauit. O quale exhibitionis miraculum: ut cœlorum Conditor flere ante serui tumultum dignaretur! O quàm magnum & salutare mysterium: quod per resurrectionem Lazari figuraliter designatur! Ille, tabo corporis dissolutus, per superni Regis imperium continuo surrexit ad vitam. Nos verò, primi hominis facinore consepultos, diuina Christi gratia ex Inferis liberauit: & rediuiuos gaudijs reddidit sempiternis. Quem laudant Angeli.

Confract. Domine, si fuisses hic; frater meus non esset mortuus. Sed & nunc scio, quia quæcunque petieris à Deo dabit tibi Deus.

Transit. Martha, surget frater tuus. Scio, quia resurget in resurrectione in nouissimo die.

Oratio post Communionem.

Satiati munere salutari tuam, Domine, misericordiam deprecamur: ut hoc eodem sacramento, quo nos temporaliter vegetas, efficias perpetuæ vitæ participes. Per Dominum nostrum.

FERIA

F E R I A II.

Hebdom. V. in Quadrages.

Ingressa.

Videns Dominus sororem Lazari ad monumentum, lachrymatus coram Iudæis, exclamauit: Lazare veni foras. Et prodiens ligatis manibus, & pedibus, stetit ante eum, qui quatrduanus fuerat mortuus.

Oratio super populum.

Quæsumus, omnipotens Deus, familiam tuam propitius respice: vt, te largiente, regatur in corpore, & te seruante, custodiat in mente. Per Dominum.

Lectio Ionæ Prophetæ.

In diebus illis. Factum est verbum Domini ad Ionam secundò, dicens: Surge, & vade in Niniuen, ciuitatem magnam: & prædica in ea prædicationem, quam ego loquor ad te. Et surrexit Ionas, & abiit in Niniuen, iuxta verbum Domini. Et Niniue erat ciuitas magna itinere trium dierum. Et cœpit Ionas introire in ciuitatem itinere diei vnus: & clamauit, & dixit: Adhuc quadraginta dies, & Niniue subuertetur. Et crediderunt viri Niniuitæ in Deum: & prædicauerunt ieiunium, & vestiti sunt saccis à maiore vsque ad minorem. Et peruénit verbum ad Regem Niniue: & surrexit de folio suo, & abiicit vestimentum suum à se, & indutus est sacco, & sedit in cinere. Et clamauit, & dixit in Niniue ex ore Regis, & Principum eius, dicens: Homines, & iumenta, & boues, & pecora non gustent quicquam, nec pascantur, & aquam non bibant: & operiantur saccis homines, & iumenta, & clament ad Dominum in fortitudine: & conuertatur vir à via sua mala, & ab iniquitate, quæ est in manibus eorum. Quis scit, si conuertatur, &

ignoscat Deus, & reuertatur à furore iræ suæ; & non peribimus? Et vidit Deus opera eorum, quia conuersi sunt de via sua mala: & misertus est Deus super malitia, quam locutus fuerat, vt faceret eis, & non fecit.

Cantus: Conserua me Domine; quoniam in te speraui. Dixi Domino: Deus meus es tu.

Lectio sancti Euangelij
secundum Marcum.

In illo tempore. Egressus est Dominus Iesus, & Discipuli eius in castella Cæsaræ Philippi: & in via interrogabat Discipulos suos, dicens eis: Quem me dicunt esse homines? Qui responderunt illi, dicentes: Ioannem Baptistam; alij Eliam; alij verò quasi vnum de Prophetis. Tunc dicit illis: Vos verò quem me esse dicitis? Respondens Petrus ait ei. Tu es Christus. Et comminatus est eis, ne cui dicerent de illo. Et cœpit docere eos, quoniam oportet Filium hominis pati multa, & reprobari à Senioribus, & à summis Sacerdotibus, & Scribis, & occidi, & post tres dies resurgere. Et palam verbum loquebatur. Et apprehendens eum Petrus cœpit increpare eum. Qui conuersus, & videns Discipulos suos, comminatus est Petro, dicens: Uade retro me, Satana; quoniam non sapis, quæ Dei sunt, sed quæ sunt hominum.

Oratio super sindonem.

Da nobis, quæsumus, omnipotens Deus: vt, qui infirmitatis nostræ conscij de tua virtute confidimus, sub tua semper pietate gaudeamus. Per Dominum nostrum, Iesum Christum.

Offert. Hæc dicit Dominus: Erit vobis Sabbatum venerabile, & vocabitur sanctum: & offeretis ad vesperum holocausta vestra; Quia in die

die illa propitiabitur vobis Saluator vester.

V. Locutus est Moyſes filiſ Israel, dicens: Quartodecimo die ad vesp̄um Paſcha Domini eſt: & in quinto-decimo ſolemnitatem celebrabit iſ altiſſimo Deo; Quia in die illa propitiabitur vobis Saluator vester.

Oratio ſuper oblatam.

Accepta tibi ſit, quæſumus, Domine, noſtræ deuotionis oblatio: quæ & ieiunium noſtrum, te operante, ſanctificet, & indulgentiam nobis tuæ conſolationis obtineat. Per Dominum.

Præfatio.

Æterne Deus: Maieſtatem tuam propenſius implorantes: vt, quantò magis dies ſalutiferæ feſtiuitatis accedit, tantò deuotius ad eius dignè celebrandum proficiamus paſchale myſterium. Per Chriſtum, Dominum.

10. Confraſt. Domine, ſi fuiſſes hîc, frater meus non eſſet mortuus. Sed, & nunc ſcio quia, quæcunque petieris à Deo, dabit tibi Deus.

10. 11. Tranſitor. Martha, ſurget frater tuus. Scio, quia reſurget in reſurrectione in nouiſſimo die.

Oratio poſt Communionem.

Sacramenti tui, quæſumus, Domine, participatio ſalutaris: & purificationem nobis præbeat, & medelam. Per Dominum noſtrum.

F E R I A I I I .

Hebdom. V. in Quadreſima.

Ingreſſa.

10. 11. Videns Dominus ſororem Lazari ad monumentum, lachrymatus coram Iudæis, exclamauit Lazare veni foràs. Et prodiens ligatis manibus, & pedibus, ſtetit ante eum, qui quatriduānus fuerat mortuus.

Oratio ſuper populum.

Noſtra tibi, quæſumus, Domine, ſint accepta ieiunia: quæ nos & expiando gratiâ tuâ dignos efficiant, & ad remedia perdūcant æterna. Per Dominum noſtrum.

Lectio Daniélis Prophetæ.

In diebus illis. Congregati ſunt ^{Cap. 14.} Babylonij ad Regem, & dixerunt ei: Trade nobis Daniélem: aliòquin interficiemus te, & domum tuam. Vidit ergo Rex; quòd irruerent in eum vehementer: & neceſſitate compulſus tradidit eis Daniélem. Qui miſerunt eum in lacum Leonum: & erat ibi diebus ſex. Porro in lacu erant Leones ſeptem, & dabantur eis duo corpora quotidie, & duæ oues: & tunc non data ſunt eis, vt deuorarent Daniélem. Erat autem Habacuc Prophetæ in Iudæa: & ipſe coxerat pulmentum, & intriuerat panes in alueolo: & ibat in campum, vt ferret meſſoribus. Dixitque Angelus Domini ad Habacuc: Fer prandium, quod habes, in Babylonem Daniéli, qui eſt in lacu Leonum. Et dixit Habacuc: Domine, Babylonem non vidi, & lacum neſcio. Et apprehendit eum Angelus Domini in vertice eius, & portauit eum capillo capitis ſui, poſuitque eum in Babylone ſupra lacum in impetu ſpiritus ſui. Et clamauit Habacuc, dicens: Daniel, ſerue Dei, tolle prandium, quod miſit tibi Deus. Et ait Daniel; Recordatus es mei Deus, & non dereliquiſti diligentes te. Surgensque Daniel comedit. Porro Angelus Domini reſtituit Habacuc conſeſtim in loco ſuo. Venit ergo Rex die ſeptimo, vt lugeret Daniélem: & venit ad lacum, & introſpexit: & ecce Daniel ſedens in medio leonum. Et exclamauit voce magna Rex, dicens: Magnus es, Domine, Deus Daniélis. Et extraxit eum

eum de lacu Leonum. Porro illos, qui perditionis eius causa fuerant, intromisit in lacum: & deuorati sunt in momento coram eo. Tunc Rex ait: Paueant omnes habitantes in vniuersa terra Deum Daniélis; quia ipse est Saluator, faciens signa, & mirabilia in terra; qui liberauit Daniélem de lacu Leonum.

Cant. In conuertendo Dominus captiuitatem Sion, facti sumus sicut consolati.



Lectio sancti Euangelij secundum Ioannem.

IN illo tempore. Dixit Dominus Iesus Discipulis suis: Verba, quæ ego locutus sum vobis, spiritus, & vita sunt. Sed sunt quidam ex vobis, qui non credunt. Sciebat enim ab initio Iesus, qui essent non credentes, & quis traditurus esset eum. Et dicebat: Propterea dixi vobis, quia nemo potest venire ad me, nisi fuerit ei datum à Patre meo. Ex hoc multi discipulorum eius abiérunt retro, & iam non cum illo ambulabant. Dixit ergo Iesus ad Duodecim: Nunquid & vos vultis abire? Respondit ergo ei Simon Petrus: Domine, ad quem ibimus? Verba vitæ æternæ habes: & nos credimus, & cognouimus, quia tu es Christus Filius Dei. Respondit eis Iesus: Nonne ego vos Duodecim elégi, & ex vobis vnus Diabolus est? Dicebat autem de Iuda Simonis Iscariotis. Hic enim erat eum traditurus, cum esset vnus ex Duodecim.

Oratio super sindonem.

Afflictionem familiæ tuæ, quæsumus, Domine intende placatus: vt, indultâ veniâ peccatorum, de tuis semper beneficijs gloriatur. Per Dominum nostrum.

Offert. Hæc dicit Dominus; Erit vobis Sabbatum venerabile, & vocabi-

tur sanctum: & offeretis ad vesperum holocaustomata vestra; Quia in die illa propitiabitur vobis Saluator vester.

V. Locutus est Moyfes filijs Israel, dicens: Quartodecimo die ad vesperum Pascha Domini est: & in quinto-decimo solemnitatem celebrabitis altissimo Deo; Quia in die illa propitiabitur vobis Saluator vester.

Oratio super oblatam.

Hostias tibi, Domine, deferimus immolandas: quæ temporalem consolationem significant; vt promissa non desperemus æterna. Per Dominum nostrum.

Præfatio.

Æterne Deus. Qui nos de donis bonorum temporalium ad perceptionem prouehis æternorum. Hæc enim tribuis, & illa promittis; vt & mansuris iam incipiamus inferi, & prætereuntibus non teneri. Tuum est enim omne, quod viuimus. Quia, licet peccati vulnere natura nostra sit vitata; tui tamen est operis, vt à terrenis ad cœlestia renascamur. Per Christum, Dominum nostrum.

Confract. Domine, si fuisses hîc; frater meus non esset mortuus. Sed & nunc scio, quia, quæcunque petieris à Deo, dabit tibi Deus.

Transit. Martha, surget frater tuus. Scio, quia resurget in resurrectione in nouissimo die.

Oratio post Communionem.

DA, quæsumus, omnipotens Deus: vt, quæ diuina sunt, iugiter exequentes, donis mereamur cœlestibus propinquare. Per Dominum nostrum, Iesum Christum, Filium tuum: qui tecum viuit, & regnat in vnitæte.

FERIA IV.

Hebdom. V. in Quadrag.

Ingressa.

V Idens Dominus sororem Lazari ad monumentum, lachrymatus coram Iudeis, exclamavit: Lazare veni foras. Et prodiens ligatis manibus, & pedibus, stetit ante eum, qui quatríduanus fuerat mortuus.

Oratio super populum.

E Xaudi, quæsumus, Domine gemitum populi supplicantis: vt, qui de meritorum qualitate diffidimus, non iudicium, sed misericordiam consequi mereamur. Per Dominum nostrum.

Lectio Libri Leuitici.

I N diebus illis. Locutus est Dominus ad Moysen, dicens: Loquere ad omnem cœtum filiorum Israel, & dices ad eos: Ego Dominus, Deus vester. Non facietis furtum; non mentiemini, nec decipiet vnusquisque proximum suum. Non periurabis in nomine meo, nec pollues nomen Dei tui. Ego Dominus. Non facies calumniam proximo tuo, nec vi opprimes eum. Non morabitur opus mercenarij tui apud te vsque manẽ. Non maledices furdo, nec coram cæco pones offendiculum; sed timebis Dominum Deum tuum; quia ego sum Dominus. Non facies, quod iniquum est: nec iniuste iudicabis. Non consideres personam pauperis, nec honores vultum potentis. Iuste iudica proximo tuo. Non eris criminator, nec susurro in populo. Non stabis contra sanguinem proximi tui. Ego Dominus. Non oderis fratrem tuum in corde tuo, sed publice argue eum; ne habeas super illo peccatum. Non quæras vltionem, nec memor eris iniuriæ ciuium tuorum. Diliges amicum tuum, sicut teipsum.

Ego Dominus. Leges meas custodite. Ego Dominus Deus vester.

Cant. De profundis clamaui ad te, Domine; Domine, exaudi vocem meam. ^{Psalm. 129.}

Lectio sancti Euangelij secundum Lucam.

I N illo tempore. Assumpsit Dominus Iesus Duodecim, & ait illis: Ecce ascendimus Ierosolymam, & consummabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: & postquam flagellauerint, occident eum; & tertia die resurget. Et ipsi nihil horum intellexerunt: & erat verbum istud absconditum ab eis: & non intelligebant, quæ dicebantur.

Oratio super sindonem.

S Anctificato hoc ieiunio, Deus, tuorum corda fidelium miserator illustra: & quibus deuotionis præstas affectum, præbe supplicanti-
bus pium benignus auditum. Per Dominum nostrum.

Offert. Hæc dicit Dominus: Erit vobis Sabbatum venerabile, & vocabitur sanctum: & offeretis ad vesperum holocaustomata vestra; Quia in die illa propitiabitur vobis Saluator vester. ^{Leu. 23.}

V. Locutus est Moyses filijs Israel, dicens: Quartodecimo die ad vesperum Pascha Domini est: & in quintodecimo solemnitatem celebrabitis altissimo Deo; Quia in die illa propitiabitur vobis Saluator vester.

Oratio super oblatam.

A Nnue misericors Deus: vt hostias placationis, & laudis sincero tibi deferamus obsequio. Per Dominum nostrum, Iesum Christum, Filium tuum: qui tecum viuit, & regnat in vnitæte.

Præfa-

Præfatio.

Eterne Deus. Per hæc sacrosancta mysteria, quæ in nostro ieiunio, te iubente, solemmniter celebramus, tribue, quæsumus, propitius: ut vberior tuæ pietatis gratia redundet in nobis; ut, sicut speramus, animabus simul, & corporibus tribuas æternæ vitæ salutem. Per Dominum nostrum, Iesum Christum. Per quem.

Confract. Domine, si fuisses hic; frater meus non esset mortuus. Sed & nunc scio, quia quæcunque petieris à Deo, dabit tibi Deus.

Transit. Martha, surget frater tuus. Scio, quia resurget in resurrectione, in nouissimo die.

Oratio post Communionem.

Coelestis doni benedictione percepta, supplices te, Deus omnipotens, deprecamur: ut hoc idem nobis, & sacramenti causa sit, & salutis. Per Dominum nostrum.

F E R I A V.

Hebdom V. in Quadragesima.

Ingressa.

Videns Dominus sororem Lazari ad monumentum, lachrymatus coram Iudæis, exclamauit: Lazare veni foras. Et prodiens ligatis manibus, & pedibus, stetit ante eum, qui quatrduanus fuerat mortuus.

Oratio super populum.

Ieiunia, quæsumus, Domine, quæ sacris exequimur institutis: & nos à reatibus nostris semper expediant, & tuam nobis iustitiam faciant esse placatam. Per Dominum nostrum, Iesum Christum.

Lectio Ieremiæ Prophetæ.

In diebus illis. Dixit Ieremias: Domine, omnes, qui te derelinquunt, confundentur: recedentes à te, in terra scribentur; quoniam derelique-

runt venam aquarum viuentium, Dominum. Sana me Domine, & sanabor: saluum me fac, & saluus ero; quoniam laus mea tu es. Ecce ipsi dicunt ad me: Ubi est verbum Domini? Veniat. Et ego non sum turbatus, te Pastorem sequens: & diem hominis non desideravi: tu scis. Quod egressum est de labijs meis, rectum in conspectu tuo fuit. Non sis tu mihi formidini, spes mea tu in die afflictionis. Confundantur, qui me persequuntur; & non confundar ego: paueant illi, & non paueam ego. Induc super eos diem afflictionis, & duplici contritione contere eos Domine, Deus noster.

Cantus: Domine exaudi orationem meam. Pal.
101.



Lectio sancti Euangelij
secundum Ioannem.

In illo tempore. Dissensio facta est in turba propter Iesum. Quidam autem ex ipsis volebant apprehendere eum; sed nemo misit super eum manus. Venerunt ergo ministri ad Pontifices, & Phariseos, & dixerunt eis illi: Quare non adduxistis illum? Responderunt ministri: Nunquam, sic locutus est homo, sicut hic homo. Responderunt ergo eis Pharisei: Nunquid & vos seducti estis? Nunquid ex Principibus aliquis credidit in eum, aut ex Phariseis? Sed turba hæc, quæ non nouit Legem, maledicti sunt. Dixit Nicodemus ad eos; ille, qui venit ad eum nocte, qui vnus erat ex ipsis: Nunquid Lex nostra iudicat hominem, nisi prius audierit ab ipso, & cognouerit, quid faciat? Responderunt, & dixerunt ei: Nunquid & tu Galilæus es? Scrutare Scripturas: & vide, quia à Galilæa Propheta non surgit. Et reuersi sunt vnusquisque in domum suam.

Ora-

Oratio super findonem.

ESto, quæsumus, Domine, propitius plebi tuæ: ut, quæ tibi non placent, respicientes, tuorum potius repleantur dilectionibus mandatorum. Per Dominum nostrum.

^{1. cu.}
^{23.} **Offert.** Hæc dicit Dominus: Erit vobis Sabbatum venerabile, & vocabitur sanctum: & offeretis ad vesperum holocaustomata vestra; Quia in die illa propitiabitur vobis Saluator vester.

V. Locutus est Moyſes filiis Israel dicens: Quartodecimo die ad vesperum Pascha Domini est: & in quartodecimo solemnitatem celebrabitis altissimo Deo; Quia in die illa propitiabitur vobis Saluator vester.

Oratio super oblatam.

Supplices te, Domine, deprecamur: ut, per hæc dona sacrificij singularis, & ablutio peccatorum, & tua nobis sanctificatio præbeatur. Per Dominum nostrum.

Præfatio.

ÆTerne Deus. Qui conditionis humanæ propensis precibus ideo exoraris: ut, sicut tu corripis filios ad paternam reuerentiam tardiores; ita nos solita pietate præuenias; ut & supplices tuos fieri tribuas, & supplicantibus optata concedas. Per Christum, Dominum.

^{10.}
^{21.} **Confract.** Domine, si fuisses hic; frater meus non esset mortuus: Sed & nunc scio, quia, quæcunque petieris à Deo, dabit tibi Deus.

^{10.}
^{21.} **Transit.** Martha, surget frater tuus. Scio, quia resurget in resurrectione in nouissimo die.

Oratio post Communionem.

ADesto nobis Domine, Deus noster: & quos tuis mysterijs recreasti, perpetuis defende præſidijs. Per Dominum nostrum, Jesum Christum, Filium tuum.

S A B B A T O

In Traditione Symboli.

Ingredia.

VIdens Dominus sororem Lazari ad monumentum: lachrymatus coram Iudæis, exclamauit: Lazare veni foras. Et prodiens ligatis manibus, & pedibus, stetit ante eum, qui quatrduanus fuerat mortuus.

Oratio super populum.

DEus, qui humani generis ita es conditor, ut sis etiam reformator: propitiare populis adoptiuis, & nouo Testamento sobolem nouæ prolis adscribe; ut filij promissionis, quod non potuerunt assequi per naturam, gaudeant se recepisse per gratiam. Per Dominum nostrum.

Lectio Ezechiélis Prophetæ.

Hæc dicit Dominus Deus: Non ^{Cap. 16.} propter vos ego faciam, domus Israel; sed propter nomen sanctum meum, quod polluiſtis in Gentibus, ad quas intraſtis. Et sanctificabo nomen meum magnum, quod pollutum est inter Gentes, quod polluiſtis in medio earum; ut ſciant Gentes, quia ego Dominus, ait Dominus exercituum, cum sanctificatus fuero in vobis coram eis. Tollam quippe vos de Gentibus, & congregabo vos de vniuersis terris, & adducam vos in terram vestram. Et effundam super vos aquam mundam, & mundabimini ab omnibus inquinamentis vestris, & ab vniuersis Idolis vestris mundabo vos. Et dabo vobis cor nouum, & spiritum nouum ponam in medio vestri: & auferam cor lapideum de carne vestra, & dabo vobis cor carneum. Et spiritum meum ponam in medio vestri: & faciam, ut in præceptis meis ambuletis, & iudicia mea custodiatis, & operemini. Et habitabitis in terra, quam dedi Patribus vestris: & eritis mihi

Sabbato Hebd. V. in traditione Symboli.

I 2 I

mihi in populum, & ego ero vobis in Deum. Dicit Dominus omnipotens.

Psalmell. Deus, canticum nouum cantabo tibi: in psalterio decem chordarum psallam tibi.

V. Benedictus Dominus, Deus meus: qui docet manus meas ad praelium, & digitos meos ad bellum.

Epistola Beati Pauli Apostoli ad Ephesios.

Cap. 6. **F**ratres. Confortamini in Domino, & in potentia virtutis eius. Induite vos armaturam Dei; ut possitis stare aduersus insidias Diaboli; quoniam non est nobis colluctatio aduersus carnem, & sanguinem, sed aduersus Principes, & Potestates, aduersus mundi Rectores tenebrarum harum, contra Spiritualia nequitiae in coelestibus. Propterea accipite armaturam Dei; ut possitis resistere in die malo, & in omnibus perfecti stare. State ergo succincti lumbos vestros in veritate, & induiti lorica iustitiae, & calceati pedes in praeparatione Euangelij pacis; in omnibus sumentes scutum fidei, in quo possitis omnia tela nequissimi ignea extinguere. Et galeam salutis assumite, & gladium spiritus (quod est verbum Dei) per omnem orationem, & obsecrationem orantes omni tempore in spiritu: & in ipso vigilantes in omni instantia, & obsecratione pro omnibus sanctis, & pro me; ut detur mihi sermo in apertione oris mei cum fiducia notum facere mysterium Euangelij.

Cap. 116. **Cantus:** Laudate Dominum omnes Gentes, & collaudate eum omnes populi; quoniam confirmata est super nos misericordia eius, & veritas Domini manet in aeternum.



Lectio sancti Euangelij secundum Matthaeum.

In illo tempore. Respondens Dominus Iesus, dixit: Confiteor tibi, Pater, Domine, coeli, & terrae, quia abscondisti haec a sapientibus, & prudentibus, & reuelasti ea paruulis. Ita Pater; quoniam sic fuit placitum ante te. Omnia mihi tradita sunt a Patre meo: & nemo nouit Filium, nisi Pater: neque Patrem quis nouit, nisi Filius, & cui voluerit Filius reuelare. Venite ad me omnes, qui laboratis, & onerati estis; & ego reficiam vos. Tollite iugum meum super vos, & discite a me; quia mitis sum, & humilis corde; & inuenietis requiem animabus vestris. Iugum enim meum suauis est, & onus meum leue.

Antiphona post Euangelium.

Atendite, populus meus, Legem meam inclinate aurem vestram in verba oris mei.

Oratio super sindonem.

DA nobis obseruantiam, Domine, legitima deuotione perfectam: ut cum refranatione carnalis alimoniae sancta tibi conuersatione placeamus. Per Dominum nostrum.

Offert. Lex Domini irreprehensibilis, conuertens animas: testimoniū Domini fidele, sapientiā praestans paruulis.

Dicitur: Credo.

Oratio super oblatam.

Omnipotens, sempiterna Deus: qui nos ad aeternam vitam in confessione tui nominis Baptismatis reparas sacramento: suscipe tuorum munera, & vota famulorum; ut in te sperantium & desideria iubeas perfici, & peccata deleri. Per Dominum.

Præfatio.

Aterne Deus. Cuius nos misericordia praeuenit, ut bene agamus: subsequitur, ne frustra agamus, accendit intentionem, qua ad

L

bona

bona opera peragenda inardescamus: tribuit efficaciam, qua hæc ad perfectum perducere valeamus. Tuam igitur clementiam indefessis vocibus obsecramus: vt nos, ieiunij victimis à peccatis mundatos, ad celebrandam vnigeniti Filij tui, Domini nostri Passionem facias esse deuotos. Per quem Maiestatem tuam laudant.

Mat. 11. Confraet. Venite ad me omnes, qui laboratis; & ego reficiam vos.

Mat. 11. Transi. Tollite iugum meum super vos, dicit Dominus: & discite à me, quia mitis sum, & humilis corde. Iugum enim meum suaue est, & onus meum leue.

Oratio post Communionem.

A Desto, Domine, fidelibus tuis: & quos coelestibus reficis sacramentis, à terrenis conserua periculis. Per Dominum nostrum.

M I S S A

In Dominica Palmarum.

Ingressa.



In nomine Domini omne genuflectatur, Coelestium, Terrestrium, & Infernorum; quia Dominus factus est obediens vsq; ad mortem, mortem autem Crucis. Ideo Dominus Iesus Christus in gloria est Dei Patris.

Non dicuntur Preces, neque Gloria, in excelsis.

Oratio super populum.

Populum tuum, quæsumus, Domine, ad te toto corde conuerte: quia, quos defendis etiam delinquentes, maiori pietate tuêris sincera mente deuotos. Per Dominum.

Lectio Isaïæ Prophetæ.

Cap. 53. In diebus illis. Dixit Isaïas: Domine, quis credidit auditui nostro: & brachium Domini cui reuelatum,

est? Et ascendet sicut virgultum coram eo, & sicut radix de terra sitienti. Non est species ei, neque decor. Et vidimus eum, & non erat aspectus, & desiderauimus eum: despectum, & nouissimum virorum, virum dolorum, & scientem infirmitatem. Et quasi absconditus vultus eius, & despectus; vnde nec reputauimus eum. Verè languores nostros ipse tulit, & dolores nostros ipse portauit: & nos putauimus eum quasi leprosum, & percussum à Deo, & humiliatum. Ipse autem vulneratus est propter iniquitates nostras, attritus est propter scelera nostra. Disciplina pacis nostræ super eum, & liuore eius sanati sumus. Omnes nos quasi oues errauimus, vnusquisque in viam suam declinauit: & posuit Dominus in eo iniquitatem omnium nostrum. Oblatus est, quia ipse voluit, & non aperuit os suum. Sicut ouis ad occisionem ducetur, & quasi agnus coram tondente se obmutescet, & non aperiet os suum. De angustia, & de iudicio sublatus est. Generationem eius quis enarrabit? Quia abscissus est de terra viuentium, propter scelus populi mei percussus est. Et dabit impios pro sepultura, & diuitem pro morte sua; eo quòd iniquitatem non fecerit; neque dolus fuerit in ore eius; & Dominus voluit contere eum in infirmitate. Si posuerit pro peccato animam suam, videbit semen longæuum, & voluntas Domini in manu eius dirigetur. Pro eo quòd laborauit anima eius, videbit, & saturabitur. In scientia sua iustificabit ipse iustus seruus meus multos, & iniquitates eorum ipse portabit. Ideo dispertiam ei plurimos, & fortium diuidet spolia, pro eo quòd tradidit in mortem animam suam, & cum sceleratis reputatus est, & ipse peccata,

multo-

In Dominica Palmarum.

I 2 3

multorum tulit, & pro transgressoribus rogauit.

Psalmell. Ego autem, dum mihi molesti essent, induebam me cilicium, & humiliabam in ieiunio animam meam: & oratio mea in sinum meum conuertetur.

V. Iudica Domine nocentes me, & expugna impugnantes me: apprehende arma, & scutum, & exurge in adiutorium mihi.

Epistola Beati Pauli Apostoli ad Thessalonicenses secunda.

Cap. 2. & 3. **F**ratres. State, & tenete traditiones, quas didicistis, siue per sermonem, siue per epistolam nostram. Ipse autem Dominus noster, Iesus Christus, & Deus, & Pater noster, qui dilexit nos, & dedit consolationem æternam, & spem bonam in gratia, exhortetur corda vestra, & confirmet in omni opere, & sermone bono. De cætero, fratres, orate pro nobis, ut sermo Dei currat, & clarificetur, sicut & apud vos: & ut libermur ab importunis, & malis hominibus; non enim omnium est fides. Fidelis autem Dominus est, qui confirmabit vos, & custodiet à malo. Confidimus autem de vobis in Domino, quoniam, quæ præcipimus, & facitis, & faciatis. Dominus autem dirigat corda vestra in charitate Dei, & patientia Christi.

Psalm. 34. **Cant.** Pacificè loquebantur mihi inimici mei, & in ira molesti erant mihi.

V. Vidisti Domine: ne fileas, & ne discedas à me.



Lectio sancti Euangelij secundum Ioannem.

Cap. 11. **I**n illo tempore. Proximum erat Pascha Iudæorum: & ascenderunt multi Ierosolymam de regione ante Pascha; ut sanctificarent seipso. Quærebant ergo Iesum: & colloquebantur adinuicem in Templo stan-

tes: Quid putatis, quia non venit ad diem festum? Dederant autem Pontifices, & Pharisei mandatum: ut, si quis cognouerit, ubi sit, indicet, ut apprehendant eum. Iesus ergo ante, **Cap. 12.** sex dies Paschæ venit Bethaniam, ubi Lazarus fuerat mortuus, quem suscitauit Iesus. Fecerunt autem ei cœnam ibi: & Martha ministrabat; Lazarus verò vnus erat ex discumbentibus cum eo. Maria ergo accepit libram vnguenti nardi pistici pretiosi, & vnxit pedes Iesu, & exterfit capillis suis: & domus impleta est ex odore vnguenti. Dixit ergo vnus ex Discipulis eius, Iudas Iscariotes, qui erat eum traditurus: Quare hoc vnguentum non venijt trecentis denarijs, & datum est egênis? Dixit autem hoc; non quia de egênis pertinebat ad eum; sed quia fur erat, & loculos habens, ea, quæ mittebantur, portabat. Dixit ergo Iesus: Sine illam, ut in diem sepulturæ meæ seruet illud. Pauperes enim semper habebitis vobiscum; me autem non semper habebitis. Cognouit ergo turba multa ex Iudæis, quia illic est: & venerunt, non propter Iesum tantum, sed ut Lazarum viderent, quem suscitauit à mortuis. Cogitauerunt autem Principes Sacerdotum, ut & Lazarum interficerent; quia multi propter illum abibant ex Iudæis, & credebant in Iesum.

Antiphona post Euangelium.

Statuite verba ista in auribus vestris: & alligabitis ea in sinum vestrum: & docebitis ea filios vestros, sedentes in domo, & ambulantes in via, & cum dormiunt, & cum surgunt. **Deuter. 6.**

Oratio super sindonem.

Ascendant ad te, Domine, supplices preces: ut, qui diu pro nostris offensionibus castigati sumus, miserationis tuæ veniam sentiamus. Per Dominum. **L 2 Offert.**

Offert. **E**ripe me Domine de inimicis meis: doce me facere voluntatem tuam; quia tu es Deus meus.

V. In factis manuum tuarum meditabor: velociter exaudi me; quia tu es Deus meus.

Dicitur: Credo.

Oratio super oblatam.

Ipsa Maieſtati tuæ, Domine, populos fideles commendet oblatio: quæ per Filium tuum reconciliauit inimicos. Qui tecum viuit, & regnat in vnitæte Spiritus Sancti Deus.

Præfatio.

Per Christum Dominum nostrum. Quem ad hoc humanam formam assumere voluisti: vt, quicquid prophetæ, ac sanctæ clamaueſe Scripturæ, Bethlehemitica rura, seu Ierusalem adueniens, consummaret. Sicut igitur tunc puerili voce, turba præeunte, & arborum ramis, ac vestibibus viam sternente, laudatio inſonabat; ita & nos diuino amore repleti, nunc Christo Domino deuotis vocibus decantemus; sternentesque vestimenta, Christo Domino in itinere occurramus; Una verò cum Angelicis Choris ter sanctum Hymnum concinamus, dicentes: Sanctus, Sanctus, Sanctus, &c.

Confract. **S**itientes venite ad aquas, dicit Dominus: &, qui non habetis pretium, venite, & edite, & bibite in lætitia.

Transit. **M**ittens hæc mulier vnguentum hoc in corpus meum, ad ſepeliendum me fecit.

Oratio post Communionem.

Sanctificent nos, Domine, sumpta mysteria: & paschalis obseruantia sufficientem nobis tribuant facultatem. Per Dominum nostrum, Iesum Christum, Filium tuum: qui tecum viuit, & regnat.

E E R I A I J.

In Authentica.

Ingressa.

In nomine Domini omne genu flectatur, Cœlestium, Terrestrium, & Infernorum; quia Dominus factus est obediens vsque ad mortem; mortem autem Crucis. Ideo Dominus Iesus Christus in gloria est Dei Patris.

Oratio super populum.

DA, quæsumus, omnipotens Deus: vt, qui in tot aduersis ex nostra infirmitate deficimus, intercedente, pro nobis vnigeniti Filij tui Passione, respiremus. Qui tecum viuit.

Lectio Isaïæ Prophetæ.

In diebus illis, dixit Isaïas. Dominus Deus aperuit mihi aurem; ego autem non contradico; retrorsum non abij. Corpus meum dedi percutientibus, & genas meas vellentibus: faciem meam non auerti ab increpantibus, & conspuentibus in me. Dominus Deus auxiliator meus; ideo non sum confusus. Ideo posui faciem meam, vt petram durissimam: & scio, quoniam non confundar. Iuxta est, qui iustificat me; quis contradicet mihi? Stemus simul; quis est aduersarius meus? Accedat ad me. Ecce Dominus Deus auxiliator meus; quis est, qui condemnet me? Ecce omnes quasi vestimentum conterentur; tineæ comedet eos. Quis ex vobis timens Dominum, audiens vocem serui sui, qui ambulauit in tenebris, & non est lumen ei? Speret in nomine Domini, & innitatur super Deum suum.

Cantus: Conserua me Domine: quoniam in te speraui. Dixi Domino: Deus meus tu es.



Lectio sancti Euangelij
secundum Lucam.

In illo tempore. Dicebat Dominus Iesus Discipulis suis: Attendite vobis

vobis, ne fortè grauentur corda vestra in crapula, & ebrietate, & curis huius vitæ; & superueniat in vos repentina dies illa. Tamquam laqueus enim superueniet in omnes, qui sedent super faciem omnis terræ. Vigilate, itaque omni tempore, orantes, vt digni habeamini fugere ista omnia, quæ futura sunt, & stare ante Filium hominis. Erat autem diebus docens in Templo: noctibus verò exiens, morabatur in monte, qui vocatur Oliueti. Et omnis populus manicabat ad eum in Templo audire eum.

Oratio super sindonem.

A Diuina nos Deus, Salutaris noster: & ad beneficia recolenda, quibus nos instaurare dignatus es, tribue venire gaudentes. Qui cum Patre.

Offert. **E**ripe me Domine de inimicis meis: doce me facere voluntatem tuam; quia tu es Deus meus.

V. In factis manuum tuarum meditabor: velociter exaudi me; quia tu es Deus meus.

Oratio super oblatam.

Hæc sacrificia nos, omnipotens Deus: potenti virtute mundatos, ad suum faciant puriores venire principium. Per Dominum.

Prælatio.

Per Christum Dominum nostrum. Cuius nos humanitas colligit, humilitas erigit, traditio absoluit, poena redimit, Crux saluificat, Sanguis emaculat, Caro saginat. Per quem te, summe Pater, cum ieiuniorum obsequio postulamus: vt ad eius celebrandam Passionem purificatis mentibus accedamus. Quem vna tecum omnipotens Pater.

Contract. **S**itientes venite ad aquas, dicit Dominus: & qui non habetis pretium, venite, & edite, & bibite in lætitia.

Transit. **M**ittens hæc mulier vnguen-

tum hoc in corpus meum, ad sepeliendum me fecit.

Oratio post Communionem.

Præbeant nobis, Domine, diuinum tua sancta feruorem: quo eorum pariter & actu delectemur, & fructu. Per Dominum nostrum.

F E R I A I I I.

In Authentica.

Ingressa.

In nomine Domini omne genu flectatur, Coelestium, Terrestrialium, & Infernorum; quia Dominus factus est obediens vsque ad mortem; mortem autem Crucis. Ideo Dominus Iesus Christus in gloria est Dei Patris.

Oratio super populum.

Omnipotens sempiterne Deus: da nobis, ita dominicæ Passionis sacramenta peragere, vt indulgentiam delictorum percipere mereamur. Per eundem Dominum.

Lectio Ieremiæ Prophetæ.

In diebus illis. Dixit Ieremias: Domine, demonstraisti mihi, & cognoui: tu ostendisti mihi studia eorum. Et ego quasi agnus mansuetus, qui portatur ad victimam: & non cognoui, quia cogitauerunt super me consilia, dicentes: Mittamus lignum in panem eius, & eradamus eum de terra viuentium, & nomen eius non memoretur amplius. Tu autem Domine Sabaoth, qui iudicas iustè, & probas renes, & corda, videam ultionem tuam ex eis, tibi enim reuelauimus causam meam, Domine, Deus meus.

Cant. **I**n conuertendo Dominus captiuitatem Sion, facti sumus sicut consolati.

Lectio sancti Euangelij secundum Ioannem.

In illo tempore. Collegerunt Pontifices, & Pharisei concilium ad-

uersus Iesum, & dicebant: Quid facimus, quia hic homo multa signa facit? Si dimittimus eum sic, omnes credent in eum, & venient Romani, & tollent nostrum locum, & gentem. Unus autem ex ipsis, Caiphas nomine, cum esset Pontifex anni illius, dixit eis. Vos nescitis quidquam, nec cogitatis, quia expedit nobis, ut vnus moriatur homo pro populo, & non tota gens pereat. Hoc autem à semetipso non dixit; sed, cum esset Pontifex anni illius, prophetauit, quod Iesus moriturus erat pro gente: & non tantum pro gente; sed ut Filios Dei, qui erant dispersi, congregaret in vnum. Ab illo ergo die cogitauerunt, ut interficerent eum. Iesus ergo iam non palam ambulabat apud Iudæos; sed abiit in regionem iuxta desertum, in ciuitatem, quæ dicitur Ephrem; & ibi morabatur cum Discipulis.

Oratio super sindonem.

Tua nos misericordia, Deus, & ab omni subreptione vetustatis expurget: & capaces sanctæ nouitatis efficiat. Per Dominum nostrum.

Offert. **E**ripe me Domine de inimicis meis: doce me facere voluntatem tuam; quia tu es Deus meus.

V. In factis manuum tuarum meditabor: velociter exaudi me; quia tu es Deus meus.

Oratio super oblatam.

Grata tibi sint, Domine, munera: quibus mysteria celebrantur nostræ libertatis, & vitæ. Per Dñm.

Præfatio.

Per Christum Dominum nostrum. Cuius salutiferæ Passionis, & gloriosæ Resurrectionis dies appropinquare noscuntur: in quibus & de antiqui Hostis superbia triumphatur, & nostræ redemptionis mysterium celebratur. Unde poscimus tuam im-

menfam clementiam: ut, sicut in eo solo consistit totius nostræ saluationis summa; ita per eum tibi sit ieiuniorum, & actuum nostrorum semper victima grata. Per quem Maiestatem tuam.

Confract. **S**itientes venite ad aquas, dicit Dominus: & qui non habetis pretium, venite, & edite, & bibite in lætitia.

Transit. **M**ittens hæc mulier vnguentum hoc in corpus meum, ad sepe- liendum me fecit.

Oratio post Communionem.

Repleti, Domine, sacri muneris gratiâ, supplices exoramus: ut, quæ gustu corporeo, dulci veneratione, contigimus, dulciora mentibus sentiamus. Per Dominum nostrum.

F E R I A I V.

In Authentica.

Ingressa.

In nomine Domini omne genu flectatur, Cœlestium, Terrestrialium, & Infernorum; quia Dominus factus est obediens usque ad mortem; mortem autem Crucis; Ideo Dominus Iesus Christus in gloria est Dei Patris.

Oratio super populum.

Præsta, quæsumus, omnipotens Deus: ut, qui nostris excessibus incessanter affligimur, per vnigeniti Filij tui Passionem liberemur. Qui tecum viuit, & regnat.

Lectio Isaïæ Prophetæ.

Hæc dicit Dominus Deus: Dicite filiæ Sion: Ecce Saluator tuus venit; ecce merces eius cum eo. Quis est iste, qui venit de Edom, tinctis vestibibus de Bosra? Iste formosus in stola sua, gradiens in multitudine fortitudinis suæ. Ego, qui loquor iustitiam, & propugnator sum ad saluandum. Quare ergo rubrum est indumen-

Missæ Feriæ V. In Coena Domini.

127

dumentum tuum, & vestimenta tua sicut calcantium in torculâri? Torcular calcaui solus, & de gentibus non est vir mecum. Calcaui eos in furore meo, & conculcaui eos in ira mea: & aspersus est sanguis eorum super vestimenta mea, & omnia indumenta mea inquinavi. Dies enim ultionis in corde meo, annus retributionis meæ venit. Circumspexi, & non erat auxiliator: quæsiui, & non fuit qui adiuuaret: & saluauit mihi brachium meum, & indignatio mea ipsa auxiliata est mihi. Et conculcaui populos in furore meo, & inebriaui eos in indignatione mea, & detraxi in terram virtutem eorum. Miserationum Domini recordabor, laudem Domini super omnibus, quæ reddidit nobis Dominus.

^{Psalm.}
^{129.} **Cant.** De profundis clamaui ad te, Domine; Domine exaudi vocem meam.

 **Lectio sancti Euangelij**
secundum Matthæum.

^{Cap.}
^{26.} **I**n illo tempore. Cum consummas-
set Dominus Iesus sermones hos
omnes, dixit Discipulis suis: Scitis,
quia post biduum Pascha fiet, & Fi-
lius hominis tradetur, vt crucifiga-
tur. Tunc congregati sunt Principes
Sacerdotum, & Seniores populi in
atrium Principis Sacerdotum, qui di-
cebatur Caiphas: & consilium fece-
runt, vt Iesum dolo tenerent, & oc-
ciderent. Dicebant autem: Non in
die festo; ne forte tumultus fieret in
populo.

Oratio super sindonem.

Deus, qui pro nobis Filium tuum
Crucis patibulum subire volui-
sti, vt Inimici à nobis expelleres po-
testatem, concede nobis famulis tuis
vt Resurrectionis eius gratiam con-
sequamur. Qui tecum viuit.

^{Psalm.}
^{142.} **Offert.** Eripe me Domine de inimi-
cismeis: doce me facere voluntatem
tuam; quia tu es Deus meus.

V. In factis manuum tuarum medita-
bor: velociter exaudi me; quia tu es
Deus meus.

Oratio super oblatam.

Suscipe, quæsumus, Domine, mu-
nus oblatum, & dignanter opera-
re: vt, quod Passionis Filij tui, Do-
mini nostri, mysterio gerimus, pijs
affectibus consequamur. Per eundem.

Præfatio.

Per Christum Dominum nostrum.
Qui innocens pro impijs voluit
pati, & pro sceleratis indebitè con-
demnari. Cuius mors delicta nostra
deterfit, & resurrectio Paradisi fores
nobis reserauit. Per quem tuam pie-
tatem supplices exoramus: vt nos
hodie à peccatis emacules: cras verò
venerabilis coenæ dapibus saties: ho-
die acceptes nostrorum confessio-
nem delictorum: cras verò tribuas
spiritualium incrementa donorum:
hodie ieiuniorum nostrorum vota su-
scipias: cras verò nos ad sanctissimæ
coenæ conuiuium introducas. Per eun-
dem Christum, Dominum nostrum.

Confract. Sitientes venite ad aquas, ^{Isa.}
dicit Dominus: & qui non habetis ^{15.}
pretium, venite, & edite, & bibite in
lætitia.

Transit. Mittens hæc mulier vnguen- ^{Mat.}
tum hoc in corpus meum ad sepe- ^{26.}
liendum me fecit.

Oratio post Communionem.

Largire sensibus nostris, omnipo-
tens Deus; vt per temporalem
Filij tui mortem, quam mysteria ve-
neranda testantur, vitam te nobis
dedisse perpetuam confidamus. Per
eundem Dominum.

MISSA FERIÆ V.

In Coena Domini.

Hæc Missa celebratur ab vno tan-
tùm Sacerdote in Cathedrali, & in
vnaquaque Collegiata, Parochiali,
vel

vel alia eiusdem generis Ecclesia, non autem in Oratorijs priuatis. Et in Ecclesia quidem Cathedrali, Collegiatâue, præmissis Lectionibus, Orationibusque cum Psalmellis contentis in fine Missalis pag. 88. & deinceps, dum cantatur nouissimus Psalmellus, Archiepiscopus, seu dignior Sacerdos cum Ministris accedit ad Altare, & facit Confessionem. Qua absoluta, sequentem Orationem dicit submissa voce; ita tamen, vt à circumstantibus audiri possit.

¶ Dominus vobiscum.

Oratio super populum.



Eus, à quo & Iudas reatus sui poenam, & confessionis suæ Latro præmium sumpsit, concede nobis tuæ propitiationis effectum: vt, sicut in Passione sua Iesus Christus Dominus noster diuersa vtrisque intulit stipendia meritorum; ita nobis, ablato vetustatis errore, Resurrectionis suæ gratiam largiatur. Qui tecum.

E pistola Beati Pauli Apostoli ad Corinthios prima.

^{cap. 11.} **F**ratres. Conuenientibus vobis in vnum, iam non est dominicam Cœnam manducare. Unusquisque enim suam cœnam præsumit ad manducandum: & alius quidem esurit; alius autem ebrius est. Nunquid domos non habetis ad manducandum, & bibendum? Aut Ecclesiam Dei contemnitis: & confunditis eos, qui non habent? Quid dicam vobis? Laudo vos? In hoc non laudo. Ego enim accepi à Domino, quod & tradidi vobis: quoniam Dominus Iesus, in qua nocte tradebatur, accepit panem; & gratias agens fregit, & dixit: Accipite, & manducate. Hoc est Corpus meum, quod pro vobis tradetur. Hoc facite in meam commemorationem.

Similiter & Calicem, postquam cœnauit, dicens: Hic Calix nouum Testamentum est in meo Sanguine. Hoc facite, quotiescunque bibetis, in meam commemorationem. Quotiescunque enim manducabitis Panem hunc, & Calicem bibetis, mortem Domini annuntiabitis, donec veniat. Itaque quicumque manducauerit Panem hunc, vel biberit Calicem Domini indignè, reus erit Corporis, & Sanguinis Domini. Probet autem seipsum homo: & sic de Pane illo edat, & de Calice bibat. Qui enim manducat, & bibit indignè, iudicium sibi manducat, & bibit, non dijudicans Corpus Domini. Ideo inter vos multi infirmi, & imbecilles, & dormiunt multi. Quod si nosmetipsos dijudicaremus; non vtique iudicaremur. Dum iudicamur autem, à Domino corripimur; vt non cum hoc mundo damnemur. Itaque, fratres mei, cum conuenitis ad manducandum, inuicem expectate. Si quis esurit, domi manducet; vt non in iudicium conueniatis. Cætera autem, cum venero, disponam.

Cantus: *T*anquam ad latronem venistis cum gladijs comprehendere me. Quotidie apud vos eram in Templo docens, & non me tenuistis: & ecce traditis ad crucifigendum.

¶ Adhuc eo loquente, ecce turba: & qui vocabatur Iudas, venit, & appropinquauit ad Iesum, vt eum oscularetur. Iesus autem dixit ei: Iuda, osculo Filium hominis tradis ad crucifigendum?

✠ *P*assio Domini nostri Iesu Christi secundum Matthæum.

Prima die Azymorum accesserunt Discipuli ad Iesum, dicentes: Ubi vis, paremus tibi comedere Pascha? At Iesus dixit: Ite in Ciuitatem ad quendam, & dicite ei: Magister dicit: Tempus meum prope est; apud te facio.

Missæ Feriæ V. In Cœna Domini.

129

facio Pascha cum Discipulis meis. Et fecerunt Discipuli, sicut constituit illis Iesus; & parauerunt Pascha. Vespere autem facto, discumbebat cum duodecim Discipulis suis. Et edentibus illis, dixit: Amen dico vobis, quia vnus vestrum me traditurus est. Et contristati valde cœperunt singuli dicere: Nunquid ego sum, Domine? At ipse respondens ait: Qui intingit mecum manum in paropside, hic me tradet. Filius quidem hominis vadit, sicut scriptum est de illo; vœ autem homini illi, per quem Filius hominis tradetur. Bonum erat ei; si natus non fuisset homo ille. Respondens autem Iudas, qui tradidit eum, dixit: Nunquid ego sum, Rabbi? Ait illi: Tu dixisti. Cœnantibus autem eis, accepit Iesus panem, & benedixit, ac fregit, deditque Discipulis suis, & ait: Accipite, & comedite. Hoc est Corpus meum. Et accipiens Calicem gratias egit, & dedit illis, dicens: Bibite ex hoc omnes. Hic est enim Sanguis meus, noui Testamenti: qui pro multis effundetur in remissionem peccatorum. Dico autem vobis: non bibam amodo de hoc genimine vitis vsque in diem illum, cum illud bibam vobiscum nouum in Regno Patris mei. Et, hymno dicto, exierunt in montem Oliueti. Tunc dicit illis Iesus: Omnes vos scandalum patiemi- ni in me in ista nocte. Scriptum est enim. Percutiam pastorem; & dispergentur oues gregis. Postquam autem resurrexero, præcedam vos in Galilæam. Respondens autem Petrus ait illi: Etsi omnes scandalizati fuerint in te; ego nunquam scandalizabor. Ait illi Iesus: Amen dico tibi, quia, in hac nocte, antequam Gallus can- tet, ter me negabis. Ait illi Petrus: Etiam si oportuerit me mori tecum, non te negabo. Similiter & omnes

Discipuli dixerunt. Tunc venit Iesus cum illis in villam, quæ dicitur Gethsemani, & dixit Discipulis suis: Sedete hic, donec vadam illuc, & orem. Et assumpto Petro, & duobus filiis Zebedæi, cœpit contristari, & mœstus esse. Tunc ait illis: Tristis est anima mea vsque ad mortem: sustinete hic, & vigilate mecum. Et progressus pu- fillum, procidit in faciem suam, orans, & dicens: Pater mi, si possibile est; transeat à me calix iste: veruntamen non sicut ego volo, sed sicut tu. Et venit ad Discipulos suos, & inuenit eos dormientes, & dicit Petro: Sic non potuistis vnâ horâ vigilare me- cum? Vigilate, & orate, vt non in- tretis in tentationem. Spiritus qui- dem promptus est; caro autem infir- ma. Iterum secundo abiit, & orauit, dicens: Pater mi, si non potest hic calix transire, nisi bibam illum; fiat voluntas tua. Et venit iterum, & in- uenit eos dormientes; erant enim, oculi eorum grauati. Et relictis illis, iterum abiit, & orauit tertio, eundem sermonem dicens. Tunc venit ad Di- scipulos suos, & dicit illis: Dormite iam, & requiescite: ecce appropin- quauit hora, & Filius hominis trade- tur in manus peccatorum. Surgite; eamus: ecce appropinquauit, qui me tradet. Adhuc eo loquente; Ecce Iu- das, vnus de Duodecim, venit: & cum eo turba multa cum gladijs, & fusti- bus, missi à Principibus Sacerdotum, & Senioribus populi. Qui autem tra- didit eum, dedit illis signum, dicens: Quemcunque osculatus fuero, ipse est: tenete eum. Et confestim acce- dens ad Iesum, dixit: Aue Rabbi: & osculatus est eum. Dixitque illi Ie- sus: Amice, ad quid venisti? Tunc accesserunt, & manus iniecerunt in Iesum, & tenuerunt eum. Et ecce vnus ex his, qui erant cum Iesu, ex- ten-

tendens manum, exemit gladium suum: & percutiens seruum Principis Sacerdotum, amputauit auriculam eius. Tunc ait illi Iesus: Conuerte gladium tuum in locum suum; omnes enim, qui acceperint gladium, gladio peribunt. An putas, quia non possum rogare Patrem meum, & exhibebit mihi modò plus, quàm duodecim legiones Angelorum? Quomodo ergo implebuntur Scripturæ, quia sic oportet fieri? In illa hora dixit Iesus turbis: Tanquam ad latronem existis cum gladijs, & fustibus comprehendere me: quotidie apud vos sedebam docens in Templo; & non me tenuistis. Hoc autem totum factum est, ut adimplerentur Scripturæ Prophetarum. Tunc Discipuli omnes, relicto eo, fugerunt. At illi tenentes Iesum, duxerunt ad Caipham Principem Sacerdotum, ubi Scribæ, & Seniores conuenerant. Petrus autem sequebatur eum à longè usque in atrium Principis Sacerdotum: & ingressus intro, sedebat cum ministris, ut videret finem. Principes autem Sacerdotum, & omne Concilium quærebant falsum testimonium contra Iesum, ut eum morti traderent: & non inuenerunt, cum multi falsi testes accessissent. Nouissime autem venerunt duo falsi testes, & dixerunt: Hic dixit: Possum destruere Templum Dei, & post triduum reedificare illud. Et surgens Princeps Sacerdotum, ait illi: Nihil respondes ad ea, quæ isti aduersum te testificantur? Iesus autem tacebat. Et Princeps Sacerdotum ait illi: Adiuro te per Deum viuum, ut dicas nobis, si tu es Christus Filius Dei. Dicit illi Iesus: Tu dixisti. Veruntamen dico vobis: A modo videbitis Filium hominis sedentem à dextris virtutis Dei, & venientem in nubibus cœli. Tunc Princeps Sacerdotum scidit ve-

stimenta sua, dicens: Blasphemauit: quid adhuc egemus testibus? Ecce nunc audistis blasphemiam: quid vobis videtur? At illi respondentes dixerunt: Reus est mortis. Tunc expuerunt in faciem eius, & colaphis eum ceciderunt. Alij autem palmas in faciem eius dederunt dicentes: Prophetiza nobis, Christe, quis est, qui te percussit? Petrus verò sedebat foris in atrio: & accessit ad eum vna ancilla dicens: Et tu cum Iesu Galilæo eras. At ille negauit coram omnibus dicens: Nescio, quid dicis. Exeunte autem illo ianuam, vidit eum alia ancilla, & ait his, qui erant ibi: Et hic erat cum Iesu Nazareno. Et iterum negauit cum iuramento: Quia non noui hominem. Et post pusillum accesserunt qui stabant, & dixerunt Petro: Verè & tu ex illis es; nam & loquela tua manifestum te facit. Tunc cœpit de testari, & iurare, quia non nouisset hominem. Et continuo Gallus cantauit. Et recordatus est Petrus verbi Iesu, quod dixerat: Priusquam Gallus cantet, ter me negabis. Et egressus foras fleuit amarè.

Cantato Euangelio, non dicitur V. Dominus vobiscum; nec Kyrie eleison; sed statim dicitur sequens Antiphona Antiphona post Euangelium.

Cœnæ tuæ mirabili hodie, Filius Dei, socium me accipis. Non enim inimicis tuis hoc mysterium dicam: non tibi dabo osculum, sicuti & Iudas; sed sicut Latro confitendo te, Memento mei, Domine, in Regno tuo. **V. Dominus vobiscum, semel tantum: Nec dicitur: Pacem habete.**

Oratio super sindonem.

Concede credentibus nobis misericors Deus saluum de Christi Passione remedium: ut humanæ fragilitatis præteritæ culpæ laqueos æternæ suffragio pietatis absoluat. Per eundem Dñm. **Offert.**

Missæ Feriæ V. In Cœna Domini.

131

Offert. Contumelias, & terrores passus sum ab eis, qui erant pacifici mei, & custodientes latus meum, dicentes: Decipiamus eum, & præualeamus ei. Sed tu, Domine, mecum esto sicut pugnator fortis. Cadant in opprobrium sempiternum; & videam vindictam in eis; quia tibi reuelavi causam meam.

Oratio super oblatam.

Ipsæ tibi, quæsumus, Domine sancte, Pater omnipotens, æterne Deus, sacrificium nostrum reddat acceptum: qui Discipulis suis in sui commemorationem hoc fieri hodierna traditione monstravit, Iesus Christus, Filius tuus, Dominus noster. Qui tecum vivit, & regnat.

Præfatio.

Per Christum Dominum nostrum. Qui, cum Deus esset in cœlis, ad delenda hominum peccata descendit in terras: & qui humanum genus venerat liberare, tanquam obnoxius debitor illicito pretio Dominus à seruo distrahitur: & qui Angelos iudicat, in hominis iudicio est constitutus; ut hominem, quem ipse fecerat, de morte liberaret. Et ideo cum Angelis, & Archangelis, cum Thronis, ac Dominationibus, cumque omni militia cœlestis exercitus hymnum gloriæ tuæ canimus, sine fine dicentes Sanctus, Sanctus, Sanctus, Dominus Deus &c.

CANON

H V I V S M I S S Æ.

Sacerdos extendens, & iungens manus, eleuans ad cœlum oculos, & statim demittens, inclinatus ante Altare dicit:

E igitur, clementissime Pater, per Dominum nostrum, Iesum Christum, Filium tuum, supplices rogamus, & petimus (**osculatur Altare**) uti ac-

cepta habeas, & benedicas (**signat ter super oblata**) hæc **†** dona, hæc **†** munera, hæc **†** sancta sacrificia illibata (**extensis manibus prosequitur**) in primis, quæ tibi offerimus pro Ecclesia tua sancta Catholica: quam pacificare, custodire, adunare, & regere digneris toto orbe terrarum, unâ cum famulo tuo Papa nostro, **N**, & Pontifice nostro, **N**, & **N**, Imperatore, & **N**, Rege, Duce nostro, sed & omnibus Orthodoxis, atque catholicæ, & apostolicæ Fidei Cultoribus.

Commemoratio pro viuis.

Memento Domine famulorum, famularumque tuarum, **N**, & **N**, (**iunctis manibus orat aliquantulum pro quibus intendit: deinde extensis manibus prosequitur**) & omnium circumstantium: quorum tibi fides cognita est, & nota deuotio: pro quibus tibi offerimus, vel qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis, & incolumitatis suæ: tibi que reddunt vota sua, æterno Deo, viuo, & vero.

Infra Canonem.

Communicantes, & diem sanctissimum celebrantes, quo traditus est Dominus noster, Iesus Christus. Tu nos, Domine, participes Filij tui; tu consortes Regni tui; tu incolas Paradisi; tu Angelorum comites esse iussisti; si tamen illæsâ, & intemeratâ fide cœlestis militiæ sacramenta seruemus. Et quid sperare de tua misericordia non possumus, qui tantum munus accepimus, ut talem tibi hostiam offerre mereremur, Corpus scilicet, & Sanguinem Domini nostri, Iesu Christi? Qui se pro mundi redemptione piæ illi, ac venerandæ tradidit Passionis: qui formam sacrificij salutis perennis instituens, hostiam se primus obtulit, & primus docuit

docuit offerri. Sed & memoriam venerantes in primis Gloriosæ, semperque Virginis Mariæ, Genitricis eiusdem Dei, ac Domini nostri Iesu Christi: sed & Beatissimorum Apostolorum, & Martyrum tuorum,

Petri, &	Cypriani,
Pauli,	Clementis,
Andræ,	Chrysogoni,
Iacobi,	Ioannis, &
Ioannis,	Pauli,
Thomæ,	Cosmæ, &
Iacobi,	Damiani,
Philippi,	Apollinaris,
Bartholomæi,	Vitalis,
Matthæi,	Nazarij, &
Simonis, &	Celsi,
Thadæi,	Protasij, &
Xisti,	Geruasij,
Laurentij,	Victoris,
Hippolyti,	Naboris,
Vincentij,	Felicis, &
Cornelij,	Calimerij,

& omnium Sanctorum tuorum, quorum meritis, precibusque concedas, ut in omnibus protectionis tuæ muniamur auxilio. Per eundem Christum Dominum nostrum. Amen.

Hanc igitur oblationem, quam tibi offerimus ob diem Ccenæ dominicæ, in qua Dominus noster, Iesus Christus, Filius tuus in nouo Testamento sacrificandi ritum instituit, dum panem, & vinum, quod Melchisedech in præfiguratione mysterij futuri Sacerdos obtulerat, in sacramentum sui Corporis, & Sanguinis transformauit celebrandum, quæsumus, Domine, placatus intende; ut per multa curricula annorum salui, & incolumes munera nostra tibi Domino mereamur offerre: diesque nostros in tua pace disponas: atque ab æterna, nos damnatione eripi, & in Electorum tuorum iubeas grege numerari. Per eundem Christum Dominum nostrum. Amen.

Quam oblationem, quam pietati tuæ offerimus, tu Deus, in omnibus, quæsumus (*signat ter super oblata*) bene ✠ dictam, ascriptam, ratam, rationabilem, acceptabilemque facere digneris (*signat semel super Hostiam, & semel super Calicem*) ut nobis Corpus, & Sanguis fiat dilectissimi Filij tui, Domini nostri, Iesu Christi.

Hic lauat manus: & postea reuersus ad medium Altaris dicit:

Qui pridie, quàm pro nostra, omniumque salute pateretur, hoc est, hodierna die, discumbens in medio discipulorum suorum (*accipit Hostiam, & eleuat oculos*) & accipiens panem, eleuauit oculos ad cœlos, ad te Deum, Patrem suum omnipotentem, tibi gratias agens (*Hostiam benedicit*) bene ✠ dixit, fregit, deditque Discipulis suis, dicens ad eos: Accipite, & manducate ex hoc omnes (*verba consecrationis distinctè, secretò, & attentè dicit*)

Hoc est enim Corpus meum.

Post hæc genuflectit; surgit: eleuat Hostiam à populo adorandam: reponit super Corporale: iterum genuflectit: mox erectus detegit Calicem, dicens:

Simili modo, postquam cœnatum est (*accipit Calicem, & eleuat oculos*) accipiens Calicem, eleuauit oculos ad cœlos, ad te Deum Patrem suum omnipotentem: item tibi gratias agens (*sinistrâ tenens Calicem, dexterâ signat super eum*) bene ✠ dixit, tradiditque Discipulis suis, dicens ad eos: Accipite & bibite ex eo omnes (*Calicem tenens ambabus manibus parum eleuatum, profert verba consecrationis*)

Hic

Hic est enim Calix
Sanguinis mei, noui, &
æterni Testamenti, My-
sterium fidei: qui pro
vobis, & pro multis ef-
fundetur in remissionem
peccatorum.

**Deponit Calicem; genuflectit; sur-
git, ostendit populo, dicens:**

Mandans quoque, & dicens ad
eos: Hæc quotiescunque fece-
ritis, in meam commemorationem
facietis: Mortem meam prædicabitis,
Resurrectionem meam annuntiabi-
tis, Aduentum meum sperabitis, do-
nec iterum de cœlis veniam ad vos.

**Reponit; tegit; & iterum adorat:
deinde, extensis brachijs in modum
Crucis, dicit:**

Unde & memores, Domine, nos
serui tui, sed & plebs tua fan-
cta, Domini nostri, Iesu Christi Pas-
sionis, necnon & ab Inferis mirabilis
Resurrectionis, sed & in cœlos glorio-
sissimæ Ascensionis (**iungit manus**) of-
ferimus præclaræ Maiestatî tuæ de
tuis donis, ac datis (**oblata ter signat
communiter**) Hostiam ✠ puram,
Hostiam ✠ sanctam, Hostiam ✠ im-
maculatam (**tum semel super Ho-
stiam solam, & semel super solum
Calicem**) hunc Panem ✠ sanctum,
vitæ æternæ, & Calicem ✠ salutis
perpetuæ.

**Dehinc, extensis manibus ante pe-
ctus, dicit:**

Supra quæ propitio, ac sereno vul-
tu tuo respicere digneris, & ac-

cepta habere; sicuti accepta habere
dignatus es munera iusti pueri tui
Abel, & sacrificium Patriarchæ no-
stri Abrahamæ, & quod tibi obtulit sum-
mus Sacerdos tuus Melchisedech,
sanctum sacrificium, immaculatam
Hostiam.

**Iunctis deinde manibus, profundè
inclinatus dicit:**

Supplices te, rogamus, omnipotens
Deus: iube hæc perferri per ma-
nus Sancti Angeli tui in sublimè Al-
tare tuum ante conspectum tremen-
dæ Maiestatî tuæ, (**osculatur Altare**)
vt quotquot ex hac altaris participa-
tione (**producit signum Crucis semel
super Hostiam. & semel super Cali-
cem**) sacrosanctum Cor ✠ pus, &
San ✠ guinem Domini nostri, Iesu
Christi sumpserimus (**signat se**) om-
ni benedictione cœlesti, & gratia re-
pleamur. Per eundem Christum Do-
minum nostrum. Amen.

Commemoratio pro Defunctis.

Memento etiam Domine famulo-
rum, famularumque tuarum,
qui nos præcesserunt cum signo fidei,
& dormiunt in somno pacis: **N, & N.**

**Iungit manus, & orat pro his De-
functis, pro quibus intendit. Tum,
extensis manibus, dicit:**

Ipsis Domine, & omnibus in Christo
quiescentibus, locum refrigerij, lucis,
ac pacis, vt indulgeas, deprecamur.
Per eundem Christum Dñm nostrum.

**Percutit pectus, elata parum voce
dicens:**

Nobis quoque, minimis, & pecca-
toribus (**reliqua secreto**) famu-
lis tuis, de multitudine misericordiæ
tuæ sperantibus, partem aliquam, &
societatem donare digneris cum tuis
Sanctis Apostolis, & Martyribus,
Ioanne, & Andrea,
Ioanne, Barnaba,
Stephano, Petro,

M

Marcel-

Marcellino,
Agnete,
Cæcilia,
Felicite,
Perpetua,
Anastasia,
Agatha,
& cum omnibus Sanctis tuis intra,

Euphemia,
Lucia,
Iustina,
Sabina,
Thecla,
Pelagia, atque
Catharina,

quorum nos confortium, non æstimator meriti, sed veniæ, quæsumus, largitor admitte (*iungit manus*) Per Christum Dominum nostrum.

Hæc facimus, hæc celebramus, tua, Domine, præcepta seruantes: & ad communionem inuiolabilem hoc ipso, quod Corpus Domini sumimus, mortem dominicam annunciamus. Tuum verò est, omnipotens Pater, mittere nunc nobis vnigenitum Filium tuum, quem non quærentibus sponte misisti: qui, cum sis ipse immensus, & inæstimabilis, Deum quoque ex te immensum, & inæstimabilem genuisti; vt, cuius Passione redemptionem humano generi tribuisti, eius nunc Corpus tribuas ad salutem. Per eundem Christum, Dominum nostrum.

Per quem hæc omnia, Domine, semper bona creas (*signat ter supra Hostiam simul, & Calicem, dicens*) sancti ✠ ficas, viui ✠ ficas, bene ✠ dicis, & nobis famulis tuis largiter præstas, ad augmentum fidei, & remissionem omnium peccatorum nostrorum.

Discooperit deinde Calicem, & genuflectit dicens: Et est tibi Deo Patri omnipotenti.

Mox erectus accipit Hostiam dexterâ: & tenens Calicem sinistrâ, signat cum Hostia ter supra Calicem à labio ad labium, dicens: Ex ✠ ipso, & per

✠ ipsum, & in ✠ ipso omnis honor, virtus, laus, & gloria.

Sinistrâ tenet Hostiam supra Calicem: & dexterâ accipiens Patenam inter indicem, & medium digitos, ter signat supra Hostiâ simul, & Calicem dicens: Impe ✠ riû, perpe ✠ tuitas, & po ✠ testas in vnitatem Spiritus Sancti.

Depositâ Patenâ supra pedem Calicis versûs semetipsum, eleuat Hostiam paululum, alta voce dicens: Per infinita sæcula sæculorum. *R. Amen.*

Diuidit Hostiam per medium supra Calicem, dicens: Corpus tuum frangitur, Christe, Calix benedicitur.

Partem, quæ in dextera est, ponit supra Patenam. Ex altera parte verò, quæ est in sinistra, detrahit particulam, dicens: Sanguis tuus sit nobis semper ad vitam, & ad saluandas animas, Deus noster.

Mox partem, quæ in sinistra est, ponit supra Patenam: deinde particulam ipsam dexterâ interim suspensam supra Calicem, signando cum ea, demittit in eundem Calicem, dicens:

Commistio ✠ consecrati Corporis, & Sanguinis Domini nostri, Iesu Christi, nobis edentibus, & sumētibus, proficiat ad vitam, & gaudiû sempiternû.

Tegit Calicem; genuflectit; surgit; & dicit sequens Confractorium.

Confract. Hoc Corpus, quod pro vobis tradetur: Hic Calix noui Testamenti est in meo Sanguine, dicit Dominus: Hoc facite, quotiescunque sumētis, in meam commemorationem.

Post Confractorium dicto submissa voce; Orémus, non subdit. Præceptis salutaribus moniti &c. sed, Ipsius præceptum est &c. vt infra: & hoc alta voce, manibusque iunctis.



Ipsius præceptum est, Domine, quod agimus, in cuius nunc te, præsentia

ti à postulamus. Da sacrificio authorem suum, vt impleatur fides rei in

sublimitate mysterij: vt, sicut veritatem cœlestis sacrificij exequimur;

sic veritatem dominici Corporis, & Sanguinis hauriâmus. Per eundem

Christum Dominum nostrum dicentes:

Extensis utique manibus, ad primam verò Petitionem capite insuper inclinato.

Pater noster, qui es in cœlis, sanctificetur nomen tuum. Adueniat Regnum

tuum. Fiat voluntas tua, sicut in cœlo, & in terra. Panem nostrum quotidianum

da nobis hodie. Et dimitte nobis debita nostra; sicut & nos dimittimus de-

bitoribus nostris. Et ne nos inducas in tentationem. *R.* Sed libera nos à malo.

Sacerdos secretò dicit: Amen.

Deinde, signans se Signo Crucis, altâ voce prosequitur:

Libera nos, quæsumus, Domine, ab omnibus malis præteritis, præsentibus,



bus, & futuris: & intercedente pro nobis Beata Maria, Genitrice Dei, ac



Domini nostri, Iesu Christi, & Sanctis Apostolis tuis, Petro, & Paulo, at-



que Andrea: & Beato Ambrosio, Confessore tuo, atque Pontifice, vnâ



cum omnibus Sanctis tuis, da propitius pacem in diebus nostris; vt ope



misericiordiæ tuæ adiûti, & à peccato simus semper liberi, & ab omni per-



turbatione secûri. Præsta per eum, cum quo beatus viuis, & regnas Deus



in vnitæte Spiritus Sancti: per omnia sæcula sæculorum. *R.* Amen.



Signat se dicens: Pax, & communicatio Domini nostri, Iesu Christi sit



semper vobiscum. *R.* Et cum spiritu tuo.

Non dicitur: Offerte vobis pacem: neque Oratio: Domine Iesu Christe: neque: Pax tecum. Statim ergo Sacerdos, iunctis manibus inclinatus,

dicit sequentes duas Orationes:

Oratio.

Domine sancte, Pater omnipotens, æterne Deus, da mihi hoc Cor-

Missa Sabbati Sancti.

137

Corpus Iesu Christi Filij tui, Domini mei, ita sumere, vt non sit mihi ad iudicium, sed ad remissionem omnium peccatorum meorum. Qui tecum viuit, & regnat.

Altera Oratio.

Domine, Iesu Christe, Fili Dei viui, qui pro voluntate Patris, cooperante Spiritu Sancto, per mortem tuam mundum vniuersum viuificasti: libera me, obsecro, per hoc sacrosanctum Corpus, & Sanguinem tuum à cunctis iniquitatibus, & vniuersis malis: & fac me tuis obedire mandatis: & à te nunquam separari permittas. Qui cum eodem Deo Patre, & Spiritu Sancto viuis, & regnas Deus in sæcula sæculorum. Amen.

Sacerdos deinde, iuxta præscriptum infra in Ordinario Missæ, sibi sumit Eucharistiam: mox eandem sub sola panis specie ministrat reliquis Ecclesiæ suæ Sacerdotibus, & Clericis, quemadmodum Synodalibus Decretis sancitum est. Dictis postea Transitorio, & Oratione post Communionem, hic subsequentibus, benedicit populum, Missamque concludit, sicut in eodem Ordinario Missæ continetur.

Transit. Tristis est anima mea vsque ad mortem: sustinete hinc, & vigilate mecum. Nunc videbitis turbam, quæ me circundat; & vos fugam capietis, & ego vadam immolari pro vobis.

Oratio post Communionem.

Domine Deus noster, concede propitius: vt, qui Unigeniti tui sumpsimus Corpus, & Sanguinem, ab infidelis Discipuli reddamur cæcitate diuisi; qui Christum Dominum nostrum verum Deum, hominemque fatemur, & colimus. Qui tecum viuit, & regnat in vnitæte Spiritus Sancti Deus: per omnia sæcula sæculorum.

M I S S A

Sabbati Sancti.

Hæc item Missa celebratur ab vno tantum Sacerdote in Cathedrali, & in vnaquaque Collegiata, Parochiali, vel alia eiusdem generis Ecclesia, non autem in Oratorijs priuatis.

Dictis ergo dicendis, quæ in fine Missalis pag. 106. & deinceps ponuntur, benedictæque aqua baptismali, vbi benedicenda erit: necnon baptizatis baptizandis, Archiepiscopus, seu dignior Sacerdos, accepta casula, & manipulo albi coloris, cum Clero regreditur eo Processionali ordine, quo gressi sunt, cantando Responsorium: & reportato Sanctissimo Eucharistiæ Sacramento ad Altare, statim incipit Missam: factæque Confessione, ascendens ad Altare, illud osculatur in medio, deinde incensat de more: tum in cornu Epistolæ, ad cornu Euangelij conuersus, dicit hoc tono:



Christus Dominus resurrexit.

Mat.
28.



Chorus respondet: Deo gratias.

Tunc Campanæ, atque Organa, pulsantur. Procedit deinde ad medium Altaris, & voce magis eleuata, dicit secundo: **Christus Dominus resurrexit.** Tertiò procedens ad cornu Euangelij, ad Epistolæ cornu conuersus, repetit adhuc altius; **Christus Dominus resurrexit.** Respondet verò semper Chorus, pulsanturque Campanæ, & Organa, vt supra. Non dicitur: Gloria in excelsis Deo: neque Credo.

v. Do-

V. Dominus vobiscum.

Oratio super populum.



Dominipotens, sempiternus Deus, qui in omnium operum tuorum dispensatione es mirabilis: intelligant redempti tui, non fuisse excellentius, quod in initio factus est mundus, quam quod in fine sæculorum Pascha nostrum immolatus est Christus. Qui tecum viuit.

Tam Epistola, quam Euangelium canuntur in tono solemni:

Epistola Beati Pauli Apostoli ad Ephesios.

Fratres. Obsecro vos ego vinctus in Domino: vt dignè ambulētis vocatione, qua vocati estis: cum omni humilitate, & mansuetudine, cum patientia, supportantes inuicem in charitate, solliciti seruare vnitatem spiritus in vinculo pacis. Unum corpus, & vnus spiritus; sicut vocati estis in vna spe vocationis vestræ. Unus Dominus, vna Fides, vnum Baptisma. Unus Deus, & Pater omnium: qui est super omnes, & per omnia, & in omnibus nobis.

Halleluia. V. Notarij: Resurrexit tanquam dormiens Dominus, tanquam potens crapulatus à vino: Halleluia.



Lectio sancti Euangelij secundum Matthæum.

Vespere Sabbati, quæ luceſcit in prima Sabbati, venit Maria Magdalene, & altera Maria videre sepulchrum. Et ecce terræmotus factus est magnus. Angelus enim Domini descendit de cœlo: & accedens reuoluit lapidem, & sedebat super eum. Erat autem aspectus eius, sicut fulgur, & vestimentum eius, sicut nix. Præ timore autem eius exterriti sunt custodes, & facti sunt, velut mortui.

Respondens autem Angelus dixit mulieribus: Nolite timere vos. Scio enim, quod Iesum, qui crucifixus est, quæritis. Non est hic; surrexit enim, sicut dixit. Venite, & videte locum, vbi positus erat Dominus: & citò euntes dicite Discipulis eius, quia surrexit, & ecce præcedit vos in Galilæam, ibi eum videbitis. Ecce prædixi vobis.

Oratio super sindonem.

Deus, qui solemnitate paschali cœlestia mundo remedia benignus operaris, annua festiuitatis huius dona prosequere: vt per obseruantiam temporalem ad vitam perueniamus æternam. Per Dominum nostrum, Iesum Christum, Filium tuum, qui tecum viuit, & regnat.

Oratio super oblatam

Accipe, Domine, munera exultantis Ecclesiæ: & cui causam tanti gaudij contulisti, perpetuæ fructum concede lætitiæ. Per Dominum nostrum, Iesum Christum, Filium tuum, qui tecum viuit, & regnat.

Præfatio.

Æquum, & salutare, nos te quidem, Domine, omni tempore benedicere; sed in hac potissimum nocte profusiùs exultantibus animis prædicare, cum Pascha nostrum immolatus est Christus. Ille enim verus est Agnus, qui abstulit peccata mundi: qui mortem nostram moriendo destruxit, & vitam resurgendo reparauit. Unde profusis gaudijs totus in orbe terrarum mundus exultat; sed & supernæ Virtutes, & angelicæ concinunt Potestates, hymnum gloriæ tuæ perpetim sine fine dicentes: Sanctus, Sanctus, Sanctus, Dominus Deus Sabaoth. Pleni sunt cœli, & terra gloriâ tuâ: Hosanna in excelsis. Benedictus, qui venit in nomine Domini: Hosanna in excelsis.

CANON

H V I V S M I S S Æ.

Hic etiam, suis in locis, seruentur Rubricæ communes Canonis tam in Missa præcedenti, quam in subsequenti Ordinario Missæ.

E igitur, clementissime Pater, per Dominum nostrum, Iesum Christum, Filium tuum, supplices rogamus, & petimus, uti accepta habeas, & benedicas hæc ✠ dona, hæc ✠ munera, hæc sancta ✠ sacrificia illibata.

Verè sanctus, verè benedictus Dominus noster, Iesus Christus, Filius tuus: qui cum Dominus esset Mæstatis descendens de cælo formam serui, qui prius perierat, suscepit, & sponte pati dignatus est; ut eum, quem ipse fecerat, de morte liberaret. Unde & hoc paschale sacrificium tibi offerimus pro his, quos ex aqua, & Spiritu Sancto regenerare dignatus es; dans eis remissionem omnium peccatorum, ut inuenires eos in Christo Iesu, Domino nostro. Pro quibus tibi, Domine, supplices fundimus preces: ut nomina eorum, pariterque famuli tui, Papæ nostri, **N**, & Pontificis nostri, **N**, ac, **N**, Imperatoris, &, **N**, Regis, Ducis nostri, scripta habeas in Libro viuentium. Per eundem Christum, Dominum nostrum.

Commemoratio pro Viuis.

Memento Domine famulorum, famularumque tuarum, **N**, & **N**, & omnium circumstantium: quorum tibi fides cognita est, & nota deuotio: pro quibus tibi offerimus, vel qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis, & incolumitatis suæ: tibi que reddunt vota sua, æterno Deo, viuo, & vero.

Communicantes, & noctem sacratissimam celebrantes Resurrectionis Domini nostri, Iesu Christi secundum carnem: sed & memoriam venerantes in primis gloriosæ, semperque Virginis Mariæ, Genitricis eiusdem Dei, & Domini nostri, Iesu Christi: sed & Beatorum Apostolorum, & Martyrum, &c.

Reliqua, congruenter utique ad huiusmodi Missam, sumantur ex Ordinario Missæ. Nominatim verò etiam Pax publicè datur.

Oratio post Communionem.

Cibi salutaris, ac poculi dona libantes, quæsumus, Domine: ut, qui paschale mysterium sumpsimus, prodesse nobis in perpetuum gaudeamus. Per Dominum nostrum.

Deinde dicuntur Vesperæ.

MISSA EIUSDEM DIEI,

Sed in Ecclesia Hyemali,

Pro Baptizatis.

V. Dominus vobiscum.

R. Et cum spiritu tuo.

Oratio super populum.

Deus, qui renatis ex aqua, & Spiritu Sancto cœlestis Regni pandis introitum: auge super famulos tuos gratiam, quam dedisti; ut, qui ab omnibus sunt purgati peccatis, nullis priuentur promissis. Per Dominum nostrum &c. in vnitatem eiusdem Spiritus Sancti Deus.

Epistola Beati Pauli Apostoli ad Romanos.

Paulus, seruus Iesu Christi, vocatus Apostolus, segregatus in Euangelium Dei, quod ante promiserat per Prophetas suos in Scripturis sanctis de Filio suo: qui factus est ei ex semine Dauid secundum carnem: qui prædestinatus est Filius Dei in virtute, secundum spiritum sanctificationis, ex resurrectione mortuorum

rum

rum Iesu Christi, Domini nostri, per quem accepimus gratiam, & Apostolatum, ad obediendum fidei in omnibus Gentibus pro nomine eius, in quibus estis & vos vocati, Iesu Christi: omnibus, qui sunt Romæ, dilectis Dei, vocatis Sanctis, Gratia vobis, & Pax à Deo Patre nostro, & Domino Iesu Christo.

^{Psalm.} **H**alleluia. ^{99.} **V** Intrate in conspectu eius in exultatione: scitote, quod Dominus ipse est Deus: Halleluia.



Lectio sancti Euangelij secundum Ioannem.

^{Cap.} **I**n illo tempore. Erat homo ex ^{3.} Phariseis, Nicodemus nomine, Princeps Iudæorum. Hic venit ad Iesum nocte, & dixit ei: Rabbi, scimus, quia à Deo venisti Magister. Nemo enim potest hæc signa facere, quæ tu facis, nisi fuerit Deus cum eo. Respondit Iesus, & dixit ei: Amen, amen dico tibi: Nisi quis renatus fuerit de nouo; non potest videre Regnum Dei. Dicit ad eum Nicodemus: Quomodo potest homo nasci, cum sit senex? Nunquid potest in ventrem matris suæ iterum introire, & renasci? Respondit Iesus: Amen, amen dico tibi: Nisi quis renatus fuerit ex aqua, & Spiritu Sancto; non potest introire in Regnum Dei. Quod natum est ex carne, caro est: & quod natum est ex Spiritu, spiritus est. Non mireris, quia dixi tibi: Oportet vos nasci de nouo. Spiritus ubi vult spirat: & vocem eius audis; sed nescis, vnde veniat, aut quò vadat: sic est omnis, qui natus est ex Spiritu. Respondit Nicodemus, & dixit ei: Quomodo possunt hæc fieri? Respondit Iesus, & dixit ei: Tu es magister in Israel; & hæc ignoras? Amen, amen dico tibi, quia, quod scimus, loquimur, & quod vidimus, testamur; & testimonium nostrum non accipitis. Si ter-

rena dixi vobis, & non creditis; quomodo, si dixerò vobis cœlestia, credetis? Et nemo ascendit in cœlum, nisi, qui descendit de cœlo, Filius hominis, qui est in cœlo.

Oratio super sindonem.

Deus, qui hanc sacratissimam noctem gloriâ dominicæ Resurrectionis illustras: conserua in noua familiæ tuæ progenie adoptionis spiritum, quem dedisti; vt corpore, & mente renouata puram tibi exhibeat seruitutem. Per Dominum nostrum.

Oratio super oblatam.

Deus, cuius munere honoranda Baptismatis sunt impleta mysteria: concede populo tuo, originalis delicti errore mundato, post sacratissimum Fontem Terram tuæ promissionis intrare; vt dulcia Sacramentorum tuorum iam nunc alimenta percipiat. Per Dominum nostrum, Iesum Christum, Filium tuum.

Præfatio.

Æterne Deus. Quia, vetustate destructâ, vitæ nobis in Christo reparatur integritas. Propterea, profusis gaudijs totus in orbe terrarum mundus exultat; sed & supernæ Virtutes, atque angelicæ concinunt Potestates, hymnum gloriæ tuæ perpetim sine fine dicentes: Sanctus, Sanctus, Sanctus, Dominus Deus Sabaoth. Pleni sunt cœli, & terra gloriâ tuâ: Hosanna in excelsis. Benedictus, qui venit in nomine Domini: Hosanna in excelsis.

Oratio post Communionem.

Præsta, quæsumus, omnipotens Deus: vt diuino munere satiati & sacris mysterijs innouemur, & moribus. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus: per omnia sæcula sæculorum.

ORDI.

ORDINARIUM

MISSÆ.



Sacerdos, Missam celebraturus, ante Altare signans se Signo Crucis, clara voce dicit: In nomine Patris, & Filij, & Spiritus Sancti.

Ministri respondent: Amen.

Deinde, iunctis manibus ante pectus, incipit Antiphonam: Introibo ad Altare Dei.

Ministri respondent: Ad Deum, qui lætificat iuventutem meam.

Sacerdos: Confitemini Domino; quoniam bonus.

Ministri: Quoniam in sæculum misericordia eius.

Idem Sacerdos deinde, iunctis manibus profundè inclinatus, facit Confessionem, vt infra:

Confiteor Deo omnipotenti, Beatæ Mariæ semper Virgini, Beato Michaeli Archangelo, Beato Ioanni Baptistæ, Sanctis Apostolis Petro, & Paulo, Beato Ambrosio Confessori, omnibus Sanctis, & vobis, fratres; quia peccaui nimis cogitatione, verbo, & opere (**percutit ter sibi pectus dicens**) mea culpa, mea culpa, mea maxima culpa. Ideo precor Beatam Mariam semper Virginem, Beatum Michaellem Archangelum, Beatum Ioannem Baptistam, Sanctos Apostolos Petrum, & Paulum, Beatum Ambrosium Confessorem, omnes Sanctos, & vos, fratres, orare pro me ad Dominum, Deum nostrum.

Ministri respondent: Deo gratias. Misereatur tui omnipotens Deus: & dimissis omnibus peccatis tuis, perducatur te ad vitam æternam.

Sacerdos, erigens se dicit: Amen.

Deinde Ministri repetunt Confessionem. Sed, vbi à Sacerdote dicebatur, vobis, fratres, & vos, fratres, ipsi dicunt, tibi, pater, & te, pater.

In fine Sacerdos, dicit: Deo gratias. Postea, iunctis manibus, dicit: Misereatur vestri omnipotens Deus: & dimissis omnibus peccatis vestris, perducatur vos ad vitam æternam.

Ministri respondent: Amen.

Tum ille signat se, dicens: Indulgentiam, absolutionem, & remissionem omnium peccatorum nostrorum tribuat nobis omnipotens, & misericors Dominus.

Ministri respondent: Amen.

Sacerdos iterum se signat, dicens:

V. Adiutorium nostrum in nomine Domini.

R. Qui fecit cœlum, & terram.

Inclinatus dicit iunctis manibus:

V. Sit nomen Domini benedictum.

R. Ex hoc nunc, & vsque in sæculum.

Tunc inclinatus, vt supra, secretò dicit:

Rogo te, altissime Deus Sabaoth, Pater Sancte, vt pro peccatis meis possim intercedere, & astantibus veniam peccatorum promereri, ac pacificas singulorum hostias immolare.

Accedens ad Altare dicit:

Oramus te, Domine, per merita Sanctorum tuorum (**facit Crucis signum in medio Altaris, illudque osculatur dicens**) quorum Reliquiæ hîc sunt, & omnium Sanctorum; vt indulgère digneris omnia peccata mea. Amen.

In Missa Solemni Celebrans, antequam legat Ingressam, benedicit Incensum, dicens:

Ab illo bene  dicaris, in cuius honorem cremaberis. Amen.

Tum, accepto **Thuribulo à Diacono**, incensat Altare.

Deinde Diaconus, recepto **Thuribulo à Celebrante**, incensat illum tantum.

Postea Celebrans accedit ad cornu Epistolæ; ubi, signans se, incipit Ingressam. Qua finita, dicit:

Ps. Dominus vobiscum.

R. Et cum spiritu tuo.

Postea extendens, & iungens manus, caputque inclinans, dicit, si dicendum est: **Gloria in excelsis Deo**: & profequitur iunctis manibus. Cum dicit: adoramus te, & gratias agimus tibi, & Iesu Christe, & suscipe deprecationem nostram, inclinat caput. In fine autem dicens: cum Sancto Spiritu, signat se.



Ps. Dominus vobiscum.



R. Et cum spiritu tuo.



Gloria in excelsis Deo:

Et in terra pax hominibus bonæ voluntatis. Laudamus te, benedicimus te, adoramus te. Glorificamus te, gratias agimus tibi propter magnam gloriam tuam. Domine Deus, Rex Coelestis, Deus Pater omnipotens. Domine, Fili vnigenite, Iesu Christe, Domine Deus, Agnus Dei, Filius Patris. Qui tollis peccata mundi, mise-

rere nobis: Qui tollis peccata mundi, suscipe deprecationem nostram. Qui sedes ad dexteram Patris, miserere nobis. Quoniam tu solus Sanctus, tu solus Dominus, tu solus Altissimus, Iesu Christe, cum Sancto Spiritu, in gloria Dei Patris. Amen.

Kyrie eleif. kyrie eleif. kyrie eleif.

Deinde dicit **Ps.** Dominus vobiscum: cui semper respondetur: Et cum spiritu tuo.

Postea, ut postulat Officij ordo, dicit vnam, vel plures Orationes super populum: & sic de alijs.

Iterum **Ps.** Dominus vobiscum.

Deinde, lecto titulo Lectionis (si ea dicenda sit) obuersus ad Crucem, dicit secretò: Iube Domine benedicere: sibi que protinus benedicens, si ea sit è Testamento Veteri; dicit, Prophetica Lectio sit nobis salutis eruditio: sin autem sit è Nouo; dicit: Apostolica Lectio sit nobis salutis eruditio. Sequitur ergo Lectio cum suo Psalmello, & Versu. Post hæc, lecto titulo Epistolæ, petitæque, ut supra, benedictione, Sacerdos ita sibi benedicit: Apostolica doctrina repleat nos gratiâ diuinâ.

Tum sequitur Epistola cum Versu in Halleluia, vel cum Cantu, pro varia temporis ratione. Quo finito, Sacerdos, delato Libro ad cornu Evangelij, stans in medio Altaris iunctis manibus; & aliquantulum inclinatus, dicit:

Munda cor meum, ac labia mea, omnipotens Deus, qui labia Isaïæ Prophetæ calculo mundasti ignito: ita me tuâ gratâ miseratione dignare mundare, ut sanctum Euangelium tuum dignè valeam nunciare. Per Christum, Dominum nostrum.

Deinde ad Librum conuersus, iunctis manibus dicit **Ps.** Dominus vobiscum: & pronuncians titulum Evangelij, signat

signat Librum, & semetipsum in fronte, ore, & pectore. Dum verò respondetur: Gloria tibi Domine, versùs Crucem inclinatus, dicit: Iube Domine benedicere: & mox dicit benedictionem: Dominus sit in corde meo, & in labijs meis; vt dignè, & competenter annunciem Euangelium suum; in nomine Patris, & Filij, & Spiritus Sancti.

Tum stans iunctis manibus legit Euangelium. Quo finito, Minister respondet: Laus tibi, Christe: & Sacerdos osculatur Librum, dicens: Per Euangelica dicta deleantur nostra delicta. Quoad Lctionem, Epistolam, & Euangelium, quæ seruanda sint in Missa Solemni, vel etiam pro Defunctis: hæc extant in earum Rubricis Generalibus.

Postea reuersus ad medium Altaris, extendens, & iungens manus dicit: **Domine vobiscum.**

R. Et cum spiritu tuo: **Kyrie eleison. Kyrie eleison. Kyrie eleison.**

Tum iunctis manibus legit Antiphonam post Euangelium, si legenda sit: deinde ipse, vel Diaconus, dicit: **Pacem habete.**

R. Ad te, Domine.



Diac. Pacem habete.



R. Ad te, Domine.

Rursumque dicit **Domine vobiscum: Mox & Orationem super findonem manibus extensis.**

OFFERTORIUM.

Finita Oratione prædicta, Sacerdos, accipiens Patenam cum Hostia, illam offert, dicens: Suscipe clementissime Pater hunc Panem sanctum; vt fiat Unigeniti tui Corpus, in nomine Patris, & Filij, & Spiritus Sancti. Amen.

Repositâ Hostiâ super Corporale, infundit vinum in Calicem, dicens: De latere Christi exiuit Sanguis.

Deinde aquam benedicit, dicens: Et aqua pariter, in nomine Patris, & Filij, & Spiritus Sancti. Amen.

Tum acceptum Calicem offert, dicens: Suscipe clementissime Pater hunc Calicem, vinum aqua mistum; vt fiat Unigeniti tui Sanguis, in nomine Patris, & Filij, & Spiritus Sancti. Amen.

Calice super Corporali posito, & Pallâ cooperto, iunctis manibus, & super Altare positus, profundè inclinatus dicit:

Omnipotens, sempiterne Deus, placabilis, & acceptabilis sit tibi hæc oblatio: quam ego indignus pro me misero peccatore, & pro delictis meis innumerabilibus tuæ pietati offero; vt veniam, & remissionem omnium peccatorum meorum mihi concedas; & iniquitates meas ne respexeris, sed sola tua misericordia mihi prosit indigno. Per Christum, Dominum nostrum.

Stans manibus extensis prosequitur:

Et suscipe Sancta Trinitas hanc oblationem: quam tibi offerimus pro regimine, & custodia, atque vnitæ Catholicæ Fidei: & pro veneratione quoque Beatæ Dei Genitricis Mariæ, omniumque simul Sanctorum tuorum: & pro salute, & incolumitate famulorum, famularumque tuarum, & omnium, pro quibus

clementiam tuam implorare polliciti sumus, & quorum, quarumque eleemosynas suscepimus, & omnium fidelium Christianorum, tam viuorum, quàm defunctorum; vt, te miserante, remissionem omnium peccatorum, & æternæ beatitudinis præmia, in tuis laudibus fideliter perseverando, percipere mereantur, ad gloriam, & honorem nominis tui, Deus, misericordissime rerum Conditor (*iungit manus*) Per Christum, Dominum nostrum.

In Dominicis verò, & in Solemnitatibus Domini, earumque Vigilijs, & quando Missa est de Sanctis (nisi sit votiva) hæc etiam similiter profequitur.

Suscipe Sancta Trinitas hanc oblationem: quam tibi offerimus in memoriam Passionis, Resurrectionis, & Ascensionis Domini nostri, Iesu Christi: & in honorem omnium Sanctorum tuorum, qui tibi placuerunt ab initio mundi: & eorum, quorum hodie festiuitas celebratur, & quorum hæc nomina, & Reliquiæ habentur; vt illis sit ad honorem, nobis autem ad salutem; vt illi omnes pro nobis intercedere dignentur in Cœlis, quorum memoriam facimus in terris (*iungit manus*) Per eundem Christum, Dominum nostrum.

Tenens manus expansas super oblata, dicit:

ET suscipe Sancta Trinitas hanc oblationem pro emundatione mea; vt mundes, & purges me ab vniuersis peccatorum maculis, quatenus tibi dignè ministrare merear, Deus, & clementissime Domine.

Benedicit oblata, prosequendo:

Benedictio Dei Omnipotentis, Pa- ✠ tris, & Fi ✠ lij, & Spirit ✠ Sancti copiosa de cœlis descendat super hanc nostram oblationem: & accep-

ta tibi sit hæc oblatio, Domine Sancte, Pater omnipotens, æterne Deus, misericordissime rerum Conditor.

Postea, si Solemniter celebrat, benedicit Incensum, dicens:

Per intercessionem Beati Michaelis Archangeli, stantis à dextris Altaris Incensi, & omnium Electorum suorum, Incensum istud dignetur Dominus benedicere, & in odorem suauitatis accipere. Per Christum, Dominum nostrum. Amen.

Et accepto Thuribulo à Diacono, incensat oblata, dicens:

Incensum istud, à te benedictum, ascendat ad te, Domine, & descendat super nos misericordia tua.

Tum Incensando Altare, dicit:

Dirigatur, Domine, oratio mea sicut Incensum in conspectu tuo: eleuatio manuum mearum, sacrificium vespertinum. Pone Domine custodiam ori meo, & ostium circumstantiæ labijs meis; vt non declinet cor meum in verba malitiæ, ad excusandas excusationes in peccatis.

Postea reddit Thuribulum Diacono, dicens: Ecce odor Sanctorum Dei: tanquam odor agri pleni, quem Deus benedixit.

Deinde legit Offertorium suo in loco: eoque lecto, dicit ψ. Dominus vobiscum.

S Y M B O L U M

CONSTANTINOPOLITANUM.

Deinde extendens, & iungens manus, atque ad nomen vniuscuiusque Personæ Diuinæ, itemque cum dicit: simul adoratur, & conglorificatur, inclinans caput, dicit (si dicendum est) Credo in vnum Deum: illudque profequitur iunctis manibus. Quando autem peruénit ad: Et incarnatus est; inde genuflectit vsque ad: Crucifixus.

cifixus. **In fine verò dicens:** Et vitam venturi sæculi, **signat se signo Crucis.**



Credo in vnum Deum, Patrem omnipotentem, Factorem, Cœli, & Terræ, visibilium omnium, & inuisibilium. Et in vnum Dominum, Iesum Christum, Filium Dei vnigenitum, & ex Patre natum ante omnia sæcula: Deum de Deo, Lumen de Lumine, Deum verum de Deo vero. Genitum, non factum, consubstantialem Patri, per quem omnia facta sunt. Qui propter nos homines, & propter nostram salutem descendit de Cœlis: **ET INCARNATUS EST DE SPIRITU SANCTO EX MARIA VIRGINE** (**Sacerdos inter hæc genuflectit**) **ET HOMO FACTUS EST.** Crucifixus etiam pro nobis sub Pontio Pilato, passus, & sepultus est. Et resurrexit tertiâ die secundum Scripturas, & ascendit ad Cœlos, sedet ad dexteram Patris: & iterum venturus est cum gloria, iudicare viuos, & mortuos: cuius Regni non erit finis. Et in Spiritum Sanctum, Dominum, & viuificantem: qui ex Patre, Filioque

procedit: qui cum Patre, & Filio simul adoratur, & conglorificatur: qui locutus est per Prophetas. Et vnam, sanctam catholicam, & apostolicam Ecclesiam: Confiteor vnum Baptisma, in remissionem peccatorum. Et expecto resurrectionem mortuorum, & vitam venturi sæculi. Amen.

V. Dominus vobiscum.

Deinde manibus extensis subiungit Orationem super oblata.

PRÆFATIONES

COMMUNES.

In prædictæ Orationis conclusione, dicens: per omnia sæcula sæculorum, ponit manus hinc inde super Altare: mox illas aliquantulum eleuat vsque ad pectus; ita vt vna palma alteram respiciat, dum dicit: Sursum corda. Eisdem iungens inclinât caput, cum dicit: **Gratias agamus.** Dehinc ipsas disiungit vsque ad finem Præfationis: ac denique rursùm iungit, & inclinatus Altari superponit, dicens: Sanctus &c. **dicensque:** Benedictus, qui venit &c. **signat se.** Aduertendum, verò hic est ad locum, vbi subiungenda est Præfatio de proprio; vt congruenti loco proprium connectatur cum communi.



V. Dominus vobiscum.

R. Et cum spiritu tuo.



V. Sursum corda. **R.** Habemus ad Dominum.



V. Gratias agamus Domino Deo nostro. **R.** Dignum, & iustum est.




Verè, quia dignum, & iustum est, æquum, & salutare, nos tibi semper



hìc, & ubique gratias agere, Domine sancte, Pater omnipotens, æterne



Deus, * **P**er Christum, Dominum nostrum. **P**er quem Maiestatem,



tuam laudant Angeli, venerantur Archangeli: Throni, Dominationes,



Virtutes, Principatus, & Potestates adorant. Quem Cherubim, & Sera-



phim sociâ exultatione concelebrant. Cum quibus, & nostras voces ut



admitti iubeas, deprecamur, supplici confessione dicentes:

Sanctus, Sanctus, Sanctus, Dominus, Deus Sabaoth.


Pleni sunt cœli, & terra gloriâ tuâ: Hosanna in excelsis.

Benedictus, qui venit in nomine Domini: Hosanna in excelsis.

Præfationes aliquando etiam sic terminantur.



* **P**er eundem Christum Dominum. Vel
sic: **Q**uam laudant Angeli &c.



Vel
sic: **E**t ideo cum Angelis, & Archangelis, cum Thronis, ac Dominationibus,



bus, cumque omni militia coelestis exercitus hymnum gloriæ tuæ canimus, fine fine dicentes : Sanctus &c.



<sup>Vel
sic:</sup> **P**ropterea cum. <sup>Vel
sic:</sup> **U**nde pro-



fusis gaudijs totus in orbe terrarum mundus exultat : sed & supernæ Vir-



tutes, atque angelicæ concinunt Potestates, hymnum gloriæ tuæ perpe-



tim fine fine dicentes : Sanctus &c. <sup>Vel
sic:</sup> **Q**uem vnâ tecum, omnipotens



Pater, & cum Spiritu Sancto laudant Angeli, venerantur Archangeli:



Throni, Dominationes, Virtutes, Principatus, & Potestates adorant.



Quem Cherubim, & Seraphim fociâ exultatione concelebrant. Cum,



quibus, & nostras voces, vt admitti iubeas, deprecamur, supplici con-



fessione dicentes: **S**anctus, Sanctus, Sanctus &c.



P. Gilardi inven.

G. Bianchi fecit.

CANON.

Sacerdos extendens, & iungens manus, eleuans ad coelum oculos, & statim demittens, inclinatus ante Altare dicit:



E igitur clementissime Pater, per Dominum nostrum, Iesum Christum, Filium tuum

supplices rogamus, & petimus (facit Crucis signum in medio Altaris, illudq; osculatur) vti accepta habeas, & benedicas (signat ter super oblata) hæc ✠ dona, hæc ✠ munera hæc ✠ sancta sacrificia, illibata (extensis manibus prosequitur) in primis, quæ tibi offerimus pro Ecclesia tua Sancta Catholica: quâ pacificare, custodire, adunare, & regere digneris toto orbe terrarum, vnâ cum famulo tuo Papa nostro, N, & Pontifice nostro, N, & N, Imperatore, & N, Rege Duce nostro, sed & omnibus Orthodoxis, atque Catholicæ, & Apostolicæ Fidei Cultoribus.

Commemoratio pro Viuis.

Memento Domine famulorū, famularumque tuarum, N, & N, (iunctis manibus orat aliquantulum pro quibus intendit: deinde extensis manibus prosequitur) & omnium circumstantium: quorū tibi fides cognita est, & nota deuotio:

pro quibus tibi offerimus, vel qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis, & incolumitatis suæ: tibi que reddunt vota sua, æterno Deo, viuo, & vero.

Propria infra Canonem,

vel etiam Actionem.

In Natiuit. Domini, & per Oct.

Communicantes, & (in prima Missa) noctem sacratissimam celebrantes, qua (in alijs verò) diē sacratissimum celebrātes, quo Beatæ Mariæ intemerata virginitas huic mundo edidit Saluatorem: sed & memoriam venerantes in primis eiusdem gloriosæ, semperque Virginis Mariæ, Genitricis eiusdem Dei, & Domini nostri, Iesu Christi: ✠ sed & Beatorum Apostolorum; vt paulò post.

In Epiphania Domini, & per Oct.

Communicantes, & diem sacratissimum celebrantes, quo Unigenitus tuus, in tua tecū gloria coæternus, in veritate carnis nostræ visibiliter corporalis apparuit: sed & memoriā venerantes in primis gloriose, semperq; Virginis Mariæ, Genitricis eiusdem Dei, & Dñi nostri, Iesu Christi: ✠ sed & Beatorum Apostolorum; vt paulò post.

In die sancto Paschæ, & per Oct.

Communicantes, & diem sacratissimum celebrantes Resurrectionis Dñi nostri, Iesu Christi secundum carnem: sed & memoriam venerantes in primis gloriose, semperq; Virginis Mariæ, Genitricis eiusdem Dei, & Domini nostri, Iesu Christi: * sed & Beatorum Apostolorum; **vt paulò post.**
Infra Actionem eiusdem Paschæ, & Octauæ.

Hanc igitur oblationem seruitutis nostræ, sed & cunctæ familiæ tuæ, quam tibi offerimus pro his quoq; quos regenerare dignatus es ex aqua, & Spiritu Sancto, tribuens eis remissionem omnium peccatorum, quæsumus, Domine, **vt placatus suscipias; vt paulò post.**

In die Ascensionis Domini.

Communicantes, & diem sacratissimum celebrantes, quo Dñs noster, vnigenitus Filius tuus vnità sibi fragilitatis nostræ substantiam in gloriæ tuæ dextera collocavit: sed & memoriam venerantes in primis gloriose, semperque Virginis Mariæ, Genitricis eiusdem Dei & Dñi nostri, Iesu Christi: * sed & Beatorum Apostolorum; **vt paulò post.**

In Pentecoste, & per Octauam.

Communicantes, & diem sacratissimum Pentecostes cele-

brantes, quo Spiritus Sanctus Apostolis, innumeris linguis apparuit: sed & memoriam venerantes **¶ in primis; vt paulò post.**

Infra Actionem eiusdem Pentecostes, & Octauæ.

Hanc igitur oblationem seruitutis nostræ, **vt supra in Pasch. & Oct.**

Commune infra Canonem.

Communicantes, & memoriam venerantes **¶ in primis gloriose, semperq; Virginis Mariæ, Genitricis Dei, ac Domini nostri, Iesu Christi: * sed & Beatorum Apostolorum, & Martyrum tuorum,**
 Petri, & Cypriani,
 Pauli, Clementis,
 Andreæ, Chrysogoni,
 Iacobi, Ioannis, &
 Ioannis, Pauli,
 Thomæ, Cosmæ, &
 Iacobi, Damiani,
 Philippi, Apollinaris,
 Bartholomæi, Vitalis,
 Matthæi, Nazarij, &
 Simonis, & Celsi,
 Thadæi, Protasij, &
 Xisti, Geruasij,
 Laurentij, Victoris,
 Hippolyti, Naboris,
 Vincentij, Felicis, &
 Cornelij, Calimerij,
 & omnium Sanctorum tuorum: quorum meritis, precibusq; concedas,
 vt

ut in omnibus protectionis tue muniamur auxilio (*iungit manus*) Per eundem Christum Dominum nostrum. Amen.

Commune infra Actionem.

Manibus expansis super Oblata.

HAnc igitur oblationem servitutis nostre, sed & cunctæ familie tuæ, quæsumus, Domine, ut placatus suscipias, diesque nostros in tua pace disponas: atque ab æterna nos damnatione eripi, & in Electorum tuorum iubeas grege numerari (*iungit manus*) Per Christum Dominum nostrum.

QUam oblationem, quam pietati tuæ offerimus, tu Deus in omnibus, quæsumus (*signat ter super oblata*) bene ✠ dictam, ascriptam, ✠ tam, ✠ tam, rationabilem, acceptabilemque facere digneris (*signat semel super Hostiam, & semel super Calicem*) ut nobis Corpus, & Sanguis fiat dilectissimi Filii tui, Domini nostri, Iesu Christi.

Iunctis manibus, vadit ad cornu Altaris, ubi nihil dicens lauat digitos, & extergit: inde redit ad medium Altaris, & dicit:

Qui pridie, quàm pro nostra, omniumque salute pateretur (*accipit Hostiam, & eleuat oculos*) accipiens Panem eleuauit oculos ad coelos, ad te Deum, Patrem suum omnipotentem, tibi gratias agens (*Hostiam benedicit*) bene ✠ dixit, fre-

git, deditque Discipulis suis, dicens ad eos: Accipite, & manducate ex hoc omnes (*verba Consecrationis distinctè, secretò, & attentè dicit*)

Hoc est enim Corpus meum.

Genuflectit, surgit, eleuat Hostiam, à populo adorandam: repōnit super Corporale: iterum genuflectit. Mox erectus detegit Calicem, Pallam collocans super Hostiam consecratam, & prosequitur:

Simili modo, postquam coenatum est (*accipit Calicem, & eleuat oculos*) accipiens Calicem, eleuauit oculos ad coelos, ad te Deum, Patrem suum omnipotentem: item tibi gratias agens (*sinistram tenens Calicem, dexteram signat super eum*) bene ✠ dixit, tradiditque Discipulis suis, dicens ad eos: Accipite, & bibite ex eo omnes (*Calicem tenens ambabus manibus parum eleuatum, profert verba Consecrationis*)

Hic est enim Calix Sanguinis mei, noui, & æterni Testamenti, Mysterium fidei: qui pro vobis, & pro multis effundetur in remissionem peccatorum.

Depo-

Deponit Calicem, statimque supra ipsum primores digitos tergit. Tum genuflectit, surgit, ostendit populo, dicens:

Mandans quoque, & dicens ad eos: Hæc quotiescunq; feceritis, in meam commemorationem facietis: Mortem meam prædicabitis, Resurrectionem meam annuntiabitis, Aduentum meum sperabitis, donec iterum de cœlis veniam ad vos.

Repônit, tegit, & iterum adorat. Deinde, extensis brachijs in modum Crucis, dicit:

Unde & memores, Domine, nos serui tui, sed & plebs tua sancta Domini nostri, Iesu Christi Passionis, necnon & ab inferis mirabilis Resurrectionis, sed & in cœlos gloriosissimæ Ascensionis (*iungit manus*) offerimus præclaræ Maiestati tuæ de tuis donis, ac datis (*oblata ter signat communiter*) Hostiam ✠ puram, Hostiam ✠ sanctam, Hostiam ✠ immaculatam (*tum semel super Hostiam solam, & semel super Calicem solum*) hunc Panem ✠ sanctum vitæ æternæ, & Calicem ✠ salutis perpetuæ. De hinc, extensis manibus ante pectus, dicit:

Supra quæ propitio, ac sereno vultu tuo respicere digneris,

& accepta habere; sicuti accepta habere dignatus es munera iusti pueri tui Abel, & sacrificium Patriarchæ nostri Abrahamæ, & quod tibi obtulit summus Sacerdos tuus Melchisedech, sanctum sacrificium, immaculatam hostiam.

Iunctis deinde manibus profundè inclinatus dicit:

Supplices te rogamus, Omnipotens Deus: iube hæc perferri per manus Sancti Angeli tui in sublime Altare tuum ante conspectum tremendæ Maiestatis tuæ (*facit Crucis signum in medio Altaris, illudque osculatur*) vt, quotquot ex hac Altaris participatione (*prodûcit signum Crucis semel super Hostiam, & semel super Calicem*) sacrosanctum Corpus, & sanguinem Domini nostri, Iesu Christi sumpserimus (*signat se*) omni benedictione cœlesti, & gratia repleamur (*iungit manus*) Per eundem Christum, Dominum nostrum, Amen.

Commemoratio pro Defunctis.

Memento etiam Domine famulorum, famularumque tuarum, qui nos præcesserunt cum signo fidei, & dormiunt in somno pacis, **N, & N.**

Iungit manus, & orat pro his Defunctis, pro quibus intendit. Tum exten-

extensis manibus, dicit: Ipsis Domine, & omnibus in Christo quiescentibus locum refrigerij, lucis, ac pacis ut indulgeas, deprecamur. (*iungit manus*) Per eundem Christum, Dominum nostrum. Amen. Percutit pectus, elata paululum voce dicens:

Nobis quoque, minimis, & peccatoribus (*reliqua secreto*) famulis tuis, de multitudine misericordiarum tuarum sperantibus, partem aliquam, & societatem donare digneris cum tuis Sanctis Apostolis, & Martyribus, Ioanne, & Perpetua, Ioanne, Anastasia, Stephano, Agatha, Andrea, Euphemia, Barnaba, Lucia, Petro, Iustina, Marcellino, Sabina, Agnete, Thecla, Cecilia, Pelagia, atque Felicitate, Catharina, & cum omnibus Sanctis tuis: intra quorum nos consortium, non aestimator meriti, sed venie, quesumus, largitor admitte (*iungit manus*) Per Christum, Dominum nostrum. Per quem hæc omnia, Domine, semper bona creas (*signat ter supra Hostiam simul, & Calicem, dicens*) sancti *✠* ficas, viui *✠* ficas, bene *✠* dicis, & nobis famulis tuis largiter præstas, ad

augmentum fidei, & remissionem omnium peccatorum nostrorum.

*Discooperit Calicem, & genuflectit, dicens: Et est tibi Deo Patri omnipotenti. Mox erectus accipit Hostiam dexteram: & tenens Calicem sinistram, signat cum Hostia ter supra Calicem à labio ad labium, dicens: Ex *✠* ipso, & per *✠* ipsum, & in *✠* ipso omnis honor, virtus, laus, & gloria.*

*Sinistram tenet Hostiam supra Calicem: & dexteram accipiens Patenam inter indicem, & medium digitos, ter signat supra Hostiam simul, & Calicem, dicens: Imperium, perpetuitas, & potestas, in unitate Spiritus Sancti. Deposita Patena supra pedem Calicis versus semetipsum, eleuat Hostiam paululum, alta voce dicens: Per infinita sæcula sæculorum. *R.* Amen.*



*Per infinita sæcula sæculorum. *R.* Amen.*

Diuidit Hostiam per medium supra Calicem, dicens: Corpus tuum frangitur, Christe, Calix benedicitur. Partem, quæ in dextera est, ponit supra Patenam. Ex altera verò parte, quæ est in sinistra, detrahit particulam, dicens: Sanguis tuus sit nobis semper ad vitam, & ad saluandas animas, Deus noster.

Mox

Mox partem, quæ in sinistra est, ponit supra Patenam: deinde particulam ipsam, dexterâ interim suspensam supra Calicem, signando cum ea, demittit in eundem Calicem, dicens: Commixtio ✠ consecrati Corporis, & Sanguinis Domini nostri, Iesu Christi nobis edentibus, & su-

mentibus proficiat ad vitam, & gaudium sempiternum.

Tegit Calicem, genuflectit, surgit, & dicit Confractorium.

Tum dicto submissa voce, & inclinato capite Oremus, alta deinde voce, manibusque iunctis subdit Præceptis salutaribus &c.

Submissa voce, & inclinato capite dicit. Oremus.



Præceptis salutaribus moniti, & diuina institutione formati, audemus



dicere.

(Extensis manibus dicit Orationem Dominicam: ad primam verò Petitionem caput inclinat)



Pater noster, qui es in cœlis, sanctificetur nomen tuum. Adueniat Regnum



tuum. Fiat voluntas tua, sicut in cœlo, & in terra. Panem nostrum quotidianum



da nobis hodie. Et dimitte nobis debita nostra; sicut & nos dimittimus de-



bitoribus nostris. Et ne nos inducas in tentationem. **R.** Sed libera nos à malo. Sacerdos secretò dicit: Amen.

Deinde, signans se signo Crucis, alta voce prosequitur.



libera nos, quæsumus, Domine, ab omnibus malis præteritis, præsentibus,



bus, & futuris: & intercedente pro nobis Beata Maria, Genitrice Dei,



ac Domini nostri, Iesu Christi: & Sanctis Apostolis tuis Petro, & Paulo,



atque Andrea: & Beato Ambrosio Confessore tuo, atque Pontifice, vnâ



cum omnibus Sanctis tuis da propitius pacem in diebus nostris, vt ope



misericordiæ tuæ adiûti, & à peccato simus semper liberi, & ab omni



perturbatione securi. Præsta per eum, cum quo beatus viuis, & regnas



Deus in vnitæte Spiritus Sancti: per omnia sæcula sæculorum. *R.* Amen.



Signat se, dicens: Pax, & communicatio Domini nostri, Iesu Christi sit



semper vobiscum. *R.* Et cum spiritu tuo.

Tum Diaconus, aliòquin ipsemet Sacerdos, subdit:



Offerte vobis pacem. *R.* Deo gratias.

In Missis pro Defunctis, omisso
Offerte vobis pacem, & Ora-
tionem sequenti: Domine, Iesu
 Christe, qui dixisti Apostolis
 tuis: **omisso etiam, Pax tecum,**
iunctis manibus, altâ in pri-
uatis, submissa voce in So-
lemnibus Missis inclinatus di-
cit:

Agnus Dei, qui tollis peccata
mundi, dona eis requiem.

Agnus Dei, qui tollis peccata
mundi, dona eis requiem.

Agnus Dei, qui tollis peccata
mundi, dona eis requiem sem-
piternam, & locum indulgen-
tiæ cum Sanctis tuis in gloria.

Tum verò transit ad posteriores
duas Orationes.

In alijs autem Missis, dicto: Of-
ferte vobis pacem: inclinatus,
iunctis manibus, & submissa vo-
ce dicit tres Orationes sequen-
tes.

Oratio.

Domine, Iesu Christe, qui
 dixisti Apostolis tuis:
 Pacem relinquo vobis, pacem
 meam do vobis: ne respicias
 peccata mea, sed Fidem Ec-
 clesiæ tuæ: eamque secundum
 voluntatem tuam pacificare,
 custodire, & regere digneris
 propitius. Qui viuis, & regnas

Deus, per omnia sæcula sæculo-
 rum. Amen.

Si pax est tribuenda; facta prius
in medio Altaris Cruce, illud
osculatur, & dans Pacem, dicit:
 Pax tecum. **R.** Et cum spiritu
 tuo.

Oratio.

Domine Sancte, Pater om-
 nipotens, æterne Deus,
 da mihi hoc Corpus Iesu Chri-
 sti, Filij tui, Domini mei ita
 sumere: vt non sit mihi ad iu-
 dicium, sed ad remissionem
 omnium peccatorum meorum.
 Qui tecum viuit, & regnat in
 vnitæte Spiritus Sancti Deus,
 per omnia sæcula sæculorum.
 Amen.

Oratio.

Domine, Iesu Christe, Fili
 Dei viui, qui pro volun-
 tate Patris, cooperante Spiritu
 Sancto, per mortem tuam mun-
 dum vniuersum viuificasti: libe-
 ra me, obsecro, per hoc sacro-
 sanctum Corpus, & Sanguinem
 tuum, à cunctis iniquitatibus,
 & vniuersis malis: & fac me tuis
 obedire mandatis: & à te nun-
 quam separari permittas. Qui
 cum eodem Deo Patre, & Spiri-
 tu Sancto viuis, & regnas Deus
 in sæcula sæculorum. Amen.

Incli-

Inclinatus; percutiens pectus, dicit ter: Domine, non sum dignus, ut intres sub tectum meum: sed tantum dic verbo; & sanabitur anima mea.

Genuflectit, surgit, accipit dexterâ ambas partes Hostiæ, & sinistrâ Patenam, dicens: Quid retribuam Domino pro omnibus, quæ retribuit mihi? Panem Coelestem accipiam, & nomen Domini inuocabo.

Postea, dexterâ se signans cum Hostia, dicit: Corpus Domini nostri, Iesu Christi custodiat animam meam in vitam æternam. Amen.

Sumit ambas partes Hostiæ. Tum, iunctis manibus, quiescit aliquantulum. Postea detegit Calicem, genuflectit, extergit Patenam supra illum, dicens interim: Quid retribuam Domino pro omnibus, quæ retribuit mihi? Calicem Salutaris accipiam, & nomen Domini inuocabo: Laudans inuocabo Dominum, & ab inimicis meis saluus ero.

Accipit Calicem: & eo signum Crucis sibi faciens dicit:

Presta, quæso, Dñe, ut perceptio Corporis, & Sanguinis Domini nostri, Iesu Christi ad vitam nos perducat æternam.

Sumit Sanguinem cum particula. Quo sumpto, si qui sunt communicandi, eos communicat, antequam se purificet.

Postea dicit: Quod ore sumpsimus, Domine, pura mente capiamus; ut de Corpore, & Sanguine Domini nostri, Iesu Christi fiat nobis remedium sempiternum.

Interim porrigit Calicem Ministro, qui infundit ei parum vini, quo se purificat.

Deinde profectur: Confirma hoc Deus, quod operatus es in nobis: & dona Ecclesiæ tuæ perpetuam tranquillitatem, & pacem.

Abluit digitos vino, & aqua, extergit, sumit purificationem, extergit Calicem: & illum, plicato Corporali, operit more solito. Deinde in cornu Epistolæ dicit Transitorium, & Orationem post Communionem.

Qua finita, dicit:

℣. Dominus vobiscum.

℞. Et cum spiritu tuo.

K yr. el. K yr. el. K yr. el.

℣. Benedicat, & exaudiat nos Deus. ℞. Amen.

Diaconus dicit, aliòquin ipsemet Sacer. ℣. Procedamus cum pace.

℞. In nomine Christi.

℣. Benedicamus Domino.

℞. Deo gratias.

In Missis pro Defunctis, dicto:
 ✠. Dominus vobiscum, & res-
 pondo: Et cum spiritu tuo; sine
 Kyrie eleison, dicit: ✠. Re-
 quiem æternam dona eis Do-
 mine.

✠. Et lux perpetua luceat eis.

✠. Animæ istorum, & omnium
 Fidelium Defunctorum per Dei
 misericordiam requiescant in
 pace.

✠. Amen.

Et dicto: Placeat, non datur
 Benedictio.

Deinde, inclinatus ante me-
 dium Altaris, iunctis manibus,
 dicit:

Placeat tibi, Deus, obse-
 quium seruitutis nostræ: &
 sacrificium, quod oculis tuæ
 Diuinæ Maiestatis indignus
 obtuli, sit tibi acceptabile: mi-
 hique, & omnibus, pro quibus
 illud obtuli, sit, te miserante,
 propitiabile. Per Christum,
 Dominum nostrum. Amen.

Facta prius Cruce in medio
 Altaris, illud osculatur; deinde
 benedicit populum, dicens:

Benedicat vos omnipotens
 Deus, Pater, ✠ & Filius, &
 Spiritus Sanctus.

✠. Amen.

Deinde in cornu Euangelij; di-
 cto ✠. Dominus vobiscum, &
 Initium Sancti Euangelij, si-
 gnans se, vt supra, legit se-
 quens Euangelium secundum
 Ioannem:

✠ Initium sancti Euangelij
 secundum Ioannem.

IN principio erat Verbum,
 & Verbum erat apud Deum,
 & Deus erat Verbum. Hoc
 erat in principio apud Deum.
 Omnia per ipsum facta sunt:
 & sine ipso factum est nihil,
 quod factum est. In ipso Vi-
 ta erat, & Vita erat Lux ho-
 minum: & Lux in tenebris
 lucet, & tenebræ eam non
 comprehenderunt. Fuit homo,
 missus à Deo, cui nomen erat
 Ioannes. Hic venit in testi-
 monium: vt testimonium per-
 hibêret de Lumine, vt omnes
 crederent per illum. Non erat
 ille Lux; sed vt testimonium
 perhibêret de lumine. Erat
 Lux vera, quæ illuminat om-
 nem hominem venientem in
 hunc mundum. In mundo
 erat, & mundus per ipsum fa-
 ctus est, & mundus eum non
 cognôuit. In propria venit,
 & sui eum non recepêrunt.
 Quotquot autem recepêrunt
 eum,

Ordinarium Missæ.

159

eum, dedit eis potestatem filios Dei fieri, his, qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt. ET VERBUM (interim genua

flexuntur) CARO FACTUM EST, & habitavit in nobis (& vidimus gloriam eius, gloriam quasi Unigeniti à Patre) plenum gratiæ, & veritatis. *R.* Deo gratias.





Petrus Gerardi Inuener. et del.

Caetanur Blancus Sculp. Mediol. 1711.

IN DIE SANCTO PASCHÆ RESURRECTIONIS D. N. I. C.

Hodie, & per totam Octauam in Collegiatis dicuntur duæ Missæ: vna pro Baptizatis, & altera de Solemnitate, vel de Octaua. In cæteris verò Ecclesijs dicitur tantum Missa de Solemnitate.

MISSA PRO BAPTIZATIS IN ECCLESIA HYEMALI.

Ingressa, & cæteri Cantus sumantur è Missa sequenti.

Oratio super populum.



Deus, qui humanam naturam supra primæ originis reparas dignitatem, respice ad pietatis tuæ ineffabile sacramentum: & quos regenerationis mysterio dignatus es innouare, in his dona tuæ perpetis gratiæ, benedictionisque conserua. Per Dominum nostrum, Iesum Christum, Filium tuum, qui tecum, viuit, & regnat.

Epistola Beati Pauli Apostoli ad Romanos.

Fratres. Commendat charitatem suam Deus in nobis: quoniam si, cum adhuc peccatores essemus secundum tempus, Christus pro nobis mortuus est; multò igitur magis nunc iustificati in sanguine ipsius, salui erimus ab ira per ipsum. Si enim, cum inimici essemus, reconciliati sumus Deo per mortem Filij eius; multò magis reconciliati, salui erimus in vita ipsius. Non solum autem, sed & gloriamur in Deo per Dominum nostrum, Iesum Christum, per quem nunc reconciliationem accepimus.

Halleluia. *V.* Domine Deus meus, magnificatus es valde: Hallel.



Lectio sancti Euangelij secundum Ioannem.

IN die magno festiuitatis stabat Iesus, & clamabat dicens: Si quis sitit, veniat ad me, & bibat. Qui credit in me, sicut dicit Scriptura, flumina de ventre eius fluent aquæ viuæ. Hoc autem dixit de Spiritu, quem accepturi erant credentes in eum. Cap. 7.

Oratio super sindonem.

Deus, qui credentes in te Fonte Baptismatis innouasti, hanc renatis in Christo concede custodiam: vt nullo erroris incurso gratiam tuæ benedictionis amittant. Per eundem Dominum nostrum.

Oratio super oblatam.

Suscipe, quæsumus, Domine, plebis tuæ, & tuorum hostias reatorum: vt confessione tui nominis, & sacro Baptismate renouati sempiternam beatitudinem consequantur. Per Dominum nostrum.

Præfatio.

Æterne Deus: Et pro humani generis mirabili reparatione exultantibus te gaudijs hac die laudare: quæ omnibus diebus, temporibusque præcellens, & suæ Crucis interitu, & beatæ Resurrectionis est clara primatu. In hac enim Unigenitus
O tuus,

tuus, vt primogenitus esset ex mortuis, ad glorificandam in se carnis nostræ, animæque naturam, qua potestate occubuit, eadem resurrexit. Unde profusis gaudijs.

Oratio post Communionem:


DIgnè nos tuo nomini, quæsumus, Domine, famulari salutaris Cibus, & facer Potus instituat: vt renouationem conditionis humanæ, quam mysterio continet, in nostris sensibus iugiter operetur. Per Dominum.

M I S S A

De Solemnitate Paschali.

Ingressa.

Psal.
138.



Esurrexi, & adhuc tecum sum: Hallelûiah. Posuisti super me manum tuam: Hallelûiah. Mirabilis facta est scientia tua: Hallel. Hallel.

Gloria in excelsis Deo.

Oratio super populum.

DEus, qui ad æternam vitam in Christi Resurrectione nos reparas, da populo tuo fidei, speique constantiam: vt non dubitemus implenda, quæ te nouimus authore promissa. Per eundem Dominum.

Cap.
1.

Lectio Actuum Apostolorum.

Primum quidem sermonem feci de omnibus, ò Theophile, quæ cœpit Iesus facere, & docere, vsque in diem, qua præcipiens Apostolis, per Spiritum Sanctum, quos elégit, assumptus est. Quibus & præbuit se ipsum viuum post Passionem suam in multis argumentis, per dies quadraginta appârens eis, & loquens de Regno Dei. Et conuescens præcepit eis, ab Ierosolymis ne discederent sed expectarent promissionem Patris: quam audistis (inquit) per os meum; quia Ioannes quidem baptizauit aquâ, vos autem baptizabimini Spiritu San-

cto non post multos hos dies. Igitur qui conuenerant, interrogabant eum, dicentes: Domine, si in tempore hoc restitues Regnum Israel? Dixit autem eis: Non est vestrum nosse tempora, vel momenta, quæ Pater posuit in sua potestate; sed accipietis virtutem superuenientis Spiritus Sancti in vos.

Psalme. Hæc dies, quam fecit Dominus: exulemus & lætemur in ea.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

Fratres. Tradidi vobis in primis, ^{Cap. 15.} quod & accēpi: quoniam Christus mortuus est pro peccatis nostris secundum Scripturas: & quia sepultus est: & quia resurrexit tertia die secundum Scripturas: & quia visus est Cephæ, & post hoc Undecim. Deinde visus est plusquam quingentis fratribus simul: ex quibus multi manent vsque adhuc, quidam autem dormierunt. Deinde visus est Iacobo, deinde Apostolis omnibus. Nouissimè autem omnium, tanquam abortiuo, visus est & mihi. Ego enim sum minimus Apostolorum, qui non sum dignus vocari Apostolus; quoniam persecutus sum Ecclesiam Dei. Gratia autem Dei sum id, quod sum: & gratia eius in me vacua non fuit.

Hallelûiah, Hallelûiah. **V.** Pascha nostrum immolatus est Agnus, qui est Christus Dominus. Ipse est Deus noster: Hallelûiah.

**Antiphona ante Euangelium
recitanda in ipsomet cornu
Euangelij.**

Laudate Dominum de coelis: laudate eum in excelsis Angeli eius; quia hodie resurrexit Dominus, & redemit populum suum: Hallel. hallel.

V. Do-

V. Dominus vobiscum.



Lectio sancti Evangelij
secundum Ioannem.

IN illo tempore. Maria stabat ad monumentum foris plorans. Dum ergo fleret, inclinavit se, & prospexit in monumentum: & vidit duos Angelos in albis sedentes, vnum ad caput, & vnum ad pedes, vbi positum fuerat Corpus Iesu. Dicunt ei illi: Mulier, quid ploras? Dicit eis. Quia tulerunt Dominum meum: & nescio, vbi posuerunt eum. Hæc cum dixisset, conuersa est retrorsum, & vidit Iesum stantem: & non sciebat, quia Iesus est. Dicit ei Iesus: Mulier, quid ploras? Quem quæris? Illa existimans, quia Hortulanus esset, dicit ei: Domine, si tu sustulisti eum; dicito mihi, vbi posuisti eum; & ego eum tollam. Dicit ei Iesus: Maria. Conuersa illa dicit ei: Rabbôni, quod dicitur, Magister. Dicit ei Iesus: Noli me tangere; nondum enim ascendi ad Patrem meum. Vade autem ad fratres meos, & dic eis: Ascendo ad Patrem meum & Patrem vestrum, Deum meum & Deum vestrum. Venit Maria Magdalene annuncians Discipulis: Quia vidi Dominum, & hæc dixit mihi.

Antiphona post Euangelium.

Dicant, qui redempti sunt à Domino, Halleluia: quos redemit de manu Inimici, & de regionibus congregauit eos: Halleluia.

Oratio super sindonem.

Deus, qui per Unigenitum tuum æternitatis nobis aditum, deuicta morte, reserasti, erige ad te corda fidelium: vt à terrenis cupiditatibus liberati ad cœlestia desideria transeamus. Per eundem Dominum.

Offert. Angelus Domini descendit de cœlo, & dixit Mulieribus: Quem quæritis? Surrexit, sicut dixit: Hallel.

V. j. Euntes dicite Discipulis eius: Ecce præcedit vos in Galilæam. Ibi eum videbitis, sicut dixit: Halleluia.

V. ij. Iesus stetit in medio eorum, & dixit. Pax vobis. Videte, quia ipse ego sum, sicut dixi: Halleluia.

Dicitur: Credo.

Oratio super oblatam.

Quæsumus, Domine, vt iam non teneamur obnoxij damnationis humanæ sententiâ: à cuius nos vinculis hæc Hostia paschalis absoluit. Per Dominum nostrum.

Præfatio.

Aquum & salutare, nos tibi, Sancte Deus omnipotens, gratias agere: nos deuotas laudes referre, Pater inclyte, omnium Author & Conditor. Quia, cum Dominus esset Maiestatis Christus Iesus, Filius tuus; ob liberationem humani generis Crucem subire dignatus est. Quem dudum Abraham præfigurabat in filio, turba Mosayca immaculati agni immolatione signabat. Ipse est enim, quem sacra tuba cecinerat Prophetarum: qui omnium peccata portaret, aboleret & crimina. Hoc est illud Pascha, Christi nobilitatum cruore: in quo fidelis populus præcipua deuotione exultat. O mysterium gratiâ plenum! O ineffabile diuini muneris sacramentum! O Solemnitatum omnium honoranda Solemnitas! in qua, vt seruos redimeret, mortalibus se præbuit occidendum. Quàm vtique beata mors, quæ mortis nodos resoluit. Iam nunc sentiat se tartareus Princeps attritum: & nos de Profundi labe educti ad cœleste Regnum, conscendisse gratulemur. Et ideo cum Angelis.

Infra Canonem, etiam per Oct.

Communicantes, & diem sacratissimum celebrantes Resurrectionis Domini nostri, Iesu Christi secundum

dum carnem, sed & memoriam venerantes in primis gloriosæ, semperque Virginis Mariæ, Genitricis eiusdem Dei, Domini nostri Iesu Christi: sed & Beatorum Apostolorum &c.

Infra Actionem, etiam per Oct.

Hanc igitur oblationem seruitutis nostræ, sed & cunctæ familiæ tuæ; quam tibi offerimus pro his quoque, quos regenerare dignatus es ex aqua, & Spiritu Sancto, tribuens eis remissionem omnium peccatorum, quæsumus, Domine, ut placatus suscipias: diesque nostros in tua pace disponas: &c.

^{Ad}
^{Cor.}
^{1.2} **Confract.** Pascha nostrum immolatus est Christus: Halleluia. Itaque epulemur in azymis sinceritatis, & veritatis: Halleluia, halleluia.


Dicto O remus, *secretò non subiungitur: Præceptis salutaribus moniti &c. sed*



Diuino magisterio edocti, & salu-



taribus monitis instituti, audemus



dicere: **P**ater noster, qui es in cœlis &c.

Prout in Ordinario Missæ.

Transit. Venite populi. Sacrum immortale mysterium illibatum agendum cum timore, ac fide. Accedamus manibus mundis, pœnitentiæ munus communicemus; quoniam Agnus Dei propter nos Patri sacrificium propositum est. Ipsum solum

adoremus, ipsum glorificemus, cum Angelis clamantes: Hallel. hallel.

Oratio post Communionem.

Perpetuò Deus Ecclesiam tuam pio fauore prosequere: ut paschali- bus resuscitata mysterijs ad Resurrectionis perueniat claritatem. Per Dominum nostrum.

FERIA II. IN ALBIS.

Missa pro Baptizatis, in Ecclesia Hyemali.

Ingressa, & cæteri Cantus sumantur è Missa sequenti.

Oratio super populum.

Deus, qui populum tuum de Hostis callidi seruitute liberaisti, preces eius misericorditer respice: & aduersantes ei tua virtute prosterne. Per Dominum nostrum.

Epistola Beati Pauli Apostoli ad Corinthios prima.

FRatres. Expurgate vetus fermentum; ut sitis noua conspersio, sicut estis azymi. Etenim Pascha nostrum immolatus est Christus. Itaque epulemur, non in fermento veteri, neque in fermento malitiæ, & nequitiae, sed in azymis sinceritatis, & veritatis.

Halleluia. V. Domine, Deus, meus, magnificatus es valde: Halleluia. ^{Psal. 103.}

Lectio sancti Euangelij secundum Matthæum.

In illo tempore. Videns Dominus ^{Cap. 13.} Iesus turbas ascendit in Montem: & cum sedisset, accesserunt ad eum Discipuli eius: & aperiens os suum, docebat eos, dicens: Beati pauperes spiritu; quoniam ipsorum est Regnum Cœlorum. Beati mites; quoniam ipsi possidebunt terram. Beati, qui lugent; quoniam ipsi consolabuntur. Beati, qui esuriunt, & sitiunt iustitiam; quoniam ipsi saturabuntur. Beati misericordes; quoniam ipsi mise-

misericordiam consequentur. Beati mundo corde; quoniam ipsi Deum videbunt. Beati pacifici; quoniam filij Dei vocabuntur. Beati, qui persecutionem patiuntur propter iustitiam; quoniam ipsorum est Regnum Coelorum. Beati estis, cum maledixerint vobis homines, & persecuti vos fuerint, & dixerint omne malum aduersum vos mentientes, propter me: gaudete, & exultate; quoniam merces vestra copiosa est in caelis.

Oratio super sindonem.

DA, quæsumus, omnipotens Deus: vt Ecclesia tua & suorum firmitate membrorum, & noua semper fecunditate lætetur. Per Dominum.

Oratio super oblatam.

Clementiam tuam supplices exoramus, omnipotens Deus: vt populum tuum, quem sacro Baptismate renouare, dignatus es, per hæc paschalia munera ad æternæ vitæ gaudia peruenire concedas. Per Dñm.

Præfatio.

Æterne Deus: Redemptionis nostræ festa recolentes: quibus humana substantia vinculis præuaricationis exuta spem resurrectionis per renouatam sumpsit originis dignitatem. Per Christum Dominum.

Oratio post Communionem.

Solitâ, quæsumus, Domine, quos saluasti, pietate custodi: vt, qui tua Passione sunt redempti, tua Resurrectione lætentur. Qui viuus, & regnas cum Deo Patre in vnitæte.

FERIA II. IN ALBIS.

Missa de Octaua in omni Ecclesia.

Ingressa.

A Quâ sapientiæ potauit eos; Halleluia. Firmabitur illis, & non flectetur: Halleluia. Edificauit eos in æternum: Halleluia, halleluia.

Gloria in excelsis Deo.

Oratio super populum.

PRæsta, quæsumus, omnipotens Deus: vt huius paschalis festiuitatis mirabile sacramentum & temporalem nobis tranquillitatem tribuat, & vitam conferat sempiternam. Per Dominum nostrum.

Lectio Actuum Apostolorum.

IN diebus illis. Angelus Domini^{Cap. 8.} locutus est ad Philippum, dicens: Surge, & vade contra meridianum ad viam, quæ descendit ab Ierusalem in Gazam: hæc est deserta. Et surgens abiit. Et ecce vir Æthiops, Eunuchus, potens Candacis Reginae Æthiopum, qui erat super omnes gazas eius, venerat adorare in Ierusalem: & reuertebatur sedens super currum suum, legensque Isaiam Prophetam. Dixit autem Spiritus Philippo: Accede, & adiunge te ad currum istum. Accurrens autem Philippus audiuit eum legentem Isaiam Prophetam, & dixit: Putasne, intelligis, quæ legis? Qui ait: Et quomodo possum, si non aliquis ostenderit mihi? Rogauitque Philippum, vt ascenderet, & sederet secum. Locus autem Scripturæ, quam legebat, erat hic: Tanquam ovis ad occisionem ductus est: & sicut agnus coram tondente se, sine voce; sic non aperuit os suum. In humilitate iudicium eius sublatum est. Generationem eius quis enarrabit? quoniam tolletur de terra vita eius. Respondens autem Eunuchus Philippo, dixit: Obsecro te, de quo Propheta dicit hoc? De se, an de alio aliquo? Aperiens autem Philippus os suum, & incipiens à Scriptura ista, euangelizauit illi Iesum. Et dum irent per viam, venerunt ad quandam aquam: & ait Eunuchus: Ecce aqua: quis prohibet me baptizari? Dixit autem Philippus: Si credis ex toto corde, licet.

licet. Et respondens ait: Credo, Filium Dei esse Iesum Christum. Et iussit stare currum: & descenderunt vterque in aquam, Philippus, & Eunuchus, & baptizavit eum. Cum autem ascendissent de aqua, Spiritus Domini rapuit Philippum: & amplius non vidit eum Eunuchus. Ibat autem per viam suam gaudens: Philippus autem inuentus est in Azoto. Et pertransiens euangelizabat ciuitatibus cunctis, donec veniret Cæsaream.

Psalmell. Hæc dies, quam fecit Dominus: exultemus, & lætemur in ea.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Romanos.

FRatres. An ignoratis, quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per Baptismum in mortem: vt, quomodo Christus surrexit à mortuis per gloriam Patris; ita & nos in nouitate vitæ ambulemus.

Halleluia. **V.** Venite exultemus Domino, iubilemus Deo Salutari nostro: Halleluia.

Lectio sancti Euangelij secundum Lucam.

In illo tempore. Unâ Sabbati valde diluculo venerunt mulieres ad monumentum, portantes, quæ parauerant, aromata: & inuenerunt lapidem reuolutum à monumento: & ingressæ, non inuenerunt Corpus Domini Iesu. Et factum est: dum mente consternatæ essent de isto, ecce duo viri steterunt secus illas in veste fulgenti. Cum timerent autem, & declinarent vultum in terram, dixerunt ad illas. Quid quæritis viuentem cum mortuis? Non est hic, sed surrexit. Recordamini, qualiter locutus

est vobis, cum adhuc in Galilæa effet, dicens: Quia oportet Filium hominis tradi in manus hominum peccatorum, & crucifigi, & die tertia resurgere. Et recordatæ sunt verborum eius: & regressæ à monumento nunciauerunt hæc omnia illis Undecim, & cæteris omnibus. Erat autem Maria Magdalene, & Ioanna, & Maria, Iacobi, & cæteræ, quæ cum eis erant, quæ dicebant ad Apostolos hæc. Et visa sunt ante illos sicut deliramentum verba ista: & non crediderunt illis. Petrus autem surgens cucurrit ad monumentum: & procumbens vidit linteamina sola posita: & abiit, secum mirans, quod factum fuerat.

Antiphona post Euangelium.

Dominus memor fuit nostri, & benedixit nos: Halleluia. Benedixit domum Israel: Halleluia. Benedixit domum Aaron: Hallel. hallel.

Oratio super sindonem.

Perfice Domine benignus in nobis paschaliū munerum votiuā commercia: vt, à terrenis affectibus liberati, ad cœleste desiderium transferamur. Per Dominum nostrum.

Offert. Celebrauerunt filij Israel Pascha in die solemni Azymorum septem dies: Halleluia, halleluia.

Dicitur: Credo.

Oratio super oblatam.

Plebis tuæ Domine munera placatus admitte: vt, quæ paschalibus mysterijs exhibet, in tuæ remunerationis veritate percipiat. Per Dominum nostrum.

Præfatio.

Per Christum Dominum nostrum. Qui semper in nobis paschale perficiat sacramentum; vt per initiata remedia continuis educare non desistat augmentis. Unde profusis gaudijs totus in orbe terrarum mundus exultat: sed & supernæ Virtutes,

& angelicæ concinunt Potestates, hymnum gloriæ tuæ perpetim sine fine dicentes: Sanctus, &c.

Confract. Data est mihi omnis potestas in cœlo & in terra: Halleluia. Euntes docete omnes gentes, baptizantes eos in nomine Patris, & Filij, & Spiritus Sancti: Hallel.

Transit. Accedite, & edite: Halleluia. Corpus Christi sumite: Halleluia. Gustate, & videte, Halleluia, quàm suavis est Dominus: Halleluia.

Oratio post Communionem.

Spiritum nobis Domine tuæ charitatis infunde: vt, quos sacramentis paschalibus satiaſti, tua facias pietate concordēs. Per Dominum.

FERIA III. IN ALBIS.

Missæ pro Baptizatis in Eccl. Hyemali.

Ingressa & cæteri Cantus accipiantur è Missa sequenti.

Oratio super populum.

Deus, qui Ecclesiam tuam nouo semper fœtu multiplicas, concede famulis tuis: vt sacramentum paschale viuendo teneant, quod fide perceperunt. Per Dominum.

Epistola Beati Pauli Apostoli ad Corinthios prima.

Fratres. Gratias ago Deo meo semper pro vobis, **vt supra,** pag. 12.

Halleluia. V. Domine Deus meus, magnificatus es valde: Hallel.



Lectio sancti Euangelij secundum Ioannem.

In illo tempore. Erat dies festus Iudæorum: & ascendit Iesus Ierosolymam. Est autem Ierosolymis, Probatica Piscina, quæ cognominatur Hebraicè Bethesda, quinque porticus habens. In his iacebat multitudo magna languentium, cæcorum, claudorum, aridorum expectantium aquæ motum. Angelus au-

tem Domini descendebat secundum tempus in Piscinam, & mouebatur aqua: &, qui prior descendisset in Piscinam post motionem aquæ, sanus fiebat à quacunque detinebatur infirmitate. Erat autem quidam homo ibi, triginta & octo annos habens in infirmitate sua. Hunc cum vidisset Iesus iacentem: & cognouisset, quia iam multum tempus haberet; dicit ei, Vis sanus fieri? Respondit ei languidus: Domine, hominem non habeo, vt, cum turbata fuerit aqua, mittat me in Piscinam; dum venio enim ego, alius ante me descendit. Dicit ei Iesus: Surge, tolle grabatum tuum, & ambula. Et statim sanus factus est ille: & sustulit grabatum suum, & ambulabat. Erat autem Sabbatum in die illo. Dicebant ergo Iudæi illi, qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogauerunt ergo eum: Quis est ille homo, qui dixit tibi: Tolle grabatum tuum, & ambula? Is autem, qui sanus fuerat effectus, nesciebat, quis esset. Iesus enim declinavit à turba constituta in loco. Postea inuenit eum Iesus in Templo: & dixit illi: Ecce sanus factus es: iam noli peccare, ne deterius tibi aliquid contingat. Abijt ille homo, & nunciauit Iudæis, quia Iesus esset, qui fecit eum sanum.

Oratio super sindonem.

Deus, qui renâtis ex aqua & Spiritu Sancto cœlestis Regni pandis introitum, auge super famulos tuos gratiam, quam dedisti: vt, qui ab omnibus sunt purgati peccatis, nullis priuentur promissis. Per Dñm.

Oratio super oblatam.

Suscipe, quæsumus, Domine, oblationes familiæ tuæ: vt sub tuæ pro-

protectionis auxilio collata non perdant, & ad æterna dona perueniant. Per Dominum nostrum.

Præfatio.

Æ Quum, & salutare, nos te quidem, Domine, omni tempore benedicere; sed in hoc præcipue die, quo Domini nostri, Iesu Christi Resurrectio celebratur, omni deuotione laudare. Hoc itaque die, quo Christus à mortuis resurrexit, potestas Diaboli cecidit, tartarea sunt Inferni vincula resoluta, chirographum est antiquæ præuaricationis extinctum, & aculeus mortis attritus. Nos quoque de seruitutis iugo dominationis Ægyptiæ per spiritales aquas educens, triumphans resurrexit in gloriam. Propterea profusis gaudijs.

Oratio post Communionem.

I Mpleatur in nobis, quæsumus, Domine, sacramenti paschalis sancta libatio: nosque de terrenis affectibus ad coeleste transferat institutum. Per Dominum nostrum.

FERIA III. IN ALBIS.

Missa de Octaua in omni Ecclesia.

Ingressa.

V Enite benedicti Patris mei, percipite Regnum, Halleluia: quod vobis paratum est ab origine mundi: Halleluia, halleluia, halleluia, halleluia.

Gloria in excelsis Deo.

Oratio super populum.

O Mnipotens, sempiternus Deus, qui populum tuum vnigeniti Filij tui sanguine redemisti, solue opera Diaboli, rumpe vincula peccati: vt, qui æternam vitam in confessione tui nominis sunt adepti, nihil debeant mortis Authori. Pereundem.

Lectio Libri Regum.

I N diebus illis, Naaman, princeps militiae Regis Syriæ, erat vir ma-

gnus apud dominum suum &c. prout iam extat in Feria II. Hebdom. IV. in Quadragesima, pag. 93.

Psalmell. Hæc dies, quam fecit Dominus: exultemus, & lætemur in ea. **V.** Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

F Ratres. Esca nos non commendat Deo. Neque enim, si manducauerimus, abundabimus: neque, si non manducauerimus, deficiemus. Videte autem, ne forte hæc licentia vestra offendiculum fiat infirmis. Si enim quis viderit eum, qui habet scientiam, in Idolio recumbentem; nonne conscientia eius, cum sit infirma, ædificabitur ad manducandum. Idolothyta; & peribit infirmus in tua scientia frater, propter quem Christus mortuus est? Sic autem peccantes in fratres, & percutientes conscientiam eorum infirmam, in Christum peccatis. Quapropter, si esca scandalizat fratrem meum; non manducabo carnem in æternum; ne fratrem meum scandalizem.

Halleluia. **V.** Dominus regnauit, decorem induit: induit Dominus fortitudinem, & præcinxit se virtutem: Halleluia.

✠ **L**ectio sancti Euangelij secundum Matthæum.

I N illo tempore. Maria Magdalenæ, & altera Maria exierunt cito de monumento cum timore, & gaudio magno, currentes nunciare Discipulis eius. Et ecce Iesus occurrit illis, dicens: Auete. Illæ autem accesserunt & tenuerunt pedes eius, & adorauerunt eum. Tunc ait illis Iesus: Nolite timere: ite, nunciate fratribus meis, vt eant in Galilæam: ibi me videbunt. Quæ cum abiissent, ecce qui-

quidam de custodibus venerunt in Civitatem, & nunciauerunt Principibus Sacerdotum omnia, quæ facta fuerant. Et congregati cum Senioribus, consilio accepto, pecuniam copiosam dederunt militibus, dicentes: Dicite, Quia Discipuli eius nocte venerunt, & furati sunt eum, nobis dormientibus. Et si hoc auditum fuerit à Præsidente; nos suadebimus ei; & securos vos faciemus. At illi, acceptâ pecuniâ, fecerunt, sicut erant edocti. Et diuulgatum est verbum istud apud Iudæos usque in hodiernum diem.

Antiphona post Euangelium.

Benedixit Dominus omnes timentes eum, pusillos, & magnos. Adijciat Dominus super vos: Hallelûiah, super vos, & super filios vestros: Hall.

Oratio super findonem.

EXaudi nos misericors Deus: & redemptionis nostræ subsidia deuotâ nos effice semper mente tractare. Per Dominum nostrum.

Offert. Hallelûiah. Steterunt Leuïte in vasis David, & Sacerdotes in tubis offerre holocaustomata super Altare in die solemni Azymorum septem dies: Hallelûiah, hallelûiah.

Dicitur: Credo.

Oratio super oblatam.

Sacrificia, Domine, paschalibus gaudijs immolamus: quibus Ecclesia tua mirabiliter pascitur, & nutritur. Per Dominum.

Præfatio.

Æterne Deus: Tuam magnificentiam deprecantes: vt, qui alligans fortem nostri generis Inimicum vasa eius diripere non desistis, ad consortium nos Christi tui facias venire vincentes. Per eundem Christum Dominum.

Confract. Si consurrexistis cum Christo, quæ sursum sunt, quærite: Hallelûiah; vbi Christus est in dextera Dei

sedens; quæ sursum sunt, sapite: Hallelûiah.

Transit. Post Passionem Domini factus est conuentus; quia non est inuentum corpus in monumento. Lapis sustinuit perpetuam vitam: monumentum reddit coelestem margaritam: Hallelûiah.

Oratio post Communionem.

Concede, quæsumus, omnipotens Deus: vt paschalis perceptio sacramenti continua in nostris mentibus perseueret. Per Dominum.

FERIA IV. IN ALBIS.

Missa pro Baptizatis in Ecclesia Hyemali.

Ingressa, & cæteri Cantus ex Missa sequenti.

Oratio super populum.

Tuere, Domine, familiam tuam, quæsumus, paschali mysterio gloriantem: vt, cuius salutarem fidei veneratur originem, iugiter instituta custodiat: Per Dominum.

Epistola Beati Pauli Apostoli ad Galatas.

Fratres. Quicumque in Christo baptizati estis, Christum induistis. Non est Iudæus, neque Græcus: non est seruus, neque liber: non est masculus, neque femina. Omnes enim vos vnum estis in Christo Iesu. Si autem vos Christi; ergo semen Abrahamæ estis, secundum promissiones hæredes.

Hallelûiah. Domine, Deus meus, magnificatus es valde: Hallelûiah.

Lectio sancti Euangelij secundum Matthæum.

In illo tempore. Dicebat Dominus Iesus Discipulis suis: Diligite inimicos vestros: benefacite his, qui oderunt vos: & orate pro persequentibus, & calumniantibus vos; vt sitis filij Patris vestri, qui in cœlis est: qui solem

solem suum oriri facit super bonos, & malos, & pluit super iustos, & iniustos. Si enim diligitis eos, qui vos diligunt; quam mercedem habebitis? Nonne & Publicani hoc faciunt? Et si salutaueritis fratres vestros tantum; quid amplius facitis? Nonne & Ethnici hoc faciunt? Estote ergo vos perfecti; sicut & Pater vester coelestis perfectus est.

Oratio super sindonem.

DEus, Conditor totius creaturæ: famulos tuos, quos Fonte Baptismatis renouasti, quosque gratiæ tuæ plenitudine solidasti, in adoptionis sorte facias dignanter ascribi. Per Dominum nostrum.

Oratio super oblatam.

Clementiam tuam, Domine, suppliciter exoramus: vt paschalis muneris sacramentum, quod fide recolimus, & spe desideramus intenti, perpetua dilectione capiamus. Per Dominum nostrum.

Præfatio.

Per Christum Dominum nostrum. Qui se pro nobis obtulit immolandum; vt Corpore eius, & Sanguine, quo à peccatis redempti sumus, ad æternam vitam sacrificijs paschalibus pascere mur. Propterea profusis gaudijs totus in orbe terrarum, mundus exultat &c.

Oratio post Communionem.

Ecclēsia tua, Domine, coelesti gratia repleatur: atque ab omnibus vitijs expiata percipiat sempiternæ redemptionis augmentum. Per Dominum nostrum.

FERIA IV. IN ALBIS,

Missa de Octaua in omni Ecclesia.

Ingressa

IN conspectu Agni steterunt ante thronum, & palmæ in manibus eorum: clamabant voce magna,

dicentes: Salus nostra Deus in sæcula: Halleluia, halleluia.

Gloria in excelsis Deo.

Oratio super populum.

DEus, qui nos Resurrectionis dominicæ annua solemnitatem lætificas, concede propitius: vt per temporalia festa, quæ agimus, ad æterna gaudia peruenire mereamur. Per Dominum nostrum.

Lectio Libri Regum.

IN diebus illis. Dixerunt filij Prophetarum ad Eliseum: Ecce locus, in quo habitamus coram te, angustus est nobis. Eamus vsque ad Iordanem, & tollamus singuli de sylua materias singulas, vt ædificemus nobis ibi locum ad habitandum. Qui dixit: Ite. Et ait vnus ex illis: Veni ergo & tu cum seruis tuis. Respondit: Ego veniam. Et abiit cum eis. Cumque venissent ad Iordanem, cædebant ligna. Accidit autem, vt, cum vnus materiam succidisset, caderet ferrum securis in aquam, exclamauitque ille, & ait: Heu, heu, heu, domine mi, & hoc ipsum mutuo acceperam. Dixit autem Homo Dei: Ubi cecidit? At ille monstrauit ei locum. Præcidit ergo lignum, & misit illuc: natauitque ferrum, & ait: Tolle. Qui extendit manum, & tulit illud.

Psalmell. Hæc dies, quam fecit Dominus; exultemus, & lætemur in ea. psal. 117.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

Fratres. Nolo vos ignorare, quoniam Patres nostri omnes sub nube fuerunt, & omnes mare transierunt, & omnes in Moyse baptizati sunt in nube, & in mari: & omnes eandem escam spiritalem manducauerunt, & omnes eundem potum spiritalem Cap. 10.

ritalem biberunt. Bibebant autem de spiritali conſequentē eos Petra: Petra autem erat Chriſtus.

^{psal.} **Halleluia.** ^{94.} **V.** Præueniamus faciem eius in confeſſione, & in pſalmis iubilemus illi: Halleluia.



Lectio ſancti Euangelij ſecundum Lucam.

^{cap.} ^{24.} **I**N illo tempore. Duo ex Diſcipulis Ieſu ibant in caſtellum, quod erat in ſpatio ſtadiorum ſexaginta ab Ieruſalem, nomine Emmaus. Et ipſi loquebantur ad inuicem de his omnibus, quæ acciderant. Et factum eſt: dum fabularentur, & ſecum quærent; & ipſe Ieſus appropinquans ibat cum illis. Oculi autem illorum tenebantur, ne eum agnoſcerent. Et ait ad illos: Qui ſunt hi ſermones, quos confertis ad inuicem ambulantes, & eſtis tristes? Et reſpondens vnus, cui nomen Cleophas, dixit ei: Tu ſolus peregrinus es in Ieruſalem, & non cognouiſti, quæ facta ſunt in illa his diebus? Quibus ille dixit: Quæ? Et dixerunt: De Ieſu Nazareno, qui fuit vir Propheta, potens in opere, & ſermone coram Deo, & omni populo: & quomodo eum tradiderunt ſummi Sacerdotes, & Principes noſtri in damnationem mortis, & crucifixerunt eum. Nos autem ſperabamus quia ipſe eſſet redempturus Iſrael: & nunc ſuper hæc omnia tertia dies eſt hodie, quod hæc facta ſunt. Sed & mulieres quædam ex noſtris terruerunt nos, quæ ante lucem fuerunt ad monumentum: & non inuento corpore eius, venērunt, dicentes ſe etiam viſionem Angelorum vidiffe, qui dicunt eum viuere. Et abierunt quidam ex noſtris ad monumentum: & ita inuenerunt, ſicut mulieres dixerunt; ipſum verò non inuenerunt. Et ipſe dixit ad eos: Oſtulti, & tardi corde ad credendum in omnibus, quæ locuti ſunt Prophe-

tæ. Nonne hæc oportuit pati Chriſtum, & ita intrare in gloriam ſuam? Et incipiens à Moyſe, & omnibus Prophetis, interpretabatur illis in omnibus Scripturis, quæ de ipſo erant. Et appropinquauerunt caſtello, quod ibant: & ipſe ſe finxit longius ire. Et coegerunt illum, dicentes: Mane nobiſcum, quoniam adueſperſcit, & inclinata eſt iam dies. Et intrauit cum illis. Et factum eſt, dum recumberet cum eis, accepit panem, & benedixit, ac fregit, & porrigebat illis. Et aperti ſunt oculi eorum, & cognouerunt eum: & ipſe euauit ex oculis eorum. Et dixerunt ad inuicem: Nonne cor noſtrum ardens erat in nobis, dum loqueretur in via, & aperiret nobis Scripturas? Et ſurgentes eâdem hora regreſſi ſunt in Ieruſalem: & inuenerunt congregatos Undecim, & eos, qui cum illis erant, dicentes: Quod ſurrexit Dominus verè, & apparuit Simoni. Et ipſi narrabant, quæ geſta erant in via, & quomodo cognouerunt eum in fractione panis.

Antiphona poſt Euangelium.

Cantate Domino canticum nouum: ^{psal.} **Halleluia.** ^{95.} **Cantate Domino omnis terra: Halleluia.** **Cantate Domino, & benedicite nomen eius: Hallel.**

Oratio ſuper ſindonem.

OMnipotens ſempiternæ Deus, qui reſurgens à mortuis, Paſſione caſſata, potentioſorem te tuis Diſcipulis reddidiſti, concede propitius: vt nos quoque Reſurrectionis tuæ myſteria celebrantes præſentiæ diuinæ beneficia conſequamur. Qui viuis, & regnas cum Deo.

Offert. ^{Est.} ^{c. 9.} Iſti ſunt dies, quos nulla vnquam delebit obliuio, & per ſingulas generationes cunctæ in toto orbe prouinciæ celebrabunt: **Halleluia, halleluia.**

Dicitur: Credo.

Oratio

Oratio super oblatam.

Accipe, Domine, preces nomini tuo dicatas cum oblationibus supplicantium: ut, quæ mysterijs paschalibus fideliter exequuntur, in tuæ remunerationis veritate percipiant. Per Dominum nostrum.

Præfatio.

Æterne Deus. Quia refulsit in æternum dies nostræ resurrectionis, & gloriæ Domini nostri, Iesu Christi. Qui idem Sacerdos, & Hostia dignanter extitit: non solum qui sanctificet populum, sed ipsos quoque dicatos Maiestati tuæ commendet. Unde profusis gaudijs.

Confractor. **P**opulus acquisitionis annunciate virtutes eius: Halleluia: qui nos de tenebris vocauit in admirabile lumen suum: Hallel. hallel.

Transit. **P**ater noster, qui es in cœlis: Sanctificetur nomen tuum: Adueniat Regnum tuum: Fiat voluntas tua, sicut in cœlo, & in terra: Hall. hall. hall.

Oratio post Communionem.

Abonni nos, quæsumus, Domine, vetustate purgatos: Sacramenti tui veneranda perceptio in nouam transferat creaturam. Qui viuus.

FERIA V. IN ALBIS.

Missa pro Baptizatis in Ecclesia Hyemali.

Ingressa, & cæteri Cantus
è Missa sequenti.

Oratio super populum:

Deus, qui diuersitatem gentium in confessione tui nominis adunasti, da, quæsumus: ut renatis Fonte Baptismatis vna sit fides mentium, & pietas actionum. Per Dominum.

Epistola Beati Pauli Apostoli ad Philipenses.

Fratres. Hoc sentite in vobis, quod & in Christo Iesu. Qui, cum in forma Dei esset, non rapinam arbi-

tratus est, esse se æqualem Deo; sed semetipsum exinaniuit, formam serui accipiens, in similitudinem hominum factus, & habitu inuentus, ut homo. Humiliauit semetipsum, factus obediens usque ad mortem, mortem autem Crucis. Propter quod & Deus exaltauit illum, & donauit illi nomen, quod est super omne nomen: ut in nomine Iesu omne genuflectatur Cœlestium, Terrestrium, & Infernorum: & omnis lingua confiteatur, quia Dominus Iesus Christus in gloria est Dei Patris.

Halleluia. **V.** Domine, Deus meus, magnificatus es valde: Halleluia. psal. 103.

Lectio sancti Euangelij
secundum Ioannem.

In illo tempore. Dixit Dominus Iesus Discipulis suis, & turbis Iudæorum: Ego sum Panis viuus, qui de cœlo descendi. Si quis manducauerit ex hoc Pane, viuet in æternum; & Panis, quem ego dabo, caro mea est pro mundi vita. Litigabant ergo Iudæi ad inuicem, dicentes: Quomodo potest hic nobis carnem suam dare ad manducandum? Dixit ergo eis Iesus: Amen, amen dico vobis: Nisi manducaueritis carnem Filij hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam: & ego resuscitabo eum in nouissimo die. Caro enim mea verè est cibus, & sanguis meus verè est potus: Qui manducat meam carnem, & bibit meum sanguinem, in me manet, & ego in illo. Sicut misit me viuens Pater; & ego uiuo propter Patrem: & qui manducat me, & ipse viuet propter me. Hic est Panis, qui de cœlo descendit. Non sicut manducauerunt Patres vestri manna, & mortui sunt. Qui manducat hunc Panem, viuet in æternum.

Oratio

Oratio super findonem.

Deus, qui multiplicas sobolem renascentium: fac eos gaudere propitius de suorum venia peccatorum. Per Dominum nostrum.

Oratio super oblatam.

Suscipe, quæsumus, Domine, munera populorum tuorum propitius: ut confessione tui nominis, & sacro Baptismate renouati, sempiternam beatitudinem consequantur. Per Dominum nostrum.

Præfatio.

Per Christum Dominum nostrum. De cuius morte vita surrexit: de Passione salus ascendit: de poena Crucis remedium pietatis, gloria de damnatione, medicina de vulnere. Unus namque mori voluit, ne omnes moremur: immo vnus mori dignatus est, ut omnes nos perpetuò viueremus. Propterea profusis gaudijs.

Oratio post Communionem.

Præsta, quæsumus, omnipotens Deus: ut, qui paschalia sacramenta percepimus, æternæ vitæ gaudia percipere mereamur. Per Dominum.

FERIA V. IN ALBIS.

Missa de Octaua in omni Ecclesia.

Ingressa.

Vltericem manum tuam, Domine, laudauerunt pariter: Halleluia. Quia sapientia aperuit os mutorum, & linguas infantium fecit disertas: Hallel. hallel.

Gloria in excelsis Deo.

Oratio super populum.

Deus, qui nobis ad celebrandum paschale sacramentum liberiores animos præstitisti: doce nos & metuere, quod irasceris, & amare, quod præcipis. Per Dominum.

Commemoratio S. Ambrosij.

Deus, qui propter Ecclesiæ tuæ gubernacula disponenda sic eius

Principes sublimasti, ut minimos quosque non deseras, præsta, quæsumus: ut apostolicæ fidei, doctrinæque vestigia vel longè sequamur imitando, quæ licet infirmo comitamur officio. Per Dominum nostrum, Iesum Christum, Filium tuum, qui tecum viuit, & regnat.

Lectio Actuum Apostolorum.

In diebus illis. Respondit Petrus ad ^{Cap. 3.} populum: Viri Israelitæ, Deus Abraham, & Deus Isaac, & Deus Iacob, Deus Patrum nostrorum glorificauit Filium suum Iesum, quem vos quidem tradidistis, & negastis ante faciem Pilati, iudicante illo dimitti. Vos autem Sanctum, & Iustum negastis, & petistis virum homicidam donari vobis: Auctorem verò vitæ interfecistis, quem Deus suscitauit à mortuis, cuius nos testes sumus. Et nunc, fratres, scio, quia per ignorantiam fecistis, sicut & Principes vestri. Deus autem, quæ prænunciavit per os omnium Prophetarum, pati Christum suum, sic impleuit. Pœnitementi igitur, & conuertimini, ut deleantur peccata vestra.

Psalmell. Hæc dies, quam fecit Dominus; exulemus, & lætemur in ea. ^{Psalm. 117.}

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

Fratres. Calix benedictionis, cui ^{Cap. 10.} benedicimus, nonne communicatio Sanguinis Christi est? & Panis, quem frangimus, nonne participatio Corporis Domini est? Quoniam vnus Panis, vnum Corpus multi sumus, omnes, qui de vno Pane, & de vno Calice participamus.

Halleluia. **V.** Venite, exulemus ^{Psalm. 94.} Domino, iubilemus Deo Salutari nostro: Halleluia.



Lectio sancti Euangelij
secundum Matthæum.

IN illo tempore. Undecim Discipu-
li abiérunt in Galilæam, in mon-
tem, vbi constituerat illis Iesus. Et vi-
dentes eum adorauerunt: quidam au-
tem dubitauerunt. Et accedens Iesus
locutus est eis, dicens: Data est mihi
omnis potestas in cœlo, & in terra.
Euntes ergo docete omnes gentes:
baptizantes eos in nomine Patris, &
Filij, & Spiritus Sancti: docentes eos
seruare omnia, quæcunque mandavi
vobis. Et ecce ego vobiscum sum,
omnibus diebus vsque ad consumma-
tionem sæculi.

Antiphona post Euangelium.

Lauda anima mea Dominum: Hallel.
Laudabo Dominum in vita mea: Hall.
Psallam Deo meo, quandiu ero: Hall.

Oratio super sindonem.

DEus, qui ad æternam vitam in-
Christi Resurrectione nos repa-
ras, erige nos ad confedentem ad
dexteram tuam nostræ salutis Aucto-
rem: vt, qui propter nos iudicandus
aduénit, pro nobis iudicaturus mitis
adueniat. Qui tecum viuit.

Commemoratio S. Ambrosij.

Sancti Ambrosij nos, quæsumus,
Domine, iugiter prosequatur ora-
tio: vt, quod petitio nostra non im-
petrat, ipso pro nobis interueniente,
præstetur. Per Dominum nostrum.

Offert. Ego audiui à Patre meo, quia
tu, Domine, assumpsisti Israel ex om-
nibus gentibus, & Patres nostros ex
omni progenie eorum in hæredita-
tem æternam, & fecisti eis, quæcun-
que locutus es. Et per singulas gene-
rationes cunctæ in toto orbe prouin-
ciæ celebrabunt: Hallel hallel.

Dicitur: Credo.

Oratio super oblatam.

Concede, quæsumus, misericors
Deus: vt, quod paschalibus exe-

quimur institutis, fructiferum nobis
omni tempore sentiamus. Per Dñm.

Commemoratio S. Ambrosij.

Hæc in nobis sacrificia, Deus, inter-
cedente Beatissimo Confessore
tuo Ambrosio: & actione permaneant,
& operatione firmentur. Per Dñm.

Præfatio.

Per Christum Dominum nostrum.
Qui oblatione sui Corporis, re-
môtis sacrificijs carnalibus victima-
rum, seipsum tibi pro salute nostra of-
ferens, idem Sacerdos, & sacer Agnus
exhibuit. Unde profusis gaudijs.

Confract. Christus resurgens à mor-
tuis iam non moritur: Hallel. Mors
illi vltra non dominabitur. Hall. hall.

Transit. Hymnum canite Agni mun-
di lauacro Fontis renati, satiati Cor-
pore Christi: Hallel. hallel.

Oratio post Communionem.

Exaudi Domine preces nostras: &
redemptionis nostræ sacrosan-
cta commercia & vitæ nobis confe-
rant præsentis auxilium, & gaudia
sempiterna concilient. Per Dñm.

Commemoratio S. Ambrosij.

Hæc nos communio, Domine,
purget à crimine: &, interce-
dente Beato Pontifice, & Confessore
tuo Ambrosio, cœlestium remedio-
rum faciat esse consortes. Per Dñm.

FERIA VI. IN ALBIS.

Missæ pro Baptizatis in Eccl. Hyemali.

Ingressa, & cæteri Cantus

è Missa sequenti.

Oratio super populum.

Omnipotens, sempiterne Deus,
qui populum tuum quondam,
Iordane transiecto, Terram fecisti
Promissionis intrare, præsta, quæsu-
mus: vt, significationis antiquæ, & ve-
ritatis patefactis mysterijs, per sacra-
menta Baptismatis, adoptionis tuæ fi-
lij Regno cœlesti mereantur ascribi.
Per Dominum.

E pi-

Epistola Beati Pauli Apostoli
ad Ephesios.

Fratres. Omnis sermo malus ex ore vestro non procedat; sed si quis bonus ad ædificationem fidei, ut det gratiam audientibus. Et nolite contristare Spiritum Sanctum Dei, in quo signati estis in diem redemptionis. Omnis amaritudo, & ira, & indignatio, & clamor, & blasphemia tollatur à vobis cum omni malitia. Estote autem inuicem benigni, misericordes, donantes inuicem; sicut & Deus in Christo donauit vobis.

Halleluia. V. Domine, Deus meus, magnificatus es valde: Halleluia.

 **Lectio.** sancti Euangelij secundum Ioannem.

In illo tempore. Dixit Dominus Iesus turbis Iudæorum: Ego sum panis vitæ. Qui venit ad me, non esuriat: & qui credit in me, non sitiet vnquam. Sed dixi vobis, quia & vidistis me, & non creditis. Omne, quod dat mihi Pater, ad me veniet: & eum, qui venit ad me, non eijciam foras. Quia descendi de cælo, non ut faciam voluntatem meam, sed voluntatem eius, qui misit me. Hæc est enim voluntas eius, qui misit me, Patris: ut omne, quod dedit mihi, non perdam ex eo, sed resuscitem illud in nouissimo die. Hæc est autem voluntas Patris mei, qui misit me: ut omnis, qui videt Filium, & credit in eum, habeat vitam æternam: & ego resuscitabo eum in nouissimo die.

Oratio super findonem.

Deus, qui credentes in te populos gratiæ tuæ largitate multiplicas, respice propitius ad electionem tuam: ut, qui sacramento Baptismatis sunt renati, Regni cœlestis mereantur introitum. Per Dominum nostrum, Iesum Christum.

Oratio super oblatam.

Hostias, Domine, quæsumus, placatus assume: quas & pro reatorum expiatione deferimus, & pro acceleratione cœlestis auxilij. Per Dominum nostrum.

Præfatio.

Per Christum Dominum nostrum. Qui secundum promissionis suæ incommutabilem veritatem cœlestis Pontifex factus in æternum, solus omnium Sacerdotum peccati remissione non eguit: sed potius peccatum mundi idem verus Agnus absterfit. Per quem Maiestatem tuam.

Oratio post Communionem.

Fac, quæsumus, omnipotens Deus: ut, qui paschalibus remedijs innouati similitudinem terreni Parentis euasimus, ad formam cœlestis transferamur Auctoris. Qui tecum viuunt.

FERIA VI. IN ALBIS.

Missa de Octaua in omni Ecclesia.

Ingressa.

Populus acquisitionis annunciate virtutes eius: Halleluia: qui vos de tenebris vocauit in admirabile lumen suum: Hall. hall.

Gloria in excelsis Deo.

Oratio super populum.

Omnipotens, sempiternæ Deus, qui paschale sacramentum in reconciliationis humanæ fœdere contulisti, da mentibus nostris: ut, quod professione celebramus, imitemur effectu. Per Dominum nostrum.

Lectio Libri Genesis.

In diebus illis. Melchisedech Rex Salem proferens panem, & vinum (erat enim Sacerdos Dei altissimi) benedixit Abram, & ait: Benedictus Abram Deo excelsio, qui creauit cœlum, & terram: & benedictus Deus excelsus, quo protegente, hostes in manibus tuis sunt. Et dedit ei decimas

ex omnibus. Dixit autem Rex Sodomorum ad Abram: Da mihi animas: cætera tolle tibi. Qui respondit ei: Leuo manum meam ad Dominum. Deum excelsum, possessorem cæli, & terræ, quod à filo subtegminis usque ad corrigiam caligæ non accipiam ex omnibus, quæ tua sunt, ne dicas: Ego ditavi Abram; exceptis his; quæ comedérunt iuuenes, & partibus virorum, qui venerunt mecum Aner, Eschol, & Mambre. Isti accipient partes suas.

Psalmell. Hæc dies, quam fecit Dominus: exulemus, & lætemur in ea.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Corinthios prima.

Cap. 15. **F**Ratres. Si Christus prædicatur, quod surrexit à mortuis, quomodo quidam dicunt in vobis, quoniam resurrectio mortuorum non est? Si autem resurrectio mortuorum non est; neque Christus surrexit. Si autem Christus non surrexit, inanis est ergo prædicatio nostra; inanis est & fides vestra. Inuenimur autem & falsi testes Dei; quoniam testimonium diximus aduersus Deum, quod suscitauerit Christum, quem non suscitauit, si mortui non resurgunt. Nam, si mortui non resurgunt, neque Christus surrexit. Quod si Christus non surrexit; vana est fides vestra; adhuc enim estis in peccatis vestris. Ergo &, qui dormierunt in Christo, perierunt. Si in hac vita tantum in Christo sperantes sumus, miserabiliores sumus omnibus hominibus. Nunc autem Christus surrexit à mortuis, primitiæ dormientium. Quoniam quidem per hominem mors, & per hominem resurrectio mortuorum. Et sicut in Adam omnes moriuntur; ita

& in Christo omnes viuificabuntur.

Hallelùiah. **V.** Dominus regnauit, ^{psal. 91.} decorem induit: induit Dominus fortitudinem, & præcinxit se virtutem: **Hallelùiah.**



Lectio sancti Euangelij secundum Marcum.

Cap. 16. **I**N illo tempore. Maria Magdalenæ, & Maria Iacobi, & Salome emerunt aromata, ut venientes vngerent Iesum. Et valde mane una Sabbatorum, veniunt ad monumentum, orto iam sole. Et dicebant ad inuicem: Quis reuoluet nobis lapidem ab ostio monumenti? Et respicientes viderunt reuolutum lapidem. Erat quippe magnus valde. Et introeuntes in monumentum viderunt iuuenem sedentem in dextris, coopertum stolâ candidâ, & obstupuerunt. Qui dicit illis: Nolite expauescere: Iesum queritis Nazarenum crucifixum? Surrexit; non est hic. Ecce locus, ubi posuerunt eum. Sed ite; dicite Discipulis eius, & Petro, quia præcedit vos in Galilæam: ibi eum videbitis, sicut dixit vobis.

Antiphona post Euangelium.

Exaudiuit Deus de Templo sancto suo vocem meam: Hallel. Et clamor meus in conspectu eius: Hallel. Introiuit in aures eius: Hallel. hallel. hallel. ^{psal. 17.}

Oratio super sindonem.

DA nobis, Domine, quæsumus: ut paschalia gaudia, quæ lætanter exequimur, perpetua virtute nos tueantur, & saluent. Per Dominum. **Offertor.** Resurrexit, tanquam dormiens Dominus: tanquam potens, crapulatus à vino: Hallel. ^{psal. 77.}

Dicitur: Credo.

Oratio super oblatam.

ACcipe, Domine, fidelium preces cum oblationibus hostiarum: ut per hæc pia deuotionis officia ad coelestem gloriam transeamus. Per Dominum. **Præ-**

Præfatio.

Terne Deus : Poscentes , vt , cuius muneris mysticum pignus accepimus , manifesta dona comprehendere valeamus . Et , quæ nobis fideliter speranda paschale contulit sacramentum , attingere mereamur Resurrectionis dominicæ firmitate . Per eundem Christum .

Confract. Quasi modò geniti infantes , Hallelûiah , rationabile sine dolo lac concupiscite : Hallel. hallel.

Transit. Maria , & Martha dum venirent ad monumentum , Angeli splendentes apparuerunt , dicentes : Quem quæritis ? Viuentem inter mortuos ? Non est hic . Venite , & videte locum , vbi iacuit . Citò euntes , dicite Discipulis eius , quia surrexit Dominus : Hall.

Oratio post Communionem.

Respice , quæsumus , Domine , populum tuum : & quem æternis dignatus es renouare mysterijs , à temporalibus culpis dignanter absolue . Per Dominum nostrum .

SABBATO IN ALBIS.

Missa pro Baptizatis in Eccl. Hyemali.

Ingressa , & cæteri Cantus
è Missa sequenti.

Oratio super populum.

Deus , qui humani generis es reparator : fac Ecclesiam tuam in noua prole semper augeri , & deuotione cunctorum crescere filiorum . Per Dominum nostrum .

Epistola Beati Pauli Apostoli
ad Ephesios.

Ratres . Obsecro vos , ne deficiatis in tribulationibus meis pro vobis : quæ est gloria vestra . Huius rei gratiâ flecto genua mea ad Patrem Domini nostri , Iesu Christi : ex quo omnis paternitas in cœlis , & in terra nominatur ; vt det vobis secundum diuitias gloriæ suæ , virtute cor-

roborari per Spiritum eius in interioriorem hominem , habitare Christum per fidem in cordibus vestris , in charitate radicati , & fundati ; vt possitis comprehendere cum omnibus sanctis , quæ sit latitudo , & longitudo , & sublimitas , & profundum : scire etiam supereminentem scientiæ charitatem Christi ; vt impleamini in omnem plenitudinem Dei . Ei autem , qui potens est omnia facere superabundanter , quam petimus , aut intelligimus , secundum virtutem , quæ operatur in nobis : ipsi gloria in Ecclesia , & in Christo Iesu in omnes generationes sæculi sæculorum . Amen .

Hallelûiah . **V.** Domine , Deus meus , magnificatus es valde : Hallelûiah .



Lectio sancti Euangelij
secundum Ioannem.

In illo tempore . Surgit Dominus Iesus à cœna , & ponit vestimenta sua : & , cum accepisset linteum , præcinxit se . Deinde misit aquam in peluim , & coepit lauare pedes Discipulorum , & extergere linteo , quo erat præcinctus . Venit ergo ad Simonem Petrum . Et dicit ei Petrus : Domine , tu mihi lauas pedes ? Respondit Iesus , & dixit ei : Quod ego facio , tu nescis modò : scies autem postea . Dicit ei Petrus : Non lauabis mihi pedes in æternum . Respondit ei Iesus : Si non lauero te ; non habebis partem mecum . Dicit ei Simon Petrus : Domine , non tantum pedes meos , sed & manus , & caput . Dicit ei Iesus . Qui lotus est , non indiget , nisi vt pedes lauet : sed est mundus totus . Et vos mundi estis , sed non omnes . Sciebat enim , quisnam esset , qui traderet eum . Propterea dixit : Non estis mundi omnes . Postquam ergo lauit pedes eorum , & accipit vestimenta sua ; cum recubuiisset , iterum dixit eis : Scitis , quid fecerim vobis ?

vobis? Vos vocatis me, Magister, & Domine; & bene dicitis; sum etenim. Si ergo ego laui pedes vestros, Dominus, & Magister; & vos debetis alter alterius lauare pedes. Exemplum enim dedi vobis; vt quemadmodum ego feci vobis, ita & vos faciatis.

Oratio super sindonem.

L Argere, quæsumus, Ecclesiæ tuæ Deus, & à suis semper, & ab alienis abstinere delictis: vt pura tibi mente seruiens pietatis tuæ remedia sine cessatione percipiat. Per Dñm.

Oratio super oblatam.

Familiam tuam, Domine, quam per paschalia festa lætificas: his quoque sacrificijs emundatam à cunctis defende periculis. Per Dominum nostrum.

Præfatio.

Æquum, & salutare, nos te, omnipotens Domine, suppliciter exorare: vt fidelibus tuis dignanter impendas, quò & paschalia capiant sacramenta, & desideranter expectent ventura; vt in mysterijs, quibus renati sunt, permanentes, ad nouam vitam, his operantibus, perducantur. Et ideo cum Angelis, & Archangelis.

Oratio post Communionem.

Exaudi nos omnipotens Deus: & corda familiæ tuæ, cui perfectam Baptismatis gratiam contulisti, ad promerendam beatitudinem aptes æternam. Per Dominum.

SABBATO IN ALBIS.

Missa de Octaua in omni Ecclesia.

Ingressa.

Resurrexit, tanquam dormiens, Dominus: Halleluia: tanquam potens crapulatus à vino: pascere Iacob populum suum, & Israel hæreditatem suam. Et pauit eos: Halleluia, halleluia.

Gloria in excelsis Deo.

Oratio super populum.

Concede, quæsumus, omnipotens Deus: vt, qui paschalia festa venerando egimus, per hæc pertingere ad gaudia æterna mereamur. Per Dominum nostrum.

Lectio Actuum Apostolorum.

In diebus illis. Petrus dixit ad populum: Viri Israelitæ; quid miramini in hoc: aut nos quid intuemini, quasi nostra virtute, aut potestate fecerimus hunc hominem ambulare? Deus Abraham, & Deus Isaac, & Deus Iacob, Deus Patrum nostrorum glorificauit Filium suum Iesum: quem vos quidem tradidistis, & negastis ante faciem Pilati, iudicante illo dimitti. Vos autem Sanctum, & Iustum negastis: & petistis, virum homicidam donari vobis; Authorem verò vitæ interfecistis, quem Deus suscitauit à mortuis; cuius nos testes sumus. Et in fide nominis eius hunc, quem vos videtis, & nostis, confirmauit nomen eius; & fides, quæ per eum est, dedit integram sanitatem istam in conspectu omnium vestrum.

Psalmell. Hæc dies, quam fecit Dominus: exulemus, & lætemur in ea. **V.** Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Timotheum prima.

Charissime. Obsecro primùm omnium fieri obsecrationes, orationes, postulationes, gratiarum actiones pro omnibus hominibus; pro Regibus; & omnibus, qui in sublimitate sunt; vt quietam, & tranquillam vitam agamus in omni pietate, & castitate. Hoc enim bonum est, & acceptum coram Salvatore nostro Deo, qui omnes homines vult saluos fieri, & ad agnitionem veritatis venire. Unus enim Deus, vnus & Mediator Dei,

Dei, & hominum, homo Christus Iesus, qui dedit redemptionem semetipsum pro omnibus: cuius testimonium temporibus suis confirmatum est. In quo positus sum ego Prædicator, & Apostolus (veritatem dico, non mentior) Doctor Gentium in fide, & veritate:

Halleluia. *V.* Præueniamus faciem eius in confessione, & in psalmis iubilemus illi: Hallel.



Lectio sancti Evangelij secundum Ioannem.

In illo tempore. Manifestavit se iterum Iesus Discipulis ad Mare Tiberiadis: manifestavit autem sic. Erant simul Simon Petrus, & Thomas, qui dicitur Didymus, & Nathanael, qui erat à Cana Galilææ, & filij Zebedæi, & alij ex Discipulis eius duo. Dicit eis Simon Petrus: Vado piscari. Dicunt ei: Venimus & nos tecum. Et exierunt, & ascenderunt in nauim: & illa nocte nihil prendiderunt. Mane autem iam facto, stetit Iesus in litore, non tamen cognouerunt Discipuli, quia Iesus est. Dicit ergo eis Iesus: Pueri; nunquid pulmentarium habetis? Responderunt ei: Non. Dicit eis: Mittite in dexteram nauigij rete, & inuenietis. Miserunt ergo: & iam non valebant illud trahere præ multitudine piscium. Dicit ergo Discipulus ille, quem diligebat Iesus, Petro: Dominus est. Simon Petrus, cum audisset, quia Dominus est; tunicâ succinxit se (erat enim nudus) & misit se in mare. Alij autem Discipuli nauigio venerunt (non enim longè erant à terra, sed quasi cubitis ducentis) trahentes rete piscium. Ut ergo descenderunt in terram, viderunt prunas positas, & piscem superpositum, & panem. Dicit eis Iesus: Afferte de piscibus, quos prendidistis nunc. Ascendit Simon Petrus: & traxit rete in

terram, plenum magnis piscibus, centum quinquaginta tribus. Et cum tanti essent, non est scissum rete. Dicit eis Iesus: Venite, prandete. Et nemo audebat discumbentium interrogare eum: Tu quis es? scientes, quia Dominus est. Et venit Iesus: & accepit panem, & dabat eis, & piscem similiter. Hoc iam tertio manifestatus est Iesus Discipulis suis, cum resurrexisset à mortuis.

Antiphona post Euangelium.

Lauda anima mea Dominum: Halleluia. Laudabo Dominum in vita mea: Halleluia. Psallam Deo meo, quandiu ero: Halleluia. Psal. 145.

Oratio super sindonem.

Omnipotens, sempiterne Deus, quem, docente Spiritu Sancto, paterno nomine inuocare præsumimus, effice in nobis filiorum corda, fidelium: vt hæreditatem promissam mereamur ingredi per debitam feruitutem. Per Dominum nostrum &c. in vnitatem eiusdem.

Offert. In die solemnitatis vestræ, dicit Dominus, inducam vos in terram fluentem lac, & mel: Hallel. Leu. 20.

Dicitur: Credo.

Oratio super oblatam.

Accepe Domine fidelium preces cum oblationibus supplicantium: vt paschalibus initiata mysterijs ad æternitatis nobis proficiant hæc dona suffragium. Per Dominum.

Præfatio.

Æterne Deus: Et nunc maxime gratulari, quando dies salutis nostræ, & tuæ erga nos pietatis mysterium solemniter celebratur. Quo de tenebris captiuitatis antiquæ filij lucis, & libertatis efficimur: & terrenis exiiti ad coelestia dona transimus. Propterea profusis gaudijs totus in orbe terrarum.

Confract. Ecce iam tertio manifesta- Io. 11.
uit

uit se Dominus Iesus Discipulis suis, postquam surrexit à mortuis: Hallel.

Tranſi. Postquam surrexit Dominus à coena, misit aquam in peluim, coepit lauare pedes Discipulorum suorum: Halleluia. Si ergo Dominus, & Magister vester laui pedes vestros, Halleluia; quantò magis vos debetis alter alterius pedes lauare? Hall.

Oratio post Communionem.

Redemptionis nostræ munere vegetati, quæsumus, Domine: vt hoc perpetuæ salutis auxilium fides semper vera perficiat. Per Dñm.

DOMINICA I.

Post Pascha, in Albis Depositis.

Ingressa.

Psal.
109.



Duxit Dominus populum suum in exultatione: Halleluia, & electos suos in lætitia: Halleluia: halleluia.

Gloria in excelsis Deo.

Oratio super populum.

Præſta, quæsumus, omnipotens Deus: vt, qui feſta paſchalia peregrimus, hæc, te largiente, moribus, & vitâ teneamus. Per Dominum.

Lectio Actuum Apostolorum.

cap. 4. **I**n diebus illis. Repletus Spiritu Sancto Petrus dixit ad eos: Principes populi, & Seniores audite. Iesus Nazarenus, quem vos crucifixistis, quem Deus ſulcitauit à mortuis: hic eſt lapis, qui reprobatus eſt à vobis ædificantibus, qui factus eſt in caput anguli: & non eſt in alio aliquo ſalus. Nec enim aliud nomen eſt ſub cœlo datum hominibus, in quo oporteat nos ſaluos fieri. Videntes autem Petri conſtantiam, & Ioannis, comperto quòd homines eſſent ſine literis, & idiõtæ, admirabantur: & cognoſcebant eos, quoniam cum Ieſu fuerant. Hominem quoque videntes ſtantem cum

eis, qui curatus fuerat, nihil poterant contradicere. Iuſſerunt autem, eos foras extra concilium ſecedere: & conferebant adinuicem, dicentes: Quid faciemus hominibus iſtis? Quoniam quidem notum ſignum factum eſt per eos omnibus habitantibus Ieruſalem: manifeſtum eſt, & non poſſumus negare. Sed ne amplius diuulgetur in populum, comminèmur eis, ne vltra loquantur in nomine hoc vlli hominum. Et vocantes eos, denunciauerunt, ne omnino loquerentur, neque docerent in nomine Ieſu. Petrus verò, & Ioannes reſpondentes, dixerunt ad eos: Si iuſtum eſt in conſpectu Dei, vos potiùs audire, quam Deum; iudicate. Non enim poſſumus, quæ vidimus, & audiuiſumus, non loqui. At illi comminantes dimiſerunt eos: non inuenientes, quomodo punirent eos, propter populum; quia omnes clarificabant id, quod factum fuerat in eo, quod acciderat.

Psalmell. Lapidem, quem reproba-
uerunt ædificantes, hic factus eſt in
caput anguli.

ŷ. Conſitemini Domino; quoniam bonus; quoniam in ſæculum miſericordia eius.

Epistola Beati Pauli Apostoli ad Coloffenses.

FRatres. Videte, ne quis vos decipiat per philoſophiam, & inanem fallaciam: ſecundum traditionem hominum, ſecundum elementa mundi, & non ſecundum Chriſtum. Quia in ipſo inhabitat omnis plenitudo diuinitatis corporaliter: & eſtis in illo replèti, qui eſt caput omnis Principatus, & Potestatis. In quo & circunciſi eſtis circuncifione non manufacta in expoliatione corporis carnis, ſed in circuncifione Chriſti, conſepulti ei in Baptiſmo: in quo & reſurrexiſtis per fidem operationis Dei, qui

qui suscitauit illum à mortuis. Et vos, cum mortui essetis in delictis, & præputio carnis vestræ, conuiuificauit cum illo: donans vobis omnia delicta: delens, quod aduersus nos erat, chirographum decreti, quod erat contrarium nobis. Et ipsum tulit de medio, affigens illud Cruci: & exponians Principatus, & Potestates, traduxit confidenter palam, triumphans illos in semetipso.

^{Psal.}
^{94.} **Halleluia.** *V.* Venite: exultemus Domino: iubilemus Deo salutari nostro: Halleluia.

In ferijs dicitur V. sequens:

^{Psal.}
^{77.} **Halleluia.** *V.* Resurrexit, tanquam dormiens, Dominus: tanquam potens, crapulatus à vino: Hallel.

 **Lectio sancti Euangelij**
secundum Ioannem.

^{Cap.}
^{20.} **C**um serò esset die illo, vnâ Sab-
batorum: & fores essent clausæ,
vbi erant Discipuli congregati prop-
ter metum Iudæorum; venit Iesus, &
stetit in medio, & dicit eis; Pax vo-
bis. Et, cum hoc dixisset, ostendit
eis manus, & latus. Gauisi sunt ergo
Discipuli, viso Domino. Dixit ergo
eis iterum: Pax vobis. Sicut misit me
Pater; & ego mitto vos. Hoc cum di-
xisset, insufflauit, & dicit eis: Accipi-
te Spiritum Sanctum: quorum remi-
seritis peccata, remittuntur eis: &
quorum retinueritis, retenta sunt.
Thomas autem, vnus ex Duodecim,
qui dicitur Didymus, non erat cum
eis, quando venit Iesus. Dixerunt er-
go ei alij Discipuli: Vidimus Domi-
num. Ille autem dixit eis: Nisi videro
in manibus eius fixuram clauorum,
& mittam digitum meum in locum
clauorum, & mittam manum meam
in latus eius; non credam. Et post
dies octo iterum erant Discipuli eius
intus, & Thomas cum eis. Venit Ie-
sus ianuis clausis, & stetit in medio, &

dixit: Pax vobis. Deinde dicit Tho-
mæ: Infer digitum tuum huc, & vide
manus meas, & affer manum tuam,
& mitte in latus meum: & noli esse
incredulus, sed fidelis. Respondit
Thomas, & dixit ei: Dominus meus,
& Deus meus. Dicit ei Iesus: Quia
vidisti me, Thoma; credidisti: beati,
qui non viderunt, & crediderunt.
Multa quidem, & alia signa fecit Iesus
in conspectu Discipulorum suorum,
quæ non sunt scripta in libro hoc.
Hæc autem scripta sunt; vt credatis,
quia Iesus est Christus Filius Dei; &
vt credentes, vitam habeatis in no-
mine eius.

Antiphona post Euangelium.

Laudate Dominum omnes Angeli ^{Psal.}
eius: laudate eum omnes Virtutes ^{148.}
eius. Laudate eum Sol & Luna: lau-
date eum omnes stellæ, & lumen: :
Halleluia.

Oratio super sindonem:

Deus, innocentia restitutor, &
amator, dirige ad te tuorum
corda famulorum: & quos de infide-
litis tenebris liberaſti, nunquam à
tuæ veritatis luce discedant. Per Dñm.

Offert. **Præparatum est ministerium** ^{2. Par.}
Domini: & celebrauerunt filij Israel ^{35.}
Pascha: & offerebant holocausta Do-
mino super Altare: Hallel. hallel.

Dicitur. Credo.

Oratio super oblatam.

Respice Domine munera exultan-
tis Ecclesiæ: & salutis credentium
perpetua sanctificatione fumenda
concede. Per Dominum nostrum.

Præfatio.

Æterne Deus: Suppliciter exo-
rantes: ne nos ad illum finas
redire actum, cui iure dominatur ini-
micus; sed in hac potius facias abso-
lutione persistere, per quam Diabo-
lus extitit, Filio tuo vincente, capti-
uus. Et ideo cum Angelis.

Con-

^{10.} **Confract.** R. **E**surgens Iesus Dominus
^{20.} noster, stans in medio Discipulorum
suorum, dixit: Pax vobis: Halleluia.
Gauisi sunt Discipuli, viso Domino.
Halleluia.

^{10.} **Transit.** **M**itte manum tuam, & co-
^{20.} gnosce loca clauorum: Halleluia: &
noli esse incredulus, sed fidelis: Hal-
leluchia, halleluchia, halleluchia.

Oratio post Communionem.

Exuberet, quæsumus, Domine,
mentibus nostris paschalis gra-
tia sacramenti: vt donis tuis ipsa nos
dignos efficiat. Per Dominum.

In Ferijs post Octauam Paschæ di-
citur Missa de Dominica, quæ Ferias
illas immediatè præcesserit; sed ritu
feriali; hoc est, cum Versu post Epi-
stolam assignato pro Ferijs; & sine
Gloria in excelsis, Lectione, ac Psal-
mello, Antiph. post Euang., & Credo.

DOMINICA II.

Post Pascha.

Ingressa.

Psal.
118.



Misericordiâ Domini ple-
na est terra: Halleluchia.
Verbo Domini cœli fir-
mati sunt: Halleluchia,
halleluchia.

Gloria in excelsis Deo.

Oratio super populum.

Misericors Domine, fidelium tuo-
rum consolator, & doctor, au-
ge in Ecclesia tua desideria, quæ de-
disti: & de intelligenda altitudine
promissionum tuarum sperantium in
te corda confirma; vt omnes adop-
tionis filij lumen, quod nondum of-
tendis, fidei oculis incunctanter in-
tueantur, & patienter expectent. Per
Dominum nostrum.

Lectione Actuum Apostolorum.

^{Cap. 9.} **I**n diebus illis. Fuit Saulus cum Di-
scipulis, qui erant Damâsci, per
dies aliquot. Et continuò ingressus in

Synagogas prædicabat Iesum, quo-
niam hic est Filius Dei. Stupebant
autem omnes, qui audiebant, & dice-
bant: Nonne hic est, qui expugnabat
in Ierusalem eos, qui inuocabant no-
men istud: & huc ad hoc venit, vt
vinctos illos duceret ad Principes Sa-
cerdotum? Saulus autem multò ma-
gis conualefcebat: & confunde-
bat Iudæos, qui habitabant Damâsci, affir-
mans, quoniam hic est Christus. Cum
autem implerentur dies multi, consi-
lium fecerunt Iudæi, vt eum interfi-
cerent. Notæ autem factæ sunt Sau-
lo insidiæ eorum. Custodiebant au-
tem, & portas die, ac nocte, vt eum
interficerent. Accipientes autem
eum Discipuli eius nocte, per murum
dimiserunt eum, submittentem in spor-
ta. Cum autem venisset in Ierusalem,
tentabat se iungere Discipulis: & om-
nes timebant eum, non credentes,
quod esset Discipulus. Barnabas au-
tem apprehensum illum duxit ad
Apostolos: & narrauit illis, quomo-
do in via vidisset Dominum, & quo-
modo in Damasco fiducialiter egerit
in nomine Iesu. Et erat cum illis in-
trans, & exiens in Ierusalem, & fidu-
cialiter agens in nomine Domini.

Psal. Mell. Misere mei Deus; quo-
niam in te confidit anima mea.

Ps. Misit de cœlo, & liberauit me: de-
dit in opprobrium conculcantes me.

Epistola Beati Pauli Apostoli
ad Philippenses.

Fratres. Imitatôres mei estôte: &
obseruate eos, qui ita ambu-
lant, sicut habetis formam nostram.
Multi enim ambulant, quos sæpe
dicebam vobis (nunc autem & flens
dico) inimicos Crucis Christi: quo-
rum finis interitus: quorum Deus ven-
ter est: & gloria in confusione ipso-
rum, qui terrena sapiunt. Nostra au-
tem conuersatio in cœlis est: vnde
etiam

etiam Saluatorem expectamus, Dominum nostrum, Iesum Christum. Qui reformabit corpus humilitatis nostræ, configuratum corpori claritatis suæ secundum operationem, qua etiam possit subiicere sibi omnia. Itaque fratres mei charissimi, & desideratissimi, gaudium meum & corona mea, sic stete in Domino.

Halleluia. Dominus regnavit, decorem induit: induit Dominus fortitudinem, & præcinxit se virtutem: Halleluia.

In Ferijs.

Halleluia. Resurrexit, tanquam dormiens, Dominus: tanquam potens, crapulatus à vino: Halleluia.

Lectio sancti Evangelij secundum Ioannem.

In illo tempore. Vidit Ioannes Iesum venientem ad se, & ait: Ecce Agnus Dei, ecce qui tollit peccatum mundi. Hic est, de quo dixi: Post me venit vir, qui ante me factus est; quia prior me erat. Et ego nesciebam eum; sed ut manifestetur in Israel, propterea veni ego, in aqua baptizans. Et testimonium perhibuit Ioannes, dicens: Quia vidi Spiritum descendentem, quasi columbam de cælo, & mansit super eum. Et ego nesciebam eum; sed, qui misit me baptizare in aqua, ille mihi dixit: Super quem videris Spiritum descendentem, & manentem super eum, hic est, qui baptizat in Spiritu Sancto. Et ego vidi: & testimonium perhibui, quia hic est Filius Dei.

Antiphona post Euangelium.

Nos populus tuus, & oves gregis tui, confitebimur tibi, Deus, in sæcula. In generatione, & generationem annuntiabimus laudem tuam: Hallel.

Oratio super sindonem.

Deus, qui in Filij tui humilitate iacentem mundum erexisti, si-

delibus tuis perpetuam concede lætiam: ut, quos à perpetuæ mortis eripuisti casibus, gaudijs facias perfrui sempiternis. Per eundem Dominum.

Offert. Iubilate Domino Deo, vniuersa terra: psalmum dicite nomini eius. Venite, & audite: & enarrabo vobis, omnes, qui timetis Deum, quanta fecerit Dominus animæ meæ: Halleluia.

Dicitur: Credo.

Oratio super oblatam.

Deus, qui nos per huius sacrificij veneranda commercia vnius, summæque Diuinitatis participes effecisti, præsta, quæsumus: ut, sicut tuam cognoscimus veritatem; sic eam dignis moribus assequamur. Per Dñm.

Præfatio.

Æterne Deus. Qui omnia mundi elementa fecisti, & varias disposuisti temporum vices: atque homini ad tuam imaginem condito, vniuersa simul animantia, rerumque miracula subiecisti. Cui licet origo terræna sit; tamen regeneratione Baptismatis, cœlestis ei vita confertur. Nam, deuicto mortis Authore, immortalitatis est gratiam consecutus: &, præuaricationis errore casato, viam reperit veritatis. Per Christum.

Confract. Pater, cum essem cum eis, ego seruabam eos, quos dedisti mihi: Halleluia. Nunc autem ad te venio. Non rogo, ut tollas eos de mundo, sed ut serues eos à malo: Hall. hall.

Transitor. Qui manducauerit corpus meum, & biberit Sanguinem meum, ipse in me manet, & ego in eo, dicit Dominus: Halleluia.

Oratio post Communionem.

Præsta nobis omnipotens, & misericors Deus: ut viuificationis tuæ gratiam consequentes in tuo semper munere gloriemur. Per Dominum nostrum.

DO.

DOMINICA IIJ.

Post Pascha.

Ingressa.



Nelina Domine aurem tuam, & exaudi me. Saluum fac feruum tuum Deus meus sperantem in te. Misere mihi; quoniam ad clamaui tota die: Halleluia.

Gloria in excelsis Deo.

Oratio super populum.

Deus, qui fidelium mentes vnus efficis voluntatis, da populis tuis id amare, quod præcipis; id desiderare, quod promittis: vt inter mundanas varietates ibi nostra fixa sint corda, vbi vera sunt gaudia. Per Dñm.

Lectio Actuum Apostolorum.

In diebus illis. Audientes Principes Sacerdotum, & Pharisei Apostolos, dissecabantur, & cogitabant interficere illos. Surgens autem quidam in concilio Phariseus, nomine Gamaliel, Legis Doctor, honorabilis vniuersæ plebi iussit, foras ad breue homines fieri. Dixitque ad illos: Viri Israelitæ, attendite vobis super hominibus istis, quid acturi sitis. Ante hos enim dies extitit Theodas, dicens, se esse aliquem: cui consensit numerus virorum circiter quadringentorum: qui occisus est, & omnes, qui credebant ei, dissipati sunt, & reducti ad nihilum. Post hunc extitit Iudas Galilæus in diebus professionis, & auertit populum post se: & ipse periit, & omnes, quotquot consenserunt ei, dispersi sunt. Et nunc itaque dico vobis: Discedite ab hominibus istis, & finite illos. Quoniam si est ex hominibus consilium hoc, aut opus; dissoluetur: Si verò ex Deo est; non poteritis dissoluere eos; ne fortè & Deo repugnare inueniamini: Conenserunt autem illi: & conuocantes

Apostolos, cæsis denunciauerunt, ne loquerentur in nomine Iesu: & dimiserunt eos. Et illi quidem ibant gaudentes à conspectu concilij; quoniam digni habiti sunt pro nomine Iesu contumeliam pati. Omni autem die non cessabant in Templo, & circa domos, docentes, & euangelizantes Christum Iesum.

Psalmell. Esto mihi in Deum protectorem, & in domum refugij; vt saluum me facias.

V. Deus, in te speraui, Domine; non confundar in æternum. In tua iustitia libera me, & eripe me.

Epistola Beati Pauli Apostoli ad Corinthios secunda.

Fratres. Quæ secundum Deum, tristitia est, poenitentiam in salutem stabilem operatur: sæculi autem tristitia mortem operatur. Ecce enim hoc ipsum, secundum Deum, contristari vos, quantam in vobis operatur sollicitudinem: sed defensionem, sed indignationem, sed timorem, sed desiderium, sed æmulationem, sed vindictam. In omnibus exhibuistis vos incontaminatos esse negotio. Igitur etsi scripsi vobis, non propter eum, qui passus est; sed ad manifestandam sollicitudinem nostram, quam habemus pro vobis coram Deo. Ideò consolati sumus.

Halleluia. **V.** Præueniamus faciem eius in confessione, & in psalmis iubilamus illi: Hallel.

In Ferijs.

Halleluia. **V.** Resurrexit, tanquam dormiens, Dominus: tanquam potens, crapulatus à vino: Hallel.

Lectio sancti Euangelij secundum Ioannem.

In illo tempore. Dixit Dominus Iesus Discipulis suis: Modicum; & iam non videbitis me: & iterum; modicum, & videbitis me; quia vado ad Patrem.

Patrem. Dixerunt ergo ex Discipulis eius adinuicem: Quid est hoc, quod dicit nobis: Modicum; & non videbitis me: & iterum modicum; & videbitis me; & quia vado ad Patrem? Dicebant ergo: Quid est hoc, quod dicit; Modicum? Nescimus, quid loquitur. Cognouit autem Iesus, quia volebant eum interrogare, & dixit eis: De hoc quæritis inter vos, quia dixi: Modicum; & non videbitis me, & iterum modicum; & videbitis me. Amen, amen dico vobis, quia plorabitis, & flebitis vos: mundus autem gaudebit: vos autem contristabimini; sed tristitia vestra vertetur in gaudium. Mulier, cum parit, tristitiam habet; quia venit hora eius: cum autem peperit puerum, iam non meminit pressuræ propter gaudium; quia natus est homo in mundum. Et vos igitur nunc quidem tristitiam habetis: iterum autem videbo vos, & gaudebit cor vestrum: & gaudium vestrum nemo tollet à vobis.

Antiphona post Euangelium.

Sperate in eo omnis conuentus plebis: effundite coram illo corda vestra; quia Deus adiutor noster est: Hallel.

Oratio super findonem.

Deus, qui misericordiæ ianuam fidelibus patere voluisti, respice in nos, & miserere nostri: vt, qui voluntatis tuæ viam, te donante, sequimur, à vitæ nunquam tramite deuiemus. Per Dominum nostrum.

Offert. Super flumina Babylonis, illic sedimus, & fleuimus, dum recordaremur tui, Sion: Hallel.

Dicitur: Credo.

Oratio super oblatam.

Benedictionem tuam, Domine, nobis conferat salutarem sacramentum: vt, quod agit mysterio, virtute perficiat. Per Dominum nostrum.

Præfatio.

Per Christum Dominum nostrum. Qui humanis misertus erroribus per Virginem nasci dignatus est: & per Passionem mortis à perpetua nos morte liberauit, ac Resurrectione sua æternam nobis contulit vitam, idem Iesus Christus, Dominus noster. Quem vnà tecum.

Confract. Panem de cœlo dedisti nobis, Domine, habentem omne delectamentum, & omnem saporem suauitatis: Hallel. hallel.

Transit. Sacramentum cœleste cum timore accipite: & satiamini de Christi dulcedine. Panem cœli dedit Dominus: Panem Angelorum manducauit homo: Hallel. hallel.

Oratio post Communionem.

Sacramenta, quæ sumpsimus, quæsumus, Domine: & spiritualibus nos instaurent alimentis; & corporalibus tueantur auxilijs. Per Dñm.

DOMINICA IV.

Post Pascha.

Ingressa.

Dominus illuminatio mea, & salus mea; quem timebo? Dominus defensor vitæ meæ; à quo trepidabo? Qui tribulant me, inimici mei, infirmati sunt, & ceciderunt: Hallel.

Gloria in excelsis Deo.

Oratio super populum.

Deus, qui errantibus, vt in viam possint redire iustitiæ, veritatis tuæ lumen ostendis: da cunctis, qui christiana professione censentur, & illa respuere, quæ huic inimica sunt nomini, & ea, quæ sunt apta, sectari. Per Dominum nostrum.

Lectio Actuum Apostolorum.

In diebus illis. Multitudinis creditum erat cor vnum, & anima vna:

Q

nec

nec quisquam eorum, quæ possidebat, aliquid suum esse dicebat; sed erant illis omnia communia. Et virtute magna reddebant Apostoli testimonium Resurrectionis Iesu Christi, Domini nostri: & gratia magna erat in omnibus illis. Neque enim quisquam egens erat inter illos. Quotquot enim possessores agrorum, aut domorum erant, vendentes afferebant pretia eorum, quæ vendebant: & ponebant ante pedes Apostolorum. Diuidebatur autem singulis, prout cuique opus erat. Ioseph autem, qui cognominatus est Barnabas ab Apostolis (quod est interpretatum Filius consolationis) Leuites, Cyprius genere, cum haberet agrum, vendidit eum, & attulit pretium, & posuit ante pedes Apostolorum. Vir autem quidam, nomine Ananias, cum Saphira vxore sua vendidit agrum: & fraudauit de pretio agri, conscia vxore sua: & afferens partem quandam, ad pedes Apostolorum posuit. Dixit autem Petrus ad Ananiam: Anania, cur tentauit Satanas cor tuum, mentiri te Spiritui Sancto, & fraudare de pretio agri? Nonne manens tibi manebat, & venundatum in tua erat potestate? Quare posuisti in corde tuo hanc rem? Non es mentitus hominibus, sed Deo. Audiens autem Ananias hæc verba, cecidit, & expirauit. Et factus est timor magnus super omnes, qui audierunt. Surgentes autem iuuenes amouerunt eum, & efferentes sepelierunt. Factum est autem quasi horarum trium spatium: & vxor ipsius, nesciens, quod factum fuerat, introiuit. Dixit autem ei Petrus: Dic mihi mulier, si tanti agrum vendidisti? At illa dixit: Etiam tanti. Petrus autem ad eam: Quid utique conuenit vobis tentare Spiritum Domini? Ecce pedes eorum, qui sepelierunt virum,

tuum ad ostium, & efferent te. Confestim cecidit ante pedes eius, & expirauit. Intrantes autem iuuenes inuenerunt illam mortuam: & extulerunt, & sepelierunt ad virum suum. Et factus est timor magnus in vniuersa Ecclesia: & in omnes, qui audierunt hæc. **Psalmell.** Oculi mei semper ad Dominum; quoniam ipse euellet de laqueo pedes meos.

Ps. Respice in me, & miserere mei; quia vnicus, & pauper sum ego.

Epistola Beati Pauli Apostoli ad Philipenses.

FRatres. Obedite Deo, sicut semper obedistis: non vt in presentia mei tantum, sed multo magis nunc in absentia mea cum metu, & tremore vestram salutem operamini. Deus est enim, qui operatur in vobis & velle, & perficere pro bona voluntate. Omnia autem facite sine murmurationibus, & hesitationibus; vt sitis sine querela, & simplices filij Dei, sine reprehensione in medio nationis prauæ, & peruersæ. Inter quos lucetis, sicut luminaria, in mundo: verbum vitæ continentes ad gloriam meam in die Christi; quia non in vacuum cucurri; neque in vacuum laboravi. Sed & si immolor supra sacrificium, & obsequium fidei vestræ; gaudeo, & congratulor omnibus vobis. Idipsum autem & vos gaudete, & congratulamini mihi.

Halleluia. **Ps.** Venite: exultemus Domino: iubilemus Deo Salutari nostro: Halleluia.

In Ferijs.

Halleluia. **Ps.** Resurrexit, tanquam dormiens, Dominus: tanquam potens, crapulatus à vino: Hallel.

✠ Lectio sancti Euangelij secundum Ioannem.

IN illo tempore. Dixit Dominus Iesus Discipulis suis: Vado ad eum, qui

qui misit me: & nemo ex vobis interrogat me; Quò vadis? Sed, quia hæc locutus sum vobis, tristitia impleuit cor vestrum. Sed ego veritatem dico vobis: Expedit vobis, vt ego vadam. Si enim non abiero; Paraclétus non veniet ad vos: Si autem abiero, mittam eum ad vos. Et, cum venerit ille, arguet mundum de peccato, & de iustitia, & de iudicio. De peccato quidem; quia non crediderunt in me: de iustitia verò; quia ad Patrem vado, & iam non videbitis me: de iudicio autem; quia Princeps huius mundi iam iudicatus est. Adhuc multa habeo vobis dicere; sed non potestis portare modò. Cum autem venerit ille Spiritus veritatis, docebit vos omnem veritatem. Non enim loquetur à semetipso; sed, quæcunque audiet, loquetur; & quæ ventura sunt, annuntiabit vobis. Ille me clarificabit; quia de meo accipiet, & annuntiabit vobis.

Antiphona post Euangelium.

Domine, Domine Deus, omnium Creator, terribilis, & fortis, iustus, & misericors, solus, & bonus: qui solus præstas, congrega dispersionem nostram: Halleluia.

Oratio super sindonem.

Actiones nostras, quæsumus, Domine, aspirando præueni, & adiuuando prosequere: vt cuncta nostra operatio à te semper incipiat, & per te cœpta finiatur. Per Dominum.

Offertor. Exaudi Domine iustitiam meam: intende deprecationem meam. Mirifica misericordias tuas, qui saluos facis sperantes in te, Domine: Hallel.

Dicitur: Credo.

Oratio super oblatam.

His nobis, Domine, mysterijs conferatur: quò terrena desideria, mitigantes discamus amare cœlestia. Per Dominum nostrum, Iesum Christum, Filium tuum.

Præfatio.

Aterne Deus: Postulantes, vt tempora, quibus post Resurrectionem Dominus noster, Iesus Christus cum suis Discipulis corporaliter habitauit, pia deuotione tractemus. Quem vnà tecum, omnipotens Pater.

Confract. Domine Deus meus, in te speraui; libera me ab omnibus persequentibus me, & eripe me: Hallel.

Transit. Angeli circundedérunt Altare: & Christus administrat Panem sanctorum, & Calicem vitæ in remissionem peccatorum: Hallel.

Oratio post Communionem.

Adesto nobis, Domine, Deus noster: vt per hæc, quæ fideliter sumpsimus, & purgemur à vitijs, & à periculis omnibus eruamur. Per Dñm.

DOMINICA V.

Post Pascha.

Ingressa.



In Antotempore vobiscum sum; & non cognouistis me? Philippe, Halleluia, qui videt me, videt & Patrem meum. Non credis, quia ego in Patre, & Pater in me est? Hall. hall.

Gloria in excelsis Deo.

Oratio super populum.

Deus, qui hoc nobis confers gratiã, vt iusti ex impijs, & beati efficiamur ex miseris: adesto operibus tuis, adesto muneribus; vt, quibus inest fidei iustificatio, non desit perseuerantiæ fortitudo. Per Dñm.

Lectio Actuum Apostolorum.

In diebus illis. Factum est, vt Petrus, dum pertransiret vniuersos, deueniret ad sanctos, qui habitabant Lyddæ. Inuenit autem ibi hominem quendam, nomine Ænéam, ab annis octo iacentem in grabato: qui erat paralyticus. Et ait illi Petrus: Ænéa,

fanet te Dominus, Iesus Christus. Surge, & sterne tibi. Et continuo surrexit: & viderunt eum omnes, qui habitabant Lyddæ, & Sarônæ, qui conuersi sunt ad Dominum. In Ioppe autem fuit quædam discipula, nomine, Tabitha, quæ interpretata dicitur Dorcas. Hæc erat plena operibus bonis, & eleemosynis, quas faciebat. Factum est autem in diebus illis, vt infirmata moreretur. Quam cum lauissent, posuerunt eam in coenaculo. Cum autem propè esset Lydda ad Ioppen; Discipuli audientes, quia Petrus esset in ea, miserunt duos viros ad eum, rogantes: Ne pigritèris venire vsque ad nos. Exurgens autem Petrus venit cum illis. Et cum aduenisset, duxerunt illum in coenaculum: & circumsteterunt illum omnes viduæ flentes, & ostendentes ei tunicas, & vestes, quas faciebat illis Dorcas. Eiectis autem omnibus foràs, Petrus ponens genua orauit, & conuersus ad corpus dixit: Tabitha surge. At illa aperuit oculos suos: & viso Petro, refedit. Dans autem illi manum, erexit eam. Et cum vocasset sanctos, & viduas, assignauit eam viuiam. Notum autem factum est per vniuersam Ioppen; & crediderunt multi in Domino.

Psalmell. Iacta cogitatum tuum in Domino; & ipse te enutriet.

V. Dum clamarem ad Dominum, & ipse exaudiuit vocem meam ab ijs, qui odèrunt me.

Epistola Beati Pauli Apostoli ad Hebræos.

Cap. 12. **F**Ratres. Deponentes omne pondus, & circumstans nos peccatum, per patientiam curramus ad propositum nobis certamen, aspicientes in Authorem fidei, & Consummatorem, Iesum: qui, proposito sibi gaudio, sustinuit Crucem, confusione contempta: atque in dextera sedis Dei sedet.

Recogitate enim eum, qui talem sustinuit à peccatoribus aduersum semetipsum contradictionem; vt nefatigemini, animis vestris deficientes. Nondum enim vsque ad sanguinem restitistis, aduersus peccatum repugnantes: & obliti estis consolationis, quæ vobis tanquam filiis loquitur, dicens: Fili mi, noli negligere disciplinam Domini: neque fatigèris, dum ab eo argueris. Quem enim diligit Dominus, castigat: flagellat autem omnem filium, quem recipit. In disciplina perseuerate. Tanquam filiis vobis offert se Deus.

Hallelùiah. V. Dominus regnavit, decorem induit: induit Dominus fortitudinem, & præcinxit se virtutem: Hall.

In Ferijs.
Hallelùiah. V. Resurrexit, tanquam dormiens, Dominus: tanquam potens, crapulatus à vino: Hallel.

Lectio sancti Euangelij secundum Ioannem.

Cap. 16. **I**N illo tempore. Dixit Dominus Iesus Discipulis suis: Amen, amen dico vobis: Si quid petieritis Patrem in nomine meo; dabit vobis. Usque modo non petistis quicquam in nomine meo. Petite, & accipietis; vt gaudium vestrum sit plenum. Hæc in prouerbijs locutus sum vobis: venit hora, cum iam non in prouerbijs loquar vobis, sed palàm de Patre annunciabo vobis. In illo die in nomine meo petetis: & non dico vobis, quia ego rogabo Patrem de vobis. Ipse enim Pater amat vos; quia vos me amastis; & credidistis; quia ego à Deo exiui. Exiui à Patre, & veni in mundum: iterum relinquo mundum, & vado ad Patrem: Dicunt ei Discipuli eius: Ecce nunc palàm loqueris, & prouerbum nullum dicis. Nunc scimus, quia scis omnia: & non opus est tibi, vt quis te interroget: in hoc credimus, quia à Deo existi.

An-

Antiphona post Euangelium.

^{2. Mac.}
^{c. 1.} **C**ustodi Deus portionem tuam, & sanctifica, Domine: congrega dispersionem nostram: libera eos, qui seruiunt Gentibus; vt sciant omnes, quia tu es Deus noster: Hallel.

Oratio super sindonem.

Auxiliare, Domine, temporibus nostris: vt, tuâ nos vbique dextera protegente, & religionis integritas, & christiani nominis securitas reparata consistat. Per Dominum.

^{Psal.}
^{91.} **Offertor.** Deus firmavit orbem terræ, qui non commouebitur. Parata sedes tua, Deus: ex tunc à sæculo tu es: Hall.

Dicitur: Credo.

Oratio super oblatam.

Concede nobis hæc, quæsumus, Domine, frequentare mysteria: quia, quoties huius hostiæ commemoratio celebratur, opus nostræ redemptionis exercetur. Per Dominum.

Præfatio.

Aterne Deus: Et Maiestatem tuam indefessis precibus exorare, vt mentes nostras bonis operibus semper informes. Quia sic erimus præclari muneris prompta sinceritate cultores; si, ad meliora iugiter transeuntes, paschâle mysterium studeamus habere perpetuum Per Christum.

^{Psal.}
^{3.} **Confract.** Voce mea ad Dominum clamaui; & exaudiuit me de monte sancto suo. Non timebo millia populi circundantis me: Hallel.

^{1. Io.}
^{c. 4.} **Transit.** Diligamus nos inuicem; quia charitas Deus est; &, qui diligit fratrem suum, ex Deo natus est, & videt Deum, & in hoc charitas Dei perfecta est; &, qui facit voluntatem eius, manet in æternum. Hallel.

Oratio post Communionem.

Tribue nobis, quæsumus, Domine, cœlestis mensæ virtute satiat: & desiderare quæ recta sunt, & desiderata percipere. Per Dominum.

IN VIGILIA

Ascensionis Domini

Si in hunc diem inciderit festum, habens Officium Solemne; sit de eo Missa cum Commemoratione Vigiliæ; at in Collegiatis Ecclesijs dicuntur duæ Missæ Conuentuales, vna de Sancto Solemni post Tertiam, altera de Vigilia post Nonam. De cæteris verò Sanctis fit tantum Commemoratio in Missa Vigiliæ.

Ingressa, & cætera, quæ hic defunt, sumantur è Dominica præcedenti, præter Antiphonam post Euangelium, quæ hic non dicitur.

V. Dominus vobiscum.

Oratio super populum.

Præsta, quæsumus, omnipotens Deus; vt nostræ mentis intentio, quò solemnitatis hodiernæ gloriosus Author ingressus est, semper intendat: &, quò fide pergit, conuersatione perueniat. Per eundem Dominum.

Lectio Actuum Apostolorum.

In diebus illis. Receperunt Iudæi ^{Cap.}
sermonem Domini Nostri, Iesu Christi, & baptizati sunt: & appositæ sunt in die illa animæ circiter tria millia. Erant autem perseuerantes in doctrina Apostolorum, & communicatione fractionis Panis, & orationibus. Fiebat autem omni animæ timor: multa quoque prodigia, & signa per Apostolos in Ierusalem fiebant: & metus erat magnus in vniuersis. Omnes etiam, qui credebant, erant pariter, & habebant omnia communia. Possessiones, & substantias vendebant: & diuidebant illa omnibus, prout cuique opus erat. Quotidie quoque perdurantes vnanimiter in Templo, & frangentes circa domos Panem, sumebant cibum cum exultatione, & simplicitate cordis: collaudantes Deum, & habentes gratiam ad omnem plebem. Dominus autem au-
gebat,

gebat, qui salui fierent quotidie in
idipsum.

^{Psalm.}
^{46.} **Hallel.** *V.* Ascendit Deus in iubilatio-
ne, & Dominus in voce tubæ: Hallel.



Lectio sancti Euangelij
secundum Marcum.

^{Cap.}
^{16.}

In illo tempore. Recumbentibus
vndecim Discipulis apparuit Iesus:
& exprobrauit incredulitatem eorum,
& duritiam cordis; quia ijs, qui vide-
rant eum resurrexisse, non credide-
runt. Et dixit eis: Euntes in mundum
vniuersum, prædicate Euangelium
omni creaturæ. Qui crediderit, &
baptizatus fuerit, saluus erit; qui ve-
rò non crediderit, condemnabitur.
Signa autem eos, qui crediderint, hæc
sequentur: in nomine meo Dæmonia
eijcient: linguis loquentur nouis: ser-
pentes tollent: & si mortiferum quid
biberint, non eis nocebit: super ægros
manus imponent, & bene habebunt.
Et Dominus quidem Iesus postquam
locutus est eis, assumptus est in Cœ-
lum, & sedet à dextris Dei. Illi autem
profecti prædicauerunt vbique, Do-
mino cooperante, & sermonem con-
firmante sequentibus signis.

Oratio super sindonem.

Tribue, quæsumus, omnipotens
Deus: vt munere festiuitatis ho-

diernæ illuc filiorum tuorum diriga-
tur intentio, quò in tuo Unigenito te-
cum est nostra substantia. Qui tecum
viuit, & regnat.

Oratio super oblatam.

Suscipe Domine munera, quæ pro
Filijs tui gloriosa Ascensione de-
ferimus: & concede propitius, vt à
præsentibus periculis liberemur, &
ad vitam perueniamus æternam. Per
eundem Dominum nostrum.

Præfatio.

Aterne Deus: Et in hac præci-
puè die, qua Iesus Christus,
Filius tuus, Dominus noster diuini
consummâto fine mysterij, disposi-
tionis antiquæ munus expleuit; vt &
Diabolum, cœlestis operis inimicum,
per hominem, quem subiugârat, eli-
deret; & humanam substantiam ad su-
perna dona reduceret. Quem vnâ te-
cum.

Oratio post Communionem.

Tribue, quæsumus, Domine: vt
per hæc sacrosancta, quæ sump-
simus, illuc tendat nostræ deuotionis
affectus, quò tecum est nostra sub-
stantia. Qui tecum viuit, & regnat
in vnitæte Spiritus Sancti Deus: per
omnia sæcula sæculorum.



ASCENSIONE DOMINI.

Ingressa.

psal.
67.



Sallite Domino, cantate Deo, qui ascendit super Coelos coelorum ad orientem: Halleluia.

Gloria in excelsis Deo.

Oratio super populum.

Deus, qui Ecclesiam tuam evangelicæ doctrinæ exhortatione, quæ sursum sunt, iubes sapere, & ad eandem se altitudinem, ad quam mundi Saluator ascendit, erigere: da populis tuis intellectu capere, quod multi viderunt conspectu; ut in secundo Mediatoris aduentu ditentur donis, qui promissis crediderunt. Per eundem Dominum.

Lectio Actuum Apostolorum.

cap.
1.

In diebus illis. Locutus est Dominus Iesus Discipulis suis, dicens: Vos eritis mihi testes in Ierusalem, & in omni Iudæa, & Samaria, & usque ad ultimum terræ. Et cum hæc dixisset, videntibus illis eleuatus est, & nubes suscepit eum ab oculis eorum. Cumque intuerentur in Cælum euntem illum, ecce duo viri astiterunt iuxta illos in vestibus albis, qui & dixerunt: Viri Galilæi quid statis aspicientes in Cælum? Hic Iesus, qui assumptus est à vobis in Cælum, sic veniet, quemadmodum vidistis eum euntem in Cælum. Tunc reuersi sunt Ierosolymam à monte, qui vocatur Oliuêti: qui est iuxta Ierusalem, Sabbati habens iter. Et cum introissent in Coenaculum, ascenderunt ubi manebant Petrus, &

Ioannes, Iacobus, & Andreas, Philippus, & Thomas, Bartholomæus, & Matthæus, Iacobus Alphæi, & Simon Zelôtes, & Iudas Iacobi. Hi omnes erant perseuerantes vnanimiter in oratione cum mulieribus, & Mariâ matre Iesu, & fratribus eius.

Psalmell. Quis sicut Dominus Deus ^{psal. 112.} noster, qui in altis habitat, & humilia respicit in coelo, & in terra?

Ps. Suscitans à terra inopem, & de stercore erigens pauperem.

Epistola Beati Pauli Apostoli ad Ephesios.

Fratres. Unicuique nostrum data ^{cap. 4.} est gratia secundum mensuram donationis Christi: Propter quod dicit: Ascendens in altum, captiuam duxit captiuitatem, dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est, & qui ascendit super omnes coelos; ut impleret omnia. Et ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores, & Doctores, ad consummationem sanctorum, in opus ministerij, in ædificationem corporis Christi.

Halleluia, halleluia. **Ps.** Ascendit ^{psal. 46.} Deus in iubilatione, & Dominus in voce tubæ: Halleluia.



Lectio sancti Euangelij secundum Lucam.

In illo tempore. Stetit Dominus Iesus ^{cap. 24.} in medio Discipulorum suorum, & dixit eis: Pax vobis: ego sum; nolite

nolite timere. Conturbati verò, & conterriti existimabant se spiritum videre. Et dixit eis: Quid turbati estis, & cogitationes ascendunt in corda vestra? Videte manus meas, & pedes, quia ego ipse sum: palpate, & videte; quia spiritus carnem, & ossa non habet; sicut me videtis habere. Et cum hoc dixisset, ostendit eis manus, & pedes. Adhuc autem illis non credentibus, & mirantibus præ gaudio, dixit: Habetis hic aliquid, quod manducetur? At illi obtulerunt ei partem piscis assi, & fauum mellis. Et cum manducasset coram eis, sumens reliquias dedit eis. Et dixit ad eos: Hæc sunt verba, quæ locutus sum ad vos, cum adhuc essem vobiscum, quoniam necesse est impleri omnia, quæ scripta sunt in Lege Moyse, & Prophetis, & Psalmis de me. Tunc aperuit illis sensum, ut intelligerent Scripturas. Et dixit eis: Quoniam sic scriptum est; & sic oportebat, Christum pati, & resurgere à mortuis tertia die, & prædicari in nomine eius poenitentiam, & remissionem peccatorum in omnes gentes, incipientibus ab Ierusalem. Vos autem testes estis horum. Et ego mitto promissum Patris mei in vos: vos autem sedete in Civitate, quoadusque induamini virtute ex alto. Eduxit autem eos foras in Bethaniam: & eleuatis manibus suis, benedixit eis. Et factum est: dum benediceret illis, recessit ab eis, & ferebatur in coelum. Et ipsi adorantes regressi sunt in Ierusalem cum gaudio magno: & erant semper in Templo laudantes, & benedicentes Deum.

Dicto Euangelio, Cereus Paschalis extinguitur, nec amplius accenditur.

Antiphona post Euangelium.

16. **Ascendo ad Patrem meum, & Patrem**
20 **vestrum, Deum meum, & Deum ve-**
strum: & mittam vobis Paraclétum,
Spiritum: Hallel. hallel.

Oratio super sindonem.

Exaltationem conditionis humanæ substantiæ conditor respice, Deus: ut tua dignatione mundati, sacramentis magnæ pietatis aptemur. Per Dominum nostrum.

Offert. Dominus regnavit, decorem induit. Induit Dominus fortitudinem, & præcinxit se virtutem. Ex tunc à sæculo tu es: Hallel.

Dicitur: Credo.

Oratio super oblatam.

Sacrificium, Domine, supplices pro Filij tui venerabili nunc Ascensione deferimus: præsta, quæsumus, ut nos per ipsum his commercijs sacrosanctis ad cœlestia confurgamus. Per eundem Dominum nostrum.

Præfatio.

Per Christum Dominum nostrum. Qui post Resurrectionem suam sæculis omnibus gloriosam, Discipulis suis visu conspicuus, tactu palpabilis, usque in quadragesimum diem, manifestus apparuit: ipsisque cernentibus est eleuatus in coelum; in id proficientibus inter has moras primitivas, ut certius fieret, quod credidissent, & plenius discerent, quod docerent. Per eundem Christum Dominum nostrum, per quem Maiestatem.

Infra Canonem.

Communicantes, & diem sacratissimum celebrantes, **ut supra in Ordinario Missæ, hac ipsa die Ascensionis.**

Confract. Si abiero, & præparauero vobis locum, Hallelûiah; iterum veniam, & accipiam vos; ut, vbi ego sum, & vos sitis mecum: Hallel.

Transit. Pater noster, qui es in cœlis, sanctificetur nomen tuum. Adueniat Regnum tuum. Fiat voluntas tua, sicut in cœlo, & in terra. Hallelûiah, hallelûiah, hallelûiah.

Ora-

Dominica post Ascensionem Domini.

193

Oratio post Communionem.

Deus, cuius Filius, in alta cœlorum potenter ascendens, captiuitatem nostram sua duxit virtute captiuam, tribue, quæsumus: vt dona, quæ suis participibus contulit, largiatur & nobis. Qui tecum viuit.

In Ferijs post Ascensionem, præterquam triduo Litaniarum, quando non fit de Sanctis, dicitur Missa de Dominica, quæ Férias illas immediatè præcesserit; sed ritu feriali, sicut etiam, pag. 182. de Ferijs post Octauas Paschæ dictum est; & cum sequenti Versu post Epistolam:

Hallelûiah. V. Ascendit Deus in iubilatione, & Dominus in voce tubæ: Hallelûiah.

D O M I N I C A

Post Ascensionem Domini.

Ingressa.



DAcem meam relinquo vobis, Hallelûiah: pacem meam do vobis, hallelûiah. Non turbetur cor vestrum, donec veniam ad vos:

Hallelûiah, hallelûiah.

Gloria in excelsis Deo.

Oratio super populum.

Implorantes Domine misericordiam tuam populos fideles propitius intueri: vt, qui præter te alium non nouerunt, tuis beneficijs glorientur. Per Dominum nostrum.

Lectio Actuum Apostolorum.

In diebus illis. Exurgens Petrus in medio fratrum, dixit (erat autem turba hominum simul ferè centum viginti) Viri fratres, oportet impleri Scripturam, quam prædixit Spiritus Sanctus per os Dauid, de Iuda, qui fuit dux eorum, qui comprehenderunt Iesum: qui connumeratus erat in nobis, & sortitus est sortem mini-

sterij huius. Et hic quidem possedit agrum de mercède iniquitatis, & suspensus crepuit medius, & diffusa sunt omnia viscera eius. Et notum factum est omnibus habitantibus Ierusalem; ita vt appellaretur ager ille Lingua eorum Haceldama, hoc est, Ager sanguinis. Scriptum est enim in Libro Psalmorum: Fiat commoratio eorum deserta, & non sit qui inhabitet in ea: & Episcopatum eius accipiat alter. Oportet ergo ex his viris, qui nobiscum sunt congregati in omni tempore, quo intrauit, & exiuit inter nos Dominus Iesus, incipiens à Baptismate Ioannis vsque in diem, qua assumptus est à nobis, testem Resurrectionis eius nobiscum fieri vnum ex istis. Et statuerunt duos, Ioseph, qui vocabatur Barfabas, qui cognominatus est Iustus, & Matthiam. Et orantes dixerunt: Tu Domine, qui corda nosti omnium, ostende quem elegeris ex his duobus vnum, accipere locum ministerij huius, & Apostolatus, de quo præuarius est Iudas, vt abiret in locum suum. Et dederunt sortes eis: & cecidit fors super Matthiam: & annumeratus est cum vndecim Apostolis.

Psal. 67. Ascendisti in altum, cepisti captiuitatem, dedisti dona hominibus.

V. Qui regis Israel, intende: qui sedes super Cherubim, manifestare. Dedisti dona hominibus.

Epistola Beati Pauli Apostoli ad Romanos.

Fratres. Scimus, quoniam quæcunque Lex loquitur, ijs, qui in Legge sunt, loquitur; vt omne os obstruatur, & subditus fiat omnis mundus Deo; quia ex operibus Legis non iustificabitur omnis caro coram illo. Per Legem enim cognitio peccati. Nunc autem sine Lege iustitia Dei manifestata est, testificata à Lege, & Prophetis. Iustitia autem Dei per fidem

dem Iesu Christi in omnes, & super omnes, qui credunt in eum. Non enim est distinctio. Omnes enim peccauerunt, & egent gloria Dei. Iustificati gratis per gratiam ipsius, per redemptionem, quæ est in Christo Iesu: quem proposuit Deus propitiationem per fidem in sanguine ipsius, ad ostensionem iustitiæ suæ, propter remissionem præcedentium delictorum, in sustentatione Dei, ad ostensionem iustitiæ eius in hoc tempore; ut sit ipse iustificans eum, qui est ex fide Iesu Christi.

Psal. 94. **Hallelûiah.** **V.** Præueniamus faciem eius in confessione, & in psalmis iubilemus illi: Hallel.

In Ferijs.

Psal. 46. **Hallelûiah.** **V.** Ascendit Deus in iubilatione, & Dominus in voce tubæ: Hallelûiah.



Lectio sancti Euangelij
secundum Ioannem.

Cap. 17. **I**N illo tempore. Subleuatis Dominus Iesus oculis in cælum, dixit: Pater, venit hora, clarifica Filium tuum; ut Filius tuus clarificet te; sicut dedisti ei potestatem omnis carnis; ut omne, quod dedisti ei, det eis vitam æternam. Hæc est autem vita æterna: ut cognoscant te solum Deum verum, & quem misisti, Iesum Christum. Ego te clarificaui super terram: opus consummaui, quod dedisti mihi, ut faciam; Et nunc clarifica me, tu Pater apud te ipsum claritate, quam habui, priusquam mundus esset, apud te.

Antiphona post Euangelium.

Io. 20. **A**scendo ad Patrem meum, & Patrem vestrum, Deum meum, & Deum vestrum: & remittam vobis Paraclætum Spiritum: Hallel. hallel.

Oratio super sindonem.

SAncti nominis tui, Domine, timorem pariter, & amorem fac nos

habere perpetuum: quia nunquam, tua gubernatione destituis, quos in soliditate tuæ dilectionis instituis. Per Dominum nostrum.

Offert. **C**uruati sunt cœli; dum calcaret capita nubium Creator astrorum. Et dum ascenderet cœlos Dominator omnium, terrore concussus est numerus Angelorum, laudantium, & dicentium: Quantus sit iste, cui Throni, & Dominationes occurrunt? Hallelûiah, hallelûiah.

Dicitur: Credo.

Oratio super oblatam.

Oblatio nos, Domine, tuo nomini dicanda purificet: & de die in diem ad cœlestis vitæ transferat actionem. Per Dominum.

Præfatio.

Æterne Deus: Poscentes, ut sensibus nostris clementer infundas, ne terrenis affectibus inhærendo, oculos ad cœlestia non leuemus; ne in infimis voluptatibus occupati mentes non valeamus attollere, quò noster Saluator ascendit; & diabolica, sectando vestigia, à Christi consortio recedamus. Quia nemo potest summi, verique Regis celsitudine delectari, nisi pestifera destructa, subuersaque Tyranni iura calcauerit. Per eundem Christum Dominum.

Confractor. **C**um venerit Paraclitus, Spiritus veritatis, ille arguet mundum de peccato, & de iustitia, & de iudicio: Hallel. hallel.

Transit. **S**i diligitis me; mandata mea seruare: Hallel. Iterum mandatum nouum do vobis: ut diligatis inuicem, sicut dilexi vos: Hallel. hallel. hallel.

Oratio post Communionem.

Præsta nobis, quæsumus, omnipotens, & misericors Deus: ut, quæ visibilibus mysterijs sumenda percipimus, inuisibili consequamur effectu. Per Dominum nostrum.

DIE

D I E P R I M O

In Litanijis Minoribus.

Hoc triduo Litaniarum, quæ dicuntur minores, Officium de Sanctis Solemne, aut proprium habentibus transfertur: de alijs verò Sanctis fit tantum Commemoratio in Missa. Ad Missam eodem triduo non dicuntur Cantus, nisi post Lectionem. *Psalm.*
15.
v. Dominus vobiscum.

Oratio super populum.

Praesta, quæsumus, omnipotens Deus: vt, qui in afflictione nostra de tuâ pietate confidimus, contra aduersa omnia tuâ semper protectione muniamur. Per Dominum.

Lectione Ioëlis Prophetæ.

Cap.
2.
Hæc dicit Dominus Deus: Conuertimini ad me in toto corde vestro, in ieiunio, & in fletu, & in planctu: & scindite corda vestra, & non vestimenta vestra. Et conuertimini ad Dominum Deum vestrum; quia benignus, & misericors est, patiens, & multæ misericordiæ, & præstabilis super malitia. Quis scit, si conuertatur, & ignoscat, & relinquat post se benedictionem, sacrificium, & libâmen Domino Deo nostro? Canite tubâ in Sion, sanctificate ieiunium, vocate cœtum, congregare populum, sanctificate Ecclesiam, coadunate senes, congregare paruulos, & fugentes vbera: egrediatur sponsus de cubili suo, & sponsa de thalamo suo. Inter vestibulum, & altare plorabunt Sacerdotes ministri Domini, & dicent: Parce Domine; parce populo tuo: & ne des hæreditatem tuam in opprobrium, vt dominantur eis Nationes. Quare dicunt in populis: Ubi est Deus eorum? Zelatus est Dominus terram suam, & pepercit populo suo. Et respondit Dominus, & dixit populo suo: Ecce ego mittam vobis frumentum, & vinum, & oleum: & replebimini

eis: & non dabo vos vltra opprobrium in Gentibus. Dicit Dominus omnipotens.

Cantus: Conserua me Domine; quoniam in te speraui. Dixi Domino: Deus meus tu es.

✠ Lectio sancti Euangelij secundum Matthæum.

In illo tempore. Videns Dominus Iesus turbas ascendit in montem: & cum sedisset, acceperunt ad eum Discipuli eius: & aperiens os suum, docebat eos, dicens: Beati pauperes spiritu; quoniam ipsorum est Regnum cœlorum. Beati mites; quoniam ipsi possidebunt terram. Beati, qui lugent; quoniam ipsi consolabuntur. Beati, qui esuriunt, & sitiunt iustitiam; quoniam ipsi saturabuntur. Beati misericordes; quoniam ipsi misericordiam consequentur. Beati mundo corde; quoniam ipsi Deum videbunt; Beati pacifici; quoniam filij Dei vocabuntur. Beati, qui persecutionem patiuntur propter iustitiam; quoniam ipsorum est Regnum cœlorum. Beati estis, cum maledixerint vobis homines, & persecuti vos fuerint, & dixerint omne malum aduersum vos mentientes, propter me: gaudete, & exultate; quoniam merces vestra copiosa est in cœlis.

Oratio super sindonem.

Domine Deus, qui ad hoc irasceris, vt subuenias; ad hoc minâris, vt parcas, lapsis manum porrige, & laborantibus multiplici miseratione succurre: vt, qui per te redempti sunt, ad spem vitæ æternæ tua moderatione seruentur. Qui viuus, & regnas cum Deo Patre in vnitæte.

Oratio super oblatam.

Ieiunantium, Domine, quæsumus, supplicum vota propitius intuere: & munera præsentia sanctificans, perceptionem eorum occulta cordis nostri

stri remedia tuâ effice pietate ; vt opera carnalia , & fluxa non teneant , quos institutor ieiunij Christus reparauit Redemptor . Qui tecum viuit .

Præfatio.

AQuum , & salutare , nos te in obseruatione ieiunij quærere , qui es Panis verus , & viuus , de cœlo descendens . Te itaque , humiliantes ieiunio corpora , mentêque famulantes deuotâ per huius sacrificij immolationem rogamus : vt humiliationem ieiunij huius , quam pro nostris reatibus in hac triduana obseruatione perfoluimus , intueâris placatus : & à delictis absoluens ieiunantes , quos incontinentia ciborum in prauitatis transgressionem immerfit , eosdem per continentiam reuoces ad salutem . Quem laudant Angeli .

Oratio post Communionem.

Vitia cordis humani hæc , Domine , quæsumus , medicina compescat : quæ mortalitatis nostræ venit curâre languôres . Per Dominum .

DIE SECUNDO

In Litanijis.

V. Dominus vobiscum.

Oratio super populum.

Deus , qui culpas delinquentium districtè feriendo percutis , fletus quoque lugentium non recuses : vt , qui pondus animaduersionis tuæ cognouimus , etiam pietatis gratiam consequamur . Per Dominum .

Lectio Osée Prophetæ.

Hæc dicit Dominus Deus : Conuertere Israel ad Dominum , Deum tuum ; quoniam corruisti in iniquitate tua . Tollite vobiscum verba , & conuertimini ad Dominum , & dicite ei : Omnem aufer iniquitatem , & accipe bonum ; & reddemus vitulos labiorum nostrorum . Assur non saluabit nos . Super equum non ascen-

demus , nec dicemus vltra : Dij nostri opera manuum nostrarum ; quia eius , qui in te est , misereberis pupilli . Sanabo contritiones eorum , diligam , eos spontaneè ; quia auersus est furor meus ab eis . Ero quasi ros Israel : germinabit , sicut lilium , & erumpet radix eius , vt Libani . Ibunt rami eius , & erit quasi oliua gloria eius , & odor eius , vt Libani . Conuertentur sedentes in vmbra eius : viuent tritico , & germinabunt quasi vinea : memoriale eius , sicut vinum Libani . Ephraim , quid mihi vltra Idôla ? Ego exaudiam , & dirigam eum ego , vt abietem virentem ; ex me fructus tuus inuentus est . Quis sapiens , & intelliget ista ? Intelligens , & sciet hæc ? Quia rectæ viæ Domini , & iusti ambulabunt in eis ; præuaricatores verò corruent in eis .

Cant. In conuertendo Dominus captiuitatem Sion , facti sumus sicut consolati . Psal 125.



Lectio sancti Euangelij
secundum Matthæum.

In illo tempore . Venit Dominus Cap. 15.
Iesus secus Mare Galilææ : & ascendens in montem sedebat ibi . Et accesserunt ad eum turbæ multæ habentes secum mutos , cæcos , claudos , debiles , & alios multos . Et proiecerunt eos ad pedes eius , & curauit eos ; ita vt turbæ mirarentur , videntes mutos loquentes , claudos ambulantes , cæcos videntes . Et magnificabant Deum Israel .

Oratio super sindonem.

Parce , Domine , parce populo tuo : & nullis iam patiaris aduersitatibus fatigari , quos pretioso Filij tui sanguine redemisti . Qui tecum viuit .

Oratio super oblatam.

Hæc munera , quæsumus , Domine : & vincula nostræ prauitatis absoluant , & tuæ nobis misericordiæ dona concilient . Per Dominum .

Præ-

Die tertio in Litanijis.

197

Præfatio.

Æterne Deus : & Maiestatem tuam suppliciter exorare : vt nos non nostræ malitiæ, sed indulgentiæ tuæ præueniat semper affectus : qui nos & à noxijs voluptatibus indefinenter expediat, & à mundanis claudibus dignanter eripiat. Per Christum.

Oratio post Communionem.

Vota nostra, quæsumus, Domine, pio fauore prosequere : vt, dum tua dona in tribulatione percipimus, de consolatione nostra in tuo amore crescamus. Per Dominum.

DIE TERTIO

In Litanijis.

V. Dominus vobiscum.

Oratio super populum.

Deus, qui culpas nostras pijs verberibus percutis, vt nos à nostris iniquitatibus emundes : da nobis & de verbere tuo proficere, & de tua citius consolatione gaudere. Per Dominum.

Lectio Libri Sapientiæ.

Miserere nostri Deus omnium, & respice nos, & ostende nobis lucem miserationum tuarum : & immitte timorem tuum super Gentes, quæ non exquisierunt te ; vt cognoscant, quia non est Deus, nisi tu ; vt enarrent magnalia tua. Alleua manum tuam super Gentes alienas ; vt videant potentiam tuam. Sicut enim in conspectu eorum sanctificatus es in nobis ; sic in conspectu nostro magnificaberis in eis ; vt cognoscant te, sicut & nos cognouimus ; quoniam non est Deus præter te, Domine. Innoua signa, & immuta mirabilia. Glorifica manum, & brachium dextrum. Excita furorem, & effunde iram. Tolle aduersarium, & afflige inimicum. Festina tempus, & memento finis ; vt enarrent mirabilia tua.

Cant. Laudate Dominum omnes Gen-

tes, & collaudate eum omnes populi. **V.** Quoniam confirmata est super nos misericordia eius, & veritas Domini manet in æternum.

✠ Lectio sancti Euangelij secundum Matthæum.

In illo tempore. Conuocatis Dominus Iesus Discipulis suis, dixit : Misereor turbæ ; quia triduo iam perseuerant mecum, & non habent, quod manducant : & dimittere eos ieiunos nolo, ne deficiant in via. Et dicunt ei Discipuli : Unde ergo nobis in deserto panes tantos, vt saturemus turbam tantam ? Et ait illis Iesus : Quot habetis panes ? At illi dixerunt : Septem, & paucos pisciculos. Et præcepit turbæ, vt discumberent super terram. Et accipiens septem panes, & pisces, & gratias agens fregit, & dedit Discipulis suis : & Discipuli dederunt populo. Et comederunt omnes, & saturati sunt : & quod superfuit de fragmentis, tulerunt septem sportas plenas. Erant autem, qui manducauerunt, quatuor millia hominum, extra paruulos, & mulieres.

Oratio super findonem.

Deus, cuius solius est elisos erigere, & peccata deflentium condonare : clementer populi tui suspiria inspicere, & crimina nostra ieiuniorum tempore dele. Per Dominum.

Oratio super oblatam.

Hæc hostia, quæsumus, Domine : & ab occultis Ecclesiam tuam reatibus semper expediat, & manifestis conuenienter expurget. Per Dominum nostrum.

Præfatio :

Æterne Deus : Tuam misericordiam implorantes, vt secundum multitudinem indulgentiarum tuarum ab omnibus nos absolvas peccatis : & ad omnia pietatis opera, te parcente, reparémur : & quos veniâ

R fece-

feceris innocentes, auxilio facias effica-
ces. Per Christum Dominum.

Oratio post Communionem.

Quos munere, Domine, coelesti
reficis, diuino tuere præsidio :
vt tuis mysterijs perfruentes
nullis subdâmur aduersis. Per Domi-
num nostrum, Iesum Christum, Fi-
lium tuum : qui tecum viuit.

*Duabus Ferijs sequentibus, nisi fiat
de Sanctis, dicitur Missa, vt in Domi-
nica præcedenti; sed ritu feriali;
quemadmodum etiam paulò ante
monebamus.*

MISSA IN VIGILIA

Pentecostes.

IN Ecclesia Cathedrali, & in vna-
quaque Collegiata, in qua Fontes
benedicuntur, dictis, quæ proposita
sunt in fine Missalis pag. 127. & dein-
ceps, hoc mane canitur Missa, vt in-
fra. Ubi verò Fontes non benedicun-
tur, finita Lectione quarta, dum ca-
nitur Cantus: Sicut ceruus, incipitur
Missa, & proceditur in ea, vt infra.

Sin autem Missa de hac Vigilia di-
cenda sit priuata, tunc omittuntur
ea omnia prædicta; & absolute Missa
incipitur, vt infra.

¶ Dominus vobiscum.

Oratio super populum.

DEus, cuius Spiritu totum corpus
Ecclesiæ multiplicatur, & regi-
tur: conserua in noua familiæ tuæ
progenie sanctificationis gratiam,
quam dedisti; vt corpore, & mente
renouati, in vnitæ fidei feruentes
tibi Domino seruire mereamur. Per
Dominum nostrum, Iesum Christum,
Filium tuum: qui tecum viuit, & re-
gnat in vnitæ eiusdem Spiritus San-
cti Deus, per omnia sæcula sæculo-
rum.

*Epistola, & Euangelium canuntur
in tono maiori.*

Epistola Beati Pauli Apostoli
ad Corinthios prima.

FRatres. Nobis reuelauit Deus per ^{Cap. 2.}
Spiritus suum. Spiritus enim
omnia scrutatur, etiam profunda
Dei. Quis enim hominum scit, quæ
sunt hominis, nisi spiritus hominis,
qui in ipso est? Ita &, quæ Dei sunt,
nemo cognouit, nisi Spiritus Dei.
Nos autem non Spiritum mundi ac-
cepimus, sed Spiritum, qui ex Deo
est; vt sciamus, quæ à Deo donata
sunt nobis. Quæ & loquimur, non
in doctis humanæ sapientiæ verbis,
sed in doctrina Spiritus, spiritualibus
spiritualia comparantes. Animalis au-
tem homo non percipit ea, quæ sunt
Spiritus Dei. Stultitia enim est illi,
& non potest intelligere; quia spiri-
tualiter examinatur. Spiritualis au-
tem iudicat omnia, & ipse à nemine
iudicatur. Quis autem cognouit sen-
sum Domini, aut quis instruxit eum?
Nos autem sensum Christi habemus.
Halleluia. *¶* Emitte Spiritum tuum; ^{Psal. 103.}
& creabuntur, & renouabis faciem
terræ: Halleluia.

 **L**ectio sancti Euangelij
secundum Ioannem.

IN illo tempore. Dixit Dominus ^{Cap. 15.}
Iesus Discipulis suis: Cùm vene-
rit Paraclitus, quem ego mittam vo-
bis à Patre, Spiritum veritatis, qui à
Patre procedit: ille testimonium per-
hibebit de me: & vos testimonium
perhibebitis; quia ab initio mecum
estis: Hæc locutus sum vobis, vt non ^{Cap. 16.}
scandalizemini. Absque Synagôgis
facient vos; sed venit hora, vt om-
nis, qui interficit vos, arbitretur ob-
sequium se præstare Deo. Et hæc fa-
cient vobis; quia non nouerunt Pa-
trem, neque me. Sed hæc locutus
sum vobis; vt, cùm venerit hora,
eorum reminiscamini; quia ego dixi
vobis. Hæc autem vobis ab initio
non

In Vigilia Pentecostes.

199

non dixi, quia vobiscum eram. At nunc vado ad eum, qui misit me: & nemo ex vobis interrogat me, Quo vadis? Sed, quia hæc locutus sum vobis, tristitia impleuit cor vestrum. Sed ego veritatem dico vobis: Expedit vobis; vt ego vadam. Si enim non abiero; Paraclitus non veniet ad vos: si autem abiero; mittam eum ad vos. Et cum venerit ille, arguet mundum de peccato, & de iustitia, & de iudicio. De peccato quidem; quia non crediderunt in me: de iustitia verò; quia ad Patrem vado, & iam non videbitis me: de iudicio autem; quia Princeps huius mundi iam iudicatus est. Adhuc multa habeo vobis dicere; sed non potestis portare modò. Cum autem venerit ille, Spiritus veritatis, docebit vos omnem veritatem. Non enim loquetur à semetipso; sed, quæcunque audiet, loquetur; & quæ ventura sunt, annuntiabit vobis. Ille me clarificabit; quia de meo accipiet, & annuntiabit vobis.

Oratio super findonem.

Presta, quæsumus, omnipotens Deus: vt, qui tuæ Maiestatis effectu, per Filij tui mirabile sacramentum, cooperante Spiritu Sancto, sunt renati, cœlestis vitæ fiant conuersatione perpetui. Per eundem Dominum nostrum, Iesum Christum, Filium tuum: qui tecum viuit, & regnat

in vnitæ eiusdem Spiritus Sancti Deus: per omnia sæcula sæculorum.

Oratio super oblatam.

Virtute Sancti Spiritus, Domine, munera nostra contingere: vt, quod solemnitæ præsentis suo nomini dedicauit, & intelligibile nobis faciat, & æternum. Per Dominum nostrum, Iesum Christum, Filium tuum: qui tecum viuit, & regnat in vnitæ eiusdem Spiritus Sancti Deus: per omnia sæcula sæculorum.

Præfatio.

Per Christum Dominum nostrum. Qui ascendens super omnes cœlos, sedensque ad dexteram tuam, promissum Spiritum Sanctum hodierna die in filios adoptionis effudit. Unde profusis gaudijs totus in orbe.

Infra Actionem.

Hanc igitur oblationem seruitutis nostræ, sed & cunctæ familiæ tuæ, quam tibi offerimus pro his quoque &c. prout extat in Ordinario Missæ, in die sancto Pentecostes.

Oratio post Communionem.

Concede, quæsumus, omnipotens Deus: vt paschalis perceptio sacramenti mentibus nostris continua perseueret. Per Dominum nostrum, Iesum Christum, Filium tuum: qui tecum viuit, & regnat in vnitæ Spiritus Sancti Deus: per omnia sæcula sæculorum.

Tum absoluuntur Vesperæ:



IN DIE SANCTO PENTECOSTES

*Dicuntur in Collegiatis duæ Missæ: altera pro Baptizatis:
altera de Solemnitate.*

MISSA PRO BAPTIZATIS IN ECCLESIA HYEMALI.

*In Missa pro Baptizatis Ingressa, & cæteri Cantus, & quod infra Canonem,
& Actionem, sumuntur è Missa sequenti.*

Oratio super populum.



Ræsta, quæsumus, omnipotens Deus, ut claritatis tuæ super nos splendor effulgeat: & lux tuæ lucis corda eorum, qui per tuam gratiam renati sunt, Sancti Spiritus illustratione confirmet. Per Dominum &c. in unitate eiusdem Spiritus.

Lectio Actuum Apostolorum.

Cap.
3.

In diebus illis. Petrus, & Ioannes ascendebant in templum ad horam orationis nonam. Et quidam vir, qui erat claudus ex utero matris suæ, baiulabatur: quem ponebant quotidie ad portam Templi, quæ dicitur Speciosa; ut peteret eleemosynam ab introeuntibus in Templum. Is, cum vidisset Petrum, & Ioannem incipientes introire in Templum; rogabat, ut eleemosynam acciperet. Intuens autem in eum Petrus cum Ioanne, dixit: Respice in nos. At ille intendebat in eos, sperans, se aliquid accepturum ab eis. Petrus autem dixit: Argentum, & aurum non est mihi; quod autem habeo, hoc tibi do; in nomine Iesu Christi Nazarenî surge, & ambula. Et, apprehensa manu eius dextera, alleuauit eum: & protinus

consolidatæ sunt bases eius, & plantæ: Et exiliens stetit, & ambulabat: & intrauit cum illis in Templum, ambulans, & exiliens, & laudans Deum.

Halleluia. *Ps. 103.* Emitte Spiritum tuum, & creabuntur, & renouabis faciem terræ: Halleluia.



Lectio sancti Euangelij secundum Ioannem.

In nouissimo die magno festiuitatis *Cap. 7.* stabat Iesus, & clamabat dicens: Si quis sitit; veniat ad me, & bibat. Qui credit in me, sicut dicit Scriptura, flumina de ventre eius fluent aquæ viuæ. Hoc autem dixit de Spiritu, quem accepturi erant credentes in eum. Nondum enim erat Spiritus datus; quia Iesus nondum erat glorificatus.

Oratio super sindonem.

Bonorum omnium Deus author, atque largitor fac, quæsumus: ut Ecclesiæ tuæ proles, te instituentem, succrescens in nouam Filij tui creaturam, Sancto fauente Spiritu nutriatur. Per eundem Dñm &c. in unitate eiusdem.

Oratio super oblatam.

Munera nostra, Domine, Sancti Spiritus sacrentur aduentu: per quem à peccatis omnibus absoluti adoptionis tuæ filij renascantur. Per Dominum &c. in unitate eiusdem.

Præfa-

In die sancto Pentecostes.

201

Præfatio.

Aterne Deus. Quia hodie Sancti Spiritus celebramus aduentum : qui principiis nascentis Ecclesiæ, cunctis gentibus imbuendis, & Deitatis scientiam indidit, & loquelam : in diuersitate donorum mirabilis operator unitatis, variarumque gratiarum distributor : idem & fidei vnus effector, & prædicantium dispensator ipse Linguarum. Propterea profusis gaudijs.

Oratio post Communionem.

Sacris coelestibus, Domine, vitia nostra purgentur : vt muneribus tuis possimus semper aptari. Per Dominum nostrum &c. in unitate eiusdem Spiritus Sancti.

M I S S A

De Solemnitate Pentecostes.

Ingressa.

Act.
2.



Actus est repente de cælo sonus, tanquam aduenientis spiritus vehementis, vbi erant sedentes : Halleluia. Et replati sunt omnes Spiritu Sancto, loquentes magnalia Dei : Halleluia.

Gloria in excelsis Deo.

Oratio super populum.

Deus, qui Discipulis tuis Spiritum Paraclitum in ignis feruore tui amoris mittere dignatus es, da populis tuis in unitate fidei esse feruentes : vt in tua semper dilectione permanentes, & in fide inueniantur stabiles, & in opere efficaces. Qui viuis, & regnas cum Deo Patre in unitate eiusdem.

Lectio Actuum Apostolorum.

Cap. 2. **D**um complerentur dies Pentecostes, erant omnes Discipuli pariter in eodem loco. Et factus est repente de cælo sonus, tanquam ad-

uenientis spiritus vehementis : & repleuit totam domum, vbi erant sedentes. Et apparuerunt illis dispersitæ linguæ tanquam ignis, seditque supra singulos eorum : & repleti sunt omnes Spiritu Sancto : & coeperunt loqui varijs Linguis, prout Spiritus Sanctus dabat eloqui illis. Erant autem in Ierusalem habitantes Iudæi, viri religiosi ex omni natione, quæ sub cælo est. Facta autem hac voce, conuenit multitudo, & mente confusa est ; quoniam audiebat vnusquisque Linguam suam illos loquentes. Stupebant autem omnes, & mirabantur, dicentes : Nonne ecce omnes isti, qui loquuntur, Galilæi sunt ? Et quomodo nos audiuius vnusquisque Linguam nostram, in qua nati sumus ? Parthi, & Medi, & Ælamitæ, & qui habitant Mesopotamiam, Iudæam, & Cappadociam, Pontum, & Asiam, Phrygiam, & Pamphylia, Ægyptum, & partes Libyæ, quæ est circa Cyrenen, & aduenæ Romani, Iudæi quoque, & Profelyti, Cretes, & Arabes : audiuius eos loquentes nostris Linguis magnalia Dei.

Psalmell. **C**or mundum crea in me, Deus : & spiritum rectum innoua in visceribus meis. Ne proicias me à facie tua : & Spiritum Sanctum tuum ne auferas à me. Psalm. 50.

V. Redde mihi lætitiā salutaris tui, & Spiritu principali confirma me.

Epistola Beati Pauli Apostoli ad Corinthios prima.

Fratres. De spiritualibus nolo vos ignorare. Scitis ; quoniam, cum Gentes essetis, ad simulachra muta, prout ducebamini, euntes. Ideo notum vobis facio, quod nemo in Spiritu Dei loquens dicit anathema Iesu. Et nemo potest dicere, Dominus Iesus, nisi in Spiritu Sancto. Diuisiones verò gratiarum sunt, idem autem

Spiritus: & diuisiones ministracionum sunt; idem autem Dominus: & diuisiones operationum sunt; idem verò Deus, qui operatur omnia in omnibus. Unicuique autem datur manifestatio Spiritus ad vtilitatem. Alij quidem per Spiritum datur sermo sapientiæ: alij autem sermo scientiæ secundum eundem Spiritum: alteri fides in eodem Spiritu: alij gratia fanitatum in vno Spiritu: alij operatio virtutum: alij prophetia: alij discretio spirituum: alij genera Linguarum: alij interpretatio sermonum. Hæc autem omnia operatur vnus, atque idem Spiritus, diuidens singulis, prout vult.

^{Sap. 1.} **H**alleluia, halleluia. **V.** Spiritus Domini repleuit orbem terrarum: & hoc, quod continet omnia, scientiam habet vobis: Halleluia.



Lectio sancti Euangelij secundum Ioannem.

^{Cap. 14.} **I**n illo tempore. Dixit Dominus Iesus Discipulis suis: Si diligitis me; mandata mea seruare: & ego rogabo Patrem; & alium Paraclitum, dabit vobis, vt maneat vobiscum in æternum; Spiritum veritatis, quem mundus non potest accipere; quia non videt eum, nec scit eum. Vos autem cognoscetis eum; quia apud vos manebit, & in vobis erit. Non relinquam vos orphanos: veniam ad vos. Adhuc modicum, & mundus me iam non videt. Vos autem videbitis me; quia ego viuo, & vos viuetis. In illo die vos cognoscetis, quia ego sum in Patre meo, & vos in me, & ego in vobis. Qui habet mandata mea, & seruat ea: ille est, qui diligit me. Qui autem diligit me, diligetur à Patre meo: & ego diligam eum, & manifestabo ei meipsum. Dicit ei Iudas, non ille Iscariotes: Domine, quid factum est, quia manifestaturus es nobis teipsum, & non mundo? Respon-

dit Iesus, & dixit ei: Si quis diligit me; sermonem meum seruabit; & Pater meus diliget eum; & ad eum veniemus, & mansionem apud eum faciemus. Qui non diligit me, sermones meos non seruat. Et sermonem, quem audistis, non est meus, sed eius, qui misit me, Patris. Hæc locutus sum vobis apud vos manens. Paraclitus autem Spiritus Sanctus, quem mittet Pater in nomine meo, ille vos docebit omnia, & suggeret vobis omnia, quæcunque dixerò vobis. Pacem relinquo vobis: pacem meam do vobis.

Antiphona post Euangelium.

Cum sanctificatus fuero in vobis, congregabo vos de vniuerso mundo, dabo vobis cor nouum: Hallel. hallel. Eze. c. 36.

Oratio super sindonem.

OMnipotens, sempiternæ Deus, qui paschale sacramentum quinquaginta dierum voluisti mysterio contineri, præsta: vt Gentium facta, dispersio diuisione Linguarum, ad vnā confessionem tui nominis cœlesti munere congregetur. Per Dñm.

Offert. **E**rit hic vobis dies memorialis, Halleluia: & diem festum celebrabitis solemnem Domino: in progenies vestras legitimum sempiternum diem: Hallel. hallel. Ex Leu. 23.

V. Halleluia. Dixit Moyses ad populum: Bono animo estote: adueniet vobis salus à Domino Deo, & pugnet pro vobis: In progenies vestras legitimum sempiternum diem: Halleluia, halleluia. Ex Exo. 14.

Dicitur: Credo.

Oratio super oblatam.

Præsta, quæsumus, Domine: vt, secundum promissionem Filij tui, Domini nostri, Iesu Christi, Spiritus Sanctus & huius nobis sacrificij copiosius reuellet arcānum, & omnem propitius referet veritatem. Per eundem Domi-

Dominica I. post Pentecosten.

203

Dominum nostrum &c. in vnitate
eiusdem Spiritus Sancti.

Præfatio.

Æquum & salutare, nos in hac
præcipua festiuitate gaudere.
Qua sacratissimum Pascha quinquaginta dierum mysterijs tegitur, & mysticus numerus adimpletur: & dispersio Linguarum, quæ dudum per superbiam in confusione facta fuerat, nunc per Spiritum Sanctum adunatur. Hodie enim de cœlis repente sonum audientes Apostoli vnus Fidei symbolum exceperunt, & Linguis varijs Euangelij tui gloriam cunctis gentibus tradiderunt. Per Christum.

**Infra Canonem per totam
etiam Octauam.**

Communicantes, & diem sacratissimum Pentecostes, **vt supra in Ordinario Missæ, in die Sancto, & Octaua Pentecostes: & sic etiam subindè infra Actionem.**

Confract. Ultimo festiuitatis die dicebat Iesus: Qui in me credit, flumina de ventre eius fluent aquæ viuæ. Hoc autem dixit de Spiritu, quem accepturi erant credentes in eum. Halleluia, halleluia.

Transit. Hymnum canite Agni mundi, lauacro Fontis renati, satiati Corpore Christi: Hallel. hallel.

Oratio post Communionem.

Hæc nobis, Domine, munera sumpta proficiant: vt illo iugiter ferueamus Spiritu, quem Apostolis tuis ineffabiliter infudisti. Qui viuus, & regnas cum Deo Patre in vnitate eiusdem Spiritus Sancti Deus.

Præcedens Missa dicitur etiam per totam Octauam Pentecostes; excepto quòd in principio Versus post Epistolam semel tantum dicitur: Hallel.

Feria quarta, & sexta, itemque Sabbatum, sunt Tempora Pentecostes: iisdemque ieiunandum.

DOMINICA I.

Post Pentecosten.

MISSA

DE SANCTISS. TRINITATE.

Ingressa.



Benedicta sit Creatrix, & Gubernatrix omnium Sancta, & indiuidua, Trinitas, & nunc, & semper, & per infinita sæcula sæculorum.

Gloria in excelsis Deo.

Oratio super populum.

Omnipotens, sempiterne Deus, qui dedisti famulis tuis, in confessione veræ Fidei, æternæ Trinitatis gloriam agnoscere, & in potentia Maiestatis adorare Unitatem, quæsumus: vt eiusdem Fidei firmitate ab omnibus muniamur aduersis. Per Dominum nostrum.

Commemoratio Dominicæ.

Deus, in te sperantium fortitudo, adesto propitius inuocationibus nostris: &, quia sine te nihil potest mortalis infirmitas, præsta auxilium gratiæ tuæ; vt in exequendis mandatis tuis & voluntate tibi, & actione placeamus. Per Dominum.

Lectio Libri Genesis.

In diebus illis. Apparuit Dominus Abraham in conualle Mambre sedenti in ostio tabernaculi sui in ipso feruore diei. Cùmque eleuasset oculos, apparuerunt ei tres viri stantes prope eum: quoscùm vidisset, cucurrit in occursum eorum de ostio tabernaculi, & adorauit in terram. Et dixit: Domine, si inueni gratiam in oculis tuis, ne transeas seruum tuum: sed afferam pauxillum aquæ, & lauate pedes vestros, & requiescite sub arbore. Ponamque buccellam panis, & confortate cor vestrum, postea transibitis: idcirco enim declinastis ad seruum vestrum. Qui dixerunt:

Fac,

Fac, vt locutus es. Festinauit Abraham in tabernaculum ad Saram, dixitque ei: Accelera, tria fata similæ commisce, & fac subcinericios panes. Ipse verò ad armentum cucurrit, & tulit inde vitulum tenerrimum, & optimum, deditque puero: qui festinauit, & coxit illum. Tulit quoque butyrum, & lac, & vitulum, quem coxerat, & posuit coram eis: ipse verò stabat iuxta eos sub arbore. Cumque comedissent, dixerunt ad eum: Ubi est Sara Uxor tua? Ille respondit: Ecce in tabernaculo est. Cui dixit: Reuertens veniam ad te tempore isto, vita comite, & habebit filium, Sara vxor tua. Quo audito, Sara risit post ostium tabernaculi.

Psalm. **Psalmell.** Priusquam montes fierent, aut firmaretur orbis terræ, à sæculo, & vsque in sæculum tu es, Domine.

Psalm. **V.** Sciant Gentes, quoniam nomen tibi Deus: tu solus Altissimus super omnem terram.

Epistola Beati Pauli Apostoli ad Corinthios secunda.

Cap. **F**ratres. Gaudete; perfecti estote; exhortamini; idem sapite; pacem habete: & Deus pacis, & dilectionis erit vobiscum. Gratia Domini nostri, Iesu Christi, & charitas Dei, & communicatio Sancti Spiritus sit cum omnibus vobis. Amen.

Psalm. **Halleluia.** **V.** Venite: exulemus Domino, iubilemus Deo salutaris nostro: Halleluia.



Lectio sancti Euangelij secundum Ioannem.

Cap. **I**n illo tempore. Dixit Iesus Discipulis suis: Cum venerit Paraclétus, quem ego mittam vobis à Patre, Spiritum veritatis, qui à Patre procedit, ille testimonium perhibebit de me. Et vos testimonium perhibebitis; quia ab initio mecum estis. Hæc locutus sum vobis, vt non scandali-

zemi. Absque Synagogis facient vos. Sed venit hora: vt omnis, qui interficit vos, arbitretur obsequium, se præstare Deo. Et hæc facient vobis: quia non nouerunt Patrem, neque me. Sed hæc locutus sum vobis, vt, cum venerit hora, eorum reminiscamini; quia ego dixi vobis.

Antiphona post Euangelium.

Laudemus Patrem de cælis, & Filium in excelsis, laudate Sanctum Spiritum omnes Virtutes eius.

Oratio super sindonem.

Domine Deus, Pater Omnipotens, famulos tuæ Maiestati subiectos per vnicum Filium tuum in virtute Sancti Spiritus benedic, & protege: vt ab omni hoste securi in tua iugiter laude latentur. Per eundem Dñm &c. in vnitate eiusdem.

Commemoratio Dominicæ.

Deus, qui te in rectis, ac synceris manere pectoribus asseris: da nobis tuâ gratiâ tales existere, in quibus habitare digneris. Per Dñm.

Offert. Tu es Via; tu es Veritas; tu es Vita Mundi, Domine.

Dicitur: Credo.

Oratio super oblatam.

Sanctifica, quæsumus, Domine Deus, per tui nominis inuocationem huius oblationis hostiam: & per eam nosmetipsos tibi perfice munus æternum. Per Dominum.

Commemoratio Dominicæ.

Hostias nostras tibi, Domine, dicatas placatus assume: & ad perpetuum nobis tribue prouenire subsidium. Per Dominum nostrum.

Præfatio.

Æterne Deus. Qui cum vnigenito Filio tuo, & Spiritu Sancto vnus es Deus, vnus es Dominus: non in vnus singularitate personæ; sed in vnus Trinitate substantiæ. Quod enim de tua gloria, te reuelante,

lante, credimus: hoc de Filio tuo; hoc de Spiritu Sancto sine differentia discretionis sentimus; ut in confessione veræ, sempiternæque Deitatis, & in personis proprietas, & in essentia vnitas, & in Maiestate adoretur æqualitas. Quam laudant Angeli, venerantur Archangeli, Throni, Dominationes, Virtutes, Principatus & Potestates adorant: quam Cherubim & Seraphim &c.

Confract. Te laudamus, ò Beata Trinitas: te adoramus: te glorificamus: auge Fidem credentibus.

Transit. Hæc est Fides Catholica: ut vnum Deum in Trinitate, & Trinitatem in Unitate veneremur.

Oratio post Communionem.

Proficiat nobis ad salutem corporis, & animæ, Domine, Deus noster, huius Sacramenti susceptio: & sempiternæ, Sanctæque Trinitatis

confessio. Per Dominum nostrum, Iesum Christum, Filium tuum: qui tecum viuit, & regnat in vnitatem Spiritus Sancti Deus: per omnia sæcula sæculorum.

Commemoratio Dominicæ.

Tantis, Domine, replenti muneribus, præsta, quæsumus: ut & dona salutaria capiamus, & à tua laude nunquam cessemus. Per Dominum nostrum, Iesum Christum, Filium tuum: qui tecum viuit, & regnat, in vnitatem Spiritus Sancti Deus: per omnia sæcula sæculorum.

In Ferijs post Pentecosten (nisi fiat de Sanctis) dicitur Missa de Dominica, quæ Ferias illas immediatè præcesserit; sed ritu feriali, qualem iam supra descripsimus pag. 50., & 182. Dicit etiam possunt Missæ de Ferijs, ut infra, post Commune Sanctorum distributæ, pag. 25. & deinceps.



206
IN SOLEMNITATE
SACRATISSIMI
CORPORIS CHRISTI.

Ingressa.

Psal.
80.



Ibavit eos ex adipe
frumenti, Hallelùiah:
& de petra melle fa-
tiauit eos: Hallelùiah,
hallelùiah.

Gloria in excelsis Deo.

Oratio super populum.

Deus, qui nobis sub Sacramento
mirabili Passionis tuæ memo-
riam reliquisti, tribue, quæsumus: ita
nos Corporis, & Sanguinis tui Sacra
Mysteria venerari, vt redemptionis
tuæ fructum in nobis iugiter sentia-
mus. Qui viuis, & regnas cum Deo
Patre in vnitae Spiritus Sancti.

Lectio Libri Regum.

L. 3.
4. 19.

In diebus illis. Surgens Eliás abiit
quocunque eum ferebat voluntas:
venitque in Bersabée Iuda, & dimisit
ibi puerum suum, & perrexit in de-
sertum viam vnus diei. Cùmque ve-
nisset, & sederet subter vnā iunipe-
rum; petiuit animæ suæ, vt moreretur;
& ait: Sufficit mihi, Domine,
tolle animam meam; neque enim
melior sum, quàm patres mei. Proie-
citque se, & obdormiuit in vmbra
iuniperi: & ecce Angelus Domini te-
tigit eum: & dixit illi: Surge, & co-
mede. Respexit; & ecce ad caput
suum subcinericius panis, & vas aquæ.
Comedit ergo, & bibit: & rursus ob-
dormiuit. Reuersusque est Angelus
Domini secundò, & tetigit eum, di-
xitque illi: Surge, comede; grandis
enim tibi restat via. Qui, cùm surre-
xisset, comedit, & bibit; & ambulauit
in fortitudine cibi illius quadraginta

diebus, & quadraginta noctibus vs-
que ad montem Dei Horeb.

Psal. 144. **O**culi hominum in te spe-
rant, Domine: & tu das escam illis
in tempore opportuno.

V. Aperis tu manum tuam: & adim-
ples omne animal benedictione.

Epistola Beati Pauli Apostoli
ad Corinthios prima.

Fratres. Ego accepi à Domino, *Cap. 11.*
quod & tradidi vobis: quoniam
Dominus Iesus, in qua nocte tra-
debatur, accepit Panem: & gratias
agens fregit, & dixit: Accipite, &
manducate: Hoc est Corpus meum,
quod pro vobis tradetur. Hoc facite
in meam commemorationem. Simi-
liter & Calicem, postquam coenauit,
dicens: Hic Calix nouum Testamen-
tum est in meo sanguine: hoc facite,
quotiescunque bibetis, in meam com-
memorationem. Quotiescunq; enim
manducabitis Panem hunc, & Cali-
cem bibetis, mortem Domini annun-
ciabitis, donec veniat. Itaque qui-
cunque manducauerit Panem hunc,
vel biberit Calicem Domini indignè,
reus erit Corporis, & sanguinis Do-
mini. Probet autem seipsum homo:
& sic de Pane illo edat, & de Calice
bibat. Qui enim manducat, & bibit
indignè, iudicium sibi manducat, &
bibit, non dijudicans Corpus Domi-
ni.

Hallelùiah, hallelùiah. V. Caro mea
verè est cibus, & Sanguis meus verè
est potus. Qui manducat meam Car-
nem, & bibit meum Sanguinem, in
me manet, & ego in illo: Hallel.

Lectio

In Festo Corporis Christi.

207



Lectio sancti Euangelij
secundum Ioannem.

IN illo tempore. Dixit Dominus
Iesus turbis Iudæorum: Ego sum
Panis vitæ. Patres vestri manducaue-
runt manna in deserto: & mortui
sunt. Hic est Panis de coelo descen-
dens: vt, si quis ex ipso manducaue-
rit, non moriatur. Ego sum Panis vi-
uus, qui de coelo descendi. Si quis
manducauerit ex hoc Pane; viuet in
æternum; & Panis, quem ego dabo,
Caro mea est pro mundi vita. Liti-
gabant ergo Iudæi adinuicem, dicen-
tes: Quomodo potest hic nobis car-
nem suam dare ad manducandum?
Dixit ergo eis Iesus: Amen, amen di-
co vobis: Nisi manducaueritis Car-
nem Filij hominis, & biberitis eius
Sanguinem, non habebitis vitam in-
vobis. Qui manducat meam Car-
nem, & bibit meum Sanguinem, ha-
bet vitam æternam: & ego resuscita-
bo eum in nouissimo die. Caro enim
mea verè est cibus; & Sanguis meus
verè est potus. Qui manducat meam
Carnem, & bibit meum Sanguinem,
in me manet, & ego in illo. Sicut
misit me viuens Pater; & ego viuo
propter Patrem: &, qui manducat
me, & ipse viuet propter me. Hic est
Panis, qui de coelo descendit. Non
sicut manducauerunt patres vestri
manna: & mortui sunt. Qui mandu-
cat hunc Panem, viuet in æternum.

Antiphona post Euangelium.

Ego sum Panis viuus, qui de coelo
descendi: si quis manducauerit ex
hoc Pane, viuet in æternum.

Oratio super sindonem:

Concede nobis omnipotens Deus:
vt, qui solemnitatem Corporis,
& Sanguinis Domini nostri, Iesu Chri-
sti venerando colimus, celestibus
desiderijs accensi fontem vitæ æter-
næ sitiamus. Per eundem Dominum.

Offert. Sacerdotes Domini incensum,
& panem offerunt Deo. Ideo sancti
erunt Deo suo, & non polluent no-
men eius: Hallelùiah.

V. Sicut misit me viuens Pater; &
ego viuo propter Patrem; &, qui
manducat me, & ipse viuet propter
me: Hallelùiah, hallelùiah.

Dicitur: Credo.

Oratio super oblatam.

Ecclésiæ tuæ, quæsumus, Domine,
vnitatis, & pacis propitius dona
concede: quæ sub oblatis muneribus
mysticè designantur. Per Dominum.

Præfatio.

Per Christum Dominum nostrum.
Qui sub specie panis, & vini mi-
rabile Sacramentum nobis declaran-
do monstrauit: & per verba mirabi-
liter prolata, panem, & vinum tran-
substantiauit in Corpus, & Sangui-
nem suum: quod sumendo dignis ad
vitam, indignis esse voluit ad iudi-
cium. O quanta dulcedo, & vita bea-
tis! O quanta mortalitas, & pœna,
damnatis! Vitemus ergo iudicium,
dignè sumendo Sacramentum; vt Re-
gnum mereamur consequi sempiter-
num. Per eundem Christum.

Confract. Quotiescunque manduca-
bitis Panem hunc, & Calicem bibe-
tis, mortem Domini annunciabitis,
donec veniat. Itaque quicumque
manducauerit Panem hunc, & bibe-
rit Calicem Domini indignè, reus erit
Corporis, & Sanguinis Domini.

Transit. Te laudamus, Domine om-
nipotens: qui sedes super Cherubim,
& Seraphim: quem benedicunt An-
geli, & Archangeli, & laudant Pro-
phetæ, & Apostoli. Te laudamus,
Domine, orando, qui venisti peccata
soluendo. Te deprecamur magnum
Redemptorem, quem Pater misit
ouium Pastorem. Tu es Christus Do-
minus Saluator, qui de Mariâ Virgi-
ne

ne es natus. Hunc sacrosanctum Calicem fumentes, ab omni culpa libera nos semper.

Oratio post Communionem.

Sumpsimus, Domine, sacri donamysterij humiliter deprecantes: ut, quæ in tui commemorationem nos facere præcipisti, in nostræ proficiant infirmitatis auxilium. Qui viuis, & regnas cum Deo Patre.

Hæc eadem Missa dicitur etiam infra Octauam; excepto quòd in principio Versus post Epistolam omittitur vnum Halleluia. In hac autem Octaua, tametsi non fiat de Sanctis, vel etiam in eius dies incidentibus; fit tamen de Sanctis, Barnaba, Protasio, & Geruasio, Ioanne Baptista, Petro, & Paulo Apost. cum Commem. Octauæ.

Reliquorum verò Sanctorum Officium, si est Solemne, vel proprium; transfertur: si autem non est Solemne, nec proprium; tunc eorum fit tantum Commemoratio.

DOMINICA II.

Post Pentecosten:

Quæ est intra Oct. Corporis Christi. Ingressa.

Psal.
118.



Ultus es, Domine, & rectum iudicium tuum: fac cum seruo tuo secundum misericordiã tuam.

Gloria in excelsis Deo.

Oratio super populum.

Ecclesiæ tuæ Domine voces placatus admitte: ut, destructis aduersitatibus, & erroribus vniuersis, securã tibi seruiat libertate. Per Dñm.

Commemoratio Octauæ.

Deus, qui nobis sub Sacramento mirabili Passionis tuæ memoriam reliquisti, tribue, quæsumus: ita nos Corporis, & Sanguinis tui sacra Mysteria venerari, ut Redemptionis

tuæ fructum in nobis iugiter sentiamus. Qui viuis, & regnas cum Deo Patre in vnitatem.

Lectio Isaia Prophetæ.

Hæc dicit Dominus Deus: Audi te verbum Domini, qui tremis ad verbum eius. Dixerunt fratres vestri odientes vos, & abijcientes propter nomen meum: Glorificetur Dominus, & videbimus in lætitia vestra: ipsi autem confundentur. Vox populi de Ciuitate; vox de Templo; vox Domini reddentis retributionem inimicis suis. Antequam parturiret, peperit: antequam veniret partus eius, peperit masculum. Quis audiuit vnquam tale: & quis vidit huic simile? Nunquid parturiet terra in die vna: aut parietur gens simul, quia parturuit, & peperit Sion filios suos? Nunquid ego, qui alios parere facio, ipse non pariam? dicit Dominus. Si ego, qui generationem cæteris, tribuo, sterilis ero? ait Dominus, Deus tuus. Lætamini cum Ierusalem, & exultate in ea omnes, qui diligitis eam. Gaude te cum gaudio vniuersi, qui lugētis super eam; ut fugatis, & repleamini ab vberibus consolationis eius; ut mulgeātis, & delicijs affluatis ab omni moda gloria eius. Quia hæc dicit Dominus: Ecce ego declinabo super eam, quasi fluuium pacis, & quasi torrentem inundantem gloriam Gentium, quam sugetis. Ad vbera portabimini, & super genua blandientur vobis. Quomodo, si cui mater blandiatur; ita ego consolabor vos, & in Ierusalem consolabimini. Videbitis, & gaudebit cor vestrum. Dicit Dominus omnipotens.

Psal. mell. Saluum fac seruum tuum, Deus meus, sperantem in te.

V. Auribus percipe, Domine, orationem meam, & intende voci deprecationis meæ.

Epi-

Epistola Beati Pauli Apostoli
ad Galatas.

Fratres. Spiritu ambulate; & desideria carnis non perficietis. Caro enim concupiscit aduersus spiritum; spiritus autem aduersus carnem. Hæc enim sibi inuicem aduersantur: ut non, quæcunque vultis, illa faciatis. Quod si Spiritu ducimini; non estis sub Lege. Manifesta sunt autem opera carnis: quæ sunt fornicatio, immunditia, impudicitia, luxuria, Idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ, inuidiæ, homicidia, ebrietates, comestiones, & his similia. Quæ prædico vobis, sicut prædixi; quoniam, qui talia agunt, Regnum Dei non consequentur. Fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Aduersus huiusmodi non est Lex. Qui autem sunt Christi, carnem suam crucifixerunt cum vitijs, & concupiscentijs. Si uiuimus Spiritu; Spiritu & ambulemus. Non efficiamur inanis gloriæ cupidi, inuicem prouocantes, inuicem inuidentes.

Halleluia. **V.** Dominus regnauit, decorem induit: induit Dominus fortitudinem, & præcinxit se virtutem: Halleluia.

In Ferijs post Oct. Corporis Domini.

Halleluia. **V.** Verbo Domini cæli firmati sunt, & spiritu oris eius omnis virtus eorum: Hallel.

Lectio sancti Euangelij
secundum Matthæum.

In illo tempore. Discumbente Domino Iesu in domo Leui, ecce multi publicani, & peccatores venientes discumbebant cum eo, & Discipulis eius. Et videntes Pharisei dice-

bant Discipulis eius: Quare cum publicanis, & peccatoribus manducat Magister vester? At Iesus audiens ait: Non est opus valentibus medicus, sed malè habentibus. Euntes autem discite, quid est, Misericordiam volo, & non sacrificium. Non enim veni vocare iustos, sed peccatores. Tunc accesserunt ad eum Discipuli Ioannis, dicentes: Quare nos, & Pharisei ieiunamus frequenter; Discipuli autem tui non ieiunant? Et ait illis Iesus: Nunquid possunt filij sponsi ieiunare, quandiu cum illis est sponsus? Venient autem dies cum auferetur ab eis sponsus; & tunc ieiunabunt.

Antiphona post Euangelium.

Domine, Domine Deus, omnium, Creator, terribilis, & fortis, iustus, & misericors, solus, & bonus: qui solus præstas, congrega dispersionem nostram.

Oratio super sindonem.

Porrige dexteram tuam, quæsumus, Domine, plebi tuæ misericordiam postulanti: per quam & terrores declinet humanos, & solatia vitæ immortalis accipiat, & sempiterna gaudia comprehendat. Per Dñm.

Commemoratio Octauæ.

Concede nobis, omnipotens Deus: ut, qui Solemnitatem Corporis, & Sanguinis Domini nostri, Iesu Christi venerando colimus, cœlestibus desiderijs accensi fontem vitæ æternæ sitiamus. Per eundem Dominum.

Offert. **E**go autem dixi in mea abundantia: Non mouebo in æternum. Domine, in voluntate tua præstitisti decori meo virtutem. Domine, clamaui ad te, & sanasti me.

Dicitur: Credo.

Oratio super oblatam.

Adesto, Domine, supplicationibus nostris, & his muneribus
S præ-

præsentiam tuæ Maiestatis interfere: vt, quod nostro seruitio geritur, te potius operante firmetur. Per Dñm.

Commemoratio Octauæ.

Ecclesiæ tuæ, quæsumus, Domine, vnitatis, & pacis propitius dona concede: quæ sub oblatiis muneribus mysticè designantur. Per Dñm.

Præfatio.

Æterne Deus: Maiestatem tuam suppliciter exorantes: vt ab Ecclesia tua, quicquid est noxium, tua virtute repellas, &, quod eidem salutare est, largiaris: nobisque contra superbos Spiritus humilitatem tribuas rationabilem custodire, & gratiam tuam clementer impendas: nec nos humani incertos auxilij derelinquas; sed tuâ, quæ falli non potest, gubernatione conserues. Per Christum Dominum nostrum.

Psal.
3.

Confract. Voce mea ad Dominum, clamaui; & exaudiuit me de monte sancto suo. Non timebo millia populi circundantis me.

Transitor. Corpus tuum frangitur, Christe, Calix benedicatur. Sanguis tuus sit nobis semper ad vitam, & ad saluandas animas, Deus noster: Hall.

Oratio post Communionem.

Quod ore sumpsimus, Domine, pura mente capiamus: vt de Corpore, & Sanguine Domini nostri, Iesu Christi fiat nobis remedium sempiternum. Per eundem.

Commemoratio Octauæ.

Sumpsimus, Domine, sacri dona mysterij, humiliter deprecantes: vt, quæ in tui commemorationem nos facere præcepisti, in nostræ proficiant infirmitatis auxilium. Qui viuis, & regnas cum Deo Patre.

* * * * *

* * * * *

* * *

DOMINICA III.

Post Pentecosten.

Ingressa.



Actus est Dominus protector meus, & eduxit me in latitudinem: saluum me fecit; quoniam voluit me. Psal. 17.

Gloria in excelsis Deo.

Oratio super populum.

Exaudi, Domine, vocem tibi supplicantis Ecclesiæ: quæ in modum vineæ, Filij tui propagata cultoribus firmis in te nititur stare radicibus; vt à præsentis sæculi fluctibus aliena, pullulantis in se populi natiuitate ditata, vbertatis suæ fructibus gloriatur. Per eundem Dominum.

Lectio Ieremiæ Prophetæ.

Hæc dicit Dominus: Maledictus Cap. 17. homo, qui confidit in homine, & ponit carnem brachium suum, & à Domino recedit cor eius. Erit enim quasi myricæ in deserto: & non videbit, cum venerit bonum: sed habitabit in siccitate in deserto, in terra falsuginis, & inhabitabili. Benedictus vir, qui confidit in Domino: & erit Dominus fiducia eius. Et erit quasi lignum, quod transplantatur super aquas: quod ad humorem mittit radices suas, & non timebit, cum venerit æstus. Et erit folium eius viride, & in tempore siccitatis non erit sollicitum, nec aliquando desinet facere fructum. Prauum est cor hominis, & inscrutabile: quis cognoscet illud? Ego Dominus scrutans cor, & probans renes: qui do vnicuique iuxta viam suam, & iuxta fructum adinventionum suarum. Perdix fouit, quæ non peperit: fecit diuitias, & non in iudicio: in dimidio dierum suorum derelinquet eas, & in nouissimo suo erit insipiens. Solium gloriæ altitudinis à principio, locus sanctifica-

etificationis nostræ. Expectatio Israel, Domine: omnes, qui te derelinquunt, confundentur: recedentes à te, in tetra scribentur; quoniam dereliquerunt venam aquarum viventium, Dominum. Sana me, Domine; & sanabor: saluum me fac; & saluus ero; quoniam laus mea tu es. Ecce ipsi dicunt ad me: Ubi est verbum Domini? Veniat. Et ego non sum turbatus, te Pastorem sequens: & diem hominis non desideravi: tu scis. Quod egressum est de labijs meis, rectum in conspectu tuo fuit. Non sis tu mihi formidini: spes mea tu in die afflictionis. Confundantur, qui me persequuntur; & non confundar ego: paueant illi; & non paueam ego: induc super eos diem afflictionis, & duplici contritione contere eos. Hæc dicit Dominus ad me: Vade, & sta in porta filiorum populi, per quam ingrediuntur Reges Iuda, & egrediuntur, & in cunctis portis Ierusalem, & dices ad eos: Audite verbum Domini Reges Iuda, & omnis Iuda, cunctique habitatores Ierusalem, qui ingredimini per portas istas. Dicit Dominus omnipotens.

Psal. 99. **Psalmell.** Conuertere, Domine, aliquantulum, & deprecare super seruos tuos.

V. Domine, refugium factus es nobis à generatione, & progenie.

Epistola Beati Pauli Apostoli ad Romanos.

Cap. 14. **F**ratres. In hoc Christus mortuus est, & resurrexit: ut & mortuorum, & viuorum dominetur. Tu autem quid iudicas fratrem tuum? Aut tu quare spernis fratrem tuum? Omnes enim stabimus ante Tribunal Christi. Scriptum est enim: Viuo ego, dicit Dominus; quoniam mihi flectetur omne genu, & omnis lingua confitebitur Deo. Itaque vnusquis-

que nostrum pro se rationem reddet Deo. Non ergo amplius inuicem iudicemus; sed hoc iudicate magis, ne ponatis offendiculum fratri, vel scandalum. Scio & confido in Domino Iesu, quia nihil commune per ipsum: nisi ei, qui existimat quid commune esse, illi commune est. Si enim propter cibum frater tuus contristatur; iam non secundum charitatem ambulas. Noli cibo tuo illum perdere, pro quo Christus mortuus est. Non ergo blasphemetur bonum nostrum. Non est enim Regnum Dei esca, & potus, sed iustitia, & pax, & gaudium in Spiritu Sancto. Qui enim in hoc seruit Christo, placet Deo, & probatus est hominibus.

Halleluia. **V.** Præueniamus faciem eius in confessione, & in psalmis iubilemus illi: Hallel. Psal. 94.

In Feriis.

Halleluia. **V.** Verbo Domini cœli firmati sunt, & spiritu oris eius omnis virtus eorum: Hallel. Psal. 32.

✠ Lectio sancti Euangelij secundum Lucam.

In illo tempore. Dicebat Dominus Iesus Discipulis suis: Estote misericordes; sicut & Pater vester misericors est. Nolite iudicare; & non iudicabimini: nolite condemnare; & non condemnabimini. Dimittite; & dimittimini; date; & dabitur vobis. Mensuram bonam, & confertam, & coagitatam, & supereffluentem dabunt in sinum vestrum. Eadem quippe mensurâ, quâ mensi fueritis, remetietur vobis. Dicebat autem illis & similitudinem: Nunquid potest cæcus cæcum ducere? Nonne ambo in foueam cadunt? Non est discipulus super magistrum: perfectus autem omnis erit; si sit sicut magister eius. Quid autem vides festucam in oculo fratris tui; trabem autem, quæ

in oculo tuo est, non consideras? Aut quomodo potes dicere fratri tuo, Frater, sine, eijciam festucam de oculo tuo, ipse in oculo tuo trabem non videns? Hypocrita, eijce primum, trabem de oculo tuo; & tunc perspicies, vt educas festucam de oculo fratris tui.

Antiphona post Euangelium.

^{Ex}
^{Ista.}
^{16.} **D**omine, Deus noster, pacem da nobis; omnia enim reddidisti nobis. Domine, Deus noster, posside nos. Domine, præter te, alium non nouimus: nomen tuum nominamus; ne derelinquas nos.

Oratio super findonem.

Deus, qui diligentibus te bona, inuisibilia præparasti, infunde cordibus nostris tui amoris affectum: vt te in omnibus, & super omnia diligentes, promissiones tuas, quæ omne desiderium superant, consequamur. Per Dominum nostrum.

^{Psal.}
^{16.} **Offertor.** Exaudi Domine iustitiam meam: intende deprecationem meam. Mirifica misericordias tuas, qui saluos facis sperantes in te, Domine.

Dicitur: Credo.

Oratio super oblatam.

Propitiare, Domine, supplicationibus nostris, & has populi tui oblationes benignus assume: & vt nullius sit irritum votum, nullius vacua postulatio, præsta, quæsumus: vt, quod fideliter petimus, efficaciter consequamur. Per Dominum.

Præfatio.

Æterne Deus: Maiestatem tuam suppliciter deprecantes: vt, qui rei sumus meritis, non efficiamur nostrâ durtiâ contumaces: nec te proteruis sensibus accusare nitamur, cum tua nobis, quæ non meremur, beneficia retardantur; sed hinc potius & nostras cognoscamus offensas, & opem tuam iugiter imploremus. Quia multo

amplius continuata subsidia deuotis mentibus ministrabis, qui eadem largiris indignis. Per Christum.

Confract. Domine, Deus meus, in te ^{Psal.}
^{7.} speraui; salua me ab omnibus persequentibus me, & eripe me.

Transit. Angeli circundederunt Altare: & Christus administrat Panem Sanctorum, & Calicem vitæ in remissionem peccatorum.

Oratio post Communionem.

Gratias tibi agimus, Domine, Sancte, Pater omnipotens, æterne Deus, qui nos Corporis, & Sanguinis Domini nostri, Iesu Christi communionem satiaisti: tuamque misericordiam humiliter imploramus: vt hoc tuum, Domine, Sacramentum non sit nobis reatus ad poenam, sed sit intercessio salutaris ad veniam: sit ablutio scelerum, sit fortitudo fragilium, sit contra mundi pericula firmamentum. Hæc nos Communio mundet à crimine: & cœlestis gaudij tribuat esse participes. Per eundem Dominum.

DOMINICA IV.

Post Pentecosten.

Ingressa.



Xaudi Domine vocem ^{Psal.}
^{16.} meam, qua clamaui ad te. Tibi dixit cor meum: Quæsiuit te vultus meus: vultum tuum, Domine, requiram: ne auertas faciem tuam à me.

Gloria in excelsis Deo.

Oratio super populum.

Deus, qui Ecclesiam tuam noua, semper prole foecundas: auge eam quotidie credentium puritate, & diuinæ gratiæ infusione multiplicata; vt, repulsa impugnatione malorum omnium, in tranquillitate pacis, & fidei tuo semper ditata munere, gloriatur. Per Dñm.

Lectio

Lectio Ezechiélis Prophetæ.

IN diebus illis. Factus est sermo Domini ad me, dicens: Quid est, quòd inter vos parabolam vertitis in prouerbiu istud in terra Israel, dicentes. Patres comedérunt vnam, acerbam; & dentes filiorum obstupescunt? Viuo ego, dicit Dominus Deus, si erit vltra vobis parabola hæc in prouerbiu in Israel. Ecce, omnes animæ meæ sunt: vt anima patris, ita & anima filij mea est. Anima, quæ peccauerit, ipsa morietur. Et vir, si fuerit iustus, & fecerit iudiciu, & iustitiam, in montibus non comederit, & oculos suos non leauerit ad Idôla domus Israel, & vxorem proximi sui non violauerit, & ad mulierem menstruâtam non accesserit, & hominem non contristauerit, pignus debitori reddiderit, per vim nihil rapuerit, panem suum esurienti dederit, & nudum operuerit vestimento, ad vsuram non commodauerit, & amplius non acceperit, ab iniquitate auerterit manum suam, & iudiciu verum fecerit inter virum, & virum, & in præceptis meis ambulauerit, & iudicia mea custodierit, vt faciat veritatem: hic iustus est, vitâ viuet. Ait Dominus omnipotens.

Psalmell. Oculi mei semper ad Dominum; quoniam ipse euellet de laqueo pedes meos.

Ps. Respice in me, & miserere mei; quoniam vnicus, & pauper sum ego.

Epistola Beati Pauli Apostoli ad Colossenses.

Cap. 3. **F**Ratres. Induite vos, sicut electi Dei, sancti, & dilecti, viscera misericordiæ, benignitatem, humilitatem, modestiam, patientiam: supportantes inuicem, & donantes vobismetipsis; si quis aduersus aliquem habet querelam: sicut & Dominus donauit vobis; ita & vos. Super om-

nia autem hæc charitatem habete, quod est vinculum perfectionis: & pax Christi exultet in cordibus vestris, in qua & vocati estis in vno corpore: & grati estote. Verbum Christi habitet in vobis abundanter: in omni sapientia docentes, & commo- nentes vosmetipsos in psalmis, hymnis, & canticis spiritualibus: in gratia cantantes in cordibus vestris Deo.

Hallelûiah. **Ps.** Venite: exulemus Domino: iubilemus Deo, Salutari nostro: Hallelûiah.

In Ferijs.

Hallelûiah. **Ps.** Verbo Domini celi firmati sunt, & spiritu oris eius omnis virtus eorum: Hallel.



Lectio sancti Euangelij secundum Lucam.

IN illo tempore. Dixit Dominus Iesus Phariseis: Homo quidam, erat diues, & induebatur purpura, & bysso, & epulabatur quotidie splendide. Et erat quidam mendicus, nomine Lazarus, qui iacebat ad ianuam eius, vlceribus plenus, cupiens saturari de micis, quæ cadebant de mensa diuitis; & nemo illi dabat; sed & canes veniebant, & lingebant vlcera eius. Factum est autem, vt moreretur mendicus, & portaretur ab Angelis in sinum Abraham. Mortuus est autem & diues: & sepultus est in Inferno. Eleuans autem oculos suos, cum esset in tormentis, vidit Abraham à longè, & Lazarum in sinu eius: & ipse clamans dixit: Pater Abraham miserere mei: & mitte Lazarum, vt intingat extremum digiti sui in aquam, vt refrigeret linguam meam; quia crucior in hac flamma. Et dixit illi Abraham: Fili, recordare, quia recepisti bona in vita tua, & Lazarus similiter mala: nunc autem hic consolatur; tu verò cruciâris: & in his omnibus inter nos, & vos chaos ma-

gnum firmatum est; ut hi, qui volunt hinc transire ad vos, non possint, neque inde huc transmeare. Et ait: Rogo ergo te, Pater, ut mittas eum in domum patris mei; habeo enim quinque fratres: ut testetur illis; ne & ipsi veniant in hunc locum tormentorum. Et ait illi Abraham: Habent Moysen, & Prophetas: audiant illos. At ille dixit: Non, Pater Abraham: sed, si quis ex mortuis ierit ad eos, poenitentiam agent. Ait autem illi: Si Moysen, & Prophetas non audiunt; neque, si quis ex mortuis resurrexerit, credent.

Antiphona post Euangelium.

^{psal. 78.} **N**os, populus tuus, & oves gregis tui, confitebimur tibi, Deus, in saecula: in generatione, & progenie annuntiabimus laudem tuam.

Oratio super sindonem.

Deus, qui nos in tantis periculis constitutos humana conspicias fragilitate non posse subsistere, da nobis salutem mentis, & corporis: ut ea, quae pro peccatis nostris patimur, te adiuuante, vincamus. Per Dñm.

^{psal. 16.} **Offert.** Perfice gressus meos in semitis tuis; ut non moueantur vestigia mea. Inclina aurem tuam mihi, & exaudi verba mea: mirifica misericordias tuas, qui saluos facis sperantes in te, Domine.

Dicitur: Credo.

Oratio super oblatam.

Deus, qui legalium differentias hostiarum vnus sacrificij perfectione sanxisti: accipe sacrificium deuotis tibi famulis, & pari benedictione, sicut munera Abel, sanctifica; ut, quod singuli obtulerunt ad Maiestatis tuae honorem, cunctis proficiat ad salutem. Per Dominum.

Præfatio.

Aterne Deus: Implorantes clementiam tuam: ut governa-

re digneris onera diuinæ militiæ sustinentes. Et quia necesse est, ut ab eo, cui plus creditur, amplius exigatur; tu nostras propitius dirigas actiones; ut & proprijs non implicemur erroribus, & exuamur externis. Per Christum, Dominum nostrum.

Confract. Domine, Dominus noster, ^{psal. 8.} quàm admirabile est nomen tuum in vniuersa terra!

Transit. Qui manducauerit Corpus ^{io. 6.} meum, & biberit Sanguinem meum, ipse in me manet, & ego in eo: dicit Dominus.

Oratio post Communionem.

Sit nobis, Domine, quæsumus, medicina mentis, & corporis, quod de sancti Altaris tui benedictione percipimus: ut nullis aduersitatibus fatigemur, qui tanti remedij participatione munimur. Per Dominum.

DOMINICA V.

Post Pentecosten.

Ingressa.



Respice in me, & miserere mei Domine; quoniam vnicus, & pauper sum ego. Vide humilitatem meam, & laborem meum: & dimitte omnia peccata mea, Deus meus. ^{psal. 14.}

Gloria in excelsis Deo.

Oratio super populum.

Omnipotens, sempiterna Deus, in protectione fidelium populorum antiqua brachij tui operare miracula: ut, hostibus nostris tua virtute compressis, secura tibi seruiat catholica fides, & deuotio Christiana. Per Dominum nostrum.

Lectio Isaiaæ Prophetæ.

Hæc dicit Dominus: Custodite ^{cap. 56.} iudicium, & facite iustitiam; quia iuxta est salus mea, ut veniat; & iustitia mea, ut reueletur. Beatus vir, qui

qui facit hoc: & filius hominis, qui apprehendet istud: custodiens Sabbatum, ne polluat illud: custodiens manus suas, ne faciat omne malum. Et non dicat filius aduenæ, qui adhæret Domino, dicens: Separatione diuidet me Dominus à populo suo. Et non dicat eunûchus: Ecce ego lignum aridum. Quia hæc dicit Dominus eunûchis: Qui custodierint Sabbata mea, & elegerint, quæ ego volui, & tenuerint foedus meum: dabo eis in domo mea, & in muris meis locum, & nomen melius à filiis, & filiabus. Nomen sempiternum dabo eis, quod non peribit. Et filios aduenæ, qui adhærent Domino, vt colant eum, & diligant nomen eius, vt sint ei in seruos: omnem custodientem Sabbatum, ne polluat illud, & tenentem foedus meum: adducam eos in montem sanctum meum, & lætificabo eos in domo orationis meæ. Holocausta eorum, & victimæ eorum, placebunt mihi super altari meo; quia domus mea, domus orationis vocabitur cunctis populis. Ait Dominus omnipotens.

Psal. **Pfalmell.** Domine, refugium factus es nobis à generatione, & progenie. **V.** Priusquam montes fierent, aut firmaretur orbis terræ, à sæculo, & usque in sæculum tu es, Domine.

Epistola Beati Pauli Apostoli ad Romanos.

Cap. **F** Ratres. Scimus, quia Lex spiritalis est; ego autem carnalis sum, venundatus sub peccato. Quod enim operor, non intelligo; non enim, quod volo, hoc ago; sed, quod odi, illud facio. Si autem, quod nolo, illud facio; consentio Legi, quoniam bona est. Nunc autem iam non ego operor illud, sed quod habitat in me peccatum. Scio enim, quia non habitat in me, hoc est in carne

mea, bonum. Nam velle adiacet mihi; perficere autem bonum non inuenio. Non enim, quod volo bonum, hoc facio; sed, quod nolo malum, hoc ago. Si autem, quod nolo, illud facio; iam non ego operor illud, sed quod habitat in me peccatum. Inuenio igitur Legem volenti mihi facere bonum; quoniam mihi malum, adiacet. Condelector enim Legi Dei secundum interiorem hominem: video autem aliam Legem in membris meis, repugnantem Legi mentis meæ, & captiuantem me in Lege peccati, quæ est in membris meis. Infelix ego homo: quis me liberabit de corpore mortis huius? Gratia Dei per Iesum Christum, Dominum nostrum.

Hallelûiah. **V.** Dominus regnavit, decorem induit: induit Dominus fortitudinem, & præcinxit se virtutem: **Hallelûiah.**

In Ferijs.

Hallelûiah. **V.** Verbo Domini cœli firmati sunt, & spiritu oris eius omnis virtus eorum: **Hallelûiah.**



Lectio sancti Euangelij secundum Lucam.

I N illo tempore. Factum est: dum iret Iesus in Ierusalem, transibat per mediam Samariam, & Galilæam. Et cum ingrederetur quoddam castellum, occurrerunt ei decem viri leprosi: qui steterunt à longè, & leuauerunt vocem, dicentes: Iesu præceptor miserere nostri. Quos vt vidit, dixit: Ite, ostendite vos Sacerdotibus. Et factum est: dum irent, mundati sunt. Unus autem ex illis, vt vidit, quia mundatus est, regressus est cum magna voce magnificans Deum: & cecidit in faciem ante pedes eius gratias agens: & hic erat Samaritanus. Respondens autem Iesus dixit: Nonne decem mundati sunt? & nouem vbi sunt? Non est inuentus,

tus, qui rediret, & daret gloriam Deo, nisi hic alienigena. Et ait illi: Surge; vade; quia fides tua te saluum fecit.

Antiphona post Euangelium.

^{Exo. 32.} **Q**uiescat ira tua, Domine: & esto placabilis super nequitias populi tui; sicut iurasti per te ipsum, Deus.

Oratio super sindonem.

Deus, qui creaturæ tuæ misereri potius eligis, quam irasci, cordis nostri infirma considera: & tuæ nos gratiâ pietatis illustra. Per Dñm.

^{Psal. 6.} **Offert.** Domine conuertere, & eripe animam meam. Saluum me fac propter misericordiam tuam.

V. Miserere mihi Domine; quoniam infirmus sum: sana me Domine; quoniam conturbata sunt ossa mea. Saluum me fac propter misericordiam tuam.

Dicitur: Credo.

Oratio super oblatam.

Suscipe munera, quæsumus, Domine, quæ tibi de tua largitate deferimus: vt hæc sacrosancta mysteria, gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perducant. Per Dominum nostrum.

Præfatio.

Æterne Deus: Ut te authorem nostrum pronis visceribus humana famulatio religioso excolat affectu. Et ideo obsecramus misericordiam tuam, ne pro nostra nos iniquitate condemnes, sed pro tua pietate in viam rectam semper disponas: nec, sicut meremur, delinquentibus irascaris, sed fragilitati nostræ inuicta tua bonitate subuenias. Per Christum, Dominum nostrum.

^{Psal. 9.} **Confract.** Narrabo omnia mirabilia tua. Lætabor, & exultabo in te: psallam nomini tuo, Altissime.

Transit. Declinant anni nostri, & dies

ad finem. Quia tempus est; corrigamus nos ad laudem Christi. Lampades sint accensæ; quia excelsus iudex venit iudicare gentes. Hall. hall.

Oratio post Communionem.

Sumpsimus, Domine, sacri donæ mysterij humiliter deprecantes: vt, quæ in tui commemorationem, nos facere præcepisti, in nostræ proficiant infirmitatis auxilium. Qui vis, & regnas cum Deo Patre.

D O M I N I C A V I.

Post Pentecosten.

Ingressa.

Dominus illuminatio mea ^{Psal. 26.} & salus mea; quem timebo? Dominus defensor vitæ meæ; a quo trepidabo? Qui tribulant me inimici mei, ipsi infirmati sunt, & ceciderunt.

Gloria in excelsis Deo.

Oratio super populum.

DA, quæsumus, Domine, populo tuo sanitatem mentis, & corporis: da vitare, quod nocet, & amare, quod saluet: da, vt bonis operibus inhærendo, & benedici mereatur, & tua semper virtute defendi. Per Dominum.

Lectio Ezechiëlis Prophetæ.

In diebus illis. Factus est sermo Domini ad me, dicens: Fili hominis. Viri isti posuerunt immunditias suas in cordibus suis, & scandalum iniquitatis suæ statuerunt contra faciem suam. Nunquid interrogatus respondebo eis? Propter hoc loquere eis: & dices ad eos: Hæc dicit Dominus Deus: Homo, homo de domo Israel; qui posuerit immunditias suas in corde suo, & scandalum iniquitatis suæ statuerit contra faciem suam, & venerit ad Prophetam interrogans per eum me: ego Dominus respondebo ei

ei in multitudine immunditiarum suarum; ut capiatur domus Israel in corde suo, quo recesserunt à me in cunctis Idolis suis. Propterea dic ad domum Israel: Hæc dicit Dominus Deus: Conuertimini, & recedite ab Idolis vestris, & ab vniuersis contaminationibus vestris auertite facies vestras. Quia homo de domo Israel, & de Profelytis quicumque aduenauerit in Israel, si alienatus fuerit à me, & posuerit Idola sua in corde suo, & scandalum iniquitatis suæ stauerit contra faciem suam, & venerit ad Prophetam, ut interroget per eum me; ego Dominus respondebo ei per me; & ponam faciem meam super hominem illum; & faciam eum in exemplum, & in prouerbium; & disperdam eum de medio populi mei; & scietis, quia ego Dominus. Et Prophetæ cum errauerit, & locutus fuerit verbum, ego Dominus decipi Prophetam illum: & extendam manum meam super illum, & delebo eum de medio populi mei Israel, & portabunt iniquitatem suam. Iuxta iniquitatem interrogantis sic iniquitas Prophetæ erit; ut non erret ultra domus Israel à me, neque polluitur in vniuersis præuaricationibus suis; sed sint mihi in populum: & ego sim eis in Deum. Ait Dominus omnipotens.

Psalmell. Iacta cogitatum tuum in Domino; & ipse te enutriet.

V. Dum clamarem ad Dominum, exaudiuit vocem meam ab ijs, qui oderunt me.

Epistola Beati Pauli Apostoli ad Romanos.

Cap. 12. **F**ratres. Obsecro vos per misericordiam Dei, ut exhibeatis corpora vestra hostiam viuentem, sanctam, Deo placentem, rationabile obsequium vestrum. Et nolite con-

formari huic sæculo; sed reformamini in nouitate sensus vestri; ut probetis, quæ sit voluntas Dei bona, & beneplacens, & perfecta. Dico enim per gratiam, quæ data est mihi, omnibus, qui sunt inter vos: Non plus sapere, quam oportet sapere: sed sapere ad sobrietatem: & vnicuique sicut Deus diuisit mensuram fidei.

Halleluia. **V.** Præueniamus faciem eius in confessione, & in psalmis iubilemus illi: Halleluia.

In Ferijs.

Halleluia. **V.** Verbo Domini cœli firmati sunt, & spiritu oris eius omnis virtus eorum: Hallel.



Lectio sancti Euangelij secundum Lucam.

In illo tempore. Dixit Dominus Iesus parabolam hanc: Homo quidam fecit cœnam magnam, & vocauit multos. Et misit seruum suum hora cœnæ dicere inuitatis, ut venirent; quia iam parata sunt omnia. Et cœperunt simul omnes excusare. Primus dixit ei: Villam emi: & necesse habeo exire, & videre illam; rogo te, habe me excusatum. Et alter dixit: Iuga bouum emi quinque: & eo probare illa; rogo te, habe me excusatum. Et alius dixit: Uxorem duxi; & ideo non possum venire. Et reuersus seruus nunciauit hæc domino suo. Tunc iratus paterfamilias dixit seruo suo: Exi citò in plateas, & vicos ciuitatis: & pauperes, ac debiles, & cæcos, & claudos introduc huc. Et ait seruus: Domine, factum est, ut imperasti; & adhuc locus est. Et ait Dominus seruo: Exi in vias, & sepes, & compelle intrare; ut impleatur domus mea. Dico autem vobis, quod nemo virorum illorum, qui vocati sunt, gustabit cœnam meam.

Antiphona post Euangelium.

Obsecramus, Domine, ut gradiaris

no-

nobiscum, & auferas iniquitates nostras, atque peccata, & nos possideas.

Oratio super sindonem.

Adesto supplicationibus nostris omnipotens Deus: & quibus fiduciam sperandæ pietatis indulges, consuetæ misericordiæ tribue benignus effectum. Per Dominum.

Psal. 30. **Offert.** In te speraui, Domine. Dixi: Deus meus tu es; in manibus tuis tempora mea.

Psal. 118. **V.** Portio mea, Domine: dixi custodire Legem tuam. Deprecatus sum faciem tuam, Domine, de toto corde meo, dum dilatâres cor meum.

Dicitur: Credo.

Oratio super oblatam.

Sanctificationem tuam nobis, Domine, his mysterijs placatus operare: quæ nos & à terrenis purget vitijs, & ad cœlestia dona perducant. Per Dominum nostrum.

Præfatio.

Æterne Deus: Te deprecantes, vt tua nos gratia protegat, & conseruet. Et quia sine te nihil rectè valemus efficere: ipsius munere semper capiamus, vt tibi placere possimus. Per Christum Dominum.

Psal. 30. **Confract.** Illumina faciem tuam super seruum tuum, & saluum me fac in tua misericordia. Domine, non confundar; quoniam inuocaui te.

Transit Stant Angeli ad latus Altaris: & sanctificant Sacerdotes Corpus, & Sanguinem Christi, psallentes, & dicentes: Gloria in excelsis Deo.

Oratio post Communionem.

Quos cœlesti, Domine, dono satiasti, præsta, quæsumus: vt à nostris mundemur occultis, & ab hostium liberemur insidijs. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus: per omnia sæcula sæculorum.

DOMINICA VII.

Post Pentecosten.

Ingressa.



Anus tuæ, Domine, fecerunt me, & plasmaverunt me. Da mihi intellectum, vt discam mandata tua; quia concupiui salutare tuum, & Lex tua meditatio mea est.

Gloria in excelsis Deo.

Oratio super populum.

Deus, in te sperantium fortitudo, adesto propitius inuocationibus nostris: & quia sine te nihil potest mortalis infirmitas, præsta auxilium gratiæ tuæ; vt in exequendis mandatis tuis & voluntate tibi, & actione placeamus. Per Dominum.

Lectio Ieremiæ Prophetæ.

Hæc dicit Dominus Deus; Ecce *Cap. 31.* ego adducam populum meum de terra Aquilonis, & congregabo eos ab extremis terræ: inter quos erunt cæcus, & claudus, prægnans, & pariens simul, coetus magnus reuertentium huc. In fletu venient, & in misericordia reducam eos. Et adducam eos per torrentes aquarum in via recta: & non impingent in ea; quia factus sum Israël pater; & Ephraim primogenitus meus est. Audite verbum Domini Gentes, & annunciate in insulis, quæ procul sunt, & dicite; Qui dispersit Israel, congregabit eum, & custodiet eum, sicut pastor gregem suum. Redemit enim Dominus Iacob, & liberauit eum de manu potentioris. Et venient, & laudabunt in monte Sion: & confluent ad bona Domini super frumento, & vino, & oleo: & foetu pecorum, & armentorum: eritque anima eorum quasi hortus irriguus, & ultra non esurient. Tunc lætabitur virgo in choro, iuuenes, & senes simul. Et conuertam luctum

etum eorum in gaudium, & consolabor eos, & lætificabo à dolore suo. Et inebriabo animam Sacerdotum, pinguedine: & populus meus bonis meis adimplebitur. Ait Dominus omnipotens.

Psalmell. Eleua Domine manum tuam in superbia inimicorum tuorum in finem.

V. Effunde Domine iram tuam in gentes, quæ bella volunt.

Epistola Beati Pauli Apostoli ad Romanos.

Cap. 12. **F**Ratres. Unum corpus multi sumus in Christo, singuli autem alter alterius membra. Habentes autem donationes secundum gratiam, quæ data est nobis, differentes: siue prophetiam secundum rationem fidei, siue ministerium in ministrando: siue qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate. Dilectio sine simulatione. Odientes malum, adhærentes bono: charitate fraternitatis inuicem diligentes, honore inuicem præuenientes, sollicitudine non pigri, spiritu feruentes, Domino seruientes, spe gaudentes, in tribulatione patientes, orationi instantes, necessitatibus sanctorum, communicantes, hospitalitatem sectantes. Benedicite persequentibus vos: benedicite, & nolite maledicere. Gaudere cum gaudentibus, flere cum flentibus. Idipsum inuicem sentientes: non alta sapientes, sed humilibus consentientes.

Psalm. 94. **Halleluia.** **V.** Venite: exultemus Domino; iubilemus Deo Salutari nostro: Halleluia.

In Ferijs.

Psalm. 94. **Halleluia.** **V.** Verbo Domini coeli firmati sunt, & spiritu oris eius omnis virtus eorum: Hallel.



Lectio sancti Euangelij secundum Matthæum.

Cap. 20. **I**N illo tempore. Egrediente Domino Iesu, & Discipulis eius ab Ierico, secuta est eum turba multa. Et ecce duo cæci, sedentes secus viam, audierunt, quia Iesus transiret: & clamauerunt dicentes: Domine miserere nostri, Fili David. Turba autem increpabat eos, vt tacerent. At illi magis clamabant, dicentes: Domine miserere nostri, Fili David. Et stetit Iesus, & vocauit eos, & ait: Quid vultis, vt faciam vobis? Dicunt illi: Domine, vt aperiantur oculi nostri. Misertus autem eorum Iesus tetigit oculos eorum: & confestim viderunt, & secuti sunt eum.

Antiphona post Euangelium.

Mac. 2. c. 1. Custodi Deus portionem tuam, & sanctifica Domine: congrega dispersionem nostram: libera eos, qui seruiunt Gentibus; vt sciant omnes, quia tu es Deus noster.

Oratio super sindonem.

DEus, qui te in rectis, ac sinceris manere pectoribus asseris: da nobis tuam gratiam tales existere, in quibus habitare digneris. Per Dñm.

Psalm. 136. **Offert.** Super flumina Babylonis, illic sedimus, & fleuimus, dum recordaremur tui, Sion.

V. Si oblitus fuero tui, Ierusalem; obliuiscatur me dextera mea. Adhæreat lingua mea faucibus meis; si non meminero tui, Ierusalem.

Dicitur: Credo.

Oratio super oblatam.

Hostias nostras tibi, Domine, dicatas placatus assumes: & ad perpetuum nobis tribue prouenire subsidium. Per Dominum.

Præfatio.

Æterne Deus. Qui Ecclesiæ tuæ filios sicut erudire non cessas; ita non desinis adiuuare: vt & scientiam

tiam recta faciendi, & possibilitatem capiant exequendi. Per Christum.

Psalm. **Confract.** Introibo ad Altare Dei: ad Deum, qui lætificat iuventutem meam.

Transit. Corpus Christi accepimus, & Sanguinem eius potauimus: ab omni malo non timebimus; quia Dominus nobiscum est.

Oratio post Communionem.

TAntis, Domine, replēti muneribus, præsta, quæsumus: ut & dona salutaria capiamus, & à tua laude nunquam cessemus. Per Dñm.

DOMINICA VIII.

Post Pentecosten.

Ingressa.

Ier.
29.



Dicit Dominus: Ego cogito cogitationes pacis, & non afflictionis. Inuocabitis me; & ego exaudiam vos, & reducam captiuitatem

vestram de cunctis locis.

Gloria in excelsis Deo.

Oratio super populum.

Ecclesiæ tuæ Domine voces placatus admitte: ut destructis aduersitatibus, & erroribus vniuersis, securâ tibi seruiat libertate. Per Dominum nostrum.

Lectio Isaïæ Prophetæ.

Cap.
30.

Hæc dicit Dominus Deus Israel: Si reuertamini, & quiescatis; salui eritis. In silentio, & in spe erit fortitudo vestra. Et nolulistis, & dixistis: Nequâquam, sed ad equos fugiemus; ideo fugietis: & super veloces ascendemus; ideo velociores erunt, qui persequentur vos. Mille homines à facie terroris vnus, & à facie terroris quinque fugietis, donec relinquamini, quasi malus nauis in vertice montis, & quasi signum super collem. Propterea expectat

Dominus, ut misereatur vestri; & ideo exaltabitur parcens vobis; quia Deus iudicij Dominus. Beati omnes, qui expectant eum.

Psalmell. Si ambulem in medio vmbræ mortis; non timebo mala; quoniam tu mecum es, Domine.

Ps. Virga tua, & baculus tuus, ipsa me, Domine, consolata sunt.

Epistola Beati Pauli Apostoli ad Galatas.

FRatres. Nolite errare: Deus non irridetur. Quæ enim seminauerit homo, hæc & metet. Quoniam, qui seminat in carne sua, de carne & metet corruptionem: qui autem seminat in spiritu, de spiritu metet vitam æternam. Bonum autem facientes non deficiamus; tempore enim suo metemus, non deficientes. Ergo, dum tempus habemus, operemur bonum ad omnes, maximè autem ad domesticos fidei.

Hallelùiah. **Ps.** Dominus regnauit; decorem induit: induit Dominus fortitudinem, & præcinxit se virtutem: Hallelùiah.

In Ferijs.

Hallelùiah. **Ps.** Verbo Domini cœli firmati sunt, & spiritu oris eius omnis virtus eorum: Hallelùiah.

Lectio sancti Euangelij secundum Lucam.

IN illo tempore. Erant appropinquantes ad Iesum publicani, & peccatores, ut audirent illum. Et murmurabant Pharisei, & Scribæ, dicentes: Quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo, qui habet centum oves: & si perdiderit vnâ ex illis; nonne dimittit nonagintanouem in deserto; & vadit ad illam, quæ perierat, donec inueniat eam? Et cum inuenit eam, imponit in humeros suos gaudens:

Dominica IX. post Pentecosten.

221

dens: & veniens domum conuocat amicos, & vicinos, dicens illis: Congratulamini mihi; quia inuēni ouem meam, quæ perierat? Dico vobis, quòd ita gaudium erit in cœlo super vno peccatore poenitentiam agente, quàm super nonagintanouem iustis, qui non indigent poenitentia. Aut quæ mulier habens drachmas decem: si perdiderit drachmam vnā; nonne accendit lucernam, & euerrit domum, & quærit diligenter, donec inueniat? Et cum inuenerit, conuocat amicas, & vicinas, dicens: Congratulamini mihi; quia inuēni drachmam, quam perdideram? Ita dico vobis: Gaudium erit coram Angelis Dei super vno peccatore poenitentiam agente.

Antiphona post Euangelium.

Manus tua, Domine, pugnavit pro Patribus nostris. Tu enim ipse es Dominus, Deus noster. Dextera tua, confringat inimicos; vt cantemus nomini tuo, Domine, laudem tuam.

Oratio super sindonem.

Porrige dexteram tuam, quæsumus, Domine, plebi tuæ misericordiam postulanti: per quam & terrores declinet humanos, & solatia vitæ immortalis accipiat, & sempiterna gaudia comprehendat. Per Dominum nostrum.

Offertor. Deus enim firmavit orbem terræ, qui non commouebitur. Parata sedes tua, Deus. Ex tunc à sæculo tu es.

V. Dominus regnavit; decorem induit: induit Dominus fortitudinem, & præcinxit se virtutem. Ex tunc à sæculo tu es.

Dicitur: Credo.

Oratio super oblatam.

Adesto Domine supplicationibus nostris, & his muneribus præsentiam tuæ Maiestatis interfere: vt,

quod nostro seruitio geritur, te potius operante, firmetur. Per Dñm.

Præfatio.

Æterne Deus: Maiestatem tuam suppliciter exorantes: vt ab Ecclesia tua quicquid est noxium, tua virtute repellas; &, quod eidem salutare est, largiaris: nobisque contra superbos spiritus humilitatem, tribuas rationabilem custodire, & gratiam tuam clementer impendas: nec nos, humani incertos auxilij, derelinquas; sed tuā, quæ falli non potest, gubernatione conserues. Per Christum Dominum.

Confract. Vouēte, & reddite Domino Deo nostro omnes, qui in circuitu eius offertis munera; terribili, & ei, qui aufert spiritum Principum: terribili apud Reges terræ.

Transit. Sacramentum cœleste cum timore accipite, & satiamini de Christi dulcedine. Panem cœli dedit nobis Dominus: Panem Angelorum, manducauit homo. Halleluia. halleluia.

Oratio post Communionem.

Quod ore sumpimus, Domine, pura mente capiamus: vt de Corpore, & Sanguine Domini nostri, Iesu Christi, fiat nobis remedium sempiternum. Per eundem Dominum.

DOMINICA IX.

Post Pentecosten.

Ingressa.



Ereant omnes inimici tui, Domine; Qui autem diligunt te, sicut sol in ortu suo fulget; ita rutilent.

Gloria in excelsis Deo.

Oratio super populum.

Exaudi Domine vocem tibi supplicantis Ecclesiæ: quæ in modum

T

dum

dum vineæ, Filij tui propagata cultoribus, firmis in te nititur stare radicibus; ut à præsentis sæculi fluctibus aliena, pullulantis in se populi natiuitate ditata, vbertatis suæ fructibus gloriatur. Per eundem Dominum nostrum.

Lectio Ieremiæ Prophetæ.

IN diebus illis. Orauit Ieremias ad Dominum, dicens: Domine recordare mei, & visita me: & tuere me ab his, qui persequuntur me. Noli in patientia tua suscipere me. Scito, quoniam sustinui propter te opprobrium. Inuenti sunt sermones tui, & comédi eos: & factum est mihi verbum tuum in gaudium, & in lætitiā cordis mei; quoniam inuocatum est nomen tuum super me, Domine Deus exercituum. Non sedi in concilio ludentium, & gloriatus sum à facie manus tuæ. Solus sedebam; quoniam comminatione replesti me. Quare factus est dolor meus perpetuus, & plaga mea desperabilis renuit curari? Facta est mihi quasi mendacium aquarum infidelium. Propter hoc hæc dicit Dominus: Si conuerteris; conuertam te, & ante faciem meam stabis: & si separaueris pretiosum à vili; quasi os meum eris. Conuertentur ipsi ad te, & tu non conuertēris ad eos. Et dabo te populo huic in murum æreum, fortem: & bellābunt aduersum te, & non præualebunt; quia ego tecum sum, ut saluem te, & eruam te. Dicit Dominus omnipotens.

Psalmell. **S**aluum fac seruum tuum Deus meus, sperantem in te.

V. Auribus percipe Domine orationem meam: intende voci deprecationis meæ.

Epistola Beati Pauli Apostoli ad Romanos.

FRatres. Humanum dico propter infirmitatem carnis vestræ. Sicut enim exhibuistis membra vestra seruire immunditiæ, & iniquitati, ad iniquitatem; ita nunc exhibete membra vestra seruire iustitiæ in sanctificationem. Cum enim serui essetis peccati, liberi fuistis iustitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc verò liberati à peccato, serui autem facti Deo, habetis fructum vestrum in sanctificationem, finem verò vitam æternam. Stipendia enim peccati mors. Gratia autem Dei, vita æterna in Christo Iesu, Domino nostro.

Halleluia. **V.** Præueniamus faciem eius in confessione, & in psalmis iubilemus illi: Hallel.

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum: Hallel.



Lectio sancti Euangelij secundum Lucam.

IN illo tempore. Factum est, cum turbæ irruerent in Iesum, ut audirent verbum Dei; & ipse stabat secus stagnum Genezareth. Et vidit duas naues stantes secus stagnum: piscatores autem descenderant, & lauabant retia. Ascendens autem in vnā nauim, quæ erat Simónis, rogauit eum à terra reducere pusillum: & sedens docebat de nauicula turbas. Ut cessauit autem loqui, dixit ad Simónem: Duc in altum, & laxate retia vestra in capturam. Et respondens Simon dixit illi: Præceptor, per totam noctem laborantes, nihil cepimus; in verbo autem tuo laxabo rete. Et cum hoc fecissent, concluderunt piscium multitudinem copiosam. Rumpetur

Dominica X. post Pentecosten.

223

tur autem rete eorum & annuerunt socijs, qui erant in alia naui, vt venirent, & adiuuarent eos. Et venerunt, & impleuerunt ambas nauiculas; ita vt mergerentur. Quod cum videret Simon Petrus, procidit ad genua Iesu: dicens: Exi à me; quia homo peccator sum, Domine. Stupor enim circumdederat eum, & omnes, qui cum illo erant, in captura piscium, quam ceperant: similiter autem Iacobum, & Ioannem filios Zebedæi, qui erant socij Simonis. Et ait ad Simonem Iesus: Noli timere: ex hoc iam homines eris capiens. Et subductis ad terram nauibus, relictis omnibus, secuti sunt eum.

Antiphona post Euangelium.

Sperate in eo omnis conuentus plebis: effundite coram illo corda vestra; quia Deus adiutor noster est.

Oratio super sindonem.

Deus, qui diligentibus te bona, inuisibilia præparasti, infunde cordibus nostris tui amoris affectum: vt te in omnibus, & super omnia diligentes, promissiones tuas, quæ omne desiderium superant, consequamur. Per Dominum nostrum.

Offert. Benedixisti, Domine, terram tuam: auertisti captiuitatem ab Iacob.

Dicitur: Credo.

Oratio super oblatam.

Propitiare Domine supplicationibus nostris; & has populi tui oblationes benignus assume: &, vt nullius sit irritum votum, nullius vacua postulatio, præsta, quæsumus; vt, quod fideliter petimus, efficaciter consequamur. Per Dominum.

Præfatio.

Æterne Deus: Maiestatem tuam suppliciter deprecantes: vt, qui rei sumus meritis, non efficiamur nostrâ duritiâ contumaces: nec te proteruis sensibus accusare nitâmur, cum tua nobis, quæ non meremur,

beneficia retardantur; sed hinc potius & nostras cognoscamus offensas, & opem tuam iugiter imploremus. Quia multò amplius continuata subsidia deuotis mentibus ministrabis, qui eadem largiris indignis. Per Christum Dominum nostrum.

Confract. Qui meditabitur in Lege Domini die, ac nocte, dabit fructum suum in tempore suo.

Transitor. Diligamus nos inuicem; quia charitas Deus est; &, qui diligit fratrem suum, ex Deo natus est, & videt Deum; & in hoc charitas Dei perfecta est; &, qui facit voluntatem Dei, manet in æternum.

Oratio post Communionem.

Gratias tibi agimus, Domine sancte, Pater omnipotens, æterne Deus: qui nos Corporis, & Sanguinis Domini nostri, Iesu Christi communione satiaisti; Tuamque misericordiam humiliter imploramus; vt hoc tuum Sacramentum non sit nobis reatus ad poenam; sed sit intercessio salutaris ad veniam: sit ablutio scelerum; sit fortitudo fragilium; sit contra mundi pericula firmamentum. Hæc nos communio mundet à crimine; & coelestis gaudij tribuat esse participes. Per eundem Dominum.

D O M I N I C A X.

Post Pentecosten.

Ingressa.



Nclina Domine aurem tuam, & exaudi me: saluum fac seruum tuum, Deus meus, sperantem in te. Miserere mihi; quoniam

ad te clamaui tota die.

Gloria in excelsis Deo.

Oratio super populum.

Deus, qui Ecclesiam tuam noua semper prole foecundas: auge

T 2 eam

eam quotidie credentium puritate, & diuinæ gratiæ infusione multiplicata; vt, repulsa impugnatione malorum omnium, in tranquillitate pacis, & fidei tuo semper ditata munere gloriatur. Per Dominum nostrum.

Lectio Ezechiélis Prophetæ.

cap.
34.

IN diebus illis. Factum est Verbum Domini ad me, dicens: Fili hominis, Propheta de pastoribus Israel: Propheta, & dices pastoribus: Hæc dicit Dominus Deus: Væ pastoribus Israel, qui pascebant semetipsos. Nonne greges à pastoribus pascuntur? Lac comedebatis, & lanis operiebamini: & quod crassum erat, occidebatis: gregem autem meum non pascebatis. Quod infirmum fuit, non consolidastis: & quod ægròtum, non sanastis. Quod confractum est, non alligastis: & quod abiectum est, non reduxistis: & quod perierat, non quæstistis; sed etiam austeritate imperabatis eis, & cum potentia. Et dispersæ sunt oves meæ; eo quod non esset pastor: & factæ sunt in deuorationem omnium bestiarum agri, & dispersæ sunt. Errauerunt greges mei in cunctis montibus, & in vniuerso colle excelso: & super omnem faciem terræ dispersi sunt greges mei; & non erat, qui requireret; non erat, inquam, qui requireret. Propterea pastores audite Verbum Domini: Viuo ego, dicit Dominus Deus; quia pro eo, quod facti sunt greges mei in rapinam, & oves meæ in deuorationem omnium bestiarum agri, eo quod non esset pastor (neque enim quæsierunt pastores mei gregem meum, sed pascebant pastores semetipsos, & greges meos non pascebant) propterea pastores audite Verbum Domini. Hæc dicit Dominus Deus: Ecce ego ipse super pastores requiram gregem meum de

manu eorum: & cessare faciam eos, vt ultra non pascant gregem, nec pascant amplius pastores semetipsos. Et liberabo gregem meum de ore eorum, & non erit ultra eis in escam. Quia hæc dicit Dominus Deus: Ecce ego ipse requiram oves meas, & visitabo eas. Sicut visitat pastor gregem suum in die, quando fuerit in medio ouium suarum dissipatarum; sic visitabo oves meas; & liberabo eas de omnibus locis, in quibus dispersæ fuerant in die nubis, & caliginis. Et educam eas de populis, & congregabo eas de terris, & inducam eas in terram suam: & pascam eas in montibus Israel, in riuis, & in cunctis sedibus terræ. In pascuis vberimis pascam eas: & in montibus excelsis Israel erunt pascua earum. Ibi requiescent in herbis virentibus: & in pascuis pinguibus pascentur super montes Israel. Ego pascam oves meas, & ego eas accubare faciam: dicit Dominus Deus. Quod perierat, requiram: & quod abiectum erat, reducam: & quod confractum fuerat, alligabo: & quod infirmum fuerat, consolidabo: & quod pingue, & forte, custodiam: & pascam illas in iudicio. Dicit Dominus omnipotens.

Psal. **C**onuerte Domine aliquantulum, & deprecare super seruos tuos ^{psal. 89.}

V. Domine, refugium factus es nobis à generatione, & progenie.

Epistola Beati Pauli Apostoli ad Colossenses.

FRatres. Mortificate membra vestra, quæ sunt super terram: fornicationem, immunditiam, libidinem, concupiscentiam malam, & auaritiam, quæ est Idolorum seruitus. Propter quæ venit ira Dei super filios incredulitatis: in quibus & vos ambulastis aliquando, cum viueretis in illis. Nunc autem deponite & vos omnia

omnia : iram, indignationem, malitiam, blasphemiam, turpem sermonem de ore vestro. Nolite mentiri inuicem : expoliantes vos veterem hominem cum actibus suis, & induentes nouum eum, qui renouatur in agnitionem, secundum imaginem eius, qui creauit illum. Ubi non est Gentilis, & Iudæus, circumcisio & præputium, Barbarus, & Scytha, seruus, & liber : sed omnia, & in omnibus Christus.

Halleluia. **V.** Venite : exulemus Domino, iubilemus Deo Salutari nostro : Halleluia.

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum : Hallel.



Lectio sancti Euangelij secundum Lucam.

In illo tempore. Dixit ad Dominum Iesum quidam de turba : Magister dic fratri meo, vt diuidat mecum hæreditatem. At ille dixit ei : Homo, quis me constituit iudicem, aut diuisorem super vos ? Dixitque ad illos : Videte, & cauete ab omni auaritia ; quia non in abundantia cuiusquam vita eius est ex his, quæ possidet. Dixit autem similitudinem ad illos, dicens : Hominis cuiusdam diuitis vberes fructus ager attulit. Et cogitabat intra se, dicens : Quid faciam ; quia non habeo, quò congregem fructus meos ? Et dixit : Hoc faciam : destruam horrea mea, & maiora faciam : & illuc congregabo omnia, quæ nata sunt mihi, & bona mea : & dicam animæ meæ : Anima, habes multa bona, posita in annos plurimos ; requiesce ; comede ; bibe ; epulare. Dixit autem illi Deus : Stulte, hac nocte animam tuam repetunt à te ; quæ autem paraasti, cuius erunt ? Sic est, qui sibi thesaurizat, & non est in Deum diues.

Antiphona post Euangelium.

Domine, Domine Deus omnium, Creator, terribilis, & fortis, iustus, & misericors, solus, & bonus : qui præstas, congrega dispersionem nostram.

Oratio super sindonem.

Deus, qui nos in tantis periculis constitutos, humanâ conspicias fragilitate non posse subsistere : da nobis salutem mentis, & corporis ; vt ea, quæ pro peccatis nostris patimur, te adiuvante, vincamus. Per Dñm.

Offert. Exaltabo te, Domine ; quoniam suscepisti me ; nec delectasti inimicos meos super me. Domine, clamaui ad te ; & sanasti me.

Dicitur : Credo.

Oratio super oblatam.

Deus, qui legalium differentias hostiarum vnus sacrificij perfectione sanxisti : accipe sacrificium à deuotis tibi famulis : & pari benedictione, sicut munera Abel, sanctifica ; vt, quod singuli obtulerunt ad Maiestatis tuæ honorem, cunctis proficiat ad salutem. Per Dominum nostrum, Iesum Christum.

Præfatio.

Æterne Deus : Implorantes clementiam tuam : vt gubernare digneris onera diuinæ militiæ sustinentes. Et quia necesse est, vt ab eo, cui plus creditur, amplius exigatur ; tu nostras propitius dirigas actiones ; vt & proprijs non implicemur erroribus, & exuamur externis. Per Christum Dominum nostrum.

Confract. Voce mea ad Dominum, clamaui ; & exaudiuit me de monte sancto suo. Non timebo millia populi circundantis me.

Transit. Accedite ad Altare Dei : purificate corda vestra, & replemini Spiritu Sancto, fumentes Corpus, & Sanguinem Christi in remissionem peccatorum.

Oratio post Communionem.

Sit nobis, Domine, quæsumus, medicina mentis, & corporis, quod de Sancti Altaris tui benedictione percepimus: ut nullis aduersitatibus fatigemur, qui tanti remedij participatione munimur. Per Dominum.

DOMINICA XI.

Post Pentecosten.

Ingressa.

Psal.
118.

Ultus es, Domine, & rectum iudicium tuum: Fac cum seruo tuo secundum misericordiam tuam.

Gloria in excelsis Deo.

Oratio super populum.

Omnipotens, sempiterne Deus, in protectione fidelium populorum antiqua brachij tui operare miracula: ut, hostibus nostris tua virtute compressis, secura tibi seruiat catholica fides, & deuotio christiana. Per Dominum nostrum.

Lectio Daniëlis Prophetæ.

Cap.
3.

In diebus illis. Orauit Azariás, & ait: Domine, ne, quæsumus, tradas nos in perpetuum, propter nomen tuum: & ne dissipés Testamentum tuum, neque auferas misericordiam tuam à nobis propter Abraham dilectum tuum, & Isaac seruum tuum, & Israel sanctum tuum: quibus locutus es, pollicens, quòd multiplicares semen eorum sicut stellas cœli, & sicut arenam, quæ est in litore maris: Quia, Domine, imminuti sumus plus, quàm omnes Gentes: sumusque humiles in vniuersa terra hodie propter peccata nostra. Et non est in tempore hoc Princeps, & Dux, & Propheta, neque holocaustum, neque sacrificium, neque oblatio, neque incensum, neque locus primitiarum coram te; ut possimus inuenire miseri-

cordiam tuam. Sed in animo contrito, & spiritu humilitatis suscipiamur. Sicut in holocausto arietum, & taurorum, & sicut in millibus agnorum pinguium; sic fiat sacrificium nostrum in conspectu tuo hodie, ut placeat tibi; quoniam non est confusio confidentibus in te. Et nunc sequimur te in toto corde, & timemus te, & quærimus faciem tuam. Ne confundas nos: sed fac nobiscum iuxta mansuetudinem tuam, & secundum multitudinem misericordiæ tuæ. Et erue nos in mirabilibus tuis: & da gloriam nomini tuo, Domine: & confundantur omnes, qui ostendunt seruis tuis mala. Confundantur in omni potentia tua, & robur eorum conteratur: & sciant, quia tu es Dominus Deus solus, & gloriosus super orbem terrarum.

Psalme. Oculi mei semper ad Dominum; quia ipse euellet de laqueo pedes meos. Psal.
24.

Ps. Respice in me, & miserere mei; quoniam vnicus, & pauper sum ego.

Epistola Beati Pauli Apostoli ad Corinthios prima.

Fratres. Nescitis, quoniam Angelos iudicabimus? quanto magis sæcularia? Sæcularia igitur iudicia si habueritis, contemptibiles, qui sunt in Ecclesia, illos constituite ad iudicandum. Ad verecundiam vestram dico. Sic non est inter vos sapiens quisquam, qui possit iudicare inter fratrem suum? Sed frater cum fratre iudicio contendit: & hoc apud infideles. Iam quidem omnino delictum est in vobis, quòd iudicia habetis inter vos. Quare non magis iniuriam accipitis? Quare non magis fraudem patimini? Sed vos iniuriam facitis, & fraudatis; & hoc fratribus. An nescitis, quia iniqui Regnum Dei non possidebunt? Nolite errare. Neque for-

fornicarij, neque Idólis feruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces Regnum Dei possidebunt. Et hæc quidem fuistis; sed abluti estis; sed sanctificati estis; sed iustificati estis in nomine Domini nostri, Iesu Christi, & in Spiritu Dei nostri.

Psal. 92. **Halleluia.** **V.** Dominus regnauit, decorem induit: induit Dominus fortitudinem, & præcinxit se virtutem: **Halleluia.**

In Ferijs.

Psal. 2. **Halleluia.** **V.** Verbo Domini cœli firmati sunt, & spiritu oris eius omnis virtus eorum: **Hallel.**

 **Lectio sancti Euangelij secundum Lucam.**

Cap. 18. **I**N illo tempore. Dixit Dominus Iesus ad quosdam, qui in se confidebant tanquam iusti, & aspernabantur cæteros, parabolam istam, dicens: Duo homines ascendebant in Templum, vt orarent: vnus Phariseus, & alter Publicanus. Phariseus stans hæc apud se orabat: Deus, gratias ago tibi; quia non sum sicut cæteri hominum, raptores, iniusti, adulteri; velut etiam hic Publicanus: ieiûno bis in Sabbato: decimas do omnium, quæ possideo. Et Publicanus à longè stans nolebat nec oculos ad cœlum leuare; sed percutiebat pectus suum, dicens, Deus, propitius esto mihi peccatori. Dico vobis: Descendit hic iustificatus in domum suam ab illo. Quia, omnis, qui se exaltat, humiliabitur: &, qui se humiliat, exaltabitur.

Antiphona post Euangelium.

Isa. 26. **D**omine Deus noster, pacem tuam da nobis; omnia enim reddidisti nobis. Domine Deus noster, posside nos. Domine, præter te, alium non nouimus: nomen tuum nominamus; ne derelinquas nos.

Oratio super sindonem.

DEus, qui creaturæ tuæ misereri potius eligis, quàm irasci: cordis nostri infirma considera, & tuæ nos gratiâ pietatis illustra. Per Dñm. **Offert.** **E**go autem dixi in mea abundantia: Non mouebor in æternum. Domine, in voluntate tua præstitisti decóri meo virtutem. Domine, clamaui ad te; & sanasti me.

Dicitur: Credo.

Oratio super oblatam.

Suscipe munera, quæsumus, Domine, quæ tibi de tua largitate deferimus: vt hæc sacrosancta mysteria, gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perdûcant. Per Dominum.

Præfatio.

Æterne Deus: Ut te authorem nostrum pronis visceribus humana famulatio religioso excolat affectu. Et ideo obsecramus misericordiam tuam: ne pro nostra nos iniquitate condemnes; sed pro tua pietate in viam rectam semper disponas: nec, sicut merémur, delinquentibus irascaris; sed fragilitati nostræ inuicta tua bonitate subuenias. Per Christum, Dominum nostrum.

Confract. **D**omine, Deus meus, in te speraui: libera me ab omnibus persequentibus me, & eripe me. **Psal. 7.**

Transit. **D**a pacem Domine, Pater, Sacerdotibus, & Leuitis frangentibus Corpus Domini: da pacem Regibus nostris, & populo, sumentibus Corpus Domini. **Hallel. hallel. hallel.**

Oratio post Communionem.

Sumpsimus, Domine, sacri dona, mysterij humiliter deprecantes: vt, quæ in tui commemorationem nos facere præcepisti, in nostræ proficiant infirmitatis auxilium. Qui viuis, & regnas.

Si

Si in hanc, aut sequentes Hebdomadas incidat Festum Decollationis S. Ioannis Baptistæ; in sequenti Dominica fit Officium de Dominica post Decollationem; & cæteræ post Pentecosten Dominicæ omittuntur.

DOMINICA XII.

Post Pentecosten.

Ingressa.

Psal.
37.

Actus est Dominus protector meus; & perduxit me in latitudinem: saluum me fecit; quoniam voluit me.

Gloria in excelsis Deo.

Oratio super populum.

DA, quæsumus, Domine populo tuo sanitatem mentis, & corporis: da vitare, quod nocet, & amare, quod saluet: da, vt bonis operibus inhærendo, & benedici mereatur, & tua semper virtute defendi. Per Dominum nostrum.

Lectio Isaïæ Prophetæ.

Cap.
48.

Hæc dicit Dominus Deus: Audi me Iacob, & Israel, quem ego voco. Ego ipse, ego primus, & ego nouissimus. Manus quoque mea fundauit terram, & dextera mea mensa est cælos. Ego vocabo eos, & stabunt simul. Congregamini omnes vos, & audite: Quis de eis annunciauit hæc? Dominus dilexit eum: faciet voluntatem suam in Babylone, & brachium suum in Chaldæis. Ego, ego locutus sum, & vocaui eum: adduxi eum, & directæ est via eius. Accedite ad me, & audite hoc: Non à principio in abscondito locutus sum: ex tempore, antequam fieret, ibi eram: & nunc Dominus Deus misit me, & Spiritus eius. Hæc dicit Dominus, Redemptor tuus sanctus Israel: Ego Dominus, Deus tuus, docens te vtilia, gubernans te in via, qua ambulas. Uti-

nam attendisses mandata mea. Facta fuisset sicut flumen pax tua, & iustitia tua sicut gurgites maris: & fuisset, quasi arena, semen tuum, & stirps vteri tui, vt lapilli eius. Non interisset, & non fuisset attritum nomen, eius à facie mea. Egredimini de Babylone; fugite à Chaldæis; in voce exultationis annunciate; auditum facite hoc; & efferte illud vsque ad extrema terræ. Dicite: Redēmit Dominus seruum suum Iacob. Non sitiē runt in deserto, cum educeret eos. Aquam de petra produxit eis: & scidit petram, & fluxerunt aquæ. Dicit Dominus omnipotens.

Psal. 89. Domine, refugium factus es nobis à generatione, & progenie.

V. Priusquam firmaretur orbis terræ, à sæculo, & vsque in sæculum tu es, Domine.

Epistola Beati Pauli Apostoli ad Romanos.

FRatres. Nolite esse prudentes apud vosmetipsos. Nulli malum pro malo reddentes. Prouidentes bona non tantum coram Deo; sed etiam coram omnibus hominibus. Si fieri potest, quod ex vobis est, cum omnibus hominibus pacem habentes. Non vosmetipsos defendentes, charissimi; sed date locum iræ. Scriptum est enim: Mihi vindictam, & ego retribuam, dicit Dominus. Sed si esurierit inimicus tuus; ciba illum: si sitit; potum da illi. Hoc enim faciens, carbones ignis congeres super caput eius. Noli vinci à malo; sed vince in bono malum.

Halleluia. **V.** Præueniamus faciem eius in confessione, & in psalmis iubilemus illi; Hallel.

In Ferijs.

Halleluia. **V.** Verbo Domini cæli firmati sunt, & spiritu oris eius omnis virtus eorum: Hallel.

Lectio



Lectio sancti Evangelij
secundum Matthæum.

In illo tempore. Dicebat Dominus Iesus Discipulis suis: Dico vobis, quia, nisi abundauerit iustitia vestra plus, quàm Scribarum, & Phariseorum, non intrabitis in Regnum cœlorum. Audistis; quia dictum est antiquis: Non occides: qui autem occiderit, reus erit iudicio. Ego autem dico vobis, quia omnis, qui irascitur fratri suo, reus erit iudicio. Qui autem dixerit fratri suo, Raca, reus erit concilio. Qui autem dixerit, Fatue, reus erit Gehennæ ignis. Si ergo offers munus tuum ad Altare: & ibi recordatus fueris; quia frater tuus habet aliquid aduersum te; relinque ibi munus tuum ante Altare, & vade prius reconciliari fratri tuo; & tunc veniens offeres munus tuum.

Antiphona post Euangelium.

Nos, populus tuus, & oues gregis tui, confitebimur tibi, Deus, in sæcula. In generatione, & generationem annuntiabimus laudem tuam.

Oratio super sindonem.

Adesto supplicationibus nostris omnipotens Deus: & quibus fiduciam sperandæ pietatis indulges, consuetae misericordiæ tribue benignus effectum. Per Dominum nostrum, Iesum Christum.

Offertor. Exaudi Domine iustitiam meam: intende deprecationem meam. Mirifica misericordias tuas, qui saluos facis sperantes in te, Domine.

Dicitur: Credo.

Oratio super oblatam.

Sanctificationem tuam nobis, Domine, his mysterijs placatus, operare: quæ nos & à terrenis purget vitijs, & ad cœlestia dona perducat. Per Dominum nostrum, Iesum Christum.

Præfatio.

Æterne Deus: Te deprecantes, vt tua nos gratia protegat, & conseruet. Et quia sine te nihil rectè valemus efficere; ipsius munere semper capiamus; vt tibi placere possimus. Per Christum Dominum.

Confract. Domine, Dominus noster, quàm admirabile est nomen tuum in vniuersa terra!

Transitor. Odor Christi congregauit nos omnes. Venite: satiamini de Christi dulcedine.

Oratio post Communionem.

Quos cœlesti, Domine, dono satiasti, præsta, quæsumus: vt à nostris mundemur occultis, & ab hostium liberemur insidijs. Per Dominum nostrum.

D O M I N I C A X I I I .

Post Pentecosten.

Ingressa.



Exaudi Domine vocem meam, qua clamaui ad te. Tibi dixit cor meum: Quæsiuit te vultus meus: vultum tuum, Domine, requiram; ne auertas faciem tuam à me.

Gloria in excelsis Deo.

Oratio super populum:

Deus, in te sperantium fortitudo, adesto propitius inuocationibus nostris: & quia sine te nihil potest mortalis infirmitas; præsta auxilium gratiæ tuæ; vt in exequendis mandatis tuis & voluntate tibi, & actione placeamus. Per Dominum.

Lectio Ieremiæ Prophetæ.

Hæc dicit Dominus Deus: Conuertimini filij reuertentes; & sanabo auersiones vestras. Ecce nos venimus ad te; tu enim es Dominus, Deus noster. Verè mendaces erant colles, & multitudo montium: verè in

in Domino, Deo nostro salus Israel. Confusio comedit laborem patrum nostrorum ab adolescentia nostra, greges eorum, & armenta eorum, filios eorum, & filias eorum. Dormiēmus in confusione nostra, & operiet nos ignominia nostra; quoniam Domino, Deo nostro peccauimus nos, & patres nostri ab adolescentia nostra usque ad diem hanc; & non audiuius vocem Domini, Dei nostri. Si reuerteris Israel, ait Dominus; ad me conuertere: si abstuleris offendicula tua à facie mea; non commoueberis. Et iurabis, Viuit Dominus in veritate, & in iudicio, & in iustitia. Et benedicent eum gentes, ipsumque laudabunt. Dicit Dominus omnipotens.

Pfalmell. Iacta cogitatum tuum in Dominum; & ipse te enutriet.

V. Dum clamarem ad Dominum, exaudiuit vocem meam ab ijs, qui odērunt me.

Epistola Beati Pauli Apostoli ad Romanos.

Cap. 5. **F**ratres. Sicut per vnum hominem peccatum in hunc mundum intrauit, & per peccatum mors; & ita in omnes homines mors pertransiit; in quo omnes peccauerunt. Usque ad Legem enim peccatum erat in mundo: peccatum autem non imputabatur, cum Lex non esset. Sed regnauit mors ab Adam usque ad Moysen, etiam in eos, qui non peccauerunt in similitudinem prauaricationis Adæ, qui est forma futuri. Sed non sicut delictum; ita & donum. Si enim vnus delicto multi mortui sunt; multo magis gratia Dei, & donum in gratia vnus hominis, Iesu Christi in plures abundauit. Et non sicut per vnum peccatum; ita & donum. Nam iudicium quidem ex vno in condemnationem: gratia autem ex multis delictis in iustificationem.

Si enim vnus delicto mors regnauit per vnum: multo magis abundantiam gratiæ, & donationis, & iustitiæ accipientes in vita regnabunt per vnum Iesum Christum.

Halleluia. **V.** Venite: exultemus Domino, iubilemus Deo Salutari nostro: **Halleluia.**

In Ferijs.

Halleluia. **V.** Verbo Domini cœli firmati sunt, & spiritu oris eius omnis virtus eorum. **Hallel.**



Lectio sancti Euangelij secundum Marcum.

In illo tempore. Cum turba multa esset cum Iesu: nec haberent, quod manducarent; conuocatis Discipulis, ait illis: Misereor super turbam; quia ecce iam triduo sustinent me, nec habent, quod manducant, & si dimisero eos ieiunos in domum suam, deficient in via; quidam enim ex eis de longè venērunt. Et responderunt ei Discipuli sui: Unde illos quis poterit hinc saturare panibus in solitudine? Et interrogauit eos: Quot panes habetis? Qui dixerunt: Septem. Et præcepit turbæ discumbere super terram. Et accipiens septem panes, gratias agens fregit: & dabat Discipulis suis, vt apponerent: & apposuerunt turbæ. Et habebant pisculos paucos: & ipsos benedixit, & iussit apponi. Et manducauerunt, & saturati sunt: & sustulerunt, quod supererat de fragmentis, septem sportas. Erant autem, qui manducauerant, quasi quatuor millia: & dimisit eos.

Antiphona post Euangelium.

Quiescat ira tua, Domine: & esto placabilis super nequitias populi tui; sicut iurasti per te ipsum, Deus.

Oratio super sindonem.

Deus, qui te in rectis, ac sinceris manere pectoribus asseris: da, no-

Dominica XIV. post Pentecosten.

231

nobis tuâ gratiâ tales existere, in quibus habitare digneris. Per Dñm.

Psal. 16. **Offert.** Perfice gressus meos in semitis tuis; vt non moueantur vestigia mea. Inclina aurem tuam, & exaudi verba mea. Mirifica misericordias tuas, qui saluos facis sperantes in te, Domine.

Dicitur: Credo.

Oratio super oblatam.

Hostias nostras tibi, Domine, dicatas placatus assume: & ad perpetuum nobis tribue prouenire subsidium. Per Dominum.

Præfatio.

Æterne Deus. Qui Ecclesiæ filios, sicut erudire non cessas; ita non desinis adiuuare: vt & scientiam recta faciendi, & possibilitatem capiant exequendi. Per Christum, Dominum nostrum.

Psal. 9. **Confract.** Narrabo omnia mirabilia tua: lætabor, & exultabo in te: psallam nomini tuo, Altissime.

Transit. Accepta Christi munera sumamus Dei gratiâ, non ad iudicium, sed ad saluandas animas.

Oratio post Communionem.

Tantis, Domine, replêti muneribus, præsta, quæsumus: vt & dona salutaria capiamus, & à tua laude nunquam cessemus. Per Dominum nostrum.

DOMINICA XIV.

Post Pentecosten.

Ingressa.

Psal. 24. **R**espice in me, & miserere mei, Domine; quoniam vnicus, & pauper sum ego. Vide humilitatem meam, & laborem meum: & dimitte omnia peccata mea, Deus meus.

Gloria in excelsis Deo.

Oratio super populum.

Ecclésiæ tuæ, Domine, voces placatus admitte: vt, destructis aduersitatibus, & erroribus vniuersis, secura tibi seruiat libertate. Per Dñm.

Lectio Ezechielis Prophetæ.

In diebus illis. Factus est sermo Domini ad me, dicens: Fili hominis, pone faciem tuam contra filios Ammon, & prophetabis de eis, & dices filiis Ammon: Audite verbum Domini Dei. Hæc dicit Dominus Deus: Pro eo, quod dixisti: Euge, euge super sanctuarium meum, quia pollutum est: & super terram Israel; quoniam desolata est, & super domum Iuda; quoniam ducti sunt in captiuitatem; idcirco ecce ego tradam te filiis orientalibus in hæreditatem; & collocabunt caulas suas in te, & ponent in te tentoria sua. Ipsi comedent fruges tuas, & ipsi bibent lac tuum. Dabôque Rabbath in habitaculum camelorum, & filios Ammon in cubile pecorum: & scietis, quia ego Dominus. Quia hæc dicit Dominus Deus: Pro eo, quod plausisti manu, & percussisti pede, & gauisa es ex toto affectu super terram Israel; idcirco ecce ego extendam manum meam super te; & tradam te in direptionem Gentium; & interficiam te de populis, & perdam de terris, & conteram; & scies, quia ego Dominus Deus omnipotens.

Psalmell. Eleua Domine manum tuam in superbia inimicorum in finem.

Y. Effunde Domine iram tuam in gentes, quæ bella volunt.

Epistola Beati Pauli Apostoli ad Hebræos.

Fratres. Obedite Præpositis vestris, & subiaccete eis. Ipsi enim peruigilant, quasi rationem pro animabus vestris reddituri; vt cum gaudio

Cap. 25.

Cap. 13.

dio hoc faciant, & non gementes. Hoc enim non expedit vobis. Orate pro nobis. Confidimus enim, quia bonam conscientiam habemus, in omnibus bene volentes conuersari. Amplius autem deprecor vos hoc facere, quò celerius restituar vobis. Deus autem pacis, qui eduxit de mortuis Pastorem magnum ouium, in sanguine Testamenti æterni, Dominum nostrum, Iesum Christum, aptet vos in omni bono, vt faciatis eius voluntatem: faciens in vobis, quod placeat coram se per Iesum Christum: cui est honor, & gloria in sæcula sæculorum. Amen.

Psal. 92. **H**allelùiah. **V.** Dominus regnavit, decorem induit: induit Dominus fortitudinem, & præcinxit se virtutem. Hallelùiah.

In Ferijs.

Psal. 12. **H**allelùiah. **V.** Verbo Domini cœli firmati sunt, & spiritu oris eius omnis virtus eorum: Hallel.



Lectio sancti Euangelij
secundum Marcum.

Cap. 7. **I**N illo tempore. Exiens Dominus Iesus de finibus Tyri, venit per Sidonem ad Mare Galilææ, inter medios fines Decapoleos. Et adducunt ei surdum, & mutum: & deprecabantur eum, vt imponat illi manum. Et apprehendens eum de turba seorsum, misit digitos suos in auriculas eius: & expuens, tetigit linguam eius. Et suspiciens in cœlum ingemuit, & ait illi: Ephphetha, quod est, Adaperire. Et statim apertæ sunt aures eius, & solutum est vinculum linguæ eius; & loquebatur rectè. Et præcepit illis, ne cui dicerent. Quantò autem eis præcipiebat, tantò magis plùs prædicabant: & eò amplius admirabantur, dicentes: Bene omnia fecit: & surdos fecit audire, & mutos loqui.

Antiphona post Euangelium.

Obscramus, Domine, vt gradiaris nobiscum, & auferas iniquitates nostras, atque peccata, & nos possideas.

Oratio super sindonem.

Porrige dexteram tuam, quaesumus, Domine, plebi tuæ misericordiam postulanti: per quam & terrores declinet humanos, & solatia vitæ immortalis accipiat, & sempiterna gaudia comprehendat. Per Dñm.

Offert. Domine conuertere, & eripe animam meam: saluum me fac propter misericordiam tuam.

V. Miserere mihi Domine; quoniam infirmus sum; sana me Domine; quoniam turbata sunt omnia ossa mea: saluum me fac propter misericordiam tuam.

Dicitur: Credo.

Oratio super oblatam.

Adesto Domine supplicationibus nostris: & his muneribus præsentiam tuæ Maiestatis interfere; vt, quod nostro seruitio geritur, te potius operante, firmetur. Per Dñm.

Præfatio.

Æterne Deus: Maiestatem tuam suppliciter exorantes: vt ab Ecclesia tua, quicquid est noxium, tua virtute repellas, & quod eidem salutare est, largiaris: nobisque contra superbos spiritus humilitatem tribuas rationabilem custodire, & gratiam tuam clementer impendas: nec nos humani incertos auxilij derelinquas; sed tua, quæ falli non potest, gubernatione conserues. Per Christum.

Confract. Illumina faciem tuam super seruum tuum, & saluum me fac in tua misericordia Domine: non confundar; quoniam inuocaui te.

Transitor. Corpus tuum frangitur, Christe, Calix benedicitur. Sanguis tuus sit nobis semper ad vitam, & ad saluandas animas, Deus noster.

Gra-

Dominica XV. post Pentecosten.

233

Oratio post Communionem.

Quod ore sumpsimus, Domine, pura mente capiamus: ut de Corpore, & Sanguine Domini nostri, Iesu Christi fiat nobis remedium sempiternum. Per eundem Dominum nostrum.

DOMINICA XV.

Post Pentecosten.

Ingressa.

Psal.
26.

Dominus illuminatio mea & salus mea, quem timebo? Dominus defensor vitæ meæ; à quo trepidabo? Qui tribulant me, inimici mei, ipsi infirmati sunt, & ceciderunt.

Gloria in excelsis Deo.

Oratio super populum.

Exaudi Domine vocem tibi supplicantis Ecclesiæ: quæ in modum vineæ, Filij tui propagata cultoribus, firmis in te nititur stare radicibus; ut à præsentis sæculi fluctibus aliena, pullulantis in se populi natiuitate ditata, vbertatis suæ fructibus gloriatur. Per eundem.

Lectio Daniëlis Prophetæ.

Cap. **I**n diebus illis. Orauit Daniel ad Dominum, dicens: Iustus Dominus, Deus noster in omnibus operibus suis, quæ fecit. Non enim audiuius vocem eius. Et nunc Domine, Deus noster, qui eduxisti populum tuum de terra Ægypti in manu forti, & fecisti tibi nomen secundum diem hanc: peccauimus, iniquitatem fecimus, Domine, in omnem iustitiam tuam. Auertatur, obsecro, ira tua, & furor tuus à ciuitate tua Ierusalem, & à monte sancto tuo. Propter peccata enim nostra, & iniquitates patrum nostrorum, Ierusalem, & populus tuus in opprobrium sunt omnibus per circuitum nostrum. Nunc

ergo exaudi Deus noster orationem serui tui, & preces eius: & ostende faciem tuam super sanctuarium tuum, quod desertum est. Propter temetipsum inclina Deus meus aurem tuam, & audi: aperi oculos tuos, & vide desolationem nostram, & ciuitatem, super quam inuocatum est nomen tuum. Neque enim in iustificationibus nostris prosternimus preces ante faciem tuam, sed in miserationibus tuis multis. Exaudi Domine, placare Domine, attende, & fac: ne moreris propter temetipsum, Deus meus. Quia nomen tuum inuocatum est super ciuitatem, & super populum tuum.

Psal. Si ambulem in medio vmbræ mortis; non timebo mala; quoniam tu mecum es.

Virga tua, & baculus tuus, ipsa me, Domine, consolata sunt.

Epistola Beati Pauli Apostoli ad Hebræos.

Fratres. Caritas fraternitatis maneat in vobis: & hospitalitatem nolite obliuisci; per hanc enim latuerunt quidam Angelis hospitio receptis. Mementote victorum, tanquam simul victi: & laborantium, tanquam & ipsi in corpore morantes. Honorabile connubium in omnibus, & thorus immaculatus; fornicatores enim, & adulteros iudicabit Deus. Sint mores sine auaritia, contenti præsentibus. Ipse enim dixit: Non te deferam, neque derelinquam. Ita ut confidenter dicamus: Dominus mihi adiutor; non timebo, quid faciat mihi homo. Mementote Præpositorum vestrorum, qui vobis locuti sunt verbum Dei: quorum intuentes exitum conuersationis, imitamini fidem. Iesus Christus heri, & hodie: ipse & in sæcula.

Halleluia, Præueniamus faciem eius

V

eius in confessione, & in psalmis iubilemus illi: Hallel.

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum: Hallel.



Lectio sancti Euangelij secundum Lucam.

In illo tempore. Ibat Dominus Iesus in Ciuitatem, quæ vocatur Naim: & ibant cum eo Discipuli eius, & turba copiosa. Cum autem appropinquaret portæ Ciuitatis, ecce defunctus efferebatur filius vnicus matris suæ: & hæc vidua erat: & turba Ciuitatis multa cum illa. Quam cum vidisset Dominus, misericordiâ motus super eam, dixit illi: Noli flere. Et accessit, & tetigit loculum (hi autem, qui portabant, steterunt) & ait: Adolescens, tibi dico, Surge. Et resedit, qui erat mortuus, & cœpit loqui. Et dedit illum matri suæ. Accepit autem omnes timor: & magnificabant Deum, dicentes: Quia Propheta magnus surrexit in nobis: & quia Deus visitauit plebem suam.

Antiphona post Euangelium.

Custodi Deus portionem tuam, & sanctifica Domine: congrega dispersionem nostram: libera eos, qui seruiunt Gentibus; vt sciant, quia tu es Deus noster.

Oratio super sindonem.

Deus, qui diligentibus te bona, inuisibilia præparasti, infunde cordibus nostris tui amoris affectum: vt te in omnibus, & super omnia diligentes, promissiones tuas, quæ omne desiderium superant, consequamur. Per Dominum nostrum.

Offert. **I**n te speraui, Domine. Dixi: Deus meus tu es: in manibus tuis tempora mea.

V. Portio mea, Domine, dixi custodire Legem tuam. Deprecatus sum

faciem tuam, Domine, de toto corde meo, dum dilatâres cor meum.

Dicitur: Credo.

Oratio super oblatam.

Propitiare Domine supplicationibus nostris, & has populi tui oblationes benîgnus asûme: & vt nullius sit irritum votum, nullius vacua postulatio, præsta, quæsumus: vt, quod fideliter petimus, efficaciter consequamur. Per Dominum.

Præfatio.

Æterne Deus: Maiestatem tuam suppliciter deprecantes: vt, qui rei sumus meritis, non efficiamur nostrâ duritiâ contumaces: nec te proteruis sensibus accusare nitâmur, cum tua nobis, quæ non meremur, beneficia retardantur; sed hinc potius & nostras cognoscamus offensas, & opem tuam iugiter imploremus. Quia multò amplius continuata subsidia deuotis mentibus ministrabis, qui eadem largîris indignis. Per Christum Dominum nostrum.

Confract. **I**ntroibo ad Altare Dei, ad Deum, qui lætificat iuuentutem meam.

Transit. **A**ngeli circundedêrunt Altare, & Christus administrat Panem sanctorum, & Calicem vitæ in remissionem peccatorum.

Oratio post Communionem.

Gratias tibi agimus, Domine sancte, Pater omnipotens, æterne Deus: qui nos Corporis, & Sanguinis Domini nostri, Iesu Christi communionem satiaisti; tuamque misericordiam humiliter imploramus: vt hoc tuum, Domine, Sacramentum non sit nobis reatus ad pœnam; sed sit intercessio salutaris ad veniam: sit ablutio scelerum; sit fortitudo fragilium; sit contra mundi pericula firmamentum. Hæc nos communio purget à crimine, & cœlestis gaudij tribuat esse participes. Per eundem. **Im-**

Dominica I. post Decollationem.

235

Immediatè post Decollationem.
S. Io. Baptistæ, cuius Festum die 29.
Augusti recolitur, sit de sequentibus
Dominicis; omissis, si quæ supersunt,
præcedentibus; vt dictum est supra,
pag. 228.

DOMINICA I.

Post Decollationem.

Ingressa.

Psal.
118.



Manus tuæ, Domine,
fecerunt me, & plas-
mauerunt me: da mihi
intellectum; vt dis-
cam mandata tua.
Quia concupiui saluta-
re tuum, & Lex tua meditatio mea est.
Gloria in excelsis Deo.

Oratio super populum.

Deus, qui Ecclesiam tuam noua
semper prole fœcundas: auge
eam quotidie credentium puritate,
& diuinæ gratiæ infusione multipli-
ca; vt, repulsa impugnatione malo-
rum omnium, in tranquillitate pacis,
& fidei tuo semper ditata munere,
glorietur. Per Dominum nostrum.

Lectio Isaïæ Prophetæ.

Cap.
65.

Hæc dicit Dominus Deus: Ecce
serui mei comedent, & vos esu-
riētis: ecce serui mei bibent, & vos
sitiētis: ecce serui mei lætabuntur, &
vos confundemini: ecce serui mei
laudabunt præ exultatione cordis, &
vos clamabitis præ dolore cordis, &
præ contritione spiritus vlulabitis.
Et dimittetis nomen vestrum in iu-
ramentum electis meis, & interficiet
te Dominus Deus, & seruos suos vo-
cabit nomine alio. In quo, qui bene-
dictus est super terram, benedicetur
in Deo, Amen: & qui iurat in terra,
iurabit in Deo, Amen. Quia obliuio-
ni traditæ sunt angustia priores: &
quia absconditæ sunt ab oculis no-
stris. Ecce enim ego creo coelos no-

uos, & terram nouam: & non erunt
in memoriâ priora, & non ascendent
super cor; sed gaudebitis, & exulta-
bitis vsque in sempiternum in his,
quæ ego creo. Quia ecce ego creo
Ierusalem exultationem, & populum
eius gaudium, & exultabo in Ierusa-
lem, & gaudebo in populo meo. Di-
cit Dominus omnipotens.

Psalmell. Saluum fac seruum tuum, ^{Psal.}
Deus meus, sperantem in te. ^{85.}

V. Auribus percipe Domine oratio-
nem meam, & intende voci depre-
tionis meæ.

Epistola Beati Pauli Apostoli
ad Ephesios.

Fratres. Nemo vos seducat ina- ^{Cap.}
nibus verbis; propter hæc enim ^{5.}
venit ira Dei in filios diffidentia. No-
lîte ergo effici participes eorum; Era-
tis enim aliquando tenebræ: nunc au-
tem lux in Domino. Ut filij lucis am-
bulate (fructus enim lucis est in om-
ni bonitate, & iustitia, & veritate)
probantes, quid sit beneplacitum
Deo: & nolîte communicare operi-
bus infructuosis tenebrarum; magis
autem redarguite. Quæ enim in oc-
culto fiunt ab ipsis, turpe est & dice-
re. Omnia autem, quæ arguuntur à
lumine manifestantur; omne enim,
quod manifestatur, lumen est. Prop-
ter quod dicit: Surge qui dormis, &
exurge à mortuis; & illuminabit te
Christus.

Hallelùiah. V. Venîte: exultemus ^{Psal.}
Domino: iubilemus Deo Salutari no- ^{94.}
stro: Hallelùiah.

In Ferijs.

Hallelùiah. V. Verbo Domini cœli ^{Psal.}
firmati sunt, & spiritu oris eius omnis ^{32.}
virtus eorum. Hallel.



Lectio sancti Euangelij
secundum Lucam.

In illo tempore. Audiuit Herodes ^{Cap.}
Tetrarcha omnia, quæ fiebant à ^{9.}
Iesu

Iesu. Et hæsitabat, eò quòd diceretur à quibusdam; Quia Ioannes surrexit à mortuis: à quibusdam verò; Quia Eliás apparuit: ab alijs autem; Quia Propheta vnus de antiquis surrexit. Et ait Herodes: Ioannem ego decollaui: quis est autem iste, de quo ego talia audio? Et quærebat videre eum. Et reuersi Apostoli narrauerunt illi, quæcunque fecerunt. Et, assumptis illis, secessit seorsum in locum desertum, qui est Bethsaidæ. Quod cum cognouissent turbæ, secutæ sunt illum: & excepit eos, & loquebatur illis de Regno Dei: & eos, qui cura indigebant, sanabat.

Antiphona post Euangelium.

Manus tua, Domine, pugnavit pro patribus nostris; Tu enim ipse es Dominus, Deus noster: Dexteræ tuæ confringat inimicos; vt cantemus nomini tuo, Domine, laudem tuam.

Oratio super findonem.

Deus, qui nos in tantis periculis constitutos humana conspicias fragilitate non posse subsistere: da nobis salutem mentis, & corporis; vt ea, quæ pro peccatis nostris patimur, te adiuuante vincamus. Per Dñm.

Offert. **S**uper flumina Babylonis, illic sedimus, & fleuimus, dum recordaremur tui, Sion.

V. Si oblîtus fuero tui, Ierusalem; obliuiscatur me dextera mea: Adhæreat lingua mea faucibus meis; si non meminero tui, Ierusalem.

Dicitur: Credo.

Oratio super oblatam.

Deus, qui legalium differentias hostiarum vnîus sacrificij perfectione sanxisti: accipe sacrificium à deuotis tibi famulis, & pari benedictione, sicut munera Abel, sanctifica; vt, quod singuli obtulerunt ad Maiestatis tuæ honorem, cunctis proficiat ad salutem. Per Dominum nostrum.

Præfatio:

Æterne Deus: Implorantes clementiam tuam; vt gubernare digneris onera diuinæ militiæ sustinentes: Et quia necesse est; vt ab eo, cui plus creditur, amplius exigatur; tu nostras propitius dirigas actiones; vt & proprijs non implicemur erroribus, & exuamur externis. Per Christum, Dominum nostrum.

Confract. **V**ouête, & reddite Domino Deo nostro omnes, qui in circuitu eius offertis munera: terribili, & ei, qui aufert spiritum Principum: terribili apud Reges terræ.

Transit. **Q**ui manducauerit Corpus meum, & biberit Sanguinem meum, ipse in me manet, & ego in illo: dicit Dominus.

Oratio post Communionem.

Sit nobis, Domine, quæsumus, medicina mentis, & corporis, quod de sancti Altaris tui benedictione percepimus: vt nullis aduersitatibus fatigemur, qui tanti remedij participatione munîmur. Per Dominum.

DOMINICA II.

Post Decollationem.

Ingressa.



Dicit Dominus: Ego cogito cogitationes pacis, & non afflictionis. Inuocabitis me: & ego exaudiam vos, & reducam captiuitatem vestram de cunctis locis.

Gloria in excelsis Deo.

Oratio super populum.

Omnipotens, sempiternus Deus, in protectione fidelium populorum antiqua brachij tui operare miracula: vt, hostibus nostris tua virtute compressis, secura tibi seruiat catholica fides, & deuotio christiana. Per Dominum nostrum.

Lectio

Lectio Ieremiæ Prophetæ.

IN diebus illis. Factum est verbum ad Ieremiam à Domino, dicens: Sta in porta domus Domini, & prædica ibi verbum istud, & dic: Audite Verbum Domini, omnis Iuda, qui ingredimini per portas has, vt adoretis Dominum. Hæc dicit Dominus exercituum, Deus Israel: Bonas facite vias vestras, & studia vestra; & habitabo vobiscum in loco isto. Nolite confidere in verbis mendacij, dicentes: Templum Domini; Templum Domini; Templum Domini est. Quoniam, si bene direxeritis vias vestras, & studia vestra: si feceritis iudicium inter virum, & proximum eius: aduenæ, & pupillo, & viduæ non feceritis calumniam: nec sanguinem innocentem effuderitis in loco hoc: & post Deos alienos non ambulaueritis in malum vosmetipsis; habitabo vobiscum in loco isto, in terra, quam dedi Patribus vestris, à sæculo, & vsque in sæculum. Dicit Dominus omnipotens.

Psalmell. **C**onuertere Domine aliquantulum, & deprecare super seruos tuos.

V. Domine, refugium factus es nobis à generatione, & progenie.

Epistola Beati Pauli Apostoli ad Corinthios secunda.

FRatres. Gratias Deo, qui dedit eandem sollicitudinem pro vobis in corde Titi. Quoniam exhortationem quidem suscepit; sed, cum sollicitior esset, sua voluntate profectus est ad vos. Misimus etiam cum illo fratrem, cuius laus est in Euangelio per omnes Ecclesias: non solum autem; sed & ordinatus est ab Ecclesijs comes peregrinationis nostræ in hanc gratiam, quæ ministratur à nobis ad Domini gloriam, & destinata voluntatem nostram: deuitantes hoc,

ne quis nos vituperet in hac plenitudine, quæ ministratur à nobis. Prouidemus enim bona non solum coram Deo, sed etiam coram hominibus.

Halleluia. **V.** Dominus regnavit, decorem induit: induit Dominus fortitudinem, & præcinxit se virtutem: **Halleluia.**

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum: **Hallel.**

Lectio sancti Euangelij secundum Matthæum.

IN illo tempore. Dicebat Dominus Iesus Discipulis suis. Attendite à falsis Prophetis, qui veniunt ad vos in vestimentis ouium: intrinsecus autem sunt lupi rapaces. A fructibus eorum cognoscetis eos. Nunquid colligunt de spinis vvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus facere: neque arbor mala bonos fructus facere. Omnis arbor, quæ non facit fructum bonum, excidetur, & in ignem mittetur. Igitur ex fructibus eorum cognoscetis eos. Non omnis, qui dicit mihi, Domine, Domine, intrabit in Regnum Cœlorum; sed, qui facit voluntatem Patris mei, qui in cœlis est, ipse intrabit in Regnum Cœlorum.

Antiphona post Euangelium.

Sperate in eo omnis conuentus plebis: effundite coram illo corda vestra; quia Deus adiutor noster est.

Oratio super sindonem.

Deus, qui creaturæ tuæ misereri potius eligis, quàm irasci: cordis nostri infirma considera, & tuæ nos gratiâ pietatis illustra. Per Dñm. **Offert.** **D**eus firmavit orbem terræ, qui non commouebitur. Parata sedes tua Deus: ex tunc à sæculo tu es.

V. Dominus regnavit, decorem induit: induit Dominus fortitudinem, & præcinxit se virtutem. Ex tunc a sæculo tu es.

Dicitur: Credo.

Oratio super oblatam.

Suscipe munera, quæsumus, Domine, quæ tibi de tua largitate deferimus: ut hæc sacrosancta mysteria, gratiæ tuæ operante virtute, & præsentis vitæ nos conversatione sanctificent, & ad gaudia sempiterna perducant. Per Dominum.

Præfatio.

Aterne Deus: Ut te authorem nostrum pronis visceribus humana famulatio religioso excolat affectu. Et ideo obsecramus misericordiam tuam; ne pro nostra nos iniquitate condemnes; sed pro tua pietate in viam rectam semper disponas: nec, sicut meremur, delinquentibus irascaris; sed fragilitati nostræ inuicta tua bonitate subuenias. Per Christum, Dominum nostrum.

Psal. 1. **Confract.** Qui meditabitur in Lege Domini die, ac nocte, dabit fructum suum in tempore suo.

Transit. Declinant anni nostri, & dies ad finem. Quia tempus est; corrigamus nos ad laudem Christi. Lampades sint accensæ; quia excelsus Iudex venit iudicare gentes. Hallel. hallel.

Oratio post Communionem.

Sumpsimus, Domine, sacri dona mysterij, humiliter deprecantes: ut, quæ in tui commemorationem nos facere præcepisti, in nostræ proficiant infirmitatis auxilium. Qui vivis, & regnas.

DOMINICA III.

Post Decollationem.

Ingressa.



Ereant omnes inimici tui, Domine. Qui autem diligunt te; sicut sol in ortu suo fulget; ita rutilent.

Gloria in excelsis Deo.

Oratio super populum.

DA, quæsumus, Domine, populo tuo sanitatem mentis, & corporis; da vitare, quod nocet, & amare, quod saluet: da, ut bonis operibus inhærendo, & benedici mereatur, & tua semper virtute defendi. Per Dominum nostrum.

Lectio Isaïæ Prophetæ.

IN diebus illis. Orauit Isaïas ad Dominum, dicens: Domine, miserere nostri; te enim expectauimus: esto brachium nostrum in mane, & salus nostra in tempore tribulationis. A voce Angeli fugerunt populi, & ab exultatione tua disperis sunt gentes. Et congregabuntur spolia vestra; sicut colligitur bruchus; velut cum fossæ plenæ fuerint de eo. Magnificatus est Dominus; quoniam habitauit in excelsis, impleuit Sion iudicio, & iustitia. Et erit fides in temporibus tuis: diuitiæ salutis, sapientia, & scientia: timor Domini ipse est thesaurus eius. Ecce videntes clamabunt foris; Angeli pacis amare flebunt. Dissipatæ sunt viæ; cessauit transiens per semitam; irritum factum est pactum proiecit ciuitates; non reputauit homines. Luxit, & elanguit terra; confusus est Libanus; & obsurdit; & factus est Saron sicut desertum; & concussa est Basan, & Carmelus. Nunc confurgam; nunc exaltabor; nunc subleuabor. Dicit Dominus omnipotens.

Psalmell. Oculi mei semper ad Dominum;

Ind.

5.

Cap. 33.

Psal. 14.

minum; quia ipse euellet de laqueo pedes meos.

V. Respice in me; & miserere mei; quoniam vnicus, & pauper sum ego.

Epistola Beati Pauli Apostoli ad Ephesios.

Fratres. Obedite, filij, parentibus vestris in Domino; hoc enim iustum est. Honora patrem tuum, & matrem tuam (quod est mandatum primum in promissione) vt bene sit tibi, & sis longæuus super terram. Et vos, patres, nolite ad iracundiam prouocare filios vestros; sed educate illos in disciplina, & correptione Domini. Serui, obedite dominis carnalibus cum timore, & tremore, in simplicitate cordis vestri, sicut Christo: non ad oculum seruientes; quasi hominibus placentes; sed vt serui Christi, facientes voluntatem Dei ex animo; cum bona voluntate seruientes, sicut Domino, & non hominibus; scientes, quoniam vnusquisque, quodcunque fecerit bonum, hoc recipiet à Domino, siue seruus, siue liber. Et, vos domini, eadem facite illis, remittentes minas: scientes; quia & illorum, & vester Dominus est in coelis, & personarum acceptio non est apud eum.

Halleluia. **V.** Præueniamus faciem eius in confessione, & in psalmis iubilemus illi. Hallel.

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum: Hallel.



Lectio sancti Euangelij secundum Lucam.

In illo tempore. Quidam Legisperitus surrexit, tentans Iesum, & dicens: Magister, quid faciendo vitam æternam possidebo? At ille dixit ad eum: In Lege quid scriptum est? quomodo legis? Ille respondens

dixit: Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua: & proximum tuum, sicut teipsum. Dixitque illi: Rectè respondisti: hoc fac; & viues. Ille autem, volens iustificare seipsum, dixit ad Iesum: Et quis est meus proximus? Suscipiens autem Iesus, dixit: Homo quidam descendebat ab Ierusalem in Iericho, & incidit in latrones: qui etiam despoliauerunt eum, & plagis impositis abièrunt, semiuivo relicto. Accidit autem, vt Sacerdos quidam descenderet eadem viâ: & viso illo, præteriiuit. Similiter & Leuita, cum esset secus locum, & videret eum, pertransiit. Samaritanus autem quidam iter faciens venit secus eum: & videns eum misericordiâ motus est. Et appropians alligauit vulnera eius, infundens oleum, & vinum: & imponens illum in iumentum suum, duxit in stabulum, & curam eius egit. Et altera die protulit duos denarios, & dedit stabulario, & ait: Curam illius habe: & quodcunque supererogaueris, ego cum rediero, reddam tibi. Quis horum trium videtur tibi proximus fuisse illi, qui incidit in latrones? At ille dixit: Qui fecit misericordiam, in illum. Et ait illi Iesus: Vade, & tu fac similiter.

Antiphona post Euangelium.

Domine, Domine Deus, omnium Creator, terribilis, & fortis, iustus, & misericors, solus, & bonus: qui solus præstas, congrega dispersionem nostram.

Oratio super sindonem.

Adesto supplicationibus nostris omnipotens Deus: & quibus fiduciam sperandæ pietatis indulges, consuetæ misericordiæ tribue benignus effectum. Per Dominum nostrum, Iesum Christum.

Offert.

Psal.
84.

Offert. Benedixisti, Domine, terram tuam; auertisti captiuitatem ab Iacob.

Dicitur: Credo.

Oratio super oblatam.

Sanctificationem tuam nobis, Domine, his mysterijs placatus, operare: quæ nos & à terrenis purget vitijs, & ad cœlestia dona perducat. Per Dominum nostrum.

Præfatio.

Æterne Deus: & Maiestatem tuam humiliter implorare; vt Iesus Christus, Filius tuus, Dominus noster, suâ nos gratiâ protegat, & conseruet: Et quia sine ipso nihil rectè valemus efficere; ipsius munere capiamus; vt tibi semper placere possimus. Per quem Maiestatem tuam.

Psal.
3.

Confract. Voce mea ad Dominum, clamaui, & exaudiuit me de monte sancto suo: non timebo millia populi circumdantis me.

Transit. Stant Angeli ad latus Altaris: & sanctificant Sacerdotes Corpus, & Sanguinem Christi, psallentes, & dicentes: Gloria in excelsis Deo.

Oratio post Communionem.

Quos cœlesti, Domine, dono satiasti, præsta, quæsumus: vt à nostris mundemur occultis, & ab hostiû liberemur insidijs. Per Dñm.

DOMINICA IV.

Post Decollationem.

Ingressa.

Psal.
85.

Inclina Domine aurem tuam, & exaudi me: saluum fac seruum tuum, Deus meus, sperantem in te: Miserere mihi; quoniam

ad te clamaui tota die.

Gloria in excelsis Deo.

Oratio super populum.

Deus, in te sperantium fortitudo, adesto propitius inuocationi-

bus nostris: & quia sine te nihil potest mortalis infirmitas; præsta auxilium gratiæ tuæ; vt in exequendis mandatis tuis & voluntate tibi, & actione placeamus. Per Dominum.

Lectio Ieremiæ Prophetæ.

Hæc dicit Dominus: Ecce dies venient, & feriam domui Israel, & domui Iuda fœdus nouum. Non secundum pactum, quod pepigi cum patribus vestris in die, qua apprehendi manum eorum, vt educerem eos de terra Ægypti: pactum, quod irritum fecerunt: & ego dominatus sum eorum, dicit Dominus. Sed hoc erit pactum, quod feriam cum domo Israel post dies illos, dicit Dominus. Dabo Legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum. Et non docebit ultra, vir proximum suum, & vir fratrem suum, dicens: Cognosce Dominum. Omnes enim cognoscent me à minimo eorum vsque ad maximum, ait Dominus; quia propitiabor iniquitati eorum, & peccati eorum non memorabor amplius. Dicit Dominus omnipotens.

Psal. 89. Domine, refugium factus es nobis à generatione, & progenie.

Ps. Priusquam fierent montes, aut firmaretur orbis terræ, à sæculo, & vsque in sæculum tu es, Domine.

Epistola Beati Pauli Apostoli ad Philippenses.

Fratres. Gratias ago Deo meo in omni memoria vestri (semper in cunctis orationibus meis pro omnibus vobis cum gaudio deprecationem faciens) super communicatione vestra in Euangelio Christi à prima die vsque nunc: confidens hoc ipsum; quia, qui cœpit in vobis opus bonum, perficiet vsque in diem Christi Iesu. Sicut est mihi iustum, hoc sen-

sentire pro omnibus vobis, eò quòd habeam vos in corde, & in vinculis meis, & in defensione, & confirmatione Euangelij, socios gaudij mei omnes vos esse. Testis enim mihi est Deus, quomodo cupiam vos omnes in visceribus Iesu Christi. Et hoc oro, vt charitas vestra magis, ac magis abundet in scientia, & in omni sensu; vt probétis potiora, & sitis sincéri, & sine offensa in diem Christi, repleti fructu iustitiæ per Iesum Christum, in gloriam, & laudem Dei.

Hallelùiah. *Ps.* **V.** Veníte: exultemus Domino: iubilemus Deo Salutari nostro: Hallelùiah.

In Ferijs.

Hallelùiah. *Ps.* **V.** Verbo Domini coeli firmati sunt, & spiritu oris eius omnis virtus eorum: Hallel.

Lectio sancti Euangelij
secundum Matthæum.

IN illo tempore. Videns Dominus Iesus fici arborem vnam secus viam, venit ad eam: & nihil inuenit in ea, nisi folia tantum, & ait illi: Nunquam ex te fructus nascatur in sempiternum. Et arefacta est continuo ficulnea. Et videntes Discipuli, mirati sunt, dicentes: Quomodo continuo aruit? Respondens autem Iesus ait eis: Amen dico vobis: Si habueritis fidem, & non hæsitaueritis; non solum de ficulnea facietis; sed & si monti huic dixeritis: Tolle, & iacta te in mare; fiet. Et omnia, quæcunque petieritis in oratione credentes, accipietis.

Antiphona post Euangelium.

Domine, Deus noster, pacem tuam da nobis; omnia enim reddidisti nobis. Domine, Deus noster, posside nos. Domine, præter te, alium non nouimus, nomen tuum nominamus; ne derelinquas nos.

Oratio super sindonem.

DEus, qui te in rectis, ac sinceris manere pectoribus asseris: da nobis tuâ gratiâ tales existere, in quibus habitare digneris. Per Dñm. **Offertor.** **E**xaudi Domine iustitiam meam: intende deprecationem meâ. Mirifica misericordias tuas, qui saluos facis sperantes in te, Domine.

Dicitur: Credo.

Oratio super oblatam.

Hostias nostras tibi, Domine, dicatas, placatus assûme: & ad perpetuum nobis tribue prouenire subsidium. Per Dominum.

Præfatio.

Æterne Deus. Qui Ecclesiæ filios sicut erudire non cessas; ita non desinis adiuuare: vt & scientiam recta faciendi, & possibilitatem capiant exequendi. Per Christum.

Confract. **D**omine, Deus meus, in te speraui; libera me ab omnibus persequentibus me, & eripe me. *Ps.*

Transit. **C**orpus Christi accepimus; & Sanguinem eius potauimus: ab omni malo non timebimus; quia Dominus nobiscum est.

Oratio post Communionem.

Tantis, Domine, repléti muneribus, præsta, quæsumus: vt & dona salutaria capiamus, & à tua laude nunquam cessemus. Per Dominum nostrum.

DOMINICA V.

Post Decollationem.

Huius Dominicæ Officium vacat, cum Litera Dominicæ est A, vel B, vel C.

Ingressa.



Iustus es, Domine, & rectum iudiciû tuum. Fac cum ferro tuo secundum misericordiâ tuam. *Ps.*

Gloria in excelsis Deo.

Oratio

Oratio super populum.

Ecclésiæ tuæ Domine voces placatus admitte: vt, destructis aduersitatibus, & erroribus vniuersis, securam tibi seruiat libertate. Per Dominum nostrum.

Lectio Isaïæ Prophetæ.

In diebus illis. Oravit Isaïas, dicens: Domine attende de cœlo, & vide de habitaculo sancto tuo, & gloriæ tuæ. Ubi est zelus tuus, & fortitudo tua, multitudo viscerum tuorum, & miserationum tuarum? Super me, continuerunt se. Tu enim Pater noster: & Abraham nesciuit nos, & Israel ignorauit nos. Tu, Domine, Pater noster, & Redemptor noster, à sæculo nomen tuum. Quare errare nos fecisti, Domine, de vijs tuis; indurasti cor nostrum, ne timeremus te? Conuertere propter seruos tuos. Tribus hæreditatis tuæ. Quasi nihilum possederunt populum sanctum tuum hostes nostri; conculcauerunt sanctificationem tuam. Facti sumus quasi in principio, cum non dominarēris nostri, neque inuocaretur nomen tuum super nos. Utinam dirumperes cœlos, & descenderes. A facie tua montes defluerent; sicut exustio ignis tabescerent; aquæ ardērent igni; vt notum fieret nomen tuum inimicis tuis: à facie tua gentes turbarentur. Cum feceris mirabilia, non sustinebimus. Descendisti; & à facie tua montes defluerunt. A sæculo non audierunt, neque auribus perceperunt. Oculus non vidit, Deus, absque te, quæ præparasti expectantibus te. Occurristi lætanti, & facienti iustitiam: in vijs tuis recordabuntur tui.

Psal. 54. Psalmell. Iacta cogitatum tuum in Dominum; & ipse te enutriet.

Psal. 30. V. Dum clamarem ad Dominum, exaudiuit vocem meam ab ijs, qui odērunt me.

Epistola Beati Pauli Apostoli ad Colossenses.

Fratres. Omne quodcunque facitis in verbo, aut in opere, omnia in nomine Domini Iesu Christi facite, gratias agentes Deo, & Patri per ipsum. Mulieres, subditæ estote viris, sicut oportet, in Domino. Viri, diligite vxores vestras, & nolite amari esse ad illas. Filij, obedite parentibus per omnia; hoc enim placitum est in Domino. Patres, nolite ad indignationem prouocare filios vestros; vt non pusillo animo fiant. Serui, obedite per omnia dominis carnalibus: non ad oculum seruientes, quasi hominibus placentes; sed in simplicitate cordis, timentes Deum. Quodcunque facitis, ex animo operamini, sicut Domino, & non hominibus: scientes, quod à Domino accipietis retributionem hæreditatis: Domino Christo seruīte. Qui enim iniuriam facit, recipiet id, quod iniquè gessit: & non est personarum acceptio apud Deum. Domini, quod iustum est, & æquum, seruis præstate: scientes, quod & vos Dominum habetis in cœlo. Orationi instate, vigilantes in ea in gratiarum actione: orantes simul & pro nobis; vt Deus aperiat nobis ostium sermonis ad loquendum mysterium Christi, propter quod etiam vinctus sum; vt manifestem illud ita, vt oportet me loqui. In sapientia ambulate ad eos, qui foris sunt, tempus redimentes. Sermo vester semper in gratia sale sit conditus; vt sciatis, quomodo oporteat vos vnicuique respondere.

Halleluia. V. Venite: exulemus Domino: iubilemus Deo Salutari nostro: Halleluia.

In Ferijs.

Halleluia. V. Verbo Domini cœli firmati sunt, & spiritu oris eius omnis virtus eorum: Hallel.

Dominica V. post Decollationem.

243



Lectio sancti Euangelij
secundum Matthæum.

IN illo tempore. Dixit Dominus
Iesus ad Principes Sacerdotum, &
Seniores populi parabolam hanc:
Homo erat paterfamilias, qui plan-
tauit vineam, & sepem circumdedit
ei, & fodit in ea torcular, & ædifica-
uit turrim; & locauit eam agricolis:
& peregrè profectus est. Cum autem
tempus fructuum appropinquasset,
misit seruos suos ad agricolas, vt ac-
ciperent fructus eius. Et agricolæ,
apprehensis seruis eius, alium cecide-
runt, alium occiderunt, alium verò
lapidauerunt. Iterum misit alios ser-
uos, plures prioribus: & fecerunt il-
lis similiter. Nouissimè autem misit
ad eos filium suum, dicens: Vere-
buntur filium meum. Agricolaë au-
tem videntes filium, dixerunt intra-
se: Hic est hæres: venite; occidamus
eum; & habebimus hæreditatem eius.
Et apprehensum eum eiecerunt ex-
tra vineam, & occiderunt. Cum ergo
venerit dominus vineæ, quid faciet
agricolis illis? Aiunt illi: Malos ma-
lè perdet: & vineam suam locabit
alijs agricolis, qui reddant ei fructum
temporibus suis. Dicit illis Iesus:
Nunquam legistis in Scripturis: La-
pidem, quem reprobauerunt ædifi-
cantes, hic factus est in caput anguli:
A Domino factum est istud, & est mi-
rabile in oculis nostris? Ideo dico
vobis, quia auferetur à vobis Regnum
Dei, & dabitur genti facienti fructus
eius. Et, qui ceciderit super lapidem
istum, confringetur: super quem ve-
rò ceciderit, conteret eum. Et cum
audissent Principes Sacerdotum, &
Pharisæi parabolas eius; cognoue-
runt, quòd de ipsis diceret. Et quæ-
rentes eum tenere, timuerunt turbas;
quoniam sicut Prophetam eum ha-
bebant.

Antiphona post Euangelium.

Nos, populus tuus, & oues gregis tui,
confitebimur tibi, Deus, in sæcula.
In generatione, & generationem an-
nunciabimus laudem tuam.

Oratio super sindonem.

Porrige dexteram tuam, quæsu-
mus, Domine, plebi tuæ miseri-
cordiam postulanti: per quam & ter-
rores declinet humanos, & solatia
vitæ immortalis accipiat, & sempi-
terna gaudia comprehendat. Per
Dominum nostrum.

Offert. Super flumina Babylonis illic
sedimus, & fleuimus, dum recorda-
remur tui, Sion.

Ps. Si oblitus fuero tui Ierusalem;
obliuiscatur me dextera mea. Adhæ-
reat lingua mea faucibus meis; si non
meminero tui, Ierusalem.

Dicitur: Credo.

Oratio super oblatam.

Adesto Domine supplicationibus
nostris, & his muneribus præ-
sentiam tuæ Maiestatis interfere: vt,
quod nostro seruitio geritur, te po-
tius operante firmetur. Per Dñm.

Præfatio.

Æterne Deus: Maiestatem tuam
suppliciter exorantes: vt ab
Ecclesia tua, quicquid est noxium,
tua virtute repellas; &, quod eïdem
salutare est, largiâris: nobisque con-
tra superbos spiritus humilitatem
tribuas rationabilem custodire, &
gratiam tuam clementer impendas:
nec nos, humani incertos auxilij, de-
relinquas; sed tuâ, quæ falli non po-
test, gubernatione conserues. Per
Christum Dominum nostrum.

Confract. Domine, Dominus noster,
quàm admirabile est nomen tuum in
vniuersa terra!

Transit. Sacramentum coeleste cum
timore accipite, & satiamini de Chri-
sti dulcedine. Panem cœli dedit no-
bis

bis Dominus: Panem Angelorum manducauit homo. Hallel. hallel.

Oratio post Communionem.

Quod ore sumpsimus, Domine, pura mente capiamus: vt de Corpore, & Sanguine Domini nostri, Iesu Christi fiat nobis remedium sempiternum. Per eundem Dominum nostrum.

DOMINICA I.

Octobris.

In qua recolitur Festum Sanctissimi Rosarij Beatæ Mariæ Virginis. Verum Missa hodie celebratur de hac Dominica, vt infra: De Sanctissimo autem Rosario celebratur die immediatè sequenti; atque hæc erit Missa S. Mariæ ad Niues die 5. Augusti.

Ingressa.

Psalm.
113.



Anus tuæ, Domine, fecerunt me, & plasmauerunt me. Da mihi intellectum, vt discam mandata tua; quia concupiui salutare tuum, & Lex tua meditatio mea est.

Gloria in excelsis Deo.

Oratio super populum.

Exaudi, Domine, vocem tibi supplicantis Ecclesiæ: quæ in modum vineæ, Filij tui propagata cultoribus, firmis in te nititur stare radicibus; vt à præsentis sæculi fluctibus aliena, pullulantis in se populi natiuitate ditata, vbertatis suæ fructibus gloriatur. Per eundem Dñm.

Lectio Baruch Prophetæ.

Cap.
4.

Dixit Baruch; Animæquiôres estôte filij: clamate ad Dominum; & eripiet vos de manu Principum inimicorum. Ego enim speraui in æternum salutem vestram: & venit mihi gaudium à Sancto super misericordiâ, quæ veniet vobis ab æterno Salutari nostro. Emisi enim vos cum

luctu, & ploratu: reducet autem vos mihi Dominus cum gaudio, & iucunditate in sempiternum. Sicut enim, viderunt vicinæ Sion captiuitatem vestram à Deo; sic videbunt & in celeritate salutem vestram à Deo, quæ superueniet vobis cum honore magno, & splendore æterno. Filij, patienter sustinete iram, quæ superuenit vobis. Persecutus est enim, te inimicus tuus; sed citò videbitis perditionem ipsius, & super ceruices ipsius ascendes. Delicati mei ambulauerunt vias asperas; ducti sunt enim vt grex direptus ab inimicis. Animæquiôres estôte filij, & proclamate ad Dominum; erit enim memoria vestra ab eo, qui duxit vos. Sicut enim fuit sensus vester, vt erraretis à Deo; decies tantum iterum conuercentes requiretis eum. Qui enim induxit vobis mala, ipse rursus adducet vobis sempiternam iucunditatem cum salute vestra.

Psalmell. **T**ibi, Domine, derelictus est pauper: pupillo tu eris adiutor. *Psalm.*
9.

V. Confitebor tibi, Domine, in toto corde meo: narrabo omnia mirabilia tua.

Epistola Beati Pauli Apostoli ad Romanos.

FRatres. Non regnet peccatum in vestro mortali corpore: vt obediatis concupiscentijs eius. Sed neque exhibeatis membra vestra, arma iniquitatis peccato; sed exhibete vos Deo, tanquam ex mortuis viuentes, & membra vestra, arma iustitiæ Deo. Peccatum enim vobis non dominabitur; non enim sub Lege estis; sed sub Gratia. Quid ergo? Peccabimus, quoniam non sumus sub Lege, sed sub Gratia? Absit. Nescitis, quoniam, cui exhibetis vos seruos ad obediendum, serui estis eius, cui obeditis, siue peccati ad mortem, siue obedientis

nis ad iustitiam? Gratias autem Deo; quod fuistis serui peccati: obedistis autem ex corde in eam formam doctrinæ, in qua traditi estis. Liberati autem à peccato, serui facti estis iustitiæ.

Hallelùiah. *Ps.* **V.** Dominus regnauit, decorem induit: induit Dominus fortitudinem, & præcinxit se virtutem: **Hallelùiah.**

In Ferijs.

Hallelùiah. *Ps.* **V.** Verbo Domini cœli firmati sunt, & spiritu oris eius omnis virtus eorum: **Hallel.**



Lectio sancti Euangelij
secundum Lucam.

IN illo tempore. Dicebat Dominus Iesus hanc similitudinem: Arborem fici habebat quidam plantatam in vinea sua: & venit quærens fructum in illa, & non inuenit. Dixit autem ad cultorem vineæ: Ecce annis tres sunt, ex quo venio quærens fructum in ficulnea hac, & non inuenio. Succide ergo illam: vt quid etiam terram occupat? At ille respondens, dicit illi: Domine, dimitte illam, & hoc anno, vsquedum fodiam circa illam, & mittam stercora. Et si quidem fecerit fructum: sin autem, in futurum succides eam. Erat autem docens in Synagoga eorum Sabbatis. Et ecce mulier, quæ habebat spiritum infirmitatis annis decem, & octo: & erat inclinata, nec omnino poterat sursum respicere. Quam cum videret Iesus, vocauit eam ad se, & ait illi: Mulier, dimissa es ab infirmitate tua. Et imposuit illi manus, & confestim erecta est, & glorificabat Deum. Respondens autem Archisynagogus indignans, quia Sabbato curasset Iesus, dicebat turbæ: Sex dies sunt, in quibus oportet operari: in his ergo venite, & curamini; & non in die Sabbati. Respondens autem

ad illum Dominus, dixit: Hypocritæ, vnusquisque vestrum Sabbato non soluit bouem suum, aut asinum à præsepio, & ducit ad aquam? Hanc autem filiam Abraham, quam alligauit Satanæ ecce decem, & octo annis, non oportuit solui à vinculo isto die Sabbati? Et cum hæc diceret, erubescabant omnes aduersarij eius: & omnis populus gaudebat in vniuersis, quæ gloriose fiebant ab eo.

Antiphona post Euangelium.

Manus tua, Domine, pugnauit pro Patribus nostris. Tu enim ipse es Dominus, Deus noster. Dexteræ tuæ, confringat inimicos; vt cantemus nomini tuo, Domine, laudem tuam.

Oratio super findonem.

DEus, qui diligentibus te bona, inuisibilia præparasti, infunde cordibus nostris tui amoris affectum: vt te in omnibus, & super omnia diligentes, promissiones tuas, quæ omne desiderium superant, consequamur. Per Dominum nostrum.

Offert. **Deus firmavit orbem terræ,** *Ps.* **qui non commouebitur. Parata sedes tua, Deus: ex tunc à sæculo tu es.**

V. Dominus regnauit, decorem induit: induit Dominus fortitudinem, & præcinxit se virtutem: Ex tunc à sæculo tu es.

Dicitur: Credo.

Oratio super oblatam.

Propitiare Domine supplicationibus nostris; & has populi tui oblationes benignus assûme: & vt nullius sit irritum votum, nullius vacua postulatio, præsta, quæsumus: vt, quod fideliter petimus, efficaciter consequamur. Per Dominum

Præfatio.

Æterne Deus: Maiestatem tuam suppliciter deprecantes: vt, qui rei sumus meritis, non efficiamur nostrâ duritiâ contumaces: nec te

proteruis sensibus accusare nitamur, cum tua nobis, quæ non meremur, beneficia retardantur; sed hinc potius & nostras cognoscamus offensas, & opem tuam iugiter imploremus. Quia multò amplius continuata subsidia deuotis mentibus ministrabis, qui eadem largiris indignis. Per Christum, Dominum nostrum.

Psal. **Confract.** **N**arrabo omnia mirabilia tua: lætabor, & exultabo in te: psallam nomini tuo, altissime.

Ep. **Transitor.** **D**iligamus nos inuicem; quia charitas Deus est; & qui diligit fratrem suum, ex Deo natus est, & videt Deum; & in hoc charitas Dei perfecta est; & qui facit voluntatem Dei, manet in æternum.

Oratio post Communionem.

Gratias tibi agimus, Domine, sancte, Pater omnipotens, æterne Deus, qui nos Corporis, & Sanguinis Domini nostri, Iesu Christi communionem satiasti: Tuamque misericordiam humiliter imploramus; ut hoc tuum, Domine, Sacramentum non sit nobis reatus ad poenam; sed sit intercessio salutaris ad veniam: sit ablutio scelerum; sit fortitudo fragilium; sit contra mundi pericula firmamentum. Hæc nos communio mundet à crimine, & coelestis gaudij tribuat esse participes. Per eundem Dominum.

DOMINICA II.

Octobris:

Quæ est ante Dedicationem

Ecclesiæ.

Ingressa.



Icit Dominus: Ego cogito cogitationes pacis, & non afflictionis. Inuocabitis me; & ego exaudiam vos; & reducam captiuitatem vestram de cunctis locis.

Gloria in excelsis Deo.

Oratio super populum.

Deus, qui Ecclesiam tuam nouam semper prole foecundas, auge eam quotidie credentium puritate, & diuinæ gratiæ infusione multiplicata: ut, repulsa impugnatione malorum omnium, in tranquillitate pacis, & fidei, tuo semper ditata munere glorietur. Per Dominum nostrum, Iesum Christum, Filium tuum: qui tecum viuit, & regnat.

Lectio Baruch Prophetæ.

Iustus est Dominus in omnibus operibus suis, quæ mandauit nobis: & non audiuius vocem ipsius, ut ireremus in præceptis Domini, quæ dedit ante faciem nostram. Et nunc Domine, Deus Israel, qui eduxisti populum tuum de terra Ægypti in manu valida, & in signis, & in prodigijs, & in virtute tua magna, & in brachio excelso, & fecisti tibi nomen, sicut est dies iste: peccauimus; impiè egimus; iniquè gessimus, Domine, Deus noster, in omnibus iustitijs tuis. Auertatur ira tua à nobis; quia derelicti sumus pauci inter Gentes, ubi dispersisti nos. Exaudi Domine preces nostras, & orationes nostras, & educ nos propter te: & da nobis inuenire gratiam ante faciem eorum, qui nos abduxerunt; ut sciat omnis terra, quia tu es Dominus, Deus noster.

Psalmell. **D**omine, audiui auditionem tuam, & timui: consideraui opera tua, & expaui.

¶ In medio duorum animalium innotesces.

Epistola Beati Pauli Apostoli ad Romanos.

Fratres. An ignoratis (scientibus Legem loquor) quia Lex in homine dominatur, quanto tempore viuit? Nam, quæ sub viro est mulier, viuente viro, alligata est Legi: si autem

tem mortuus fuerit vir eius; soluta est à Lege viri. Igitur, viuento viro, vocabitur adultera, si fuerit cum alio viro: si autem mortuus fuerit vir eius; liberata est à Lege viri; vt non sit adultera, si fuerit cum alio viro. Itaque, fratres mei, & vos mortificati estis Legi per Corpus Christi; vt sitis alterius, qui ex mortuis resurrexit; vt fructificemus Deo. Cum enim essemus in carne, passionibus peccatorum, quæ per Legem erant, operabantur in membris nostris, vt fructificarent morti. Nunc autem soluti sumus à Lege mortis, in qua detinebamur.

Psalm. **H**alleluia. **V.** Præueniamus faciem eius in confessione, & in psalmis iubilemus illi: Halleluia.

In Ferijs.

Psalm. **H**alleluia. **V.** Verbo Domini cæli firmati sunt, & spiritu oris eius omnis virtus eorum: Hallel.

Lectio sancti Euangelij secundum Ioannem.

Cap. **I**n illo tempore. Perrexit Dominus Iesus in montem Oliueti: & diluculo iterum venit in Templum, & omnis populus venit ad eum, & sedens docebat eos. Adducunt autem Scribæ, & Pharisei mulierem in adulterio deprehensam: & statuerunt eam in medio, & dixerunt ei: Magister, hæc mulier modo deprehensa est in adulterio. In Lege autem Moyses mandauit nobis huiusmodi lapidare. Tu ergo quid dicis? Hoc autem dicebant tentantes eum; vt possent accusare eum. Iesus autem inclinans se deorsum, digito scribebat in terra. Cum autem perseverarent interrogantes eum, erexit se, & dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audientes autem, vnus post vnum exhibant,

incipientes à senioribus: & remansit solus Iesus, & mulier in medio stans. Erigens autem se Iesus, dixit ei: Mulier; vbi sunt, qui te accusabant? Nemo te condemnauit? Quæ dixit: Nemo, Domine. Dixit autem Iesus: Nec ego te condemnabo. Vade, & iam amplius noli peccare.

Antiphona post Euangelium.

Custodi Deus portionem tuam, & sanctifica Domine: congrega dispersionem nostram: libera eos, qui seruiunt Gentibus; vt sciant omnes, quia tu es Deus noster.

Oratio super sindonem.

Deus, qui nos in tantis periculis constitutos humana conspicias fragilitate non posse subsistere: da nobis salutem mentis, & corporis; vt ea, quæ pro peccatis nostris patimur, te adiuuante vincamus. Per Dominum nostrum.

Offert. In te speraui, Domine. Dixi: Deus meus tu es: in manibus tuis tempora mea.

V. Portio mea, Domine: dixi custodire Legem tuam. Deprecatus sum faciem tuam, Domine, de toto corde meo, dum dilatâres cor meum.

Dicitur: Credo.

Oratio super oblatam.

Deus, qui legalium differentias hostiarum vnus sacrificij perfectione sanxisti: accipe sacrificium à deuotis tibi famulis; & pari benedictione, sicut munera Abel, sanctifica: vt, quod singuli obtulerunt ad Maiestatis tuæ honorem, cunctis proficiat ad salutem. Per Dominum nostrum, Iesum Christum, Filium tuum.

Præfatio.

Æterne Deus: Implorantes clementiam tuam; vt gubernare digneris onera diuinæ militiæ sustinentes. Et, quia necesse est, vt ab eo, cui plus creditur, amplius exigatur,

tur, tu nostras propitius dirigas actiones: vt & proprijs non implicemur erroribus, & exuamur externis. Per Christum, Dominum nostrum.

Psal. 75. **Confract.** Vouete, & reddite Domino, Deo nostro omnes, qui in circuitu eius offertis munera: terribili, & ei, qui aufert spiritum Principum: terribili apud Reges terræ.

Transit. Declinant anni nostri, & dies ad finem. Quia tempus est; corrigamus nos ad laudem Christi. Lampades sint accensæ; quia excelsus Iudex venit iudicare gentes. Hallel. hallel.

Oratio post Communionem.

Sit nobis, Domine, quæsumus, medicina mentis, & corporis, quod de sancti Altaris tui benedictione percepimus: vt nullis aduersitatibus fatigemur, qui tanti remedij participatione munimur. Per Dominum nostrum, Iesum Christum, Filium tuum: qui tecum viuit, & regnat.

DOMINICA IIJ.

Octobris,

In Dedicatione Ecclesiæ Maioris.

Ingressa.

Ios. 8.



Nostros, qui transitori estis Iordanem, ædificate Altare Domino de lapidibus impolitis, quos ferrum non tetigit: & offeretis super eo holocausta, & hostias pacificas Deo nostro.

Gloria in excelsis Deo.

Oratio super populum.

Deus, qui de viuis, & electis lapidibus æternum nomini tuo condis habitaculum: da ædificationi huic incrementa iustitiæ; vt ab omnibus hic inuocantibus nomen tuum protectionis tuæ auxilium sentiatur. Per Dominum.

Lectio Baruch Prophetæ.

IN diebus illis. Dixit Baruch: O Israel, quàm magna est domus Dei, & ingens locus possessionis eius! Magnus est; & non habet finem, excelsus, & immensus. Ibi fuerunt Gigantes nominati illi, qui ab initio fuerunt, staturâ magnâ, scientes bellum. Non hos elegit Dominus, neque viam disciplinæ inuenerunt propterea perierunt. Et quoniam non habuerunt sapientiam; interierunt propter suam insipientiam. Quis ascendit in cœlum, & accēpit eam, & eduxit eam de nubibus? Quis transfretauit mare, & inuenit illam, & attulit illam super aurum electum? Non est, qui possit scire vias eius; neque, qui exquirat semitas eius. Sed, qui scit vniuersa, nouit eam, & adinuēnit eam prudentiâ suâ: qui præparauit terram in æterno tempore, & replēuit eam pecudibus, & quadrupedibus: qui emittit lumen, & vadit, & vocauit illud, & obēdit illi in tremore. Stellæ autem dederunt lumen in custodijs suis, & lætatae sunt: vocatae sunt, & dixerunt, Adsumus: & luxerunt ei cum iucunditate, qui fecit illas. Hic est Deus noster, & non æstimabitur alius aduersus eum. Hic adinuēnit omnem viam disciplinæ, & tradidit illam Iacob puero suo, & Israel dilecto suo.

Psalmell. **Æ**dificauit Dominus Sion, & videbitur in Maiestate sua. **Psal. 101.**

Ps. Domine exaudi orationem meam: & clamor meus ad te perueniat.

Epistola Beati Pauli Apostoli ad Timotheum secunda.

Charissime. Firmum fundamentum Dei stat, habens signaculum hoc: Cognouit Dominus, qui sunt eius: & discedat ab iniquitate omnis, qui nominat nomen Domini. In magna autem domo non solum

lūm sunt vasa aurea, & argentea, sed & lignea, & fictilia: & quædam quidem in honorem; quædam autem in contumeliam. Si quis ergo emundauerit se ab istis; erit vas in honorem, sanctificatum, & vtile Domino, ad omne opus bonum paratum. Iuuenilia autem desideria fuge: sectare, verò iustitiam, fidem, veritatem, & pacem cum ijs, qui inuocant Dominum de corde puro.

Psal.
146. **Hallelūiah.** **V.** **Ædificans Ierusalem Dominus, dispersiones Israel congregabit: Hallelūiah.**

In Ferijs.

Psal.
32. **Hallelūiah.** **V.** **Verbo Domini cæli firmati sunt, & spiritu oris eius omnis virtus eorum: Hallel.**



Lectio sancti Euangelij.
secundum Ioannem.

Cap.
10. **I**N illo tempore. Facta sunt Encænia in Ierosolymis: & hyems erat. Et ambulabat Iesus in Templo, in porticu Salomōnis. Circundederunt ergo eum Iudæi, & dicebant ei: Quo usque animam nostram tollis? Si tu es Christus; dic nobis palam. Respondit eis Iesus: Loquor vobis; & non creditis: opera, quæ ego facio in nomine Patris mei, hæc testimonium perhibent de me: sed vos non creditis; quia non estis ex ouibus meis. Oves meæ vocem meam audiunt: & ego cognosco eas, & sequuntur me. Et ego vitam æternam do eis: & non peribunt in æternum; & non rapiet eas quisquam de manu mea. Pater meus, quod dedit mihi, maius omnibus est: & nemo potest rapere de manu Patris mei. Ego, & Pater vnum sumus.

Antiphona post Euangelium.

Hoc est Templum Domini, quod ædificauit summus Sacerdos. Intret populus intra Sancta Sanctorum, cantantes Canticum nouum: Laus tibi, Domine, Deus omnipotens.

Oratio super sindonem.

OMnipotens sempiterne Deus, qui in omni loco dominationis tuæ totus assiltis, & totus operaris, adesto inuocationibus nostris: & huius domus, cuius es fundator, esto protector. Nulla hîc nequitia contrariæ Potestatis obsistat: sed, virtute Spiritus Sancti operante, fiat hîc tibi semper purum seruitium, & deuota libertas. Per Dominum nostrum &c. in vnitatem eiusdem.

Offertor. Orauit Moyses ad Dominum, & dixit: Si inueni gratiam in conspectu tuo; ostende mihi te ipsum manifestè, vt videam te. Et locutus est ad eum Dominus, dicens: Non poteris videre faciem meam; non enim videbit me homo, & viuere potest. Sed esto super altitudinem lapidis: & protegat te dextera mea, donec pertranseam.

V. Dum pertransiero, auferam manum meam; & tunc videbis gloriam meam. Facies autem mea non videbitur tibi; quia ego sum Deus ostendens mirabilia in terra. Tunc Moyses fecit sacrificium matutinum in odorem suauitatis Domino Deo in conspectu filiorum Israel.

Dicitur Credo.

Oratio super oblatam.

DEus, qui sacrandorum tibi author es munerum ad sanctificationem loci huius propitius adesse dignare: vt, qui hæc in tui nominis honorem condiderunt, protectorem te habere in omnibus mereantur. Per Dominum nostrum, Iesum Christum, Filium tuum.

Præfatio.

PEr Christum Dominum nostrum. Qui eminentiam potestatis acceptæ tradidit Ecclesiæ, quam pro honore percepto & Reginam constituit, & Sponsam. Cuius sublimitati

vniuersa subiēcit; ad cuius iudicium consentire iussit ē coelo. Hæc est mater omnium viuentium, filiorum numero facta sublimior: quæ per Spiritum Sanctum quotidie Deo filios procreat; cuius palmitibus mundus omnis implētus est: quæ propagines suas, ligno baiulante suspensas, erigit ad Regna coelorum. Hæc est Ciuitas illa, sublimis iugo montis erecta, perspicua cunctis, & omnibus clara; cuius conditor, & inhabitator est idem Dominus noster, Iesus Christus, Filius tuus. Quem vnā tecum, omnipotens Pater.

ConfraCTOR Congregata est omnis plebs, quasi homo vnus, in Ierusalem: & venit Sacerdos cum Leuitis, & dedicauerunt Altare Domino; vt imponant super illud holocausta Domino, Deo nostro.

Transit. Exaudiui orationem tuam, qua precatus es me: & sanctificaui domum istam, quam ædificasti mihi; vt ponerem nomen meum ibi in æternum: dicit Dominus.

Oratio post Communionem.

Benedictionis tuæ, quæsumus, Domine, plebs tibi sacra fructus reportet, & gaudium: vt, quod in huius festiuitatis die corporali seruitio exhibuit, spiritaliter se retulisse cognoscat. Per Dominum nostrum, Iesum Christum, Filium tuum: qui tecum viuit, & regnat.

DOMINICA I.

Post Dedicationem.

Ingressa.



Dominus illuminatio mea & salus mea; quem timebo? Dominus defensor vitæ meæ; à quo trepidabo? Qui tribulant me, inimici mei, ipsi infirmati sunt, & ceciderunt.

Gloria in excelsis Deo.

Oratio super populum.

Omnipotens, sempiternus Deus, in protectione fidelium populorum antiqua brachij tui operare miracula: vt, hostibus nostris tua virtute compressis, secura tibi seruiat catholica fides, & deuotio christiana. Per Dominum nostrum.

Lectio Ezechiēlis Prophetæ.

IN diebus illis. Factum est Verbum Domini ad me, dicens: Tu fili hominis, speculatorem dedi te domui Israel. Audiens ergo ex ore meo sermonem, annunciabis eis ex me. Si, me dicente ad impium: Impie, morte morieris, non fueris locutus, vt se custodiat impius à via sua; ipse impius in iniquitate sua morietur: sanguinem autem eius de manu tua requiram. Si autem, annunciante te ad impium, vt à vijs suis conuertatur, non fuerit conuersus à via sua; ipse in iniquitate sua morietur; porro tu animam tuam liberaisti. Tu ergo fili hominis dic ad domum Israel: Sic locuti estis, dicentes: Iniquitates nostræ, & peccata nostra super nos sunt, & in ipsis nos tabescimus; quomodo ergo viuere poterimus? Dic ad eos: Viuo ego, dicit Dominus Deus: nolo mortem impij; sed vt conuertatur impius à via sua, & viuat. Conuertimini, conuertimini à vijs vestris pessimis: & quare moriemini, domus Israel? Tu itaque fili hominis dic ad filios populi tui: Iustitia iusti non liberabit eum, in quacunque die peccauerit: & impietas impij non nocēbit ei, in quacunque die conuersus fuerit ab impietate sua: & iustus non poterit viuere in iustitia sua, in quacunque die peccauerit. Etiam si dixerō iusto, quòd vitā viuat: & confusus in iustitia sua fecerit iniquitatem; omnes iustitiæ eius obliuioni tradentur;

tur; & in iniquitate sua, quam operatus est, in ipsa morietur. Si autem, dixero impio: Morte morieris: & egerit poenitentiam à peccato suo, feceritque iudicium, & iustitiam, & pignus restituerit ille impius, rapinamque reddiderit, in mandatis vitæ ambulauerit, nec fecerit quicquam iniustum; vitâ viuet, & non morietur. Omnia peccata eius, quæ peccauit, non imputabuntur ei. Iudicium, & iustitiam fecit; vitâ viuet. Ait Dominus omnipotens.

Psalmell. Oculi mei semper ad Dominum; quia ipse euellet de laqueo pedes meos.

V. Respice in me, & miserere mei; quoniam vnicus, & pauper sum ego.

Epistola Beati Pauli Apostoli ad Corinthios prima.

Cap. 12. **F**Ratres. In vno Spiritu omnes nos in vnum corpus baptizati sumus, siue Iudæi, siue Gentiles, siue serui, siue liberi: & omnes in vno Spiritu potati sumus. Nam & corpus non est vnum membrum, sed multa. Si dixerit pes: Quoniam non sum manus, non sum de corpore; num ideo non est de corpore? Et si dixerit auris: Quoniam non sum oculus, non sum de corpore; num ideo non est de corpore? Si totum corpus oculus; vbi auditus? Si totum auditus; vbi odoratus? Nunc autem posuit Deus membra, vnumquodque eorum in corpore, sicut voluit. Quod si essent omnia vnum membrum; vbi corpus? Nunc autem multa quidem membra; vnum autem corpus. Non potest autem oculus dicere manui: Operâ tuâ non indigeo: aut iterum caput pedibus: Non estis mihi necessarij. Sed multò magis, quæ videntur membra corporis infirmiora esse, necessariora sunt: & quæ putamus ignobiliora membra esse corporis,

his honorem abundantiorum circumdamus: & quæ inhonesta sunt nostra, abundantiorum honestatem habent. Honestæ autem nostra nullius egent; sed Deus temperauit corpus, ei, cui deerat, abundantiorum tribuendo honorem.

Halleluia. **V.** Venite: exulemus Domino: iubilemus Deo Salutari nostro: Hallel.

In Ferijs.

Halleluia. **V.** Verbo Domini celi firmati sunt, & spiritu oris eius omnis virtus eorum: Hallel.



Lectio sancti Euangelij secundum Matthæum.

Cap. 18. **I**N illo tempore. Dixit Dominus Iesus Discipulis suis: Assimilatum est Regnum Cœlorum homini Regi, qui voluit rationem ponere cum seruis suis. Et cum cœpisset rationem ponere, oblatus est ei vnus, qui debebat ei decem millia talenta. Cum autem non haberet, vnde redderet; iussit eum dominus eius venundari, & uxorem eius, & filios, & omnia, quæ habebat, & reddi. Procidens autem seruus ille, orabat eum, dicens: Patientiam habe in me; & omnia reddam tibi. Misertus autem dominus serui illius dimisit eum, & debitum dimisit ei. Egressus autem seruus ille inuenit vnum de conseruis suis, qui debebat ei centum denarios: & tenens suffocabat eum, dicens: Redde, quod debes. Et procidens conseruus eius rogabat eum, dicens: Patientiam habe in me, & omnia reddam tibi. Ille autem noluit: sed abiit, & misit eum in carcerem, donec redderet debitum. Videntes autem conserui eius, quæ fiebant, contristati sunt valde; & venerunt, & narrauerunt domino suo omnia, quæ facta fuerant. Tunc vocauit illum dominus suus, & ait illi: Serue nequam, omne

omne debitum dimissi tibi; quoniam rogasti me; nonne ergo oportuit & te misereri conserui tui; sicut & ego tui misertus sum? Et iratus dominus eius tradidit eum tortoribus, quoadusque redderet vniuersum debitum. Sic & Pater meus cœlestis faciet vobis; si non remiseritis vnusquisque fratri suo de cordibus vestris.

Antiphona post Euangelium.

^{2.} ^{Mac.} **D**omine, Domine Deus, omnium Creator, terribilis, & fortis, iustus, & misericors, solus, & bonus: qui solus præstas, congrega dispersionem nostram.

Oratio super sindonem.

Deus, qui creaturæ tuæ misereri potius eligis, quàm irâsci: cordis nostri infirma considera, & tuæ nos gratiâ pietatis illustra. Per Dominum nostrum, Iesum Christum, Filium tuum.

^{Psal.} ^{136.} **Offert.** Super flumina Babylonis, illic sedimus, & fleuimus, dum recorderemur tui, Sion.

V. Si oblîtus fuero tui, Ierusalem; obliuiscatur me dextera mea: Adhæreat lingua mea faucibus meis; si non meminero tui, Ierusalem.

Dicitur: Credo.

Oratio super oblatam.

Suscipe munera, quæsumus, Domine, quæ tibi de tua largitate deferimus: vt hæc sacrosancta mysteria, gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perdûcant. Per Dominum nostrum, Iesum Christum.

Præfatio.

Æterne Deus; Ut te authorem nostrum pronis visceribus humana famulatio religioso excolat affectu. Et ideo obsecramus misericordiam tuam: ne pro nostra nos iniquitate condemnes; sed pro tua

pietate in viam rectam semper disponas: nec, sicut meremur, delinquentibus irascaris; sed fragilitati nostræ inuicta tua bonitate subuenias. Per Christum, Dominum nostrum.

Confract. Qui meditabitur in Lege Domini die, ac nocte, dabit fructum suum in tempore suo. ^{Psal.} ^{1.}

Transit. Corpus Christi accepimus, & Sanguinem eius potauimus: ab omni malo non timebimus; quia Dominus nobiscum est.


Oratio post Communionem.

Sumpsimus, Domine, sacri donæ mysterij, humiliter deprecantes: vt, quæ in tui commemorationem, nos facere præcepisti, in nostræ proficiant infirmitatis auxilium. Qui viuis, & regnas.

DOMINICA II.

Post Dedicationem.

Ingressa.



Manus tuæ, Domine, fecerunt me, & plasmauerunt me: da mihi intellectum, vt discam mandata tua. Quia, concupiui salutare tuum, & Lex tua meditatio mea est. ^{Psal.} ^{118.}

Gloria in excelsis Deo.

Oratio super populum.

DA, quæsumus, Domine, populo tuo sanitatem mentis, & corporis; da vitare, quod nocet, & amare, quod saluet: da, vt bonis operibus inhærendo, & benedici mereatur, & tua semper virtute defendi. Per Dominum nostrum.

Lectio Isaïæ Prophetæ.

Hæc dicit Dominus Deus: Audi te Verbum Domini, qui tremitis ad verbum eius. Dixérunt fratres vestri, odientes vos, & abijcientes propter nomen meum: Glorificetur Dominus; & videbimus in lætitia vestra: ^{Cap.} ^{66.}

stra: ipsi autem confundentur. Vox populi de Ciuitate; vox de Templo; vox Domini reddentis retributionem inimicis suis. Antequam parturiret, peperit: antequam veniret partus eius, peperit masculum. Quis audiuit vnquam tale? Et quis vidit huic simile? Nunquid parturiet terra in die vna? Aut pariétur gens simul; quia parturiuit, & peperit Sion filios suos? Nunquid ego, qui alios parere facio, ipse non pariam? dicit Dominus. Si ego, qui generationem cæteris tribuo, sterilis ero? ait Dominus, Deus tuus. Latamini cum Ierusalem, & exultate in ea omnes, qui diligitis eam. Gaudete cum ea gaudio vniuersi, qui lugétis super eam; vt sugâtis, & repleamini ab vbere consolationis eius; vt mulgeatis, & delicijs affluatis ab omnimoda gloria eius. Quia hæc dicit Dominus: Ecce ego declinabo super eam, quasi fluuium pacis, & quasi torrentem inundantem gloriam gentium, quam sugétis. Ad vbera portabimini; & super genua blandientur vobis. Quomodo si cui mater blandiatur; ita ego consolabor vos, & in Ierusalem consolabimini. Videbitis, & gaudebit cor vestrum. Dicit Dominus omnipotens.

Psalmell. **T**ibi, Domine, derelictus est pauper: pupillo tu eris adiutor.

V. Confitebor tibi, Domine, in toto corde meo: narrabo omnia mirabilia tua.

Epistola Beati Pauli Apostoli ad Romanos.

Cap. 13. **F**Ratres. Omnis anima potestatibus sublimioribus subdita sit. Non est enim potestas, nisi à Deo: quæ autem sunt, à Deo ordinatæ sunt. Itaque, qui resistit potestati, Dei ordinationi resistit: qui autem resistunt, ipsi sibi damnationem acquirunt. Nam Principes non sunt ti-

mori boni operis, sed mali. Vis autem non timere potestatem? Bonum fac; & habebis laudem ex illa. Dei enim minister est tibi in bonum: si autem malum feceris; time. Non enim sine causa gladium portat; Dei enim minister est; vindex in iram ei, qui malum agit. Ideo necessitate subditi estote: non solum propter iram, sed etiam propter conscientiam. Ideo enim & tributa præstatis: ministri enim Dei sunt, in hoc ipsum seruientes. Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem. Nemini quicquam debeatis; nisi, vt inuicem diligatis.

Halleluia. **V.** Dominus regnavit, decorem induit: induit Dominus fortitudinem, & præcinxit se virtutem: **Halleluia.**

In Ferijs.

Halleluia. **V.** Verbo Domini coeli firmati sunt, & spiritu oris eius omnis virtus eorum: **Hallel.**

Lectio sancti Euangelij secundum Matthæum.

IN illo tempore. Abeuntes Pharisæi consilium iniérunt, vt caperent Iesum in sermone. Et mittunt ei discipulos suos cum Herodiânis, dicentes: Magister, scimus, quia verax es, & viam Dei in veritate doces, & non est tibi cura de aliquo; non enim respicis personam hominum: dic ergo nobis, quid tibi videtur: Licet censum dare Cæsari, an non? Cognitâ autem Iesus nequitia eorum, ait: Quid me tentatis hypocritæ? Ostendite mihi numisma census. At illi obtulerunt ei denarium. Et ait illis Iesus: Cuius est imago hæc, & superscriptio? Dicunt ei: Cæsaris. Tunc ait illis; Reddite ergo, quæ sunt Cæsaris, Cæsari: & quæ sunt Dei, Deo.

Anti-

Antiphona post Euangelium.

Manus tua, Domine, pugnauit pro patribus nostris; Tu enim ipse es Dominus, Deus noster: Dextera tua confringat inimicos; vt cantemus nomini tuo, Domine, laudem tuam.

Oratio super sindonem.

Adesto supplicationibus nostris omnipotens Deus: &, quibus fiduciam sperandæ pietatis indulges, consuetae misericordiae tribue benignus effectum. Per Dominum nostrum, Iesum Christum, Filium tuum, qui tecum.

Offert. **D**eus firmavit orbem terræ, qui non commouebitur. Parata sedes tua, Deus: ex tunc à sæculo tu es. **V.** Dominus regnauit, decorem induit: induit Dominus fortitudinem, & præcinxit se virtutem: Ex tunc à sæculo tu es.

Dicitur: Credo.

Oratio super oblatam.

Sanctificationem tuam nobis, Domine, his mysterijs placatus, operare: quæ nos & à terrenis purget vitijs, & ad cœlestia dona perducat. Per Dominum nostrum.

Præfatio.

Æterne Deus: Te deprecantes; vt tua nos gratia protegat, & conseruet. Et quia sine te nihil rectè valemus efficere; ipsius munere semper capiamus; vt tibi placere possimus. Per Christum, Dominum nostrum. Per quem maiestatem.

Confract. **V**oce mea ad Dominum, clamaui, & exaudiuit me de monte sancto suo: non timebo millia populi circumdantis me.

Transit. **D**iligamus nos inuicem; quia charitas Deus est; &, qui diligit fratrem suum, ex Deo natus est, & videt Deum; & in hoc charitas Dei perfecta est; &, qui facit voluntatem Dei, manet in æternum.

Oratio post Communionem.

Quos cœlesti, Domine, dono factiasti, præsta, quæsumus: vt à nostris mundemur occultis, & ab hostium liberemur insidijs. Per Dominum nostrum.

DOMINICA IIJ.

Post Dedicationem.

Ingressa.



Dicit Dominus: Ego cogito cogitationes pacis, & non afflictionis. Inuocabitis me; & ego exaudiam vos; & reducam captiuitatem vestram de cunctis locis.

Gloria in excelsis Deo.

Oratio super populum.

Deus, in te sperantium fortitudo, adesto propitius inuocationibus nostris: & quia sine te nihil potest mortalis infirmitas; præsta auxilium gratiæ tuæ; vt in exequendis mandatis tuis & voluntate tibi, & actione placeamus. Per Dominum nostrum.

Lectio Isaia Prophetæ.

Hæc dicit Dominus Deus: Beatus homo, qui habet semen in Sion, & domesticos in Ierusalem. Ecce in iustitia regnabit Rex, & Principes in iudicio præerunt: & erit vir, sicut qui absconditur à vento, & celat se à tempestate, sicut riui aquarum in siti, & vmbra petrae prominentis in terra deserta. Non caligabunt oculi videntium: & aures audientium diligenter auscultabunt: & cor stultorum intelliget scientiam: & lingua balbōrum velociter loquētur, & planè. Non vocabitur ultra is, qui insipiens est, Princeps: neque fraudulentus appellabitur Maior. Stultus enim fatua loquētur: & cor eius faciet iniquitatem; vt perficiat simulationem,

tionem, & loquatur ad Dominum, fraudulenter, & vacuam faciat animam esurientis, & potum sitienti auferat. Fraudulenti vasa pessima sunt. Ipse enim cogitationes concinnauit ad perdendos mites in sermone mendacij, cum loqueretur pauper iudicium. Princeps verò ea, quæ digna sunt Principe, cogitabit: & ipse super duces stabit. Dicit Dominus omnipotens.

Abba. c. 3. Psalmell. Domine, audiui auditionem tuam, & timui: consideraui opera tua, & expaui.

Ps. In medio duorum animalium, consideraui opera tua.

Epistola Beati Pauli Apostoli ad Romanos.

Cap. 4. **F**ratres. Non per Legem promissio Abrahamæ, aut semini eius, ut hæres esset mundi; sed per iustitiam fidei. Si enim, qui ex Lege, hæredes sunt; exinanita est fides, abolita est promissio. Lex enim iram operatur. Ubi enim non est Lex; nec præuariatio. Ideo ex fide, ut secundum gratiam firma sit promissio omni semini: non ei, qui ex Lege est solum; sed & ei, qui ex fide est Abrahamæ, qui pater est omnium nostrum (sicut scriptum est: Quia patrem multarum gentium posui te) ante Deum, cui credidisti: qui viuificat mortuos: & vocat ea, quæ non sunt, tanquam ea, quæ sunt. Qui contra spem in spem credidit: ut fieret pater multarum gentium, secundum quod dictum est ei: Sic erit semen tuum, sicut stellæ cœli, & arena maris. Et non infirmatus est fide: nec considerauit corpus suum emortuum (cum iam ferè centum esset annorum) & emortuam vuluam Saræ. In re promissione etiam Dei non hæsitauit diffidentiâ; sed confortatus est fide, dans gloriam Deo; plenissime sciens,

quia, quæcunque promisit, potense est & facere. Ideo & reputatum est illi ad iustitiam. Non est autem scriptum tantum propter ipsum, quia reputatum est illi ad iustitiam: sed & propter nos, quibus reputabitur, credentibus in eum, qui suscitauit Iesum Christum, Dominum nostrum à mortuis, qui traditus est propter delicta nostra, & resurrexit propter iustificationem nostram.

Halleluia. **Ps.** Præueniamus faciem eius in confessione, & in psalmis iubilemus illi: Hallel.

In Ferijs.
Halleluia. **Ps.** Verbo Domini cœli firmati sunt, & spiritu oris eius, omnis virtus eorum: Hallel.

Lectio sancti Euangelij secundum Matthæum.

Cap. 22. **I**n illo tempore. Respondens Dominus Iesus dixit in parabolis Principibus Sacerdotum, & Phariseis. Simile factum est Regnum Cœlorum homini Regi, qui fecit nuptias filio suo. Et misit seruos suos vocare inuitatos ad nuptias: & nolébant venire. Iterum misit alios seruos, dicens: Dicite inuitatis: Ecce prandium meum parauit: tauri mei, & altilia occisa, & omnia parata; venite ad nuptias. Illi autem neglexerunt: & abierunt; alius in villam suam; alius verò ad negotiationem suam: reliqui verò tenuerunt seruos eius, & contumelijs affectos occiderunt. Rex autem cum audisset, iratus est: & missis exercitibus suis, perdidit homicidas illos, & ciuitatem illorum succendit. Tunc ait seruis suis: Nuptiæ quidem paratæ sunt; sed, qui inuitati erant, non fuerunt digni. Ite ergo ad exitus viarum: &, quoscunque inueneritis, vocate ad nuptias. Et egressi serui eius in vias, congregauerunt omnes, quos inuenerunt, malos,

malos, & bonos: & impletæ sunt nuptiæ discumbentium. Intrauit autem Rex, vt vidēret discumbentes; & vidit ibi hominem non vestitum veste nuptiali. Et ait illi: Amice, quomodo huc intraisti non habens vestem nuptialem? At ille obmutuit. Tunc dixit Rex ministris: Ligatis manibus, & pedibus eius, mittite eum in tenebras exteriores: ibi erit fletus, & stridor dentium. Multi enim sunt vocati, pauci verò electi.

Antiphona post Euangelium.

^{Mac.} **C**ustodi Deus portionem tuam, & sanctifica Domine: congrega dispersionem nostram: libera eos, qui seruiunt Gentibus; vt sciant omnes, quia tu es Deus noster.

Oratio super sindonem.

Deus, qui te in rectis, ac sinceris manēre pectoribus asseris: da nobis tuā gratiā tales existere, in quibus habitare dignēris. Per Dñm.

^{Psal.} ^{39.} **O**ffert. In te speraui, Domine. Dixi: Deus meus tu es: in manibus tuis tempora mea.

^{Psal.} ^{118.} **V.** Portio mea, Domine, dixi custodire Legem tuam. Deprecatus sum faciem tuam, Domine, de toto corde meo, cum dilatāres cor meum.

Dicitur: Credo.

Oratio super oblatam.

Hostias nostras tibi, Domine, dicat, placatus assūme: & ad perpetuum nobis tribue prouenire subsidium. Per Dominum.

Præfatio.

Æterne Deus. Qui Ecclesiæ filios sicut erudire non cessas, ita non desinis adiuuare: vt & scientiam recta faciendi, & possibilitatem capiant exequendi. Per Christum, Dominum nostrum.

Confract. Vouēte, & reddite Domino Deo nostro omnes, qui in circuitu eius offertis munera: terribili, & ei, qui aufert spiritum Principum: terribili apud Reges terræ.

Transitor. Declinant anni nostri, & dies ad finem. Quia tempus est; corrigāmus nos ad laudem Christi. Lampades sint accensæ; quia excelsus Iudex venit iudicare gentes: Hallel. hallel.

Oratio post Communionem.

Tantis, Domine, replēti muneribus, præsta, quæsumus: vt & dona salutaria capiamus, & à tua laude nunquam cessēmus. Per Dominum nostrum, Iesum Christum, Filium tuum: qui tecum viuit, & regnat in vnitāte Spiritus Sancti Deus.



PROPRIUM

MISSARVM

DE SANCTIS.

FESTA NOVEMBRIS.

IN VIGILIA

^{10.} ^{Nov.} S. MARTINI EPISC. ET CONF.

Ingressa.

^{Psal.}
^{145.}



IR iste custodiuit in sæ-
culum veritatem Do-
mini: fecit iudicium
iniuriam patientibus,
& escam dedit esurien-
tibus.

Non dicitur: Gloria in excelsis.

Oratio super populum.

Omnipotens, sempiterne Deus,
misericordiam tuam supplices
exoramus: vt nobis per intercessio-
nem Sancti Antistitis tui Martini pro-
pitius, ac placatus nostra peccata in-
dulgeas; & gloriam primæ resurrec-
tionis tribuas, & à secunda morte
defendas. Per Dominum.

Lectio Libri Sapientiæ.

^{Ecc.}
^{44.} **E**cce Sacerdos magnus, qui in die-
bus suis placuit Deo, & inuen-
tus est iustus, & in tempore iracun-
diæ factus est reconciliatio. Non est
inuentus similis illi, qui conseruaret
Legem Excelsi. Ideo iureiurando fe-
cit illum Dominus crescere in ple-
bem suam: Benedictionem omnium
gentium dedit illi: & Testamentum
suum confirmauit super caput eius.
Agnouit eum in benedictionibus suis:
conseruauit illi misericordiam suam:
& inuenit gratiam coram oculis Do-
mini. Magnificauit eum in conspec-
tu Regum; & dedit illi coronam glo-

riæ. Statuit ei Testamentum sempi-
ternum; & dedit illi sacerdotium,
magnum. Et beatificauit illum in glo-
ria, fungi sacerdotio, & habere lau-
dem in nomine ipsius, & offerre illi
incensum dignum in odorem suauitatis.

Cant. **L**euauit oculos meos ad mon-
tes, vnde veniet auxilium mihi. ^{Psal.}
^{120.}



Lectio sancti Euangelij
secundum Matthæum.

In illo tempore. Dixit Dominus ^{Cap.}
^{24.} Iesus Discipulis suis: Vigilate; quia
nescitis, qua hora Dominus vester
uenturus sit. Illud autem scitote:
quoniam, si sciret paterfamilias, qua
hora fur venturus esset; vigilaret vti-
que, & non sineret perfodi domum
suam. Ideo & vos estote parati; quia,
qua nescitis hora, Filius hominis ven-
turus est. Quis, putas, est fidelis ser-
uus, & prudens, quem constituit Do-
minus super familiam suam, vt det
illis cibum in tempore? Beatus ille,
seruus, quem, cum venerit Dominus
eius, inuenerit sic facientem. Amen
dico vobis; quoniam super omnia
bona sua constituet eum.

Oratio super sindonem.

DA, quæsumus, omnipotens Deus,
Beati Pontificis, & Confessoris
tui Martini meritis, immensæ nos tuæ
pietatis misericordiam consequi: qua-
tenus, eius interuenientibus precibus,
nostra queant deleri facinora. Per
Dominum.

Y Offert.

Psal.
88.

Offert. Veritas mea, & misericordia mea cum ipso: & in nomine meo exaltabitur cornu eius.

Non dicitur: Credo.

Oratio super oblatam.

Suscipe, quæsumus, Domine, munera de tua tibi largitate dicata: vt, intercedente Beato Martino, Confessore tuo, atque Pontifice, ita fidelium mentes exercent, quatenus temporalibus adiuti præsijs ad promerenda præmia transferantur æterna. Per Dominum.

Præfatio.

Æterne Deus. Qui, vt infidelitatis tenebras profugares, diuini verbi luce perspicuum, ac miraculis coruscantem Beatum Martinum in partes occiduas direxisti: qui profani erroris destruat templa, ac vexilla erigat pietatis. Hic suscitatur mortuos; ab obsessis corporibus sæua excludit Dæmonia; ac varijs laborantes languoribus salutis remedio subleuat; vt, quos culpæ caligo in mortem presserat, hos gratia reuocaret ad vitam. Per Christum.

Mat.
10.

Confractor. Qui me confessus fuerit coram hominibus, & ego confitebor eum coram Patre meo, qui in cœlis est.

Mat.
24.

Transitor. Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Luc.
12.

Oratio post Communionem.

Deus, qui nos in commemoratione Beati Pontificis, & Confessoris tui Martini gratia potiore lætificas, concede propitius: vt & per sancta, quæ sumpsimus, & per eius pro nobis interuenientia merita pertingere ad gaudia æterna mereamur. Per Dominum nostrum, Iesum Christum, Filium tuum: qui tecum viuit, & regnat.

IN F E S T O

S. MARTINI EPISC. ET CONF. Psal.
111.

Ingressa.



Disperfit, dedit pauperibus; iustitia eius manet in sæculum sæculi; cornu eius exaltabitur in gloria.

Gloria in excelsis Deo.

Oratio super populum.

Exaudi Domine populum tuum, tota tibi mente subiectum; & Beati Martini Pontificis tui supplicatione custodi: vt corpore, & corde protectus, quod pie credidit, appetat; &, quod iuste sperat, obtineat. Per Dominum nostrum.

Lectio Libri Sapientiae.

Ecce Sacerdos magnus, vt supra, in Vigilia.

Psalme. In Deo sperauit cor meum; & adiutus sum: & refluuit caro mea: & ex voluntate mea confitebor illi.

Ps. Ad te, Domine, clamabo: Deus meus ne fileas à me: & ero similis descendentibus in lacum.

Epistola Beati Pauli Apostoli ad Timotheum prima.

Charissime. Magnum est pietatis sacramentum, quod manifestatum est in carne, iustificatum est in spiritu, apparuit Angelis, prædicatum est Gentibus, creditum est in mundo assumptum est in gloria. Spiritus autem manifestè dicit: Quia in nouissimis temporibus discedent quidam à fide, attendentes spiritibus erroris, & doctrinis Dæmoniorum, in hypocrisi loquentium mendacium, & cauteriatam habentium suam conscientiam; prohibentium nubere, abstinere à cibis, quos Deus creauit ad percipiendum cum gratiarum actione fidelibus, & ijs, qui cognouerunt veritatem. Quia omnis creatura Dei bona est: & nihil reiiciendum, quod cum

cum gratiarum actione percipitur; sanctificatur enim per Verbum Dei, & orationem. Hæc proponens fratribus, bonus eris minister Christi Iesu: enutritus verbis fidei, & bonæ doctrinæ, quam affecutus es. Ineptas autem, & aniles fabulas deuota: exerce autem te ipsum ad pietatem. Nam, corporalis exercitatio ad modicum utilis est: pietas autem ad omnia utilis est, promissionem habens vitæ, quæ nunc est, & futuræ.

^{Mat. 23.} **Halleluia.** *ψ.* Euge serue bone, & fidelis: intra in gaudium Domini, Dei tui: Halleluia.

 **Lectio sancti Euangelij**
secundum Ioannem.

^{Cyp. 10.} **I**N illo tempore. Dixit Dominus Iesus Phariseis: Ego sum Pastor bonus. Bonus Pastor animam suam dat pro ouibus suis. Mercenarius autem, & qui non est Pastor, cuius non sunt oues propriæ, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit, quia mercenarius est, & non pertinet ad eum de ouibus. Ego sum Pastor bonus: & cognosco meas: & cognoscunt me meæ. Sicut nouit me Pater: & ego agnosco Patrem; & animam meam pono pro ouibus meis. Et alias oues habeo, quæ non sunt ex hoc ouili: & illas oportet me adducere: & vocem meam audient: & fiet vnum ouile, & vnus Pastor.

Antiphona post Euangelium.

^{10.} **Ego sum Pastor bonus: bonus Pastor animam suam ponit pro ouibus suis.**

Oratio super sindonem.

PRæsta, quæsumus, Domine; vt, sicut laudamus in Sancto Martino Confessore tuo, atque Pontifice, magnalia: sic indulgentiam tuam pijs eius precibus assequamur. Per Dñm.

Offert. **B**eati Martini meritum, fac-

tumque laudamus. Pauperem nudum chlamyde indutum audit Iesum, clara voce dicentem: Martinus adhuc catecumenus hac me veste contextit. *ψ.* Verè memor Dominus dictorum suorum, qui ante prædixerat: Quandiu fecistis vni ex minimis istis, mihi fecistis. Martinus adhuc catecumenus hac me veste contextit.

Dicitur: Credo.

Oratio super oblatam.

BEati Sacerdotis, & Confessoris tui Martini, quæsumus, Domine, nobis pia non desit intercessio: quæ & munera nostra conciliet, & tuam nobis indulgentiam semper obtineat. Per Dominum nostrum.

Præfatio.

ÆQuum, & salutare: Nos te, omnipotens Domine, in Beati Sacerdotis, & Confessoris tui Martini laudibus honorare. Qui, Sancti Spiritus tui dono replētus, ita in ipso fidei tyrocinio perfectus inuentus est: vt Christum texisset in paupere, & vestem, quam egenus acceperat, mundi Dominum induisset. O felix largitas, quam diuinitas operatur! O chlamydis gloriosa diuisio, quæ militem texit, & Regem! Dignè huic confessionis tuæ præmia contulisti: dignè Arianorum subiacuit ei feritas: dignè tanto martyrij amore persecutoris tormenta non timuit securus. Quanta, putamus, erit glorificatio passionis; quando pars chlamydis sic extitit pretiosa? Et quid erit pro oblatione integri corporis recepturus, qui, pro quantitate vestis exiguæ, & vestire Deum meruit, & videre? O animi imitanda benignitas! O virtutum veneranda potentia! Sic egit suscepti Pontificatus officium; vt, per formam probabilis vitæ, obseruantiam exigeret disciplinæ. Sic apostolica virtute sperantibus contulit me-

dicinam; vt alios supplicationibus, alios visu saluaret. Hæc tua, Domine, est virtus, & gloria. Per eundem Christum, Dominum nostrum.

^{Mat.} **Confract.** Domine, quinque talenta tradidisti mihi: ecce alia quinque superlucratus sum. Euge serue bone, & fidelis: quia super pauca fuisti fidelis; supra multa te constituam; intra in gaudium Domini tui.

Transit. Sancti Martini magna est festiuitas, & pretiosa ipsius confessio. Quem sic amauit Magister, & Dominus, vt horam sciret, qua mundum relinqueret. Pacem dedit omnibus astantibus: & securus pergit ad coelestem gloriam.

Oratio post Communionem.

Sumentes, Domine, gaudia sempiterna de participatione sacramenti, & de festiuitate Beati Martini Confessoris tui suppliciter deprecamur: vt, quæ sedulâ seruitute, te donante, gerimus, dignis sensibus munera tua tractemus. Per Dominum nostrum.

I N N A T A L I

S. ANTONINI MARTYRIS.

^{13.}
Nou.

Missa de Communi Martyris: Iustus non conturbabitur, pag. 3. **præterquam, vt infra.**

Oratio super populum.

Maieſtati tuæ nos, quæsumus, Domine, Beati Martyris tui Antonini supplicatio veneranda conciliet: vt, qui incessanter actibus nostris offendimus, continuis eius precibus expiæmur. Per Dominum.

Oratio super sindonem.

Adesto Domine precibus familiæ tuæ: & da, vt Beati Antonini Martyris tui, cuius hodie festa celebramus, meritis, atque intercessionibus adiuuemur. Per Dominum nostrum.

Oratio super oblatam.

Præsentia munera, quæsumus, Domine, ita serena pietate intueri: vt Sancti Spiritus perfundantur benedictione; & in nostris cordibus eam dilectionem validam infundant, per quam Sanctus Martyr tuus Antoninus omnia corporis sui tormenta deuicit. Per Dominum &c. in vnitatem eiusdem.

Oratio post Communionem.

Sumpſimus, Domine, in Sancti Antonini Martyris solemnitate celestia sacramenta: cuius suffragijs, quæsumus, largiâris; vt, quod temporaliter gerimus, æternis gaudijs consequamur. Per Dominum.

I N N A T A L I

S. ROMANI MARTYRIS.

^{18.}
Nou.

Ingressa.



Certamen bonum certauimus; cursum consummaui; fidem seruaui. In reliquo reposita est mihi corona iustitiæ: quam reddet mihi Dominus in illa die, & ijs, qui diligunt aduentum eius.

Gloria in excelsis Deo.

Oratio super populum.

Plebs tua, Domine, te Beati Martyris tui Romani glorificatione magnificet: & eodem semper precante, te mereatur habere rectorem. Per Dominum nostrum.

Epistola Beati Pauli Apostoli ad Corinthios prima.

Fratres. Qui loquitur Linguâ, non hominibus loquitur, sed Deo; nemo enim audit. Spiritu autem loquitur mysteria; nam, qui prophætatur, hominibus loquitur ad ædificationem, & exhortationem, & consolationem. Qui loquitur Linguâ, semetipsum edificat: qui autem prophætatur,

^{Cap.}
^{14.}

phétat, Ecclesiam Dei ædificat. Volo autem omnes vos loqui Linguis: magis autem prophetare. Nam, maior est, qui prophétat, quàm, qui loquitur Linguis; nisi forte interpretetur, vt Ecclesia ædificationem accipiat.

Hallelùiah. *Ps.* Benedictus Dominus, Deus meus: qui dedit mihi linguam, non carnalem, sed spiritualem: Hallelùiah.

 **Lectio sancti Euangelij** secundum Marcum.

Cap. 9. **I**N illo tempore. Docebat Iesus Discipulos suos, & dicebat illis: Quoniam Filius hominis tradetur in manus hominum: & occident eum: & occisus tertia die resurget. At illi ignorabant verbum, & timebant interrogare eum. Et venerunt Capharnaum. Qui, cum domi essent, interrogabat eos: Quid in via tractabatis? At illi tacebant; siquidem in via inter se disputauerant, quis eorum maior esset. Et residens vocauit Duodecim, & ait illis: Si quis vult primus esse; erit omnium nouissimus, & omnium minister. Et accipiens puerum, statuit eum in medio eorum. Quem cum complexus esset, ait illis: Quisquis vnum ex huiusmodi pueris receperit in nomine meo, me recipit: & quicumque me suscepit, non me suscipit; sed eum, qui misit me. Respondit illi Ioannes, dicens: Magister, vidimus quendam in nomine tuo eicientem Dæmonia, qui non sequitur nos: & prohibuimus eum. Iesus autem ait: Nolite prohibere eum; nemo est enim, qui faciat virtutem in nomine meo, & possit citò malè loqui de me.

Antiphona post Euangelium.

Psal. 50. **Domine**, labia mea aperies; & os meum annuntiabit laudem tuam.

Oratio super sindonem.

PReces populi tui, quæsumus, Domine, clementer exaudi: vt Beati Martyris tui Romani meritis adiuuemur, cuius annua celebritate lætatur. Per Dominum nostrum.

Offert. Dominus mihi dat linguam eruditionis: Hallelùiah: vt sciam, quando oporteat me dicere: Hallel. hallel. *Isa. 50.*

Ps. Benedictus Dominus, Deus meus, qui dedit mihi linguam, non carnalem, sed spiritualem: vt sciam, quando oporteat me dicere: Hall. hall.

Dicitur: Credo.

Oratio super oblatam.

Sacrificium, quod tuæ, Domine, offerimus Maiestatì, intercedente Beato Martyre tuo Romano, nobis ad veniam nostrorum proficiat peccatorum: & miserationis tuæ semper tribuat habere solatium. Per Dominum nostrum.

Præfatio.

ÆTerne Deus: & in hoc præcipue die triumphalem hostiam offerre: in quo Beatus Martyr tuus Romanus extitit pro fidei plebe immolatus. O beata prælia, quæ tanto non cessere terròri! O felix lingua, Christi nobilitata præconio; quæ, Deo loquente, non defecit! Per Christum, Dominum nostrum.

Confract. In Salutari tuo anima mea, *Psal. 118.* & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in salutari tuo, Domine. *Psal. 124.*

Oratio post Communionem.

Satiasti, Domine, familiam tuam muneribus sacris: eius, quæsumus, semper intercessione nos refove, cuius solemnità celebramus. Per Dominum nostrum.

19.
Noi.S. PONTIANI PAPÆ,
ET MART.*Missa de Communi Pontif. & Mart.*

Dedisti eum, Domine, pag. 4.

20.
Noi.

S. BENIGNI EPISC., ET CONF.

Missa de Communi.

Sacerdos iste, pag. 9.

21.
Noi.IN F E S T O
PRÆSENTATIONIS
BEATÆ MARIÆ.*Ingressa.*

Ætemur omnes in Domino, diem festum celebrantes ob honorem Beatæ Mariæ Virginis; de cuius Præsentatione gaudent Angeli, & collaudant Filium Dei.

Gloria in excelsis Deo.

Oratio super populum.

Supplicationem seruorum tuorum Deus miserator exaudi: vt, qui in Præsentatione Dei Genitrîcis, & Virginis Mariæ congregamur, eius intercessionibus à te de instantibus periculis eruâmur. Per eundem Dñm.

*Lectio Libri Sapientiæ.*Pro.
8.

Dominus possedit me in initio viarum suarum, antequam quidquam faceret à principio. Ab æterno ordinata sum, & ex antiquis, antequam terra fieret. Nondum erant abyssi; & ego iam concepta eram: necdum fontes aquarum eruperant: necdum montes graui mole constiterant. Ante colles ego parturiebar: adhuc terram non fecerat, & flumina, & cardines orbis terræ. Quando præparabat coelos, aderam: quando certa lege, & gyro vallâbat abyssos: quando æthera firmabat sursum, & librâbat fontes aquarum: quando circundabat mari terminum suum, & legem ponebat aquis, ne

transirent fines suos: quando appendebat fundamenta terræ: cum eo eram cuncta componens; & delectabar per singulos dies, ludens coram eo omni tempore: ludens in orbe terrarum; & deliciae meæ, esse cum filiis hominum. Nunc ergo filij audite me. Beati, qui custodiunt vias meas. Audite disciplinam, & estote sapientes: & nolite abijcere eam. Beatus homo, qui audit me, & qui vigilat ad fores meas quotidie, & obseruat ad postes ostij mei. Qui me inuenerit, inueniet vitam, & hauriet salutem à Domino.

Psal. 44. **Psal. 44.** Dilexisti iustitiam, & odisti iniquitatem.

V. Propterea vnxit te Deus, Deus tuus, oleo lætitiæ præ confortibus tuis.

Epistola Beati Pauli Apostoli ad Romanos.

Fratres. Deus Filium suum mit-
tens in similitudinem carnis peccati, & de peccato damnauit peccatum in carne: vt iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum, quæ sunt spiritus, sentiunt. Nam prudentia carnis, mors est: prudentia autem spiritus, vita, & pax. Quoniam sapientia carnis inimica est Deo; Legi enim Dei non est subiecta; nec enim potest. Qui autem in carne sunt, Deo placere non possunt. Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est; corpus quidem mortuum est propter peccatum; spiritus verò viuit propter iustificationem. Quòd si Spiritus eius, qui

qui suscitauit Iesum à mortuis, habitat in vobis; qui suscitauit Iesum, Christum à mortuis, viuificabit & mortalia corpora vestra propter inhabitantem Spiritum eius in vobis.

Hallelùiah. *✠* Iubilate Deo omnis terra: psalmum dicite nomini eius: **Hallelùiah.**

✠ **Lectio sancti Euangelij**
secundum Matthæum.

Liber generationis Iesu Christi, filij Dauid, filij Abraham. Abraham genuit Isaac. Isaac autem genuit Iacob. Iacob autem genuit Iudam, & fratres eius. Iudas autem genuit Phares, & Zaram de Thamar. Phares autem genuit Hefron. Hefron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit Dauid Regem. Dauid autem Rex genuit Salomônem ex ea, quæ fuit Uriæ. Salomon autem genuit Roboam. Roboam autem genuit Abiâm. Abiâs autem genuit Afa. Afa autem genuit Iosaphat. Iosaphat autem genuit Ioram. Ioram autem genuit Ozîam. Ozîas autem genuit Ioatham. Ioatham autem genuit Achaz. Achaz autem genuit Ezechîam. Ezechîas autem genuit Manassen. Manasses autem genuit Amon. Amon autem genuit Iosîam. Iosîas autem genuit Iechonîam, & fratres eius in transmigratione Babylonis. Et post transmigrationem Babylonis Iechonîas genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem ge-

nuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph, virum Mariæ: de qua natus est Iesus, qui vocatur Christus.

Antiphona post Euangelium.

Beata progenies, vnde Christus natus est. Quàm gloriosa est Virgo, quæ coeli Regem genuit!

Oratio super sindonem.

Famulis tuis, quæsumus, Domine, cœlestis gratiæ munus impartire: vt, quibus Beatæ Virginis Mariæ partus extitit salutis exordium, Præsentationis eius votîua solemnitas pacis tribuat incrementum; Per Dñm.

Offert. Vidi speciôsam sicut columbam, ascendentem desuper riuos aquarum. Cuius inæstimabilis odor erat magnus in vestimentis eius: Et sicut dies verni circundabant eam, flores rosarum, & lilia conuallium.

✠ Ascendebat per desertum sicut virgula fumi ex aromatibus myrrhæ, & thuris: Et sicut dies verni circūdabant eam flores rosarum, & lilia cōuallium.

Dicitur: Credo.

Oratio super oblatam.

Unigeniti tui, Domine, nobis succurrat humanitas: vt, qui natus de Virgine, Matris integritatem non minuit, sed sacrauit, in Præsentationis eius solemnijis, nostris nos piaculis exuens, oblationem nostram sibi faciat acceptam. Qui tecum viuit.

Præfatio.

Æterne Deus. Recensêmus enim præclarissimæ Præsentationis diem: quo gloriosissima Dei Genitrix, intemerâta Virgo Mariâ, Stella corusca, & admirabilis mundo effulsit. Quæ nobis perennis vitæ ianuam, quam Eua in Paradiso clauferat, reſerâuit: nosque de tenebris ad lucis antiquæ gaudia reuocauit. Per eundem Christum.

Con-

Ita.
21.

Confract. De radice Iesse exiet virga: & Regni eius non erit finis.

Transit. Rubum, quem viderat Moyses incombustum, conseruatam agnouimus tuam laudabilem virginitatem; Dei Genitrix intercède pro nobis.

Oratio post Communionem.

Sumpsimus, Domine, celebritatis annuæ votiuæ sacramenta: præsta, quæsumus, vt & temporalis nobis vitæ remedia præbeant, & æternæ. Per Dominum nostrum.

I N N A T A L I

22.
Nou.

S. CÆCILIAE VIRG. ET MART.

Ingressa.

Psal.
118.

Eci iudicium, & iustitiam, Domine; non calumnientur me superbi. Ad omnia mandata tua dirigebar: omnem viam iniquitatis odio habui.

Gloria in excelsis Deo.

Oratio super populum.

Deus, cui Beata Cæcilia ita deuotione placuit castitatis, vt sponsum Valerianum, affinemque Tiburtium tibi fecerit consecrari, tribue, quæsumus: vt, eâ intercedente pro nobis, beneficia tui muneris percipere mereamur. Per Dominum.

Epistola Beati Pauli Apostoli ad Corinthios prima.

Cap.
7.

Fratres. Si quis vxorem habet infidelem, & hæc consentit habitare cum illo; non dimittat illam. Et si qua mulier habet virum infidelem, & hic consentit habitare cum illa; non dimittat virum. Sanctificatus est enim vir infidelis per mulierem fidelem; & sanctificata est mulier infidelis per virum fidelem: alioquin filij vestri immundi essent; nunc autem sancti sunt. Quod si infidelis

discedit; discédât. Non enim seruituti subiectus est frater, aut soror in huiusmodi. In pace autem vocauit nos Deus. Unde enim scis mulier, si virum saluum facies? Aut vnde scis vir, si mulierem saluam facies? Nisi, vnicuique sicut diuisit Dominus, vnumquemque sicut vocauit Deus, ita ambulet; & sicut in omnibus Ecclesijs doceo in Christo Iesu, Domino nostro.

Halleluia. **V.** Diffusa est gratia in labijs tuis; propterea benedixit te Deus in æternum: Hallel.



Lectio sancti Euangelij secundum Matthæum.

In illo tempore. Dixit Dominus Iesus Discipulis suis parabolam, hanc: Simile est Regnum Cœlorum thesauro abscondito in agro: quem, qui inuenit, homo abscondit; & præ gaudio illius vadit, & vendit vniuersa, quæ habet, & emit agrum illum. Iterum simile est Regnum Cœlorum homini negotiatori quærenti bonas margaritas. Inuentâ autem vnâ pretiosâ margaritâ, abiit, & vendidit omnia, quæ habuit, & emit eam. Iterum simile est Regnum Cœlorum saginæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa: malos autem foras miserunt. Sic erit in consummatione sæculi. Exibunt Angeli, & separabunt malos de medio iustorum: & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in Regno Cœlorum similis est homini patrifamilias, qui profert de thesauro suo noua, & vetera.

Antiphona post Euangelium.
Cantantibus organis, Cæcilia Domi-
no

no decantabat, dicens: Fiat cor meum immaculatum; vt non confundar.

Oratio super sindonem.

COncede, quæsumus, omnipotens Deus: vt in hac festiuitate Beata Martyris tuæ Cæcilie, quæ ad celestia meruit euocari præmia, coniunctis sibi Tiburtio, & Valeriano, eorum meritis, & suffragijs adiuuémur. Per Dominum nostrum.

Offert. Domine, Iesu Christe, Pastor bone, seminator casti consilij suscipe seminum fructus, quos in Cæcilia seminasti. Cæcilia, famula tua, quasi ouis tibi augmentosa, deseruit.

V. Nam Sponsum, quem, quasi leonem ferocem accépit, ad te, quasi agnum mansuetum destinauit. Cæcilia, famula tua, quasi ouis tibi augmentosa, deseruit:

Dicitur: Credo.

Oratio super oblatam.

TRibue, quæsumus, Virtutum celestium Deus: vt sacrificia pro Sanctæ Cæcilie solemnitate delata, desiderium nos temporale doceant habere contemptum, & ambire dona faciant celestium gaudiorum. Per Dominum

Præfatio.

PER Christum Dominum nostrum. Per quem Sancta Cæcilia, celesti dono repleta, vt martyrij palmam, assumeret, ipsum mundum est cum thalamis execrata. Testis est Valeriani, & Tiburtij prouocata confessio: quos angelica manu odoriferis floribus coronasti. Viros Virgo duxit ad gloriam. Mundus agnouit, quantum valeat deuotio castitatis; quæ ita promeruit; vt Martyres efficerentur, & iter Regis gloriæ cum Angelis graderentur. Huius, te, Domine, largiente, gaudia celebramus: & ea fide, qua mundi caligo deterfa est, ad æternitatis tuæ deprecamur præmia

peruenire. Per eundem Christum.

Confractor. Latere Virgo, Sponsa Christi, stans à dextris eius in vestitu deaurato, circumamicta iucunditate.

Transitor. Afferentur Regi Virgines post eam: proximæ eius afferentur tibi. Psal. 44.

Oratio post Communionem.

HÆc nos, Domine, gratia tua, quæsumus, semper exerceat: vt & diuinis instauret nostra corda mysterijs, & Sanctæ Cæcilie Martyris tuæ commemoratione lætificet. Per Dominum nostrum.

I N N A T A L I

S. CLEMENTIS PAPÆ, ET MART.

23. Nou.

Ingressa.



Ustus non conturbabitur; quia Dominus firmat manum eius. Totâ die miseretur, & commodat; & semen eius in benedictione

Psal. 30.

erit in æternum: dicit Dominus.

Gloria in excelsis Deo.

Oratio super populum.

BEati Pontificis, & Martyris tui Clementis, quæsumus, Domine, in conspectu diuinæ Maiestatis tuæ pro nobis ascendat oratio: cui beatam societatem cum tuis donari iussisti Apostolis, & Martyribus. Per Dominum nostrum, Iesum Christum, Filium tuum.

Epistola Beati Pauli Apostoli ad Philippenses.

FRatres. Imitatores mei estote: & obseruate eos, qui ita ambulant, sicut habetis formam nostram. Multi enim ambulant, quos sæpe dicebam vobis (nunc autem & flens dico) inimicos Crucis Christi: quorum finis interitus: quorum Deus venter est: & gloria in confusione ipsorum, qui terrena sapiunt. Nostra autem, con-

cap. 3.

conuersatio in coelis est: vnde etiam Saluatorem expectamus, Dominum nostrum, Iesum Christum: qui reformabit corpus humilitatis nostræ, configuratum corpori claritatis suæ, secundum operationem, qua etiam possit subijcere sibi omnia. Itaque, fratres mei charissimi, & desideratissimi, gaudium meum, & corona mea: sic stete in Domino charissimi. Eudiam rogo, & Syntychen deprecor idipsum sapere in Domino. Etiam rogo, & te, germâne compar: adiuua illas quæ tecum laborauerunt in Euangelio cum Clemente, & cæteris adiutoribus meis, quorum nomina sunt in Libro vitæ.

Psal. 20. **H**alleluia. **V.** Posuisti in capite eius coronam de lapide pretioso: Hallel.

✠ **L**ectio sancti Euangelij secundum Matthæum.

Cap. 14. **I**n illo tempore. Iussit Dominus Iesus Discipulos suos ascendere in nauiculam, & præcedere eum trans fretum, donec dimitteret turbas. Et, dimissâ turbâ, ascendit in montem solus orare. Vespere autem facto, solus erat ibi. Nauicula autem in medio mari iactabatur fluctibus; erat enim contrarius ventus. Quartâ autem vigiliâ noctis venit ad eos, ambulans super mare. Et videntes eum super mare ambulantem turbati sunt, dicentes: Quia phantasma est: & præ timore clamauerunt. Statimque Iesus locutus est eis, dicens: Habete fiduciam: ego sum: nolite timere. Respondens autem Petrus dixit: Domine, si tu es; iube me ad te venire super aquas. At ipse ait: Veni. Et descendens Petrus de nauicula ambulabat super aquam; vt veniret ad Iesum. Videns verò ventum validum, timuit: & cum cœpisset mergi, clamauit, dicens: Domine saluum me fac. Et continuo Iesus extendens ma-

num apprehendit eum; & ait illi: Modicæ fidei, quare dubitasti? Et, cum ascendissent in nauiculam, cessauit ventus. Qui autem in nauicula erant, venerunt, & adorauerunt eum, dicentes: Verè Filius Dei es.

Antiphona post Euangelium

Vidi supra montem Agnum stantem, sub cuius pede fons viuus emanauit.

Oratio super sindonem.

Præsta, quæsumus, omnipotens Deus: vt Beati Pontificis, & Martyris tui Clementis adiuuémur auxilio; cui in deserto, populus vt crederet, admirabilem contulisti potentiam: vt sitientibus ex tumulis, quos eis natura negabat, fontium liquores produceret. Per Dominum.

Offert. **O**rante Sancto Clemente, apparuit ei Agnus Dei, sub cuius pede fons viuus emanauit. Videntes populi laudem dicebant: Fluminis impetus lætificat Ciuitatem Dei.

V. Quoniam percussit petram, & fluxerunt aquæ; videntes populi laudem dicebant: Fluminis impetus lætificat Ciuitatem Dei.

Dicitur: Credo.

Oratio super oblatam.

Sacrificium tibi, Domine, laudis offerimus pro Sancti celebritate Clementis: vt propitiationem tuam, quam nostris operibus non meremur, pij suffragatoris intercessionibus assequamur. Per Dominum nostrum.

Præfatio.

Æterne Deus. Qui Sanctis tuis ad tyrannorum superandas feritates admirabilem te credimus donare constantiam. Nam, cum iniquissimus persecutor Beatum Clementem pcenis afficere à Diabolo cogeretur; non ei tormentum intulit, sed triumphum. Iactatur ergo Martyr tuus in fluctibus; vt mergatur iniquissimâ sententiâ: & ex hoc peruenit

nit ad præmium, vnde etiam Petrus magister eius peruēnit ad Regnum. Ambōrum Christus in fluctibus approbat mentes. Clementem ad palmam gloriæ de profundo reuocat: Petrum ad cœlestia Regna in eodem elemento, ne mergeretur, eleuauit idem Iesus Christus, Dominus noster. Per quem Maiestatem tuam.

Psal. 118. **Confract.** In Salutari tuo anima mea, & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Psal. 88. **Transit.** Veritas mea, & misericordia mea cum ipso: & in nomine meo exaltabitur cornu eius.

Oratio post Communionem.

Purificent nos, Domine, quæsumus: & diuini perceptio sacramenti, & gloriolæ confessionis oratio. Per Dominum nostrum.

24. Nou. **S. PROTASII EPISC. ET CONF.**
Missa de Communi: Sacerdos iste. pag. 9.

27. Nou. **SANCTÆ CATHARINÆ VIRG. ET MART.**

Ingressa.

Psal. 118. **E**ci iudicium, & iustitiam, Domine: non calumnientur mihi superbi. Ad omnia mandata tua dirigebar: omnem viam iniquitatis odio habui.

Gloria in excelsis Deo.

Oratio super populum.

Deus, qui dedisti Legem Moyfi in summitate Montis Sinai, & in eodem loco Corpus Beatæ Catharinæ Virginis, & Martyris tuæ per sanctos Angelos tuos mirabiliter collocasti, præsta, quæsumus: vt eius meritis, & intercessione ad Montem, qui

Christus est, peruenire valeamus. Qui tecum.

Lectio cum Psalmell., & Versu; vt in Communi vnius Virg., & Mart. p. 17.

Epistola Beati Pauli Apostoli ad Corinthios prima.

Fratres. De Virginibus præceptum Domini non habeo: consilium autem do, tanquam misericordiam consecutus à Domino; vt sim fidelis. Existimo ergo hoc bonum, esse propter instantem necessitatem; quoniam bonum est homini sic esse. Alligatus es vxori? noli quærere solutionem. Solutus es ab vxore? noli quærere vxorem. Si autem acceperis vxorem; non peccasti. Et si nupserit virgo; non peccauit; tribulationem tamen carnis habebunt huiusmodi: ego autem vobis parco. Hoc itaque dico, fratres; Tempus breue est. Reliquum est; vt, & qui habent vxores, tanquam non habentes sint; & qui flent, tanquam non flentes; & qui gaudent, tanquam non gaudentes; & qui emunt, tanquam non possidentes; & qui vtuntur hoc mundo, tanquam non vtantur. Præterit enim figura huius mundi.

Halleluia. **Psal. 118.** Diffusa est gratia in labijs tuis: propterea benedixit te Deus in æternum: Hallel.

Lectio sancti Euangelij secundum Matthæum.

In illo tempore. Dixit Iesus Discipulis suis parabolam hanc: Simile est Regnum Cœlorum thesauro abscondito in agro: quem, qui inuenit, homo abscondit: & præ gaudio illius vadit; & vendit vniuersa, quæ habet; & emit agrum illum. Iterum simile est Regnum Cœlorum homini negotiatori, quærenti bonas margaritas. Inuentâ autem vnâ pretiosâ margaritâ, abiit, & vendidit omnia, quæ habuit, & emit eam. Iterum simile est

est Regnum Coelorum sagénæ missæ in mare, & ex omni genere piscium congreganti. Quam, cum impleta esset, educentes, & secus litus sedentes elegerunt bonos in vasa; malos autem foras miserunt. Sic erit in consummatione sæculi. Exibunt Angeli, & separabunt malos de medio iustorum: & mittent eos in caminum ignis: ibi erit fletus, & stridor dentium. Intelligistis hæc omnia? Dicunt ei: Etiam. Ait illis: Ideo omnis scriba doctus in Regno Coelorum similis est homini patrifamilias, qui profert de thesauro suo noua, & vetera.

Antiphona post Euangelium.

Ipsi sum sponsata, cui Angeli seruiunt; cuius pulchritudinem Sol, & Luna mirantur. Ipsi soli seruo fidem; ipsi me totâ deuotione committo.

Oratio super sindonem.

Omnipotens, sempiterne Deus, qui Corpus Beatæ Catharinæ Virginis, & Martyris tuæ in Montem Sinai deferri iussisti, concede, quæsumus: eius obtentu nos ad arcem virtutum prouehi, vbi visionis tuæ claritatem sine fine mereamur intuêri. Per Dominum nostrum.

Offert. **C**lara Virgo, & Martyr Catharina virtutum gratiâ pollens ad cultum fidei suis exemplis multos perduxit.

V. Hæc Virgo sapiens, & vna de numero prudentum ad cultum fidei suis exemplis multos perduxit.

Dicitur: **C**redo.

Oratio super oblatam.

Suscipe Domine munera, quæ in Beatæ Catharinæ Virginis, & Martyris tuæ solemnitatem deferimus: cuius nos confidimus patrocinio liberari. Per Dominum nostrum.

Præfatio.

Terne Deus. Quia per te constantiam fides, per te virtutem

sumit infirmitas; & quicquid in persecutionibus sæuum est, quicquid in morte terribile, nominis tui facis confessione superari. Unde benedicimus te, Domine, in operibus tuis; & in Beatæ Virginis, & Martyris tuæ Catharinæ prouectione laudamus. Per Christum, Dominum nostrum.

Confract. **V**eniente Sponso, prudens Virgo præparata introiuit cum eo ad nuptias.

Transit. **E**xultauit spiritus meus in Domino; quia respexit humilitatem ancillæ suæ. Ecce enim ex hoc beatam me dicent omnes generationes.

Oratio post Communionem.

Auxilientur nobis, Domine, sumpta mysteria: & intercedente Beata Catharina Virgine, & Martyre tua, sempiternâ faciant protectione gaudere. Per Dominum.

IN VIGILIA

S. ANDRÆ APOSTOLI.

Ingressa.



Dum perambulare Domine super mare secus litus Galilææ, vidit Petrum, & Andream retia mittentes in mare. Vocauit eos, dicens: Venite post me: faciam vos pisces hominum.

Non dicitur: **G**loria in excelsis Deo.

Oratio super populum.

Apostolicis Domine, quæsumus, nos attolle præsidij: vt, cuius solemniam præuenimus, eius precibus adiuuêmur. Per Dominum.

Lectio Libri Sapientiæ.

Benedictio Domini super caput iusti. Ideo dedit illi Dominus hæreditatem, & diuisit ei partem in tribubus duodecim; & inuenit gratiam in conspectu omnis carnis: & magnificauit eum in timore inimicorum;

rum; & in verbis suis monstra placuit. Glorificauit illum in conspectu Regum, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Et dedit illi cor ad præcepta, & legem vitæ, & disciplinæ, & excelsum fecit illum. Statuit ei Testamentum æternum: & circumcinxit eum zonâ iustitiæ: & induit eum Dominus coronam gloriæ.

Cant. Nisi quod Dominus erat in nobis: dicat nunc Israel: Nisi quod Dominus erat in nobis.

Lectio sancti Euangelij secundum Ioannem.

IN illo tempore. Stabat Ioannes, & ex Discipulis eius duo. Et, respiciens Iesum ambulantiem, dicit: Ecce Agnus Dei. Et audierunt eum duo Discipuli loquentem, & secuti sunt Iesum. Conuersus autem Iesus, & videns eos sequentes se, dicit eis: Quid queritis? Qui dixerunt ei: Rabbi (quod dicitur interpretatum, Magister) vbi habitas? Dicit eis: Venite, & videte. Venerunt, & viderunt, vbi maneret; & apud eum manserunt die illo. Hora autem erat quasi decima. Erat autem Andreas frater Simonis Petri, vnus ex duobus, qui audierant à Ioanne, & secuti fuerant eum. Inuenit hic primum fratrem suum Simonem, & dicit ei: Inuenimus Messiam (quod est interpretatum, Christus) & adduxit eum ad Iesum. Intuitus autem eum Iesus, dixit: Tu es Simon filius Iona: tu vocaberis Cephas, quod interpretatur Petrus.

Oratio super sindonem.

DA nobis, quæsumus, Domine, Deus noster, Beati Apostoli tui Andreæ intercessionibus subleuari: vt, per quem Ecclesiæ tuæ superni muneris rudimenta donasti, per eum subsidia perpetuæ salutis impendas. Per Dominum nostrum.

Offert. Desiderium animæ eius tribuisti ei, Domine; & voluntate laborum eius non fraudasti eum: posuisti in capite eius coronam de lapide pretioso.

Non dicitur: Credo.

Oratio super oblatam.

PRæsta, quæsumus, Domine; vt per intercessionem Beati Apostoli tui Andreæ nobis hæc profit oblatio: quam immolando, totius mundi tribuisti relaxari delicta. Per Dñm.

Præfatio.

PER Christum, Dominum nostrum. Per quem Beatus Apostolus Andreas tantum cœlesti gratia eminet præcipuus, quantum etiam Beati Petri Apostoli germanitate demonstratur esse præclarus: vt, quos vna genitrix edidit mundo, vna regeneratione per Crucis patibulum collocarentur in Cœlo. Et ideo cum Angelis.

Confract. In Salutari tuo anima mea, & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in salutari tuo, Domine.

Oratio post Communionem.

BEati Andreæ Apostoli supplicatione, quæsumus, Domine, plebs tua benedictionem percipiat: vt de eius meritis fideliter gloriatur, & sempiternis valeat consortijs sociata lætari. Per Dominum nostrum.

I N F E S T O
S. ANDREÆ APOSTOLI.

Ingressa.



Ominus secus litus Galilææ vidit duos fratres, Petrum, & Andream, & vocauit eos: Venite post me; faciam vos fieri piscatores hominum.

Z

Glo-

Gloria in excelsis Deo.

Oratio super populum.

DEus, qui hunc diem Beati Apostoli tui Andreae martyrio consecrafti: da nobis de eius festiuitate lætari; vt apud misericordiam tuam & exemplis eius adiuuemur, & meritis. Per Dominum nostrum.

**Commemoratio Baptismi
S. Ambrosij.**

DEus, qui per sanctum Baptismum Beatum Ambrosium tui nominis Confessorem esse signasti, præsta, quæsumus: vt eius meritis protegamur, in cuius festiuitate, annua deuotione lætamur. Per Dominum nostrum.

Lectio, vt supra in Vigilia.

Psalmell. Gloria, & honore coronasti eum.

Ps. Domine, Dominus noster, quàm admirabile est nomen tuum in vniuersa terra! Coronasti eum.

**Epistola Beati Pauli Apostoli
ad Galatas.**

cap. 1. **F**Ratres. Gratia vobis, & pax à Deo Patre, & Domino nostro, Iesu Christo: qui dedit semetipsum pro peccatis nostris: vt eriperet nos de præsentis sæculo nequam, secundum voluntatem Dei, & Patris nostri: cui est gloria in sæcula sæculorum, Amen. Miror, quòd sic tam citò trasferimini ab eo, qui vos vocauit in gratiam Christi, in aliud Euangelium: quod non est aliud; nisi sunt aliqui, qui vos conturbant, & volunt conuertere Euangelium Christi. Sed licet nos, aut Angelus de Coelo euangelizet vobis præterquam, quod euangelizauimus vobis; anathéma sit. Sicut prædiximus, & nunc iterum dico: Si quis vobis euangelizauerit præter id, quod accepistis; anathéma sit. Modò enim hominibus suadeo, an Deo? An quæro homini-

bus placere? Si adhuc hominibus placërem; Christi seruus non essem. Notum enim facio vobis, fratres, Euangelium, quod euangelizatum est à me; quia non est secundum hominem. Neque enim ego ab homine accepi illud, neque didici; sed per reuelationem Iesu Christi.

Hallelùiah. **Ps.** Suscipe beata Crux humilem propter Deum: suscipe discipulum eius, qui pependit in te: Hallelùiah.

**✠ Lectio sancti Euangelij
secundum Matthæum.**

cap. 4. **I**N illo tempore. Ambulans Dominus Iesus iuxta mare Galilææ vidit duos fratres, Simònem, qui vocatur Petrus, & Andream fratrem eius, mittentes rete in mare (erant enim piscatores) & ait illis: Venite post me: & faciam vos fieri pisces hominum. At illi, continuò relictis retibus, secuti sunt eum. Et procedens inde, vidit alios duos fratres, Iacobum Zebedæi, & Ioannem fratrem eius in naui cum Zebedæo patre eorum, reficientes retia sua: & vocauit eos. Illi autem, statim relictis retibus, & patre, secuti sunt eum. Et circuibat Iesus totam Galilæam, docens in Synagogis eorum, & prædicans Euangelium Regni: & sanans omnem languorem, & omnem infirmitatem in populo. Et abiit opinio eius in totam Syriam. Et obtulerunt ei omnes malè habentes, varijs languoribus, & tormentis comprehensos, & qui Dæmonia habebant, & lunaticos, & paralyticos: & curauit eos. Et secutæ sunt eum turbae multæ.

Antiphona post Euangelium.

Missus sum Apostolus à Domino prædicare hominibus viam salutis, in qua ambulent: vt cognoscant æterna promissa secretæ Crucis Magistri, & Domini mei.

Oratio

Oratio super sindonem.

DA tuorum, quæsumus, Domine, habitator æterne Sanctorum: vt Beati Apostoli tui Andreæ pretiosa natalitia non solum ministerio corporali, sed & mentis veneremur affectu. Per Dominum.

Commemoratio Baptismi

S. Ambrosij.

DEus, qui per Undas regenerationis Beatum Confessorem tuum Ambrosium à contagione vetusti criminis diluisti; ablutumque purificationis Lauacro, Doctorem præcipuum, atque catholicæ Fidei propugnatorem efficere dignatus es; præsta, quæsumus: vt, ipso pro nobis intercedente, vitiorum nostrorum possimus abluere maculas; & tibi Domino syncêris mentibus deferuire. Per Dominum nostrum.

Mat. 4. Offert. Dum perambularet Dominus supra mare secus litus Galilææ, vidit Petrum, & Andream, retia mittentes in mare. Vocauit eos, dicens: Venite post me: faciam vos fieri pisces hominum.

Psal. 60. V. Exaudi Deus deprecationem meam: intende orationi meæ. A finibus terræ vocauit eos, dicens: Venite post me: faciam vos fieri pisces hominum.

Dicitur: Credo.

Oratio super oblatam.

Sacrificium nostrum tibi, Domine, Beati Andreæ Apostoli tui precatio sancta conciliet: vt, in cuius honore solemniter exhibetur, eius meritis efficiatur acceptum. Per Dominum nostrum.

Commemoratio Baptismi

S. Ambrosij.

DEus, qui ad laudis tibi hostias immolandas hodie Beatum Ambrosium sacro Baptismate purificasti, concede propitius: vt, eo pro

nobis interueniente, & hæc tibi grata sint munera, & ad sanctificationem nostram proueniant. Per Dñm.

Præfatio.

Æterne Deus. Adest enim nobis dies sacri votiua mysterij: qua Beatus Andreas germanum se Petri Apostoli tam prædicatione Christi tui, quàm confessione monstrauit; & apostolicæ numerum dignitatis simul passione supplèuit, & gloria; vt id, quod libera prædicauerat voce, nec pendens taceret in Cruce: Authoremque vitæ perennis tam in hac vita sequi, quàm in mortis genere meruit imitari: vt, cuius præcepto terrena in semetipso crucifixerat desideria, eius exemplo ipse patibulo figeretur. Utrique igitur germani Piscatores, ambo Cruce eleuantur ad cælum; vt, quos in huius vitæ cursu tua gratia tot vinculis pietatis constrinxerat, hos similis in Regno Cœlorum neceret & corona: & quibus erat vna causa certaminis, vna retributio esset & præmij. Per eundem Christum, Dominum.

Confract. Dixit Andreas Simóni fratri suo: Inuenimus Messiam, qui dicitur Christus. Et adduxit eum ad Iesum. Io. 1.

Transit. Videns Crucem à longè Beatus Andreas orauit: Suscipe beata Crux discipulum Domini, qui pendit in te: redde me Magistro meo, qui per te redemit me.

Oratio post Communionem.

Quæsumus, omnipotens Deus: vt, quos diuina tribuis participatione gaudere, intercedente Beato Apostolo tuo Andrea, humanis non finas subiacere periculis. Per Dominum nostrum.

Commem. Baptismi S. Ambrosij.

Sumpsimus, Domine, sacri donæ mysterij, humiliter deprecantes:

vt, quibus hanc Baptismatis diem, Beati Ambrosij voluisti esse solemnem, eidem Antistiti nos in coelesti Regno iubeas esse consortes. Per Dominum nostrum.

FESTA DECEMBRIS.

2.
Dec.

SANCTI CASTRITIANI
EPISC. ET CONF.

Missa de Communi: Sacerdos iste, pag. 9. **præterquam; vt infra.**

Oratio super populum.

Sanctus Sacerdos, & Confessor tuus Castritianus, quæsumus, Domine, pro nobis apud te sedulus supplicator existat: vt à cunctis reatibus absoluiamur, & ad vitam cum Sanctis, & Electis tuis, te miserante, perducamur æternam. Per Dominum.

Oratio super sindonem.

Pratende super nos dexteram tuam Domine, Deus noster: & per venerandam festiuitatem gloriosi Pontificis, & Confessoris tui Castritiani suffragium nobis supernæ virtutis impende. Per Dominum.

Oratio super oblatam.

Suscipe Domine fidelium preces cum oblationibus munerum: & intercedente Beato Castritiano Pontifice, & Confessore tuo, per hæc piæ deuotionis officia ad coelestem gloriam transeamus. Per Dominum.

Oratio post Communionem.

Replêti alimonia coelesti, quæsumus, Domine: vt Beati Confessoris tui, ac Pontificis Castritiani precibus, & meritis misericordiæ tuæ gratiam consequi mereamur. Per Dñm.

IN NATALI

2.
Dec.

S. FRANCISCI XAVERIJ
CONF. SACERD.

Missa de Communi: Sacerdotes eius, pag. 14. **præterquam; vt infra.**

Oratio super populum.

Deus, qui Indiârûm gentes Beati Francisci prædicatione, & miraculis Ecclesiæ tuæ aggregare voluisti, concede propitius: vt, cuius gloriosa merita veneramur, virtutum quoque imitemur exempla. Per Dominum nostrum.

Oratio super sindonem.

Deus, qui Beatum Franciscum Confessorem gloriæ tuæ propagatorem eximium effecisti, concede propitius: vt, eo intercedente, coelestis gloriæ tuæ participes esse mereamur. Per Dominum.

S. MYROCLIS EPISC. ET CONF. 3.
Dec.

Missa de Communi: Sacerdos iste, pag. 9. **præterquam; vt infra.**

Oratio super populum.

Concede famulis tuis, quæsumus, Domine, Beati Pontificis, & Confessoris tui Myrôclis festiuitate gaudere: & eius sancta deprecatione defendi. Per Dominum.

Oratio super sindonem.

Misericordiam tuam, quæsumus, omnipotens Deus, nobis clementer impende: & Beati Pontificis, atque Confessoris tui Myrôclis nobis placare suffragijs. Per Dominum.

Oratio super oblatam.

Munera tibi dicata, quæsumus, Domine, sanctifica: & intercedente Beato Myrôcle Pontifice, & Confessore tuo, ab omni nos culpæ labe purifica. Per Dominum.

Oratio post Communionem.

Replêti benedictione coelesti quæsumus, Domine, clementiam tuam: vt, interueniente Beato Myrôcle Confessore tuo, atque Pontifice, in gratiarum tuarum semper actione maneamus. Per Dominum nostrum, Iesum Christum, Filium tuum: qui tecum viuît, & regnat.

S. BAR-

S. BARBARÆ VIRG. ET MART.
Missæ de Communi: Feci iudicium,
 pag. 17.

S. DALMATIJ MART. ET PONT.
Missæ de Communi: Dedisti eum Do-
 mine, pag. 4. **præterquam; vt infra.**
Oratio super populum.

Omnipotens, sempiternæ Deus,
 qui Beato Dalmatio Martyri, &
 Pontifici tuo non solum credere vni-
 genito Filio tuo, sed etiam pro ipso
 pati posse tribuisti, concede propi-
 tius: vt misericordiam sempiternam,
 pro qua ipse feliciter dimicauit, nos
 quoque famuli tui percipere merea-
 mur. Per eundem Dominum.

Oratio super sindonem.

Deus, qui in Sancti Dalmatij Mar-
 tyris, & Pontificis tui semper
 es meritis ubique mirabilis, quæsu-
 mus clementiam tuam: vt, sicut ei
 eminentem gratiam contulisti; sic ad
 consequendam misericordiam tuam
 eius nos facias precibus adiuuari.
 Per Dominum nostrum.

Oratio super oblatam.

Suscipe, quæsumus, Domine hoc
 sacrificium populi tui: vt, quod
 in commemoratione Beati Martyris,
 & Pontificis tui Dalmatij offertur ad
 gloriam, nobis profit ad veniam. Per
 Dominum nostrum.

Oratio post Communionem.

Quæsumus, omnipotens Deus: vt
 munera diuina, quæ sumpsi-
 mus, intercedente Beato Mar-
 tyre tuo, & Pontifice Dalmatio, sa-
 lutarem nobis præstent effectum.
 Per Dominum nostrum, Iesum Chri-
 stum, Filium tuum: qui tecum viuit,
 & regnat in vnitæte Spiritus Sancti
 Deus, per omnia sæcula sæculorum.

† † † †

IN VIGILIA ORDINATIONIS
S. AMBROSII EPISC. CONFESS.
DOCT. ET PATRONI.

Ingressa.



Lēgit te Dominus sibi
 Sacerdotem magnum:
 & aperiens thesaurum
 suum optimum, abun-
 dare te faciet omnibus
 bonis.

Non dicitur: Gloria in excelsis Deo.

Oratio super populum.

Deus, qui Beatum Ambrosium,
 Pontificem Sanctorum meritis
 coæquasti, concede propitius: vt, qui
 Ordinationis eius festa venerando
 præimus, vitæ quoque imitemur
 exempla. Per Dominum.

Commemoratio S. Nicolai

Episc. & Conf.

Sempiterna beatitudine misericors
 Deus fidelium plebem ad te con-
 currentem confirma: &, quam pij
 Pastoris, & Confessoris tui Nicolai
 celebritate fecisti deuotam, eius sem-
 per præsentis subsidio ab omni aduer-
 sitate tuere. Per Dominum.

Lectio Libri Sapientiæ.

Ecce Sacerdos magnus, qui in die-
 bus suis placuit Deo; & inuen-
 tus est iustus; & in tempore iracun-
 diæ factus est reconciliatio. Non est
 inuentus similis illi, qui conseruaret
 Legem Excelsi. Ideo iureiurando fe-
 cit illum Dominus crescere in ple-
 bem suam. Benedictionem omnium
 gentium dedit illi: & Testamentum
 suum confirmauit super caput eius.
 Agnouit eum in benedictionibus suis:
 conseruauit illi misericordiam suam:
 & inuenit gratiam coram oculis Do-
 mini. Magnificauit eum in conspectu
 Regum: & dedit illi coronam gloriæ.
 Statuit ei Testamentum sempiter-
 num: & dedit illi sacerdotium ma-
 gnum: & beatificauit illum in gloria,

Z 3

fungi

fungi sacerdotio, & habere laudem, in nomine ipsius, & offerre illi incensum dignum in odorem suauitatis.

Pfal. **109.** **Pfalmell.** Iurauit Dominus, & non poenitebit eum: Tu es Sacerdos in æternum secundum ordinem Melchisedech.

V. Dixit Dominus Domino meo: Sede à dextris meis: Tu es Sacerdos in æternum secundum ordinem Melchisedech.

✠ **L**ectio sancti Euangelij secundum Ioannem.

Cap. **6.** **I**n illo tempore. Cum vidissent homines, quod Iesus fecerat, signum, dicebant: Quia hic est verè Propheeta, qui venturus est in mundum. Iesus ergo cum cognouisset, quia venturi essent; vt raperent eum, & facerent eum Regem, fugit iterum in montem ipse solus. Ut autem serò factum est, descendērunt Discipuli eius ad mare. Et cum ascendissent nauim, venerunt trans mare in Capharnaum: tenebræ iam factæ erant; & non venerat ad eos Iesus; Mare autem, vento magno flante, exurgebat. Cum remigassent ergo quasi stadia vigintiquinque, aut triginta, vident Iesum ambulante super mare, & proximum naui fieri; & timuerunt. Ille autem dicit eis: Ego sum; nolite timere. Voluerunt ergo accipere eum in nauim: & statim nauis fuit ad terram, in quam ibant.

Oratio super sindonem.

Exaudi Domine preces nostras: & intercessione Beati Pontificis, & Confessoris tui Ambrosij nos tuere vbique præsidij. Per Dominum.

Commemoratio S. Nicolai.

Omnipotens, sempiterne Deus, qui nos veneratione Beati Pontificis, & Confessoris tui Nicolai solemnitatem præsentis diei celebrare concedis, tribue, quæsumus: vt cum

eodem ad coelestis vitæ gaudia peruenire mereamur. Per Dominum.

Offert. Veritas mea, & misericordia mea cum ipso: & in nomine meo exaltabitur cornu eius.

Non dicitur: Credo.

Oratio super oblatam.

Hæc hostia, quæsumus, Domine, quam in solemnitatem Beati Confessoris tui Ambrosij deferimus: & vincula nostræ prauitatis absoluat, & tuæ nobis misericordiæ dona conciliet. Per Dominum.

Commemoratio S. Nicolai.

Sanctifica Domine, quæsumus, hæc munera, quæ tibi in solemnitatem Sancti Antistitis tui Nicolai supplicantes offerimus: vt per ea vbique vita nostra inter aduersa, & prospera dirigatur. Per Dominum.

Præfatio.

Æterne Deus: Sancti Confessoris tui Ambrosij merita venerantes, tuamque clementiam deprecantes; vt, qui donis tuis hinc extitit gloriosus, apud te noster existat perpetuus interuentor. Per Christum.

Confractor. Qui me confessus fuerit coram hominibus; & ego confitebor eum coram Patre meo, qui in cœlis est.

Transit. Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Oratio post Communionem.

Per huius, Domine, operationem mysterij & vitia nostra purgentur: &, intercedente Beato Confessore tuo Ambrosio, iusta desideria compleantur. Per Dominum.

Commemoratio S. Nicolai.

Sit tibi, quæsumus, Domine, nostræ oblationis accepta deuotio: vt, Beato Pontifice, & Confessore tuo Nicolao intercedente, & tuæ placeat Maiestati, & nostræ proficiat salutis. Per Dominum.

IN

IN FESTO ORDINATIONIS

^{7.} Dec. S. AMBROSII EPISC. CONFESS.
DOCT. ET PATRONI.

Ingressa.

Ecc.
35.



In medio Ecclesie aperuit os eius: & impleuit eum Dominus spiritu sapientie, & intellectus: stolam glorie induit eum.

Gloria in excelsis Deo.

Oratio super populum.

Deus, mundi author, & conditor, qui hodiernæ festiuitatis diem Beati Ambrosii Sacerdotis electione consecrasti, præsta populo tuo: vt, cuius annua celebritate deuotis exultat obsequijs, eius patrocini tuo pietatis consequatur auxilium. Per Dominum nostrum.

Lectio cum Psalmell & Versu; vt supra in Vigilia.

Epistola Beati Pauli Apostoli ad Ephesios.

^{Cap. 3.} **F**ratres. Audistis dispensationem gratiæ Dei, quæ data est mihi in vobis; quoniam secundum reuelationem notum mihi factum est sacramentum; sicut supra scripsi in breui; prout potestis legentes intelligere prudentiam meam in mysterio Christi. Quod alijs generationibus non est agnitum filiis hominum; sicuti nunc reuelatum est Sanctis Apostolis eius, & Prophetis in spiritu. Gentes esse cohæredes, & concorporales, & participes promissionis eius in Christo Iesu per Euangelium: cuius factus sum minister secundum donum gratiæ Dei, quæ data est mihi secundum operationem virtutis eius. Mihi, omnium sanctorum minimo, data est gratia hæc: In Gentibus euangelizare inuestigabiles diuitias Christi: & illuminare omnes, quæ sit dispensatio sacramenti absconditi à sæ-

culis in Deo, qui omnia creauit; vt innotescat Principibus, & Potestatibus in coelestibus per Ecclesiam multiformis sapientia Dei secundum præfinitionem sæculorum, quam fecit in Christo Iesu, Domino nostro.

Halleluia. **V.** Tu es Sacerdos in æternum secundum ordinem Melchisedech: Halleluia. Psal. 109.

Lectio sancti Euangelij secundum Ioannem.

In illo tempore. Dixit Dominus Cap. 10. Iesus Phariseis: Ego sum Pastor bonus. Bonus Pastor animam suam dat pro ouibus suis. Mercenarius autem, & qui non est Pastor, cuius non sunt oues propriæ, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit; quia mercenarius est, & non pertinet ad eum de ouibus. Ego sum Pastor bonus: & cognosco oues meas, & cognoscunt me meæ. Sicut nouit me Pater; & ego agnosco Patrem; & animam meam pono pro ouibus meis. Et alias oues habeo, quæ non sunt ex hoc ouili: & illas oportet me adducere: & vocem meam audient, & fiet vnum ouile, & vnus Pastor.

Antiphona post Euangelium.

Elégit eum Dominus in sacerdotium sibi, offerre sacrificium, & incensum boni odoris: & dedit ei in præceptis suis potestatem.

Oratio super sindonem.

Omnipotens, sempiterne Deus, qui Ecclesiam tuam Beati Sacerdotis tui Ambrosii & Pontificatus officio, & fidei munere sublimasti, tribue supplicibus tuis: vt, quicquid contagione peccati contractum est, ipso pro nobis intercedente, soluatur. Per Dominum.

Offert. Inuēni Dauid seruum meum, Psal. 88. & oleo sancto meo vnxi eum. Man-
nus

nus enim mea auxiliabitur ei, & brachium meum confortabit eum.

Dicitur: Credo,

Oratio super oblatam.

Omnipotens, sempiterna Deus: munera tuæ Maiestati oblata, per intercessionem Beati Pontificis, & Confessoris tui Ambrosij ad perpetuam nobis fac provenire salutem. Per Dominum.

Præfatio.

Æterne Deus. Qui in Ecclesia tua sancta Catholica ita Sacerdotes disponis, & ordinas; ut efficias tibi Ecclesiam non habentem maculam, neque rugam. Inter quos Beatum Ambrosium Confessorem tuum præcipuum elegisti: ut, sacre seculari deposito, & publico honore abiecto, Iudicem Gregis tui efficeres, & Pastorem. Per Christum, Dominum nostrum.

Psal.
88.

Confractor. Inveni David servum meum, & oleo sancto meo unxi eum. Ponam in sæculum sæculi sedem tuam.

Luc.
21.

Transit Fidelis servus, & prudens: quem constituit Dominus super familiam suam; ut det illis, in tempore, tritici mensuram.

Oratio post Communionem.

Replêti, Domine, muneribus sacris, quæ de festiuitate Beati Pontificis, atque Confessoris tui Ambrosij læti percepimus, te suppliciter deprecamur: ut, ipso pro nobis intercedente, eorum emundemur effectum, & muniamur auxilio. Per Dominum nostrum, Iesum Christum, Filium tuum: qui tecum viuit, & regnat in unitate Spiritus Sancti Deus, per omnia sæcula sæculorum.



**IN FESTO
CONCEPTIONIS
BEATÆ MARIÆ VIRGINIS.**

Ingressa.



Itemur omnes in Domino, diem festum, celebrantes ob honorem Beatæ Mariæ Virginis: de cuius Immaculata Conceptione gaudent Angeli, & collaudant Filium Dei.

Gloria in excelsis Deo.

Oratio super populum.

Supplicationem servorum tuorum Deus miserator exaudi: ut, qui in gloriosa Conceptione Dei Genitricis, & Virginis Mariæ congregamur, eius intercessionibus à te de instantibus periculis eruamur. Per eundem Dominum nostrum.

**Commemoratio Sancti Zenonis
Martyris, & Pontificis.**

Deus, qui nos Beati Zenonis Martyris tui, & Pontificis annua solemnitate lætificas, concede propitius: ut, cuius natalitia colimus, de eiusdem protectione gaudeamus. Per Dominum.

In Missa Conventuali dicitur Lectio, & Psalmellus cum Versu; ut supra in Præsentatione, pag. 262.

Epistola Beati Pauli Apostoli ad Romanos.

Fratres. Deus, Filium suum mit-
tens in similitudinem carnis pec-
cati, & de peccato damnauit peccatum in carne; ut iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum, quæ sunt spiritus, sentiunt. Nam prudentia carnis, mors est: prudentia autem spiritus, vita, & pax. Quoniam sapientia

pietia carnis inimica est Deo; Legi enim Dei non est subiecta; nec enim potest. Qui autem in carne sunt, Deo placere non possunt. Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est, corpus quidem mortuum est propter peccatum; spiritus verò vivit propter iustificationem. Quod si Spiritus eius, qui suscitavit Iesum à mortuis, habitat in vobis; qui suscitavit Iesum Christum à mortuis, vivificabit & mortalia corpora vestra, propter inhabitantem Spiritum eius in vobis.

Hallelùiah. **v.** Diffusa est gratia in labijs tuis; propterea benedixit te Deus in æternum: Hallel.

✠ Initium sancti Evangelij secundum Matthæum.

Liber generationis Iesu Christi, filij David, filij Abraham. Abraham genuit Isaac. Isaac autem genuit Iacob. Iacob autem genuit Iudam, & fratres eius. Iudas autem genuit Phares, & Zaram de Thamar. Phares autem genuit Hefron. Hefron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit David Regem. David autem Rex genuit Salomōnem ex ea, quæ fuit Uriæ. Salomon autem genuit Roboam. Roboam autem genuit Abiam. Abias autem genuit Afa. Afa autem genuit Iosaphat. Iosaphat autem genuit Ioram. Ioram autem genuit Ozias. Ozias autem genuit Ioatham. Ioatham autem genuit Achaz. Achaz autem genuit Ezechiam. Ezechias autem genuit Ma-

nassen. Manasses autem genuit Amon. Amon autem genuit Iosiam. Iosias autem genuit Iechoniam, & fratres eius in transmigratione Babylonis. Et post transmigrationem Babylonis Iechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph, virum Mariæ: de qua natus est Iesus, qui vocatur Christus.

Antiphona post Evangelium.

Beata progenies, unde Christus natus est. Quam gloriosa est Virgo, quæ cœli Regem genuit!

Oratio super sindonem.

Famulis tuis, quæsumus, Domine, cœlestis gratiæ munus impartire. ut, quibus Beatæ Virginis Mariæ partus extitit salutis exordium, Conceptionis eius votiua solemnitas pacis tribuat incrementum. Per Dñm.

Commemoratio S. Zenonis.

Beati Martyris, & Pontificis Zenonis nos, quæsumus, Domine, gloriosa merita prosequantur: qui fragilitatem nostram & precibus tueatur, & meritis. Per Dominum.

Offert. Ante colles ego parturiēbar: ^{Pro. 8.} adhuc terram non fecerat: quando præparabat cœlos, aderam. Dum valaret mari terminos, & legem poneret aquis, ego eram.

Dicitur: Credo.

Oratio super oblatam.

Unigeniti tui, Domine, nobis succurrat humanitas: ut, qui natus de Virgine, Matris integritatem non minuit, sed sacrauit, in Conceptionis eius solemnibus, nostris nos piaculis

culis exuens, oblationem nostram, sibi faciat acceptam. Qui tecum.

Commemoratio S. Zenonis.

Muneribus nostris, quæsumus, Domine, precibusque susceptis: & cœlestibus nos munda mysterijs, & clementer exaudi. Per Dominum nostrum.

Præfatio.

Æterne Deus. Recensemus enim præclarissimæ Conceptionis diem: quo gloriosissima Dei Genitrix, intemerata Virgo Maria, Stella corusca, & admirabilis, mundo concepta est. Quæ nobis perennis vitæ ianuam, quam Eua in Paradiso clauserat, reserauit: nosque de tenebris ad lucis antiquæ gaudia reuocauit. Per eundem Christum.

Confract. **O** Virgo Virginum, quomodo fiet istud; quia nec priorem, tui similem habere visa es, nec sequentem? Filia Ierusalem, quid me admiramini? Diuinum est mysterium hoc, quod cernitis.

Transit. **M**agnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix sanctificationes tuas trans mitte nobis.

Oratio post Communionem.

Sumpimus, Domine, celebritatis annuæ votiua sacramenta: præsta, quæsumus, vt & temporalis nobis vitæ remedia præbeant, & æternæ. Per Dominum nostrum.

Commemoratio S. Zenonis.

Protegat nos, Domine, cum tui perceptione sacramenti Beatus Martyr, atque Pontifex tuus Zeno, intercedendo pro nobis: vt confessionis eius semper expiemur auxilio. Per Dominum nostrum, Iesum Christum Filium tuum: qui tecum viuit, & regnat in vnitæte.

S. SYRI EPISC. ET CONF.

Missa de Comuni: Elegit te, pag. 11. præterquam; vt infra.

Oratio super populum.

Omnipotens, sempiternæ Deus tribue nos semper, & vbique gloriosi Pontificis tui Syri muniri suffragijs: vt, eius opitulantibus meritis, famulatus nostri placere tibi possint obsequia. Per Dominum.

Oratio super sindonem.

Populi tui precibus annue, quæsumus, clementissime Deus: & quos diei præsentis lætari fecisti pio cultu, Beati Antistitis tui Syri supplicationibus exoratus, æterno fac Sanctorum tuorum interesse consortio. Per Dominum nostrum.

Oratio super oblatam.

Munera hæc pietati tuæ, clementissime Pater, in Sancti Pontificis, & Confessoris tui Syri honorem oblata, quæsumus: vt, ipsius obtentu, & tuæ Maiestati efficiantur accepta, & nostræ fragilitati salutaria redantur munimina. Per Dominum nostrum.

Præfatio.

Æquum, & salutare: Nos tibi, omnipotens Pater, sine cessatione immensas gratias agere: & in hac die consonas nostræ deuotionis pangere laudes; in qua celeberrimus Antistes tuus Syrus, explêto suæ confessionis cursu, æthereum migravit ad Regnum. Hic est gregis tui Pastor eximius: qui apostolico instructus dogmate innumeram populi multitudinem prædicationis sanctæ documentis pariter, & exemplis imbuens, de morte reuocauit ad vitam. Hic nempe est ille bonus, & fidelis seruus: qui acceptum dominici Thesauri prudenter studuit duplicare talentum. Per Christum, Dominum nostrum.

Oratio

Oratio post Communionem.

Deus, qui nos & cœlestibus pasce-
re sacramentis, & Beati Confes-
soris, & Antistitis tui Syri non desinis
fouere præsidijs, præsta, quæsumus:
vt, quod illi gloriam contulit sempi-
ternam, nobis optatam conferat gra-
tiam. Per Dominum nostrum.

10.
Dec.

SANCTI MELCHIADIS
PAPÆ, ET MART.

Missa de Communi: Dediti eum Do-
mine, pag. 4.

I N F E S T O

11.
Dec.

S. IOSEPH CONFESS.

Ingressa.

Psal.
91.



Ustus, vt palma flore-
bit; sicut cedrus, quæ
in libano est, multipli-
cabitur. Plantatus in
domo Dñi, in atrijs do-
mus Dei nostri florebit.

Gloria in excelsis Deo.

Oratio super populum.

Sanctissimæ Genitricis tuæ Sponsi,
quæsumus, Domine, meritis adiu-
uemur: vt, quod possibilitas nostra
non obtinet, eius nobis intercessione
donetur. Qui viuis, & regnas in vni-
tate.

Lectio Libri Sapientiæ.

Rec.
45.

Dilectus Deo, & hominibus: cuius
memoria in benedictione est.
Similem illum fecit in gloria Sancto-
rum; & magnificauit eum in timore
inimicorum; & in verbis suis monstra
placauit. Glorificauit eum in con-
spectu Regum; & iussit illi coram po-
pulo suo; & ostendit illi gloriam
suam. In fide, & lenitate ipsius sanc-
tum fecit illum; & elegit eum ex om-
ni carne. Audiuit eum, & vocem ip-
sius; & induxit illum in nubem; &
dedit illi cor ad præcepta, & legem
vitæ, & disciplinæ.

Psalmell. Domine præuenisti eum in
benedictione dulcedinis: posuisti in
capite eius coronam de lapide pre-
tioso.

V. Vitam petijt à te: & tribuisti ei
longitudinem dierum in sæculum sæ-
culi.

Epistola Beati Pauli Apostoli
ad Timotheum prima.

Charissime. Confessus es bonam
confessionem coram multis te-
stibus. Præcipio tibi coram Deo, qui
viuificat omnia; & Christo Iesu, qui
testimonium reddidit sub Pontio Pi-
lato, bonam confessionem: vt serues
mandatum sine macula, irreprehen-
sibile vsque in aduentum Domini no-
stri, Iesu Christi. Quem suis tempo-
ribus ostendet beatus, & solus po-
tens, Rex regum, & Dominus domi-
nantium. Qui solus habet immorta-
litate, & lucem inhabitat inacces-
sibilem: quem nullus hominum vi-
dit, sed nec videre potest: cui honor,
& imperium sempiternum. Amen.

Halleluia. **V.** Dextera Domini fe-
cit virtutem: dextera Domini exal-
tauit me: dextera Domini fecit vir-
tutem: Halleluia.



Lectio sancti Euangelij
secundum Matthæum.

Cum esset desponsata Mater eius
María Ioseph; antequam con-
uenirent, inuenta est in vtero habens
de Spiritu Sancto. Ioseph autem vir
eius, cum esset iustus, & nollet eam
traducere, voluit occultè dimittere
eam. Hæc autem eo cogitante, ecce
Angelus Domini apparuit in somnis
ei, dicens: Ioseph, fili David, noli ti-
mere accipere Mariam coniugem
tuam. Quod enim in ea natum est,
de Spiritu Sancto est. Pariet autem
filium: & vocabis nomen eius Iesum.
Ipse enim saluum faciet populum
suum à peccatis eorum. Hoc autem
totum

totum factum est; ut adimpleretur id, quod dictum est à Domino per Prophetam, dicentem: Ecce Virgo in utero habebit, & pariet filium, & vocabunt nomen eius Emmanuel: quod interpretatum est, Nobiscum Deus. Exurgens autem Ioseph à somno, fecit, sicut præcepit ei Angelus Domini: & accepit conjugem suam. Et non cognovit eam; donec peperit filium suum primogenitum: & vocavit nomen eius Iesum.

Antiphona post Euangelium.

Ioseph conturbatus est de utero Virginis: Verbum caro factum est, & habitavit in nobis.

Oratio super sindonem.

Omnipotens, sempiternus Deus, qui Beatissimum Confessorem tuum Ioseph Sacratissimæ Virginis Mariæ Sponsum mirabili providentia destinasti, præsta, quæsumus: ut nos quoque famuli tui, amborum meritis, & intercessione suffulti, post diuinæ gratiæ sponsalia in terris, beatissimo gloriæ connubio collocemur in cælis. Per Dominum nostrum.

Mat. Offertor. Ioseph confurgens accepit Puerum, & Mariam matrem eius nocte, & secessit in Ægyptum: & erat ibi usque ad obitum Herodis.

Dicitur: Credo.

Oratio super oblatam.

Debitum tibi, Domine, nostræ reddimus servitutis, suppliciter exorantes: ut, suffragiis Beati Ioseph, Sponsi Genitricis Filij tui, Iesu Christi, Domini nostri, in nobis tua munera tuearis; ob cuius venerandam festiuitatem laudis tibi hostias immolamus. Per eundem Dominum.

Præfatio.

Æterne Deus. Qui tantis virtutum meritis Beatissimum Confessorem tuum Ioseph sublimasti; ut Sanctissimæ Virginis Mariæ sponsus

effici admirabili tuæ gratiæ dono mereretur: atque vnigeniti Filij tui, Iesu Christi, Domini nostri Pater putaretur. Quapropter natalitium eius diem debita deuotione venerantes, ineffabilem tuam gratiam postulamus; ut tam excellentis patroni suffragio pura mentis, & corporis seruitute tibi placeamus; atque eidem Filio tuo, animarum nostrarum sponso, perpetuo copulemur. Quæ vnà tecum.

Confract. Ioseph, fili David, noli timere accipere Mariam conjugem tuam. Quod enim in ea natum est, de Spiritu Sancto est.

Transit. Ioseph tolle Filium, & Matrem eius: vade in Terram Israel. Defuncti sunt enim, qui quærebant animam Pueri.

Oratio post Communionem.

Adesto nobis, quæsumus, misericors Deus: & intercedente pro nobis Beato Ioseph Confessore, tua circa nos propitiatus dona custodi. Per Dominum nostrum.

S. LUCIÆ VIRG. ET MART.

Missa de Comuni: Feci iudicium, pag. 17. **præterquam; ut infra.**

Oratio super populum.

Deus, qui Beatæ Luciæ pro gemina virginitatis, & martyrij victoria binam laureolam tuâ gratiâ contulisti, da, quæsumus: ut, de carne, Mundo, & Diabolo triumphantes, cœlestem gloriam consequamur. Per Dominum nostrum.

Oratio super sindonem.

Omnipotens, sempiternus Deus, qui Beatam Luciâ diræ passionis, & virginalis munditiæ meritis Beatis Martyribus, & Virginibus aggregasti, da, quæsumus: ut, quam festiuis honoribus veneramur, fidei, & sanctorum operum gressibus imitemur. Per Dominum.

Ora-

Oratio super oblatam.

Sic tibi, Domine, nostræ deuotionis munera, quæ tibi pro honore Beatæ Luciae offerimus, sint accepta: vt peccata nostra deleas, & nos per tuam gratiam ad vitam æternam perducas. Per Dominum.

Præfatio.

Æterne Deus. Qui Beatæ Luciae, in sui agone martyrij, inexpugnabilis fidei fortitudinem tuâ gratiâ præstitisti: per quam contemptas incendiij, & gladij pœnas constanter superans, de Paschasij tyranni sæuitia, feliciter triumphauit. O mira, & incomprehensibilis tua, Domine, potentia! Qui ipsam adhuc iuuenulam, in sexu fragili, victricem in supplicijs reddidisti: & ingressam Regni coelestis ianuam pro gemina uirginitatis, & martyrij victoria duplici laureola coronasti. Per Christum, Dominum nostrum.

Oratio post Communionem.

Præsta, quæsumus, omnipotens Deus: vt sacramentum Corporis, & Sanguinis Domini nostri, Iesu Christi, quod in festiuitate Beatæ Luciae Virginis, & Martyris tuæ sumpsimus, ad salutem nostrarum proficiat animarum. Per eundem Dominum nostrum, Iesum Christum, Filium tuum.

14. Dec. **S. MATRONIANI EREMITÆ.**

Missa de Communi: Vir iste custodiuit, pag. 16.

I N F E S T O

21. Dec. **S. THOMÆ APOSTOLI.**

Missa, & Officium de hoc Apostolo semper transfertur in aliquam feriam præcedentis hebdomadæ: siue eius Festum incidat in diem Litaniarum, siue in feriam de Exceptato; præterquam in propria Ecclesia.

Ingressa.

Ustus non conturbabitur; quia Dominus firmat manum eius. Totâ die miseretur, & commodat; & semen eius in benedictione

erit in æternum: dicit Dominus.

Gloria in excelsis Deo.

Oratio super populum.

Deus, tuorum gloria Sanctorum, præsta, quæsumus: vt Beati Apostoli tui Thomæ, cuius diem festum colimus, sentiamus auxilium. Per Dominum nostrum.

Lectio de Communi, in Vigilia vniuersi Apostoli, pag. 1. sed cum sequenti Psalmello, ac Versu:

Psalmell. Gloria, & honore coronasti eum. Psalm. 8.

V. Domine, Dominus noster, quàm admirabile est nomen tuum in vniuersa terra! Coronasti eum.

Epistola Beati Pauli Apostoli ad Colossenses.

Fratres. Audistis Euangelium, Cap. 1. quod prædicatum est in vniuersa creatura, quæ sub cælo est: cuius factus sum ego Paulus minister. Qui nunc gaudeo in passionibus pro vobis; & adimpleo ea, quæ defunt passionum Christi, in carne mea pro corpore eius, quod est Ecclesia. Cuius factus sum ego minister secundum dispensationem Dei, quæ data est mihi in vobis; vt impleam verbum Dei; mysterium, quod absconditum fuit à sæculis, & generationibus; nunc autem manifestatum est sanctis eius. Quibus voluit Deus notas facere diuitias gloriæ sacramenti huius in Gentibus, quod est Christus, in vobis spes gloriæ. Quem nos annunciamus, corripientes omnem hominem, & docentes omnem hominem in omni sapientia; vt exhibeamus

Aa

mus

mus omnem hominem perfectum in Christo Iesu. In quo & laboro, certando secundum operationem eius, quam operatur in me in virtute.

Psal.
138.

Halleluia. **V.** Nimis honorandi sunt amici tui, Deus: valde confortatus est principatus eorum: Hallel.



Lectio sancti Euangelij secundum Ioannem.

Cap.
20.

In illo tempore. Thomas, vnus ex Duodecim, qui dicitur Didymus, non erat cum eis, quando venit Iesus. Dixerunt ergo ei alij Discipuli: Vidimus Dominum. Ille autem dixit eis: Nisi videro in manibus eius fixuram clauorum, & mittam digitum meum in locum clauorum, & mittam manum meam in latus eius, non credam. Et post dies octo, iterum erant Discipuli eius intus, & Thomas cum eis. Venit Iesus ianuis clausis; & stetit in medio, & dixit: Pax vobis. Deinde dicit Thomæ: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. Dicit ei Iesus: Quia vidisti me Thoma, credidisti: beati, qui non viderunt, & crediderunt.

Antiphona post Euangelium.

Io.
20.

Misi digitum meum in fixuram clauorum, & manus meas in latus eius, dixi: Dominus meus, & Deus meus.

Oratio super sindonem

Adiuuat familiam tuam, quaesumus, Domine, supplicando venerandus Thomas Apostolus: & pius interuentor efficiatur, qui tui nominis extitit praedicator. Per Dñm.

Psal.
20.

Offert. In virtute tua, Domine, laetabitur iustus, & super salutare tuum exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Debitum tibi, Domine, nostræ reddimus seruitutis, suppliciter exorantes: vt suffragijs Beati Thomæ Apostoli tua in nobis munera tuearis; cuius honorando confessionem tibi laudis hostias immolamus. Per Dominum nostrum, Iesum Christum, Filium tuum: qui tecum viuit, & regnat.

Præfatio.

Æterne Deus. Qui Ecclesiam tuam in apostolicis tribuisti consistere fundamentis. De quorum collegio Beati Thomæ solemnia celebrantes, tua, Domine, præconia non tacemus. Et ideo cum Angelis.

Confract Mitte manum tuam, & cognosce loca clauorum: & noli esse incredulus, sed fidelis.

Transitor. Quia vidisti me Thoma, credidisti: beati, qui non viderunt, & crediderunt: Hallel.

Oratio post Communionem.

Conserua Domine populum tuum: & quem Sanctorum tuorum præsijs non desinis adiuuare, intercessione Beati Apostoli tui Thomæ, perpetuis tribue gaudere remedijs. Per Dominum nostrum, Iesum Christum, Filium tuum: qui tecum viuit, & regnat in vnitatis Spiritus Sancti Deus, per omnia sæcula sæculorum.

FESTA IANUARIJ.

**SANCTI MARTINIANI
EPISC. ET CONF.**

Missa de Comuni: Sacerdos iste, pag. 9.

S. MARINI MARTYRIS.

Missa de Comuni: Iustus non conturbabitur, pag. 3.

IN

I N N A T A L I
SANCTORUM MARTYRUM
FAUSTINI, ET IOVITÆ.

Ingressa.

Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

Magnificet te, Domine, Sanctorum Martyrum tuorum Faustini, & Iouitæ solemnitatis: in qua & illis gloriam sempiternam, & opem nobis ineffabili prouidentia contulisti. Per Dominum nostrum.

Epistola Beati Pauli Apostoli ad Corinthios secunda.

Cap. 13. **F**ratres. Oramus Deum, vt nihil mali faciat: non vt nos probati appareamus; sed vt vos, quod bonum est, faciat; nos autem vt reprobi simus. Non enim possumus aliquid aduersus veritatem, sed pro veritate. Gaudemus enim; quoniam nos infirmi sumus; vos autem potentes estis. Hoc & oramus, vestram consummationem. Ideo hæc absens scribo; vt non præsens durius agam secundum potestatem, quam Dominus dedit mihi in ædificationem, & non in destructionem. De cætero fratres gaudete, perfecti estote, exhortamini, idem sapite, pacem habete; & Deus pacis, & dilectionis erit vobiscum.

Sap. 3. **H**alleluia. **V.** Iustorum animæ in manu Dei sunt; & non tanget illos tormentum malitiæ: Hallel.

Lectio sancti Euangelij secundum Matthæum.

Cap. 10. **I**n illo tempore. Dixit Dominus Iesus Discipulis suis: Ecce ego mit-

to vos, sicut oues in medio luporum. Estote ergo prudentes, sicut serpentes: & simplices, sicut columbæ. Caute autem ab hominibus. Tradent enim vos in Concilijs; & in Synagogis suis flagellabunt vos: & ad Præsides, & ad Reges ducemini propter me, in testimonium illis, & Gentibus. Cum autem tradent vos, nolite cogitare, quomodo, aut quid loquamini. Dabitur enim vobis in illa hora, quid loquamini. Non enim vos estis, qui loquimini; sed Spiritus Patris vestri, qui loquitur in vobis.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur. Psal. 144.

Oratio super sindonem.

Adesto, quæsumus, Domine, supplicationibus nostris: vt, qui ex iniquitate nostra reos nos esse cognoscimus, Beatorum Martyrum tuorum Faustini, & Iouitæ intercessione liberemur. Per Dominum.

Offertor. **G**loriabuntur in te omnes, qui diligunt nomen tuum; quoniam tu, Domine, benedices iustos. Domine, vt scuto bonæ voluntatis tuæ coronasti nos. Psal. 5.

Dicitur: **C**redo.

Oratio super oblatam.

In tuorum, Domine, pretiosa morte Sanctorum sacrificium illud offerimus: de quo martyrium sumpsit omne principium. Per Dominum.

Præfatio.

Æterne Deus: Et te laudare mirabilem Deum in Sanctis tuis: quos ante constitutionem mundi ad æternam tibi gloriam præparasti; vt per eos, deuictis Tyrannis, huic mundo veritatis tuæ lumen ostenderes. De quorum coetu sunt Martyres tui Faustinus, & Iouita: qui in Ecclesiæ tuæ prato, sicut rosæ, & lilia, floruerunt.

runt. Quos Unigeniti tui sanguis in prælio confessionis roseo colore perfudit: & ob præmium passionis niueo liliorum candore vestiuit. Per quem.

Ma. 19. ConfraCTOR. Amen dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis.

Psal. 150. Transitor. Laudate Deum in Sanctis eius, laudate eum in firmamento virtutis eius.

Oratio post Communionem.

P Ræsta, quæsumus, omnipotens Deus: vt de perceptis muneribus tibi gratias exhibentes, Beatorum Martyrum tuorum Faustini, & Iouitæ intercessione, beneficia potiora fumamus. Per Dominum.

14. Jan. S. DATIJ EPISC. ET CONF.
Missa de Communi: Sacerdos iste, pag. 9.

15. Jan. S. PAULI PRIMI EREMITÆ.
Missa de Communi vnus Confessoris simplicis: Vir iste, pag. 16.

16. Jan. S. MARCELLI PAPÆ ET MART.
Missa de Communi: Dedit eum, pag. 4.

INFESTO

17. Jan. S. ANTONIJ ABBATIS.
Ingressa.



IR iste custodiuit in sæculum veritatem Domini; fecit iudicium iniuriæ patientibus, & escam dedit esurientibus.

Gloria in excelsis Deo.

Oratio super populum.

O Mnipotens, sempiternæ Deus, qui Beatum Antonium Confessorem tuum luce fidei, & operum sanctitate in toto Orbe fecisti conspi-

cuum, concede propitius: vt, qui eiusdem festum annua deuotione veneramur, ipsius semper meritis, & precibus adiuuemur. Per Dominum nostrum.

Lectio cum Psalmell., & Versu; vt in Communi vnus Confessoris simplicis, vel Abbatis. pag. 16.

E pistola Beati Pauli Apostoli ad Timotheum prima.

C Harissime. Confessus es bonam confessionem coram multis testibus. Præcipio tibi coram Deo, qui viuificat omnia, & Christo Iesu, qui testimonium reddidit sub Pontio Pilato, bonam confessionem; vt serues mandatum sine macula, irreprehensibile vsque in aduentum Domini nostri, Iesu Christi. Quem suis temporibus ostendet beatus, & solus potens, Rex regum, & Dominus dominantium. Qui solus habet immortalitatem, & lucem inhabitat inaccessibilem: quem nullus hominum vidit, sed nec videre potest: cui honor, & imperium sempiternum. Amen.

Halleluia. Confessus es bonam confessionem coram multis testibus: **Halleluia.**

Lectio sancti Euangelij secundum Matthæum.

I N illo tempore: Dixit Petrus ad Iesum: Ecce nos reliquimus omnia, & secuti sumus te; quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede Maiestatis suæ, sedebitis & vos super sedes duodecim, iudicantes duodecim Tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Antiphona post Euangelium.

Mat. 7. **Similabo** eum viro sapienti, qui ædificauit domum suam supra petram.

Oratio super sindonem.

Deus, in te sperantium fortitudo, qui Beatum Antonium Confessorem tuum inter Hostis minas, & sæuissima flagella insuperabilem fecisti: concede propitius, vt eius interuentu ab omni Inimici aduersitate liberemur. Per Dominum.

Psal. 88. **Offert.** Veritas mea, & misericordia mea cum ipso: & in nomine meo exaltabitur cornu eius.

Dicitur: Credo.

Oratio super oblatam.

Sacrificium, Domine, quod ad laudem nominis tui deferimus, intercedente Beato Antonio Confessore tuo, atque Abbate, placatus suscipe: & eius precibus à nostrorum nos peccatorum vinculis absolue. Per Dominum.

Præfatio.

Æterne Deus: Et tibi in honorem Sancti Abbatis, & Confessoris tui Antonij sacrificium laudis immolare. Qui tuo vehementer inflammatus amore, florentem, senili iam corde in teneris annis, mundum despexit: & fragilitatem corporis, animi vigore transcendens, asperrimam eremi solitudinem robustus habitator elêgit. Per Christum, Dominum.

Mat. 10. **Confractor.** Qui me confessus fuerit coram hominibus, confitebor & ego eum coram Patre meo, qui in coelis est.

Luc. 12. **Transitor** Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Oratio post Communionem.

Quæsumus, omnipotens Deus: vt, quos coelesti Pane satiasti, meritis Beati Confessoris tui An-

tonij ab Hoste maligno defendas: Per Dominum.

I N N A T A L I
CATHEDRÆ S. PETRI ROMÆ. 18. Ian.

Ingressa.

Tatuit ei Dominus Testamentum pacis: & Principem fecit eum; vt sit illi Sacerdotij, dignitas in æternum. Ecc. 45.

Gloria in excelsis Deo

Oratio super populum.

Deus, qui Beato Petro Apostolo tuo, collatis clauibus Regni coelestis, ligandi, atque soluendi Pontificium tradidisti, concede: vt intercessionis eius auxilio à peccatorum nostrorum nexibus liberemur. Qui viuis, & regnas.

Lectio cum Psalmello, & Versu; vt in Festo Sancti Thomæ Apostoli, pag. 281.

Epistola Beati Petri Apostoli.

Petrus, Apostolus Iesu Christi, 1. Pet.
Electis aduenis dispersionis Pontii, Galatiæ, Cappadociæ, Asiæ, & Bithyniæ, secundum præscientiam Dei Patris, in sanctificationem Spiritus, in obedientiam, & asperionem Sanguinis Iesu Christi: Gratia vobis, & pax multiplicetur. Benedictus Deus, & Pater Domini nostri, Iesu Christi: qui secundum misericordiam suam magnam regenerauit nos in spem viuam per resurrectionem Iesu Christi ex mortuis, in hæreditatem incorruptibilem, & incontaminatam, & immarcescibilem, conseruatam in coelis in vobis; qui in virtute Dei custodimini per fidem in salutem, paratam reuelari in tempore nouissimo. In quo exultabitis, modicum, nunc si oportet contristari in varijs tentationibus; vt probatio vestræ fidei multò pretiosior auro (quod per

ignem probatur) inueniatur in laudem, & gloriam, & honorem in reuelatione Iesu Christi.

Mat. 16. **H**alleluia. **V.** Tu es Petrus; & super hanc petram ædificabo Ecclesiam meam: Hallel.



Lectio sancti Euangelij secundum Matthæum.

Cap. 16. **I**n illo tempore. Venit Dominus Iesus in partes Cæsariæ Philippi: & interrogabat Discipulos suos, dicens: Quem dicunt homines esse Filium hominis? At illi dixerunt: Alij Ioannem Baptistam; alij autem Eliam; alij verò Ieremiam, aut vnum ex Prophetis. Dicit illis Iesus: Vos autem quem me esse dicitis? Respondens Simon Petrus, dixit: Tu es Christus, Filius Dei viui. Respondens autem Iesus, dixit ei: Beatus es Simon Bar-Iôna; quia caro, & sanguis non reuelauit tibi; sed Pater meus, qui in Cœlis est. Et ego dico tibi: quia tu es Petrus, & super hanc Petram ædificabo Ecclesiam meam; & portæ Inferi non præualebunt aduersus eam. Et tibi dabo Claues Regni Cœlorum: & quodcunque ligaueris super terram, erit ligatum & in Cœlis: & quodcunque solueris super terram, erit solutum & in Cœlis.

Antiphona post Euangelium.

Ut cognosceres me, Spiritus Patris mei manifestauit tibi: dicit Dominus. Et ego dico tibi: Tu es Petrus; tibi enim trado Claues Regni Cœlorum: Paulus verò Vas electionis est mihi: Hallel.

Oratio super sindonem.

Deus, qui hodierna die Beati Apostoli tui Petri Pontificium consecrasti: da Ecclesiæ tuæ, toto orbe diffusæ, eius semper magisterio gubernari, per quem sumpsit religionis exordium. Per Dominum.

Mat. 16. **Offert.** Tu es Petrus: & super hanc

Petram ædificabo Ecclesiam meam: & portæ Inferi non præualebunt aduersus eam: & tibi dabo Claues Regni Cœlorum.

V. Quodcunque ligaueris super terram, erit ligatum & in cœlis: & quodcunque solueris super terram, erit solutum & in Cœlis: & tibi dabo Claues Regni Cœlorum.

Dicitur: Credo.

Oratio super oblatam.

Ecclesiæ tuæ, quæsumus, Domine, preces, & hostias Beati Apostoli tui Petri commendet oratio: vt, quod pro illius gloria celebramus, nobis profit ad veniam. Per Dñm.

Præfatio.

Æquum, & salutare: Nos te, Domine, suppliciter exorare: vt gregem tuum Pastor æterne non, deleras, sed per Beatos Apostolos tuos continua protectione custodias: vt ijsdem Rectoribus gubernetur, quos, operis tui Vicarios, eidem contulisti præesse Pastores. Et ideo cum Angelis.

Confract. Simon Ioannis, diligis me plus his? Domine, tu omnia nosti. Tu scis, quia amo te. Pasce oues meas.

Transit. Priusquam te vocarem de mari, Simon, cognoui te. Et, antequam confitereris nomen meum, oues meas tradidi tibi: & super hanc Petram ædificabo Ecclesiam meam.

Oratio post Communionem.

Lætificet nos, Domine, munus oblatum: vt, sicut in Beato Apostolo tuo Petro te mirabilem prædicamus; sic per illum tuæ sumamus indulgentiæ largitatem. Per Dominum nostrum.

**SANCTI BASSIANI
EPISC. ET CONF.**

Missa de Comuni. Elégit te, pag. 11.

IN

IN F E S T O

S. SEBASTIANI MARTYRIS.

Ingressa.



Ustus non conturbabitur; quia Dominus firmat manum eius. Totā die miseretur, & commodat; & semen eius in benedictione erit in æternum: dicit Dominus.

Gloria in excelsis Deo.

Oratio super populum.

Multiplica, quæsumus, Domine benedictionem tuam super populum tuum: & quos Sancti Martyris tui Sebastiani frequentibus consolâris officijs, beneficiorum tuorum largitate prosequere: ut & donis cœlestibus erudiri, & competentibus se gaudeant subsidijs adiuuari. Per Dominum nostrum.

Commem. SS. Mart. Solutoris, & Sociorum.

Deus, qui glorificaris in concilio Sanctorum Martyrum tuorum Solutoris, & Sociorum, respice ad preces humilitatis nostræ: ut, quorum solennia celebramus, eorum precibus adiuuari mereamur. Per Dominum nostrum.

Lectio cum Psalmello, & Versu de Communi, in Natali vnus Martyris, pag. 3.

Epistola Beati Pauli Apostoli ad Corinthios secunda.

Fratres. Deus, qui dixit de tenebris lumen splendescere, illuxit in cordibus nostris ad illuminationem scientiæ claritatis Dei, in facie Christi Iesu. Habemus autem thesaurum istum in vasis fictilibus; ut sublimitas sit virtutis Dei, & non ex nobis. In omnibus tribulationem, patimur, sed non angustiamur: aperiâmur, sed non destituimur: persecutionem patimur, sed non derelin-

quimur: deijcitur, sed non perimus: semper mortificationem Iesu Christi in corpore nostro circumferentes; ut & vita Iesu manifestetur in corporibus nostris.

Halleluia. **V.** Dexterā tuā, Domine, glorificata est in virtute: dexterā manus tuā, Domine, confregit inimicos: Halleluia. Exo. 15.



Lectio sancti Euangelij secundum Lucam.

In illo tempore. Descendens Dominus Iesus cum Discipulis suis de monte stetit in loco campestri: & turba Discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydônis: qui venerant, ut audirent eum, & sanarentur à languoribus suis. Et, qui vexabantur à Spiritibus immundis, curabantur. Et omnis turba quærebat eum tangere; quia virtus de illo exibat, & sanabat omnes. Et ipse, eleuatis oculis in Discipulos suos, dicebat: Beati pauperes; quia vestrum est Regnum Dei. Beati, qui nunc esuritis; quia saturabimini. Beati, qui nunc fletis; quia ridebitis. Beati eritis, cum vos oderint homines; & cum separauerint vos, & exprobrauerint; & eiecerint nomen vestrum tanquam malum, propter Filium hominis. Gaudete in illa die, & exultate; ecce enim merces vestra multa est in Cœlo.

Antiphona post Euangelium.

Mirabilis Deus in Sanctis suis, Deus Israel; ipse dabit virtutem, & fortitudinem plebi suæ: benedictus Deus. psal. 67.

Oratio super sindonem.

Concede, quæsumus, Domine, Deus noster: ut, inter aduersa, quæ pro delictorum debito sustinemus, quod fiducia nostra non obtinet, Beati Martyris tui Sebastiani intercessio consequatur. Per Dñm.

Com-

Commem. SS. Mart. Solutoris,
& Sociorum.

DEus, qui Sanctis tuis copiosa fi-
de pugnantibus certaminis glo-
riam tribuisti, annue, quæsumus: vt
eam in nobis suis patrocinijs operen-
tur, quam sibi præstitam per tuam
gloriam didicerunt. Per Dominum.

Psal.
20.

Offertor. In virtute tua lætabitur iu-
stus: & super salutare tuum exulta-
bit vehementer. Desiderium animæ
eius tribuisti ei, Domine.

Dicitur: Credo.

Oratio super oblatam.

Sancto Sebastiano interueniente,
Domine, quæsumus, tibi seruitus
nostra complacet: & obsequia mu-
nerum fiant præsidia deuotorum.
Per Dominum nostrum.

Commem. SS. Mart. Solutoris,
& Sociorum.

Munera tibi, Domine, nostræ de-
uotionis offerimus: quæ & pro-
tuorum tibi grata sint honore iusto-
rum, & nobis salutaria, te miserante,
reddantur. Per Dominum.

Præfatio.

Æterne Deus. Quoniam Beati
Martyris tui Sebastiani pro
confessione nominis tui venerabilis
sanguis effusus, simul & tua mirabilia
manifestat, quod perficis in infirmi-
tate virtutem: & nostris studijs dat
profectum, & infirmis apud te præ-
stat auxilium. Per Christum.

Confract. Sebastianus Martyr dixit
ad Marcellianum: Discant nunc mi-
lites Christi fide armari, non ferro.

Psal.
20.

Transit. Magna est gloria eius in sa-
lutari tuo, Domine: Hallel.

Oratio post Communionem.

Refecti participatione muneris sa-
cri, quæsumus, Domine, Deus
noster: vt, cuius exequimur cultum,
sentiamus effectum. Per Dominum
nostrum.

Commem. SS. Mart. Solutoris,
& Sociorum.

Quæsumus, Domine, salutaribus
replēti mysterijs: vt, quorum
solemnia celebramus, eorum
orationibus adiuuemur. Per Dñm.

I N N A T A L I

S. AGNETIS VIRG. ET MART.

21.
Ian.

Ingressa.



Ertiodecimo anno æta-
tis suæ mortem perdi-
dit, & vitam inuenit;
quia vitæ solum dile-
xit Authorem. Infan-
tia quidem computa-
batur in annis; sed erat senectus
mentis immensa.

Ex
Sacr.
Am.
Ser.
91.

Gloria in excelsis Deo.

Oratio super populum.

DEus, qui, vt humanum genus ad
confessionem tui nominis pro-
uocares, etiam in fragili sexu perfe-
cisti conditionem martyrij, præsta,
quæsumus: vt Ecclesia tua, hoc exem-
plo commonita, nec pati pro te me-
tuat, & cœlestis præmij gloriam con-
cupiscat. Per Dominum nostrum.

**Lectio cum Psalmello, & Versu de
Communi, pag. 17.**

**Epistola Beati Pauli Apostoli
ad Corinthios prima.**

FRatres. Volo, vos sine sollicitu-
dine esse. Qui sine vxore est,
sollicitus est, quæ Domini sunt, quo-
modo placeat Deo. Qui autem cum
vxore est, sollicitus est, quæ sunt mun-
di, quomodo placeat vxori: & diui-
sus est. Et mulier innupta, & virgo
cogitat, quæ Domini sunt; vt sit san-
cta & corpore, & spiritu. Quæ au-
tem nupta est, cogitat, quæ sunt mun-
di, quomodo placeat viro. Porro hoc
ad vtilitatem vestram dico: non vt
laqueum vobis inijciam; sed ad id,
quod honestum est, &, quod facul-
tatem

Cap.
7.

tatem præbeat sine impedimento Dominum obsecrandi. Si quis autem turpem se videri existimat super virgine sua, quòd sit superadulta: & ita oportet fieri; quod vult, faciat; non peccat, si nubat. Nam, qui statuit in corde suo firmus, non habens necessitatem, potestatem autem habens suæ voluntatis: & hoc iudicauit in corde suo seruare virginem suam; bene facit. Igitur &, qui matrimonio iungit virginem suam, bene facit: & qui non iungit, melius facit. Mulier alligata est legi, quanto tempore vir eius viuit. Quod si dormierit vir eius; liberata est; cui vult, nubat; tantum in Domino. Beatior autem erit, si sic permanferit, secundum meum consilium.

Halleluia. **V.** Hæc Virgo sapiens, & vna de numero prudentum: Hall.

Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Simile est Regnum Cœlorum decem Virginibus: quæ accipientes lampades suas, exierunt obuiam sponso, & sponsæ. Quinque autem ex eis erant fatuæ, & quinque prudentes. Sed quinque fatuæ, acceptis lampadibus, non sumpserunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitauerunt omnes, & dormierunt. Media autem nocte, clamor factus est: Ecce sponsus venit: exite obuiam ei. Tunc surrexerunt omnes Virgines illæ, & ornauerunt lampades suas. Fatuæ autem sapientibus dixerunt: Date nobis de oleo vestro; quia lampades nostræ extinguuntur. Respondērunt prudentes, dicentes: Ne fortè non sufficiat nobis, & vobis, ite potius ad vendentes, & emite vobis. Dum autem

irent emere, venit sponsus: &, quæ paratæ erant, intrauerunt cum eo ad nuptias: & claula est ianua. Nouissimè verò veniunt & reliquæ Virgines, dicentes: Domine, Domine aperi nobis. At ille respondens ait: Amen dico vobis: Nescio vos. Vigilate itaque; quia nescitis diem, neque horam.

Antiphona post Euangelium.

Ipsi sum sponsata, cui Angeli seruiunt, cuius pulchritudinem Sol, & Luna mirantur. Ipsi soli seruo fidem; ipsi me totâ deuotione committo.

Oratio super sindonem.

DA nobis, quæsumus, Domine, Beatæ Martyris tuæ Agnētis confidenter honorare infantiam: quæ in puellâri consistens ætate mortem pro tua confessione calcauit. Per Dñm.

Offert. Afferentur Regi virgines post eam: proximæ eius afferentur tibi in lætitia, & exultatione: adducentur in templum Regis Domino.

Dicitur: Credo.

Oratio super oblata.

Munera plebis tuæ, quæ tibi, Domine, lætanter offerimus in honorem nominis tui, & Sanctæ Agnētis: nobis remedia sempiterna dignanter impendant. Per Dñm.

Præfatio.

Æterne Deus: recensentes diem Beatæ Agnētis martyrio consecratum. Quæ terrenæ generositatis oblectamenta despiciens, coelestem meruit dignitatem: & societatis humanæ vota contemnens, æterni Regis est sociata consortio: & pretiosam mortem, sexus fragilitate calcata, pro Christi Confessione suscipiens, simul est eius facta conformis; vt sempiternitati eius sociaretur, & gloriæ. Per eundem Christum.

Confract. Lætare Virgo, sponsa Christi, stans à dextris eius in vestitu aurato, circumamicta iucunditate.

Transit.

Mat. **Tranfit.** Mittens hæc mulier vnguentum hoc in corpus meum, ad lepe-
liendum me, fecit.

Oratio post Communionem.

R Efecti cibo, potuque cœlesti te,
Domine, supplices exoramus:
vt, in cuius hæc commemoratione,
percepimus, eius muniamur & pre-
cibus. Per Dominum nostrum.

I N N A T A L I
SANCTI VINCENTIJ,
LEVITÆ, ET MART.

Ingressa.



Ultus non conturbabi-
tur; quia Dominus fir-
mat manum eius. To-
ta die miseretur, &
commodat; & semen
eius in benedictione

erit in æternum: dicit Dominus.

Gloria in excelsis Deo.

Oratio super populum.

Deus, mundi Creator, & Rector,
qui hunc diem in Sancti Leui-
tæ tui Vincentij martyrio consecra-
sti, exaudi propitius supplices tuos,
& concede: vt omnes, qui martyrij
eius merita veneramur, intercessio-
nibus eius ab æternis Gehennæ in-
cendijs liberemur. Per Dominum.

Epistola Beati Pauli Apostoli
ad Corinthios secunda.

Cap. **F**ratres. Benedictus Deus, & Pa-
ter Domini nostri, Iesu Christi,
Pater misericordiarum, & Deus to-
tius consolationis: qui consolatur nos
in omni tribulatione nostra; vt possi-
mus & ipsi consolari eos, qui in om-
ni pressura sunt, per exhortationem,
qua exhortamur & ipsi à Deo. Quo-
niam sicut abundant passionibus Chri-
sti in nobis; ita & per Christum abun-
dat consolatio nostra. Siue autem
tribulamur; pro vestra exhortatione,
& salute: siue consolamur; pro ve-

stra consolatione: siue exhortamur;
pro vestra exhortatione, & salute:
quæ operatur tolerantiam earundem
passionum, quas & nos patimur; vt
ipes nostra firma sit pro vobis: scien-
tes, quod, sicut socij passionum estis;
sic eritis & consolationis.

Halleluia. **V.** Sanctus Vincentius,
cuius palma tenetur, viuit in Chri-
sto, gemma Sacerdotum: Hallel.

Lectio sancti Euangelij
secundum Lucam.

In illo tempore. Eleuatis Domi-
nus Iesus oculis in Discipulos suos,
dicebat: Beati pauperes; quia ve-
strum est Regnum Dei. Beati, qui
nunc esuritis; quia saturabimini. Bea-
ti, qui nunc fletis; quia ridebitis. Bea-
ti eritis, cum vos oderint homines,
& cum separauerint vos, & expro-
brauerint, & eiecerint nomen ve-
strum tanquam malum, propter Fi-
lium hominis. Gaudete in illa die, &
exultate; ecce enim merces vestra
multa est in cœlo. Secundum hæc
enim faciebant Prophetis patres eo-
rum. Veruntamen væ vobis diuiti-
bus, qui habetis consolationem ve-
stram. Væ vobis, qui saturati estis;
quia esurietis. Væ vobis, qui ridetis
nunc; quia lugebitis, & flebitis. Væ,
cum benedixerint vobis omnes ho-
mines. Secundum hæc enim facie-
bant Prophetis patres eorum. Sed
vobis dico, qui auditis: Diligite ini-
micos vestros: benefacite his, qui
odérunt vos: benedicite maledicen-
tibus vobis: & orate pro calumnian-
tibus vos. Et, qui te percutit in ma-
xillam, præbe ei & alteram: & ab eo,
qui aufert tibi vestimentum, etiam
tunicam noli prohibere. Omni au-
tem petenti te tribue: &, qui aufert,
quæ tua sunt, ne repetas: & prout
vultis, vt faciant vobis homines, &
vos facite illis similiter. Et si diligi-
tis

tis eos, qui vos diligunt; quæ vobis est gratia? Nam & peccatores diligentes se diligunt. Et si benefeceritis his, qui vobis benefaciunt; quæ vobis est gratia? Siquidem & peccatores hoc faciunt. Et si mutuum dederitis his, à quibus speratis recipere; quæ gratia est vobis? Nam & peccatores peccatoribus foenerantur, vt recipiant æqualia. Veruntamen diligite inimicos vestros: benefacite, & mutuum date, nihil inde sperantes; & erit merces vestra multa; & eritis filij Altissimi; quia ipse benignus est super ingratos, & malos. Estote ergo misericordes; sicut & Pater vester misericors est.

Antiphona post Euangelium.

Luc. 6. **B**eati eritis, cum vos oderint homines, & cum separauerint vos, & exprobrauerint, & eiecerint nomen vestrum tanquam malum, propter Filium hominis. Gaudete, & exultate; ecce enim merces vestra multa est in coelis.

Oratio super sindonem

Auxilium, quæsumus, Domine, Maieſtati tuæ, potestatiq̃e ſubiectis tribue: vt, quicquid actibus nostris non meremur accipere, Beati Leuitæ, & Martyris tui Vincentij precibus assequamur. Per Dominum.

Pſal. 118. **O**fferet. In virtute tua, Domine, lætabitur iustus, & super salutare tuum exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Hostias tibi, Domine, Beati Vincentij Leuitæ, & Martyris dicatas meritis benignus asſume: & ad perpetuum nobis tribue prouenire ſubſidium. Per Dominum.

Præfatio.

Per Christum, Dominum nostrum. Qui Martyrem suum Vincentium euocauit ad gloriam: & per

martyrij vulnera cœleſtem euexit ad palmam. Hic nempe verus Domini testis non dubitauit pro Christo animam dare in mortem: ſciens, quod non hîc haberet ciuitatem manentem; ſed in cœlo diſtributam hæreditatem per ſortem. Non timuit tormentibus in pœnis tradere membra: ſciens; quod caro ſua glorificata reſurgat; & propter dolorum flagella recipiat præmia ſempiterna. Torquetur, tunditur, flagellatur, exuritur: ſed inuictus pro ſancto nomine animus non concutitur. Propter quod ad cœleſte Regnum conſcendens, cum Sanctis omnibus exultat, & gaudet. Et ideo cum Angelis.

Conſect. **Q**ui mihi miniſtrat, me ſequatur; &, vbi ego ſum, illic & miniſter meus erit. Io. 12.

Transit. **S**anctum Vincentium Cæſar torqueri iubet: Chriſtiani verò vulnera eius oſculabantur: alij autem pro ſalutis remedio ſanctum eius ſanguinem ſuis manibus excipiebant.

Oratio poſt Communionem.

Quæſumus, omnipotens Deus: vt, qui cœleſtia alimenta percepiſmus, intercedente Beato Vincentio Leuita, & Martyre tuo, per hæc contra omnia aduerſa muniamur. Per Dominum.

SANCTÆ EMERENTIANÆ 27. Ian.
VIRG. ET MART.

Miſſa de Comm. Feci iudicium, p. 17.

I N N A T A L I
SS. MARTYRUM BABYLÆ 24. Ian.
ET TRIUM PUERORUM.

Ingreſſa.



Acerdotes eius induam Pſal. 137.
ſalutare; & Sancti eius
exultatione exulta-
bunt.

Gloria in excelsis Deo.

Ora-

Oratio super populum.

SAnctorum tuorum, quæsumus, Domine, Babylæ, & trium Puerorum natalitia nos tueantur: quia, tantò fiducialius tuo nomini supplicamus, quantò frequentius Martyrum benedictionibus confouemur. Per Dominum.

Lectio cum Psalmello, & Versu de Communi plurium Martyrum, pag. 6. **in Missa quæ incipit: Stabunt &c.**

Epistola Beati Pauli Apostoli ad Thessalonicenses prima.

Cap. 2. **F**Ratres. Fiduciam habuimus in Deo nostro loqui ad vos Euangelium Dei in multa sollicitudine. Exhortatio enim nostra non de errore, neque de immunditia, neque in dolo: sed, sicut probati sumus à Deo, vt crederetur nobis Euangelium, ita loquimur; non quasi hominibus placentes, sed Deo, qui probat corda nostra. Neque enim aliquando fuimus in sermone adulationis; sicut scitis: neque in occasione auaritiæ; Deus testis est: nec quærentes ab hominibus gloriam, neque à vobis, neque ab alijs. Cum possēmus vobis oneri esse, vt Christi Apostoli; sed facti sumus paruuli in medio vestrum: tanquam si nutrix foueat filios suos. Ita desiderantes vos, cupidè volebamus tradere vobis non solum Euangelium Dei, sed etiam animas nostras; quoniam charissimi nobis facti estis. Memores enim estis, fratres, laboris nostri, & fatigationis. Nocte, & die operantes, ne quem vestrum grauaremus, prædicauimus in vobis Euangelium Dei. Vos testes estis, & Deus, quàm sanctè, & iustè, & sine querela vobis, qui credidistis, fuimus. Sicut scitis, qualiter vnumquemque vestrum (sicut pater filios suos) deprecantes vos, & consolantes,

tes, testificati sumus; vt ambularetis dignè Deo, qui vocauit vos in suum Regnum, & gloriam.

Halleluia. **V.** Iustorum animæ in manu Dei sunt; & non tanget illos tormentum malitiæ: Hallel.

✠ Lectio sancti Euangelij secundum Matthæum.

IN illo tempore. Accesserunt Discipuli ad Iesum, dicentes: Quis, putas, maior est in Regno Cœlorum? Et aduocans Iesus paruulum, statuit eum in medio eorum, & dixit: Amen dico vobis: Nisi conuersi fueritis, & efficiamini sicut paruuli: non intrabitis in Regnum Cœlorum. Quicumque ergo humiliauerit se, sicut paruulus iste, hic est maior in Regno Cœlorum: &, qui suscepit vnum paruulum talem in nomine meo, me suscipit. Qui autem scandalizauerit vnum de pusillis istis, qui in me credunt; expedit ei, vt suspendatur mola asinaria in collo eius, & demergatur in profundum maris. Væ mundo à scandalis. Necesse est enim vt veniant scandala: veruntamen væ homini illi, per quem scandalum venit. Si autem manus tua, vel pes tuus scandalizat te; abscinde eum, & proijce abs te. Bonum tibi est, ad Vitam ingredi debilem, vel claudum; quàm duas manus, vel duos pedes habentem mitti in Ignem æternum. Et si oculus tuus scandalizat te; erue eum, & proijce abs te. Bonum tibi est, cum vno oculo in Vitam intrare; quàm duos oculos habentem mitti in Gehennam ignis. Videte, ne contemnatis vnum ex his pusillis. Dico enim vobis, quia Angeli eorum in Cœlis semper vident faciem Patris mei, qui in Cœlis est. Venit enim Filius hominis saluare, quod perierat.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur.

Oratio super sindonem.

Beatorum Martyrum tuorum Babylæ, & trium Puerorum nos, quæsumus, Domine, interuentio gloriosa commendet: vt, quod actibus nostris non meremur, eorum precibus consequamur. Per Dominum, nostrum, Iesum Christum, Filium tuum.

Offert. Gloriabuntur in te omnes, qui diligunt nomen tuum; quoniam tu benedices iustos. Domine, vt scuto bonæ voluntatis tuæ coronasti nos.

Dicitur: Credo.

Oratio super oblatam.

Suscipe Domine propitius orationem nostram cum oblationibus hostiarum: & Sanctorum Martyrum tuorum Babylæ, & trium Puerorum deprecatione pietati tuæ perfice benignus acceptas: & illam, quæ in eis flagrauit fortis dilectio, in nobis aspira propitius. Per Dominum.

Præfatio.

Æterne Deus: Et tuam misericordiam suppliciter deprecari: vt mentibus nostris, Beatorum Martyrum tuorum Babylæ, & trium Puerorum repetita solemnitate, fidei constantiam tribuas: &, quam petimus, in nobis benignus effundas clementiam. Et, vt eorum dignè celebremus merita passionis, indulgentiam nostrorum peccatorum fideles Martyres tui nobis semper obtineant. Per Christum, Dominum nostrum.

Confract. Ego vos elégi de mundo; vt eatis, & fructum afferatis, & fructus vester maneat.

Transitor. Laudate Deum in Sanctis eius: laudate eum in firmamento virtutis eius.

Oratio post Communionem.

Sumpsimus, Domine, in Beatorum Martyrum tuorum Babylæ, & trium Puerorum solemnitate celestis dona mysterij: quæsumus, vt eorum precibus & præsentis vitæ nobis pariter, & æternæ tribuas benignus auxilium. Per Dominum.

IN CONVERSIONE
S. PAULI APOSTOLI.**Ingressa.**

Cio, cui credidi; & certus sum, quia potens est depositum meum seruare in illum diem iustus Iudex.

Gloria in excelsis Deo.

Oratio super populum.

Deus, qui vniuersum mundum, Beati Apostoli tui Pauli prædicatione docuisti, da nobis, quæsumus: vt, cuius hodie Conuersionem colimus, pereius ad te exempla gradiamur. Per Dominum.

Lectio Actuum Apostolorum.

Saule adhuc spirans minarum, & cædis in Discipulos Domini, accessit ad Principem Sacerdotum: & petijt ab eo Epistolas in Damascum ad Synagogas; vt, si quos inuenisset huius viæ viros, ac mulieres, vinctos perduceret in Ierusalem. Et, cum iter faceret, contigit, vt appropinquaret Damasco; & subito circumfulsit eum lux de cælo; & cadens in terram, audiuit vocem dicentem sibi: Saule, Saule, quid me persequeris? Qui dixit: Quis es Domine? Et ille: Ego sum Iesus, quem tu persequeris: Durum est tibi contra stimulum calcitrare. Et tremens, ac stupens dixit: Domine, quid me vis facere? Et Dominus ad eum: Surge, & ingredere Ciuitatem: & dicetur tibi, quid te oporteat facere. Viri autem illi, qui

comitabantur cum eo, stabant stupefacti, audientes quidem vocem; neminem autem videntes. Surrexit autem Saulus de terra, apertisque oculis nihil videbat: ad manus autem illum trahentes, introduxerunt Damascum: & erat ibi tribus diebus non videns; & non manducauit, neque bibit. Erat autem quidam Discipulus Damasci, nomine Ananias: & dixit ad illum in visu Dominus, Anania. At ille ait: Ecce ego, Domine. Et Dominus ad eum: Surge: & vade in Vicum, qui vocatur Rectus: & quære in domo Iudæ Saulum nomine Tarsensem; ecce enim orat. Et vidit virum, Ananiam nomine, introeuntem, & imponentem sibi manus, ut visum recipiat. Respondit autem Ananias: Domine, audiui à multis de viro hoc, quanta mala fecerit sanctis tuis in Ierusalem: & hic habet potestatem à Principibus Sacerdotum alligandi omnes, qui inuocant nomen tuum. Dixit autem ad eum Dominus: Vade; quoniam Vas electionis est mihi iste; ut portet nomen meum coram Gentibus, & Regibus, & filijs Israel; ego enim ostendam illi, quanta oporteat eum pro nomine meo pati. Et abiit Ananias, & introiuit in domum, & imponens ei manus, dixit: Saule frater, Dominus misit me Iesus, qui apparuit tibi in via, qua veniebas; ut videas, & implearis Spiritu Sancto. Et confestim ceciderunt ab oculis eius tanquam squamæ, & visum recepit, & surgens baptizatus est.

Psalmell. Gloriosus Deus in Sanctis: mirabilis in maiestatis, faciens prodigia.

V. Dextera tua, Domine, glorificata est in virtute: dextera manus tua, Domine, confringat inimicos.

Epistola Beati Pauli Apostoli ad Timotheum prima.

Charissime. Gratias ago ei, qui me confortauit, Christo Iesu, Domino nostro; quia fidelem me existimauit, ponens in ministerio. Qui prius blasphemus fui, & persecutor, & contumeliosus; sed misericordiam Dei consecutus sum; quia ignorans feci in incredulitate. Superabundauit autem gratia Domini nostri cum fide, & dilectione, quæ est in Christo Iesu. Fidelis sermo, & omni acceptione dignus: Quod Christus Iesus venit in hunc mundum, peccatores saluos facere, quorum primus ego sum. Sed ideo misericordiam consecutus sum; ut in me primò ostenderet Christus Iesus omnem patientiam, ad informationem eorum, qui credituri sunt illi in vitam æternam. Regi autem sæculorum, immortalis, inuisibilis, soli Deo honor, & gloria in sæcula sæculorum. Amen.

Halleluia. **V.** Nimis honorandi sunt amici tui, Deus: valde confortatus est Principatus eorum: Hallel.

Lectio sancti Euangelij secundum Matthæum.

In illo tempore. Dixit Petrus ad Iesum: Ecce nos reliquimus omnia, & secuti sumus te; quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in Sede Maiestatis suæ, sedebitis & vos super sedes duodecim, iudicantes duodecim Tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Antiphona post Euangelium.

Gratia Dei in me egēna non fuit: sed gratia eius semper in me manet.

Oratio super sindonem.

Praesta, quaesumus, Domine nobis consolationis auxilium: vt, diurnis calamitatibus laborantes, Beati Apostoli tui Pauli intercessione à cunctis tribulationibus eruamur. Per Dominum nostrum.

Offertor. Qui operatus est Petro in Apostolatu, operatus est & mihi inter Gentes. Et cognouerunt gratiam Dei, quæ data est mihi.

V. Missus sum Apostolus à Domino prædicare Euangelium Dei inter Gentes. Et cognouerunt gratiam Dei, quæ data est mihi.

Dicitur: Credo.

Oratio super oblatam.

Apostoli tui Pauli precibus Domine plebis tuæ dona sanctifica: vt, quæ tibi tuo grata sunt instituto, gratiora fiant patrociniò supplicantis. Per Dominum nostrum.

Præfatio.

Aterne Deus. Qui Ecclesiam tuam, in Beati Apostoli tui Pauli prædicatione constantem, nullâ finis fallaciâ violari. Quia nihil in vera religione manere censetur, quod eius non conuenerit disciplinæ: quem hodie Vas factum electionis, Magistrum, & Doctorem Gentium, mutato in Paulum nomine, constituisti. Per Christum.

Confractor. Gratia Dei sum, quod sum: & gratia eius egēna in me non fuit.

Transitor. Magna est gloria eius in salutari tuo, Domine.

Oratio post Communionem.

Sanctificati, Domine, salutari mysterio, quaesumus: vt pro nobis eius non desit oratio, cuius donasti patrociniò gubernari. Per Dñm.

S. POLYCARPI MART. ET PONT. ^{26. Ian.}
Missa de Communi: Dedisti eum, Domine, pag 4.

S. IOANNIS CHRYSOSTOMI ^{27. Ian.}
EPISC. ET CONF.

Missa de Communi Doctoris, & Pontificis: In medio Ecclesiæ, pag. 12. præterquam; vt infra.

Oratio super populum.

Deus, qui Beatum Ioannem Pontificem, atque Doctorem non tam aureæ eloquentiæ laude, quam omnimodæ pro Ecclesia tribulationis experimento clarescere voluisti: concede propitius; vt, eiusdem doctrinæ fructu gaudentes, inuictæ patientiæ roboremur exemplo. Per Dominum.

S. THOMÆ AQUINATIS, ^{28. Ian.}
SACERD. ET CONF.

Missa de Communi Doct., & simplicis Sacerdotis: In medio Ecclesiæ, pag. 12. præterquam; vt infra.

Oratio super populum.

Deus, qui Beatum Thomam, non minus virginitatis amore, quam sacre Doctrinæ studio; vt Ecclesiæ tuæ Doctor Angelicus inseruiret, fecisti conspicuum; supplices te rogamus: vt, sicut ille non aliam, præter te, mercedem concupiuit; ita nos in tui solius amore quiescamus. Per Dominum nostrum.

IN NATALI
SANCTI AQUILINI ^{29. Ian.}
PRESBYT. ET MART.

Ingressa.



Iustus non conturbabitur; quoniam Dominus firmat manum eius. Tota die miseretur, & commodat; & semen eius in benedictione erit in æternum: dicit Dominus. ^{36. psal.}

Gloria in excelsis Deo.

Oratio super populum.

Omnipotens Christe, pro cuius Diuinitate Beatus Sacerdos Aquilinus gladijs impiorum occubuit, præsta, quæsumus: vt omnes, qui eius implorant auxilium, petitionum suarum salutarem consequantur effectum. Per Dominum nostrum, Iesum Christum, Filium tuum: qui tecum.

Commem. S. Petri Nolasci.

Deus, qui Beatum Petrum Nolascum Sacerdotem ad redimendos Fideles Captiuos mirabiliter elegisti, præsta: vt eius meritis, & intercessione redemptionis tuæ fructum in nobis iugiter sentiamus. Qui viuis, & regnas.

Lectio; vt in Vigilia vnus Martyris, pag. 2. Iustum deduxit.

Psal. autem cum Versu; vt in Missa vnus Martyris, pag. 3.

Epistola Beati Pauli Apostoli ad Timotheum secunda.

Cap.
3.

Charissime. Affecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: qualia mihi facta sunt Antiochiæ, Iconij, Listris. Quales persecutiones sustinui: & ex omnibus eripuit me Dominus. Et omnes, qui pie volunt viuere in Christo Iesu, persecutionem patientur. Mali autem homines, & seductores proficient in peius: errantes, & in errorem mittentes. Tu verò permane in ijs, quæ didicisti, & credita sunt tibi: sciens, à quo didiceris, & quia ab infantia sacras literas nosti: quæ te possunt instruere ad salutem per fidem, quæ est in Christo Iesu.

Psal.
10.

Halleluia. V. Posuisti, Domine, in capite eius coronam de lapide pretioso: Hallel.



Lectio sancti Euangelij secundum Lucam.

In illo tempore. Ibant turbæ multæ cum Domino Iesu, & conuersus dixit ad illos: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam; non potest meus esse discipulus. Et, qui non baiulat crucem suam, & venit post me; non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarij sunt, si habeat ad perficiendum: ne, posteaquam posuerit fundamentum, & non potuerit perficere, omnes, qui vident, incipiant illudere ei, dicentes: Quia hic homo coepit ædificare, & non potuit consummare? Aut quis Rex iturus committere bellum aduersus alium Regem, non sedens prius cogitat, si possit cum decem millibus occurrere ei, qui cum viginti millibus venit ad se? Alioquin, adhuc illo longè agente, legationem mittens, rogat ea, quæ pacis sunt. Sic ergo omnis ex vobis, qui non renuntiat omnibus, quæ possidet: non potest meus esse discipulus. Bonum est sal. Si autem sal euauerit, in quo condietur? Neque in terram, neque in sterquilinum utile est, sed foras mittetur. Qui habet aures audiendi, audiat.

Antiphona post Euangelium.

Custodiuit anima mea testimonia tua, & dilexit illa nimis.

Oratio super sindonem.

Precibus nostris, mitissime Deus, aures tuæ pietatis accommoda: atque, intercedente Beato Aquilino Sacerdote, & Martyre tuo, animarum, corporumque contagia à nobis clementer auerte. Per Dominum nostrum.

Com-

Commem. S. Petri Nolasci.

Beati Confessoris, & Sacerdotis Petri Nolasci, Domine, veneranda gloria confessionis, & Fidei suæ nos documentis informet, & meritis tueatur: vt, cuius Natalitia annuâ Festiuitate recolimus, perpetuum meruisse non diffidamus auxilium. Per Dominum nostrum.

Psal. 20. **Offert.** In virtute tua, Domine, lætabitur iustus, & super salutare tuum exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Munera nostra, quæsumus, Domine, pari benedictione, sicut hostias Beati Sacerdotis, & Martyris Aquilini, sanctifica: quas ille in terris, purissimis tibi manibus immolauit. Per Dominum nostrum.

Commem. S. Petri Nolasci.

Sancti tui Petri Nolasci nobis, Domine, pia non desit oratio: quæ & munera nostra conciliet, & tuam nobis indulgentiam semper obtineat. Per Dominum.

Præfatio.

Æterne Deus. Quia tibi festa dies agitur; tibi dies sacrata celebratur: quam Beati Martyris tui Aquilini sanguis, in veritatis tuæ testificatione profusus, magnifico tui nominis honore signauit. Et ideo.

Psal. 118. **Confract.** In Salutari tuo anima mea: & in verbis tuis speraui. Quando facies de persequentibus me iudicium? Iniqui persecuti sunt me; adiuua me Domine, Deus meus.

Psal. 20. **Transit.** Magna est gloria eius in salutari tuo, Domine.

Oratio post Communionem.

Repleti cibo, potuque cœlesti te, Domine, humiliter deprecamur: vt fructum, quem Beatus Sacerdos, & Martyr Aquilinus ex Altari tuo

collégit, nos quoque percipientes, ad vitam nutriamur æternam. Per Dominum nostrum.

Commem. S. Petri Nolasci.

Quæsumus, omnipotens Deus: vt, qui cœlestia alimenta percipimus, intercedente Beato Confessore, atque Sacerdote tuo Petro Nolasco, per hæc contra omnia aduersa muniamur. Per Dominum.

S. SAVINÆ MATRONÆ.

Missa de Comm. Feci iudicium, p. 21.

S. IULIJ PRESBYT. ET CONF.

Missa de Communi Confessoris Sacerdotis: Sacerdotes eius, pag. 14. præterquam; vt infra.

Oratio super populum.

Deus, qui nos Beati Iulij Sacerdotis annua Solemnitate lætificas, concede propitius: vt, cuius Natalitia colimus, per eius ad te exempla gradiamur. Per Dominum.

Oratio super sindonem.

Atende, quæsumus, Domine, supplicum preces: vt Beati Iulij Sacerdotis, cuius hodie celebramus meritum, continuum sentiamus auxilium. Per Dominum.

Oratio super oblatam.

Grata tibi sint, Domine, munera nostra: quæ & tui sunt instituta præcepti, & Beati Iulij Sacerdotis tui Festiuitas gloriosa commendat. Per Dominum.

Oratio post Communionem.

Quæsumus, omnipotens Deus: vt, qui cœlestia alimenta percipimus, intercedente Beato Iulio Sacerdote tuo, per hæc contra omnia aduersa muniamur. Per Dominum nostrum, Iesum Christum, Filium tuum: qui tecum viuit, & regnat in vnitate Spiritus Sancti Deus: per omnia sæcula sæculorum.

FESTA FEBRUARIJ.

7.
Feb.

S. IGNATIJ EPISC. ET MART.

Missa de Communi: Dedisti eum Domine, pag. 4. Fit verò etiam Commemoratio Sancti Seuëri Episcopi, & Confessoris: pro qua Orationes sumuntur è Communi Pontif. & Conf. Elégit te Dominus, pag. 11.

Feb.

**SOLEMNITAS
PURIFICATIONIS B. M. V.**

Quæ si inciderit in Dominicam Septuagesimæ, vel Sexagesimæ, vel Quinquagesimæ, fit tantum Benedictio, & distributio Candelarum, ac Processio; vt in fine Missalis, pag. 81. Hæc autem Missa transfertur in diem sequentem; & loco eius dicitur Missa de Dominica, in quam inciderit. Cerei, & Candelæ tenentur accensæ à singulis, dum Euangelium canitur, & eleuatur Sanctissimum Sacramentum; immò vsque ad Calicis sumptionem inclusiue.

Ingressa.

In partu manet integritas; quia non periit de Matre virginitas. Inuisibilis non dignatus est carnem assumere: natus non reliquit imperium.

Gloria in excelsis Deo.

Oratio super populum:

OMnipotens, sempiternæ Deus, Maiestatem tuam supplices exoramus: vt, sicut vnigenitus Filius tuus hodierna die cum nostræ carnis substantia in Templo est præsentatus; ita nos facias purificatis tibi mentibus præsentari. Per eundem Dñm.

Lectio Libri Sapientiæ.Ecc.
24.

In omnibus requiem quæsiui, & in hæreditate Domini morabor. Tunc

præcepit, & dixit mihi Creator omnium, & qui creauit me, requieuit in tabernaculo meo, & dixit mihi: In Iacob inhabita, & in Israel hæreditare, & in electis meis mitte radices. Ab initio, & ante sæcula creata sum, & vsque ad futurum sæculum non desinam; & in habitatione sancta coram ipso ministraui. Et sic in Sion firmata sum, & in Ciuitate sanctificata similiter requieui; & in Ierusalem potestas mea. Et radicaui in populo honorificato; & in parte Dei mei hæreditas illius; & in plenitudine Sanctorum detentio mea. Quasi cedrus exaltata sum in Libano; & quasi cypressus in monte Sion. Quasi palma exaltata sum in Cades; & quasi plantatio rosæ in Iericho. Quasi oliua speciosa in campis; & quasi platanus exaltata sum iuxta aquam in plateis. Sicut cinnamomum, & balsamum aromatizans, odorem dedi: quasi myrrha electa dedi suauitatem odoris.

Psal. 117. Benedictus, qui venit in nomine Domini.

V. Confitemini Domino; quoniam bonus; quoniam in æternum misericordia eius.

Epistola Beati Pauli Apostoli ad Romanos.

FRatres. Deus, filium suum mit-
tens in similitudinem carnis peccati, & de peccato damnauit peccatum in carne; vt iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum, quæ sunt spiritus, sentiunt. Nam prudentia carnis mors est: prudentia autem spiritus, vita, & pax. Quoniam sapientia carnis inimica est Deo; Legi enim Dei non est subiecta; nec enim potest.

potest. Qui autem in carne sunt, Deo placere non possunt. Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est; corpus quidem mortuum est propter peccatum; spiritus vero viuit propter iustificationem. Quod si spiritus eius, qui suscitauit Iesum à mortuis, habitat in vobis; qui suscitauit Iesum Christum à mortuis, viuificabit & mortalia corpora vestra, propter inhabitantem Spiritum eius in vobis.

^{Psalm.} **H**alleluia, Halleluia. **V.** Iubilare Deo omnis terra; psalmum dicite nomini eius: Hallel.

Lectio sancti Euangelij secundum Lucam.

^{Cap.} **I**n illo tempore. Postquam implèti sunt dies purgationis Mariæ; secundum Legem Moyse tulerunt Iesum in Ierusalem; ut sisterent eum Domino (sicut scriptum est in Lege Domini: Quia omne masculinum adaperiens vuluam sanctum Domino vocabitur) & ut darent hostiam, secundum quod dictum est in Lege Domini, par turturum, aut duos pullos columbarum. Et ecce homo erat in Ierusalem, cui nomen Simeon, & homo iste iustus, & timoratus, expectans consolationem Israel: & Spiritus Sanctus erat in eo. Et responsum acceperat à Spiritu Sancto, non visurum se mortem, nisi prius videret Christum Domini. Et venit in Spiritu in Templum. Et cum inducerent puerum Iesum Parentes eius, ut facerent secundum consuetudinem Legis pro eo; & ipse accepit eum in vlnas suas, & benedixit Deum, & dixit: Nunc dimittis seruum tuum, Domine, secundum verbum tuum in pace. Quia viderunt oculi mei Salu-

tare tuum; quod parasti ante faciem omnium populorum: lumen ad reuelationem Gentium, & gloriam plebis tuæ Israel. Et erat Pater eius, & Mater mirantes super his, quæ dicebantur de illo. Et benedixit illis Simeon, & dixit ad Mariam matrem eius: Ecce positus est hic in ruinam, & in resurrectionem multorum in Israel, & in signum, cui contradicetur: & tuam ipsius animam pertransibit gladius; ut reuelentur ex multis cordibus cogitationes. Et erat Anna Prophetissa, filia Phanuel, de Tribu Aser. Hæc processerat in diebus multis, & vixerat cum viro suo annis septem à virginitate sua. Et hæc vidua erat usque ad annos octoginta quatuor: quæ non discedebat de Templo, ieiunijs, & obsecrationibus feruens nocte, ac die. Et hæc ipsa horâ superueniens confitebatur Domino: & loquebatur de illo omnibus, qui expectabant redemptionem Israel. Et, ut perfecerunt omnia secundum Legem Domini; reuersi sunt in Galilæam, in ciuitatem suam Nazareth. Puer autem crescebat, & confortabatur, plenus sapientiâ: & gratia Dei erat in illo.

Antiphona post Euangelium.

Laudate Dominum omnes Angeli ^{Psalm.} eius, laudate eum omnes Virtutes ^{148.} eius. Laudate eum Sol, & Luna, laudate eum omnes stellæ, & lumen.

Oratio super sindonem.

Perfice in nobis, quæsumus, Domine, gratiam tuam, qui iusti Simeonis expectationem implesti: ut, sicut ille mortem non vidit, priusquam Christum Dominum videre mereretur; ita & nos vitam obtineamus æternam. Per eundem Dñm.

Offert. **V**isi sunt gressus tui, Domine, ^{Psalm.} gressus Dei mei Regis, qui est in Sancto. ^{67.} Præuenērunt Principes coniuncti psallentibus. **V.** Mon-

V. Montem Dei, montem vberem: mons caseatus, mons vber. Ut quid suspicamini montem? montem, in quo beneplacuit Deo habitare in eo. Præuenērunt Principes coniuncti psallentibus.

Dicitur: Credo.

Oratio super oblatam.

EXaudi, Domine, preces nostras: &, vt digna sint munera, quæ oculis tuæ Maiestatis offerimus, subsidium nobis tuæ pietatis impende. Per Dominum nostrum.

Præfatio.

Æterne Deus. Quia per Incarnati Verbi tui mysterium noua mentis nostræ oculis lux tuæ claritatis infulsit: vt, dum visibiliter Deum cognoscimus, per hunc in inuisibilem amorem rapiamur. Et ideo cum Angelis.

Luc. 2. **Confract.** Nunc dimittis, Domine, seruum tuum secundum verbum tuum in pace. Quia viderunt oculi mei Salutare tuum.

Luc. 1. **Transit.** Puer crescebat, & confortabatur vsque ad ostensionem suam, Israel.

Oratio post Communionem.

Quæsumus, Domine, Deus noster: vt sacrosancta mysteria, quæ pro reparationis nostræ munimine contulisti, intercedente Beata Maria semper Virgine, & præfens nobis remedium esse facias, & futurum. Per Dominum.

Feb. S. BLASIJ EPISC. ET MART.

Missa de Comuni: Dedisti eum Domine, pag. 4. **præterquam; vt infra.**

Oratio super populum.

Presta, quæsumus, omnipotens Deus: vt ad coelestia promissa tendentes, Beati Martyris, & Pontificis tui Blasij precibus adiuuemur. Per Dominum nostrum.

Oratio super sindonem.

Adesto Domine supplicationibus nostris: & intercessione Beati Blasij Martyris tui, atque Pontificis perpetuam nobis misericordiam benignus impende. Per Dominum nostrum.

Oratio super oblatam.

Praesentia munera, quæsumus, Domine, ita serena pietate intuere, vt Sancti Spiritus perfundantur benedictione: & in nostris cordibus eam dilectionem validam operentur, per quam Sanctus Sacerdos, & Martyr tuus Blasius omnia corporis tormenta deuicit. Per Dominum &c. in vnitatem eiusdem.

Præfatio.

Æquum, & salutare: Nos tibi, summe Deus noster, in die festiuitatis hodiernæ pandere vota: qua Beatus Blasius pariter Sacerdos, & Martyr deuotum tibi sanguinem exultanter effudit. Qui ad coelestem gloriam promerendam tuâ doctrinâ suos fideles incitabat: &, quos erudiebat hortatu, præueniebat exemplo. Per Christum, Dominum nostrum.

Oratio post Communionem.

Accepto diuini muneris Sacramento, te Deum Saluatorem nostrum suppliciter exoramus: vt, intercessionibus Beati Sacerdotis, & Martyris tui Blasij, ab omnibus diabolicis liberemur insidijs. Qui viuus, & regnas cum Deo Patre in vnitatem Spiritus Sancti Deus: per omnia sæcula sæculorum.

**I N N A T A L I
CATHEDRÆ S. PETRI
ANTIOCHIÆ.**

Missa; vt supra in Natali Cathedræ Sancti Petri Romæ, mense Ianuarij, pag. 285.

IN

IN NATALI

S. AGATHÆ VIRG. ET MART.

Ingressa.



Ætemur omnes in Domino, diem festum celebrantes, ob honorem Beatæ Agathæ Virginis, & Martyris: de cuius trophæo gaudent Angeli, & collaudant Filium Dei.

Gloria in excelsis Deo.

Oratio super populum.

Intercessionibus Beatæ Virginis, & Martyris tuæ Agathæ, quæsumus, Domine, fructum clementiæ tuæ sentiant supplicantes: cuius orationibus in sancta tua Ecclesia efficiantur etiam deuotæ mentes eorum. Per Dñm.

Lectio, cum Psalmello, & Versu: De Communi, pag. 17.

Epistola Beati Pauli Apostoli ad Corinthios secunda.

Fratres. Qui gloriatur, in Domino gloriatur. Non enim qui seipsum commendat, ille probatus est; sed, quem Deus commendat. Utinam sustineretis modicum quid insipientiæ meæ: sed & supportate me; æmulator enim vos Dei æmulatione. Despondi enim vos vni viro, virginem castam exhibere Christo. Timeo autem, ne, sicut serpens Euam seduxit astutiâ suâ; ita corrumpantur sensus vestri; & excidant à simplicitate, quæ est in Christo. Nam si is, qui venit, alium Christum prædicat, quem non prædicauimus: aut alium Spiritum accipitis, quem non accepistis: aut aliud Euangelium, quod non recepistis; rectè pateremini. Existimo enim nihil me minus fecisse à magnis Apostolis. Nam etsi imperitus sermone; sed non scientiâ: in omnibus autem manifestati sumus vobis. Aut nunquid peccatum feci, meipsum humilians, vt vos

exaltemini? quoniam gratis Euangelium Dei euangelizaui vobis? Alias Ecclesias expoliaui, accipiens stipendium ad ministerium vestrum: & cum essem apud vos, & egêrem, nulli onerosus fui. Nam, quod mihi deerat, suppleuerunt fratres, qui venerunt à Macedonia: & in omnibus sine onere me vobis seruauui, & seruabo. Est veritas Christi in me.

Hallelûiah. **V.** Adiuuabit eam Deus vultu suo. Deus in medio eius non commouebitur: Hallel.

Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Simile est Regnum Cœlorum decem Virginitibus: quæ, accipientes lampades suas, exierunt obuiam sponso, & sponsæ. Quinque autem ex eis erant fatuæ, & quinque prudentes. Sed quinque fatuæ, acceptis lampadibus, non sumpserunt oleum secum; prudentes verò acceperunt oleum in vasis suis cum lampadibus. Moram autem faciente sponso, dormitauerunt omnes, & dormierunt. Mediâ autem nocte clamor factus est: Ecce sponsus venit; exite obuiam ei. Tunc surrexerunt omnes Virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro; quia lampades nostræ extinguuntur. Responderunt prudentes, dicentes: Ne fortè non sufficiat nobis, & vobis; ite potius ad vendentes, & emite vobis. Dum autem irent emere, venit sponsus; &, quæ paratæ erant, intrauerunt cum eo ad nuptias; & clausa est ianua. Nouissimè verò venêrunt & reliquæ Virgines, dicentes. Domine, Domine aperi nobis. At ille respondens ait: Amen dico vobis, Nescio vos. Vigilate itaque; quia nescitis diem, neque horam.

Anti-

Antiphona post Euangelium.

Pfal. **D**iffusa est gratia in labijs tuis; propterea benedixit te Deus in æternum.

Oratio super sindonem.

Tribue, quæsumus, omnipotens Deus; vt Sanctæ Virginis, & Martyris tuæ Agathæ solemnitatem lætemur: & tantæ fidei, & castitatis proficiamus exemplo. Per Dñm.

Offertor. Afferentur Regi Virgines: proximæ eius afferentur tibi in lætitia, & exultatione: adducentur in templum Regis Domino.

Dicitur: Credo.

Oratio super oblatam.

Fiant, Domine, tuo grata conspectui munera supplicantis Ecclesiæ: &, vt nostræ salutis proficiant, adsit intercessio Beatæ tuæ Martyris Agathæ. Per Dominum.

Præfatio.

Æquum, & salutare: Nos te in hoc præcipuè die digna laude præconij canere: in quo Beata Agatha triumphalis hostia tuæ oblata est Maieitati. Cui tantam contulisti victoriam, vt ipsa sæua, & aspera victricem tremarent tormenta. Cuius lampas coruscis emicat fulgoribus; vt referatas poli valeat ingredi ianuas. O illustris, & gloriosa Virgo, gemino illustrata decore! Quæ inter tormenta aspera, cunctis prælata miraculis, & mystico pollens suffragio, Apostoli tui meruit visitatione curari. Hanc Christo nuptam susceperunt Angelorum agmina: quæ mentis eius sanctitatem indicarunt, & patriæ liberationem. Et ideo.

Pfal. **Confract.** Lætare Virgo, sponsa Christi, stans à dextris eius in vestitu deaurato, circumamicta iucunditate.

Transit. Qui me dignatus est ab omni plaga curare, & mamillam meam meo pectori restituere, ipsum inuoco, Deum viuum.

Oratio post Communionem.

Exultemus pariter de percepto Pane iustitiæ, & de tuæ, Domine, festiuitate Beatæ Martyris Agathæ: quia interuentionibus tibi placentium confidimus nobis ad perpetuam vitam profutura, quæ sumpsimus. Per Dominum.

IN VIGILIA

S. MATTHIÆ APOSTOLI.

Missæ de Comuni, in Vigilia vnus Apostoli, pag. 1. In qua fit Commemoratio Sanctæ Dorotheæ Virginis, & Martyris, de Comuni, pag. 17.

IN FESTO

S. MATTHIÆ APOSTOLI.

Ingressa.

Virtus non conturbabitur; quia Dominus firmat manum eius. Totâ die miseretur, & commodat; & semen eius in benedictione

erit in æternum: dicit Dominus.

Gloria in excelsis Deo.

Oratio super populum.

Deus, qui Beatum Matthiam Apostolorum tuorum collegio sociasti, tribue, quæsumus: vt eius intercessione tuæ circa nos pietatis viscera semper sentiamus. Per Dominum.

Lectio Actuum Apostolorum.

In diebus illis. Exurgens Petrus in medio fratrum, dixit (erat autem turba hominum simul ferè centum viginti) Viri fratres, oportet impleri Scripturam, quam prædixit Spiritus Sanctus per os David, de Iuda: qui fuit dux eorum, qui comprehenderunt Iesum: qui connumeratus erat in nobis, & sortitus est sortem ministerij huius. Et hic quidem posedit agrum de mercede iniquitatis,

& suspensus crepuit medius, & diffusa sunt omnia viscera eius. Et notum factum est omnibus habitantibus Ierusalem; ita vt appellaretur ager ille Linguâ eorum Haceldama; hoc est, Ager sanguinis. Scriptum est enim, ^{Psal. 68.} in Libro Psalmorum: Fiat commoratio eorum deserta: & non sit, qui inhabitet in ea: & Episcopatum eius accipiat alter. Oportet ergo ex his viris, qui nobiscum sunt congregati, in omni tempore, quo intrauit; & exiuit inter nos Dominus Iesus, incipiens à Baptismate Ioannis vsque in diem, qua assumptus est à nobis, testem Resurrectionis eius nobiscum fieri vnum ex istis. Et statuerunt duos: Ioseph, qui vocabatur Barsabas, qui cognominatus est Iustus: & Matthiam. Et orantes dixerunt: Tu Domine, qui corda nosti omnium, ostende, quem elegeris ex his duobus vnum, accipere locum ministerij huius, & Apostolatus, de quo prauaricatus est Iudas; vt abiret in locum suum. Et dederunt fortes eis: & cecidit fors super Matthiam; & annumeratus est cum vndecim Apostolis.

^{Psal. 8.} **Psal. G**loria, & honore coronasti eum.

V. Domine, Dominus noster, quàm admirabile est nomen tuum in vniuersa terra! Coronasti eum.

Epistola Beati Pauli Apostoli ad Ephesios.

^{cap. 1.} **F**Ratres. Benedictus Deus, & Pater Domini nostri, Iesu Christi: qui benedixit nos in omni benedictione spiritali, in coelestibus, in Christo: sicut elêgit nos in ipso ante mundi constitutionem; vt essemus sancti, & immaculati in conspectu eius in charitate. Qui prædestinauit nos in adoptionem filiorum, per Iesum Christum, in ipsum: secundum propositum voluntatis suæ: in laudem

gloriæ gratiæ suæ, in qua gratificauit nos in dilecto Filio suo. In quo habemus redemptionem per sanguinem eius (remissionem peccatorum) secundum diuitias gratiæ eius: quæ superabundauit in nobis in omni sapientia, & prudentia; vt notum faceret nobis sacramentum voluntatis suæ, secundum beneplacitum eius, quod proposuit in eo, in dispensatione plenitudinis temporum, instaurare omnia in Christo, quæ in coelis, & quæ in terra sunt, in ipso. In quo etiam nos sorte vocati sumus: prædestinati secundum propositum eius, qui operatur omnia secundum consilium voluntatis suæ; vt simus in laudem gloriæ eius nos, qui ante sperauimus in Christo: in quo & vos, cum audissetis verbum veritatis (Euangelium salutis vestræ) in quo & credentes signati estis Spiritu promissionis Sancto: qui est pignus hæreditatis nostræ, in redemptionem acquisitionis, in laudem gloriæ ipsius.

Halleluia. **V.** Nimis honorandi sunt amici tui, Deus: valde confortatus est Principatus eorum: Hallel. ^{Psal. 138.}

 **L**ectio sancti Euangelij secundum Matthæum.

IN illo tempore. Dixit Petrus ad ^{Cap. 19.} Iesum: Ecce nos reliquimus omnia, & secuti sumus te; quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in Sede Maiestatis suæ, sedebitis & vos super sedes duodecim, iudicantes duodecim Tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Antiphona post Euangelium.

^{Psalm.}
^{46.} **S**ubiēcit populos nobis, & gentes sub pedibus nostris. Principes populi conuenērunt cum Deo Abraham; quoniam Dij fortes terræ nimum eleuati sunt, amici tui, Deus.

Oratio super sindonem.

Deus, qui nos Beati Apostoli tui Matthiæ meritis, & intercessione lætificas, concede propitius: vt, qui eius beneficia poscimus, dono tuæ gratiæ consequamur. Per Dñm.

^{Psalm.}
^{30.} **Offert.** In virtute tua, Domine, lætabitur iustus: & super salutare tuum exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Sacrificia, Domine, tibi laudis offerimus: quæsumus, vt Beati Apostoli tui Matthiæ solemnia recolentes, in eius fortis collegio, gratiā tuā opitulante, purificatis mentibus inueniri mereamur. Per Dominum.

Præfatio.

Æterne Deus: Te suppliciter exorantes; vt gregem tuum Pastor æterne non deseras; sed per Beatum Matthiam Apostolum tuum continua protectione custodias. Quē inter Sanctos Apostolos tuos constituere dignatus es; vt, quod Nequissimi infidelitas dignè amiserat, istius Fidelissimi constantia bene promerendo susciperet. Et ideo cum Angelis.

^{Psalm.}
^{46.} **Confract.** **S**ubiēcit populos nobis, & gentes sub pedibus nostris.

^{Mat.}
^{19.} **Transit.** **V**os, qui secūti estis me, sedebitis super sedes, iudicantes duodecim tribus Israel.

Oratio post Communionem.

Placeant, quæsumus, omnipotens Deus, in conspectu Maiestatis tuæ sacrificia, quæ sumpsimus: &, sicut Beatum Matthiam Apostolum in

duodenario Electorum tuorum numero forte aggregasti; ita nos mente, & corpore emundatos eius confortio fociare digneris. Per Dominum nostrum.

S. HONORATI EPISC. ET CONF. ^{8. Feb.}

Missa de Communi: Sacerdos iste, pag. 9.

SANCTÆ APOLLONIÆ ^{9. Feb.}
VIRG. ET MART.

Missa de Communi: Feci iudicium, pag. 17.

S. SOTERIS VIRG. ET MART. ^{10. Feb.}

Missa de Communi: Feci iudicium, pag. 17.

S. ROMUALDI CONF. SACERD. ^{11. Feb.}
ET ABBATIS.

Missa de Communi Conf. Sacerd. Sacerdotes eius, pag. 14.

S. LAZARI EPISC. ET CONF. ^{12. Feb.}

Missa de Communi: Sacerdos iste, pag. 9.

SANCTI IOANNIS BONI ^{13. Feb.}
EPISC. ET CONF.

Missa de Communi: Sacerdos iste, pag. 9.

S. HILARIJ EPISC. ET CONF. ^{14. Feb.}

Missa de Communi: Elēgit te Dominus, pag. 11.

SS. QUADRAGINTA MART. ^{15. Feb.}

Missa de Communi: Salus autem iustorum, pag. 8.

SANCTI FRANCISCI SALESII ^{16. Feb.}
EPISC. ET CONF.

Missa de Communi: Elēgit te Dominus, pag. 11.

FESTA APRILIS.

S. LEONIS PAPÆ, ET CONF.

^{11.}
^{Apr.} *Missa de Communi Confessoris, & Pontificis: Elégit te, pag. 11.*SANCTI HERMENEGILDI
REGIS, ET MART.^{13.}
^{Apr.} *Missa de Communi Martyris: Iustus non conturbabitur, pag. 3. præterquam; vt infra.**Oratio super populum.***D**eus, qui Beatum Hermenegildum Martyrem tuum Coelesti Regno terrenum postponere docuisti: da, quæsumus, nobis eius exemplo caduca despiciere, atque æterna sectari. Per Dominum.*Oratio super sindonem.***D**eus, qui regales inter delicias intactum à mundi illecebris spiritum Sancti Hermenegildi Martyris tui conseruasti; fac, quæsumus: vt in amore tuo fideles tui ita firmentur, vt & terrena despiciant, & ad coelestia semper aspirent. Per Dominum nostrum.*Oratio super oblatam.***P**ræsta, quæsumus, omnipotens Deus: vt, sicut Beatus Martyr tuus Hermenegildus, spretis mundi oblectamentis, soli Regi Christo placere studuit; ita eius oratio nostras tibi hostias reddat acceptas. Per eundem Dominum.*Præfatio.***Æ**quum, & salutare: Nos in solemnitatem Beati Martyris Hermenegildi te Dominum summis laudum præconijs celebrare. Cui gloriosissimum Catholica Fides certamen proposuit: non vt barbaras vinceret gentes; sed vt Ariani patris barbariem superaret. Noluit enim illius esse parentis hæres, qui exhæredem

Diuinitatis faciebat Prolem diuinam: & excelsus terrenæ contemptor gloriæ maluit regijs insignibus spoliari, quàm sequi dogma Diuinitate spoliantis Filium Dei. O fortissimi Heróis Ibéri spiritus verè regios, Regno Religionem præferentis! cuius manus aureo destinatas sceptro illustrius exornat palma martyrij. Meritò igitur Superi lucidis delapsi cum tedis coelesti pompa sacro corpori funebria celebrarunt: cui pater iniquissimus inhumato iusta negauerat. Et ideo cum Angelis.

*Oratio post Communionem.***D**eus, qui Beatum Hermenegildum Martyrem tuum mirificasti in terris, & gloriosum in Coelis fecisti: eundem, quæsumus, Ecclesiæ tuæ constitue defensorem. Per Dñm.SS. MARTYRUM TIBURTII, ^{14.}
^{Apr.} VALERIANI, ET MAXIMI.*Missa de Communi plurium Martyrum: Stabunt iusti, pag. 6.*S. ANICETI PAPÆ, ET MART. ^{17.}
^{Apr.}*Missa de Communi: Dedisti eum, Domine, pag. 4.*S. GALDINI EPISC. ET CONF. ^{18.}
^{Apr.}*Missa de Communi: Sacerdos iste, pag. 9. præterquam; vt infra.**Oratio super populum.***O**mnipotens, sempiternus Deus, qui Beatum Galdinum Pontificem misericordiæ operibus insignem peculiari gratiæ tuæ dono reddidisti; da, quæsumus: vt nos, eius exemplis egentium necessitatibus succurrentes, suis intercessionibus tuam misericordiam consequamur. Per Dominum.*Oratio super sindonem.***D**eus, qui Beato Galdino Pontifici tantam fidei constantiam contulisti, vt peregrinari potius elegerit,

gerit, quàm Schismaticis hostibus ecclesiasticæ vnitatis consentire; præsta, quæsumus: vt, eius suffragantibus meritis, in synceritate fidei constanter ipsum bonorum operum gressibus imitemur. Per Dominum nostrum.

Oratio super oblatam.

Proueniant nobis, Domine, ad salutem mentis, & corporis nostræ deuotionis munera: quæ pro honore Beati Galdini Confessoris tui, atque Pontificis in eius festiuitate tibi reuerenter offerimus. Per Dominum nostrum.

Præfatio.

Æterne Deus: Et in festiuitate Beati Galdini tuæ potentia gloriā collaudare. Quem mira fidei, & operum sanctitate magnificum ostendisti, & insignibus meritò præconijs extollendum. Hic namque ardens zelator fidei adeo extitit, & pugil ecclesiasticæ vnitatis; vt, patriæ relictis liminibus, maluerit exul viuere, quàm Schismaticis inconsutilem Domini tunicam scindentibus obedire. Hic charitate feruens, humilitate præeminens, pietate affluens egentes releuat, puellas dotat inopes, senes nutrit, viduarum tutamen, pater, & refugium orphanorum. O quàm felix est eius vitæ progressus! O quantò felicior est egressus! Qui confutans hæreticos, cum verbi Dei conuiuio populum refecisset, ad conuiuium introducit Angelorum. Per eundem Christum.

Oratio post Communionem.

Corporis, & Sanguinis tui, Domine, participatione, quod in honorem Beati Galdini percepimus: à cunctis aduersitatibus muniamur, & expiati sordibus vitiorum, virtutibus informemur. Qui viuis, & regnas.

**SS. SOTERIS, ET CAIJ
PONTIF. ET MART.**

Missa de Communi plurium Martyrum: Salus autem iustorum, pag. 8.

S. MAROLI EPISC. ET CONF.

Missa de Communi: Sacerdos iste, pag. 9.

**IN NATALI
S. GEORGIJ MARTYRIS.**

Ingressa.



Ustus non conturbabitur; quia Dominus firmat manum eius. Totā die miseretur, & commodat; & semen eius in benedictione erit in æternum: dicit Dominus: **Hall**
Gloria in excelsis Deo.

Oratio super populum.

Fac nos, quæsumus, Domine Beati Martyris tui Georgij solemnitate multipliciter celebrare: vt de eius certamine discat populus Christianus & firmam solidare patientiam, & piè exultare de eius victoria. Per Dominum.

Lectio cum Psalmello, & Versu: De Communi in Vigilia vnus Mart. p. 2.

Epistola Beati Pauli Apostoli ad Corinthios secunda.

Fratres. Nolumus ignorare vos de tribulatione nostra, quæ facta est in Asia; quoniam supra modum grauati sumus supra virtutem; ita vt tæderet nos etiam viuere. Sed ipsi in nobismetipsis responsum mortis habuimus; vt non simus fidentes in nobis; sed in Deo, qui suscitatur mortuos: qui de tantis periculis nos eripuit, & eruit: in quem speramus; quoniam & adhuc eripiet, adiuuantibus & vobis in oratione pro nobis; vt ex multarum personis faciærum, eius, quæ in nobis est, donationis per mul-

multos gratiæ agantur pro nobis. Nam gloria nostra hæc est, testimonium conscientiæ nostræ; quòd in simplicitate cordis, & synceritate Dei, & non in sapientia carnali; sed in gratia Dei conuersati sumus in hoc mundo: abundantius autem ad vos. Non enim alia scribimus vobis, quàm, quæ legistis, & cognouistis. Spero autem, quòd vsque in finem cognoscetis; sicut & cognouistis nos ex parte, quòd gloria vestra sumus, sicut & vos nostra, in die Domini nostri Iesu Christi.

Halleluia. **V.** Iustus vt palma florebit: sicut cedrus, quæ est in Libano, multiplicabitur: Hallel.

Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Si quis vult post me venire; abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam: qui autem perdiderit animam suam propter me, inueniet eam. Quid enim prodest homini, si mundum vniuersum lucretur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet vnicuique secundum opera eius. Amen dico vobis: Sunt quidam de hîc stantibus, qui non gustabunt mortem, donec videant Filium hominis venientem in Regno suo.

Antiphona post Euangelium.

Custodiuit anima mea testimonia tua, & dilexit illa nimis: Hallel.

Oratio super sindonem.

Tuus Sanctus Martyr Georgius, quæsumus, Domine, nos ubique latificet: vt, dum eius merita in præfenti festiuitate recolimus, patrocini-

nia in augmento virtutum sentiamus. Per Dominum.

Offert. Confitebuntur cœli mirabilia tua, Domine, & veritatem tuam in Ecclesia Sanctorum: Hallel.

Dicitur: Credo.

Oratio super oblatam.

Suscipe Domine propitius munera, quæ in Beati Martyris tui Georgij natali deferimus: vt, cuius honore sunt grata, eius nobis fiant intercessione perpetua. Per Dñm.

Præfatio.

Æterne Deus. Quia tibi festa, solemnitas agitur, tibi dies sacrata celebratur: quam Beati Martyris tui Georgij sanguis in veritatis tuæ testificatione profusus magnifico tui nominis honore signauit. Et ideo.

Confract. In salutari tuo anima mea, & in verbis tuis speravi; quando facies de persequentibus me iudicium? Iniqui persecuti sunt me; adiuua me Domine, Deus meus: Hallel.

Transit. Magna est gloria eius in salutari tuo, Domine: Hallel.

Oratio post Communionem.

Beati Georgij Martyris tui, Domine, suffragijs exoratus: percepti sacramenti tui nos virtute defende. Qui viuis, & regnas.

I N F E S T O
S. MARCI EVANGELISTÆ.

25.
Apr.

Ingressa.



Mustus non conturbabitur; quia Dominus firmat manum eius. Totâ die miseretur, & commodat; & semen eius in benedictione erit in æternum: dicit Dominus: Hallel.

Gloria in excelsis Deo.

Oratio super populum.

Deus, qui hunc diem Beati Marci Euangelistæ martyrio consecra-

secrafti, præsta, quæsumus: vt ipse apud te pro nobis existat præcipuus suffragator, qui Unigeniti tui fieri meruit euangelicus Prædicator. Per eundem Dominum nostrum.

Lectio de Communi in Vigilia vnius Apostoli, pag. 1. Psalmellus autem, & Versus; vt in Festo S. Thomæ Apost. pag. 281.

Epistola Beati Pauli Apostoli ad Timotheum secunda.

Charissime. Festina ad me venire citò. Demas enim me reliquit, diligens hoc sæculum, & abiit Theffaloniam: Crescens in Galatiam, Titus in Dalmatiam: Lucas est mecum solus. Marcum assume, & adduc tecum; est enim mihi utilis in ministerio. Tychicum autem misi Ephesum. Penulam, quam reliqui Troade apud Carpum, veniens affer tecum, & libros, maximè autem membranas. Alexander Ærarius multa mala mihi ostendit. Reddat illi Dominus secundum opera eius: quem & tu deuita; valde enim restitit verbis nostris. In prima mea defensione nemo mihi affuit; sed omnes me dereliquerunt: non illis imputetur. Dominus autem mihi astitit, & confortauit me; vt per me prædicatio impleatur, & audiant omnes Gentes: & liberatus sum de ore Leonis. Liberauit me Dominus ab omni opere malo: & saluum faciet in Regnum suum Coeleste. Cui gloria in sæcula sæculorum. Amen.

Halleluia. V. Quàm speciosi pedes euangelizantium pacem, euangelizantium bona! Hallel.



Lectio sancti Euangelij secundum Lucam.

In illo tempore. Designauit Dominus & alios septuagintaduos: & misit illos binos ante faciem suam in omnem ciuitatem, & locum, quò erat

ipse venturus. Et dicebat illis: Messis quidem multa; operarij autem pauci. Rogate ergo Dominum messis; vt mittat operarios in messem suam. Ite: ecce ego mitto vos, sicut agnos inter lupos. Nolite portare, facculum, neque peram, neque calceamenta: & neminem per viam salutaueritis. In quamcunque domum intraueritis, primùm dicite: Pax huic domui. Et si ibi fuerit filius pacis; requiescet super illum pax vestra: sin autem; ad vos reuertetur. In eadem autem domo manete, edentes, & bibentes, quæ apud illos sunt; dignus est enim operarius mercede sua. Nolite transire de domo in domum. Et in quamcunque ciuitatem intraueritis, & susceperint vos, manducate, quæ apponuntur vobis: & curate infirmos, qui in illa sunt: & dicite illis: Appropinquauit in vos Regnum Dei.

Antiphona post Euangelium.

Bene annunciaui iustitiam tuam, Domine, in Ecclesia magna: Hallel. Psalm. 39.

Oratio super sindonem.

Deus, qui Beatum Marcum Euangelistam tuum euangelicæ prædicationis gratiâ sublimasti, tribue, quæsumus: eius nos semper & eruditione proficere, & oratione defendi. Per Dominum.

Offert. Confitebuntur coeli mirabilia tua, Domine, & veritatem tuam in Ecclesia Sanctorum: Hallel. Psalm. 88.

Dicitur: Credo.

Oratio super oblatam.

Hanc in conspectu Diuinæ Maiestatis tuæ, Domine, placationis hostiam Beati Marci Euangelistæ tui intercessio deuota commendet: quæ, angelicis tibi manibus oblata, tuæque dexterâ benedicta, ab omni nos reddat peccatorum labe purgatos. Per Dominum nostrum.

Præ-

Festa Aprilis.

Præfatio.

Æterne Deus: Et te in tuorum Martyrum venerari triumphis: qui eos, pro fidei merito lucantes, victricibus armis præcinxisti. Quorum pio commonitus exemplo, speique promissæ perpetuitate certissimus Beatus Euangelista Marcus, sæculi huius momentaneis gaudijs abolitis, per diuersa martyrij certamina cœlestium Militum meruit adipisci commercia. Per Christum.

Mat. 46. **Confract.** Subiécit populos nobis, & gentes sub pedibus nostris: Hallel.

Mat. 6. 19. **Transit.** Vos, qui secuti estis me, sedebitis super sedes, iudicantes duodecim Tribus Israel: Hallel.

Oratio post Communionem.

Inenarrabilis sacramenti suauitate refecti, quæsumus, Domine: Beati Marci Euangelistæ tui suffragijs, nullis vnquam impediamur terrenis actibus te sequi, omnium bonorum Creatorem. Qui viuis, & regnas.

27. Apr.

SANCTÆ FRANCISCÆ
ROMANÆ MATRONÆ.

Missa de Communi Matronæ: Feci iudicium, pag. 21. **præterquam; vt infra:**

Oratio super populum.

Deus, qui Beatam Franciscam famulam tuam, inter cætera gratiæ tuæ dona, familiari Angeli consuetudine decorasti, concede, quæsumus: vt intercessionis eius auxilio Angelorum consortium consequi mereamur. Per Dominum.

Oratio super findonem.

Deus, qui Beatam Franciscam ancillam tuam virtutibus, & miraculis exornasti, concede: eius nos exemplis instrui, & intercessionibus adiuuari. Per Dominum nostrum, Iesum Christum, Filium tuum: qui tecum.

IN NATALI

SANCTORUM MARTYRUM
VITALIS, ET VALERIÆ.

28. Apr.

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter

Sap. Cap. 5.

Sanctos fors illorum est? Hallel.

Gloria in excelsis Deo.

Oratio super populum.

Sanctorum, quæsumus, Domine, Vitalis, & Valeriæ natalitia nos votiua lætificent: & suæ beneficijs intercessionis attollant. Per Dominum nostrum.

Epistola Beati Pauli Apostoli ad Thessalonicenses secunda.

Fratres. Gratias agere debemus semper Deo pro vobis ita, vt dignum est; quoniam supercrevit fides vestra, & abundat charitas vniuscuiusque vestrum in inuicem; ita vt & nos ipsi in vobis gloriemur in Ecclesijs Dei, pro patientia vestra, & fide in omnibus persecutionibus vestris, & tribulationibus, quas sustinetis in exemplum iusti iudicij Dei; vt digni habeamini in Regno Dei, pro quo & patimini. Si tamen iustum est, apud Deum retribuere retributionem ijs, qui vos tribulant; & vobis, qui tribulamini, requiem nobiscum, in reuelatione Domini Iesu de cœlo cum Angelis virtutis eius, in flamma ignis dantis vindictam ijs, qui non nouerunt Deum, & qui non obediunt Euangelio Domini nostri, Iesu Christi. Qui pœnas dabunt in interitu æternas à facie Domini, & à gloria virtutis eius; cùm venerit glorificari in Sanctis suis; & admirabilis fieri in omnibus, qui crediderunt; quia creditum est testimonium nostrum su-

Cap. 1.

per vos in die illo. In quo etiam oramus semper pro vobis; vt dignetur vos vocatione sua Deus noster, & impleat omnem voluntatem bonitatis, & opus fidei in virtute; vt clarificetur nomen Domini nostri, Iesu Christi in vobis; & vos in illo secundum gratiam Dei nostri, & Domini, Iesu Christi.

^{Sap. Cap. 3.} **Halleluia.** **Ps.** Iustorum animæ in manu Dei sunt; & non tanget illos tormentum malitiæ: Hallel.

Lectio sancti Evangelij secundum Matthæum.

^{Cap. 10.} **I**N illo tempore. Dixit Dominus Iesus Discipulis suis: Non est Discipulus super Magistrum, nec seruus super Dominum suum. Sufficit Discipulo, vt sit sicut Magister eius; & seruo, sicut dominus eius. Si patremfamilias Beelzebub vocauerunt; quāto magis domesticos eius? Ne ergo timueritis eos. Nihil enim est operum, quod non reuelabitur; & occultum, quod non sciatur. Quod dico vobis in tenebris, dicite in lumine: &, quod in aure auditis, prædicate super tecta. Et nolite timere eos, qui occidunt corpus; animam autem non possunt occidere; sed potius timeate eum, qui potest & animam, & corpus perdere in Gehennam. Nonne duo passeress assidue veneunt; & vnus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere; multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in cælis est. Qui autem negauerit me coram hominibus, negabo & ego eum coram Patre meo, qui in Cælis est.

Antiphona post Euangelium.

^{Psalm. 144.} **Sancti tui, Domine, benedicent te:**

gloriam Regni tui dicent, & potentiam tuam loquentur: Hallel.

Oratio super sindonem.

COncede, quæsumus, omnipotens Deus: vt ad meliorem vitam, Sanctorum tuorum Vitalis, & Valeriæ exempla nos prouocent; quatenus, quorum solemnia celebramus, etiam actus imitemur. Per Dñm.

Offert. Gloriabuntur in te omnes, qui diligunt nomen tuum; quoniam tu, Domine, benedices iustos. Domine, vt scuto bonæ voluntatis tuæ, coronasti nos: Hallel.

Dicitur: Credo.

Oratio super oblatam.

ACcepta sit in conspectu tuo, Domine, nostra oblatio: & eorum nobis fiat supplicatione salutaris, pro quorum solemnitate defertur. Per Dominum nostrum.

Præfatio.

Æterne Deus: Et te in omnium Martyrum triumphis laudare. Quoniam tuis donis, atque muneribus Beatorum Martyrum Vitalis, & Valeriæ passionem hodierna solemnitate veneramur: qui pro confessione Iesu Christi, Filij tui diuersa supplicia sustinuerunt; & ea deuincen-tes, coronam perpetuitatis promeruerunt. Per eundem Christum.

Confract. Amen dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis: Hallel.

Transitor. Laudate Deum in Sanctis eius, laudate eum in firmamento virtutis eius: Hallel.

Oratio post Communionem.

EXultet, quæsumus, Domine, populus tuus in Sanctorum tuorum commemoratione Vitalis, & Valeriæ: &, quorum votiuo lætatur officio, suffragio releuetur optato. Per Dominum nostrum.

S. PE.

Festa Maij.

^{29.}
^{Apr.} S. PETRI SACERD. ET MART.

Missa de Communi vnus Martyris:
Iustus non conturbabitur, pag. 3. præ-
terquam; vt infra.

Oratio super populum.

PRæsta, quæsumus, omnipotens
Deus: vt Beati Petri Martyris
tui fidem congrua deuotione secte-
mur, qui pro eiusdem fidei dilata-
tione martyrij palmam meruit obti-
nere. Per Dominum.

Oratio super sindonem.

PReces, quas tibi, Domine, offeri-
mus, intercedente Beato Petro
Martyre tuo, clementer intende: &
pugiles Fidei sub tua protectione cu-
stodi. Per Dominum nostrum.

Oratio super oblatam.

Oblatis, quæsumus, Domine pla-
care muneribus: & interceden-
te Beato Petro Martyre tuo, à cunc-
tis nos defende periculis. Per Dñm.

Præfatio.

ÆTerne Deus: Diemque natali-
tium Sancti Sacerdotis, & Mar-
tyris tui Petri omni deuotione vene-
rari. Qui tui nominis ita deuotus ex-
titit Prædicator, & hæreticorum dog-
matum intrepidus oppugnator; vt
suum non dubitauerit effundere san-
guinem. Quapropter te, Domine,
suppliciter obsecramus; vt ipsum
apud tuam clementiam intercesso-
rem habere sentiamus, quem, tua
gratia largiente, meruimus æternæ
salutis ministrum suscipere. Per Chri-
stum, Dominum nostrum.

Oratio post Communionem.

Fideles tuos, Domine, custodiant
sacramenta, quæ sumpsimus: &
intercedente Beato Petro Martyre
tuo, contra omnes aduersos tueantur
incurfus. Per Dominum nostrum, Ie-
sum Christum, Filium tuum: qui te-
tecum viuit, & regnat in vnitæ Spi-
ritus Sancti Deus, per omnia sæcula
sæculorum.

311
SANCTÆ CATHARINÆ
SENENSIS VIRG.

^{30.}
^{Apr.}

*Missa de Communi vnus simplicis
Virginis: Dilexisti iustitiam, pag. 19.
præterquam; vt infra.*

Oratio super populum.

DA, quæsumus, omnipotens Deus:
vt, qui Beatæ Catharinæ Virgi-
nis tuæ Natalitia colimus, & annua
Solemnitate lætemur, & tantæ virtu-
tis proficiamus exemplo. Per Domi-
num nostrum, Iesum Christum.

Oratio super sindonem.

EXaudi nos Deus, Salutaris noster:
& intercessione Beatæ Virginis
Catharinæ mentes nostras ab omni
labe purifica. Per Dominum nostrum,
Iesum Christum, Filium tuum.

Oratio super oblatam.

Ascendant ad te, Domine, quas
in Beatæ Catharinæ Solemnita-
te offerimus, preces: & hostia saluta-
ris, quæ virgineo fragrat odore, tuæ
placeat Maieitati. Per Dominum.

Oratio post Communionem.

ÆTernitatem nobis, Domine,
conferat, qua pasti sumus,
mensa coelestis: quæ Beatæ Cathari-
næ Virginis vitam etiam aluit tem-
poralem. Per Dominum nostrum.

FESTA MAIJ.

IN FESTO
SANCTORUM APOSTOLORUM
PHILIPPI, ET IACOBI.

^{1.}
^{Maij}

Ingressa.



Into tempore vobis-
cum sum; & non co-
gnouistis me? Philip-
pe, Halleluia, qui vi-
det me, videt & Pa-
trem meum. Non cre-
dis, quia ego in Patre, & Pater in me
est? Hallel. Hallel.

Gloria in excelsis Deo.

Ora-

Oratio super populum.

Deus, qui conspicias, quia nos undique mala nostra conturbant, præsta, quæsumus: ut Beatorum Apostolorum tuorum Philippi, & Iacobi intercessio gloriosa nos protegat. Per Dominum nostrum.

Commemoratio S. Sigismundi, Regis, & Martyris.

Deus, qui Beatum Sigismundum Martyrem tuum Cœlesti Regno terrenum postponere docuisti: da, quæsumus, nobis eius exemplo caduca despiciere, atque æterna sectari. Per Dominum nostrum, Iesum Christum, Filium tuum: qui tecum, vivit, & regnat in unitate Spiritus Sancti Deus.

Lectio cum Psalmello, & Versu; ut infra in Vigilia Sanctorum Apostolorum Simonis, & Iudæ, die 27. Octobr.

Epistola Beati Pauli Apostoli ad Corinthios prima.

Cap. 4. **F**Ratres. Puto, quod Deus nos Apostolos nouissimos ostendit, tanquam morti destinatos; quia spectaculum facti sumus mundo, & Angelis, & hominibus. Nos stulti propter Christum; vos autem prudentes in Christo: nos infirmi; vos autem fortes: vos nobiles; nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris. Maledicimur; & benedicimus: persecutionem patimur; & sustinemus: blasphemamur; & obsecramus: tanquam purgamenta huius mundi facti sumus, omnium peripsēma usque adhuc. Non, ut confundam vos, hæc scribo; sed ut filios meos charissimos moneo.

Psalm. 138. **Halleluia.** **V.** Nimis honorandi sunt amici tui, Deus: valde confortatus est Principatus eorum: Halleluia.



Lectio sancti Evangelij secundum Ioannem.

In illo tempore. Dixit Dominus ^{Cap. 14.} Iesus Discipulis suis: Non turbetur cor vestrum. Creditis in Deum; & in me credite. In domo Patris mei mansiones multæ sunt. Si quò minus, dixissem vobis: Quia vado parare vobis locum. Et si abiero, & præparauero vobis locum; iterum venio, & accipiam vos ad me ipsum; ut, ubi sum ego, & vos sitis. Et quò ego vado, scitis, & viam scitis. Dicit ei Thomas: Domine, nescimus, quò vadis; & quomodo possumus viam scire? Dicit ei Iesus: Ego sum via, & veritas, & vita; nemo venit ad Patrem, nisi per me. Si cognouissetis me; & Patrem meum utique cognouissetis: & amodo cognoscētis eum, & vidistis eum. Dicit ei Philippus: Domine ostende nobis Patrem; & sufficit nobis. Dicit ei Iesus: Tanto tempore vobiscum sum; & non cognouistis me? Philippe, qui videt me, videt & Patrem. Quomodo tu dicis: Ostende nobis Patrem? Non credis, quia ego in Patre, & Pater in me est? Verba, quæ ego loquor vobis, à me ipso non loquor. Pater autem in me manens, ipse facit opera. Non creditis, quia ego in Patre, & Pater in me est? Aliòquin propter opera ipsa credite. Amen, amen dico vobis: Qui credit in me, opera, quæ ego facio, & ipse faciet, & maiora horum faciet; quia ego ad Patrem vado; & quodcunque petieritis Patrem in nomine meo, hoc faciam; ut glorificetur Pater in Filio. Si quid petieritis me in nomine meo, hoc faciam.

Antiphona post Euangelium.

Philippe, qui videt me, videt & Patrem meum; quia ego in Patre, & Pater in me est: Hallel. ^{10. cap. 14.}

Oratio super findonem.

Beatorum Apostolorum Philippi, & Iacobi honore continuo plebs tua, Domine, semper exultet: & his Præfulibus gubernetur, quorum & doctrinis gaudet, & meritis. Per Dominum nostrum.

Commemoratio S. Sigismundi.

Deus, qui regales inter delicias intactum à mundi illecebris spiritum Sancti Sigismundi Martyris tui conseruasti, fac, quæsumus: vt in amore tuo fideles tui ita firmentur; vt & terrena despiciant, & ad cœlestia semper aspîrent. Per Dominum.

Offertor. Gloriabuntur in te omnes, qui diligunt nomen tuum; quoniam tu benedîces iustos: Domine, vt scuto bonæ voluntatis tuæ coronasti nos: Hallelûiah.

Dicitur: Credo.

Oratio super oblatam.

Sacrificium nostrum tibi, Domine, quæsumus, Beatorum Apostolorum Philippi, & Iacobi precatio sancta conciliet: vt, in quorum honorem solemniter exhibetur, eorum meritis efficiatur acceptum. Per Dominum nostrum, Iesum Christum.

Commemoratio S. Sigismundi.

Præsta, quæsumus, omnipotens Deus: vt, sicut Beatus Martyr tuus Sigismundus, spretis mundi oblectamentis, soli Regi Christo placere studuit; ita eius oratio nostras tibi hostias reddat acceptas. Per eundem.

Præfatio.

Æterne Deus. Quia tui est operis, tuæque virtutis: vt Beatorum Apostolorum Philippi, & Iacobi gloriosa confessio vsque in finem sæculi nobis gloriæ cœlestis operetur augmentum. Per Christum.

Confract. Ego vos elégi de mundo; vt eatis, & fructum plurimum afferatis, & fructus vester maneat: Hallel.

Transit. Isti sunt, qui propter sacrum martyrium facti sunt perfecti, & fideles amici Christi. Oportet nos mundum contemnere; vt possimus sequi Christum Dominum; ne perdamus vitam perpetuam propter vanam huius mundi gloriam: Hallel.

Oratio post Communionem.

Quæsumus, Domine, salutaribus repleti mysterijs: vt, quorum solemnia celebramus, eorum orationibus adiuuemur. Per Dominum nostrum.

Commemoratio S. Sigismundi.

Deus, qui Beatum Martyrem tuum Sigismundum mirificasti in terris, & gloriosum in Cœlis fecisti: eundem, quæsumus, Ecclesiæ tuæ constitue defensorem. Per Dñm.

S. ATHANASIJ EPISC. ET CONF. ^{2. Maij}
Missa de Communi Doctoris, & Pontificis: In medio Ecclesiæ, pag. 12. præterquam; vt infra.

Oratio super populum.

Deus, qui per Beatum Athanasium Pontificem, atque Doctorem Arianas hæreses strenuè profligari, diuinæque Unitatis, ac Trinitatis mysterium clariùs innotescere voluisti, concede propitius: vt eius intercessione, vitatis errorum tenebris, ad æternam tui luminis veritatem pertingere valeamus. Per Dñm.

IN SOLEMNITATE INVENTIONIS S. CRUCIS. ^{3. Maij}**Ingressa.**

Os autem gloriari oportet in Cruce Domini nostri Iesu Christi: in quo est salus, vita, & resurrectio nostra: per quem saluati & liberati sumus: Hallelûiah.

Gloria in excelsis Deo.

Ora-

Oratio super populum.

DEus, qui in præclara salutiferæ Crucis Inuentione Passionis tuæ miracula suscitasti, concede: vt vitalis Ligni pretio æternæ vitæ suffragia consequamur. Qui viuis, & regnas.

Lectio Ieremiæ Prophetæ.

IN diebus illis. Dixit Ieremias: Tu, Domine, demonstraſti mihi, & cognoui: tu ostendiſti mihi studia eorum: & ego quasi agnus mansuetus, qui portatur ad victimam: & non cognoui, quia cogitauerunt super me consilia, dicentes: Mittamus lignum in panem eius, & eradamus eum de terra viuentium, & nomen eius non memoretur amplius. Tu autem Domine Sabaoth, qui iudicas iuste, & probas renes, & corda, videam ultionem tuam ex eis. Tibi enim reuelauī causam meam, Domine, Deus meus.

Psal. **Psalmell.** Hæc dies, quam fecit Dominus: exultemus & lætemur in ea.

V. Confitemini Domino; quoniam bonus; quoniam in sæculum misericordia eius.

Epistola Beati Pauli Apostoli ad Philippenſes.

FRatres. Hoc sentite in vobis, quod & in Christo Iesu. Qui cum in forma Dei esset, non rapinam arbitratus est, esse se æqualem Deo; sed semetipsum exinaniuit, formam serui accipiens, in similitudinem hominum factus, & habitu inuentus vt homo. Humiliauit semetipsum, factus obediens vsque ad mortem; mortem autem Crucis. Propter quod & Deus exaltauit illum, & donauit illi nomen, quod est super omne nomen; vt in nomine IESU omne genu flectatur, Coelestium, Terreſtrium, & Infernorum: & omnis lingua confiteatur, quia Dominus, Iesus Christus in gloria est Dei Patris.

Halleluia, halleluia. **V.** Iubilate Deo omnis terra, psalmum dicite nomini eius: Hallel.

Lectio sancti Euangelij secundum Lucam.

IN illo tempore. Loquente Domino Iesu ad turbas, extollens vocem quædam mulier de turba, dixit illi: Beatus venter, qui te portauit: & vbera, quæ suxisti. At ille dixit: Quinimmo beati, qui audiunt verbum Dei, & custodiunt illud. Turbis autem concurrentibus, coepit dicere: Generatio hæc, generatio nequam est: signum querit; & signum non dabitur ei, nisi signum Ionæ Prophetæ. Nam sicut fuit Ionas signum Niniuitis; ita erit & Filius hominis generationi isti. Regina Austri surget in iudicio cum viris generationis huius, & condemnabit illos; quia venit à finibus terræ audire sapientiam Salomonis: & ecce plusquam Salomon hic. Viri Niniuitæ surgent in iudicio cum generatione hac, & condemnabunt illam, quia poenitentiam egerunt ad prædicationem Ionæ: & ecce plusquam Ionas hic. Nemo lucernam accendit, & in abscondito ponit, neque sub modio; sed supra candelabrum; vt, qui ingrediuntur, lumen videant.

Antiphona post Euangelium.

O Crux benedicta, quæ sola fuisti digna portare Regem Cœlorum, & Dominum! Hallel.

Oratio super sindonem.

Adesto familiæ tuæ clementissime Deus; vt in aduersis, & prosperis preces eius exaudias: & nefarias Aduersariorum insidias per vexillum Sanctæ Crucis digneris contere; vt perennis gaudij salutem possit, te protegente, mereri. Per Dominum.

Offertor. Mihi absit gloriari, nisi in Cruce Domini nostri, Iesu Christi:

per

per quem mihi mundus crucifixus est, & ego mundo: Hallel.

Dicitur: Credo.

Oratio super oblatam.

Sacrificium, Domine, quod immolamus, placatus intende: ut ab omni nos eruat bellorum nequitia; & per vexillum Sanctæ Crucis Filij tui ad conterendas Potestatis aduersæ infidias nos in tuæ protectionis securitate constituat. Per eundem Dominum.

Præfatio.

Per Christum, Dominum nostrum: Cuius, abditum pridem à Iudæis, gloriosum hodie inuentum est Vexillum. Qui Protoplasti facinus, quod per ligni vetiti gustum in genus humanum deriuatum est, per idem lignum, simulque nostra affigens delicta, delere dignatus est. Cuius typum virga tenuit in separando æquoris vndas, & viam populo per Moysen præparando secûram. Per cuius quoque vmbra aspera mors populis deducta ligno cucurrit: in quo pendens Redemptor factus est maledictum, ut nos à maledicto Legis eriperet: cuius ligni mysterio saluari credimus omnes. Per eundem Christum, Dominum nostrum.

Confract. Laudamus te, Christe, & hymnum dicimus tibi; quia per Sanctam Crucem tuam redemisti mundum: Hallel.

Transit. Sicut misertus es, Deus, Latroni in Cruce, memento mei Domine in Regno tuo: Hallel.

Oratio post Communionem.

Repleti alimonia cœlesti, & spiritali poculo recreati, quæsumus, omnipotens Deus: ut ab Hoste maligno defendas, quos per lignum Sanctæ Crucis Filij tui armis iustitiæ triumphare voluisti. Per eundem Dominum nostrum.

S. VENERIJ EPISC. ET CONF.

Missæ de Communi: Sacerdos iste, pag. 9. Fit commemoratio Sancti Gothardi Episcopi, & Confessoris: pro qua Orationes sumuntur ex altera Missa Communi: Elegit te, pag. 11.

S. GERUNTIJ EPISC. ET CONF.

Missæ de Communi: Sacerdos iste, pag. 9. Fit Commemoratio Conuersionis S. Augustini Episc. & Doct.

Oratio super populum.

Deus mirabilium operator, qui Beatum Augustinum ad lucem veritatis, ut magnus Fidei propugnator existeret, per Sanctum Ambrosium euocasti, concede supplicibus: ut, qui tantum Ecclesiæ Doctorem, apud nos hodie cœlesti ablutum vnda gloriamur, eiusdem apud te intercessione gaudeamus. Per Dñm.

Reliquæ orationes sumantur ex Communi Doct. & Pontif. pag. 12. ut in Missa Doct.

SANCTI FRANCISCI DE PAULA CONF.

Missæ de Communi Confessoris simplicis: Vir iste custodiuit, pag. 16. præterquam; ut infra.

Oratio super populum.

Deus, humilium celsitudo, qui Beatum Franciscum Confessorem tuum Sanctorum tuorum gloriâ sublimasti, tribue, quæsumus: ut eius meritis, & imitatione promissa humilibus præmia feliciter consequamur. Per Dominum.

Oratio super sindonem.

Præsta, quæsumus, omnipotens Deus: ut Beati Francisci Confessoris tui, cuius gaudemus meritis, instruamur exemplis. Per Dñm.

Oratio super oblatam.

Hæc dona deuotæ plebis, Domine, quibus tua cumulamur altaria:

ria: Beati Francisci meritis tibi grata, nobisque salutaria, te miserante, reddantur. Per Dominum.

Oratio post Communionem.

Sumpta, Domine, sacramenta celestia, Beato Francisco Confessore tuo intercedente, precamur: ut & temporalis vitæ subsidia nobis conferant, & æternæ. Per Dominum.

^{7. Maij} **S. STANISLAI EPISC. ET MART.**
Missa de Communi vnus Mart. & Pontif. Dedisti eum Domine, pag. 4. præterquam; ut infra.

Oratio super populum.

Deus, pro cuius honore gloriosus Pontifex Stanislaus gladijs impiorum occubuit, præsta, quæsumus: ut omnes, qui eius implorant auxilium, petitionis suæ salutarem consequantur effectum. Per Dominum nostrum, Iesum Christum, Filium tuum.

Oratio super sindonem:

Præsta, quæsumus, omnipotens Deus: ut, qui Beati Martyris, atque Pontificis tui Stanislai natalitiam colimus, eius intercessione in tui nominis amore robaremur. Per Dominum nostrum.

Oratio super oblatam.

Hostias tibi, Domine, Beati Stanislai Martyris tui, atque Pontificis dicatas meritis benignus assûme: & ad perpetuum nobis tribue prouenire subsidium. Per Dñm.

Oratio post Communionem.

Refecti participatione muneris sacri, quæsumus, Domine, Deus noster: ut, cuius exequimur cultum, intercedente Beato Stanislao Martyre tuo, atque Pontifice, sentiamus effectum. Per Dominum nostrum, Iesum Christum, Filium tuum: qui tecum viuit, & regnat in vnitatem Spiritus Sancti Deus.

I N N A T A L I
S. VICTORIS MARTYRIS.

Ingressa.



^{Psal. 36.} Ustus non conturbabitur; quia Dominus firmat manum eius. Totam die miseretur, & commodat; & semen eius in benedictione

erit in æternum: dicit Dominus: Halleluia.

Gloria in excelsis Deo.

Oratio super populum.

Deus, qui laticum instar gelidorum plumbi ardorem mutaisti, ne gloriosi Martyris tui Victoris corpus exureret, tribue, quæsumus: ut, ipso pro nobis interueniente, à præsentibus liberemur periculis, & futuris. Per Dominum.

Lectio cum Psalmell. & Versu, de Communi vnus Mart. pag. 3.

Epistola Beati Pauli Apostoli ad Corinthios prima.

^{Cap. 15.} **F**ratres. Sicut portauimus imaginem terreni; portemus & imaginem celestis. Hoc autem dico, fratres: Quia caro, & sanguis Regnum Dei possidere non possunt: neque corruptio incorruptelam possidebit. Ecce mysterium vobis dico: Omnes quidem resurgemus, sed non omnes immutabimur. In momento, in ictu oculi, in nouissima tuba (canet enim tuba) & mortui resurgent incorrupti, & nos immutabimur. Oportet enim corruptibile hoc induere incorruptionem: & mortale hoc induere immortalitatem. Cum autem mortale hoc induerit immortalitatem; tunc fiet sermo, qui scriptus est: Absorpta est mors in victoria: Ubi est, mors, victoria tua? Ubi est, mors, stimulus tuus? Stimulus autem mortis peccatum est; virtus verò peccati lex. Deo autem gratias: qui dedit nobis

nobis victoriam per Dominum nostrum, Iesum Christum.

Halleluia. **V.** Dexterā Domini fecit virtutem: dexterā Domini exaltauit me: dexterā Domini fecit virtutem: Hallel.

Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Ecce ego mitto vos, sicut oues in medio luporum. Estote ergo prudentes, sicut serpentes: & simplices, sicut columbæ. Cauete autem ab hominibus. Tradent enim vos in Concilijs, & in Synagogis suis flagellabunt vos. Et ad Præsides, & ad Reges ducemini propter me in testimonium illis, & Gentibus. Cum autem tradent vos, nolite cogitare, quomodo, aut quid loquamini. Dabitur enim vobis in illa hora, quid loquamini. Non enim vos estis, qui loquimini; sed Spiritus Patris vestri, qui loquitur in vobis. Tradet autem frater fratrem in mortem, & pater filium: & insurgent filij in parentes, & morte eos afficient: & eritis odio omnibus hominibus propter nomen meum: qui autem perseuerauerit vsque in finem, hic saluus erit. Cum autem persequentur vos in ciuitate ista; fugite in aliam. Amen dico vobis: Non consummabitis ciuitates Israel, donec veniat Filius hominis.

Antiphona post Euangelium.

Principes persecuti sunt me gratis, Domine: & à verbis tuis formidauit cor meum. Exulto ego in verbo tuo; sicut, qui inuenit spolia multa: Hall.

Oratio super sindonem.

Præsta, quæsumus, Domine: vt, intercedente Beato Victore Martyre tuo, & à cunctis aduersitatibus muniamur in corpore, & à prauis cogitationibus mundemur in mente. Per Dominum.

Offertor. **D**esiderium animæ eius tribuisti ei, Domine, & in voluntate labiorum eius non fraudasti eum. Posuisti in capite eius coronam de lapide pretioso: Hallel.

Dicitur: **C**redo.

Oratio super oblatam.

Sancto Victore Martyre tuo interueniente, Domine, tibi seruitus nostra complacet: & obsequia munerum fiant præsidia deuotorum. Per Dominum nostrum, Iesum Christum.

Præfatio:

Æterne Deus. Cuius prouidentia fultus præsidio Beatus Victor celeberrimus Martyr terreni sub Imperij clamyde Christi tui miles degebat absconditus: non passionis timore perterritus, sed diuino arbitrio subdens propriam voluntatem. Mundanis enim excubijs latuit dignissimus cœlestis patriæ miles; vt angelicis coruscans obsequijs perpetui Regni consors existeret. Dignè etiam Regi Regum meruit Christo famulari. Quem à primæua ætate, ita animi tota intentione dilexit; vt pro eius nomine crudelissimi Imperatoris præcepta contemneret: & ante ipsius tribunal extensus proprias præberet scapulas, impiorum manibus flagellandas. Dein feruentis plumbi vndâ perfusus, cœlitus diuino nutu angelica est visitatione defensus. Ad vltimum verò capitali iubetur feriri sententia; vt victoriæ palmam adeptus & author sui esset nominis, & exemplum sequeretur Magistri. Per quem Maiestatem tuam laudant Angeli.

Confract. **Q**ui vult venire post me, abneget semetipsum, & tollat crucem suam, & sequatur me: Hallel.

Transit. **M**agna est gloria eius in salutari tuo, Domine: Hallel.

Dd

Ora-

Oratio post Communionem.

Precepta mysteria, quæsumus, Domine, & eruditione nos instruant, & participatione restaurent: vt ad spiritalia mereamur munera peruenire. Per Dominum nostrum.

9.
Maij

**S. GREGORIJ NAZIANZENI
EPISC. ET CONF.**

Missa de Communi Doctoris, & Pontificis: In medio Ecclesiæ, pag. 12. præterquam; vt infra:

Oratio super populum:

Deus, qui corda hominum, mentesque purificas, adesto supplicationibus nostris: vt, qui Beatum Gregorium Pontificem, atque Doctorem, secretioris tuæ Diuinitatis lumine illustratum, & verbi tui prædicatione perfunctum cognoscimus; ea, quæ ipse, diuino afflatus Spiritu mirabiliter docuit, mente consequamur, & opere. Per Dominum:

IN TRANSLATIONE

S. NAZARIJ MARTYRIS.

Ingressa.9.
MaijPsal.
36.

Ultus non conturbabitur; quia Dominus firmat manum eius. Totâ die miseretur, & commodat; & semen eius in benedictione erit in æternum: dicit Dominus: Hallel.

Gloria in excelsis Deo.

Oratio super populum.

Præueniant nos, quæsumus, Domine, Beati Martyris tui Nazarij desiderata commercia: vt, cuius perpetuam dignitatem sacro ministerio frequentamus in terris, & præsentia nobis subsidia postulent, & æterna. Per Dominum nostrum, Iesum Christum, Filium tuum: qui tecum uiuit, & regnat in unitate Spiritus Sancti Deus.

Epistola Beati Pauli Apostoli ad Corinthios secunda.

Fratres. Deus, qui dixit de tenebris lucem splendescere, illuxit in cordibus nostris ad illuminationem scientiæ claritatis Dei, in facie Christi Iesu. Habemus autem thesaurum istum in vasis fictilibus; vt sublimitas sit virtutis Dei, & non ex nobis. In omnibus tribulationem patimur; sed non angustiamur: aperiâmur; sed non destituimur: persecutionem patimur; sed non derelinquimur: deijcitur; sed non perimus; semper mortificationem Iesu in corpore nostro circumferentes; vt & vita Iesu manifestetur in corporibus nostris.

Halleluia: **V.** Venite, & audite: & enarrabo vobis, omnes, qui timetis Deum, quanta fecerit Deus animæ meæ: Halleluia.



Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Simile est Regnum Cœlorum thesauro abscondito in agro: quem, qui inuenit, homo abscondit: & præ gaudio illius vadit, & vendit vniuersa, quæ habet, & emit agrum illum. Iterum simile est Regnum Cœlorum homini negotiatori, quærenti bonas margaritas. Inuentâ autem vnâ pretiosâ margaritâ abiit, & vendidit omnia, quæ habuit, & emit eam. Iterum simile est Regnum Cœlorum sagênæ missæ in mare, & ex omni genere piscium congreganti: quam, cum impleta esset, educentes, & secus litus sedentes, elegerunt bonos in vasa; malos autem foras miserunt. Sic erit in consummatione sæculi. Exibunt Angeli, & separabunt malos de medio iustorum, & mittent eos in Caminum ignis: ibi erit fletus, & stridor dentium.

tium. Intellexistis hæc omnia? Dicunt ei: Etiam. Ait illis: Ideo omnis scriba doctus in Regno Coelorum similis est homini patrifamilias, qui profert de thesauro suo noua, & vetera.

Antiphona post Euangelium.

^{Psalm.} ^{36.} Dominus amat iudicium, & non derelinquet Sanctos suos: in æternum, conseruabuntur. Adiuvabit eos, & liberabit eos à peccatoribus: Hallel.

Oratio super sindonem.

Fac nos, quæsumus, Domine, Sancti Martyris tui Nazarij semper festa sectari: cuius suffragijs protectionis tuæ dona sentimus. Per Dñm.

Offert. Iste Sanctus, qui pro Lege Dei sui certauit vsque ad mortem, & à verbis impiorum non timuit; fundatus enim erat supra firmam petram: Hallel.

^{Psalm.} **V.** Beatus vir, qui non abiit in consilio impiorum, & in via peccatorum non stetit; fundatus enim erat supra firmam petram: Hallel.

Dicitur: Credo.

Oratio super oblatam.

Fiat, Domine, quæsumus, hostia sacra placabilis, pretiosi celebritate tui Martyris Nazarij: quæ & pectora nostra purificet, & tuorum tibi vota conciliet famulorum. Per Dominum.

Præfatio.

Æterne Deus. Debitæ pietatis obsequium in Sancti Martyris tui Nazarij Translatione exhibentes; potentiam tuam, Domine, cuius gratiâ talis extitit, in eius solemnitate prædicamus. Per Christum.

^{Matth.} ^{13.} **Confract.** Dicit Dominus: Simile æstimabitur Regnum Coelorum thesauro abscondito in agro: quem, qui inuenit homo, præ gaudio vendit bona sua, & emit illum: Hallel.

^{Luc.} ^{6.} **Transit.** Multitudo languentium, &

qui vexabantur à Spiritibus immundis, veniebant ad eos; quia virtus de illis exibat, & sanabat omnes: Hall.

Oratio post Communionem.

Quæsumus, omnipotens Deus: vt Beati Martyris tui Nazarij celestibus mysterijs celebrata solemnitas indulgentiam nobis tuæ propitiationis acquirat. Per Dñm.

S. PANCRATIJ MARTYRIS.

Missa de Communi vnus Martyris: Iustus non conturbabitur, pag. 3. **præterquam; vt infra.**

Oratio super populum:

Obscramus, Domine, Deus noster: vt infirmitas nostra potentiae tuæ virtute ita confirmetur, sicuti tenera Beati Martyris tui Pancratij ætas, eodem subnixa præsidio, rabiem impiorum, & vniuersa sui corporis tormenta viriliter superauit. Per Dominum.

Oratio super sindonem.

Concede nobis, quæsumus, Domine: vt puerilem Beati Martyris tui Pancratij innocentiam imitando, post huius vitæ calamitates in conspectum tuum venire possimus; atque sempiterna illic beatitudine perfruamur. Per Dominum.

S. NATALIS EPISC. ET CONF.

Missa de Communi: Sacerdos iste, pag. 9.

SANCTORUM MARTYRUM FELICIS, ET FORTUNATI.

Missa de Communi plurium Martyrum: Stabunt iusti, pag. 6. **præterquam; vt infra.**

Oratio super populum.

Adesto Domine fidelibus tuis; nec vllis eos mentis, aut corporis finas subiacere periculis: quos Beatorum Martyrum tuorum Felicis, &

Fortunati munit gloriosa confessio.
Per Dominum.

Oratio super sindonem.

Omnipotens, sempiterne Deus, fortitudo certantium, & palma Martyrum, solemnitatem hodierni diēi propitius intuerē: & Ecclesiam tuam continua fac celebritate lætari; & intercessionibus Beatorum Martyrum tuorum Felicis, & Fortunati omnium in te credentium vota perfice. Per Dominum.

Oratio super oblatam.

Hostias, Domine, quas nomini tuo sacrandas offerimus, Sanctorum Martyrum tuorum Felicis, & Fortunati prosequatur oratio: per quam nos expiari, & defendi concedas. Per Dominum.

Oratio post Communionem:

Quæsumus, omnipotens Deus: ut, qui cœlestia alimenta percipimus, intercedentibus Sanctis tuis Felice, & Fortunato, per hæc contra omnia aduersa muniamur. Per Dominum.

20. Maij S. BERNARDINI CONF. SACER.
Missa de Communi: Sacerdotes eius, pag. 14.

23. Maij S. DESIDERIJ EPISC. ET MART.
Missa de Communi Pontif. & Mart.
Dedisti eum Domine, pag. 4.

I N N A T A L I

25. Maij S. DIONYSIJ EPISC. ET CONF.
Ingressa.

Pro.
31.



Sacerdos iste de toto corde orauit ad Dominum: manus suas extendit ad inopem, & palmas suas aperuit pauperi; & dilexit

Deum, qui fecit illum: Hallel.

Gloria in excelsis Deo.

Oratio super populum.

Deus, qui nos Sancti Dionysij confessione gloriosa circundas, & protegis: da nobis eius imitatione proficere, & oratione fulciri. Per Dominum nostrum.

Lectio cum Psalmello, & Versu, de Communi, pag. 9.

Epistola Beati Pauli Apostoli ad Hebræos.

Fratres. Si consummatio per Sacerdotium Leviticum erat (populus enim sub ipso Legem accēpit) quid adhuc necessarium fuit, secundum ordinem Melchisedech alium surgere Sacerdotem, & non secundum ordinem Aaron dici? Translato enim Sacerdotio, necesse est, ut & Legis translatio fiat. In quo enim hæc dicuntur, de alia Tribu est, de qua nullus altario præstò fuit. Manifestum est enim, quòd ex Iuda ortus sit Dominus noster, in qua Tribu nihil de Sacerdotibus Moyſes locutus est. Et amplius adhuc manifestum est, si secundum similitudinem Melchisedech exurgat alius Sacerdos, qui non secundum Legem mandati carnalis factus est, sed secundum virtutem vitæ insolubilis. Contestatur enim; quoniam tu es Sacerdos in æternum secundum ordinem Melchisedech. Reprobatio quidem fit præcedentis mandati propter infirmitatem eius, & inutilitatem. Nihil enim ad perfectum adduxit Lex: introductio verò melioris spei, per quam proximamus ad Deum. Et quantum est non sine iureiurando (alii quidem sine iureiurando Sacerdotes facti sunt; hic autem cum iureiurando per eum, qui dixit ad illum: Iuravit Dominus, & non poenitebit eum: Tu es Sacerdos in æternum) in tantum melioris Testamenti sponsor factus est Iesus. **H**alleluia. **V.** Elēgit te Dominus

verum, & magnum Sacerdotem, & constituit te Pastorem ad regendum populum suum: Hallel.



Lectio sancti Euangelij
secundum Matthæum.

IN illo tempore. Dixit Dominus Iesus Discipulis suis: Omnis, qui confitebitur me coram hominibus, confitebor & ego eum coram Patre meo, qui in cœlis est: Qui autem negauerit me coram hominibus, negabo & ego eum coram Patre meo, qui in cœlis est. Nolite arbitrari, quia pacem venerim mittere in terram: non veni pacem mittere, sed gladium. Veni enim separare hominem aduersus patrem suum, & filiam aduersus matrem suam, & nurum aduersus socrum suam: & inimici hominis domestici eius. Qui amat patrem, aut matrem plusquam me, non est me dignus: & qui amat filium, aut filiam super me, non est me dignus: & qui non accipit crucem suam, & sequitur me, non est me dignus. Qui inuenit animam suam, perdet illam: & qui perdiderit animam suam propter me, inueniet eam. Qui recipit vos, me recipit: & qui me recipit, recipit eum, qui me misit. Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet. Et quicumque potum dederit vni ex minimis istis calicem aquæ frigidæ tantum in nomine discipuli; amen dico vobis, Non perdet mercedem suam.

Antiphona post Euangelium.

Confiteantur Domino misericordiæ eius, & mirabilia eius filiis hominum: & sacrificent sacrificium laudis: Hall.

Oratio super sindonem.

Sancti Dionysij, Domine, confessio recensita conferat nobis piæ deuotionis augmentum: quia, in no-

mine tuo perseuerans, dignè meruit honorari. Per Dominum.

Offert. Veritas mea, & misericordia mea cum ipso: & in nomine meo exaltabitur cornu eius: Hallel.

Dicitur: Credo.

Oratio super oblatam.

Hostias tibi, Domine, pro commemoratione Beati Sacerdotis, & Confessoris tui Dionysij offerimus: quem à tui corporis vnitatem nulla vnquam tentatio separauit. Per Dñm.

Præfatio.

Æterne Deus: Et confessionem Sancti Sacerdotis tui Dionysij memorabilem non tacere. Qui nec hæreticis prauitatibus, nec sæculi blandimentis à sui status rectitudine potuit immutari; sed in utrôque discrimine veritatis assertor firmitatem tuæ Fidei non reliquit. Et ideo debitæ pietatis obsequium exhibemus; quia potentiam tuam, Domine, cuius gratiâ talis extitit, in eius solemnitatibus prædicamus. Per Christum, Dominum nostrum.

Confract. Domine, quinque talenta mihi tradidisti; ecce alia quinque superlucratus sum. Euge serue bone, & fidelis; quia super pauca fuisti fidelis; supra multa te constituam; intra in gaudium Domini tui: Hallel.

Transit. Fidelis seruus, & prudens, quem constituit Dominus super familiam suam; vt det illis, in tempore, tritici mensuram: Hallel.

Oratio post Communionem:

Quæsumus, Domine, Deus noster: vt, intercedente Sancto Sacerdote, & Confessore tuo Dionysio, sacrosancta mysteria, quæ sumpsimus, actu subsequamur, & sensu. Per Dominum nostrum, Iesum Christum, Filium tuum: qui tecum viuunt, & regnat in vnitatem Spiritus Sancti Deus.

IN NATALI

6. S. PHILIPPI NERIJ CONF. SAC.
Maij. Ingressa.

Rd.
9.



Haritas Dei diffusa est
in cordibus nostris per
Spiritus Sanctum, qui
datus est nobis: Halle-
lûiah.

Gloria in excelsis Deo.

Oratio super populum.

Deus, qui Beatum Philippum
Confessorem tuum Sanctorum
tuorum gloriâ sublimasti, concede
propitius: vt, cuius solemnitate gau-
demus, eius virtutes imitemur. Per
Dominum nostrum.

Lectio Libri Sapientiae.

Cap.
7.

Optaui, & datus est mihi sensus;
& inuocaui, & venit in me Spi-
ritus sapientiae; & prapofui illam.
Regnis, & Sedibus, & diuitias nihil
esse duxi in comparatione illius: nec
comparaui illi lapidem pretiosum;
quoniam omne aurum in compara-
tione illius arena est exigua; & tan-
quam lutum aestimabitur argentum,
in conspectu illius. Super salutem,
& speciem dilexi illam, & proposui
pro luce habere illam; quoniam in-
extinguibile est lumen illius. Venē-
runt autem mihi omnia bona pari-
ter cum illa, & innumerabilis hone-
stas per manus illius; & lætatus sum
in omnibus; quoniam antecede-
bat me ista Sapientia, & ignorabam; quo-
niam horum omnium mater est.
Quam sine fictione didici, & sine in-
uidia communico; & honestatem il-
lius non abscondo. Infinitus enim
thesaurus est hominibus: quo, qui
vsi sunt, participes facti sunt amici-
tiae Dei propter disciplinæ dona,
commendati.

Psal.
37.

Psalmell. Venite filij, audite me; ti-
morem Domini docebo vos.

V. Accedite ad eum, & illuminami-

ni: & vultus vestri non erubescant.

Epistola Beati Pauli Apostoli
ad Corinthios prima.

Fratres. Si linguis hominum lo-
quar, & Angelorum: charitatem
autem non habeam, factus sum ve-
lut æsonans, aut cymbalum tinniens.
Et si habuero prophetiam: & noue-
rim mysteria omnia, & omnem scien-
tiam: Et si habuero omnem fidem;
ita vt montes transferam: charitatem
autem non habuero, nihil sum. Et si
distribuero in cibos pauperum om-
nes facultates meas: Et si tradidero
corpus meum; ita vt ardeam: chari-
tatem autem non habuero, nihil mi-
hi prodest. Charitas patiens est; be-
nigna est: Charitas non æmulatur;
non agit perperam; non inflatur.
Non est ambitiosa; non quærit, quæ
sua sunt; non irritatur; non cogitat
malum; non gaudet super iniquitate:
congaudet autem veritati.

Hallelûiah **V.** De excelsis misit ignem
in ossibus meis, & erudiuit me: Hall.
12.
13.



Lectio sancti Euangelij
secundum Lucam.

In illo tempore. Dixit Dominus
Iesus Discipulis suis. Sint lumbi
vestri præcincti, & lucernæ ardentes
in manibus vestris. Et vos similes
hominibus expectantibus Dominum
suum, quando reuertatur à nuptijs;
vt cum venerit, & pulsauerit, confe-
stim aperiant ei Beati serui illi, quos,
cum venerit Dominus, inuenerit vi-
gilantes. Amen dico vobis, quod
præcinget se, & faciet illos discum-
bere; & transiens ministrabit illis. Et
si venerit in secunda vigilia, & si in
tertia vigilia venerit, & ita inuene-
rit; beati sunt serui illi. Hoc autem
scitote; quoniam si sciret Paterfami-
lias, qua hora fur veniret, vigilaret
vtique, & non fineret perfodi do-
mum suam. Et vos estote parati;
quia,

quia, qua hora non putatis, filius hominis veniet.

Antiphona post Euangelium.

Benedic anima mea Dominum, & omnia interiora mea nomen sanctum eius: Hallel.

Oratio super sindonem.

Illo nos igne, quæsumus, Domine, Spiritus Sanctus inflammet: quo cor Beati Philippi Confessoris tui succendere voluisti, & mirabiliter dilatare. Per Dominum &c. in vnitatem eiusdem Spiritus Sancti Deus.

Offert. Viam mandatorum tuorum, cucurri, cum dilatares cor meum, Domine: Hallel.

Dicitur: Credo.

Oratio super oblatam.

Grata tibi sint, Domine, hodiernæ munera oblationis: quam Beati Philippi Confessoris tui meritum Sacerdotale commendat. Per Dominum nostrum.

Præfatio.

Æterne Deus: qui Beato Philippo, ut Sancti Spiritus, quas è Cælo hauserat flammæ continere posset, duabus elatis costis, amplioris æstuantis cordis sinum effecisti. Post hoc miraculum tuâ plenus gratiâ Philippus ingentibus Terras miraculis impleuit, antequam Cælo donares: Miraculorum autem omnium, quæ, te authore, edidit, maximum fuit miraculum tota eius vita, omnes mortalitatis humanæ limites supergressa. Nos itaque eximia Sacerdotis huius merita hodiernâ celebritate venerantes immensam Maiestatis tuæ potentiam confitemur. Et ideo cum Angelis.

Confract. Concaluit cor meum intra me: & in meditatione mea exardescet ignis: Hallel.

Transitor. Cor meum, & caro mea, exultauerunt in Deum viuum: Hall.

Oratio post Communionem.

Quæsumus, omnipotens Deus: ut per hæc Sacramenta, quæ sumpimus, intercedente Beato Sacerdote Philippo, doceas nos terrena contemnere, & amare cœlestia. Per Dominum.

S. SENATORIS EPISC. ET CONF. ^{18. Maij}
Missa de Communi Pontificis, & Confessoris: Sacerdos iste, pag. 9.

I N N A T A L I
SANCTORUM MARTYRUM
SISINIJ, MARTYRIJ,
ET ALEXANDRI.

^{29. Maij}

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est? Hallel.

Gloria in excelsis Deo.

Oratio super populum.

Exaudi Domine populum tuum toto tibi corde subiectum: & intercessionibus Beatorum Martyrum tuorum Sisini, Martyrii, & Alexandri à præsentibus defende periculis, & futuris. Per Dominum.

Epistola Beati Pauli Apostoli ad Corinthios secunda.

Fratres. Gratias Deo, qui semper triumphat nos in Christo Iesu, & odorem notitiæ suæ manifestat per nos in omni loco. Quia Christi bonus odor sumus Deo in ijs, qui salui fiunt, & in ijs, qui pereunt: alijs quidem odor mortis in mortem: alijs autem odor vitæ in vitam. Et ad hæc quis tam idoneus? Non enim sumus sicut plurimi, adulterantes Verbum Dei; sed ex sinceritate; sed sicut ex Deo, coram Deo, in Christi-

Cap. 3. Christo loquimur. Incipimus iterum nosmetipsos commendare? aut nunquid egemus (sicut quidam) commendatitijs epistolis ad vos, aut ex vobis? Epistola nostra vos estis, scripta in cordibus nostris, quæ scitur, & legitur ab omnibus hominibus; manifestati, quod epistola estis Christi, ministrata à nobis, & scripta: non atramento; sed Spiritu Dei viui: non in tabulis lapideis; sed in tabulis cordis carnalibus.

Halleluia.  Iustorum animæ in manu Dei sunt; & non tanget illos tormentum malitiæ: Hallel.

 **Lectio sancti Euangelij**
secundum Matthæum.

Cap. 18. **I**n illo tempore. Dixit Iesus Discipulis suis: Quid vobis videtur? Si fuerint alicui centum oves, & errauerit vna ex eis; nonne relinquit nonagintanouem in montibus, & vadit quærere eam, quæ errauit? Et si contigerit, vt inueniat eam; amen dico vobis, quia gaudet super eam magis, quàm super nonagintanouem, quæ non errauerunt. Sic non est voluntas ante Patrem vestrum, qui in cœlis est; vt pereat vnus de pusillis istis. Si autem peccauerit in te frater tuus; vade, & corripe eum inter te, & ipsum solum. Si te audierit; lucratus eris fratrem tuum. Si autem te non audierit, adhibe tecum adhuc vnum, vel duos; vt in ore duorum, vel trium testium stet omne verbum. Quod si non audierit eos; dic Ecclesiæ; si autem Ecclesiam non audierit; sit tibi sicut Ethnicus, & Publicanus. Amen dico vobis: Quæcunque alligaueritis super terram, erunt ligata, & in Cœlo: & quæcunque solueritis super terram, erunt soluta & in Cœlo. Iterum dico vobis, quia, si duo ex vobis consenserint super terram de omni re, quamcunque petierint,

fiet illis à Patre meo, qui in Cœlis est. Ubi enim sunt duo, vel tres congregati in nomine meo, ibi sum in medio eorum. Tunc accedens Petrus ad eum dixit: Domine, quoties peccabit in me frater meus, & dimittam ei? Usque septies? Dixit illi Iesus: Non dico tibi, Usque septies, sed vsque septuagies septies.

Antiphona post Euangelium:

Dominus amat iudicium; & non derelinquet Sanctos suos. In æternum conseruabuntur: adiuuabit eos, & liberabit eos à peccatoribus: Hallel. Psal. 36.

Oratio super sindonem.

Maiestati tuæ nos, quæsumus, Domine, Martyrum tuorum Sisinij, Martyrij, & Alexandri intercessio beata conciliet: vt, qui nostris actibus incessanter offendimus, istorum precibus expiemur. Per Dñm.

Offertor. Gloriabuntur in te omnes, qui diligunt nomen tuum; quoniam tu, Domine, benedices iustos: Domine, vt scuto bonæ voluntatis tuæ coronasti nos: Hallel. Psal. 135.

Dicitur: Credo.

Oratio super oblatam.

Suscipe, quæsumus, Domine mœnera tibi dignanter oblata: & Beatorum Martyrum tuorum Sisinij, Martyrij, & Alexandri suffragantibus meritis, ad nostræ salutis remedium prouenire concede. Per Dñm.

Præfatio.

Æterne Deus: Teque laudare mirabilem in Sanctis tuis Sisinio, Martyrio, & Alexandro. Quos ante Constitutionem mundi in æternam tibi gloriam præparasti; vt per eos mundo veritatis tuæ lumen ostenderes. Quos ita Spiritu veritatis armasti; vt fortitudinem mortis per infirmitatem carnis euincerent. Hi sunt Martyres, qui in Ecclesiæ præto, sicut rosæ, & lilia floruerunt. Quos

pius sanguis in prælio confessionis
roseo perfudit colore : & in præmio
passionis niueo liliorum flore vesti-
uit Iesus Christus, Dominus noster.
Quem vnà tecum.

Mat. 19. **Confractor.** Amen dico vobis, quòd
vos, qui reliquistis omnia, & secuti
estis me, centuplum accipietis, & vi-
tam æternam possidebitis: Hallel.

Psal. 150. **Transitor.** Laudate Deum in Sanctis
eius : laudate eum in firmamento
virtutis eius: Hallel.

Oratio post Communionem.

Diuino munere fatiati Maiesta-
tem tuam supplices exoramus,
omnipotens Deus : vt, intercessionibus
Sanctorum Martyrum tuorum,
Sisnii, Martyrij, & Alexandri, pro-
prijs careamus culpis, & tuis inhære-
re valeamus mandatis. Per Dñm.

IN NATALI SANCTORUM MARTYRUM CANTIJ, CANTIANI, ET CANTIANILLÆ.

**Fit Commemoratio Sanctæ Petro-
nillæ Virginis, quæ accipienda est e
Communi, pag. 19.**

Ingressa.



Stabunt iusti in ma-
gna constantia aduer-
sus eos, qui se angus-
tiauerunt. Quomodo
computati sunt inter
filios Dei, & inter San-
ctos fors illorum est?

Gloria in excelsis Deo.

Oratio super populum.

Populum tuum, Domine, perpe-
tua defensione conserua : nec dif-
ficulter, quod piè postulat, conse-
quatur, cui Sanctorum tuorum Can-
tianorum merita suffragantur. Per
Dominum nostrum, Iesum Christum,
Filium tuum: qui tecum viuit, & re-
gnat in vnitæte.

Epistola Beati Pauli Apostoli
ad Corinthios prima.

Fratres. Nos spiritum huius mun-
di non accepimus; sed Spiritum, ^{Cap. 2.}
qui ex Deo est; vt sciamus, quæ à
Deo donata sunt nobis. Quæ & lo-
quimur, non in doctis humanæ sa-
pientiæ verbis; sed in doctrina Spiri-
tus, spiritualibus spiritualia compa-
rantes. Animalis autem homo non
percipit ea, quæ sunt Spiritus Dei.
Stultitia enim est illi, & non potest
intelligere; quia spiritualiter exami-
natur. Spiritualis autem iudicat om-
nia, & ipse à nemine iudicatur. Quis
enim cognouit sensum Domini, aut
quis instruxit eum? Nos autem sen-
sum Christi habemus.

Halleluia. **ψ.** Iustorum animæ in ^{Sap. 3.}
manu Dei sunt; & non tanget illos
tormentum malitiæ: Hallel.

✠ **L**ectio sancti Euangelij
secundum Lucam.

In illo tempore. Dixit Dominus ^{Cap. 12.}
Iesus Discipulis suis: Attendite à
fermento Phariseorum, quod est
hypocrisis. Nihil enim opertum
est, quod non reuelètur: neque abs-
conditum, quod non sciatur. Quo-
niam, quæ in tenebris dixistis, in lu-
mine dicentur: & quod in aurem lo-
cuti estis in cubiculis, prædicabitur in
tectis. Dico autem vobis amicis meis:
Ne terreamini ab his, qui occidunt
corpus, & post hæc non habent am-
plius, quid faciant. Ostendam autem
vobis, quem timeatis: Timete eum,
qui, postquam occiderit habet pote-
statem mittere in Gehennam. Ita
dico vobis: Hunc timete. Nonne
quinque passeress veniunt dipondio,
& vnus ex illis non est in obliuione
coram Deo? Sed & capilli capitis ve-
stri omnes numerati sunt. Nolite ergo
timere; multis passeribus plaris estis
vos. Dico autem vobis: Omnis qui-
cun-

cunque confessus fuerit me coram hominibus, & Filius hominis confitebitur illum coram Angelis Dei.

Psalm. 144. **Antiphona post Euangelium.**

Sancti tui, Domine, benedicent te: gloriam Regni tui dicent, & potentiam tuam loquentur.

Oratio super sindonem.

Deus, qui Sanctorum tuorum Cantianorum gloriosi fecisti palmam florere certaminis, da nobis, quæsumus, Hostis nostri fortia superare tentamina: & quod nostris meritis non valemus accipere, ipsorum, quorum natalitia celebramus, precibus assequamur. Per Dominum.

Psalm. 5. **Offertor.** Gloriabuntur in te omnes, qui diligunt nomen tuum; quoniam tu, Domine, benedices iustos. Domine, ut scuto bonæ voluntatis tuæ coronasti nos.

Dicitur: Credo.

Oratio super oblatam.

Plebis tuæ, Domine, munera benignus intende: quæ Maiestatī tuæ in Sanctorum Martyrum tuorum Cantianorum solemnitatibus sunt dicata. Per Dominum nostrum.

Præfatio.

Per Christum, Dominum nostrum. Cuius pretiosus sanguis non solum pro nostræ captiuitatis redemptione effusus est; sed etiam Martyres suos in sui testimonij victoria imitatores efficere est dignatus. Tu namque, omnipotens Deus, eisdem Martyribus fidei tuæ constantiam, ut Hostem antiquum vincerent, contulisti. Et nos quoque famulos tuos, ope misericordiæ tuæ condonatos, Sanctorum Martyrum tuorum Cantianorum, quorum hodie lætamur triumphis, quæsumus, confortes efficias. Per eundem.

Mat. 19. **Confractor.** Amen dico vobis, quod vos, qui reliquistis omnia, & secuti

estis me, centuplum accipietis, & vitam æternam possidebitis.

Transitor. Laudate Deum in Sanctis *Psalm. 150.* eius: laudate eum in firmamento virtutis eius.

Oratio post Communionem.

Inuocantes nomen tuum, Domine, deprecamur; ut, qui Patres nostros, virtute tui nominis præeunte, angelicis pastibus refecisti: nos quoque intercessione Beatorum Martyrum tuorum Cantianorum mysticis dapibus foueas, & reformes. Per Dominum nostrum, Iesum Christum, Filium tuum: qui tecum viuit, & regnat.

FESTA IUNIJ.

SANCTORUM MARTYRUM
GRATIANI, ET FELINI. *1. Iun.*

Missa de Communi plurium Martyrum: Salus autem, pag. 8.

SANCTORUM MARTYRUM
PETRI, ET MARCELLINI. *2. Iun.*

Missa de Communi plurium Martyrum: Stabunt iusti, pag. 6.

S. QUIRINI EPISC. ET MART. *4. Iun.*
Missa de Communi Martyris Pontificis: Dedisti eum, pag. 4.

S. EUSTORGIJ EPISC. ET CONF. *6. Iun.*
Missa de Communi: Sacerdos iste, pag. 9.

SANCTI NORBERTI
EPISC. ET CONF. *7. Iun.*
Missa de Communi: Sacerdos iste, pag. 9.

SANCTORUM MARTYRUM
PRIMI, ET FELICIANI. *9. Iun.*
Missa de Communi plurium Martyrum: Stabunt iusti, pag. 6.

IN

IN F E S T O

11. Iun. S. BARNABÆ APOSTOLI
ET EPISC. MEDIOLAN.

Ingressa.

Psal.
36.



Ustus non conturbabitur; quia Dominus firmat manum eius. Totā die miseretur, & commodat; & semen eius in benedictione,

erit in æternum: dicit Dominus.

Gloria in excelsis Deo.

Oratio super populum.

Deus, qui Beatum Barnabam in prædicatione tuis Apostolis sociasti, tribue, quæsumus: ad eius nos peruenire consortium, cuius celebramus præsentī festiuitate triumphum. Per Dominum.

Lectio Actuum Apostolorum.

Cap.
11.

IN diebus illis. Multus numerus credentium Antiochiæ conuersus est ad Dominum. Peruēnit autem sermo ad aures Ecclesiæ, quæ erat Ierosolymis super istis: & miserunt Barnabam usque ad Antiochiā. Qui, cum peruēnisset, & uidisset gratiam Dei; gauisus est, & hortabatur omnes in proposito cordis permanere in Domino; quia erat vir bonus, & plenus Spiritu Sancto, & fide. Et apposita est multa turba Domino. Profectus est autem Barnabas Tharsum; ut quæreret Saulum. Quem cum inuenisset, perduxit Antiochiā: & annum totum conuersati sunt ibi in Ecclesia: & docuerunt turbam multam; ita ut cognominarentur primū Antiochiæ Discipuli, Christiani. Erant autem in Ecclesia, quæ erat Antiochiæ, Prophetæ, & Doctores: in quibus Barnabas, & Simon, qui vocatur Niger, & Lucius Cyrenensis, & Manahen, qui erat Herodis Tetrarchæ colactaneus, & Saulus. Ministrantibus autem illis Domino, & ieiunantibus,

Cap.
13.

dixit illis Spiritus Sanctus: Segregate mihi Saulum, & Barnabam in opus, ad quod assumpsi eos. Tunc ieiunantes, & orantes, imponentesque eis manus, dimiserunt illos.

Psal. 8. Gloria, & honore coronasti eum.

V. Domine, Dominus noster, quāmirabile est nomen tuum in vniuersa terra! Coronasti eum.

Epistola Beati Pauli Apostoli ad Colossenses.

FRatres. Audistis Euangelium, quod prædicatum est in vniuersa creatura, quæ sub cœlo est: cuius factus sum ego Paulus minister. Qui nunc gaudeo in passionibus pro vobis: & adimpleo ea, quæ defunt passionum Christi, in carne mea pro corpore eius, quod est Ecclesia. Cuius factus sum ego minister secundum dispensationem Dei, quæ data est mihi in vos; ut impleam verbum Dei; mysterium, quod absconditum fuit à sæculis, & generationibus; nunc autem manifestatum est sanctis eius. Quibus voluit Deus notas facere diuitias gloriæ sacramenti huius in Gentibus, quod est Christus, in vobis spes gloriæ. Quem nos annunciamus, corripientes omnem hominem, & docentes omnem hominem in omni sapientia; ut exhibeamus omnem hominem perfectum in Christo Iesu. In quo & laboro, certando secundum operationem eius, quam operatur in me in virtute.

Halleluia. **V.** Nimis honorandi sunt amici tui, Deus: valde confortatus est Principatus eorum: Hallel.

Lectio sancti Euangelij secundum Matthæum.

IN illo tempore. Dixit Dominus Iesus Discipulis suis: Euntes prædicate, dicentes; Quia appropinquauit Regnum Cœlorum. Infirmos curate,

Psal.
138.

Cap.
10.

rate, mortuos suscite, leprosos munda-
te, Dæmones eijcite: gratis accep-
istis, gratis date. Nolite possidere
aurum, neque argentum, neque pe-
cuniam in zonis vestris: non peram
in via, neque duas tunicas, neque
calceamenta, neque virgam; dignus
enim est operarius cibo suo. In
quacunque autem Ciuitatem, aut
Castellum intraueritis, interrogate,
quis in ea dignus sit: & ibi manete,
donec exeatis. Intrans autem in
domum, salutate eam, dicentes: Pax
huic domui. Et si quidem fuerit do-
mus illa digna; veniet pax vestra su-
per eam. Si autem non fuerit digna;
pax vestra reuertetur ad vos. Et qui-
cunque non receperit vos, neque au-
dierit sermones vestros; exeuntes for-
as de domo, vel Ciuitate, excutite
puluerem de pedibus vestris. Amen
dico vobis: Tolerabilius erit terræ
Sodomorum, & Gomorrhæorum in
die iudicii, quàm illi Ciuitati.

Antiphona post Euangelium.

^{Psalm.}
^{46.} **S**ubiécit populos nobis, & Gentes
sub pedibus nostris. Principes popu-
li conuenérunt cum Deo Abraham;
quoniam Dij fortes terræ nimium
eleuati sunt amici tui, Deus.

Oratio super sindonem.

Maiestatem tuam, Domine, sup-
pliciter deprecamur: vt, sicut
nos annuâ Beati Barnabæ Apostoli
veneratione lætificas; ita semper ip-
sius supplicatione defendas. Per Do-
minum nostrum.

^{Psalm.}
^{30.} **Offert.** In virtute tua, Domine, læta-
bitur iustus, & super salutare tuum
exultabit vehementer.

Dicitur: Credo.

Oratio super oblatam.

Oblata munera, quæsumus, Do-
mine, tua benedictione sancti-
fica: quæ, te donante, nos illâ flam-
mâ tuæ dilectionis accendant, per

quam Sanctus Barnabas tormenta
sui corporis vniuersa deuicit. Per
Dominum nostrum.

Præfatio.

Æterne Deus. Qui Apostolo-
rum Collegio tuâ gratiâ San-
ctum Barnabam aggregasti: magnifi-
cis meritò præconijs extollendum.
Hic namque terrenorum contemp-
tor, zelator cœlestium, ad pedes apo-
stolicos agri substernit pretium. Hic,
ex Septuagintaduobus Discipulis as-
sumptus in Apostolum, Antiochiæ,
Romæ, Mediolani semen Verbi tui
disseminans, Gentium multitudinem
Christi conuertit ad Fidem. Hic cor-
pus suum crebris vigilijs attenuat,
orationibus assiduis macerat, frequen-
tibus ieiunijs castigat: perspicuis mi-
raculis hic coruscat. Demum multis
pro tuo nomine quæsâtus, & attritus
supplicijs, felix migravit ad Regnum.
Et ideo cum Angelis.

Confract. **S**ubiécit populos nobis, & ^{Psalm.}
Gentes sub pedibus nostris. ^{46.}

Transit. **V**os, qui secuti estis me, ^{Mat.}
sedebitis super sedes, iudicantes duo- ^{19.}
decim Tribus Israel.

Oratio post Communionem:

Cœlestis mensæ dapibus recrea-
ti, quæsumus, omnipotens Deus:
vt, intercedente Beato Barnaba Apo-
stolo tuo, quod fideliter ore perce-
pimus, sincêra mente seruemus. Per
Dominum.

SANCTI ANTONIJ DE PADUA ^{13.}
SACERD. ET CONFESS. ^{Iun.}

Missa de Communi Confessoris Sacer-
dotis: Sacerdotes eius, pag. 14. **præ-**
terquam; vt infra.

Oratio super populum.

Ecclēsiā tuam, Deus, Beati An-
tonij Confessoris tui solemnitas
votiua lætificet: vt spiritualibus sem-
per muniatur auxilijs, & gaudijs per-
frui

frui mereatur æternis. Per Dominum nostrum.

Oratio super sindonem.

DEus, qui conspicias, quia ex nulla nostra virtute subsistimus, concede propitius: vt intercessione Beati Confessoris tui Antonij contra omnia aduersa muniamur. Per Dominum.

Oratio super oblatam.

PRæsens oblatio fiat, Domine, populo tuo salutaris: pro quo dignatus es Patri tuo te viuente hostiam immolare. Qui viuis, & regnas cum eodem Deo Patre, in vnitae.

Oratio post Communionem.

DIuinis, Domine, muneribus satiati quæsumus: vt Beati Antonij Confessoris tui meritis gloriosis salutaris victimæ desideratum sentiamus effectum. Per Dominum.

14. Iun. S. BASILIJ EPISC. ET CONF. Missa de Communi Doctoris Pontificis: In medio Ecclesiæ, pag. 12. præterquam; vt infra.

Oratio super populum.

PRæsta, quæsumus, omnipotens Deus: vt intercessione Beati Pontificis, atque Doctoris Basilij, qui asperioris vitæ studio floruit, & exemplo, ad salutarem christianæ mortificationis affectum perducamur. Per Dominum nostrum.

I N N A T A L I
S. VITI MARTYRIS.

Ingressa.

15. Iun. Psal. 36. **I**ustus non conturbabitur; quia Dominus firmat manum eius. Totâ die miseretur, & commodat; & semen eius in benedictione erit in æternum: dicit Dominus.

Gloria in excelsis Deo.

Oratio super populum.

DA Ecclesiæ tuæ, quæsumus, Domine, Sancto Vito intercedente, superbè non sapere, sed tibi placita humilitate proficere: vt proterua despiciens, quæcunque matura sunt, liberâ exerceat charitate. Per Dominum.

Commemoratio SS. Martyrum Modesti, & Crescentiæ.

PRætende nobis Domine misericordiam tuam, & esto populi tui defensor, & custos: vt Sanctorum tuorum Modesti, & Crescentiæ securo possimus gaudere consortio. Per Dominum.

Epistola Beati Pauli Apostoli ad Corinthios prima.

FRatres. Cùm essem paruulus, loquebar vt paruulus, sapiebam vt paruulus, cogitabam vt paruulus: quando autem factus sum vir, euacuaui, quæ erant paruuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam, sicut & cognitus sum. Nunc autem manent fides, spes, charitas, tria hæc: maior autem horum est charitas. Sectamini charitatem, æmulamini spiritalia; magis autem, vt prophetetis. Cap. 13.

Halleluia. ✠ Posuisti Domine in capite eius coronam de lapide pretioso: Hallel. Psal. 10.

✠ Lectio sancti Euangelij secundum Marcum.

IN illo tempore. Offerebant Domino Iesu paruulos; vt tangeret illos: Discipuli autem comminabantur offerentibus. Quos cùm videret Iesus, indignè tulit, & ait illis: Sinite paruulos venire ad me: & ne prohibueritis eos; talium enim est Regnum Dei. Amen dico vobis: Quisquis non receperit Regnum Dei ve-

Ee lut

lut paruulus, non intrabit in illud. Et complexans eos, & impōnens manus super illos, benedicebat eos.

Antiphona post Euangelium:

^{Psal.}
^{91.} **I**ustus, vt palma, florebit: sicut cedrus, quæ est in Libano, multiplicabitur.

Oratio super findonem.

Deus, qui nos Beati Viti Martyris tui meritis, & intercessione lætificas, concede propitius: vt, qui eius beneficia poscimus, dono tuæ gratiæ consequamur. Per Dominum.

Commemoratio SS. Modesti, & Crescentiæ.

Deus, qui Sanctis tuis copiosa fide pugnantis certaminis gloriam tribuisti, annue, quæsumus: vt eam in nobis suis patrocinijs operentur, quam sibi præstitam, per tuam gloriam didicerunt. Per Dominum.

^{Psal.}
^{20.} **O**ffert. In virtute tua, Domine, lætabitur iustus, & super salutare tuum exultabit vehementer. Desiderium cordis eius tribuisti ei, Domine.

Dicitur: Credo.

Oratio super oblatam.

Maiestatem tuam suppliciter imploramus, omnipotens Deus: vt, sicut gloriam diuinæ potentiæ munera pro Sanctis oblata testantur, sic nobis effectum tuæ saluationis impendant. Per Dominum.

Commemoratio SS. Modesti, & Crescentiæ.

Munera tibi, Domine, nostræ deuotionis offerimus: quæ & pro tuorum tibi grata sint honore iustorum, & nobis salutaria, te miserante, reddantur. Per Dominum.

Præfatio.

Æterne Deus: Beati Viti martyrio gloriantes. Cui admirandâ gratiâ in tenero adhuc corpore virtutem fidei, & patientiæ fortitudinem tribuisti: vt sæuitiæ perse-

cutoris non cederet constantia puerilis. Quæ inter acerba supplicia nec sensu potuit terreri, nec frangi ætate; vt gloriosior fieret eius corona martyrij. Et ideo cum Angelis.

Confract. In salutari tuo anima mea, & in verbis tuis speraui. Quando facies de persequentibus me iudicium? Iniqui persecuti sunt me; adiuua me, Domine, Deus meus.

Transitor. Magna est gloria eius in salutari tuo, Domine. ^{Psal.}
^{118.}

Oratio post Communionem.

Refecti, Domine, benedictione, solemni, quæsumus: vt per intercessionem Sancti Viti medicina, sacramenti, & corporibus nostris proficit, & mentibus. Per Dominum.

Commemoratio SS. Modesti, & Crescentiæ.

Hæc nos communio, Domine, purget à crimine: & intercedentibus Sanctis Martyribus tuis Modesto, & Crescentia, coelestis remedij faciat esse consortes. Per Dñm.

SANCTORUM MARTYRUM MARCI, ET MARCELLIANI. ^{17.}
^{Iun.}

Missa de Communi plurium Martyrum: Salus autem iustorum, pag. 8.

IN VIGILIA SANCTORUM MARTYRUM PROTASII, ET GERVASII. ^{18.}
^{Iun.}

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Non dicitur: Gloria in excelsis Deo.

Oratio super populum.

Beatorum Martyrum tuorum Protasij, & Gervasij, Domine, natalitia

litia praeuntes, supplices te rogamus: vt, quos coelesti gloria sublimasti, fidelibus tuis adesse concedas. Per Dominum nostrum.

Lectio Libri Sapientiae.

Iusti in perpetuum viuent, & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini; quoniam dexteram suam teget eos, & brachio sancto suo defendet illos. Accipiet Armaturam zelus illius, & armabit creaturam ad ultionem inimicorum. Induet pro thorace iustitiam: & accipiet pro galea iudicium certum: sumet scutum inexpugnabile, æquitatem.

Cantus: Ecce quàm bonum, & quàm iucundum, habitare fratres in vnum.



Lectio sancti Euangelij secundum Lucam.

In illo tempore. Dixit Dominus Iesus Discipulis suis: Cum audieritis praelia, & seditiones; nolite terri. Oportet primum hæc fieri; sed nondum statim finis. Tunc dicebat illis: Surget gens contra gentem, & Regnum aduersus Regnum: & terramotus magni erunt per loca, & pestilentiae, & fames, terroresque de coelo, & signa magna erunt. Sed ante hæc omnia inicient vobis manus suas, & persequentur, tradentes in Synagogas, & custodias, trahentes ad Reges, & Praefides propter nomen meum. Continget autem vobis in testimonium. Ponite ergo in cordibus vestris non praemeditari, quemadmodum respondeatis. Ego enim dabo vobis os, & sapientiam, cui non poterunt resistere, & contradicere omnes aduersarii vestri. Trademini autem a parentibus, & fratribus, & cognatis, & amicis, & morte afficient ex vobis. Et eritis odio omnibus

propter nomen meum. Et capillus de capite vestro non peribit. In patientia vestra possidebitis animas vestras.

Oratio super sindonem.

Sanctorum Martyrum tuorum, nos, Domine, Protasij, & Geruasij confessio beata communiat: & fragilitati nostrae subsidium dignanter exoret. Per Dominum.

Offert. Gloriabuntur in te omnes, qui diligunt nomen tuum; quoniam tu benedices iustos. Domine, vt scuto bonae voluntatis tuae coronasti nos.

Non dicitur: Credo.

Oratio super oblatam.

Sacrificium, Domine, quod pro Sanctis Martyribus tuis Protasio, & Geruasio praeuenit nostra deuotio: eorum merito nobis augeat, te donante, suffragium. Per Dominum.

Praefatio.

Aterne Deus. Qui licet in omnium Sanctorum tuorum sis protectione mirabilis; in his tamen Beatissimis Martyribus tuis Protasio, & Geruasio speciale tuum munus agnoscimus. Quos, fratres forte nascendi, magnifica praestitisti passione germanos: vt simul essent & veneranda Genitricis, & florentissimae proles Ecclesiae. Per Christum, Dominum.

Confract. Amen dico vobis, quod vos, qui reliquistis omnia, & secuti estis me, centuplum accipietis, & vitam aeternam possidebitis.

Transit. Laudate Deum in Sanctis eius: laudate eum in firmamento virtutis eius.

Oratio post Communionem.

Da, quaesumus, omnipotens Deus: vt mysteriorum virtute coelestium, intercedentibus Beatis Martyribus Protasio, & Geruasio, vita nostra firmetur. Per Dominum.

I N F E S T O
SANCTORUM MARTYRUM
PROTASIJ, ET GERVASIJ.

Ingressa.

19.
Iun.



Onos medicos habentes patriæ nostræ, gaudete fratres, Beatos Protasium, & Geruasium Martyres Domini, & Ambrosium: qui suis sanctis intercessionibus à malis omnibus liberauerunt nos.

Gloria in excelsis Deo.

Oratio super populum.

Adesto Domine supplicationibus nostris, quas in Beatissimorum Martyrum tuorum Protasij, & Geruasij commemoratione deferimus: vt, qui nostræ iustitiæ fiduciam non habemus, eorum, qui tibi placuerunt, meritis, & intercessionibus adiuuemur. Per Dominum.

Lectio; vt in Vigilia.

Psal.
132.

Psalme. Ecce, quàm bonum, & quàm iucundum, habitare fratres in vnum.

V. Sicut vnguentum in capite, quod descendit in barbam, in barbam, Aaron

Epistola Beati Pauli Apostoli ad Ephesios.

cap.
3.

Fratres. Cùm essetis mortui delictis, & peccatis vestris, in quibus aliquando ambulastis secundum sæculum mundi huius, secundum Principem potestatis aeris huius, spiritus, qui nunc operatur in filios diffidentiae, in quibus & nos omnes aliquando conuersati sumus in desideriis carnis nostræ, facientes voluntatem carnis, & cogitationum; & eramus naturâ filij iræ, sicut & cæteri. Deus autem (qui diues est in misericordia) propter nimiam charitatem suam, qua dilexit nos, & cum essemus mortui peccatis, conuiuificauit nos in Christo (cuius gratiâ estis sal-

uati) & conresuscitauit, & confedere fecit in coelestibus in Christo Iesu; vt ostenderet in sæculis superuenientibus abundantes diuitias gratiæ suæ, in bonitate super nos in Christo Iesu. Gratiâ enim estis saluati per fidem (& hoc non ex vobis; Dei enim donum est) non ex operibus; vt ne quis gloriatur; Ipsius enim sumus factura, creati in Christo Iesu in operibus bonis: quæ præparauit Deus; vt in illis ambulemus.

Hallelûiah. V. Plantati in domo Domini, in atrijs domus Dei nostri floreant: Hallelûiah.



Lectio sancti Euangelij secundum Lucam.

In illo tempore. Dixit Dominus Iesus Discipulis suis: Attendite à fermento Phariseorum, quod est hypocrisis. Nihil enim opertum est, quod non reueletur: neque absconditum, quod non sciatur. Quoniam, quæ in tenebris dixistis, in lumine dicentur: & quod in aurem locuti estis in cubiculis, prædicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent ampliùs, quid faciant. Ostendam autem vobis, quem timeatis: Timete eum, qui, postquam occiderit, habet potestatem mittere in Gehennam. Ita dico vobis: Hunc timete. Nonne quinque passeret veneunt dipondio, & vnus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere; multis passeribus pluri estis vos. Dico autem vobis: Omnis qui cunque confessus fuerit me coram hominibus, & Filius hominis confitebitur illum coram Angelis Dei.

Antiphona post Euangelium.

Vos estis vasa sancta Domino, ex auro fulgente ante Dominum; quia sponte

sponte obtulistis Domino Deo animas vestras in æternum, & in sæculum sæculi.

Oratio super sindonem.

Presta, quæsumus, omnipotens Deus; vt nos geminata lætitia hodiernæ festiuitatis excipiat: quæ de Beatorum Martyrum tuorum Protasij, & Geruasij glorificatione procedit, quos eadem fides, & passio verè fecit esse germanos. Per Dñm.

Offert. Quoniam ad te orabo, Domine, manè; & exaudies vocem meam. Domine, vt scuto bonæ voluntatis tuæ coronasti nos.

Dicitur: Credo.

Oratio super oblatam.

Atten de munera, quæsumus, Domine, altaribus tuis pro Beatorum Martyrum tuorum Protasij, & Geruasij commemoratione proposita: vt, sicut per hæc beata mysteria illis gloriam contulisti; ita nobis indulgentiam largiaris. Per Dñm.

Præfatio.

Æterne Deus. Qui militibus tuis, pro tui nominis amore certantibus, virtutem fidei contulisti. Inter quos & pios fratres Protasium, & Geruasium aggregare dignatus es: quos Pater dudum præcefferat, adeptus martyrij palmam. Hi sunt, qui, vexillo cœlesti signati, victricia Apostoli arma sumpserunt: & à munda- nis nexibus absoluti, nequissimi Hostis vitiorum aciem prosterntes, liberi, & expediti Christum Dominum sunt secuti. O quàm felix germanitas, quæ, sacris inhærendo elo- quijs, nullo potuit interpolâri conta- gio! O quàm gloriosa certaminis causa, vbi pariter coronantur, quos vnus vterus maternus effudit! Pro quorum triumphis & foecundissima Mater lætatur Ecclesia, quæ per Bea- tum Ambrosium tales meruit filios

reperire, qui sibi conferant signa virtutum, & gloriam. Per eundem Christum, Dominum nostrum.

Confract. Signa eos, qui crediderint, hæc sequentur: Dæmonia eiicient: super ægros manus impōnent; & bene habebunt.

Transit. Isti sunt, qui pro Testamen- to Dei sua corpora tradiderunt, & in sanguine Agni lauērunt stolas suas. Congregamini omnes, qui timetis Deum: & videte, quantam gloriam dedit Dominus Sanctis suis.

Oratio post Communionem.

Quos donis cœlestibus fatiasti, Sanctorum Martyrum tuorum Protasij, & Geruasij Domine defende præsidijs: vt à noxijs omni- bus expediti post salutaria tua toto corde curramus. Per Dominum.

S. IULIANI MARTYRIS.

Missæ de Comuni Martyris: Iustus non conturbabitur, pag. 3. præter- quam; vt infra.

Oratio super populum.

Concede, quæsumus, omnipotens Deus: vt, qui triumphum lau- dabilem Beati Martyris tui Iuliani recolimus; digna ipsius sectando ve- stigia, gaudiorum eius effici merea- mur participes. Per Dominum.

Oratio super sindonem.

Presta, quæsumus, omnipotens, & misericors Deus: vt, sicut Bea- tum Iulianum coniugali thoro socia- tum virginitatis cultu decorasti; ita & nos famulos tuos per eius inter- cessionis auxilium à fordibus pecca- torum abluas, & corda nostra clari- tate tuæ gratiæ illustres. Per Dñm.

Oratio super oblatam.

Accepta tibi sint, quæsumus, Do- mine, munera, quæ in die solem- nitatis Beati Martyris tui Iuliani de- ferimus: & ita Maiestati tuæ sint pla-

cita; sicut illius effusio sanguinis apud te extitit pretiosa. Per Dominum.

Oratio post Communionem.

Omnipotens, & misericors Deus, qui athletam tuum Iulianum, tormenta horrida superare fecisti, concede: ut, qui eius triumphum diem annum celebramus, insuperabiles tua protectione ab Hostis insidijs maneamus. Per Dominum.

22. Iun. S. PAULINI EPISC. ET CONF.

Missa de Communi: Elegit te Dominus, pag 11.

IN VIGILIA

23. Iun. S. IOANNIS BAPTISTÆ.

Ingressa.

Psalm. 96.



Ultus non conturbabitur; quia Dominus firmat manum eius. Totam die miseretur, & commodat; & semen eius in benedictione

erit in æternum: dicit Dominus.

Non dicitur: Gloria in excelsis Deo.

Oratio super populum.

Virtutum coelestium Deus, qui annua Beati Ioannis Baptistæ solemnia nobis frequentare concedis, præsta, quæsumus: ut per te securis eadem mentibus celebremus; & eius patrocinio promerente, plenæ capiamus securitatis augmentum. Per Dominum.

Lectio Ieremiæ Prophetæ.

Cap. 1. **I**n diebus illis. Factum est Verbum Domini ad me, dicens: Priusquam te formarem in utero, noui te: & antequam exires de vulua, sanctificaui te: & Prophetam in Gentibus dedi te. Et dixi: Ah, ah, ah, Domine Deus, ecce nescio loqui; quia puer ego sum. Et dixit Dominus ad me: Noli dicere, Puer sum; quoniam ad omnia, quæ mittam te, ibis; & uni-

uersa, quæcunque mandauero tibi, loquæris. Ne timeas à facie eorum; quia tecum ego sum, ut eruam te: dicit Dominus. Et misit Dominus manum suam, & tetigit os meum, & dixit Dominus ad me: Ecce dedi verba mea in ore tuo: ecce constitui te hodie super Gentes, & super Regna; ut euellas, & destruas, & disperdas, & dissipēs, & ædifices, & plantes. Dicit Dominus omnipotens.

Cant. Leuaui oculos meos ad montes, unde veniet auxilium mihi.

Lectio sancti Euangelij secundum Lucam.

Fuit in diebus Herodis, Regis Iudææ, Sacerdos quidam, nomine Zachariæ, de vice Abiæ: & uxor illius de filiabus Aaron, & nomen eius Elisabeth. Erant autem iusti ambo ante Deum, incedentes in omnibus mandatis, & iustificationibus Domini sine querela. Et non erat illis filius; eo quod esset Elisabeth sterilis, & ambo processissent in diebus suis. Factum est autem; cum Sacerdotio fungeretur Zachariæ in ordine vicis suæ ante Deum; secundum consuetudinem Sacerdotij, forte exijt; ut incensum poneret ingressus in Templum Domini: & omnis multitudo populi erat orans foris horam incensi. Apparuit autem illi Angelus Domini, stans à dextris Altaris incensi. Et Zachariæ turbatus est, videns: & timor irruit super eum. Ait autem ad illum Angelus: Ne timeas Zachariæ; quoniam exaudita est deprecatio tua; & uxor tua Elisabeth pariet tibi filium, & vocabis nomen eius Ioannem; & erit gaudium tibi, & exultatio, & multi in natiuitate eius gaudebunt. Erit enim magnus coram Domino; & vinum, & siceram non bibet; & Spiritu Sancto replebitur adhuc ex utero matris suæ. Et

Et multos filiorum Israel conuertet ad Dominum Deum ipsorum. Et ipse præcedet ante illum in spiritu, & virtute Eliæ: vt conuertat corda patrum in filios, & incredulos ad prudentiam iustorum, parare Domino plebem perfectam.

Oratio super sindonem.

BEati Ioannis Baptistæ nos, quæsumus, Domine, præclara comite-
tur oratio: &, quem venturum esse prædixit, poscat nobis habere placatum. Qui tecum viuit, & regnat.

Offert. In virtute tua, Domine, lætatur iustus, & super salutare tuum, exultabit vehementer. Desiderium cordis eius tribuisti ei, Domine.

Non dicitur: Credo.

Oratio super oblatam.

Tua, Domine, altaria muneribus cumulamur, illius natiuitatem, honore debito celebrantes: qui Saluatorem mundi & cecinit affuturum, & adesse monstrauit. Qui tecum.

Præfatio.

Aterne Deus: Exhibentes solemne ieiunium, quo Beati Ioannis Baptistæ natalitia præuenimus. Cuius Genitor, dum eum dubitat nasciturum, sermonis amisit officium: &, eo nascente, & sermonis vsum, & prophetiæ suscepit donum. Cuius etiam Genitrix, senio confecta, sterilitate mulctata, in eius conceptu non solum sterilitatem amisit, fecunditatem acquisiuit; sed etiam, Spiritum Sanctum, quo Matrem Domini, & Saluatoris agnosceret, accepit. Per quem Maiestatem tuam.

Confract. In salutari tuo anima mea, & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in salutari tuo, Domine.

Oratio post Communionem.

SAncti nos, quæsumus, Domine, Ioannis Baptistæ oratio & assequi faciat semper mente, quæ gerimus: & debitæ seruitutis actione sectari. Per Dominum.

I N F E S T O
S. IOANNIS BAPTISTÆ.

Ingressa.

Piritu Sancto replebitur Puer ex vtero matris suæ: & multi in natiuitate eius gaudebunt; erit enim magnus coram Domino.

Gloria in excelsis Deo.

Oratio super populum.

DEus, qui præsentem diem nobis honorabilem in Beati Ioannis natiuitate fecisti: da populis tuis spiritualium gratiam gaudiorum; & omnium fidelium mentes dirige in viam salutis, & pacis. Per Dominum.

Lectio; vt supra in Vigilia.

Pfalmell. Priusquam te formarem in vtero, noui te: &, antequam exires de ventre, sanctificaui te.

Ps. Misit Dominus manum suam, & tetigit os meum.

Epistola Beati Pauli Apostoli ad Galatas.

FRatres. Notum vobis facio Evangelium, quod euangelizatum est à me; quia non est secundum hominem. Neque enim ego ab homine accēpi illud, neque didici; sed per reuelationem Iesu Christi. Audistis enim conuersationem meam aliquando in Iudaismo: quoniam supra modum persequabar Ecclesiam Dei, & expugnabam illam: & proficiebam in Iudaismo supra multos coætaneos meos in genere meo, abundantius æmulator existens paternarum mearum traditionum. Cū autem placuit

cuit ei, qui me segregauit ex vtero matris meæ, & vocauit per gratiam suam; vt reuelaret Filium suum in me; vt euangelizarem illum in Gentibus; continuò non acquiëui carni, & sanguini; neque veni Ierosolymam ad antecessores meos Apostolos; sed abij in Arabiam, & iterum reuersus sum Damascum. Deinde post annos tres veni Ierosolymam videre Petrum: & mansi apud eum diebus quindecim. Alium autem Apostolorum vidi neminem, nisi Iacobum, fratrem Domini.

Mat. 23. **Hallelûiah.** **Ps.** Inter natos mulierum non surrexit maior Ioanne Baptista. Maior Prophetis, & minor Angelis: Hallelûiah.

✠ **Lectio sancti Euangelij**
secundùm Lucam.

Cap. 1. **E**lisabeth impletum est tempus pariendi: & peperit filium. Et audierunt vicini, & cognati eius; quia magnificauit Dominus misericordiam suam cum illa; & congratulabantur ei. Et factum est: in die octauo venerunt circumcidere puerum, & vocabant eum nomine patris sui, Zachariam. Et respondens mater eius dixit: Nequaquam; sed vocabitur Ioannes. Et dixerunt ad illam: quia nemo est in cognatione tua, qui vocetur hoc nomine. Innuebant autem patri eius, quem vellet vocari eum. Et postulans pugillarem, scripsit, dicens: Ioannes est nomen eius. Et mirati sunt vniuersi. Apertum est autem illico os eius, & lingua eius; & loquebatur benedicens Deum. Et factus est timor super omnes vicinos eorum: & super omnia montana Iudææ diuulgabantur omnia verba hæc. Et posuerunt omnes, qui audierant, in corde suo, dicentes: Quis, putas, puer iste erit? Etenim manus Domini erat cum illo.

Et Zacharias pater eius repletus est Spiritu Sancto, & prophetauit, dicens: Benedictus Dominus, Deus Israel; quia visitauit, & fecit redemptionem plebis suæ.

Antiphona post Euangelium.

Seruiamus illi in sanctitate, & iustitia coram ipso omnibus diebus nostris. Et tu, puer, Propheta Altissimi vocaberis. Præibis enim ante faciem Domini, parare vias eius.

Oratio super sindonem.

Beati Ioannis Baptistæ nos, quæsumus, Domine, præclara comitetur oratio: &, quem venturum esse prædixit, poscat nobis habere placatum. Qui tecum viuit, & regnat.

Offert. Priusquam te formarem in ^{ter} vtero, noui te: & antequam exires de ventre, sanctificaui te: & Prophetam in Gentibus posui te.

Dicitur: Credo.

Oratio super oblatam.

Respice Domine ad hæc munera, quæ, te sanctificante, sacramus: vt, sicut Beatus Ioannes Baptista factus est præcursor, & præparator viæ Domini nostri, Iesu Christi; ita & pro nostris infirmitatibus, te protegente, intercessor existat. Per eundem.

Præfatio.

Æterne Deus: Et in die festiuitatis hodiernæ, quo Beatus Ioannes Baptista exortus est, exultare. Qui vocem Matris Domini nondum editus sensit: & adhuc clausus vtero aduentum salutis humanæ prophetica exultatione monstrauit. Qui & Genitricis sterilitatem absterisit conceptus, & Patris linguam natus absoluit: solusque omnium Prophetarum Redemptorem mundi, quem prænunciauit, ostendit. Hic est enim ille, cui nomen, & antequam conciperetur, dedisti: &, quem Spiritu Sancto, priusquam nasceretur, implesti.

plesti. Dignè natalis eius hodie solemnia recensémus. Dignè inter natos mulierum maior nemo apparuit. Qui Deum, hominemque perfectum, Filium tuum, Iesum Christum, Dominum nostrum & prædicare meruit, & euidenter ostendere. Quem laudant Angeli.

Confract. **E**cce: vt facta est salutatio Beatæ Mariæ in auribus meis; exultauit infans in vtero meo.

Transitor. **N**azaræus vocabitur puer iste: vinum, & ficeram non bibet, & omne immundum non manducabit ex vtero matris suæ.

Oratio post Communionem.

TRibue, quæsumus, omnipotens Deus; vt, sicut nos donis celestibus fatias; ita in Beati Ioannis Baptistæ natiuitate defendas præsidij: vt, quod ille de Filij tui natiuitate prædicauit, nobis profit ad salutem. Per eundem Dominum.

S. FEBRONIÆ VIRG. ET MART.
Missa de Communi: Feci iudicium,
pag. 17.

IN NATALI SANCTORUM MARTYRUM IOANNIS, ET PAULI.

Ingressa.

STabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

DEfende, quæsumus, Domine, plebem tuam, in sola tuæ misericordiæ venia confidentem: &, interuenientibus Sanctis Martyribus tuis Ioanne, & Paulo, quicquid ei-

dem debetur pro castigatione delicti, transeat ad consolationis effectum. Per Dominum nostrum.

Epistola Beati Pauli Apostoli ad Thessalonicenses prima.

FRatres. Gratias agimus Deo semper pro omnibus vobis: memoriam vestri facientes in orationibus nostris sine intermissione: memores operis fidei vestræ, & laboris, & caritatis, & sustinentiæ spei Domini nostri, Iesu Christi, ante Deum, & Patrem nostrum: scientes, fratres dilecti à Deo, electionem vestram. Quia Euangelium nostrum non fuit ad vos in sermone tantum; sed & in virtute, & in Spiritu Sancto, & in plenitudine multa; sicut scitis, quales fuerimus in vobis propter vos. Et vos imitatores nostri facti estis, & Domini excipientes verbum in tribulatione multa, cum gaudio Spiritus Sancti; ita vt facti sitis forma omnibus credentibus in Macedonia, & in Achaia. A vobis enim diffamatus est sermo Domini: non solum in Macedonia, & in Achaia; sed & in omni loco fides vestra, quæ est ad Deum, profecta est; ita vt non sit nobis necesse quicquam loqui. Ipsi enim de nobis annunciant, qualem introitum habuerimus ad vos: & quomodo conuersi estis ad Deum à simulacris, seruire Deo viuo, & vero, & expectare Filium eius de cœlis (quem suscitauit ex mortuis) Iesum, qui eripuit nos ab ira ventura.

Halleluia. **Ps.** Pretiosa in conspectu Domini mors Sanctorum eius: Halleluia.



Lectio sancti Euangelij secundum Matthæum.

IN illo tempore. Accessit ad Dominum Iesum mater filiorum Zebedæi cum filiis suis, adorans, & petens aliquid ab eo. Qui dixit ei: Quid vis?

vis? Ait illi: Dic, vt sedeant hi duo filij mei; vnus ad dexteram tuam, & vnus ad sinistram in Regno tuo. Respondens autem Iesus, dixit: Nescitis, quid petatis: Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis; sedere autem ad dexteram meam, vel sinistram, non est meum dare vobis; sed, quibus paratum est à Patre meo. Et audientes Decem, indignati sunt de duobus fratribus. Iesus autem vocauit eos ad se, & ait: Scitis, quia Principes Gentium dominantur eorum: &, qui maiores sunt, potestatem exercent in eos? Non ita erit inter vos; sed quicumque voluerit inter vos maior fieri, sit vester minister; &, qui voluerit inter vos primus esse, erit vester seruus; sicut Filius hominis non venit ministrari; sed ministrare, & dare animam suam redemptionem, pro multis.

Antiphona post Euangelium.

^{10.} ^{15.} **I**am non dicam vos seruos; quia seruus nescit, quid faciat Dominus eius. Vos autem dixi amicos; quia omnia, quaecunque audiui à Patre meo, nota feci vobis.

Oratio super sindonem.

Beatorum Martyrum tuorum Ioannis, & Pauli natalitia veneranda, quæsumus, Domine, Ecclesia tua deuota suscipiat; & fiat magnæ glorificationis amore deuotior. Per Dñm.

Offert. Hæc est vera fraternitas, quæ vicit mundi crimina: Christum secuta est, inclyta tenens Regna Cœlestia.

Dicitur: Credo.

Oratio super oblatam.

Sint tibi, Domine, quæsumus, nostri munera grata mysterij: quia tunc eadem in Sanctorum Martyrum tuorum Ioannis, & Pauli dignâ commemoratione deferimus; si & actus

illorum pariter subsequamur. Per Dominum nostrum.

Præfatio.

Æterne Deus. Beati enim Martyres tui Ioannes, & Paulus, quorum festa prædicamus, veraciter impleuerunt, quod Daudica voce, canitur: Ecce, quàm bonum, & quàm iucundum habitare fratres in vnum. Nascendi lege consortes, fidei societate coniuncti, passionis æqualitate, confimiles, in vno semper Domino gloriosi, quem pariter confessi sunt: permanentes cum Angelis gloriam tuam concinunt, sine cessatione dicentes: Sanctus.

Confract. Amen dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis. ^{Mat. 19.}

Transit. Laudate Deum in Sanctis eius, laudate eum in firmamento virtutis eius. ^{Psal. 150.}

Oratio post Communionem.

Sumpta munera, Domine, nostræ sanctificationi tuorum precibus concede Sanctorum. Per Dominum.

IN VIGILIA SANCTORUM APOSTOLORUM PETRI, ET PAULI. ^{18. Iun.}

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est? ^{Sap. 1.}

Non dicitur: Gloria in excelsis Deo.

Oratio super populum.

Familiam tuam Domine propitius intuere, & Apostolicis foue præfidijs: vt eorum precibus gubernetur, quibus nititur, te constituyente, Principibus. Per Dominum.

Lectio

Lectio Actuum Apostolorum.

Cap.
12.

IN diebus illis. Misit Herôdes Rex Manus; vt affligeret quosdam de Ecclesia. Occidit autem Iacobum, fratrem Ioannis gladio. Videns autem, quia placêret Iudæis, apposuit apprehendere & Petrum. Erant autem dies Azymorum. Quem cum apprehendisset; misit in carcerem, tradens quatuor quaternionibus militum custodiendum, volens post Pascha producere eum populo. Et Petrus quidem seruabatur in carcere: oratio autem fiebat sine intermissione ab Ecclesia ad Deum pro eo. Cum autem producturus eum esset Herôdes; in ipsa nocte erat Petrus dormiens inter duos milites, vinctus catenis duabus; & custodes ante ostium custodiebant carcerem. Et ecce Angelus Domini astitit, & lumen refulsit in habitaculo: percussioque latere Petri, excitauit eum, dicens: Surge velociter. Et ceciderunt catenæ de manibus eius. Dixit autem Angelus ad eum: Præcingere, & calcea te caligas tuas. Et fecit sic. Et dixit illi: Circunda tibi vestimentum tuum, & sequere me. Et exiens sequebatur eum: & nesciebat, quia verum est, quod fiebat per Angelum; existimabat autem, se visum videre. Transientes autem primam, & secundam custodiam, venerunt ad portam ferream, quæ ducit ad Ciuitatem: quæ vltro aperta est eis. Et exeuntes processerunt vicum vnum: & continuo discessit Angelus ab eo. Et Petrus, ad se reuersus, dixit: Nunc scio verè, quia misit Dominus Angelum suum, & eripuit me de manu Herôdis, & de omni expectatione plebis Iudæorum.

Psalm.
123.

Cant. Nisi quòd Dominus erat in nobis: dicat nunc Israel, Nisi quòd Dominus erat in nobis.

Lectio sancti Euangelij
secundum Matthæum.

IN illo tempore. Venit Dominus Iesus in partes Cæsariæ Philippi: & interrogabat Discipulos suos, dicens: Quem dicunt homines esse Filium hominis? At illi dixerunt: Alij Ioannem Baptistam: alij autem, Eliam: alij verò Ieremiam, aut vnum ex Prophetis. Dicit illis Iesus: Vos autem quem me esse dicitis? Respondens Simon Petrus dixit: Tu es Christus, Filius Dei viui. Respondens autem Iesus dixit ei: Beatus es Simon Bar-Iôna; quia caro, & sanguis non reuelauit tibi; sed Pater meus, qui in cœlis est. Et ego dico tibi: quia tu es Petrus, & super hanc Petram ædificabo Ecclesiam meam; & portæ Inferi non præualebunt aduersus eam. Et tibi dabo claues Regni Cœlorum: & quodcunque ligaueris super terram, erit ligatum & in Cœlis: & quodcunque solueris super terram, erit solutum & in Cœlis.

Oratio super sindonem.

EXaudi nos Deus, salutaris noster: & Beatorum Apostolorum tuorum Petri, & Pauli tuere præsidij, quorum donasti fideles esse doctrinis. Qui viuis, & regnas.

Offert. Gloriabuntur in te omnes, qui diligunt nomen tuum; quoniam tu benedices iustos, Domine, vt scuto bonæ voluntatis tuæ coronasti nos.

Non dicitur: Credo.

Oratio super oblatam:

Mulnera supplices, Domine, tuis altaribus adhibemus: vt quantum de nostro merito sumus formidantes; tantum Beatorum Apostolorum Petri, & Pauli, pro quorum solemnitatibus offeruntur, intercessione gloriemur. Per Dominum nostrum, Iesum Christum, Filium tuum: qui tecum.

Præ

Præfatio.

Aterne Deus. Apud quem licet Beatorum Apostolorum Petri, & Pauli continuata festiuitas, & æterna celebritas, atque triumphus celestis perpetuus sit natalis; nobis tamen, beatæ confessionis initia recolentibus, celebriori tribuis deuotione gaudere: vt annuus honor, sacratissimæ passioni repensus, maiorem nobis retributionis gratiam largiatur. Per Christum.

Io. 15. Confract. Ego elégi vos de mundo; vt eatis, & fructum plurimum afferatis, & fructus vester maneat.

Psal. 150. Transi. Laudate Deum in Sanctis eius, laudate eum in firmamento virtutis eius.

Oratio post Communionem.

Sumpto, Domine, sacramento, Beatis Apostolis Petro, & Paulo interuenientibus, deprecamur: vt, quod temporaliter gerimus, capiamus æternum. Per Dominum.

IN F E S T O

29. Iun. SANCTORUM APOSTOLORUM PETRI, ET PAULI.

Ingredia.

Io. vlt.



Dicit Dominus Petro: Cum esses iunior, cingebas te, & ambulabas vbi volebas: cum autem senueris, extendes manus tuas, & alius te cinget, & ducet quò tu non vis. Hoc autem dixit, significans, quæ morte clarificaturus esset Deum.

Gloria in excelsis Deo.

Oratio super populum.

Omnipotens, sempiternus Deus da populis tuis Apostolorum tuorum Petri, & Pauli, natalem plenam deuotione venerari: vt, quorum doctrinis, & confessione Trinitatis vnus institutus est mundus, eorum suffra-

gantibus meritis diuinæ seruiat unitati. Per Dominum.

Lectio; vt supra in Vigilia.

Psal. 144. Constitue eos Principes super omnem terram. Memores erunt nominis tui, Domine.

Ps. 137. Pro patribus tuis nati sunt tibi filij; propterea populi confitebuntur tibi in æternum.

Epistola Beati Pauli Apostoli ad Corinthios secunda.

Fratres. Ne quis me putet insipientem esse: aliòquin velut insipientem accipite me; vt & ego modicum quid glorier. Quod loquor, non loquor secundum Deum; sed quasi in insipientia, in hac substantia gloriæ. Quoniam multi gloriantur secundum carnem; & ego gloriabor. Libenter enim suffertis insipientes; cum sitis ipsi sapientes. Sustinetis enim; si quis vos in seruitutem redigit; si quis deuorat; si quis accipit; si quis extollitur; si quis in faciem vos cædit. Secundum ignobilitatem dico, quasi nos infirmi fuimus in hac parte. In quo quis audet (in insipientia dico) audeo & ego. Hebræi sunt; & ego. Israelitæ sunt; & ego. Semen Abrahamæ sunt; & ego. Ministri Christi sunt (vt minus sapiens dico) plus ego; in laboribus plurimis, in carceribus abundantius, in plagis supra modum, in mortibus frequenter. A Iudæis quinquies, quadragenas, vnâ minus, accepi. Ter virgis cæsus sum; semel lapidatus sum; ter naufragium feci; nocte, & die in profundo maris fui: in itineribus sæpe, periculis fluminum, periculis latronum, periculis ex genere, periculis ex Gentibus, periculis in ciuitate, periculis in solitudine, periculis in mari, periculis in falsis fratribus: in labore, & ærumna, in vigilijs multis, in fame, & siti, in ieiunijs multis, in frigore,

gore, & nuditate, Præter illa, quæ extrinsecus sunt: instantia mea quotidiana, sollicitudo omnium Ecclesiarum. Quis infirmatur, & ego non infirmor? Quis scandalizatur, & ego non vror? Si gloriari oportet; quæ infirmitatis meæ sunt, gloriabor. Deus, & Pater Domini nostri, Iesu Christi, qui est benedictus in sæcula, scit, quod non mentior. Damâsci præpositus Gentis Aretæ Regis custodiebat Ciuitatem Damascenorum, vt me comprehenderet: & per fenestram in sporta dimissus sum per murum: & sic effugi manus eius. Si gloriari oportet (non expedit quidem) veniam autem ad visiones, & reuelationes Domini. Scio hominem in Christo ante annos quatuordecim (siue in corpore, nescio: siue extra corpus, nescio: Deus scit) raptum huiusmodi vsque ad tertium Cælum. Et scio huiusmodi hominem (siue in corpore, siue extra corpus, nescio: Deus scit) quoniam raptus est in Paradisum: & audiuit arcana verba, quæ non licet homini loqui. Pro huiusmodi gloriabor: pro me autem nihil gloriabor, nisi in infirmitatibus meis. Nam & si voluero gloriari; non ero insipiens; veritatem enim dicam. Parco autem; ne quis me existimet supra id, quod videt me, aut aliquid audit ex me. Et ne magnitudo reuelationum extollat me, datus est mihi stimulus carnis meæ, Angelus Satanae, vt me colaphizet. Propter quod ter Dominum rogavi, vt discederet à me. Et dixit mihi: Sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis; vt inhabitet in me virtus Christi.

Mat. 16. **Halleluia** **V.** Tu es Petrus: & super hanc Petram ædificabo Ecclesiam meam: Hallel.



Lectio sancti Euangelij secundum Ioannem.

In illo tempore. Dixit Dominus ^{Cap. VII.} Iesus Simoni Petro: Simon Ioannis diligis me plus his? Dicit ei: Etiam Domine: tu scis, quia amo te. Dicit ei: Pasce agnos meos. Dicit ei iterum: Simon Ioannis, diligis me? Ait illi: Etiam Domine: tu scis, quia amo te. Dicit ei: Pasce agnos meos. Dicit ei tertio: Simon Ioannis, amas me? Contristatus est Petrus; quia dixit ei tertio: Amas me? Et dixit ei: Domine, tu omnia nosti: tu scis, quia amo te. Dicit ei: Pasce oues meas. Amen, amen dico tibi: Cum esses iunior, cingebas te, & ambula- bas vbi volebas: cum autem senue- ris, extends manus tuas, & alius te cinget, & ducet quod tu non vis. Hoc autem dixit significans, qua morte clarificaturus esset Deum.

Antiphona post Euangelium.

Subiècit populos nobis, & Gentes ^{Psal. 46.} sub pedibus nostris. Principes populi conuenérunt cum Deo Abraham; quoniam Dij fortes terræ nimium eleuati sunt amici tui, Deus.

Oratio super sindonem.

Deus, qui confitentium tibi Redemptor es animarum, quarum piscator Beatus Petrus Apostolus, atque ouium Pastor tua præceptione cognoscitur, annue misericors precibus nostris: & populo tuo pietatis tuæ dona concede. Qui viuus.

Offert. **T**u es Petrus, & super hanc ^{Mat. 16.} Petram ædificabo Ecclesiam meam: & portæ Inferi non præualebunt aduersus eam. Et tibi dabo claues Regni Cælorum.

V. Quæcunque ligaueris super terram, erunt ligata & in Cælis, & quæcunque solueris super terram, erunt soluta & in Cælis. Et tibi dabo claues Regni Cælorum.

Ff

Dici-

Dicitur: Credo.

Oratio super oblatam.

MUnera plebis tuæ, quæsumus, Domine, Beatorum Apostolorum, & Martyrum tuorum Petri, & Pauli, fiant grata suffragijs: vt, quorum triumphis tuo nomini deferuntur, ipsorum digna perficiantur & meritis. Per Dominum.

Præfatio.

ÆQuum, & salutare: Nos tibi semper hic, & vbique in honore Apostolorum Petri, & Pauli gratias agere. Quos ita electione tua consecrare dignatus es: vt Beati Petri sæcularem piscandi artem in diuinum dogma conuerteres; quatenus humanum genus de profundo Inferni præceptorum tuorum retibus liberares: & Coapostoli eius Pauli mentem cum nomine mutares; vt, quem prius persecutorem metuebat Ecclesia, nunc cœlestium mandatorum lætetur se habere doctorem. Paulus cæcatus est; vt videret: Petrus negauit; vt crederet. Huic claues cœlestis Imperij: illi ad euocandas Gentes, diuinæ Legis scientiam contulisti. Ille introducit: hic aperit: & ambo virtutis æternæ præmia sunt adepti. Hunc dextera tua, gradientem in elemento liquido, dum mergeretur, erexit: illum autem, tertio naufragantem, profunda pelagi fecit vitare discrimina. Hic portas Inferi, ille mortis vicit aculeum: & Paulus capite plectitur; quia Gentium caput fidei probatur: Petrus autem, sursum versis vestigijs, Caput omnium nostrum secutus est Christum. Quem vnà tecum.

Confract. Simon Ioannis, diligis me plus his? Domine, tu omnia nosti: tu scis, quia amo te. Pasce oues meas.

Transit. Qui operarius est Petro in Apostolatu, operatus est & mihi in-

ter Gentes: & cognouerunt gratiam Dei, quæ data est mihi.

Oratio post Communionem.

Perceptis, Domine, sacramentis, suppliciter te rogamus: vt, intercedentibus Beatis Apostolis tuis Petro, & Paulo, quæ pro illorum veneranda gerimus Passione, nobis proficiant ad salutem. Per Dominum nostrum.

FESTA IULIJ.

IN SOLEMNITATE VISITATIONIS B. M. V.

Ingressa.



Ihesne Elisabeth cum Dei Genitrice Mariâ disputantem? Quid ad me venisti, Mater Domini mei? Si enim scirem; in tuum venirem occursum. Tu enim Regnatorem portas; & ego Prophetam: Tu Legem Dantem; & ego Legem Accipientem. Tu Verbum; & ego Vocem proclamantis aduentum Saluatoris.

Gloria in excelsis Deo.

Oratio super populum.

Deus, qui virginalem aulam Beatæ Mariæ, in qua habitares, eligere dignatus es, da, quæsumus: vt sua nos defensione munitos, iucundos facias suæ interesse Visitationi. Qui viuis, & regnas.

Lectio Libri Sapientiæ.

ECce iste venit saliens in montibus, transfiliens colles. Similis est dilectus meus capræ, hinnulq; ceruorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, propera amica mea, columba mea, formosa mea, & veni. Iam enim hyems

hyems transijt, imber abiit, & recessit. Flores apparuerunt in terra nostra: tempus putationis aduenit: vox turturis audita est in terra nostra: ficus protulit grossos suos: vineæ florentes dedêrunt odorem suum. Surge, propera amica mea, speciosa mea, & veni columba mea in foraminibus petrae, in cauerna maceriae: ostende mihi faciem tuam: sonet vox tua in auribus meis; vox enim tua dulcis, & facies tua decora.

Psalmell. **D**ilexisti iustitiam, & odisti iniquitatem.

V. Propterea vnxit te Deus, Deus tuus, oleo lætitiæ præ confortibus tuis.

Epistola Beati Pauli Apostoli ad Romanos.

Cap. 8. **F**ratres. Deus Filium suum mittens in similitudinem carnis peccati, & de peccato damnauit peccatum in carne: vt iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum, quæ sunt spiritus, sentiunt. Nam prudentia carnis, mors est: prudentia autem spiritus, vita, & pax. Quoniam sapientia carnis inimica est Deo; Legi enim Dei non est subiecta; nec enim potest. Qui autem in carne sunt, Deo placere non possunt. Vos autem in carne non estis; sed in spiritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est; corpus quidem mortuum est propter peccatum; spiritus verò viuit propter iustificationem. Quòd si Spiritus eius, qui suscitauit Iesum à mortuis, habitat in vobis; qui suscitauit Iesum Christum à mortuis, viuificabit &

mortalia corpora vestra, propter inhabitantem Spiritum eius in vobis.

Halleluia, halleluia. **V.** Diffusa est gratia in labijs tuis; propterea, benedixit te Deus in æternum: Hall.

Lectio sancti Euangelij secundum Lucam.

In illo tempore: Exurgens Maria, abiit in montana cum festinatione in ciuitatem Iuda: & intrauit in domum Zachariæ, & salutauit Elisabeth. Et factum est: vt audiuit salutationem Mariæ Elisabeth; exultauit infans in vtero eius; & replêta est Spiritu Sancto Elisabeth, & exclamauit voce magna, & dixit: Benedicta tu inter mulieres, & benedictus fructus ventris tui: & vnde hoc mihi, vt veniat Mater Domini mei ad me? Ecce enim, vt facta est vox salutationis tuæ in auribus meis, exultauit in gaudio infans in vtero meo: & beata, quæ credidisti; quoniam perficientur ea, quæ dicta sunt tibi à Domino. Et ait Maria: Magnificat anima mea Dominum: & exultauit spiritus meus in Deo salutari meo.

Antiphona post Euangelium.

Beata es Maria, quæ credidisti; perficientur in te, quæ dicta sunt tibi à Domino.

Oratio super sindonem.

Supplicationem seruorum tuorum Deus miserator exaudi: vt, qui in Visitatione Dei Genitricis, & Virginis Mariæ congregamur, eius intercessionibus à te de instantibus periculis eruamur, Per eundem.

Offert. **B**eata, & Venerabilis Virgo, quibus te laudibus præferam, nescio. Quia, quem cœli non capiunt, tuis gremijs continetur.

V. Benedicta tu inter mulieres: & benedictus fructus ventris tui, qui est Christus Dominus. Quem cœli non capiunt, tuis gremijs continetur.

Dicitur: Credo.

Oratio super oblatam.

Omnipotens, sempiterne Deus, qui curam omnium in te confidentium semper habes, præsta, quæsumus: vt per oblationem, quam tibi offerimus, Visitationem spiritua- lem Beatæ Virginis Mariæ in nostris necessitatibus sentiamus. Per Domi- num nostrum, Iesum Christum, Fi- lium tuum.

Præfatio.

Æterne Deus: Et te in venera- tione Sanctarum Virginum, exultantibus animis laudare, bene- dicere, & prædicare. Inter quas in- temerata Dei Genitrix Virgo Mariâ, cuius deuotè solemnitatem Visitatio- nis colimus, gloriosa effulsit. Quæ & Unigenitum Sancti Spiritus obum- bratione concepit: &, virginitatis gloria permanente, huic mundo Lu- men æternum effudit, Iesum Chri- stum, Dominum nostrum. Per quem Maiestatem tuam laudant Angeli.

Confract. Ecce, vt facta est salutatio Beatæ Mariæ in auribus meis, exul- tauit infans in vtero meo.

Transit. Mariâ Virgo semper lætare: quæ tantam gratiam meruisti, Cœli, & Terræ Creatorem de tuo vtero ge- nerare.

Oratio post Communionem.

Omnipotens, sempiterne Deus, qui commemorationem Visi- tationis Beatæ Virginis Mariæ Matris Dei fieri voluisti; præsta, quæsumus: vt per hoc sacrificium, quod sumpsi- mus, ab eius Visitationis gratia nul- latenus excidamus. Per eundem Do- minum nostrum.

S. ULDERICI EPISC. ET CONF.
Missa de Communi vnus Confesso- ris, & Pontificis: Elêgit te Dominus, pag. 11.

**SANCTÆ MARGARITÆ
VIRG. ET MART.**

Missa de Communi: Feci iudicium, pag. 17.

S. TRANQUILLINI MARTYRIS.

Missa de Communi vnus Martyris: Iustus non conturbabitur, pag. 3.

S. AMPELLIJ EPISC. ET CONF.

Missa de Communi: Sacerdos iste, pag. 9.

**SANCTORUM MARTYRUM
SEPTEM FRATRUM.**

Missa de Communi plurium Marty- rum: Salus autem iustorum, pag. 8.

S. BENEDICTI ABBATIS.

Missa de Communi vnus Abbatis: Vir iste custodiuit, pag. 16. **præter- quam; vt infra.**

Oratio super populum.

Aures tuas, quæsumus, Domine, precibus nostris inclina: vt, qui peccatorum nostrorum flagel- lis percutimur, intercedente Sancto Confessore tuo Benedicto, tuâ gra- tiâ liberemur. Per Dominum.

Oratio super sindonem.

Omnipotens, sempiterne Deus, qui Beati Benedicti Abbatis exemplo nobis humilitatis iter os- tendisti, da, quæsumus: vt viam tibi placitæ obedientiæ, per quam ille venerabilis pater antecedebat, nos præclaris eius meritis adiuti sine er- rore subsequamur. Per Dominum.

Oratio super oblatam.

Sacris altaribus, Domine, hostias superpositas: Sanctus Benedictus, quæsumus, ad salutem nobis prodes- se deponat. Per Dominum.

Præfatio.

Æterne Deus: Et gloriam tuam profusis precibus exorare: vt, San-

Sancti tui Benedicti Confessoris patrocinio nos adiuuante, debita nomini tuo seruitute placeamus. Per Christum, Dominum nostrum.

Oratio post Communionem.

Protegat nos, Domine, cum tui perceptione sacramenti Beatus Benedictus, pro nobis intercedendo: ut conuersationis eius experiamur insignia. Per Dominum.

I N N A T A L I
SANCTORUM MARTYRUM
NABORIS, ET FELICIS.

Ingressa.

Sap. 5. Tabunt iusti in magna constantia aduersus eos, qui se angustiauerunt. Quomodo computati sunt inter Filios Dei, & inter Sanctos fors illorum est?

Gloria in excelsis Deo.

Oratio super populum.

Benedic, quæsumus, Domine, plebem tuam: & Beatorum Martyrum tuorum Nabôris, & Felicis deprecationibus confidentem tribue consequi, quod sperare donasti. Per Dominum nostrum.

Commemoratio S. Ioannis Gualberti.

Beatus Confessor tuus Ioannes Gualbertus, quæsumus, Domine, sua nos intercessione apud te commendet: ut tibi placito fulti suffragio, quam precamur, indulgentiam peccatorum consequi mereamur. Per Dominum.

Lectio cum Psalmello, & Versu; ut in Comuni plur. Martyr. pag. 6.

Epistola Beati Pauli Apostoli ad Ephesios.

Fratres. Vos, qui aliquando eratis longè, facti estis propè in sanguine Christi. Ipse enim est pax no-

stra, qui fecit vtraque vnum, & medium parietem maceræ soluens, inimicitias in carne sua: Legem mandatorum decretis euacuans; ut duos condant in semetipso in vnum nouum hominem, faciens pacem; & reconciliet ambos in vno corpore, Deo per Crucem interficiens inimicitias in semetipso. Et veniens euangelizauit pacem vobis, qui longè fuistis, & pacem ijs, qui propè; quoniam, per ipsum habemus accessum ambo in vno Spiritu ad Patrem. Ergo iam non estis hospites, & aduenæ; sed estis ciues Sanctorum, & domestici Dei: superædificati super fundamentum Apostolorum, & Prophetarum, ipso summo angulari lapide Christo Iesu: in quo omnis ædificatio constructa crescit in templum sanctum, in Domino: in quo & vos coædificamini in habitaculum Dei in Spiritu Sancto.

Halleluia. *V.* Vos, qui aliquando ^{Eph. 2.} eratis longè, facti estis propè in sanguine Agni: Hallel.



Lectio sancti Euangelij
secundum Lucam.

In illo tempore. Assumpsit Dominus Iesus Petrum, & Iacobum, & Ioannem: & ascendit in montem, ut oraret. Et facta est, dum oraret, species vultus eius altera: & vestitus eius albus, & refulgens. Et ecce duo viri loquebantur cum illo (erant autem, Moyses, & Elias, visi in Maiestate) & dicebant excessum eius, quem completurus erat in Ierusalem. Petrus verò, & qui cum illo erant, grauati erant somno. Et euigilantes viderunt maiestatem eius, & duos viros, qui stabant cum illo. Et factum est: cum discederent ab illo, ait Petrus ad Iesum: Præceptor, bonum est nos hîc esse: & faciamus tria Tabernacula; vnum tibi; & vnum Moyfi; &

vnum Eliæ : nesciens , quid diceret . Hæc autem illo loquente , facta est nubes , & obumbravit eos : & timuerunt , intrantibus illis in nubem . Et vox facta est de nube dicens : Hic est Filius meus dilectus , ipsum audite . Et dum fieret vox , inuentus est Iesus solus . Et ipsi tacuerunt , & nemini dixerunt in illis diebus quicquam ex his , quæ viderant .

Antiphona post Euangelium.

Inæstimabilem fidem sæuitia perfidorum superare non potuit ; quia lætus in illis Christus , qui cum talibus seruis pugnavit , & vicit , protector fidei dat vincentibus palmam .

Oratio super sindonem.

Protegat Ecclesiam tuam , Deus , oratio veneranda Beatorum tuorum Nabôris , & Felicis : & quorum frequentia deuotionem impendit , perpetuæ poscat redemptionis effectum . Per Dominum .

Commem. S. Ioannis Gualberti.

Adesto Domine precibus nostris , quas in Sancti Confessoris tui Ioannis Gualberti commemoratione deferimus : vt , qui nostræ iustitiæ fiduciam non habemus , eius , qui tibi placuit , precibus adiuuemur . Per Dominum nostrum .

Psal. 5. Offert. Quoniam ad te orabo , Domine , mane ; & exaudies vocem meam . Domine , vt scuto bonæ voluntatis tuæ coronasti nos .

Dicitur : Credo.

Oratio super oblatam.

Munera plebis tuæ , quæsumus , Domine , Sanctorum Martyrum tuorum Nabôris , & Felicis fiant grata suffragijs : & , quorum triumphis tuo nomini offeruntur , ipsorum digna perficiantur & meritis . Per Dñm .

Commem. S. Ioannis Gualberti.

Suscipe , quæsumus , Domine , & sanctifica hoc sacrificium populi

tui : vt , quod in honorem Beati Confessoris tui Ioannis Gualberti offertur ad gloriam , nobis profit ad veniam . Per Dominum .

Præfatio.

Per Christum , Dominum nostrum . Qui suorum fidelium corda ignifero amore ita succendit ; vt mundi caducam contemnant gloriam ; & per tormenta consortium adeant Ciuium supernorum . Ob hoc & doctissimi milites Christi Nabor , & Felix , à summis terrarum digressi finibus , huic terræ se exules tradidērunt ; ne cruento Cæsaris subiacerent imperio . Et , vt ad aulam Regis ætherei pergerent , sub clamyde terrenæ militiæ latere diutius voluerunt , præstolantes desuper vocationem cœlestis imperij . Acceptoque constanter Spei clypeo , sumptâ Fidei lorica , & galeâ , securi incedunt in hostis aciem . Vincunt pœnarum tormenta sæuissima , carcerem , & verbera , equuleum , ignem , & vngulas : stridoribus catenarum colla subiiciunt ; trahuntur à noxijs manibus vinculati . Ad vltimum mucrone sanguine fuso , triumphali gloria decorati , ad Ciues superiores cum palma victoriæ peruenērunt . Per eundem Christum .

Confractor. Amen dico vobis , quod vos , qui reliquistis omnia , & secuti estis me , centuplum accipietis , & vitam æternam possidebitis .

Transit. Isti sunt , qui pro Testamento Dei sua corpora tradidērunt , & in sanguine Agni lauērunt stolas suas . Congregamini omnes , qui timetis Deum : & videte , quantam gloriam dedit Dominus Sanctis suis .

Oratio post Communionem.

Pignus æternæ vitæ capientes Maiestatem tuam suppliciter deprecamur , Omnipotens Deus : vt Sanctorum Martyrum tuorum Nabôris , &

& Felicis fulti patrocinijs, quod sub Sacramento contigimus, manifesta perceptione sumamus. Per Dñm.

Commem. S. Iohannis Gualberti.

Quæsumus, omnipotens Deus: vt, cuius nos tribuis communicare memoriam, eius facias sectatores. Per Dominum.

^{14.} Iulij. **SANCTI BONAVENTURÆ EPISC. ET CONFESS.**

Missa de Communi vnus Doctoris Pontificis: In medio Ecclesiæ, pag. 12. præterquam; vt infra.

Oratio super populum:

Deus, pietatis, & scientiæ amator, cuius dono Beatus Bonauentura deuotionis ardorem ita cum pia eruditione coniunxit; vt Doctoris Seraphici nomine meruerit insigniri; tribue, quæsumus: vt, sicut ex altari sacrosancta Hostia in os illius se sponte infudit; ita & nos eius intercessione ad cœlestem mensam dignè semper accedamus. Per Dominum.

^{15.} Iulij. **S. HENRICI IMPERATORIS, ET CONFESS.**

Missa de Communi vnus Confessoris simplicis: Vir iste, pag. 16. præterquam; vt infra.

Oratio super populum.

Deus, qui Beatum Henricum Confessorem tuum, cœlesti Imperio terrenum postponere docuisti: da, quæsumus, nobis eius exemplo caduca despiciere, atque æterna sectari. Per Dominum nostrum.

Oratio super sindonem.

Deus, qui inter Aulæ delicias intactum à Mundi illecebris Spiritum Sancti Henrici Confessoris tui conseruasti, fac, quæsumus: vt in amore tuo Fideles tui ita firmentur; vt & terrena despiciant, & ad cœlestia semper aspîrent. Per Dñm.

Oratio super oblatam.

Præsta, quæsumus, omnipotens Deus: vt sicut Beatus Confessor tuus Henricus, spretis Mundi oblectamentis, soli Dominantium Domino placere studuit; ita eius oratio nostras tibi hostias reddat acceptas. Per Dominum nostrum.

Oratio post Communionem.

Deus, qui Beatum Henricum Confessorem tuum mirificasti in terris, & gloriosum in cœlis fecisti: eundem, quæsumus, Ecclesiæ tuæ constitue defensores. Per Dñm.

SS. QUIRICI, ET IULITTÆ MARTYR.

^{16.} Iulij.

Missa de Communi plur. Martyr. Stabant iusti, pag. 6. præterquam; vt infra.

Oratio super populum.

Adesto, Domine, supplicationibus nostris: & Beatorum Quirici, & Iulittæ Martyrum intercessionibus confidentes, nec minis aduersantium, nec vlllo perturbémur incurfu. Per Dominum nostrum.

Oratio super sindonem.

Omnipotens, sempiternus Deus, qui Sanctorum tuorum Quirici, & Iulittæ Martyrum semper es meritis vbique mirabilis, quæsumus clementiam tuam: vt, sicut eis eminentem gloriam contulisti; sic, ad consequendam misericordiam tuam, eorum nos facias precibus adiuuari. Per Dominum nostrum.

Oratio super oblatam.

Mulnera, quæsumus, Domine, quæ oculis tuæ Maiestatis in hoc altari proposita offerimus: Beatorum Quirici, & Iulittæ Martyrum tuorum supplicationibus propitiatus assûme. Per Dominum.

Oratio post Communionem.

Sumpta sacrificia tua, Domine: Beatis Martyribus tuis Quirico, &

& Iulitta deprecantibus, remedium nobis cœleste concilient. Per Dñm.

^{17.}
^{Iulij.} **S. MARCELLINÆ VIRGINIS.**
Missa de Comuni vnus simplicis
Virginis: Dilexisti iustitiam, pag. 19.
præterquam; vt infra.

Oratio super populum.

Intercessio, quæsumus, Domine, Beata Virginis Marcellinæ tuam pro nobis placare non desinat Maiestatem: & quæ tibi placuit suæ mentis, & corporis integritate, nostram tibi deuotam iugiter efficiat seruitutem. Per Dominum nostrum.

Oratio super sindonem.

Interueniat pro nobis, quæsumus, Domine, Beata Virgo Marcellina: quæ pro tui nominis amore virginittis propositum intemerato semper corpore, & corde seruauit. Per Dominum nostrum.

Oratio super oblatam.

Debitum tibi, Domine, nostræ reddimus seruitutis obsequium, suppliciter deprecantes: vt, Beata Virginis Marcellinæ suffragantibus meritis, plebis tuæ dona sanctifices. Per Dominum nostrum.

Præfatio.

Æterne Deus: Gloriosæ Virginis Marcellinæ merita recolentes. Quam tanto munere sublimare dignatus es: vt non solum integritatis donum illibata mente seruaret; verum etiam, euangelica præfulgens lampade, bonorum operum incrementis excreceret, & virtute Fidei Virgo prudentissima præpolleret. Quæ etiam terrenæ generositatis insignia Christi Filij tui seruitute nobilitans, cœlesti facta est thalamo multiplici decore condigna: in tantum, vt Beatorum Ambrosij, & Satyri fratrum comitatu, velut duarum alarum fulta remigio, ad cœlestem

gloriam læta conscenderet: & cum eisdem immarcescibilem perpetuæ vitæ coronam acciperet. Per eundem Christum.

Oratio post Communionem.

Cœlestium sacramentorum refecti libamine, & præsentis festiuitatis gaudio saginati: supplices te, Domine, deprecamur; vt, cuius congratulamur festo, eius semper protegamur auxilio. Per Dominum.

S. MATERNI EPISC. ET CONF.
Missa de Comuni: Sacerdos iste, pag. 9. **præterquam; vt infra.**

Oratio super populum.

Misericordiam tuam, Domine, nobis, quæsumus, interueniente Beato Confessore tuo Materno, atque Pontifice, clementer impende: & nobis peccatoribus ipsius propitiare suffragijs. Per Dominum.

Oratio super sindonem.

Beati Confessoris tui Materni, atque Pontificis fac nos, Domine, miranda præconia confiteri: vt, eius adiuti præsidijs, Maiestatī tuæ iugiter mereamur esse deuoti. Per Dñm.

Oratio super oblatam.

Ad sit nobis, Domine, quæsumus, sancta precatio Beati Pontificis tui Materni: quæ nos à terrenis affectibus incessanter expediat, & cœlestia desiderare perficiat. Per Dñm.

Præfatio.

Æterne Deus: Suppliciter exorantes; vt, dum Beati Materni Confessoris tui merita veneramur, auxilium nobis tuæ propitiationis acquisisse gloriemur: nec desperemus de veniæ largitate, quam per eos, qui tibi placuerunt, suppliciter exposcimus. Per Christum.

Oratio post Communionem.

Beati Confessoris tui Materni, quæsumus, Domine, à malis omnibus

nibus gloriosa nos semper merita-
tueantur: in cuius solemnitate per-
cepimus tua sancta lætantes. Per Do-
minum nostrum.

IN FESTO

^{19.}
Iulij. BEATÆ VIRGINIS Mariæ
DE MONTE CARMELO.

Missa; vt in die Sanctæ Mariæ ad Ni-
ues 5. Augusti.

^{21.}
Iulij. S. PRAXEDIS VIRGINIS.

Missa de Communi vnus simplicis
Virginis: Dilexisti iustitiam, pag. 19.
præterquam; vt infra.

Oratio super populum.

EXaudi nos Deus salutaris noster:
vt, sicut de Beatæ Praxedis Vir-
ginis tuæ festiuitate gaudemus; ita,
piæ deuotionis erudiamur affectu.
Per Dominum nostrum.

Oratio super sindonem.

Indulgentiam nobis, Domine,
Beata Praxedis Virgo impleret:
quæ tibi grata semper extitit & me-
rito castitatis, & tuæ professione vir-
tutis. Per Dominum nostrum.

Oratio super oblatam.

Accepta tibi fit, Domine, sacra-
tæ plebis oblatio pro tuorum,
honore Sanctorum: quorum se me-
ritis percepisse de tribulatione co-
gnoscit auxilium. Per Dominum.

Oratio post Communionem.

Satiasti, Domine, familiam tuam,
muneribus sacris: eius, quæsumus,
intercessione nos refove, cuius so-
lemnina celebramus. Per Dominum,
nostrum, Iesum Christum, Filium,
tuum: qui tecum viuit, & regnat in
vnitate Spiritus Sancti Deus: per om-
nia sæcula sæculorum.



IN NATALI

S. Mariæ MAGDALENÆ.

^{22.}
Iulij.

Ingressa.



Ætemur omnes in Do-
mino, diem festum,
celebrantes ob hono-
rem Sanctæ Mariæ
Magdalænæ: de cuius
solemnitate gaudent

Angeli, & collaudant Filium Dei.

Gloria in excelsis Deo.

Oratio super populum.

Deus, qui per os Beatæ Mariæ
Magdalænæ Resurrectionis do-
minicæ gaudium Sanctis Apostolis
præloquendo innotescere voluisti;
tribue, quæsumus: vt eius præsidij
infirmetas nostra roboretur in terris,
de cuius profectibus Angeli gratu-
lantur in Coelis. Per eundem Dñm.

Lectio Libri Sapientiæ.

Surgam, & circuibo ciuitatem: ^{Cap.}
per vicos, & plateas quæram,
quem diligit anima mea, Quæsiui il-
lum, & non inueni. Inuenerunt me
vigiles, qui custodiunt ciuitatem.
Num, quem diligit anima mea, vidi-
stis? Paululum cum pertransissem
eos, inueni quem diligit anima mea.
Tenui eum: nec dimittam, donec in-
troducā illum in domum matris
meæ, & in cubiculum genitricis meæ.
Adiuro vos, filiæ Ierusalem, per ca-
preas, ceruosque camporum: ne su-
scitetis, neque euigilare faciatis dile-
ctam, donec ipsa velit. Pone me vt ^{Cap.}
signaculum super cor tuum; vt signa-
culum super brachium tuum; quia,
fortis est, vt mors, dilectio; dura,
sicut Infernus, æmulatio; lampades
eius lampades ignis, atque flamma-
rum. Aquæ multæ non poterunt ex-
tinguere charitatem: nec flumina,
obruent illam. Si dederit homo om-
nem substantiam domus suæ pro di-
lectione; quasi nihil, despiciet eam.

Psal.

Psal. **Psal.** **D**ilexisti iustitiam, & odisti iniquitatem.

V. Propterea vnxit te Deus, Deus tuus, oleo lætitiæ.

Epistola Beati Pauli Apostoli ad Romanos.

Cap. **F**Ratres. An ignoratis (scientibus Legem loquor) quia Lex in homine dominatur, quanto tempore viuit? Nam quæ sub viro est, mulier, viuente viro, alligata est Legi: si autem mortuus fuerit vir eius; liberata est à Lege viri. Igitur, viuente viro, vocabitur adultera; si fuerit cum alio viro: si autem mortuus fuerit vir eius; liberata est à Lege viri; vt non sit adultera, si fuerit cum alio viro. Itaque, fratres mei, & vos mortificati estis Legi per Corpus Christi; vt sitis alterius, qui ex mortuis resurrexit; vt fructificemus Deo. Cum enim essemus in carne, passionibus peccatorum, quæ per Legem erant, operabantur in membris nostris; vt fructificarent morti. Nunc autem soluti sumus à Lege mortis, in qua detinebamur.

Mat. **H**alleluia. **V.** Citò euntes, dicite Discipulis eius; Surrexit Dominus, sicut dixit vobis: Hallel.

Lectio sancti Euangelij secundum Lucam.

Cap. **I**N illo tempore. Rogabat Dominum Iesum quidam de Phariseis, vt manducaret cum illo. Et ingressus domum Pharisei, discubuit. Et ecce mulier, quæ erat in ciuitate peccatrix; vt cognouit, quod Iesus accubisset in domo Pharisei, attulit alabastrum vnguenti; & stans retrò secus pedes eius, lachrymis coepit rigare pedes eius; & capillis capitis sui tergebat, & osculabatur pedes eius, & vnguento vngebat. Videns autem Phariseus, qui vocauerat eum, ait intra se, dicens: Hic si esset Propheta;

sciret vtique, quæ, & qualis est mulier, quæ tangit eum; quia peccatrix est. Et respondens Iesus, dixit ad illum: Simon, habeo tibi aliquid dicere. At ille ait: Magister dic: Duo debitores erant cuiusdam foeneratori: vnus debebat denarios quingentos, & alius quinquaginta. Non habentibus illis vnde redderent, donauit vtrisque. Quis ergo eum plus diligit? Respondens Simon dixit: Æstimo, quia is, cui plus donauit. At ille dixit ei: Rectè iudicasti. Et conuersus ad mulierem, dixit Simoni: Vides hanc mulierem? Intraui in domum tuam; aquam pedibus meis non dedisti: hæc autem lachrymis rigauit pedes meos, & capillis suis terfit: osculum mihi non dedisti: hæc autem, ex quo intraui, non cessauit osculari pedes meos.

Antiphona post Euangelium.

Nemo te condemnauit, mulier? Nemo, Domine. Nec ego te condemnabo: iam amplius noli peccare.

Oratio super sindonem.

OMnipotens, sempiternus Deus, qui non vis mortem peccatorum, sed vitam semper inquiris, nostræ deuotionis preces placatus intende: vt, quod peccatorum nostrorum vincula constringunt, Beatæ Mariæ Magdalene precibus relaxetur. Per Dominum.

Offert. **T**ulerunt Dominum meum: & nescio, vbi posuerunt eum. Noli flere Maria; resurrexit Dominus: Hallel. **V.** Venit Maria plorans videre sepulchrum: & dicit ei Angelus: Noli flere Maria; resurrexit Dominus: Hallel. **Dicitur:** **C**redo.

Oratio super oblatam.

Munera nostra, quæsumus, Domine, Beatæ Mariæ Magdalene gloriosa merita tibi reddant accepta: cuius oblationis obsequium vnige.

vnigenitus Filius tuus clementer suscepit impensum. Qui tecum viuit, & regnat.

Præfatio.

Æ Quum, & salutare: Noste, Pater omnipotens, omni tempore glorificare, & in die festiuitatis hodiernæ Beatæ Mariæ Magdalænæ, exultantibus animis prædicare. Quam sic tui amoris igne accendere dignatus es; vt ad Christi Filij tui vestigia deuota corrueret, & eadem pretioso vnguento perfunderet. Osculari quoque, ac lachrymis rigare, & capillis non cessat extergere; donec audire promeruit, Dimissa sunt tibi peccata, Vade in pace. O beata fides, diuinæ misericordiæ munita præsidio! O digna conuersio! quæ tantum munus accēpit; vt, quæ antea Draconis antiqui faucibus meritò tenebatur astricta, plenā iam gaudens libertate, sanctis Apostolis dominicæ Resurrectionis mereretur esse prænuncia. Et ideo cum Angelis.

Io. 30. Confract. Mariā noli me tangere; nondum enim ascendi ad Patrem meum: Halleluia.

Mat. 26. Transit. Mittens hæc mulier vnguentum hoc in corpus meum, ad sepe- liendum me, fecit.

Oratio post Communionem.

Sumpto, Domine, vnico, ac salutari remedio; Corpore scilicet, & pretioso Sanguine tuo: ab omnibus malis, quæsumus, Beatæ Mariæ Magdalænæ patrocinijs eruamur. Qui viuis, & regnas.



IN NATALI
SANCTI APOLLINARIS
EPISC. ET MART.

Ingressa.

Iustus non conturbabitur; quia Dominus firmat manum eius. Totā die miseretur, & commodat; & semen eius in benedictione

Psal. 36.

erit in æternum.

Gloria in excelsis Deo.

Oratio super populum.

Maiestatis tuæ clementiam suppliciter deprecamur, omnipotens, & misericors Deus: vt, sicut vnigeniti Filij tui agnitionem, per Beati Sacerdotis, & Martyris tui Apollinaris prædicationem, populorum cordibus infudisti; ita & nos, ipsius opitulantis meritis, Fidei stabilitate firmemur. Per eundem Dominum.

Lectio cum Psalmello, & Versu, de Communi Martyr. & Pontif. pag. 4.

Epistola Beati Pauli Apostoli ad Corinthios secunda.

Fratres. Nolumus, ignorare vos de tribulatione nostra, quæ facta est in Asia; quoniam supra modum grauati sumus supra virtutem, ita vt tæderet nos etiam viuere. Sed ipsi in nobismetipsis responsum mortis habuimus; vt non simus fidentes in nobis, sed in Deo, qui suscitatur mortuos: qui de tantis periculis nos eripuit, & eruit: in quem speramus, quoniam, & adhuc eripiet; adiuantibus & vobis in oratione pro nobis; vt ex multarum personis faciendum, eius, quæ in nobis est, donationis per multos gratiæ agantur pro nobis. Nam gloria nostra hæc est, testimonium conscientiæ nostræ, quod in simplicitate cordis, & synceritate Dei, & non in sapientia carnali, sed in gratia Dei conuersati sumus in hoc

hoc mundo: abundantius autem ad vos. Non enim alia scribimus vobis, quàm quæ legistis, & cognouistis. Spero autem, quòd vsque in finem cognoscetis; sicut & cognouistis nos ex parte, quòd gloria vestra sumus, sicut & vos nostra, in die Domini nostri, Iesu Christi.

Halleluia. *Ps.* Venite, & videte: & enarrabo vobis, omnes, qui timetis Deum, quanta fecerit Dominus animæ meæ: Hallel.

Lectio sancti Euangelij
secundum Ioannem.

IN illo tempore. Dixit Dominus Iesus Pharisæis: Ego sum Pastor bonus. Bonus pastor animam suam dat pro ouibus suis. Mercenarius autem, & qui non est Pastor, cuius non sunt oues propriæ, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit; quia mercenarius est, & non pertinet ad eum de ouibus. Ego sum Pastor bonus: & cognosco meas, & cognoscunt me meæ. Sicut nouit me Pater; & ego agnosco Patrem; & animam meam pono pro ouibus meis. Et alias oues habeo, quæ non sunt ex hoc ouili: & illas oportet me adducere: & vocem meam audient: & fiet vnum ouile, & vnus Pastor.

Antiphona post Euangelium.

Os iusti meditabitur sapientiam, & lingua eius loquetur iudicium. Lex Dei eius in corde ipsius.

Oratio super sindonem.

BEati Sacerdotis, & Martyris tui Apollinaris annua festiuitate lætantes, clementiam tuam supplices exoramus, omnipotens Deus: vt, sicut ille ob tanti agônem certaminis triumphali redimtus exultat corona; ita & nos, orationum illius fulti suffragio, tentationum tela superan-

tes, præmio lætemur æterno. Per Dominum nostrum.

Offert. Desiderium animæ eius tribuisti ei Domine: & in voluntate laborum eius non fraudasti eum. Posuisti in capite eius coronam de lapide pretioso.

Dicitur: Credo.

Oratio super oblatam.

FAmulatus nostri sacrificio, clementissime Deus, quod in commemoratione Sancti Sacerdotis, & Martyris tui Apollinaris offerimus: tuæ, quæsumus, dignanter præsentiam interfere Maiestatis; ipsius vt meritis & tibi sit acceptabile, & nobis profit ad veniam. Per Dominum.

Præfatio.

PER Christum, Dominum nostrum. Cuius potentia septus præsidio Apollinaris à Principe Petro Rauennam mittitur, Iesu de nomine incredulis nunciare. Qui, dum mira virtutum illic signa conferret in Christo credentibus, sæuis verberum flagellis sæpe conteritur: & senile iam corpus horrendis cruciatibus ab impijs laniatur. Sed, ne de suis vexationibus fideles trepident, in virtute nominis Iesu Christi signa apostolica perficit post tormenta. O dignissimus admiratione Pontifex! qui cum Pontificia dignitate apostolicam promeruit accipere potestatem. O fortissimus athleta Christi! qui, ætatis iam frigente calore, constanter in poenis eundem Iesum Christum, Dei Filium, mundi prædicat Redemptorem. Quem vnà tecum Omnipotens Pater.

Confract. In salutari tuo anima mea, & in verbis tuis speravi quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in salutari tuo, Domine.

Ora-

Oratio post Communionem.

Praesta, quaesumus, omnipotens Deus: vt nullis nos permittas perturbationibus concuti, quos in apostolica confessionis Petra solidasti. Per Dominum.

IN VIGILIA**S. IACOBI APOSTOLI.**24.
Iulij.

Missa de Comuni in Vigilia vnus Apostoli, pag. 1. Fit Commemoratio Sanctae Christinae Virginis, & Martyris, de Comuni, pag. 17.

INFESTO**S. IACOBI APOSTOLI.**25.
Iulij**Ingressa.**Psal.
36.

Ustus non conturbabitur; quia Dominus firmat manum eius. Totam die miseretur & commodat; & semen eius in benedictione

erit in aeternum: dicit Dominus.

Gloria in excelsis Deo.

Oratio super populum.

DA nobis, quaesumus, Domine, Deus noster: vt, sicut in commemoratione Beati Apostoli tui Iacobi temporali gratulamur officio; ita cum ipso in tui vultus delectatione perpetuo laetemur aspectu. Per Dominum nostrum.

Commemoratio Sancti Christophori Martyris.

Propitiare Domine populo tuo: & quos in frequentatione Beati Martyris tui Christophori tribuis interesse, protectione perpetua semper fac esse securos. Per Dominum.

Lectio de Comuni, in Vigilia vnus Apostoli, pag. 1.

Psalmell. Gloria, & honore coronasti eum.

V. Domine, Dominus noster; quam admirabile est nomen tuum in vniuersa terra! Coronasti eum.

Epistola Beati Pauli Apostoli ad Ephesios.

Fratres. Benedictus Deus, & Pater Domini nostri, Iesu Christi: qui benedixit nos in omni benedictione spirituali in coelestibus, in Christo: sicut elegit nos in ipso ante mundi constitutionem; vt essemus sancti, & immaculati in conspectu eius in charitate. Qui praedestinavit nos in adoptionem filiorum per Iesum Christum, in ipsum secundum propositum voluntatis suae: in laudem gloriae gratiae suae, in qua gratificauit nos in dilecto Filio suo. In quo habemus redemptionem per sanguinem eius (remissionem peccatorum) secundum diuitias gratiae eius: quae superabundauit in nobis in omni sapientia, & prudentia; vt notum faceret nobis sacramentum voluntatis suae, secundum beneplacitum eius, quod proposuit in eo, in dispensatione plenitudinis temporum, instaurare omnia in Christo, quae in caelis, & quae in terra sunt, in ipso. In quo etiam & nos sorte vocati sumus: praedestinati secundum propositum eius, qui operatur omnia secundum consilium voluntatis suae; vt simus in laudem gloriae eius nos, qui ante sperauimus in Christo: in quo & vos, cum audissetis verbum veritatis (Euangelium salutis vestrae) in quo & credentes signati estis Spiritu promissionis Sancto: qui est pignus hereditatis nostrae, in redemptionem acquisitionis, in laudem gloriae ipsius.

Halleluia. **V.** Nimis honorandi sunt amici tui, Deus: valde confortatus est Principatus eorum: Hallel.

Psal.
138.

Lectio sancti Euangelij secundum Matthaeum.

In illo tempore. Accessit ad Dominum Iesum mater filiorum Zebedae cum filiis suis, adorans, & pe-

Cap.
20.

Gg

tenis

tens aliquid ab eo. Qui dixit ei: Quid vis? Ait illi: Dic; vt sedeant hi duo filij mei, vnus ad dexteram tuam, & vnus ad sinistram, in Regno tuo. Respondens autem Iesus dixit: Nescitis, quid petatis. Potestis bibere calicem, quem ego bibiturus sum? Dicunt ei; Possumus. Ait illis: Calicem quidem meum bibetis: sedere autem ad dexteram meam, vel sinistram, non est meum dare vobis; sed quibus paratum est à Patre meo. Et audientes decem indignati sunt de duobus fratribus. Iesus autem vocauit eos ad se, & ait: Scitis, quia Principes Gentium dominantur eorum: & qui maiores sunt, potestatem exercent in eos. Non ita erit inter vos: sed quicumque voluerit inter vos maior fieri, sit vester minister: & qui voluerit inter vos primus esse, erit vester seruus; sicut Filius hominis non venit ministrari, sed ministrare, & dare animam suam redemptionem pro multis.

Antiphona post Euangelium.

^{Psalm. 46.} Subiécit populos nobis, & Gentes sub pedibus nostris. Principes populi conuenérunt cum Deo Abraham; quoniam Dij fortes terræ nimis eleuati sunt, amici tui, Deus.

Oratio super sindonem.

Solemnitatis apostolicæ multiplicatione gaudentes, clementiam tuam deprecamur, omnipotens Deus: vt tribuas iugiter nos eorum & confessione benedici, & patrocinijs confoueri. Per Dominum nostrum.

Commem. S. Christophori.

Beati Martyris tui Christophori nos, quæsumus, Domine, gloriosa merita prosequantur: qui fragilitatem nostram & precibus tueatur, & meritis. Per Dominum.

^{Psalm. 20.} **Offert.** In virtute tua, Domine, lætabitur iustus: & super salutare tuum

exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Oblationes populi tui, Domine, quæsumus, Beati Apostoli tui Iacobi passio beata conciliet: & quæ nostris non sunt apta meritis, fiant tibi placita eius deprecatione. Per Dominum nostrum.

Commem. S. Christophori.

Suscipe, quæsumus, Domine, propitius munera, quæ in Beati Martyris tui Christophori commemoratione deferimus: vt, in cuius honore sunt grata, eius nobis fiant intercessionem salutaria. Per Dominum.

Præfatio.

Æterne Deus. Quia licet nobis salutem semper operetur diuini celebratio sacramenti; propensius tamen confidimus affuturam, dum Sancti Apostoli tui Iacobi meritis, & interuenientibus precibus exhibetur. Per Christum.

Confract. Subiécit populos nobis, & Gentes sub pedibus nostris. ^{Psalm. 46.}

Transit. Vos, qui secuti estis me, sedebitis super sedes, iudicantes duodecim Tribus Israel. ^{Mat. 19.}

Oratio post Communionem.

Beati Apostoli tui Iacobi, quæsumus, Domine, intercessione nos adiuua: pro cuius solemnitate percipimus tua sancta lætantes. Per Dominum nostrum.

Commem. S. Christophori.

Sumpsimus, Domine, in Sancti Christophori solemnitate cœlestia sacramenta: cuius suffragijs, quæsumus largiaris; vt, quod temporaliter gerimus, æternis gaudijs consequamur. Per Dominum nostrum, Iesum Christum, Filium tuum: qui tecum viuunt, & regnat in vnitatem Spiritus Sancti Deus.

IN

IN F E S T O

^{25.}
^{Iulij} S A N C T Æ A N N Æ
M A T R I S B. M. V.

Ingressa.

^{Psal.}
^{118.}



Eci iudicium, & iustitiam, Domine: non calumnientur mihi superbi. Ad omnia mandata tua dirigebar: omnem viam iniquitatis

odio habui.

Gloria in excelsis Deo.

Oratio super populum.

DEus, qui Beatam Annam speciali honoris excellentia adeo sublimasti, vt ex ipsa Mater Filij tui nasceretur; te supplices exoramus: vt eius præsidium iugiter sentiamus in cœlis, cuius festum venerabile congrua deuotione celebramus in terris. Per eundem Dominum.

Lectio cum Psalmello, & Versu, de Communi vnus Matronæ, pag. 21.

Epistola Beati Pauli Apostoli ad Timotheum prima.

^{cap.}
^{5.} **C**harissime. Viduas honora, quæ verè viduæ sunt. Si qua autem vidua filios, aut nepotes habet, discat primùm domum suam regere, & mutuam vicem reddere parentibus; hoc enim acceptum est coram Deo. Quæ autem verè vidua est, & desolata, speret in Deum, & instet obsecrationibus, & orationibus nocte, & die. Nam quæ in delicijs est, viuens mortua est. Et hoc præcipe, vt irreprehensibiles sint. Si quis autem suorum, & maximè domesticorum curam non habet, fidem negauit, & est infideli deterior. Vidua eligatur non minus sexaginta annorum, quæ fuerit vnus viri vxor: in operibus bonis testimonium habens; si filios educavit; si hospitio recepit; si sanctorum pedes lauit; si tribulationem patientibus subministrauit; si omne opus bonum subsecuta est.

Halleluia. **V.** Diffusa est gratia in labijs tuis; propterea benedixit te Deus in æternum: Hallel.



Lectio sancti Euangelij secundum Matthæum.

In illo tempore. Dixit Dominus ^{Cap.}
^{13.} Iesus Discipulis suis parabolam hanc: Simile est Regnum Cœlorum thesauro abscondito in agro: quem, qui inuenit homo, abscondit: & præ gaudio illius vadit, & vendit vniuersa, quæ habet, & emit agrum illum. Iterum simile est Regnum Cœlorum homini negotiatori quærenti bonas margaritas: inuentâ autem vnâ pretiosâ margaritâ, abiit, & vendidit omnia, quæ habuit, & emit eam. Iterum simile est Regnum Cœlorum saginæ missæ in mare, & ex omni genere piscium congreganti: quam, cum impleta esset, educentes, & secus litus sedentes elegerunt bonos in vasa: malos autem foras miserunt. Sic erit in consummatione sæculi. Exhibunt Angeli, & separabunt malos de medio iustorum: & mittent eos in Caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in Regno Cœlorum similis est homini patrifamilias, qui profert de thesauro suo noua, & vetera.

Antiphona post Euangelium.

Astitit Regina à dextris tuis, Domine, in vestitu deaurato, circumamicta varietate; propterea populi confitebuntur tibi in æternum. ^{Psal.}
^{44.}

Oratio super sindonem.

Omnipotens, sempiterne Deus, qui Beatam Annam, diuturna sterilitate afflictam, gloriosæ prolis foetu tuâ gratiâ fecundasti; da quæsumus: vt, pro nobis apud te interuenientibus eius meritis, efficiamur sincera fide fecundi, & salutiferis

operibus fructuosi. Per Dominum nostrum.

Pro. 31. Offert. Fallax gratia, & vana est pulchritudo: mulier timens Deum, ipsa laudabitur.

V. Date ei de fructu manuum suarum: & laudent eam in portis opera eius: mulier timens Deum, ipsa laudabitur.

Dicitur: Credo.

Oratio super oblatam.

Sacrificijs præscentibus, quæsumus, Domine, placatus intende: ut per intercessionem Beatæ Annæ, quæ Genitricis Filij tui, Domini nostri, Iesu Christi mater extitit, & deuotioni nostræ proficiant, & saluti. Per eundem Dominum.

Præfatio.

Æterne Deus: Qui Beatam Annam singulari tuæ gratiæ privilegio sublimasti. Cui desideratæ fecunditatis munus magnificum, & excellens adeo contulisti; ut ex ipsa Virgo Virginum, Mariâ, Angelorum Domina, Regina mundi, maris Stella, Mater Filij tui, Dei, & hominis nasceretur. Et ideo cum Angelis.

Psal. 51. Confract. Ego autem sicut oliua fructifera in domo Dei.

Mat. 26. Transi. Mittens hæc mulier vnguentum hoc in corpus meum, ad sepeliendum me, fecit.

Oratio post Communionem.

Celestibus sacramentis vegetati, quæsumus, Domine Deus noster: ut intercessione Beatæ Annæ, quam Genitricis Filij tui matrem esse voluisti, ad æternam salutem peruenire mereamur. Per eundem Dominum nostrum.

† † † † † †
† † † †
† †
†

IN VIGILIA SANCTORUM MARTYRUM NAZARIJ, ET CELSI.

Ingressa.



Alus autem iustorum a Domino: & protector eorum est in tempore tribulationis.

Non dicitur: Gloria, in excelsis Deo.

Oratio super populum.

Beatorum Martyrum tuorum Nazarij, & Celsi natalitia præeuntes te, Domine, supplices rogâmus: ut, quorum gaudemus meritis, instruamur exemplis. Per Dominum.

Lectio Libri Sapientiæ.

Iustorum animæ in manu Dei sunt; & non tanget illos tormentum mortis. Visi sunt oculis insipientium mori: & æstimata est afflictio exitus illorum. Et ab itinere iusto abierunt in exterminium, & quod à nobis est iter exterminij: illi autem sunt in pace. Et si coram hominibus tormenta passi sunt; spes illorum immortalitate plena est. In paucis vexati, in multis bene disponentur; quoniam Deus tentauit eos, & inuenit illos dignos se. Tanquam aurum in fornace probauit illos: & quasi holocausti hostiam accēpit illos: & in tempore erit respectus illorum. Fulgebunt iusti, & tanquam scintillæ in arundineto discurrent. Iudicabunt nationes, & dominabuntur populis: & regnabit Dominus illorum in perpetuum.

Cantus: Nisi quod Dominus erat in nobis: dicat nunc Israel; Nisi quod Dominus erat in nobis.



Lectio sancti Euangelij secundum Lucam.

In illo tempore. Facta est contentio inter Discipulos Iesu, quis eorum videretur esse maior. Dixit autem

tem eis Iesus: Reges Gentium dominantur eorum: & qui potestatem habent super eos, benefici vocantur. Vos autem non sic: sed, qui maior est in vobis, fiat sicut minor: & qui præcessor est, sicut ministrator. Nam quis maior est, qui recumbit; an qui ministrat? Nonne qui recumbit? Ego autem in medio vestrum sum, sicut qui ministrat. Vos autem estis, qui permanistis mecum in tentationibus meis. Et ego dispôno vobis, sicut disposuit mihi Pater meus Regnum; vt edatis, & bibatis super mensam meam in Regno meo, & sedeatis super thronos, iudicantes duodecim Tribus Israel. Ait autem Dominus: Simon, Simon, ecce Satanâs expetuit vos, vt cribraret sicut triticum: ego autem rogavi pro te, vt non deficiat fides tua: & tu aliquando conuersus confirma fratres tuos.

Oratio super sindonem.

Præsta, quæsumus, Domine; vt, sicut populus Christianus Sanctorum Martyrum tuorum Nazarij, & Celsi temporali solemnitate congaudet: ita perfruatur æterna; & quod votis celebrat, compleatur effectu. Per Dominum.

Offert. Gloriabuntur in te omnes, qui diligunt nomen tuum; quoniam tu benedices iustos. Domine, vt scuto bonæ voluntatis tuæ coronasti nos.

Non dicitur: Credo.

Oratio super oblatam.

Hostias tibi, Domine, pro Sanctorum Martyrum tuorum Nazarij, & Celsi commemoratione deferimus, suppliciter exorantes: vt indulgentiam nobis pariter conferant, & salutem. Per Dominum.

Præfatio.

Æquum, & salutare: Nos tibi, Domine, cœli, terræque Deus Pater, gratias agere: quas hîc, & per

vniuersum mundum Ecclesia tua, Sancta, Catholica, omnium viuentium mater, in honore nominis tui per officia spiritualis obsequij quotidianâ deuotione, & annua festiuitate multiplicat. Quæ fidelium tuorum innumeris passionibus compta, & Beatorum Martyrum tuorum Nazarij, & Celsi sanguine decorata: à dextris sempiternæ Maiestatis assistens, tot nunc illustrata patrocinijs gaudet, quot pignora, persequente mundo, transmîsit ad cœlum. Magnum, hoc, Domine, pietatis tuæ, & ineffabile sacramentum; vt de illorum potius salute lætetur Ecclesia, quos punisse mundus exultat: atque illos magis acquisisse gaudeat, quos pro veritate certantes sæculi gladius interemit. O beata mater natorum suorum glorificata tormentis! quos non planctu, non gemitu ad inferna deducit; sed ad cœlestia, & æterna migrantes perpetuâ laude prosequitur. Per Christum, Dominum nostrum.

Confract. Ego vos elégi de mundo; vt eatis, & fructum plurimum afferatis, & fructus vester maneat.

Transitor. Laudate Deum in Sanctis eius, laudate eum in firmamento virtutis eius.

Oratio post Communionem.

Præsta, quæsumus, omnipotens Deus: vt Sanctorum Martyrum tuorum Nazarij, & Celsi cœlestibus mysterijs celebrata solemnitas indulgentiam nobis tuæ propitiationis acquirat. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus, per omnia sæcula sæculorum.



28.
Iulij.

IN NATALI
SANCTORUM MARTYRUM
NAZARIJ, ET CELSI.

Ingressa.Sap.
10.

Reddidit iustis Deus mercedem laborum ipsorum, & deduxit eos per aquas nimias: & fuit illis in velamento diei, & in lucem stellarum, transtulit eos.

Gloria in excelsis Deo.

Oratio super populum.

Exaudi Domine preces nostras: ut populus tuus, qui sub tantis Sanctorum Martyrum tuorum Nazarij, & Celsi patrocinijs est constitutus, & à suis offensionibus, & ab omnibus liberetur aduersis. Per Dñm.

Lectio; ut supra in Vigilia.Psal.
139.

Psal. 139. Iusti confitebuntur nomini tuo, & habitabunt recti cum vultu tuo, Domine.

Psal.
eccl.

Ps. eccl. Cognoui, quoniam faciet Dominus iudicium inopum, & vindictam pauperum.

Epistola Beati Pauli Apostoli
ad Colossenses.

Cap.
1.

Fratres. Gratias agimus Deo Patri, qui dignos nos fecit in partem sortis Sanctorum in lumine: qui eripuit nos de potestate tenebrarum, & transtulit in Regnum Filij dilectionis suæ: in quo habemus redemptionem, & remissionem peccatorum: qui est imago Dei inuisibilis, primogenitus omnis creaturæ. Quoniam in ipso condita sunt vniuersa in cœlis, & in terra, visibilia, & inuisibilia, siue Throni, siue Dominationes, siue Principatus, siue Potestates. Omnia per ipsum, & in ipso creata sunt: & ipse est ante omnes, & omnia in ipso constant: & ipse est caput corporis Ecclesiæ: qui est principium, primogenitus ex mortuis; ut sit in omnibus

ipse primatum tenens. Quia in ipso complacuit omnem plenitudinem inhabitare, & per eum reconciliare omnia in ipsum, pacificans per sanguinem Crucis eius, siue quæ in terris, siue quæ in cœlis sunt. Et vos, cum essetis aliquando alienati, & inimici sensu in operibus malis; nunc autem reconciliauit in corpore carnis eius per mortem, exhibere vos sanctos, & immaculatos, & irreprehensibiles coram ipso; si tamen permanetis in Fide fundati, & stabiles, & immobiles à spe Euangelij.

Halleluia. **Ps.** Sancte vir Dei libera nos per Deum, qui te saluauit; & credimus in Deum tuum: Hallel.



Lectio sancti Euangelij
secundum Ioannem.

In illo tempore. Voluit Dominus Iesus exire in Galilæam; & inuenit Philippum. Et dicit ei Iesus: Sequere me. Erat autem Philippus à Bethsaida, ciuitate Andreæ, & Petri. Inuenit Philippus Nathanael, & dicit ei: Quem scripsit Moyses in Lege, & Prophetæ, inuenimus Iesum filium Ioseph à Nazareth. Et dixit ei Nathanael: A Nazareth potest aliquid boni esse? Dicit ei Philippus: Veni, & vide. Vidit Iesus Nathanael venientem ad se, & dicit de eo: Ecce verè Israelita, in quo dolus non est. Dicit ei Nathanael: Unde me nosti? Respondit Iesus, & dixit ei: Priusquam te Philippus vocaret, cum esses sub ficu, vidi te. Respondit ei Nathanael, & ait: Rabbi, tu es Filius Dei: tu es Rex Israel. Respondit Iesus, & dixi ei: Quia dixi tibi: Vidi te sub ficu; credis: maius his videbis. Et dicit ei: Amen, amen dico vobis: Videbitis Cœlum apertum, & Angelos Dei ascendentes, & descendentes supra Filium hominis.

Anti-

Festa Iulij.

Antiphona post Euangelium.

^{Psalm.} ^{36.} Dominus amat iudicium, & non derelinquet Sanctos suos. In æternum conseruabuntur: adiuuabit eos, & liberabit eos à peccatoribus.

Oratio super sindonem.

Tribue nobis, quæsumus, omnipotens Deus Sanctorum Martyrum tuorum Nazarij, & Celsi desiderata commercia: vt, quorum perpetuâ dignitate sacra mysteria frequentamus in terris, & præsentia nobis subsidia postulent, & æterna. Per Dominum nostrum.

^{Psalm.} ^{3.} **Offertor.** Gloriabuntur in te omnes, qui diligunt nomen tuum; quoniam tu benedices iustos. Domine, vt scuto bonæ voluntatis tuæ coronasti nos.

Dicitur: Credo.

Oratio super oblatam.

Suscipe, quæsumus, Domine munera populi tui pro Martyrum tuorum Nazarij, & Celsi festiuitate Sanctorum: & sincero nos corde perfice benignus acceptos. Per Dominum nostrum.

Præfatio.

Æquum, & salutare: Nos tibi, summe Deus, gratias agere, & in hac triumphali die nostræ deuotionis pandere vota: in qua Martyr Sanctus, roseo illustratus cruore, Nazarius cœleste meruit conscendere Regnum. Qui, dum per innumera tormentorum acerba supplicia crudeliùs vexaretur, tyrannicam rabiem Fidei constantiâ superabat. Nec potuit persecutorum illatis cedere minis; quando pro se certante ipse Author victoriæ, Christus Dominus dimicabat. O felix, & inclytus Domini præliator! quî mundi congressus Principi, innumeram populi multitudinem vitæ sociauit æternæ. Inter quos & sacri prælij bellatorem, Celsum videlicet, fidelissimum testem,

dum martyrij docuit certare ad palmam; pariter meruerunt cœlestis patriæ peruenire ad Regnum. Per eundem Christum.

Confract. V idens Dominus Nathanael venientem ad se, dixit: Ecce verè Israelita, in quo dolus non est. ^{Io. 1.}

Transit. Multitudo languentium, & qui vexabantur à Spiritibus immundis, veniebant ad eos; quia virtus de illis exibat, & sanabat omnes. ^{Luc. 6.}

Oratio post Communionem.

Protege, quæsumus, Domine plebem tuam: & festiuitatem Martyrum tuorum Nazarij, & Celsi, quam nobis tradis assiduè, debitam tibi persolui precibus concede Sanctorum. Per Dominum nostrum.

IN NATALI SANCTÆ MARTHÆ VIRGINIS.

^{29.}
^{Iulij.}

Ingressa.



^{Psalm.} ^{44.} Dilexisti iustitiam, & odisti iniquitatem; propterea vnxit te Deus, Deus tuus oleo lætitiæ præ confortibus tuis. Gloria in excelsis Deo.

Oratio super populum.

Omnipotens, sempiterne Deus, cuius Filius in æde Beatæ Mart hæ hospitari dignatus est; da, quæsumus: vt eius meritis, quæ illum suscepit placidè, in æde Cœlorum misericorditer hospitari valeamus. Per eundem Dominum.

Epistola Beati Pauli Apostoli ad Hebræos.

Fratres. Caritas fraternitatis manifestat in vobis. Et hospitalitatem nolite obliuisci; per hanc enim latuerunt quidam Angelis hospitio receptis. Mementôte victorum, tanquam simul victi: & laborantium, tanquam & ipsi in corpore morantes. Honorabile connubium in omnibus,

^{Cap.}
^{13.}

nibus, & thorus immaculatus; Fornicatores enim, & adulteros iudicabit Deus. Sint mores sine auaritia, contenti presentibus. Ipse enim dixit: Non te deferam, neque derelinquam. Ita ut confidenter dicamus: Dominus mihi adiutor; non timebo, quid faciat mihi homo. Memento te prepositorum vestrorum, qui vobis locuti sunt verbum Dei: quorum intuentes exitum conuersationis, imitamini fidem. Iesus Christus heri, & hodie: ipse & in secula.

^{Psalm.} ^{44.} **H**alleluia. **V.** Diffusa est gratia in labijs tuis; propterea benedixit te Deus in æternum: Hallel.



Lectio sancti Euangelij
secundum Lucam.

^{Cap.} ^{10.} **I**n illo tempore. Intrauit Dominus Iesus in quoddam castellum: & mulier quædam, Martha nomine, excepit illum in domum suam: & huic erat soror, nomine Maria: quæ etiam sedens secus pedes Domini, audiebat verbum illius. Martha autem satagebat circa frequens ministerium. Quæ stetit, & ait: Domine, non est tibi curæ, quod soror mea reliquit me solam ministrare? Dic ergo illi, ut me adiuuet. Et respondens dixit illi Dominus: Martha, Martha, sollicita es, & turbaris erga plurima. Porro vnum est necessarium. Maria optimam partem elegit, quæ non auferetur ab ea.

Antiphona post Euangelium.

^{10.} ^{11.} **M**artha, resurget frater tuus. Scio, Domine, quia resurget in resurrectione, in nouissimo die.

Oratio super sindonem.

DA, quæsumus, misericors Deus: ut, qui Beatæ Marthæ, Filij tui hospite festiuitatem colimus, eius meritis à cunctis aduersitatibus liberemur. Per eundem Dominum.

Offert. Occurrerunt Maria, & Mar-

tha ad Iesum, dicentes: Domine, si fuisses hic, Lazarus non esset mortuus. Respondit Iesus: Martha, si credideris; videbis gloriam Dei.

Dicitur: Credo.

Oratio super oblatam.

Suscipe, & sanctifica Deus hoc munus oblatum, & concede: ut ad salutem nostram Corpus, & Sanguinem Filij tui meritis illius suscipiamus, quæ illum deuotè hospitio suscepit. Qui tecum viuit, & regnat.

Præfatio.

Æterne Deus: Et in celebritate Beatæ Marthæ Imperatorem coelorum dignis laudibus extollere. Quem in suis ædibus hospitio deuota suscepit: & pietatis obsequium sollicita ministravit. Unde & quadriduanum fratrem suum Lazarum ab inferis resuscitari obtinuit: & in aula celestis Imperij cum eodem hospite Christo inseparabiliter sociari promeruit. Quem vnà tecum.

Confract. Domine, si fuisses hic, frater meus non fuisset mortuus. Sed & nunc scio, quia, quæcunque poposceris à Deo, dabit tibi Deus.

Transit. Maria, & Martha dum venient ad monumentum, Angeli splendentes apparuerunt, dicentes: Quem quæritis? Viuentem inter mortuos? Non est hic. Venite, & videte locum, vbi iacuit. Cito euntes, dicite Discipulis eius, quia surrexit Dominus: Hallel.

Oratio post Communionem.

Quæsumus, omnipotens Deus; ut pijs sacramentis, quæ sumpsimus: & meritis Beatæ Marthæ Filij tui hospite ad gaudia pertingamus æterna. Per eundem.

SANCTORUM MARTYRUM

ABDON, ET SENNEN.

Missa de Comuni plur. Mart. Salus autem, pag. 8. S. CA-

S. CALIMERIJ EPISC. ET MART.
Missa de Communi Martyris, & Pontificis: Dedisti eum Domine, pag. 4. praterquam; vt infra.

Oratio super populum.

OMnipotens, sempiternus Deus solemnitatem huius diei propitius intueri: & Ecclesiam tuam, intercessione Beati Calimerij Pontificis, & Martyris tui, continua fac celebritate gaudere. Per Dominum.

Oratio super sindonem.

DEus, author mundi, & conditor, qui Sanctis tuis in confessione tui nominis virtutem, atque victoriam contulisti; presta populo tuo: vt, cuius annua celebritate deuotis exultat obsequijs, eius suffragijs tue pietatis consequatur auxilium. Per Dominum nostrum.

Oratio super oblatam.

OMnipotens, sempiternus Deus, qui Beatum Calimerium Martyrem tuum pontificalibus infulis decorasti; presta, quaesumus: nos eius exemplo, & interuentu tibi dignè munera consecrare, mundi gloriam despiciere, & coelum semper ambire. Per Dominum.

Præfatio.

Æterne Deus: Et in hac die, quam Beati Calimerij passio consecrauit, & nobis venerabilem exhibuit, prædicare. Qui euangelica prædicatione imbuitus, doctrinis celestibus educatus, electione dignitatis conspicuus, & Martyr insignis, & Sacerdos refulsit egregius. Per Christum.

Oratio post Communionem.

DEus, qui es tuorum Antistitum potentissimus illustrator, tribue, quaesumus: vt per hæc sacramenta, quæ sumpsimus, Beati Pontificis, & Martyris tui Calimerij magnificis exemplis, pariter & monitis

informati, sæculi istius caliginem, sine periculo transeamus. Per Dñm.

FESTA AUGUSTI:

**IN NATALI
 SANCTORUM MARTYRUM
 MACHABÆORUM.**

1. Aug.

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter Filios Dei, & inter Sanctos fors illorum est?

Gloria in excelsis Deo.

Oratio super populum.

Adesto Domine supplicationibus nostris: & intercessionibus Beatorum Martyrum tuorum Machabæorum perpetuam nobis misericordiam benignus impende. Per Dñm.

Epistola Beati Pauli Apostoli ad Romanos.

FRatres. Scimus, quoniam diligenter Deum omnia cooperantur in bonum, ijs, qui secundum propositum vocati sunt sancti. Nam, quos præsciuit, & prædestinauit conformes fieri imaginis Filij sui; vt sit ipse primogenitus in multis fratribus. Quos autem prædestinauit, hos & vocauit: & quos vocauit, hos & iustificauit: quos autem iustificauit, illos & glorificauit. Quid ergo dicemus ad hæc? Si Deus pro nobis; quis contra nos? Qui etiam proprio Filio suo non pepercit; sed pro nobis omnibus tradidit illum; quomodo non etiam cum illo omnia nobis donauit? Quis accusabit aduersus Electos Dei? Deus, qui iustificat. Quis est, qui condemnet? Christus Iesus, qui mortuus est; immo qui & resurrexit, qui est ad dexteram Dei, qui etiam inter-

Cap. 8.

interpellat pro nobis. Quis ergo nos separabit à charitate Christi? tribulatio? an angustia? an fames? an nuditas? an periculum? an persecutio? an gladius? sicut scriptum est: Quia propter te mortificamur tota die; æstimati sumus sicut oves occisionis. Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu, Domino nostro.

Psal.
149.

Hallel. **V.** Exultabunt Sancti in gloria, lætabuntur in cubilibus suis: Hall.

Cap.
31.

Lectio sancti Euangelij secundum Matthæum.

In illo tempore. Loquente Domino Iesu ad turbas, ecce mater eius, & fratres stabant foris, quærentes loqui ei. Dixit autem ei quidam: Ecce mater tua, & fratres tui foris stant, quærentes te. At ipse respondens dicenti sibi ait: Quæ est mater mea, & qui sunt fratres mei? Et extendens manum in Discipulos suos dixit: Ecce mater mea, & fratres mei. Quicumque enim fecerit voluntatem Patris mei, qui in Coelis est: ipse meus frater, & soror, & mater est.

Psal.
144.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur: Hallel. hallel.

Oratio super sindonem.

Annue nobis, quæsumus, omnipotens Deus; ut Sanctorum Martyrum tuorum Machabæorum suffragiis adiuuemur: & sicut eis copiosa victoria dedit triumphum; ita & nobis continuum præstet auxilium. Per Dominum.

Offert. **H**i sunt, qui custodierunt præcepta mea: dicit Dominus. Ingredientur in terram, quam iuraui patribus eorum, fluentem lac, & mel.

V. Locutusque est Dominus ad Moysen, dicens: Mitte viros, qui considerent terram Chanaam: terram, quam iuraui patribus eorum, fluentem lac, & mel.

Dicitur: Credo.

Oratio super oblatam.

Suscipe, quæsumus, Domine, & sanctifica hoc sacrificium populi tui: ut, quod in honore Beatorum Martyrum tuorum Machabæorum offertur ad gloriam, nobis tribuas ad salutem perpetuam. Per Dominum.

Præfatio.

Æquum, & salutare: Nos in honore nominis tui, Domine, Sanctos Martyres tuos Machabæos, natiuitate fratres, passione germanos, annua festiuitate cum omni admiratione præferre. Quos gloriosa mater vtero concépit, & mente; ut, quos secundum carnem genuerat mundo, eisdem omnipotenti Deo spiritu fecunditatis generaret ad gloriam. Nam, qui nati fuerant carnaliter ad mortem, religiosè moriebantur ad vitam. Abscinduntur linguæ, cutes caput auferuntur: & inter hæc gloriosissimi iuuenes non dolebant, quò crudelius punirentur; sed exultabant, quò gloriosius interirent; ut inuicem sibi essent & solatium, & exemplum. Post quos omnes & ipsa exultans sanguinis mater, & Fidei nouissimè subsecuta est: non ut vltima esset; sed ut fructus ventris sui præmitteret Deo, & pignora sua secura sequeretur. Et ideo cum Angelis.

Confract. **Q**uicumque fecerit voluntatem Patris mei, qui in Coelis est: ipse meus frater, & soror, & mater est: dicit Dominus.

Transit. **I**sti sunt, qui pro Testamen-

to Dei sua corpora tradiderunt, & in sanguine Agni lauerunt stolas suas. Congregamini omnes, qui timetis Deum: & videte, quantam gloriam dedit Dominus Sanctis suis.

Oratio post Communionem:

Praesta, quaesumus, omnipotens Deus: ut, quorum memoriam, sacramenti participatione recolimus, fidem quoque proficiendo sectemur. Per Dominum.

S. IGNATIJ CONF. SACERD.

Missa de Communi: Sacerdotes eius, pag. 14. **præterquam; ut infra. Fit Commemoratio Sancti Stephani Papæ, & Mart. ex Missa de Communi:** Dedisti eum, pag. 4.

Oratio super populum.

Deus, qui ad maiorem tui nominis gloriam propagandam, nouo per Beatum Ignatium subsidio militantem Ecclesiam roborasti, concede: ut eius auxilio, & imitatione certantes in terris, coronari cum ipso mereamur in coelis. Per Dominum.

Oratio super sindonem.

Deus, qui glorificantes te glorificas, & in Sanctorum tuorum honoribus honoraris, concede: ut, qui Beati Ignatij Confessoris tui gloriosa merita colimus, eius pia apud te patrocinia sentiamus. Per Dominum.

IN INVENTIONE

S. STEPHANI PROTOMART.

Fit Commemoratio Sancti Gaudentij Episcopi, & Confessoris, ex Missa de Communi: Elégit te Dominus, pag. 11.

Ingressa.



Iste video Coelos apertos, & Iesum stantem à dextris virtutis Dei. Domine Iesu accipe spiritum meum: & ne statuas illis hoc peccatum; quia nesciunt, quid faciunt.

Gloria in excelsis Deo.

Oratio super populum.

Omnipotens, sempiternus Deus, qui sacra Beati Protomartyris tui Stephani membra fidelibus tuis hodierna die reuelare voluisti, concede nobis: eius intercessionis auxilio ab instantibus tribulationibus liberari, & futuris consolationibus non priuari. Per Dominum nostrum.

Epistola Beati Pauli Apostoli ad Timotheum secunda.

Charissime. Affecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: qualia mihi facta sunt Antiochiæ, Iconij, Lystris: quales persecutiones sustinui: & ex omnibus eripuit me Dominus. Et omnes, qui piè volunt viuere in Christo Iesu, persecutionem patientur. Mali autem homines, & seductores proficient in peius, errantes, & in errorem mittentes. Tu verò permane in ijs, quæ didicisti, & credita sunt tibi: sciens, à quo didiceris: & quia ab infantia, sacras literas nosti, quæ te possunt instruere ad salutem per Fidem, quæ est in Christo Iesu.

Halleluia. Psal. 101. Posuisti Domine in capite eius coronam de lapide pretioso: Hallel.



Lectio sancti Euangelij secundum Matthæum.

In illo tempore. Dixit Dominus Iesus Discipulis suis: Simile est Regnum Coelorum thesauro abscondito in agro: quem, qui inuenit homo, abscondit: & præ gaudio illius vadit, & vendit vniuersa, quæ habet, & emit agrum illum. Iterum simile est Regnum Coelorum homini negotiatori, quærenti bonas margaritas: inuentâ autem vnâ pretiosâ margaritâ, abiit, & vendidit omnia, quæ habuit.

habuit, & emit eam. Iterum simile est Regnum Cœlorum sagênæ missæ in mare, & ex omni genere piscium congreganti: quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione sæculi. Exhibunt Angeli, & separabunt malos de medio iustorum: & mittent eos in Caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in Regno Cœlorum similis est homini patrifamilias, qui profert de thesauro suo noua, & vetera.

Antiphona post Euangelium.

Psal. 108. Posuerunt aduersum me mala pro bonis, & odium pro dilectione mea: ego autem semper orabam.

Oratio super sindonem.

Deus, qui es Sanctorum tuorum splendor mirabilis; quique hodierna die Beati Stephani Leuitæ, & Protomartyris tui venerandas reliquias reuelasti: da nobis in æterna lætitia de eius societate gaudere. Per Dominum.

Offert. Coronam gloriæ ponam super caput eius: dicit Dominus: & induam eum stola candida; quia seruauit mandata mea; & propter nomen meum effusus est sanguis eius in terra.

Dicitur: Credo.

Oratio super oblatam.

Hoc munus populi tui, Domine, Beati Leuitæ, & Protomartyris tui Stephani deprecatione sit gratum: vt Ecclesia tua eius semper intercessionibus adiuuetur, cuius sine cessatione instruitur disciplinis. Per Dominum nostrum.

Præfatio.

Aterne Deus: Donari nobis suppliciter exorantes: vt, sicut

Sanctus Protomartyr tuus Stephanus mundum in tua virtute vicit; ita nos à mundanis erroribus postulet expediti; quatenus, qui eius sacratissimam Inuentionem, & merita veneramur, beatitudinis mereamur esse confortes. Per Christum, Dominum.

Confract. In salutari tuo anima mea, & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in salutari tuo, Domine.

Oratio post Communionem.

Quos cœlestibus, Domine, recreas alimentis: interueniente Beato Leuita, & Protomartyre tuo Stephano ab vniuersis tuere clementer periculis. Per Dominum.

S. DOMINICI CONF. ET SACER. ^{4. Aug.}

Missa de Comuni: Sacerdotes eius, pag. 14. **Fit Commemoratio Sanctæ Perpetuæ Matronæ, ex Missa de Comuni:** Feci iudicium, pag. 21.

Oratio super populum.

Deus, qui Ecclesiam tuam Beati Dominici Confessoris tui illuminare dignatus es meritis, & doctrinis, concede propitius: vt eius intercessione temporalibus non destituatur auxilijs, & spiritualibus semper proficiat incrementis. Per Dñm.

Oratio super sindonem.

Intercessio nobis, Domine, Beati Dominici Confessoris cunctarum obtineat dona virtutum: vt seruorum tuorum numerus augeri, & Peccatorum rebelles ad te conuerti valeant voluntates. Per Dominum.

Oratio super oblatam.

Munera tibi, Domine, dicata sanctifica: vt, meritis Beati Dominici Confessoris tui, nobis proficiant ad medelam. Per Dominum.

Ora-

Oratio post Communionem.

COncede, quæsumus, omnipotens Deus: vt, qui peccatorum nostrorum pondere premimur, Beati Dominici Confessoris tui patrocinio subleuemur. Per Dominum.

IN DEDICATIONE

S. Mariæ ad Nives.

9. Aug.

Ingressa.

Luc. 1.



Ve Mariâ, gratiâ plena, Dominus tecum: benedicta tu inter mulieres, & benedictus fructus ventris tui. Ecce ancilla Domini; fiat mihi secundum verbum tuum.

Gloria in excelsis Deo.

Oratio super populum.

Omnipotens, sempiterne Deus famulos tuos dexterâ potentiæ tuæ à cunctis protege periculis: & Beata Mariâ semper Virgine intercedente, fac eos præsentî gaudere prosperitate, & futura. Per Dominum.

Lectio Libri Sapientiæ.

AB initio, & ante sæcula creatus sum, & vsque ad futurum sæculum non desinam, & in habitatione sancta coram ipso ministraui. Et sic in Sion firmata sum, & in ciuitate sanctificata similiter requieui, & in Ierusalem potestas mea. Et radicaui in populo honorificato, & in parte Dei mei hæreditas illius: & in plenitudine Sanctorum detentio mea.

Psalmell. Dilexisti iustitiam, & odisti iniquitatem.

Propterea vnxit te Deus, Deus tuus oleo lætitiæ præ confortibus tuis.

Epistola Beati Pauli Apostoli ad Romanos.

Ratres. Deus Filium suum mittens in similitudinem carnis peccati, & de peccato damnauit pecca-

tum in carne: vt iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum sunt, quæ sunt spiritus, sentiunt. Nam prudentia carnis, mors est: prudentia autem spiritus, vita, & pax. Quoniam sapientia carnis inimica est Deo; Legi enim Dei non est subiecta; nec enim potest. Qui autem in carne sunt, Deo placere non possunt: Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est; corpus quidem mortuum est propter peccatum: spiritus verò viuit propter iustificationem. Quod si Spiritus eius, qui suscitauit Iesum à mortuis, habitat in vobis; qui suscitauit Iesum Christum à mortuis, viuificabit & mortalia corpora vestra propter inhabitantem Spiritum eius in vobis.

Hallel. Benedicta tu inter mulieres, & benedictus fructus ventris tui: Hallel.



Lectio sancti Euangelij secundum Lucam.

In illo tempore. Intrauit Dominus Iesus in quoddam castellum: & mulier quædam, Martha nomine, excipit illum in domum suam: & huic erat soror, nomine Mariâ: quæ etiam sedens secus pedes Domini, audiebat verbum illius. Martha autem satagebat circa frequens ministerium: quæ stetit, & ait: Domine, non est tibi curæ, quòd soror mea reliquit me solam ministrare? Dic ergo illi, vt me adiuuet. Et respondens dixit illi Dominus: Martha, Martha, sollicita es, & turbaris erga plurima. Porro vnum est necessarium.

Hh

Mariâ

Maria optimam partem elegit, quæ non auferetur ab ea.

Antiphona post Euangelium.

Sub tuam misericordiam confugimus, Dei Genitrix, nostram deprecationem ne inducas in tentationem; sed de periculo libera nos sola casta, & benedicta.

Oratio super sindonem.

Concede, nos famulos tuos, quæsumus, Domine Deus, perpetua mentis, & corporis prosperitate gaudere: & gloriosa Beatæ Mariæ semper Virginis intercessione à præfenti liberari tristitia, & æterna perfrui lætitia. Per Dominum.

Offert. Beata, & venerabilis Virgo, quibus te laudibus præferam, nescio. Quem cœli non capiunt, tuis gremijs continetur.

V. Benedicta tu inter mulieres, & benedictus fructus ventris tui, qui est Christus, Dominus. Quem cœli non capiunt, tuis gremijs continetur.

Dicitur: Credo.

Oratio super oblatam:

Tua, Domine, propitiatione, & Beatæ Mariæ semper Virginis intercessione: ad perpetuam, atque præsentem hæc oblatio nobis proficiat prosperitatem, & pacem. Per Dominum nostrum.

Præfatio.

Æterne Deus. Qui genus humanum, præuaricatione sua, in ipsius originis radice damnatum, per Florem virginalis vteri reddere dignatus es absolutum: ut hominem, quem per Unigenitum tuum creaueras, per eundem Filium tuum, Deum, & hominem recreares: & Diabolus, qui Adam in fragili carne deuicerat, conseruatâ à Deo iustitiâ, carne vinceretur assumptâ. Per eundem Christum.

Luc. 11. Confract. Beatus ille venter, qui te portauit, Christe: & beata vbera,

quæ te lactauerunt, Dominum & Salvatorem mundi.

Transit. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, sanctificationes tuas trans mitte nobis.

Oratio post Communionem.

Sumptis, Domine, salutis nostræ subsidijs, da, quæsumus, Beatæ Mariæ patrocinijs nos ubique protegi: in cuius veneratione hæc tuæ obtulimus Maiestati. Per Dominum.

**IN SOLEMNITATE
TRANSFIGURATIONIS
D. N. IESU CHRISTI.**

Ingressa.



Idērunt gressus tuos, Deus, gressus Dei mei Regis, qui est in sancto. Illuxērunt coruscationes tuæ orbi terræ: commota est, &

contremuit terra.

Gloria in excelsis Deo.

Oratio super populum.

Deus, qui Fidei sacramenta in Unigeniti tui gloriosa Transfiguratione patrum testimonio roborasti, & adoptionem filiorum perfectam, voce delapsa in nube lucida mirabiliter præsignasti, concede propitius: ut ipsius Regis gloriæ nos cohæredes efficias, & eiusdem gloriæ tribuas esse consortes. Per eundem.

Commem. S. Xysti Papæ, & Mart.

Deus, qui Martyres tuos præmio passionis remunerare consueuisti; ita ut, deuictis persecutoribus, coronam martyrij consequantur, præsta, quæsumus: ut Beatus Sacerdos, & Martyr tuus Xystus, cuius commemorationem facimus, tuam pro nobis indulgentiam semper exoret. Per Dominum.

Lectio

Lectio Isaiaë Prophetæ.

IN diebus illis dixit Isaïas: Gaudens gaudebo in Domino, & exultabit anima mea in Deo meo; quia induit me vestimentis salutis, & indumento iustitiæ circumdedit me, quasi sponsum decoratum coronâ, & quasi sponsam ornatam monilibus suis. Sicut enim terra profert germen suum, & sicut hortus semen suum germinat; sic Dominus Deus germinabit iustitiam, & laudem coram vniuersis Gentibus. Propter Sion non tacebo, & propter Ierusalem non quiescam, donec egrediatur, vt splendor, lustus eius, & Saluator eius vt lampas accendatur. Et videbunt Gentes Iustum tuum, & cuncti Reges Inclytum tuum. Et vocabitur tibi nomen nouum, quod os Domini nominabit. Et eris corona gloriæ in manu Domini, & diadema Regni in manu Dei tui.

Psalmell. Cantate Domino, & confitemini nomini sancto eius: annunciate de die in diem Salutare eius.

V. Annunciate inter Gentes gloriam eius, in omnibus populis mirabilia eius.

Epistola Beati Petri Apostoli.

Charissimi. Non indoctas fabulas secuti, notam fecimus vobis Domini nostri, Iesu Christi, virtutem, & præsentiam; sed speculatores facti illius magnitudinis. Accipiens enim à Deo Patre honorem, & gloriam, voce delapsa ad eum huiusmodi à magnifica gloria: Hic est Filius meus dilectus, in quo mihi complacui: ipsum audite. Et hanc vocem nos audiuius, de coelo allatam; cum essemus cum ipso in monte sancto. Et habemus firmiorem propheticum sermonem; cui benefacitis attendentes, quasi lucernæ lucenti in caliginoso loco, donec dies elucescat,

& lucifer oriatur in cordibus vestris.

Halleluia, halleluia. **V.** Candor est lucis æternæ, speculum sine macula, & imago bonitatis illius: Hall.

Lectio sancti Euangelij secundum Matthæum.

IN illo tempore. Assumpsit Dominus Iesus Petrum, & Iacobum, & Ioannem fratrem eius: & duxit illos in montem excelsum seorsum. Et transfiguratus est ante eos & resplenduit facies eius sicut sol, vestimenta autem eius facta sunt alba sicut nix. Et ecce apparuerunt illis Moyses, & Eliás, cum eo loquentes. Respondens autem Petrus dixit ad Iesum: Domine, bonum est nos hic esse: si vis; faciamus hic tria Tabernacula; tibi vnum; Moyfi vnum; & Eliæ vnum. Adhuc eo loquente, ecce nubes lucida obumbravit eos: & ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes Discipuli, ceciderunt in faciem suam, & timuerunt valde. Et accessit Iesus, & tetigit eos, dixitque eis: Surgite, & nolite timere. Leuantes autem oculos suos, neminem viderunt, nisi solum Iesum. Et descendentibus illis de monte, præcepit eis Iesus, dicens: Nemini dixeritis visionem, donec Filius hominis à mortuis resurgat.

Antiphona post Euangelium.

Reuelavit Dominus condensa, & in Templo eius omnes dicent gloriam: Halleluia.

Oratio super sindonem.

Illumina, quæsumus, Domine populum tuum, & splendore gratiæ tuæ cor eorum semper accende: vt Saluatoris mundi, æterni luminis gloriâ famulante, manifestata celebritas mentibus nostris reueletur semper, & crescat. Per eundem Dominum.

Commemoratio S. Xysti.

Martyrum tuorum deprecatione, quæsumus, Domine nobis benignus intende: ut, sicut Beatum Sacerdotem, & Martyrem tuum Xystum pati pro tuo nomine voluisti; ita & tuis fidelibus eius facias merita suffragari. Per Dominum.

^{psal.}
^{111.} **Offert.** Gloria, & diuitiæ in domo eius: & iustitia eius manet in sæculum sæculi. Hallel.

Dicitur: Credo.

Oratio super oblatam.

Oblata, quæsumus, Domine, munera gloriosâ Unigeniti tui Transfiguratione sanctifica: nosque à peccatorum nostrorum maculis splendoris ipsius illustratione emunda. Qui tecum uiuit, & regnat.

Commemoratio S. Xysti.

Suscipe, quæsumus, Domine munera populi tui, pro Martyrum tuorum passionibus dicata Sanctorum: & quæ Beato Xysto in persecutione fortitudinem ministrarunt, nobis quoque præbeant inter aduersa constantiam. Per Dominum.

Præfatio.

Per Christum Dominum nostrum. Qui in hac magnæ solemnitatis die in monte transfiguratus est excelso, appârens Discipulis, quos assumpserat, lucido solis splendore coruscans: ut infirmitatis humanæ mentes, corpore inuolutas, ad veram illam lucis perpetuæ amœnitatem alliceret contemplandam, desiderandam, & totis viribus consequendam. Allecti fuerunt Discipuli ex tam mirabili claritate amplius supernam gloriam intentis desiderijs peroptare, quam nec oculus vidit, nec in cor hominis ascendit. Celebremus igitur dignis laudibus, speculantes supernum Redemptorem nostrum in montis cacumine tanto lucis splendore,

rutilasse: ut à præsentis vitæ ergastulo liberati, ad te, verum lumen, & indeficientem claritatem in perpetuum transferamur. Leuantisque oculos nostros neminem videamus, nisi solum Iesum, Redemptorem nostrum. Quem vnâ tecum.

Confract. Spiritus Sanctus venit in nube: vox Patris audita est, Hic est Filius meus dilectus, in quo mihi bene complacui: Hallel.

Transit. Vidérunt omnes fines terræ Salutare Dei nostri: Hallel.

Oratio post Communionem.

Præsta, quæsumus, omnipotens Deus: ut sacrosancta Transfigurationis mysteria, quæ solemniter celebramus officio, purificatæ mentis intelligentiâ consequamur. Per Dñm.

Commem. S. Xysti.

Præsta, quæsumus, omnipotens Deus: ut Beatus Sacerdos, & Martyr tuus Xystus sacris nos exerceat institutis, & piè semper faciat in sua confessione constantes. Per Dñm.

SANCTORUM MARTYRUM
DONATI, ET CARPOPHORI.

Missa de Communi plurium Martyrum: Stabunt iusti, pag 6. **præterquam; ut infra.**

Oratio super populum.

Beatorum Martyrum tuorum Donati, & Carpophori nos, quæsumus, Domine, corona lætificet: & fidei nostræ præbeat incitamenta virtutum, & multiplici nos suffragio consoletur. Per Dominum.

Oratio super sindonem.

Adsit nobis, quæsumus, Domine, Beatorum Martyrum tuorum Donati, & Carpophori sancta precatio: quæ nos & à terrenis affectibus incessanter expediat, & coelestia desiderare perficiat. Per Dominum nostrum.

Ora-

Oratio super oblatam.

Suscipe Domine hoc sacrificium,
placationis, & laudis : quod nos,
interuenientibus Sanctis tuis Dona-
to, & Carpophoro, perducat ad ve-
niam, & in perpetua gratiarum con-
stituatur actione. Per Dominum.

Præfatio.

ATerne Deus. Sanctorum Martyrum tuorum Donati, & Carpophori merita recolentes. Qui usque ad sanguinem pro veritate certantes, ad æternæ beatitudinis confortia peruenērunt: & transitoriam lucem pro eâdem relinquentes, sempiterni splendoris adepti sunt perpetuam claritatem. Per Christum.

Oratio post Communionem.

F Amiliam tuam, quæsumus, Domine supplicantem propitius respice: vt, quæ, te inspirante, deponit, Beatorum Martyrum tuorum, Donati, & Carpophori patrocinijs consequatur Per Dominum.

S. CAIETANI CONF. SACERD.

Missa de Communi: Sacerdotes eius,
pag. 14. præterquam ; vt infra , cum
Commem. SS. Cyriaci, Largi, & Sma-
ragdi Martyrum ex Missa de Commu-
ni: Salus autem iustorum, pag. 8.

Oratio super populum.

FAmulis tuis Domine spiritum supernæ dilectionis infunde : & ignem Diuini amoris , quo cor Beati Sacerdotis Caietani flagrauit , in eis propitiatus accende. Per Dominum.

Oratio super findonem.

DEus, qui bona cuncta largiris, & in te confidentes nunquam deferis, præsta: vt, Sancti Caietani Sacerdotis exemplo, in tua semper habeamus prouidentia & pietate fiduciam. Per Dominum nostrum.

IN VIGILIA
S. LAURENTIJ MARTYRIS.

Ingressa.



Uſus non conturbabi- Pſal.
36.
tur; quia Dominus fir-
mat manum eius. To-
ta die miſeretur, &
commodat; & ſemen
eius in benedictione
n: dicit Dominus.

erit in æternum: dicit Dominus.

Non dicitur: Gloria in excelsis Deo.

Oratio super populum.

A Nnue nobis, quæsumus, omnipotens Deus: vt Beati Leuitæ, & Martyris tui Laurentij merita, cuius venerandam solemnitatem, præuenimus, & deuotionem nobis augeant, & salutem. Per Dominum.

Commemoratio SS. Martyrum
Firmi, & Rustici.

Deus, qui nos concedis Beatorum
Martyrum tuorum Firmi, &
Rustici natalitia colere: da nobis in
æterna beatitudine de eorum socie-
tate gaudere. Per Dominum.

Epistola Beati Pauli Apostoli
ad Corinthios secunda.

Fratres. Qui administrat semen, Cap. 9.
feminanti, & panem ad mandu-
candum præstabit, & multiplicabit se-
men vestrum, & augebit incrementa
frugum iustitiæ vestræ; vt in omni-
bus locupletâti abundetis in omnem
simplicitatem, quæ operatur per nos
gratiarum actionem Deo. Quoniam
ministerium huius officij non solum
supplet ea, quæ desunt sanctis; sed
etiam abundat per multas gratiarum
actiones in Domino, per probatio-
nem ministerij huius, glorificantes
Deum in obedientia confessionis ve-
stræ in Euangelium Christi, & simpli-
citate communicationis in illos, & in
omnes, & in ipsorum obsecratione
pro vobis, desiderantium vos prop-
ter eminentem gratiam Dei in vobis.

Gratias Deo super inenarrabili dono eius.

Psalm. **Cant.** *31.* **L**euauit oculos meos ad montes, unde veniet auxilium mihi.

Lectio sancti Euangelij secundum Ioannem.

Cap. **I**n illo tempore. Dixit Dominus Iesus Discipulis suis: Verba, quæ ego loquor vobis, à me ipso non loquor. Pater autem in me manens, ipse facit opera. Non creditis, quia ego in Patre, & Pater in me est? Alioquin propter opera ipsa credite. Amen, amen dico vobis: Qui credit in me, opera, quæ ego facio, & ipse faciet, & maiora horum faciet; quia ego ad Patrem vado; & quodcunque petieritis Patrem in nomine meo, hoc faciam; ut glorificetur Pater in Filio. Si quid petieritis me in nomine meo; hoc faciam.

Oratio super sindonem.

Deus, cuius charitatis ardore Beatus Laurentius Leuita, & Martyr edaces incendij flammæ, victo persecutore, superauit, concede propitius: ut omnes, qui martyrij eius merita veneramur, protectionis tuæ muniamur auxilio. Per Dominum.

Commem. SS. Firmi, & Rustici.

Presta, quæsumus, omnipotens Deus: ut non desinant Sancti tui pro nostris tibi supplicare peccatis, à quibus voluisti pro peccatoribus exorari. Per Dominum.

Psalm. **Offert.** *30.* Desiderium animæ eius tribuisti ei, Domine: & in voluntate labiorum eius non fraudasti eum. Posuisti in capite eius coronam de lapide pretioso.

Non dicitur: Credo.

Oratio super oblatam:

Suscipe Domine hæc munera populi tui, quæ tibi in Beati Martyris tui Laurentij festiuitate offerimus: ut per eadem, sicut confidimus, tuæ

pietatis sentiamus auxilium. Per Dominum nostrum.

Commem. SS. Firmi, & Rustici.

Munera tibi, Domine, nostræ deuotionis offerimus: quæ & pro tuorum tibi grata sint honore Iustorum, & nobis salutaria, te miserante, reddantur. Per Dominum.

Præfatio.

Æquum, & salutare: Nos tibi, omnipotens Domine, gratias agere, Beati Laurentij Martyris tui solemnitatem celebrantes. Cui fidem, confessionemque non abstulit ignis accensus; sed, ut clarius luceret, accendit. Nam sicut aurum flammis non vritur, sed probatur: sic Beati Martyris sancta substantia non consumitur, sed aptatur celestibus ornamentis. Per Christum.

Confract. *Psalm.* **I**n Salutari tuo anima mea, *118.* & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. *Psalm.* **M**agna est gloria eius in Salutari tuo, Domine. *30.*

Oratio post Communionem.

Indulgentiam tuam, Domine, nobis, quæsumus, Sancti Laurentij postulet grata precatio: per dilectissimum Filium tuum, Deum Dominum, & Saluatorem nostrum. Qui tecum viuit, & regnat in vnitæte Spiritus Sancti Deus.

Commemoratio SS. Firmi, & Rustici.

Hæc nos communio, Domine, purget à crimine: &, intercedentibus Sanctis Martyribus tuis Firmo, & Rustico, celestis remedij faciat esse consortes. Per Dominum nostrum, Iesum Christum, Filium tuum: qui tecum viuit, & regnat in vnitæte.

INFESTO

S. LAURENTII MARTYRIS.

Ingressa.



Disperfit, dedit pauperibus; iustitia eius manet in sæculum sæculi. Cornu eius exaltabitur in gloria.

Gloria in excelsis Deo.

Oratio super populum.

Annue, quæsumus, omnipotens Deus: vt, sicut Beatus Leuita, & Martyr tuus Laurentius ignium globos, te protegente, euasit; ita populus fidelis huius aduersitatem sæculi, te auxiliante, euadat. Per Dominum nostrum.

Lectio Isaiaæ Prophetæ.

Hæc dicit Dominus, creans te Iacob, & formans te Israel: Noli timere; quia redēmi te, & vocaui te nomine tuo: meus es tu. Cum transieris per aquas, tecum ero, & flumina non operient te. Cum ambulaueris in igne, non comburēris, & flamma non ardēbit in te. Quia ego Dominus, Deus tuus, Sanctus Israel, Saluator tuus dedi propitiationem tuam Ægyptum, Æthiopiam, & Saba pro te. Ex quo honorabilis factus es in oculis meis, & gloriosus, ego dilexi te, & dabo homines pro te, & populos pro anima tua. Noli timere; quia ego tecum sum. Ab Oriente addūcam semen tuum, & ab Occidente congregabo te. Dicam Aquiloni, Da: & Austro: Noli prohibere. Affer filios meos de longinquo, & filias meas ab extremis terræ.

Psalmell. Iustus vt palma florebit: sicut cedrus, quæ est in Libano, multiplicabitur.

V. Bonum est confiteri Domino, & psallere nomini tuo, Altissime. Sicut cedrus, quæ est in Libano, multiplicabitur.

Epistola Beati Pauli Apostoli ad Corinthios secunda.

Fratres. Qui parcè seminat, parcè & metet. Et, qui seminat in benedictionibus, de benedictionibus & metet. Unusquisque, prout destinavit in corde suo: non ex tristitia, aut ex necessitate; hilarem enim datorem diligit Deus. Potens est autem Deus omnem gratiam abundare facere in vobis; vt in omnibus semper omnem sufficientiam habentes abundētis in omne opus bonum: sicut scriptum est; Disperfit, dedit pauperibus; iustitia eius manet in sæculum sæculi.

Halleluia. **V.** Disperfit, dedit pauperibus; iustitia eius manet in sæculum sæculi: Hallel.

Lectio sancti Euangelij
secundum Ioannem.

In illo tempore. Dixit Dominus Iesus Discipulis suis: Amen, amen dico vobis: Nisi granum frumenti cadens in terram mortuum fuerit; ipsum solum manet: si autem mortuum fuerit; multum fructum affert. Qui amat animam suam, perdet eam: & qui odit animam suam in hoc mundo, in vitam æternam custodit eam. Si quis mihi ministrat; me sequatur: & vbi sum ego, illic & minister meus erit. Si quis mihi ministrauerit; honorificabit eum Pater meus.

Antiphona post Euangelium.

Probaſti, Domine, cor meum, & visitasti nocte: igne me examinasti, & non est inuenta in me iniquitas.

Oratio super sindonem.

Beati Leuitæ, & Martyris tui Laurentij nos, quæsumus, Domine, foueant continuata præsidia: quia non desinis propitius intueri, quos promissis auxilijs concesseris adiuuari. Per Dominum.

Offert. Exaudita est oratio mea, Domine;

^{Iob.}
^{16.} mine; & ideo peto, vt detur locus
voci meæ in coelo; quia ibi est Iudex
meus, & conscius meus in excelsis.
Ascendat ad Dominum deprecatio
mea.

V. i. Probauit me Dominus sicut au-
rum. Vias eius custodiui, & à præ-
ceptis eius non discessi. Ascendat ad
Dominum deprecatio mea.

^{Psalm.}
^{71.} **V. ii.** Liberaui pauperem de manu
potentis: & orphanum, qui sine adiu-
torio fuit: ego eram illi auxiliator.
Os autem viduæ benedixit me sem-
per. Ascendat ad Dominum depre-
catio mea.

Dicitur: Credo.

Oratio super oblatam.

UT grata tibi sit, Domine, nostræ
seruitutis oblatio: Beatus Leuî-
ta, & Martyr tuus Laurentius, quæ-
sumus, natalitio suo nobis obtineat.
Per Dominum nostrum, Iesum Chri-
stum, Filium tuum: qui tecum viuit,
& regnat.

Præfatio.

Æterne Deus. Qui hodierna
die Beati Leuîtæ tui Lauren-
tij fidem auream igne ardentissimo
comprobasti; vt esset tibi hostia vi-
ua, hostia sancta, in odorem suauita-
tis accensa. O gloriosi certaminis
virtus! O inconcussa mentis constan-
tia! Stridunt membra viuentis super
Craticulam imposita, & prunis sæ-
uiantibus anhelantis: vt & tibi hostia
fieret, & ad martyrij triumphum in-
trepidus perueniret. Per Christum.

Confract. Noli me derelinquere Pa-
ter Sancte; quia thesauros iam ex-
pendi, quos tradidisti mihi.

^{Psalm.}
^{16.} **Transit.** In Craticula Sanctum Deum
non negaui: & ad ignem applicatus
Christum confessus sum. Probasti
cor meum, & visitasti nocte: igne
me examinasti, & non est inuenta in
me iniquitas.

Oratio post Communionem.

Conserua in nobis Domine mu-
nus tuum: &, quod, te donan-
te, pro solemnitatem Beati Martyris
tui Laurentij percepimus, & salutem
nobis præstet, & pacem. Per Dñm.

S. RADEGUNDÆ MATRONÆ. ^{11.}
^{Aug.}

Missa de Communi: Feci iudicium,
pag. 21. **præterquam; vt infra.**

Oratio super populum.

Deus, qui Beatam ancillam tuam
Radegundam, in fragili sexu
constitutam, sanctificasti vocatione,
misericordiæ: per ipsius merita su-
scipe propitius preces nostras, &
præsta; vt, sicut tecum est illa meri-
tis; ita à nobis non recédât exem-
plis. Per Dominum nostrum.

Oratio super sindonem.

Exaudi, quæsumus, Domine sup-
plices tuos: &, intercedente
Beata Radegunda, cuius solemnia
colimus, pariter nobis indulgentiam
tribue benignus, & pacem. Per Dñm.

Oratio super oblatam.

Omnipotens, & misericors Deus,
ad preces, & hostias nostræ fra-
gilitatis, quæsumus, propitiatus at-
tende: vt, Beata Radegunda interce-
dente, & gratæ tibi semper existant,
& perpetuum nobis tuæ protectionis
auxilium obtineant. Per Dominum.

Oratio post Communionem.

Excitetur, quæsumus, Domine, hæc
sacra libatio illum in nobis piæ
deuotionis affectum, quem in Beata
ancilla tua Radegunda mirabiliter
accendisti: vt valeamus & mente di-
ligere, quod amauit, & opere exer-
cere, quod ipsa, te auxiliante, exer-
cuit. Per Dominum nostrum, Iesum
Christum, Filium tuum: qui tecum
viuit, & regnat in vnitatem Spiritus
Sancti Deus, per omnia sæcula sæcu-
lorum.

12. Aug. S. EUSEBIJ EPISC. ET CONF.
Missa de Comuni Pontificis, & Confessoris: Sacerdos iste, pag. 9. Fit Commemoratio Sanctæ Claræ, de Comuni vnus simplicis Virginis: Dilexisti iustitiam, pag. 19.

IN NATALI

13. Aug. S. HIPPOLYTI MARTYRIS.

Ingressa.

Psal. 36.



Iustus non conturbabitur; quia Dominus firmat manum eius. Tota die miseretur, & commodat; & semen eius in benedictione erit in æternum: dicit Dominus.

Gloria in excelsis Deo.

Oratio super populum.

Intercessio, Domine, Beati Hippolyti Martyris tui: & tuam nobis non desinat placare iustitiam, & nostrum tibi deuotum efficere famulatum. Per Dominum.

Epistola Beati Pauli Apostoli ad Timotheum prima.

Cap. 1. Charissime. Gratias ago ei, qui me confortauit, Christo Iesu, Domino nostro; quia fidelem me existimauit, ponens in ministerio. Qui prius blasphemus fui, & persecutor, & contumeliosus; sed misericordiam Dei consecutus sum; quia, ignorans feci in incredulitate. Superabundauit autem gratia Domini nostri cum fide, & dilectione, quæ est in Christo Iesu. Fidelis sermo, & omni acceptione dignus: Quod Christus Iesus venit in hunc mundum peccatores saluos facere, quorum primus ego sum. Sed ideo misericordiam, consecutus sum; vt in me primò ostenderet Christus Iesus omnem patientiam, ad informationem eorum, qui credituri sunt illi in vitam æternam. Regi autem sæculorum immor-

tali, inuisibili, soli Deo honor, & gloria in sæcula sæculorum. Amen.

Halleluia. Venite, & videte: & enarrabo vobis, omnes, qui timetis Deum, quanta fecerit Dominus animæ meæ: Hallel.



Lectio sancti Euangelij secundum Lucam.

Cap. 18. In illo tempore. Assumpsit Dominus Iesus Duodecim, & ait illis: Ecce ascendimus Ierosolymam, & consummabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur. Et postquam flagellauerint, occident eum: & tertia die resurget. Et ipsi nihil horum intellexerunt: & erat verbum istud absconditum ab eis: & non intelligebant, quæ dicebantur. Factum est autem: cum appropinquaret Iericho, cæcus quidam sedebat secus viam, mendicans. Et, cum audiret turbam prætereuntem, interrogabat, quid hoc esset. Dixerunt autem ei, quod Iesus Nazarenus transiret. Et clamauit, dicens: Iesu, fili David miserere mei. Et, qui præibant, increpabant eum, vt taceret. Ipse verò multò magis clamabat: Fili David miserere mei. Stans autem Iesus iussit illum adduci ad se. Et, cum appropinquasset, interrogauit illum, dicens: Quid tibi vis faciam? At ille dixit: Domine, vt videam. Et Iesus dixit illi: Respice: fides tua te saluum fecit. Et confestim vidit, & sequebatur illum, magnificans Deum. Et omnis plebs, vt vidit, dedit laudem Deo.

Antiphona post Euangelium.

Iustus, velut palma, florebit: sicut cedrus, quæ est in Libano multiplicabitur.

Oratio super sindonem.

Sancti Martyris tui Hippolyti, Domine, quæsumus, veneranda festi-

festiuitas salutaris auxiliij nobis præstet augmentum. Per Dominum.

Psal. 30. **Offert.** In virtute tua, Domine, lætabitur iustus: & super salutare tuum, exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Offerimus tibi, Domine, preces, & munera: quæ, vt tuo sint grata conspectui, Beati Martyris tui Hippolyti precibus adiuuemur. Per Dominum nostrum.

Præfatio.

Aterne Deus: Nosque in hac solemnitatis die Beati Martyris tui Hippolyti ad tui nominis gloriam exultare. Quia te verum ducem considerans, miles tuus esse maluit, quam dux militum comprobari. Beatumque Laurentium, suæ custodiæ mancipatum, non persecutus est, sed secutus. Qui cum thesauros Ecclesiæ discuteret, inuenit thesaurum, non quem tyrannus eriperet, sed quem pietas possideret: inuenit thesaurum, vnde veræ diuitiæ peterentur. Spreuit fauorem tyranni; vt cum Regis perpetui gratia probaretur. Membris diuidi non refugit, ne nexibus diuelleretur æternis; quia solum vitæ dilexit Authorem. Quem vnà tecum.

Mat. 16. **Confract.** Qui vult venire post me, abneget semetipsum, & tollat crucem suam, & sequatur me.

Psal. 30. **Transit.** Magna est gloria eius in saluari tuo, Domine.

Oratio post Communionem.

Sacramenti tui, Domine, communio semper nos saluet: & in tuæ veritatis luce confirmet. Per Dominum nostrum, Iesum Christum, Filium tuum: qui tecum viuit, regnat in vnitæte Spiritus Sancti Deus, per omnia sæcula sæculorum.

IN VIGILIA ASSUMPTIONIS B. V. M.

Ingressa.



Luc. 1. Ve Mariâ, gratiâ plena; Dominus tecum; Benedicta tu inter mulieres, & benedictus fructus ventris tui. Ecce ancilla Domini; fiat mihi secundum verbum tuum.

Non dicitur: Gloria in excelsis Deo.

Oratio super populum.

Subueniat, Domine, plebi tuæ Dei Genitricis oratio: quam, etsi pro conditione carnis migrasse cognoscimus, in cœlesti gloria apud te pro nobis intercedere sentiamus. Per eundem Dominum.

Lectio Libri Sapientiæ.

In omnibus requiem quæsiui, & in hæreditate Domini morabor. Tunc præcepit, & dixit mihi Creator omnium, & qui creauit me, requieuit in tabernaculo meo, & dixit mihi: In Iacob inhabita, & in Israel hæreditare, & in Electis meis mitte radices. Ab initio, & ante sæcula creata sum, & vsque ad futurum sæculum non desinam; & in habitatione sancta coram ipso ministraui. Et sic in Sion firmata sum, & in ciuitate sanctificata similiter requieui, & in Ierusalem potestas mea. Et radicaui in populo honorificato, & in parte Dei mei hæreditas illius: & in plenitudine Sanctorum detentio mea. Quasi cedrus, exaltata sum in Libano: & quasi cypressus, in monte Sion. Quasi palma, exaltata sum in Cades: & quasi plantatio rosæ in Iericho. Quasi oliua speciosa in campis: & quasi platanus, exaltata sum iuxta aquam in platæis. Sicut cinnamomum, & balsamum aromatizans odorem dedi: quasi myrrha electa, dedi suauitatem odoris.

Psalmell.

Psalmell. Dilexisti iustitiam, & odisti iniquitatem.

Ps. Propterea vnxit te Deus, Deus tuus oleo lætitiæ præ confortibus tuis.

Lectio sancti Euangelij secundum Lucam.

Cap. 21. **I**N illo tempore. Extollens vocem quædam mulier de turba, dixit ad Iesum: Beatus ille venter, qui te portauit; & vbera, quæ suxisti. At ille dixit: Quinimmo beati, qui audiunt verbum Dei, & custodiunt illud.

Oratio super sindonem.

Magna est, Domine, apud clementiam tuam Dei Genitricis oratio: quam idcirco de præsentis sæculo transtulisti; vt pro peccatis nostris apud te fiducialiter intercédât. Per eundem Dominum.

Psalm. **Offertor.** Afferentur Regi Virgines: proximæ eius afferentur tibi in lætitia, & exultatione: adducentur in Templum Regis Domino.

Non dicitur: Credo.

Oratio super oblatam.

Suscipe, quæsumus, Domine sacrificium placationis, & laudis: quod nos, interueniente Sancta Dei Genitrice, semperque Virgine Mariâ, cuius festum Assumptionis diem præuenimus, & perducatur ad veniam, & in perpetua gratiarum constituat actione. Per eundem Dominum.

Præfatio.

Per Christum, Dominum nostrum. Et in huius diei veneranda festiuitate gaudere. In qua Sancta Dei Genitrix mortem subiit temporalem; nec tamen mortis nexibus deprimi potuit; quæ Filium tuum, Dominum nostrum de se genuit incarnatum. Quem vnâ tecum.

Luc. 11. **Confract.** Beatus ille venter, qui te portauit, Christe: & beata vbera,

quæ te lactauerunt Dominum, & Saluatorem mundi.

Transit. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix sanctificationes tuas trasmitte nobis.

Oratio post Communionem.

Concede misericors Deus fragilitati nostræ præsidium: vt, qui Sanctæ Dei Genitricis festiuitatem, præuenimus, intercessionis eius auxilio à nostris iniquitatibus resurgamus. Per eundem Dominum.

I N F E S T O
ASSUMPTIONIS 15. Aug.
BEATÆ VIRGINIS
MARIÆ.

Ingressa.



Ætemur omnes in Domino, diem festum celebrantes ob honorem Beatæ Mariæ Virginis: de cuius Assumptione gaudent Angeli, & collaudant Filium Dei.

Gloria in excelsis Deo.

Oratio super populum.

Concede nobis, quæsumus omnipotens Deus, ad Beatæ Mariæ semper Virginis gaudia æterna perungere: de cuius nos veneranda Assumptione tribuis annua solemnitate gaudere. Per Dominum.

Lectio cum Psalmello, & Versu; vt supra in Vigilia.

Epistola Beati Pauli Apostoli ad Corinthios secunda.

Fratres. Qui gloriatur, in Domino ^{Cap. 10.} no gloriatur. Non enim, qui seipsum commendat, ille probatus est; sed, quem Deus commendat. Utinam ^{Cap. 11.} sustineretis modicum quid insipientiæ meæ: sed & supportate me. Æmulor

lor enim vos Dei æmulatione. Despondi enim vos vni viro, virginem castam exhibere Christo. Timeo autem, ne, sicut Serpens Euam seduxit astutiâ suâ; ita corrumpantur sensus vestri, & excidant à simplicitate, quæ est in Christo. Nam si is, qui venit, alium Christum prædicat, quem non prædicauimus: aut alium Spiritum, accipitis, quem non accepistis: aut aliud Euangelium, quod non recepistis; rectè pateremini. Existimo enim, nihil me minus fecisse à magnis Apostolis. Nam etsi imperitus sermone, sed non scientiâ: in omnibus autem manifestati sumus vobis. Aut nunquid peccatum feci, meipsum humilians, vt vos exaltemini? Quoniam, gratis Euangelium Dei euangelizaui vobis? Alias Ecclesias expoliaui, accipiens stipendium ad ministerium vestrum. Et cum essem apud vos, & egêrem, nulli onerosus fui. Nam, quod mihi deerat suppleuerunt fratres, qui venerunt à Macedonia: & in omnibus sine onere me vobis seruauit, & seruabo. Est veritas Christi in me.

Halleluia. **V.** Assumpta est Maria in Cœlum. Gaudent Angeli, collaudantes, & benedicentes Dominum: Hallel.



Lectio sancti Euangelij secundum Lucam.

Cap.
10.

In illo tempore. Intrauit Dominus Iesus in quoddam castellum: & mulier quædam, Martha nomine, excipit illum in domum suam: & huic erat soror, nomine Maria: quæ etiam sedens secus pedes Domini, audiebat Verbum illius. Martha autem satagebat circa frequens ministerium: quæ stetit, & ait: Domine, non est tibi curæ, quod soror mea reliquit me solam ministrare? Dic ergo illi, vt me adiuuet. Et respon-

dens dixit illi Dominus: Martha, Martha, sollicita es, & turbaris erga plurima. Porro vnum est necessarium. Maria optimam partem elegit, quæ non auferetur ab ea.

Antiphona post Euangelium.

Exaltata est Sancta Dei Genitrix super Choros Angelorum ad Cœlestia Regna: Hallel.

Oratio super findonem.

Subueniat, Domine, plebi tuæ Dei Genitricis oratio: quam etsi pro conditione carnis migrasse cognoscimus; in cœlesti gloria apud te pro nobis intercedere sentiamus. Per eundem Dominum nostrum.

Offert. **V**idi speciosam, sicut columbam, ascendentem desuper riuos aquarum: cuius inæstimabilis odor erat magnus in vestimentis eius: & sicut dies verni circundabant eam flores rosarum, & lilia conuallium.

V. Ascendebat per desertum sicut virgula fumi ex aromatibus myrrhæ, & thuris: & sicut dies verni circundabant eam flores rosarum, & lilia conuallium.

Dicitur: **C**redo.

Oratio super oblatam.

Intercessio, quæsumus, Domine, Beatæ Mariæ semper Virginis munera nostra commendet: nosque in eius veneratione Maiestatî tuæ reddat acceptos. Per Dominum.

Præfatio.

Æquum, & salutare. Nos te in veneratione Sanctarum Virginum exultantibus animis laudare, benedicere, & prædicare. Inter quas Beata Dei Genitrix, intemerata Virgo Maria gloriosissimè fulget. Cuius Assumptionis diem, omni deuotione colendum, presenti sacrificio celebramus. Et ideo cum Angelis.

Confract. **L**ætare Virgo, Mater Christi, stans à dextris eius in vestitu deaurato,

Festa Augusti.

aurato, circumamicta iucunditate.

Transit. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, sanctificationes tuas trans mitte nobis.

Oratio post Communionem.

Concede misericors Deus fragilitati nostræ præsidium: ut, qui Sanctæ Dei Genitricis Mariæ memoriam colimus, intercessionis eius auxilio à nostris iniquitatibus resurgamus. Per eundem Dominum.

IN FESTO

^{16.}
^{Aug.} **SANCTI SIMPLICIANI**
EPISC. ET CONF.

Missa de Communi. Sacerdos iste, pag. 9. præterquam; ut infra.

Oratio super populum.

Impetret, quæsumus, Domine, fidelibus tuis auxilium pietatis oratio Beati Sacerdotis, & Confessoris tui Simpliciani: ut, in cuius solemnitate sumus deuoti, facias nos propitius in eius perpetua esse sorte participes. Per Dominum.

Oratio super sindonem.

Præsta, quæsumus, omnipotens Deus: ut Beati Sacerdotis, & Confessoris tui Simpliciani & imitatione te ducem mereamur sectari, & oratione defendi. Per Dominum.

Oratio super oblatam.

Munera Domine, quæ pro Beati Sacerdotis, & Confessoris tui Simpliciani solemnitate deferimus, propitius suscipe: & mala omnia, quæ meremur, auerte. Per Dominum.

Oratio post Communionem.

Quæsumus, omnipotens Deus: ut Beati Simpliciani Sacerdotis, & Confessoris tui deprecationibus sacramenta sancta, quæ sumpsimus, ad tuæ nobis proficiant placationis augmentum. Per Dominum.

³⁷⁷
S. EUSEBIJ EPISC. ET MART.

Missa de Communi Martyris, & Pontificis: Dedisti eum, pag. 4.

IN NATALI SANCTORUM MARTYRUM MAMMETIS, ET AGAPITI.

Ingressa.



Alus autem iustorum à Domino: & protector eorum est in tempore tribulationis.

Gloria in excelsis Deo.

Oratio super populum.

Auxilium tuum Domine nobis, quæsumus, placatus impende: & intercedentibus Sanctis Martyribus tuis Mammète, & Agapito, dexteram super nos tuæ propitiationis extende. Per Dominum.

Epistola Beati Pauli Apostoli ad Corinthios prima.

Fratres. Quis militat suis stipendijs vnquam? Quis plantat vineam; & de fructu eius non edit? Quis pascit gregem; & de lacte gregis non manducat? Nunquid secundum hominem hæc dico? An & Lex hæc non dicit? Scriptum est enim in Lege Moyfi: Non alligabis os boui trituranti. Nunquid de bobus cura est Deo? An propter nos vtique dicit? Nam propter nos scripta sunt; quoniam debet in spe, qui arat, arare: & qui triturat, in spe fructus percipiendi. Si nos vobis spiritualia seminauimus; magnum est, si nos carnalia vestra metamus? Si alij potestatis vestræ participes sunt; quare non potius nos? Sed non vsi sumus hac potestate; sed omnia sustinemus, ne quod offendiculum demus Evangelio Christi.

Halleluia. Exultabunt Sancti in gloria, lætabuntur in cubilibus suis: **Halleluia.**

Lectio sancti Euangelij
secundum Matthæum.

In illo tempore. Abeuntes Phari-
sæi consilium iniêrunt; vt cape-
rent Iesum in sermone. Et mittunt ei
discipulos suos cum Herodianis, di-
centes: Magister, scimus, quia verax
es, & viam Dei in veritate doces; &
non est tibi cura de aliquo; non enim
respicis personas hominum. Dic er-
go nobis, quid tibi videtur: Licet
censum dare Cæsari, an non? Cogni-
tâ autem Iesus nequitia eorum, ait:
Quid me tentatis hypocritæ? Osten-
dite mihi numisma census. At illi ob-
tulerunt ei denarium. Et ait illis Ie-
sus: Cuius est imago hæc, & super-
scriptio? Dicunt ei: Cæsaris. Tunc
ait illis: Reddite ergo, quæ sunt Cæ-
saris, Cæsari: &, quæ sunt Dei, Deo.

Antiphona post Euangelium.

Sancti tui, Domine, benedicent te:
gloriam Regni tui dicent, & poten-
tiam tuam loquentur.

Oratio super sindonem.

Sanctorum Martyrum tuorum,
Domine, Mammétis, & Agapiti
merita nos pretiosa tueantur: in qui-
bus tuæ Maiestatis opera prædicantes
& præsens capiamus adiutorium, &
futurum. Per Dominum.

Offertor. G loriabuntur in te omnes,
qui diligunt nomen tuum; quoniam
tu, Domine, benedices iustos. Do-
mine, vt scuto bonæ voluntatis tuæ
coronasti nos.

Dicitur: Credo.

Oratio super oblatam.

Suscipe Domine munera, quæ in
eorum tibi solemnitate deferi-
mus: quorum nos confidimus patro-
cinio liberari. Per Dominum.

Præfatio.

Æterne Deus: Gloriosique Mar-
tyris tui Agapiti diem peren-
nis triumphi debita veneratione re-

colere. Qui puerilibus adhuc degens
sub annis, dum fidei virtute profice-
ret, ætatisque modum mente tran-
scenderet, læculi contemnendo ludi-
bria, & Principum abolendo præsti-
gia; martyrio coronatus superna pe-
tijt atria. Tuo etiam, Domine, amo-
re succensus Mammes Beatissimus
Martyr gloriosam promeruit conse-
qui certaminis palmam. Qui, pesti-
feram sacrilegorum plebem despi-
ciens, maluit habitare cum bestiis,
quàm mundi commoda cum infideli-
bus possidere. Per Christum.

Confract. Sanguis Sanctorum Marty-
rum pro Christo effusus est in terra;
ideo adepti sunt munera sempiterna.

Transit. Iam non dicam vos seruos
sed amicos meos; quia omnia nota
feci vobis.

Oratio post Communionem.

Protegat, quæsumus, Domine,
populum tuum & participatio
coelestis indulta conuiuij, & depreca-
tio collata Sanctorum. Per Dñm.

SANCTI HYACINTHI
CONF. ET SACERD.

Missa de Communi: Sacerdotes eius,
pag. 14.

IN NATALI
SANCTI BERNARDI
ABB. CONF. ET SAC.

Ingressa.



In medio Ecclesiæ ape-
ruit os eius: & imple-
uit eum Dominus spi-
ritu sapientiæ, & intel-
lectus: stolam gloriæ
induit eum.

Gloria in excelsis Deo.

Oratio super populum.

Perfice, quæsumus, Domine pium
in nobis sanctæ Religionis affec-
tum: & ad obtinendam tuæ gratiæ
largi-

largitatem Beatus Bernardus Abbas
suis apud te semper pro nobis & me-
ritis, & precibus intercedat Per Do-
minum nostrum.

**Lectio cum Psalmello, & Versu,
de Comuni vniuersus Confessoris, & Sa-
cerdotis, pag. 14.**

**Epistola Beati Pauli Apostoli
ad Timotheum prima.**

Charissime. Nihil intulimus in
hunc mundum: haud dubium,
quod nec auferre quid possumus.
Habentes autem alimenta, & quibus
tegâmur, his contenti sumus. Nam,
qui volunt diuites fieri, incidunt in-
tentationem, & laqueum Diaboli, &
desideria multa inutilia, & nociua,
quæ mergunt homines in interitum,
& perditionem. Radix enim om-
nium malorum est cupiditas: quam
quidam appetentes errauerunt à fide,
& inseruerunt se doloribus multis.
Tu autem, ò homo Dei, hæc fuge:
sectare verò iustitiam, pietatem, fi-
dem, charitatem, patientiam, man-
suetudinem. Certa bonum certamen
fidei: apprehende vitam æternam,
in qua vocatus es, & confessus bonam
confessionem coram multis testibus.

**Halleluia. V. Euge serue bone, &
fidelis: intra in gaudium Domini tui:
Halleluia.**

**Lectio sancti Euangelij
secundum Matthæum.**

In illo tempore. Dixit Petrus ad
Dominum Iesum: Ecce nos reli-
quimus omnia, & secuti sumus te;
quid ergo erit nobis? Iesus autem
dixit illis: Amen dico vobis, quod
vos, qui secuti estis me in regenera-
tione, cum sederit Filius hominis in
Sede Maiestatis suæ, sedebitis & vos
super sedes duodecim, iudicantes
duodecim Tribus Israel. Et omnis,
qui reliquerit domum, vel fratres,
aut sorores, aut patrem, aut matrem,

aut uxorem, aut filios, aut agros,
propter nomen meum, centuplum
accipiet, & vitam æternam posside-
bit.

Antiphona post Euangelium.

Os iusti meditabitur sapientiam, &
lingua eius loquetur iudicium. Psal. 36.

Oratio super sindonem.

EXcita Domine in Ecclesia tua,
Spiritus tui amoris, cui Beatus
Bernardus Abbas studiosè seruiuit:
vt, eodem nos replente, studeamus
amare, quod amauit, & opere exer-
cere, quod docuit. Per Dominum
nostrum &c. in vnitatem eiusdem.

Offert. Domine, præuenisti eum in
benedictionibus dulcedinis: posuisti
in capite eius coronam de lapide
pretioso: Hallel. Psal. 10.

Dicitur: Credo.

Oratio super oblatam.

Ecclesiæ tuæ, quæsumus, Domine
preces, & hostias suscipe beni-
gnus oblatas: quam Beati Abbatis
Bernardi illuminari voluisti exemplis
salutaribus, & doctrinis. Per Domi-
num nostrum.

Præfatio.

Æterne Deus: Et in hac potissi-
mum die, quam Beati Bernar-
di Confessoris tui, & Abbatis natali
consecrasti. Quæsumus ergo clemen-
tiam tuam: vt des nobis illam sequi
doctrinam, quam ille & verbo do-
cuit, & opere complèuit; quatenus
nos adiuuari apud misericordiam
tuam & exemplis eius sentiamus, &
meritis. Per Christum.

Confractor. Magnificauit Sanctum
suum Dominus, & dedit illi scientiam
Sanctorum; vt consummarentur in
bonum opera eius. Sap. 10.

Transit. Quasi oliua pullulans, & cy-
pressus in altitudinem tollens se; sic
Beatus ad gloriam sanctitatis ascen-
dit. Eccl. 30.

Oratio post Communionem.

Protegat nos, Domine, cum tui perceptione sacramenti Beatus Bernardus, pro nobis intercedendo: ut & conuersationis eius experiamur insignia, & intercessionis percipiamus suffragia. Per Dominum.

^{22.}
^{Aug.} SANCTORUM MARTYRUM
TIMOTHEI, ET SOCIORUM.

Missa de Communi plurium Martyr.
Stabunt iusti, pag. 6.

IN VIGILIA

^{23.}
^{Aug.} S. BARTHOLOMÆI APOSTOLI.

Missa de Communi in Vigilia vnus Apostoli: Ego autem sicut oliua: pag. 1.

IN FESTO

^{24.}
^{Aug.} S. BARTHOLOMÆI APOSTOLI.

Ingressa.

^{Psal.}
^{36.} **I**ustus non conturbabitur; quia Dominus firmat manum eius. **T**ota die miseretur, & commodat; & semen eius in benedictione erit in æternum: dicit Dominus.

Gloria in excelsis Deo.

Oratio super populum.

Omnipotens, sempiterne Deus, qui huius diei venerandam, sanctamque lætitiā Beati Apostoli tui Bartholomæi festiuitate tribuisti: da Ecclesiæ tuæ, quæsumus, & amare, quod credidit, & prædicare, quod docuit. Per Dominum.

Lectio cum suo Psalmello, & Versu, ut in Communi Vigiliæ vnus Apostoli, pag. 1.

Epistola Beati Pauli Apostoli ad Corinthios prima.

^{Cap.}
^{12.} **F**ratres. Vos estis corpus Christi; & membra de membro. Et quosdam quidem posuit Deus in Ecclesia,

primum Apostolos, secundò Prophetas, tertio Doctores, deinde Virtutes, exinde gratias curationum, opitulationes, gubernationes, genera Linguarum, interpretationes sermonum. Nunquid omnes Apostoli? Nunquid omnes Prophetæ? Nunquid omnes Doctores? Nunquid omnes Virtutes? Nunquid omnes gratiam habent curationum? Nunquid omnes Linguis loquuntur? Nunquid omnes interpretantur? Æmulamini autem charismata meliora.

Halleluia. **V.** Venite, & audite, & enarrabo vobis, omnes, qui timetis Deum, quanta fecerit Dominus animæ meæ: Hallel.

Lectio sancti Euangelij secundum Lucam.

In illo tempore. Exiit Dominus Iesus in montem orare: & erat pernoctans in oratione Dei. Et cum dies factus esset, vocauit Discipulos suos: & elégit duodecim ex ipsis (quos & Apostolos nominauit) Simonem, quem cognominauit Petrum, & Andream fratrem eius, Iacobum, & Ioannem, Philippum, & Bartholomæum, Matthæum, & Thomam, Iacobum Alphæi, & Simonem, qui vocatur Zelotes, & Iudam Iacobi, & Iudam Iscariotem, qui fuit proditor. Et descendens cum illis, stetit in loco campestri, & turba Discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydônis: qui venerant, ut audirent eum, & sanarentur à languoribus suis. Et, qui vexabantur à Spiritibus immundis, curabantur. Et omnis turba quærebat eum tangere; quia virtus de illo exibat, & sanabat omnes.

Antiphona post Euangelium.

Subiecit populos nobis, & Gentes sub pedibus nostris. Principes populi

li conuenérunt cum Deo Abraham ;
quoniam Dij fortes terræ nimium
eleuati sunt, amici tui, Deus.

Oratio super sindonem.

Supplicationibus apostolicis Beati
Bartholomæi, Domine, quæsu-
mus, Ecclesiæ tuæ commendetur ora-
tio: cuius magnificis prædicationibus
eruditur. Per Dominum.

Psal.
20.

Offertor. Desiderium animæ eius tri-
buiſti ei, Domine, & in voluntate la-
biorum eius non fraudasti eum. Po-
ſuiſti in capite eius coronam de lapi-
de pretioso.

Dicitur: Credo.

Oratio super oblatam.

Hæc hostia, Domine, quæsumus,
Beati Bartholomæi Apostoli in-
tercessionibus & ab occultis reatibus
Ecclesiam tuam semper expediat: &
manifestis conuenienter expurget.
Per Dominum nostrum.

Præfatio.

Æterne Deus: Et in huius diei
festiuitate deuotionis nostræ
vota perſoluere. In qua Beatus Apo-
ſtolus tuus Bartholomæus, gloriosum
Filij tui, Domini nostri, Iesu Christi,
& ſui magiſtri ſecutus exemplum,
ſuum, pro eius amore non dubitauit
effundere ſanguinem. Unde & mirifi-
cam de Hoſte proſtrato palmam,
adeptus, nobis non minimam vin-
cendi fiduciam tribuit. Hinc eſt quod
hodierna die fidelis per orbem po-
puli cœtus tibi Deo laudes annua fe-
ſtiuitate concelebrat. Tuam namque,
Paſtor mitiſſime, ineffabilem clemen-
tiam eius ſuffragijs credimus implo-
randam. Per eundem Christum.

Mat.
16.

Conſraet. Qui vult venire poſt me,
abneget ſemetipſum, & tollat crucem
ſuam, & ſequatur me.

Psal.
30.

Transit Magna eſt gloria eius in Sa-
lutari tuo, Domine.

Oratio poſt Communionem.

Sumpſimus, Domine, pignus ſalu-
tis æternæ, Beati Bartholomæi
Apoſtoli tui votiuæ ſolemnia cele-
brantes: vt, perpetua merita vene-
rantes, ad gaudia pertingamus æter-
na. Per Dominum.

**SANCTI LUDOVICI
REGIS, ET CONFESS.**25.
Aug.

**Miſſa de Comuni vniſus Confessoris
ſimplicis:** Vir iſte, pag. 16. **præter-
quam; vt infra:**

Oratio super populum.

Deus, qui Beatum Ludouicum,
Confessorem tuum cœleſti Re-
gno terrenum poſtponere docuiſti:
da, quæsumus, nobis eius exemplo
caduca deſpicere, atque æterna ſec-
tari. Per Dominum.

Oratio super sindonem.

Deus, qui regales inter delicias
intactum à mundi illecebris ſpi-
ritum Sancti Ludouici Confessoris tui
conſeruasti; fac, quæsumus, vt in
amore tuo fideles tui ita firmentur;
vt & terrena deſpiciant, & ad cœle-
ſtia ſemper aſpirent. Per Dominum
noſtrum.

Oratio super oblatam.

Præſta, quæsumus; omnipotens
Deus: vt, ſicut Beatus Confessor
tuus Ludouicus, ſpretis mundi ob-
lectamentis, ſoli Regi Christo placê-
re ſtudit; ita eius oratio noſtras ti-
bi hoſtias reddat acceptas. Per eun-
dem Dominum noſtrum.

Oratio poſt Communionem.

Deus, qui Beatum Ludouicum,
Confessorem tuum mirificaſti
in terris, & gloriosum in cœlis feciſti:
eundem, quæsumus, Ecclesiæ tuæ con-
ſtitue deſenſorem. Per Dominum,
noſtrum, Ieſum Christum, Filium
tuum: qui tecum viuſcit, & regnat in
vnitate.

I N N A T A L I
S. ALEXANDRI MARTYRIS.

16.
Aug.

Ingressa.

Psal.
36.



Ustus non conturbabitur; quia Dominus firmat manum eius. Tota die miseretur, & commodat; & semen eius in benedictione

erit in æternum: dicit Dominus.

Gloria in excelsis Deo.

Oratio super populum.

Præsta, quæsumus, omnipotens, & misericors Deus: vt, qui Beati Alexandri Martyris tui natalitia colimus, intercessione eius in tui nominis amore robaremur. Per Dominum nostrum.

Epistola Beati Pauli Apostoli ad Corinthios secunda.

Cap. 3. **F**ratres. Ubi Spiritus Domini, ibi libertas. Nos verò omnes reuelata facie gloriam Domini specularantes in eandem imaginem transformamur à claritate in claritatem, tanquam à Domini Spiritu. **Cap. 4.** Ideo, habentes hanc administrationem, iuxta quod misericordiam consecuti sumus, non deficimus, sed abdicamus occulta dedecoris, non ambulantes in astutia, neq; adulterantes verbum Dei; sed in manifestatione veritatis commendantes nosmetipsos ad omnem conscientiam hominum coram Deo. Quòd si etiam opertum est Euangelium nostrum: in ijs, qui pereunt, est opertum; in quibus Deus huius sæculi excæcauit mentes infidelium; vt non fulgeat illis illuminatio Euangelij gloriæ Christi, qui est imago Dei. Non enim nosmetipsos prædicamus, sed Iesum Christum, Dominum nostrum.

Psal.
30.

Halleluia. **V.** Posuisti Domine in capite eius coronam de lapide pretioso: Hallel.



Lectio sancti Euangelij secundum Ioannem.

In illo tempore. Dixit Dominus **Cap. 15.** Iesus Discipulis suis: Sicut dilexit me Pater; & ego dilexi vos. Manete in dilectione mea: Si præcepta mea seruaueritis; manebitis in dilectione mea; sicut & ego Patris mei præcepta seruauim, & maneo in eius dilectione. Hæc locutus sum vobis; vt gaudium meum in vobis sit, & gaudium vestrum impleatur. Hoc est præceptum meum: Ut diligatis inuicem; sicut dilexi vos. Maiorem hac dilectionem nemo habet, vt animam suam ponat quis pro amicis suis. Vos amici mei estis, si feceritis, quæ ego præcipio vobis. Iam non dicam vos seruos; quia seruus nescit, quid faciat Dominus eius. Vos autem dixi amicos; quia omnia, quæcunque audiui à Patre meo, nota feci vobis. Non vos me elegistis; sed ego elegi vos; & posui vos, vt eatis, & fructum afferatis, & fructus vester maneat; vt, quodcunque petieritis Patrem in nomine meo, det vobis.

Antiphona post Euangelium.

Iustus, velut palma, florebit: sicut **Psal. 91.** cedrus, quæ in Libano est, multiplicabitur.

Oratio super sindonem.

Annue, quæsumus, clementissime Deus, orationibus populi tui: & quos in celebritate Beati Martyris tui Alexandri adesse fecisti, eius propitius precibus æterna perfrui beatitudine concede. Per Dominum nostrum.

Offert. Domine, præuenisti eum in benedictione dulcedinis: posuisti in capite eius coronam de lapide pretioso.

V. Vitam petijt à te; & tribuisti ei coronam de lapide pretioso.

Dicitur: Credo.

Ora-

Oratio super oblatam.

Accepta tibi sint, quæsumus, Domine, munera, quæ in die solemnitatis Beati Martyris tui Alexandri deferimus: ut sic Maieitati tuæ sint placita, sicut illius effusio sanguinis apud te extitit pretiosa. Per Dñm.

Præfatio.

Æterne Deus: Gloriosi Martyris tui Alexandri pia certamina recolendo: cuius honorabilis annua recursione solemnitatis & perpetua semper est, & noua. Quia & in conspectu tuæ Maiestatís permanet mors tuorum pretiosa iustorum: & restaurantur incrementa lætitiæ, cum felicitatis æternæ recoluntur exordia. Per Christum, Dominum.

Psal. 218. Confra. In Salutari tuo anima mea, & in verbis tuis speravi; quando facies de persequentibus me iudicium? Iniqui persecuti sunt me; adiuua me Domine, Deus meus.

Psal. 20. Trans. Magna est gloria eius in Salutari tuo, Domine.

Oratio post Communionem.

Sumptis cœlestibus sacramentis, & gaudijs, supplices te rogamus, Domine: ut Beati Martyris tui Alexandri, cuius gloriamur triumphis, protegamur auxilijs. Per Dominum.

I N N A T A L I**S. GENESII MARTYRIS.**

27. Aug.

Ingressa.

Videns Beatus Genesius columbam super caput suum, dixit: Ego verè credo in eam Legem, per illum viuum, quem viderunt oculi mei, Dominum Iesum Christum.

Gloria in excelsis Deo.

Oratio super populum.

Sancti Martyris tui Genesij merita nos, Domine, pretiosa tueantur:

in quibus tuæ Maiestatís opera prædicantes, & præsens capiamus adiutorium, & futurum. Per Dominum.

Epistola Beati Pauli Apostoli ad Philippenes.

Fratres. Scire vos volo, quia, ^{Cap. 1.} quæ circa me sunt, magis ad profectum venerunt Euangelij; ita, ut vincula mea manifesta fierent in Christo in omni Prætorio, & in cæteris omnibus; ut plures è fratribus in Domino, confidentes in vinculis meis abundantius auderent sine timore, verbum Dei loqui. Quidam quidem & propter inuidiam, & contentionem: quidam autem & propter bonam voluntatem Christum prædicant. Quidam ex charitate: scientes quoniam in defensionem Euangelij positus sum. Quidam autem ex contentione Christum annunciant non sincèrè: existimantes, pressuram se suscitare vinculis meis. Quid enim? Dum omni modo, siue per occasionem, siue per veritatem Christus annuncietur; & in hoc gaudeo, sed & gaudebo: Scio enim, quia hoc mihi proueniet ad salutem, per vestram orationem, & subministrationem Spiritus Iesu Christi: secundum expectationem, & spem meam; quia in nullo confundar; sed in omni fiducia, sicut semper, & nunc magnificabitur Christus in corpore meo, siue per vitam, siue per mortem. Mihi enim, viuere Christus est, & mori lucrum.

Halleluia. **V.** Venite, & audite, & ^{Psal. 65.} enarrabo vobis, omnes, qui timetis Deum, quanta fecerit Dominus animæ meæ: Hallel.

✠ Lectio sancti Euangelij secundum Matthæum.

In illo tempore. Assumpsit Dominus ^{Cap. 17.} Iesus Petrum, & Iacobum, & Ioannem fratrem eius: & ducit illos in montem excelsum seorsum. Et transi-

transfiguratus est ante eos: & resplenduit facies eius sicut sol: vestimenta autem eius facta sunt alba sicut nix. Et ecce apparuerunt illis Moyfes, & Eliás, cum eo loquentes. Respondens autem Petrus, dixit ad Iesum: Domine, bonum est nos híc esse. Si vis; faciamus híc tria tabernacula, tibi vnum, Moyfi vnum, & Eliæ vnum. Adhuc eo loquente, ecce nubes lucida obumbravit eos: & ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes Discipuli, ceciderunt in faciem suam, & timuerunt valde. Et accessit Iesus, & tetigit eos, dixitque eis: Surgite, & nolite timere. Leuantes autem oculos suos, neminem viderunt, nisi solum Iesum. Et descendantibus illis de monte, præcepit eis Iesus, dicens: Nemini dixeritis visionem, donec Filius hominis à mortuis resurgat.

Antiphona post Euangelium.

Incerta, & occulta sapientiæ tuæ manifestasti mihi, Domine.

Oratio super sindonem.

Beatí Martyris tui Genesij nos faciat, Domine, passio veneranda lætantes: & vt eam sufficienter recolamus, dignosefficiat. Per Dominum nostrum, Iesum Christum.

Offert. Ante te, Domine paratus sum victimam sanguinis fundere; quia propter te multa sustinui. Tu es Deus; defende me, & libera me ab ijs, qui persequuntur me.

V. Eripe me Domine ab homine malo, à viro iniquo defende me: & libera me ab ijs, qui persequuntur me.

Dicitur: Credo.

Oratio super oblatam.

Hostias, quæsumus, Domine, quas in solemnitate Beati Martyris tui Genesij sacris altaribus exhibemus, propitius respice: vt, nobis in-

dulgentiam largiendo, tuo nomini dent honorem. Per Dominum nostrum, Iesum Christum Filium tuum.

Præfatio.

Aquum, & salutare: Nos tibi, omnipotens Domine, gratias agere: & in hac solemní die consona exultatione laudare. Qua Beatus Genesius, celebris Martyr, pro Christi confessione nominis mortem suscipere non expáuit. Hic, dum terreno Imperio mimicæ artis placêret industriâ, renuit mundanæ delectationis lætitiâ: vt perennis esset possessor coelestium gaudiorum. Per Christum.

Confract. In Salutari tuo anima mea, & in verbis tuis speraui; quando facies de persequentibus me iudicium? Iniqui persecuti sunt me; adiuua me Domine, Deus meus.

Transit. Magna est gloria eius in Salutari tuo, Domine.

Oratio post Communionem.

Diuini muneris largitate satiati, quæsumus, Domine, Deus noster: vt, intercedente Beato Genesio Martyre tuo, eius semper participatione viuamus. Per Dominum.

SANCTI AUGUSTINI
EPISC. CONF. ET DOCT.

Missæ de Comuni Doctoris, & Pontificis: In medio Ecclesiæ, pag. 12. præterquam; vt infra.

Oratio super populum.

Deus mirabilium operator, qui Beatum Augustinum ad lucem veritatis, vt magnus Fidei propugnator existeret, per Sanctum Ambrosium euocasti: concede supplicibus; vt, qui tantum Ecclesiæ Doctorem apud nos cœlesti ablutum vnda gloriamur, eiusdem apud te intercessionem gaudeamus. Per Dominum nostrum, Iesum Christum, Filium tuum: qui tecum viuit, & regnat.

IN

IN DECOLLATIONE

S. IOANNIS BAPTISTÆ.

19.
Aug.

Ingressa.

Psal.
36.

Ustus non conturbabitur; quia Dominus firmat manum eius. Totā die miseretur, & commodat; & semen eius in benedictione

erit in æternum: dicit Dominus.

Gloria in excelsis Deo.

Oratio super populum.

Protegat Ecclesiam tuam, Deus, oratio veneranda Beati Præcursoris, & Martyris tui Ioannis Baptistæ: &, cui frequentiam deuotionis impendit, perpetuæ poscat redemptionis effectum. Qui uiuis, & regnas.

Lectio: Non est gaudere impijs, **ut supra, in Dominica prima Quadragesimæ, pag. 69.**

Psal. 118. Loquebar, Domine, de testimonijs tuis in conspectu Regum; & non confundebar.

V Legem pone mihi Domine, viam iustificationum tuarum, & exquiram eam semper.

Epistola Beati Pauli Apostoli ad Galatas.

Cap. 4. **F**Ratres. Scitis, quia per infirmitatem carnis euangelizauī vobis iampridem: & tentationem vestram in carne mea non spreuistis, neque respuistis; sed sicut Angelum Dei excepistis me, sicut Christum Iesum. Ubi est ergo beatitudo vestra? Testimonium enim perhibeo vobis, quia, si fieri posset, oculos vestros eruissetis, & dedissetis mihi. Ergo inimicus vobis factus sum, verum dicens vobis? Æmulantur vos non bene: sed excludere vos volunt; ut illos æmulemini. Bonum autem æmulamini in bono semper.

Mar. 6. **Hallel. V.** Puellæ saltanti imperauit mater: Nihil aliud petas, nisi caput

Ioannis Baptistæ: Hallel.



Lectio sancti Euangelij secundum Marcum.

IN illo tempore. Misit Herodes ^{Cap. 6.} Rex, ac tenuit Ioannem, & vinxit eum in carcerem propter Herodiam, vxorem Philippi fratris sui; quia duxerat eam. Dicebat enim, Ioannes Herodi: Non licet tibi habere vxorem fratris tui. Herodias autem insidiabatur illi: & volebat occidere eum; nec poterat. Herodes enim metuebat Ioannem, sciens eum virum iustum, & sanctum: & custodiebat eum, & audito eo, multa faciebat: & libenter eum audiebat. Et cum dies opportunus accidisset, Herodes in natali suo fecit cenam Principibus, & Tribūnis, & primis Galilææ. Cumque introisset filia ipsius Herodiadis, & saltasset, & placuisset Herodi, simulq; recumbentibus; Rex ait puellæ: Pete à me, quod vis; & dabo tibi. Et iurauit illi: Quia, quicquid petieris, dabo tibi, licet dimidium Regni mei. Quæ cum exisset, dixit matri suæ: Quid petam? At illa dixit: Caput Ioannis Baptistæ. Cumq; introisset statim cum festinatione ad Regem petiuit, dicens: Volo, ut protinus des mihi in disco Caput Ioannis Baptistæ. Et contristatus est Rex propter iusiurandum: & propter simul discumbentes noluit eam contristare; sed, misso spiculatore, præcepit afferri caput eius in disco. Et decollauit eum in carcere, & attulit Caput eius in disco: & dedit illud puellæ, & puella dedit matri suæ. Quo audito, discipuli eius venerunt, & tulerunt Corpus eius, & posuerunt illud in monumento.

Antiphona post Euangelium.

Ferrum pertransiuit animam eius, donec veniret verbum eius. Eloquium Domini igniuit eum. ^{Psal. 104.}

Ora-

Oratio super sindonem.

Perpetuis nos Domine, quæsumus, Sancti Ioannis Baptistæ tuere, præsidij: & quantò fragiliores sumus, tantò magis necessarijs attolle suffragijs. Per Dominum.

Mar. 6. Offert. Misit Herodes Rex in carcerem; vt amputaret Caput Ioannis Baptistæ, pro eo, quod dixit ei: Non licet tibi, vt habeas vxorem fratris tui adulteram.

V. Herodias autem insidiabatur illi, & quærebat occidere eum, pro eo quod dixit ei: Non licet tibi, vt habeas vxorem fratris tui adulteram.

Dicitur: Credo.

Oratio super oblatam.

Auxilientur nobis, Domine, Beati Præcursoris, & Martyris tui Ioannis Baptistæ, veneranda merita passionis: & hæc nobis hostia tuæ placationis existat. Qui viuis.

Præfatio.

Aquum, & salutare: Nos tibi, omnipotens Domine, gratias agere: teque omni tempore benedicere, & in huius præcipue festiuitate diei laudare. In quo Beatus Ioannes Baptista martyrij coronam est adeptus: quo inter natos mulierum maior nemo extitit. Nuptias prohibendo illicitas, gloriosum martyrij triumphum Capite truncatus obtinuit: & quem mundi Saluatorem venisse corporali præsentia demonstraui, eius descensionem præcurrens Inferis nunciauit. Et ideo cum Angelis.

Psal. 74. Confract. In sæcula gaudebo, psallam Deo Iacob: & omnia cornua peccatorum confringam, & exaltabuntur cornua iusti.

Mar. 6. Transi. Arguebat Herodem Ioannes propter Herodiadem, quam tulerat, fratris sui Philippi vxorem. Misso Herodes spiculatore, præcepit amputari Caput Ioannis in carcere. Quo

audito, discipuli eius venérunt, & tulérunt corpus eius, & posuerunt illud in monumento.

Oratio post Communionem.

Sancti Ioannis Baptistæ Martyris tui, Domine, quæsumus: veneranda festiuitas salutaris auxilij nobis præstet effectum. Per Dominum.

SANCTORUM MARTYRUM
FELICIS, ET ADAUCTI.

30.
Aug.

Missa de Communi plurium Martyr.
Salus autem iustorum, pag 8.

FESTA SEPTEMBRIS.

S. ÆGIDIJ ABBATIS, ET CONF. **1. Sept.**
Missa de Communi Confessoris Sacerdotis: Sacerdotes eius, pag. 14. **Epistola verò, & Euangelium de Communi Confessoris simplicis, vel Abbatis:** pag. 16.

S. MANSUETI EPISC. ET CONF. **2. Sept.**
Missa de Communi: Sacerdos iste, pag 9.

S. AUXANI EPISC. ET CONF. **3. Sept.**
Missa de Communi: Sacerdos iste, pag. 9.

SANCTI GREGORII
PAPÆ, CONF. ET DOCT. **4. Sept.**
Missa de Communi Doctoris Pontificis: In medio Ecclesiæ, pag. 12. **præterquam; vt infra.**

Oratio super populum.
Deus, bonorum omnium author, qui Beatum Gregorium, ad omnem sanctitatem formatum, in suprema Ecclesiæ Sede, vt verè Magnus existeret, dignatus es collocare; præsta, quæsumus: vt lucubrationibus tanti Doctoris eruditi, eiusdem meritis cœlestem gloriam consequamur. Per Dominum.

^{6.} S. BENEDICTI EPISC. ET CONF.

^{Sept.} *Missa de Communi*: Sacerdos iste, pag. 9.

IN VIGILIA

^{7.} N A T I V I T A T I S
^{Sept.} BEATÆ MARIÆ VIRGINIS.

Ingressa.

^{Luc.}
^{1.}



Ve Mariā, gratiā plena;
Dominus tecum; Be-
nedicta tu inter mulie-
res, & benedictus fru-
ctus ventris tui. Ecce
ancilla Domini; fiat
mihi secundum verbum tuum.

Non dicitur: Gloria in excelsis Deo.

Oratio super populum.

A Diuuet nos, quæsumus, Domi-
ne, Sanctæ Mariæ intercessio ve-
neranda: cuius etiam diem, quo fe-
lix est eius inchoata Natiuitas, cele-
bramus. Per Dominum.

Commemoratio S. Adriani.

Propitiare, Domine, populo tuo:
&, quos in frequentatione Beati
Martyris tui Adriani tribuis interef-
se, protectione perpetua semper fac
esse securos. Per Dominum.

Lectio Libri Sapientiæ.

^{Cap.}
^{6.} **H**æc dicit Sapientia: Una est ma-
tri suæ, electa genitrici suæ. Vi-
derunt eam filiæ, & beatissimam præ-
dicauerunt Reginæ & concubinæ, &
laudauerunt eam. Quæ est ista, quæ
progreditur, quasi aurora confurgens,
pulchra vt luna, electa vt sol, terri-
bilis vt castrorum acies ordinata, ?
^{Ecc.}
^{24.} Ego mater pulchræ dilectionis, & ti-
moris, & agnitionis, & sanctæ spei.
In me gratia omnis viæ, & veritatis:
in me omnis spes vitæ, & virtutis.
Transite ad me omnes, qui concupi-
scitis me: & à generationibus meis
implemini. Spiritus enim meus su-
per mel dulcis, & hæreditas mea su-
per mel, & fauum: memoria mea in
generationes sæculorum.

Cantus: Adducentur Regi Virgines
post eam: proximæ eius afferentur
tibi in lætitia.



Lectio sancti Euangelij
secundum Lucam.

In illo tempore. Extollens vocem ^{Cap.}
quædam mulier de turba dixit ad ^{11.}
Iesum: Beatus ille ventër, qui te
portauit, & vbera, quæ suxisti. At il-
le dixit: Quinimmo beati, qui au-
diunt verbum Dei, & custodiunt il-
lud.

Oratio super sindonem.

Suscipe preces populi tui, quæsu-
mus, Domine, quibus in Beatæ
Mariæ iterata solemnitate tuam cle-
mentiam deprecamur: quia ad tua
præconia redit, & laudem, quod ta-
lis est orta. Per Dominum.

Commemoratio S. Adriani.

Præsta, quæsumus, omnipotens
Deus: vt Beati Adriani sine ces-
satione venerantes natalitia & fidei
muniamur auxilio, & charitatis pro-
ficiamus exemplo. Per Dominum.

Offert. Beata, & venerabilis Virgo,
quæ sine tactu pudoris mater inuen-
ta est Saluatoris. Iacebat in præse-
pio, & fulgebat in Cœlo.

V. Cœli, Terræque, Maris, Inferni
Creator, & Author, perpetuus Do-
minus immensæ maiestatis iacebat in
præsepio, & fulgebat in Cœlo.

Non dicitur: Credo.

Oratio super oblatam.

Suscipe, quæsumus, Domine ho-
stias placationis, & laudis, quas
tibi offerimus pro Natiuitate Beatæ,
& gloriosæ, semperque Virginis, Dei
Genitricis Mariæ: vt, sanctis eius in-
tercessionibus, cunctis nobis profi-
ciant ad salutem. Per eundem Do-
minum nostrum.

Commemoratio S. Adriani.

Suscipe, quæsumus, Domine pro-
pitius munera, quæ in Beati Mar-
tyris

tyris tui Adriani commemoratione deferimus: vt, cuius honore sunt grata, eius nobis fiant intercessione perpetua. Per Dominum nostrum, Iesum Christum, Filium tuum: qui tecum viuit, & regnat in vnitatem Spiritus Sancti Deus, per omnia secula seculorum.

Præfatio.

Æ Quum, & salutare: Nos tibi in omnium Sanctorum tuorum profectu gratias agere, Domine sancte, Pater omnipotens, æterne Deus: & præcipue pro meritis Beatæ Dei Genitricis, & perpetuæ Virginis Mariæ, gratiâ plenæ, tuam omnipotentiam laudare, benedicere, & prædicare. Per eundem Christum.

Luc. 11. Confract. Beatus ille venter, qui te portauit, Christe: & beata vbera, quæ te lactauerunt, Dominum, & Saluatorem mundi.

Transit. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, sanctificationes tuas trans mitte nobis.

Oratio post Communionem.

S Umptis, Domine, sacramentis: intercedente Beata, & Gloriosa, semperque Virgine, Dei Genitrice Mariâ, ad redemptionis æternæ proficiamus augmentum. Per eundem Dominum nostrum.

Commemoratio S. Adriani.

S Umptimus, Domine, in Sancti Martyris tui Adriani solemnitate celestia sacramenta: cuius suffragijs, quæsumus, largiaris; vt, quod corporaliter gerimus, æternis gaudijs consequamur. Per Dominum nostrum, Iesum Christum, Filium tuum: qui tecum viuit, & regnat in vnitatem Spiritus Sancti Deus, per omnia secula seculorum.

**IN FESTO
NATIVITATIS
BEATÆ MARIÆ
VIRGINIS.**

Ingressa.



Ætemur omnes in Domino, diem festum celebrantes ob honorem Beatæ Mariæ Virginis: de cuius Natiuitate gaudent Angeli, & collaudant Filium Dei.

Gloria in excelsis Deo.

Oratio super populum.

S upplicationem seruorum tuorum Deus miserator exaudi: vt, qui in Natiuitate Dei Genitricis, & Virginis Mariæ congregamur, eius intercessionibus à te de instantibus periculis eruamur. Per eundem Dominum.

Lectio, vt supra, in Vigilia.

Pfalmell. Dilexisti iustitiam, & odisti iniquitatem.

¶ Propterea vnxit te Deus, Deus tuus oleo lætitiæ præ confortibus tuis.

Epistola Beati Pauli Apostoli ad Romanos.

F Ratres. Deus Filium suum mittens in similitudinem carnis peccati, & de peccato damnauit peccatum in carne: vt iustificatio Legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt, sapiunt: qui verò secundum spiritum, quæ sunt spiritus, sentiunt. Nam prudentia carnis, mors est: prudentia autem spiritus, vita, & pax. Quoniam sapientia carnis inimica est Deo; Legi enim Dei non est subiecta; nec enim potest. Qui autem in carne sunt, Deo placere non possunt. Vos autem in carne non estis; sed in spiritu;

ritu; si tamen Spiritus Dei habitat in vobis. Si quis autem Spiritum Christi non habet; hic non est eius. Si autem Christus in vobis est; corpus quidem mortuum est propter peccatum; spiritus verò viuit propter iustificationem. Quòd si Spiritus eius, qui suscitauit Iesum à mortuis, habitat in vobis; qui suscitauit Iesum Christum à mortuis, viuificabit & mortalia corpora vestra propter inhabitantem Spiritum eius in vobis.

Hallelùiah. *Ps.* Diffusa est gratia in labijs tuis; propterea benedixit te Deus in æternum: Hallel.



Initium sancti Euangelij secundum Matthæum.

Liber generationis Iesu Christi, filij Dauid, filij Abraham. Abraham genuit Isaac. Isaac autem genuit Iacob. Iacob autem genuit Iudam, & fratres eius. Iudas autem genuit Phares, & Zaram de Thamar. Phares autem genuit Hesron. Hesron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit Dauid Regem. Dauid autem Rex genuit Salomonem ex ea, quæ fuit Uriæ. Salomon autem genuit Roboam. Roboam autem genuit Abiam. Abias autem genuit Afa. Afa autem genuit Iosaphat. Iosaphat autem genuit Ioram. Ioram autem genuit Oziam. Ozias autem genuit Ioatham. Ioatham autem genuit Achaz. Achaz autem genuit Ezechiam. Ezechias autem genuit Manassen. Manasses autem genuit Amon. Amon autem genuit Josiam. Josias autem genuit Jechoniam, & fratres eius in transmigratione Babylonis. Et post transmigrationem Babylonis Jecho-

nias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoch. Sadoch autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Ioseph, virum Mariæ: de qua natus est Iesus, qui vocatur Christus.

Antiphona post Euangelium.

Beata progenies, vnde Christus natus est. Quàm gloriosa est Virgo, quæ Cœli Regem genuit!

Oratio super sindonem.

Famulis tuis, quæsumus, Domine, celestis gratiæ munus impartire: vt, quibus Beatæ Virginis Mariæ partus extitit salutis exordium, Natiuitatis eius votiua solemnitas pacis tribuat incrementum. Per Dñm.

Offert. *V.* idi speciosam sicut columbam, ascendentem desuper riuos aquarum. Cuius inæstimabilis odor erat magnus in vestimentis eius: Et sicut dies verni circundabant eam, flores rosarum, & lilia conuallium.

V. Ascendebat per desertum sicut virgula fumi ex aromatibus myrrhæ, & thuris: & sicut dies verni circundabant eam flores rosarum, & lilia conuallium.

Dicitur: Credo.

Oratio super oblatam.

Unigeniti tui, Domine, nobis succurrat humanitas: vt, qui natus de Virgine Matris integritatem non minuit, sed sacrauit, in Natiuitatis eius solemnij, à nostris nos piaculis exuens, oblationem nostram sibi faciat acceptam. Qui tecum viuit.

Præfatio.

Æterne Deus. Recensemus enim præclarissimæ Natiuitatis diem:

Kk

quo

quo gloriosissima Dei Genitrix, intermerata Virgo Maria, Stella corusca, & admirabilis mundo effulsit. Quæ nobis perennis vitæ ianuam, quam Eva in Paradiso clauferat, reſerauit: nosque de tenebris ad lucis antiquæ gaudia reuocauit. Per eundem.

Ysa. 11. **Confract.** De radice Iesse exiet virga: & Regni eius non erit finis.

Exo. 3. **Transit.** Rubum, quem viderat Moyses incombustum, conseruatam agnouimus tuam laudabilem virginitatem. Dei Genitrix intercede pro nobis.

Oratio post Communionem.

Sumpsimus, Domine, celebritatis annuæ votiua sacramenta; præſta, quæſumus: vt, intercedente Beata Maria ſemper Virgine, & temporalis nobis vitæ remedia præbeant, & æternæ. Per Dominum.

IN NATALI

Sept. **SANCTI IOACHIMI CONF. ET PATRIS B. V. M.**

Ingreſſa.

Pſal. 111.



Disperſit, dedit pauperibus; iuſtitia eius manet in ſæculum ſæculi: cornu eius exaltabitur in gloria.

Gloria in excelsis Deo.

Oratio ſuper populum.

Deus, qui præ omnibus Sanctis tuis Beatum Joachimum Genitricis Filij tui Patrem eſſe voluiſti, concede quæſumus: vt, cuius feſta veneramur, eius quoque patrocinia perpetuò ſentiamus. Per eundem.

Lectio Libri Sapientiæ.

Eccl. 31. **B**eatus diues, qui inuentus eſt ſine macula: &, qui poſt aurum non abiit, nec ſperauiſt in pecunia, & theſauris. Quis eſt hic, & laudabimus eum? Fecit enim mirabilia in vita ſua. Qui probatus eſt in illo, & perfectus eſt, erit illi gloria æterna. Qui

potuit transgredi, & non eſt transgreſſus: facere mala, & non fecit. Ideo ſtabilita ſunt bona illius in Domino: & eleemoſynas illius enarrabit omnis Eccleſia ſanctorum.

Pſalmell. In memoria æterna erit iuſtus; ab auditu malo non timebit.

V. Beatus vir, qui timet Dominum; in mandatis eius cupiet nimis.

Epistoła Beati Pauli Apoſtoli ad Romanos.

Fratres. Veritatem dico in Christo, non mentior, teſtimonium mihi perhibente conſcientia mea in Spiritu Sancto: quoniam triſtitia mihi magna eſt, & continuus dolor cordi meo. Optabam enim ego ipſe anathema eſſe à Christo pro fratribus meis, qui ſunt cognati mei ſecundum carnem, qui ſunt Iſraelitæ: quorum adoptio eſt filiorum, & gloria, & teſtamentum, & legislatio, & obſequium, & promiſſa: quorum patres, & ex quibus eſt Chriſtus ſecundum carnem, qui eſt ſuper omnia Deus benedictus in ſæcula, Amen. Non autem quòd exciderit verbum Dei. Non enim omnes, qui ex Iſrael ſunt, ij ſunt Iſraelitæ; neque qui ſemen ſunt Abrahæ, omnes filij: ſed in Iſaac vocabitur tibi ſemen: id eſt, non, qui filij carnis, hi filij Dei; ſed, qui filij ſunt promiſſionis, æſtimantur in ſemine.

Halleluia. **V.** Disperſit, dedit pauperibus; Juſtitia eius manet in ſæculum ſæculi: Hallel.

✠ Initium ſancti Euangelij ſecundum Matthæum.

Liber generationis Jeſu Chriſti, filij David, filij Abraham. Abraham genuit Iſaac. Iſaac autem genuit Jacob. Jacob autem genuit Judam, & fratres eius. Iudas autem genuit Phares, & Zaram de Thamar. Phares autem genuit Heſron. Heſron autem

autem genuit Aram. Aram autem genuit Aminadab. Aminadab autem genuit Naâsson. Naâsson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Iesse. Iesse autem genuit Dauid Regem. Dauid autem Rex genuit Salomonem ex ea, quæ fuit Uriæ. Salomon autem genuit Roboam. Roboam autem genuit Abiam. Abias autem genuit Afa. Afa autem genuit Iosaphat. Iosaphat autem genuit Ioram. Ioram autem genuit Oziam. Ozias autem genuit Ioatham. Ioatham autem genuit Achaz. Achaz autem genuit Ezechiam. Ezechias autem genuit Manassen. Manasses autem genuit Amon. Amon autem genuit Iosiam. Iosias autem genuit Iechoniam, & fratres eius in transmigratione Babylonis. Et post transmigrationem Babylonis Iechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoch. Sadoch autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph, virum Mariæ: de qua natus est Iesus, qui vocatur Christus.

Antiphona post Euangelium.

Mat. 7. Similabo eum viro sapienti, qui ædificauit domum suam supra petram.

Oratio super findonem.

DA nobis, quæsumus, Domine, Mariæ Virginis nomen, & virtutes ita venerari: vt, propter eius merita, patrem etiam ipsius Ioachim debita pietate prosequamur. Per Dominum nostrum.

Ps. 78. **Offert.** Veritas mea, & misericordia

mea cum ipso: & in nomine meo exaltabitur cornu eius.

Dicitur: Credo.

Oratio super oblatam.

Suscipe clementissime Deus sacrificium in honorem Sancti Patriarchæ Ioachimi, Patris Mariæ Virginis, Maiestati tuæ oblatum: vt, ipso cum Coniuge sua, & Beatissima Prole intercedente, perfectam consequi mereamur remissionem peccatorum, & gloriam sempiternam. Per Dñm.

Præfatio.

Æterne Deus. Et gloriam tuam profusis precibus exorare: vt, Sancti tui Ioachimi Confessoris patrocinio nos adiuuante, debita nomini tuo seruitute placeamus. Per Christum.

Confract. Iustus, velut palma, florebit: sicut cedrus, quæ in Libano est, multiplicabitur. Psal. 91.

Transit. Fidelis seruus, & prudens: quem constituit Dominus super familiam suam; vt det illis, in tempore, tritici mensuram. Luc. 12.

Oratio post Communionem.

Quæsumus, omnipotens Deus: vt per hæc sacramenta, quæ sumpsimus: intercedentibus meritis, & precibus Beati Ioachimi Patris Genitricis dilecti Filij tui, Domini nostri, Iesu Christi, tuæ gratiæ in præfenti, & æternæ gloriæ in futuro participes esse mereamur. Per eundem Dominum.

S. NICOLAI DE TOLENTINO
CONFESS. SACERD.

10.
Sept.

Missa de Comuni: Sacerdotes eius, pag. 14. **præterquam; vt infra.**

Oratio super populum.

Concede, quæsumus, omnipotens Deus: vt Ecclesia tua, quæ Beati Nicolai Sacerdotis, & Confessoris tui virtutum, & miraculorum gloriâ

coruscat, eius intercessione, & meritis, perpetua pace, atque vnitae lætetur. Per Dominum nostrum.

Oratio super sindonem.

Exaudi, Domine, preces nostras: & intercessione Beati Sacerdotis, & Confessoris tui Nicolai nos tuere ubique præfidijs. Per Dominum.

Oratio super oblatam.

Oblatum tibi, Domine, sacrificium: intercedente Beato Nicolao Sacerdote, & Confessore tuo, viuificet nos semper, & muniat. Per Dominum nostrum.

Oratio post Communionem.

Populum tuum, Domine, quæsumus, sacramenta custodiant: & qui Sancti Nicolai Sacerdotis, & Confessoris tui iugiter implorant auxilium, petitionum suarum salutarem consequantur effectum. Per Dominum nostrum.

I N F E S T O

rr.
Sept.

**SANCTISSIMI NOMINIS
B. Mariæ Virginis.**

Ingressa.

Luc
1



Missus est Angelus Gabriel ad Mariam Virginem desponsatam Ioseph, nuncians Virgini: & expauescit Virgo de lumine. Ne timeas; inuenisti gratiam apud Dominum. Ecce concipies, & paries filium: & vocabitur Altissimi Filius.

Gloria in excelsis Deo.

Oratio super populum.

Concede, quæsumus, omnipotens Deus: vt fideles tui, qui sub Sanctissimæ Virginis Mariæ Nomine, & protectione lætantur, pia eius intercessione à cunctis malis liberentur in terris, & ad gaudia æterna peruenire mereantur in Cœlis. Per Dominum.

Commemoratio SS. Prothi, & Hyacynthi Mart.

Deus qui nos concedis Beatorum Martyrum tuorum, Prothi, & Hyacynthi natalitia colere: da nobis in æterna beatitudine de eorum societate gaudere. Per Dominum.

Lectio Libri Sapientiæ.

Osculetur me osculo oris sui; quia meliora sunt vbera tua vino, fragrantia vnguentis optimis. Oleum effusum Nomen tuum; ideo adolescentulæ dilexerunt te. Trahe me post te: curremus in odorem vnguentorum tuorum. Introduxit me Rex in cellaria sua: exultabimus, & lætābimur in te, memores vberum tuorum super vinum: recti diligunt te. Nigra sum, sed formosa, filiæ Ierusalem, sicut tabernacula Cedar, sicut pelles Salomonis. Nolite me considerare quod fusca sim; quia decolorauit me Sol.

Psalmell. Benedicam te in vita mea. Et in Nomine tuo leuabo manus meas.

¶ Quia fortitudo mea, & refugium meum es tu; Et propter Nomen tuum educabis me.

Epistola Beati Pauli Apostoli ad Romanos.

Fratres. Dico, Christum Iesum fuisse ministrum circumcisionis propter veritatem Dei ad confirmandas promissiones Patrum. Gentes autem super misericordia honorare Deum; sicut scriptum est: Propterea confitebor tibi in gentibus, & in Nomine tuo cantabo. Et iterum dicit: Lætāmini cum plebe eius. Et iterum. Laudate Dominum omnes gentes, & magnificate eum omnes populi. Et rursus Isaias dicit: Erit radix Iesse, & qui exurget regere gentes, in eo gentes sperabunt.

Hallel. **¶** Narrabo Nomen tuum fratribus meis: In medio Ecclesiæ laudabo te: Hallel. **L**ectio



Lectio sancti Euangelij
secundum Lucam.

^{Cap.}
^{2.} **I**N illo tempore. Missus est Angelus Gabriel à Deo in Ciuitatem Galilææ, cui nomen Nazareth, ad Virginem desponsatam viro, cui nomen erat Ioseph de domo David, & Nomen Virginis Mariæ. Et ingressus Angelus ad eam dixit: Ave gratia plena: Dominus tecum: Benedicta tu in mulieribus.

Antiphona post Euangelium.

^{Psal.}
^{8.} **Q**uam admirabile est Nomen tuum in vniuersa terra! quoniam eleuata est magnificentia tua super Coelos.

Oratio super sindonem.

Precibus, & meritis Beatæ Mariæ semper Virginis, cuius Nomini hodiernas persoluimus laudes, eripe nos, quæsumus, Domine à præsentibus ærumnis: vt exterioribus curis soluti debitum Nomini tuo impendere possimus obsequium. Per Dñm.

Commemoratio SS. Prothi, & Hyacynthi.

Præsta, quæsumus, omnipotens Deus: vt non desinant Sancti tui pro nostris tibi supplicare peccatis, à quibus voluisti pro peccatoribus exorari. Per Dominum nostrum.

Offert. Beata, & Venerabilis Virgo, quibus te laudibus præferam nescio: Quia, quem Coeli capere non poterant, tuis gremijs continetur.

¶ Benedicta tu inter mulieres, & benedictus fructus ventris tui, qui est Christus Dominus: Quia, quem Coeli capere non poterant, tuis gremijs continetur.

Dicitur: Credo.

Oratio super oblatam.

Oblata tibi, Domine, munera, intercedente Beata Mariæ Virgine, cuius hodie inclytum Nomen celebramus: tuam nobis propitiam faciant Maiestatem. Per Dominum.

Commemoratio SS. Prothi, & Hyacynthi.

Munera tibi, Domine, nostræ deuotionis offerimus: quæ & pro tuorum tibi grata sint honore iustorum; & nobis salutaria, te miserante, reddantur. Per Dominum nostrum.

Præfatio.

Æterne Deus. Qui Beatissimam Mariam Virginem Unigeniti tui Genitricem esse voluisti: quoniam nec alia Deum Mater decebat, quàm Virgo; Nec Virginem alius Filius, quàm Deus. Sicut autem Diuinæ Maiestatì tuæ in Nomine Iesu omne genuflectitur Cœlestium, Terrestrium, & Infernorum; sic, audito Mariæ Nomine, inclinantes se Cœli, Terra procumbens, trepidantes Inferi tuam in Virgine Matre adorandam Omnipotentiam confitentur. Et ideo cum Angelis, & Archangelis.

Confract. Osculetur me osculo oris ^{Car.}
sui; quia meliora sunt vbera tua vino, fragrantia vnguentis optimis. Oleum effusum Nomen tuum: ideo adolescentulæ dilexerunt te.

Transit. Diuulgatum est Nomen eius ^{Para.}
vsque ad introitum Ægypti propter ^{lip. 2.}
crebras victorias. ^{c. 26.}

Oratio post Communionem.

Beatissimæ Mariæ Virginis Nomen venerantibus, da nobis, quæsumus, Domine, per hæc sacrosancta, quæ sumpsimus, Mysteria: vt eius quoque virtutes imitantes nostra in Cœlis Nomina scripta esse gaudeamus. Per Dominum.

Commemoratio SS. Prothi, & Hyacynthi.

Hæc nos communio, Domine, purget à crimine: & intercedentibus Sanctis Martyribus tuis Protho, & Hyacyntho cœlestis remedij faciat esse consortes. Per Dominum nostrum.

IN NATALI

12. Sept. SS. CORNELIJ, ET CYPRIANI
MARTYR. ET PONTIF.

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

Beatorum Martyrum tuorum, pariterque Pontificum Cornelij, & Cypriani nos, quæsumus, Domine, festa tueantur: & eorum commendet oratio veneranda. Per Dominum.

Epistola Beati Pauli Apostoli ad Corinthios secunda.

Cap. 1. **F**ratres. Si qua in Christo noua creatura; vetera transierunt; ecce facta sunt omnia noua. Omnia autem ex Deo: qui nos reconciliauit sibi per Christum, & dedit nobis ministerium reconciliationis. Quoniam quidem Deus erat in Christo mundum reconcilians sibi, non reputans illis delicta ipsorum; & posuit in nobis verbum reconciliationis. Pro Christo ergo legatione fungimur; tanquam Deo exhortante per nos. Obsecramus pro Christo: reconciliamini Deo. Eum, qui non nouerat peccatum, pro nobis peccatum fecit; ut nos efficeremur iustitia Dei in ipso.

Cap. 1. **H**alleluia. **V.** Iustorum animæ in manu Dei sunt: & non tanget illos tormentum malitiæ: Hallel.



Lectio sancti Euangelij secundum Lucam.

Cap. 1. **I**n illo tempore. Exiit Dominus Iesus, & vidit Publicanum, nomine Leui, sedentem ad Telonium: & ait illi: Sequere me. Et relictis omnibus, surgens secutus est eum. Et

fecit ei conuiuium magnum Leui in domo sua: & erat turba multa Publicanorum, & aliorum, qui cum illis erant discumbentes. Et murmurabant Pharisei, & Scribæ eorum, dicentes ad Discipulos eius: Quare cum Publicanis, & peccatoribus manducatis, & bibitis? Et respondens Iesus dixit ad illos: Non egent, qui sani sunt, medico; sed, qui malè habent. Non veni vocare iustos, sed peccatores ad penitentiam. At illi dixerunt ad eum: Quare discipuli Ioannis ieiunant frequenter, & obsecrationes faciunt, similiter & Phariseorum; tui autem edunt, & bibunt? Quibus ipse ait: Nunquid potestis filios sponsi, dum cum illis est sponsus, facere ieiunare? Venient autem dies: & cum ablati fuerit ab illis sponsus, tunc ieiunabunt in illis diebus. Dicebat autem & similitudinem ad illos; Quia nemo commissuram à nouo vestimento immittit in vestimentum vetus; aliòquin & nouum rumpit, & veteri non conuenit commissura à nouo. Et nemo mittit vinum nouum in vtres veteres; aliòquin rumpet vinum nouum vtres, & ipsum effundetur, & vtres peribunt: sed vinum nouum in vtres novos mittendum est; & vtraque conseruantur. Et nemo bibens vetus, statim vult nouum. Dicit enim: Vetus melius est.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur.

Oratio super sindonem.

Domine, Deus noster multiplica super nos gratiam tuam; & Sanctorum Martyrum tuorum Cornelij, & Cypriani, quorum celebramus gloriosa certamina, tribue subsequi in sancta professione victoriam. Per Dominum.

Offert.

Psal. 5. **Offert.** Gloriabuntur in te omnes, qui diligunt nomen tuum; quoniam tu benedices iustos. Domine, ut scuto bonæ voluntatis tuæ coronasti nos.

Dicitur: Credo.

Oratio super oblatam.

Plebis tuæ Domine munera benignus intende: quæ Maieftati tuæ pro Sanctorum Martyrum Cornelij, & Cypriani solemnitatibus sunt dicata. Per Dominum nostrum.

Præfatio.

Æterne Deus: Tuamque in Sanctorum tuorum Cornelij, & Cypriani festiuitate prædicare virtutem. Quos, disiunctis terrarum partibus greges sacros diuino pane pascentes, vna fide, eademque die, pari nominis tui confessione coronasti. Per Christum, Dominum nostrum.

Jo. 35. **Confract.** Ego vos elégi de mundo; ut eatis, & fructum afferatis, & fructus vester maneat.

Psal. 150. **Transitor.** Laudate Deum in Sanctis eius, laudate eum in firmamento virtutis eius.

Oratio post Communionem.

Sacro munere vegetatos: Sanctorum Martyrum, pariterque Pontificum Cornelij, & Cypriani nos tibi, Domine, quæsumus, commendet oratio. Per Dominum.

13. Sept. **S. MAURILIJ EPISC. ET CONF.**

Missa de Communi: Elégit te, pag. 11. præterquam; ut infra.

Oratio super populum.

Maieftatem tuam supplices exoramus, omnipotens Deus: ut festiuitatem Beati Maurilij Confessoris tui, atque Pontificis concedas à nobis sic debitâ reuerentiâ celebrari, ut ipsius adiûti meritis assequamur gaudia Paradisi. Per Dominum nostrum.

Oratio super sindonem.

DA nobis, quæsumus, omnipotens Deus: ut Beatum Maurilium, Confessorem tuum, atque Pontificem, sanctitatis gressibus imitantes, eius interuentu, relicto itinere vitiorum, per viam virtutum veniamus ad gloriam Beatorum. Per Dominum nostrum.

Oratio super oblatam.

Tuam, Domine, clementiam deprecamur: ut deuotionis nostræ munera, quæ in solemnitatem Beati Sacerdotis, & Confessoris tui Maurilij tibi offerimus, eius intercessione nos reddant gratos, atque deuotos. Per Dominum nostrum.

Oratio post Communionem.

Præsta nobis, misericors Deus: ut sacramentum Corporis, & Sanguinis Domini nostri, Iesu Christi, quod ad honorem Beati Maurilij Sacerdotis, & Confessoris tui sumpsimus, in nobis salutem mentis, & corporis operetur. Per eundem.

IN SOLEMNITATE EXALTATIONIS S. CRUCIS.

14. Sept.

Ingressa.



Gal. 6. Os autem gloriari oportet in Cruce Domini nostri, Iesu Christi: in quo est salus, vita, & resurrectio nostra: per quem saluati, & liberati sumus.

Gloria in excelsis Deo.

Oratio super populum.

Deus, qui nos hodierna die Exaltatione Sanctæ Crucis, annua solemnitatem, lætificas; præsta, quæsumus: ut, cuius mysterium in terra cognouimus, eius redemptionis præmia mereamur. Per Dominum.

Lectio cum Psalmello, & Versu, ut in Festo Inventionis S. Crucis, pag. 314.
E pisto-

Epistola Beati Pauli Apostoli
ad Philippenfes.

Fratres. Hoc sentite in vobis,
quod & in Christo Iesu. Qui,
cum in forma Dei esset, non rapi-
nam arbitratus est, esse se æqualem
Deo; sed semetipsum exinanivit,
formam serui accipiens, in similitu-
dinem hominum factus, & habitu in-
uentus vt homo. Humiliauit semet-
ipsum, factus obediens vsq; ad mor-
tem, mortem autem Crucis. Propter
quod & Deus exaltauit illum, & do-
nauit illi nomen, quod est super om-
ne nomen: vt in nomine IESU om-
ne genu flectatur, Cœlestium, Ter-
restrium, & Infernorum; & omnis
lingua confiteatur, quia Dominus
Iesus Christus in gloria est Dei Patris.
Hallel. hallel. **V.** Iubilare Deo omnis
terra, psalmum dicite nomini eius:
Hallel.



Lectio sancti Euangelij
secundum Ioannem.

In illo tempore. Dixit Dominus
Iesus turbis Iudæorum: Nunc iu-
dicium est mundi: nunc Princeps
huius mundi eijcietur foras. Et ego,
si exaltatus fuero à terra, omnia tra-
ham ad meipsum. Hoc autem dice-
bat, significans, qua morte esset mo-
riturus. Respondit ei turba: Nos au-
diuimus ex Lege, quia Christus ma-
net in æternum: & quomodo tu di-
cis: Oportet exaltari Filium homi-
nis? Quis est iste Filius hominis? Di-
xit ergo eis Iesus: Adhuc modicum
lumen in vobis est. Ambulate, dum
lucem habetis; vt non vos tenebræ
comprehendant: &, qui ambulat in
tenebris, nescit, quò vadat. Dum lu-
cem habetis, credite in lucem; vt fi-
lij lucis sitis.

Antiphona post Euangelium.

O Crux benedicta: quæ sola fuisti
digna portare Regem Cœlorum, &
Dominum.

Oratio super sindonem.

Deus, qui Unigeniti tui, Domini
nostri, Iesu Christi pretioso
sanguine humanum genus redimere
dignatus es; concede propitius: vt,
qui ad adorandam viuificam eius
Crucem adueniunt, à peccatorum
suorum nexibus liberentur. Per eun-
dem Dominum.

Offert. Christus factus est pro nobis
obediens vsque ad mortem, mortem
autem Crucis.

V. Propter quod & Deus exaltauit
illum: & donauit illi nomen, quod
est super omne nomen.

Dicitur: Credo.

Oratio super oblatam.

Deuotas, Domine, humilitatis
nostræ preces, & hostias mise-
ricordiæ tuæ præcedat auxilium: &
salutem, quam per Adam in Paradisi
ligno clauferat temerata præsump-
tio, ligni rursus fides aperiat. Per
Dominum nostrum.

Præfatio.

Per Christum, Dominum nostrum.
Qui per Passionem & Crucem,
mundum redemit, & antiquæ arbo-
ris amarissimum gustum Crucis me-
dicamine indulcauit: & mortem, quæ
per lignum vetitum venerat, per li-
gni trophæum deuicit: vt mirabili
suæ pietatis dispensatione, qui per
ligni gustum ab Horto deliciarum
discessimus, per lignum Crucis ad
Paradisi patriam redeamus. Et ideo.
Confract. Laudamus te, Christe, &
hymnum dicimus tibi; quia per San-
ctam Crucem tuam redemisti mun-
dum.

Transit. Sicut misertus es, Deus, La-
troni in Cruce; memento nostri Do-
mine in Regno tuo.

Oratio post Communionem.

Adesto familiæ tuæ, quæsumus,
clementissime Deus: vt in ad-
uersis,

I N N A T A L I
S. EUPHEMIÆ VIRG. ET MART. ^{16. Sept.}

Ingressa.



Eci iudicium, & iustitiam, Domine: non calumnientur mihi superbi. Ad omnia mandata tua dirigebar: omnem viam iniquitatis

^{Psalm.}
^{118.}

odio habui.

Gloria in excelsis Deo.

Oratio super populum.

Deus, qui Beatæ Virgini, & Martyri tuæ Euphemie, pro tuo nomine dimicanti, fidem, & constantiam tribuisti; concede nobis supplicantibus: ut, sicut illa vicit horrenda poenarum tormenta; ita & nos sæuissimi Hostis vitia, te auxiliante, vincere valeamus. Per Dominum nostrum.

Epistola Beati Pauli Apostoli ad Corinthios prima.

Fratres. Volo, vos sine sollicitudine esse. Qui sine vxore est, sollicitus est, quæ Domini sunt, quomodo placeat Deo. Qui autem cum vxore est, sollicitus est, quæ sunt mundi, quomodo placeat vxori: & diuisus est. Et mulier innupta, & virgo cogitat, quæ Domini sunt; ut sit sancta & corpore, & spiritu. Quæ autem nupta est, cogitat, quæ sunt mundi, quomodo placeat viro. Porro hoc ad vtilitatem vestram dico: non ut laqueum vobis iniiciam; sed ad id, quod honestum est, & quod facultatem præbeat sine impedimento Dominum obsecrandi. Si quis autem turpem se videri existimat super virgine sua, quod sit superadulta: & ita oportet fieri; quod vult, faciat; non peccat, si nubat. Nam, qui statuit in corde suo firmus, non habens necessitatem, potestatem autem habens suæ voluntatis: & hoc iudica-

uersis, & prosperis preces eius exaudias; & nefarias Aduersariorum insidias per vexillum Sanctæ Crucis digneris contere: ut perennis gaudij salutem possit, te protegente, mereri. Per Dominum nostrum.

SANCTI NICOMEDIS
PRESBYT. ET MART.

^{11. Sept.}

Missa de Communi vnus Martyris:
Iustus non conturbabitur, pag. 3. præterquam; ut infra.

Oratio super populum.

Adesto, Domine, populo tuo: ut Beati Sacerdotis, & Martyris tui Nicomedis merita recolentes, ad impetrandam misericordiam tuam, semper eius patrocinijs adiuuemur. Per Dominum nostrum.

Oratio super sindonem.

Adesto, Domine, supplicationibus nostris: ut, qui nostra nos iniquitate reos esse cognoscimus, Beati Sacerdotis, & Martyris tui Nicomedis intercessione liberemur. Per Dominum nostrum.

Oratio super oblatam.

Suscipe Domine munera propitius oblata: quæ Maiestati tuæ Beati Nicomedis Martyris tui commendet oratio. Per Dominum nostrum.

Oratio post Communionem.

Purificent nos, Domine, sacramenta, quæ sumpsimus: & intercedente Beato Nicomede Martyre tuo, à cunctis efficiant vitijs absolutos. Per Dominum nostrum.



iudicauit in corde suo seruare virginem suam; bene facit. Igitur &, qui matrimonio iungit virginem suam, bene facit: &, qui non iungit, melius facit. Mulier alligata est legi, quanto tempore vir eius viuit. Quod si dormierit vir eius; liberata est à lege; cui vult, nubat; tantum in Domino. Beatior autem erit, si sic permanferit secundum meum consilium.

Psal. **Hallel.** **¶** Diffusa est gratia in labijs tuis; propterea benedixit te Deus in æternum: Hallel.

✠ **Lectio sancti Euangelij**
secundum Matthæum.

Cap. **I** **13.** In illo tempore. Dixit Iesus Discipulis suis parabolam hanc: Simile est Regnum Cœlorum thesauro abscondito in agro: quem, qui inuenit, homo abscondit: & præ gaudio illius vadit, & vendit vniuersa, quæ habet, & emit agrum illum. Iterum simile est Regnum Cœlorum homini negotiatori quærenti bonas margaritas. Inuentâ autem vnâ pretiosâ margaritâ, abiit, & vendidit omnia, quæ habuit, & emit eam. Iterum simile est Regnum Cœlorum sagênæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa: malos autem foras miserunt. Sic erit in consummatione sæculi. Exibunt Angeli, & separabunt malos de medio iustorum: & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in Regno Cœlorum similis est homini patrifamilias, qui profert de thesauro suo noua, & vetera.

Antiphona post Euangelium.

Ipsi sum sponsata, cui Angeli seruiunt, cuius pulchritudinem Sol, &

Luna mirantur. Ipsi soli seruo fidem; ipsi me totâ deuotione committo.

Oratio super sindonem.

Concede, quæsumus, omnipotens, & misericors Deus: vt Beata Euphemia, quæ virginitatis pariter, & martyrij promeruit palmam, intercessionibus suis, & præsentis vitæ nobis remedia conferat, & æternam salutem. Per Dominum.

Offert. Clara Virgo, & Martyr Euphemia virtutum gratiâ pollens, ad cultum fidei suis exemplis multos perduxit.

¶ Hæc Virgo sapiens, & vna de numero prudentum, ad cultum fidei suis exemplis multos perduxit.

Dicitur: Credo.

Oratio super oblatam.

Munera, quæsumus, Domine, quæ in Beatæ Euphemie celebritate deferimus: ita gratiæ tuæ efficiantur accepta; sicut eius tibi placitum extitit passionis certamen. Per Dominum nostrum.

Præfatio.

Æterne Deus. Quia per te constantiam fides, per te virtutem sumit infirmitas: & quicquid in persecutionibus sæuum est, quicquid in morte terribile, nominis tui facis confessione superari. Unde benedicimus te, Domine, in operibus tuis; & in Beatæ Virginis, & Martyris tuæ Euphemie prouectione laudamus. Per Christum, Dominum nostrum.

Confract. Veniente Sponso, prudens Virgo præparata introiuit cum eo ad nuptias.

Transit. Exultauit spiritus meus in Domino; quia respexit humilitatem ancillæ suæ. Ecce enim ex hoc beatam me dicent omnes generationes.

Oratio post Communionem.

Sanctificet nos, Domine, quæsumus, tui perceptio sacramenti:
&

& intercessio Beatæ Martyris tuæ Euphemie tibi reddat acceptos. Per Dominum nostrum.

I N N A T A L I
S. SATYRI CONFESS.

Ingressa.



Vir iste custodiuit in sæculum veritatem Domini: fecit iudicium iniuriam patientibus, & escam dedit esurientibus.

Gloria in excelsis Deo.

Oratio super populum.

Deus, qui Beatum Satyrum tui nominis Confessorem mirabiliter effecisti; præsta, quæsumus: ut eum pro nobis iugiter apud te interuentorem sentiamus, de cuius hinc mirifico pignore gratulamur. Per Dominum nostrum.

Lectio &c. de Communi, pag 16.

Epistola Beati Pauli Apostoli ad Ephesios.

Fratres. Confortamini in Domino, & in potentia virtutis eius. Induite vos armaturam Dei; ut possitis stare aduersus insidias Diaboli. Quoniam non est nobis colluctatio aduersus carnem, & sanguinem; sed aduersus Principes, & Potestates; aduersus mundi Rectores tenebrarum harum; contra spiritualia nequitie in coelestibus. Propterea accipite armaturam Dei; ut possitis resistere in die malo, & in omnibus perfecti stare.

Halleluia. V. Confessus es bonam confessionem coram multis testibus: Hallel.



Lectio sancti Euangelij secundum Lucam.

In illo tempore. Factum est in vna dierum ascendit Dominus Iesus in nauiculam, & Discipuli eius, & ait ad illos: Transfretemus trans stagnum.

Et ascenderunt. Et nauigantibus illis, obdormiuit: & descendit procella venti in stagnum; & complebantur, & periclitabantur. Accedentes autem suscitauerunt eum, dicentes: Præceptor, perimus. At ille surgens, increpauit ventum, & tempestatem aquæ, & cessauit, & facta est tranquillitas. Dixit autem illis: Ubi est fides vestra? Qui timentes mirati sunt adinuicem, dicentes: Quis, putas, hic est: quia & ventis, & mari imperat; & obediunt ei?

Antiphona post Euangelium.

Similabo eum viro sapienti, qui ædificauit domum suam supra petram. Mar. 7.

Oratio super sindonem.

Omnipotens, sempiterne Deus, qui Beato Satyro, inter procellas maris, & turbines naufraganti, admirabilem fidei constantiam tribuisti; concede propitius: ipsius orationum suffragio nos inter mundana discrimina solidissimum semper inuenire tutamen. Per Dominum.

*Offert. V*eritas mea, & misericordia mea cum ipso: & in nomine meo exaltabitur cornu eius. Psal. 88.

Dicitur: Credo.

Oratio super oblatam.

Tribue, quæsumus, omnipotens, & misericors Deus: ut Beati Confessoris tui Satyri venerabilem memoriam dignè recensentes, eius auxilio tua beneficia capiamus, cuius meritis tibi hostias laudis offerimus. Per Dominum.

Præfatio.

Æterne Deus: Tuam incessanter gloriam collaudantes, tuamque in Sanctis tuis magnificentiam prædicantes. Qui tantum fidei cumulum Beato Confessori tuo Satyro, gloriosi Pontificis Ambrosij germano, tuâ gratiâ præstitisti: ut, cum in mari naufragium pateretur, quamuis

uis adhuc nondum Baptismate sancto perfusus, de tuo tamen non sit diffus auxilio. Nam tua potentissima, dextera, quæ Apostolorum Principem Petrum in fluctibus ne mergeretur erexit: hunc quoque non dissimili potentia illæsum, atque incolumem perduxit ad litus. Hæc tua est, Domine, virtutis operatio. Et ideo.

Confractor. Qui me confessus fuerit coram hominibus: confitebor & ego eum coram Patre meo, qui in Coelis est.

Transitor. Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Oratio post Communionem.

Fiant nobis, Domine, quæsumus, sumpta libamina, intercedente Beato Confessore tuo Satyro, perpetuæ salutis commercium: quæ illi inter æquoreas vndas facta sunt infatigabile liberationis suæ præsidium. Per Dominum nostrum.

S. EUSTORGIJ EPISC. ET CONF.
Missa de Communi Pontificis, & Confessoris: Sacerdos iste, pag. 9. præterquam; vt infra.

Oratio super populum.

Beati Sacerdotis, & Confessoris tui Eustorgij nos, quæsumus, Domine, foueat pretiosa confessio: & pia iugiter intercessio tueatur. Per Dominum nostrum.

Oratio super sindonem.

Vota populi tui Domine propitius intende: & cuius nos tribuis annua solemnia celebrare, fac gaudere suffragijs. Per Dominum.

Oratio super oblatam.

Pro Sancti Confessoris tui Eustorgij commemoratione munera, tibi, Domine, quæ debemus, exolumus: præsta, quæsumus; vt reme-

dium nobis perpetuæ salutis operentur. Per Dominum nostrum.

Præfatio.

Æterne Deus. Qui nos ideo solemnitatibus Martyrum, atque Confessorum frequenter excites: vt & deuotione continua fideles tuos excites ad profectum, & fragilitatem nostram pijs intercessoribus benignus attollas: &, quæ proprijs non meremur operibus, tibi placitis suffragatoribus impetremus. Inter quos debitæ pietatis obsequium Sancto Sacerdoti, & Confessori tuo Eustorgio exhibentes, potentiam tuam, Domine, cuius gratiâ talis extitit, prædicamus: atque per eum nobis indulgentiam credimus non negandam. Per Christum.

Oratio post Communionem.

Quæsumus, omnipotens Deus: vt hodiernæ munus solemnitatis acceptum, & corporibus nostris salutem præstet, & mentibus. Per Dominum.

SANCTORUM MARTYRUM IANUARIJ, ET SOCIORUM.

Missa de Communi plurium Martyrum. Salus autem, pag. 8. præterquam; vt infra.

Oratio super populum.

Deus, qui nos annuâ Sanctorum Martyrum tuorum Ianuarij, & Sociorum solemnitatem lætificas; concede propitius: vt, quorum gaudeamus meritis, accendamus exemplis. Per Dominum nostrum.

Oratio super sindonem.

Lætificet nos, quæsumus, Domine, Sanctorum Martyrum tuorum Ianuarij, & Sociorum gloriosa solemnitatem: vt, qui tibi placuerunt suis meritis, pro nobis implorent auxilium. Per Dominum nostrum, Iesum Christum, Filium tuum.

Ora-

Oratio super oblatam.

Oblatis, quæsumus, Domine, placare muneribus: & intercedentibus Sanctis tuis Ianuario, & Socijs, à cunctis nos defende periculis. Per Dominum nostrum.

Oratio post Communionem.

Hæc nos communio, Domine, purget à crimine: & intercedentibus Sanctis Martyribus tuis Ianuario, & Socijs, cœlestis remedij faciat esse participes. Per Dominum.

S. CLICERIJ EPISC. ET CONF.

Missa de Communi Confessoris, & Pontificis: Sacerdos iste, pag. 9.

Fit Commemoratio Vigiliæ Sancti Matthæi Apostoli (nisi transferatur) de Communi in Vigilia vnius Apostoli, pag. 1.

In Collegiatis dicuntur duæ Missæ; vna de Sancto post Tertiam, & altera de Vigilia post Nonam.

IN F E S T O

S. MATTHÆI APOSTOLI, ET EVANGELISTÆ.

Ingressa.

Psalm. 86.



Ustus non conturbabitur; quia Dominus firmat manum eius. Totā die miseretur, & commodat; & semen eius in benedictione erit in æternum: dicit Dominus.

Gloria in excelsis Deo.

Oratio super populum.

Præsta, quæsumus, omnipotens Deus: vt, qui iugiter Beati Apostoli, & Evangelistæ tui Matthæi defensione munimur, nec succumbamus vitijs, nec opprimamur aduersis. Per Dominum nostrum.

Lectio cum Psalmello, & Versu, de Communi, vt in Vigilia vnius Apostoli, pag. 1.

Epistola Beati Pauli Apostoli ad Ephesios.

Fratres. Benedictus Deus, & Pater Domini nostri, Iesu Christi: qui benedixit nos in omni benedictione spiritali, in cœlestibus, in Christo: sicut elegit nos in ipso ante mundi constitutionem; vt essemus sancti, & immaculati in conspectu eius in charitate. Qui prædestinauit nos in adoptionem filiorum, per Iesum Christum, in ipsum: secundum propositum voluntatis suæ: in laudem gloriæ gratiæ suæ, in qua gratificauit nos in dilecto Filio suo. In quo habemus redemptionem per sanguinem eius (remissionem peccatorum) secundum diuitias gratiæ eius: quæ superabundauit in nobis in omni sapientia, & prudentia; vt notum faceret nobis sacramentum voluntatis suæ, secundum beneplacitum eius, quod proposuit in eo, in dispensatione plenitudinis temporum, instaurare omnia in Christo, quæ in Cœlis, & quæ in terra sunt, in ipso. In quo etiam nos sorte vocati sumus: prædestinati secundum propositum eius, qui operatur omnia, secundum consilium voluntatis suæ; vt simus in laudem gloriæ eius nos, qui ante sperauimus in Christo: in quo & vos, cum audissetis verbum veritatis (Euangelium salutis vestræ) in quo & credentes signati estis Spiritu promissionis Sancto: qui est pignus hæreditatis nostræ, in redemptionem acquisitionis, in laudem gloriæ ipsius.

Halleluia. Quam speciosi pedes euangelizantium pacem, euangelizantium bona! Hallel.

Lectio sancti Euangelij secundum Matthæum.

In illo tempore. Cum transiret Iesus, vidit hominem sedentem in

LI Telo-

Telonio, Matthæum nomine : & ait illi : Sequere me : & surgens, secutus est eum. Et factum est : discumbente eo in domo, ecce multi Publicani, & peccatores venientes discumbabant cum Iesu, & discipulis eius. Et videntes Pharisei, dicebant Discipulis eius : Quare cum Publicanis, & peccatoribus manducat Magister vester? At Iesus audiens, ait : Non est opus valentibus medicus, sed malè habentibus. Euntes autem discite, quid est, Misericordiam volo, & non sacrificium. Non enim veni vocare iustos, sed peccatores.

Antiphona post Euangelium.

Bene annunciaui iustitiam tuam, Domine, in Ecclesia magna.

Oratio super sindonem.

Beatè Apostoli, & Euangelistæ tui Matthæi, Domine, precibus adiuuemur : vt, quod possibilitas nostra non obtinet, eius nobis intercessione donetur. Per Dominum nostrum.

Offert. In virtute tua, Domine, lætabitur iustus, & super salutare tuum, exultabit vehementer. Desiderium animæ eius tribuisti ei, Domine.

Dicitur : Credo.

Oratio super oblatam

Beatè Apostoli, & Euangelistæ tui Matthæi supplicationibus, Domine, quæsumus, nostra tibi grata, sint munera : in cuius solemnitate tuis altaribus exhibentur. Per Dominum.

Præfatio.

Æterne Deus. Qui Ecclesiam tuam, in tuis fidelibus vbique pollentem, apostolicis facis constare doctrinis; præsta, quæsumus : vt, per quos initium diuinæ cognitionis acceperit, per eos vsque in finem sæculi capiat gratiæ coelestis augmentum. Per Christum, Dominum.

Confract. Subiecit populos nobis, & Gentes sub pedibus nostris.

Transit Vos, qui secutis estis me, sedebitis super sedes, iudicantes duodecim Tribus Israel.

Oratio post Communionem.

Preceptis Domine, sacramentis, Beato Matthæo Apostolo tuo, & Euangelista interueniente, deprecamur : vt, quæ pro eius celebrata, sunt gloriâ, nobis proficiant ad emendationem. Per Dominum.

**IN NATALI
SANCTORUM MARTYRUM
MAURITII, ET SOCIORUM.**

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

Annue, quæsumus, clementissime Deus orationibus populi tui : & quos in celebritate Beatorum Martyrum tuorum Mauritii, & eius Comitum adesse fecisti, eorum propitius precibus æterna perfrui beatitudine concede. Per Dominum.

Epistola Beati Pauli Apostoli ad Ephesios.

Fratres. Vos, qui aliquando eratis longè, facti estis prope in sanguine Christi. Ipse enim est pax nostra, qui fecit vtraque vnum, & medium parietem maceræ, soluens inimicitias in carne sua : Legem mandatorum decretis euacuans ; vt duos condant in semetipso in vnum nouum hominem, faciens pacem ; & reconciliet ambos in vno corpore, Deo per Crucem, interficiens inimicitias in semetipso. Et veniens euangelizauit pacem vobis, qui longè fuistis, &

& pacem ijs, qui prope; quoniam per ipsum habemus accessum ambo in vno Spiritu ad Patrem. Ergo iam non estis hospites, & aduenæ: sed estis ciues Sanctorum, & domestici Dei: superædificati super fundamentum Apostolorum, & Prophetarum, ipso summo angulari lapide Christo Iesu: in quo omnis ædificatio constructa crescit in templum sanctum, in Domino: in quo & vos coædificamini in habitaculum Dei in Spiritu Sancto.

Psal. 315. **H**alleluia. **V.** Pretiosa in conspectu Domini mors Sanctorum eius: Hall.



Lectio sancti Evangelij
secundum Lucam.

Cap. 10. **I**n illo tempore. Designauit Dominus Iesus & alios septuaginta duos: & misit illos binos ante faciem suam in omnem ciuitatem, & locum, quod erat ipse venturus. Et dicebat illis: Messis quidem multa: operarij autem pauci. Rogate ergo Dominum messis; vt mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta: neminem per viam salutaueritis. In quamcunque domum intraueritis, primum dicite: Pax huic domui. Et si ibi fuerit filius pacis; requiescet super illum pax vestra: sin autem; ad vos reuertetur. In eadem autem domo manete, edentes, & bibentes, quæ apud illos sunt; dignus est enim operarius mercede sua. Nolite transire de domo in domum Et in quamcunque ciuitatem intraueritis, & susceperint vos: manducate, quæ apponuntur vobis: & curate infirmos, qui in illa sunt: & dicite illis; Appropinquauit in vos Regnum Dei

Antiphona post Euangelium.

Inigne præconium almæ tuæ nobilitatis consona voce collaudantes, ver-

bo supplici prosequamur: Ave inclyte Martyr, Angelorum consors, Apostolorum socius, Prophetarum conciuis, & Martyrum cohæres: Sancte Mauriti intercede pro nostra, omniumque salute.

Oratio super sindonem.

Præsta, quæsumus, omnipotens, & misericors Deus: vt, sicut Legio sancta pro tui nominis confessione meruit victoriæ palmam; ita & nos supplices eorum festa deuotis mentibus celebrantes, participes gaudiorum effici mereamur. Per Dominum.

Offertor. **G**loriabuntur in te omnes, ^{psal. 5.} qui diligunt nomen tuum; quoniam tu benedices iustos. Domine, vt scuto bonæ voluntatis tuæ coronasti nos.

Dicitur: Credo.

Oratio super oblatam.

Munera, quæsumus, Domine, quæ in Beati Mauritij, & Sociorum festiuitate deferimus: ita sint tibi semper accepta; sicut eorum effusio sanguinis in conspectu gloriæ tuæ facta est pretiosa. Per Dñm.

Præfatio.

Æquum, & salutare: Nos tibi semper, & vbique gratias agere, & laudes decantare: Domine sancte, Pater omnipotens, æterne Deus per Christum, Dominum nostrum. Quoniam cognoscimus, quantum apud te sit præclara vita Sanctorum: quorum etiam mors pretiosa nos lætificat, & tuetur. Qua propter Martyrum tuorum, Mauritij, Exuperij, Candidi, Victoris, Innocentij, Vitalis, ac Sociorum eorundem gloriosa recensentes natalitia, laudes tibi referimus, supplici confessione dicentes. Sanctus, Sanctus, Sanctus.

Confract. **M**embra Sanctorum germinata sunt sicut rosæ: & sicut lilia fulgebunt ante Dominum.

Transit. **I**sti sunt, qui propter sacrum

martyrium facti sunt perfecti, & fideles amici Christi. Oportet nos mundum contemnere; ut possimus sequi Christum Dominum; ne perdamus vitam perpetuam, propter vanam huius mundi gloriam.

Oratio post Communionem.

Celestibus refecti sacramentis, & gaudijs, supplices te rogamus, Domine: ut, quorum gloriamur triumphis, protegamur auxilijs. Per Dominum nostrum.

23.
Sept.

S. LINI PAPÆ, ET MART.

Missa de Communi Martyris, & Pontificis: Dedisti eum, pag. 4.

24.
Sept.

S. THECLÆ VIRG. ET MART.

Missa de Communi Virginis, & Martyris: Feci iudicium, pag. 17. præterquam; ut infra.

Oratio super populum.

Omnipotens, sempiterne Deus, qui infirma mundi eligis, ut fortia quæque confundas; concede propitius: ut, qui Beatæ Theclæ Martyris tuæ solemnia colimus, eius apud te patrocinia sentiamus. Per Dñm.

Oratio super sindonem.

Exaudi nos Deus, salutaris noster: ut, sicut de Sanctæ Theclæ festiuitate gaudemus; ita piæ deuotionis erudiamur affectu. Per Dominum.

Oratio super oblatam.

Suscipe Domine munera, quæ in Beatæ Theclæ, Virginis, & Martyris tuæ, solemnitate deferimus: cuius nos confidimus patrocinio liberari. Per Dominum nostrum.

Præfatio.

Æterne Deus. Et te in celebritate Beatæ Theclæ Virginis, & Martyris tuæ laudare. Quæ, immissa flammæ rogis furentibus, igne non est attacta corporeo: sed Christi, Filij tui amore succensa, gemina car-

nis superauit incendia. Dehinc feris obiecta rapacibus lædi, te protegente, non valuit, quia ferales animos mitissima subëgit Ouicula. Per Christum, Dominum nostrum.

Oratio post Communionem.

Auxilientur nobis, Domine, sumpta mysteria: & intercedente Beata Thecla Virgine, & Martyre tua, sempiternâ faciant protectione gaudere. Per Dominum.

SANCTI ANATALONIS
EPISC. ET CONFESS.

25.
Sept.

Missa de Communi: Sacerdos iste, pag. 9.

SANCTORUM MARTYRUM
CYPRIANI, ET IUSTINÆ.

26.
Sept.

Missa de Communi plurium Martyrum: Salus autem, pag. 8.

S. CAIJ EPISC. ET CONF.

27.
Sept.

Missa de Communi: Sacerdos iste, pag. 9.

IN DEDICATIONE ECCLESIAE
S. MICHAELIS ARCHANGELI.

29.
Sept.

Ingressa.



Inclinauit Salomon genua, & expandit manus suas ad cœlum, & dixit: Domine, sint oculi tui aperti super domum istam die, ac nocte; ut exaudias nos in loco, in quo iussisti inuocari nomen tuum, Domine.

Gloria in excelsis Deo.

Oratio super populum.

Da nobis omnipotens Deus Beati Michaelis Archangeli honore ad summa proficere: ut, cuius in terris gloriam prædicamus, eius quoque precibus adiuuemur in Cœlis. Per Dominum.

Lectio

Lectio Apocalypsis Beati Apostoli,
& Euangelistæ Ioannis.

IN diebus illis. Apertum est Tem-
plum Dei in Cœlo: & visa est Ar-
ca Testamenti eius in Templo eius:
& facta sunt fulgura, & voces, & ter-
ramotus, & grando magna. Et si-
gnum magnum apparuit in Cœlo:
Mulier amicta Sole, & Luna sub pe-
dibus eius, & in capite eius corona
stellarum duodecim: & in vtero ha-
bens, & clamabat parturiens: & cru-
ciatur, vt pariat. Et visum est aliud
signum in Cœlo: & ecce Draco ma-
gnus rufus, habens capita septem, &
cornua decem: & in capitibus eius
diademata septem: & cauda eius tra-
hebat tertiam partem stellarum Cœ-
li, & misit eas in terram: & Draco
stetit ante Mulierem, quæ erat pari-
tura; vt, cum peperisset, filium eius
deuoraret. Et peperit filium mascu-
lum, qui rectorus erat omnes Gentes
in virga ferrea: & raptus est filius
eius ad Deum, & ad thronum eius:
& Mulier fugit in solitudinem, vbi
habebat locum paratum à Deo; vt
ibi pascant eam diebus mille ducen-
tis sexaginta. Et factum est prælium
magnum in Cœlo. Michael, & An-
geli eius præliabantur cum Dracone:
& Draco pugnabat, & Angeli eius:
& non valuerunt, neque locus inuen-
tus est eorum amplius in Cœlo. Et
proiectus est Draco ille magnus, Ser-
pens antiquus, qui vocatur Diabolus,
& Satan, qui seducit vniuersum or-
bem: & proiectus est in terram, &
Angeli eius cum illo missi sunt. Et
audiui vocem magnam in Cœlo, di-
centem: Nunc facta est salus, & vir-
tus, & Regnum Dei nostri, & pote-
stas Christi eius; quia proiectus est
Accusator fratrum nostrorum, qui
accusabat illos ante conspectum Dei
nostri die, ac nocte. Et ipsi vicērunt

eum propter sanguinem Agni, &
propter verbum testimonij sui: &
non dilexerunt animas suas vsque
ad mortem. Propterea latamini Cœ-
li, & qui habitatis in eis.

Psalmell. Qui facis Angelos tuos, ^{Psalm. 103.}
Domine, spiritus: & ministros tuos
ignem ardentem.

V. Domine, Deus meus, magnifica-
tus es valde.

Epistola Beati Pauli Apostoli
ad Corinthios prima.

FRatres. Dei sumus adiutores: ^{Cap. 3.}
Dei agricultura estis: Dei ædi-
ficatio estis. Secundum gratiam Dei,
quæ data est mihi, vt sapiens archi-
tectus fundamentum posui: alius au-
tem superædificat. Unusquisque au-
tem videat, quomodo superædificet.
Fundamentum enim aliud nemo po-
test ponere præter id, quod positum
est: quod est Christus Iesus. Si quis
autem superædificat super funda-
mentum hoc, aurum, argentum, la-
pides pretiosos, ligna, fœnum, stipu-
lam; vniuscuiusque opus manifestum
erit. Dies enim Domini declarabit;
quia in igne reuelabitur; & vniuf-
cuiusque opus quale sit, ignis proba-
bit. Si cuius opus manserit, quod su-
perædificauit; mercedem accipiet.
Si cuius opus arserit, detrimentum
patietur; ipse autem saluus erit; sic
tamen quasi per ignem.

Halleluia. **V.** Ædificans Ierusalem ^{Psalm. 146.}
Dominus, dispersiones Israel con-
gregabit: Halleluia.

Lectio sancti Euangelij
secundum Lucam.

IN illo tempore. Ingressus Iesus ^{Cap. 19.}
perambulabat Iericho. Et ecce
vir, nomine Zachæus: & hic Prin-
ceps erat Publicanorum, & ipse di-
ues. Et quærebat videre Iesum, quis
esset: & non poterat præ turba; quia
statura pusillus erat. Et præcurrens

ascendit in arborem sycomorum, ut videret eum; quia inde erat transi-
turus. Et cum venisset ad locum; suspi-
cians Iesus vidit illum, & dixit
ad eum: Zachæ: festinans descen-
de; quia hodie in domo tua oportet
me manere. Et festinans descendit,
& excipit illum gaudens. Et cum
viderent omnes, murmurabant di-
centes: quod ad hominem peccato-
rem diuertisset. Stans autem Zachæus,
dixit ad Iesum: Ecce dimidium bo-
norum meorum, Domine, do paupe-
ribus: & si quid aliquem defraudaui,
reddo quadruplum. Ait Iesus ad eum:
Quia hodie salus domui huic facta
est, eo quod & ipse filius sit Abrahæ.
Venit enim Filius hominis quærere,
& saluum facere, quod perierat.

Antiphona post Euangelium.

Cœlestis militiæ Princeps, magne Mi-
chael, deprecare Christum pro afflic-
torum gemitu, Redemptorem mundi.

Oratio super sindonem.

A Desto plebi tuæ misericors Deus:
& ut gratiæ tuæ potiora bene-
ficia percipiat, Beati Michaelis Ar-
changelī fac supplicem deprecatio-
nibus subleuari. Per Dominum.

Apo. B. Offert. Factum est silentium in Cœ-
lo, dum committeret Draco bellum
cum Michaelē Archangelo: & audi-
ta est vox millia millium, dicentium:
Honor, & potestas data est Deo no-
stro in sæcula.

Apo. 5. V. Vidi librum in dextera Dei scrip-
tum intus, & foris. Millia millium
dicentium: Honor, & potestas data
est Deo nostro in sæcula.

Dicitur: Credo.

Oratio super oblatam.

M Unus populi tui Domine, quæ-
sumus, dignanter assume: quod,
non nostris meritis, sed Sancti Ar-
changelī tui Michaelis deprecatione,
tuæ potentiæ sit gratum. Per Dñm.

Præfatio.

Æ Terne Deus: Sancti Michaelis
Archangelī merita prædican-
tes. Quamvis enim nobis sit omnis
angelica veneranda sublimitas, quæ
in Maiestatis tuæ consistit conspectu:
illa tamen est propensius honoran-
da, quæ in eius ordinis dignitate cœ-
lestis militiæ meruit principatum.
Per Christum, Dominum nostrum.

Confract. Benedicite omnes Angeli
Domini Dominum: hymnum dicite,
& superexaltate eum in sæcula.

Transit. Benedicite Deum Cœli; quia
proiectus est Accusator fratrum no-
strorum: & Angeli eius cum eo missi
sunt. Propterea omnis caro Deum
benedicite.

Oratio post Communionem.

B Eati Archangelī tui Michaelis in-
teruentione suffulti, supplices
te, Domine, deprecamur: ut, quod
honore prosequimur, contingamus,
& mente. Per Dominum.

SANCTI HIERONYMI
PRESB. CONF. ET DOCT.

Missa de Communi vnus Doct. Sa-
cerdotis: In medio Ecclesiæ, pag. 12.
præterquam; ut infra.

Oratio super populum.

D eus, qui Ecclesiæ tuæ in expo-
nendis sacris Scripturis Beatum
Hieronymum, Confessorem tuum,
Doctorem maximum providere di-
gnatus es; præsta, quæsumus: ut, eius
suffragantibus meritis, quod ore si-
mul, & opere docuit, te adiuuante,
exercere valeamus. Per Dominum.

FESTA OCTOBRIS.

S. REMIGIJ EPISC. ET CONF.

Missa de Communi Confessoris, &
Pontificis: Elégit te, pag. 11. præter-
quam; ut infra.

Ora-

Oratio super populum.

Exaudi nos, Domine sancte, Pater omnipotens, æterne Deus: & meritis Sancti Antistitis, & Confessoris tui Remigij plebem tuam solita miseratione custodi, benignitate, & pietate saluifica; vt in æterna patria illi iungatur patrono, cuius hic exultat in festo. Per Dominum.

Oratio super sindonem.

Hæc nobis, Domine, solemnitatis Beati Remigij Confessoris tui, atque Pontificis meritis iterata, pacem tribuat, fidem augeat, corda purificet, lumbos accingat, & ianuam salutis aperiat. Per Dominum.

IN FESTO**SANCTORUM ANGELORUM CUSTODUM.****Ingressa.**Psal.
102.

Benedicite Dominum, omnes Angeli eius: potentes virtute, facientes verbum eius, ad audiendam vocem sermonum eius.

Gloria in excelsis Deo.

Oratio super populum.

Deus, qui ineffabili prouidentia Sanctos Angelos tuos ad nostram custodiam mittere dignaris: largire supplicibus tuis & eorum semper protectione defendi, & æterna societate gaudere. Per Dominum.

Lectio Libri Exodi.Cap.
23.

Hæc dicit Dominus Deus. Ecce ego mitto Angelum meum, qui præcedat te, & custodiat in via, & introducat in locum, quem præparauimus. Obserua eum, & audi vocem eius, nec contemnendum putes; quia non dimittet te, cum peccaueris; & est nomen meum in illo. Quod si audieris vocem eius, & feceris omnia, quæ loquor, inimicus ero inimicis tuis, &

affligam affligentes te, præcedetque te Angelus meus.

Psalme Angelis suis Deus mandauit de te, vt custodiant te in omnibus vijs tuis. Psal.
90.

V. In manibus portabunt te, ne quando offendas ad lapidem pedem tuum. Cap.
90.

Epistola Beati Pauli Apostoli ad Hæbræos.

Fratres. Nonne omnes sunt ad ministratorij Spiritus in ministerium missi propter eos, qui hæreditatem capient salutis? Propterea, abundantius oportet obseruare nos ea, quæ audiuiimus: ne fortè peresfluamus. Si enim, qui per Angelos dictus est sermo, factus est firmus, & omnis præuaricatio, & inobedientia accipit iustam mercedis retributionem; quomodo nos effugiemus; si tantam neglexerimus salutem; Quæ cum initium accepisset enarrari per Dominum ab eis, qui audierunt; in nos confirmata est, contestante Deo signis, & portentis, & varijs virtutibus, & Spiritus Sancti distributionibus secundum suam voluntatem.

Halleluia. **V.** Qui facit Angelos suos spiritus, & ministros suos ignem ardentem: Hallel. Heb.
br.
c. 1.

Lectio sancti Euangelij secundum Matthæum.

In illo tempore. Accesserunt Discipuli ad Iesum, dicentes: Quis, putas, maior est in Regno Cœlorum? Et aduocans Iesus paruulum, statuit eum in medio eorum, & dixit: Amen dico vobis: Nisi conuersi fueritis, & efficiamini sicut paruuli; non intrabitis in Regnum Cœlorum. Quicumque ergo humiliauerit se, sicut paruulus iste: hic est maior in Regno Cœlorum. Et, qui suscepit vnum paruulum talem in nomine meo, me suscipit. Qui autem scandalizauerit vnum de pusillis istis, qui in me credunt:

dunt: expedit ei, vt suspendatur mola asinaria in collo eius, & demergatur in profundo maris. Væ Mundo à scandalis. Neceffe est enim, vt veniant scandala; veruntamen væ homini illi, per quem scandalum venit. Si autem manus tua, vel pes tuus scandalizat te; abscinde eum, & proijce abs te. Bonum tibi est ad vitam ingredi debilem, vel claudum, quàm duas manus, vel duos pedes habentem, mitti in ignem æternum. Et si oculus tuus scandalizat te; erue eum, & proijce abs te. Bonum tibi est cum vno oculo in vitam intrare, quàm duos oculos habentem, mitti in Gehennam ignis. Videte ne contemnatis vnum ex his pusillis. Dico enim vobis, quia Angeli eorum in Cœlis semper vident faciem Patris mei, qui in Cœlis est.

Antiphona post Euangelium.

Benedicite Dominum omnes Virtutes eius: ministri eius, qui facitis voluntates eius.

Oratio super findonem.

Concede nobis omnipotens Deus: vt, qui Angelorum custodiâ, te donante, regimur, ac munimur, eorum magisterio instituti, discamus terrena contemnere, & amare cœlestia. Per Dominum.

Offert. Benedicite Dominum omnia opera eius: in omni loco dominationis eius benedic anima mea Dominum.

Dicitur: Credo.

Oratio super oblatam.

Suscipe Domine munera, quæ pro Sanctorum Angelorum tuorum veneratione deferimus, & concede propitius: vt perpetuis eorum præsidij à præsentibus periculis liberemur, & ad vitam perueniamus æternam. Per Dominum nostrum, Iesum Christum.

Præfatio.

Æterne Deus. Cuius admirabilis sapientiæ ordo in procuranda hominum salute Angelorum ministerio declaratur. Te supplices exoramus, vt, discussa caligine vitiorum, Diuini vultus tui radios, quos à te iugiter illi excipiunt, ad nos sine impedimento transmittant: & quia nostræ beatitudinis tales, ac tantos in terris voluisti esse ministros, iisdem nos confortes in Cœlo associare digneris. Ubi Maiestatem tuam consonis laudibus venerantes, sine fine dicamus: Sanctus, Sanctus, &c.

Confract. Benedicite omnes Angeli Domini Dominum: hymnum dicite, & superexaltate eum in sæcula.

Transit. Angeli circundederunt altare: & Christus administrat Panem Sanctorum, & Calicem vitæ in remissionem peccatorum.

Oratio post Communionem.

Sumpsimus, Domine, Diuina mysteria, Sanctorum Angelorum tuorum Festiuitate lætantes: quæsumus, vt eorum protectione ab hostium iugiter liberemur insidijs, & contra omnia muniamur aduersa. Per Dominum nostrum, Iesum Christum, Filium tuum.

I N N A T A L I
SANCTI FRANCISCI BORGIÆ
CONF. SACERD.

Missa de Comuni: Sacerdotes eius, pag. 14. præterquam; vt infra.

Oratio super populum.

Domine Iesu Christe, veræ humilitatis & exemplar, & præmium, quæsumus: vt, sicut Beatum Franciscum in terreni honoris contemptu imitatore tuum gloriosum effecisti; ita nos eiusdem imitationis, & gloriæ tribuas esse confortes. Qui viuis, & regnas.

Ora-

Oratio super sindonem.

Precibus, & meritis Beati Francisci, qui, abiectis Sæculi honoribus, tibi Regum Regi vnicè famulari voluit; da, quæsumus, omnipotens Deus: vt diuino addicti obsequio nos quoque, præter Te, summum, verumque Bonum, nihil aliud concupiscere studeamus. Per Dominum.

I N F E S T O

ca. S. FRANCISCI CONFESS.

Ingressa.

Psal.
84.



Ir iste custodiuit in sæculum veritatem Domini: fecit iudicium iniuriis patientibus, & escam dedit esurientibus.

Gloria in excelsis Deo.

Oratio super populum.

Deus, qui Ecclesiam tuam Beati Francisci meritis foetu nouæ prolis amplificas: tribue nobis, eius imitatione, terrena despiciere, & celestium donorum semper participatione gaudere. Per Dominum.

Lectio, cum Psalmello, & Versu, de Communi vniuers Confessoris simplicis, pag 16.

Epistola Beati Pauli Apostoli ad Galatas.

cap. 6. **F**ratres. Mihi absit gloriari nisi in Cruce Domini nostri, Iesu Christi: per quem mihi mundus crucifixus est, & ego mundo. In Christo enim Iesu neque circuncisio aliquid valet, neque præputium; sed noua creatura. Et quicumque hanc regulam secuti fuerint, pax super illos, & misericordia, & super Israel. De cætero nemo mihi molestus sit. Ego enim stigmata Domini Iesu in corpore meo porto Gratia Domini nostri, Iesu Christi cum spiritu vestro, fratres. Amen.

Halleluia. *v.* Euge serue bone & fidelis, intra in gaudium Domini Dei tui: Hallel. Mat. 25.

Lectio sancti Euangelij secundum Matthæum.

In illo tempore. Respondens Iesus, dixit: Confiteor tibi, Pater, Domine coeli, & terræ, quia abscondisti hæc à sapientibus, & prudentibus, & reuelasti ea paruulis. Ita Pater: quoniam sic fuit placitum ante te. Omnia mihi tradita sunt à Patre meo. Et nemo nouit Filium, nisi Pater: neque Patrem quis nouit, nisi Filius; &, cui voluerit Filius reuelare. Venite ad me omnes, qui laboratis, & onerati estis; & ego reficiam vos. Tollite iugum meum super vos: & discite à me, quia mitis sum, & humilis corde; & inuenietis requiem animabus vestris. Iugum enim meum suaue est, & onus meum leue. Cap. 11.

Antiphona post Euangelium.

Similabo eum viro sapienti, qui ædificauit domum suam supra firmam petram. Mat. 7.

Oratio super sindonem.

Adesto Domine supplicationibus nostris, quas in Beati Francisci Confessoris tui solemnitate deferimus: vt, qui nostræ iustitiæ fiduciam non habemus, eius qui tibi placuit, precibus adiuuemur. Per Dominum.

Offert. Veritas mea, & misericordia mea cum ipso: & in nomine meo exaltabitur cornu eius. Psal. 88.

Dicitur: Credo.

Oratio super oblatam.

Munera tibi, Domine, dicata sanctifica: &, intercedente Beato Francisco, ab omni nos culparum labe purifica. Per Dominum.

Præfatio.

Aterne Deus: Et gloriam tuam profusis precibus exorare: vt, Sancti tui Francisci Confessoris patrocinio

cinio nos adiuuante, debita nomini tuo seruitute placeamus. Per Christum, Dominum nostrum.

Ma. 12. Confactor. Qui me confessus fuerit coram hominibus, confitebor & ego eum coram Patre meo, qui in Coelis est.

Transitor. Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Oratio post Communionem.

Ecclēsiā tuā, quāsumus, Domine, gratia cōlestis amplifcet: quā Beati Francisci Confessoris tui illuminare voluisti gloriosis meritis, & exemplis. Per Dominum.

o. a. SANCTORUM MARTYRUM PLACIDI, ET SOCIORUM.

Missa de Communi plurium Martyr. Salus autem iustorum, pag. 8.

o. a. S. BRUNONIS CONF. ET SACER. **Missa de Communi:** Sacerdotes eius, pag. 14.

o. a. S. BIRGITTÆ MATRONÆ. **Missa de Communi:** Feci iudicium, pag. 21.

o. a. S. PELAGIÆ VIRG. ET MART. **Missa de Communi:** Feci iudicium, pag. 17.

o. a. SANCTORUM MARTYRUM DIONISIJ, RUSTICI ELEUTHERIJ, ET DOMNINI.

Missa de Communi plurium Martyr. Stabunt iusti, pag. 6. **præterquam; vt infra.**

Oratio super populum.

Auxilium tuum Domine nobis, quāsumus, placatus impende: & intercedentibus Beatis Martyribus tuis Dionysio, Rustico, Eleutherio,

atque Domnino, dexteram super nos tuæ propitiationis extende. Per Dominum nostrum.

Oratio super sindonem.

Adesto Domine supplicationibus nostris: & intercedentibus Beatis Martyribus tuis Dionysio, Rustico, Eleutherio, atque Domnino, ab hostium nos defende propitius incursu. Per Dominum nostrum.

Oratio super oblatam.

Suscipe Domine munera, quæ tibi in eorum solemnitate offerimus: quorum nos confidimus patrociniō adiuuari. Per Dominum nostrum.

Præfatio.

Per Christum, Dominum nostrum. Suppliciter exorantes; vt, dum Beatorum Martyrum tuorum Dionysij, Rustici, Eleutherij, atque Domnini merita gloriosa veneramur, auxilium nobis tuæ propitiationis acquiramus: nec desperemus de veniæ largitate, quā per eos, qui tibi placuerunt, deprecemur. Per eundem Christum, Dominum nostrum.

Oratio post Communionem.

Cōlestibus refecti mysterijs, supplices te, Domine, deprecamur: vt, quorum gloriamur triumphis, protegāmur auxilijs. Per Dominum.

S. CASIMIRI REGIS, ET CONF. 10. o. a. **Missa de Communi vnius Confessoris simplicis:** Vir iste, pag. 16. **præterquam; vt infra.**

Oratio super populum.

Deus, qui Beatum Casimirum Confessorem tuum cōlesti Regno terrenum postponere docuisti: da, quāsumus, nobis eius exemplo cadūca despiciere, atque æterna sectari. Per Dominum nostrum.

Oratio super sindonem.

Deus, qui regales inter delicias intactum à mundi illecebris spiritum

ritum Sancti Casimiri, Confessoris
tui conseruasti; fac, quæsumus: vt in
amore tuo fideles tui ita firmentur,
vt & terrena despiciant, & ad coele-
stia semper aspirant. Per Dominum.

Oratio super oblatam.

Praesta, quæsumus, omnipotens
Deus: vt, sicut Beatus Confessor
tuus Casimirus, spretis mundi oblec-
tamentis, soli Regi Christo placere
studuit; ita eius oratio nostras tibi
hostias reddat acceptas. Per eundem.

Oratio post Communionem.

Deus, qui Beatum Casimirum,
Confessorem tuum mirificasti
in terris, & gloriosum in cœlis feci-
sti: eundem, quæsumus, Ecclesiæ tuæ
constitue defensorem. Per Dñm.

I N N A T A L I

S. MONÆ EPISC. ET CONF.

Ingressa.



Légit te Dominus sibi
Sacerdotem magnum:
& aperiens thesaurum
suum optimum, abun-
dare te faciet omnibus
bonis.

Gloria in excelsis Deo.

Oratio super populum.

Omnipotens, sempiternus Deus,
da populo tuo sincera mente,
& puro corde Beati Sacerdotis, &
Confessoris tui Monæ solemnitatem
celebrare: vt, quod temporali effec-
tu prodesse gaudet, æternali augmen-
to profuturum non despéret. Per Do-
minum nostrum.

Lectio, cum Psalmello, & Versu, de
Communi, pag. 9.Epistola Beati Pauli Apostoli
ad Hebræos.

Fratres. Habentes fiduciam in in-
troitu Sanctorum in sanguine
Christi, quam initiauit nobis viam,
nouam, & viuientem per velâmen, id

est, carnem suam, & Sacerdotem ma-
gnum super domum Dei: accedamus
cum vero corde in plenitudine fidei,
aspergi corda à conscientia mala, &
ablûti corpus aquâ mundâ: teneamus
spei nostræ confessionem indeclina-
bilem (fidelis enim est, qui repromi-
sit) & consideremus inuicem in pro-
uocationem charitatis, & bonorum
operum: non deferentes collectio-
nem nostram, sicut consuetudinis est
quibusdam; sed consolantes, & tan-
tò magis, quantò videritis appropin-
quantem diem. Voluntariè enim pec-
cantibus nobis post acceptam noti-
tiam veritatis, iam non relinquitur
pro peccatis hostia: terribilis autem
quædam expectatio iudicij, & ignis
æmulatio, quæ consumptura est ad-
uersarios.

Halleluia. **V.** Tu es Sacerdos in æ-
ternum secundum ordinem Mel-
chisedech: Hallel. Psal. 109.

Lectio sancti Euangelij
secundum Ioannem.

In illo tempore. Dixit Iesus Pha-
risæis: Amen, amen dico vobis:
Qui non intrat per ostium in ouile
ouium, sed ascendit aliunde, ille fur
est, & latro. Qui autem intrat per
ostium, pastor est ouium. Huic os-
tarius aperit: & oues vocem eius au-
diunt: & proprias oues vocat nomi-
natim, & educit eas. Et cum proprias
oues emisit, ante eas vadit: & oues
illum sequuntur; quia sciunt vocem
eius. Alienum autem non sequuntur,
sed fugiunt ab eo; quia non noue-
runt vocem alienorum. Hoc prouer-
bium dixit eis Iesus: illi autem non
cognouerunt, quid loqueretur eis.
Dixit ergo eis iterum Iesus: Amen,
amen dico vobis: quia ego sum os-
tium ouium. Omnes quotquot venê-
runt, fures sunt, & latrones; sed non
audierunt eos oues. Ego sum ostium.
Per

Per me si quis introierit; saluabitur; & ingreditur, & egredietur; & pascua inueniet. Fur non venit, nisi ut furetur, & mactet, & perdat. Ego veni, ut vitam habeant, & abundantius habeant.

Antiphona post Euangelium.

^{1. Tim.} **C**onfessus es bonam confessionem, coram multis testibus; apprehende vitam æternam, quam consecutus es, Sacerdos Dei sancte.

Oratio super sindonem.

Populum tuum, quæsumus, Domine, intercedente Beato Monacho Confessore tuo, atque Pontifice, & a presentibus eripe benignus aduersis: & coelestibus instrue documentis. Per Dominum nostrum.

^{Psalm.} **O**ffert. Inueni Dauid seruum meum: & oleo sancto unxi eum. Manus enim mea auxiliabitur ei, & brachium meum confortabit eum.

Dicitur: Credo.

Oratio super oblatam.

Hæc dona, quæsumus, Domine, quæ sancto Altari tuo fideliter exhibemus, dignanter assume: & gloriosa Beati Confessoris, atque Pontificis tui Monachi intercessione nobis fac esse prospera, & æternam beatitudine copiosa. Per Dominum.

Præfatio.

Æterne Deus. Cuius immensa pietas nullo temporum fine concluditur: sed semper in suis fidelibus admiranda cognoscitur. Tui est igitur muneris; tuæque largitatis, quod Beatus Monachus, Pontificali infula ornatus, Christicolarum cætus, perfidorum rabie pulsante sparsim vagantes, diu errare non passus est: sed ad ouile dominicum proprijs reportans humeris, æmulator efficitur summi Pastoris. Huius te, Domine, Sancti Confessoris precibus obsecramus: ut ipsius in æterna nos beatitudine con-

sortes efficias. Per eundem Christum.

Confract. Summe Sacerdos Monachus, Pastor egregie, ora pro nobis Deum.

Transit. Domine, quinque talenta tradidisti mihi; ecce alia quinque superperlucratus sum.

Oratio post Communionem.

Coelestibus replenti donis, quæsumus, Domine: ut, supplicante Beato Confessore tuo Monacho, nos a peccatis emacules, & perpetuis repleas alimentis. Per Dominum.

S. CALIXTI PAPÆ, ET MART.

Missa de Communi Martyris, & Pontificis: Dedisti eum Domine, pag. 4.

S. TERESIÆ VIRGINIS.

Missa de Communi vnius simplicis Virginis: Dilexisti iustitiam, pag. 19. præterquam; ut infra.

Oratio super populum.

Superni luminis Pater, qui ad meliora semper æmulanda charismata mentem Beatæ Virginis Teresiæ charitatis ardore inflammare, & sapientiæ luce illustrare dignatus es, quæsumus: ut, ipsa interueniente, quod ore, & opere docuit, & simplici capiamus mente, & toto cordis ardore compleamus. Per Dominum.

Oratio super sindonem.

Beatæ Virginis tuæ Teresiæ meritis nos Domine in tui amore propitius accende: ut, sicut illa tibi placuit, & flore virginitatis, & charitatis ardore; ita nos valeamus, ea intercedente, bonis operibus abundare. Per Dominum nostrum, Iesum Christum, Filium tuum: qui tecum viuit, & regnat.

S. GALLI ABB. ET CONFESS.

Missa de Communi Confessoris Sacerdotis: Sacerdotes eius, pag. 14.

IN NATALI
 18. **S. LUCÆ EVANGELISTÆ.**
 Oct.

Ingressa.Psal.
36.

Vestis non conturbabitur; quia Dominus firmat manum eius. Tota die miseretur, & commodat; & semen eius in benedictione

erit in æternum: dicit Dominus.

Gloria in excelsis Deo.

Oratio super populum.

Interueniat pro nobis, quæsumus, Domine, Sanctus tuus Lucas Evangelista: qui Crucis mortificationem iugiter in suo corpore pro tui nominis honore portauit. Per Dominum.

Lectio cum Psalmello, & Versu, de Commu. in Vigil. vnus Apost. pag. 1.

Epistola Beati Pauli Apostoli ad Timotheum secunda.

Charissime. Festina ad me venire citò. Demas enim me reliquit, diligens hoc sæculum, & abiit Thessalonicam: Crescens in Galatiam: Titus in Dalmatiam: Lucas est mecum solus. Marcum assumes, & adduc tecum; est enim mihi utilis in ministerio. Tychicum autem misi Ephesum. Penulam, quam reliqui Troade apud Carpum, veniens affer tecum, & libros; maxime autem membranas. Alexander Ærarius multa mala mihi ostendit. Reddat illi Dñs secundum opera eius: quem & tu deuota; valde enim restitit verbis nostris. In prima mea defensione nemo mihi affuit; sed omnes me dereliquerunt: non illis imputetur. Dominus autem mihi astitit, & confortauit me; vt per me prædicatio impleatur, & audiant omnes Gentes: & liberatus sum de ore Leonis. Liberauit me Dominus ab omni opere malo: & saluum faciet in Regnum suum Coeleste. Cui est honor, & gloria in sæcula sæculorum. Amen.

Halleluia. **V.** Quàm speciosi pedes

euangelizantium pacem, euangelizantium bona! Hallel.



Lectio sancti Euangelij
 secundum Lucam.

In illo tempore. Designauit Dominus Iesus & alios septuagintaduos: & misit illos binos ante faciem suam in omnem ciuitatem, & locum, quod erat ipse venturus. Et dicebat illis: Messis quidem multa; operarij autem pauci. Rogate ergo Dominum messis; vt mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta: & neminem per viam salutaueritis. In quamcunque domum intraueritis, primum dicite, Pax huic domui. Et si ibi fuerit filius pacis; requiescet super illum pax vestra: sin autem; ad vos reuertetur. In eadem autem domo manete, edentes, & bibentes, quæ apud illos sunt; dignus est enim operarius mercede sua. Nolite transire de domo in domum. Et in quamcunque ciuitatem intraueritis, & susceperint vos; manducate, quæ apponuntur vobis; curate infirmos, qui in illa sunt; & dicite illis, Appropinquauit in vos Regnum Dei.

Antiphona post Euangelium.

Bene annunciaui iustitiam tuam, Domine, in Ecclesia magna.

Oratio super sindonem.

Præsta, quæsumus, Domine: vt Beati Lucæ Evangelistæ suffragijs, cuius natalitia celebramus, hæc plebs tua semper & sua vota depròmat, & desiderata perficiat. Per Dominum.

Offert. In virtute tua, Domine, lætabitur iustus, & super salutare tuum exultabit vehementer. Desiderium animæ eius tribuisti ei, Domine.

Dicitur: Credo.

Oratio super oblatam.

Donis cœlestibus, da, quæsumus, Domine, nos libera mente seruire:

Mm

uire:

uire: & munera, quæ deferimus, interueniente Beato Euangelista tuo Luca, & medelam nobis operentur, & gloriam. Per Dominum.

Præfatio.

Æterne Deus: Et te in Sanctis tuis collaudare, benedicere, & prædicare. Qui eos, dimicantes contra antiqui Hostis machinamenta, & proprii corporis blandimenta, inexpugnabili virtute, Rex gloriæ roborasti. Ex quibus Euangelista Lucas, assumpto fidei scuto, & galea spei salutis, & gladio Spiritus Sancti, viriliter contra vitiorum incentiua pugnavit: & euangelicæ nobis dulcedinis fluentia deduxit. Unde petimus, Domine, immensam clementiam tuam: vt, qui eum tot meritorum donasti prærogatiuis, nos eius & informes exemplis, & meritis adiuues gloriosis. Per Christum.

^{Psalm.} **Confract.** Subiecit populos nobis, & Gentes sub pedibus nostris.

^{Mat.} **Transit.** Vos, qui secuti estis me, sedebitis super sedes, iudicantes duodecim Tribus Israel.

Oratio post Communionem.

Præsta, quæsumus, omnipotens, æterne Deus: vt, quod de sancto Altari tuo accepimus, precibus Beati Euangelistæ Lucæ sanctificet animas nostras; quò tui esse possimus. Per Dñm.

^{19. Oct.} S. PETRI DE ALCANTARA
CONFESS. SACERD.

Missæ de Comm. Sacerdotes eius, p. 14.

^{17. Oct.} S. URSULÆ ET SOCIARUM
VIRGINUM, ET MARTYRUM.

Missæ de Commu. Virg., & Mart. Feci iudicium, p. 17. **præterquam; vt infra.**

Oratio super populum.

Concede, quæsumus, omnipotens Deus: vt per Sanctarum tuarum Virginum preces & viui sanctitatem ipsarum imitemur, & mortui recipiamur in cœlum. Per Dominum.

Oratio super findonem.

Gratias agimus tibi, Domine; quòd Sanctarum tuarum Virginum constantiam illustri exemplo nobis proponere dignatus es: vt earum imitatione præsentis vitæ cursum absoluerè possimus, & ad gaudia æterna peruenire. Per Dominum.

Oratio super oblatam.

Accepta tibi sint, Domine, oblationis nostræ munera: quæ in festiuitate Sanctæ Vrsulæ, & eius Sociarum sacris Altaribus ad nostræ salutis profectum duximus humiliter exhibenda. Per Dominum nostrum.

Oratio post Communionem.

Supplices te rogamus, omnipotens Deus: vt Corporis, & Sanguinis tui sacramentum, quod pro honore Beatæ Vrsulæ, & Sociarum eius percipimus, ad nostrarum salutem proficiat animarum. Qui viuis, & regnas.

I N N A T A L I
SANCTORUM MARTYRUM
COSMÆ, ET DAMIANI.

Ingressa.

Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

Intercedentibus Sanctis tuis, Domine, Cosma, & Damiano, plebi tuæ presta subsidium: vt ab omnibus noxijs expedita & hic, & in æternum sibi cuncta profutura percipiat. Per Dñm.

Lectio cum Psalmello, & Versu; de Communi plurium Martyrum, pag. 6.

Epistola Beati Pauli Apostoli ad Timotheum prima.

Charissime. Testor coram Deo, & Christo Iesu, & electis Angelis,

lis, vt hæc custodias sine præiudicio, nihil faciens, in aliam partem declinando. Manus citò nemini imposueris; neque communicaueris peccatis alienis. Te ipsum castum custodi. Noli adhuc aquam bibere; sed modico vino vtere propter stomachum tuum, & frequentes tuas infirmitates. Quorundam hominum peccata manifesta sunt, præcedentia ad iudicium: quosdam autem subsequuntur. Similiter & facta bona manifesta sunt: & quæ aliter se habent, abscondi non possunt. Quicumque sunt sub iugo serui dominos suos omni honore dignos arbitrentur; ne nomen Domini, & doctrina blasphemetur. Qui autem fideles habent dominos, non contemnant; quia fratres sunt: sed magis seruiant; quia fideles sunt, & dilecti, qui beneficij participes sunt. Hæc doce, & exhortare.

Halleluia. **V.** Iustorum animæ in manu Dei sunt, & non tanget illos tormentum malitiæ: Hallel.

Lectio sancti Euangelij secundum Lucam.

In illo tempore. Dixit Dominus Iesus turbis: Qui non est mecum, contra me est: & qui non colligit mecum, dispergit. Cum immundus Spiritus exierit de homine, perambulat per loca inaquosa, quærens requiem: & non inueniens, dicit: Reuertar in domum meam, vnde exiui. Et cum venerit, inuenit eam scopis mundatam, & ornatam. Tunc vadit, & assumit septem alios Spiritus nequiores se, & ingressi habitant ibi: & fiunt nouissima hominis illius peiora prioribus. Factum est autem: cum hæc diceret, extollens vocem quædam mulier de turba, dixit illi: Beatus ille venter, qui te portauit, & vbera, quæ suxisti. At ille dixit: Quinimmo beati, qui audiunt verbum Dei, & custodiunt illud.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur.

Oratio super sindonem.

DA nobis, quæsumus, Domine, fidei miseratus augmentum: vt, quæ Sanctos Martyres tuos, Cosmam, & Damianum vsque ad sanguinem retenta glorificat, nos etiam iustificet veraciter hanc sequentes. Per Dominum nostrum.

Offertor. **G**loriabuntur in te omnes, qui diligunt nomen tuum; quoniam tu benedices iustos. Domine, vt scuto bonæ voluntatis tuæ coronasti nos.

Dicitur: Credo.

Oratio super oblatam.

Offerendorum tibi munerum. Deus author, & dator præsta: vt hoc sacrificium singulare, quod Sanctis tuis in passione contulit claritatem, nobis tribuat in deuotione præsidium. Per Dominum.

Præfatio.

Terne Deus: Clementiam, tuam suppliciter exorantes: vt exultantibus Sanctis in coelestis Regni cubilibus gaudia nostra subiungas: & quos virtutis imitatione sequi non possumus, debitæ venerationis contingamus affectu. Per Christum.

Confractor. **A**men dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis.

Transitor. **L**audate Deum in Sanctis eius, laudate eum in firmamento virtutis eius.

Oratio post Communionem.

Pasce nos Domine tuorum gaudijs vbique Sanctorum: quia nostræ salutis augmenta sunt, quoties honor illis impenditur, in quibus tu mirabilis prædicaris. Per Dominum nostrum.

**SANCTORUM MARTYRUM
CHRISANTI, ET DARIÆ.**

Missa de Communi: Salus autem iustorum, pag. 8. **præterquam; vt infra.**

Oratio super populum.

Beatorum Martyrum tuorum, Domine, Chryfanti, & Dariæ pro nobis adsit oratio: vt, quos deuoto obsequio veneramur, eorum perpetuo muniamur auxilio. Per Dñm.

Oratio super sindonem.

Præsta, quæsumus, Domine: vt, sicut nobis Sanctorum Martyrum tuorum Chryfanti, & Dariæ natalitia celebranda non desunt; ita iugiter nos suffragijs comitentur. Per Dñm.

Oratio super oblatam.

Populi tui, Domine, quæsumus, tibi grata sit hostia: quæ in Sanctorum tuorum Martyrum Chryfanti, & Dariæ solemnitate immolatur. Per Dominum.

Oratio post Communionem.

Annue nobis, quæsumus, omnipotens Deus: vt diuini sacramenti perceptio nobis profit ad veniam, quæ gloriosis Martyribus tuis Chryfanto, & Dariæ copiosam contulit gloriam. Per Dominum.

S. EVARISTI PAPÆ, ET MART.
Missa de Communi vnus Martyris, & Pontificis: Dedisti eum Domine, pag. 4.

IN VIGILIA

**SANCTORUM APOSTOLORUM
SIMONIS, ET IUDÆ.**

Ingressa.

Psal.
78.



Ntret in conspectu tuo, Domine, gemitus compeditorum. Redde vicinis nostris septuplum in finu eorum. Vindica sanguinem Sanctorum, qui effusus est.

Non dicitur: Gloria in excelsis Deo.

Oratio super populum.

Concede, quæsumus, omnipotens Deus: vt, sicut Apostolorum tuorum Simonis, & Iudæ gloriosa natalitia præuenimus; sic ad tua beneficia promerenda Maiestatem tuam pro nobis ipsi præueniant. Per Dñm.

Lectio Libri Sapientiæ.

Reddidit Dominus iustis mercedem laborum suorum, & deduxit illos in via mirabili: & fuit illis in velamento diei, & in luce stellarum per noctem: & transtulit illos per mare rubrum, & transuexit illos per aquam nimiam. Inimicos autem illorum demersit in mare, & ab altitudine inferorum eduxit illos. Ideo iusti tulerunt spolia impiorum: & decantauerunt, Domine, nomen sanctum tuum: & victricem manum tuam laudauerunt pariter, Domine, Deus noster.

Cantus: Nisi quod Dominus erat in nobis: dicat nunc Israël, nisi quod Dominus erat in nobis.

**Lectio sancti Euangelij
secundum Ioannem.**

In illo tempore. Dixit Dominus Iesus Discipulis suis: Ego sum vitis vera, & Pater meus agricola est. Omnem palmitem in me non ferentem fructum, tollet eum: & omnem, qui fert fructum, purgabit eum; vt fructum plus afferat. Iam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite; sic nec vos, nisi in me manseritis. Ego sum vitis: vos palmites. Qui manet in me, & ego in eo, hic fert fructum multum; quia sine me nihil potestis facere. Si quis in me non manserit; mittetur foras sicut palmes, & arefcet; & colligent eum, & in ignem mittent, & ardet. Si manseritis in me, & verba mea in vobis

vobis manserint; quodcunque volueritis, petetis, & fiet vobis.

Oratio super findonem.

Deus, qui nos per Beatos Apostolos tuos Simonem, & Iudam ad agnitionem tui nominis venire tribuisti: da nobis eorum gloriam sempiternam & proficiendo celebrare, & celebrando proficere. Per Dominum nostrum.

Offert. **E**xultabunt Sancti in gloria, lætabuntur in cubilibus suis. Exaltationes Dei in faucibus eorum.

Non dicitur: Credo.

Oratio super oblatam.

Muneribus nostris, Domine, Sanctorum Apostolorum tuorum Simonis, & Iudæ festa præcedimus, te suppliciter deprecantes: vt, quæ conscientia nostræ præpediuntur obstaculis, eorum meritis grata reddantur. Per Dominum nostrum.

Præfatio.

Æterne Deus; Suppliciter exorantes: vt gregem tuum Pastor æterne non deseras; sed per Beatos Apostolos tuos Simonem, & Iudam continua protectione custodias: vt iisdem Rectoribus dirigatur, quos operis tui vicarios eidem contulisti præesse Pastores. Per Christum, Dominum nostrum.

Confract. **E**go vos elégi de mundo; vt eatis, & fructum afferatis, & fructus vester maneat.

Transitor. **L**audate Deum in Sanctis eius, laudate eum in firmamento virtutis eius.

Oratio post Communionem.

Sumpto, Domine, Sacramento suppliciter deprecamur: vt, intercedentibus Beatis Apostolis tuis Simone, & Iuda, quod temporaliter gerimus, ad vitam capiamus æternam. Per Dominum nostrum.

I N F E S T O
SANCTORUM APOSTOLORUM
SIMONIS, ET IUDÆ.

28.
Oct.

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Gloria in excelsis Deo.

Oratio super populum.

Protector in te sperantium, Deus familiam tuam propitius respice: & per Beatos Apostolos tuos Simonem, & Iudam, à cunctis eam aduersitatibus potentia tuæ brachio defende. Per Dominum.

Commemoratio S. Fidelis Mart.

in Missis priuatis.

Propitiare Domine populo tuo: & quos in frequentatione Beati Martyris tui Fidelis tribuis interesse, protectione perpetua semper fac esse securos. Per Dominum.

Lectio, vt supra in Vigilia:

Psal. 44. **C**onstitues eos Principes super omnem terram. Memores erunt nominis tui, Domine.

¶ Pro patribus tuis nati sunt tibi filij; propterea populi confitebuntur tibi.

Epistola Beati Pauli Apostoli ad Corinthios prima.

Fratres. Puto, quod Deus nos Apostolos nouissimos ostendit, tanquam morti destinatos; quia spectaculum facti sumus mundo, & Angelis, & hominibus. Nos stulti propter Christum; vos autem prudentes in Christo: nos infirmi; vos autem fortes: vos nobiles; nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris. Maledicimur; & benedicimus: persecu-

Mm 3

tio-

tionem patimur; & sustinemus: blasphemamur; & obsecramus: tanquam purgamenta huius mundi facti sumus, omnium peripsēma usque adhuc. Non, ut confundam vos, hæc scribo; sed ut filios meos charissimos moneo.

^{Psal.}
^{138.} **Halleluia.** *¶* Nimis honorandi sunt amici tui, Deus: valde confortatus est principatus eorum: Hallel.

 **L**ectio sancti Evangelij secundum Matthæum.

^{Cap.}
^{19.} **I**n illo tempore. Dixit Petrus ad Iesum: Ecce nos reliquimus omnia, & secuti sumus te; quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in Sede Maiestatis suæ, sedebitis & vos super sedes duodecim, iudicantes duodecim Tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum; centuplum accipiet, & vitam æternam possidebit.

Antiphona post Euangelium.

Subiecit populos nobis, & Gentes sub pedibus nostris.

Oratio super sindonem.

Deus, mundi Creator, qui Beatos Apostolos Simonem, & Iudam nominis tui gloriā sublimasti: exaudi populum tuum, cum Sanctorum tuorum tibi patrocinijs supplicantem; ut pacis dono proficiat ad fidei, & charitatis augmentum. Per Dñm.

Commemoratio S. Fidelis Mart.

Beati Martyris tui Fidelis nos, quæsumus, Domine, gloriosa merita prosequantur: qui fragilitatem nostram & precibus tueatur, & meritis. Per Dominum.

Offert. **G**loriabuntur in te omnes, qui diligunt nomen tuum; quoniā tu, Domine, benedices iustos. Domine, ut scuto bonæ volūtatistue coronasti nos.

Dicitur: Credo.

Oratio super oblatam.

Gloriam, Domine, Sanctorum Apostolorum, & Martyrum tuorum perpetuam celebrantes, quæsumus: ut eandem sacris mysterijs expiāti dignius celebremus. Per Dñm.

Commemoratio S. Fidelis Mart.

Suscipe, quæsumus, Domine propitius munera, quæ in Beati Martyris tui Fidelis commemoratione deferimus: ut, cuius honore sunt grata, eius nobis fiant intercessione perpetua. Per Dominum nostrum.

Præfatio.

Æterne Deus: Te in tuorum Apostolorum, Simonis, & Iudæ glorificantes honore. Qui & illis tribuisti beatitudinem sempiternam: & infirmitati nostræ talia præstitisti suffragia, per quæ eam, te donante, apprehendere valeamus. Per Christum.

Confractor. **A**men dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis.

Transit. **L**audate Deum in Sāctis eius, laudate eū in firmamento virtutis eius.

Oratio post Communionem.

Quæsumus, omnipotens Deus; ut fideles tui, venerandas assidue celebrantes Sanctorum Apostolorum tuorum Simonis, & Iudæ passionem: & copiam inueniant perpetuæ deuotionis, & salutis æternæ suffragia maiora conquirant. Per Dñm.

Commemoratio S. Fidelis Mart.

Sumpimus, Domine, in Sancti Martyris tui Fidelis solemnitate celestia sacramenta: cuius suffragijs, quæsumus, largiaris, ut, quod temporaliter gerimus, æternis gaudijs consequamur. Per Dominum.

S. ANTONINI EPISC. ET CONF.

Missa de Comm. Sacerdos iste, p. 9.

S. SATURNINI MARTYRIS.

Missa de Comm. vñius Mart. Iustus non conturbabitur, pag. 3. **IN**

IN VIGILIA
OMNIUM SANCTORUM.

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est?

Non dicitur: Gloria in excelsis Deo.

Oratio super populum.

Domine, Deus noster multiplica super nos gratiam tuam: & quorum praeuenimus gloriosa solemnia, tribue subsequi in sancta professione laetitiam. Per Dominum.

Lectio Libri Apocalypsis
 Beati Ioannis Euangelistae.

Cap. 7. **I**n diebus illis. Ego Ioannes vidi alterum Angelum ascendentem ab ortu solis, habentem signum Dei viui: & clamauit voce magna quatuor Angelis, quibus datum est nocere terrae, & mari, dicens: Nolite nocere terrae, & mari, neque arboribus, quoadusque signemus seruos Dei nostri in frontibus eorum. Et audiui numerum signatorum: centum quadraginta quatuor millia signati, ex omni Tribu filiorum Israel. Ex Tribu Iuda duodecim millia signati, ex Tribu Ruben duodecim millia signati: ex Tribu Gad duodecim millia signati: ex Tribu Aser duodecim millia signati: ex Tribu Nephtali duodecim millia signati: ex Tribu Manasse duodecim millia signati: ex Tribu Simeon duodecim millia signati: ex Tribu Leui duodecim millia signati: ex Tribu Issachar duodecim millia signati: ex Tribu Zabulon duodecim millia signati: ex Tribu Ioseph duodecim millia signati: ex Tribu Benjamin duodecim millia signati. Post haec vidi turbam magnam, quam dinumerare nemo poterat, ex

omnibus Gentibus, & Tribubus, & Populis, & Linguis: stantes ante thronum, & in conspectu Agni, amicti stolis albis, & palmae in manibus eorum: & clamabant voce magna, dicentes: Salus Deo nostro, qui sedet super thronum, & Agno. Et omnes Angeli stabant in circuitu throni, & Seniorum, & quatuor Animalium. Et ceciderunt in conspectu throni in facies suas, & adorauerunt Deum, dicentes: Amen: Benedictio, & claritas, & sapientia, & gratiarum actio, honor, & virtus, & fortitudo Deo nostro, in saecula saeculorum. Amen.

Cant. Nisi quod Dominus erat in nobis: dicat nunc Israel, nisi quod Dominus erat in nobis. Cap. 123.



Lectio sancti Euangelij
 secundum Lucam.

In illo tempore. Eleuatis Iesus oculis in Discipulos suos, dicebat: Beati pauperes; quia vestrum est Regnum Dei. Beati, qui nunc esuritis; quia saturabimini. Beati, qui nunc fletis; quia ridebitis. Beati eritis, cum vos oderint homines, & cum separauerint vos, & exprobrauerint, & eiecerint nomen vestrum tanquam malum, propter Filium hominis. Gaudete in illa die, & exultate; ecce enim merces vestra multa est in Coelo. Cap. 6.

Oratio super sindonem.

ERudi, quaesumus, Domine, populum tuum spiritualibus instrumentis: & quorum praestas solemnia praeuenire, fac eorum & consideratione deuotum, & defensione securum. Per Dominum nostrum.

Offert. Exultabunt Sancti in gloria, laetabuntur in cubilibus suis. Exaltationes Dei in faucibus eorum. Psal. 149.

Non dicitur: Credo.

Oratio super oblatam.

Altare tuum, Domine, muneribus accumulamus oblati; da, quaesumus: ut ad salutem nostram omnium

San-

Sanctorum tuorum preceatione proficiant, quorum solemnita praeurimus. Per Dominum nostrum.

Præfatio.

Æterne Deus: Et venientem sanctam solemnitatem omnium Sanctorum tuorum debito ieiunio praeuenire, suppliciter obsecrantes: ut ipsos apud tuam clementiam sentiamus habere patronos, quos, tuâ gratiâ largiente, meruimus æternæ salutis suscipere ministros. Per Christum.

Confract. **E**go vos elégi de mundo; ut eati, & fructum afferatis, & fructus vester maneat.

Transf. **L**audate Deum in Sanctis eius: laudate eum in firmamento virtutis eius.

Oratio post Communionem.

Sacramentis, Domine, & gaudijs optatæ celebritatis expletis, quæsumus: ut eorum precibus adiuuemur, quorum recordationibus exhibentur. Per Dominum.

FESTA NOUEMBRIS.

IN SOLEMNITATE

OMNIUM SANCTORUM.

Ingressa.



Lætetur omnes in Domino, diem festum celebrantes ob honorem omnium Sanctorum: de quorum trophæo gaudent Angeli, & collaudant Filium Dei.

Gloria in excelsis Deo.

Oratio super populum.

Omnipotens, sempiternus Deus, qui nos omnium Sanctorum tuorum merita sub vna tribuisti celebritate venerari; quæsumus: ut desideratam nobis tuæ propitiationis abundantiam, multiplicatis intercessoribus, largiaris. Per Dominum.

Lectio; ut supra in Vigilia.

Psalmell. **T**imete Dominum omnes Sancti eius; quoniam nihil deest timentibus eum.

Venite ad me omnes, qui laboratis, & onerati estis; & ego reficiam vos.

Epistola Beati Pauli Apostoli ad Romanos.

Fratres. Scimus, quoniam diligentibus Deum omnia cooperantur in bonum, ijs, qui secundum propositum vocati sunt sancti. Nam, quos præsciuit, & prædestinavit conformes fieri imaginis Filij sui; ut sit ipse primogenitus in multis fratribus. Quos autem prædestinavit, hos & vocauit: & quos vocauit, hos & iustificauit: quos autem iustificauit, illos & glorificauit. Quid ergo dicemus ad hæc? Si Deus pro nobis; quis contra nos? Qui etiam proprio Filio suo non pepercit, sed pro nobis omnibus tradidit illum; quomodo non etiam cum illo omnia nobis donauit? Quis accusabit aduersus Electos Dei? Deus, qui iustificat. Quis est, qui condemnet? Christus Iesus, qui mortuus est; immo qui & resurrexit; qui est ad dexteram Dei; qui etiam interpellat pro nobis. Quis ergo nos separabit à charitate Christi? tribulatio? an angustia? an fames? an nuditas? an periculum? an persecutio? an gladius? sicut scriptum est: Quia propter te mortificamur tota die, æstimati sumus sicut oues occisionis. Sed in his omnibus superamus propter eum, qui dilexit nos. Certus sum enim, quia neq; mors, neq; vita, neq; Angeli, neq; Principatus, neq; Virtutes, neq; instantia, neq; futura, neq; fortitudo, neq; altitudo, neq; profundum, neq; creatura alia poterit nos separare à charitate Dei, quæ est in Christo Iesu, Domino nostro.

Halleluia. **V.** Iustorum animæ in manu Dei sunt; & non tanget illos tormentum malitiæ: Hallel.

Lectio sancti Euangelij secundum Matthæum.

In illo tempore. Videns Iesus turbas, ascendit in montem: & cum sedis-

sedisset, accesserunt ad eum Discipuli eius: & aperiens os suum docebat eos, dicens: Beati pauperes spiritu; quoniam ipsorum est Regnum Cœlorum. Beati mites; quoniam ipsi possidebunt terram. Beati, qui lugent; quoniam ipsi consolabuntur. Beati, qui esuriunt, & sitiunt iustitiam; quoniam ipsi saturabuntur. Beati misericordes; quoniam ipsi misericordiam consequentur. Beati mundo corde; quoniam ipsi Deum videbunt. Beati pacifici; quoniam Filij Dei vocabuntur. Beati, qui persecutionem patiuntur propter iustitiam; quoniam ipsorum est Regnum Cœlorum. Beati estis, cum maledixerint vobis homines, & persecuti vos fuerint, & dixerint omne malum aduersum vos mentientes, propter me: gaudete, & exultate; quoniam merces vestra copiosa est in Cœlis.

Antiphona post Euangelium.

Luc. 6. Beati eritis, cum vos oderint homines, & separauerint vos, & exprobrauerint, & eiecerint nomen vestrum, tanquam malum propter Filium hominis. Gaudete, & exultate; ecce enim merces vestra multa est in Cœlis.

Oratio super sindonem.

DA, quæsumus, Domine fidelibus populis omnium Sanctorum semper veneratione lætari: & eorum perpetua supplicatione muniri. Per Dñm.

Offert. Interrogauit Angelum dicens: Quis est iste, qui Sanctis dedit coronam? Et dixit mihi: Filius Dei est, quem confessi sunt in sæcula.

V. In conspectu Agni steterunt ante thronum, & palmæ in manibus eorum. Clamabant voce magna, dicentes: Filius Dei est, quem confessi sunt in sæcula.

Dicitur: Credo.

Oratio super oblatam.

Munera tibi, Domine, nostræ deuotionis offerimus: quæ & pro

cunctorum tibi grata sint honore Iustorum, & nobis salutaria, te miserante, reddantur. Per Dominum.

Præfatio.

Aterne Deus. Clementiam tuam suppliciter obsecrantes: ut cum exultantibus Sanctis tuis in cœlestis Regni cubilibus gaudia nostra subiungas: & quos virtutis imitatione sequi non possumus, debitæ venerationis contingamus affectu. Per Christum, Dominum nostrum.

Confract. Ecce veniet Dominus, & omnes Sancti eius cum eo: & erit in die illâ lux magna.

Transit. Congregamini omnes, qui timetis Deum: & videte, quantam gloriam dedit Dominus Sanctis suis: Hallel. hallel.

Oratio post Communionem.

Omnipotens, sempiternus Deus, qui nos omnium Sanctorum tuorum multiplici facis celebritate gaudere; concede, quæsumus: ut, sicut illorum commemoratione, temporali gratulamur officio; ita perpetuo lætemur aspectu. Per Dominum.

IN COMMEMORATIONE OMNIUM FIDELIUM DEFUNCTORUM.

2. Nou.

Missæ, ut in principio Missarum pro Defunctis, pag. 61.

Si hæc dies inciderit in Dominicam; sit hæc Commem. Feriâ secundâ sequenti.

I N F E S T O

S. CAROLI EPISC. ET CONF.

4. Nou.

Ingressa.



Ultus, si morte præoccupatus fuerit, in refrigerio erit; & nomen eius permanet in æternum.

Gloria in excelsis Deo.

Oratio super populum.

Deus, qui Ecclesiam tuam Sancti Caroli, Confessoris tui, atque Pon-

Pontificis salutaribus instruis disciplinis; concede propitius: vt, cuius in terris admiramur exempla, eius in Coelis patrocinia sentiamus. Per Dominum nostrum.

Lectio Libri Sapientiae.

Ecce Sacerdos magnus: qui in vita sua suffulsi domum, & in diebus suis corroborauit templum: qui curauit gentem suam, & liberauit eam à perditione: qui praeualuit amplificare ciuitatem: qui adeptus est gloriam in conuersatione gentis, & ingressum domus, & atrij amplificauit. Quasi stella matutina in medio nebulae, & quasi luna plena in diebus suis lucet: & quasi sol refulgens; sic ille effulsi in templo Dei. Quasi arcus refulgens inter nebulas gloriae, & quasi flos rosarum in diebus vernis: & quasi lilia, quae sunt in transitu aquae, & quasi thus redolens in diebus aestatis. Quasi ignis effulgens, & thus ardens in igne. Quasi vas auri solidum, ornatum omni lapide pretioso. Quasi oliua pullulans, & cypressus in altitudinem se extollens, in accipiendo ipsum stolam gloriae, & vestiiri eum in consummationem virtutis.

Psalmsell. Consummatus in breui expleuit tempora multa; placita enim erat Deo anima illius.

V. Propter hoc properauit educere illum de medio iniquitatis; placita enim erat Deo anima illius.

Epistola Beati Ioannis Apostoli.

Fratres. Nolite mirari, si odit vos mundus. Nos scimus, quoniam translati sumus de morte ad vitam; quoniam diligimus fratres. Qui non diligit, manet in morte. Omnis, qui odit fratrem suum, homicida est: & scitis, quoniam omnis homicida non habet vitam aeternam in semetipso manentem. In hoc cognouimus charitatem Dei; quoniam ille animam suam pro nobis posuit: & nos debe-

mus pro fratribus animas ponere:

Halleluia. **V.** Dispersit, dedit pauperibus; iustitia eius manet in saeculum saeculi: Hallel.



Lectio sancti Euangelij secundum Ioannem.

In illo tempore. Dicebat Iesus Pharisaeis: Ego sum Pastor bonus. Bonus Pastor animam suam dat pro ouibus suis. Mercenarius autem, & qui non est Pastor, cuius non sunt oues propriae, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit; quia mercenarius est, & non pertinet ad eum de ouibus. Ego sum Pastor bonus: & cognosco meas: & cognoscunt me meae. Sicut nouit me Pater; & ego agnosco Patrem; & animam meam pono pro ouibus meis.

Antiphona post Euangelium.

Induit eum stolam gloriae, & coronauit eum in vasis virtutis.

Oratio super sindonem.

Deus, qui Beatum Carolum Sanctorum tuorum numero sociasti; exaudi propitius supplicum preces, & concede: vt, quem vitae magistrum habuimus in terris, eundem in Coelis mereamur habere patronum. Per Dominum nostrum.

Offert. Dicite iusto; quoniam bene, quoniam fructum adinventionum suarum comedet.

Dicitur: Credo.

Oratio super oblatam.

Deus, qui Sanctum Carolum, Confessorem tuum, atq; Pontificem, pastoralis officij vigilantia, & praecclaris omnium virtutum meritis sublimasti; praesta, quaesumus: vt, ipsum synceris operum fructibus imitantes, tibi digne munera deferamus. Per Dñm.

Praefatio.

Aquum, & salutare: Nos tibi, omnipotens Pater, immensas gra-

gratias agere. In hac enim densa sæculi hebescentis caligine, & Antistitis Caroli pectus flammâ tui amoris accendere, & nostros mores illius exemplo dignatus es conformare. Crebris namque ieiunijs, orationibus, & vigilijs suos sensus edomuit: & victoriam ab ijs gloriosè reportauit. Quanta, porrò charitate ille astitit suo gregi? Quoties eum labentem tanquam Pastor sustinuit? Quoties rectam Paradisi semitam tanquam Magister monstrauit? Cuius igitur salutari disciplinâ fuimus instituti: eius suffragantibus meritis, patriam consequamur æternam. Per Christum.

Confract. Qui ad iustitiam erudiuit multos, quasi stella in perpetuas æternitates fulgebit.

Transit. Non recedet memoria eius: & nomen eius requiretur à generatione in generationem.

Oratio post Communionem.

Sanctificent nos, quæsumus, Domine, sumpta mysteria: & Sancto Carolo Pontifice, & Confessore, tuo intercedente, nostrorum purificent maculas delictorum. Per Dñm.

7. Nou. S. MAGNI EPISC. ET CONF.

Missa de Commu. Sacerdos iste, pag. 9.

6. Nou. S. LEONARDI CONFESS.

Missa de Communi Confessoris simplicis: Vir iste custodiuit, pag. 16. **præterquam; vt infra.**

Oratio super populum.

Maieſtati tuæ, quæsumus, Domine, Sancti Confessoris tui Leonardi nos pia iugiter commendet oratio: vt, quem quotidiano veneramur officio, ipsius suffragio subleuemur optato. Per Dominum.

Oratio super findonem.

DA, quæsumus, omnipotens Deus: vt, qui Beati Confessoris tui Leonardi solemnia colimus, eius apud te

intercessionibus adiuuemur. Per Dñm.

Oratio super oblatam.

Muneribus sacris, & precibus Beati Leonardi, nobis Domine succurre placatus: & præsta, vt, quod fideliter petimus, efficaciter impetremus. Per Dominum.

Præfatio.

Æterne Deus: Et tibi in honore Sancti Confessoris tui Leonardi vota nostra deferre: vt eius interuentione opem misericordiæ tuæ nobis digneris impedere, & gaudium felicitatis largiri perpetuæ. Per Christum.

Oratio post Communionem.

Purificet nos, & muniat, Domine, tui perceptio sacramenti: vt intercessionem Sancti Confessoris tui Leonardi perpetuis gaudijs mereamur adunari. Per Dominum.

I N N A T A L I
SANCTORUM MARTYRUM
VITALIS, ET AGRICOLÆ. ^{7. Nou.}

Ingressa.



Tabunt iusti in magna constantia aduersus eos, qui se angustiauerunt. Quomodo computati sunt inter filios Dei, & inter Sanctos fors illorum est? ^{Sap. 5.}

Gloria in excelsis Deo.

Oratio super populum.

Sanctorum Vitalis, & Agricolæ, quæsumus, Domine, natalitia nobis votiuâ resplendeant: & quod illis contulit excellentia sempiternâ, fructibus nostræ deuotionis accrescat. Per Dominum.

Epistola Beati Pauli Apostoli ad Timotheum secunda.

Charissime. Nemo militans Deo implicat se negotijs sæcularibus; vt ei placeat, cui se probauit. Nam, & qui certat in agone, non coronabitur, nisi legitime certauerit. Laboran- ^{Cap. 1.}
tem

tem agricolam oportet primum de fructibus percipere. Intellige, quæ dico; dabit enim tibi Dominus in omnibus intellectum. Memor esto, Iesum Christum resurrexisse à mortuis, ex semine Dauid, secundum Euangelium meum: in quo laboro usque ad vincula, quasi malè operans; sed verbum Dei non est alligatum. Ideo omnia sustineo propter Electos; ut & ipsi salutem consequantur, quæ est in Christo Iesu cum gloria coelesti.

Hallel. **V.** Pretiosa in conspectu Domini mors Sanctorum eius: Hallel.



Lectio sancti Euangelij
secundum Lucam.

Cap.
16.

In illo tempore. Dixit Iesus Discipulis suis: Qui vos audit, me audit: & qui vos spernit, me spernit: qui autem me spernit, spernit eum, qui misit me. Reuersi sunt autem Septuagintaduò cum gaudio, dicentes: Domine, etiam Dæmonia subijciuntur nobis in nomine tuo. Et ait illis: Videbam Satanam, sicut fulgur, de Cælo cadentem. Ecce dedi vobis potestatem calcandi supra serpentes, & scorpiones, & super omnem virtutem Inimici: & nihil vobis nocebit. Veruntamen in hoc nolite gaudere, quia Spiritus vobis subijciuntur: gaudete autem, quòd nomina vestra scripta sunt in Cælis.

Antiphona post Euangelium.

Sancti tui, Domine, benedicent te: gloriam Regni tui dicent, & potentiam tuam loquentur.

Oratio super sindonem.

Omnipotens, sempiterne Deus, qui in Sanctorum tuorum Vitalis, & Agricolæ cordibus flammam tuæ dilectionis accendis; da mentibus nostris eandem fidei, charitatisque virtutem: ut, quorum gaudeamus triumphis, proficiamus exemplis. Per Dominum nostrum, Iesum Christum.

Offertor. **G**loriabuntur in te omnes, qui diligunt nomen tuum: quoniam tu, Domine, benedices iustos. Domine, ut scuto bonæ voluntatis tuæ coronasti nos.

Dicitur: Credo.

Oratio super oblatam.

Hostias tibi, Domine, pro Sanctorum Martyrum tuorum Vitalis, & Agricolæ commemoratione, deferimus, suppliciter deprecantes: ut & indulgentiam nobis pariter conferant, & salutem. Per Dominum.

Præfatio.

Æterne Deus. Qui Sanctorum tuorum certamina ad copiosam perducis victoriam, atque perpetuum largiris triumphum: ut in exemplum Ecclesiæ tuæ per innumera proficiant sæcula. Præsta nobis per eorum intercessionem, quorum festa celebramus, æterno perfrui tuæ pietatis auxilio. Per Christum, Dominum nostrum.

Confractor. **A**men dico vobis, quòd vos, qui reliquistis omnia, & secuti estis me, centuplum accipietis, & vitam æternam possidebitis.

Transitor. **L**audate Deum in Sanctis eius, laudate eum in firmamento virtutis eius.

Oratio post Communionem.

Præsta, quæsumus, omnipotens Deus: ut Sanctorum tuorum, Vitalis, & Agricolæ coelestibus mysterijs celebrata solemnitas indulgentiam nobis tuæ propitiationis acquirat. Per Dominum.

**SANCTORUM MARTYRUM
QVATVOR CORONATORVM.**

Missa de Communi plurium Martyr.
Salus autem, pag. 8.

S. AVRELIJ EPISC. ET CONF.
Missa de Communi: Elegit te Dominus, pag. 11.

COMMV.

COMMUNE SANCTORUM.

IN VIGILIA

Unius Apostoli.

Ingressa.

Psalm.
51.



GO autem sicut oliua,
fructifera in domo Dei:
speraui in misericordia
Dei in æternum: & ex-
pectabo nomen tuum;

quoniam bonum est

ante conspectum Sanctorum tuorum.
**In Missis Vigiliarum non dicitur Glo-
ria in excelsis, neque Antiphona post
Euangelium, neque Credo.**

Oratio super populum.

Concede nobis, quæsumus, om-
nipotens Deus: venturam San-
cti Apostoli tui, **N**, solemnitatem,
debito præuenire honore, & venien-
tem digna celebrare deuotione. Per
Dominum nostrum, Iesum Christum,
Filium tuum.

Lectio Libri Sapientiæ.

Ec-
cle-
sias-
tic-
44.
&
45.

Benedictio Domini super caput
iusti. Ideo dedit illi Dominus
hæreditatem, & diuisit ei partem in
tribubus duodecim; & inuenit gra-
tiam in conspectu omnis carnis: &
magnificauit eum in timore inimico-
rum: & in verbis suis monstra placauit.
Glorificauit illum in conspectu
Regum, & ostendit illi gloriam suam.
In fide, & lenitate ipsius sanctum fe-
cit illum, & elegit eum ex omni car-
ne. Et dedit illi cor ad præcepta, &
legem vitæ, & disciplinæ: & excel-
sum fecit illum. Statuit ei Testamen-
tum æternum: & circuncinxit eum
zonâ iustitiæ: & induit eum Dominus
coronam gloriæ.

Cant. **L**euauit oculos meos ad mon-
tes, vnde veniet auxilium mihi. Psalm.
120.



Lectio sancti Euangelij
secundum Ioannem.

In illo tempore. Dixit Iesus Disci-
pulis suis: Hoc est præceptum, Cap.
15.
meum, vt diligatis inuicem, sicut di-
lexi vos. Maiorem hac dilectionem
nemo habet, vt animam suam ponat
quis pro amicis suis. Vos amici mei
estis; si feceritis, quæ ego præcipio
vobis. Iam non dicam vos seruos;
quia seruus nescit, quid faciat domi-
nus eius. Vos autem dixi amicos;
quia omnia, quæcunque audiui à Pa-
tre meo, nota feci vobis. Non vos
me elegistis; sed ego elégi vos; &
posui vos, vt eâtis, & fructum afferat-
is, & fructus vester maneat; vt,
quodcunque petieritis Patrem in no-
mine meo, det vobis.

Oratio super sindonem.

Deus, qui nos Beati **N**, Apostoli
tui natalitia gloriosa præire
concedis, tribue, quæsumus: eius nos
semper & beneficijs præueniri, &
orationibus adiuuari. Per Dominum.

Offertor. **D**esiderium cordis eius tri-
buiisti ei, Domine, & voluntate la-
biorum eius non fraudasti eum: po-
suiisti in capite eius coronam de lapi-
de pretioso. Psalm.
10.

Oratio super oblatam.

Accepta tibi sit, Domine, nostræ
deuotionis oblatio: & ad Apo-
stolicam puriores nos faciat venire
festiuitatem. Per Dominum nostrum,
Iesum Christum, Filium tuum: qui
tecum viuunt, & regnat.

a

Præ-

Præfatio.

Æterne Deus : Et venientem, Beati Apostoli tui, **N**, natalem debita seruitute præuenire : suppliciter deprecantes, vt ipsum nos apud tuam clementiam sentiamus habere patronum : quem, tua gratia largiente, meruimus æternæ salutis ministrum suscipere. Per Christum.

^{Psal.} **Confract.** Ego elegi vos de mundo; & posui vos, vt eatis, & fructum afferatis, & fructus vester maneat.

^{Psal.} **Transitor.** Magna est gloria eius in salutari tuo, Domine.

Oratio post Communionem.

Præsta, quæsumus, omnipotens Deus : eius nos oratione ubique protegi; cuius natalitia, per hæc sancta, quæ sumpsimus, votiui præuenimus obsequio. Per Dominum.

Pro Natali vnus Apostoli, & pro Vigilia, ac Natali plurium habentur Missæ in proprijs eorum locis.

IN VIGILIA

Vnius Martyris.

Ingressa.

^{Psal.}
^{36.}



Ustus non conturbatur; quoniam Dominus firmat manum eius. Tota die miseretur, & commodat; & semen eius in benedictione erit in æternum; dicit Dominus.

Oratio super populum.

Quæsumus, omnipotens Deus: vt nostra deuotio, quæ natalitia, Beati **N**, Martyris tui antecedit, patrocinia nobis eius perpetuò accumulet. Per Dominum nostrum.

Lectio libri Sapientiæ.

^{Cap.} ^{10.} **I**ustum deduxit Dominus per vias rectas, & ostendit illi Regnum Dei, & dedit illi scientiam Sanctorum: honestauit illum in laboribus,

& compleuit labores illius. In fraude circumuenientium illum affuit illi, & honestum fecit illum. Custodiuit illum ab inimicis, & à seductoribus tutauit illum: & certamen forte dedit illi, vt vinceret, & sciret, quoniam, omnium potentior est sapientia. Hæc venditum iustum non dereliquit, sed à peccatoribus liberauit eum: descenditque cum illo in foueam, & in vinculis non dereliquit illum, donec afferret illi sceptrum Regni, & potentiam aduersus eos, qui eum deprimebant. Et mendaces ostendit, qui maculauerunt illum: & dedit illi claritatem æternam Dominus Deus noster.

Cant. **L**euauit oculos meos ad montes, vnde veniet auxilium mihi.



Lectio sancti Euangelij
secundum Matthæum.

In illo tempore. Dixit Iesus Discipulis suis: Si quis vult post me venire; abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam: qui autem perdiderit animam suam propter me, inueniet eam. Quid enim prodest homini, si mundum vniuersum lucrètur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet vnicuique secundum opera eius. Amen dico vobis: Sunt quidam de hæc stantibus, qui non gustabunt mortem, donec videant Filium hominis venientem in regno suo.

Oratio super sindonem.

Concede, quæsumus, omnipotens Deus: vt, sicut Beati Martyris tui, **N**, gloriosa natalitia præuenimus; sic ad tua beneficia promerenda, Maiestatem tuam pro nobis ipse præue-

præueniat. Per Dominum nostrum, Iesum Christum.

Psal. 20. **Offert.** In virtute tua, Domine, lætabitur iustus. & super Salutare tuum, exultabit vehementer.

Oratio super oblatam.

Magnifica, Domine, Beati Martyris tui, **N**, solemnia recensemus: quæ piè venerantes, oblati muneribus, & suscipimus, & præimus. Per Dominum nostrum.

Præfatio.

Æterne Deus: Et tuam clementiam votis supplicibus implorare: vt Beati, **N**, intercessio peccatorum nostrorum obtineat veniam, qui per tormenta passionis æternam, peruénit ad gloriam. Per Christum.

Psal. 118. **Confraet.** In Salutari tuo anima mea, & in verbis tuis speraui: quando facies de persequentibus me iudicium? Iniqui persecuti sunt me; adiuua me Domine, Deus meus.

Psal. 20. **Transit.** Magna est gloria eius in salutari tuo, Domine.

Oratio post Communionem.

Sancta tua, Domine, in Beati, **N**, Martyris tui, pretiosa passione, quam præimus, nos refoveant: quibus & iugiter, & dignè desideramus expleri. Per Dominum nostrum, Iesum Christum, Filium tuum: qui tecum, viuit, & regnat.

I N N A T A L I

Unius Martyris.

Ingressa.

Psal. 36.



Iustus non conturbabitur; quoniam Dominus firmat manum eius. Tota die miseretur, & commodat; & semen eius in benedictione erit in æternum: dicit Dominus.

Gloria in excelsis.

Oratio super populum.

Propitiare, Domine, populo tuo: & quos in frequentatione Beati Martyris tui, **N**, tribuis interesse, protectione perpetua semper fac esse securos. Per Dominum nostrum.

Lectio, vt supra in Vigilia: Iustum, deduxit Dominus.

Psalmell. Iustus, vt palma florebit: sicut cedrus, quæ est in Libano, multiplicabitur.

V. Bonum est confiteri Domino, & psallere nomini tuo, Altissime.

Epistola Beati Pauli Apostoli ad Timotheum secunda.

Charissime. Affecutus es meam, doctrinam, institutionem, propositum, fidem, longanimitatem, dilectionem, patientiam, persecutiones, passiones: qualia mihi facta sunt Antiochiæ, Iconij, Listris. Quales persecutiones sustinui: & ex omnibus eripuit me Dominus. Et omnes, qui piè volunt viuere in Christo Iesu, persecutionem patientur. Mali autem homines, & seductores proficient in peius: errantes, & in errorem mittentes. Tu verò permane in ijs, quæ didicisti, & credita sunt tibi: sciens, à quo didiceris, & quia ab infantia sacras literas nosti: quæ te possunt instruere ad salutem per fidem, quæ est in Christo Iesu.

Hallelùiah. Posuisti, Domine, in capite eius coronam de lapide pretioso. Hallelùiah.

✠ Lectio sancti Euangelij secundum Matthæum.

In illo tempore. Dixit Iesus Discipulis suis: Nihil est opertum, quod non reuelabitur: & occultum, quod non sciétur. Quod dico vobis in tenebris, dicite in lumine: &, quod in aure auditis prædicate super tecta. Et nolite timere eos, qui occidunt corpus, animam autem non possunt

occidere: sed potius eum timete, qui potest & animam, & corpus perdere in Gehennam. Nonne duo passeressesse veneunt: & vnus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in coelis est.

Antiphona post Euangelium.

^{Psalm.} ^{818.} **C**ustodiuit anima mea testimonia tua, & dilexit ea vehementer.

Oratio super sindonem.

Præsta, quæsumus, omnipotens Deus: vt Beati, **N**, sine cessatione venerantes natalitia, & fidei muniamur auxilio, & charitatis proficiamus exemplo. Per Dominum.

^{Psalm.} ^{89.} **O**ffertor. **I**n virtute tua, Domine, lætabitur iustus, & super Salutare tuum exultabit vehementer. Desiderium cordis eius tribuisti ei, Domine.

Dicitur: Credo.

Oratio super oblatam.

Suscipe, quæsumus, Domine, propitius munera, quæ in Beati Martyris tui, **N**, commemoratione deferimus: vt, cuius honore sunt grata, eius nobis fiant intercessione perpetua. Per Dominum nostrum.

Præfatio.

Æterne Deus. Quia tibi festa, dies agitur, tibi dies sacrata celebratur: quam Beati Martyris tui, **N**, sanguis, in veritatis tuæ testificatione profusus, magnifico tui nominis honore signauit. Et ideo.

^{Psalm.} ^{818.} **C**onfract. **I**n Salutari tuo anima mea: & in verbis tuis speraui. Quando facies de persequentibus me iudicium? Iniqui persecuti sunt me; adiuua me Domine, Deus meus.

Transitor. Magna est gloria eius in salutari tuo, Domine.

Oratio post Communionem.

Sumpsimus, Domine, in Sancti Martyris tui, **N**, solemnitate celestia sacramenta: cuius suffragijs, quæsumus, largiaris; vt, quod corporaliter gerimus, æternis gaudijs consequamur. Per Dominum.

I N N A T A L I

Unius Martyris, & Pontificis.

Ingressa.



^{Psalm.} ^{20.} Edisti eum, Domine, in benedictione dulcedinis: posuisti in capite eius coronam de lapide pretioso. Vitam petijt à te; & tribuisti

ei in æternum.

Gloria in excelsis.

Oratio super populum.

Deus, qui nos Beati, **N**, Martyris tui, & Pontificis, annua solemnitæ lætificas, concede propitius: vt, cuius natalitia colimus, de eiusdem etiam protectione gaudeamus. Per Dominum nostrum.

Lectio libri Sapientiæ.

Iustus si morte præoccupatus fuerit; in refrigerio erit. Senectus enim venerabilis est, non diuturna, neque annorum numero computata. Cani autem sunt sensus hominis, & ætas senectutis vita immaculata. Placens Deo factus est dilectus: & viuens inter peccatores, translatus est. Raptus est, ne malitia mutaret intellectum eius, aut ne fictio deciperet animam illius. Fascinatio enim nugacitatis obscurat bona, & inconstantia concupiscentiæ transuertit sensum, sine malitia. Consummatus in breui, expleuit tempora multa. Placita enim erat Deo anima illius: propter hoc properauit educere illum de medio

Commune Sanctorum.

medio iniquitatum. Populi autem videntes, & non intelligentes, nec ponentes in praeordiis talia: quoniam gratia Dei, & misericordia est in sanctos eius, & respectus in electos illius.

^{Psalm.}
^{36.} **Psalmell.** **O**siusti meditabitur sapientiam, & lingua eius loquetur iudicium.

V. Lex Dei eius in corde ipsius, & non supplantabuntur gressus eius.

Epistola Beati Pauli Apostoli ad Corinthios secunda.

^{Cap.}
^{3.} & ^{4.} **F**Ratres. Ubi Spiritus Domini, ibi libertas. Nos verò omnes reuelata facie gloriam Domini specularantes, in eandem imaginem transformamur à claritate in claritatem, tanquam à Domini Spiritu. Ideo, habentes hanc administrationem, iuxta quòd misericordiam consecuti sumus, non deficimus, sed abdicamus occulta dedecoris, non ambulantes in astutia, neque adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo. Quòd si etiam opertum est Euangelium nostrum; in ijs, qui pereunt, est opertum; in quibus Deus huius saeculi excæcauit mentes infidelium; ut non fulgeat illis illuminatio Euangelij gloriæ Christi, qui est imago Dei. Non enim nosmetipsos prædicamus, sed Iesum Christum, Dominum nostrum.

^{Psalm.}
^{117.} **Halleluia.** **V.** Dextera Domini fecit virtutem: dextera Domini exaltauit me: dextera Domini fecit virtutem: Halleluia.

 **L**ectio sancti Euangelij secundum Matthæum.

^{Cap.}
^{10.} **I**N illo tempore. Dixit Iesus Discipulis suis: Qui amat patrem, aut matrem plus, quàm me, non est me dignus. Et, qui amat filium, aut fi-

liam super me, non est me dignus. Et, qui non accipit crucem suam, & sequitur me, non est me dignus. Qui inuenit animam suam, perdet illam: & qui perdiderit animam suam propter me, inueniet eam. Qui recipit vos, me recipit: & qui me recipit, recipit eum, qui me misit. Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet. Et quicumque potum dederit vni ex minimis istis calicem aquæ frigidæ tantum in nomine discipuli, amen dico vobis, non perdet mercedem suam.

Antiphona post Euangelium.

Custodiuit anima mea testimonia tua, & dilexit ea vehementer. ^{Psalm.}
^{117.}

Oratio super sindonem.

BEati Martyris, & Pontificis, **N**os, quæsumus, Domine, gloriosa merita prosequantur: qui fragilitatem nostram suis precibus tueatur. Per Dominum.

Offertor. Desiderium cordis eius tribuisti ei, Domine: & voluntate laborum eius non fraudasti eum: posuisti in capite eius coronam de lapide pretioso. ^{Psalm.}
^{101.}

Dicitur: Credo.

Oratio super oblatam.

Muneribus nostris, quæsumus, Domine, precibusque susceptis: & cœlestibus nos munda mysterijs, & clementer exaudi. Per Dominum nostrum.

Præfatio.

Æterne Deus: Et gloriosi Martyris, Pontificisque tui, **N**, pia certamina venerari. Cuius iterata quouis anno solemnitas & perpetua semper est, & noua. Quia & in conspectu tuæ Maiestatis permanet mors tuorum pretiosa iustorum: & restaurantur incrementa lætitiæ, cum feli-

citatis æternæ recoluntur exordia.
Per Christum Dominum.

Mat. 16. **Confract.** Qui vult post me venire, abneget semetipsum, & tollat crucem suam, & sequatur me: dicit Dominus.

Psal. 118. **Transit.** Loquebar de testimonijs tuis, Domine, in conspectu Regum, & non confundebar.

Oratio post Communionem.

Protegat nos, Domine, cum tui perceptione Sacramenti, Beatus Martyr, atque Pontifex tuus, **N**, intercedendo pro nobis: vt confessionis eius semper expiémur auxilio. Per Dominum nostrum.

IN VIGILIJS

Plurium Martyrum.

Ingressa, & alia, quæ iuxta Vigiliarum exigentiam hic defunt, accipiuntur ex altera duarum Missarum proximè sequentium, quæ non recitabitur in Natali eorum Martyrum, quorum hic Vigiliæ præmittuntur.

Oratio super populum.

Beatorum Martyrum tuorum, **N**, & **N**, natalitia præeuntes, te, Domine, supplices rogamus: vt, quorum gaudemus meritis, instruamur exemplis. Per Dominum.

Lectio libri Sapientiae.

Cap. 1. **I**usti in perpetuum viuent, & apud Dominum est merces eorum, & cogitatio illorum apud Altissimum. Ideo accipient regnum decôris, & diadema speciëi de manu Domini; quoniam dexterâ suâ teget eos; & brachio sancto suo defendet illos. Accipiet armaturam zelus illius, & armabit creaturam ad vltionem inimicorum. Induet pro thorâce iustitiam: & accipiet pro galea iudicium certum: sumet scutum inexpugnabile, æquitatem.

Mat. 16. **Cant.** Nisi quod Dominus erat in

nobis, dicat nunc Israel: Nisi quod Dominus erat in nobis.

Oratio super sindonem.

Deus, qui Sanctorum Martyrum tuorum, **N**, & **N**, nobis intercessione succurris, da, quæsumus: vt eorum exultemus meritis, & patrocinio protegamur. Per Dominum.

Oratio super oblatam.

Sacrificium, Domine, quod pro Sanctis Martyribus tuis, **N**, & **N**, præuenit nostra deuotio: eorum merito nobis augeat, te donante, suffragium. Per Dominum nostrum.

Præfatio.

Æterne Deus: Sanctorum Martyrum tuorum, **N**, & **N**, merita recolentes. Qui vsque ad sanguinem pro veritate certantes, ad æternæ beatitudinis consortia peruenérunt: & transitoriam lucem pro eadem relinquentes, sempiterni splendoris adepti sunt perpetuam claritatem. Per Christum Dominum.

Oratio post Communionem.

Presta nobis, quæsumus, Domine: vt pretiosissimi corporis, & sanguinis tui sacra libatio, intercedentibus Sanctis Martyribus tuis, **N**, & **N**, coelestis remedij faciat esse confor- tes. Per Dominum nostrum.

IN NATALI

Plurium Martyrum.

Ingressa.



Stabunt iusti in magna constantia, aduersus eos, qui se angustiauerunt: quomodo computati sunt inter filios Dei; & inter Sanctos fors illorum est.

Gloria in excelsis.

Oratio super populum.

Deus, qui glorificaris in concilio Sanctorum Martyrum tuorum, **N**, &

Commune Sanctorum.

7

N, & N, respice ad preces humilitatis nostræ: vt, quorum solemnia celebramus, eorum precibus adiuuari mereamur. Per Dominum.

Lectio vt supra in Vigilia: Iusti in perpetuum viuent &c.

^{Psalm.}
^{139.} **Psalmell.** Iusti confitebuntur nomini tuo: & habitabunt recti cum vultu tuo, Domine.

V. Cognoui, quia faciet Dominus iudicium inopum, & vindictam pauperum.

Epistola Beati Pauli Apostoli ad Hebræos.

^{Cap.}
^{11.} **F** Ratres. Sancti per fidem deuicērunt Regna, operati sunt iustitiam, adepti sunt repromissiones, obturauerunt ora leonum, extinxerunt impetum ignis, effugerunt aciem gladij, conualuerunt de infirmitate, fortes facti sunt in bello, castra verterunt exterōrum, acceperunt mulieres de resurrectione mortuos suos. Alij autem distenti sunt, non suscipientes redemptionem; vt meliorem inuenirent resurrectionem. Alij verò, ludibria, & verbera experti, insuper & vincula, & carceres, lapidati sunt, secti sunt, tentati sunt, in occisione gladij mortui sunt, circue-runt in melōtis, in pellibus caprīnis, egentes, angustiatī, afflicti: quibus dignus non erat mundus. In solitudinibus errantes, in montibus, & speluncis, & in cauernis terræ. Et hi omnes, testimonio fidei probati, non accepērunt repromissionem. Deo pro nobis melius aliquid prouidente; vt non sine nobis consummarentur.

^{Sap.}
^{3.} **Halleluia.** **V.** Iustorum animæ in manu Dei sunt: & non tanget illos tormentum mortis. Hallel.



Lectio sancti Euangelij secundum Lucam.

^{Cap.}
^{27.} **I** N illo tempore. Dixit Iesus Discipulis suis: Cū audieritis prælia

& seditiones; nolite terreri. Oportet primum hæc fieri; sed nondum statim finis. Tunc dicebat illis: Surget gens contra gentem, & Regnum aduersus Regnum: & terræ motus magni erunt per loca, & pestilentia, & fames: terroresque de cælo, & signa magna erunt. Sed ante hæc omnia iniicient vobis manus suas: & persequentur, tradentes in Synagogas, & custodias, trahentes ad Reges, & Præsides propter nomen meum. Continget autem vobis in testimonium. Ponite ergo in cordibus vestris non præmeditari, quemadmodum respondeatis. Ego enim dabo vobis os, & sapientiam: cui non poterunt resistere, & contradicere omnes aduersarij vestri. Trademini autem a parentibus, & fratribus, & cognatis, & amicis: & morte afficient ex vobis. Et eritis odio omnibus propter nomen meum. Et capillus de capite vestro non peribit. In patientia vestra possidebitis animas vestras.

Antiphona post Euangelium.

Sancti tui, Domine, benedicent te: ^{Psalm.}
gloriam Regni tui dicent, & potentiam tuam loquentur. ^{144.}

Oratio super sindonem.

D Eus, qui Sanctis tuis, copiosa fide pugnantibus, certaminis gloriam tribuisti, annue quæsumus: vt eam in nobis suis patrocinijs operentur, quam sibi præstitam per tuam gloriam didicerunt. Per Dominum nostrum, Iesum Christum, Filium tuum: Qui tecum viuit, & regnat in vnitæte.

Offertor. Gloriabuntur in te omnes, ^{Psalm.}
qui diligunt nomen tuum; quoniam ^{5.}
tu, Domine, benedices iustos. Domine, vt scuto bonæ voluntatis tuæ coronasti nos.

Dicitur: Credo.

Oratio

Oratio super oblatam.

Suscipe, quæsumus, Domine, & sanctifica hoc sacrificium populi tui: ut, quod in honore Beatorum Martyrum tuorum, **N, & N,** offertur ad gloriam, nobis profit ad veniam. Per Dominum nostrum.

Præfatio.

Æterne Deus. Qui Sanctorum Martyrum tuorum **N, & N,** certamina ad copiosam perducis victoriam, atque perpetuum eis largiris triumphum; ut Ecclesiæ tuæ semper sint in exemplum. Præsta nobis, quæsumus, ut per eorum intercessionem, quorum festa celebramus, pietatis tuæ munera capiamus. Per Christum Dominum.

Mat. 19. Contract. Amen dico vobis, quod vos, qui reliquistis omnia, & secuti estis me, centuplum accipietis, & vitam æternam possidebitis.

Psal. 150. Trans. Laudate Deum in Sanctis eius: laudate eum in firmamento virtutis eius.

Oratio post Communionem.

Salutaris tui, Domine, munere satiati supplices exoramus: ut, sicut in Sanctorum Martyrum tuorum, **N, & N,** lætamur gustu; ita & renouemur effectum. Per Dominum.

I N N A T A L I

Plurium item Martyrum.

Ingressa.



Salus autem iustorum à Domino: & protector eorum est in tempore tribulationis.

Gloria in excelsis.

Oratio super populum.

Deus, qui nos concedis Beatorum Martyrum tuorum, **N, & N,** natalitia colere: da nobis in æterna beatitudine de eorum societate

gaudere. Per Dominum nostrum.

Lectio libri Sapientiæ.

Iustorum animæ in manu Dei^{Cap.} sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum. Et ab itinere iusto abiierunt in exterminium, & quod à nobis est iter exterminij; illi autem sunt in pace. Et si coram hominibus tormenta passi sunt; spes illorum immortalitate plena est. In paucis vexati, in multis bene disponentur; quoniam Deus tentavit eos; & inuenit illos dignos se. Tanquam aurum in fornace probauit illos: & quasi holocausti hostiam accepit illos: & in tempore erit respectus illorum. Fulgebunt iusti, & tanquam scintillæ in arundineto discurrent. Iudicabunt nationes, & dominabuntur populis: & regnabit Dominus illorum in perpetuum.

Psal. mell. Gloriosus in Sanctis, mirabilis in maiestatis, faciens prodigia.

Ps. Dextera tua, Domine, glorificata est in virtute: dextera manus tua, Domine, magnificata est.

Epistola Beati Pauli Apostoli ad Romanos.

Fratres. Iustificati ex fide, pacem^{Cap.} habeamus ad Deum per Dominum nostrum, Iesum Christum: per quem & habemus accessum per fidem in gratiam istam, in qua stamus: & gloriamur in spe gloriæ filiorum Dei. Non solum autem: sed & gloriamur in tribulationibus: scientes, quod tribulatio patientiam operatur, patientia autem probationem, probatio verò spem, spes autem non confundit; quia charitas Dei diffusa est in cordibus nostris per Spiritum Sanctum, qui datus est nobis.

Halleluia. **Ps.** Exultabunt Sancti in gloria,

gloria, lætabuntur in cubilibus suis:
Halleluia.

Lectio sancti Euangelij
secundum Lucam.

In illo tempore. Dixit Iesus Disci-
pulis suis: Qui vos audit, me au-
dit: &, qui vos spernit, me spernit:
qui autem me spernit, spernit eum,
qui misit me. Reuersi sunt autem
Septuaginta duo cum gaudio, dicen-
tes: Domine, etiam Dæmonia subij-
ciuntur nobis in nomine tuo. Et ait
illis: Videbam Satanam, sicut fulgur,
de cælo cadentem. Ecce dedi vobis
potestatem calcandi supra serpen-
tes, & scorpiones, & super omnem
virtutem inimici; & nihil vobis no-
cebit. Veruntamen in hoc nolite
gaudere, quia Spiritus vobis subij-
ciuntur: gaudete autem, quod nomi-
na vestra scripta sunt in cælis.

Antiphona post Euangelium.

Dominus amat iudicium, & non de-
relinquet Sanctos suos: in æternum
conseruabuntur: adiuuabit eos Do-
minus, & liberabit eos à peccatori-
bus.

Oratio super sindonem.

Præsta, quæsumus, omnipotens
Deus: vt non desinant Sancti tui
pro nostris tibi supplicare peccatis, à
quibus voluisti pro peccatoribus
exorari. Per Dominum nostrum.

Offertor. Quoniam ad te orabo,
Domine, manè exaudies vocem
meam. Domine, vt scuto bonæ vo-
luntatis tuæ coronasti nos.

Dicitur: Credo.

Oratio super oblatam.

Munera tibi, Domine, nostræ
deuotionis offerimus: quæ &
pro tuorum tibi grata sint honore
iustorum; & nobis salutaria, te mise-
rante, reddantur. Per Dominum no-
strum, Iesum Christum, Filium tuum:
qui tecum viuit.

Præfatio.

Æterne Deus. Quia te benedi-
cunt omnes Sancti tui, teque
collaudant: qui magnum illud Uni-
geniti tui nomen, quod est super
omne nomen, coram Principibus, &
Potestatibus voce libera confitentes,
pretiosum tibi sanguinem gloriosa
morte fuderunt. Et ideo cum An-
gelis.

Confract. Ego elégi vos de mundo;
& posui vos, vt eâtis, & fructum af-
feratis; & fructus vester maneat.

Transit. Isti sunt, qui pro Testamen-
to Dei sua corpora tradiderunt, & in
sanguine Agni lauerunt stolas suas.

Oratio post Communionem.

Hæc nos communio, Domine,
purget à crimine: & interce-
dentibus Sanctis Martyribus tuis, **N**,
& **N**, coelestis remedij faciat esse
confortes. Per Dominum.

IN NATALI

Unius Confessoris, & Pontificis: nem-
pe Mediolani: vel alterius, de quo
apud nos fiat Officium Solemne.

Ingressa.



Acerdos iste de toto
corde orauit ad Domi-
num: manus suas exten-
dit ad inopem, & pal-
mas suas aperuit pau-
peri: & dilexit Deum,
qui fecit illum.

Gloria in excelsis Deo.

Oratio super populum:

Deus, qui nos Beati Pontificis, &
Confessoris, **N**, annua solem-
nitate lætificas, concede propitius:
vt, cuius natalitia colimus, per eius
ad te exempla gradiamur. Per Do-
minum nostrum.

Lectio Libri Sapientia.

Ecce Sacerdos magnus, qui in
diebus suis placuit Deo, & in-
uentus

uentus est iustus, & in tempore iracundiæ factus est reconciliatio. Non est inuentus similis illi, qui conseruaret Legem Excelsi. Ideo iureiurando fecit illum Dominus crescere in plebem suam. Benedictionem omnium gentium dedit illi: & Testamentum suum confirmauit super caput eius. Agnouit eum in benedictionibus suis: conseruauit illi misericordiam suam; & inuenit gratiam coram oculis Domini. Magnificauit eum in conspectu Regum: & dedit illi coronam gloriæ. Statuit ei Testamentum sempiternum: & dedit illi sacerdotium magnum: & beatificauit illum in gloria, fungi sacerdotio, & habere laudem in nomine ipsius, & offerre illi incensum dignum in odorem suauitatis.

Psal. **Psalmell.** Iurauit Dominus, & non poenitebit eum: Tu es Sacerdos in æternum, secundum ordinem Melchisedech.

V. Dixit Dominus Domino meo: Sede à dextris meis: Tu es Sacerdos in æternum, secundum ordinem Melchisedech.

Epistola Beati Pauli Apostoli ad Hebræos.

Cap. **F**Ratres. Plures facti sunt Sacerdotes, idcirco quòd morte prohiberentur permanere. Iesus autem, eo quòd maneat in æternum, sempiternum habet sacerdotium. Unde & saluare in perpetuum potest accedentes per semetipsum ad Deum, semper viuens ad interpellandum pro nobis. Talis enim decebat, ut nobis esset Pontifex, sanctus, innocens, impollutus, segregatus à peccatoribus, & excelsior coelis factus. Qui non habet necessitatem quotidie (quemadmodum Sacerdotes) prius pro suis delictis hostias offerre, deinde pro populi. Hoc enim fecit semel seipsum offerendo.

Halleluia. **V.** Tu es Sacerdos in æternum secundum ordinem Melchisedech: Halleluia.

✠ **L**ectio sancti Euangelij secundum Ioannem.

IN illo tempore. Dixit Iesus Pharisæis: Ego sum Pastor bonus. Bonus pastor animam suam dat pro ouibus suis. Mercenarius autem, & qui non est Pastor, cuius non sunt oues propriæ, videt lupum venientem, & dimittit oues, & fugit; & lupus rapit, & dispergit oues. Mercenarius autem fugit, quia mercenarius est, & non pertinet ad eum de ouibus. Ego sum Pastor bonus: & cognosco meas, & cognoscunt me meæ. Sicut nouit me Pater; & ego agnosco Patrem; & animam meam pono pro ouibus meis. Et alias oues habeo, quæ non sunt ex hoc ouili: & illas oportet me adducere: & vocem meam audient: & fiet vnum ouile, & vnus Pastor.

Antiphona post Euangelium.

Ego sum Pastor bonus: bonus Pastor animam suam ponit pro ouibus suis.

Oratio super sindonem.

BEatus Confessor, atque Pontifex tuus, **N**, quæsumus, Domine, sua nos intercessione lætificet: & pie faciat in sua solemnitate gaudere. Per Dominum nostrum.

Offertor. **V**eritas mea, & misericordia mea cum ipso: & in nomine meo exaltabitur cornu eius.

Dicitur: Credo.

Oratio super oblatam.

Hostias tibi, Domine, pro commemoratione Beati Sacerdotis, & Confessoris tui, **N**, offerimus, suppliciter deprecantes: ut, sicut illi præbuiisti sacræ fidei claritatem, sic nobis indulgentiam largiaris, & pacem. Per Dominum nostrum, Iesum Christum, Filium tuum.

Præ.

Commune Sanctorum.

Præfatio.

Æterne Deus: & in hac præcipue die, quam transitu sacro Beati, **N**, Confessoris tui, atque Pontificis consecrasti. Quæsumus ergo clementiam tuam, vt des nobis illam sequi doctrinam, quam ille & verbo docuit, & opere compleuit: quatenus nos adiuuari apud misericordiam tuam & exemplis eius sentiamus, & meritis. Per Christum.

Mac. 25. Confra. Domine, quinque talenta mihi tradidisti; ecce alia quinque superlucratus sum. Euge serue bone, & fidelis: quia super pauca fuisti fidelis; supra multa te constituam; intra in gaudium Domini tui.

Luc. 12. Transitor. Fidelis seruus, & prudens, quem constituit Dominus super familiam suam; vt det illis, in tempore, tritici mensuram.

Oratio post Communionem.

UT nobis tua, Domine, sacrificia dent salutem, Beatus Sacerdos, & Confessor tuus, **N**, quæsumus, precator accedat. Per Dominum.

IN NATALI

Unius Confessoris, & Pontificis: de quo Officium non fit Solemne.

Ingressa.

Légit te Dominus sibi Sacerdotem magnum: & aperiens thesaurum suum optimum, abundare te faciet omnibus bonis.

Gloria in excelsis Deo.

Oratio super populum.

Libera, quæsumus, Domine, à peccatis, & hostibus tibi populum supplicantem: & in Beati Confessoris, ac Pontificis tui, **N**, exemplis viuentes, nullis affligantur aduersis. Per Dominum nostrum, Iesum, Christum.

Lectio Libri Sapientiæ.

Iustus cor suum tradet ad vigilandum diluculo ad Dominum, qui fecit illum: & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dominus magnus voluerit; spiritu intelligentiæ replebit illum; & ipse, tanquam imbres, mittet eloquia sapientiæ suæ; & in oratione confitebitur Domino. Et ipse diriget consilium eius, & disciplinam: & in absconditis suis consiliabitur. Ipse palàm faciet disciplinam doctrinæ suæ: & in lege Testamenti Domini gloriabitur. Collaudabunt multi sapientiam eius: & usque in sæculum non delebitur. Non recedet memoria eius: & nomen eius requiretur à generatione in generationem.

Psal. 111. Psal. 111. In memoria æterna erit iustus: ab auditu malo non timebit.

Ps. 111. Beatus vir, qui timet Dominum; in mandatis eius cupiet nimis.

Epistola Beati Pauli Apostoli ad Hebræos.

Fratres. Omnis Pontifex ex hominibus assumptus pro hominibus constituitur in ijs, quæ sunt ad Deum, vt offerat dona, & sacrificia pro peccatis: qui condolere possit ijs, qui ignorant & errant; quoniam & ipse circumdatus est infirmitate; & propterea debet, quemadmodum pro populo; ita etiam pro semetipso offerre pro peccatis. Nec quisquam sumit sibi honorem; sed qui vocatur à Deo, tanquam Aaron.

Halleluia. **Ps. 110.** Tu es Sacerdos in æternum secundum ordinem Melchisedech: Halleluia.

✠ Lectio sancti Euangelij secundum Matthæum.

In illo tempore. Dixit Iesus Discipulis suis: Vigilate; quia nescitis,

tis, qua hora Dominus vester venturus sit. Illud autem scitote: quoniam, si sciret paterfamilias, qua hora fur venturus esset; vigilet utique; & non sineret perfodi domum suam. Ideo & vos estote parati; quia, qua nescitis hora, Filius hominis venturus est. Quis, putas, est fidelis servus, & prudens, quem constituit Dominus suus super familiam suam, ut det illis cibum in tempore? Beatus ille servus, quem, cum venerit Dominus eius, inuenerit sic facientem. Amen dico vobis; quoniam super omnia bona sua constituet eum.

Antiphona post Euangelium.

^{Psalm.}
^{106.} Confiteantur Domino misericordiae eius, & mirabilia eius filijs hominum: & sacrificent sacrificium laudis.

Oratio super sindonem.

DA, quaesumus, omnipotens Deus: ut Beati, **N**, Confessoris tui, atque Pontificis veneranda solemnitas & deuotionem nobis augeat, & salutem. Per Dominum.

^{Psalm.}
^{88.} **Offert.** Inueni Dauid seruum meum: & in oleo sancto unxi eum. Manus enim mea auxiliabitur ei; & brachium meum confortabit eum.

Dicitur: Credo.

Oratio super oblatam.

SAncti, **N**, Confessoris, atque Pontificis tui, nobis, Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dominum.

Præfatio.

Per Christum Dominum nostrum: verum, æternumque Pontificem, & solum sine peccati macula Sacerdotem: cuius sanguine omnium fidelium corda mundantur. Placationis tibi hostias non solum pro delictis populi, sed etiam pro nostris offensionibus immolamus: ut omne pec-

catum, quod carnis fragilitate contrahitur, ipso summo pro nobis Antistite interpellante, solvatur. Per quem Maiestatem tuam.

Confract. Summe Sacerdos, **N**, Pastor egregie, ora pro nobis Deum.

Transit. Domine, quinque talenta, mihi tradidisti; ecce alia quinque superlucratus sum.

Oratio post Communionem.

DEus, fidelium remunerator animarum, præsta: ut Beati, **N**, Confessoris tui, atque Pontificis, cuius venerandam celebramus festiuitatem, precibus indulgentiam consequamur. Per Dominum nostrum.

I N N A T A L I

Unius Doctoris Pontificis.

Ingressa.



IN medio Ecclesiae aperuit os eius: & impleuit eum Dominus spiritu sapientiae, & intellectus: stolam gloriae induit eum.

Gloria in excelsis Deo.

Oratio super populum.

DEus, qui ex ore Beati **N**, Doctoris, & Pontificis riuos sapientiae salutaris ad irriganda populi tui pectora deduxisti, concede propitius: ut, fiti profanae scientiae extincta, te solum, verae sapientiae fontem, sitiamus. Per Dominum.

Lectio Libri Sapientiae.

BEatus vir, qui in sapientia morabitur, & qui in gloria Dei requiescet. Qui timet Dominum, faciet bona: & qui continens est iustitiae, apprehendet illam: & obuiabit illi quasi mater honorificata, & quasi mulier à virginitate sua suscipiet illum. Cibabit illum pane vitae, & intellectus: & aqua sapientiae salutaris potabit illum. Et firmabitur in illo, &

Commune Sanctorum.

13

& non flectetur: & continebit illum, & non confundetur: & exaltabit illum apud proximos suos. In medio Ecclesiæ aperiet os eius: & adimplebit eum spiritu sapientiæ, & intellectus; & stolâ gloriæ vestiet illum.

^{Psalm.}
⁴⁸ **Psalmell.** Os meum loquétur sapientiam, & meditatio cordis mei prudentiam.

V. Inclinabo ad similitudinem aurem meam: aperiam in psalterio propositionem meam.

Epistola Beati Pauli Apostoli ad Timotheum secunda.

^{Cap.}
⁴ **C**harissime. Testificor coram Deo, & Iesu Christo, qui iudicaturus est viuos, & mortuos, per aduentum ipsius, & Regnum eius: prædica verbum: insta opportunè, importunè: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt, sed ad sua desideria coaceruabunt sibi magistros prurientes auribus: & à veritate quidem auditum auertent; ad fabulas autem conuertentur. Tu verò vigila, in omnibus labora, opus fac Euangelistæ, ministerium tuum imple, sobrius esto. Ego enim iam delibor; & tempus resolutionis meæ instat. Bonum certamen certavi, cursum consummaui, fidem seruaui. In reliquo reposita est mihi corona iustitiæ: quam reddet mihi Dominus in illa die, iustus iudex: non solum autem mihi, sed & ijs, qui diligunt aduentum eius.

^{Psalm.}
³³ **H**alleluia. **V.** Venite filij, audite me; timorem Domini docebo vos: Halleluia.

 **L**ectio sancti Euangelij secundum Matthæum.

^{Cap.}
⁵ **I**n illo tempore. Dixit Iesus Discipulis suis: Vos estis sal terræ. Quod si sal euanuerit; in quo salietur? Ad nihilum valet ultra, nisi vt

mittatur foras, & conculcetur ab hominibus. Vos estis lux mundi. Non potest ciuitas abscondi supra montem posita: neque accendunt lucernam, & ponunt eam sub modio, sed super candelâbrum; vt luceat omnibus, qui in domo sunt. Sic luceat lux vestra coram hominibus, vt videant opera vestra bona, & glorificent Patrem vestrum, qui in coelis est.

Antiphona post Euangelium.

Qui docti fuerint, fulgebunt quasi splendor Firmamenti: & qui ad iustitiam erudiunt multos, quasi stellæ in perpetuas æternitates. ^{Dan.}
^{12.}

Oratio super sindonem.

Omnipotens æterne Deus, qui Ecclesiam, Filij tui sponsam, pretiosis Beati, **N**, Doctoris, & Pontificis sacre eruditionis ornamentis tibi gratissimam reddidisti præsta, quæsumus: vt nos quoque famuli tui, salutaribus eiusdem instructi documentis, tibi iugiter placeamus. Per eundem Dominum nostrum.

Offertor. Optaui, & datus est mihi sensus: & inuocaui, & venit in me spiritus sapientiæ: & præposui illam Regnis, & Sedibus, & diuitias nihil esse duxi in comparatione illius. ^{Sap.}
^{7.}

Dicitur: Credo.

Oratio super oblatam.

Fidelis populi mentes, quæsumus, Domine, eâ vultus tui claritate illustra, quam in Sanctum, **N**, Doctorem, & Pontificem mirabiliter infudisti: vt, eodem nos adiuuante, promissionum tuarum magnitudinem intuëri valeamus. Per Dominum.

Præfatio.

Æterne Deus. Qui Beatum, **N**, tua ineffabili prouidentia destinasti; vt prælata Euangelij facientium mentes Doctrinæ radijs illustraret: & redactis in fauillam hæreticorum zizanijs, nitidum catholici

b

dog-

dogmatis frumentum in Ecclesiæ horreum congregaret. O admirandam diuini consilij tui rationem: qua Beati Petri Nauiculæ grauissimis Sectarum agitatae turbinibus sic adfuiti, vt Doctorum ministerio ea seruaretur incolumis! Hæc tua, Domine, est immensa potestas, & gratia. Quam laudant Angeli.

**Ec-
cles.
6.44.** **Confract.** Sapientiam ipsius narrent populi, & laudem eius nunciet Ecclesia.

**Ec-
cles.
83.** **Transitor.** Audite me Magnates, & omnes populi: & Rectores Ecclesiæ auribus percipite.

Oratio post Communionem.

Deus, qui, vt effuso in homines hæreum veneno remedia præparares, Sanctum, **N**, Doctorem, & Pontificem creasti, concede: vt, qui prædicationis verbo pro Ecclesiastica veritate in terris dimicauit, nunc in cœlis pro eadem conseruandâ tuam semper exoret Maiestatem. Per Dominum nostrum.

I N N A T A L I

Unius Doctoris simplicis Sacerdotis.

Missa de Communi Doctoris.

In medio Ecclesiæ pag. 12.

præterquam vt infra.

Oratio super populum.

Deus, qui ex ore Beati, **N**, Doctoris, & Sacerdotis riuos sapientiæ salutaris ad irriganda populi tui pectora deduxisti, concede propitius: vt, siti profanæ scientiæ extinctâ, te solum, veræ sapientiæ fontem, sitiamus. Per Dominum.

Oratio super findonem.

Omnipotens æterne Deus, qui Ecclesiam, Filij tui sponsam, pretiosis Beati, **N**, Doctoris, & Sacerdotis sacre eruditionis ornamentis tibi gratissimam reddidisti, præ-

sta, quæsumus: vt nos quoque famuli tui, salutaribus eiusdem instructi documentis, tibi iugiter placeamus. Per eundem Dominum.

Oratio super oblatam.

Fidelis populi mentes, quæsumus, Domine, eâ vultus tui claritate illustra, quam in Sanctum, **N**, Doctorem, & Sacerdotem mirabiliter infudisti: vt, eodem nos adiuuante, promissionum tuarum magnitudinem intuêri valeamus. Per Dominum nostrum.

Oratio post Communionem.

Deus, qui, vt effuso in homines hæreum veneno remedia præparares, Sanctum, **N**, Doctorem, & Sacerdotem creasti, concede: vt, qui prædicationis verbo pro Ecclesiastica veritate in terris dimicauit, nunc in cœlis pro eadem conseruandâ tuam semper exoret Maiestatem. Per Dominum nostrum.

I N N A T A L I

Unius Confessoris Sacerdotis.

Ingressa.



Acerdotes eius induam salutare: & Sancti eius exultatione exultabunt.

Gloria in, excelsis Deo.

Oratio super populum.

DA nobis, quæsumus, omnipotens Deus: vt, qui Beati Sacerdotis, & Confessoris tui, **N**, solemnia colimus, eius apud te intercessionibus adiuuemur. Per Dominum.

Lectio: Iustus cor suum tradet; **cum Psalmello, vt supra in Missa:** Elêgit, fol. 11.

Epistola Beati Pauli Apostoli ad Hebræos.

FRatres. Mementôte Præposito-
rum vestrorum, qui vobis locuti
sunt

sunt verbum Dei: quorum intuentes exitum conuersationis, imitami fide. Iesus Christus heri, & hodie: ipse & in sæcula. Doctrinis varijs, & peregrinis nolite abdūci. Optimum est enim gratiā stabiliri cor, non escis, quæ non profuerunt ambulanti- bus in eis. Habemus altare, de quo edere non habent potestatem, qui Tabernaculo deseruiunt. Quorum enim animalium infertur sanguis pro peccato in Sancta per Pontificem, horum corpora cremantur extra castra. Propter quod & Iesus, vt sanctificaret per suum sanguinem populum, extra portam passus est. Exeamus igitur ad eum extra castra, im- properium eius portantes. Non enim habemus hīc manentem ciui- tatem, sed futuram inquirimus. Per ipsum ergo offeramus hostiam laudis semper Deo, id est, fructum labio- rum confitentium nomini eius. Be- neficiæ autem, & communionis nolite obliuisci; talibus enim hostijs promeretur Deus. Obedite Præposi- tis vestris, & subiaccete eis. Ipsi enim peruigilant, quasi rationem pro ani- mabus vestris reddituri.

Hallelūiah. **Ps.** Confessus es bonam confessionem coram multis testibus: Hallelūiah.

✠ Lectio sancti Euangelij secundum Marcum.

Cap. 13. **I**n illo tempore. Dixit Iesus Disci- pulis suis: Videte, vigilate, & orate, nescitis enim, quando tempus sit. Sicut homo, qui peregre profe- ctus, reliquit domum suam, & dedit seruis suis potestatem cuiusque ope- ris, & ianitori præcepit, vt vigilet. Vigilare ergo (nescitis enim, quan- do dominus domus veniat: sero, an media nocte, an galli cantu, an ma- nè) ne, cum venerit repente, inue- niat vos dormientes. Quod autem

vobis dico, omnibus dico: Vigilate.

Antiphona post Euangelium.

Sacerdotes tui induantur iustitiā: & Sancti tui, Domine, lætentur. Psal. 131.

Oratio super findonem.

Beati Confessoris, & Sacerdotis, **N**, Domine, veneranda gloria confessionis, & fidei suæ nos docu- mentis informet, & meritis tueatur: vt, cuius natalitia annuā festiuitate recolimus, perpetuum meruisse non diffidamus auxilium. Per Dominum.

Offert. Veritas mea, & misericordia mea cum ipso: & in nomine meo exaltabitur cornu eius. Psal. 88.

Dicitur: Credo.

Oratio super oblatam.

Sancti tui, **N**, nobis, Domine, pia non desit oratio: quæ & munera nostra conciliet, & tuam nobis in- dulgentiam semper obtineat. Per Dominum nostrum.

Præfatio.

Æterne Deus: Et Maiestatem, tuam suppliciter exorare: vt, qui Beati Sacerdotis, & Confessoris tui, **N**, festum deuotis celebramus officijs, illius apud te & adiuuemur meritis, & instruamur exemplis. Per Christum Dominum nostrum.

Confract. Domine, quinque talenta tradidisti mihi; ecce alia quinque su- perlucratus sum. Mat. 25.

Transit. Fidelis seruus, & prudens: quem constituit Dominus super fa- miliam suam; vt det illis in tempore tritici mensuram. Luc. 12.

Oratio post Communionem.

Quæsumus, omnipotens Deus: vt, qui cœlestia alimenta per- cepimus, intercedente Beato Confessore, atque Sacerdote tuo, **N**, per hæc contra omnia aduersa mu- niamur. Per Dominum nostrum, Ie- sum Christum, Filium tuum: qui te- cum viuit, & regnat.

I N N A T A L I

Unius Confessoris simplicis,
vel Abbatis.

Ingressa.



Ir iste custodiuit in sæ-
culum veritatem Do-
mini, fecit iudicium
iniuriam patientibus,
& escam dedit esurien-
tibus.

Gloria in excelsis Deo.

Oratio super populum.

BEatus Confessor tuus, **N**, quæsu-
mus, Domine, suâ nos interces-
sione apud te commendet: vt tibi
placito fulti suffragio, quam preca-
mur, indulgentiam peccatorum con-
sequi mereamur. Per Dominum.

Lectio Libri Sapientiæ.

BEatus vir, qui inuentus est sine
macula: & qui post aurum non
abiit, nec sperauit in pecunia, & the-
sauris. Quis est hic, & laudabimus
eum? Fecit enim mirabilia in vita
sua. Qui probatus est in illo, & per-
fectus est, erit illi gloria æterna. Qui
potuit transgredi, & non est trans-
gressus: facere mala, & non fecit.
Ideo stabilita sunt bona illius in Do-
mino; & eleemosynas illius enarra-
bit omnis Ecclesia Sanctorum.

Psalmell. In memoria æterna erit iu-
stus, ab auditu malo non timebit.

V. Beatus vir, qui timet Dominum;
in mandatis eius cupiet nimis.

Epistola Beati Pauli Apostoli
ad Timotheum prima.

Charissime. Confessus es bonam
confessionem coram multis te-
stibus. Præcipio tibi coram Deo, qui
viuificat omnia: & Christo Iesu, qui
testimonium reddidit sub Pontio Pi-
lato, bonam confessionem: vt serues
mandatum sine macula, irreprehen-
sibile vsque in aduentum Domini
nostri, Iesu Christi. Quem suis tem-

poribus ostendet beatus, & solus po-
tens, Rex regum, & Dominus domi-
nantium. Qui solus habet immorta-
litate, & lucem inhabitat inaccessi-
bilem: quem nullus hominum vidit,
sed nec videre potest: cui honor &
imperium sempiternum. Amen.

Halleluia. **V.** Confessus es bonam
confessionem coram multis testibus:
Halleluia.

Lectio sancti Euangelij
secundum Matthæum.

IN illo tempore. Dixit Iesus para-
bolam hanc ad Discipulos suos:
Homo, peregre proficiscens, voca-
uit seruos suos, & tradidit illis bona
sua: & vni dedit quinque talenta,
alij autem duo, alij verò vnum, vni-
cuique secundum propriam virtu-
tem: & profectus est statim. Abiit
autem, qui quinque talenta accepe-
rat, & operatus est in eis, & lucratus
est alia quinque. Similiter &, qui
duo acceperat, lucratus est alia duo.
Qui autem vnum acceperat, abiens,
fodit in terram, & abscondit pecu-
niam domini sui. Post multum verò
temporis venit dominus seruorum
illorum, & posuit rationem cum eis.
Et accedens, qui quinque talenta ac-
ceperat, obtulit alia quinque talen-
ta, dicens: Domine, quinque talenta
tradidisti mihi; ecce alia quinque su-
perlucratus sum. Ait illi dominus
eius: Euge serue bone, & fidelis: quia
super pauca fuisti fidelis; supra mul-
ta te constituam; intra in gaudium
domini tui. Accessit autem &, qui
duo talenta acceperat, & ait: Domi-
ne, duo talenta tradidisti mihi; ecce
alia duo superlucratus sum. Ait illi
dominus eius: Euge serue bone, &
fidelis: quia super pauca fuisti fide-
lis; supra multa te constituam; intra
in gaudium Domini tui.

Commune Sanctorum.

Antiphona post Euangelium.

Similabo eum viro sapienti, qui ædificauit domum suam supra petram.

Oratio super sindonem.

Adesto, Domine, precibus nostris, quas in Sancti Confessoris tui, **N**, commemoratione deferimus: vt, qui nostræ iustitiæ fiduciam non habemus, eius, qui tibi placuit, precibus adiuuemur. Per Dominum.

Offertor. Veritas mea, & misericordia mea cum ipso: & in nomine meo exaltabitur cornu eius.

Dicitur: Credo.

Oratio super oblatam.

Suscipe, quæsumus, Domine, & sanctifica hoc sacrificium populi tui: vt, quod in honore Beati Confessoris tui, **N**, offertur ad gloriam, nobis profit ad veniam. Per Dominum nostrum, Iesum Christum, Filium tuum.

Præfatio.

Æterne Deus: Et gloriam tuam profusis precibus exorare: vt, Sancti tui, **N**, Confessoris patrocinio nos adiuuante, debita nomini tuo seruitute placeamus. Per Christum Dominum nostrum.

Confract. Qui me confessus fuerit coram hominibus, confitebor & ego eum coram Patre meo, qui in cœlis est.

Transitor. Fidelis seruus, & prudens, quem constituit Dominus super familiam suam; vt det illis in tempore, tritici mensuram.

Oratio post Communionem.

Quæsumus, omnipotens Deus: vt, cuius nos tribuis communicare memoriam, eius facias sectatores. Per Dominum nostrum, Iesum Christum, Filium tuum: qui tecum viuit, & regnat in vnitatis Spiritus Sancti Deus, per omnia sæcula sæculorum. Amen.

IN NATALI

Unius Virginis Martyris.

Ingressa.



Eci iudicium, & iustitiam, Domine: non calumnientur mihi superbi. Ad omnia mandata tua dirigebar: omnem viam iniquitatis odio habui.

Gloria in excelsis Deo.

Oratio super populum.

Deus, qui nos per Beatam Virginem, & Martyrem tuam, **N**, ad cognitionem tui nominis venire tribuisti: da nobis, per eius gloriam passionis, sempiternam tuam gratiam amplecti, & proficiendo eius solemnitatem celebrare. Per Dominum nostrum, Iesum Christum, Filium tuum.

Lectio Libri Sapientiæ.

Confitebor tibi, Domine Rex: & collaudabo te Deum Saluatorem meum. Confitebor nomini tuo; quoniam adiutor, & protector factus es mihi; & liberaisti corpus meum à perditione, à laqueo linguæ iniquæ, & à labijs operantium mendacium: & in conspectu astantium factus es mihi adiutor. Et liberaisti me secundum multitudinem misericordiæ nominis tui à rugientibus præparatis ad escam; de manibus quærentium animam meam; & de portis tribulationum, quæ circundedérunt me; à pressura flammæ, quæ circundedit me; & in medio ignis non sum æstuita; de altitudine ventris inferi; & à lingua coinquinata; & à verbo mendacij; à Rege iniquo; & à lingua iniusta. Laudabit vique ad mortem anima mea Dominum; quoniam eruis sustinentes te, & liberas eos de manibus gentium, Domine, Deus noster.

^{Psalm.}
^{44.} **P**salmell. **D**ilexisti iustitiam, & odi-
sti iniquitatem.

¶ Propterea vnxit te Deus; Deus
tuus, oleo lætitiæ præ confortibus
tuis.

Epistola Beati Pauli Apostoli
ad Corinthios prima.

^{Cap.}
^{7.} **F**ratres. De virginibus præcep-
tum Domini non habeo; confi-
lium autem do, tanquam misericor-
diam consecutus à Domino, vt sim
fidelis. Existimo ergo, hoc bonum
esse propter instantem necessitatem;
quoniam bonum est homini sic esse.
Alligatus es uxori? noli quærere so-
lutionem. Solutus es ab uxore? noli
quærere uxorem. Si autem accepe-
ris uxorem; non peccasti. Et si nup-
serit virgo; non peccauit; tribulatio-
nem tamen carnis habebunt huius-
modi; ego autem vobis parco. Hoc
itaque dico, fratres: Tempus breue
est. Reliquum est, vt & qui habent
uxores, tanquam non habentes sint;
& qui flent, tanquam non flentes; &
qui gaudent, tanquam non gauden-
tes; & qui emunt, tanquam non pos-
sidentes; & qui vtuntur hoc mun-
do, tanquam non vtantur. Præterit
enim figura huius mundi.

^{Psalm.}
^{44.} **H**alleluia. **¶** Diffusa est gratia in
labijs tuis: propterea benedixit te
Deus in æternum: Halleluia.

 **L**ectio sancti Euangelij
secundum Matthæum.

^{Cap.}
^{25.} **I**n illo tempore. Dixit Iesus Disci-
pulis suis: Simile est Regnum cœ-
lorum decem virginibus: quæ, acci-
pientes lampades suas, exierunt ob-
uiam sponso, & sponsæ. Quinque
autem ex eis erant fatuæ, & quinque
prudentes. Sed quinque fatuæ, ac-
ceptis lampadibus, non sumpserunt
oleum secum; prudentes verò acce-
perunt oleum in vasis suis cum lam-
padibus. Moram autem faciente

sponso; dormitauerunt omnes, &
dormierunt. Mediâ autem nocte
clamor factus est: Ecce sponsus ve-
nit; exite obuiam ei. Tunc surrexe-
runt omnes virgines illæ, & ornaue-
runt lampades suas. Fatuæ autem,
sapiantibus dixerunt: Date nobis de
oleo vestro; quia lampades nostræ
extinguuntur. Responderunt pru-
dentes, dicentes: Ne fortè non suffi-
ciat nobis, & vobis; ite potius ad
vendentes, & emite vobis. Dum
autem irent emere; venit sponsus;
& quæ paratæ erant, intrauerunt
cum eo ad nuptias; & clausa est ia-
nua. Nouissimè verò venērunt & re-
liquæ virgines, dicentes: Domine,
Domine, aperi nobis. At ille res-
pondens ait: Amen dico vobis, Ne-
scio vos. Vigilate itaque; quia ne-
scitis diem, neque horam.

Antiphona post Euangelium.

Ipsi sum sponsata, cui Angeli ser-
uiunt, cuius pulchritudinem Sol, &
Luna mirantur. Ipsi soli seruo fidem;
ipsi me totâ deuotione committo.

Oratio super sindonem.

Deus, qui inter cætera potentia
tuæ miracula, etiam in fragili
sexu victoriam castitatis, & martyrij
contulisti, concede propitius: vt, qui
Beatæ Virginis, & Martyris tuæ, **N**,
natalitia colimus, per eius ad te
exempla gradiamur. Per Dominum.

Offertor. Clara Virgo, & Martyr,
N, virtutum gratiâ pollens, ad cul-
tum fidei suis exemplis multos per-
duxit.

¶ Hæc Virgo sapiens, & vna de nu-
mero prudentum, ad cultum fidei
suis exemplis multos perduxit.

Dicitur: **C**redo.

Oratio super oblatam.

Muneribus nostris, quæsumus,
Domine, Sanctæ Virginis, &
Martyris tuæ, **N**, intercessione gra-
tiam.

tiam tuæ placationis interfere : vt & collata nobis remedia tuearis , & conferenda perficias . Per Dominum nostrum.

Præfatio.

Æterne Deus. Quia per te constantiam fides, per te virtutem sumit infirmitas : & quicquid in persecutionibus sæuum est, quicquid in morte terribile, nominis tui facis confessione superari. Unde benedicimus te, Domine, in operibus tuis; & in Beatæ Virginis, & Martyris tuæ, **N**, prouectione laudamus. Per Christum Dominum nostrum.

Confractor. Veniente Sponso, prudens Virgo præparata introiuit cum eo ad nuptias.

Transitor. Exultauit spiritus meus in Domino; quia respexit humilitatem ancillæ suæ. Ecce enim ex hoc beatam me dicent omnes generationes.

Oratio post Communionem.

Quæsumus, Domine: vt Beatæ Virginis, & Martyris tuæ, **N**, deprecationibus sancta sacramenta, quæ sumpsimus, ad tuæ nobis proficiant placationis augmentum. Per Dominum nostrum.

I N N A T A L I

Unius simplicis Virginis.

Ingressa.

Psalm.
44.



Dilexisti iustitiam, & odisti iniquitatem; propterea vnxit te Deus, Deus tuus, oleo lætitiæ præ confortibus tuis.

Gloria in excelsis Deo.

Oratio super populum.

Deus, qui nos hodie Beatæ Virginis tuæ, **N**, annua solemnitate lætificas, concede propitius: vt eius adiuuemur meritis, cuius castitatis irradiamur exemplis. Per Dominum.

Lectio Libri Sapientiæ.

Domine Deus meus, exaltasti super terram habitationem meam; & pro morte defluente deprecatus sum. Inuocaui Dominum, Patrem Domini mei, vt non derelinquat me in die tribulationis meæ, & in tempore superbiorum sine adiutorio. Laudabo nomen tuum assidue, & collaudabo illud in confessione; & exaudita est oratio mea. Et liberaisti me de perditione; & eripuisti me de tempore iniquo. Propterea confitebor, & laudem dicam tibi, & benedicam nomini tuo, Domine Deus noster.

Psalmell. Dilexisti iustitiam, & odisti iniquitatem.

V. Propterea vnxit te Deus, Deus tuus, oleo lætitiæ præ confortibus tuis.

Epistola Beati Pauli Apostoli ad Corinthios prima.

Fratres. Volo, vos sine solitudine esse. Qui sine vxore est, sollicitus est, quæ Domini sunt, quomodo placeat Deo. Qui autem cum vxore est, sollicitus est, quæ sunt mundi, quomodo placeat vxori: & diuisus est. Et mulier innupta, & virgo cogitat, quæ Domini sunt, vt sit sancta & corpore, & spiritu. Quæ autem nupta est, cogitat, quæ sunt mundi, quomodo placeat viro. Porro hoc ad vtilitatem vestram dico: non vt laqueum vobis injiciam; sed ad id, quod honestum est, & quod facultatem præbeat sine impedimento Dominum obsecrandi. Si quis autem turpem se videri existimat super virgine sua, quod sit superadulta: & ita oportet fieri; quod vult, faciat; non peccat, si nubat. Nam qui statuit in corde suo firmus, non habens necessitatem, potestatem autem habens suæ voluntatis: & hoc

hoc iudicauit in corde suo seruare virginem suam; bene facit. Igitur &, qui matrimonio iungit virginem suam, bene facit: &, qui non iungit, melius facit. Mulier alligata est legi, quanto tempore vir eius viuit. Quod si dormierit vir eius; liberata est à lege; cui vult, nubat; tantum in Domino. Beatior autem erit, si sic permanferit, secundum meum consilium.

Halleluia. **Ps.** Hæc Virgo sapiens, & vna de numero prudentum: Halleluia.



Lectio sancti Euangelij secundum Matthæum.

In illo tempore. Dixit Iesus Discipulis suis parabolam hanc: Simile est Regnum cœlorum thesauro abscondito in agro: quem, qui inuenit, homo abscondit: & præ gaudio illius vadit, & vendit vniuersa, quæ habet, & emit agrum illum. Iterum simile est Regnum cœlorum homini negotiatori quærenti bonas margaritas. Inuentâ autem vnâ pretiosâ margaritâ abiit, & vendidit omnia, quæ habuit, & emit eam. Iterum simile est Regnum cœlorum sagênæ missæ in mare, & ex omni genere piscium congreganti. Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione sæculi. Exibunt Angeli, & separabunt malos de medio iustorum; & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in Regno cœlorum similis est homini patri familias, qui profert de thesauro suo noua, & vetera.

Antiphona post Euangelium.

Astitit Regina à dextris tuis, Domi-

ne, in vestitu deaurato, circumamicta varietate; propterea populi confitebuntur tibi in æternum.

Oratio super sindonem.

Sanctæ Virginis tuæ, **N**, quæsumus, Domine, supplicationibus tribue nos foueri: vt, cuius venerabilem solemnitatem deuoto celebramus obsequio, eius intercessionibus commendemur, & meritis. Per Dominum nostrum.

Offert. Afferentur regi Virgines: proximæ eius afferentur tibi in lætitia, & exultatione: adducentur in templum Regis Domino.

Dicitur: Credo.

Oratio super oblatam.

Annue, quæsumus, omnipotens Deus: vt hæc sacrificia populi tui, quæ tibi offerimus, interueniente suffragio Beatæ Virginis tuæ, **N**, donis cœlestibus propitiatus immisceas. Per Dominum nostrum.

Præfatio.

Æterne Deus. Pro cuius amore, & suæ continentie puritate, Beata Virgo, **N**, respuit diuitias sæculares, & dignitatem viri mortalis: vt in cœlestibus consequeretur præmia castitatis. Per Christum Dominum.

Confractor. Lætare Virgo, sponsa Christi, stans à dextris eius in vestitu deaurato, circumamicta iucunditate.

Transit. Audi filia, & vide, & inclina aurem tuam: & obliuiscere populum tuum, & domum patris tui; quia concupiuit Rex speciem tuam.

Oratio post Communionem.

Gratia tua, quæsumus, Domine, nos semper exerceat: vt & diuinis instauret nostra corda mysterijs, & Sanctæ Virginis tuæ, **N**, commemoratione lætificet. Per Dominum nostrum.

IN

I N N A T A L I

Unius Matronæ.

Ingressa.

Psalm.
118.



Eci iudicium, & iustitiam, Domine: non calumnientur mihi superbi. Ad omnia mandata tua dirigebar: omnem viam iniquitatis odio habui.

Gloria in excelsis Deo.

Oratio super populum.

Concede, quæsumus, omnipotens Deus: ut Beata, **N**, suis pro nobis apud tuam misericordiam meritis obtineat, quò eius gloriosum excessum dignis apud tuam Maiestatem laudibus honoremus. Per Dominum nostrum.

Lectio Libri Sapientiæ.

Pro.
31.

Mulierem fortem quis inueniet? Procul, & de vltimis finibus pretium eius. Confidit in ea cor viri sui: & spolijs non indigebit. Reddet ei bonum, & non malum omnibus diebus vitæ suæ. Quæsiuit lanam, & linum: & operata est consilio manuum suarum. Facta est quasi nauis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Considerauit agrum, & emit eum: de fructu manuum suarum plantauit vineam. Accinxit fortitudine lumbos suos, & roborauit brachium suum. Gustauit: & vidit, quia bona est negotiatio eius: non extinguetur in nocte lucerna eius. Manum suam misit ad fortia: & digiti eius apprehenderunt fuscum. Manum suam aperuit inopi: & palmas suas extendit ad pauperem. Non timebit domui suæ à frigoribus niuis. Omnes enim domestici eius vestiti sunt duplicibus. Stragulâtam vestem fecit sibi: byssus, & purpura indumentum eius. Nobilis in portis

vir eius, quando federit cum Senatoribus terræ. Sindonem fecit, & vendidit: & cingulum tradidit Chananeo. Fortitudo, & decor indumentum eius: & ridēbit in die nouissimo. Os suum aperuit sapientiæ: & lex clementiæ in lingua eius. Considerauit semitas domus suæ: & panem otiosa non comēdit. Surrexerunt filij eius, & beatissimam prædicauerunt: vir eius, & laudauit eam. Multæ filiæ congregauerunt diuitias: tu supergressa es vniuersas. Fallax gratia, & vana est pulchritudo. Mulier timens Dominum, ipsa laudabitur. Date ei de fructu manuum suarum: & laudent eam in portis opera eius.

Psalmell. Dilexisti iustitiam, & odi-
sti iniquitatem.

¶ Propterea vnxit te Deus, Deus tuus, oleo lætitiæ præ confortibus tuis.

Epistola Beati Pauli Apostoli ad Timotheum prima.

Charissime. Viduas honora, quæ
verè viduæ sunt. Si qua autem vidua filios, aut nepotes habet; dicat primum domum suam regere, & mutuam vicem reddere parentibus; hoc enim acceptum est coram Deo. Quæ autem verè vidua est, & desolata, speret in Deum, & instet obsecrationibus, & orationibus nocte, & die. Nam, quæ in delicijs est, viuens mortua est. Et hoc præcipe, ut irreprehensibiles sint. Si quis autem suorum, & maximè domesticorum, curam non habet; fidem negauit, & est infideli deterior. Vidua eligatur non minùs sexaginta annorum, quæ fuerit vnus viri vxor: in operibus bonis testimonium habens, si filios educauit, si hospitio recēpit, si sanctorum pedes lauit, si tribulationem patientibus subministrauit, si omne opus bonum subsecuta est.

Hallel.

^{Psal.}
^{44.} **Halleluia.** **V.** Diffusa est gratia in labijs tuis; propterea benedixit te Deus in æternum: Hallel.

✠ **Lectio sancti Evangelij**
secundum Matthæum.

^{Cap.}
^{26.} **I**n illo tempore. Cum Iesus esset in Bethania, in domo Simonis Leprosi; accessit ad eum mulier habens alabastrum unguenti pretiosi; & effudit super caput ipsius recumbentis. Videntes autem Discipuli indignati sunt, dicentes: Ut quid perditio hæc? Potuit enim istud vendari multo, & dari pauperibus. Sciens autem Iesus, ait illis: Quid molesti estis huic mulieri? Opus enim bonum operata est in me. Nam semper pauperes habebitis vobiscum; me autem non semper habebitis. Mittens enim hæc unguentum hoc in corpus meum, ad sepeliendum me fecit. Amen dico vobis: Ubique prædicatum fuerit hoc Evangelium in toto mundo, dicetur & quod hæc fecit in memoria eius.

Antiphona post Evangelium.

^{Psal.}
^{44.} **A**stitit Regina à dextris tuis, Domine, in vestitu deaurato, circumamicta varietate: propterea populi confitebuntur tibi in æternum.

Oratio super sindonem.

DA, quæsumus, Sancte Pater: ut Beata, **N**, quæ in conspectu Maiestatis tuæ extitit gratiosa, suis orationibus per fidem integram, & sanctæ vitæ munditiam gratos tibi

nos reddat pariter, & deuotos. Per Dominum nostrum.

Offertor. Fallax gratia, & vana est pulchritudo: mulier timens Deum, ipsa laudabitur.

V. Date ei de fructu manuum suarum: & laudent eam in portis opera eius: mulier timens Deum, ipsa laudabitur.

Dicitur: Credo.

Oratio super oblatam.

Muneribus nostris, quæsumus, Domine, Sanctæ **N**, intercessionem, gratiam tuæ placationis interfere: ut & collata nobis remedia, tuearis, & conferenda perficias. Per Dominum nostrum.

Præfatio.

Æterne Deus: Et in hac solemnitate tibi laudis hostias immolare: qua Sanctæ, **N**, festa venerando colimus, & tui nominis gloriam debitis præconijs magnificamus. Per Christum, Dominum.

Confract. Ego autem sicut oliua fructifera in domo Dei.

Transit. Mittens hæc mulier unguentum hoc in corpus meum, ad sepeliendum me fecit.

Oratio post Communionem:

Satiasti, Domine, familiam tuam, muneribus sacris: eius, quæsumus, semper intercessionem nos refove, cuius solemnia celebramus. Per Dominum nostrum, Iesum Christum, Filium tuum.



COMMUNE

23

In Anniuersario Dedicationis Ecclesiæ.

Ingressa.

Inclinavit Salomon genua, & expandit manus suas ad cœlum, & dixit: Domine, sint oculi tui aperti super domum istam die, ac nocte: vt exaudias nos in loco, in quo iussisti, inuocari nomen tuum, Domine.

Gloria in excelsis Deo.

Oratio super populum.

Deus, qui loca nomini tuo dicata sanctificas, effunde super hanc orationis domum gratiam tuam: vt ab omnibus, hic te inuocantibus, auxilium tuæ misericordiæ sentiatur. Per Dominum.

Lectio Libri Apocalypsis Beati Ioannis Apostoli.

In diebus illis. Vidi sanctam ciuitatem Ierusalem nouam descendentem de cœlo, à Deo paratam, sicut sponsam ornatam viro suo. Et audiui vocem magnam de throno dicentem: Ecce Tabernaculum Dei cum hominibus: & habitabit cum eis. Et ipsi populus eius erunt: & ipse Deus cum eis erit eorum Deus. Et absterget Deus omnem lachrymam ab oculis eorum: & mors ultra non erit: neque luctus, neque clamor, neque dolor erit ultra; quia prima abiērunt. Et dixit, qui sedebat in throno: Ecce noua facio omnia.

Psalmell. Domine, dilexi decorem domus tuæ, & locum tabernaculi gloriæ tuæ.

¶ Lauabo inter innocentes manus meas: & circumdabo altare tuum, Domine.

Epistola Beati Pauli Apostoli ad Corinthios prima.

Fratres. Dei sumus adiutores: Dei agricultura estis: Dei ædificatio estis. Secundum gratiam Dei; quæ data est mihi, vt sapiens architectus fundamentum posui; alius autem superædificat. Vnusquisque autem videat, quomodo superædificet. Fundamentum enim aliud nemo potest ponere præter id, quod positum est, quod est Christus Iesus. Si quis autem superædificat super fundamentum hoc, aurum, argentum, lapides pretiosos, ligna, fœnum, stipulam; vniuscuiusque opus manifestum erit. Dies enim Domini declarabit; quia in igne reuelabitur; & vniuscuiusque opus, quale sit, ignis probabit. Si cuius opus manserit, quod superædificauit; mercedem accipiet. Si cuius opus arserit; detrimentum patietur; ipse autem saluus erit, sic tamen quasi per ignem.

Hallelûiah, hallelûiah. ¶ Hæc est domus Domini, & porta cœli: & vocabitur nomen loci huius, Aula Dei: Hallelûiah.

✠ Lectio sancti Euangelij secundum Lucam.

In illo tempore. Ingressus Iesus perambulabat Iericho: Et ecce vir, nomine Zachæus: & hic princeps erat publicanorum, & ipse diues: & quærebat videre Iesum, quis esset: & non poterat præ turba; quia staturâ pusillus erat. Et præcurrens ascendit in arborem sycomorum, vt videret eum; quia inde erat transiturus. Et cum venisset ad locum; suspiciens Iesus vidit illum, & dixit ad eum

eum: Zachæe, festinans descende; quia hodie in domo tua oportet, me manere. Et festinans descendit, & excipit illum gaudens. Et cum viderent omnes; murmurabant, dicentes, quod ad hominem peccatorem, diuertisset. Stans autem Zachæus, dixit ad Iesum: Ecce dimidium bonorum meorum, Domine, do pauperibus: &, si quid aliquem defraudaui, reddo quadruplum. Ait Iesus ad eum: Quia hodie salus domui huic facta est, eo quod & ipse filius sit Abrahæ. Venit enim Filius hominis quærere, & saluum facere, quod perierat.

Antiphona post Euangelium.

Fundamenta tua, Sion, non moueantur: dicit Dominus. Supra muros tuos ponam salutare præsidium: & in ingressu portarum tuarum permanebit lætitia, & gaudium.

Oratio super sindonem.

Populum tuum, Domine, propitius intuere: & in templo nomini tuo ædificato tuam pietatem inuocantes miserationis tuæ potiantur auxilio. Per Dominum.

Offertor. Obtulit Sacerdos sacrificium dedicationis, & consummationis Templi Domini, sicut præcepit Moyses: & orauit ad Dominum.

Dicitur: Credo.

Oratio super oblatam.

Anue, quæsumus, Domine, precibus nostris: vt quicumque intra templi huius, cuius anniuersarium Dedicationis diem celebramus,

ambitum continemur, plena tibi, atque perfecta corporis, & animæ deuotione placeamus: vt, dum hæc vota præsentia reddimus, ad æterna præmia, te adiuuante, peruenire mereamur. Per Dominum.

Præfatio.

Æterne Deus. Qui hanc Ecclesiam nomini tuo dicatam, annua festiuitate illustras: atque mysticis ornatam virtutibus, de terris mittis ad cœlum. Hæc est enim, Domine, mater viuentium, vita, & salus omnium in te credentium. Hæc est Sponsa Agni tui, mirabili ipsius illustrata decore: propter quam, clementissime Pater, Unigenitus tuus Crucem pertulit, & Aduersarium vicit. Unde & à dextris tuis in cœlestibus constituta, ac suorum ciuium, decorata virtute, Maiestatem tuam trinâ voce interpellare non cessat. Quam laudant Angeli.

Confract. Gloriosa dicta sunt de te, Ciuitas Dei: memor ero Rahab, & Babylônis scientibus te.

Transit. Ierusalem attende ab Oriente, & vide opera Domini.

Oratio post Communionem.

Deus, qui Ecclesiam tuam, Unigeniti tui Sponsam vocare dignatus es, vt, quæ habet gratiam per fidei deuotionem, haberet etiam ex nomine pietatem: da, vt omnis hæc plebs, nomini tuo seruiens, huius vocabuli consortio digna esse mereatur. Per eundem Dominum nostrum.



MISSÆ

FERIALES AC VOTIVÆ.

Missæ cuiusque diei, quantum fieri possit, conuenire debet cum eiusdem Officio. Quocirca, non passim, sed aliquando tantum, & ob causam rationabilem, sequentes Missæ, iuxta Sacerdotis deuotionem, dici poterunt ijs diebus, qui non fuerint impediti Officio Solemni, aut proprio de Tempore, vel de Sanctis. Cæterum illæ, quæ per Hebdomadæ Ferias hîc distributæ sunt, dicuntur in Ferijs præsertim post Epiphaniam, & Pentecosten, quando scilicet non sit de Sanctis.

FERIA SECUNDA.

Pro pœnitentia, & remissione peccatorum.

Ingressa.

Respice in me, & miserere mei, Domine; quoniam vnicus, & pauper sum ego. Vide humilitatem meam, & laborem meum, & dimitte omnia peccata mea Deus meus.

Oratio super populum.

Exaudi Domine, quæsumus, supplicum preces, & confitentium tibi parce peccatis: vt pariter nobis indulgentiam tribuas benignus; & pacem. Per Dominum.

Epistola Beati Pauli Apostoli ad Romanos.

Ratres. Condelector legi Dei secundum interiorem hominem: video autem aliam legem in membris meis, repugnantem legi mentis meæ, & captiuantem me in lege peccati, & quæ est in membris meis. Infelix ego homo: quis me liberabit de corpore mortis huius? Gratia

Dei per Iesum Christum, Dominum nostrum.

Halleluia. **V.** Domine, refugium, factus es nobis à generatione, & progenie: Halleluia. Psal. 82.

Lectio sancti Euangelij secundum Lucam.

In illo tempore. Dixit Iesus Discipulis suis: Petite, & dabitur vobis: quærite, & inuenietis: pulsate, & aperietur vobis. Omnis enim, qui petit, accipit: & qui quærit, inuenit: & pulsanti aperietur. Quis autem ex vobis Patrem petit panem; nunquid lapidem dabit illi? Aut pisces; nunquid pro pisce serpentem dabit illi? Aut si petierit ouum; nunquid porriget illi scorpionem? Si ergo vos, cum sitis mali, nostis bona data dare filiis vestris; quanto magis Pater vester de cælo dabit spiritum bonum, petentibus se? Cap. 11.

Oratio super sindonem.

Deus, cui proprium est misereri semper, & parcere, suscipe deprecationem nostram: & quos delictorum catena constringit, miseratio tuæ pietatis absoluat. Per Dominum.

Offertor. Misereris omnium, Domine: & nihil odisti eorum, quæ fecisti: dissimulans peccata hominum propter pœnitentiam, & parcens illis; quia tu es Dominus Deus noster. Sap. 11.

Oratio super oblatam.

Hostias tibi, Domine, placationis, & laudis offerimus: vt & delicta nostra miseratus absolvas, & nutantia corda dirigas. Per Dominum nostrum, Iesum Christum, Filium tuum: qui tecum viuit, & regnat in vnitate.

Præ-

Præfatio.

Æterne Deus: Et te suppliciter exorare: vt sic nos donis tuis instruas sempiternis, vt temporalibus quoque consolari digneris: sic præsentibus refoueas, vt ad gaudia nos mansura perducas. Per Christum Dominum nostrum.

Confract. Tu vir Dei ora pro nobis ad Dominum: quia peccata nostra aduersantur nobis: vt faciat nobiscum Dominus secundum magnam misericordiam suam, & recedant à nobis.

Transitor. Peccauimus, Domine: peccatum nostrum contra nos est. Petimus deprecantes te: remitte nobis Domine: ne simul perdas nos cum peccatis nostris: quoniam tu es Deus poenitentium.

Oratio post Communionem.

Præsta nobis æterne Saluator: vt percipientes hoc munere veniam peccatorum, deinceps peccata vitemus. Qui viuis, & regnas.

FERIA TERTIA.

De Angelis.

Ingressa.

Benedicite Deum cœli, quia proiectus est Accusator fratrum nostrorum, & Angeli eius cum eo missi sunt; propterea omnis caro Deum benedicite.

Oratio super populum.

Plebem tuam, quæsumus, Domine, perpetua pietate custodi: vt secunda semper, & necessarijs adiuta subsidijs, Spirituum tibimet placitorum piâ semper veneratione lætetur. Per Dominum nostrum.

Lectio Libri Apocalypsis Beati Ioannis Apostoli.

In diebus illis. Dixit mihi Angelus: Scribe, Beati, qui ad coenam nuptiarum Agni vocati sunt. Et di-

xit mihi: Hæc verba Dei vera sunt. Et cecidi ante pedes eius, vt adorarem eum. Et dicit mihi: Vide, ne feceris; conseruus tuus sum, & fratrum tuorum habentium testimonium Iesu. Deum adora.

Halleluia. Qui facit Angelos suos spiritus; & ministros suos ignem ardentem: Halleluia.

Lectio sancti Euangelij secundum Ioannem.

In illo tempore. Ascendit Iesus Ierosolymam. Est autem Ierosolymis Probatica Piscina, quæ cognominatur Hebraicè Bethesda, quinque porticus habens. In his iacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendebat secundum tempus in Piscinam: & mouebatur aqua. Et qui prior descendisset in Piscinam post motionem aquæ, sanus fiebat à quacunque detinebatur infirmitate.

Oratio super sindonem.

Perpetuum nobis, Domine, tuæ miserationis præsta subsidium: quibus & Angelica præstitisti suffragia non deesse. Per Dominum.

Offertor. Cœlestis militiæ Princeps, magne Michael, deprecare Christum pro afflictorum gemitu, Redemptorem mundi.

Oratio super oblatam.

Hostias tibi, Domine, laudis offerimus, suppliciter deprecantes: vt easdem, Angelico pro nobis interueniente suffragio, & placatus accipias, & ad salutem nostram prouenire concedas. Per Dominum.

Præfatio.

Æterne Deus. Quamuis enim illius sublimis Angelicæ substantiæ sit habitatio semper in cœlis; tuorum tamen fidelium præsumit affectus,

fectus, pro tuæ reuerentia potestatis, per hæc piæ deuotionis officia, quoddam retinere pignus in terris astantium in conspectu tuo iugiter ministrorum. Per Christum Dominum nostrum.

Confract. Multos infirmos curasti: multi in tribulatione venērunt ad te, quos tu orando liberaſti, Michael Archangele.

Transitor. Angeli circundedērunt altare: & Christus administrat Panem sanctorum, & Calicem vitæ in remissionem peccatorum.

Oratio post Communionem.

Repleti, Domine, benedictione coeleſti suppliciter imploramus: vt, quod fragili celebramus officio, Sanctorum Angelorum nobis prodesse sentiamus auxilio. Per Dominum nostrum.

FERIA QVARTA.

Ad postulandam sapientiam.

Ingressa.

OSapientia, quæ ex ore Altissimi processisti, attingens à fine vsque ad finem fortiter, disponensque omnia suauiter: veni ad docendum nos viam scientiæ.

Oratio super populum.

Deus, qui misisti Filium tuum, & ostendisti creaturæ Creatorem, respice propitius super nos famulos tuos: & præpara sanctæ sapientiæ dignam in cordibus nostris habitationem. Per eundem Dominum.

Epistola Beati Iacobi Apostoli.

Charissimi. Scimus, quod probatio fidei vestræ patientiam operatur. Patientia autem opus perfectum habet: vt sitis perfecti, & integri, in nullo deficientes. Si quis autem vestrum indiget sapientia; postulet à Deo, qui dat omnibus affluenter, & non impropertat; & dabi-

tur ei. Postulet autem in fide nihil hæsitans.

Hallel. Domine, refugium factus es nobis à generatione, & progenie: Halleluia.



Lectio sancti Euangelij
secundum Ioannem.

In illo tempore. Subleuatis Iesus oculis in coelum, dixit; Pater, venit hora: clarifica Filium tuum, vt Filius tuus clarificet te: sicut dedisti ei potestatem omnis carnis; vt omne, quod dedisti ei, det eis vitam æternam. Hæc est autem vita æterna, vt cognoscant te solum Deum verum, & quem misisti, Iesum Christum.

Oratio super sindonem.

Deus, qui per coæternam tibi sapientiam hominem, cum non esset, condidisti, perditumque misericorditer reformasti, præsta, quæsumus: vt, eadem pectora nostra inspirante, te tota mente amemus, & ad te toto corde curramus. Per Dominum nostrum.

Offertor. Lex Domini irreprehensibilis, conuertens animas: testimonium Domini fidele: sapientiam præstans paruulis.

Oratio super oblatam.

Sanctificetur, quæsumus, Domine Deus, huius nostræ oblationis munus, tua cooperante sapientia: vt tibi placere possit ad laudem, & nobis proficere ad salutem. Per Dominum nostrum.

Præfatio.

Æterne Deus. Qui tui nominis agnitionem, & tuæ potentie gloriam nobis in coæterna tibi sapientia reuelare voluisti: vt, tuam, confitentes Maieſtatem, & tuis inhaerentes mandatis, tecum vitam habeamus æternam. Per Christum.

Confract. Apud te, Domine, fons est vitæ: & in lumine tuo videbimus lumen.

Transit. Qui sequitur me, non ambulat in tenebris, sed habebit lumen vitæ: dicit Dominus.

Oratio post Communionem.

Infunde, quæsumus, Domine Deus, per hæc, quæ sumpsimus, tuæ cordibus nostris lumen sapientiæ: vt te veraciter agnoscamus, & fideliter diligamus. Per Dominum.

FERIA QUINTA.

Ad postulandam charitatem:

Ingressa.

SI diligitis me; mandata mea seruare. Iterum mandatum nouum do vobis, vt diligatis inuicem, sicut dilexi vos: dicit Dominus.

Oratio super populum.

Deus, vita fidelium, gloria humilium, beatitudo iustorum, propitius accipe supplicum preces: vt animæ, quæ promissiones tuas sitiunt, de tuæ semper charitatis abundantia repleantur. Per Dominum.

Epistola Beati Pauli Apostoli ad Corinthios prima.

Fratres. Caritas patiens est, benigna est. Caritas non æmulator, non agit perperam, non inflatur, non est ambitiosa, non quærit, quæ sua sunt. Non irritatur; non cogitat malum; non gaudet super iniquitate; congaudet autem veritati. Omnia suffert; omnia credit; omnia sperat; omnia sustinet. Caritas nunquam excidit.

Halleluia. **V.** Emitte Spiritum tuum; & creabuntur, & renouabis faciem terræ: Halleluia.



Lectio sancti Euangelij secundum Ioannem.

In illo tempore. Dixit Iesus Discipulis suis: Filioli, adhuc modicum vobiscum sum. Quærétis me: & sicut dixi ludæis. Quò ego vado, vos non

potestis venire; & vobis dico modò, Mandatum nouum do vobis: vt diligatis inuicem, sicut dilexi vos, vt & vos diligatis inuicem. In hoc cognoscent omnes, quia discipuli mei estis; si dilectionem habueritis adinuicem.

Oratio super sindonem.

Omnipotens sempiterne Deus, qui iustitiam tuæ legis in cordibus credentium digito tuo scribis, da nobis fidei, spei, & charitatis augmentum: & vt mereamur assequi, quod promittis, fac nos amare, quæ præcipis. Per Dominum nostrum.

Offert. Fratres, sit nobis cor vnum in Deo, & anima vna. Author pacis, Rex æterne, ab omni malo tu nos defende.

Oratio super oblatam.

Mitte Domine, quæsumus, Spiritum Sanctum: qui & hæc munera præsentia tuum nobis efficiat sacramentum, & ad hoc percipiendum nostra corda purificet. Per Dominum &c. in vnitatem eiusdem.

Præfatio.

Æterne Deus. Qui fideles tuos mutua faciens lege concordans pacem tuam tali foedere nexuisti: vt nec alteri quisquam moliretur infligere, quod sibi nollet inferri: & bona, quæ suis vtilitatibus cuperet tribui à consorte naturæ, hæc idem ipse quoque præstaret: quatenus, dum mutua sibi pietate prospiciunt; in singulis natura fieret semetipsam diligens; essetque mens vna cunctorum. Per Christum Dominum.

Confract. In hoc cognoscent omnes, quia discipuli mei estis; si dilectionem habueritis ad inuicem.

Transitor. Diligamus nos inuicem; quia caritas Deus est. Et qui diligit fratrem suum, ex Deo natus est, & videt Deum: & in hoc caritas Dei perfecta est. Et, qui facit voluntatem

tem Dei, manet in æternum.

Oratio post Communionem.

Spiritum nobis Domine tuæ charitatis infunde: vt, quos vno celesti pane satiaſti, tua facias pietate concordēs. Per Dominum &c. in vnitāte eiūſdem.

EADEM FERIA QUINTA.

De Spiritu Sancto.

Hæc tamen Miſſa ferialis aliquando fit ſolemnis. Et tunc dicuntur Lectio cum ſuo pſalmello, ac Verſu; itemq; Antiphona poſt Euangelium: quæ propterea hic appoſita fuerunt. Tunc etiam ab ipſomet Celebrante, addentur Gloria in excelsis Deo, & Credo.

Ingreſſa.

Sap. 1. **S**piritus Domini repleuit orbem terrarum: Halleluia. Et hoc, quod continet omnia, ſcientiam habet vocis: Hallel. hallel.

Oratio ſuper populum.

Deus, qui corda fidelium Sancti Spiritus illustratione docuiſti: da nobis in eodem Spiritu recta ſapere, & de eius ſemper conſolatione gaudere. Per Dominum noſtrum, &c. in vnitāte eiūſdem.

Lectio Actuum Apoſtolorum.

cap. 8. **I**n diebus illis. Cum audiſſent Apoſtoli, qui erant Ieroſolymis, quod recepisset Samaria verbum Dei; miſerunt ad eos Petrum, & Ioannem. Qui cum veniſſent; orauerunt pro ipſis, vt acciperent Spiritum Sanctum. Nondum enim in quenquam illorum venerat; ſed baptizati tantum erant in nomine Domini Ieſu. Tunc imponebant manus ſuper illos; & accipiebant Spiritum Sanctum.

Psalm. 50. **Pſalmell.** Cor mundum crea in me, Deus, & Spiritum rectum innoua in viſceribus meis. Ne proijcias me à

facie tua, & Spiritum Sanctum tuum ne auferas à me.

V. Redde mihi lætitiā Salutaris tui, & Spiritu principali confirma me.

Epistola Beati Pauli Apoſtoli ad Corinthios prima.

Fratres. Nobis reuelauit Deus^{Cap. 2.} per Spiritum ſuū. Spiritus enim omnia ſcrutatur, etiam profunda Dei. Quis enim hominum, ſcit, quæ ſunt hominis, niſi ſpiritus hominis, qui in ipſo eſt? Ita &, quæ Dei ſunt, nemo cognouit, niſi Spiritus Dei. Nos autem non ſpiritum, mundi accepimus, ſed Spiritum, qui à Deo eſt; vt ſciamus, quæ à Deo donata ſunt nobis. Quæ & loquimur, non in doctis humanæ ſapientiæ verbis, ſed in doctrina Spiritus, ſpiritualibus ſpiritualia comparantes. Animalis autem homo non percipit ea, quæ ſunt Spiritus Dei. Stultitia enim eſt illi; & non poteſt intelligere; quia ſpiritualiter examinatur. Spiritualis autem iudicat omnia: & ipſe à nemine iudicatur. Quis autem cognouit ſenſum Domini, aut quis inſtruxit eum? Nos autem ſenſum Chriſti habemus.

Halleluia. **V.** Emitte Spiritum tuum; & creabuntur; & renouabis faciem terræ: Halleluia.

Lectio ſancti Euangelij ſecundum Ioannem.

In illo tempore. Dixit Ieſus Discipulis ſuis: Si quis diligit me; ſermonem meum ſeruabit; & Pater meus diliget eum; & ad eum veniemus, & manſionem apud eum faciemus. Qui non diligit me, ſermones meos non ſeruat. Et ſermonem, quem audiſtis, non eſt meus; ſed eius, qui miſit me, Patris. Hæc locutus ſum vobis apud vos manens. Paracletus autem Spiritus Sanctus, quem

quem mittet Pater in nomine meo, ille vos docebit omnia, & suggeret vobis omnia, quaecunque dixerò vobis. Pacem relinquo vobis, pacem meam do vobis. Non quomodo mundus dat, ego do vobis. Non turbetur cor vestrum, neque formidet. Audistis, quia ego dixi vobis: Vado, & venio ad vos. Si diligeretis me; gauderetis utique, quia vado ad Patrem; quia Pater maior me est. Et nunc dixi vobis, priusquam fiat; ut, cum factum fuerit, credatis. Iam non multa loquar vobiscum. Venit enim Princeps mundi huius, & in me non habet quicquam. Sed ut cognoscat mundus, quia diligo Patrem: & sicut mandatum dedit mihi Pater, sic facio.

Antiphona post Euangelium.

^{12c.}
^{36.} Cum sanctificatus fuero in vobis, congregabo vos de vniuerso mundo: dabo vobis cor nouum: Halleluia, halleluia.

Oratio super sindonem:

Adsit nobis, Domine, quæsumus, virtus Spiritus Sancti: quæ & corda nostra clementer expurget, & ab omnibus nos tueatur aduersis. Per Dominum &c. in vnitatem eiusdem.

^{12c.}
^{50.} **Offertor.** Cor mundum crea in me, Deus: & Spiritum rectum innoua in visceribus meis. Ne proijcias me à facie tua, & Spiritum Sanctum tuum ne auferas à me: Halleluia.

Oratio super oblatam:

Mvnera, quæsumus, Domine, oblata sanctifica: & corda nostra Sancti Spiritus illustratione emunda. Per Dominum nostrum &c. in vnitatem eiusdem.

Præfatio.

Per Christum Dominum nostrum. Qui ascendens super omnes cælos, sedensque ad dexteram tuam,

promissum Spiritum Sanctum in filios adoptionis effudit. Vnde profusis gaudijs totus in orbe terrarum, mundus exultat &c.

Confract. **R**edde mihi lætitiā Salutaris tui, & Spiritu principali confirma me: Halleluia.

Tranfit. **A**ccedite ad altare Dei, purificate corda vestra, & replemini Spiritu Sancto, fumentes Corpus, & Sanguinem Christi in remissionem peccatorum: Hallel.

Oratio post Communionem.

Sancti Spiritus, Domine, quæsumus, corda nostra mundet infusio: & sui roris intima aspersione fecundet. Per Dominum &c. in vnitatem eiusdem.

AD POSTVLANDAM GRATIAM Sancti Spiritus.

Dicitur Missa præcedens cum sequentibus Orationibus.

Oratio super populum.

Deus, cui omne cor patet, & omnis voluntas loquitur, & quem nullum latet secretum: purifica per infusionem Sancti Spiritus cogitationes cordis nostri; ut te perfecte diligere, & dignè laudare mereamur. Per Dominum &c. in vnitatem eiusdem.

Oratio super sindonem.

Illo nos igne, quæsumus, Domine, Spiritus Sanctus inflammet: quem Dominus noster, Iesus Christus misit in terram, & voluit vehementer accendi. Qui tecum &c. in vnitatem eiusdem.

Oratio super oblatam:

Hæc oblatio, quæsumus, Domine, cordis nostri maculas emundet: ut Sancti Spiritus digna efficiatur habitatio. Per Dominum, &c. in vnitatem eiusdem Spiritus Sancti Deus.

Oratio

Oratio post Communionem.

Concede, quæsumus, omnipotens Deus, Sanctum nos Spiritum votis promereri sedulis: quatenus eius gratiâ & ab omnibus liberemur tentationibus, & peccatorum nostrorum indulgentiam mereamur accipere. Per Dominum &c. in unitate eiusdem.

FERIA SEXTA.

De Cruce.

Ingressa.

O Crux illa magna, fallens gaudia tartarorum, & resoluens vincula peccatorum: gaudeant omnes gentes; quia Rex noster Infernum vicit: Halleluia, halleluia.

Oratio super populum.

Deus, cui cunctæ obediunt creaturæ, & omnia verbo tuo in sapientia fecisti, supplices quæsumus ineffabilem misericordiam tuam: ut, quos per Sanctæ Crucis Lignum pio Filij tui cruore dignatus es redimere, tu, qui es lignum vitæ, Paradisique reparator, omnibus in te credentibus diri Serpentis venena extinguas: & per gratiam Sancti Spiritus poculum salutis semper infundas. Per eundem Dominum nostrum &c. in unitate eiusdem.

Epistola Beati Pauli Apostoli ad Philippenfes.

Cap. 2. **F**ratres. Christus factus est obediens usque ad mortem, mortem autem crucis. Propter quod & Deus exaltauit illum; & donauit illi nomen, quod est super omne nomen: ut in nomine IESV omne genuflectatur, coelestium, terrestrium, & infernorum: & omnis lingua confiteatur, quia Dominus Iesus Christus in gloria est Dei Patris.

Gal. 6. **H**alleluia. **V.** Nos autem gloriari

oportet in Cruce Domini nostri, Iesu Christi: Halleluia.

Lectio sancti Euangelij secundum Matthæum.

Cap. 10. **I**n illo tempore. Ascendens Iesus Ierosolymam assumpsit secum duodecim Discipulos suos secreto, & ait illis: Ecce ascendimus Ierosolymam: & Filius hominis tradetur Principibus Sacerdotum, & Scribis. Et condemnabunt eum morte: & tradent eum gentibus ad illudendum, & flagellandum, & crucifigendum: & tertia die resurget.

Oratio super sindonem.

Deus, qui vnigeniti Filij tui pretioso sanguine viuifica Crucis vexillum sanctificare voluisti, concede, quæsumus: eos, qui eiusdem Sanctæ Crucis gaudent honore, tua quoque ubique protectione gaudere. Per eundem Dominum nostrum.

Offertor. Nos autem gloriari oportet in Cruce Domini nostri, Iesu Christi: in quo est salus, vita, & resurrectio nostra: per quem saluati, & liberati sumus: Halleluia. hallel.

Oratio super oblatam.

Hæc oblatio, Domine, ab omnibus nos purget offensis: quæ in ara Crucis etiam totius mundi tulit offensam. Per Dominum nostrum.

Præfatio.

Æterne Deus. Qui salutem humani generis in ligno Crucis constituisti: ut, vnde mors oriebatur, inde vita resurgeret: & qui in ligno vincebat, in ligno quoque vinceretur. Per Christum.

Confract. Laudamus te Christe, & hymnum dicimus tibi; quia per sanctam Crucem tuam redemisti mundum: Halleluia.

Transit. Sicut misertus es, Deus, Latroni in Cruce; memento mei Domine, in Regno tuo.

Ora-

Oratio post Communionem.

Adesto nobis Domine, Deus noster: & quos Sanctæ Crucis lætari fecisti honore, eius quoque perpetuis defende subsidijs. Per Dominum nostrum, Iesum Christum, Filium tuum.

EADEM FERIA SEXTA.

De Passione Domini,
& quinque Plagis,
Ingressa.

Humiliauit semetipsum Dominus noster, Iesus Christus usque ad mortem, mortem autem Crucis. Propter quod & Deus illum exaltauit, & donauit illi nomen, quod est super omne nomen.

Oratio super populum.

Domine, Iesu Christe, qui de coelis ad terram de sinu Patris descendisti, & sanguinem tuum pretiosum in remissionem peccatorum nostrorum fudisti, te humiliter deprecamur: vt in die Iudicij ad dexteram tuam audire mereamur, Venite benedicti. Qui viuis.

Lectio Zachariæ Prophetæ.

Hæc dicit Dominus Deus. Effundam super domum Dauid, & super habitatores Ierusalem spiritum gratiæ, & precum: & aspicient ad me, quem confixerunt: & plangent eum planctu quasi super vnigenitum: & dolebunt super eum, vt doleri solet in morte primogeniti. In die illa magnus erit planctus in Ierusalem, & dicetur ei: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Framea fuscitare super pastorem meum, & super virum coherentem mihi: dicit Dominus exercituum: Percute pastorem; & dispergentur oues.

Halleluia: V. Improperium expectauit cor meum, & miseriam: & sustinui, qui simul contristaretur, & non fuit: consolantem me quasiui, & non inueni: & dederunt in escam meam fel: & in siti mea potauerunt me aceto: Halleluia.



Lectio sancti Euangelij
secundum Ioannem.

In illo tempore. Sciens Iesus; quia omnia iam consummata sunt; vt consummaretur scriptura, dicit, Sitio. Vas ergo erat positum aceto plenum. Illi autem spongiam plenam aceto, hyssopo circumponentes, obtulerunt ori eius. Cum ergo accepisset Iesus acetum; dixit, Consummatum est; & inclinato capite tradidit spiritum. Iudæi ergo (quoniam Parasceue erat) vt non remanerent in cruce corpora Sabbato (erat enim magnus dies ille Sabbati) rogauerunt Pilatum, vt frangerentur eorum crura, & tollerentur. Venerunt ergo milites: & primi quidem fregērunt crura, & alterius, qui crucifixus est cum eo. Ad Iesum autem cum venissent; vt viderunt eum iam mortuum, non fregērunt eius crura; sed vnus militum lanceâ latus eius aperuit, & continuo exiuit sanguis, & aqua. Et, qui vidit, testimonium perhibuit: & verum est testimonium eius.

Oratio super sindonem.

Deus, qui voluisti, Vnigenitum tuum pro nostrorum mortificatione sensuum quinque plagas in suo pretioso corpore sustinere, præsta, quæsumus: vt, ipsis mortificatis, in tua gratia viuificati semper permanere valeamus. Per eundem.

Offertor. Insurrexerunt in me viri iniqui absque misericordia: quæsierunt me interficere, & non pepercerunt in faciem meam spueri: lanceis suis

fuis vulnerauerunt me: & concussa sunt omnia ossa mea.

Oratio super oblatam.

Oblatum tibi, Domine, sacrificium, intercedente vnigeniti Filij tui Passione, viuificet nos semper, & muniat. Qui tecum viuit, & regnat cum Deo Patre in vnitate Spiritus Sancti Deus.

Præfatio.

Per Christum Dominum nostrum. Qui per Passionem, & Crucem, mundum redemit, & antiquæ arboris amarissimum gustum Crucis medicamine indulcauit: & mortem, quæ per lignum vetitum venerat, per ligni trophæum deuicit; vt mirabili suæ pietatis dispensatione, qui per ligni gustum ab Horto deliciarum discessimus, per lignum Crucis ad Paradisi patriam redeamus. Et ideo cum Angelis.

Psal. 21. Confract. Foderunt manus meas, & pedes meos: & dinumerauerunt omnia ossa mea.

Transitor. Postquam humiliatus est, & conspuitus, & lignum Crucis enormiter passus; accepit acetum cum felle mistum; & dixit, Consummatum est.

Oratio post Communionem.


Domine, Iesu Christe, Fili Dei viui, qui horâ sextâ pro redemptione mundi Crucis patibulum ascendisti, & sanguinem tuum pretiosum in remissionem peccatorum, nostrorum fudisti, te humiliter deprecamur: vt post obitum nostrum Paradisi ianuas nos gaudenter introire concedas. Qui viuis, & regnas, cum Deo Patre in vnitate Spiritus Sancti Deus.



SABBATO.

De Sancta Virgine Maria.

Ingressa.



Ve, Maria gratiâ plena: ^{Luc. 1.} Dominus tecum: benedicta tu inter mulieres; & benedictus fructus ventris tui. Ecce ancilla Domini; fiat mihi secundum verbum tuum.

Oratio super populum.

Omnipotens Deus famulos tuos dexterâ potentia tuæ à cunctis protege periculis: & Beata Maria, semper Virgine intercedente, fac eos præsentis gaudere prosperitate, & futura. Per Dominum.

Lectio Libri Sapientia.

Ab initio, & ante sæcula creata, ^{Eccl. 1. Cap. 24.} sum, & vsque ad futurum sæculum non desinam, & in habitatione sancta coram ipso ministraui. Et sic in Sion firmata sum, & in ciuitate sanctificata similiter requieui, & in Ierusalem potestas mea. Et radicaui in populo honorificato, & in parte Dei mei hæreditas illius: & in plenitudine sanctorum detentio mea.

Halleluia. ^{Luc. 1.} Benedicta tu inter mulieres, & benedictus fructus ventris tui: Halleluia.

✠ Lectio sancti Euangelij
secundum Lucam.

In illo tempore. Intrauit Iesus in ^{Cap. 10.} quoddam castellum: & mulier quædam, Martha nomine, excipit illum in domum suam: & huic erat soror, nomine Maria: quæ etiam sedens secus pedes Domini audiebat verbum illius. Martha autem fatigabat circa frequens ministerium: quæ stetit, & ait: Domine non est tibi curæ, quod soror mea reliquit me solam ministrare? Dic ergo illi, vt me adiuuet. Et respondens dixit illi Dominus: Martha, Martha, sollicita

cita es, & turbaris erga plurima. Porro vnum est necessarium. Maria optimam partem elegit, quæ non auferetur ab ea.

Antiphona post Euangelium.

Sub tuam misericordiam confugimus, Dei Genitrix, nostram deprecationem ne inducas in tentationem; sed de periculo libera nos sola casta, & benedicta.

Oratio super sindonem.

Concede, nos famulos tuos, quæsumus, Domine Deus, perpetua mentis, & corporis prosperitate gaudere: & gloriosa Beatæ Mariæ semper Virginis intercessione à præfenti liberari tristitia, & æterna perfrui lætitia. Per Dominum.

Offertor. Beata, & venerabilis Virgo, quibus te laudibus præferam, necio. Quem cœli non capiunt, tuis gremijs continetur.

V. Benedicta tu inter mulieres, & benedictus fructus ventris tui, qui est Christus Dominus. Quem cœli non capiunt, tuis gremijs continetur.

Oratio super oblatam.

Tva, Domine, propitiatione, & Beatæ Mariæ semper Virginis intercessione: ad perpetuam, atque præsentem hæc oblatio nobis proficiat prosperitatem, & pacem. Per Dominum nostrum.

Prælatio.

Æterne Deus. Qui genus humanum, præuaricatione sua in ipsius originis radice damnatum, per Florem virginalis vteri reddere dignatus es absolutum: vt hominem, quem per Vnigenitum tuum creaue-
ras, per eundem Filium tuum, Deum, & hominem recreares: & Diabolus, qui Adam in fragili carne deuicerat, conseruatâ à Deo iustitiâ, carne vinceretur assumptâ. Per eundem Christum Dominum.

Confract. Beatus ille venter, qui te portauit, Christe: & beata vbera, quæ te lactauerunt Dominum, & Saluatorem mundi.

Transitor. Magnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, sanctificationes tuas trans mitte nobis.

Oratio post Communionem.

Sumptis, Domine, salutis nostræ subsidijs: da, quæsumus, Beatæ Mariæ patrocinijs nos vbique protegi: in cuius veneratione hæc tuæ obtulimus Maiestati. Per Dominum.


MISSA VOTIVA

De Annunciatione Sanctæ

Virginis Mariæ:

Quæ dici potest in Aduentu;
si de B. Mariâ Virgine
dicenda sit.

Ingressa.



Missus est Angelus Gabriel ad Mariam Virginem desponsatam, Ioseph, nuncias Virgini: & expauescit Virgo de lumine. Ne timeas; inuenisti gratiam apud Dominum. Ecce concipies, & paries filium: & vocabitur Altissimi Filius.

Oratio super populum.

Deus, qui de Beatæ Mariæ Virginis vtero Verbum tuum, Angelo nunciante, carnem suscipere voluisti, præsta supplicibus tuis: vt, qui verè eam Dei Genitricem credimus, eius apud te intercessionibus adiuuemur. Per eundem Dominum.

Lectio Libri Sapientiæ.

Ego quasi vitis fructificaui suauitatem odoris: & flores mei fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me gra-

gratia omnis viæ, & veritatis: in me omnis spes vitæ, & virtutis. Transite ad me omnes, qui concupiscitis me, & à generationibus meis implemini. Spiritus enim meus super mel dulcis, & hæreditas mea super mel, & fauum. Memoria mea in generationes sæculorum. Qui edunt me, adhuc esurient: & qui bibunt me, adhuc sitient. Qui audit me, non confundetur: & qui operantur in me, non peccabunt. Qui elucidant me, vitam æternam habebunt.

Halleluia. Suscipiant, Domine, montes, & colles populo tuo pacem.

V. Iustitia iudicabit egénos populi, vt saluet filios pauperum: Halleluia.

Lectio sancti Euangelij secundum Lucam.

In illo tempore. Missus est Angelus Gabriel à Deo in Ciuitatem Galilææ, cui nomen Nazareth, ad Virginem desponsatam viro, cui nomen erat Ioseph, de domo Dauid: & nomen Virginis Maria. Et ingressus Angelus ad eam, dixit: Ave gratiâ plena; Dominus tecum: Benedicta tu in mulieribus. Quæ, cum audisset, turbata est in sermone eius: & cogitabat, qualis esset ista saluatio. Et ait Angelus ei: Ne timeas Maria; inuenisti enim gratiam apud Deum. Ecce concipies in vtero, & paries Filium, & vocabis nomen eius Iesum. Hic erit magnus, & Filius Altissimi vocabitur. Et dabit illi Dominus Deus sedem Dauid patris eius: & regnabit in domo Iacob in æternum, & regni eius non erit finis. Dixit autem Maria ad Angelum: Quomodo fiet istud; quoniam virum non cognosco? Et respondens Angelus, dixit ei: Spiritus Sanctus superueniet in te: & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei. Et

ecce Elisabeth cognata tua, & ipsa concipit filium in senectute sua. Et hic mensis sextus est illi, quæ vocatur Sterilis; quia non erit impossibile apud Deum omne verbum. Dixit autem Maria: Ecce ancilla Domini; fiat mihi secundum verbum tuum.

Antiphona post Euangelium.

Beata es Maria, quæ credidisti; per-
ficientur in te, quæ dicta sunt tibi à Domino.

Oratio super sindonem.

Deus, qui Verbum tuum Beatæ Virginis vtero coadunare voluisti: fac nos ita semper agere, vt tibi placere valeamus. Per eundem Dominum.

Offertor. **S**uscipe verbum Virgo Maria, quod tibi per Angelum à Domino transmissum est; vt benedicta dicaris inter omnes mulieres.

V. Spiritus Sanctus in te descendet, Maria. Ne timeas; habebis in vtero Filium Dei; vt benedicta dicaris inter omnes mulieres.

Oratio super oblatam.

In mentibus nostris, Domine, veræ fidei sacramentum confirma; vt, qui conceptum de Virgine Deum verum, & hominem confitemur, per eius salutiferæ Resurrectionis potentiam ad æternam peruenire mereamur lætitiâ. Qui tecum.

Præfatio.

Æterne Deus. Qui Beatæ Mariæ Virginis partum Ecclesiæ tuæ tribuisti celebrare mirabile mysterium, & inenarrabile sacramentum. In qua manet intacta castitas, pudor integer, firma constantia. Quæ lætatur, quod virgo concipit, quod cœli Dominum castis portauit visceribus; quod edidit partum, admirandam diuinæ dispensationis operationem. Quæ virum non cognouit, & mater est, & post filium est

est virgo. Duobus enim gauisa muneribus, miratur quod virgo peperit, lætatur quod Redemptorem mundi edidit, Iesum Christum, Dominum nostrum. Per quem maiestatem tuam.

Confract. Confirmatum est cor Virginis Mariæ, Angelo Domini dicente ad eam: Ave gratiâ plena; Dominus tecum: Benedicta tu in mulieribus.

Transitor. Ave Mariâ, gratiâ plena; Dominus tecum: Benedicta tu inter mulieres, & benedictus fructus ventris tui.

Oratio post Communionem.

Gratiam tuam, quæsumus, Domine, mentibus nostris infunde: vt, qui, Angelo nunciante, Christi Filij tui Incarnationem cognouimus, per Passionem eius, & Crucem, ad Resurrectionis gloriam perducamur. Per eundem Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus.

MISSA VOTIVA,

Sed ritu Solemni,
De Sancta Virgine Mariâ.

Ingressa.



Irgo, Dei Genitrix: quem totus non capit orbis, in tua se clausit viscera, factus homo. Vera fides Geniti purgavit crimina mundi: & tibi virginitas inuiolata manet.

Dicitur: Gloria in excelsis Deo.

Oratio super populum.

Deus, qui salutis æternæ Beatæ Mariæ virginitate fœcundâ humano generi præmia præstitisti, tribue, quæsumus: vt ipsam pro nobis intercedere sentiamus, per quam meruimus authorem vitæ suscipere, Dominum nostrum, Iesum Christum, Filium tuum. Qui tecum.

Lectio Libri Sapientia.

Ab initio, & ante sæcula &c. vt paulò ante, in Sabbati Missa de Sancta Mariâ Virgine, pag. 33.

Psalme. Dilexisti iustitiam, & odisti iniquitatem; propterea vnxit te Deus, Deus tuus, oleo lætitiæ præ confortibus tuis.

Epistola Beati Pauli Apostoli ad Romanos.

FRatres. Deus Filium suum mittens in similitudinem carnis peccati &c. vt in Dominica post Natiuitatem Domini, pag. 39.

Halleluia. Diffusa est gratia in labijs tuis; propterea benedixit te Deus in æternum: Hallel.

Lectio sancti Euangelij
Secundum Lucam.

In illo tempore. Intrauit Iesus in quoddam castellum &c. vt paulò ante, in Sabbati Missa de Sancta Mariâ Virgine, pag. 33.

Antiphona post Euangelium.

Sub tuam misericordiam confugimus, Dei Genitrix, nostram deprecationem ne inducas in tentationem; sed de periculo libera nos sola casta, & benedicta.

Oratio super findonem.

Concede, quæsumus, misericors Deus, fragilitati nostræ præsidium: vt, qui Sanctæ Dei Genitricis Mariæ memoriam agimus, intercessionis eius auxilio à nostris iniquitatibus resurgamus. Per eundem Dominum nostrum.

Offertor. Ante colles ego parturiebar: adhuc terram non fecerat: quando præparabat coelos, aderam: dum vallâret mari terminos, & legem poneret aquis, ego eram.

Dicitur: Credo.

Oratio super oblatam.

Altari tuo, Domine, superposita munera Spiritus Sanctus assummat

Missa votiva de Sanctissima Trinitate.

37

mat : qui Beatæ Mariæ viscera sui splendoris veritate repleuit. Per Dominum nostrum &c. in vnitate eiusdem Spiritus Sancti Deus.

Præfatio.

Æ Quum, & salutare, nos in omnium Sanctorum tuorum profectu tibi gratias agere, Domine Sancte, Pater omnipotens, æterne Deus: & præcipuè pro meritis Beatæ Dei Genitricis, & perpetuæ Virginis Mariæ, gratia plenæ, tuam omnipotentiam laudare, benedicere, & prædicare. Per Christum Dominum.

Confract. Virgo Verbum concépit, virgo permansit, virgo genuit Regem omnium Regum.

Transit. Maria Virgo semper lætare: quæ tantam gratiam meruisti à Domino, cœli, & terræ Creatorem de tuo vtero generare.

Oratio post Communionem.

A Desto nobis omnipotens Deus: vt, quæ fideliter sumpsimus, mente, & corpore, Beatæ Mariæ, piæ matris, & perpetuæ virginis intercessione custodiamus. Per Dñm.

MISSA VOTIVA

De Sanctissima Trinitate.

In qua, si fuerit Solemnis, dicentur, Gloria in excelsis Deo, Lectio cum Psalmello, & Versu Dominicæ, quæ præcesserit, Antiphona post Euangelium, & Credo.

Ingressa.



Benedicta sit Creatrix, & Gubernatrix omnium, Sancta, & individua Trinitas, & nunc, & semper, & per infinita sæcula sæculorum.

Oratio super populum.

O Mnipotens sempiterne Deus, qui dedisti famulis tuis, in confessione veræ fidei, æternæ Trinitatis

gloriam agnoscere, & in potentia Maiestatis adorare vnitatem, quæsumus: vt eiusdem fidei firmitate ab omnibus muniamur aduersis. Per Dominum nostrum.

E pistola Beati Pauli Apostoli ad Corinthios secunda.

F Ratres. Gaudete, perfecti estote, exhortamini, idem sapite, pacem habete: & Deus pacis, & dilectionis erit vobiscum. Gratia Domini nostri, Iesu Christi, & charitas Dei, & communicatio Sancti Spiritus sit cum omnibus vobis. Amen.

Hallelùiah. Benedicamus Patrem, & Filium cum Sancto Spiritu: Hallel.

In Solemni.

Hallelùiah. Venite: exultemus Domino, iubilemus Deo salutari nostro: Hallelùiah.

Lectio sancti Euangelij secundum Ioannem.

I N illo tempore. Dixit Iesus Discipulis suis: Cum venerit Paraclitus, quem ego mittam vobis à Patre, Spiritum veritatis, qui à Patre procedit; ille testimonium perhibebit de me. Et vos testimonium perhibebitis; quia ab initio mecum estis. Hæc locutus sum vobis, vt non scandalizemini. Absque Synagôgis facient vos. Sed venit hora, vt omnis, qui interficit vos, arbitretur, obsequium se præstare Deo. Et hæc facient vobis; quia non nouerunt Patrem, neque me. Sed hæc locutus sum vobis, vt, cum venerit hora, eorum reminiscamini; quia ego dixi vobis.

Antiphona post Euangelium.

L audemus Patrem de cœlis, & Filium in excelsis, laudate Sanctum Spiritum omnes Virtutes eius.

Oratio super sindonem.

D Omine Deus, Pater omnipotens, famulos tuæ Maiestati subiectos

biectos, per unicum Filium tuum in virtute Sancti Spiritus benedic, & protege: ut ab omni hoste securi, in tua iugiter laude latentur. Per eundem Dñm &c. in unitate eiusdem.

Offertor. Tu es via; tu es veritas; tu es vita mundi, Domine.

Oratio super oblatam.

Sanctifica, quæsumus, Domine Deus per tui nominis inuocationem huius oblationis hostiam: & per eam nosmetipsos tibi perfice munus æternum. Per Dominum nostrum.

Præfatio.

Aterne Deus. Qui cum unigenito Filio tuo, & Spiritu Sancto unus es Deus, unus es Dominus: non in unius singularitate personæ, sed in unius Trinitate substantiæ. Quod enim de tua gloria, te reuelante, credimus, hoc de Filio tuo, hoc de Spiritu Sancto sine differentia discretionis sentimus: ut in confessione veræ, sempiternæque Deitatis, & in personis proprietas, & in essentia unitas, & in Maiestate adoretur æqualitas. Quam laudant Angeli.

Confract. Te laudamus, ò Beata Trinitas: te adoramus: te glorificamus: auge fidem credentibus.

Transit. Hæc est fides catholica: ut unum Deum in Trinitate, & Trinitatem in unitate veneremur.

Oratio post Communionem.

Proficiat nobis ad salutem corporis, & animæ, Domine Deus noster, huius sacramenti susceptio: & sempiternæ, sanctæque Trinitatis confessio. Per Dominum nostrum.

M I S S A V O T I V A

Pro gratiarum actione.

Pro hac dicitur Missa de SS. Trinitate, vel de Spiritu Sancto, vel de Sancta Virgine Maria, superadditis sequentibus Orationibus.

Oratio super populum.

Deus, cuius misericordiæ non est numerus, & bonitatis infinitus est thesaurus: piissimæ Maiestati tuæ pro collatis donis gratias agimus, tuam semper clementiam exorantes: ut, qui petentibus postulata concedis, eosdem non deserens, ad præmia futura disponas. Per Dominum.

Oratio super sindonem.

Præsta, quæsumus, omnipotens Deus: ut de perceptis muneribus tibi gratias exhibentes, beneficia potiora sumamus. Per Dominum.

Oratio super oblatam.

Deus, à quo omne datum optimum, & omne donum perfectum descendit, intende, precamur, vota, quæ reddimus cum actionibus gratiarum: & præsta, ut, qui tuis iugiter ditamur beneficijs, continuis etiam te laudibus honoremus. Per Dominum nostrum.

Oratio post Communionem.

Deus, qui neminem in te sperantem nimium affligi permittis, sed pium precibus præstas auditum: pro postulationibus nostris, votisque susceptis gratias agimus, te, Piissime, deprecantes; ut per hæc, quæ sumpsimus, à cunctis eripi mereamur aduersis. Per Dominum.

M I S S A V O T I V A

De Sanctis Angelis Custodibus.

Quæ si Solemnis non erit; omittuntur Gloria in excelsis Deo, Lectio cum suo Psalmello, & Versu, itemque Antiphona post Euangelium, & Credo.

Ingressa.



Benedicite Dominum, omnes Angeli eius: potentes virtute, facientes verbum eius, ad audiendam vocem sermonum eius.

Ora-

Missa votiuā de Sanctis Angelis Custodibus.

39

Oratio super populum.

Deus, qui ineffabili prouidentia Sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum.

Lectio Libri Exodi.

Cap.
23.

Hæc dicit Dominus Deus. Ecce ego mitto Angelum meum, qui præcedat te, & custodiat in via, & introducat in locum, quem præparavi. Obserua eum, & audi vocem eius, nec contemnendum putes, quia non dimittet te, cum peccaueris; & est nomen meum in illo. Quòd si audieris vocem eius, & feceris omnia, quæ loquor, inimicus ero inimicis tuis, & affligam affligentes te, præcedetque te Angelus meus.

Psalm.
90.

Psalmell. Angelis suis Deus mandauit de te, vt custodiant te in omnibus vijs tuis.

V. In manibus portabunt te, ne quando offendas ad lapidem pedem tuum.

Epistola Beati Pauli Apostoli ad Hebræos.

Cap.
1. &
2.

Fratres. Nonne omnes sunt ad ministratorij Spiritus, in ministerium missi propter eos, qui hæreditatem capient salutis? Propterea abundantius oportet obseruare nos ea, quæ audiuius: ne forte perefiamus. Si enim, qui per Angelos dictus est, sermo factus est firmus, & omnis præuaricatio, & inobedientia accepit iustam mercedis retributionem; quomodo nos effugiemus, si tantam neglexerimus salutem? Quæ, cum initium accepisset enarrari per Dominum ab eis, qui audierunt; in nos confirmata est, constante Deo signis, & portentis, & varijs virtutibus, & Spiritus Sancti

distributionibus secundum suam voluntatem.

Halleluia. **V.** Qui facit Angelos suos spiritus, & ministros suos ignem ardentem: Halleluia.



Lectio sancti Euangelij secundum Matthæum.

In illo tempore. Accesserunt Discipuli ad Jesum, dicentes: Quis, putas, maior est in Regno cœlorum? Et aduocans Jesus paruulum statuit eum in medio eorum, & dixit: Amen dico vobis: Nisi conuersi fueritis, & efficiamini sicut paruuli; non intrabitis in Regnum cœlorum. Quicumque ergo humiliauerit se, sicut paruulus iste: hic est maior in Regno cœlorum. Et, qui susceperit vnum paruulum talem in nomine meo; me suscipit. Qui autem scandalizauerit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris. Væ mundo à scandalis. Necesse est enim, vt veniant scandala; veruntamen væ homini illi, per quem scandalum venit. Si autem manus tua, vel pes tuus scandalizat te; abscinde eum, & proijce abs te. Bonum tibi est, ad vitam ingredi debilem, vel claudum, quàm duas manus, vel duos pedes habentem, mitti in ignem æternum. Et, si oculus tuus scandalizat te; erue eum, & proijce abs te. Bonum tibi est cum vno oculo in vitam intrare, quàm duos oculos habentem mitti in Gehennam ignis. Videte ne contemnatis vnum ex his pusillis. Dico enim vobis, quia Angeli eorum in cœlis semper vident faciem Patris mei, qui in cœlis est.

Antiphona post Euangelium.

Benedicite Dominum omnes Virtutes eius: ministri eius, qui facitis voluntates eius.

Oratio super sindonem.

Concede nobis omnipotens Deus: vt, qui Angelorum custodiâ, te donante, regimur, ac munimur; eorum magisterio instituti discamus terrena contemnere, & amare cœlestia. Per Dominum nostrum.

Psal.
101.

Offert. **B**enedicite Dominum omnia opera eius: in omni loco dominationis eius, benedic anima mea Dominum.

Oratio super oblatam.

Suscipe, Domine, munera, quæ pro Sanctorum Angelorum tuorum veneratione deferimus, & concede propitius: vt perpetuis eorum præfidijs à præsentibus periculis liberemur, & ad vitam perueniamus æternam. Per Dominum nostrum.

Præfatio.

Æterne Deus. Cuius admirabilis sapientiæ ordo in procuranda hominum salute Angelorum ministerio declaratur. Te supplices exoramus, vt, discussa caligine vitiorum, diuini vultus tui radios, quos à te iugiter illi excipiunt, ad nos sine impedimento transmittant: & quia nostræ beatitudinis tales, ac tantos in terris voluisti esse ministros, ijsdem nos consortes in cœlo associare digneris. Ubi Maiestatem tuam consonis laudibus venerantes sine fine dicamus: Sanctus, Sanctus, &c.

Pan.
3.

Confract. **B**enedicite omnes Angeli Domini Dominum: hymnum dicite, & superexaltate eum in sæcula.

Transit. **A**ngeli circundedêrunt altare: & Christus administrat Panem, sanctorum, & Calicem vitæ in remissionem peccatorum.

Oratio post Communionem.

Sumpsimus, Domine, diuina mysteria, Sanctorum Angelorum tuorum festiuitate lætantes: quæsumus, vt eorum protectione ab ho-

stium iugiter liberemur insidijs, & contra omnia muniamur aduersa. Per Dominum nostrum.

MISSA VOTIVA

Contra Paganos.

Ingressa.

Qui fecisti magnalia in Ægypto, mirabilia in terra Cham, & terribilia in mari rubro, non tradas nos in manus gentium: nec dominantur nobis, qui odêrunt nos.

Oratio super populum.

Omnipotens sempiterne Deus, in cuius manu sunt omnium potestates, & omnium iura regnorum, respice in auxilium Christianorum: vt gentes, quæ in sua feritate confidunt, dexteræ tuæ potentiâ contendantur. Per Dominum nostrum.

Lectio Libri Esther.

In diebus illis. Orauit Mardocheus ad Dominum, dicens: Domine, Deus, Rex omnipotens; in tua ditione cuncta sunt posita: & non est, qui possit tuæ resistere voluntati. Si enim decreueris saluare nos; continuo liberabimur. Tu enim, Domine, fecisti cœlum, & terram, & quicquid cœli ambitu continetur: tu es Dominus omnium: & non est, qui resistat Maiestati tuæ. Et nunc, Domine, Rex regum, Deus Abraham, miserere populo tuo: quia volunt nos inimici nostri perdere, & hæreditatem tuam delere. Ne despicias partem tuam, quam redemisti tibi: sed exaudi deprecationem nostram, & propitius esto forti, & funiculo hæreditatis tuæ: & conuerte luctum nostrum in gaudium; vt viuentes laudemus nomen tuum: & ne cludas ora canentium te, Domine, Deus noster.

Halleluia. **V.** Domine, refugium factus

factus es nobis à generatione, & progenie: Halleluia.

Lectio sancti Euangelij secundum Matthæum.

IN illo tempore. Dixit Iesus Discipulis suis: Audituri estis prælia, & opiniones præliorum: videte, ne turbemini. Oportet enim hæc fieri; sed nondum est finis. Confurget enim gens in gentem, & regnum in regnum: & erunt pestilentia, & fames, & terræmotus per loca. Hæc autem omnia initia sunt dolorum. Tunc tradent vos in tribulationem, & occident vos: & eritis odio omnibus gentibus propter nomen meum. Et tunc scandalizabuntur multi, & inuicem tradent, & odio habebunt inuicem. Et multi Pseudoprophetae surgent, & seducunt multos. Et quoniam abundabit iniquitas; refrigescet charitas multorum. Qui autem perseuerauerit usque in finem, hic saluus erit.

Antiphona post Euangelium.

Deus, qui conteris bella, adiutor, & protector esto nobis, & confringe inimicos nostros.

Oratio super sindonem.

Suscipe, Domine, supplicantis Ecclesiae tuae preces: & in protectione fidelium populorum antiqua brachij tui operare miracula; vt, hostibus nostris tua virtute compressis, secunda tibi seruiat catholica fides, & Christiana libertas. Per Dominum.

Offert. **C**onuertamur ad Dominum Deum nostrum, & effundamus coram ipso preces nostras cum lachrymis. Credo, recordabitur, & miserebitur nostri.

Oratio super oblatam.

Sacrificium, Domine, quod immolamus, placatus intende: vt propugnatores tuos ab omni eruas hostium nequitia, & in tuae protectionis securitate constituas. Per Dominum nostrum.

Præfatio.

Aterne Deus. Sub cuius potestatis arbitrio omnium regnorum continetur potestas. Te humiliter deprecamur, vt Principibus nostris propitius adesse digneris: vt, qui tuam se expetunt protectione defendi, nullam possint hostium impugnatione superari. Fidelem quoque populum tuum potentiae tuae muniat inuicta defensio: vt semper pio tibi deuotus affectu, & ab hostibus liberetur infestis & tranquillitatem pacis, & fidei consecutus, in tua iugiter laude perseueret. Per Christum Dominum nostrum.

Confract. **A** salute nostra Domine, longè ne discefferis, sed respice ad defensionem nostram.

Transit. **L**iberator noster de gentibus iracundis, ab insurgentibus in nos libera nos Domine.

Oratio post Communionem.

Protector noster aspice Deus, & propugnatores tuos ab hostium impugnatione defende: vt ab omni perturbatione securi tuo semper munere glorientur. Per Dominum.

MISSA VOTIVA

Pro Pace.

Ingressa.



Domine Deus noster pacem tuam da nobis; omnia enim reddidisti nobis. Domine, Deus noster posside nos. Domine, præter te alium non nouimus: nomen tuum nominamus: ne derelinquas nos.

Oratio super populum.

Deus, à quo sancta desideria, recta consilia, & iusta sunt opera, da seruis tuis illam, quam mundus dare non potest, pacem: vt & corda nostra mandatis tuis dedita; & hostium

stium sublatā formidine, tempora,
sint tuā protectione tranquilla. Per
Dominum nostrum.

Lectio Libri Sapientiae.

Miserere nostri, Deus omnium,
& respice nos, & ostende no-
bis lucem miserationum tuarum; &
immitte timorem tuum super gen-
tes, quæ non exquisierunt te; vt co-
gnoscant, quia non est Deus, nisi tu,
& enarrent magnalia tua. Alleua-
manum tuam super gentes alienas,
vt videant potentiam tuam. Sicut
enim in conspectu eorum sanctifica-
tus es in nobis; sic in conspectu no-
stro magnificaberis in illis; vt co-
gnoscant te; sicut & nos cognouimus,
quoniam non est Deus præter te,
Domine. Innoua signa, & immuta-
mirabilia. Glorifica manum, & bra-
chium dexterum. Excita furorem,
& effunde iram. Extolle aduersa-
rium, & afflige inimicum. Festina,
tempus, & memento finis; vt enar-
rent magnalia tua, Domine Deus no-
ster.

Psal. **H**alleluia. **Ps.** Domine, refugium,
factus es nobis à generatione, & pro-
genie. Halleluia.



Lectio sancti Euangelij
secundum Lucam.

Cap. **I**n illo tempore. Dicebat Iesus Di-
scipulis suis: Impossibile est, vt
non veniant scandala: vae autem illi,
per quem veniunt. Utilius est illi; si
lapis molâris imponatur circa col-
lum eius, & proijciatur in mare;
quàm vt scandalizet vnum de pusil-
lis istis. Attendite vobis. Si pecca-
uerit in te frater tuus; increpa illum;
& si poenitentiam egerit; dimitte il-
li. Et si septies in die peccauerit in
te; & septies in die conuersus fuerit ad
te, dicens: Poenitet me; dimitte illi.

Antiphona post Euangelium.

Oremus ad Deum mundo corde, &

animo cupienti, dumadusque donet
pacem, & exaudiat preces nostras,
& reconciliet se nobis, & in tempore
angustiae non nos derelinquat.

Oratio super sindonem.

Deus, conditor mundi, sub cuius
arbitrio omnium sæculorum,
ordo decurrit; adesto propitius in-
uocationibus nostris, & tranquillita-
tem pacis nostris concede tempori-
bus; vt in laudibus misericordiae tuæ
incessabili exultatione lætemur. Per
Dominum nostrum, Iesum Christum,
Filium tuum.

Offert. Oremus Dominum, vt conte-
rat bella, & donet pacem in vniuer-
sa terra.

Oratio super oblatam.

Deus, qui credentes in te popu-
los nullis concuti finis terrori-
bus: dignare preces, & hostias dicatae
tibi plebis suscipere; vt pax tuā pie-
tate concessa Christianorum fines ab
omni hoste faciat esse securos. Per
Dominum nostrum, Iesum Christum,
Filium tuum.

Præfatio.

Æterne Deus. Qui misericor-
diae tuæ potenti auxilio &
prospera tribuis, & aduersa depellis:
vniuersa obstacula, quæ seruis tuis
aduersantur, expugna; vt, remoto
terrore bellorum, & libertas secura,
& religio sit quieta. Per Christum,
Dominum nostrum.

Confract. Pax in coelo, pax in terra,
pax in omni populo, pax Sacerdoti-
bus Ecclesiarum Dei.

Transit. Da pacem, Domine, Sacer-
dotibus, & Leuitis frangentibus Cor-
pus Domini.

Oratio post Communionem.

Deus, auctor pacis, & amator;
quem nosse, viuere; cui serui-
re, regnare est, protege ab omnibus
impugnationibus supplices tuos; vt,
qui

Missa votiua pro Sponso, & Sponfa.

43

qui in defensione tua confidimus, nullius hostilitatis arma timeamus. Per Dominum nostrum, Iesum Christum, Filium tuum.

MISSA VOTIVA

Pro Sponso, & Sponfa.

Sacerdos, benedicturus Sponsum, & Sponsam, ipsos ante Missam Matrimonio iungit per verba de presenti; vt in Libro Sacramentorum: tum, ipsis presentibus, Missam celebrat. Si huiusmodi benedictio facienda, erit die Dominico, vel festo Solemni; Missa de illo die celebretur cum Commemoratione Missæ sequentis.

Ingressa.

Exo.
34.



Bsecramus, Domine, vt gradiaris nobiscum, & auferas iniquitates nostras, atque peccata, & nos possideas.

Oratio super populum.

Adesto, Domine, supplicationibus nostris: & institutis tuis, quibus propagationem humani generis ordinasti, benignus assiste; vt, quod, te authore, iungitur, te auxiliante, feruetur. Per Dominum nostrum.

Epistola Beati Pauli Apostoli ad Ephesios.

Cap. 5. **F**Ratres. Mulieres viris subditæ sint, sicut Domino; quoniam vir caput est mulieris; sicut Christus caput est Ecclesiæ; ipse, saluator corporis eius. Sed sicut Ecclesia subiecta est Christo; ita & mulieres viris suis in omnibus. Viri diligite vxores vestras; sicut & Christus dilexit Ecclesiam; & seipsum tradidit pro ea; vt illam sanctificaret, mundans eam lauacro aquæ in verbo vitæ: vt exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi; sed vt sit san-

cta, & immaculata. Ita & viri debent diligere vxores suas, vt corpora sua. Qui suam vxorem diligit, seipsum diligit. Nemo enim vnquam carnem suam odio habuit; sed nutrit, & fouet eam; sicut & Christus Ecclesiam; quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adhærebit vxori suæ; & erunt duo in carne vna. Sacramentum hoc magnum est: ego autem dico in Christo, & in Ecclesia. Veruntamen, & vos singuli, vnusquisque vxorem suam sicut seipsum diligit: vxor autem timeat virum suum.

Hallelûiah. V. Mittat vobis Dominus auxilium de Sancto, & de Sion, tueatur vos: Hallelûiah. Psal. 119.

Lectio sancti Euangelij secundum Matthæum.

IN illo tempore. Accesserunt ad Iesum Pharisei, tentantes eum, & dicentes: Si licet homini dimittere vxorem suam, quacunque ex causa? Qui respondens ait eis: Non legistis, quia, qui fecit hominem ab initio, masculum, & foeminam fecit eos: & dixit, Propter hoc dimittet homo patrem, & matrem, & adhærebit vxori suæ, & erunt duo in carne vna? Itaque iam non sunt duo, sed vna caro. Quod ergo Deus coniunxit, homo non separet. Cap. 19.

Antiphona post Euangelium.

Deus Israel coniungat vos: & ipse sit vobiscum, qui misertus est duobus vniciis. Et nunc Domine fac eos plenius benedicere te. Tob. 7. & 8.

Oratio super sindonem.

Quæsumus, omnipotens Deus, instituta prouidentiae tuæ pio fauore comitare: &, quos legitima societate connectis, longæua pace custodi. Per Dominum.

Offer-

Offertor. Benedicat te Dominus ex Sion: & videas bona Ierusalem omnibus diebus vitæ tuæ: & videas filios filiorum tuorum: pax super Israel.

Oratio super oblatam.

Suscipe, quæsumus, Domine, pro sacra connubij lege munus oblatum: &, qui largitor es muneris, operis esto dispositor. Per Dominum nostrum.

Præfatio:

Æterne Deus. Qui fœdera nuptiarum blando concordia iugo, & insolubili pacis vinculo nexuisti; vt multiplicandis adoptionum, filijs pudica sanctorum connubiorum fœcunditas seruïret. Tua enim, Domine, prouidentia, tua gratia ineffabilibus modis vtrumque dispensat;

vt, quod generatio ad mundi edidit ornatum, regeneratio ad Ecclesiæ perducat augmentum. Per Christum Dominum nostrum.

Confract. Uxor tua sicut vitis abundans in lateribus domus tuæ.

Transit. Filij tui sicut nouellæ oliuarum in circuitu mensæ tuæ. Ecce sic benedicetur omnis homo, qui timet Dominum.

Oratio post Communionem.

Exaudi nos, Domine Sancte, Pater omnipotens, æterne Deus: vt, quod nostro ministratur officio, tua benedictione potius impleatur. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus, per omnia sæcula sæculorum.



COLLECTARIUM⁴⁵

Siue Orationes votivæ ad diuersa, dicendæ ad libitum

Sacerdotis in Missa non Solemni.

Si quando tota Missa dicenda, canendaue fit pro aliqua necessitate, persecutione, tribulatione, fame, & peste, serenitate, pluuiâ, & huiusmodi, de quibus Orationes extant in hoc Collectario; tunc reliqua sumuntur de Missa Communi Feriæ Secundæ.

Ad postulanda suffragia Sanctorum.

Oratio super populum.

Concede, quæsumus, omnipotens Deus: vt intercessio Sanctæ Dei Genitricis Mariæ, Sanctorumque omnium Apostolorum, Martyrum, Confessorum, atque Virginum, & omnium Electorum tuorum nos ubique lætificent; vt, dum eorum merita recolimus, patrocinia sentiamus. Per eundem Dominum nostrum.

Oratio super sindonem.

Deus, qui nos Beatæ Mariæ semper Virginis, & Beatorum Apostolorum, Martyrum, Confessorum, Virginum, omniumque simul Sanctorum tuorum continua commemoratione lætificas, præsta, quæsumus: vt, quos quotidianis veneramur officiis, eorum etiam perpetua supplicatione ab omnibus muniamur aduersis. Per Dominum.

Oratio super oblatam.

Oblatis Domine placare muneribus: &, intercedentibus omnibus Sanctis tuis, à cunctis nos defende periculis. Per Dominum.

Oratio post Communionem.

Beatæ Mariæ semper Virginis, & omnium Sanctorum tuorum, memoriam recolentes, sumpsimus,

Domine, sacramenta coelestia: præsta, quæsumus, vt, quod temporaliter gerimus, æternis gaudijs consequamur. Per Dominum.

Ad postulanda itidem suffragia Sanctorum.

Oratio super populum.

Acunctis nos, quæsumus, Domine, mentis, & corporis defende periculis: & intercedente Beata, & Gloriosa, semperque Virgine Dei Genitricis Mariæ cum Beatis Apostolis tuis Petro, & Paulo, atque Beato Ambrosio, & omnibus Sanctis, salutem nobis tribue benignus, & pacem; vt, destructis aduersitatibus, & erroribus vniuersis, Ecclesia tua securâ tibi feruiat libertate. Per eundem Dominum nostrum.

Oratio super sindonem.

Præsta, quæsumus, omnipotens Deus: vt, qui Sanctæ Dei Genitricis Mariæ, & Sanctorum Apostolorum Petri, & Pauli, atque Pontificis nostri Ambrosij, omniumque Sanctorum tuorum memoriam agimus, eorum intercessionibus à cunctis malis imminentibus liberemur. Per eundem Dominum nostrum.

Oratio super oblatam.

Exaudi nos Deus salutaris noster: vt per huius sacramenti virtutem, intercedente Beata Mariæ semper Virgine cum omnibus Sanctis tuis, à cunctis nos mentis, & corporis hostibus tuearis, gratiam tribuens in præsentem, & gloriam in futuro. Per Dominum nostrum, Iesum Christum, Filium tuum.

Ora-

Oratio post Communionem.

Mundet nos, & muniat, quæsumus, Domine, diuini sacramenti munus oblatum: & intercedente Beata Virgine Dei Genitrice, Mariâ, cum Beatis Apostolis tuis Petro, & Paulo, atque Beato Ambrosio, & omnibus Sanctis, à cunctis reddat & peruersitatibus expiatis, & aduersitatibus expeditos. Per eundem Dominum nostrum.

Pro omni gradu Ecclesiæ.

Oratio super populum.

Omnipotens sempiterne Deus, cuius Spiritu totum corpus Ecclesiæ sanctificatur, & regitur, exaudi nos, pro vniuersis ordinibus supplicantes: vt, gratiæ tuæ munere, ab omnibus tibi gradibus fideliter seruiatur. Per Dominum nostrum &c. in vnitæte eiusdem Spiritus Sancti Deus.

Oratio super sindonem.

Exaudi, Domine, preces nostras, & super famulos tuos Spiritum tuæ benedictionis emitte: vt cœlesti munere ditati, & gratiam tuæ Maiestatis possint acquirere, & bene viuendi alijs exemplum præbere. Per Dominum &c. in vnitæte eiusdem.

Oratio super oblatam.

DA famulis tuis, Domine, indulgentiam peccatorum, consolationem vitæ, gubernationem perpetuam: vt tibi seruientes ad tuam iugiter misericordiam peruenire mereantur. Per Dominum nostrum.

Oratio post Communionem.

Libera, quæsumus, Domine, à peccatis, & hostibus tibi famulos supplicantes: vt in sancta conuersatione viuentes, nullis afficiantur aduersis. Per Dominum nostrum, Iesum Christum, Filium tuum, qui tecum viuit, & regnat.

Pro Papa.

Sequentes Orationes pro Papa, & pro eius electione dicuntur pro Archiepiscopo; sed loco Ecclesiæ tuæ, dicitur: huic Ecclesiæ tuæ, vel huius Ecclesiæ tuæ.

Oratio super populum.

Deus, omnium fidelium Pastor, & Rector, famulum tuum, **N**, quem Pastorem Ecclesiæ tuæ præesse voluisti, propitius respice: da ei, quæsumus, verbo, & exemplo, quibus præest, proficere; vt ad vitam vnâ cum grege sibi credito perueniat sempiternam. Per Dominum.

Oratio super sindonem.

Omnipotens sempiterne Deus miserere famulo tuo, **N**, Pontifici nostro: & dirige eum secundum tuam clementiam in viam salutis æternæ; vt, te donante, tibi placita cupiat, & totâ virtute perficiat. Per Dominum nostrum.

Oratio super oblatam.

Oblatis, quæsumus, Domine, placare muneribus: & famulum tuum, **N**, quem Pastorem Ecclesiæ tuæ præesse voluisti, assidua protectione gubernare. Per Dominum.

Oratio post Communionem.

Hæc nos, quæsumus, Domine, diuini sacramenti perceptio protegat: & famulum tuum, **N**, quem Pastorem Ecclesiæ tuæ præesse voluisti, vnâ cum commisso sibi grege saluet semper, & muniat. Per Dominum nostrum.

Pro electione futuri Pontificis.

Oratio super populum.

Supplici, Domine, humilitate deprecamur, vt sacrosanctæ Ecclesiæ concedat Pontificem illum tuam immensa pietas: qui & pio in nos studio semper tibi placitus, & tuo populo pro salubri regimine sit assidue

ducere ad gloriam tui nominis venerandus. Per Dominum nostrum.

Oratio super sindonem.

Concede, quæsumus, omnipotens Deus, sanctæ Ecclesiæ Catholicæ eum Pontificem, & Pastorem: qui, exercendo, quæ recta sunt, exemplo bonorum operum animas suorum instruat subditorum: & æternæ remunerationis mercedem cum credito sibi grege à te pijsimo Pastore percipiat. Per Dominum.

Oratio super oblatam.

Tuæ nobis, Domine, abundantia pietatis indulgeat: vt per sacra munera, quæ tibi reuerenter offerimus, gratum Maiestati tuæ Pontificem sanctæ Ecclesiæ regimini præfese gaudeamus. Per Dominum.

Oratio post Communionem.

Pretiosi Corporis, & Sanguinis tui nos, Domine, sacramento refectos mirifica tuæ gratia Maiestatis de illius Pontificis assumptione lætificet: qui & plebem tuam virtutibus instruat, & fidelium mentes spiritualium aromatum odore perfundat. Qui cum Patre, & Spiritu Sancto uiuis, & regnas.

Pro Imperatore.

Oratio super populum.

Deus, Regnorum omnium, & Christiani maximè protector Imperij, da seruo tuo, Imperatori nostro, **N**, triumphum virtutis tuæ scienter excolere: vt, qui tua institutione est Princeps, tuo semper munere sit potens. Per Dominum.

Oratio super sindonem.

Omnipotens sempiternæ Deus, in cuius manu sunt omnium potestates, & omnium iura Regnorum, respice ad Romanum benignus Imperium: vt gentes, quæ in sua feritate confidunt, potentia tuæ dexteræ

comprimantur. Per Dominum nostrum.

Oratio super oblatam.

Suscipe Domine preces, & hostias Ecclesiæ tuæ, pro famuli tui, & Imperatoris nostri, **N**, salute supplicantis: & in protectione fidelium, populorum antiqua brachij tui operare miracula; vt, superatis pacis inimicis, secura tibi seruiat Christiana libertas. Per Dominum.

Oratio post Communionem.

Deus, qui, ad prædicandum æterni Regis Euangelium, Romanum Imperium præparasti: præten- de famulo tuo, Imperatori nostro, **N**, arma cœlestia; vt pax Ecclesiarum nullâ turbetur tempestate bellorum. Per Dominum.

Pro Rege.

Oratio super populum.

Quæsumus, omnipotens Deus: vt famulus tuus, **N**, Rex noster, qui tuâ miseratione suscepit Regni gubernacula, virtutum etiam omnium percipiat incrementa: quibus decenter ornatus, & vitiorum monstra deuitare, & ad te, qui via, veritas, & vita es, gratiofus valeat peruenire. Per Dominum.

Oratio super sindonem.

Omnipotens sempiternæ Deus, qui ad Regni fastigium famulum tuum, **N**, dignatus es sublimare: fac eum humilitatis, iustitiæ, cæterarumque virtutum bono exuperare; vt à tuæ veritatis tramite non recedat; sed ad te, qui vita es, gratiofus perueniat. Per Dominum.

Oratio super oblatam.

Munera, quæsumus, Domine, oblata sanctifica: vt & nobis Unigeniti tui Corpus, & Sanguis fiant, & Regi nostro, **N**, ad obtinendam animæ, corporisque salutem, & ad

ad peragendum iunctum sibi officium, te largiente, proficiant. Per eundem.

Oratio post Communionem.

Hæc, Domine, oblatio salutaris famulum tuum, **N**, Regem nostrum, ab omnibus tueatur aduersis; quatenus Ecclesiasticæ pacis obtineat tranquillitatem, & post istius temporis decursum ad æternam perueniat hæreditatem. Per Dominum.

Pro Prælati, & Congregationibus
eis commissis.

Oratio super populum.

Omnipotens sempiterne Deus, qui facis mirabilia magna solus, prætende super famulos tuos, & super Congregationes illis commissas spiritum gratiæ salutaris; & ut in veritate tibi placeant, perpetuum eis rorem tuæ benedictionis infunde. Per Dominum nostrum.

Oratio super sindonem.

Deus, qui charitatis dona per gratiam Sancti Spiritus tuorum cordibus fidelium infudisti: da famulis tuis, pro quibus tuam deprecamur clementiam, salutem mentis, & corporis; ut te totâ virtute diligant; & quæ tibi placita sunt, totâ dilectione perficiant. Per Dominum nostrum &c. in vnitatem eiusdem.

Oratio super oblatam.

Hostias, Domine, famulorum, tuorum placatus intende: & quas in honorem nominis tui deuota mente pro eis celebramus, proficere sentiant ad medelam. Per Dominum nostrum.

Oratio post Communionem.

Quos cœlesti recreas munere, perpetuo, Domine, comitare præsidio: & quos fouere non desinis, dignos fieri sempiterna redemptione concede. Per Dominum nostrum.

Pro Congregatione, & familia:

Oratio super populum.

Defende, quæsumus, Domine, Beata Mariâ semper Virgine, intercedente, istam ab omni aduersitate familiam: & toto corde tibi prostratam ab hostium tuere clementer insidijs. Per Dominum.

Oratio super sindonem.

Familiæ tuæ, Domine, quæsumus, esto protector, & misericordiam tuam concede poscenti: quæ tibi semper fiat obediens, & tua dona percipiat. Per Dominum.

Oratio super oblatam.

Suscipe, quæsumus, clementer omnipotens Deus, oblationem nostræ deuotionis: & per virtutem huius sacramentifamulos tuos à cunctis aduersitatibus protege. Per Dominum nostrum.

Oratio post Communionem.

Sumptis redemptionis nostræ muneribus, præsta, quæsumus, misericors Deus: eorum nobis celebratione tuæ protectionis contra omnes aduersitates subsidium. Per Dominum.

Pro Concordia in Congregatione
seruanda.

Oratio super populum.

Deus, largitor pacis, & amator charitatis, da famulis tuis veram cum tua voluntate concordiam: ut ab omnibus, quæ nos pulsant, temptationibus liberemur. Per Dominum.

Oratio super sindonem.

Da familiæ tuæ, quæsumus, Domine, Spiritum veritatis, & pacis: ut & te totâ mente cognoscat; & quæ tibi sunt placita, totâ mente sectetur. Per Dominum &c. in vnitatem eiusdem.

Oratio super oblatam.

His sacrificijs, Domine, quæsumus, concede placatus: ut, qui pro-

proprijs oramus absolui delictis, non grauemur externis. Per Dominum nostrum, Iesum Christum, Filium tuum, qui tecum viuit, & regnat in vnitate.

Oratio post Communionem.

Spiritum nobis, Domine, tue charitatis infunde: vt, quos vno Pane coelesti satiaſti, tua facias pietate concordēs. Per Dominum nostrum, Iesum Christum, Filium tuum, &c. in vnitate eiusdem.

Contra persecutores Ecclesiæ.

Oratio super populum.

Ecclesiæ tuæ, Domine, preces placatus admitte: vt, destructis aduersitatibus, & erroribus vniuersis, securâ tibi seruiat libertate. Per Dominum nostrum, Iesum Christum, Filium tuum, qui tecum, viuit, & regnat.

Oratio super sindonem.

Omnipotens sempiterne Deus, in protectione Fidelium, antiqua brachij tui operare miracula: vt, hostibus nostris tua virtute compressis, securâ tibi seruiat catholica fides, & deuotio christiana. Per Dominum nostrum, Iesum Christum, Filium tuum: qui tecum, viuit, & regnat.

Oratio super oblatam.

Protege nos, Domine, tuis mysterijs seruientes: vt diuinis rebus inhærentes & corpore tibi famulémur, & mente. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Quæsumus, Domine, Deus noster: vt, quos diuina tribuis participatione gaudere, humanis non finas subiacerē periculis. Per Dominum nostrum, Iesum Christum, Filium tuum.

Contra persecutores, & male agentes.

Oratio super populum.

Hostium nostrorum, quæsumus, Domine, elide superbiam: & eorum contumaciam dexteræ tuæ virtute prosterne. Per Dominum nostrum, Iesum Christum, Filium tuum: qui tecum viuit, & regnat.

Oratio super sindonem.

Concede nobis, Domine, quæsumus, veniam delictorum: & eos, qui nos impugnare moliantur, expugna. Per Dominum nostrum, Iesum Christum, Filium tuum: qui tecum viuit.

Oratio super oblatam.

Huius, Domine, virtute mysterij: & à proprijs mundemur occultis, & ab inimicorum libermur insidijs. Per Dominum nostrum, Iesum Christum, Filium tuum: qui tecum viuit, & regnat in vnitate Spiritus Sancti Deus.

Oratio post Communionem.

Protector noster aspice Deus: & ab inimicorum nos defende periculis; vt, omni perturbatione semota, liberis tibi mentibus seruiamus. Per Dominum nostrum, Iesum Christum, Filium tuum, qui tecum, viuit, & regnat in vnitate Spiritus Sancti Deus.

Tempore belli.

Oratio super populum.

Omnipotens, & misericors Deus à bellorum nos, quæsumus, turbine fac quietos: quia nobis bona cuncta præstabis, si pacem dederis mentis, & corporis. Per Dominum nostrum, Iesum Christum, Filium tuum.

Oratio super sindonem.

Deus, qui conteris bella, & impugnatores in te sperantium.

potentiā tuā defensionis expūgnas, auxiliare famulis tuis implorantibus misericordiam tuam: vt, omnium inimicorum feritate depreſſa, incefſabili te gratiarum actione laudemus. Per Dominum noſtrum, Ieſum Chriſtum, Filium tuum: qui tecum viuit, & regnat.

Oratio ſuper oblatam.

Sacrificium, Domine, quod immolamus, placatus intende: vt nos ab omni bellorum eruat nequitia, & in tuā protectionis ſecuritate conſtituat. Per Dominum noſtrum, Ieſum Chriſtum, Filium tuum.

Oratio poſt Communionem.

Sacroſancti Corporis, & Sanguinis Domini noſtri refectione vegetati, ſupplices te rogamus, omnipotens Deus: vt hoc remedio ſingulari ab omnium peccatorum nos contagione purifices, & à periculorum munias incurſione. Per eundem Dominum noſtrum.

Pro quacunque neceſſitate,
& re obtinenda.

Oratio ſuper populum.

Deus, refugium noſtrum, & virtus, adeſto pijs Eccleſiæ tuæ precibus, author ipſe pietatis, & præſta: vt, quod fideliter petimus, efficaciter conſequamur. Per Dominum noſtrum, Ieſum Chriſtum Filium tuum.

Oratio ſuper ſindonem.

Adeſto ſupplicationibus noſtris omnipotens Deus: & quibus fiduciam ſperandæ pietatis indulges, conſuetæ miſericordiæ tribue benignus effectum. Per Dominum noſtrum, Ieſum Chriſtum.

Oratio ſuper oblatam.

DA miſericors Deus: vt hæc ſalutaris oblatio, & à proprijs nos reatibus indefinenter expediat,

& ab omnibus tueatur aduerſis. Per Dominum noſtrum, Ieſum Chriſtum, Filium tuum: qui tecum.

Oratio poſt Communionem.

Sumpſimus, Domine, ſacri dona, myſterij, humiliter deprecantes: vt, quæ in tui commemorationem nos facere præcepiſti, in noſtræ proficiant infirmitatis auxilium. Qui viuis, & regnas.

Pro quacunque tribulatione.

Oratio ſuper populum.

NE deſpicias omnipotens Deus populum tuum in afflictione clamantem: ſed propter gloriam nominis tui tribulatis ſuccurre placatus. Per Dominum noſtrum, Ieſum Chriſtum, Filium tuum: qui tecum viuit, & regnat.

Oratio ſuper ſindonem.

Preces noſtras, quæſumus, Domine, clementer exaudi: & contra cuncta nobis aduerſantia dexteram tuæ Maieſtatis extende. Per Dominum noſtrum, Ieſum Chriſtum, Filium tuum: qui tecum viuit, & regnat.

Oratio ſuper oblatam.

Suſcipe, Domine, propitius hoſtias: quibus & te placari voluiſti, & nobis ſalutem potenti pietate reſtitui. Per Dominum noſtrum, Ieſum Chriſtum, Filium tuum: qui tecum.

Oratio poſt Communionem.

Tribulationem noſtram, quæſumus, Domine, propitius reſpice: & iram tuæ indignationis, quam iuſtè meremur, auerte. Per Dominum noſtrum, Ieſum Chriſtum, Filium tuum: qui tecum viuit, & regnat in vnitæte Spiritus Sancti Deus: per omnia ſæcula ſæculorum.

Siue Orationes votiue ad diuersa.

Tempore famis, & pestis.

Oratio super populum.

DA nobis, quæsumus, Domine, pia supplicationis effectum; & pestilentiam, famemque propitiatus auerte: vt mortalium corda cognoscant, & te indignante, talia flagella prodire, & te miserante, cessare. Per Dominum nostrum, Iesum Christum, Filium tuum: qui tecum viuit.

Oratio super sindonem.

Parce Domine, parce populo tuo: vt dignis flagellationibus castigatus in tua miseratione respiret. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

DEus, qui humani generis vtramque substantiam præsentium, munerum, & alimento vegetas, & renouas sacramento, tribue, quæsumus: vt eorum subsidium, & corporibus nostris non desit, & mentibus. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Gliberna, quæsumus, Domine, temporalibus alimentis: quos, dignaris, æternis informare mysterijs. Per Dominum nostrum, Iesum Christum, Filium tuum: qui tecum viuit, & regnat.

Ad pluuiam petendam.

Oratio super populum.

DEus, in quo viuimus, mouemur, & sumus, pluuiam nobis tribue congruentem: vt præsentibus adiuti subsidijs sempiterna fiducialius appetamus. Per Dominum nostrum, Iesum Christum, Filium tuum.

Oratio super sindonem.

Delicta nostra, quæsumus, Domine, miseratus absolue: & aqua-

rum subsidia præbe celestium, quibus terrena conditio vegetata substat. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Oblatis, quæsumus, Domine, placare muneribus: & oportuno nobis tribue pluuiæ sufficientis auxilium. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

DA nobis, quæsumus, Domine, pluuiam salutarem: & aridam terræ faciem fluentis celestibus dignanter infunde. Per Dominum nostrum, Iesum Christum, Filium tuum: qui tecum viuit, & regnat.

Ad serenitatem petendam.

Oratio super populum.

AD te nos, Domine, clamantes exaudi, & aeris serenitatem nobis tribue supplicantibus: vt, qui iuste pro peccatis nostris affligimur, misericordia tua præueniente, clementiam sentiamus. Per Dominum nostrum, Iesum Christum, Filium tuum: qui tecum.

Oratio super sindonem.

DEus, qui fidelium precibus flecteris, & humilium confessione placaris, conuersis ad te propitiare supplicibus: & quos fecisti iram intelligere castigantis, fac misericordiam sentire parentis. Per Dominum nostrum, Iesum Christum, Filium tuum: qui tecum.

Oratio super oblatam.

Praueniat nos, quæsumus, Domine, gratia tua semper, & subsequatur: & has oblationes, quas pro peccatis nostris nomini tuo consecrandas deferimus, benignus assume; vt per intercessionem Sanctorum,

tuorum cunctis nobis proficiant ad salutem, Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Quæsumus, Domine, clementiam tuam: vt inundantiam coerceas imbrium, & hilaritatem vultus tui nobis impertiri digneris. Per Dominum nostrum, Iesum Christum, Filium tuum.

Ad tempestates repellendas.

Oratio super populum.

A domo tua, quæsumus, Domine, spiritales nequitiae repellantur: & aerearum discédant malignitas tempestatum. Per Dominum nostrum, Iesum Christum, Filium tuum; qui tecum viuit, & regnat.

Oratio super sindonem.

Maiestatem tuam, Domine, humili prece deposcimus: vt Inſidiatoris fraudem, te protegente, vincamus: & in his operibus, & laudibus iugiter persistamus. Per Dominum nostrum, Iesum Christum, Filium tuum.

Oratio super oblatam.

Offerimus tibi, Domine, laudes, & munera: pro concessis beneficijs gratias referentes, & pro concedendis suppliciter deprecantes. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Omnipotens sempiterne Deus, qui nos & castigando sanas, & ignoscendo conseruas, præsta supplicibus tuis: vt & tranquillitatibus huius optatæ consolationis lætemur, & dono tuæ pietatis semper vtamur. Per Dominum nostrum, Iesum Christum, Filium tuum: qui tecum viuit, & regnat.

Contra pestem animalium.

Oratio super populum.

Deus, qui laboribus hominum, etiam de mutis animalibus solatia subrogasti, suppliciter te rogamus: vt, sine quibus non alitur humana conditio, nostris facias vsibus non perire. Per Dominum nostrum, Iesum Christum, Filium tuum: qui tecum,

Oratio super sindonem.

Averte, Domine, à fidelibus tuis cunctos miseratus errores: & à mutis animalibus sæuientium morborum depelle perniciem. Per Dominum nostrum, Iesum Christum, Filium tuum.

Oratio super oblatam.

Sacrificijs, Domine, placatus oblati: opem tuam nostris temporibus clementer impende. Per Dominum nostrum, Iesum Christum, Filium tuum.

Oratio post Communionem.

Benedictionem tuam, Domine, populus fidelis accipiat: qua corpore saluetur, & mente; & congruam tibi exhibeat seruitutem, & propitiationis tuæ beneficia semper inueniat. Per Dominum nostrum, Iesum Christum, Filium tuum.

Pro remissione peccatorum.

Oratio super populum.

Deus, qui nullum respicis, sed quantunvis peccantibus, per poenitentiam pia miseratione placaris: respice propitius ad preces humilitatis nostræ, & illumina corda nostra; vt tua valeamus implere præcepta. Per Dominum nostrum, Iesum Christum, Filium tuum: qui tecum viuit, & regnat.

Oratio super sindonem.

Ab omnibus nos, Domine, peccatis propitiatus absolue: vt, perceptâ

ceptâ veniâ peccatorum, liberis tibi mentibus seruiamus. Per Dominum nostrum, Iesum Christum, Filium tuum: qui tecum viuit, & regnat in vnitâte Spiritus Sancti Deus.

Oratio super oblatam.

Præfens sacrificium, Domine, quod tibi pro delictis nostris offerimus, sit tibi munus acceptum: & tam viuentibus, quàm defunctis proficiat ad salutem. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Exaudi preces familiæ tuæ, omnipotens Deus, & præsta: vt sancta, quæ sumpsimus, incorrupta in nobis, te donante, seruentur. Per Dominum nostrum, Iesum Christum, Filium tuum: qui tecum viuit, & regnat in vnitâte Spiritus Sancti Deus: per omnia sæcula sæculorum.

Pro petitione lachrymarum.

Oratio super populum.

Omnipotens, & mitissime Deus, qui sitienti populo fontem viuentis aquæ de petra produxisti; educ de cordis nostri duritiâ compunctionis lachrymas: vt peccata nostra plangere valeamus; remissionemque peccatorum, te miserante, mereamur accipere. Per Dominum nostrum, Iesum Christum, Filium tuum: qui tecum viuit, & regnat in vnitâte Spiritus Sancti Deus.

Oratio super sindonem.

Omnipotens sempiterne Deus, da oculis nostris fontem lachrymarum: vt peccati maculâ ablûti vlti- trices poenarum flammâ fletus vber- tate vincamus. Per Dominum no- strum, Iesum Christum, Filium tuum: qui tecum viuit, & regnat in vnitâte Spiritus Sancti Deus: per omnia sæ- cula sæculorum.

Oratio super oblatam.

Hanc oblationem, quæsumus, Domine Deus, quam tuæ Maie- stati pro peccatis nostris offerimus, respice propitius: & produc de ocu- lis nostris lachrymarum flumina, quibus debita flammârum incendia valeant extingui. Per Dominum no- strum, Iesum Christum, Filium tuum: qui tecum viuit, & regnat in vnita- te Spiritus Sancti Deus.

Oratio post Communionem.

Gratiam Sancti Spiritus Domi- ne Deus cordibus nostris cle- menter infunde: quæ nos gemitibus lachrymarum efficiat maculas no- strorum diluere peccatorum, atque optatæ nobis, te largiente, indulgen- tiæ præstet effectum. Per Dominum nostrum, Iesum Christum, Filium tuum &c. in vnitâte eiusdem.

Pro peccatoribus tribulatis.

Oratio super populum.

Ineffabilem misericordiam tuam nobis, Domine, clementer osten- de: vt simul nos & à peccatis omni- bus eruas, & à poenis, quas pro his meremur, eripias. Per Dominum no- strum, Iesum Christum, Filium tuum: qui tecum viuit, & regnat.

Oratio super sindonem.

Iniquitates nostras ne respicias Deus: sed sola nos tua misericor- dia consequatur. Per Dominum no- strum, Iesum Christum, Filium tuum: qui tecum viuit, & regnat.

Oratio super oblatam.

Purificet nos, quæsumus, Domine, muneris præsentis oblatio: & di- gnos sacra participatione perficiat. Per Dominum nostrum, Iesum Chri- stum, Filium tuum: qui tecum viuit, & regnat in vnitâte.

Oratio post Communionem.

PRæsta, quæsumus, Domine: vt terrenis affectibus expiati ad superni plenitudinem sacramenti, cuius libauimus sancta, tendamus. Per Dominum nostrum, Iesum Christum, Filium tuum: qui tecum viuit, & regnat.

Pro deuotis amicis.

Oratio super populum.

DEus, qui charitatis dona per gratiam Sancti Spiritus tuorum cordibus fidelium infudisti: da famulis, & famulabus tuis, pro quibus tuam deprecamur clementiam, salutem mentis, & corporis; vt te totâ virtute diligant; &, quæ tibi placita sunt, totâ dilectione perficiant. Per Dominum nostrum, Iesum Christum, Filium tuum: qui tecum viuit, & regnat in vnitâte eiusdem Spiritus Sancti Deus: per omnia sæcula sæculorum.

Oratio super sindonem.

Purifica, quæsumus, Domine, tuorum corda fidelium: vt à terrena cupiditate mundati & à præsentis vitæ periculis eruantur, & perpetuis donis firmentur. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Miserere, quæsumus, Domine, famulis, & famulabus tuis, pro quibus hoc sacrificium laudis, tuæ offerimus Maieſtati: vt per hæc sancta supernæ benedictionis gratiam obtineant, & gloriam æternæ beatitudinis acquirant. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Diuina libantes mysteria, quæsumus, Domine: vt hæc salutaria sacramenta illis proficiant ad

prosperitatem, & pacem; pro quorum, quarumque dilectione hæc tuæ obtulimus Maieſtati. Per Dominum nostrum, Iesum Christum, Filium tuum: qui tecum viuit, & regnat.

Pro inimicis.

Oratio super populum.

DEus pacis, charitatisque amator, & custos, da omnibus inimicis nostris pacem, charitatemque veram: cunctorumque eis remissionem tribue peccatorum; nosque potenter ab eorum insidijs eripe. Per Dominum nostrum, Iesum Christum Filium tuum: qui tecum viuit, & regnat.

Oratio super sindonem.

PRæsta, quæsumus, Domine, omnibus inimicis nostris suorum, veniam delictorum: vt, omiſſis odijs, veram charitatem, pacemque inuiolabilem, secundum admonitionem Filij tui, Domini nostri, Iesu Christi, inuicem habeamus. Qui tecum viuit, & regnat in vnitâte Spiritus Sancti Deus.

Oratio super oblatam.

Oblatis, quæsumus, Domine, placare muneribus: & nos ab inimicis nostris clementer eripe; eisque indulgentiam tribue delictorum. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

HÆc nos communio, Domine, à delictis eruat: & ab inimicorum defendat insidijs. Per Dominum nostrum, Iesum Christum, Filium tuum: qui tecum viuit, & regnat.

Pro iter agentibus.

Oratio super populum.

Adesto, Domine, supplicationibus nostris, & viam famulorum tuorum in salutis tuæ prosperitate dispo-

dispone: vt inter omnes via, & vitæ huius varietates tuo semper protegantur auxilio. Per Dominum nostrum, Iesum Christum, Filium tuum: qui tecum viuit, & regnat.

Oratio super sindonem.

DEus, qui filios Israel per maris medium sicco vestigio ire fecisti; quique tribus Magis iter ad Filium tuum adorandum, Stella duce, pandisti: tribue famulis tuis, quæsumus, iter prosperum, tempusque tranquillum; vt, Angelo tuo sancto comite, ad eum, quò pergunt, locum, ac demum ad æternæ salutis portum peruenire fœliciter valeant. Per eundem Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Propitiare, Domine, supplicationibus nostris, & has oblationes, quas tibi offerimus pro famulis tuis, benignus assume: vt viam illorum & præcedente gratia tua dirigas, & subsequente comitari digneris; vt de actu, atque incolumitate eorum secundum misericordiæ tuæ præsidia gaudeamus. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Tua, Domine, famulos tuos sperantes in te, quæ sumpsimus, sacramenta custodiant: & contra omnes aduersos tueantur incursus. Per Dominum nostrum, Iesum Christum, Filium tuum: qui tecum viuit, & regnat.

Pro nauigantibus.

Oratio super populum.

DEus, qui transtulisti Patres nostros per mare rubrum, & transuexisti eos per aquam nimiam laudem tui nominis decantantes, te

suppliciter deprecamur: vt in naui famulos tuos, repulsis aduersitatibus, portu semper optabili, cursuque tranquillo tuearis. Per Dominum nostrum, Iesum Christum Filium tuum: qui tecum viuit, & regnat.

Oratio super sindonem.

Reparet nos, quæsumus, Domine, semper, & innouet tuæ prouidentia pietatis: quæ fragilitatem nostram inter mundi tempestates protegat, & gubernet, & in portum perpetuæ salutis inducat. Per Dominum nostrum, Iesum Christum.

Oratio super oblatam.

Suscipe, quæsumus, Domine, preces famulorum tuorum cum oblationibus hostiarum: & eos, pro quibus tua mysteria celebramus, ab omnibus defende periculis. Per Dominum nostrum, Iesum Christum, Filium tuum.

Oratio post Communionem.

Sanctificati diuino mysterio Maiestatem tuam, Domine, suppliciter deprecamur, & petimus: vt, quos donis facis cœlestibus memorari, per signum sanctæ Crucis, & à peccatis omnibus abstrahas, & à periculis cunctis miseratus eripias. Per Dominum nostrum, Iesum Christum, Filium tuum: qui tecum viuit, & regnat.

Pro infirmis.

Oratio super populum.

Omnipotens, sempiterne Deus, salus æterna credentium, exaudi nos pro infirmis famulis tuis, pro quibus misericordiæ tuæ imploramus auxilium: vt, reddita sibi sanitate, gratiarum tibi in Ecclesia tua referant actiones. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus.

Oratio super sindonem.

Respice, Domine, famulos tuos in infirmitate sui corporis laborantes, & animas refoue, quas creasti: vt castigationibus emendati continuo sentiant se tuâ medicinâ saluatos. Per Dominum nostrum, Iesum Christum, Filium tuum.

Oratio super oblatam.

Deus, sub cuius nutibus vitæ nostræ momenta decurrunt, suscipe preces, & hostias famulorum tuorum, pro quibus misericordiam tuam ægrotantibus imploramus: vt, de quorum periculo metuimus, de eorum salute lætemur. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Deus, infirmitatis humanæ singulare præsidium, auxilij tui super infirmos famulos tuos ostende virtutem: vt ope misericordiæ tuæ adiuti Ecclesiæ tuæ sanctæ incolumes repræsentari mereantur. Per Dominum nostrum, Iesum Christum, Filium tuum: qui tecum viuit, & regnat in vnitæte Spiritus Sancti Deus, per omnia sæcula sæculorum.

Si fuerit orandum pro vno, vel vna tantum, vel pro pluribus infirmis eiusdem sexus; tum in his Orationibus accommodatè mutantur numerus, & genus. Quod ipsum proportionē fiat etiam in ijs, quæ proximè sequuntur.

Pro infirmo, qui proximus est morti.

Oratio super populum.

Omnipotens, & misericors Deus, qui humano generi & salutis remedia, & vitæ æternæ munera contulisti; respice propitius famulum tuum, **N**, in infirmitate sui corporis laborantem; & animam refoue, quam

creasti: vt in hora exitus illius, absque peccati macula, tibi Creatori suo, per manus Sanctorum Angelorum repræsentari mereatur. Per Dominum nostrum, Iesum Christum, Filium tuum: qui tecum viuit.

Oratio super sindonem.

Famulum tuum, quæsumus, Domine, ab omnibus absolue peccatis: vt, qui membrorum iam caret officio, nunquam tuæ miserationis destituatur auxilio. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Suscipe, quæsumus, Domine, hostiam, quam tibi offerimus pro famulo tuo, **N**, in extremo vitæ constituto, & concede: vt per eam vniuersa illius purgentur delicta; & qui tuæ dispositionis flagellis in hac vita atteritur, in futura requiem consequatur æternam. Per Dominum nostrum, Iesum Christum, Filium tuum: qui tecum.

Oratio post Communionem.

Quæsumus clementiam tuam, omnipotens Deus; vt per huius virtutem sacramenti famulum tuum, **N**, gratiâ tuâ confirmare digneris: vt in hora mortis eius non præualeat contra ipsum Aduersarius, sed cum Angelis tuis transitum habere mereatur ad vitam. Per Dominum nostrum, Iesum Christum, Filium tuum.

Pro constituto in carcere, vel captiuitate.

Oratio super populum.

Deus, qui Beatum Petrum à vinculis absolutum, illæsum abire fecisti: famuli tui in captiuitate positi vincula absolue; & cum ipsius meritis illæsum abire concede. Per Dominum nostrum.

Ora-

Oratio super sindonem.

F Amulum tuum, quæsumus, Domine, placatus intende: pariterque eum, & à peccatis absolue propitius, & à cunctis eripe benignus aduersis. Per Dominum nostrum, Iesum Christum, Filium tuum: qui tecum viuit, & regnat in vnitate Spiritus Sancti Deus, per omnia sæcula, sæculorum.

Oratio super oblatam.

Super has, quæsumus, Domine, hostias benedictio descendat: quæ captiui nostri vincula soluat, & de eius liberatione nos citò lætificet. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

PReces nostras, quæsumus, Domine clementer exaudi: & per hæc sacramenta, quæ sumpsimus, famulum tuum à vinculis suæ captiuitatis absolue. Per Dominum nostrum, Iesum Christum, Filium tuum: qui tecum viuit, & regnat.

Pro tentatis, & tribulatis.

Oratio super populum.

DEus, qui iustificas impium, & non vis mortem peccatoris, Maiestatem tuam suppliciter deprecamur: vt famulos tuos, de tua misericordia confidentes, cœlesti protegas benignus auxilio, & assidua protectione conserues; vt tibi iugiter famulentur, & nullis tentationibus à te separentur. Per Dominum nostrum, Iesum Christum, Filium tuum: qui tecum viuit, & regnat.

Oratio super sindonem.

Memor esto, quæsumus, Domine fragilitatis humanæ: & qui iustè verberas peccatores, parce propitius afflictis. Per Dominum nostrum, Iesum Christum Filium tuum.

Oratio super oblatam.

Huius virtute mysterij, quæsumus, Domine: & à proprijs nos munda delictis, & famulos tuos ab omnibus absolue peccatis. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Purificent nos, quæsumus, Domine, sacramenta, quæ sumpsimus, & famulos tuos ab omni culpa liberos esse concede: vt, qui conscientia reatu constringuntur, cœlestis remedij plenitudine glorientur. Per Dominum nostrum, Iesum Christum, Filium tuum: qui tecum viuit, & regnat.

Ad repellendas malas cogitationes.

Oratio super populum.

Omnipotens, & mitissime Deus, respice propitius preces nostras: & libera corda nostra de malarum tentationibus cogitationum; vt Sancti Spiritus dignum fieri habitaculum mereamur. Per Dominum nostrum &c. in vnitate eiusdem Spiritus Sancti Deus.

Oratio super sindonem.

DEus, qui conspicias omni nos virtute destitui, interius, exteriusque custodi: vt & ab omnibus aduersitatibus muniamur in corpore, & à prauis cogitationibus mundemur in mente. Per Dominum nostrum, Iesum Christum, Filium tuum.

Oratio super oblatam.

Hastibi, Domine, offerimus oblationes pro salute nostra: quatenus animas nostras ab immundis cogitationibus purges, illæsasque custodias; & Sancti Spiritus gratiâ illuminare digneris. Per Dominum nostrum, Iesum Christum, Filium tuum: qui tecum viuit, & regnat.

Ora-

Oratio post Communionem.

Deus, qui illuminas omnem hominem venientem in hunc mundum; illumina, quæsumus, corda nostra gratiæ tuæ splendore: ut dignè Maiestati tuæ ministrare, teque æterna charitate diligere valeamus. Per Dominum nostrum, Iesum Christum, Filium tuum: qui tecum viuit, & regnat,

Ad postulandam charitatem.

Oratio super populum.

Deus, qui diligentibus te facis cuncta prodesse; da cordibus nostris inuiolabilem tuæ charitatis affectum: ut desideria de tua inspiratione concepta nullâ possint tentatione mutari. Per Dominum nostrum, Iesum Christum, Filium tuum: qui tecum viuit, & regnat,

Oratio super sindonem.

Illo nos igne, quæsumus, Domine, Spiritus Sanctus inflammet: quem Dominus noster Iesus Christus misit in terram, & voluit vehementer accendi. Qui tecum viuit, & regnat in vnitæ eiusdem Spiritus Sancti.

Oratio super oblatam.

Deus, qui nos ad imaginem tuam sacramentis renouas, & præceptis, perfice gressus nostros in semitis tuis: ut charitatis donum, quod fecisti à nobis sperari, per hæc, quæ offerimus, sacrificia facias apprehendi. Per Dominum nostrum, Iesum Christum, Filium tuum: qui tecum viuit, & regnat,

Oratio post Communionem.

Sancti Spiritus gratia, quæsumus, Domine, corda nostra illuminet; & perfectæ charitatis dulcedine abundanter reficiat. Per Dominum nostrum, Iesum Christum Filium tuum: qui tecum viuit, & regnat in vnitæ eiusdem Spiritus Sancti.

Ad postulandam patientiam.

Oratio super populum.

Deus, qui Unigeniti tui patientiâ superbiam Hostis antiqui contriuiisti: da nobis, quæsumus, quæ idem piè pro nobis pertulit, dignè recolere; sicque nobis aduersantia æquanimiter eius exemplo tolerare. Per eundem Dominum nostrum, Iesum Christum, Filium tuum: qui tecum viuit, & regnat in vnitæ Spiritus Sancti Deus,

Oratio super sindonem.

Deus, in te sperantium fortitudo, adesto inuocationibus nostris: & quia sine te nihil potest mortalis infirmitas, præsta auxilium gratiæ tuæ; ut in aduersis semper inuicti pro te existere valeamus, & à tua nunquam laude cessemus. Per Dominum nostrum, Iesum Christum, Filium tuum: qui tecum viuit, & regnat,

Oratio super oblatam.

Munera nostræ oblationis, quæsumus, Domine, placatus suscipe: quæ, ut nobis patientiæ donum largiri digneris Maiestati tuæ deuotâ offerimus actione. Per Dominum nostrum, Iesum Christum, Filium tuum: qui tecum viuit, & regnat in vnitæ Spiritus Sancti Deus: per omnia sæcula sæculorum,

Oratio post Communionem.

Sacrofanta, Domine, fumentes mysteria, amissam nobis quæsumus reconcilient gratiam: atque munus patientiæ in aduersis omnibus, semper, & ubique protegendo, impertiant. Per Dominum nostrum, Iesum Christum, Filium tuum: qui tecum viuit, & regnat in vnitæ Spiritus Sancti Deus: per omnia sæcula sæculorum.

Ad postulandam continentiam.

Oratio super populum.

URe igne Sancti Spiritus renes nostros, & cor nostrum Domine: vt tibi casto corpore seruiamus, & mundo corde placeamus. Per Dominum nostrum, Iesum Christum Filium tuum: qui tecum viuit, & regnat in vnitate eiusdem Spiritus Sancti Deus.

Oratio super sindonem.

EXaudi nos, omnipotens, & misericors Deus: & continentie salutaris propitius nobis dona concede. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Dirumpe, Domine, vincula peccatorum nostrorum: & vt sacrificare tibi hostiam laudis absoluta libertate, & munda mente possimus, retribue, quæ ante tribuisti, & salua nos per indulgentiam, quos dignatus es saluare per gratiam. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Domine, adiutor, & protector noster, nos adiuua: & refloreat cor, & caro nostra vigore pudicitie, & castimonie nouitate; vt per hoc sacrificium, quod tuæ obtulimus Maiestati, ab omnibus tentationibus emundemur. Per Dominum nostrum, Iesum Christum, Filium tuum: qui tecum viuit, & regnat.

Pro salute viuorum.

Oratio super populum.

Pætende, Domine, fidelibus tuis dexteram cœlestis auxilij: vt te toto corde perquirant; & quæ digne postulant, consequi mereantur. Per Dominum nostrum.

Oratio super sindonem.

DA, quæsumus, Domine, fidelibus tuis salutem mentis, & corporis: vt bonis operibus inhærendo tuæ semper virtutis mereantur protectione defendi. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Propitiare, Domine, supplicationibus nostris; & has oblationes fidelium tuorum, quas tibi pro incolumitate eorum offerimus, benignus assume: & vt nullius sit irritum votum, nullius vacua postulatio, præsta quæsumus; vt quod fideliter petimus, efficaciter consequamur. Per Dominum nostrum, Iesum Christum, Filium tuum: qui tecum.

Oratio post Communionem.

DA fidelibus tuis, quæsumus, Domine, in tua fide, & sinceritate constantiam: vt in charitate diuina firmati nullis tentationibus ab eius integritate vellantur. Per Dominum nostrum, Iesum Christum, Filium tuum: qui tecum viuit, & regnat.

Pro viuis, & defunctis.

Oratio super populum.

Omnipotens sempiterne Deus, qui viuorum dominaris simul, & mortuorum; omniumque misereris, quos tuos fide, & opere futuros esse prænoscis; te supplices exoramus: vt, pro quibus effundere preces decreuimus, quosque vel præsens sæculum adhuc in carne retinet, vel futurum iam exutos corpore suscipit, intercedentibus omnibus Sanctis tuis pietatis tuæ clementiam omnium delictorum suorum veniam consequantur. Per Dominum nostrum, Iesum Christum, Filium tuum: qui tecum viuit, & regnat in vnitate Spiritus Sancti Deus.

Ora-

60 **Collectarium, siue Orationes votiue ad diuersa.**

Oratio super sindonem.

Fidelibus tuis, viuis, atque defunctis, quæsumus, Domine, oratio proficiat supplicantium: vt eos & à peccatis eruas, & tuæ redemptionis confortes efficias. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Deus, cui soli cognitus est numerus Electorum, in superna felicitate locandus, tribue, quæsumus: vt intercedentibus omnibus Sanctis tuis, vniuersorum, quos in oratione commendatos suscepimus; & omnium fidelium nomina, beatæ prædestinationis liber ascripta retineat. Per Dominum nostrum, Iesum Christum, Filium tuum: qui tecum viuit, & regnat.

Oratio post Communionem.

Purificent nos, quæsumus, omnipotens, & misericors Deus, sacramenta, quæ sumpsimus: & intercedentibus omnibus Sanctis tuis, præsta; vt hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit viuorum, atque mortuorum fidelium remissio omnium delictorum. Per Dominum nostrum, Iesum Christum, Filium tuum: qui tecum viuit, & regnat in vnitate Spiritus Sancti Deus.

In collatione sacrorum Ordinum.

Quæ Orationes dicuntur vnà cum Orationibus Missæ diei sub vnica tantum conclusione.

Oratio super populum.

Exaudi, quæsumus, Domine, supplicum preces, & deuoto tibi pectore famulantes perpetua defensione custodi: vt nullis perturbationibus impediti liberam seruitutem tuis semper exhibeamus officijs. Per Dominum nostrum, Iesum Christum, Filium tuum: qui tecum viuit, & regnat.

Oratio super sindonem.

Annue, quæsumus, Domine, supplicationibus nostris, & famulos, quos Ecclesiæ tuæ ministerio dedicasti, cœlesti benedictione confirma: vt sincera mentis, & corporis deuotione gratum Maiestati tuæ præstent famulatum. Per Dominum nostrum, Iesum Christum, Filium tuum: qui tecum viuit, & regnat.

Oratio super oblatam.

Tuis, quæsumus, Domine, operare mysterijs: vt hæc tibi munera dignis mentibus offeramus. Per Dominum nostrum.

Oratio post Communionem.

Quos tuis, Domine, reficis sacramentis, continuis attolle benignus auxilijs: vt tuæ redemptionis effectum & mysterijs capiamus, & moribus. Per Dominum nostrum, Iesum Christum.



MISSÆ PRO DEFUNCTIS.

MISSA

In Commemoratione omnium
Fidelium Defunctorum.

Ingressa.

Die
2.
No-
vbr.

Psal.
64.



Requiem æternam dona
eis Domine : & lux
perpetua luceat eis.

Psalmellus. Te decet
hymnus, Deus, in
Sion : & tibi reddetur

votum in Ierusalem. Exaudi oratio-
nem meam Domine : ad te omnis
caro veniet.

V. Requiem æternam dona eis Do-
mine : & lux perpetua luceat eis.

Oratio super populum.

Fidelium, Deus, omnium Condi-
tor, & Redemptor, animabus fa-
mulorum, famularumque tuarum re-
missionem cunctorum tribue pecca-
torum : vt indulgentiam, quam sem-
per optauerunt, pijs supplicationi-
bus consequantur. Qui viuus.

Lectio Libri Machabæorum.

Cap.
12.

IN diebus illis. Vir fortissimus Iu-
das, facta collatione, duodecim
millia drachmas argenti misit Iero-
solymam, offerri pro peccatis mor-
tuum sacrificium : bene, & religio-
sè de resurrectione cogitans. Nisi
enim eos, qui ceciderant, resurrectu-
ros speraret ; superfluum videretur,
& vanum orare pro mortuis. Et quia
considerabat, quòd hi, qui cum pie-
tate dormitionem acceperant, opti-
mam haberent repositam gratiam.
Sancta ergo, & salubris est cogitatio,
pro defunctis exorare ; vt à peccatis
solvantur.

Psalmell. Qui suscitasti Lazarum,

quatrduanum fœtidum : tu dona eis
requiem, & locum indulgentiæ.

V. Requiem æternam dona eis Do-
mine, & lux perpetua luceat eis. Tu
dona eis requiem, & locum indul-
gentiæ.

Epistola Beati Pauli Apostoli
ad Corinthios prima.

FRatres. Ecce mysterium vobis
dico : Omnes quidem resurgē-
mus : sed non omnes immutabimur.
In momento, in ictu oculi, in nouis-
sima tuba (canet enim tuba) & mor-
tui resurgent incorrupti, & nos im-
mutabimur. Oportet enim corrup-
tibile hoc induere incorruptionem ;
& mortale hoc induere immortalita-
tem. Cùm autem mortale hoc in-
duerit immortalitatem ; tunc fiet ser-
mo, qui scriptus est, Absorpta est
mors in victoria. Ubi est, mors, vi-
ctoria tua ? Ubi est, mors, stimulus
tuus ? Stimulus autem mortis pecca-
tum est : virtus verò peccati lex.
Deo autem gratias : qui dedit nobis
victoriam per Dominum nostrum.

Cant. Domine exaudi orationem
nostram.

Lectio sancti Euangelij
secundum Ioannem.

IN illo tempore. Dixit Iesus tur-
bis Iudæorum : Amen, amen di-
co vobis, quia venit hora, & nunc
est, quando mortui audient vocem
Filij Dei : & qui audierint, viuent.
Sicut enim Pater habet vitam in se-
metipso ; sic dedit & Filio, vitam ha-
bere in semetipso ; & potestatem de-
dit ei, iudicium facere ; quia Filius
hominis est. Nolite mirari hoc ; quia
venit hora, in qua omnes, qui in
f monu-

monumentis sunt, audient vocem Filij Dei: & procedent, qui bona fecerunt, in resurrectionem vitæ; qui verò mala egerunt, in resurrectionem iudicii.

Antiphona post Euangelium.

Requiem sanctam dona eis Domine: & lux misericordiæ luceat eis.

Oratio super sindonem.

Maiestatem tuam, Domine, suppliciter exoramus: vt animæ famulorum, famularumque tuarum, ab omnibus, quæ humanitus commiserunt, exutæ peccatis in tuorum censeantur sorte iustorum. Per Dñm.

Offertor. Domine Iesu Christe, Rex gloriæ, libera animas omnium fidelium defunctorum de pœnis Inferni, & de profundo Laci: libera eas de ore Leonis: ne absorbeat eas Tartarus; ne cadant in obscurum; sed signifer Sanctus Michael repræsentet eas in lucem sanctam, quam olim Abrahamæ promissisti, & semini eius.

V. Hostias, & preces tibi, Domine, laudis offerimus. Tu suscipe pro animabus istis, quarum hodie memoriam facimus. Fac eas Domine de morte transire ad vitam æternam, quam olim Abrahamæ promissisti, & semini eius.

Oratio super oblatam.

Hostias, quæsumus, Domine, quas tibi pro animabus famulorum, famularumque tuarum offerimus, propitiatus intende: vt, quibus Fidei Christianæ meritum contulisti, dones & præmium. Per Dñm.

Præfatio.

Æterne Deus: Qui es assumptor animarum sanctarum. Quamuis enim mortis humano generi illata conditio pectora nostra, mentesque nostras contristet; attamen per clementiam tuam spe futuræ immortalitatis erigimur; & me-

mores salutis æternæ non timemus lucis huius subire dispendium; quia misericordiæ tuæ munere fidelibus vita mutatur, non tollitur; & in timoris tui obseruatione defunctis domicilium perpetuæ felicitatis acquiritur. Tibi igitur, clementissime Pater, supplices fundimus preces, & Maiestatem tuam deuotis mentibus exoramus; vt animæ famulorum, famularumque tuarum, quorum diem Commemorationis anniuersarium celebramus, mortis vinculis absolutæ transire mereantur ad vitam. Per Christum Dominum nostrum.

Confract. Audiui vocem de celodiv. centem: Beati mortui, qui in Domino moriuntur.

Transit. Ego sum resurrectio, & vita. Qui credit in me, etiamsi mortuus fuerit, viuet: & omnis, qui viuit, & credit in me, non morietur in æternum: dicit Dominus.

Oratio post Communionem.

Animabus famulorum, famularumque tuarum, quæsumus, Domine, oratio proficiat supplicantium: vt eas & à peccatis omnibus exuas, & redemptionis tuæ facias esse participes. Qui viuis, & regnas cum Deo Patre.

M I S S A

Pro Defuncto Summo Pontifice.

Cantus, & reliqua, quæ hic desunt, accipe è Missa sequenti pro Defuncto Episcopo.

Oratio super populum.

Deus, qui inter Summos Sacerdotes famulum tuum **N**, ineffabili tua dispositione connumerari voluisti, præsta, quæsumus: vt, qui vni geniti Filij tui vices in terris gerebat Sanctorum tuorum Pontificum consortio perpetuo aggregetur. Per Dominum.

Ora-

Missæ pro Defunctis.

63

Oratio super sindonem.

PReces nostras, quæsumus, Domine, quas pro anima famuli tui, **N**, Summi Pontificis deferimus, propitiatus exaudi: ut, qui nomini tuo ministerium fidele persoluit, æterno Sanctorum consortio latetur. Per Dominum nostrum.

Oratio super oblatam.

Suscipe Domine, quæsumus, pro anima famuli tui, **N**, Summi Pontificis, quas offerimus, hostias: ut, qui in hoc sæculo Pontificale donasti meritum, eum in cœlesti Regno Sanctorum tuorum iubeas coniungi consortio. Per Dominum.

Oratio post Communionem.


Propitiare, Domine, supplicationibus nostris: & animam famuli tui, **N**, Summi Pontificis in Regione viuorum æternis fac gaudijs sociari. Per Dominum nostrum.

In Anniuersario Summi Pontificis eadem celebratur Missa.

M I S S A

Pro Episcopo Defuncto.

Ingressa.



Requiem æternam dona ei Domine: & lux perpetua luceat ei.

Psalmellus: Te decet hymnus, Deus, in Sion: & tibi reddetur votum in Ierusalem. Exaud orationem meam Domine: ad te omnis caro veniet.

V. Requiem æternam dona ei Domine: & lux perpetua luceat ei.

Oratio super populum.

Deus, qui inter apostolicos Sacerdotes famulum tuum, **N**, Pontificali fecisti dignitate vigere, præsta, quæsumus: ut eorum quoque perpetuo aggregetur consortio. Per Dominum.

Lectio Libri Iob.

IN in diebus illis. Locutus est Iob ^{Car. 19.} dicens: Pelli meæ, consumptis carnibus, adhæsit os meum: & derelicta sunt tantummodo labia circa dentes meos. Misere mini mei, misere mini mei saltem vos amici mei; quia manus Domini tetigit me. Quare persequimini me sicut Deus, & carnibus meis saturamini? Quis mihi tribuat, ut scribantur sermones mei? Quis mihi det, ut exarentur in libro stylo ferreo, & plumbi laminâ, vel celte sculpantur in filice? Scio enim, quod Redemptor meus viuit, & in nouissimo die de terra surrecturus sum: & rursum circundabor pelle mea, & in carne mea videbo Deum: quem visurus sum ego ipse, & oculi mei conspecturi sunt, & non alius. Reposita est hæc spes mea in sinu meo.

Psalmell. Qui suscitasti Lazarum quadriduanum foetidum: tu dona ei requiem, & locum Indulgentiæ.

V. Requiem æternam dona ei Domine: & lux perpetua luceat ei. Tu dona ei requiem, & locum Indulgentiæ.

Epistola Beati Pauli Apostoli ad Corinthios secunda.

FRatres. Audentes semper, & ^{ca}scientes, quoniam, dum sumus in corpore, peregrinamur à Domino (per fidem enim ambulamus, & non per speciem) audemus autem, & bonam voluntatem habemus magis peregrinari à corpore, & præsentem esse ad Dominum: & ideo contendimus, siue absentes, siue præsentem, placere illi. Omnes enim nos manifestari oportet ante Tribunal Christi; ut referat unusquisque propria corporis, prout gessit, siue bonum, siue malum.

Cantus: Domine exaudi orationem nostram. ^{Psalm 142.}



Lectio sancti Euangelij
secundum Ioannem.

IN illo tempore. Dixit Iesus Disci-
pulis suis, & turbis Iudæorum:
Amen, amen dico vobis, quia venit
hora, & nunc est, quando mortui au-
dient vocem Filij Dei: & qui audie-
rint, viuent. Sicut enim Pater habet
vitam in semetipso; sic dedit & Fi-
lio vitam habere in semetipso; &
potestatem dedit ei iudicium face-
re; quia Filius hominis est. Nolite
mirari hoc; quia venit hora, in qua
omnes, qui in monumentis sunt, au-
dient vocem Filij Dei; & procedent,
qui bona fecerunt, in resurrectio-
nem vitæ; qui verò mala egerunt, in
resurrectionem iudicij. Non possum
ego à me ipso facere quicquam. Si-
cut audio, iudico: & iudicium meum
iustum est; quia non quæro volun-
tatem meam, sed voluntatem eius,
qui misit me.

Antiphona post Euangelium.

Requiem sanctam dona ei Domine:
& lux misericordiæ luceat ei.

Oratio super sindonem.

Deus infinitæ misericordiæ susci-
pe pro anima famuli tui, **N**,
Pontificis preces nostras; & lucis ei,
lætitiæque in Regione Sanctorum
tuorum societatem concede. Per Do-
minum nostrum.

Offertor. Domine Iesu Christe, Rex
gloriæ, libera animas omnium fide-
lium defunctorum de pœnis Inferni,
& de profundo Laci: libera eas de
ore Leonis; ne absorbeat eas Tarta-
rus; ne cadant in obscurum; sed si-
gnifer Sanctus Michael repræsentet
eas in lucem sanctam, quam olim
Abrahæ promisti, & semini eius.

V. Hostias, & preces tibi, Domine,
laudis offerimus. Tu suscipe pro ani-
ma istius Pontificis, cuius hodie me-
moriam facimus. Fac eam Domine

de morte transire ad vitam æter-
nam, quam olim Abrahæ promisti,
& semini eius.

Oratio super oblatam.

Suscipe, quæsumus, Domine, pro
anima famuli tui, **N**, Pontificis,
quas offerimus, hostias: vt, cui in
hoc sæculo pontificale donasti meri-
tum, eum in cœlesti Regno Sancto-
rum tuorum iubeas coniungi con-
fortio. Per Dominum nostrum, Je-
sum Christum, Filium tuum: qui te-
cum viuit, & regnat.

Præfatio.

Æterne Deus: Suppliciter de-
precantes, vt famulus tuus,
N, cui dedisti Ecclesiæ tuæ guberna-
cula, dum viueret in hoc mundo,
nunc carnis ergastulo liberatus, &
Præsulibus apostolicæ dignitatis con-
sociatus, vitæ æternæ præmium con-
sequi mereatur; vt, quorum est se-
cutus officium, habere possit & me-
ritum; atque in beatorum taberna-
culis spirituum constitutus, se carna-
les euasisse gloriatur angustias, diem-
que Iudicij cum fiducia, & voto
exultationis expectet. Per Christum.

Confract. Audiui vocem de cœlo di-
centem: Beati mortui, qui in Domi-
no moriuntur. Apo. 14.

Transit. Ego sum resurrectio, & vi-
ta. Qui credit in me, etiam si mor-
tuis fuerit, viuet: & omnis, qui vi-
uit, & credit in me, non morietur in
æternum: dicit Dominus. Io. 11.

Oratio post Communionem.

Profit, quæsumus, Domine, ani-
mæ famuli tui, **N**, Pontificis mi-
sericordiæ tuæ implorata clementia:
vt eius, in quo sperauit, & credidit,
æternum capiat, te miserante, con-
fortium. Per Dominum nostrum.

**In Anniversario Episcopi dicitur
etiam præcedens Missa.**

Missæ pro Defunctis.

M I S S A

Pro pluribus Episcopis.

Cantus, Lectio, Epist. & Euangel.
sumuntur ex Missa in Commemorat.
omnium Defunctorum: Offertorium
verò ex præcedenti; sed accomoda-
tur ad plures.

Oratio super populum.

DEus, qui inter apostolicos Sa-
cerdotes famulos tuos pontifi-
cali fecisti dignitate vigere, præsta,
quæsumus: vt eorum quoque perpe-
tuo aggregentur consortio. Per Dñm.

Oratio super sindonem.

DEus infinitæ misericordiæ susci-
pe pro animabus famulorum
tuorum Pontificum preces nostras:
& lucis eis, lætitiæque in Regione
Sanctorum tuorum societatem con-
cede. Per Dominum nostrum.

Oratio super oblatam.

Suscipe, quæsumus, Domine, pro
animabus famulorum tuorum,
Pontificum, quam offerimus, ho-
stiam: vt, quibus pontificale donasti
meritum, dones & præmium. Per
Dominum nostrum.

Præfatio.

Æterne Deus: Suppliciter de-
precantes, vt famuli tui, qui-
bus dedisti Ecclesiæ tuæ gubernacu-
la, dum viuerent in hoc mundo,
nunc carnis ergastulo liberati, & Præ-
sulibus apostolicæ dignitatis conso-
ciati, vitæ æternæ præmium conse-
qui mereantur; vt, quorum sunt se-
cuti officium, habere possint & meri-
tum; atque in beatorum tabernacu-
lis spirituum constituti, se carnales
euasisse glorientur angustias, diem-
que Iudicii cum fiducia, & voto exul-
tationis expectent. Per Christum.

Oratio post Communionem.

Profit, quæsumus, Domine, ani-
mabus famulorum tuorum Pon-
tificum misericordiæ tuæ implorata

65

clementia: vt eius, in quo sperauê-
runt, & crediderunt, æternum ca-
pian, te miserante, consortium. Per
Dominum nostrum.

In Aniuersario similiter plurium
Episcoporum dicitur præcedens Missa.

M I S S A

Pro Defuncto Sacerdote.

Ingressa.



Equiem æternam dona
ei Domine: & lux per-
petua luceat ei.

Psalmellus: Te decet ^{Psalm.} 64.

hymnus, Deus, in
Sion: & tibi reddetur
votum in Ierusalem. Exaudi oratio-
nem meam Domine: ad te omnis ca-
ro veniet.

V. Requiem æternam dona ei Domi-
ne: & lux perpetua luceat ei.

Oratio super populum.

DA nobis Domine: vt animam
famuli tui Sacerdotis, quam de
huius sæculi eduxisti laborioso certa-
mine, Sanctorum tuorum tribuas ef-
se consortem. Per Dominum.

Lectio Libri Apocalypsis
Beati Ioannis Apostoli.

Ego Ioannes audiui vocem de ^{Cap.} 14.
cælo, dicentem mihi: Scribe;
Beati mortui, qui in Domino mo-
riuntur. Amodo iam dicit Spiritus,
vt requiescant à laboribus suis. Ope-
ra enim illorum sequuntur illos.

Psalmell. De profundis clamaui ad ^{Psalm.} 129.
te, Domine; Domine exaudi oratio-
nem meam.

V. Quia apud te propitiatio est, &
propter legem tuam sustinui te, Do-
mine; Domine exaudi orationem
meam.

Epistola Beati Pauli Apostoli
ad Corinthios secunda.

Fratres. Audentes semper, & ^{Cap.}
scientes, quoniam, dum sumus

in corpore, peregrinamur à Domino (per fidem enim ambulamus, & non per speciem) audemus autem, & bonam voluntatem habemus, magis peregrinari à corpore, & præsentem esse ad Dominum: & ideo contendimus, siue absentes, siue præsentem, placere illi. Omnes enim nos manifestari oportet ante Tribunal Christi; ut referat unusquisque propria corporis, prout gessit, siue bonum, siue malum.

Psal.
142.

Cantus: Domine exaudi orationem nostram.



Lectio sancti Evangelij secundum Ioannem.

Cap.
6.

IN illo tempore. Dixit Iesus Discipulis suis, & turbis Iudæorum: Ego sum Panis viuus, qui de coelo descendi. Si quis manducauerit ex hoc Pane; viuet in æternum; & Panis, quem ego dabo, caro mea est pro mundi vita. Litigabant ergo Iudæi adinuicem dicentes: Quomodo potest hic nobis carnem suam dare, ad manducandum? Dixit ergo eis Iesus: Amen, amen dico vobis, Nisi manducaueritis carnem Filij hominis, & biberitis eius sanguinem; non habebitis vitam in vobis. Qui manducat meam carnem, & bibit meum sanguinem, habet vitam æternam: & ego resuscitabo eum in nouissimo die.

Antiphona post Euangelium.

Requiem sanctam dona ei Domine: & lux misericordiæ luceat ei.

Oratio super sindonem.

Præsta, quæsumus, Domine: ut anima famuli tui Sacerdotis, quem in hoc sæculo commorantem sacris muneribus decorasti, in coelesti Sede, gloriosa semper exaltet. Per Dominum nostrum.

Offertor. Domine Iesu Christe, Rex gloriæ, libera animas omnium fidelium Defunctorum de poenis Inferni, & de profundo Laci: libera eas de

ore Leonis; ne absorbeat eas Tartarus; ne cadant in obscurum; sed signifer Sanctus Michael repræsentet eas in lucem sanctam, quam olim Abrahamæ promisisti, & semini eius.

V. Hostias, & preces tibi, Domine, laudis offerimus. Tu suscipe pro anima istius Sacerdotis, cuius hodie memoriam facimus. Fac eam, Domine, de morte transire ad vitam æternam, quam olim Abrahamæ promisisti, & semini eius.

Oratio super oblatam.

Concede, quæsumus, omnipotens Deus: ut per has oblationes, quas tibi offerimus, anima famuli tui Sacerdotis ante conspectum gloriæ tuæ semper exaltet; ut, qui tuis mysterijs fideliter ministravit, his oblationibus, te miserante, se sentiat liberatum. Per Dominum nostrum.

Præfatio.

Æterne Deus. Qui famulum tuum, tuæ propitiationis ministrum, Sacerdotemque esse voluisti: qui tibi Agni tui vnici Corpus immolaret, & Sanguinem. Petimus ergo immensam clementiam tuam. ut hoc sacrificium seruitutis nostræ, pro eius amore oblatum, ipsi nunc profit ad veniam, qui olim illud pro Ecclesiæ tuæ statu, atque regimine Maiestati tuæ immolabat. Per eundem Christum.

Confract. Audiui vocem de coelo dicentem: Beati mortui, qui in Domino moriuntur. Apo. 14.

Transit. Ego sum resurrectio, & vita. Qui credit in me, etiamsi mortuus fuerit; viuet: & omnis, qui viuit, & credit in me, non morietur in æternum: dicit Dominus. Io. 11.

Oratio post Communionem.

His sacrificijs, quæsumus, omnipotens Deus, purga animam, & spiritum famuli tui Sacerdotis: ut ad indul-

Missæ pro Defunctis.

67

indulgentiam, & refrigerium sempiternum peruenire mereatur. Per Dominum nostrum.

In Anniuersario pariter vnus Sacerdotis dicitur præcedens Missa.

M I S S A

Pro pluribus Sacerdotibus Defunctis.

Sumuntur Cantus ex Missa in Commemoratione omnium Defunctorum: Lectio verò, Epist., Euang., & Offertor. ex præcedenti Missa.

Oratio super populum.

DA nobis Domine: vt animas famulorum tuorum Sacerdotum, quas de huius sæculi eduxisti laborioso certamine, Sanctorum tuorum, tribuas esse consortes. Per Dñm.

Oratio super sindonem.

PRæsta, quæsumus, Domine: vt animæ famulorum tuorum Sacerdotum, quos in hoc sæculo commorantes sacris muneribus decorasti, in cœlesti Sede gloriosæ semper exultent. Per Dominum.

Oratio super oblatam.

COncede, quæsumus, omnipotens Deus: vt per has oblationes, quas tibi offerimus, animæ famulorum tuorum Sacerdotum ante conspectum gloriæ tuæ semper exultent: vt, qui tuis mysterijs fideliter ministrarunt, his oblationibus, te miserante, se sentiant liberatos. Per Dñm.

Præfatio.

ÆTerne Deus. Qui famulos tuos, tuæ propitiationis ministros, Sacerdotesque esse voluisti: qui tibi Agni tui vnici Corpus immolarent, & Sanguinem. Petimus ergo immensam clementiam tuam: vt hoc sacrificium seruitutis nostræ, pro eorum amore oblatum, ipsis nunc profit ad veniam, qui olim illud pro Ecclesiæ tuæ statu, atque regimine Maiestati tuæ immolabant. Per eundem Christum.

Oratio post Communionem.

His sacrificijs, quæsumus, omnipotens Deus, purga animas, & spiritus famulorum tuorum Sacerdotum: vt ad indulgentiam, & refrigerium sempiternum peruenire mereantur. Per Dominum.

In Anniuersario item plurium Sacerdotum dicitur præcedens Missa.

M I S S A

In die obitus, seu depositionis, vnus Defuncti.

Ingressa.



Equiem æternam dona ei Domine: & lux perpetua luceat ei.

Psal. 64.
Psalmellus: Te decet hymnus, Deus, in Sion: & tibi reddetur

votum in Ierusalem. Exaudi orationem meam Domine: ad te omnis caro veniet.

V. Requiem æternam dona ei Domine: & lux perpetua luceat ei.

Oratio super populum.

DEus, cui proprium est, misereri semper, & parcere, te supplices exoramus pro anima famuli tui, **N**, quam de hoc sæculo hodie migrare iussisti: vt non tradas eam in manus Inimici, neque obliuiscaris in finem; sed iubeas, à sanctis Angelis suscipi, & ad patriam Paradisi perduci: vt, quia in te sperauit, & credidit, non poenas æternas sustineat, sed gaudia æterna possideat. Per Dominum.

Lectio Libri Iob.

IN diebus illis. Locutus est Iob dicens: Quis mihi hoc tribuat Domine, vt in Inferno protegas me: & abscondas me, donec pertranseat furor tuus: & constituas mihi tempus, in quo recordéris mei? Putasne, mortuus homo rursus viuet? Cunctis diebus, quibus nunc milito, expecto

pecto, donec veniat immutatio mea. Vocabis me; & ego respondebo tibi: operi manuum tuarum porriges dexteram. Tu quidem gressus meos dinumerasti; sed parce peccatis meis.

Psal. mell. Qui suscitasti Lazarum, quatruiduanum foetidum; tu dona ei requiem, & locum indulgentiæ.

V. Requiem æternam dona ei Domine: & lux perpetua luceat ei. Tu dona ei requiem, & locum indulgentiæ.

Epistola Beati Pauli Apostoli ad Thessalonicenses prima.

Cap. 1. **F**ratres. Nolumus, vos ignorare de dormientibus; vt non contristemini, sicut & cæteri, qui spem non habent. Si enim credimus, quod Iesus mortuus est, & resurrexit; ita & Deus eos, qui dormierunt per Iesum, adducet cum eo. Hoc enim vobis dicimus in verbo Domini: Quia nos, qui viuimus, qui residui sumus in aduentu Domini, non præueniemus eos, qui dormierunt. Quoniam ipse Dominus in iussu, & in voce Archangeli, & in tuba Dei descendet de cælo: & mortui, qui in Christo sunt, resurgent primi: deinde nos, qui viuimus, qui relinquimur, simul rapiemur cum illis in nubibus obuiam Christo in aera: & sic semper cum Domino erimus. Itaque consolamini inuicem in verbis istis.

Cap. 1. **Cantus:** Domine exaudi orationem nostram.



Lectio sancti Euangelij secundum Ioannem.

Cap. 11. **I**n illo tempore. Dixit Martha ad Iesum: Domine, si fuisses hic; frater meus non fuisset mortuus. Sed & nunc scio, quia, quæcunque poposceris à Deo, dabit tibi Deus. Dicit illi Iesus: Resurget frater tuus. Dicit ei Martha: Scio, quia resurget in resurrectione in nouissimo die. Dixit ei Iesus: Ego sum resurrectio, & vita.

Qui credit in me, etiamsi mortuus fuerit; viuet: & omnis, qui viuit, & credit in me non morietur in æternum. Credis hoc? Ait illi: Utique Domine: ego credidi, quia tu es Christus Filius Dei, qui in hunc mundum venisti.

Antiphona post Euangelium.

Requiem sanctam dona ei Domine: & lux misericordiæ luceat ei.

Oratio super sindonem.

Deus, qui iustorum supplicationibus semper præstò es, quia sua vota dignaris intuèri; te suppliciter deprecamur: vt famulo tuo, **N**, pro cuius hodiernâ depositione tibi officia humanitatis exhibemus, cum Sanctis, atque Fidelibus tuis beati muneris tribuas portionem. Per Dñm.

Offertor. Domine Iesu Christe, Rex gloriæ, libera animas omnium fidelium defunctorum de pœnis Inferni, & de profundo Laci: libera eas de ore Leonis; ne absorbeat eas Tartarus; ne cadant in obscurum; sed signifer Sanctus Michael repræsentet eas in lucem sanctam, quam olim Abrahamæ promissisti, & semini eius.

V. Hostias, & preces tibi, Domine, laudis offerimus: tu suscipe pro anima istius, cuius hodie memoriam facimus. Fac eam Domine de morte transire ad vitam æternam, quam olim Abrahamæ promissisti, & semini eius.

Oratio super oblatam.

Propitiare, quæsumus, Domine, animæ famuli tui; **N**, pro qua tibi hostiam laudis immolamus: Maiestatem tuam suppliciter deprecantes; vt per hæc piæ placationis officia peruenire mereatur ad requiem sempiternam. Per Dominum.

Præfatio.

Æterne Deus: Hostiasque placationis, & laudis offerre: vt perpetuæ misericordiæ tuæ largitate ani-

Missæ pro Defunctis.

69

animam famuli tui, **N**, quam hodie de carnis ergastulo transtulisti, in pacis, ac lucis Regione constituas, & Sanctorum tuorum iubeas esse confortem. Per Christum Dñm nostrum.

Apo. 14. **Confract.** Audiui vocem de cœlo dicentem: Beati mortui, qui in Domino moriuntur.

Io. 11. **Transit.** Ego sum resurrectio, & vita. Qui credit in me, etiamsi mortuus fuerit, viuet: & omnis, qui viuit, & credit in me, non morietur in æternum: dicit Dominus.

Oratio post Communionem.

Presta, quæsumus, omnipotens Deus: vt anima famuli tui, **N**, quæ hodie de hoc sæculo migravit, his sacrificijs purgata, & à peccatis expedita, indulgentiam pariter, & vitam capiat sempiternam. Per Dominum nostrum.

M I S S A

In die Tertio, aut Septimo, aut Trigesimo vnus Defuncti.

In his diebus dicitur Missa, vt in die obitus, præter Orationes, & Præfationem sequentes: in quibus Sacerdos sub litera, **N**, exprimet diem commemoratum: scilicet, aut Tertium, aut Septimum, aut Trigesimum

Oratio super populum.

Quæsumus, Domine, vt animæ famuli tui, cuius depositionis diem, **N**, commemoramus: Sanctorum, atque Electorum tuorum largiri digneris confortium, & rorem misericordiæ tuæ perennem infundas. Per Dominum nostrum.

Oratio super sindonem.

Deus, indulgentiarum Domine, famulo tuo, cuius depositionis diem, **N**, commemoramus: refrigerij, quæsumus, sedem, quietis beatitudinem, & luminis claritatem largiaris. Per Dominum.

Oratio super oblatam.

Adesto Domine supplicationibus nostris: & hanc oblationem, quam tibi offerimus ob diem depositionis, **N**, pro anima famuli tui, placatus, ac benignus assume. Per Dominum nostrum.

Præfatio.

Per Christum Dominum nostrum. Per quem salus mundi, per quem vita omnium, per quem resurrectio mortuorum. Per ipsum te, Domine, suppliciter deprecamur: vt animæ famuli tui, cuius diem depositionis, **N**, celebramus, indulgentiam largiaris perpetuam: atque contagijs mortalitatis exutam, in æternæ saluationis partem restituas. Per eundem.

Oratio post Communionem.

Omnipotens sempiterne Deus: animam, & spiritum famuli tui, cuius depositionis diem, **N**, celebramus, collocare digneris in finibus Abrahamæ, Isaac, & Iacob; vt, cum dies agnitionis tuæ aduenerit, inter Sanctos, & Electos tuos eum resuscitari præcipias. Per Dominum.

M I S S A

In Anniuersario vnus Defuncti.

Ingressa.

Requiem æternam dona ei Domine: & lux perpetua luceat ei.

Psalmellus: Te decet ^{Psalm.} hymnus, Deus, in Sion: & tibi reddetur votum in Ierusalem. Exaudi orationem meam Domine: ad te omnis caro veniet.

Requiem æternam dona ei Domine: & lux perpetua luceat ei.

Oratio super populum.

Adesto Domine supplicationibus nostris: quibus tuam misericordiam suppliciter deprecamur pro anima famuli tui, cuius hodie annua dies

dies agitur; vt eam, mortalitatis nexibus absolutam, inter Sanctos, & Electos tuos perpetuam iubeas habere portionem. Per Dominum.

Lectio Libri Iob.

IN diebus illis. Locutus est Iob dicens: Quis mihi hoc tribuat, Domine, vt in Inferno protegas me: & abscondas me, donec pertranseat furor tuus: & constituas mihi tempus, in quo recordêris mei? Putasne mortuus homo rursus viuet? Cunctis diebus, quibus nunc milito, expecto, donec veniat immutatio mea. Vocabis me: & ego respondebo tibi: operi manuum tuarum porriges dexteram. Tu quidem gressus meos dinumerasti; sed parce peccatis meis.

Psalmell. Qui suscitasti Lazarum quadriduanum foetidum: tu dona ei requiem, & locum indulgentiæ.

V. Requiem æternam dona ei Domine: & lux perpetua luceat ei. Tu dona ei requiem, & locum indulgentiæ.

Epistola Beati Pauli Apostoli ad Thessalonicenses prima.

FRatres. Nolumus, vos ignorare de dormientibus; vt non contristemini, sicut & cæteri, qui spem non habent. Si enim credimus, quòd Iesus mortuus est, & resurrexit; ita & Deus eos, qui dormierunt per Iesum, adducet cum eo. Hoc enim vobis dicimus in verbo Domini: Quia nos, qui viuimus, qui residui sumus in aduentu Domini, non præueniêmus eos, qui dormierunt. Quoniam ipse Dominus in iussu, & in voce Archangeli, & in tuba Dei descendet de cælo: & mortui, qui in Christo sunt, resurgent primi: deinde nos, qui viuimus, qui relinquimur, simul rapiêmur cum illis in nubibus obuiam Christo in aera: & sic semper cum Domino erimus. Itaq; consolamini inuicem in verbis istis.

Cantus: Domine exaudi orationem nostram.

Lectio sancti Euangelij secundum Ioannem.

IN illo tempore. Dixit Iesus turbis Iudæorum: Nemo potest venire ad me, nisi Pater, qui misit me, traxerit eum: & ego resuscitabo eum in nouissimo die. Est scriptum in Prophetis: Et erunt omnes docibiles Dei. Omnis, qui audiuit à Patre, & didicit, venit ad me. Non quia Patrem vidit quisquam, nisi is, qui est à Deo, hic vidit Patrem. Amen, amen dico vobis: Qui credit in me, habet vitam æternam: & ego resuscitabo eum in nouissimo die.

Antiphona post Euangelium.

Requiem sanctam dona ei Domine: & lux misericordiæ luceat ei.

Oratio super sindonem.

Adesto Domine supplicationibus nostris pro anima famuli tui, in cuius annuâ obitus die officium commemorationis impendimus: vt, si qua ei sæcularis macula inhæsit, aut eum mundiâle vitium infecit; dono tuæ pietatis indulgeas, & abstergas. Per Dominum.

Offert. Libera me Domine Deus in die illa tremenda Iudicij, Quando Angeli offerent tibi chirographa peccatorum hominum.

V. Miserere mei, Deus, miserere mei; quoniam in te confidit anima mea, Quando Angeli offerent tibi chirographa peccatorum hominum.

Oratio super oblatam.

Propitiare Domine supplicationibus nostris pro anima famuli tui, cuius hodie annua dies agitur: pro qua tibi offerimus sacrificium laudis, vt eam Sanctorum tuorum consortio sociare digneris. Per Dominum.

Præfatio.

Æterne Deus. Cuius imperio nascimur, cuius arbitrio regimur, cuius mysterio redempti sumus. Cuius
etiam

Missa pro Defunctis.

71

etiam præcepto in terram, de qua sumpti sumus, præuaricationis lege dissoluimur: atque tuo nutu resurrectionis ad gloriam pulvis ex homine in hominem reparatur. Nostri est Domine meriti, quod perimus; tuæ verò pietatis, & gratiæ, quod morte consumpti rediuvio cinere perpetuam renouamur ad vitam. Per Christum.

Confract. Audiui vocem de cœlo dicentem: Beati mortui, qui in Domino moriuntur.

Transit. Ego sum resurrectio, & vita. Qui credit in me, etiamsi mortuus fuerit; viuet: & omnis, qui vivit, & credit in me, non morietur in æternum: dicit Dominus.

Oratio post Communionem.

Inclina Domine, quæsumus, precibus nostris aures tuæ pietatis: & animæ famuli tui, cuius hodie annua dies agitur, remissionem omnium tribue peccatorum; vt his sacrificijs purificata consortio, mereatur, perfrui Beatorum. Per Dominum.

M I S S A

In Anniuersario plurimum
Defunctorum.

Ingressa.



Requiem æternam dona eis Domine: & lux perpetua luceat eis.

Psalmellus: Te decet hymnus, Deus, in Sion: & tibi reddetur

votum in Ierusalem. Exaudi orationem meam Domine: ad te omnis caro veniet.

V. Requiem æternam dona eis Domine: & lux perpetua luceat eis.

Oratio super populum.

Deus, indulgentiarum Domine, animabus famulorum, famularumque tuarum, quorum anniuersarium depositionis diem commemo-

ramus: da, quæsumus, refrigerij sedem, quietis beatitudinem, & luminis claritatem. Per Dominum.

Lectio Libri Machabæorum.

In diebus illis. Vir fortissimus Iudas, facta collatione, duodecim millia drachmas argenti misit Ierusalem, offerri pro peccatis mortuorum sacrificium, bene, & religiosè de resurrectione cogitans. Nisi enim eos, qui ceciderant, resurrecturos speraret; superfluum videretur, & vanum orare pro mortuis. Et quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo, & salubris est cogitatio, pro defunctis exorare; vt à peccatis solvantur.

Psalmell. Qui suscitasti Lazarum quadriduanum foetidum: tu dona eis requiem, & locum indulgentiæ.

V. Requiem æternam dona eis Domine: & lux perpetua luceat eis. Tu dona eis requiem, & locum indulgentiæ.

Epistola Beati Pauli Apostoli ad Corinthios secunda.

Fratres. Audentes semper, & scientes, quoniam, dum sumus in corpore, peregrinamur à Domino (per fidem enim ambulamus, & non per speciem) audemus autem, & bonam voluntatem habemus, magis peregrinari à corpore, & præsentem esse ad Dominum: & ideo contendimus, siue absentes, siue præsentem, placere illi. Omnes enim nos manifestari oportet ante Tribunal Christi; vt referat vnusquisque propria corporis, prout gessit, siue bonum, siue malum.

Cantus: Domine exaudi orationem nostram.



Lectio sancti Euangelij secundum Ioannem.

In illo tempore. Dixit Iesus turbis Iudæorum: Omne, quod dabo mihi Pater, ad me veniet: & eum, qui

qui venit ad me, non eijciam foras; quia descendi de coelo; non ut faciam voluntatem meam, sed voluntatem eius, qui misit me. Hæc est enim voluntas eius, qui misit me, Patris: ut omne, quod dedit mihi, non perdam ex eo, sed resuscitem illud in nouissimo die. Hæc est autem voluntas Patris mei, qui misit me: ut omnis, qui videt Filium, & credit in eum, habeat vitam æternam: & ego resuscitabo eum in nouissimo die.

Antiphona post Euangelium.

Requiem sanctam dona eis Domine: & lux misericordiæ luceat eis.

Oratio super sindonem.

Famulis, & famulabus tuis, quorum hodie annua dies agitur, quæsumus, Domine, ita oratio proficiat supplicantium: ut inde eos & à peccatis exuas, & redemptionis tuæ confortes efficias. Per Dominum.

Offertor. Domine Iesu Christe, Rex gloriæ, libera animas omnium fidelium Defunctorum de poenis Inferni, & de profundo Laci: libera eas de ore Leonis; ne absorbeat eas Tartarus; ne cadant in obscurum; sed signifer Sanctus Michael repræsentet eas in lucem sanctam, quam olim Abrahamæ promissisti, & semini eius.

V. Hostias, & preces tibi, Domine, laudis offerimus. Tu suscipe pro animabus istis, quarum hodie memoriam facimus. Fac eas Domine de morte transire ad vitam æternam, quam olim Abrahamæ promissisti, & semini eius.

Oratio super oblatam:

Propitiare Domine supplicationibus nostris pro animabus famulorum, famularumque tuarum, quorum annua dies agitur: pro quibus tibi offerimus sacrificium laudis, ut eos Sanctorum tuorum consortio sociare digneris. Per Dominum.

Præfatio.

Æterne Deus: Maiestatem tuam suppliciter exorantes: ut, omni peccatorum foeditate discussa, sanctificatas indulgentiæ tuæ dono animas famulorum, famularumque tuarum in Sanctorum Patriarcharum sinu suscipias; quatenus illic requiescentes perpetua, promissæ sibi resurrectionis gloriam cum Sanctis tuis præstolentur æternam. Per Christum.

Confract. Audiui vocem de coelo dicentem: Beati mortui, qui in Domino moriuntur. Apo. 14.

Transit. Ego sum resurrectio, & vita. Io. 11. Qui credit in me, etiamsi mortuus fuerit, viuet: & omnis, qui viuit, & credit in me, non morietur in æternum: dicit Dominus.

Oratio post Communionem.

Præsta, quæsumus, Domine: ut animæ famulorum, famularumque tuarum, quorum anniuersarium depositionis diem commemoramus, his purgatæ sacrificijs, indulgentiam pariter, & requiem capiant sempiternam. Per Dominum nostrum.

MISSA QUOTIDIANA

Pro vno Defuncto.

Cantus, & reliqua, quæ hic desunt, sumuntur de Missa dici obitus, pag. 67.

Oratio super populum.

Inclina Domine aurem tuam ad preces nostras: quibus misericordiam tuam suppliciter deprecamur; ut animam famuli tui, quam de hoc sæculo migrare iussisti, in pacis, ac lucis Regione constituas, & Sanctorum tuorum iubeas esse consortem. Per Dominum nostrum.

Oratio super sindonem.

Absolve, quæsumus, Domine animam famuli tui ab omni vinculo delictorum: ut in resurrectionis gloria inter Sanctos, & Electos tuos resuscitatus respiret. Per Dñm. Ora-

Missæ pro Defunctis.

73

Oratio super oblatam.

Animam famuli tui, quæsumus, Domine, ab omnibus vitijs humanæ conditionis hæc absoluat oblatio: quæ totius mundi tulit immolata peccatum. Per Dominum.

Præfatio.

Æterne Deus: Hostiasque placationis, & laudis offerre: vt perpetuæ misericordiæ largitate animam famuli tui facias, in æternæ lucis Regione gaudere. Per Christum.

Oratio post Communionem.

Præsta, quæsumus, Domine: vt anima famuli tui his purgata sacrificijs indulgentiam pariter, & requiem capiat sempiternam. Per Dominum.

MISSA QUOTIDIANA

Pro vna Defuncta.

Cantus, & alia, quæ hic defunt, sumuntur de Missa in die obitus, pag. 67.

Oratio super populum

Quæsumus, Domine, pro tua pietate miserere animæ famulæ tuæ: & eam, à contagijs mortalitatis exutam in æternæ saluationis partem restitue. Per Dñm.

Oratio super sindonem.

Deus, cui proprium est, misereri semper, & parcere: propitiare animæ famulæ tuæ, & omnia eius peccata dimitte; vt mortalitatis vinculis absoluta transire mereatur ad vitam. Per Dominum.

Oratio super oblatam.

His sacrificijs, quæsumus, Domine, anima famulæ tuæ à peccatis omnibus exuatur, sine quibus à culpa nemo liber extitit: & per hæc piæ placationis officia perpetuam misericordiam consequatur. Per Dñm.

Præfatio.

Æterne Deus: Hostiasque placationis, & laudis offerre: vt perpetuæ misericordiæ largitate ani-

mam famulæ tuæ facias in æternæ lucis Regione gaudere. Per Christum.

Oratio post Communionem.

Supplices, Domine, pro anima famulæ tuæ preces effundimus, obsecrantes: vt, quicquid mali ex conuersatione contraxit humanâ, clementer indulgeas; & ipsam in tuorum Sede constituas redemptorum. Per Dominum nostrum.

MISSA QUOTIDIANA

Pro pluribus Defunctis.

Ingressa.



Equiem æternam dona eis Domine: & lux perpetua luceat eis.

Psalmellus. Te decet hymnus, Deus, in Sion: & tibi reddetur

Psalm. 64.

votum in Ierusalem. Exaudi orationem meam Domine: ad te omnis caro veniet.

V. Requiem æternam dona eis Domine: & lux perpetua luceat eis.

Oratio super populum.

Præsta, quæsumus, Domine, animabus famulorum, famularumque tuarum misericordiam sempiternam: vt mortalitatis nexibus expeditas lux eas æterna possideat. Per Dñm.

Lectio Libri Apocalypsis

Beati Ioannis Apostoli.

In diebus illis. Audiui vocem de celo dicentem mihi: Scribe, Beati mortui, qui in Domino moriuntur. A modo iam dicit Spiritus, vt requiescant à laboribus suis. Opera enim illorum sequuntur illos.

Cap. 14.

Cantus: Domine exaudi orationem nostram.

Psalm. 142.

Lectio sancti Euangelij secundum Ioannem.

In illo tempore. Dixit Iesus turbis Iudæorum: Sicut Pater suscitatur mortuos, & viuificat; sic & Filius, quos

Cap. 5.

quos vult, viuificat. Neque enim Pater iudicat quenquam; sed omne iudicium dedit Filio; vt omnes honorificent Filium, sicut honorificant Patrem. Qui non honorificat Filium, non honorificat Patrem, qui misit illum. Amen, amen dico vobis, quia, qui verbum meum audit, & credit ei, qui misit me, habet vitam æternam, & in iudicium non venit, sed transiet à morte in vitam.

Antiphona post Euangelium.

Requiem sanctam dona eis Domine: & lux misericordiæ luceat eis.

Oratio super sindonem.

Deus, cui soli competit medicinam præstare post mortem, tribue, quæsumus: vt animæ famulorum, famularumque tuarum ab omnibus exitæ peccatis in Electorum tuorum societatibus aggregentur. Per Dominum nostrum.

Offert. Libera me Domine Deus in die illa tremenda Iudicij, Quando Angeli offerent tibi chirographa peccatorum hominum.

V. Miserere mei Deus, miserere mei; quoniam in te confidit anima mea, Quando Angeli offerent tibi chirographa peccatorum hominum.

Oratio super oblatam.

Hostias tibi, Domine, humili placatione deferimus: vt animæ famulorum, famularumque tuarum, per hæc placationis officia tuam misericordiam consequantur. Per Dñm.

Præfatio.

Æterne Deus: Cuius imperio nascimur, cuius mysterio viuificamur. Nostri est, Domine, meriti, quòd perimus; tuæ verò pietatis, & gratiæ, quòd morte consumpti rediuiuo cinere perpetuam renouamur ad vitam. Per Christum.

Ap. 14. Confract. Audiui vocem de cælo, dicentem: Beati mortui, qui in Domino moriuntur.

Transit. Ego sum resurrectio, & vita. Qui credit in me; etiamsi mortuus fuerit; viuet: & omnis, qui viuit, & credit in me, non morietur in æternum: dicit Dominus.

Oratio post Communionem.

Inueniant, quæsumus, Domine, animæ famulorum, famularumque tuarum, omniumque in Christo quiescentium, lucis æternæ consortium: qui in hac luce positi tuum consecuti sunt sacramentum. Per Dominum nostrum.

MISSA QUOTIDIANA

Pro celebrantis Patre, & Matre.

Cantus, & reliqua, quæ hic defunt, sumuntur de Missa præcedenti.

Oratio super populum.

Deus, qui nos Patrem, & Matrem honorare præcepisti, miserere clementer animabus Patris, & Matris meæ, eorumque peccata dimitte: meque eos in æternæ claritatis gaudio fac videre. Per Dominum.

Oratio super sindonem.

Deus, qui vniuersorum es Creator, & Conditor, quique tuorum es beatitudo Sanctorum, præsta nobis petentibus: vt animas Patris, & Matris meæ, à corporeis nexibus absolutas, in beata resurrectione cum Electis tuis facias præsentari. Per Dominum nostrum.

Oratio super oblatam.

Suscipe sacrificium Domine, quod tibi pro animabus Patris, & Matris meæ offero: eisque gaudium sempiternum in regione viuorum concede; meque cum illis felicitati Sanctorum coniunge. Per Dominum.

Præfatio.

Æterne Deus. Qui nobis in Christo, vnigenito Filio tuo, spem beatæ resurrectionis concessisti, præsta, quæsumus: vt animæ Patris,

Missæ pro Defunctis.

75

tris, & Matris meæ, pro quibus redemptionis nostræ Sacrificium tuæ offerimus Maieſtati, ad beatæ resurrectionis requiem, te miserante, cum Sanctis tuis peruenire mereantur. Per eundem Christum.

Oratio post Communionem.

COelestis participatio, Domine, sacramenti animabus Patris, & Matris meæ requiem, & lucem obtineat perpetuam: meque cum illis gratiâ tuâ coronet æternâ. Per Dominum nostrum.

MISSA QUOTIDIANA

Pro Celebrantis Patre tantum.

Omnia vt in Missa in die obitus, siue depositionis vnus Defuncti, pag. 67. præter sequentia.

Oratio super populum.

DEus, qui nos Patrem, & Matrem honorare præcepisti: miserere clementer animæ Patris mei, eiusque peccata dimitte; meque eum in æternæ claritatis gaudio fac videre. Per Dominum nostrum.

Oratio super sindonem.

DEus, qui vniuersorum es Creator, & Conditor, quique tuorum es beatitudo Sanctorum, præsta nobis petentibus: vt animam Patris mei, à corporeis nexibus absolutam, in beata resurrectione cum Electis tuis facias præsentari. Per Dominum.

Oratio super oblatam.

Suscipe sacrificium Domine, quod tibi pro anima Patris mei offero: eique gaudium sempiternum in Regione viuorum concede; meque cum illo felicitati Sanctorum coniunge. Per Dominum nostrum.

Præfatio.

Æterne Deus. Qui nobis in Christo, vnigenito Filio tuo, spem beatæ resurrectionis concessisti, præsta, quæsumus: vt anima Pa-

tris mei, pro quo redemptionis nostræ Sacrificium tuæ offerimus Maieſtati, ad beatæ resurrectionis requiem, te miserante, cum Sanctis tuis peruenire mereatur. Per eundem.

Oratio post Communionem.

COelestis participatio, Domine, sacramenti animæ Patris mei requiem, & lucem obtineat perpetuam: meque cum illo gratiâ tuâ coronet æternâ. Per Dominum.

MISSA QUOTIDIANA

Pro Celebrantis Matre tantum.

Omnia vt in die obitus, siue depositionis vnus Defuncti, pag. 67. præter sequentia.

Oratio super populum.

DEus, qui nos Patrem, & Matrem honorare præcepisti, miserere clementer animæ Matris meæ: eiusque peccata dimitte; meque eam in æternæ claritatis gaudio fac videre. Per Dominum nostrum.

Oratio super sindonem.

DEus, qui vniuersorum es Creator, & Conditor, quique tuorum es beatitudo Sanctorum, præsta nobis petentibus: vt animam Matris meæ à corporeis nexibus absolutam, in beata resurrectione cum Electis tuis facias præsentari. Per Dominum.

Oratio super oblatam.

Suscipe sacrificium Domine, quod tibi pro anima Matris meæ offero: eique gaudium sempiternum in Regione viuorum concede; meque cum illa felicitati Sanctorum coniunge. Per Dominum nostrum.

Præfatio.

Æterne Deus. Qui nobis in Christo, vnigenito Filio tuo, spem beatæ resurrectionis concessisti, præsta, quæsumus: vt anima Matris meæ, pro qua redemptionis nostræ Sacrificium tuæ offerimus Maieſtati,

stati, ad beatæ resurrectionis requiem, te miserante, cum Sanctis tuis peruenire mereatur. Per eundem.

Oratio post Communionem.

COelestis participatio, Domine, sacramenti animæ Matris meæ requiem, & lucem obtineat perpetuam: meque cum illa gratiâ tuâ coronet æternâ. Per Dominum nostrum.

Missæ si dicenda sit pro alterius, vel aliorum Patre, simul & Matre, dicitur Missa quotidiana pro pluribus; si verò pro Patre tantum, dicitur Missa pro famulo; & si pro Matre tantum, Missa pro famula.

MISSA QUOTIDIANA

Pro Defunctis Fratribus, Sororibus, Propinquis, & Benefactoribus.

Cantus, & alia quæ hic defunt, sumantur è Missa quotidiana pro pluribus Defunctis, pag. 73.

Oratio super populum.

DEus veniæ Largitor, & humanæ salutis Amator, quæsumus clementiam tuam: vt nostræ Congregationis Fratres, Sorores, Propinquos, & Benefactores nostros, qui ex hoc sæculo transierunt, Beata Mariâ semper Virgine intercedente cum omnibus Sanctis tuis, ad perpetuæ beatitudinis consortium peruenire concedas. Per Dominum nostrum, Iesum Christum, Filium tuum: qui tecum viuit, & regnat in vnitatē Spiritus Sancti Deus, per omnia sæcula sæculorum.

Oratio super findonem.

DEus, Vita viuentium, Spes morientium, Salus omnium in te sperantium, præsta propitius: vt animæ Fratrum, Sororum, Propinquorum, & Benefactorum nostrorum, à nostræ mortalitatis tenebris absolutæ, Beata Mariâ semper Virgine

intercedente, in perpetua cum Sanctis tuis luce lætentur. Per Dominum nostrum, Iesum Christum, Filium tuum: qui tecum viuit, & regnat in vnitatē Spiritus Sancti Deus, per omnia sæcula sæculorum.

Oratio super oblatam.

DEus, cuius misericordiæ non est numerus, suscipe propitius preces humilitatis nostræ: & animabus Fratrum, Sororum, Propinquorum, & Benefactorum nostrorum, quibus tui nominis dedisti confessionem, intercedente Beata Dei Genitrice Mariâ cum omnibus Sanctis, per has oblationes cunctorum remissionem tribue peccatorum. Per eundem Dominum.

Præfatio.

Æterne Deus: Maiestatem tuam suppliciter exorantes: vt, Beata Mariæ, & omnium Sanctorum tuorum prece placatus, animabus Fratrum, Sororum, Propinquorum, & Benefactorum nostrorum, concessâ omnium malorum suorum veniâ, eas in Regione lucis constituas, Electorumque tuorum participes facias. Per Christum Dominum nostrum.

Oratio post Communionem.

Præsta, quæsumus, omnipotens, & misericors Deus; vt animæ Fratrum, Sororum, Propinquorum, & Benefactorum nostrorum, pro quibus hoc sacrificium tuæ obtulimus Maiestatī: per huius virtutem sacramenti, & intercessionem Beata Virginis Mariæ, & omnium Sanctorum à peccatis omnibus expiata, lucis perpetuæ, te miserante, recipiant beatitudinem. Per Dominum nostrum, Iesum Christum, Filium tuum: qui tecum viuit, & regnat in vnitatē Spiritus Sancti Deus, per omnia sæcula sæculorum.

REPERTORIUM.

SEU

Lectiões, Responsoría, Psalmelli, Orationes, Psalmi, Hymni, Antiphonæ, Euangelia, Benedictiones, & alia: quæ, suis locis distincta, vt plurimum in Ecclesijs Collegiatis, certis diebus, & temporibus, legi, & cantari solent.

IN VIGILIA.

Natiuitatis Domini.

Si Vigilia Natiuitatis Domini fuerit dies Dominica; sequentes quatuor Lectiões cum Psalmellis, Versibus, & Orationibus canuntur ante Missam diei Sabbati; & Canticum: Qui regis Israel, de Missa Vigiliæ, dicitur post Epistolam Missæ Sabbati.

Cantato in Vesperis Responso in Choro, Sacerdos dignior dicit in cantu:

V. Dominus vobiscum.

R. Et cum spiritu tuo.

Deinde cantantur Lectiões sequentes in tono Epistolarum ferialium, cum Psalmellis, Versibus, & Orationibus, modo subscripto.

Lectio Libri Genesis.

In diebus illis. Factus est sermo Domini ad Abram per visionem, dicens: Noli timere Abram; ego protector tuus sum, & merces tua magna nimis. Dixitque Abram: Domine Deus, quid dabis mihi? Ego vadam absque liberis: & filius procuratoris domus meæ iste Damascus Eliezer. Addiditque Abram: Mihi autem non dedisti semen: & ecce vernaculus meus hæres meus erit. Statimque sermo Domini factus est ad eum, dicens: Non erit hic hæres tuus; sed, qui egrediétur de utero tuo, ipsum habebis hæredem. Eduxitque eum foras, & ait illi: Suspice

coelum: & numera stellas, si potes. Et dixit ei: Sic erit semen tuum. Credidit Abram Deo: & reputatum est illi ad iustitiam. Dixitque ad eum: Ego Dominus, qui eduxi te de Ur Chaldeorum; vt darem tibi terram istam, & possideres eam. At ille ait: Domine Deus, vnde scire possum, quod possessorus sim eam? Et respondens Dominus: Sume, inquit, mihi vaccam, triennem, & capram trimam, & arietem annorum trium, turturem quoque, & columbam. Qui tollens vniuersa hæc, fecit sicut præceperat ei Dominus.

Psalmell. Tui sunt cœli, & tua est terra: orbem terrarum, & plenitudinem eius tu fundasti. Psalm. 88.

V. Misericordias tuas, Domine, in æternum cantabo: in generatione, & progenie pronuntiabo veritatem tuam in ore meo. Psalm. 98.

V. Dominus vobiscum.

R. Et cum spiritu tuo.

Oratio.

Omnipotens, sempiternus Deus, qui in Filij tui, Domini nostri, Iesu Christi, Natiuitate tribuisti totius religionis initium, perfectionemque constare: da nobis, quæsumus, in eius portione censer, in quo totius salutis humanæ summa consistit. Qui tecum viuit, & regnat in vnitæte Spiritus Sancti Deus, per omnia sæcula sæculorum.

V. Dominus vobiscum.

R. Et cum spiritu tuo.

Lectio Libri Iudicum.

IN diebus illis. Erat vir quidam de Saraa, & de stirpe Dan, nomine Manue, habens uxorem sterilem: cui apparuit Angelus Domini, & dixit ad eam: Sterilis es, & absque liberis; sed concipies, & paries Filium. Caue ergo, ne bibas vinum, ac ficeram, nec immundum quicquam comedas; quia concipies, & paries Filium, cuius non tanget caput nouacula. Erit enim Nazaræus Dei ab infantia sua, & ex matris utero; & ipse incipiet liberare Israel de manu Philistinorum. Quæ cum venisset ad maritum suum, dixit ei: Vir Dei venit ad me, habens vultum Angelicum, terribilis nimis: quem cum interrogassem, quis esset, & vnde venisset, & quo nomine vocaretur; noluit mihi dicere; sed hoc respondit: Ecce concipies, & paries Filium. Caue, ne vinum bibas, nec ficeram, & ne aliquo vescaris immundo. Erit enim puer Nazaræus Dei ab infantia sua, & ex utero matris suæ usque ad diem mortis suæ. Orauit itaque Manue Dominum, & ait: Obsecro, Domine, vt Vir Dei, quem misisti, veniat iterum, & doceat nos, quid debeamus facere de puero, qui nasciturus est. Exaudiuitque Dominus deprecantem Manue.

Jud. 13. **Psalmell.** Obsecro, Domine, vt Angelus, quem misisti, veniat iterum, & doceat nos, quid operemur in puerum, qui nasciturus est nobis.

Psal. 13. **V.** Tollite portas Principis vestri, & eleuamini portæ æternales; vt introeat Rex gloriæ, qui nasciturus est nobis.

V. Dominus vobiscum.

R. Et cum spiritu tuo.

Oratio.

DEus, qui populo tuo integrum præstitisti redemptionis effectum, vt non solum Unigeniti tui

Natiuitate corporea, sed etiam Crucis eius patibulo saluaretur: huius, quæsumus, fidei famulis tuis tribue firmitatem; vt vsque ad promissum gloriæ tuæ præmium, ipso gubernante, perueniant. Qui tecum.

V. Dominus vobiscum.

R. Et cum spiritu tuo.

Lectio Libri Regum.

IN diebus illis. Tristis erat Anna, & flebat, & non capiebat cibum. Dixit ergo ei Elcana, vir suus: Anna, cur fles? & quare non comedis? & quam ob rem affligitur cor tuum? Nunquid non ego melior tibi sum, quàm decem filij? Surrexit autem, Anna, postquam comederat, & biberat in Silo: & Heli Sacerdote sedente super sellam ante postes Templi Domini, cum esset Anna amaro animo, orauit ad Dominum, flens largiter, & votum vouit dicens: Domine exercituum, si respiciens videris afflictionem famulæ tuæ, & recordatus mei fueris, nec oblitus ancillæ tuæ, dederisque seruæ tuæ sexum virilem; dabo eum Domino omnibus diebus vitæ eius; & nouacula non ascendet super caput eius. Factum est autem, cum illa multiplicaret preces coram Domino, vt Heli obseruaret os eius. Porro Anna loquebatur in corde suo, tantumque labia illius mouebantur, & vox penitus non audiebatur. Æstimauit ergo eam Heli temulentam: dixitque ei, Usquequo ebria eris? Digere paulisper vinum, quo makes. Respondens Anna: Nequaquam, inquit, Domine mi. Nam mulier infelix nimis ego sum; vinumque, & omne, quod inebriare potest, non bibi; sed effudi animam meam in conspectu Domini. Ne reputes ancillam tuam quasi vnā de filiabus Belial; quia ex multitudine doloris, & mœroris mei locuta sum vsque

vsque in præsens. Tunc Heli ait ei: Vade in pace: & Deus Israel det tibi petitionem tuam, quam rogasti eum.

Pfalmell. Saluator noster descendit de coelo per Mariæ Virginis vterum. Ab Angelis collaudatur: Et vocatur admirabilis Deus.

V. Regnum teneo virginitatis, & Regem genui. Et vocatur admirabilis Deus.

V. Dominus vobiscum.

R. Et cum spiritu tuo.

Oratio.

EXaudi nos, Domine, Redemptor noster, beata tempora celebrantes: quibus tua coelestis æternitas humanis infusa pectoribus assumpsit hominem liberandum. Qui cum Patre.

V. Dominus vobiscum.

R. Et cum spiritu tuo.

Lectio Isaïæ Prophetæ.

IN diebus illis. Adiécit Dominus loqui ad Achaz dicens: Pete tibi signum à Domino Deo tuo in profundum inferni, siue in excelsum supra. Et dixit Achaz: Non petam, & non tentabo Dominum. Et dixit: Audíte ergo, domus David: Nunquid parum vobis est molestos esse hominibus, quia molesti estis & Deo meo? Propter hoc dabit Dominus ipse vobis signum: Ecce Virgo concipiet, & pariet Filium, & vocabitur nomen eius Emanuel. Butyrum, & mel comedet, vt sciat reprobare malum, & eligere bonum. Quia, antequam sciat puer reprobare malum, & eligere bonum, derelinquetur terra, quam tu detestâris, à facie duorum Regum suorum. Adducet Dominus super te, & super populum tuum, & super domum patris tui dies, qui non venérunt à diebus separationis Ephraim à Iuda cum Rege Assyriorum. Quia, antequam sciat puer vocare patrem suum, & matrem

suam, auferetur fortitudo Damasci, & spolia Samariæ coram Rege Assyriorum.

Pfalmell. Nascetur nobis Paruulus, & vocabitur Deus fortis. Ipse sedebit super Thronum David, & imperabit.

V. Magnus Dominus, & laudabilis nimis in ciuitate Dei nostri, in monte sancto eius. Ipse sedebit super Thronum David, & imperabit.

Dum Pfalmellus canitur, Sacerdos idem dignior cum Ministris in vestimentis albis accedit ad Altare; facit Confessionem, & Missam profectur; sicut in ipsa Vigilia habetur.

IN VIGILIA

Epiphaniæ.

CAntato in Vesperis Responsorio in Choro, Sacerdos dignior dicit:

V. Dominus vobiscum.

R. Et cum spiritu tuo.

Deinde leguntur in Choro Lectiones quatuor sequentes cum suis Psalms, Versibus, & Orationibus.

Lectio Isaïæ Prophetæ.

Hæc dicit Dominus. In tempore placito exaudiui te, & in die salutis auxiliatus sum tui: & seruaui te, & dedi te in fœdus populi, vt succitares terram, & possideres hæreditates dissipatas: vt diceres his, qui vincti sunt, Exíte: & his, qui in tenebris, Reuelamini. Super vias pascuntur, & in omnibus planis pascua eorum. Non esurient, neque sitient: & non percutiet eos æstus, & sol; quia Miserator eorum reget eos, & ad fontes aquarum potabit eos. Et ponam omnes montes meos in viam: & semitæ meæ exaltabuntur. Ecce isti de longè venient, & ecce illi ab Aquilone, & mari, & isti de terra austrâli. Laudate coeli, & exulta terra, iubilare montes laudem; quia conso-

latus est Dominus populum suum, & pauperum suorum miserebitur.

Psalme. Benedictus Dominus Deus Israel, qui facit mirabilia solus: Et benedictum nomen Maiestatis eius in æternum.

V. Deus iudicium tuum Regi da, & iustitiam tuam Filio Regis: Et benedictum nomen Maiestatis eius in æternum.

V. Dominus vobiscum.

R. Et cum spiritu tuo.

Oratio.

Annue nobis, quæsumus, omnipotens Deus: ut, sicut scrutantibus Magis hodie cognitus est Dominus noster, Iesus Christus, & adoratus à cunctis gentibus; ita & sensibus nostris manifestus adueniat, & omni homini innotescat. Qui tecum.

V. Dominus vobiscum.

R. Et cum spiritu tuo.

Lectio Libri Regum.

^{4.}
^{Cap.}
^{1.} **I**N diebus illis. Factum est autem: cum leuare vellet Dominus Eliam per turbinem in cœlum; ibant Elias, & Elisæus de Galgalis. Dixitque Elias ad Elisæum: Sede hîc; quia Dominus misit me vsque in Bethel. Cui ait Elisæus: Viuit Dominus, & viuit anima tua, quia non derelinquam te. Cùmque descendissent Bethel; egressi sunt filij Prophetarum, qui erant in Bethel, ad Elisæum; & dixerunt ei, Nunquid nosti, quia hodie Dominus tollet dominum tuum à te? Et ait: Et ego noui: Silète. Dixit autem ei Elias: Sede hîc; quia Dominus misit me in Iericho. Et ille ait: Viuit Dominus, & viuit anima tua, quia non derelinquam te. Cùmque venissent Iericho; accesserunt filij Prophetarum, qui erant in Iericho ad Elisæum, & dixerunt ei: Nunquid nosti, quia hodie Dominus tollet dominum tuum à te? Et ait: Et ego noui: Si-

lète. Dixit autem ei Elias, Sede hîc; quia Dominus misit me vsque ad Iordanem. Qui ait: Viuit Dominus, & viuit anima tua, quia non derelinquam te. Ierunt igitur ambo pariter; & quinquaginta viri de filiis Prophetarum secuti sunt eos, qui & steterunt è contra longè. Illi autem ambo stabant super Iordanem. Tulitque Elias pallium suum, & inuoluit illud, & percussit aquas, quæ diuisæ sunt in vtramque partem: & transierunt ambo per siccum. Cùmque transissent; Elias dixit ad Elisæum: Postula, quod vis ut faciam tibi, antequam tollar à te. Dixitque Elisæus: Obsecro, ut fiat in me duplex spiritus tuus. Qui respondit: Rem difficilem postulasti. Attamen si videris me, quando tollar à te; erit tibi quod petisti: si autem non videris; non erit. Cùmque pergerent, & incedentes fermocinarentur; ecce currus igneus, & equi ignei diuiserunt vtrumque; & ascendit Elias per turbinem in cœlum. Elisæus autem videbat, & clamabat: Pater mi, pater mi, currus Israel, & auriga eius. Et non vidit eum amplius.

Psalme. Pueri: O Regem cœli, cui talia famulantur obsequia! In stabulo ponitur, qui continet mundum: Iacet in Præsepio, & in nubibus tonat.

V. Sicut audiuius, ita & vidimus in Ciuitate Dei nostri: Iacet in Præsepio, & in nubibus tonat.

V. Dominus vobiscum.

R. Et cum spiritu tuo.

Oratio.

Adesto Domine supplicationibus nostris: & populo tuo, quem tibi ex omnibus gentibus elegisti, veritatis tuæ lumen ostende. Per Dñm.

V. Dominus vobiscum.

R. Et cum spiritu tuo.

Lectio

In Solemnitate Purificationis B. M. V.

81

Lectio Libri Numeri.

IN diebus illis. Dixit Balaam filius Beor: Dixit homo, cuius obturatus est oculus: dixit auditor sermonum Dei, qui nouit doctrinam Altissimi, & visiones Omnipotentis videt, qui cadens apertos habet oculos. Videbo eum, sed non modò: intuëbor illum, sed non propè. **ORIETUR STELLA** ex Iacob, & consurget virga de Iacob: & percutiet duces Moab, vastabitque omnes filios Seth, & erit Idumæa possessio eius: hæreditas Seir cedet inimicis suis, Israel verò fortiter aget. De Iacob erit, qui dominetur, & perdat reliquias ciuitatis. Cùmque vidisset Amalech; assumens parabolam, ait: Principium gentium Amalech, cuius extrema perdentur. Vidit quoque Cinæum, &, assumptâ parabolâ, ait: Robustum quidem est habitaculum tuum: sed si in petra posueris nidum tuum, & fueris electus de stirpe Cin; quandiu poteris permanere? Assur enim capiet te. Assumptâque parabolâ, iterum locutus est: Heu, quis victurus est, quando ista faciet Deus? Venient in trieribus de Italia, superabunt Assyrios, vastabuntque Hebræos: & ad extremum etiam ipsi peribunt. Surrexitque Balaam, & reuersus est in locum suum. Balac quoque viâ, quâ venerat, redijt.

Psalmell. Omnes de Saba venient: Aurum & thus deferentes, & laudem Domino annunciantes.

V. Omnes isti congregati sunt: de longè venient, Aurum & thus deferentes, & laudem Domino annunciantes.

V. Dominus vobiscum.

R. Et cum spiritu tuo.

Oratio.

Deus, Illuminator omnium gentium, da populis tuis perpe-

tua pace gaudere: & illud lumen, splendidum infunde cordibus nostris, quod trium Magorum mentibus aspersisti. Per Dominum.

V. Dominus vobiscum.

R. Et cum spiritu tuo.

Lectio Libri Regum.

IN diebus illis. Dixerunt filij Prophetarum ad Elisæum: Ecce locus, in quo habitamus coram te, angustus est nobis. Eamus vsque ad Iordanem, & tollant singuli de sylua, materias singulas, vt ædificemus nobis ibi locum ad habitandum. Qui dixit: Ite. Et ait vnus ex illis: Veni ergo & tu cum seruis tuis. Respondit: Ego veniam. Et abiit cum eis. Cùmque venissent ad Iordanem, cædebant ligna. Accidit autem, vt, cùm vnus materiam succidisset, caderet ferrum secûris in aquam. Exclamauitque ille, & ait: Heu, heu, heu, domine mi, & hoc ipsum mutuo acceperam. Dixit autem Homo Dei: Vbi cecidit? At ille monstrauit ei locum. Præcidit ergo lignum, & misit illuc: natâuitque ferrum: & ait, Tolle. Qui extendit manum, & tulit illud.

Psalmell. Vidimus gloriam Dei, gloriam Unigeniti; quia Verbum caro factum est, & habitauit in nobis.

V. Et nos omnes de plenitudine eius accepimus gratiam: & habitauit in nobis.

IN SOLEMNITATE

Purificationis Beatæ Mariæ

Virginis.

Absolutâ Tertiâ, dignior Sacerdos, Pluuiali violaceo indûtus, accedit ad benedicendum Candelas, ante Altare collocatas: vbi stans dicit secretò:

Pater noster, & A ue Maria: deinde verò alta voce subdit.

V. Deus in adiutorium meum intende.

g

3

R. Do-

R. Domine ad adiuuandum me festina.

V. Gloria Patri, & Filio & Spiritui Sancto.

R. Sicut erat in principio, & nunc, & semper, & in secula seculorum: Amen: Hallell.

Kyrie eleison. Kyrie eleison. Kyrie eleison.

V. Dominus vobiscum.

R. Et cum spiritu tuo.

Oratio.

Domine, Deus omnipotens, qui hodierna die cum legalibus sacrificijs in templo presentari, & iusti Simeonis vlnis gestari, dignatus es: bene **✠** dic, quæsumus, hanc papyrum cerea pinguedine superductam; ut tuus eam populus, igne charitatis tuæ accensus ad laudem, & gloriam nominis tui gestans, pietatis tuæ dono, indeficiens se lumen habere cognoscat. Qui viuis, & regnas.

Oratio.

Omnipotens sempiterne Deus, qui per Moysen famulum tuum purissimum olei liquorem ad luminaria ante conspectum tuum iugiter concinnanda preparari iussisti: bene **✠** dictionis tuæ gratiam super hos Cereos benignus infunde; quatenus sic administrent lumen exterius; ut, te donante, lumen Spiritus tui nostris non desit mentibus interius. Per Dominum nostrum &c. in unitate eiusdem.

Oratio.

Domine sancte, Pater omnipotens, æterne Deus, qui omnia ex nihilo creasti, & iussu tuo per opera apum hunc liquorem ad perfectionem Cerei euenire fecisti, & qui hodierna die petitionem iusti Simeonis implesti, te humiliter deprecamur: ut has Candelas ad vsus hominum, & sanitatem corporum, & ani-

marum, siue in terra, siue in aquis, per inuocationem tui sanctissimi nominis, & per intercessionem Beatæ Mariæ semper Virginis, cuius hodie festa deuotè celebrantur, & per preces omnium Sanctorum tuorum, bene **✠** dicere, & sancti **✠** ficare digneris: & huius plebis tuæ, quæ illas honorificè in manibus desiderat portare, teque cantando laudare, exaudias voces de cœlo sancto tuo, & de sede Maiestatis tuæ: & propitius sis omnibus clamantibus ad te, quos redemisti pretioso sanguine Filij tui, Qui tecum viuit.

Peracta benedictione, Sacerdos prædictus aspergit Candelas aqua benedicta, & adolet incenso. Deinde, qui post eum dignior est Sacerdos, procedit ad Altare: & ei, qui illas benedixit, Candelam porrigit, neque genuflexo, neque manum eius osculanti. Postea verò dignior ille Sacerdos distribuit Candelas, stans ante Altare conuersus ad populum: & primum quidem digniori post se, à quo ipse acceperat: deinde reliquo Clero ex ordine: postea cæteris fidelibus, qui præsentibus adsunt. Omnes verò (exceptis Prælatibus) tam Clerici, quàm Laici, Candelam benedictam recipientes genuflectunt, & manum Sacerdotis dantis osculantur.

Cum Sacerdos incipit illas distribuere, cantatur à Choro hæc Antiphona.

Aña: Lumen ad reuelationem gentium, & gloriam plebis tuæ Israel.

Quæ Antiphona repetitur post singulos versus sequentis Cantici Simeonis, tum etiam post Gloria Patri, &c. post Sicut erat.

Nunc dimitis, Domine seruum tuum secundum verbum tuum in pace.

Aña: Lumen ad reuelationem gentium, & gloriam plebis tuæ Israel.

Quia

Quia viderunt oculi mei Salutare
tuum.

Añā: Lumen ad reuelationem gen-
tium, & gloriam plebis tuæ Israel.

Quod parasti ante faciem omnium
populorum.

Añā: Lumen ad reuelationem gen-
tium, & gloriam plebis tuæ Israel.

Gloria Patri, & Filio, & Spiritui
Sancto.

Añā: Lumen ad reuelationem gen-
tium, & gloriam plebis tuæ Israel.

Sicut erat in principio, & nunc, &
semper, & in sæcula sæculorum:
Amen.

Añā: Lumen ad reuelationem gen-
tium, & gloriam plebis tuæ Israel.

**His absolūtis, cantatur Antipho-
na, & reliqua, vt infrā.**

Añā: Exurge Domine, adiuua nos,
& libera nos propter nomen tuum.

Psalmell. Deus, auribus nostris audi-
uimus: patres nostri annunciauerunt
nobis. **V.** Gloria Patri.

Et repetitur: Exurge Domine, adiu-
ua nos, & libera nos propter nomen
tuum.

**Finita distributione, idem ille Sa-
cerdos dicit:**

V. Dominus vobiscum.

R. Et cum spiritu tuo.

Oratio.

Exaudi, quæsumus, Domine, ple-
bem tuam: & quæ extrinsecus
annuā tribuis deuotione venerari,
interius assequi gratiæ tuæ luce con-
cede. Per Dominum.

V. Dominus vobiscum.

R. Et cum spiritu tuo.

Kyrie eleis. Kyr. eleis. Kyr. eleis.

V. Benedicat, & exaudiat nos Deus.

R. Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

Postea inchoatur Processio hoc or-
dine. Posito in thuribulum incenso
à digniore Sacerdote, præcedit Thu-
riferarius cum thuribulo fumigante:
tum Crucifer ferens Crucem, me-
dius inter duos Acolythos, candelâ-
bra gestantes cum candêlis accensis
(qui ordo seruatur in omnibus Procef-
sionibus) Deinde sequitur Clerus per
ordinem: postremò dignior Sacer-
dos: & omnes quidem cum candêlis
accensis. Interim verò cantantur An-
tiphonæ sequentes.

Añā j. Virgo, Dei Genitrix: quem
totus non capit orbis, in tua se clau-
sit viscera factus homo. Vera fides
Geniti purgavit crimina mundi: &
tibi virginitas inuiolata manet.

Añā ij. Beata progenies, vnde Chri-
stus natus est. Quàm gloriosa est Vir-
go, quæ coeli regem genuit!

Añā iij. Dignus es, Domine Deus no-
ster, accipere gloriam, & honorem.

Añā iv. Laudabilis Virgo, quæ me-
ruisti portare in tuo vtero Saluato-
rem mundi.

Añā v. Maria Virgo semper lætare:
quæ tantam gratiam meruisti à Do-
mino, coeli, & terræ Creatorem de
tuo vtero generare.

Añā vj. Virgo verbum concepit:
Virgo permansit: Virgo genuit Re-
gem omnium Regum.

Añā vij. Beata es Maria, quæ credi-
disti; perficientur in te, quæ dicta
sunt tibi à Domino.

Añā viij. O Virgo virginum, quo-
modo fiet istud? quia nec priorem
tui similem habere visa es, nec habe-
re sequentem. Filia Ierusalem, quid
me admiramini? Diuinum est my-
sterium hoc, quod cernitis.

Añā ix. In flore mater, in partu vir-
go, gaude, & lætare, Virgo, Mater
Domini.

Añā x. Beatam me dicent omnes ge-
nera-

Luc.

nerationes, quia ancillam humilem respexit Deus.

Añā xj. *M*aria autem conseruabat omnia verba hæc, conferens in corde suo.

Añā xij. *B*eatus ille venter, qui te portauit, Christe: & beata vbera, quæ te lactauerunt Dominum, & Saluatorem mundi: qui pro salute generis humani carnem assumere dignatus es.

Añā xij. *M*agnificamus te, Dei Genitrix; quia ex te natus est Christus, saluans omnes, qui te glorificant. Sancta Domina, Dei Genitrix, Sanctificationes tuas trans mitte nobis.

Añā xiv. *N*esciens Mater Virgo virum peperit sine dolore Saluatorem sæculorum. Ipsum Regem Angelorum sola Virgo lactabat vberibus de celo pleno.

Añā xv. *V*irgo hodie fidelis, et si Verbum genuit incarnatum; virgo mansit & post partum. Quam laudantes omnes dicimus: Benedicta tu in mulieribus.

Añā xvj. *G*audemus omnes fideles. Saluator noster natus est in mundo. Hodie processit proles, & magnifici germinis perseverans pudor virginitatis.

Añā xvij. *S*ub tuam misericordiam confugimus, Dei Genitrix; nostram deprecationem ne inducas in tentationem: sed de periculo libera nos sola casta, & benedicta.

Añā xviii. *S*ub tuam protectionem confugimus, ubi infirmi suscepérunt virtutem; & propter hoc tibi psallimus, Dei Genitrix vera.

Añā xix. *R*esponsum accepit Simeon à Spiritu Sancto, Non visurum se mortem, nisi prius videret Christum Dominum.

In gremio Ecclesiæ canitur duodecies Kyrie eleison. Deinde in ingressu Chori dicitur.

Añā. *S*enex Puerum portabat: Puer autem Senem regebat: Quem Virgo concépit, & post partum virgo permansit, ipsum, quem genuit, adorauit.

Gloria Patri &c. Sicut erat &c.

Deinde repetitur: Senex Puerum portabat &c. vt supra.

Finita Processione, habetur Sermo. Deinde Hebdomadarius, & Ministri paramenti albis induti Missam incipiunt.

I N D O M I N I C A
Palmarum, & Oliuarum.

Completâ Tertiâ, & facta asper sione Aquæ de more, Sacerdos dignior pluuiâ violaceo indutus procedit ante Altare: & Ramis ibidem in medio ante Altare, aut ad cornu Epistolæ positis, cantatur in Choro sequens Antiphona.

Añā: *H*osanna in excelsis. Benedictus, qui venit in nomine Domini: Hosanna in excelsis.

Tum prædictus Sacerdos dicit in cantu.

V. Dominus vobiscum.

R. Et cum spiritu tuo.

Oratio.

Deus, qui iustè irasceris, & clementer ignoscis: afflicti populi tui lachrymas respice, & iram tuam indignationis, quam iustè meremur, propitiatus auerte. Per Dominum.

V. Dominus vobiscum.

R. Et cum spiritu tuo.

Postea Subdiaconus paratus cantat sequentem Lectionem in tono Epistolæ, vt in Missa.

Lectio Libri Exodi.

In diebus illis. Venérunt filij Israel in Elim, ubi erant duodecim fontes aquarum, & septuaginta palmæ: & castramentati sunt iuxta aquas. Profectique sunt de Elim, & venit omnis

omnis multitudo filiorum Israel in desertum Sin, quod est inter Elim, & Sinai, quintodecimo die mensis secundi, postquam egressi sunt de terra Ægypti. Et murmurauit omnis congregatio filiorum Israel contra Moysen, & Aaron in solitudine. Dixeruntque filij Israel ad eos: Vtinam mortui essemus per manum Domini in terra Ægypti, quando sedebamus super ollas carniū, & comedebamus panem in saturitate. Cur induxistis nos in desertum istud, vt occideretis omnem multitudinem fame? Dixit autem Dominus ad Moysen: Ecce pluam vobis panes de cœlo. Egrediatur populus & colligat, quæ sufficiunt per singulos dies: vt tentem eum, vtrum ambulet in Lege mea, an non. Die autem sexto parent, quod inferant: & sit duplum, quàm colligere solebant per singulos dies. Dixeruntque Moyses, & Aaron ad omnes filios Israel: Vespere sciētis, quòd Dominus eduxerit vos de terra Ægypti: & mane videbitis gloriam Domini.

Cantus: Leuauī oculos meos ad montes, vnde veniet auxilium mihi.

V. Auxilium meum à Domino, qui fecit cœlum, & terram.

V. ij. Dominus custodiāt animam meam ex hoc nunc, & vsque in sæculum.

Interim Diaconus paratus defert librum Euangeliorum ad Altare: Mox genuflexus dicit: Munda cor meum &c. Deinde sumens librum de Altari, accedit ad locum solitum: vbi, Subdiacono librum tenente inter duos Ceroferarios cum cereis accensis, cantat sequens Euangelium, in tono Dominicali, vt in Missa.



Lectio sancti Euangelij secundum Ioannem.

In illo tempore. Turba multa, quæ venerat ad diem festum, cum audissent, quia venit Iesus Ierosolymam, acceperunt ramos palmarum, & processerunt obuiam ei, & clamabant: Hosanna: Benedictus, qui venit in nomine Domini, Rex Israel.

Post hæc benedicuntur Rami per prædictum Sacerdotem, vt infra.

V. Dominus vobiscum:

R. Et cum spiritu tuo.

Benedictio.

Bene dic, quæsumus, Domine, hos Palmarum, seu Oliuarum ramos: & præsta, vt, quod populus tuus in tui venerationem hodierna, die corporaliter agit, hoc spiritualiter summa deuotione perficiat, de Hoste victoriam reportando, & opus misericordiæ summopere diligendo. Humiliter etiam te, Domine, deprecamur, vt prædictarum arborum germina ita sancti ficare digneris, vt loca, ad quæ deportata fuerint, sanctificata efficiantur; quò iniquitas omnis, seu illusio Dæmonum abscedat; & tua nos semper dextera protegere dignetur. Per Dominum.

Oratio.

Petimus, Domine sancte, Pater omnipotens, æterne Deus, vt hanc creaturam Oliuæ, quam ex ligni materia prodire iussisti, quamque columba rediens ad Arcam proprio pertulit ore, bene dicere, & sancti ficare digneris: vt quicumque ex ea receperint, accipiant sibi protectionem animæ, & corporis; fiatque, Domine, nostræ salutis remedium, tuæ gratiæ sacramentum. Per Dominum nostrum, Iesum Christum, Filium tuum: qui tecum viuit, & regnat.

Ora-

Oratio.

DEus, qui dispersa congregas, & congregata conseruas: qui populis obuiam Iesu ramos portantibus benedixisti: bene ✠ dic etiam hos ramos Palmæ, & Oliuæ, quos tui famuli ad honorem nominis tui fideliter suscipiunt, vt, in quemcunque locum introducti fuerint, tuam benedictionem habitatores loci illius consequantur; &, omni aduersitate effugata, dextera tua protegat, quos redemit Iesus Christus, Filius tuus, Dominus noster. Qui tecum viuit.

Oratio.

DEus, qui miro dispositionis ordine ex rebus etiam insensibilibus dispensationem nostræ salutis ostendere voluisti, da, quæsumus: vt deuota tuorum turba fidelium salubriter intelligat quicquid mysticè designatur in facto: quæ hodie cœlesti lumine afflata Redemptori obuiam procedens Palmarum, atque Oliuarum ramos vestigijs eius substrâuit. Palmarum igitur rami de mortis Principe triumphos expectant: furculi verò Oliuarum spiritalem vnctionem aduenisse quodammodo clamant. Intellexit enim iam tunc illa hominum beata multitudo præfigurari, quia Redemptor noster humanis condolens miserijs pro totius mundi vita cum mortis Principe pugnaturus esset, ac moriendo triumphaturus. Et ideo talia obsequens administrauit, quæ in illo & triumphos victoriæ, & misericordiæ pinguedinem declararent. Quod nos quoque plena fide, & factum, & significatum retinentes, te, Domine, sancte, Pater omnipotens, æterne Deus, per eundem Dominum nostrum, Iesum Christum suppliciter exoramus: vt in ipso, atque per ipsum, cuius nos membra fieri volui-

sti, de mortis imperio victoriam reportantes ipsius gloriosæ Resurrectionis participes esse mereamur. Qui tecum viuit.

Oratio.

DEus, qui per Oliuæ ramum pacem terris columbam nunciare voluisti, præsta, quæsumus: vt hos Oliuæ, cæterarumque arborum ramos cœlesti benedictione ✠ sanctifices; vt cuncto populo tuo proficiant ad salutem. Per Christum Dominum nostrum.

Tum asperguntur Rami, & incensantur à prædicto Sacerdote. Deinde alter, qui post ipsum dignior est, ascendit ad Altare, & eidem, neque genuflexo, neque illius manum osculanti, tradit ramum. Mox idem ipse ante Altare stans, & capite perseuerans detecto, conuersus ad populum distribuit Ramos; primò Clericis, deinde Laicis, & ijs quidem genuflexis, atque osculantibus primò manum ipsiusmet Sacerdotis, deinde ramum. Interim verò cantantur à Choro sequentes Antiphonæ.

Antiph. Pueri clamabant in Templo, dicentes: Benedictus, qui venit in nomine Domini: Hosanna in excelsis.

Psalm. Beati immaculati in via: qui ambulant in lege Domini.

Beati, qui scrutantur testimonia eius: in toto corde exquirunt eum.

Non enim, qui operantur iniquitatem: in vijs eius ambulauerunt.

Tu mandasti: mandata tua custodiri nimis.

Utinam dirigantur viæ meæ: ad custodiendas iustificationes tuas.

Tunc non confundar: in respiciendo me in omnia mandata tua.

Confitebor tibi in directione cordis: in eo quòd didicerim omnia iudicia iustitiæ tuæ.

Iustificationes tuas custodiam: non me

me derelinquas vsquequaque.

Gloria Patri, & Filio, &c.

^{Mat. 21.} **Psallen.** Pueri clamabant in Templo, dicentes: Benedictus, qui venit in nomine Domini: Hosanna in excelsis.

^{Io. 12.} **Añā ij.** Turba venit ad diem festum, & obtulerunt ei ramos palmarum: & clamabant dicentes: Benedictus, qui venit in nomine Domini.

Repetuntur verò hæc etiam quousque Ramorum distributio compleatur. Qua finita, Sacerdos dicit.

Ps. Dominus vobiscum.

R. Et cum spiritu tuo.

Oratio.

OMnipotens sempiterne Deus, qui Dominum nostrum, Iesum Christum, super pullum asinæ sedere fecisti, & turbas populorum vestimenta, vel ramos arborum in via sternere, & Hosanna decantare in laudem ipsius docuisti, da, quæsumus: vt illorum innocentiam imitari possimus, & eorum meritum consequi mereamur. Per eundem Dominum.

Postea fit Processio hoc ordine. Præcedit Acolythus cum Thuribulo: sequitur Crucifer cum Cruce, medius inter duos Acolyths cum cereis accensis: tum Clerus, & vltimò Sacerdos prædictus. Cantantur autem sequentes Antiphonæ, vel omnes, vel aliquæ, quandiu durat Processio.

Añā j. Testificata est turba, quæ erat cum Iesu, quia Dominus Lazarum vocauit de monumento, & suscitauit eum à mortuis. Propter hoc cum ramis palmarum obuiauit ei, clamans, & dicens: Hosanna Regi Israel: Benedictus, qui venit in nomine Domini: Hosanna in excelsis.

Añā ij. Inclinaisti cælos, & descendisti ad terram, vt misericors, Tronum Cherubim non dereliquisti: super pullum propter nos sedisti, Saluator

mundi. Et pueri Hebræorum occurrerunt tibi: & fumentes palmas in manibus benedixerunt te, dicentes: Benedictus, qui venisti ad Passionem voluntariè, ad liberandum nos: Gloria tibi.

Añā iii. Cum ramis Oliuarum pueri laudant te: super pullum nouum ostensus es veniens: in quo tibi psallimus: Hosanna, Deus miserere nobis.

Añā iv. Venite omnes: adoremus Thronum Dominationis ante sex dies Passionis; quia veniet Dominus in Ciuitatem Ierusalem adimplere Scripturas. Occurrerunt ei pueri sternerentes vestimenta sua, & manibus portantes ramos Oliuæ: & clamabant voce magna, dicentes: Hosanna in excelsis: Benedictus, qui venisti in multitudine: miserere nobis.

Añā v. Pleni sunt cæli, & terra gloriâ Maiestatistux, Deus. Benedictus, qui venit in nomine Domini: Hosanna in excelsis, Rex Israel: & hymnum dicamus nomini tuo, Deus.

Añā vj. Hosanna in excelsis: Benedictus, qui venit in nomine Domini: Hosanna in excelsis. ^{Luc. 19.}

Tum, si opus fuerit pro longitudine viæ, cantatur sequens Hymnus.

Hymnus.

MAgnum salutis gaudium!
Lætetur omne sæculum;
Iesus Redemptor gentium
Sanauit orbem languidum.

Sex ante Paschæ ferias
Aduenit in Bethaniam:
Ubi piè post triduum
Resuscitauit Lazarum.

Nardo Mariâ pistico
Unxit beatos Domini
Pedes, rigando lachrymis,
Et extergendo crinibus.

Post hæc iugâlis asinæ
Iesus, supernus Arbiter,
Pullo sedebat, inclytam

Pergen-

Pergendo Ierofolymam.

O quàm stupenda pietas!

Mira Dei clementia!

Sessor afelli fieri

Dignatur, Author sæculi.

Olim Propheta præsciis

Prædixit almo spiritu:

Exulta, dicens, filia

Sion, fatis & iubila.

Rex ecce tuus humilis,

Noli timere, veniet

Pullo iugâli residens,

Tibi benignus, patiens.

Ramos virentes fumpferat

Palmâ recisos tenerâ

Turba, procedens obuiam

Regi perenni, plurima

Cœtus sequens, & præuius,

Sancto repletus Spiritu

Clamabat: In altissimis

Hofanna Dauid Filio.

Quidam solutis proprijs

Viam tegébant vestibus:

Pluresque flores candido

Iter parabant Domino.

Ad cuius omnis Ciuitas

Commota ingressum tremuit:

Hebræa proles aurea

Laudes ferebant debitas.

Nos ergo tanto Iudici

Curramus omnes obuiam,

Palmas gerendo gloriæ,

Mente canentes sobriâ,

Honos, decus, imperium

Sit Trinitati vnica,

Patri, Nato, Paraclito

Per infinita sæcula.

In gremio Ecclesiæ: Kyrie eleison, duodecies in tono.

Luc 19. Añã: Benedictus, qui venit in nomine Domini: Hofanna in excelsis.

Gloria Patri, & Filio, &c.

Benedictus, qui venit in nomine Domini: Hofanna in excelsis.

Finita Processione, habetur Sermo. Deinde Hebdomadarius, & Ministri

paramentis rubeis indûti Missam incipiunt.

F E R I A Q U I N T A

In Coena Domini.

Cantatâ Tertiâ, Sacerdos dignior post Altare, vel ad cornu Epistolæ, dicit in tono.

V. Dominus vobiscum.

R. Et cum spiritu tuo.

Tum tres Diaconi rubeis Dalmaticis indûti legunt sequentes Lektionen: Quarum duæ priores leguntur in maiori tono Euangeliorum, tertia verò in tono feriali.

Lectio Daniélis Prophetæ.

IN diebus illis. Erat vir habitans in Babylône, & nomen eius Ioachim: & accepit uxorem, nomine, Susannam, filiam Helciæ, pulchram nimis, & timentem Deum; Parentes enim illius cum essent iusti, erudiérunt filiam suam secundum Legem Moysi. Erat autem Ioachim diues valde: & erat ei pomarium vicinum domui suæ, & ad ipsum confluebant Iudæi, eo quòd esset honorabilior omnium: Et constituti sunt de populo duo senes Iudices in illo anno, de quibus locutus est Dominus: Quia egressa est iniquitas de Babylône à senioribus Iudicibus, qui videbantur regere populum. Isti frequentabant domum Ioachim: & veniebant ad eos omnes, qui habebant iudicia. Cùm autem populus reuertisset per meridiem, ingrediebatur Susanna, & deambulabat in pomario viri sui. Et videbant eam Senes quotidie ingredientem, & deambulantem: & exarserunt in concupiscentiam eius, & evertérunt sensum suum: & declinauerunt oculos suos, vt non viderent cœlum, neque recordarentur iudiciorum iustorum. Erant ergo ambo vulnerati amore eius; nec indi-

indicauerunt sibi vicissim dolorem suum. Erubescabant enim indicare sibi concupiscentiam suam, volentes concumbere cum ea: & obseruabant quotidie sollicitius videre eam. Dixitque alter ad alterum: Eamus domum; quia hora prandij est. Et egressi recesserunt à se. Cùmque reuertissent, venerunt in vnum: & sciscitantes abinuicem causam, confessi sunt concupiscentiam suam: & tunc in communi statuerunt tempus, quando eam possent inuenire solam. Factum est autem, cùm obseruarent diem aptum, ingressa est aliquando, sicuti heri, & nudius tertius, cum duabus folis puellis, voluitque lauari in pomario: æstus quippe erat; & non erat ibi quisquam, præter duos Senes absconditos, & contemplantes eam. Dixit ergo puellis: Afferte mihi oleum, & imigmata, & ostia pomarij claudite; vt lauer. Et fecerunt, sicut præceperat: clauseruntque ostia pomarij, & egressæ sunt per posticum, vt afferrent, quæ iusserat: nesciebantque, Senes intus esse absconditos. Cùm autem egressæ essent puellæ; surrexerunt duo Senes, & accurrerunt ad eam, & dixerunt: Ecce ostia pomarij clausa sunt, & nemo nos videt: & nos in concupiscentia tui sumus; quamobrem assentire nobis, & commiscere nobiscum. Quod si nolueris, dicemus contra te testimonium, quod fuerit tecum iuuenis, & ob hanc causam emiseris puellas à te. Ingemuit Susanna, & ait: Angustia sunt mihi vndique. Si enim hoc egero; mors mihi est: si autem non egero non effugiam manus vestras. Sed melius est mihi, absque opere incidere in manus vestras, quàm peccare in conspectu Domini. Et exclamauit voce magnâ Susanna: exclamauerunt autem & Senes aduersus eam: & cu-

currit vnus ad ostia pomarij, & aperuit. Cùm ergo audissent clamorem famuli domus in pomario; irruerunt per posticum; vt viderent, quidnam esset. Postquam autem Senes locuti sunt, erubuerunt serui vehementer; quia nunquam dictus fuerat sermo huiuscemodi de Susanna. Et facta est dies crastina. Cùmque venisset populus ad Ioachim, virum eius; venerunt & duo Seniores, pleni iniqua cogitatione aduersus Susannam; vt interficerent eam. Et dixerunt coram populo: Mittite ad Susannam, filiam Helciae, vxorem Ioachim. Et statim miserunt. Et venit cum Parentibus, & filijs, & vniuersis cognatis suis. Porro Susanna erat delicata nimis, & pulchra specie. At iniqui illi iusserunt, vt discooperiretur (erat enim cooperta) vt vel sic satiarentur decore eius. Flebant igitur sui, & omnes, qui nouerant eam. Confurgentes autem duo Seniores in medio populi, posuerunt manus suas super caput eius: quæ flens suspexit ad cælum; erat enim cor eius fiduciam habens in Domino. Et dixerunt Seniores: Cùm deambularem in pomario soli, ingressa est hæc cum duabus puellis, & clausit ostia pomarij, & dimisit à se puellas: venitque ad eam, adolescens, qui erat absconditus, & concubuit cum ea. Porro nos, cùm essemus in angulo pomarij, videntes iniquitatem, cucurrimus ad eos, & vidimus eos pariter commisceri. Et illum quidem non quiuimus comprehendere; quia fortior nobis erat; & apertis ostijs exiliuit. Hanc autem cùm apprehendissemus; interrogauimus, quisnam esset adolescens; & noluit indicare nobis. Huius rei testes sumus. Credidit eis multitudo, quasi Senioribus, & Iudicibus populi: & condemnauerunt eam ad mortem.

Exclamauit autem voce magnâ Susanna, & dixit: Deus æterne, qui absconditorum es cognitor, qui nosti omnia, antequam fiant: tu scis, quoniam falsum testimonium tulerunt contra me: & ecce morior; cum nihil horum fecerim, quæ isti malitiosè composuerunt aduersum me. Exaudiuit autem Dominus vocem eius. Cùmque duceretur ad mortem, suscitauit Dominus spiritum sanctum pueri iunioris, cuius nomen Daniel: & exclamauit voce magna: Mundus ego sum à sanguine huius. Et conuersus omnis populus ad eum dixit: Quis est iste sermo, quem tu locutus es? Qui cum staret in medio eorum, ait: Sic fatui filij Israel, non iudicantes, neque, quod verum est, cognoscentes, condemnastis filiam Israel? Reuertimini ad iudicium; quia falsum testimonium locuti sunt aduersus eam. Reuersus est ergo populus cum festinatione: & dixerunt ei senes: Veni, & sede in medio nostrum: & indica nobis, quia tibi Deus dedit honorem senectutis. Et dixit ad eos Daniel: Separate illos abinuicem procul, & iudicabo eos. Cùm ergo diuisi essent alter ab altero, vocauit vnum de eis, & dixit ad eum: Inueterate dierum malorum, nunc venerunt peccata tua, quæ operabaris prius, iudicans iudicia iniusta, innocentes opprimens, & dimittens noxios; dicente Domino: Innocentem, & iustum non interficies. Nunc ergo, si vidisti eam, dic, sub qua arbore videris eos colloquentes sibi. Qui ait: Sub Schino. Dixit autem Daniel: Rectè mentitus es in caput tuum. Ecce enim Angelus Dei, accepta sententiâ ab eo, scindet te medium. Et, amoto eo, iussit venire alium, & dixit ei: Semen Chanaan, & non Iuda; species

decepit te, & concupiscentia subuertit cor tuum. Sic faciebatis filiabus Israel, & illæ timentes loquebantur vobis; sed non filia Iuda sustinuit iniquitatem vestram. Nunc ergo dic mihi, sub qua arbore comprehenderis eos loquentes sibi. Qui ait: Sub Prino. Dixit autem ei Daniel: Rectè mentitus es & tu in caput tuum. Manet enim Angelus Domini, gladium habens, vt secet te medium, & interficiat vos. Exclamauit itaque omnis coetus voce magna: & benedixerunt Deum: qui saluat sperantes in se. Et consurrexerunt aduersus duos Seniores (conuicerat enim eos Daniel ex ore suo falsum dixisse testimonium) feceruntque eis, sicut malè egerant aduersus proximum; vt facerent secundum Legem Moyfi: & interfecerunt eos: & saluatus est sanguis innoxius in die illa. Helcias autem, & vxor eius laudauerunt Deum pro filia sua Susanna, cum Ioachim marito eius, & cognatis omnibus; quia non esset inuenta in ea res turpis. Daniel autem factus est magnus in conspectu populi à die illa, & deinceps.

Psalmell. Assurgentes testes iniqui, quæ ignorabam, interrogabant me: retribuebant mihi mala pro bonis.

¶ Ego autem, dum mihi molesti essent, induebam me cilicium, & humiliabam in ieiunio animam meam.

Lectio Libri Sapientiae.

Dixerunt impij ad semetipsos: Circunueniamus Iustum; quoniam inutilis est nobis, & contrarius est operibus nostris; & impropere nobis peccata Legis, & diffamat in nos peccata disciplinæ nostræ. Promittit se scientiam Dei habere: & Filium Dei se nominat. Factus est nobis in traductionem cogitationum nostrarum. Grauis est nobis etiam ad videndum;

dendum; quoniam dissimilis est alijs vita illius, & immutata sunt viæ eius. Tanquam nugâces æstimati sumus ab illo: & abstinet se à vijs nostris, tanquam ab immunditijs: & præfert nouissima iustorum: & gloriatur patrem se habere Deum. Videamus ergo, si sermones illius veri sint: & tentemus, quæ ventura sunt illi; & sciemus, quæ erunt nouissima illius. Si enim est verus Filius Dei; suscipiet illum, & liberabit illum de manibus contrariorum. Contumeliâ, & tormento interrogemus eum; vt sciamus reuerentiam eius, & probemus patientiam illius. Morte turpissima condemnemus eum; erit enim ei respectus ex sermonibus illius. Hæc cogitauerunt, & errauerunt; excæcavit enim illos malitia eorum. Et nesciêrunt sacramenta Dei, neque mercedem sperauerunt iustitiæ, nec iudicauerunt honorem animarum sanctarum. Quoniam Deus creauit hominem inexterminabilem, & ad imaginem similitudinis suæ fecit illum; inuidiâ autem Diaboli, mors introiuit in orbem terrarum. Imitantur autem illum, qui sunt ex parte illius.

Cantus: Qui edebat panes meos, adimplauit aduersum me supplantationem.

Lectio sancti Evangelij
secundum Matthæum.

Tunc abiit vnus de Duodecim, qui dicebatur Iudas Iscariôtes, ad Principes Sacerdotum: & ait illis: Quid vultis mihi dare, & ego vobis eum tradam? At illi constituerunt ei triginta argenteos. Et exinde quærebat opportunitatem, vt eum traderet.

V. Dominus vobiscum.

R. Et cum spiritu tuo.

Oratio.

Concede nobis omnipotens Deus: vt, sicut in Passione sua Dominus noster, Iesus Christus diuersa vtrisque intulit stipendia meritorum; ita, vetustatis errore à nobis ablato, Resurrectionis eius gratiam consequamur. Per eundem Dñm.

V. Dominus vobiscum.

R. Et cum spiritu tuo.

Kyrie eleif. Kyrie eleif. Kyrie eleif.

V. Benedicat, & exaudiat nos Deus.

R. Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

Postea, Sextâ, & Nonâ absolutis, incipiuntur Vesperæ Solemni ritu. In quibus, cantato Responsorio in Choro per Lectorem hebdomadarium, canitur sequens Lectio in tono maiori.

Lectio Ionæ Prophetæ.

Et factum est verbum Domini ^{Cap.} ad Ionam filium Amathi, dicens: Surge, & vade in Ninuen, ciuitatem grandem; & prædica in ea; quia, ascendit malitia eius coram me. Et surrexit Ionas, vt fugeret in Tharsis à facie Domini: & descendit in Ioppen, & inuenit nauem euntem in Tharsis: & dedit naulum eius, & descendit in eam, vt iret cum eis in Tharsis à facie Domini. Dominus autem misit ventum magnum in mare: & facta est tempestas magna in mari, & naus periclitabatur conteri. Et timuerunt nautæ, & clamauerunt viri ad Deum suum: & miserunt vasa, quæ erant in naui, in mare, vt alleuiaretur ab eis: & Ionas descendit ad interiora naus, & dormiebat sopore graui. Et accessit ad eum gubernator, & dixit ei: Quid tu sopore deprimeris? Surge, inuoca Deum tuum, si fortè recogitet

h 2 Deus

Deus de nobis, & non pereamus. Et dixit vir ad collégam suum: Venite, & mittamus fortes: & sciamus, quare hoc malum sit nobis. Et miserunt fortes: & cecidit fors super Ionam. Et dixerunt ad eum: Indica nobis, cuius causâ malum istud sit nobis. Quod est opus tuum? quæ terra tua? & quò vadis? vel ex quo populo es tu? Et dixit ad eos: Hebræus ego sum: & Dominum Deum cœli ego timeo, qui fecit mare, & aridam. Et timuerunt viri timore magno, & dixerunt ad eum: Quid hoc fecisti? Cognouerunt enim viri, quòd à facie Domini fugeret; quia indicaue-
rat eis. Et dixerunt: Quid faciemus tibi; & cessabit mare à nobis? quia mare ibat, & intumescibat. Et dixit ad eos: Tollite me, & mittite in mare; & cessabit mare à vobis. Scio enim ego; quoniam propter me tempestas hæc grandis venit super vos. Et remigabant viri, vt reuerterentur ad aridam: & non valebant, quia mare ibat, & intumescibat super eos. Et clamauerunt ad Dominum, & dixerunt: Quæsumus, Domine, ne pereamus in anima viri istius, & ne des super nos sanguinem innocentem; quia tu, Domine, sicut voluisti, fecisti. Et tulerunt Ionam, & miserunt in mare: & stetit mare à feruore suo. Et timuerunt viri timore magno Dominum: & immolauerunt hostias Domino, & vouerunt
cap. 1. vota. Et præparauit Dominus piscem grandem, vt deglutiret Ionam. Et erat Ionas in ventre piscis tribus diebus, & tribus noctibus. Et orauit Ionas ad Dominum Deum suum de ventre piscis, & dixit: Clamaui de tribulatione mea ad Dominum, & exaudiuit me. De ventre inferi clamaui; & exaudisti vocem meam. Et proiecisti me in profundum in cor-

de maris, & flumen circundedit me. Omnes gurgites tui, & fluctus tui super me transierunt. Et ego dixi: Abiectus sum à conspectu oculorum tuorum; veruntamen rursus videbo Templum sanctum tuum. Circunderunt me aquæ vsque ad animam: abyssus vallauit me; pelagus operuit caput meum. Ad extrema montium descendendi: terræ vectes concluderunt me in æternum: & subleuabis de corruptione vitam meam, Domine, Deus meus. Cum angustiaretur in me anima mea, Domini recordatus sum; vt veniat ad te oratio mea ad Templum sanctum tuum. Qui custodiunt vanitates frustra, misericordiam suam derelinquunt. Ego autem in voce laudis immolabo tibi: quæcunque voui, reddam pro salute mea Domino. Et dixit Dominus pisci; & euomuit Ionam in aridam. Et factum
cap. 2. est verbum Domini ad Ionam secundo dicens: Surge, & vade in Niniuen, ciuitatem magnam: & prædica in ea prædicationem, quam ego loquor ad te. Et surrexit Ionas, & abiit in Niniuen iuxta verbum Domini: & Niniue erat ciuitas magna itinere trium dierum. Et coepit Ionas introire ciuitatem itinere diei vnus: & clamauit, & dixit: Adhuc quadraginta dies, & Niniue subuertetur. Et crediderunt viri Niniuitæ in Deum: & prædicauerunt ieiunium, & vestiti sunt saccis à maiore vsque ad minorem. Et peruénit verbum ad Regem Niniue: & surrexit de solio suo, & abiicit vestimentum suum à se, & indutus est sacco, & sedit in cinere. Et clamauit, & dixit in Niniue ex ore Regis, & Principum eius, dicens: Homines, & iumenta, & boues, & pecora non gustent quicquam, nec pascantur, & aquam non bibant: & operiantur saccis homines, & iumenta,
&

& elament ad Dominum in fortitudine: & conuertatur vir à via sua mala, & ab iniquitate, quæ est in manibus eorum. Quis scit, si conuertatur, & ignoscat Deus, & reuertatur à furore iræ suæ, & non peribimus? Et vidit Deus opera eorum; quia conuersi sunt de via sua mala: & misertus est Deus super malitiâ, quam locutus fuerat, vt faceret eis, & non fecit. Et afflictus est Ionas afflictione magna, & iratus est: & orauit ad Dominum, & dixit: Obsecro Domine, Nunquid non hoc est verbum meum, cum adhuc essem in terra mea? Propter hoc præoccupauit, vt fugerem in Tharsis. Scio enim, quia tu Deus clemens, & misericors es, patiens, & multæ miserationis, & ignoscens super malitiâ. Et nunc, Domine, tolle, quæso, animam meam à me; quia melior est mihi mors, quàm vita. Et dixit Dominus: Putasne, bene irasceris tu? Et egressus est Ionas de ciuitate, & sedit contra Orientem ciuitatis: & fecit sibi met umbraculum ibi, & sedebat subter illud in umbra, donec videret, quid accideret ciuitati. Et præparauit Dominus Deus hederam: & ascendit super caput Ionæ, vt esset umbra super caput eius, & protegeret eum; laborauerat enim: & lætatus est Ionas super hederâ, lætitiâ magnâ. Et parauit Deus vermem ascensui diluculi in crastinum: & percussit hederam, & exaruit. Et cum ortus fuisset sol, præcepit Dominus vento calido, & vrenti: & percussit sol super caput Ionæ, & æstuabat: & petiuit animæ suæ, vt moreretur, & dixit: Melius est mihi mori, quàm viuere. Et dixit Dominus ad Ionam: Putasne, bene irasceris tu super hederâ? Et dixit: Bene irascor ego vsque ad mortem. Et dixit Dominus: Tu do-

les super hederam, in qua non laborasti, nec fecisti, vt cresceret: quæ sub vna nocte nata est, & sub vna nocte perijt; & ego non parcam Ninie, ciuitati magnæ; in qua sunt plusquam centum viginti millia hominum, qui nesciunt, quid sit inter dexteram, & sinistram suam, & iumenta multa?

Psal. Pueri: Vigilate, & orate, ne intrétis in tentationem; quia Filius hominis tradetur in manus peccatorum.

Ps. Surgite; eamus. Ecce appropinquauit, qui me traditurus est in manus peccatorum.

Interim, dum cantatur Psalmellus, Sacerdos cum Ministris accedit ad Altare, & facit Confessionem.

Finitâ Missâ, accenduntur intortitia, & cerei, & fit Processio more solito, vbi Sanctissimum Sacramentum condendum est pro infirmis, & pro sepultura dominica representanda. Celebrans indutus imponit incensum in duo thuribula sine benedictione: genuflectit ante Altare, & cum altero incensat ter Sanctissimum Sacramentum: deinde accepta de manu Diaconi Pixide cum Sanctissimo Sacramento, & cooperta extremitatibus veli, quo eius humeri teguntur, procedit medius inter Diaconum, & Subdiaconum sub Baldachino, duobus Acolythis ante Sanctissimum Sacramentum assidue incensantibus vsque ad locum, vbi seruandum est. Interim, dum fit Processio, cantatur Hymnus, Pange lingua gloriosi. Reposito Sanctissimo Sacramento, & rursus, vt supra, incensato, Vesperæ in Choro absoluntur.

Finitis Vesperis, si adsit Archiepiscopus, Mandatum Domini recolitur de abluendis pedibus, vt infra. Ar-

chiepiscopus, indutus stola, & plu-
 uiali violacei coloris, ac mitra sim-
 plici, sumptis cappis eiusdem colo-
 ris à Canonicis Ordinarijs; Archi-
 diacono verò, & Subdiacono heb-
 domadario indutis paramentis; vt fit
 in Missa; cum stola lata, & planéta pli-
 cata, præcedente vniuerso Clero Me-
 tropolitanæ, medius inter duos Ca-
 nonicos assistentes, cappis pariter in-
 dutos, procedit ad Aulam in Palatio
 Archiepiscopali, quæ est ante ipsius
 Sacellum: vbi sedens in Sede parata
 sub vmbella, Clero omni prædicto
 præsentem, ac omnibus in suis locis
 consistentibus, ministrante Archi-
 presbytero nauiculam incensi, ac
 Thuriferario thuribulum, benedicit
 incensum. Archidiaconus verò of-
 culatur manum Archiepiscopi: tum
 Subdiacono librum tenente, astanti-
 bus duobus Acolythis cum cereis ac-
 censis, & Thuriferario cum Thuribulo
 fumigante libro prius Thurificato, &
 Cantoribus respondentibus, cantat se-
 quens Euangelium in toto Dominic.

¶ Dominus vobiscum.

R. Et cum spiritu tuo.



Lectio sancti Euangelij
 secundum Ioannem.

Cap.
 13.

ANte diem festum Paschæ, sciens
 Iesus, quia venit hora eius, vt
 transeat ex hoc mundo ad Patrem:
 cum dilexisset suos, qui erant in
 mundo, in finem dilexit eos. Et cœ-
 nâ factâ, cum Diabolus iam misisset
 in cor, vt traderet eum Iudas Simô-
 nis Iscariotes: sciens, quia omnia de-
 dit ei Pater in manus, & quia à Deo
 exiuit, & ad Deum vadit; surgit à
 cœna, & ponit vestimenta sua; &
 cum accepisset linteum, præcinxit
 se; deinde misit aquam in peluim,
 & cœpit lauare pedes Discipulorum,
 & extergere linteo, quo erat præcin-
 ctus. Venit ergo ad Simònem Pe-

trum. Et dicit ei Petrus: Domine,
 tu mihi lauas pedes? Respondit Ie-
 sus, & dixit ei: Quod ego facio, tu
 nescis modò; scies autem postea.
 Dicit ei Petrus: Non lauabis mihi
 pedes in æternum. Respondit ei Ie-
 sus: Si non lauero te; non habe-
 bis partem mecum. Dicit ei Simon
 Petrus: Domine, non tantum pedes
 meos, sed & manus, & caput. Dicit
 ei Iesus: Qui lotus est, non indiget,
 nisi vt pedes lauet; sed est mundus
 totus. Et vos mundi estis, sed non
 omnes. Sciebat enim, quisnam esset,
 qui tradaret eum; propterea dixit:
 Non estis mundi omnes. Postquam
 ergo lauit pedes eorum, & accepit
 vestimenta sua; cum recubuisset, ite-
 rum dixit eis: Scitis, quid fecerim
 vobis? Vos vocatis me, Magister, &
 Domine: & bene dicitis; sum ete-
 nim. Si ergo ego laui pedes vestros
 Dominus, & Magister; & vos debetis
 alter alterius lauare pedes. Exem-
 plum enim dedi vobis; vt, quem-
 admodum ego feci vobis, ita & vos
 faciatis.

Quo finito, Archiepiscopus oscu-
 latur librum, per Subdiaconum ei
 porrectum; Archidiaconus verò, qui
 Euangelium cantauit, illum incen-
 sat, adhuc sine mitra stantem. Po-
 stea per eosdem Archidiaconum, &
 Subdiaconum exiit pluiali, &
 panno lineo præcingitur: & iisdem
 assistentibus, accedit cum mitra ad
 locum lotionis. Ubi, ijs omnibus or-
 dine dispositis, qui lauandi sunt, pe-
 dibus discalceatis, & nudatis, genu-
 flexus, singulis lauat pedem dexte-
 rum: quem Subdiaconus prædictus
 genuflexus tenet, suppositâ per mi-
 nistros pelui cum floribus, & vno ex
 Cubicularijs aquam infundente; al-
 tero verò subministrante, ad abster-
 gendum, mantile, quo Archiepisco-
 pus

pus lotum pedem statim abstergit, & osculatur. Quod præstatur singulis, & pro singulis portantur per alios Cubicularios, & Ministros singula vasa.

Interim, dum huiusmodi ablutio peragitur, infra notata cantantur per Cantores.

Añā: Mandatum nouum do vobis: Ut diligatis inuicem, sicut dilexi vos: dicit Dominus.

Pfal. **Psalmell.** Beati immaculati in via &c. & repetitur immediate Antiphona: Mandatum nouum.

Añā ij. Postquam surrexit Dominus à cœna, misit aquam in peluim, & cœpit lauare pedes Discipulorum suorum. Hoc exemplum reliquit eis.

Añā iij. Dominus Iesus, postquam cœnauit cum Discipulis suis, lauit pedes eorum, & ait illis: Scitis, quid fecerim vobis ego Dominus, & Magister? Exemplum dedi vobis; vt & vos ita faciatis.

Añā iv. Domine, tu mihi lauas pedes? Respondit Iesus, & dixit ei: Si non lauero tibi pedes; non habebis partem mecum.

Lotis omnibus, Archiepiscopus reuertitur ad suam sedem: Ubi lauat manus more solito: tum demitur ei linteum: & sumpto pluuiali violaceo prædicto, detecto capite, stans ante Crucem in sua sede dicit directè:

Pater noster.

V. Et ne nos inducas in tentationem.

R. Sed libera nos à malo.

V. Tu mandasti mandata tua: Domine.

R. Custodiri nimis.

V. Tu lauasti pedes Discipulorum tuorum.

R. Opera manuum tuarum ne despicias.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oratio.

A Desto, Domine, quæsumus, officio seruitutis nostræ: & quia tu Discipulis tuis pedes lauare dignatus es; ne despicias opera manuum tuarum, quæ nobis retinenda mandasti: vt, sicut hîc nobis, & à nobis exteriora abluuntur inquinamenta; sic à te omnium nostrum interiora lauentur peccata. Quod ipse præstare digneris, qui viuis, & regnas Deus per omnia sæcula sæculorum. Amen.

Deinde producit signum Crucis super astantes, nihil dicens: tum exiit paramentis, & positâ cappâ, præcedente Capitulo, intrat in cubiculum, omnes dimittens.

FERIA SEXTA,

In Parasceue.

C Antatâ Tertiâ, Sacerdos dignior post Altare dicit in tono.

V. Dominus vobiscum.

R. Et cum spiritu tuo.

Tum vltimus Diaconus rubeâ Dalmaticâ indutus dicit in tono maiori Euangeliorum.

Lectio Isaïæ Prophetæ.

Hæc dicit Dominus Deus. Nun-^{Cap. 49.} quid tollêtur à forti præda: aut, quod captum fuerit à robusto, saluum esse poterit? Quia hæc dicit Dominus: Equidem & captiuitas à forti tollêtur. & quod ablatum fuerit à robusto, saluabitur. Eos verò, qui iudicauerunt te, ego iudicabo: & filios tuos ego saluabo. Et cibâbo hostes tuos carnibus suis: & quasi musto sanguine suo inebriabuntur. Et sciet omnis caro, quia ego Dominus saluans te, & Redemptor tuus fortis Iacob. Hæc dicit Dominus: Quis est hic liber repudij matris vestræ, quo dimisi eam? Aut quis est cre-

creditor meus, cui vendidi vos? Ecce in iniquitatibus vestris venditi estis: & in sceleribus vestris dimisi matrem vestram; quia veni, & non erat vir; vocaui, & non erat, qui audiret. Nunquid abbreviata, & paruula facta est manus mea, vt non possim redimere: aut non est in me virtus ad liberandum? Ecce in increpatione mea desertum faciam mare, ponam flumina in siccum. Computrescent pisces sine aqua, & morientur in siti. Induam cœlos tenebris: & faccum ponam operimentum eorum. Dominus dedit mihi linguam eruditam, vt sciam sustentare eum, qui lassus est, verbo. Erigit manè, manè erigit mihi aurem, vt audiam quasi magistrum. Dominus Deus aperuit mihi aurem; ego autem non contradico; retrorsum non abij. Corpus meum dedi percutientibus, & genas meas vellentibus: faciem meam non auerti ab increpantibus, & conspuentibus in me. Dominus Deus auxiliator meus; ideo non sum confusus; ideo posui faciem meam, vt petram durissimam; & scio, quoniam non confundar. Iuxta est, qui iustificat me; quis contradicet mihi? Stemus simul; quis est aduersarius meus? Accedat ad me. Ecce Dominus Deus, auxiliator meus; quis est, qui condemnet me? Ecce omnes quasi vestimentum conterentur; tinea comedet eos. Quis ex vobis timens Dominum, audiens vocem serui sui, qui ambulauit in tenebris, & non est lumen ei? Speret in nomine Domini, & innitatur super Deum suum. Ecce vos omnes accedentes ignem accincti flammis, ambulate in lumine ignis vestri, & in flammis, quas succendistis. De manu mea factum est hoc vobis: in doloribus dormiētis.

Psal. j. Foderunt manus meas, & pe-

des meos: dinumerauerunt omnia ossa mea.

Ps. ij. Ipsi verò considerauerunt, & conspexerunt me: diuiserunt sibi vestimenta mea, & super vestem meam miserunt sortem.

Ps. iij. Tu autem, Domine, ne longè facias misericordias tuas à me: ad defensionem meam inspice.

Ps. iv. Eripe à framea animam meam: & de manu canis vnicam meam.

Ps. v. Salua me Domine de ore Leonis: & à cornibus vnicornium humilitatem meam.

Ps. vj. Narrabo nomen tuum fratribus meis: in medio Ecclesiæ laudabo te.

Ps. vij. Qui timetis Dominum, laudate eum: vniuersum semen Iacob glorificate eum.

Ps. Dominus vobiscum.

R. Et cum spiritu tuo.

Oratio.

Deus, qui pro nobis Filium tuum Crucis patibulum subire voluisti, vt Inimici à nobis expelleres potestatem: concede nobis famulis tuis, vt Resurrectionis eius gloriam consequamur. Per eundem Dominum nostrum.

Deinde penultimus Diaconus, vt supra indutus, dicit in eodem tono.

Lectio Isaiæ Prophetæ.

Hæc dicit Dominus Deus: Ecce leuo ad populum manum meam, & auferam iudicium meum: quia, dum extenderint ad me manus suas, non exaudiam eos: quia manus eorum sanguine pollutæ sunt. Clamore magno insurrexerunt super me, & velut leo in sylua dederunt super me voces suas. Virum dolorum, & scientem infirmitatem, & quasi absconditum vultum, despectum me habuerunt, dicentes: Nec reputauimus eum. Verè languores nostros ipse tulit, & dolores nostros ipse portauit: & nos puta-

putauimus eum quasi leprosum, & percussum à Deo, & humiliatum. Ipse autem vulneratus est propter iniquitates nostras; attritus est propter scelera nostra: disciplina pacis nostræ super eum, & liuore eius sanati sumus. Omnes nos quasi oues errauimus, vnusquisque in viam suam declinauit: & posuit Dominus in eo iniquitatem omnium nostrum. Oblatus est, quia ipse voluit, & non aperuit os suum. Sicut ouis ad occisionem ducetur, & quasi agnus coram tondente se obmutescet, & non aperiet os suum. De angustia, & de iudicio sublatus est. Post hæc induam cælum tenebris, & lapides mouebuntur de loco suo: & conteram portas æreas, & vectes ferreos confringam: & conuertam faciem meam ad gentes: & extendam manum meam, & liberabo eos, & eripiam de manibus malorum. Dicit Dominus omnipotens.

Canticum ab Archiepiscopo, vel Sacerdote digniore in cornu Evangelij decantandum.

Tenebræ factæ sunt super vniuersam terram, dum crucifixerunt Iesum Iudæi. Et circa horam nonam exclamauit Iesus voce magna: Deus, Deus meus, vt quid me dereliquisti? Tunc vnus ex militibus lanceâ latus eius perforauit. Et inclinato capite emisit spiritum.

V. Ecce terræmotus factus est magnus. Nam velum Templi scissum est, & omnis terra tremuit. Et inclinato capite emisit spiritum.

Interim Diaconus hebdomadarius, rubeis paramentis indutus, collocato libro in medio super Altare, dicit genuflexus in gradu: Munda cor meum &c. Deinde sumpto libro, præuijs Subdiacono parato, & Acolythis cum incenso, & luminibus ac-

ensis, ascendit in ambonem, seu ad lectorile: vbi Passionem cantat in tono Dominicali, vt infra.

V. Dominus vobiscum.

R. Et cum spiritu tuo.

Passio Domini nostri, Iesu Christi, secundum Matthæum.

Mane facto, consilium inierunt ^{Cap. 27.} omnes Principes Sacerdotum, & Seniores populi aduersus Iesum; vt eum morti traderent. Et vinctum adduxerunt eum, & tradiderunt Pontio Pilato Præsidi. Tunc videns Iudas, qui eum tradidit, quod damnatus esset; pœnitentiâ ductus retulit triginta argenteos Principibus Sacerdotum, & Senioribus, dicens: Peccaui tradens sanguinem iustum. At illi dixerunt: Quid ad nos? tu videris. Et proiectis argenteis in Templo, recessit: & abiens laqueo se suspendit. Principes autem Sacerdotum, acceptis argenteis: dixerunt: Non licet eos mittere in Còrbonam; quia pretium sanguinis est. Consilio autem inito, emerunt ex illis agrum figuli, in sepulturam peregrinorum. Propter hoc vocatus est Ager ille Haceldama, hoc est Ager sanguinis, vsque in hodiernum diem. Tunc impletum est, quod dictum est per Ieremiam Prophe-tam, dicentem: Et acceperunt triginta argenteos, pretium appretiati, quem appretiauerunt, à filiis Israel: & dederunt eos in agrum figuli; sicut constituit mihi Dominus. Iesus autem stetit ante Præsidem: & interrogauit eum Præses, dicens: Tu es Rex Iudæorum? Dicit illi Iesus: Tu dicis. Et cum accusaretur à Principibus Sacerdotum, & Senioribus, nihil respondit. Tunc dicit illi Pilatus: Non audis, quanta aduersum te dicunt testimonia? Et non respondit ei ad vllum verbum; ita vt miraretur Præses vehementer. Per diem autem

autem solemnem consueuerat Præses populo dimittere vnum vinctum, quem voluissent. Habebat autem tunc vinctum insignem, qui dicebatur Barabbas. Congregatis ergo illis, dixit Pilatus: Quem vultis dimittam vobis: Barabbam, an Iesum, qui dicitur Christus? Sciebat enim, quod per inuidiam tradidissent eum. Sedente autem illo pro tribunali, misit ad eum vxor eius, dicens: Nihil tibi, & iusto illi. Multa enim passa sum hodie per visum propter eum. Principes autem Sacerdotum, & Seniores persuaferunt populis, vt peterent Barabbam, Iesum verò perderent. Respondens autem Præses, ait illis: Quem vultis vobis de duobus dimitti? At illi dixerunt: Barabbam. Dicit illis Pilatus: Quid igitur faciam de Iesu, qui dicitur Christus? Dicunt omnes: Crucifigatur. Ait illis Præses: Quid enim mali fecit? At illi magis clamabant, dicentes: Crucifigatur. Videns autem Pilatus quia nihil proficeret, sed magis tumultus fieret; acceptâ aquâ, lauit manus coram populo, dicens: Innocens ego sum à sanguine iusti huius. Vos videritis. Et respondens vniuersus populus, dixit: Sanguis eius super nos, & super filios nostros. Tunc dimisit illis Barabbam; Iesum autem flagellatum tradidit eis, vt crucifigeretur. Tunc milites Præsidis, suscipientes Iesum in prætorium, congregauerunt ad eum vniuersam cohortem: & exuentes eum, chlamydem coccineam circumdederunt ei: & plectentes coronam de spinis, posuerunt super caput eius, & arundinem in dextera eius. Et, genu flexo ante eum, illudebant ei, dicentes: Ave Rex Iudæorum. Et expuentes in eum, acceperunt arundinem, & percutiebant caput eius. Et postquam illuserunt ei,

exuerunt eum chlamyde, & induerunt eum vestimentis eius, & duxerunt eum, vt crucifigerent. Exeuntes autem inuenerunt hominem Cyrenæum, nomine Simonem: hunc angariauerunt, vt tolleretur Crucem eius. Et venerunt in locum, qui dicitur Golgotha, quod est Caluariæ locus. Et dederunt ei vinum bibere cum felle mistum. Et cum gustasset, noluit bibere. Postquam autem crucifixerunt eum, diuiserunt vestimenta eius, sortem mittentes; vt impleatur, quod dictum est per Prophetam, dicentem: Diuiserunt sibi vestimenta mea: & super vestem meam miserunt sortem. Et sedentes seruabant eum. Et imposuerunt super caput eius causam ipsius scriptam. HIC EST IESUS, REX IUDÆORUM. Tunc crucifixi sunt cum eo duo latrones: vnus à dextris, & vnus à sinistris. Prætereuntes autem blasphemabant eum, mouentes capita sua, & dicentes: Vah qui destruis Templum Dei, & in triduo illud reedificas: salua te ipsum: si Filius Deus es; descende de Cruce. Similiter & Principes Sacerdotum illudentes cum Scribis, & Senioribus dicebant: Alios saluos fecit; seipsum non potest saluum facere. Si Rex Israel est; descendant nunc de Cruce, & credimus ei. Confidit in Deo; liberet nunc eum, si vult: dixit enim, Quia Filius Dei sum. Idipsum autem & latrones, qui crucifixi erant cum eo, improperebant ei. A sexta autem hora tenebræ factæ sunt super vniuersam terram vsque ad horam nonam. Et circa horam nonam clamauit voce magna, dicens: Eli, Eli, lamma sabachthani? hoc est: Deus meus, Deus meus, vt quid dereliquisti me? Quidam autem illic stantes, & audientes, dicebant: Eliam vocat iste.

iste. Et continuo currens vnus ex eis acceptam spongiam impleuit aceto: & imposuit arundini, & dabat ei bibere. Cæteri verò dicebant: Sine, videamus an veniat Eliás liberans eum. Iesus autem iterum clamans voce magna, emisit spiritum.

Hic omnes genuflectunt. Interim Subdiaconi duo albis, & amictibus induti, Altare denudant, & absterunt: Acolythi omnia lumina extinguunt, & cætera Ecclesiæ ornamenta auferunt: datur signum cum campanis Salutationis Angelicæ; nec exinde campanæ pulsantur vsque ad Sab-

batum Sanctum. Tum Diaconus voce submissiori prosequitur sine luminibus:

Et ecce velum Templi scissum est in duas partes, à summo vsque deorsum: & terra mota est, & petra scissæ sunt, & monumenta aperta sunt, & multa corpora Sanctorum, qui dormierant, surrexerunt. Et exeuntes de monumentis post resurrectionem eius, venerunt in sanctam Ciuitatem, & apparuerunt multis. Centurio autem, & qui cum eo erant custodientes Iesum, viso terræmotu, & his, quæ fiebant, timuerunt valde, dicentes: Verè Filius Dei erat iste. Erant autem ibi mulieres multæ à longè, quæ secutæ erant Iesum à Galilæa ministrantes ei. Inter quas erat Maria Magdalene, & Maria Iacobi, & Ioseph mater, & mater filiorum, Zebedæi.

Hic habetur Concio. Qua finita, Sacerdos dignior dicit in tono.

V. Benedictus Dominus, qui viuit, & regnat in sæcula sæculorum.

R. Amen.

Præcedens Versus semper dicitur loco Dominus vobiscum ante, vel post Orationes, vsque ad benedictionem Cerei.

Oratio in tono.

Deus, qui pro redemptione nostra accepisti sanguinem Christi: solue opera Diaboli, & omnes laqueos disrumpe peccati; vt creaturam regenerationis nulla polluant contagia vetustatis. Per eundem Dominum nostrum.

V. Benedictus Dominus, qui viuit, & regnat in sæcula sæculorum.

R. Amen.

V. Benedicat, & exaudiat nos Deus.

R. Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

Deinde dicuntur in Choro Sexta, & Nona. Quibus absolutis, descendit Clerus ad Sacristiam: vbi Sacerdos dignior ante Crucem in loco decenti super puluinari positam dicit in tono.

V. Benedictus Dominus, qui viuit, & regnat in sæcula sæculorum.

R. Amen.

Oratio.

Immensæ pietatis Deus, qui Latronem ob confessionem in hac die de cruce in Paradisum transtulisti: transfer à nobis iniquitates nostras, & hæredes nos cœlestium bonorum esse concede. Per Dominum.

Oratio.

Deus, qui Unigeniti tui, Domini nostri, Iesu Christi, pretioso Sanguine humanum genus redimere dignatus es, concede propitius: vt, qui ad adorandam viuificam eius Crucem adueniunt, à peccatorum suorum nexibus liberentur. Per eundem Dominum nostrum.

Tum, præcedente Clero, Subdiaconi duo, albis, & amictibus tantum induti puluinar cum Cruce superpositâ suscipiunt hinc inde, & deferunt

in

in Chorum, Sacerdote subsequente. In egressu Sacristiæ consistit Clerus: & Subdiaconis eleuantibus aliquantulum Crucem, Sacerdos intonat Antiphonam hoc modo:



Ecce li gnum Cru cis,



in quo Sa lus mun di



pe pen dit.



Chorus R. Ve ni te:



a do re mus.

Deinde cum Subdiaconis prosequitur vsque ad *Ps.* Venite: adorémus.

Choro verò cantante *Ps.* Venite: adorémus, omnes genuflectunt versus Crucem. Postea procedunt ad ingressum Chori. Ubi, voce paulò altius eleuata, Sacerdos iterum incipit: Ecce lignum Crucis, alijs cantantibus, & adorantibus, vt supra. Deinde Sacerdos procedit ad medium ante Altare: & Subdiaconis Crucem eleuantibus, tertio etiam altius incipit: Ecce lignum Crucis, alijs cantantibus, & adorantibus, vt supra.

Postea Subdiaconi deponunt Cru-

cem in loco ad hoc preparato ante Altare.

Deinde Sacerdotes, depositis calceamentis, bini accedunt ad adorandam Crucem, ter genua flectentes in tribus distinctis spatijs ante deosculationem Crucis.

Postmodum Clerici, & alijs, ter flexis genibus, vt dictum est, Crucem adorant. Dum verò fit adoratio, cantantur Antiphonæ sequentes.

Añ. *j.* Adoramus Crucem tuam, & signum de Cruce tua: & qui crucifixus es, virtutem.

Psalm. Beati immaculati in via, *sine* ^{118.} Gloria Patri. Tum repetitur Antiphona.

Añ. *ij.* Crucem tuam adoramus, Domine, & sanctam resurrectionem tuam glorificamus.

Añ. *iiij.* Laudamus te, Christe, & hymnum dicimus tibi; quia per sanctam Crucem tuam redemisti mundum.

Finita Crucis adoratione, Subdiaconi reuerenter Crucem accipiunt, & super Altare Maiori collocant.

Tum Sacerdos ante Altare dicit in tono.

Ps. Benedictus Dominus, qui viuit, & regnat in sæcula sæculorum.

R. Amen.

Oratio.

Deus, qui humano generi ad imitandum humilitatis exemplum, Saluatorem nostrum, & carnem sumere, & Crucem subire fecisti, concede propitius: vt patientiæ ipsius documenta, & Resurrectionis confortia mereamur. Per eundem.

Ps. Benedictus Dominus, qui viuit, & regnat in sæcula sæculorum.

R. Amen.

Ps. Benedicat, & exaudiat nos Deus.

R. Amen.

Ps. Procedamus cum pace.

R. In nomine Christi.

V. Benedicamus Domino.

R. Deo gratias.

Deinde ultimus Lector in tono Epistolarum feriali omisso V. Dominus vobiscum, legis sequentem Lektionem: & interim datur signum Vesperarum cum crotalo, seu tabula lignea.

Lectio Daniélis Prophetæ.

IN diebus illis. Nabuchodonosor Rex fecit statuam auream altitudine cubitorum sexaginta, latitudine cubitorum sex, & statuit eam in campo Dura provincie Babylonis. Itaque Nabuchodonosor Rex misit ad congregandos Satrapas, Magistratus, & Iudices, Duces, & Tyrannos, Optimates, & Præfectos, omnesque Principes regionum; ut convenirent ad dedicationem statuæ, quam erexerat Nabuchodonosor Rex. Tunc congregati sunt Satrapæ, Magistratus, & Iudices, Duces, & Tyranni, & Optimates, qui erant in potestatibus constituti, & universi Principes regionum; ut convenirent ad dedicationem statuæ, quam erexerat Nabuchodonosor Rex. Stabant autem in conspectu statuæ, quam posuerat Nabuchodonosor Rex: & præco clamabat valenter: Vobis dicitur populis, tribubus, & linguis: In hora, qua audieritis sonitum tubæ, & fistulæ, & citharæ, sambucæ, & psalterij, & symphonie, & universi generis musicorum: cadentes adorate statuam auream, quam constituit Nabuchodonosor Rex. Si quis autem non prostratus adoraverit; eadem horâ mittetur in fornacem ignis ardentis. Post hæc igitur statim, ut audierunt omnes populi, sonitum tubæ, fistulæ, & citharæ, sambucæ, & psalterij, symphonie, & omnis generis musicorum: cadentes omnes populi, tribus,

& linguæ adoraverunt statuam auream, quam constituerat Nabuchodonosor Rex. Statimque in ipso tempore accedentes viri Chaldæi accusaverunt Iudæos: dixeruntque Nabuchodonosor Regi: Rex in æternum viue. Tu Rex posuisti decretum: Ut omnis homo, qui audierit sonitum tubæ, fistulæ, & citharæ, sambucæ, & psalterij, & symphonie, & universi generis musicorum, prosternat se, & adoret statuam auream: si quis autem non procidens adoraverit; mittatur in fornacem ignis ardentis. Sunt ergo viri Iudæi, quos constituiisti super opera regionis Babylonie, Sidrach, Misach, & Abdenago: viri isti contempserunt, Rex, decretum tuum: Deos tuos non colunt: & statuam auream, quam erexisti, non adorant. Tunc Nabuchodonosor in furore, & in ira præcepit, ut adducerentur Sidrach, Misach, & Abdenago: qui confestim adducti sunt in conspectu Regis. Pronunciansque Nabuchodonosor Rex, ait eis: Verè ne Sidrach, Misach, & Abdenago Deos meos non colitis, & statuam auream, quam constitui, non adoratis? Nunc ergo, si estis parati, quacunque hora audieritis sonitum tubæ, fistulæ, citharæ, sambucæ, & psalterij, & symphonie, omnisque generis musicorum, prosternite vos, & adorate statuam, quam feci. Quod si non adoraveritis, eadem horâ mittimini in fornacem ignis ardentis. Et quis est Deus, qui eripiet vos de manu mea? Respondentes Sidrach, Misach, & Abdenago, dixerunt Regi Nabuchodonosor: Non oportet nos de hac re respondere tibi. Ecce enim Deus noster, quem colimus, potest eripere nos de camino ignis ardentis, & de manibus tuis o Rex, liberare. Quod si noluerit; notum

fit tibi, Rex, quia Deos tuos non colimus: & statuam auream, quam erexit, non adoramus. Tunc Nabuchodonosor repletus est furore: & aspectus faciei illius immutatus est super Sidrach, Misach, & Abdenago: & praecepit, ut succenderetur fornax septuplum, quam succendi consueuerat: & viris fortissimis de exercitu suo iussit, ut ligatis pedibus Sidrach, Misach, & Abdenago mitterent eos in fornacem ignis ardentis. Et confestim viri illi vincti cum braccis suis, & tiaris, & calceamentis, & vestibus missi sunt in medium fornacis ignis ardentis; nam iussio Regis urgebat; fornax autem succensa erat nimis. Porro viros illos, qui miserant Sidrach, Misach, & Abdenago, interfecit flamma ignis. Viri autem hi tres, id est, Sidrach, Misach, & Abdenago, ceciderunt in medio camino ignis ardentis colligati: & ambulabant in medio flammæ laudantes Deum, & benedicentes Domino.

Tunc minor Magister Scholarum in ambone solus cantat Canticum: Tunc hi tres; usque ad Benedictus: deinde, quæ sequuntur, cantat cum Clericis, altero Magistro Scholarum hebdomadario infra gradus ambonis cum alijs duobus Clericis ad singulos Versus respondente R. Amen.

Cant. Tunc hi tres, quasi ex vno ore, laudabant, & glorificabant, & benedicebant Deum in fornace dicentes: Benedictus es Domine, Deus patrum nostrorum, & laudabilis, & gloriosus in sæcula. R. Amen.

Et benedictum nomen gloriæ tuæ, quod est sanctum, & laudabile, & gloriosum in sæcula. R. Amen.

Benedictus es super sedem sanctam Regni tui, & laudabilis, & gloriosus in sæcula. R. Amen.

Benedicite omnia opera Domini Do-

mino: hymnum dicite, & superexaltate eum in sæcula. R. Amen.

Benedicite cœli Domino: hymnum dicite, & superexaltate eum in sæcula. R. Amen.

Benedicite Angeli Domini Domino: hymnum dicite, & superexaltate eum in sæcula. R. Amen.

Benedicite omnes Virtutes Domini Domino: hymnum dicite, & superexaltate eum in sæcula. R. Amen.

Benedicite Sacerdotes Domini Domino: hymnum dicite, & superexaltate eum in sæcula. R. Amen.

Benedicite serui Domini Domino: hymnum dicite, & superexaltate eum in sæcula. R. Amen.

Benedicite spiritus, & animæ iustorum Domino: hymnum dicite, & superexaltate eum in sæcula. R. Amen.

Benedicite sancti, & humiles corde Domino: hymnum dicite, & superexaltate eum in sæcula. R. Amen.

Benedicite Anania, Azaria, & Misael Domino: hymnum dicite, & superexaltate eum in sæcula. R. Amen.

Benedicamus Patrem, & Filium, & Sanctum Spiritum: hymnum dicamus, & superexaltemus eum in sæcula. R. Amen.

Sequentem Versum cantat Magister Scholarum solus.

V. Quoniam eripuit nos ab inferis: & de manu mortis liberauit nos: & eripuit nos de media fornace ignis ardentis.

Et Chorus alta voce respondet

V. Confitemini Domino; quoniam bonus; quoniam in sæculum misericordia eius.

Lectio à penultimo Lectore minori, in tono item Epist. fer. decantanda.

Lectio Daniélis Prophetæ.

Tunc Nabuchodonosor Rex obstupuit, & surrexit properè, & ait Optimatibus suis: Nonne tres vi-

ros misimus in medium ignis compeditos? Qui respondentes Regi, dixerunt: Verè, Rex. Respondit Rex, & ait: Ecce ego video quatuor viros solutos, & ambulantes in medio ignis, & nihil corruptionis in eis est: & species quarti similis Filio Dei. Tunc accessit Nabuchodonosor ad ostium fornacis ignis ardentis, & ait: Sidrach, Misach, & Abdenago, serui Dei excelsi, egredimini, & venite. Statimque egressi sunt Sidrach, Misach, & Abdenago de medio ignis. Et congregati Satrapæ, & Magistratus, & Iudices, & Potentes Regis contemplantur viros illos; quoniam nihil potestatis habuisset ignis in corporibus eorum; & capillus capitis eorum non esset adustus; etiam saraballa eorum non fuissent immutata; & odor ignis non transisset per eos. Et erumpens Nabuchodonosor ait: Benedictus Deus eorum, Sidrach videlicet, Misach, & Abdenago: qui misit Angelum suum: & eruit seruos suos, qui crediderunt in eum, & verbum Regis immutauerunt, & tradiderunt corpora sua; ne seruirent, & ne adorarent omnem Deum, excepto Deo suo. A me ergo positum est hoc decretum: Ut omnis populus, tribus, & lingua, quæcunque locuta fuerit blasphemiam contra Deum Sidrach, Misach, & Abdenago, dispereat, & domus eius vastetur. Neque enim est alius Deus, qui possit ita saluare. Tunc Rex promouit Sidrach, Misach, & Abdenago in prouincia Babylônis. Nabuchodonosor Rex omnibus populis, gentibus, & linguis, qui habitant in vniuersa terra, pax vobis multiplicetur. Signa, & mirabilia fecit apud me, Deus excelsus. Placuit ergo mihi prædicare signa eius; quia magna sunt; & Regnum eius Regnum sempiternum; & potestas eius in generatione, & generationem.

Canticum à Lectore secundicerio decantandum:

Supra dorsum meum fabricauerunt peccatores: prolongauerunt iniquitates suas. Psal. 128.

¶ Dominus iustus concidet ceruices peccatorum.

Postea Diaconus hebdomadarius, rubeis paramentis indutus, iuxta Missæ ritum, sine lumine, & incenso cantat sequens Euangelium in tono Quadagesimali, voce demissa, quæ tamen audiri possit: nec salutat, sed immediatè dicit:

✠ Sequentia sancti Euangelij secundum Matthæum.

Non respond. Gloria tibi Domine.

Cum serò factum esset, venit quidam homo diues ab Arimathea, nomine Ioseph: qui & ipse discipulus erat Iesu. Hic accessit ad Pilatum, & petijt corpus Iesu. Tunc Pilatus iussit reddi corpus. Et accepto corpore, Ioseph inuoluit illud in Sindone munda: & posuit illud in monumento suo nouo, quod exciderat in petra. Et aduoluit saxum magnum ad ostium monumenti, & abiit. Erant autem ibi Maria Magdalene, & altera Maria, sedentes contra sepulchrum. Cap. 27.

Cantato hoc Euangelio, dicuntur Vesperæ: in quibus post vltimum. Responsorium dicuntur sequentes Orationes hoc ordine. Archipresbyter, seu dignior Sacerdos, ante Altare iuxta cornu Epistolæ, dicit primam Orationem, & cæteras dispares in tono, vt infra, Solemni. Secundam verò Orationem, & reliquas pares dicunt cæteri Sacerdotes, singuli singulas ex ordine, in tono, vt infra, communi Orationum, ad sinistram partem Chori iuxta cornu Euangelij. Archiepiscopus autem, si præsens sit, ad omnes istas Orationes genuflexus semper manet ante Altare.

Primus Diaconus, stans à parte
Euangelij, hìc, & infra, suis in locis
præcinit: **F**lectâmus genua; & om-
nes se prosternunt.



Flectâmus genua.

Oratio.



Oremus, dilectissimi nobis, in primis pro Ecclesia sancta Dei; vt eam



Deus, & Dominus noster pacificâre, adunâre, & custodîre dignetur



toto orbe terrarum, subiiciens ei Principatus, & Potestates; detque



nobis quietam, & tranquillam vitam degentibus glorificare Deum Pa-



trem omnipotentem.

Secundus Diaconus, stans à parte
Epistolæ, hìc, & infra, suis in locis,
præcinit: **L**euâte; ac reliqui exur-
gunt.



Leuâte.

Oratio.



Omnipotens sempiterne Deus, qui gloriam tuam omnibus in Christo

gentibus

gentibus reuelasti, custodi opera misericordiæ tuæ: vt Ecclesia tua,

toto orbe diffusa, stabili fide in confessione tui nominis perseueret.

Per eundem Christum Dominum nostrum. *R. Amen.*

Flectâmus genua.

O Remus & pro Beatissimo Papa *N*, vt Deus, & Dominus noster, qui elêgit eum in Ordinem Episcopatus, saluum, atque incolumem custodiat Ecclesiæ suæ Sanctæ, ad regendum populum sanctum Dei.

Leuâte.

O Mnipotens sempiterne Deus, cuius iudicio vniuersa fundantur, respice propitius ad nostras preces: & electum nobis Antistitem tua pietate conserua; vt christiana plebs, quæ te gubernatur authore, sub tanto Pontifice credulitatis suæ meritis augeatur. Per Christum Dominum nostrum. *R. Amen.*

Flectâmus genua.

O Remus & pro omnibus Episcopis, Presbyteris, Diaconibus, Subdiaconibus, Acolythis, Exorcistis, Lectoribus, Ostiarijs, Confessoribus, Virginibus, Viduis, Orphanis, & pro populo sancto Dei.

Leuâte.

O Mnipotens sempiterne Deus, cuius Spiritu totum corpus Ecclesiæ sanctificatur, & regitur: exaudi nos pro vniuersis ordinibus supplicantes; vt gratiæ tuæ munere ab

omnibus tibi gradibus fideliter seruiatur. Per Christum Dominum nostrum. *R. Amen.*

Flectâmus genua.

O Remus & pro Christianissimo Imperatore nostro *N*, vt Deus, & Dominus noster subditas illi faciat omnes barbaras nationes ad nostram perpetuam pacem.

Leuâte.

O Mnipotens sempiterne Deus, in cuius manu sunt omnium potestates, & omnium iura Regnorum, respice ad christianum benignus Imperium: vt gentes, quæ in sua feritate confidunt, potentiæ tuæ dexterâ comprimantur. Per Christum Dominum nostrum. *R. Amen.*

Flectâmus genua.

O Remus & pro Catechumenis nostris: vt Deus, & Dominus noster adaperiat aures præcordiorum ipsorum, ianuamque misericordiæ; vt, per lauacrum regenerationis, accepta remissione omnium peccatorum, & ipsi inueniantur in Christo Iesu, Domino nostro.

Leuâte.

O Mnipotens sempiterne Deus, qui Ecclesiam tuam noua sem-

per prole fecundas, auge fidem, & intellectum Catechumenis nostris: vt renati fonte Baptismatis adoptionis tuæ filijs aggregentur. Per Christum Dominum nostrum. **R.** Amen.

Flectamus genua.

O Remus, dilectissimi nobis, Deum Patrem omnipotentem: vt cunctis mundum purget erroribus, morbos auferat, famem depellat, aperiat carceres, vincula dissoluat, peregrinantibus reditum, malè valentibus sanitatem, nauigantibus portum salutis indulgeat.

Leuâte.

O Mnipotens sempiterne Deus, moestorum consolatio, & laborantium fortitudo, perueniant ad te preces de quacunque tribulatione clamantium: vt omnes in suis necessitatibus misericordiam tuam sibi gaudeant affuisse. Per Christum Dominum nostrum. **R.** Amen.

Flectamus genua.

O Remus & pro Hæreticis, & Schismaticis: vt Deus, & Dominus noster eruat eos ab erroribus vniuersis, & ad sanctam Matrem Ecclesiam Catholicam, atque Apostolicam reuocare dignetur.

Leuâte.

O Mnipotens sempiterne Deus, qui saluas omnes, & neminem vis perire, respice ad animas diabolica fraude deceptas: vt, omni hæretica prauitate deposita, errantium corda resipiscant, & ad veritatis tuæ redeant vnitatem. Per Christum Dominum nostrum. **R.** Amen.

Non dicitur: Flectamus genua.

O Remus & pro perfidis Iudæis: vt Deus, & Dominus noster auferat velamen de cordibus eorum; vt & ipsi agnoscant Iesum Christum, Dominum nostrum.

Oratio.

O Mnipotens sempiterne Deus, qui etiam Iudaicam perfidiam à tua misericordia non repellis, exaudi preces nostras, quas pro illius populi obcæcatione deferimus: vt, agnita veritatis tuæ luce, quæ Christus est, à suis tenebris eruantur. Per eundem Christum Dominum nostrum. **R.** Amen.

Flectamus genua.

O Remus & pro Paganis; vt Deus omnipotens auferat iniquitatem à cordibus eorum: vt, relictis Idolis suis, conuertantur ad Deum, viuum, & verum, & vnicum Filium eius, Iesum Christum, Deum, & Dominum nostrum. Cum quo viuit, & regnat vnà cum Spiritu Sancto Deus: per omnia sæcula sæculorum.

Non respondetur: Amen.

Leuâte.

O Mnipotens sempiterne Deus, qui non mortem peccatorum, sed vitam semper inquiris, suscipe propitius orationem nostram: & libera eos ab Idolorum cultu, & aggrega Ecclesiæ tuæ sanctæ, ad laudem, & gloriam nominis tui. Per Dominum nostrum, Iesum Christum, Filium tuum.

V. Benedictus Dominus, qui viuit, & regnat in sæcula sæculorum.

R. Amen.

V. Benedicat, & exaudiat nos Deus.

R. Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

V. Pater noster. **totum secretò.**

SABBATO SANCTO.

H Ora competenti cooperiuntur altaria, & dicuntur Horæ candelis extinctis.

Post

Post Tertiam Sacerdos dicit post Altare, vel in cornu Epistolæ:

Benedictus Dominus, qui viuit, & regnat in sæcula sæculorum. R. Amen.

Tum Lector minor legit in tono feriali Epistolarum:

Lectio Libri Genesis.

IN diebus illis. Noe vir iustus, atque perfectus fuit in generationibus suis: cum Deo ambulauit, & genuit tres filios, Sem, Cham, & Iapheth. Corrupta est autem terra coram Deo, & repleta est iniquitate. Cumque vidisset Deus terram esse corruptam (omnis quippe caro corruerat viam suam super terram) dixit ad Noe: Finis vniuersæ carnis venit coram me: repleta est terra iniquitate à facie eorum; & ego disperdam eos cum terra. Fac tibi arcam de lignis læuigatis. Mansiunculas in arca facies, & bitumine linies intrinsecus, & extrinsecus: & sic facies eam. Trecentorum cubitorum erit longitudo arcæ, quinquaginta cubitorum latitudo, & triginta cubitorum altitudo illius. Fenestram in arca facies, & in cubito consummabis summitem eius: ostium autem arcæ pones ex latere: deorsum cœnacula, & tritega facies in ea. Ecce ego adducam aquas diluuij super terram; vt interficiam omnem carnem, in qua spiritus vitæ est subter cœlum: & vniuersa, quæ in terra sunt, consumentur. Ponamque fœdus meum tecum: & ingrediëris arcam tu, & filij tui, vxor tua, & vxores filiorum tuorum tecum. Et ex cunctis animantibus vniuersæ carnis bina induces in arcam, vt viuant tecum, masculini sexus, & fœminini. De volucribus iuxta genus suum, & de iumentis in genere suo, & ex omni reptili terræ secundum genus suum, bina de omnibus ingredientur tecum, vt possint

viuere. Tolles igitur tecum ex omnibus escis, quæ mandi possunt: & comportabis apud te, & erunt tibi, quàm illis in escam. Fecit igitur Noe omnia, quæ præceperat illi Deus. Eratque sexcentorum annorum, ^{Cap. 7.} quando diluuij aquæ inundauerunt super terram. Rupti sunt omnes fontes abyssi magnæ, & cataractæ cœli apertæ sunt: & facta est pluuia super terram quadraginta diebus, & quadraginta noctibus. In articulo diei illius ingressus est Noe, & Sem, & Cam, & Iapheth, filij eius: & vxor illius, & vxores filiorum eius cum eis in arcam: ipsi, & omne animal secundum genus suum, vniuersaque iumenta in genere suo, & omne, quod mouetur super terram in genere suo, cunctumque volatile secundum genus suum. Porro arca ferebatur super aquas: & aquæ præualuerunt nimis super terram, opertique sunt omnes montes excelsi sub vniuerso cœlo. Quindecim cubitis altior fuit aqua super montes, quos operuerat: consumptaque est omnis caro, quæ mouebatur super terram, volucrum, animantium, bestiarum, omniumque reptilium, quæ reptant super terram: remansit autem solus Noe, & qui cum eo erant in arca: obtinueruntque aquæ terram centum quinquaginta diebus. Recordatus autem Deus Noe, cunctorumque animantium, & omnium iumentorum, quæ erant cum ^{Cap. 8.} eo in arca, adduxit spiritum super terram; & imminutæ sunt aquæ; & clausi sunt fontes abyssi, & cataractæ cœli; & prohibitæ sunt pluuiæ de cœlo; reuersæque sunt aquæ de terra, euntes, & redeuntes; & coeperunt minui post centum quinquaginta dies. Cumque transissent quadraginta dies; aperiens Noe fenestram arcæ, quam fecerat, dimisit coruum: qui egre-

egrediebatur, & non reuertebatur, donec ficcarentur aquæ super terram. Emisit quoque columbam post eum; ut videret, si iam cessassent aquæ super faciem terræ. Quæ cum non inuenisset, ubi requiesceret pes eius, reuerfa est ad eum in arcam; aquæ enim erant super vniuersam terram: extenditque manum suam, & apprehensam intulit in arcam. Expectatis autem ultra septem diebus alijs, rursum dimisit columbam ex arca. At illa venit ad eum ad vesperam, portans ramum oliuæ virentibus folijs in ore suo. Intellexit ergo Noe, quod cessassent aquæ super terram: expectauitque nihilominus septem alios dies, & emisit columbam, quæ non est reuerfa ultra ad eum. Locutus est autem Deus ad Noe, dicens: Egredere de arca tu, & vxor tua, filij tui, & vxores filiorum tuorum tecum. Cuncta animantia, quæ sunt apud te, ex omni carne, tam in volatilibus, quam in bestijs, & vniuersis reptilibus, quæ reptant super terram, educ tecum: & ingredimini super terram: crescite, & multiplicamini super eam. Egressus est ergo Noe, & filij eius, & vxor illius, & vxores filiorum eius cum eo. Sed & omnia animantia, iumenta, & reptilia, quæ reptant super terram, secundum genus suum, egressa sunt de arca. Edificauit autem Noe altare Domino: & tollens de cunctis pecoribus, & volucribus mundis, obtulit holocausta super altare. Odoratusque est Dominus odorem suauitatis.

Psal. **E**xurge Domine, & intende ad iudicium meum: Deus meus, & Dominus meus, in causam meam.

V Non insultent in me, qui aduersantur mihi iniquè: qui odèrunt me gratis, & annuebant oculis, in causam meam.

Deinde Diaconus, paramentis rubeis indutus, iuxta Missæ ritum, in tono Quadragesimali sine luminibus, & incenso absolute dicit:

✠ Sequentia sancti Euangelij secundum Matthæum.

Nihil respondetur.

A Altera die, quæ est post Parasceuen, conuenerunt Principes Sacerdotum, & Pharisei ad Pilatum, dicentes: Domine, recordati sumus, quia Seductor ille dixit adhuc uiuens: Post tres dies resurgam. Iube ergo custodiri sepulchrum usque in diem tertium; ne fortè veniant Discipuli eius, & furentur eum, & dicant plebi: Surrexit à mortuis; & erit nouissimus error peior priore. Ait illis Pilatus: Habetis custodiam: ite, custodite, sicut scitis. Illi autem abeuntes munièrunt sepulchrum, signantes lapidem cum custodibus.

V. Benedictus Dominus, qui uiuit, & regnat in sæcula sæculorum.

R. Amen.

Oratio.

Omnipotens sempiterne Deus, qui in omnium operum tuorum dispensatione es mirabilis: intelligant redempti tui non fuisse excellentius, quòd in initio factus est mundus, quam quòd in fine sæculorum Pascha nostrum immolatus est Christus. Qui tecum uiuit, & regnat.

V. Benedictus Dominus, qui uiuit, & regnat in sæcula sæculorum. **R.** Amen.

V. Benedicat, & exaudiat nos Deus. **R.** Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

Dicitur Sexta, & Nona. Interim in Sacristia excutitur ignis de lapide, & accenditur, ac per Sacerdotem stolâ indutum benedicatur (stantibus

bus sibi ministris cum Cruce, Aquâ benedictâ, Thuribulo, & Incenso) dicendo:

V. Dominus vobiscum.

R. Et cum spiritu tuo.

Oratio.

Domine, Deus noster, Pater omnipotens, qui es lumen indeficiens, & conditor omnium luminum: bene ✠ dic, & sancti ✠ fica hoc lumen, quod à te sanctificatum, atque benedictum est, qui illuminasti omnem hominem venientem in hunc mundum; vt ab eo accendamus, & illuminemur igne claritatis tuæ, quo illuminasti Moysen famulum tuum; vt illuminatis sensibus, & cordibus nostris, ad vitam æternam peruenire mereamur. Per Christum. **R.** Amen.

Oratio.

Domine sancte, Pater omnipotens, æterne Deus, lux, & splendor vniuersarum creaturarum, qui ex nihilo cuncta producere dignatus es, te humiliter deprecamur: vt hanc creaturam ignis bene ✠ dicere, & sancti ✠ ficare digneris in nomine dilectissimi Filij tui, & in virtute Spiritus Sancti; vt nobis ad obsequium, & lumen esse facias tam animæ, quàm corporis; & vt in eo nihil damni nobis Aduersarius irrogare possit; sed sit nobis in adiutorium. Per eundem Christum. **R.** Amen.

Oratio.

Domine sancte, Pater omnipotens, æterne Deus: nobis, qui hunc ignem in nomine tuo, & Filij tui, Dei, ac Domini nostri, Iesu Christi, & Spiritus Sancti bene ✠ dicimus, & sancti ✠ ficamus, cooperari digneris, & nos adiuuare. Qui viuis, & regnas cum eodem Unigenito tuo, & Spiritu Sancto Deus. **R.** Amen.

Deinde benedicit quinque grana Incensi, in Cereo infigenda, dicens:

Oratio.

Veniat, quæsumus, omnipotens Deus, super hoc Incensum larga tuæ bene ✠ dictionis infusio: & hunc nocturnum splendorem inuisibilis Regenerator accende; vt non solum sacrificium, quod hac nocte litatum est, arcanâ luminis tui admistione refulgeat; sed, in quocunque loco huius sanctificationis mysterio aliquid fuerit deportatum, expulsa diabolicæ fraudis nequitia, virtus tuæ Maiestatis assistat. Per Christum.

Dum benedicit Incensum, Acolythus sumens de carbonibus benedictis ponit in Thuribulum. Finitâ verò Benedictione Incensi, Sacerdos grana prædicta Incensi, & ignem benedictum aspergit aquâ benedictâ, & de Nauicula posito Incenso in Thuribulum, eadem incensat, quæ aspersit. Interim, si qua sunt luminaria in Ecclesia, extinguuntur; vt postmodum de nouo igne accendantur. & Ministri necessarii ad Benedictionem Cerei paramenta alba accipiunt.

Finitâ Nonâ, Ministri exeunt ad Benedictionem Cerei hoc ordine: Præcedit Thuriferarius solus: sequitur Acolythus deferens in vase quinque grana Incensi benedicta cum alio Acolytho deferente aquam benedictam: deinde Subdiaconus solus paratus paramentis albis; iuxta Missæ ritum: tum Diaconi duo cum Amictibus, & Dalmaticis albis ferentes duo Candelabra cum cereis extinctis: tum Diaconus cantaturus Benedictionem, cum paramentis albis, iuxta Missæ ritum, Librum Benedictionis ferens ante pectus: Ultimo loco sequitur Celebrans, Pluuiali albo indutus. In Choro Celebrans vadit ad Presbyterium: Diaconus cantaturus petit à Celebrante Benedictionem; vt ad Euangelium: postea collocat

locat Librum super Lectorile ad cornu Euangelij, illumque incensat, habens ad dexteram Thuriferarium, & ad sinistram Acolythum cum granis quinque benedictis, & aquâ benedi-

ctâ cum asperforio. Subdiaconus stat post Lectorile, tenens Librum, medius inter duos Diaconos cum cereis extinctis. Tum, omnibus stantibus, Diaconus absolutè incipit:



Exultet iam angelica turba cœlorum: exultent diuina mysteria: &



pro tanti Regis victoria, tuba intonet salutâris. Gaudeat & tellus,



tantis irradiata fulgoribus: & æterni Regis splendore illustrata, totius



orbis sentiat se amisisse caliginem. Lætetur & Mater Ecclesia, tanti lu-



minis adornata fulgore: & magnis populorum vocibus hæc aula resul-



tet. Qua propter, astantibus vobis, fratres charissimi, ad tam miram



huius sancti luminis claritatem, vnâ mecum, quæso, Dei omnipotentis



misericordiam inuocate; vt, qui me, non meis meritis, intra Leuitâ-



rum numerum dignatus est aggregare, luminis sui gratiam infunden-



do, Cerei huius laudem implere perficiat. Præstante Domino nostro,



Iesu Christo, Filio suo, secum viuento, atque regnante Deo in vnitate



Spiritus Sancti: per omnia sæcula sæculorum. *R.* Amen.



V. Domi nus vo biscum. *R.* Et cum spiritu tuo.



V. Sur sum corda. *R.* Habemus ad Dominum.



V. Gratias aga mus Domino Deo nostro. *R.* Dignum, & iustum est.



Verè, quia dignum, & iustum est, æquum, & salutare, nos tibi semper



hic, & vbique gratias a gere, Domine sancte, Pater omni potens,

æterne



æ terne De us. Qui populorum Pascha cunctorum, non



pecudum cruore, nec a dipe, sed Unigeniti tui, Domini nostri, Iesu



Christi, Sanguine, Corporêque dedicasti; vt, supplôso ritu gentis in-



gratæ, Legi Gratia succe deret; & vna victima, per semetipsam tuæ




Maieſtati ſemel oblata mundi totius expiâ ret of fenſam.



Hic eſt Agnus lapideis præfiguratus in ta bulis: non abductus è gre-



gibus, ſed euectus è cœlo; non paſtore indigens, ſed Paſtor bonus ip-



ſe tantummodo: qui animam ſuam pro ſuis poſu it ouibus, & rurfus




aſſumpſit; vt nobis & humilitatem diuina dignatio, & ſpem refurrec-



ti o corpo ra lis o stenderet. Qui coram tondente se,



non vocem queruli balâtus e mîsit, sed euangelico proclamauit oracu-



lo, dicens: Amodo videbitis Filium hominis sedentem ad dexteram,




Ma ief ta tis. Ipse nobis & te reconciliet, Pater omni potens,



& pari tecum Maiestate fultus indul geat. Nam, quæ patribus in fi-



gura contingebant, nobis in ve rita te pro ueniunt.



Hic Subdiaconus portat in Chorum Lampadem accensam nouo igne.

Tum Diaconus accendit Cereum magnum, & alios duos


cereos: mox prosequitur.




*E*cce iam ignis columna resplendet: quæ plebem Domini beatæ no-



etis tempore ad salutaria fluenta præibat: in quibus persecutor mergi-



tur, & Christi populus liberatus emergit. Nam Sancti Spiritus vnda



conceptus, per Adam natus ad mortem, per Christum regni tur



ad vitam. Soluamus igitur voluntarie celebrata ieiunia; quia Pas-



cha nostrum immolatus est Christus: nec solum Corpore epulemur




Agni, sed etiam inebriemur & sanguine. Huius enim tantummodo



Cruor non creat piaculum bibentibus, sed salutem. Ipso quoque ves-



camur & azimo; quoniam non de solo pane viuit homo, sed de om-




ni verbo. De i. Siquidem hic est Panis, qui descendit e coe-



lo, longe praestantior illo quondam mannae imbre frugum fluo, quo

tunc



tunc Israel epulatus interijt. Hoc verò qui vescitur Corpore, vitæ



perennis posses for e xistit. Ecce vetera transierunt, facta



sunt omnia noua. Nam Circumcisionis Moysæ mucro iam sca bruit,



& Iesu Naue acuta lapidum obsoleuit aspe ritas; Christi verò popu-



lus insignitur in fronte, non in guine: Lauacro, non vulne re;



Chrismate, non cru ore.

**Hic infigit Diaconus quinque grana Incensi in Cereum,
in modum Crucis.**



Decet ergo in hoc Domini Saluatoris nostri vespertinæ Resurrectionis



aduentu ceream nos adolere pingue dinem: cui suppetit candor in



specie, suauitas in odore, splendor in lumine: quæ nec marcescenti



liquore defluit, nec offensam tetrici doloris exhalat. Quid



enim magis accommodum, magis festiuium, quam ut Iesseico flori



floreis excubemus & tedis? præsertim cum & Sapientia de semetipsa



ceci nerit: Ego sum flos agri, & lilium conuallium.




Ceras igitur nec pinus exusta desudat, nec crebris faucibus bipenni-



bus cedrus illa chrymat; sed est illis arcana de virginitate crea-



tio; & ipsæ transfigurati one niuei candoris albesunt.



Eandem verò papyrum liquida fontis vnda producit: quæ instar in-

fontis



fontis animæ nullis articulâtur sinuâta compa gibus ; sed virginali



circunsepta materie fit hospitalis i gnibus a lumna ri uo-



rum. Decet ergo aduentum Sponsi dulcâtis Ecclesiam luminaribus




opperiri : & largitatem sanctitatis acceptam , quantâ valet deuotio-



nis dote , pensâre : nec sanctas interpo lâre tenebris ex cu bias ; sed



tedam sapienter perpetuis præparare lumi nibus : ne , dum oleum,



candêlis adiungitur , aduentum Domini tardo prosequamur obse-



quio : qui certè in ictu o culi , vt Coruscus , ad ueniet.



Hic acceduntur lam-
pades, & reliqua Ec-
clesiæ luminaria.

Igitur in huius die i vespere cûcta venerabilis sacramēti plenitudo



colli gitur; & , quæ diuersis sunt præfigurata, vel gesta temporibus,



huius noctis curriculo deuo lû ta sup plentur. Nam primùm



hoc vespertinum lumen, sicut il la dux Magorum Stella, præcédit.



Deinde mysticæ regenerati onis vnda subse quitur, velut, dignante



Domino, fluentia Iordanis. Tertiò Resurrectionem Christi vox apo-



sto lica Sacerdo tis an nunciat. Tum ad totius mysteri j



supplementum Christo vescitur turba fide lium. Quæ summi Sacer-



dotis, & Antistitis tui Ambrosi j oratione sanctificata, & me ritis,



Resurrectionis Dominicæ diem, Christo in omnibus prosperante,

fusci-



su scipiat. Per bonum, & benedictum Filium tuum, Dominum.



nostrum, Iesum Christum: cum quo beatus viuis, & regnas Deus in.



vnitate Spiritus Sancti: per omnia sæcula sæculorum. **R.** Amen.

Deinde Diaconus aspergit, & incensat Cereum.

Completa Benedictione, leguntur sequentes Lectiones per Lectores, incipiendo à minori.

Interim, si in Metropolitana aliqui sint per Archiepiscopum baptizandi; dum præcedentes Lectiones cantantur, per Archipresbyterum, sunt Catechismi baptizandorum, & Exorcismi in valuis Ecclesiæ, & introducuntur; vt habetur in Libro Sacramentorum.

Sacerdos verò dignior post Altare, vel in cornu Epistolæ, dicit V. Dominus vobiscum. Dehinc vnus è Lectoribus incipit, vt infra.

Lectio Libri Genesis.

IN principio creauit Deus Cœlum, & Terram. Terra autem erat inanis, & vacua: & tenebræ erant super faciem abyssi: & Spiritus Dei ferebatur super aquas. Dixitque Deus: Fiat lux. Et facta est lux. Et vidit Deus lucem, quòd esset bona: & diuisit lucem à tenebris, appellauitque lucem diem, & tenebras noctem: factumque est vespere, & mane dies vnus. Dixit quoque Deus: Fiat firmamentum in medio aqua-

rum: & diuidat aquas ab aquis. Et fecit Deus firmamentum: diuisitque aquas, quæ erant sub firmamento, ab his, quæ erant super firmamentum. Et factum est ita. Vocauitque Deus firmamentum cœlum: & factum est vespere, & mane dies secundus. Dixit verò Deus: Congregentur aquæ, quæ sub cœlo sunt, in locum vnum: & appareat arida. Et factum est ita. Et vocauit Deus aridam terram: congregationesque aquarum appellauit maria. Et vidit Deus, quòd esset bonum: & ait: Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. Et factum est ita. Et protulit terra herbam virentem, & facientem semen iuxta genus suum, lignumque faciens fructum, & habens vnumquodque semen secundum speciem suam. Et vidit Deus, quòd esset bonum: & factum est vespere, & mane dies tertius. Dixit autem Deus. Fiant luminaria in firmamento cœli: & diuidant diem, ac noctem: & sint in signa, & tempora, & dies, & annos: & luceant in firmamento cœli, & illumi-

luminent terram. Et factum est ita. Fecitque Deus duo luminaria magna: luminare maius, ut præesset diei: & luminare minus, ut præesset nocti: & stellas. Et posuit eas Deus in firmamento cœli; ut lucerent super terram, & præessent diei, ac nocti, & diuiderent lucem, ac tenebras. Et vidit Deus, quod esset bonum: & factum est vespere, & mane dies quartus. Dixit etiam Deus: Producant aquæ reptile animæ viuentis, & volatile super terram sub firmamento cœli. Creauitque Deus Cete grandia, & omnem animam viuentem, atque motabilem, quam produxerant aquæ in species suas, & omne volatile secundum genus suum. Et vidit Deus, quod esset bonum. Benedixitque eis, dicens: Crescite, & multiplicamini, & replète aquas maris: auesque multiplicentur super terram. Et factum est vespere, & mane dies quintus. Dixit quoque Deus: Producat terra animam viuentem in genere suo, iumenta, & reptilia, bestias terræ secundum species suas. Factumque est ita. Et fecit Deus bestias terræ iuxta species suas, & iumenta, & omne reptile terræ in genere suo. Et vidit Deus, quod esset bonum, & ait: Faciamus hominem ad imaginem, & similitudinem nostram: & præsit piscibus maris, & volatilibus cœli, & bestiis terræ, vniuersæque creaturæ, omnique reptili, quod mouetur in terra. Et creauit Deus hominem ad imaginem, & similitudinem suam. Ad imaginem Dei creauit illum: masculum, & feminam creauit eos. Benedixitque illis Deus, & ait: Crescite, & multiplicamini, & replète terram, & subijcite eam, & dominamini piscibus maris, & volatilibus cœli, & vniuersis animantibus, quæ mouentur super

terram. Dixitque Deus: Ecce dedi vobis herbam afferentem semen super terram, & vniuersa ligna, quæ habent in semetipsis sementem generis sui; ut sint vobis in escam, & cunctis animantibus terræ, omnique volucri cœli, & vniuersis, quæ mouentur in terra, & in quibus est anima viuens; ut habeant ad vescendum. Et factum est ita. Viditque Deus cuncta, quæ fecerat, & erant valde bona. Et factum est vespere, & mane dies sextus. Igitur perfecti sunt ^{cap.} cœli, & terra, & omnis ornatus eorum. Compleuitque Deus die septimo opus suum, quod fecerat: & requieuit die septimo ab vniuerso opere, quod patrârat. Et benedixit diei septimo, & sanctificauit illum.

Psal. mell. Tui sunt cœli, & tua est ^{psal.} terra: orbem terrarum, & plenitudinem eius tu fundasti. ^{83.}

Ps. Misericordias tuas, Domine, in æternum cantabo. In generatione, & progenie pronuntiabo veritatem tuam in ore meo.

Ps. Dominus vobiscum.

R. Et cum spiritu tuo.

Oratio.

Deus, incommutabilis virtus, & lumen æternum; respice propitius ad totius Ecclesiæ tuæ mirabile sacramentum, & opus salutis humanæ, perpetuæ dispositionis effectu tranquillius operare: totusque mundus experiatur, & videat diruta erigi, inueterata renouari, & per ipsum redire omnia in integrum, à quo sumpsere principium. Per Dñm.

Ps. Dominus vobiscum.

R. Et cum spiritu tuo.

Lectio Libri Genesis.

IN diebus illis. Tentauit Deus Abraham, & dixit ad eum: Abraham, Abraham. At ille respondit: Adsum. Ait illi: Tolle filium tuum vnigenitum ^{cap.}

tum, quem diligis, Isaac: & vade in Terram Visionis, atque ibi offeres eum in holocaustum super vnum montium, quem monstrauero tibi. Igitur Abraham de nocte consurgens strauit asinum suum, ducens secum duos iuuenes, & Isaac filium suum. Cūque concidisset ligna in holocaustum, abiit ad locum, quem præceperat ei Deus. Die autem tertio, eleuatis oculis, vidit locum procul, dixitque ad pueros suos: Expectate hic cū asino: ego autem, & puer ille usque properantes, postquam adorauerimus, reuertemur ad vos. Tulit quoque ligna holocausti, & imposuit super Isaac filium suum. Ipse verò portabat in manibus ignem, & gladium. Cūque duo pergerent simul, dixit Isaac patri suo: Pater mi. At ille respondit: Quid vis, fili? Ecce, inquit, ignis, & ligna: vbi est victima holocausti? Dixit autem Abraham: Deus prouidebit sibi victimam holocausti, fili mi. Pergébant ergo pariter: & venerunt ad locum, quem ostenderat ei Deus: in quo ædificauit altare, & desuper ligna composuit. Cūque alligasset Isaac filium suum, posuit eum in altare super struem lignorum. Extenditque manum, & arripuit gladium, vt immolaret filium suum. Et ecce Angelus Domini de cælo clamauit, dicens: Abraham, Abraham. Qui respondit: Adsum. Dixitque ei: Non extendas manum tuam super puerum, neque facias illi quidquam. Nunc cognoui, quòd timeas Dominum: & non pepercisti vnigenito filio tuo propter me. Leuauit Abraham oculos suos, viditque post tergum arietem, inter vepres hærentem cornibus; quem asūmens obtulit holocaustum pro filio. Appellauitque nomen loci illius, Dominus videt; vnde usque hodie dicitur:

In monte Dominus videbit. Vocauit autem Angelus Domini Abraham secundò de cælo, dicens: Per memetipsum iuravi, dicit Dominus: Quia fecisti hanc rem, & non pepercisti filio tuo vnigenito propter me; benedicam tibi, & multiplicabo semen tuum sicut stellas cæli, & velut arenam, quæ est in litore maris. Possidebit semen tuum portas inimicorum suorum, & benedicentur in semine tuo omnes gentes terræ, quia obedisti voci meæ. Reuersus est Abraham ad pueros suos: abieruntque Bersabee simul: & habitauit ibi.

Psalmell. Immola Deo sacrificium laudis, & redde Altissimo vota tua. Psalm. 49.

V. Deus, Deorum Dominus, locutus est, & vocauit terram.

V. Dominus vobiscum.

R. Et cum spiritu tuo.

Oratio.

Deus, fidelium Pater summe, qui in toto orbe terrarum promissionis tuæ filios diffusâ adoptione multiplicas: & per Paschale sacramentum Abraham puerum tuum vniuersarum, sicut iurasti, gentium efficis patrem; da populis tuis dignè ad gratiam tuæ vocationis intrare. Per Dominum nostrum.

V. Dominus vobiscum.

R. Et cum spiritu tuo.

Lectio Libri Exodi.

In diebus illis. Dixit Dominus ad Moysen, & Aaron in terra Ægypti: Mensis iste, vobis principium mensium, primus erit in mensibus anni. Loquimini ad vniuersum cœtum filiorum Israel, & dicite eis: Decima die mensis huius tollat vnusquisq; agnum per familias, & domos suas. Sin autem minor est numerus, vt sufficere possit ad vescendum agnum; asūmet vicinum suum, qui coniunctus est domui suæ, iuxta numerum animarum, quæ

quæ sufficere possunt ad esum agni. Erit autem agnus absque macula, masculus, anniculus: iuxta quem ritum tollétis & hædum: Et seruabitis eum vsque ad quartamdecimam diem mensis huius; immolabitque eum vniuersa multitudo filiorum Israel ad vesperam. Et fument de sanguine eius, ac ponent super vtrumque postem, & in superliminaribus domorum, in quibus comedent illum. Et edent carnes nocte illa assas igni, & azymos panes cum lactucis agrestibus. Non comedétis ex eo crudum quid, nec coctum aquâ, sed assum tantum igni. Caput cum pedibus eius, & intestinis vorabitis: nec remanebit quidquam ex eo vsque mane: si quid residuum fuerit; igne comburétis. Sic autem comedétis illum: renes vestros accingétis, & calceamenta habebitis in pedibus, tenentes baculos in manibus: & comedétis festinanter. Est enim Phase, id est, Transitus Domini. Dicit Dominus omnipotens.

Canticum Puerorum: cuius priorem Versum vnus Puerorum cantat solus, reliquos verò cum alijs.

Canticum: **B**enedictus es Domine, Deus Patrum nostrorum, & laudabilis, & gloriosus in sæcula. Amen.

Et benedictum nomen gloriæ tuæ: quod est sanctum, & laudabile, & gloriosum in sæcula. Amen.

Benedictus es super sedem sanctam Regni tui: & laudabilis, & gloriosus in sæcula. Amen.

Benedicite omnia opera Domini Domino: hymnum dicite, & superexaltate eum in sæcula. Amen.

Benedicite fontes Domini Domino: hymnum dicite, & superexaltate eum in sæcula. Amen.

Benedicite serui Domini Domino: hymnum dicite, & superexaltate eum in sæcula. Amen.

Benedicamus Patrem, & Filium, & Sanctum Spiritum: hymnum dicamus, & superexaltemus eum in sæcula. Amen.

V. Dominus vobiscum.

R. Et cum spiritu tuo.

Oratio.

Omnipotens sempiterne Deus multiplica in honorem nominis tui, quod Patrum fidei spondidisti: & promissionis tuæ filios sacrâ adoptione dilata; vt, quod priores Sancti non dubitauerunt futurum, Ecclesia tua iam magnâ ex parte cognoscat impletum. Per Dominum.

V. Dominus vobiscum.

R. Et cum spiritu tuo.

Lectio Libri Exodi.

IN diebus illis. Armati ascenderunt filij Israel de terra Ægypti. Tulit quoque Moyses ossa Ioseph secum; eo quod adiurasset filios Israel, dicens: Visitabit vos Deus: efferte ossa mea hinc vobiscum. Profectique de Socoth, castrametati sunt in Etham, in extremis finibus solitudinis. Dominus autem præcedebat eos ad ostendendam viam; per diem in columna nubis, & per noctem in columna ignis; vt dux esset itineris vtròque tempore. Nunquam defuit columna nubis per diem, nec columna ignis per noctem coram populo. Locutus est autem Dominus ad Moysen, dicens: Loquere filiis Israel: Reuersi castrametentur è regione Phihairoth, quæ est inter Magdalum, & mare contra Beelsephon. In conspectu eius castra ponétis super mare. Dicturusque est Pharaon super filiis Israel: Coarctati sunt in terra, conclusit eos desertum. Et indurabo cor eius, ac persequétur vos; & glorificabor in Pharaone, & in omni exercitu eius; scientque Ægyptij, quia ego sum Dominus. Feceruntque ita.

Et

Et nunciatum est Regi Ægyptiorum, quod fugisset populus. Immutatumque est cor Pharaonis, & seruorum eius super populum, & dixerunt: Quid volumus facere, vt dimitteremus Israel, ne seruiret nobis? Iunxit ergo currum, & omnem populum suum assumpsit secum. Tulitque sexcentos currus electos, & quicquid in Ægypto curruum fuit, & duces totius exercitus. Indurauitque Dominus cor Pharaonis Regis Ægypti, & persecutus est filios Israel. At illi egressi erant in manu excelsa.

Canticum quatuor Lectorum clauiculariorum:

Exo. 15. **Ps.** Tunc cecinit Moyses, & filij Israel carmen hoc Domino, & dixerunt: Cantemus Domino; gloriosè enim honorificatus est.

Ps. j. Equum, & ascensorem proiecit in mare.

Ps. ij. Adiutor, & protector factus est mihi in salutem.

Ps. iij. Hic Deus meus, & honorificabo eum: Deus patris mei, & exaltabo eum.

Ps. iv. Dominus conterens bella: Dominus nomen est ei.

Ps. v. Dominus regnans in æternum: & super sæculum, & adhuc.

Ps. vi. Filij autem Israel ambulauerunt per aridam in medio mari.

Ps. vij. Sumpsit ergo Maria tympanum in manu sua: egressæque sunt omnes mulieres post eam cum tympanis, & choris. Quibus præcinébat, dicens: Cantemus Domino; gloriosè enim honorificatus est.

Ps. Dominus vobiscum.

R. Et cum spiritu tuo.

Oratio.

Deus, celsitudo humilium, & fortitudo rectorum, qui per Sanctum Moysen puerum tuum ita eru-

dire populum tuum sacri carminis tui decantatione voluisti, vt illa Legis iteratio fieret etiam nostra directio: excita in omnem iustificandarum gentium plenitudinem potentiam tuam, & da lætitiā, mitigando terrorem; vt, omnium peccatis tua miseratione delētis, quod denunciatum est in ultionem, transeat in salutem. Per Dominum.

Ps. Dominus vobiscum.

R. Et cum spiritu tuo.

Lectio Isaïæ Prophetæ.

Hæc dicit Dominus: Hæc est hæreditas seruorum Domini, & iustitia eorum apud me. Omnes sitientes venite ad aquas: &, qui non habetis argentum, properate, emite, & comedite: venite, emite absque argento, & absque vlla commutatione vinum, & lac. Quare appenditis argentum non in panibus, & laborem vestrum non in saturitate? Audite, audientes me, & comedite bonum; & delectabitur in crassitudine anima vestra. Inclinate aurem vestram, & venite ad me: audite; & viuet anima vestra, & feriam vobiscum pactum sempiternum, misericordias David fideles. Ecce testem populis dedi eum, ducem, ac præceptorem Gentibus. Ecce gentem, quam nesciebas, vocabis: & gentes, quæ te non cognouerunt, ad te current propter Dominum Deum tuum, & Sanctum Israel; quia glorificauit te. Quærite Dominum, dum inueniri potest: inuocate eum, dum prope est. Derelinquat impius viam suam, & vir iniquus cogitationes suas: & reuertatur ad Dominum; & miserebitur eius; & ad Deum nostrum; quoniam multus est ad ignoscendum. Non enim cogitationes meæ, cogitationes vestræ, neque viæ vestræ, viæ meæ, dicit Dominus. Quia, sicut exaltantur celi à terra;

terra; sic exaltatæ sunt viæ meæ à vijs vestris, & cogitationes meæ à cogitationibus vestris. Et quomodo descendit imber, & nix de cœlo, & illuc ultra non reuertitur, sed inebriat terram, & infundit eam, & germinare eam facit, & dat semen ferenti, & panem comedenti; sic erit verbum meum, quod egredietur de ore meo.

Pfal. **Pfalmell.** Benedictus Dominus Deus Israel, qui facit mirabilia magna solus: Et benedictum nomen Maiestatis eius in æternum.

Pfal. **V.** Deus iudicium tuum Regi da, & iustitiam tuam filio Regis: Et benedictum nomen Maiestatis eius in æternum.

V. Dominus vobiscum.

R. Et cum spiritu tuo.

Oratio.

Omnipotens sempiterne Deus, spes vnica mundi, qui Prophetarum tuorum præconio, præsentium temporum declarasti mysteria: auge populi tui vota placatus; quia in nullo Fidelium, nisi ex tua inspiratione, proueniunt quarumlibet incrementa virtutum. Per Dominum.

V. Dominus vobiscum.

R. Et cum spiritu tuo.

Lectio Isaiaæ Prophetæ.

Cap. **H**æc dicit Dominus Deus: Laua mini, mundi estote, auferte malum cogitationum vestrarum ab oculis meis: quiescite agere peruersè, discite benefacere, quærite iudicium, subuenite oppresso, iudicate pupillo, defendite viduam, & venite, & arguite me, dicit Dominus. Si fuerint peccata vestra, vt coccinum, quasi nix, dealbabuntur: & si fuerint rubra quasi vermiculus, velut lana, alba erunt. Si volueritis, & audieritis me; bona terræ comedetis. Dicit Dominus omnipotens.

Pfal. **Cant.** Sicut ceruus desiderat ad fontes aquarum; ita desiderat anima mea ad te, Deus.

Oratio.

Omnipotens sempiterne Deus, respice propitius ad deuotionem populi renascentis, qui, sicut ceruus, aquarum expetit fontem: & concede propitius, vt Fidei ipsius sitis Baptismatis mysterio animam, corpusque sanctificet. Per Dominum.

B E N E D I C T I O

Fontis Baptismalis.

His completis, in Metropolitana, & in alijs Ecclesijs, vbi Fontes Baptismales solent benedici, Sacerdos benedicturus cum eodem Pluuiali albo procedit ad Fontem, Clero, & Ministris præcedentibus cum Cruce, & Lampade accensa. Interea cantatur sequens Antiphona.

Ant. Exurge: quare obdormis Domine? & ne repellas nos in finem. Quare faciem tuam auertis? obliuisceris tribulationis nostræ? exurge Domine, adiuua nos, & libera nos propter nomen tuum.

Deinde Sacerdos dignior procedit ad benedictionem Fontis, dicens in tono.

V. Dominus vobiscum.

R. Et cum spiritu tuo.

Oratio in tono ordinario.

Omnipotens sempiterne Deus adesto magnæ pietatis tuæ mysterijs; adesto sacramentis: & ad creandos novos populos, quos tibi Fons Baptismatis parturit, Spiritum adoptionis emitte; vt, quod humilitatis nostræ gerendum est ministerio, tuæ virtutis impleatur effectum. Per Dñm.

Quod sequitur, dicitur in tono Præfationum.

Deum immensum Maiestatis æternæ suppliciter exoramus: vt per Verbum, & Virtutem, & Sapientiam suam, Dominum nostrum, Iesum Christum, in hoc Lauacro salutari peccatorum omnium veniam concedat;

dat; detque his sanctificationem suam aquis: vt, quicunque easdem ingressi fuerint, remissionem criminum, & benedictionem consequantur. Per eundem Dominum nostrum, Iesum Christum, Filium suum: secum viuentem, atque regnantem Deum in vnitate Spiritus Sancti: per omnia sæcula sæculorum. **R.** Amen.

O Rémus, & deprecemur Dei Patris omnipotentis clementiam: vt famulis suis Competentibus, quos in hac hora ad hunc beatæ regenerationis Fontem dexteræ suæ protectione perduxit, det gratiam misericordiæ suæ, & corda eorum spirituali repleat intellectu; vt cœleste sacramentum plena fide, & credula mente suscipiant: nobis etiam famulis suis det veniam omnium delictorum, gloriæ suæ præsentiam tribuat; vt mystèria salutaris Baptismatis sine offensione celebremus. Per Dominum nostrum, Iesum Christum, Filium suum: secum viuentem, atque regnantem, Deum in vnitate Spiritus Sancti: per omnia sæcula sæculorum. **R.** Amen.

Halat ter in Aquam in modum Crucis: deinde in eodem Præfationis tono dicit:

A Diuero te, creatura Aquæ, per Deum ✠ verum, Deum ✠ viuum, Deum ✠ sanctum: qui te in principio à terra separauit: qui te de Paradisi fonte produxit, & ex quatuor fluminibus totam terram rigare præcepit.

Manu dextera diuidit Aquam in modum Crucis: tum de ea spargit in quatuor partes mundi.

A Diuero te per Dominum nostrum, Iesum Christum, Filium Dei viui, qui te in Cana Galilææ signo admirabili in vinum conuertit: qui pedibus super te ambulauit, & à Ioanne in te est baptizatus: qui te amarissi-

mam aquam per lignum Passionis suæ indulcauit: & populum sitientem, te de petra educens, satiauit: & Naaman Syrum in te à lepra sua mundauit; & nomen tibi imposuit Syloe, in qua cæcum, vt lumen reciperet, oculos lauare præcepit: qui te de latere suo vnà cum sanguine produxit: qui Discipulis suis dixit; Ite, & docete omnes gentes, baptizantes eos in nomine Patris ✠, & Filij ✠, & Spiritus ✠ Sancti. Efficere ergo aqua exorcizata ad effugandam omnem Diaboli infestationem, omnèque phantasma Inimici, & ipsum Inimicum eradicandum, effugandum, atque supplantandum à seruis Dei: qui in te hodie baptizandi sunt, accepturique remissionem omnium peccatorum suorum: in nomine Dei Patris omnipotentis, & in nomine Iesu Christi Filij eius; qui venturus est in Spiritu Sancto iudicare viuos, & mortuos, & sæculum, per ignem. **R.** Amen.

S Anctificare ✠ per verbum Dei vnda cœlestis; sanctificare ✠ Aqua, Christi calcata vestigijs: quæ montibus pressa non clauderis; quæ scopulis illisa non frangeris; quæ terris infusa non deficis. Tu sustines aridam, portas montium pondera; nec demergeris. Tu cœlorum vertice cunctinèris: circumfusa per vniuersum lauas omnia, nec lauâris. Tu fugientibus Hebræorum populis in glaciem, indurata constringeris. Tu rursus, altis resoluta vorticibus, Nili accolas perdis, & hostilem globum freto sæuiente persequeris: vna, eademque es fidelium salus, & vltio criminosis. Te per Moysen percussa rupes euomit: nec abdita cautibus latere potuisti; cum Maiestatis imperio iussa prodires. Tu, gestata nubibus, imbre iucundo arua fecundas; ne siccatis exanimata visceribus sublimes neget

terra prouentus. A te principium; in te finis exultat: vel potius tuum est, vt terminum nesciamus. Neque enim, Domine, omnipotens Pater, virtutum tuarum nescij, aquarum merita laudamus; sed in his operis tui prædicamus insignia. Suscipe igitur noxios, solue captiuos: redde; quod in Paradiso Adam perdidit; quod Uxor amissit; quod intemperantia crudelis absorbuit. Da salutarem potum male saturis acerbitate pomorum; vt indigesta mortalium, & annosa pernicies diuino soluatur antidoto. Ablue terram squaloris illuue: discute Paradisi macharam, flammeis obicibus fluctuantem. Pateat redeuntibus floribus ruris ingressus: recipiant imaginem Deitatis, olim perditam liuore Serpentis. Quicquid noxium de præuacatione contractum est, huius gurgitis puritate depōnant. Surgant ad requiem, producantur ad veniam; vt mystico Corpore, & Sanguine innotuati, & redemptos se nouerint, & renatos. Per eundem Dominum nostrum, Iesum Christum, Filium tuum: tecum uiuentem, atque regnantem, Deum in vnitate Spiritus Sancti: per omnia sæcula sæculorum. *R. Amen.*

Postea Sacerdos, qui benedixit, aspergit se, & circumstantes de Aqua benedicta: deinde alius Sacerdos aspergit Clerum, & populum. Tunc petentibus distribuatur de ipsa Aqua benedicta in vase cuiusque, ad conseruandum in domibus, & spargendum in vineis, & campis.

His peractis, Sacerdos, qui benedixit Fontem, infundit de Oleo Cathecumenorum in Aquam, in modum Crucis, intelligibili voce dicens sine cantu:

Si Fons iste facer sanctificatus, perunctus, & benedictus, in nomine Patris ✠, & Filij ✠, & Spiritus ✠ Sancti. R. Amen.

Deinde infundit de Chrismate, in modum Crucis, dicens:

Infusio Chriftatis Domini nostri, Iesu Chrifti, & Spiritus Sancti Paracleti, fiat in nomine Sanctæ Trinitatis. R. Amen.

Postea accipit ambas Ampullas doctorum Oleorum Cathecumenorum, & Chriftatis: & de vtroque simul in modum Crucis infundendo dicit:

Commistio Chriftatis sanctificationis, & Olei vnctionis, & Aquæ Baptismatis pariter fiat in nomine Patris ✠, & Filij ✠, & Spiritus ✠ Sancti. R. Amen.

Tunc miscet ipsum Oleum cum Aqua, & spargit manu sua per omnem Fontem. Si verò in Metropolitana per Archiepiscopum sunt aliqui baptizandi; eos baptizat more consueto. A qua solemnitate baptizandi, quæ Archiepiscopalis muneris est, alius omnis, vel Archipresbyter, vel Præpositus, vel Parochus, tam Urbis, quàm Diœcesis abstinebit. Peracto Baptismo, vel, vbi is omittitur, peracta commistione, vt supra, dicitur in tono Præfationum sequens Oratio per Sacerdotem celebraturum.

Oratio.

Celebratis, atque perfectis diuini Baptismatis sacramentis, Domino cœli, & terræ, Deo Patri omnipotenti indefessas gratias referamus: ipsumque supplices postulemus, vt nos, atque omnem familiam suam gloriose Resurrectionis Domini Nostri, Iesu Chrifti annuat, esse participes. Præstante eodem Domino Nostro, Iesu Chritto, Filio suo: secum uiuente, atque regnante Deo in vnitate Spiritus Sancti: per omnia sæcula sæculorum. R. Amen.

Postea, accepta Casula albi coloris, & manipulo, accedit processionaliter ad Sanctissimum Sacramentum reportan-

portandum, ac Missam inchoandam ordine, quo ventum erat. Cantatur interim sequens Resp.

R. Sacri Fontis aqua perennis, vbi renouantur: Halleluia.

V. Beati, quorum remissæ sunt iniquitates, & quorum tecta sunt peccata: vbi renouantur: Hallel.

IN VIGILIA

Pentecostes.

Hodie mane cantatis Vesperis usque ad Responsorium in Choro inclusiue, Sacerdos dignior in tono dicit: Dominus vobiscum. Tum leguntur in tono Epistolarum feriali sequentes Lectiones cum suis Psalmellis, & Orationibus.

LECTIO Isaia Prophetæ.

Hæc dicit Dominus Deus: Et egredietur virga de radice Iesse, & flos de radice eius ascendet: & requiescet super eum Spiritus Domini, Spiritus sapientiæ, & intellectus, Spiritus consilij, & fortitudinis, Spiritus scientiæ, & pietatis: & replebit eum Spiritus timoris Domini. Non secundum visionem oculorum iudicabit, neque secundum auditum aurium arguet; sed iudicabit in iustitia pauperes, & arguet in æquitate pro mansuetis terræ. Et percutiet terram virgâ oris sui, & spiritu labiorum suorum interficiet impium. Et erit iustitia cingulum lumborum eius, & fides cinctorium renum eius. Habitabit lupus cum agno, & pardus cum hædo accubabit. Vitulus, & leo, & ovis simul morabuntur: & puer paruulus minabit eos. Vitulus, & vrsus pascuntur: simul requiescent catuli eorum: & leo, quasi bos, comedet paleas. Et delectabitur infans ab ubere super foramine aspidis: & in cauernam reguli, qui ablactatus fuerit, manum suam mittet. Non nocébunt, & non

occident in vniuerso monte sancto meo; quia repleta est terra scientiâ Domini. Dicit Dominus omnipotens.

Psalmell. Tui sunt cœli, & tua est terra. Orbem terrarum, & plenitudinem eius tu fundasti.

V. Misericordias tuas, Domine, in æternum cantabo: in generatione, & progenie pronuntiabo veritatem tuam in ore meo.

V. Dominus vobiscum.

R. Et cum spiritu tuo.

Oratio.

DA nobis, quæsumus, Domine, per gratiam Sancti Spiritus, nouam spiritalis obseruantia disciplinam: vt mentes nostræ, sacro purgata ieiunio, cunctis reddantur eius muneribus aptiores. Per Dominum nostrum, Iesum Christum, Filium tuum: qui tecum viuit, & regnat in vnitatem eiusdem.

V. Dominus vobiscum.

R. Et cum spiritu tuo.

LECTIO Libri Genesis.

IN diebus illis. Egressus Iacob de Bersabée pergebat Haran. Cumque venisset ad quendam locum, & vellet in eo requiescere post solis occubitum, tulit de lapidibus, qui iacebant: & supponens capiti suo dormiuit in eodem loco. Viditque in somnis scalam stantem super terram, & cacumen illius tangens cœlum: Angelos quoque Dei ascendentes, & descendentes per eam: & Dominum innixum scalæ, dicentem sibi: Ego sum Dominus, Deus Abraham patris tui, & Deus Isaac. Terram, in qua dormis, tibi dabo, & semini tuo: eritque semen tuum quasi puluis terræ. Dilataberis ad Occidentem, & Orientem, & Septentrionem, & Meridiem; & benedicentur in te, & in semine tuo cunctæ Tribus terræ. Et ero custos tuus, quocunque perrexeris, & reducam te

in terram hanc: nec dimittam, nisi compleuero vniuersa, quæ dixi. Cumque euigilasset Iacob de somno, ait: Verè Dominus est in loco isto, & ego nesciebam. Pauensque; Quàm terribilis est, inquit, locus iste! Non est hic aliud, nisi domus Dei, & porta cæli. Surgens ergo Iacob mane tulit lapidem, quem supposuerat capiti suo, & erexit in titulum fundens oleum desuper. Appellauitque nomen vr̃bis Bethel, quæ prius Luza vocabatur. Vouit etiam votum, dicens: Si fuerit Dominus mecum, & custodierit me in via, per quam ego ambulo: & dederit mihi panem ad vescendum, & vestimentum ad induendum; reuersusque fuero prosperè ad domum patris mei; erit mihi Dominus in Deum; & lapis iste, quem erexi in titulum, vocabitur Domus Dei; cunctorumque, quæ dederis mihi, decimas offeram tibi.

Psal.
67. **Psal. mell.** In excelsis benedicite Deum Dominum de fontibus Israel.

Psal.
67. **V.** Exurgat Deus: & dissipentur inimici eius, & fugiant à facie eius, qui odèrunt eum.

V. Dominus vobiscum.

R. Et cum spiritu tuo.

Oratio.

Omnipotens sempiterne Deus, lumen indeficiens, qui Spiritum Sanctum tuum, cum super aquas in mundi creationis exordio ferretur, humanæ declarasti salutis auctorem, præsta, quæsumus: vt idem Spiritus veritatis Ecclesiæ tuæ dona multiplicet. Per Dominum nostrum, Iesum Christum, Filium tuum: qui tecum viuit, & regnat in vnitæte eiusdem.

V. Dominus vobiscum.

R. Et cum spiritu tuo.

Lectio Libri Regum.

IN diebus illis. Factum est autem, cum leuare vellet Dominus Eliam per turbinem in cælum &c. **prout supra extat in Vigilia Epiph.** pag. 80.

Psal. mell. Benedictus Dominus Deus Israel, qui facit mirabilia solus: & benedictum nomen Maiestatis eius in æternum.

V. Deus iudicium tuum Regi da, & iustitiam tuam filio Regis.

V. Dominus vobiscum.

R. Et cum spiritu tuo.

Oratio.

Deus, qui primis temporibus impleta miracula noui Testamenti luce reserasti; vt & mare rubrum forma sacri Fontis existeret, & liberata plebs ab Ægyptiaca seruitute Christiani populi sacramenta præferret, da, quæsumus: vt omnes Gentes, Israël's priuilegium merito fidei consecutæ, Spiritus tui participatione regenerentur. Per Dominum &c. in vnitæte eiusdem.

V. Dominus vobiscum.

R. Et cum spiritu tuo.

Lectio Libri Regum.

Apparuit Dominus Salomoni per somnium nocte, dicens: Postula quod vis, vt dem tibi. Et ait Salomon: Tu fecisti cum seruo tuo Dauid patre meo misericordiam magnam, sicut ambulauit in conspectu tuo in veritate, & iustitia, & recto corde tecum: custodisti ei misericordiam tuam grandem, & dedisti ei filium sedentem super thronum eius, sicut est hodie. Et nunc, Domine Deus, tu regnare fecisti seruum tuum pro Dauid patre meo; ego autem sum puer paruulus, & ignòrans egressum, & introitum meum: & seruus tuus in medio est populi, quem elegisti, populi infiniti, qui numerari, & supputari non potest præ multitudinem. Dabis ergo seruo tuo

Benedictio Aquæ.

129

tuo cor docile; ut populum tuum iudicare possit, & discernere inter bonum, & malum. Quis enim poterit iudicare populum istum, populum tuum hunc multum? Placuit ergo sermo coram Domino, quod Salomon postulasset huiusmodi rem. Et dixit Dominus Salomoni: Quia postulasti verbum hoc: & non petisti tibi dies multos, nec diuitias, aut animas inimicorum tuorum: sed postulasti tibi sapientiam, ad discernendum iudicium; ecce feci tibi secundum sermones tuos, & dedi tibi cor sapiens, & intelligens in tantum, ut nullus ante te similis tui fuerit, nec post te surrecturus sit. Sed & hæc, quæ non postulasti, dedi tibi, diuitias scilicet, & gloriam; ut nemo fuerit similis tui in Regibus, cunctis retro diebus. Si autem ambulaueris in vijs meis, & custodieris præcepta, & mandata mea, sicut ambulauit Pater tuus; longos faciam dies tuos.

Psal. 41. Cant. Puer. Sicut ceruus desiderat ad fontes aquarum; ita desiderat anima mea ad te Deus.

In Ecclesijs, vbi Fontes benedicuntur, proceditur ad Benedictionem Fontium, & adhibentur omnes cærimonix, sicut in die Sabbati Sancti, cum sequenti Oratione. In Metropolitana verò, cum præsens est Archiepiscopus, si qui sunt baptizandi; dum præcedentes Lectiones cantantur, per Archipresbyterum fiunt eorum Catechismi, & Exorcismi in valuis Ecclesiæ: & introducuntur; sicut extat in Libro Sacramentorum; & finita Fontium consecratione; per Archiepiscopum baptizantur cum Litanis, & Oratione ad verticem inungendum; tum subiungitur sequens Oratio. Absente verò Archiepiscopo, omittitur prædictus Baptismus; cum tantummodo muneris Archiepiscopalis sit: & fit

tantum Fontium Consecratio, ut supra, cum sequenti Oratione in tono Præfationum.

Oratio.

Celebratis, atque perfectis diuini Baptismatis sacramentis, Domino cæli, & terræ, Deo Patri, omnipotenti indefessas gratias referamus: ipsumque supplices postulemus, uti nos, atque omnem familiam suam gratiæ Spiritus Sancti annuat esse participes. Præstante Domino nostro, Iesu Christo, Filio suo: secum viuentem, atque regnante Deo in vnitatem eiusdem Spiritus Sancti: per omnia sæcula sæculorum. **R. Amen.**

Cantata Oratione, Sacerdos celebraturus, indutus paramentis rubeis ad Missam, præcedente Clero cum Ministris, procedit ad Altare, vbi eam inchoat, ut supra, suo loco.

Dum verò proceditur, canitur Psallenda sequens.

Psal. Dominus regit me; nihil mihi deerit: Halleluia. Impinguasti in oleo caput meum. Hallel. Hallel.

Gloria Patri, & Filio &c.

Iterum: Dominus regit me &c.

P R E C E S

AD BENEDICENDAM

A Q U A M.

Sacerdos, superpelliceo, & stola indutus, aperto capite stans dicit:

V. Deus in adiutorium meum intende.

R. Domine ad adiuuandum me festina.

V. Gloria Patri, & Filio, & Spiritui Sancto.

R. Sicut erat in principio, & nunc, & semper, & in sæcula sæculorum. Amen. Hallel.

Tempore autem Quadragesimæ loco

V. Halleluia, dicitur V. Laus tibi Domine &c.

K yrie eleis. Kyrie eleis. Kyrie eleis.

Postea

Postea exufflat in Sal, in formam Crucis, dicens Exorcismum sequentē:

EXorcizo te, creatura Salis, per Deum ✠ verum; per Deum ✠ viuum; per Deum ✠ sanctum; per Deum, qui te per Elisæum Prophetam in aquam mitti iussit, vt sanaretur sterilitas aquæ: vt efficiaris Sal exorcizatum in salutem credentium: & sis omnibus te sumentibus sanitas animæ, & corporis: & effugiat, atque discedat ab eo loco, in quo aspersum fueris, omnis phantasía & nequitia, vel versutia diabolicæ fraudis, omnisque Spiritus immundus adiuratus. Per eum, qui venturus est in Spiritu Sancto iudicare viuos, & mortuos, & sæculum per ignem. *R.* Amen.

V. Dominus vobiscum.

R. Et cum spiritu tuo.

Immensam clementiam tuam, omnipotens æterne Deus, humiliter imploramus: vt hanc creaturam Salis, quam in vsum generis humani tribuisti, bene ✠ dicere, & sancti ✠ ficare tua pietate digneris; vt sit omnibus sumentibus salus mentis, & corporis; & quicquid eo tactum, vel aspersum fuerit, careat omni immunditia, omni que impugnatione spiritalis Nequitie. Per virtutem Domini nostri, Iesu Christi: qui tecum viuit, & regnat in vnitæte Spiritus Sancti Deus: per omnia sæcula sæculorum. *R.* Amen.

Postea exufflat in Aquam, in formam Crucis, dicens Exorcismum sequentem:

EXorcizo te, creatura Aquæ; in nomine Dei Patris ✠ omnipotentis, & in nomine Iesu Christi ✠ Filij eius, Domini nostri; & in nomine Spiritus ✠ Sancti: vt fias Aqua exorcizata ad effugandam omnem potestatem Inimici, & ipsum Inimicum eradicandum, & explantandum

cum Angelis suis apostaticis. Per virtutem Domini nostri, Iesu Christi: qui venturus est in Spiritu Sancto iudicare viuos, & mortuos, & sæculum per ignem. *R.* Amen.

V. Dominus vobiscum.

R. Et cum spiritu tuo.

Oratio.

Deus, qui ad salutem humani generis maxima quæque sacramenta in aquarum substantia condidisti, adesto inuocationibus nostris: & elemento huic, multimodis purificationibus præparato, virtutem tuæ benedictionis ✠ infunde; vt creatura mysterij tui tibi seruiens ad abiiciendos Dæmones, morbosque pellendos diuinæ gratiæ sumat effectum; vt quicquid in domibus, vel in locis fidelium hæc vnda resperferit, careat omni immunditia, liberetur à noxa. Non illic resideat spiritus pestilens, non aura corrupens. Discedant ab eo loco omnes insidiæ latentis Inimici: & si quid est, quod aut incolumitati habitantium inuideat, aut quieti, per aspersionem huius Aquæ effugiat; vt salubritas, per inuocationem tui nominis expetita, ab omnibus sit impugnationibus defensa. Per Dominum.

Hic mittitur Sal in Aquam, in formam Crucis, dicendo:

Fiat commistio Salis, & Aquæ in nomine Patris ✠, & Filij ✠, & Spiritus ✠ Sancti. *R.* Amen.

Benedico te, Sal, & Aqua, in nomine Patris ✠, & Filij ✠, & Spiritus ✠ Sancti. *R.* Amen.

Confirmo te, Sal, & Aqua pariter in nomine Patris ✠, & Filij ✠, & Spiritus ✠ Sancti. *R.* Amen.

Pfall. **V**ox Domini super Aquas: Deus ^{psal.} ^{28.} Maiestatem intonuit, Dominus super Aquas multas.

V. Gloria Patri, & Filio, &c.

Iterum: **V**ox Dñi &c. **K**yr. kyr. kyr. **P**ater

Aspersio Aquæ Benedictæ.

131

Pater noster &c. secr. vsque ad V. seq.

V. Et ne nos inducas in tentationem.

R. Sed libera nos à malo.

V. Adiutorium nostrum in nomine Domini.

R. Qui fecit cœlum, & terram.

Credo in Deum &c. Dicitur totum, secr. vsque ad V. seq.

V. Carnis resurrectionem.

R. Vitam æternam. Amen.

V. Ego dixi Domine miserere mei.

R. Sana animam meam; quia peccavi tibi.

V. Conuertere Domine aliquantulū.

R. Et deprecabilis esto super seruos tuos.

V. Ostende nobis Domine misericordiam tuam.

R. Et salutare tuum da nobis.

V. Dominus Virtutum nobiscum.

R. Susceptor noster Deus Iacob.

V. Domine exaudi orationem nostram.

R. Et clamor noster ad te peruēniat.

V. Exurge Christe, adiuua nos.

R. Et libera nos propter nomen tuum.

V. Dominus vobiscum.

R. Et cum spiritu tuo.

Oratio.

Deus, inuictæ virtutis Author, & insuperabilis Imperij Rex, ac semper magnificus Triumphator: qui aduersæ Dominationis vires reprimis; qui rugientis Inimici fauitiam superas; qui hostiles nequitas potenter expūgnas: te, Domine, trementes, & supplices deprecamur, ac petimus; vt hanc creaturam Salis, & Aquæ dignanter accipias, benignus illustres, & pietatis tuæ more ✠ sanctifices; vt, vbicunque fuerit aspersa, per inuocationem sancti tui nominis omnis infestatio immundi Spiritus abijciatur terrorque venenosi Serpentis procul pellatur, & præsentia Sancti Spiritus nobis, misericordiam tuam poscentibus,

vbique adesse dignetur. Per Dñm &c. in vnitatem eiusdem. **R.** Amen.

Alia Oratio.

Præsta Domine tuum salutare remedium super hanc creaturam Salis, & Aquæ: vt, vbicunque fuerit aspersa, ad animæ, & corporis proficiat sanitatem. Per Dominum nostrum. **R.** Amen.

Alia Oratio.

Præsta Domine, quæsumus, super hanc creaturam asperfusionis Aquæ sanitatem mentis, corporis integritatem, tutelam salutis, securitatem spei, corroborationem fidei, hic, & in æternum, & in sæcula sæculorum. **R.** Amen.

V. Dominus vobiscum.

R. Et cum spiritu tuo. **K**yr. kyr. kyr.

V. Benedicat, & exaudiat nos Deus.

R. Amen.

V. Procedamus cum pace.

R. In nomine Christi.

V. Benedicamus Domino.

R. Deo gratias.

Pax, & Benedictio Dei Patris ✠ omnipotentis, & Filij, ✠ & Spiritus ✠ Sancti descendat super hanc creaturam Salis, & Aquæ, & super omnes ex ea accipientes. R. Amen.

Deinde fit Aspersio Aquæ, vt infra.

O R D O

Asperfusionis Aquæ Benedictæ.

Diebus Dominicis, peracta Aquæ Benedictione, in singulis Ecclesijs fit eiusdem Aspersio.

In Parochialibus quidem per Parochum superpelliceo, & stola indutum: qui, adhibitis Precibus, vt infra, aspergit primò Altare; tum Clerum, qui in Choro aderit; postremò Laicos circumstantes.

In Collegiatis autem, antequam, Hora Tertiæ inchoetur, Sacerdos Missam capitularem celebraturus, Pluuiali coloris, qui tempori congruet, indutus

dūtus, præcedentibus Clericis (quorum vnus vas eiusdem Aquæ cum aspersorio deferat) Capitulo verò, & reliquo Clero subsequente, accedit ad Chorum: vbi in vltimo gradu Altaris, facta prius Oratione, stans intonat:

V. Dominus vobiscum.

R. Et cum spiritu tuo.

Diaconus autem obseruator, vel is, ad quem ex consuetudine spectat, intonat, Chorusque subinde prosequitur Antiphonam sequentem:

Psal.
50.



A sperges me Domine hyssopo,



& mundabor: la uâ bis me,



& super niuem dealbabor.

Deinde verò Chorus alternatim canit Psalmum 50.



Psalm. Misere mei Deus.

Interim autem Sacerdos prædictus ascendit ad medium Altaris: & supra ipsum in anteriori parte facto dextra manu signo Crucis, illud ipsum osculatur. Tum, accepto de manu Ministri Aspersorio, & vno Clerico partem dexteram Pluialis eleuante, altero autem cum vase Aquæ paululum præcedente, aspergit primò Altare à parte anteriori, tum à parte posteriori pariter illud aspergendo circumdat; à qua tamen Altaris aspersione abstinendum est, cum in illo expositum,

erit Sanctissimum Sacramentum. Facta ergo genuflexione in medio ante Altare, accedit ad digniorem partem Chori: vbi, facta prius inclinatione, omnibus Canonicis in illa parte consistentibus, singulos aspergit. Mox alios itidem, qui in altera Chori parte consistunt, eodem prorsus ritu aspergit: deinde verò Clerum omnem, ac tandem Laicos. Denique, reddito aspersorio ministro, stat in medio ante Altare, donec perficiatur Psalmus prædictus, & Antiph. prædicta repetatur. Quæ absoluta, dicit directa voce:

V. Ostende nobis Domine misericordiam tuam.

R. Et salutare tuum da nobis.

V. Domine exaudi orationem nostram.

R. Et clamor noster ad te perueniat.

V. Dominus vobiscum.

R. Et cum spiritu tuo.

Oratio.

Exaudi nos, Domine Sancte, Pater omnipotens, æterne, Deus, & mittere digneris Sanctum Angelum tuum de coelis: qui custodiat, foueat, protegat, visitet, atque defendat omnes habitantes in hoc habitaculo. Per Christum Dominum nostrum.

R. Amen.

V. Dominus vobiscum.

R. Et cum spiritu tuo.

Kyrie eleis. kyrie eleis. kyrie eleis.

V. Benedicat, & exaudiat nos Deus.

R. Amen.

Diaconus dicit:

V. Procedamus cum pace.

R. In nomine Christi.

Rursum Sacerdos dicit:

V. Benedicamus Domino.

R. Deo gratias.

Tum in Choro inchoatur Officium Tertiar: & interim prædictus Sacerdos redit ad Sacristiam, vbi cum Ministris paramenta induit ad Missam.

Con-

Aspersio Aquæ Benedictæ.

133

Conuentualem decantandam.

Tempore Paschali, loco prædictæ

Antiphonæ, & Psalmi 50. dum fit Aspersio, cantantur sequentes duæ Añæ.




Vidi a quam egredien tem de Tem plo à la-



tere dextro: Halle lù iah: & omnes, ad quos peruénit a qua



i sta, sal ui facti sunt, & dicunt: Halle-



lù iah.



Intonuit de cœ lo Do minus; Altif simus




de dit vocem suam; & apparue runt fontes




a quarum: Halle lù iah, halle lù iah.

F I N I S.

Constatuimus deventandum
Ierapote Patebat loco pudente pernoctantibus Aex




Vidi a quam erectam tem de Tem plo a la



terc dextro: Hallel. Inish: & omnes, ad quos pervenit a



ita, sal ut facti: tant, & dextro: Hallel.



inish: Hallel.



Inomni de cor: Jo Do minus: Ahal



de die vocem inam: & apparet: tui bonitas



inish: Hallel.



IN FESTO SANCTISSIMI NOMINIS JESU.

DOMINICA II. POST EPIPHANIAM:

Ingressa.

Ad
Phi.
lip.
Cap.
2.



^{Hic genu flex.} **I**n nomine JESU
omne genuflec-
tatur, coelestium,
terrestrium, &
infernorum, &
omnis lingua,
confiteatur, quia Dominus JE-
SUS Christus in gloria est Dei
Patris.

Gloria in excelsis Deo &c.

Oratio super Populum.

Deus, qui unigenitum Fi-
lium tuum constituisti
humani generis Salvatorem, &
JESUM vocari jussisti: conce-
de propitius; ut cujus Sanctum
nomen veneramur in terris,
ejus quoque aspectu perfrua-
mur in coelis. Per eundem Do-
minum nostrum &c.

Lectio Actuum Apostolorum.

^{Ad. Cap. 4.} **I**n diebus illis: Petrus spiritu
Sancto repletus, dixit: Prin-
cipes populi, & seniores audi-
te. Si nos hodie Dijudicamur
in benefacto hominis infirmi,
in quo iste salvus factus est.
Notum sit omnibus vobis, &
omni plebi Israel, quia in no-
mine JESU Christi Nazareni,
quem vos crucifixisti, quem
Deus suscitavit à mortuis, in

hoc iste astat coram vobis sa-
nus. Hic est lapis, qui reproba-
tus est à vobis ædificantibus:
qui factus est in caput anguli.
Et non est in alio aliquo salus.
Nec enim aliud nomen est sub
Cælo datum hominibus, in
quo oporteat nos salvos fieri.

Psalmell. Confitemini Domino,
& invocate nomen ejus. ^{Psalm. 104.}

V. Annunciate inter gentes ope-
ra ejus, cantate illi, & psallite
ei: narrate omnia mirabilia
ejus.

*Epistola Beati Pauli Apostoli
ad Corinthios prima.*

^{Cap. 1.} **P**aulus vocatus Apostolus
JESU Christi per volunta-
tem Dei, & Sothenes Frater, Ec-
clesiæ Dei, quæ est Corinthii,
Sanctificatis in Christo JESU,
vocatis Sanctis, cum omnibus,
qui invocant nomen Domini
nostri JESU Christi, in omni
loco ipsorum, & nostro, gratiâ
vobis, & pax à Deo Patre no-
stro, & Domino JESU Christo:
Gratias ago Deo meo semper
pro vobis in gratia Dei, quæ
data est vobis in Christo JESU:
quod, in omnibus Divites facti
estis in illo, in omni verbo, &
in omni scientia, sicut testimo-
nium

nium Christi confirmatum est in vobis; ita ut nihil vobis desit in ulla gratia, expectantibus revelationem Domini nostri JESU Christi. Qui, & confirmabit vos usque in finem sine crimine in die adventus Domini nostri JESU Christi.

^{Psal.}
^{144.} Hallel. *Ps.* Laudem Domini loquatur os meum, & benedicat omnis caro nomen sanctum ejus. Hallel.

 Lectio sancti Evangelii secundum Matthæum.

^{Cap.}
^{3.} **C**Um esset desponsata Mater ejus Maria Joseph, antequam convenirent, inventa est in utero habens de Spiritu Sancto. Joseph autem vir ejus, cum esset justus, & nollet eam traducere, voluit occultè dimittere eam. Hæc autem eo cogitante, ecce Angelus Domini apparuit in somnis ei dicens: Joseph Fili David, noli timere, accipere Mariam Conjugem tuam: Quod enim in ea natum est, de Spiritu Sancto est. Pariet autem filium: & vocabis nomen ejus JESUM.

Antiphona post Evangelium.

^{Psal.}
^{85.} Confitebor tibi Domine Deus meus in toto corde meo, & glorificabo nomen tuum in æternum. Quoniam tu Domine suavis, & mitis es, & multæ misericordiæ omnibus invocantibus te.

Oratio super Sindonem.

OMnipotens sempiterne Deus, qui coelestia simul

& terrena moderaris: supplicationes Populi tui clementer exaudi, & in nomine JESU pacem tuam nostris concede temporibus. Per eundem Dominum &c.

Offertorium.

Domine Dominus noster, quam admirabile est nomen tuum in ^{Psal.} universa terra.

A solis ortu usque ad occasum laudate nomen Domini in universa terra.

Dicitur: Credo.

Oratio super Oblatam.

Benedictio tua clementissime Deus, qua omnis viget creatura, sanctificet, quæsumus hoc sacrificium nostrum, quod ad gloriam nominis filii tui, Domini nostri JESU Christi offerimus tibi, ut majestati tuæ placere possit ad laudem, & nobis proficere ad salutem. Per eundem Dominum &c.

Præfatio.

Aternæ Deus. Qui genus humanum in primi Parentis prævaricatione sauciatum per JESUM Christum. Unigenitum tuum in plenitudine temporum dignatus es reparare. Hujus igitur sanctissimum nomen, quod est super omne nomen ad vitæ, & mortis subsidium ex toto corde invocantes, quam in Adam perdidimus gratiam, invenire valeamus. Per eundem Jesum Christum &c.

Confra-

Confractorium.

^{Ad}
^{Rō.} Omnis enim quicumque invo-
^{Cap.} caverit nomen Domini salvus
^{10.} erit.

Transitorium.

^{Psal.} Omnes gentes, quascumque fe-
^{85.} cisti, venient, & adorabunt co-
ram te Domine, & glorifica-
bunt nomen tuum.

Oratio post Communionem.

Omnipotens æterne Deus,
qui creasti, & redemisti
nos, respice propitius vota no-

stra: & sacrificium salutaris ho-
stiae, quod in honorem Nomi-
nis Filii tui Domini nostri
JESU Christi, Majestati tuæ
obtulimus, placido, & beni-
gno vultu suscipere digneris:
ut gratia tua nobis infusa, sub
glorioso Nomine JESU, æter-
næ prædestinationis titulo gau-
deamus nomina nostra scripta
esse in Coelis. Per eundem Do-
minum &c.




MEDIOLANI, MDCCXXIII.

Apud Fratres de Sirturis, hæredes Pacifici Pontii, & Piccaleæ,
Impressores Archiepiscopales.

ista: & sacrificium salutis ho-
 stie, quod in honorem Nomi-
 nis Filii Dei Domini nostri
 JESU Christi, vestram nos
 obsequium, placido, & ben-
 gno vultu suscipere dignetur:
 ut gratia eius nobis intus, sub
 glorioso Nomine JESU, eter-
 ne predestinationis tunc con-
 decimus nomina nostra scripta
 esse in Caelis. Petendum ho-
 minum &c.

Confitebor tibi Domine
 Omnes gentes, quia cum te
 cisti, venisti, & adorabunt co-
 ram te Domine, & glorifica-
 bunt nomen tuum.
 Oratione post Communionem.
 Omnipotens aeternus Deus,
 qui creati, & redempti
 nos, respice propitius vota no-



MEDIO L. ANI, MDCCXXIII.

Apud Fratres de Struiss, heredes Paschii Pontii, & Piscalis,
 Impressores Archiepiscopales.

MISSA S. FRANCISCI SALESII

EPISC., ET CONFESS.

Oratio super populum.



Eus, qui ad animarum salutem Beatum Franciscum Confessorem tuum, atque Pontificem omnibus omnia factum esse voluisti; concede propitius ut, charitatis tuæ dulcedine perfusi, ejus dirigentibus monitis, ac suffragantibus meritis, æterna gaudia consequamur. Per Dominum nostrum &c.

Oratio super Sindonem.

DEus, qui in terris cœlestis conversationis exempla in Sancto Francisco Pontifice, & Confessore tuo clarescere voluisti;

Da fidelibus tuis incrementa virtutum: ut, inter mundana discrimina constituti, ejus imitatione, ac doctrinâ ad salutem valeant pervenire. Per Dominum nostrum &c.

Oratio super Oblatam.

Visitacione tua, clementissime Deus, & intercessione Sancti Francisci Pontificis, & Confessoris perfice in nobis instituta Sanctiora; quæ ab ipso condita non deficient, & iugiter augeantur. Per Dominum nostrum &c.

Prefatio.

ÆQuum, & salutare:
Nos, clementissime Deus, immenso amor
tuo

tuo gratias agere, qui Bea-
ti Francisci Pontificis, &
Confessoris Capiti sub
ignis, & Columbæ specie
illapsus, puro ipsius cordi
placidum fervorem infu-
dit, ut, spretis sæculi blan-
dimentis, & contumaces
Hæreticorum mentes in
viam salutis reduceret, &
omnibus facilem de virtu-
te in virtutem ascensum
linguâ, & calamo præmon-
straret. Et ideo &c.

Oratio post Communionem.

DEus, qui bona cuncta
largiris, adesto pro-
pitius supplicationibus no-
stris: Vt, qui in honorem
Beati Francisci Confesso-
ris tui, atque Pontificis Sa-
cramenta percepimus, ejus
interuenientibus meritis,
perpetuæ dilectionis spiri-
tu repleamur. Per Domi-
num nostrum &c.

M I S S A
S A N C T I A L O Y S I I
G O N Z A G Æ
C O N F E S S O R I S

S O L E M N E

D I E X X V I . A P R I L I S .

Missa de Communi Confessoris. Vir iste custodivit &c. pag. 16. præterquam ut infra.

Oratio super populum.

Cælestium donorum distributor Deus, qui in Angelico Juvene Aloysio miram vitæ innocentiam pari cum poenitentia sociasti, ejus precibus, & meritis concede: ut innocentem non secuti poenitentem imitemur. Per Dominum nostrum &c.

Oratio super sindonem:

DEus, qui Beatum Aloysium Confessorem tuum tanto caritatis ardore incendiisti, ut consummatus in brevi expleverit tempora multa, da quaesumus: ut ejus exemplo incitati, & oratione suffulti celeri virtutum incremento merita in nobis æternæ gloriæ augeamus. Per Dominum nostrum &c.

MILITANTIA
SANCITI ALONSI
GONZALEZ
CONFESSORIS

SOLE M. H.

DIE XXV. APRILIS

Missa de Communi Confessorum. Vir ille custodiavit
se. pag. 16. preterea
ut inia.
Oratio super populum.
C. Altitium donorum
distributor Deus qui
in Angelico juvene Aloy-
sio tantam vitam innocen-
tiam pari cum poeniten-
tia locasti, eius precibus
et meritis concede: ut in-
nocentiam non secum por-
tinentem imitentur. Per Do-
minum nostrum etc.
Oratio sancti Antonii.
Eus, qui Beatus
Aloysius Confes-
sor tuum tanto caritate
ardore incedisti, ut con-
summatum in brevi expleve-
re tempora nupta, da que-
sumus: ut eius exemplo in-
citemur, et oratione iustitiam
celis virtutum incrementum
co meritis in nobis eternis
glorie augeremus. Per Do-
minum nostrum etc.

MISSA
SANCTI IOANNIS
NEPOMUCENI
SACERD. ET MARTYR.

*Missa de Comuni unius
Martyris.*

Justus non conturbabitur,
pag. 2. *præterquam ut in-
fra.*

Oratio super populum.

DEus, qui ob in-
victum Beati
Joannis Sacra-
mentale silen-
tium nova Ecclesiam
tuam martyrii coronam
decorasti: da nobis ejus in-
tercessione, & exemplo
linguam cautè custodire;
ac omnia potius mala,
quàm animæ detrimen-
tum, in hoc sæculo tolera-
re. Per Dominum nos-

trum, Jesum Christum,
Filium tuum: qui tecum
vivit, & regnat &c.

Oratio super sindonem.

Mirabilem opera-
tor Deus, qui ver-
bi tui præcônem, & sacri
silentii custôdem Joannis
linguam tot sæculis à mor-
te inviolatam conservasti,
tribue quæsumus; ut his
sacrificiis, & ejus interve-
nientibus precibus ab om-
ni vitiorum labe, & à mor-
te perpetua præservemur,
Per Dominum nostrum,
Jesum Christum, Filium
tuum: qui tecum vivit, &
regnat &c.

Ora-

Oratio super Oblata.

Per hæc tua, Domine, sacra mysteria illo nos charitatis igne accendamus, quo inclytus Martyr Joannes eadem peragendo flagrabat. Per Dominum nostrum, Iesum Christum, Filium tuum: qui tecum vivit, & regnat &c.

Oratio post Communionem.

Spiritum, Domine, fortitudinis hæc nobis tribuat mensa coelestis, quæ Beati Martyris tui Joannis pro Sacramenti honore tentatam constantiam jugiter aluit ad victoriam. Per Dominum nostrum, Iesum Christum, Filium tuum: qui tecum vivit, & regnat &c.

MISSA SANCTI RAPHAELIS ARCHANGELI

SOLEMNE

DIE XXIV. OCTOBRIIS.

JUSSU

Eminentiss. , & Reverendiss. D. D. **BENEDICTI**
tit. SS. duodecim Apostolorum S. R. E. Presbyt.
Card. **ODESCALCHI**, Sanctæ Medio-
lanensis Ecclesiæ Archiepiscopi.

NOVISSIME IMPRESSA:



MEDIOLANI, MDCCXXXIII.

Apud Benjamin de Sirturis, hæredem Pacifici Pontii, & Piccaleæ,
Impressorem Archiepiscopalem, **Cum Privilegio,**

IN FESTO SANCTI RAPHAELIS ARCHANGELI.

Ingressa.

Tob.
c. 12.



Benedicite Deum Cœli, & coram omnibus viventibus confitemini ei; quia fecit vobiscum misericordiam suam.

Gloria in excelsis Deo &c.

Oratio super Populum.

Deus, qui nos beati Raphaelis Archangeli commemoratione lætificare dignatus es. tribue quæsumus: ut sempiterno ejus consortio perfrui mereamur. Per Dominum &c.

Lectio libri Tobîæ. Cap. 12.

IN diebus illis. Dixit Raphael Angelus ad Tobîam: etenim sacramentum Regis abscondere bonum est, opera autem Dei revelare, & confiteri honorificum est. Bona est oratio cum jejuniis, & eleemosyna, magis quam thesauros auri recondere; quoniam eleemosyna à morte liberat, & ipsa est, quæ purgat peccata, & facit invenire misericordiam, & vitam æternam. Qui autem faciunt peccatum, & iniquitatem hostes sunt animæ suæ; Manifesto ergo vobis veritatem, & non abscondam à vobis occultum ser-

monem. Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te. Et nunc misit me Dominus ut curarem te, & Saram uxorem filii tui à dæmomo liberarem. Ego enim sum Raphael Angelus, unus ex septem, qui adstant ante Dominum.

Psalm. Benedicite Dominum, omnes virtutes ejus: Ministri ejus, qui facitis voluntates ejus. **V.** Benedicite Domino omnia opera ejus: in omni loco Dominationis ejus benedic anima mea Dominum.

Epistola Beati Pauli Apostoli ad Hebræos. Cap. 1., & 2.

Fratres nonne omnes sunt administratorii Spiritus in ministerium missi propter eos, qui hæreditatem capient salutis? Propterea abundantius oportet observare nos ea, quæ audivimus, ne fortè perefluamus. Si enim, qui per Angelos dictus est sermo, factus est firmus, & præva-

prævaricatio, & innobedientia accēpit justam mercedis retributionem, quomodò nos effugiemus, si tantam neglexerimus salutem? Quæ cum initium accepisset enarrari per Dominum ab eis, qui audierunt, in nos confirmata est, contestante Deo signis, & portentis, & variis virtutibus, & Spiritus Sancti distributionibus secundum suam voluntatem.

^{Tob. c. 5.} Hallel. **V.** Missus est Angelus Domini Sanctus Raphael à Deo ad Tobiam, & salutavit eum, & dixit: Gaudium tibi sit semper. Hallel.

✠ Lectio sancti Evangelii secundum Joannem. *Cap. 5.*

IN illo tempore erat dies festus Iudæorum, & ascendit Jesus Jerosolymam. Est autem Jerosolymis Probatica Piscina, quæ cognominatur hebraicè Bethsaida, quinque porticus habens: in his jacebat multitudo magna languentium, Coecorum, Claudorum, Aridorum expectantium aquæ motum. Angelus autem Domini descendebat secundum tempus in Piscinam, & movebatur aqua. Et qui prius descendebat in Piscinam post motionem aquæ sanus fiebat à quacunque detinebatur infirmitate.

Antiphona post Evangelium.

Multos infirmos curasti, multi in infirmitate venerunt ad te, quos tu orando liberaisti Raphael Archangele,

Oratio super Syndonem:

Omnipotens, ac misericors Deus, qui beati Archangeli tui Raphaelis auxilio Tobiae visum restituere voluisti, præsta quæsumus: ut eodem nobis opitulante ab omni cæcitate mentis, & corporis liberemur. Per Dominum &c.

Offertorium.

Dixit Raphael Angelus ad Tobiam, quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos; * Ego obtuli orationem tuam Domino.

V. Benedicite Deum coeli, & coram omnibus viventibus confitemini ei, quia fecit vobiscum misericordiam suam. * Ego obtuli &c.

Credo in unum Deum &c.

Oratio super Oblatam.

Exaudi, Domine, preces nostras, & super hæc munera spiritum tuæ benedictionis emitte: & ut tibi grata, nobisque salutaria reddantur, concede, ut per manus Sancti Raphaelis Archangeli ante conspectum Divinæ Majestatis tuæ deferantur. Per Dominum &c.

Præfatio.

Æterne Deus: Te voce supplici obsecrantes, ut, qui Tobiam famulum tuum, beato Raphael Archangelo comite incolumem in itinere conservasti,

servasti, ita nos ejusdem præsidio ab hujus viæ periculis tuè-
ri, & ad Patriam perducere di-
gneris æternam. Per Christum
Dominum nostrum &c.

Confractorium.

In cordibus vestris adorare,
& timete Dominum; Angelus
enim eius vobiscum est;

Transitorium.

Ego sum Raphael Angelus,

unus ex septem, qui adstamus
ante Dominum.

Oratio post Communionem.

Profit nobis, quæsumus Do-
mine, Angelorum esca-
quam sumpsimus, atque ut no-
bis ad salutem animæ, & corpo-
ris proficiat, beati Raphaelis
Archangeli intercessio gloriosa
consequatur. Per Dominum
nostrum &c.

MISSA
SANCTI ANDREÆ
AVELLINI
CONFESS. SACERDOT.

SOLEMNE

DIE X. NOVEMBRIS.

Missa de Communi Confessoris Sacerdotis.

Sacerdotes ejus induam salutare, pag. 14. **præterquam ut infra.**

Oratio super populum.

DEus, qui in corde Beati Andreæ Confessoris tui, per arduum quotidie in virtutibus proficiendi votum, admirabiles ad te ascensiones disposuisti: concede nobis ipsius meritis, & intercessionem ita ejusdem gratiæ participes fieri, ut perfec-

tiora semper exequentes ad gloriæ tuæ fastigium foeliciter perducamur. Per Dominum nostrum &c.

Oratio super sindonem.

BEatus Sacerdos Andreas, qui Crucis tuæ, Domine Jesu, se totum affigens, propriæ semper obstitit voluntati, per hæc sancta Sacrificia nobis obtineat: ut desideria carnis crucifigentes in nobis, quæ tibi sunt placita jugiter exequamur. Qui vivis, & regnas cum Deo Patre in unitate Spiritus Sancti &c.

M I S S A
S A N C T I A N D R E E
A V E L L I N I
C O N F E S S . S A C E R D O T .
S O L E M N E

D I E X . N O V E M B R I S .

*Missæ de Communi Con-
fessoris sacerdotis.*
Sacerdotes eius inquam sa-
cra-
mentum nostrum &c.

Oratio super populum.

Beatus sacerdos An-
dreas, qui Cruci-
tus, Domine Jesu, se ro-
tum assignas, propius sem-
per ar-
bitur obsequi voluisti, per
hanc sanctam sacramentis nobis
ad-
optandis, ut desideris car-
nis cruci-
gentes in nobis,
disponisti: concede nobis
que tibi sunt placita iugi-
iter, & interces-
tor expediamur. Qui vivis,
regnas cum Deo Patre in
unitate spiritus sancti &c.

MISSA SANCTI RAPHAELIS ARCHANGELI

SOLEMPNE

DIE XXIV. OCTOBRI.

JUSSU

Eminentiss. & Reverendiss. D. D. **BENEDICTI**
tit. SS. duodecim Apostolorum S. R. E. Presbyt.
Card. **ODESCALCHI**, Sanctæ Medio-
lanensis Ecclesiæ Archiepiscopi.

NOVISSIME IMPRESSA:



MEDIOLANI, MDCCXXXIII.

Apud Benjamin de Sirturis, hæredem Pacifici Pontii, & Piccaleæ,
Impressorem Archiepiscopalem, **Cum Privilegio,**

IN FESTO SANCTI RAPHAELIS ARCHANGELI.

Ingressa.

Tob.
c. 12.



Benedicite Deum Cœli, & coram omnibus viventibus confitemini ei; quia fecit vobiscum misericordiam suam.

Gloria in excelsis Deo &c.

Oratio super Populum.

DEus, qui nos beati Raphaelis Archangeli commemoratione lætificare dignatus es. tribue quæsumus: ut sempiterno ejus confortio perfrui mereamur. Per Dominum &c.

Lectio libri Tobie. Cap. 12.

IN diebus illis. Dixit Raphael Angelus ad Tobiam: etenim sacramentum Regis abscondere bonum est, opera autem Dei revelare, & confiteri honorificum est. Bona est oratio cum jejunio, & eleemosyna, magis quam thesauros auri recondere; quoniam eleemosyna à morte liberat, & ipsa est, quæ purgat peccata, & facit invenire misericordiam, & vitam æternam. Qui autem faciunt peccatum, & iniquitatem hostes sunt animæ suæ; Manifesto ergo vobis veritatem, & non abscondam à vobis occultum ser-

monem. Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te. Et nunc misit me Dominus ut curarem te, & Saram uxorem filii tui à dæmomo liberarem. Ego enim sum Raphael Angelus, unus ex septem, qui adstant ante Dominum.

Psalm. Benedicite Dominum, omnes virtutes ejus: Ministri ejus, qui facitis voluntates ejus. **V.** Benedicite Domino omnia opera ejus: in omni loco Dominationis ejus benedic anima mea Dominum.

Epistola Beati Pauli Apostoli ad Hebræos. Cap. 1., & 2.

FRatres nonne omnes sunt administratorii Spiritus in ministerium missi propter eos, qui hæreditatem capient salutis? Propterea abundantius oportet observare nos ea, quæ audivimus, ne fortè perefluamus. Si enim, qui per Angelos dictus est sermo, factus est firmus, & præva-

prævaricatio, & innobedientia, accēpit iustam mercedis retributionem, quomodò nos effugiemus, si tantam neglexerimus salutem? Quæ cum initium accepisset enarrari per Dominum ab eis, qui audierunt, in nos confirmata est, contestante Deo signis, & portentis, & variis virtutibus, & Spiritus Sancti distributionibus secundum suam voluntatem.

^{Tob. c. 5.} **Hallel.** *Ps.* Missus est Angelus Domini Sanctus Raphael à Deo ad Tobiam, & salutavit eum, & dixit: Gaudium tibi sit semper. Hallel.

Lectio sancti Evangelii secundum Joannem. *Cap. 5.*

In illo tempore erat dies festus Iudæorum, & ascendit Jesus Jerosolymam. Est autem Jerosolymis Probatica Piscina, quæ cognominatur hebraicè Bethesda, quinque porticus habens: in his jacebat multitudo magna languentium, Coecorum, Claudorum, Aridorum expectantium aquæ motum. Angelus autem Domini descendebat secundum tempus in Piscinam, & movebatur aqua. Et qui prius descendebat in Piscinam post motionem aquæ sanus fiebat à quacunque detinebatur infirmitate.

Antiphona post Evangelium.

Multos infirmos curasti, multi in infirmitate venerunt ad te, quos tu orando liberaisti Raphael Archangele,

Oratio super Syndonem:

Omnipotens, ac misericors Deus, qui beati Archangeli tui Raphaelis auxilio Tobiae visum restituere voluisti, præsta quæsumus: ut eodem nobis opitulante ab omni cæcitate mentis, & corporis liberemur. Per Dominum &c.

Offertorium.

Dixit Raphael Angelus ad Tobiam, quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos; * Ego obtuli orationem tuam Domino.

Ps. Benedicite Deum cœli, & coram omnibus viventibus confitemini ei, quia fecit vobiscum misericordiam suam. * Ego obtuli &c.

Credo in unum Deum &c.

Oratio super Oblatam.

Exaudi, Domine, preces nostras, & super hæc munera spiritum tuæ benedictionis emitte: & ut tibi grata, nobisque salutaria reddantur, concede, ut per manus Sancti Raphaelis Archangeli ante conspectum Divinæ Majestatis tuæ deferantur. Per Dominum &c.

Præfatio.

Æterne Deus: Te voce supplici obsecrantes, ut, qui Tobiam famulum tuum beato Raphael Archangelo comite incolumem in itinere conservasti,

fervasti, ita nos ejusdem præ-
sidio ab hujus viæ periculis tuè-
ri, & ad Patriam perducere di-
gneris æternam. Per Christum
Dominum nostrum &c.

Confractorium.

Bar. c. 6. In cordibus vestris adorare,
& timete Dominum; Angelus
enim eius vobiscum est;

Transitorium.

Tob. c. 12. Ego sum Raphael Angelus,

unus ex septem, qui adistamus
ante Dominum.

Oratio post Communionem.

Profit nobis, quæsumus Do-
mine, Angelorum esca-
quam sumpsimus, atque ut no-
bis ad salutem animæ, & corpo-
ris proficiat, beati Raphaelis
Archangeli intercessio gloriosa
consequatur. Per Dominum
nostrum &c.

MISSA
SANCTI ANDREÆ
AVELLINI
CONFESS. SACERDOT.

SOLEMNE

DIE X. NOVEMBRIS.

Missa de Communi Confessoris Sacerdotis.

Sacerdotes ejus induam salutare, pag. 14. **præterquam ut infra.**

Oratio super populum.

DEus, qui in corde Beati Andreæ Confessoris tui, per arduum quotidie in virtutibus proficiendi votum, admirabiles ad te ascensiones disposuisti: concede nobis ipsius meritis, & intercessionem ita ejusdem gratiæ participes fieri, ut perfec-

tiora semper exequentes ad gloriæ tuæ fastigium foelicitè perducamur. Per Dominum nostrum &c.

Oratio super sindonem.

BEatus Sacerdos Andreas, qui Crucis tuæ, Domine Jesu, se totum affigens, propriæ semper obstitit voluntati, per hæc sancta Sacrificia nobis obtineat: ut desideria carnis crucifigentes in nobis, quæ tibi sunt placita jugiter exequamur. Qui vivis, & regnas cum Deo Patre in unitate Spiritus Sancti &c.

M I S S A
S A N C T I A N D R E E
A V E L L I N I
C O N F E S S . S A C E R D O T .

S O L E M N E

D I E X . N O V E M B R I S .

Missæ de Communi Con-
fessoris sacerdotis.

Sacerdotes eius inquam in-
terare, pag. 14. præcedunt

ut infra.

Oratio super populum.

Bene, qui in cor-
de Beati An-
dree Confes-
soris tui, per ar-
dua quotidie in virtutibus
prosequendi votum, ad-
optas: ut desideria car-
nalia ad te ascensionem
disponas: concede nobis
ipsius meritis, & interces-
sione ita ejusdem gratia
participes fieri, ut beatorum
sanctorum spiritus sancti etc.

Oratio super indonem.

Bene, qui in cor-
de Beati An-
dree Confes-
soris tui, per ar-
dua quotidie in virtutibus
prosequendi votum, ad-
optas: ut desideria car-
nalia ad te ascensionem
disponas: concede nobis
ipsius meritis, & interces-
sione ita ejusdem gratia
participes fieri, ut beatorum
sanctorum spiritus sancti etc.

MISSA SANCTI GABRIELIS

ARCHANGELI

SOLEMNE

DIE V. DECEMBRIS.

IUSSU

Eminentiss., & Reverendiss. D.D. **BENEDICTI**
tit. SS. duodecim Apostolorum S. R. E. Presbyt.
Card. **ODESCALCHI**, Sanctæ Medio-
lanensis Ecclesiæ Archiepiscopi.

NOVISSIME IMPRESSA.



MEDIOLANI, MDCCXXXV.

Apud Benjamin de Sirturis, hæredem Pacifici Pontii, & Piccaleæ,
Impressorem Archiepiscopalem, **Cum Privilegio.**

IN FESTO
SANCTI GABRIELIS
ARCHANGELI.

Luc.
1.

Ingressa.



Missus est Angelus Gabriel ad Mariam, Virginem desponsatam Joseph, nuncians Virgini: & expavescit Virgo de lumine. Ne timeas; invenisti gratiam apud Dominum. Ecce concipies, & paries Filium. & vocabitur Alissimi Filius.

Gloria in excelsis Deo &c.

Oratio super Populum.

DEus, qui inter ceteros Angelos ad annunciandum Incarnationis tuæ Mysterium Gabrielem Archangelum elegisti, concede propitius; ut, qui festum ejus celebramus in terris, ipsius patrocinium sentiamus in Coelis. Qui vivis, & regnas &c.

Commemoratio S. Dalmatii

Mart., & Pontif.

OMnipotens æpiterne Deus, qui Beato Dalmatio Martiri, & Pontifici tuo, non solum credere Unigenito Filio tuo, sed etiam pro ipso pati posse tribuisti, concede propitius: ut misericordiam sempiternam, pro qua ipse foeliciter dimicavit, nos quoque famuli tui percipere mereamur. Per eundem Dominum &c.

Lectio Danielis Prophetæ.

Dan. 9.

IN diebus illis: Ecce Vir Gabriel, quem videram in visione à principio, citò volans tetigit me in tempore Sacrificii vespertini. Et docuit me, & locutus est mihi, dixitque: Daniel, nunc egressus sum, ut docerem te, & intelligeres. Ab exordio precum tuarum egressus est sermo: Ego autem veni, ut indicarem tibi, quia vir desideriorum es: tu ergo animadverte sermonem, & intellige visionem. Septuaginta hebdomades abbreviatæ sunt super populum tuum, & super Urbem sanctam tuam, ut consummetur prævaricatio, & finem accipiat peccatum, & deleatur iniquitas, & adducatur justitia sempiterna, & impleatur visio, & prophetia, & ungatur Sanctus Sanctorum. Scito ergo, & animadverte: ab exitu sermonis, ut iterum ædificetur Jerusalem, usque ad Christum Ducem, hebdomades septem, & hebdomades sexaginta duæ erunt: & rursùm ædificabitur platea, & muri in angustia temporum. Et post hebdomades sexaginta duas occidetur Chri.

Christus: & non erit ejus populus, qui eum negaturus est. Et Civitatem, & Sanctuarium dissipabit populus cum Duce venturo: & finis ejus vastitas, & post finem belli statuta desolatio.

Luc. Psal. m. Ave Maria gratia plena, Dominus tecum.

V. Benedicta tu in mulieribus.

Epistola Beati Pauli Apostoli ad Hebræos. *Cap. 1., & 2.*

FRatres. Nonne omnes sunt administratorii Spiritus, in ministerium missi propter eos, qui hæreditatem capient salutis? Propterea abundantius oportet observare nos ea, quæ audivimus, ne fortè perefluamus. Si enim, qui per Angelos dictus est sermo, factus est firmus, & omnis prævaricatio, & inobedientia accepit justam mercedis retributionem: quomodo nos effugiemus, si tantam neglexerimus salutem? Quæ cum initium accepisset enarrari per Dominum ab eis, qui audierunt, in nos confirmata est, contestante Deo signis, & portentis, & variis virtutibus, & Spiritus Sancti distributionibus secundum suam voluntatem.

Luc. 1. **Halleluja. V.** Ego sum Gabriel Angelus, qui asto ante Deum, & missus sum loqui ad te. Hall.

Lectio sancti Evangelii secundum Lucam. *Cap. 1.*

In illo tempore. Missus est Angelus Gabriel à Deo in Civitatem Galilææ, cui nomen Na-

zareth, ad Virginem desponsatam Viro, cui nomen erat Joseph, de domo David, & nomen Virginis Maria. Et ingressus Angelus ad eam, dixit: Ave gratia plena, Dominus tecum: Benedicta tu in mulieribus. Quæ cum audisset, turbata est in sermone ejus, & cogitabat, qualis esset ista salutatio. Et ait Angelus ei: Ne timeas Maria; invenisti enim gratiam apud Deum: Ecce concipies in utero, & paries Filium, & vocabis nomen ejus Jesum. Hic erit Magnus, & Filius Altissimi vocabitur, Et dabit illi Dominus Deus Sedem David Patris ejus: & regnabit in domo Jacob in æternum, & Regni ejus non erit finis. Dixit autem Maria ad angelum: Quomodo fiet istud; quoniam virum non cognosco? Et respondens Angelus dixit ei: Spiritus Sanctus superveniet in te, & virtus Altissimi obumbrabit tibi. Ideoque, & quod nascetur ex te Sanctum, vocabitur Filius Dei. Et ecce Elisabeth Cognata tua, & ipsa concipit filium in senectute sua. Et hæc mensis sextus est illi, quæ vocatur sterilis; quia non erit impossibile apud Deum omne verbum. Dixit autem Maria: Ecce Ancilla Domini, fiat mihi secundum verbum tuum.

Antiphona post Evangelium.

Gabriel Angelus locutus est Mariæ dicens: Ecce concipies in utero, & paries Filium, & vocabis nomen ejus Jesum, **Ora-**

Oratio super Syndonem.

DEus, qui Angelo nunciante Mariam gratiâ plenam declarasti, præsta; ut eodem intercedente, de plenitudine gratiæ tuæ nos quoq; accipere mereamur. Per Dominum nostrum &c.

Commemoratio S. Dalmatii

Mart., & Pontif.

DEus, qui in Sancti Dalmatii Martyris, & Pontificis semper es meritis ubique mirabilis, quæsumus clementiam tuam: ut, sicut ei eminentem gratiam contulisti; sic ad consequendam misericordiam tuam ejus nos facias precibus adjuvari. Per Dominum nostrum &c.

Offertorium.

Ingresso Zacharia templum Domini apparuit ei Gabriel Angelus stans a dextris Altaris incensi.

Credo in unum Deum &c.

Oratio super Oblatam:

Accepta, Domine, sint munera, quæ tibi reverenter offerimus, & Gabriele Archangelo Interveniante ante thronum Majestatis tuæ in odorem suavitatis ascendant. Per Dominum nostrum &c.

Commemoratio S. Dalmatii

Mart., & Pontif.

Suscipe, quæsumus Domine, hoc Sacrificium populi tui, ut, quod in commemoratione Beati Martyris, & Pontificis tui,

Dalmatii offertur ad gloriam, nobis profit ad veniam. Per Dominum nostrum &c.

Præfatio.

Æterne Deus, suppliciter exorantes, ut, qui Sacratissimæ Virgini per os Gabrielis Archangeli divinæ Maternitatis gaudium annunciaſti; sic ejus adjuvantibus meritis adoptionis tuæ gratiam nobis impartiri digneris. Per Christum Dominum &c.

Confractorium.

Ingressus Gabriel Angelus ad Mariam Virginem dixit: Ave gratia plena Dominus tecum.

Transitorium.

Suscipe Verbum Virgo Maria, quod tibi à Domino per Angelum Gabrielem transmissum est.

Oratio post Communionem.

Sit nobis, misericors Deus salutare remedium esca celestis, quam de Altaris tui benedictione percepimus; & Beato Gabriele Archangelo adjuvante ad beatam corporis, & animæ immortalitatem proveniat. Per Dominum nostrum &c.

Commemoratio S. Dalmatii

Mart., & Pontif.

Quæsumus, omnipotēs Deus: ut munera divina, quæ sumpsimus, intercedente Beato Martyre tuo, & Pontifice Dalmatio salutare nobis præstent effectum. Per Dominum nostrum &c.

d glori
m. Per

suppl
qui Sa
s Gabr
atern
; sic
adopt
partin
Domi

n.
ngels
xit: A
s tecu

o Mari
per Ag
iffum

Deu
ca co
ibem
eatol
vante
maz

man

Dis
qua
em

not
col

Missale Ambrosianum

Mediolanum 1712

Res/2 Liturg. 182

urn:nbn:de:bvb:12-bsb10869665-9